



BIBLIOTECA NAZ.
Vittorio Emanuele III

XX

C

1

NAPOLI



GOTTLIEB GERH.
HARD TITULS.

Krügner, Sc. Lips.



GOTTLIEB GERHARD TITII, JCTI.
POTENTISS. POLON. REGIS ET ELECT. SAX. IN SUMMO
PROVOCATIONUM SENATU CONSILIARII, SUPREM. CUR.
PROVINC. ET FACULTAT. JURID. IN ACADEMIA LIPS.
ASSESSOR. ATQUE CODICIS PROFESS. PUBL.
ORDINAR.

J U R I S
P R I V A T I
R O M A N O -
G E R M A N I C I

EX

Omnibus suis partibus, puta Jure Civili, Eccle-
siastico & Feudali, hactenus separari solitis, secundum genuina
Jurisprudentiæ Naturalis Fundamenta compositi, a tricis & obsoleto Jure
purgati, ex necessario suppleti, ac Ordine naturali planoque, adjectis
etiam Summariis Capitum Statui Reipublicæ Germa-
nicæ attemperati

LIBRI DUODECIM,

QUIBUS

JURISPRUDENTIA PRIVATA GER-
MANICA USUI SCHOLARUM ET VITÆ
CIVILIS PROPIUS APTATUR.

EDITIO ALTERA

RERUM INDICE LOCUPLETIORE AUCTA.

L I P S I Æ,

Sumptib. Hered. FRIDERICI LANCKSII,
ANNO MDCCXXIV.

10

THE

THE

THE


THE

THE

THE

THE

THE



Lectori salutem.

Lexhibeo nunc illud opus, in quo qualescunque ingenii vires me aliquando esse periclitaturum, in *Præfatione Juris Ecclesiastici* dixi. Equidem tum temporis Doctrinam Juris Naturalis ei præmittere constitueram, sed uti liberi propositi nulla est obligatio, ita fuere rationes, quæ, ut prius huic labori manus admoverem, magis persvaserint. Num vero tardius, quam oportuerit, propositum executus sim, frustra-nea fuerit quæstio: Nihil enim promisi, aut saltem certi temporis sponsonem non iniî, imo si aliquid hujus rei a me factum esset, nullius tamen interfuit, ac nemo adeo promptissimum acceptavit, ut libera omnino hac in parte fuerint studia; etsi non difficulter rationes etiam suppeterent, quibus moram, si aliqua contracta existimari posset, excusare liceret. De *Scopo* potius, *Habitu* & *Ufu* hujus Scripti aliqua dicenda sunt, maxime cum consvetas *Syssystematum Juridicorum* regulas non fuerim secutus. Illum quod at-tinet, Jurisprudentiam privatam Germanicam *Ufui* Scho-larum & *Vitæ* civilis propius aptare intendi. Hoc dum
a 2 dico,

dico, credere me utique oportet, laudatam modo Jurisprudentiam in eo esse statu, ut scopo isti non satis accommodata censi queat. Non dissimulo hoc, etsi non nesciam, quam inclementi hæc res a nonnullis excipi soleat censura, maxime si meæ conditionis homines de ea loqui audeant: Sed cum licitum sit, hic sententiam dicere, ignavum fuerit, si in re licita, ex alieno pendere arbitrio, quam proprio indulgere genio malim: Ne tamen prolixa tractatione Lectoris tedium creem, statum Jurisprudentiæ germanicæ breviter repræsentabo. Ut mihi igitur, sine veritatis præjudicio, videtur, Jurisprudentia germanica privata, est distracta, sine ordine exhibita, statui generis humani ac Reipublicæ non attemperata, ex generalibus æquitatis fundamentis non deducta, adeoque sine genuina legum subordinatione tradita, variis rebus obsoletis & inutilibus repleta, necessariis vero destituta. Atque hæc vitia disciplinæ sunt. Præterea ipsæ leges, quibus utimur, suis quandoque laborant defectibus: Nam aliquando sine gravi causa libertas restringitur, ut in iis, quæ ex animi sententia & juxta naturalem rationem commode expediri poterant, cum metu & anxietate, legis positivæ præscriptum subditi sequi teneantur, ac sæpe, sine ulla prava intentione, in leges tanquam in laqueos incidunt: Nonnunquam leges sunt valde incertæ adeoque, Jurisprudentiæ dubiis opplendæ, peridoneæ, & licet forte unum aliquod tollatur, attamen, principio non remoto, plura velut renasci solent: Aliquando sanctiones positivæ cum rationibus conscientiæ seu legum divinarum per omnia satis conciliari nequeunt, ac in specie aliqua in iis occurrit inhumanitas vel durities, dum leve

erratum

erratum gravi dispendio coercent : Denique leges quandoque scopo suo non sufficiunt, sed languidæ nimis ac inefficaces deprehenduntur. Atque hæc incommoda in iis legibus, quæ rationem administrandæ justitiæ dirigere debebant, præcipue occurrere, facile intelligunt ii, qui, præjudiciis bona fide sepositis, ea, quæ quotidiana suppeditat experientia, serio expendunt. Quodsi hisce vitiis accedat in Scholis perversa docendi ratio discendique tædium, ac ignavia ; in vita civili ignorantia legumque neglectus ; in foro denique impudentia & improbitas, tum facile patet, quantopere per hæc jurisprudentia graviter jam decumbens affligi & pessumdari queat ; & licet hæc hominum vitia sint, attamen negari nequit, quin morbidus Jurisprudentiæ status eadem velut provocet aut facile saltem admittat. Atque ex his ultro intelligitur, qua ratione Jurisprudentia emendanda mihi esse videatur : Tollenda scilicet sunt vitia Disciplinæ & Legum, atque ita vitiis hominum, quantum fieri potest, etiam occurrendum. Quo loco observari meretur, duplicem esse Jurisprudentiæ emendationem ; *privatam* & velut præparatoriam, quam privatus instituit, ac *publicam* solidamque, quæ publicis auspiciis suscipitur. Nam sane etiam homini privato vitia Disciplinæ tollere, ac Legum notare licet ; Sed Imperantis autoritate & ductu leges, parum recte se habentes, etiam corrigi, ac tota Disciplina ad regulas artis certius pleniusque revocari potest, quo ejus decreta commode doceri & disci, in vita civili observari, ac lites exortæ, secundum illa, promte valideque componi queant. Sicut autem morbi inveterati repentinis & vehementioribus re-

mediis statim tolli non possunt, sed lenioribus potius sensim expellendi sunt, ita Jurisprudentia Germanica etiam fortiora remedia non admittere, sed successive sanitati restituenda esse videtur, adeo ut in quibusdam morbi partibus etiam longiora temporis intervalla fortassis admittenda sint. Hoc autem commodissime fieri posse videtur, si privato labore graviora Disciplinae vitia tollantur, id quod etiam æquitas quodammodo exigit, ut, cum ex scholis disciplinarum corruptio non raro soleat habere originem, ibi quoque earum emendandarum fiat initium. Illud nihil referre videtur, siue unus siue plures huic rei manum admoveant, nisi quod plures opus quidem maturare queant, at e contrario, si non valde consentiant, sed ingenio, affectibus & studiis diversi sint, laborem æqualem per omnia præstare non possint. Præparatae ita Juris Disciplinae si manum medicam, vel statim vel post aliquod tempus adhibere Imperanti fuerit visum, Viris cordatis, expertis & quorum rationes morbo Jurisprudentiæ statui non sunt innexæ, id negotium committendum erit. Hi igitur si privati laboris errata, hinc inde forte intercurrentia, emendarent, omissa supplerent, adeoque plenioris artis habitum Jurisprudentiæ circumponerent, denique vitia legum tollerent, ac imprimis involutam nimis procedendi rationem, ad æquitatis & simplicitatis naturalis terminos revocarent, de quo specialius dicere, jam quidem haud consultum arbitror, dubitandum non est, quin Jurisprudentia tam in Scholis quam in Foro, ingenuam magis liberalemque sit exhibitura faciem. Emendata publicis auspiciis Disciplina, vitia hominum Scholastica & forensia, ac in specie artem legu-

judicio tamen, siue potius ex arbitrio, Grotii cujusdam, Bezae, Clerici, Millii & similium, sint reselandae? Quo demum iudice ac definitore lis ista, de hujus vel alterius lectionis ἀυθεντία dirimetur, ut fide divina, omnisque dubitationis nescia, in decisione ejus tuto acquiescas? & quo constabit sponse, quod duobus & tribus contigit commatibus, idem ne usu venerit sexcentis aliis, MSS. quorundam auctoritate sollicitatis? Annon, si hoc largiamur, II. herbam porrigere Pontificiis, iisdemque dare cogemur quod contendunt, ad definiendam, figendamque certam Scripturae S. lectionem, ecclesiae requiri auctoritatem, Romanamque curiam suis egregie prospexisse filiis, quando & canonem librorum sacrorum exacte constituerit, & lectionem, Vulgatam interpretationem in ἀυθεντίας solium evehendo, in tuto collocarit, omnique controversiae praesciderit ansam? In hoc quippe commento mirifice sibi plaudit & triumphos agit, eruditus ille impostor, Joann. Morinus, (m) cui quidem satagere nemo feliciter poterit, qui supra memoratam ὑπόθεσιν susceperit ac tueatur. Impari- bus certe armis, hac ipsa praepeditus causa, congressus cum eo Millius, (n) dubiam haud uno in loco reliquit palmam. Etsi enim parum proficiat conducti- tius ille Vulgatae versionis patronus, si paulo curatius, & iusta lance momenta ejus ponderentur, fucum ta- men facit imperitis, quoad variantium lectionum

b

copia

(m) Exercitat. Bibl. II. tota.

(n) Prolegom. 1322. seqq.

copia & pondere opprimi patiamur tritam textus sacri vulgaremque λέξι. III. Qvonam porro tibiae suffulciatur fides eorum, qui tot in medio positis lectionum divitiis, quamnam ceteris præferre, quam primam & Apostolicam, quas interpolatas pronunciare, in numerato non habent? Qvotus enim quisque ex lectoribus sacri codicis, lingvarum etiam originalium peritis, eo pollet acumine, doctrinae apparatu, Critices sacrae instructu, ut certo, & citra hesitationem, ipse valeat definire, qua lectione sit standum? Autoritati ergo Critici cujusdam, quem emunctæ naris credideris, vel doctoris ecclesiæ, ita te docentis, vel ordinis integri aut cœtus, ita legendum definientis, decisio tam ardua ac sublimis quaestionis erit committenda. Ast cum videas, viros in hac palæstra exercitatissimos, in diversa invicem abire, Erasmo dicam scribere Bezam, Complutensibus derogare Stephanos vel Aldum, Hugoni Grotio contradicere Dan. Heinsium, Millio non convenire cum Jo. Clerico, Bentlejum discedere ab omnibus, quo demum se verter mens pia, in ancipiti posita, & inter tot viros graves, subactique ingenii censores arbitrari nescia, vel non ausa? Annon fluctuatione agitabitur perpetua, in capitibus doctrinae vel cultus præcipuis, nec reperiet unquam, ubi pedem figat? Vel si demum, sive in suomet ipsius, sive in aliorum quorumcunque acquiescat judicio, annon hoc pacto omnis ejus fides in humanam tandem, & fallacem, aut omnino dubiam recumbet

bet auctoritatem? Quod quam alienum a veræ religionis indole, quam periculosum, & salutis mortali-um fraudi sit, nemo non intelligit, me non monente. IV. Sed & elabendi rima quibusvis aperietur hæreticis, qui testimonia illa, quibus urgetur vel maxime, ac proscribitur ipsorum *παραγγλία*, diversa laborare lectione, incerta & lubrica esse, nec recte se habere, in promptu habebunt causari. Hac fini, Marcionem cum asseclis, temerarias exemplaribus sacris intulisse manus, Ebionitas Nazaræorum jactasse Evangelium, hæreticos alios falsatis usos fuisse codicibus, qui suo patrocinentur errori, historia testis est ecclesiastica, & Romanenses Vulgatæ tantum statuisse pretium, experientia loquitur quotidiana. V. Atque sic omnis demum evanescet & in fumum abit religionis Christianæ certitudo, si tam lubrico innixa fundamento, huc illuc vacillare necesse habeat. Aliam enim, unde promanaverit, originem, aliud, quo se tueatur, præsidium, alium, unde hauriatur, fontem, præter Scripturam Sacram, eamque novi cum primis Instrumenti, ignorat. Hujus autem lectio si tam vaga fuerit, instabilis ac anceps, hinc inter varios nutans codices, hinc inter diversas fluctuans versiones, hinc denique dispari omnino verborum habitu ac tenore, a patribus primitivæ ecclesiæ ad posteros propagata, & ad nostram transmissa ætatem, hinc denique speciosis adeo Criticorum conjecturis sollicitata & in discrimen vocata; quis, bone

Deus, eadem, tanquam Achille suo, niti, quis omnem hujus & futuræ vitæ salutem eidem committere, quis totus ab illa pendere auit? Idem profecto fecerit, ac

*qui fragilem truci
Commisit pelago ratem
primus.*

Inde, quam sobrie & caute in hac quæstione versandum, quamque medio inter Scyllam & Charybdim itinere sit navigandum, ne vel oraculis divinis vim faciamus, vel Criticorum, quin imo adversariorum ludibrio nos, una cum religione sanctissima exponamus, ad oculum cuius patet. Velut itaque, quæ nobis mens sit ac sententia, circa varias veteris Instrumenti lectiones, alias edisseruimus (o) ita, quid de iisdem, in Novo Fœdere obviis, dicendum censeamus, qua par est modestia, & citra ullius insectationem, breviter nunc exponemus. Non eo consilio, ut totum hoc Critices latifundium exhauriamus, quod & a paginarum angustia, & ab instituto nostro, est alienum: sed ut tyronibus viam monstremus, qua incedendum, & lectores pios præmuniamus, ne lectionum diversitate induci se patiantur, de codicis Novi Test. sinceritate sinistri quid suspicandi.

Primo quidem varias in Græco N. T. textu lectiones occurrere, nec eundem prorsus habitum ac modum

(o) In programme inaugurali, Professioni Publ. Ord. Lingvæ S. Ao. 1719. præmisso, & in *Critica Sacra, Vet. Test. P. I. cap. VII.*

dum codices omnes, sive manu exaratos, sive typis excusos servare, nemo facile negabit, qui diversas ejusdem mutuo contenderit editiones. Probamus catenus, quæ scripsit Millius (p): *Nulla jam ab omni Christianissimi ævo exemplaria N. T. usquam extabant, Apostolorum autographa ipsa si exceperis, in quibus describendis haud subinde cespitarint librarii. Prospexit ecclesia Deus de Apostolis, errare nesciis ac θεοπνεύστοις, qui traderent nobis doctrinam Evangelicam; non item de librariis ἀναγραφῆτοις, qui ipsorum monumenta describerent. Et licet providentia Dei hætenus quidem invigilatum sit, ne in articulis fidei, aliisque ad salutis summam facientibus, laberentur; (in his enim codices omnes conveniunt, & si forte locus aliquis, qui summi momenti esse videtur, uni, alteri, seu etiam quamplurimis codicibus exciderit, (id quod non nisi in uno loco factum, quod viderim) idem tamen quoad sensum alibi inculcatus occurrit; ut proinde neutiquam inde periclitetur Christiana veritas) in aliis tamen passim, & haud leviter subinde, lapsos eos cernimus. Res ipsa loquitur, fidemque asserto facit duplex illa Milliani Novi Test. editio, in qua ad singula fere commata notatas reperies lectionum discrepantias, sive jure ac merito dictas, sive gratis in illarum numerum ac censum relatas. Nec est, ut ea propter de integritate textus N. T. actum jam & con-*

clamatum esse, vel vereantur imperiti, vel triumphant Anti-Scripturarii, cum quæ in singulis non datur illibata textus puritas, proster tamen in pluribus mutuo collatis editionibus, quarum una juvat, emendat, & perficit alteram; ut destituti licet MSS. codicibus, in impressis tamen exemplaribus textum habeamus integrum ac intemeratum, qualis ab Apostolorum manu in autographis fuit consignatus. Modo de variantibus rite judicetur lectionibus, de quibus, in immensum fere cumulum hodie auctis, vix dextre recteque sententiam ferre queas, nisi in certos illas dispecscueris ordines, & classes. Ubi placet Ludolphi Küsteri distinctio (q), ut quatuor variarum lectionum statuatur genera; 1. falso ita dictarum, siue quæ tales quidem videntur, at revera non sunt, 2. dubiarum, 3. vere quidem talium, sed nullius momenti, 4. vere itidem talium, sed alicujus, vel magni momenti, quæ curatiorem poscunt discussionem. Ad primam classem manifesta pertinent scribarum errata, malitiosæ hæreticorum fraudes, quas primitivæ ecclesiæ doctores, Tertullianus, Origenes, Hieronymus, aliique studiose detexerunt & annotarunt, & præposteræ sciolorum curæ, qui quæ non assequebantur satis, emendare aggressi, unum vel alterum codicem suum mendis contaminarunt. Ad secundam præcipue referendæ sunt citationes illæ Patrum, de quibus exploratum non est, utrum fide & auctoritate

(q) In præfat. ad N. T. Millii.

re codicis alicujus veteris nitantur, an vero conceptæ tantum sint verbis, quæ memoria forte citanti suggererat, aut etiam, quæ data opera, ad præstitutum sibi autemperabant scopum. Ad *tertiam* illæ spectant, quæ variorum MSS. probæ notæ semet tuentur auctoritate, omnes tamen in eundem recidunt sensum, ut quæcumque elegeris, nihil in diversum discesseris ab altera lectione. Ita v. g. Act. XX, 28. ἐκκλησίαν, sive legas cum pluribus editionibus τῷ Θεῷ, sive cum nonnullis τῷ Χριστῷ, sive cum aliis τῷ κυρίῳ, perinde omnino ei fuerit, cui non læva mens est, licet in verbis proxime sequentibus, sinistre acceptis, latere fraus queat, si vocem Θεῷ ideo cum Χριστῷ, vel κυρίῳ appellatione permutaveris, ne sanguinem Dei pro ecclesia fufum asseruisse videatur Scriptura. Sic Matth. V, 24. parum refert, sive legas διαλλάγηθι, sive καὶ διαλλάγηθι, rursus, utrum ἐλθὼν, an προσελθὼν, item πρὸς Φερε, sive πρὸς Φερεῖς. Pariter c. IX. 18 ταῦτα αὐτῷ λαλῶντος, an λέγοντος mox, ἄρχων ἐλθὼν, an ἄρχων εἰς ἐλθὼν, vel denique ἄρχων τις ἐλθὼν. Item, quando singularis, cum numero plurium, eadem tamen vi ac significatione, permutatur, ut æque noter, sive Matth. III, 8 καρπὸς ἀξίος, an καρπὸν ἀξίων c. XIII, 4 καὶ ἦλθε, an καὶ ἦλθον τὰ πετεινά, legas. Cujus generis in discrepantiis longe plurima pars Millianæ συλλογῆς versatur. Ad *quartam* tandem, pauca admodum revocari merebuntur, quæ potissimam requi-

runt attentionem & curam. Præterea quoque cautio singularis adhibenda est circa fontes, ex quibus variæ lectiones corrasæ promanarunt. Aliæ quippe ex MSS. vetustis ac probis codicibus, quos in prolegomenis Millius & Küsterus ordine per censuerunt, collectæ; aliæ ex versionibus exsculptæ; aliæ ex Patrum monumentis erutæ; aliæ demum, ex uno Critici cujusdam ingenio profectæ, deprehenduntur. His ita præmissis, quid sentiendum sit de singulis, paucissimis complectemur observationibus.

(I.) Quæ veterum codicum auctoritate nituntur lectionis varietates, si Articulum fidei concernant, aut sensum reddant dubium, & momentum aliquod involvant, tamdiu secundum regulas cum Hermenevticas, tum Criticas, sunt examinandæ & ponderandæ, donec de lectione, quæ sensui maxime & τῇ συναφείᾳ respondet, seu divina, simus convicti. Vix gravior alia hic datur controversia, quam de loco vexatissimo 1. Joh. V, 7. quem in utramque partem ita ventilavit Millius, ut quod addi possit, nihil fere reliquum fecerit, attamen ad eum modum, ut αὐθεντίας dicti, quam tuetur ipse, vix satis muniverit contra objectiones, quas prodissentientium parte allegavit; verum, si addantur illi, quæ novissime ex nostris, vir ap-
prime doctus, D. Frid. Ernest. Kettnerus ὁ μακαρίτης (r) ex Reformatis autem Gallis, Martinius (s) pro
asse-

(r) In *historia dilii* 1. Joh. V, 7. Lipsiæ 1713. (s) dans *ses deux dissertations Critiques*, à Utrecht, 8. 1717.

asserenda hujus oraculi auctoritate ac origine, in medium attulerunt, absque ulla hesitatione illud pro authentico habebitur ac divino. Haud proletaria quoque lectionis dissimilitudo occurrit Rom. V, 14. inter affirmantem sententiam ac negantem, negative *μὴ ἀναγρήσας*, legentibus codicibus omnibus, negationem autem expungentibus Patribus nonnullis, unde lectioni constanti codicum nostrorum convicium facere ausus est Morinus. Sed operose illam ac solide, cum *ad h. l.* tum *prolegom. 1318*. Millius adstruxit, & in tuto collocavit. Ita etiam fidem commatis 4. cap. V. Joh. de angelo, statis temporibus ac vicibus de cælo descendente, & aquam piscinæ Bethesda turbante, ex silentio veterum MSS. in dubium vocant Millius (r) & Küsterus (u): ille quidem suspicatus, irrepsisse eam ex Evangelio secundum Hebræos: verum in illo Evangelio lectam unquam fuisse hanc de piscina miraculosa historiam, nullo demonstrare potuit vel idoneo teste, vel documento. Æque se res habet cum historia adulteræ Joh. VIII, 3. sqq. quam supra redigimus: sed utramque pericopam, innumere codicum suffragio sussultam, propter unius vel alterius codicis silentium aut lacunam, non patimur expungi. Notabilem perquam passionis Servatoris nostri actum, de sanguinis sudore, & Angelo Christum confortante, ad olivetum, a Luca c. XXII, 43. sq.

c

memo-

(r) *Prolegom. 433.* & *not. ad h. l.*
liana.

(u) *Prefat. edit. Mil-*

memoriæ traditum, multi codices ignorant Græci ac Latini: quam tamen lectionem genuinam ac sinceram esse, Millius plus vice simplici (x) asseruit, & unde ortum trahat expunctio, docuit post Erasmum. Et sic in ceteris ejus generis oraculis, lectionis differentia sollicitatis, præsto semper sunt, cum codicum testimoniumque auctoritates, tum rationes ex ipsa textus compage, vel locis parallelis, vel fidei petita analogia, quæ constantem lectionem, quam hodie tenemus, valide confirmant, ut nullum monstrari possit exemplum lectionis ancipitis, quæ alicujus sit momenti, circa quam jure hæsitare queat docilis ac pius lector. (y)

(II.) E Patrum primitivæ ecclesiæ monumentis, diversimode scripturæ allegantibus verba, constans sollicitari & in dubium vocari lectio non debet, cum non in doctorum lucubrationibus, frustulatim Scripturam, & sæpe vix centesimam ejus partem complexis, sed in apographis codicis sacri, verbum suum, ad omnium seculorum posteritatem, transmittere Deus voluerit. Unde Christus Judæos, non majorum, vel doctorum suorum commentaria, sed τὰς γραφὰς ἐρᾶν jubet (z) & palmarium religionis dogma discipulis suis expositurus, incipiens a Mose, & omnibus Prophetis, solam ipsis declarabat Scripturam divinam de Messia. (a) Patres certe sacras literas neglectius fere,

ex

(x) *Prolegom.* 797. 798. 799. & *ad b. l.* (y) Singula loca graviora, cum cura discussit & vindicavit, Dan. Whitby, in *Examine Var. Lect. Millii, Lib. II. cap. I. p. 28. seqq.* (z) Joh. V, 39. (a) Luc. XXIV, 27.

ex memoria, & ad sensum ut plurimum, non autem ad exemplarium suorum fidem allegasse, quod paulo ante monuimus, licet neget ac perneget Millius, ne operæ, in Patrum volvendis operibus collocatæ, pretium ac fructum perdat; copiose tamen adversus ipsum adstruxit, & insigni exemplorum sylva munivit Dan. Whitby (b) clarissime demonstrans, quam parum præsidii germana Scripturæ lectio in veterum doctorum reperiat scriptis. Habent equidem interdum testimonia Patrum usum suum in lectione genuina confirmanda, ubi vel de variante aut corrupto exemplari monent cavendo, vel contra unius aut alterius codicis auctoritatem, tritam lectionem tuerentur. Hinc laudatus VWhitby (c) regulam ponit, non contemnendam: *ubi Patrum multi, nullo refragante, cum versionibus antiquis, & codicum MSS. majori parte, in una lectione conveniunt, eam lectionem certo genuinam pronuncio.* Sic ad Matth. I, 23. contra complures editiones, in singulari legentes καλέσεις, tritam pluralis lectionem confirmat Chrysostomus: ἐκ εἶπε, καλέσεις, ἀλλὰ καλέσασιν οἱ ὄχλοι· τῷτ' ἐστὶ, καὶ ἡ τῶν πραγμάτων ἑκβασις. Pariter, quando Matth. IV, 10. plurimi habebant, ὑπάγε ὀπίσω μου, Origenes in h. l. tritam lectionem stabilit; ὑπάγε Σατανᾶ· ἡωρὲς ἦς, ὀπίσω μου, προοδήκης. Contra vero ea, quan-

c 2

do

(b) In Exam. P. I. cap. 1. 1010.
item §. 7.

(c) In Prefat. cit. Exam.

do Patrum plurimi, Origenes, Theodoretus, Ambrosius, Vigilius, Fulgentius, Hebr. II, 9. loco *χαρις θεῶν*, legunt *χαρὶς θεῶν*, nihil derogat illorum consensus codicum nostrorum integritati, quam & contextus, & res ipsa probat: ut taceam, alteram illam lectionem hæreticorum perversitati favere, quod egregie docuit ad h. l. Millius.

(III.) E versionibus quibus demum cunque, contra receptam & constantem textus originalis lectionem, sententia ferenda nunquam est, cum nec lingvæ diversæ tam exacte sibi respondeant, ut quod hujus idiomatis vocabulo quodam indicatur, hoc præcise, nec alio Synonymo, exprimi ac reddi poterit verbo Græco; nec interpretum industria, lingvarum peritia & ingenii sagacitas, adeo curate & circumspicte versata sit in omnibus, ut fontium emphasin, *βαθος*, & proprietatem in translatione usque assecuta fuerit; nec versionibus, vel divina sic adygilaverit *πρόνοια*, ac textui authentico, vel humana adhibita fuerit cura vel religio tanta, ac tabulis divinis. Varii sunt, nec unius generis fontes, ex quibus *παρομοία*, glossæmata, lacinix aut mutilationes, multo proclivius in translationes promanare potuerunt, quam in textum originale. Sæpe enim interpres, mentem divini scriptoris minus dextre assecutus, perperam reddidit: interdum proprietatem, aut pondus sententiæ, una voce se redditurum diffusus, pluribus est elocutus: nonnunquam

quam, ut clariorem textui lucem affunderet, glossa margini allevit, vel intra lineam insarfit, quod libratorum imperitia, vel oscitantia, posthac in textum irrepsit, unde translationis redundantia; aliquando, quæ reddere commodè nunc nesciebat, in aliud differens tempus, resarciendum omitebat, hinc ortæ lacunæ. Quæ singula exemplis evicit laudatus sæpius VWhitby (d) & otium hac parte nobis fecit. Ubi ergo versiones pro genuina & in codicibus nostris obvia stant lectione, testium locum sustinebunt; illamque suo contra adversariorum calumnias munient suffragio; aut ubi ab illa desectunt, tantæ auctoritatis non sunt, ut actionem contra textum sustineant integritatem.

(IV.) Ex uno Critici ingenio profecta lectionis variatio, consensu MSS. vel paucorum, vel nullius prorsus suffulta, explodenda merito ac repudianda est, quanta demum cunque se specie commendet. Sic in editione N. T. ex officina Jo. Billii A. 1622. in 8. in Anglia procurata, quæ subnexas sibi annotationes quasdam Jos. Scaligeri, & H. Casauboni exhibet, Marc. IX, 49. pro eo, quod in codd. omnibus legitur, *πᾶς γὰρ πυρὶ ἀλιθῆσεται*, Scaliger legendum contendit, *πᾶσα πυρὶ ἀλιθῆσεται* *omne sacrificium salietur, & holocaustum salietur.* juxta Lev. II, 13. sibi que mirifice in hac lectione placet; quam licet speciosam satis emendationem, co-

dicum tamen fide destitutam, suo quidem merito Millius (e) proscriptit. Crucem usque fixit eruditus, locus *δυσνόητος* Gal. IV, 24. 25. cui veteres nonnulli medelam, aut levamen se paraturos crediderunt, si verba, *τὸ γὰρ Ἀγὰρ*, expungerent. Aliam autem ingressus viam, Criticorum nostra ætate doctissimus juxta ac audacissimus, Rich. Bentlejus in *Epist. ad Joh. Millium*, subjuncta *Historia Chronica Joannis Malala p. 96. sq.* conjectat, e regione verbi *Σινᾶ* adnotasse olim quempiam, enarrationis causa, *Σινᾶ ὄρος ἐστὶν ἐν τῇ Ἀραβίᾳ*. ea vero verba, non multo post, ut sæpe usu venit, de libri margine in orationem ipsam irrepsisse: nam Apostoli quidem ea non esse, sed *παρεμβεβλημένα*, ex ipso statim vultu & colore, totiusque adeo corporis filo, cognosci posse. Hinc particulam δὲ post vocem *συνοιχεῖ*, paucorum quorundam MSS. consensu expungit, & verba: *τὸ δὲ Ἀγὰρ συνοιχεῖ τῇ νῦν κ. 7. λ.* ita permutat: *τῇ δὲ Ἀγὰρ συνοιχεῖ ἡ νῦν κ. 7. λ.* Tantum autem abest, ut calculum doctorum viro- rum tulerit hæc interpolatio, ut Vir Celeberr. Herm. VVitsius potius, peculiari in h. l. *de monte Agar* dissertatione, §. XI. *sqq.* (f) vehementer illam exagitaverit, & constantem editionum omnium asseruerit lectionem. Ejusmodi licet exemplis admonitus, sibi tamen adeo non temperavit Millius, quo

(e) *Prolegom.* 1301.
146. *sqq.*

(f) *Miscellan. Sacror. Tom. II. pag.*

quo minus nimis audacter ac temere, ex suomet ingenio, textum refingeret interdum, varieque tentaret. Hac fronte Matth. III, 12. verba, ἐν πυρὶ, ex Evangelio Lucæ, sive etiam in textum tam Lucæ, quam Matthæi irrepsisse, eaque propter delenda (g) pronunciat. Matth. V, 22. vocem, εἰκὴ, scholion esse perhibet, e margine codicis alicujus in textum admissum, vetustum tamen, & quod Apostolicorum pene temporum codices invaserit: v. 27. expungit τοῖς ἀρχαίοις, quasi additum ex v. 21. rursusque v. 44. illa omnia, εὐλογεῖτε τὰς καταρωμένους ὑμᾶς, καλῶς ποιεῖτε τὰς μισῶντας ὑμᾶς, ex Luc. VI, 28. huc traducta esse nullus dubitat, quia in versionibus oppido paucis, & apud Patres nonnullos omissa deprehenduntur: c. VI, 1. pro ἐλεημοσύνην, legimavult δικαιοσύνην, cum pro certo habeat, Matthæi πρὶν sic reddidisse hoc loco interpretem, ἐλεημοσύνην autem, e margine codicis cujusdam, in textum irrepsisse: eadem audacia v. 13. δοξολογίαν cum voce Ἀμήν, orationi Dominicæ subjunctam, ex Matthæo exulare jubet: cap. X, 8. verba, νεκρὰς ἐγείρεῖς, auctoritate codicum quorundam, qui non habent, expungit, rationem subjiciens, cum neminem, ante Christi resurrectionem, ab Apostolis viva redditum legamus, probabile esse, adjectum hoc aliunde (scil. ex Matth. XI, 5.) Et quidem ab ipsis pene Christianismi primordiis, de quibus tamen adeo

adeo sentit honorifice, ut alias (b) testetur, *apographa*, quotquot extabant, illa *perquam fideliter & accurate descripta* servasse. Ecclesia enim, quam Apostoli voluminum horum heredem, ut ita dicam, scripsere, hoc tempore, teste Hegefippo, (i) viro ex Apostolorum successoribus primario, ob incorruptam ejus & integram in fide perseverantiam *παρθένος καὶ ἀγῶν καὶ ἀδιαφθόρος* titulo insignita erat, nullis hucusque *ἀνομιῖς μάλιστα* lesa ac contaminata. Idem porro Matth. XVII, comma 21. integrum expungit: *neque quidem*, inquit, *hujus Evangelistæ est*, licet hic sedem occupet in omnibus propemodum libris nostris: sed Marci solius, quod ostendit canon Eusebianus: quasi nimirum Eusebianis numeris potior constet fides, quam codicibus tam impressis, quam MSS. omnibus. Pari fiducia cap. XVIII, 35. verba: τὰ παραπλῶματα αὐτῶν, quæ in not. ad h. l. retinere svaluerat, Prolegom. 1194. tanquam ex margine textui intrusa, obelo configit. Matth. XXIII, comma 13. ex Marco & Luca huc transmisisse perhibet librariorum: c. XXV, 13. verba, ἐν ᾗ ὁ τοῦ ἀνθρώπου ἐρχεται, in archetypo hujus Evangelistæ

(b) Prolegom. 247. (i) Apud Euseb. lib. III. H. E. c. 32. & lib. IV. c. 22.

angeli locum habuisse negat: (k) *appositam autem hanc clausulam censet; forsan ex c. 24, 44. a digestoribus lectionum ecclesiasticarum, quarum una ad hunc locum finita est, ne alias nimis abrupta videretur sententia:* quæ adeo futilis est ratio, ut nihil supra. Matth. XXVII, 35. verba, ἡ ἀπληρωθῆ, & quæ sequuntur, usque ad finem versus, ad marginem annotata ex Joh. XIX, 24. in textum admittisse arbitratur librarios. Eadem licentia per totum grassatur codicem sacrum: quin eo usque progreditur, ut Matth. XXVII, 9. memoria lapsum dicere Evangelistam non vereatur, Jeremiæ nomen loco Zachariæ ponentem: unde, qua religione versatus sit in divinis istis monumentis Millius, æstimare licet.

(V.) Trita & constans codicum nostrorum lectio tamdiu tenenda, premendaque est, donec sphegmatis aut corruptionis, non modo a probæ notæ MSS, verum etiam per subsidia hermenevtica rite adhibita, liquido vincatur. Unde in iis locis, ubi idem prorsus ac illibatus persistit in diversis lectionibus sensus, quales supra citavimus, suo lector quisque stet codice, nec inter diversas fluctuet lectiones, quæ unum omnes idemque significant. Non quasi lectiones istæ diversæ, omnes æque sint primitivæ ac genuinæ, quarum non, nisi una, in autographis obtinuisse potuit: sed quod fides lectoris, non

d

in

in sono vocis, sed in sensu recumbit, qui si idem ex variis vocabulis enascatur, parum refert, utrum hanc teneas, an alteram, utrum in singulari, an in plurali, utrum verbo simplici legas, an composito. Librariorum vero, aut hypothetarum menda, quæ in variantium lectionum censum venire, supra negavimus, nihil prorsus moretur ingenuus & pius lector, neque demum Criticorum circumagi judiciis se patiatur, quando violentas textui inferre tentant manus. Sæpe namque videas nomina personarum vel locorum propria mirè variare in codicibus, v. g. Matth. VIII. 28. loco γερεσηνῶν alios habere γαδαρηνῶν, alios γερασηνῶν c. XI, 21. χοραζίν & Βηθσαϊδῶν, legere χοροζαίμ, χωραζήν, imo divise χώρα Ζίν, & Βηθσαϊδᾶ, v. 23. pro καπερναῦμ ponere καφαρναῦμ. Cap. XIII, 55. pro Ἰωσῆς, Ἰωσήφ & Ἰωάννης. c. XV. 39. pro Μαγδαλᾶ, μαγαδάν & μαγηδάν. c. XXI. 1. pro Βηθφαγῇ, Βηθσφαγῇ, nec non Βηθσφαγῇ καὶ Βηθανίαν, & sic in sexcentis aliis: ubi menda scribæ facili negotio deprehendere, & ex castigatioribus libris emendare licet. Quando etiam Lud. Küsterus (1) Matth. XXVI. 60. posterius ἐχ' εὔρον, tanquam otiosum, unius codicis auctoritate expunctum cupit, non est, cur ei cedamus: nec non, quando Ma. c. VII, 2. verba ἰδέσιν ἀνίτοις, scholion redolere, & ex margine in textum irrepsisse contendit. Lectio enim, quæ tot seculis suum tuita est locum, & ve.

& velut possessionis titulo gaudet, ac codicum consensu firmatur, unius vel alterius sive interpretis, sive Critici, sive MSS. quoque codicis suffragio, temere impugnatur.

Sed in his evolvendis ne diutius moras nec tam, otium mihi fecit *Vir Celeberr. & de republica literaria bene merentissimus, Commentationis hujus Critica Auctor*, qui in his, aliisque id genus questionibus discutiendis, cum cura versatus est. Quod enim in destinatis ipse habebam, cum *Introductionem* meam in *libros Bibl. Vet. Instr.* publici juris fecissem, ut pari ratione ac methodo, sanctissimam Novi Fœderis monimenta percererem, atque sic, quod fieri in tanta brevitate liceret, absolutum in totum codicem sacrum darem opus, quod tyronibus aditum velut referaret, & quæ ad ἐξωλέγειν ejus cognitionem faciunt, confertim exhiberet, id posthæc aliis prohibitis negotiis & curis, tamdiu seponere & missum facere sum coactus. Netamen imperfectum maneret opus, quidquid est hujus instituti, Vir summe Reverend. & lubens in se suscepit, & accuratissime ac fide tanta aggressus est expedire, ut hoc nomine ecclesiæ pariter, ac studiosæ Juventuti, cui dicatus hic labor est, gratulari habeam, Deumque precer immortalem, ut vitam ipsi, otium, laborumque optatissimos largiatur successus, quo per singulos eundo Novi Fœderis libros, pari dexteritate ac fide, quæ huc pertinent, expromere, ecclesiæque juvare commoda

valeat. Ita spero futurum, ut post b. VValtheri *officinam Biblicam*, pius s. literarum lector in hac tractatione omnia sit reperturus, quæcunque vel ad historicam, vel criticam librorum Θεοπνεύτων notitiam, vel ad vñdicias, vel ad œconomiam, vel ad alia spectare possint momenta.

Quod superest, *genua flecto mea ad Patrem Domini nostri Jesu Christi, ut det nobis Spiritum sapientia & revelationis, per agnitionem ipsius, illuminatis oculis mentis nostræ, ad sciendum, quæ sit spes illa vocationis ipsius, & quæ opes gloriæ hereditatis ipsius in sanctis, & quæ sit supereminens illa magnitudo potentia ipsius, in nobis, qui credimus, pro efficacitate roboris virium ipsius: Ei autem, qui potest virtute omni re excellentiore id facere nobis, & plus quam petimus aut cogitamus, secundum virtutem suam, quæ agit in nobis: ei sit gloria in ecclesia ejus per Jesum Christum, in omnes atates multorum sæculorum,*
Amen.

IMMANUEL !
LECTORI BENEVOLO
salutem precatur auctor.



Ostquam laudabilis mos in nostro invaluit archi-gymnasio, ut singulis lectionibus publicis, iisque matutinis, caput biblicum præmitteretur, mei Antecessores id dederunt operam, ut caput prælectum variis notis illustrarent. Quorum vestigiis ego jam ultra vicennium insistens, prælectum hætenus Scripturæ caput non variis tantum notis, iisque philologicis, exegeticis & polemicis illustravi, ususque practicòs eliciui, sed etiam, ut prælectum caput, & ad illud adnotata eo melius memoria tenerentur, illud ex Jo. ABRAHAM KROMAYERI dispositionibus memorialibus disposui. Ne autem tempus hac lectione biblica consumeretur omne, plurimæque sine adnotationibus dimitterentur, sub Novi initium Testamenti cepi, pro re nata, aliquot tantum versus adnotare, reliquis in sequentes lectiones reservatis, unde unum caput plus una simplici vicè solet prælegi. Majorem, quem inde speravi, Deo sit laus! in meis auditoribus observavi fructum. Quotiescunque etiam novus erat incipiendus liber Biblicus, præliminares, quæ in illius lectionem introducerent, ejusque auctorem tum primarium, tum secundarium, canonice auctoritatem, testimonium de Christo (in Veteris Testamenti libris) stilum, argumentum, scopum, & aliquod dictum, in vita,

et in morte nobis præ aliis utile, sisterent, præmissi quæstiones. Jam quidem eas in lucem proferendi, ab eo tempore semper fuit animus, cum autem nil novi heic, sed quæ alii viri eruditi, philologi juxta ac theologi, quippe ex quibus mea desumpseram, jam diu suis propalarunt scriptis, essent producenda, fui a proposito absteritus. Tandem tamen cum viderem, viros & theologos eruditissimos, inque his maxime reverendum dominum D. Jo. GOTTL. CARPZOVIVM, philologum & theologum Lipsiensem celeberrimum, patronum nostrum non sine grato animo memorandum, majorum suorum vestigia cum laude prementem, suam introductionem ad libros historicos, poeticos & propheticos bibliorum Veteris Testamenti, non sine magno fructu, in publicam produxisse lucem; cogitavi, annon e re studioz nostræ esset juventutis, si ego, pro virium et si modulo, tentarem, qualemcunque isagogen ad Novi Testamenti libros per publicarum modum dissertationum foras dare. Periculum feci, & per aliquot tentamina, quæcunque *ad rem criticam, historicam & chronologicam* Novi Testamenti pertinere videbantur, cum meis studiosis communicare cepi. Mens etiam erat, telam exorsam pertexere amplius, & auditorum nostrorum usui dicare unice. Quum autem viderem, hanc qualemcunque nostram opellam præter meritum exteris placere, & quamvis nondum ad finem perductam, hinc inde in libris & dissertationibus adlegari; viri etiam celeberrimi me sollicitarent, ut peculiari tractatu, paullo uberius distinctiusque elaboratam, quantocyus ederem, quippe non sine usu futuram; mihi sui persuadere passus. Sisto ergo tibi, lector benevole, hanc meam *commentationem criticam ad libros Novi Testamenti in genere, in qua de Novi Testamenti generali inscriptione sive titulo, auctoribus principali & minus principalibus, genuinis & pseud-evangelis, evangelistarum insignibus, apostolis eorumque veris & spuris, ipsius etiam Salvatoris & Mariæ scri-*
ptis,

ptis, materia ex qua & circa quam, forma, sensu nempe, stilo & lingua, fine, librorum divisionibus & dispositione externa, epistolis canonicis sive catholicis, chronologia, divisione in capita & versus, distinctionibus per accentus, commata, cola & puncta, itemque in pericopas evangelicas & epistolicas, canonica auctoritate, codicibus, variantibus lectionibus, versionibus, Veteris Testamenti in Novo adlegationibus & commentatoribus, prolixè, & quanta potuit fieri diligentia, agitur. Noli autem, lector benevole, existimare, mea esse, quæ sunt heic proposita; sunt potius maximam partem, immo fere omnia ex aliorum scriniis, quod ingenue fateor, quæque bona fide adlegavi, compilata. Neque tamen heic locorum, ubi extra bibliopolia vivere debemus, habere potui, quæ volui, sed aliunde mihi sivi adportari. Immo ne sic quidem fui ubique voti compos factus, dum frustra in exteris bibliopoliis libros sæpius quæsi. Factum hinc, ut non ea, quæ ipse & optavi, & argumenti dignitas postulavit, potuerim accurate pertractare omnia, neque ipsos libros evolvere, sed eorum adlegatione, ab aliis facta, debuerim esse contentus. Sicuti in argumento de Novi Testamenti versionibus JACOBI LELONG bibliothecam potissimum adhibere debui, Kortbolto, Huetio, Simonio & Hodio non suppetentibus. Veniam ergo, lector benevole, sicubi erravi, errasse autem me, qui homo sum, negare nolim, dabis facile. Meliora si in amore monueris, cum gratiarum actione monita agnoscam, & minus recte posita emendabo. Sicubi etiam a celeberrimorum virorum sententiis heic discesserim, mihi id vitio eos non esse versuros, spero, quum summam ubique, sicuti par fuit, adhibuerim modestiam. Interim non eruditus, sed studiosus hæc scribere volui. Apud quos si hic qualiscunque meus labor adplausum fuerit inventurus, Deusque vitæ usuram longiorem & constantem valetudinem concessurus, argumentum hoc, eundem libris Novi Testamenti in specie, persequar, specialem

com-

commentationem in lucem protrahatur. *Meas. intermi-
 siones theologicas per mensuras, ut vocant, dissertationes, loco
 de statu integritatis mox ad finem perducto, jam ab aliquo tem-
 pore continuare incepti, nec, si ita Deo visum fuerit, desistant, dum
 fuerint absolute.* Deum ter optimum, terque maximum pre-
 cor, velit hanc meam opellam sua benedictione dignari, ut
 vergat in sui nominis gloriam, novi sui fœderis qualem-
 que illustrationem, studiosæ juventutis commodum, & ad
 diligentem librorum Novi Testamenti lectionem inci-
 tamentum. Vale, lector benevole, in
 Domino.





LIBER PRIMUS

CAPUT I.

DE JURISPRUDENTIA PRIVATA ROMANO-GERMANICA AC SCRIPTORI- BUS EO PERTINENTIBUS.

SUMMARIA.

- Jurisprudentiæ varietas & connexio §. 1.
Sub particulari continetur Germanica, quæ in
publicam & privatam distinguitur §. 2.
Hæc conjunctim explicari debet §. 3-4.
Tripliciter illa accipitur §. 5.
Jurisprudentiæ, pro cognitione acceptæ, defi-
nitio §. 6.
Genus §. 7. Subjectum §. 8.
Objectum §. 9. Principia §. 10.
Ratio acquirendi §. 11.
Contraria §. 12. Finis §. 13. 14. 15.
Ordo §. 16. 17. Tractandi modus §. 18.
Certitudo §. 19.
Jurisprudentia pro habitu accepta quid §. 20.
Ad eam præcedentes partes fere etiam quadrant
§. 21.
Jurisprudentiæ systematicæ definitio §. 22.
Quæ ex præcedentibus illustratur §. 23.
Mentalis & systematicæ comparatio §. 24-25.
Hæc in Academiis recte docetur §. 26.
Et quidem à Jûdis §. 27.
Ejus à Jure publico discrimen §. 28. 29. 30.
In ea tractanda, ad leges extraneas solet respici
§. 31.
- Instituti hujus incommoda §. 32. 33.
Ratio tractandi melior §. 34.
Magnus Cultorum numerus §. 35.
Interpretis libertas §. 36. 37.
Conjunctæ tractationis utilitas §. 38.
Jurisprudentia, quatenus ecclesiastica est, quæ-
dam ex aliis disciplinis præsupponit §. 39.
Ac triplicis generis est §. 40.
Nec debet cum Theologia confundi §. 41. 42.
Disciplinæ Jurisprudentiæ fundantes & adju-
vantes §. 43.
Tempus docendæ Jurisprudentiæ §. 44. 45. 46.
Ejus morbi §. 47. 48.
Emendatio §. 49. Utilitas §. 50.
Scriptores sunt præparatorii & principales §. 51.
Hi, systematici, singulares & subsidarii §. 52.
Notitia Scriptorum duplex §. 53.
Solida qua ratione acquirenda §. 54.
In Scriptoribus spectanda methodus §. 55.
Materia §. 56.
Decisio §. 57.
Modus proponendi §. 58.
Applicatio generalis §. 59. 60. 61. 62. 63. 64.
65. 66.

§. I.



Urisprudentiam in genere, esse vel *Universalem*, vel *Particularem*, ex statu Generis humani, legibusque, quibus homines reguntur, ultro liquet. Utriusque indolem in PROLEGOM. ad *Pufendorf. de O. H. & C.* exposui, quæ explicatio hic præsupponitur. De cætero utraque eodem ordine proponi potest, imo debet, nisi quod posterior, ob prolixitatem suam, in partes separari soleat,

cum prior unâ serie proponi queat.

§. 2. Particularis totuplex est, quot numero sui juris civitates occurrunt. Sub ea igitur etiam *Romano-Germanica* continetur, quæ in *Publicam & Privatam*, ac hæc rursus in *Civilem*, *Feudalem & Ecclesiasticam*, distingui solet. Prima distinctio, necessaria est, cum enim status Germaniæ sit valde involutus, ideo merito seorsim expenditur ac adeo à Jurisprudentiâ Privatâ, Publica separatur, cujus indolem & placita in SPECIM. JUR. PUBL. ROMANO-GERM. breviter exposui.

§. 3. Sed ulterior Jurisprudentiæ Privatæ distinctio fieri quidem potest ac ipse jus Feudale & Ecclesiasticum in SPECIM. JUR. FEUD. & ECCLESIAST. seorsim explicavi, attamen illa non est necessaria, imo conjuncta expositio id commodi habet, quod nonnullorum repetitionem, in separata tractatione faciendam, evitare liceat, denique separatio, quatenus non aliud fundamentum, quam tria illa Jura extranea, Romanum, Canonicum & Feudale, præsupponit, plane improbari debet.

§. 4. Quicquid sit, mihi jam totam Jurisprudentiam Germanicam privatam, non tantum uno contextu proponere, sed & statui Germaniæ propius attemperare, ac legum Extranearum, ac præcipue Romanarum, verum habitum & usum libere ostendere propositum est. Primò ratione consuetudine id jubente, indoles Disciplinæ est explicanda, adeoque ea, quæ de Jurisprudentia Feudali & Ecclesiastica alibi seorsim dixi, ad totam Jurisprudentiam privatam applicari, magisque, prout conditio Objecti exposcit, excoli debent.

§. 5. Ad exemplum cujusvis Jurisprudentiæ, etiam Germanica privata triplici modo supponi potest: (1) pro legum privatarum, in Germania valentium, notitiâ, (2) pro habitu eas intelligendi, (3) pro legum illarum aut

aut etiam doctrine inde concinnatæ complexu seu systemate; nam triplicis hujus suppositionis, aliquoties jam inculcatæ, me nondum pœniter, cum sine ea indoles disciplinæ hujus solide intelligi nequeat.

§. 6. Primo sensu, est *legum Germanicarum privatarum cognitio, habilibus mediis eoque acquisita, quo eâ uti, ac hac ratione virtutis studium, & felicitatem Reipublice temporalem promovere queamus*, nam ex legitimo scopo, non abusu, rei alicujus indoles æstimanda, de cætero hoc respectu, *Notitiæ, Scientiæ vel Artis titulus*, optime ei convenit.

§. 7. Dicitur *cognitio*, quo nomine adeo quicquid scitu est necessarium, comprehenditur, hinc non tantum huc pertinet *interpretatio & applicatio legum*, quibus vulgo omnem Jurisprudentiæ ambitum metiuntur, sed & *actionum humanarum, legum, rerum moralium, justitiæ & injustitiæ, imo ipsius interpretationis & applicationis cognitio*, quæ sub illa non continetur. Spectatur autem illa cognitio vel in *possessione*, vel in *usu*, hæc illius *finis & effectus* est, nam ideo leges in Germania occurrentes cognoscimus, quo illa cognitione in scholis, vita civili vel foro utamur.

§. 8. Inhæret illa cognitio *menti humanæ*, & consequenter *hominibus*, ac omnes quidem Germaniæ Subditi eatenus leges Germanicas callere debebant, quatenus illæ regendis actionibus propriis, maxime frequentibus, requiruntur, sed in plerisque maxima est ignorantia, cujus rei causa à legum multitudine, confusione nimiaque nonnullarum subtilitate, præcipue dependet. Quia autem professio studio legum notitiam sibi comparant, illi *Jurisperiti, Consulti aut Prudentes*, audiunt, quibus etiam cura legum docendarum & applicandarum, ab Imperante concedi solet. De cætero memorati Tituli diversum cognitionis gradum arguunt, interim ille promiscue usurpari solet, cui maxima dignatio inesse censetur, imo non infrequens est ut Leguleji, Rabulæ & legales Grammatici, titulo læti superbiant.

§. 9. *Objectum* hujus Cognitionis sunt *Leges privatae Germanicæ* i.e. in Germania auctoritatem habentes, & nihil refert, si sint, quoad originem, *divinæ vel humanæ, expressæ vel tacitæ*; A notissimo autem discrimine, distinguuntur illæ in *domesticas*, quæ ab ipsis Germanis sunt conditæ, & *Extraneas*, quæ alibi natæ, in Germaniam sunt receptæ, quo pertinet Jus *Canonicum, Romanum & Feudale Longobardicum*, de omnibus suo loco explicatius agemus; in genere recte dici possunt

civiles i. e. ab Imperio civili auctoritatem habentes. Sicut autem sub legibus, *res & affectiones morales*, velut effectus, continentur, ita *personas earumque actiones*, ut & *res*, quarum intuitu leges aliquid disponunt, huc etiam pertinere, manifestum est: leges & res morales, sunt objectum Jurisprudentiæ *formale & proprium*, personæ & res, *materiale & commune*.

§. 10. Acquiritur legum Germanicarum privatarum cognitio per *Rationem*, commune illud omnium disciplinarum humanarum principium & subjectum, ex *promulgatione*, dum Imperans vel expresse leges dat, vel à subditis factas approbat, vel alibi natas expresse aut tacite admittit, vel etiam dum ex iis omnibus scripta conficiuntur. De cætero solo illo principio, Ratio niti potest, si subditis saltem legum observantia inculcanda sit, aut si Imperantibus veritas, in doles aut justitia earum nonnunquam demonstrari debeat, ad ultimum legum privatarum principium recurrendum est.

§. 11. Quo autem cognitio illa solide acquiratur, requiritur, (1) *nativa mentis bonitas*, (2) ut *animus genuinis juris naturalis principiis & historiæ legalis cognitione probe sit preparatus*, quibus si accedat (3) *studiorum adminiculantium ac imprimis juris publici notitia*, tum eo solidius certiusque legum privatarum cognitio acquiri poterit. His præsuppositis vel accedentibus, memoratam modo cognitionem præstat *diligens legum Germanicarum privatarum tractatio*, quæ summam *theoria & praxi*, seu *meditatione & usu* absolvitur. Ad Theoriam pertinet *lectio, institutio, doctrina*, & quæ præcedentium est complementum, *propria meditatio*. Praxis vero consistit in *legum ad casus eventientes applicatione*, quam quis vel ipse facit, vel expertis intelligit.

§. 12. Cognitionem igitur impediunt (1) *naturalis stupor*, (2) *negligentia*, (3) *vana doctrina*, (4) *perversa docendi discendique ratio*, (5) *defectus solidæ praxeos*. Ex quibus ultro liquet, sicut alias, ita etiam in cognitione legum Germanicarum privatarum dari gradus, eosque satis notabiles, prædiversa scilicet *præsuppositorum, studiorum adminiculantium, modi acquirendi, & impedimentorum* conditione.

§. 13. Cognitionis *Finis* est triplex (1) *ut illa utamur*, quod fit, dum vel leges alios docemus, vel casus in vita civili occurrentes juxta illam decidimus, & utrumque quidem vel viva voce, vel in scriptis, diversimode iterum se pro scopo scriptoris, habentibus. Nam aliquando

do singularia tractantur, dum controversia aliqua disceptatur & componitur, aliquando verò plures leges conjunctim explicantur, aut, conatu operosiore, totus legum privatarum apparatus, idque vel breviter, vel prolixè, exhibetur: Prius, ad forum, posterius, ut & doctrina, viva voce, peragenda, ad scholas pertinet, illud regulariter magis lucrosum, hoc magis tædiosum & difficile esse solet.

§. 14. Ex his liquet, quod legum privatarum *interpretatio & applicatio*, recte pro *sine & effectu* aut *operatione* Jurisprudentiæ habeatur, nec tamen illæ omnem hujus usum exhauriunt, v. §. 7. Cum porro cognitionem legum privatarum ideò acquiramus, quo *muneri publico* præesse, vel, in genere, vitam *honesto modo* transire liceat, hinc hæc etiam pro *sine*, cognitioni illi *implicito*, non tamen Jurisprudentiæ privatæ *proprio*, sed cuivis potius arti nobiliori, *communi*, haberi possunt.

§. 15. Postea laudatæ Cognitionis scopus est, ut (2) *eidem actiones nostras attemperemus, quo ita virtus vigeat*, ac hac ratione (3) *Reipublicæ Germanicæ tranquillitas & felicitas promoveatur*. Intendit autem Jurisprudentia *externum* quoddam virtutis exercitium, *precipiendo* ac *pœnas minando*, v. l. 1. §. 1. de J. & J. sed *internum & sublimius*, non quidem negligere, at *suvadendo* saltem eò conniti debet, vis enim, scopo illi producendo, est inidonea. Interim sæpe contra hoc, ex imprudenti zelo vel malitia, peccatur, dum excitandæ veræ cognitioni & pietati, violenta remedia adhibentur. Virtus etiam *externa sublimior*, extra actionem & pœnas, constituta esse solet.

§. 16. Jurisprudentiæ Germanicæ privatæ *Ordo*, ex *Objecto* quoque oritur, hinc fabulæ, de methodo quadam synthetica vel analytica, integræ doctrinæ applicanda, cessare debent v. ART. COGIT. c. 15. §. 8. *seqq.* De cætero sicut, Ordinem Jurisprudentiæ Universalis & Particularis in genere, conspirare debere, §. 1. b. admonui, ita, in specie, Jurisprudentia Germanica, pro captu suo, illi attemperanda est. Jurisprudentiæ Universalis Ordinem, in PROLEG. ad Pufend. de O. H. & C. §. 24. *seqq.* delineavi. Juxta hanc igitur delineationem, etiam Jurisprudentiæ privatæ Germanicæ, duæ partes generales constituendæ erunt, *Preliminaris* quæ indolem illarum rerum, quæ per universam Jurisprudentiam se diffundunt, explicet, & *Principalis*, quæ argumentum legum, in Germania valentium, tradat.

§. 17. In prima itaque parte agendum est de actione humana, le-

gibus Germanicis, jure & obligatione, actionum humanarum moralitate, ac speciatim de delictis eorumque pœna, de actionibus forensibus nec non de interpretatione & applicatione legum. Quando harum rerum cognitione animus imbutus est, tum recte, ad cognoscendum legum Germanicarum argumentum seu tenorem, progreditur, hinc pars altera, sive principalis existit, quæ in genere ostendit, quod *leges Germanicæ varia jura & obligationes hominibus tribuant ac imponant, præterea modum jura contra invitos sibi afferendi determinent*. Summatim igitur pars principalis duobus capitibus constat, quorum alterum *jus constitutum*, alterum *jus processu legitimo obtinendum sive juris afferendi modum* exhibet. Utrumque, præcipue tamen prius, late patet, ac, prout natura objecti & status Reipublicæ Germanicæ exigat, repræsentari debet, quod qua ratione nobis peragendum videatur, re ipsa in sequentibus ostendemus.

§. 18. Id autem in genere tenendum, quod in omni Jurisprudentia Germanica, ita nos versari oporteat, ut, præsuppositis generalibus, specialia tractentur, hinc in primis ex legibus divinis conclusiones magis speciales eliciendæ, ac cum legibus humanis, ad negotia civilia applicandæ sunt. Quam tractandi rationem Autores juris Romani ejusque Interpretes sæpe negligunt, dum generalissima de Jurisprudentia, legibus, jure naturali & Gentium nec non de iustitia afferunt, atque ita conceptus legulejos, qui ex pygmæo gigantem, ex disciplina speciali, generalem effingere solent, satis produunt.

§. 19. Datur etiam in Jurisprudentia Germanica aliqua *Certitudo*, quoad facta tamen humana & leges positivas, sæpe saltem *Probabilitas* occurrit. Imo cum in Germania plures leges, antiquæ & novæ, domesticæ & extraneæ reperiantur, atque hinc sat gravis disciplinæ morbus existat, ideo, hoc certitudinem sæpe impediri, negandum non videtur. Quod si tamen calculum recte subducas, cum plerisque incertitudinis speciebus, ne præsentī doctrinæ noceant, transigi posse videtur, vel enim occurrunt dubia (1) *historica* aut (2) *Critica* quæ ad disciplinam legalem non adeo pertinent, vel saltem usum præsentem impedire nequeunt, vel (3) de *valore* aut (4) *sensu legum* ambigitur, quibus incommodis sua decisione Imperans mederi potest.

§. 20. Jurisprudentia Germanica privata habitualiter accepta *vid.* §. 6. est *Habitus mentis, leges privatas, in Germania valentes, resque*

iis connexas, vite intelligendi, ad obtinendos fines antea indicatos, hoc sensu titulus *prudentiæ, aptitudinis* vel etiam *artis* ei optime convenit. Mens humana, leges Germanicas nativa quidem vi intelligit, sed habitus ei superinductus efficit, ut eo promptius & certius illas intelligere possit. Atque de hoc habitu vulgo fere tantum loquuntur, quando Jurisprudentiæ indolem exponunt, quod insufficientem hujus rei cognitionem arguit, nisi forte hoc nomine tam habitum, quam cognitionem, adeoque totam Jurisprudentiam mentalem intelligunt.

§. 21. Inhæret habitus hic *Menti*, hinc etiam huc pertinent, quæ §. 8. diximus, versatur quoque circa *Objectum*, quod §. 9. retulimus, eodem porro *principio demonstrandi*, quod §. 10. relatum est, nititur, amplius illis *mediis*, quæ §. 11. 12. commemoravimus, acquiritur, *finem* denique, §. 13. 14. 15. indicatum, intendit, hæc enim omnia Cognitioni & Habitu sunt communia. Id præterea observandum, quod Habitus cum notitia legum simul acquiratur, semel autem acquisitus cognitionem amissam vel oblitteratam restituat, aut acquisitam augeat, nam sola cognitio debilis est, & facile perit, sed habitus menti superinductus, tenacior est, mentemque, ad recuperandam augendamque notitiam, aptam reddit.

§. 22. Cognitione legum, & habitu acquisito, varie nos uti posse & debere, ex §. 13. 14. 21. patet. In specie igitur vel Legislator, vel homines privati, cognitionem suam scripto committunt, ex quo oritur Jurisprudentia Germanica, systematice accepta, *vid. §. 5.* quæ est *complexus legum privatarum in Germania valentium, aut doctrinæ inde compositæ, eo fine concinnatus, ut cognitionem necessariam inde hauriant ii, qui legibus illis vivunt, atque ita reliqui fines §. 13. 14. 15. indicati sequantur.* Hoc sensu, nomen *Codicis Legum*, aut *Discipline* vel *Doctrinæ*, ei rectissime tribuitur.

§. 23. Consistit adeo Jurisprudentia Systematica ex legibus Germanicis, aut doctrina inde confecta, hinc quæ de earum subjecto §. 8. indole §. 9. cognoscendi principiis §. 10. mediis acquirendi §. 11. 12. fine §. 13. 14. 15. ac in primis ordine §. 16. 17. 18. & certitudine §. 19. diximus, illa omnia etiam huc applicari possunt. Quoad *finem* tamen specialiter adhuc notandum, quod Jurisprudentiæ Systematicæ *finis proximus*, sit *Jurisprudentia pro cognitione & habitu supposita*, nam eo fine systemata conficiuntur, ut cognitio legum, habitusque leges recte

recte intelligendi, acquiratur, hoc autem obtento, reliqui fines, §. 13. 14. 15. laudati, sequi debent.

§. 24. Licet autem *Jurisprudentiæ Systematicæ* finis, aliquando sit *Jurisprudentia mentalis*, adeoque illa, hac sit prior, attamen pro diversitate respectuum, illa quoque *hujus* potest esse finis, adeoque ea posterior, nam aliquando ex notitia oritur Scriptum, & hoc, notitiæ conservandæ & acquirendæ causa conficitur, hinc unum intendit alterum, & utrumque diverso respectu causâ & effectus est.

§. 25. Interim sicut in genere *Jurisprudentia mentalis*, natura sua prior est *Systematicâ* & *Scriptâ*, ita idem in specie dicendum de *Jurisprudentia Germanica privata*, nam prius Germani intellectu tenuerunt quasdam leges, & vel communia *Rationis* dictamina, antequam ea *Scripto* complexi sint, inprimis cum *Scripta* in genere illis olim non valde fuerint usitata. Postea ex intellectu in *Scripta*, ac ex his iterum in illum, *Jurisprudentia Germanica* redacta est, qua vicissitudine, hodiernum quoque durante, aliquis *Artis* habitus, sed adhuc valde imperfectus, nec facile ad perfectionem deducendus, ei circumpositus est.

§. 26. Sicut autem *Jurisprudentia Systematica* ab Imperante confecta majoris est autoritatis, eâ, quæ à privato conficitur, ita deinceps nonnulla commemorabimus, quæ, si non unice, certe primario ad posteriorem pertinent. Et primo quidem dubium non est, quin *Jurisprudentiam Germanicam privatam*, in *Academiis* tractare liceat, de quo alias, quoad *Publicam*, sed sine ratione, dubitari solet.

§. 27. Deinde cura concinnandæ docendæque *Jurisprudentiæ privatæ*, iis, qui *JGi* audiunt, demandari solet, hoc enim respectu, nulla ipsis movetur controversia, quamvis quoad *Universalem* in genere, & *Particularem publicam* aliud obtineat, dum utramque *Philosophi*, quos vocant, sibi etiam asserunt. Mihi in ejusmodi contentionibus, magis *humanitatis*, quam *instituti cujusdam humani* ratio habenda esse videtur, sed voluntas Imperantis, si accedat, hic merito observatur.

§. 28. Licet *Jurisprudentiæ privatæ* Objectum, ceu §. 9. diximus, sint *Leges privatæ*, attamen quæ tales proprie sint, & quibus adeo limitibus, studium *Juris Privati* & *Publici* discernatur, non adeo liquidum est, certe *Scriptores*, qui allatum discrimen agnoscunt, imo se id observaturos fatentur, re ipsa limites illos valde turbant. Mihi ita vide-

videtur: Leges, quæ subditos constitutos, quam splendidæ etiam sint conditionis, concernunt, sunt privatæ, adeoque ad Jurisprudentiam privatam spectant.

§. 29. Porro Imperantes, juxta respectum privatum, puta ut mariti, domini, patres, tutores, testatores, contrahentes, delinquentes & litigantes, spectati, legibus privatis vivunt, adeoque ad privatam juris disciplinam referri debent, quamvis quædam eorum conditio, sit velut mixta, adeo ut ejus intuitu, ad jus publicum quoque pertineant, nam v. g. Imperantes etiam quales, contrahere, tutores dare, testari vel delinquere possunt.

§. 30. In specie quoad Principes Imperii Germanici, aliosque Proceres, qui superioritate territoriali gaudent, observandum, quod aliquando solum ut *privati*, aliquando insuper ut *subditi* considerari queant. Primo respectu saltem subsunt legibus privatis *divinis*, secundo vero, etiam *humanis*, sic matrimonia, tutelæ, testamenta, contractus & delicta Statuum Imperii Germanici, saltem ex jure divino æstimare par est, nam licet heic ut privati spectentur, attamen conditio imperandi præsupponitur, sed quoad processum & pœnas, leges quoque humanæ auctoritatem habent, nam hoc respectu, pro imperio, Respublica Germanica aliquid in eos decernere potest, adeoque illi subditorum loco sunt. vid. SPECIM. JUR. PUBL. l. i. c. i. §. 42. seq.

§. 31. Solent autem, in tradenda Jurisprudentia Germanica privata, leges Extraneæ, ac præcipue, Romanæ fundamenti loco supponi, quod institutum licet ea ratione defendi posse videatur, quod leges illæ, communia legum naturalium decreta contineant, eademque negotiis humanis applicent, adeoque non immerito pro fundamento habeantur, attamen ratio illa, institutum hoc non satis tueretur, sed id potius improbandum est, cum ista docendi ratio non leviter invehit incommoda, ex quibus nonnulla, prout succurrent, breviter indicabo.

§. 32. Primo jura illa extranea, non exhibent disciplinam accurato ordine, ac, intra suos limites, contextam, sed confusum potius aliquod chaos sistunt; Deinde Statui Germaniæ haud conveniunt, adeoque à tractatione legum utilium abducunt non tantum, sed &

varia præjudicia ingenerant: Inprimis tertio, dum omnia ex illis, ac præcipue jure Romano, repetuntur, ratio & congenita ejus dictamina velut opprimuntur, ut ea, quæ omnibus hominibus communia sunt, à Romanis dependere, fere existimetur, imo eousque Legistarum insania procedere solet, ut communia ratiocinandi principia, aliasque veritates, propriis suis principiis suffultas, ex Legibus Romanis deducat.

§. 33. Oppressi ita Ratione quarto naturalia & positiva ac Romanis propria, eadem classe censentur, & omnia, pro legibus primariis & fundamentalibus, habentur, cum tamen positiva illa, juris saltem subsidiarii rationem habeant, præterea quinto leges corruptæ, papatum similia vitia continentes, in censum legum utilium admittuntur. Non minus etiam sexto ista docendi ratio necessitatem, obsoletas leges tractandi, introducit ac laborem in immensum auget, curam vero legum Germanicarum excolendarum fere expungit, aut saltem efficit, ut parum cogitationum Germanarum, legibus illis, ab hominibus Germanis plerumque impendatur, & si quæ alia ejus generis incommoda adhuc occurrunt.

§. 34. Neque tamen ideo consultum fuerit, in excolenda Jurisprudentia Germanica, leges in Germania natas, fundamenti loco, supponere, nam hæ sæpe satis rudes, insufficientes parumque excoltæ sunt, ut taceam, in plerisque antiquiores, non minus à præsentī Germaniæ Statu abludere, quam leges extraneas, ut illis quidem tuto & utiliter niti non liceat. Crediderim igitur, leges tam domesticas quam extraneas, cæmentorū, utilium & inutilium, loco saltem esse habendas, ex iisque methodo plana & naturali ita extruendam, Statuique Germaniæ attemperandam esse Jurisprudentiam Germanicam privatam, ut communia legum divinarum decreta fundamenti loco supponantur, ac ex legibus in Germania valentibus ac præcipue Romanis (hæ enim, hac in parte, cæteris sunt ditiores) illustrentur magisque firmentur, iis vero deinde leges positivæ tam domesticæ quam extraneæ, instituto legitimo delectu, adjiciantur, quo præsens scriptio collimat.

§. 35. De Jure Publico alias observare solent, quod aliquamdiu inexcultum jacuerit, vid. SCHWED. *introd. ad Jus publ. part. gen. c. 1.*

§. 8.

§. 8. sed idem fatum non habuit Jus Privatum, verum, ex quo tempore literæ renasci cœperunt, tam alibi, quam in Germania, magno fervore tractatum est. Sed cum ut plurimum Scriptores solida & genuina principia negligant, præjudiciis vero, ex jure extraneo haustis, mirum in modum laborent, præterea de disciplina Reipublicæ ordine legitimo attemperanda, debitisque limitibus circumscribenda, haud sint solliciti, ideo tantum abest, ut isto conatu ad perfectionem illa sit deducta, ut tantus cultorum numerus, etiam morbum auxerit.

§. 36. Alias in excolenda Jurisprudentia, Scriptori & Interpreti tanta competit Libertas, ut verum asserere & defendere queat, quæ assertio licet modicum quid, & vix observatione dignum, ei tribuere videatur, attamen, si consuetaria spectes, plus est, quam vulgaris credit superstitio, nam vi Ejus, non tantum à Viris maxime autoritatis, sed & ab ipso Legislatore, dissentire potest, scilicet quoad veritates, quæ ab Hujus arbitrio non dependent, sed ex propriis suis principiis resultant.

§. 37. Calculo igitur rite subducto, autoritas Legislatoris extra contradictionem saltem posita est, quoad veritatem legum humanarum, nam hæc ab ejus arbitrio unice dependet; Ast legum illarum æquitas, prudentia & applicatio, liberæ disquisitioni subjacent, adeoque lapsus Legislatoris isto respectu annotare, omnino fas est. Multo magis libertas illa, circa explicationem juris divini, aut veritates physicas, historicas similesve occurrit, quæ nunc prolixè deducere, extra propositum est.

§. 38. Solet Jurisprudentia privata, ab Objectis suis generalioribus, specialius denominari, quod sit vel *Civilis* seu *Allodialis*, vel *Feudalis*, vel *Ecclesiastica*, imo solet, juxta illa objecta, separari ac in Disciplinas peculiare discerni, quæ separatio etiam efficit, ut indoles singularum disciplinarum sit explicanda, adeoque singulis fere ea, quæ hic in genere de Jurisprudentia privata differimus, applicari debeant, prout Jurisprudentiæ Feudalis & Ecclesiasticæ exemplo alibi ostendi, sed conjuncta tractatio nobis istum laborem jam lucrificat.

§. 39. Sunt tamen circa Jurisprudentiam privatam Germanicam, quatenus Ecclesiastica audit, nonnulla hic admonenda, quæ plenius paululum in SPECIM. JUR. ECCLES. *l. i. c. i.* proposui. Nimirum

Jurisprudentia, quatenus Ecclesiastica est, revera datur, *d. c. 1. §. 1. 2. 3. 4. 5. 6. 7.* & nititur nonnullis præsuppositis, quæ Theologia, Jurisprudentia universalis, & Particularis Publica tradunt, *d. c. 1. §. 8. 9. 10.*

§. 40. Præterea in Germania, triplex reperitur (1) quæ circa Status Imperii Germanici Ecclesiasticos occurrit, & pars Jurisprudentiæ Publicæ est, (2) quæ cultum divinum juxta papales, ac (3) quæ eum, juxta veras & legitimas hypothesas, dirigit, *d. c. 1. §. 11. 12. 13. 14. 15. 16.* Ultima saltem huc pertinet, circa quam generaliter præsupponendum, quod imperium papale, sit mera impostura, & quod libertas ac imperium, Statuum Reipublicæ Germanicæ Protestantium, quoad sacra, sint legitima, *d. c. 1. §. 17. 18.*

§. 41. Porro quemadmodum Jurisprudentiæ partes, juxta objecta illa, à se invicem differunt, ita inprimis Jurisprudentia, quatenus Ecclesiastica est, à Theologia discerni debet; Hæc explicat ipsam religionem, illa vero leges ad externum religionis exercitium & habitum pertinentes tradit; quod discrimen, in objectis specialibus, ut baptismo, sacra cœna similibusque, liquidius potest intelligi, *d. c. 1. §. 45. 46.*

§. 42. Interim Confusio hic est frequentissima, cum sæpe, qui jura, v. g. baptismi, explicant, ad specialissimas quæstiones Theologicas delabuntur. Quo loco tamen observandum, ejusmodi disquisitiones non semper reprehendendas esse; Si quis sine judicio & delectu, Juridica & Theologica simul tractet, ejus institutum merito improbatur, idem est, si in doctrina Theologica nihil desideres, nam tum merito illa præsupponitur, aut si dogmata communia, non satis certa videantur, & ea tamen tractationi juridicæ sint præjudicialia, tum eorum explicationem merito sibi Jctus etiam asserit; Sic nemini vitio verti poterit, si disquirat, an Sabbathum, confessio auricularis & similia, sint institutionis divinæ, an hæretici tolerandi? &c.

§. 43. Ad studia, Jurisprudentiæ Germanicæ privatæ *fundamenta*, pertinet *Doctrina juris naturalis & Historia legum*, quanquam hæc etiam, pro illius parte, haberi potest; Ad *adminiculantia* vero, præcipue *Jurisprudentia Publica, Theologia & Medicina*, nam harum præsuppositis frequenter nititur Jurisprudentia, adeoque earum cognitio Jcto non potest non esse utilissima.

§. 44. Do-

§. 44. Docendo Juri Romano præstituit Justinianus *quinquennium in Constit.* Omnem §. 2. *segg.* quod tempus in Germania quoque, docendæ & discendæ Jurisprudentiæ Germanicæ, observandum esse, nonnulli existimant, *vid.* MÜLLER, in *Disput.* de quinquen. stud. jur. *hab. Jen.* 1689. sed istam sententiam Legulejorum superstitioni annumerandam esse, existimo. Licet enim, negando quinquennii illius usui, forte non satis valide *R. J.* 1654. §. 28. allegetur, attamen non opus est, ut de tali probatione simus solliciti, cum in universum sanctionis Justinianæ receptio probari nequeat.

§. 45. Nam (1) receptum quidem est jus Romanum, sed an etiam præliminares illæ Constitutiones, quas Justinianus Pandectis & Codici præmisit, receptæ sint, id non perinde liquet. Imo cum (2) receptio ex usu fori, eumque nonnunquam secuta Recessuum Imperii confirmatione, judicari debeat, inde, Constitutiones illas non esse receptas, probabile fit, quisenim credat, facile casum, in Germania, ex istis Constitutionibus esse decisum? Atque id verisimilius fit, si expendas (3) quod quinquennium illud vix recipi potuerit, cum ad Germaniam non quadret.

§. 46. Si enim quinquennium receptum est, pertinebit illud saltem ad Jus Justinianum! quid ergo cæteris Jurisprudentiæ partibus fiet? si autem ad has etiam illud extendendum esse putetur, quo fundamentum nititur illa extensio? nam tacitæ receptioni non inest juris recepti interpolatio! imo quid fiet Justiniani partitioni, qua singulis partibus, certos assignavit annos, si hanc negligere licet, cur non etiam totum quinquennium? Ex quibus satis probabiliter liquere videtur, studia Germanorum, ratione temporis, esse libera; In universum etiam simplex & inconcinnum est, si disciplinas, perinde ut operas manuales, certo tempore circumscribas; Docendæ discendæque Jurisprudentiæ spatium, ingenio, dexteritate ac diligentia Docentium pariter & Discipulorum, non mensium annorumque numero, definiiri debet.

§. 47. De cætero Jurisprudentia Germanica privata, minus bene constituta est, sed gravibus laborat morbis, hinc etiam parum commode in Scholis doceri & disci potest. Morbi summatim vel in ipsa doctrina, vel in docendi modo occurrunt. Prioris generis sunt (1)

quod, ubi argumentum legum proponitur, omnibus Gentibus communia & propria, seu naturalia & positiva, non discernantur, (2) quod leges extraneæ, ac inprimis Romanæ, ultra modum æstimentur, in præjudicium & opprobrium legum naturalium & Germanicarum, (3) in positivis legitimus non habeatur delectus, & peregrina domesticis, contra intentionem Imperantium, sæpe præferantur, (4) quod tantus legum extranearum & domesticarum sit numerus, confusio & incertitudo, (5) in legibus domesticis antiquioribus nimia ruditas ac insufficiencia, (6) in extraneis misera vanaque subtilitas, papatus aliaque corruptio reperiatur, ac denique (7) quod leges processuales sint corruptissimæ, scopoque, quem sibi præfixum habere debebant, producendo inidoneæ.

§. 48. Posterioris generis sunt (1) quod tota disciplina accurato ordine, non sit contexta, nec (2) statui Germaniæ rite attemperata, nec (3) debitis limitibus circumscripta ac à Juris publici studio distincta, (4) quod in tractatione materiarum specialium, vel nulla vel inepta, ac ex falsis conceptibus orta, vel denique manca & insufficiens methodus plerumque occurrat. In summa talis est docendi ratio, ut ad eam eximie quadret incommodum, quod Justinianus sua compilatione amovisse videri voluit, §. 2. *I. de J. & J.* sed non amovit, verum confirmavit & auxit, ut nempe illa *aut desertorem studiorum efficiat, aut cum magno labore & diffidentia, juvenem serius ad id perducatur, ad quod leviori via ductus, sine magno labore, & sine ulla diffidentia maturius perducipotuiisset.*

§. 49. Agnovere sane jam multi Jurisprudentiæ morbos, ac de iis tollendis, consilia dederunt, sed, esse illa inconsulta, vel inde liquere videtur, quod nemo, quod sciam, proprium consilium exequi hætenus sustinuerit. Si autem propius res spectetur, plerique illi consulentes, morbum ignorant, ac per media leguleja illum tollere conantur. Ego re ipsa emendationem, in quantum hæc privato arbitrio subest, suscipere decrevi, quæ si minus bene se habeat, tamen excusatus saltem erravero, quam si evanido aliquo consilio lectoribus velut illuserim.

§. 50. Interim qualiscunque etiam sit Jurisprudentia, ejus tamen aliqua *utilitas* est asserenda, cum fundamentis socialitatis illa ut-
cun-

cunque nitatur, ac communem amicitiam inter homines conservare intendat, hinc si ejus decreta observentur, vita non plane infelix inter homines futura esset. Sed in societate civili & foro plerumque aliis regulis vivitur. Potentes illimitatæ philautiæ indulgent, & sub horum clypeo, quisque pro ratione status sui, pravis affectibus, quantum fieri potest, velificatur, hinc bellum omnium contra omnes, non semper quidem apertum (hoc enim corruptæ philautiæ regulis non congruit) sed clandestinum, ac status corruptissimus inter homines enascitur.

§. 51. Jurisprudentiæ privatæ Scriptores, de quibus deinde dicendum, quod attinet, ingens eorum est numerus, nec ego de iis sigillatim nunc agere, sed fundamenta solum, ad eorum dijudicationem pertinentia, proponere decrevi, nam plane silendum non est. In universum Scriptores distingvi possunt in *Preparatorios*, quales sunt, qui jus naturale excolunt, ac historiam legum tradunt, quamvis hic maximus; quoad leges Germanicas antiquiores, sit defectus, & *Principales*, qui ad ipsam juris privati disciplinam pertinent, nam de Scriptoribus Disciplinarum adminiculantium v. §. 43. etiam dicere non opus est.

§. 52. Scriptores Principales seu Proprii, eodem modo, quo Juris Publici Scriptores partitus est BOECLER *N.I. l. 1. c. 4.* disparari possunt. Nimirum sunt vel *Systematici*, qui integram disciplinam, vel saltem præcipuas ejus partes, nempe Jurisprudentiam Civilem, Feudalem vel Ecclesiasticam, per compendia, aut systemata majora excolunt, vel *Singulares*, qui argumenta singularia tractant, quorum in primis etiam pertinet magnus ille dissertationum juridicarum apparatus, vel *Subsidiarii*, qui materiam juridicam colligunt, ut Lexicographi, Locorumque communium Concinnatores, vel jura per occasionem illustrent, quales, quoad leges Romanas, sunt Scriptores Comici & Satyrici.

§. 53. Est autem Notitia Scriptorum juris privati, vel *Superficiaria*, qua quis nomina Autorum, ac editionis formam, numerum, tempus, locum & similia intelligit, vel *Solida*, qua quis præstantiam vel infantiam Scriptoris penitus novit. Esse de cætero notitiam illam, necessariam ac utilem, facile liquet, debebat tamen illa saltem esse adminiculum, non studium principale, in quod tamen, ut in aliis disciplinis, ita hic etiam eadem sæpe transformatur, quod institutum eo magis improba-

probari debet, quo sæpius in solam cognitionem superficiariam desinit.

§. 54. Solida notitia ex relationibus & judiciis, quæ de Scriptoris impressa leguntur, ut alibi, ita hic etiam, vix haberi potest; raro enim odiosam veritatem profitentur, sed ut plurimum in laudem, quam veram censuram, sunt procliviores. De cætero tamen judicia illa, si occurrant, non plane sunt negligenda, cum ulterius cogitandi animum suppedirent. Cognitionis itaque solida, non aliunde, quam ex ore cordatorum Doctorum, ac in primis, ex lectione propria, advenit, & ad eam acquirendam, in unum ad *methodum*, *materiam*, *decisionem* ac *modum proponendi* respiciendum esse, intuitu Scriptorum Juris publici admonui in SPECIM. JUR. PUBL. l. i. c. 1. §. 87. seqq. quod ad juris privati Scriptores etiam quadrare, non dubito.

§. 55. *Methodus* est vel *Universalis*, totius disciplinæ, vel *Singularis*, cujusvis materiæ. Utriusque in Scriptore est habenda ratio, videndumque, an res naturali ordine exhibeantur, an confuse & præpositere sistantur, ac utrum adeo ex solida cognitione, an ex falsis conceptibus *methodus* proficiscatur, ex qua diversitate deinde Scriptori, qui *methodo* aliquam exhibuisse videri vult, pretium, hoc intuitu, statuendum est, nam boni ordinis necessitas eodem argumento ostenditur, quo veritatis inquisitio necessaria esse probatur, de quo in PRÆFAT. SPECIM. JUR. PUBL. & in ART. COGITAND. c. 14. §. 76. seqq. plura dixi.

§. 56. Circa *materiam* considerandum, an sit illa disciplinæ *propria*, an *aliena*; deinde, *selecta* an *protrita*, amplius scopo *conveniens* an ab eo *abludens*, denique *sufficiens*, an *manca*, nam ex hac etiam diversitate, diversum Scriptorem mereri pretium, mihi penitus persuasum est. In specie illum censuram incurrere arbitror, qui *materiam* alienam, vel scopo non convenientem proponit, utut illa in se spectata, bona & cognitu necessaria sit, nam ista tractandi ratio, oscitantiam minimum Scriptoris ostendit, quod si tamen quis *materiam* rariorem, præmissa excusatione, adducat, is extra reprehensionem erit.

§. 57. An *decisio* bona sit nec ne, id ex his præsuppositis judicandum arbitramur: (1) an Scriptor solidis juris naturalis principiis imbutus, omnium Gentium communia, & huic vel illi, propria discernerat. (2) an in positivis legitimum instituat delectum, iisque juxta eorum

rum prærogativam utatur. (3.) an eadem ex rationibus propriis explicet. (4.) an in iis applicandis, debitam adhibeat circumspeditionem. (5.) an vitia legum positivarum, puta iniquitatem, imprudentiam, papatum, vanas subtilitates ac inventa rabularia, intelligat ac observet, an vero illa omnia vel pleraque negligat, nam ex his scriptoris æstimationem intendi vel elevari, cum ratione negari nequit.

§. 58. Quoad *modum proponendi* spectandum est, utrum Scriptor cogitata sua stilo puro, ac rei tractandæ conveniente proponat, an vero barbarismis ac solœcismis scateat, vel dictione arida & hiulca omnia persequatur, aut stribligine scholasticæ philosophiæ similive vexetur, & eadem chorda semper oberret, seu crocitu vel coccysmis molestus sit, nam ea etiam, in variando Scriptoris pretio, aliquas habere partes certum est.

§. 59. Jam si, juxta hæc fundamenta, de Scriptoribus juris privati Germanici *Systematicis & Singularibus* (de *Subsidiariis* enim ex sola materia judicandum videtur) ferendum sit judicium, *bona methodus* sæpe deficiet, nam ut plurimum Scriptores præjudicio methodi Analyticæ & Synthetice laborant, vel ordinem juris Romani, ac in specie Institutionum Justinianearum, i. e. meram confusionem, sequuntur, in tractatione vero thematum specialium, abusus methodi causalis, quem in ART. COGIT. c. 15. §. 36. seqq. delineavi, non raro eminet.

§. 60. Quoad *materiam*, de *Singularibus* quidem in genere nihil dici potest, sed quosdam finem propositum assequi, alios ab eo aberrare, recte attendentibus constabit. *Systematici* vero regulariter hic deficere, omnino dicendum est, cum enim leges extraneas, fundamenti loco supponere soleant, quis dubitet, quin illi multa obsoleta, inutilia ac à Statu Germaniæ plane abludentia proponant, ac è contrario ea, quæ scitu necessaria sunt, omittant? in primis jura privata Statuum imperii Germanici, nullibi recenseri solent.

§. 61. Requisita *bonæ decisionis*, fortassis etiam in Scriptoribus, præcipue Systematicis, non raro deficiunt, quis enim de solidis juris naturalis principiis est sollicitus, cum vix ante aliquot annos in scholas juridicas disciplina illa introduci cœperit, adhuc vero autoritatis præjudicio valde prematur? & quis adeo communia & propria discernit? quicquid potius v. gr. Romanum est, illud universale credi-

tur, hinc omnibus Gentibus communia, à Romanis, inepta extensione, repetuntur, ac eadem absurditate, his propria, illis crude nimis obtruduntur.

§. 62. Quisporro in positivis legitimum instituit delectum, iisque, juxta eorum prærogativam, recte utitur? Positiva Germanica dubio procul extraneis præferri debebant, sed, illa ex his restringi debere, vel jura Germanica, velut statutoria aut particularia, semper ita coactanda esse, ut quam minimum à jure communi (Romano scilicet alioque extraneo) abeant, vulgaris est sententia, *vid. OBSERVAT. LAUTERB. Observ. 4.* ex qua, velut immoto aliquo principio, plures conclusiones eliciuntur.

§. 63. Ulterius quis extraneis domesticis & propriis leges explicat? De Romanis quidem fatendum, quod Recentiores quidam Scriptores, eas, ex historia Græca & Romana, accurate illustrent, in quo tamen, ut hoc obiter admoneam, summa rei non consistit, licet plerumque Criticis illis Jctis id persvasum sit; Ast de legibus Germanicis aliud dicendum, nam ut alibi, ita hic eriam, historia deficit, & dum omnia legibus peregrinis repleta sunt, Germanica ex Romanis, aliisque extraneis explicantur, ut etiam, pro doctrina fundamentali, habeatur, leges Germanicas ex Romanis esse declarandas, *vid. d. Observ. 4.*

§. 64. Non minus debita circumscriptio in legibus applicandis sæpe deficit. Multa sunt in legibus extraneis, quæ Monarchiam aut Papatum, vel specialia quædam Gentis instituta, præsupponunt, quæ ad Germaniam, sine ullo delectu aut examine, applicantur, imo eousque nonnullorum absurditas progreditur, ut in media luce cœcutire, ac v. gr. competentiam Judicis Germanici, ex obsoletis ac à præsentis Germaniæ Statu plane abhorrentibus legibus extraneis, repetere, quam veritatem agnoscere, illamque ex Reipublicæ nostratis habitu, deducere malit.

§. 65. Denique tantum abest, ut vitia legum positivarum omnes intelligant, ut potius multi veram Jurisprudentiam in iis positam esse existiment. Quæ specie pietatis blandiuntur, ut ut sint in se iniquissima, passim probantur & laudantur, quæ ad homines irretiendos eosdemque pecuniâ emungendos, inventa sunt à Romanis, aliisque legibus, illa delectant, ac in iis enucleandis ætas & orium consumuntur.

§. 66.

§. 66. Tandem quod *modum proponendi* attinet, in antiquis Glossatoribus meram esse barbariem, notum est. Sed Recentiorum nonnulli sat eleganter & terse cogitata sua proponunt, alii tamen à barbarismis non penitus sibi cavent, vel alias stilo non satis grato utuntur, inprimis pseudophilosophiæ Scholasticæ sribligo multos vexat. Quodsi quis nunc ad specialia progredi, ac Scriptores sigillatim expendere velit, pauci fortassis integram exactamque censuram sustinebunt. Sed, ut antea diximus, eò procedere nobis nec libet nec licet, id saltem in genere adjicimus, judicia de scriptoribus libere ferre, esse rem lubricam, odiosam, variis judiciis subjectam, nec tamen ideo improbandam ac inutilem.

CAPUT II. DE ACTIONE HUMANA.

SUMMARIA.

In Jurisprudencia Germanica, primo agendum de actione humana §. 1.
Hujus indoles §. 2.
Menti humanæ obrepit ignorantia & error §. 3.
Hic est juris & facti §. 4.
Efficax & concomitans §. 5.
Uterque vincibilis & invincibilis §. 6.
Error juris, est efficax, facti, efficax vel concomitans §. 7.
Mentis libertati quedam obstant §. 8.
Actionum humanarum varietas §. 9.
Voluntariæ agentis imputantur §. 10. 11. 12.
Quoad involuntarias, cessat imputatio §. 13-14.
15. 16.
Invite non imputantur §. 17.
Mixtarum imputatio §. 18.
Sententia Romanorum §. 19.
Effectus doli quoad impediendam imputationem §. 20.

Error concomitans eam non impedit §. 21.
Bene tamen efficax & involuntarius §. 22. 23.
Non autem voluntarius §. 24. 25.
Ex his principiis quæstiones speciales decidende §. 26.
Et vulgaris doctrina explicanda §. 27-28-29-30.
31. 32. 33.
Aliquando, circa errorem, alius, quam imputationis, effectus spectatur §. 34. 35.
Hic ab errore non dependet §. 36.
Sed error est vel causa impellens §. 37.
Vel conditio sine qua non §. 38. 39.
Vel circumstantia indifferens §. 40. 41. 42. 43.
Eo respicit prærogativa veritatis vel erroris, jure Romano asserta §. 44.
Sed illa doctrina rem magis involvit, quam explicat §. 45.
Species actionis humanæ sunt affectus & sermo §. 46.

§. I.



Primo de actionibus humanis, etiam in Jurisprudenciâ Germanicâ privatâ agendum est, cum enim Hujus scopus sit, quo subditi actiones suas legibus attemperent, igitur harum indoles statim cognita esse debet, qua in tractatione

ita verſandum erit, ut, generalibus præſuppoſitis vel breviter relatis, ſpecialia, quæ in primis Jus Romanum ſuppeditat, adducantur.

§. 2. Actio humana eſt *actio, motus vel operatio à mentis directione dependens*. Ejus principium adeo eſt *Mens*, hinc etiam *formale* actionis humanæ, in *dependentia à Ratione* conſiſtit, *materiale* vero eſt vel *motus ipſius mentis*, vel *alius facultatis humanæ* vel *rei cujuſdam tertie*, hinc actiones in *elicitas & imperatas* diſtingvi ſolent, quæ omnia in Juris prudentia Univerſali latius explicantur, dixi hac de re in OBSERV. PUFENDORF. DE OFFIC. HOM. ET CIV. *Obſerv. 12. ſeqq.*

§. 3. Id hic admonendum, quod Menti humanæ nonnunquam *ignorantia* obrepat, quæ eſt *cognitionis veræ abſentia ſeu privatio*, adeoque illa ſæpe in errorem, qui eſt *diſformitas conceptus & rei conceptæ*, prolabitur. Differunt ergo ignorantia & error, ut *cauſa & effectus*, ſed in Diſciplina Juris ſynonymice accipiuntur, de quo etiam pluribus actum in d. OBSERVAT. PUFENDORF. *Obſerv. 20. ſeqq.*

§. 4. In Jure Romano illa etiam promiſcue capiuntur, & exſtant in eodem Tituli *de Juris & facti ignorantia*, ſed ſine judicio, à Compilatoribus, alieno loco velut effuſi, ceu in OBSERVAT. LAUTERB. *Obſerv. 736.* jam admonui. Frequens eſt diſtinctio, quæ ignorantia vel error, in *juris*, quando *circa leges, & facti errorem*, quando *circa alias circumſtantias, quas leges præſupponunt, erratur*, diſtinguitur, *vid. l. 1. de Jur. & fact. ignor.*

§. 5. Præterea, ob frequentem uſum, commemorari debet diſtinctio erroris in *Efficacem*, qui in re neceſſaria committitur ac (ſi ſit involuntarius) *conſenſum excludit atque adeo imputationem impedit*, & *Concomitantem*, qui in re, extra negotium gerendum conſtituta, occurrit atque ita *conſenſum neceſſarium non tollit, nec imputationi obſeſt*, *vid. d. OBSERV. PUFENDORF. Obſerv. 24. 25.*

§. 6. Error efficax iterum eſt vel *voluntarius ſeu vincibilis*, qui debitâ diligentia adhibita, caveri poterat, vel *involuntarius ſeu invincibilis*, quem, adhibito licet omni ſtudio moraliter poſſibili, evitare non licuit, *vid. d. OBSERV. PUFENDORF. Obſerv. 26. 27.* Concomitans error eodem etiam modo diſtingvi poteſt, ſed cum ſit extra negotium, nec, ejus intuitu, aliquem effectum habeat, hinc originem illius ſollicite inquirere non opus eſt.

§. 7. Er-

§. 7. Error *Juris*, ad *efficacem* pertinet, nam, dubio procul, legis dispositio ad actus necessaria spectat, regulariter vero *vincibilis* est, aliquando tamen aliter se res habere potest, quod ex *qualitate legis* & *subjecto errante* nec non *materia*, quam lex respicit, judicandum: nam major diligentia requiri videtur, in eo, qui lucrum acquirere gestit, quam qui de damno vitando laborat. Error autem *facti*, aliquando ad *concomitantem*, aliquando ad *efficacem* pertinet, qui regulariter pro *invincibili* habetur, add. d. OBSERV. PUFEND. *Observ.* 22.

§. 8. Quemadmodum Mentis humanæ *cognitionem* impedit Error, ita varia occurrunt, quæ Ejus *libertatem* vel imminuunt vel tollunt, vid. OBSERV. PUFEND. *Observ.* 28. seq. quorsum in specie pertinet *vis externa*, hæc enim aliquando voluntatis directionem plane excludit, aliquando, malo cominus repræsentato, libertatem atterit. Denique dantur nonnulla, quæ *Mentem*, ad dirigendas actiones, plane *inhabilem* reddunt, qualia sunt furor, ebrietas summa ac morbi quidam.

§. 9. Si principium actionum, i. e. Mens, recte se habeat ac dirigendi munere fungatur, tum actio dicitur *voluntaria* seu *humana*, si autem aliquo morbo corruptum sit, actio suscepta, *hominis* quidem, sed *non humana*, nec *moralitatis capax* est, si vero ejus directio errore vel vi excludatur, tum existit actio *invita*, eaque vel *per ignorantiam*, quando error efficax & invincibilis intervenit, vel *per violentiam*, quando vis externa inviti & reluctantis membris utitur, si denique, malo repræsentato ad agendum moveatur, actio *mixta* oritur, quæ partim invita, partim voluntaria est, quod etiam Romani inculcant in l. 21. §. 7. quod. met. caus. conf. OBSERV. PUFEND. *Observ.* 39.

§. 10. Actionum voluntariarum affectio est *Imputativitas* seu *Aptitudo ad imputandum*, ut nempe non tantum ipsæ actiones, sed & potissimum earum effectus morales agenti tribui queant, hinc etiam de iis actionibus, quæ talem effectum post se relinquunt, saltem in vita civili quæritur. De cætero imputationis causa est voluntas, à quâ adeo ad illam, in foro humano, affirmative & negative, argumentari licet, vid. d. OBSERV. PUFEND. *Observ.* 41. 42. 43. 44.

§. 11. Quando imputatio obtineat vel cesset, specialius exposuit PUFENDORF, de *Offic. Hom. & Civ.* l. 1. c. 1. §. 18. seqq. & de *Jur. Natur. & Gent.* l. 1. c. 5. Summatim dicendum, quod ea vel locum habeat,

vel deficiat, prout voluntas in gradu habili adest vel deficit, ac actio imputari apta aut inepta vel insolita occurrit. In specie imputationem cessare arbitramur. (1.) si id, de cujus imputatione quæritur, directioni mentis humanæ plane non subicit, quò pertinent impossibilia, (2.) si ea, quæ eveniunt, voluntas nostra nec dirigat nec dirigere debeat, qualia sunt regulariter actiones alienæ, (3.) si agendi principium inhabile sit, ut in furiosis, (4.) si quid post se effectum moralem non habeat, qualis est ommissio actionis non præceptæ, denique (5.) si mentis directio propriâ destinatione, errore vel via aut dolo habili excludatur.

§. 12. An autem causa imputationis, seu voluntas, adsit, id quandoque non satis expeditum est, adeoque lege vel interpretatione usuali certius definiri solet. Si quis alteri rem pro certo pretio emi mandaverit, ac mandatarius fines mandati, in contrahendo excedat, tum satis quidem liquet, quod contractus emtionis, mandanti, ob defectum consensûs, non possit imputari. Ast si quis procuratori litem peragendam commiserit, tum mandans in damnum, quod à mandatarii negligentia, dum v.g. is fatalia negligit, dependet, intuitu adversarii consensisse censetur, sed non improbabiler talis consensus etiam negari potest, *vid. OBSERV. LAUTERB. Obser. 91. 1416.*

§. 13. Casus cessantis imputationis, quos summatim §. 11. b. exhibuimus, in disciplina juris privati non infrequentes sunt. Sic promissio, vel ab initio vel ex postfacto impossibilis, promissori non imputatur, §. 10. I. de inutil. stipulat. Medico eventus mortalitatis non tribuitur, l. 6. §. 7. de Offic. Præf. Porro actiones famulorum ad dominos non pertinent, nisi quatenus horum culpa occurrit, *vid. l. 1. §. 5. ff. de publican. Decis. Saxon. 79.* Equidem aliud etiam hic obtinere videtur, dum damnum à bruto vel mancipio, proprio motu, sine ulla domini culpa, datum huic imputatur, *tot. tit. si quadr. pauper. fec. dic. & de noxal. action.* Verum, re recte expensa, nihil fit præter regulam, domino enim ab initio nihil imputatur, sed is, ex lege naturali, saltem pati debet, quo læsus animal vel mancipium nocens occupet, quod si hoc nolit, tum demum, ob hanc voluntatem, damnum ei imputatur, ab eoque ejus restitutio exigitur.

§. 14. Porro ob furem neque delicta, *vid. l. 13. §. 1. l. 14. de Offic.*

Offic. Præf. neque contractus, §. 8. *de inutil. stipul.* imputantur. Iracundia quoque, quoad actus illicitos, imputationem temperat, *vid. l. 5. C. de injur. l. 4. C. l. 38. §. 8. ff. ad L. Jul. de adulter.* quoad indifferentes, plane excludit, hinc si dominus calore iracundiæ servum domo exire, illumque ad eam nunquam referti jubeat, actus ille domino non imputatur, nec servus justam discedendi causam inde accipit, *vid. LAUTERB. COMPEND. Jur. de fugitiv. in fin.*

§. 15. Somnum quoque impedire imputationem, *vid. l. 1. §. 3. d. A. A. P. Clem. un. de Homicid.* facile liquet, nec Ebrietati omnis in impedienda imputatione effectus negatur, *vid. CARPZ Pr. Crim. p. 2. qu. 96. n. 22. 23.* In summa ita dicendum videtur: Ebrietas *modica* imputationem non impedit, *summa* vero, si sit *involuntaria*, eam excludit, si autem *voluntaria*, actuum *indifferentium*, ut pastorum, imputationi adhuc ob stare videtur, sed actus *illiciti*, regulariter ut culposi saltem, imputabuntur, *vid. OBSERV. PUFENDORF. Observ. 38.*

§. 16. Ulterius nemo in vita civili officii neglecti in simulatur, quando ejus exercendi nulla adfuit occasio, sic Medici segnitiei non arguuntur, quando nemo ægrotat, Magistratibus omissio pœnæ non imputatur, quando nemo deliquit, *vid. CARPZ. p. 2. C. 3. D. 23. & Pr. Crim. p. 3. qu. 103. in fin. quæst. 110. n. 76.* Denique neque promissa, neque actus, aliàs illiciti, imputantur, si joco suscepti sint, vel si quid animo emendandi vel defendendi factum, quia scilicet propria destinationis directionem, isto respectu, ab actione removet.

§. 17. De effectu vis, doli ac erroris in impedienda imputatione, non nihil explicatius agendum est, quia in Disciplina juris privati, frequentissimæ quæstiones de hac re occurrunt, adeoque genuina principia, præsupponi ac firmari par est, maxime cum interpretes, iis destituti, non raro fluctuare vel errare soleant. Quod si igitur Vis, omnem voluntatem agentis, ab actione removeat, eamque plane invitam faciat, tum imputationem eâ impediri, facile liquet.

§. 18. Quodsi verò, repræsentato malo, quem ad agendum moveat, adeoque actionem mixtam producat, tum actio *bona coacta* non imputatur, sed quoad *malam*, imputatio non plane excluditur, sed silem temperatur, si verò actio sit *indifferens*, v. g. pactum coactum, tum imputatio etiam cessat, nam licet qualis qualis voluntas hic adsit,

atta-

attamen illa, ad producendam & imputandam obligationem non sufficit, cum delictum cogentis, eum faciat inhabilem, quominus, jus aliquod ex actu coacto acquirat, negato autem jure, obligatio ejusque imputatio quoque cesset, *vid. OBSERV. PUFEND. Observ. 40. 48. 223. 224. 225. 226.*

§. 19. Romani eorumque interpretes, per ambages hic incedunt, nam pactum coactum, eique forte accedens juramentum, *vid. CARPZ. p. 2. C. 37. D. 3.* stricto jure validum esse, ac agenti imputari, hunc vero, per restitutionem in integrum, ab hoc onere iterum liberari contendunt, sed matrimonium & testamentum coactum, ipso jure nullum esse nec imputari arbitrantur, *vid. LAUTERB. Comp. Jur. de Jurejur. lit. d. de rit. nupt. lit. d. ut & si quis aliq. testat. prohibuer. lit. a.* sed uti hætrix a simplicitate naturali abeunt, ita earum in Germania nullum esse usum, in *OBSERV. LAUTERB. Observ. 113. 114. 115. 767. 907.* ostendi.

§. 20. Dolus, cum faciat actionem, ratione decepti, invitam, impedit imputationem, adeo ut, siue causam dederit actui, siue in eum inciderit, læsus naturaliter habeat jus vel ab actu recedendi, vel, eo salvo, id quod interest, petendi, *vid. OBSERV. PUFEND. Observ. 217. seqq.* Cæterum leges Romanæ, vel saltem earum interpretes triplici modo præcedentia temperant: (1.) Si dolus det causam contractui, tum hunc aliquando esse ipso jure nullum, aliquando restitutione in integrum rescindi censent, quas tricas in Germania cessare, in *OBSERV. LAUTERB. Observ. 116. 117.* ostendi. (2.) Ex contractu nullo siue invalido, dominium tamen transferri arbitrantur, quod & incertum, & forte nullius usus esse probavi *d. tr. Observ. 118.* (3.) Si dolus in negotium incidat, tum hoc valere, ac læso saltem jus petendi, id quod interest, competere censent, quod quando admitti debeat, *d. tr. Observ. 119.* docui.

§. 21. De errore ita habendum: *Error concomitans imputationem non impedit*, nec refert, vincibilis illi fuerit, an invincibilis, nam sufficit, quod extra negotium versetur, adeoque consensum necessarium, velut unicam imputationis causam, non attingat ac excludat, *vid. OBSERVAT. PUFENDORF. Observ. 45.* Exempla in sequentibus occurrunt, *vid. l. 18. §. 3. de injur. OBSERV. LAUTERB. Observ. 361. 370.* circa

circaquæ interpretes, dum sine certis principiis philosophantur, errare solere, in OBSERV. LAUTERB. *Observ.* 513. 768. admonui. In specie exemplum erroris concomitantis & innoxii occurrit in decantata *l. 32. de R. C.* quam, ex veteri superstitione, in cœlum, tantum non extolunt, *vid. WESTENBERG lib. Singul. de caus. obligat. dissert. 3. c. 1. §. 14.* cum ramen nullum novum æquitatis remedium suppeditet. Cuius, sed potius in re satis plana, sine causa, fluctnet.

§. 22. Sed *error efficax, si sit involuntarius* (quod non rigide, sed moraliter civiliterque æstimandum, *vid. l. 6. de jur. & fact. ignor. imputationem excludit.* Sio mandatario non imputatur, quod, ignorans mortem aut revocationem mandantis, mandatum executus fuerit, sed hæredes vel ipsæ mandans ejus gesta approbare debent, *§. 10. l. de mand.*

§. 23. In contractibus tamen considerandum est, quo loco quid ab errante fuerit habitum, nam pro illa diversitate, modo contractus plane non imputatur, modo, eo salvo, erranti saltem jus ad interesse nascitur, *vid. OBSERV. LAUTERB. Observ.* 511. 514. Aliquando etiam, autoritate juris civilis, erroneus actus erranti imputatur, eique jus persequendi damnum, solum conceditur, *vid. d. OBSERV. Observ.* 367.

§. 24. Quod si vero *error efficax, sit voluntarius, imputationem non impedit*, ob consensum vel antecedentem vel concomitantem, *vid. OBSERV. PUFEND. Observ.* 45. Talis plerumque est error juris, cum enim Subditi, ex generali subjectionis vinculo, ad leges cognoscendas, in Civitate, sint obstricti, hinc si quis, contra obligationem illam, voluntarie leges ignoret, de omnibus, quæ ex illa ignorantia promanant, respondere tenebitur, seu omnes actus, exinde provenientes, pro voluntariis & imputari aptis, habentur. Aliquando tamen talis error, etiam involuntarius est, ceu jam §. 7. admonui, de quo mox explicatius agendum erit.

§. 25. Errorem autem facti, quatenus ad efficacem pertinet, plerumque esse involuntarium, itidem *d. §. 7.* jam asserui, *vid. l. 2. de j. & F. l.* sed aliquando etiam voluntarius est, ut si quis factum proprium, minime obsecrum, *l. 3. 6. d. t.* aut id, quod omnes in civitate sciunt, *l. 9. §. 2. d. t.* v. gr. maritum, cujus uxorem duxit, hoc vel illo tempore decessisse, ignoret, denique si quis circa vitia jumentorum emtorum,

quæ facile cognosci poterant, erret, ille etiam error voluntarius est, *vid. OBSERV. LAUTERB. Observ. 678.*

§. 26. Ex his principiis quæstiones speciales facile decidi posse arbitror, quanquam id aliquando dubium esse queat, utrum error aliquis sit voluntarius an involuntarius, adeoque determinatio legis positivæ, utilis hic omnino sit. Vulgo uti de præstruendis, in loco proprio, genuinis principiis, haud sunt solliciti, ita, ubi ad applicationem seu quæstiones speciales deventum est, fluctuant, ac ad vera principia, sed doctrinâ obscurâ & ambiguâ, nonnunquam collimant, ceu ostendi in *OBSERV. LAUTERB. Observ. 511. n. 2.* aliquando vero generalia quædam, sed insufficientia, nulloque certo fundamento subnixa, inpergunt.

§. 27. Eo pertinent vulgares regulæ de juris & facti errore, quas etiam *STRUV. J. F. l. 3. tit. 3. §. 24. seqq.* inculcat, cum enim principale discrimen erroris concomitantis & efficacis, hujusque vel voluntarii vel involuntarii, non præsupponant, hinc non possunt non sæpe deficere vel fallere, de quo specialius paululum videbimus.

§. 18. Prima est: *Juris ignorantia non prodest acquirere volentibus, l. 7. 8. de J. & f. l.* quæ admitti potest, cum enim in generis leges scire debeamus, multo magis illarum, quæ lucri acquisitionem dirigunt, gnarum quem esse oportet, hinc si is ex errore juris, lucro sperato excidat, id pro voluntario, ipsique agenti nocituro, merito habentur. Admittenda tamen nonnunquam erit exceptio, talisque error pro involuntario habendus, non tantum ob *conditionem personarum*, quibus jus ignorare permittitur, *l. 9. ff. d. 1.* sed & *qualitatem juris ignorati*, ut si sit nimis recensarumque notum, vel etiam valoris aut sensus valde dubii.

§. 29. Secunda est: *Juris ignorantia suam petentibus ac in damnis rei suæ amittendæ non nocet, d. l. 7. 8. v. gr. id.* quod ex errore juris solutum est, repeti potest, nam ad hoc exemplum, potissimum vulgo respiciunt. Enimvero licet ab eo, qui de lucro acquirendo sollicitus est, non immerito major legum cura exigatur, quam illo, qui in damnis rerum amissarum vel amittendarum versatur, illa tamen nimis liberalis est explicatio, qua error, ultimo casu commissus, generaliter pro involuntario habetur.

§. 30. Quare res potius invertenda, ac error juris, hic quoque regulariter pro voluntario habendusest, nam (1) obtinet etiam ratio generalis, §. 24. data, accedit (2) autoritas ratione subnixa, *l. 9. d. t.* nec obstat (3) *d. l. 7. 8. d. t.* nam primo autoritas JCtorum, ratione destituta, frustra allegatur, cum hæc res ex principiis communibus sit expedienda, deinde *d. l.* sunt referendæ ad casum specialem, quem innuit *l. 4. cod.* ut sensus sit, *error juris ad usucapionem non prodest*, hinc hætenus suum petentibus ac in damnis rei admittendæ non nocet. In specie falsum est, quod in solutione indebiti, error juris, regulariter pro involuntario habeatur adeoque solventi haud noceat, hoc enim & rationi, & variis juris Romani textibus repugnat, de quo alio loco dicendum erit, *vid. OBSERV. LAUTERB. Observ. 366.*

§. 31. Illud quoque adjiciendum, duabus illis regulis, omnem rem non exhauriri, nam pertinent saltem ad actus licitos, quid ergo, si quis ex errore juris, prohibita faciat, vel præcepta omitat? heic ex regulis illis frustra auxilium petes! De cætero dicendum, quod talis error, regulariter quoque sit voluntarius nec imputationem impediat, ob rationem §. 24. allatam, si vero aliqua ratione nitatur, tum imputationem temperare, ac à dolo excusare solet, exempla sunt in *l. 27. §. 6. de hered. petit. §. 1. l. de vi bon. rapt.* Quod si jus, in quo erratur, sit valde singulare, dubium aut incognitum, error pro involuntario haberi debet, ex quo liquet, vulgarem illam parcemiam: *etiam fatuam causam à dolo excusare*, vel falsam, vel saltem ita simpliciter non admittendam esse.

§. 32. Tertia regula vulgaris est: *Facti ignorantia neque in compendii neque damnis nocet*, *l. 8. 9. d. l. & F. l.* modo non sit nimis supina, *l. 6. 9. §. 2. cod.* quæ licet hætenus admittenda sit per ea, quæ §. 27. dixi, id tamen censuram meretur, quod ad errorem efficacem illa non restringatur, nam error facti concomitans, utique nocet seu non prodest, vel imputationem impedit, quod in *l. 12. 13. de novat.* etiam agnoscitur, *vid. §. 21. h.*

§. 33. Id regulæ illi non obest, quod v. gr. contra eum, qui ex ignorantia facti, rem suam non vindicat, etiam præscriptio currat, *l. fin. C. de præscript. long. temp. l. 3. 4. C. de præscript. 30. vel 40. ann.* aut adjudicatio falso cohæredi facta, post rem judicatam revocari nequeat,

l. 36. fam. ercisc. nam hoc fit autoritate legis civilis, ob publicam utilitatem, ac sæpe concurrentem errantis culpam, ex temporis lapsu colligendam, *vid. OBSERV. LAUTERB. Observ. 278.*

§. 34. Cæterum hæcenus de errore dicta, pertinent ad *effectum impediende imputationis molestæ, damnum inferentis vel lucrum tollentis.* Præterea vero, intuitu erroris, de alio *effectu positivo, vel ipsi erranti, vel tertio, lucroso aut noxio,* quæri solet, quæ adeo probe discerni debent, ex exemplis vero discrimen magis intelligitur.

§. 35. V. gr. si quis rem alienam ignorans possideat, tum ignorantia efficit, ne possessori mala fides, seu animus res alienas intercipiendi, imputari queat (quanquam ab hac imputatione etiam sciens, autoritate legis civilis, liberari potest) qui est primus effectus, præterea vero, ignorans possessor dominium, cæteris paribus, acquirit, qui alter est effectus a priori plane distinctus. Sic si quis rem propriam, velut alienam, leget, juxta §. 11. *I. de Legat.* non tam quæritur, an actus ille erroneus agenti testatori possit imputari, sed an ratione legatarii subsistat, qui posteriore effectus est.

§. 36. In genere autem certum videtur, quod effectus iste positivus non ab *ipso errore, sed à voluntate illius,* penes quem ejus rei arbitrium est, sive sit Legislator sive homo privatus, dependeat, error autem interveniens vel *causæ impellentis, vel conditionis sine qua non, vel indifferents cujusdam circumstantiæ* rationem habeat, quod per exempla illustrabimus.

§. 37. Ad judicem & testem testamentarium requiritur, ex lege civili, libertas, sed si servus, communi errore, pro libero habitus, munera illa obtineat, acta judicialia vel testamentum valent, *l. 3. de Offic. Prat. §. 7. I. de testam. ordin.* quia ex benigna Legislatoris voluntate, casus hic à rigore legis exceptus, non immerito præsumitur, quod declaratio Legislatoris ex postfacto nonnunquam secuta, certius ostendit. *Causa* igitur valoris, est voluntas Imperantis, error vero *impellit & facit jus,* nempe occasionem præbendo, juxta *l. 39. de LL.*

§. 38. Ad præscriptionem plerumque requiritur bona fides, seu ignorantia aut error, alias nihil acquiritur. *Causa* acquisiti juris, est lex civilis, sed error, *conditionis sine qua non, vel requisiti* cujusdam rationem habet, hinc etiam nonnunquam, si ita lex velit, bona fides vel peni-

penitus, vel in præscriptionis successu, deficere potest. Vice versa, verus titulus ad usucapionem regulariter requiritur, hinc error nullus est efficacia, §. 6. *I. de usucap.* adeoque nec tituli defectum supplet, nec præsentis vim imminuit, l. 2. §. 2. *pro emptor.* aliquando tamen titulum putativum, vel usucapionem sine titulo etiam lex admittit, l. 11. *pro cent. l. fin. §. 1. pro suo l. 2. §. 15. 16. pro emptor.*

§. 39. Si quis se putet hæredem necessarium, cum sit voluntarius, repudiare hæreditatem non poterit, *l. 15. de A. O. H.* cum enim leges hic applicari nequeant, nisi constet, an quis necessarius vel voluntarius hæres sit, & vero proprio testimonio se quis hæredem necessarium faciat, hinc merito, veritate incognita, hujus jure utitur, ut error hætenus etiam *conditionis sine qua non* instar sit. Si tamen de veritate, contra errorem proprium, constet, applicatio legum quoque aliter se habebit, quo pertinet l. 96. *cod.*

§. 40. Si per imperitiam, ab aliquo ad suppellectilem relatum sit, quod, juxta communem usum, eo non pertinebat, voluntas legantis servari debet, & error jus facit, ut ait Paulus in l. 3. §. *fin. de supell. legat.* sed non satis apposite, error enim hic saltem rationem *indifferentis circumstantiæ* habet, si enim testator consulto, siue errore inducto, contra communem usum, aliquid statuat, id servandum est, cum penes illum, ejus rei sit arbitrium.

§. 41. Si quis rem suam, quasi alienam legaverit, valet legatum, §. 11. *I. de Legat.* nam error quoque hic *indifferens* est, si enim quis rem legare vult, si sit aliena, is multo magis eam legaturus præsumitur, si sit propria, adeoque error interveniens, innoxius est, nec consensum legaturi excludit. De cætero certum videtur, quod in casu allato, legatum quoque valuisse, etiam si res (quæ erat opinio testatoris) revera fuisset aliena, quod post BACHOVIVM, recte admonuit VINNIUS in *comment. ad d. §. 11.*

§. 42. Contradicit quidem STRAUCH. *dissert. 10. §. 3.* contendens, legatum non valuisse, quia testator haud *servavit*, rem esse alienam, sed saltem *opinatus* fuerit, ad legatum vero rei alienæ. *scientia* requiratur, §. 4. *I. de legat.* Sed fallitur, nam requiritur scientia oppositive ad ignorantiam, debet scire testator rem esse alienam hætenus, ne ignoret, ex quo necessitas scientiæ, rigide suppositæ, seu certæ

cognitionis non sequitur, sed sufficit etiam scientia laxius sumpta, seu qualis qualis cognitio, opinio vel suspicio, nam ex hac perinde, ac ex scientia certa, animus legandi colligitur, ex quo effectu, unice habitus scientiæ, hic necessariæ, æstimari debet.

§. 43. Sed hæc obiter! Aliud *indifferentis* erroris exemplum est in eo, qui à domino emit, quem non dominum esse putabat, nam, non obstante errore, emtor dominus efficitur, l. 9. §. 4. de J. & f. ign. si enim quis ab eo emere vult, qui dominium præstare non poterat, multo magis ematurus præsumitur, si venditor revera dominus sit, ut error interveniens animum acquirendi haud excludat. Ad hanc classẽ etiam pertinet exemplum servi proprii manumissi, nam licet vel dominus, vel servus, vel uterque dominium deficere putet, manumissio tamen effectum habet, cum animus dandi & habendi libertatem, isto errore non tollatur, l. 4. §. 1. de manum. vind.

§. 44. Romani Jcti, negando vel asserendo erroris effectui, non raro utuntur ea ratione: *plus valet quod est in veritate, quam quod in opinione*, §. 11. l. de legat. l. 9. §. 4. de J. & f. ignor. l. 4. §. 1. de manum. vind. l. 2. §. 2. pro emtor. Vel vice versa: *plus est in opinione quam in veritate*, l. 15. de A. O. H. quemadmodum etiam legendum videtur in l. 2. §. 15. pro emtor. qua de re, in ætate juvenili, dissertationem, sub Præsidio Dn. D. ITTIGII 1685. Lipsiæ defensam, conscripsi, illaque effata pro captu, qui tum fuit, amplius exposui.

§. 45. Sed sunt illæ rationes superficiariæ, nec veram factæ decisionis causam continent, præterea nonnunquam male applicantur, ut in §. 11. l. de legat. (quod ex §. 41. 42. b. apparet) nec non in l. 2. §. 15. pro emtor. si vulgarem lectionem retineas. Quæstio vero inde enata, de *prærogativa Veritatis*, vel *Opinionis* ejusque proluxa discussio, ad difficiles Romanorum nugas, quarum in vita civili nullus est usus, referri debet, id quod in d. DISSERT. c. 1. §. 24. jam submonui, tum tamen non penitus intellexi.

§. 46. Rerum de actionibus humanis in genere, pro ratione instituti, satis! Sub iis comprehenduntur (1.) *Affectus*, nam licet hi vario sensu sumantur, mihi tamen plane persvasum est, quod aliquando etiam pro *actioni intensiori* capiantur. (2.) *Sermo* i. e. *vox articulata*, ex *impositione hominum*, ad *communicanda animi sensa*, aliquid *significans*.

ficans. De moralitate affectuum & sermonis, non infrequens in disciplina juris privati est quæstio, prout hinc inde, ex locis propriis constabit, sed quæ ad explicandam eorum naturam pertineant, in legibus Germaniæ usitatis, quod ego sciam, non adeo occurrunt, hinc tota hæc tractatio, ex Jurisprudentia Universali, supponitur, *vid.* OBSERV. PUFENDORF. *Observ.* 36. 242. seqq.

CAPUT III.

DE LEGIBUS GERMANICIS,
AC IN SPECIE, DOMESTICIS SEU PROPRIIS.

SUMMARIÆ.

Legis definitio & divisio §. 1.
Lex divina est naturalis & positiva §. 2.
Naturalis indoles & varietas §. 3.
Positivæ definitio §. 4. Et divisio §. 5.
Lex divina universalis §. 6. Particularis §. 7.
Lex humana in universalem & particularem discernitur, sed illa non datur §. 8.
Ambiguitas juris gentium §. 9.
Lex civilis quid §. 10.
Ejus varietas §. 11. 12.
Quæ ex statu cujusvis Reipublicæ resultat §. 13.
Leges respiciunt homines, quorum diversa conditio §. 14. 15. 16.
Leges Germanicæ quid §. 17.
Status Reipublicæ Germanicæ §. 18.
Inde duplex legum principium existit §. 19.
Legum Germanicarum indoles §. 20.
Varietas §. 21.
Leges expressæ, sunt vel domesticæ vel extraneæ §. 22. 23. 24.
Veteres Germani leges scriptas non habuerunt §. 25.
Seculo V. ille censetur invaluisse §. 26.
Earumque magna est varietas §. 27. 28. 29. 30. 31.
Neque eas fuisse Lotharius II. §. 32.
Sensum tamen earum usus defuisse videtur §. 33.
A seculo XIII. nova legum incipit periodus §. 34.
Eo pertinet speculum juris Saxonici §. 35. 36.
37. 38. 39.
Jus feudale Saxonicum §. 40. 41.

Speculum juris Svecici provincialis & feudalis §. 42. 43.
His, leges speciales §. 44.
Et imprimis jus Lubecense §. 45. 46.
Ac Magdeburgense, five Weichbildicum accesserunt §. 47. 48. 49.
Summatim ergo Germaniæ, jure Saxonico & Svecico usa est §. 50.
Hinc duo summa Tribunalia extiterunt §. 51.
Auctoritas juris Saxonici in alias etiam regiones penetravit §. 52.
Germanica jura sensim oblivioni tradi cœperunt §. 53.
Ac antiquiorum nulla hodie videtur esse auctoritas §. 54. 55. 56.
Saxonici quoque & Svecici valor dubius est §. 57.
Cur leges Germanicæ, consuetudinis nomen gerant §. 58. 59.
Emendandæ Jurisprudentiæ, leges antiquæ frustra in usum revocantur §. 60.
Earum tamen historia merito excutitur §. 61.
Hodie in Germaniâ quadruplicis generis leges occurrunt §. 62.
Universales five Recessus imperii §. 63. 64.
Generales, nempe jus Saxonicum & Svecicum §. 65.
Provinciales §. 66.
Et statutiariæ §. 67.
Ab objecto, leges privatz, sunt civiles, feudales & ecclesiasticæ §. 68.

Hæc religione ipsa debent distingui §. 69.
Ac, pro diverso Reipublicæ statu, sunt diversæ
§. 70. 71. 72. 73.

Diversa earum conditio in Germania §. 74. 75.
76. 77. Cum episcopi §. 78.
Legum ecclesiasticarum finis §. 79.

§. I.



Deinde de legibus, velut actionum humanarum norma agendum est. Lex in genere est *decretum Imperantis, quo sibi subiectos obligat, ut ad ejus præscriptum actiones componant, vel iis licite & secure quid agendi, jus concedit.* A fine distinguitur in *Obligantem & Permittentem*, ab objecto, in *Naturalem & Positivam*, à subiecto, in *Universalem & Particularem*, ab Autore, in *Divinam & Humanam*.

§. 2. Jam ultimum respectum sectabimur, prioribus vel suppositis vel subinde etiam commemoratis. Est igitur lex divina, quæ Deum habet autorem, & iterum in *naturalem*, quæ natura ac ratione, & *positivam*, quæ revelatione nititur, separatur.

§. 3. Lex naturalis est *decretum voluntatis divinæ, per rationem promulgatum, quod omnes homines, ad actiones voluntarias, cum natura humana necessario convenientes, suscipiendas, non convenientes, omittendas, exactissime & immutabiliter obligat, indifferentium vero exercitium, proprio eorum beneplacito permittit.* Est igitur etiam lex naturalis vel *obligans*, quæ præcipiendo aut prohibendo necessitatem affert, unde ejus decreta in *affirmativa & negativa* discernuntur, vel *permittens*, quæ quævis suo jure, quamdiu res in alium statum non est deducta, uti finit. De cætero dictamina tam obligantia, quam permittentia, sunt vel *absoluta*, quæ ante factum humanum, & *hypothetica*, quæ, ex hypothesi facti præcedentis, obtinent.

§. 4. Lex divina positiva est, quæ jure naturali præcepta ac prohibita confirmat, & *permissa hinc inde magis determinat.* Nititur illa speciali revelatione, in S. literis facta, hinc ab iis etiam saltem agnoscitur, qui auctoritatem S. literarum admittunt, quamvis & inter hos, de veritate aut sensu unius vel alterius legis, disputari queat & soleat.

§. 5. Rectissime autem distingui viderur in *Religiosam*, quæ cultum divinum directo respicit, & *Politicam*, quæ ad homines, in societate civili spectatos, pertinet. Illa à materia, in ceremoniam

lem & moralem, à *duratione*, in temporalem & perpetuam, à *subjectione*, in particularem & universalem, *Hec* verò iridem à *subjecto*, in Universalem ac Particularem, ut & à *duratione*, in Perpetuam & Temporalem amplius dispescitur.

§. 6. Lex Politica universalis & perpetua, est *Decretum voluntatis divine, expresse promulgatum*, quo Deus omnes homines, intuitu actionum indifferentium, exactissime obligat, vel iis licite quid agendi, jus concedit. Hujus generis esse censentur. (1.) Lex pœnalis de homicida capitaliter puniendo, *Gen. IX, 6.* (2.) Dispositio, qua marito imperium in uxorem conceditur, *Gen. III, 16. 1. Cor. XI, 3.* (3.) Leges connubiales, *Lev. XVIII.* (4.) Prohibitio Polygamix, *Gen. II, 22. 23. 1. Cor. VII, 2. seqq. 1. Tim. III, 2.* (5.) Prohibitio divortiorum, *Gen. II, 23.*

§. 7. Particularis & temporaria est *Decretum voluntatis divine, expresse promulgatum*, quo Deus solos Judæos, intuitu actionum indifferentium, exactissime obligavit, vel iis jus aliquod concessit. Dicitur alias *lex forensis*, ad eamque omnes reliquæ dispositiones politicæ, quæ in S. Scriptura occurrunt, nec naturales aut positivæ universales, bonis rationibus censi possunt, referri debent. Cæterum sicut lex particularis alias Gentes nunquam obligavit, quoad Judæos autem, adventu Messix, desiit, ita universalis veritatem negavit BRICKNER, in *Consil. matrimon. Proœm. n. 26. seqq.* nec videtur plane improbabile, si distamina, quæ hoc nomine laudantur, vel omnino negemus, vel ad jus naturale referamus.

§. 8. Lex humana, *vid. §. 2.* est, quæ ab hominum imperantium voluntate dependet. Solet illa à nonnullis, aut potius plerisque, in Universalem seu Gentium, & Particularem sive Civilem distingvi. Sed si, prout par est, per illam intelligas legem humanam positivam universalem, vel omnes, vel saltem moratiores Gentes obligantem, ac à lege naturali & civili distinctam, tum eadem merito negatur, quia non occurrit Legislator, quæ ratio certa & peremptoria est.

§. 9. Alias per Jus Gentium intelligitur (1.) facultas moralis, Gentibus ex lege naturali competens. (2.) Ipsa lex naturalis, aut in specie (3.) lex naturalis hypothetica, quæ actus Gentium dirigit. (4.) Lex civilis nonnullarum Gentium. (5.) Consuetudo populorum illicita. (6.) Nuda consuetudo licita, vi obligandi destituta, ac denique (7.) pa-

Autem Gentium tacitum vel expressum, juxta quos sensus, Gentium jus merito admittitur. Atque illos ii sectantur, qui pro veritate decantati juris Gentium depugnant, sed dum propositum non tenent, verum terminorum ambiguitate ludunt ac res varias commiscunt, nihil efficiunt.

§. 10. Juxta hæc igitur Lex humana, tantum *particularis* seu *Civilis* est, ac in genere notat *Decretum voluntatis*, *signis arbitrariis declaratum*, quo Imperans *leges divinas confirmat*, pro utilitate Reipublicæ, aliquid *definiit*, ac ad illud *servandum*, *sua civitatis subditos obligat*, vel *iis jus, licite & secure quid agendi, concedit*.

§. 11. Divisio legis humanæ varia est, nam, præter generalem divisionem, quæ in *Obligantem* & *Permittentem* separatur, poterit illa distingui (1.) à *diversa promulgatione* in *Expressam* & *Tacitam*, quarum illa, pro Status publici diversitate, varias species, puta *Constitutionem Principis*, *Scutum* vel *Plebiscitum*, sub se complectitur. (2.) à *subjecto*, in *generalem* & *specialem*. (3.) à *norma*, in *justam* & *injustam*, ut & *prudentem* & *imprudentem*. (4.) ab *origine* in *humanam* ratione *authoritatis tantum*, quæ leges divinas obligantes confirmat, & *originis ac autoritatis finem*, quæ permitta, pro Reipublicæ utilitate determinat.

§. 12. Denique leges humanæ, laxiori sensu suppositæ, (5.) ab *objecto specialius sumto*, distinguuntur in *civiles*, *feudales* & *ecclesiasticas*, nec dubitandum, quin singulæ amplius ab objecto distingui queant, sed minutias consuetari, opus non est. De cætero illa omnia referimus ad leges *privatas*, quæ res privatorum concernunt, nam *publicæ*, quæ ad statum Reipublicæ pertinent, magis *conventiones*, quam *leges* sunt, nec de iis nunc sumus solliciti.

§. 13. Omnis iste legum apparatus & varietas, ex libertate & statu Rerum publicarum resultat, ac nulla Gens eo nomine alteri quid debet, quod contra Legulejos notandum, qui sæpe communia illa, à Romanis repetunt. Sed ista hic saltem delibanda sunt, ex professo autem in Jurisprudentia Universalis explicari debent. Dixi ea de re in OBSERVAT. PUFEND. ad l. l. c. 2. 3. *Observ. 49. seqq.* si non adæquate, attamen satis copiose, & tantum, quantum ei intelligendæ sufficit.

§. 14. Id tamen in genere adhuc monendum, quod leges pertine-

tineant ad homines *natos & existentes*, qua occasione diversitas *sexus & ætatis* in Jurisprudencia attenditur. Regulariter eadem omnium hominum sunt jura, aliquando tamen, pro ratione *sexus & ætatis*, illa variant, quod à voluntate Legislatoris dependet, ac ex locis propriis specialius cognoscendum est; Ob illam causam quoque Hermaphroditum, alteri sexui adscribendi sunt, nec possunt illi proprio arbitrio hic aliquid mutare.

§. 15. Erga homines *nascituros*, leges sunt observandæ hæcenus, ne illi lædantur, quo respectu, matri prægnanti etiam prodesse solent; Ur quoque, ob spem nascendi, jura, in natiuitatis eventum, integra eis seruantur, illique eorum, si formâ humanâ prodeant, capaces fiant, eaque in alios transmittere possint, id indoli humani generis manifeste congruit. Quousque autem in utero adhuc existentes, aliis, in rebus arbitrariis, prosint nec ne, id à lege civili dependet, quemadmodum etiam jura, quæ nati consequuntur, partim ex generalibus principiis, partim ex speciali legis positivæ dispositione resultant.

§. 16. Denique ad homines *mortuos* etiam leges quodammodo spectant, dum, eorum intuitu, hominum vivorum jura & obligationes determinant, quod itidem in loco proprio specialius cognoscendum. Ista omnia, quæ de *naturali* hominum *discrimine* summatim admonuimus, ex generalibus omnium Gentium principiis resultant, ex jure tamen ut alio, ita præcipue Romano, illustrari possunt & solent, *vid. LAUTERB. Comp. Jur. de stat. hom. lit. B.* De *discrimine* hominum *arbitrario*, quod ex variis institutis oritur, aliqua hic dicere non attinet, cum illud, cum legibus id introducentibus, in loco proprio inculceretur.

§. 17. Jam, generalibus illis præsuppositis, ad Germaniam respiciendum erit. Leges Germanicæ privatæ, sunt *decreta ab iis, penes quos ejus rei arbitrium est, data, confirmata aut recepta eo fine, quo negotia privata, juxta eadem dirigantur, atque ita justitia vigent, & Reipublicæ tranquillitas conservetur.* Late igitur hic supponuntur leges Germanicæ, pro omnibus illis, quæ in Germania valent, nec hæcenus attenditur utrum sint originis divinæ, an humanæ, in Germania conditæ, an aliunde receptæ.

§. 18. Quemadmodum autem, intelligendis legibus, ad statum

Reipublicæ, respiciendum est, ita in Germania is hodie deprehenditur, quod Proceres seu Imperii Status, in suis Territoriis, proprio imperio civili gaudeant, ac in Comitibus Universalibus, cum Imperatore, de rebus communibus, deliberent ac decernant. Præterea vero Germania papatu adhuc ex parte infestatur, ex parte vero ab eo vindicata est.

§. 19. Ex eo consequitur, quod leges Germanicæ ex duplici principio valorem accipiant, vel *ab omnibus Germaniæ Imperantibus*, vel *à singulis*, quoad *Territoria propria*, præterea manifestum est, quod illi, qui à papatu alieni sunt, libere potestatem legislatariam exercent, cum è contrario, qui ei subsunt, eam timidius in actum deducant, vel etiam plane omittant; Interim tenendum, quod papatus legitimum aliquod imperium non notet, adeoque imperio Germaniæ nulla in parte obstat, licet per superstitionem ei aliqua vis, à nonnullis relinquatur. De cætero Imperantes Germaniæ, vel leges divinas confirmant, vel propria decreta, expresse aut tacite, promulgant, vel leges extraneas recipiunt & probant.

§. 20. Dantur leges privatæ primario quidem *subditis*, nec tamen Imperantes plane excluduntur, de quo dixi c. 1. §. 28. 29. 30. Respiciunt porro illæ, *negotia privata*, tam secularia quam ecclesiastica, tam feudalia, quam allodialia nam late hic de legibus privatis philosophamur, nec est, quod quem papatus turbet, de cujus habitu jam dixi. *Finis* earum est, ut negotia privata juxta illas dirigantur, justitia vigeat, & tranquillitas civitatis conservetur, nam hic verus finis est, malitia humana aliò nonnunquam leges refert, ex quo abusu hæc res non æstimanda. De *effectu* videbimus c. 11.

§. 21. Sicut autem leges Germanicæ dubio procul ex duplici fonte, imperio scilicet divino & humano, summatim resultant, adeoque vel divinæ & humanæ sunt, ita præsupposito generali hoc discrimine, omnes, *humane*, à valore dici solent, ac ab *externo habitu* earum varietas desumitur, ubi fortassis in genere sic dicere licet: Sunt leges illæ, vel *Expressæ* seu *Scriptæ*, vel *Tacitæ* sive *Non scriptæ*. Priores iterum sunt, vel *domesticæ* vel *extraneæ*, posteriores vero, ex mea quidem sententia, tantum *proprie* vel *domesticæ*.

§. 22. Leges expressæ sunt, *quas Imperans vel expressa promulgatio*

gatione proponit, vel alibi natas expresse vel tacite recipit ac probat. Ex mea igitur sententia, ceu modo tetigi, omnes leges extraneæ, in Germaniam receptæ, expressis annumerari debent, licet vulgo quoad leges feudales Longobardicas, maximam partem, aliter sentiant. Sed considerandum est (1.) quod illæ leges, quando in Germaniam admissæ sunt, scripto fuerint comprehensæ, adeoque ex prima origine eas æstimare, plane incongruum videatur, cum nec absurdum nec insolitum sit, ut lex non scripta, in scriptam degeneret.

§. 23. Accedit (2.) quod multum intersit: *ex actibus subditorum legem facere*, quod ad legem non scriptam seu consuetudinem requiritur, & : *leges, de quarum habitu & sententia penitus constat, admittere*, hinc etiam (3.) requisita introducendæ consuetudinis vulgo laudata, ad receptionem legum extranearum, vel omnino non, vel non nisi contorte applicari, possunt denique (4.) leges extraneæ tacite quidem admissæ sunt, at postea expressa approbatio accessit.

§. 24. Illud certum, parum vel nihil referre, utrum legem aliquam, (de cujus origine, veritate & sensu satis constat, *vid. CONRAD. SINCER. dissert. epistol. de Usu leg. antiqu. german. p. 28.*) scriptam vel non scriptam dicere velis, nam utriusque, semel introductæ, idem est effectus, hinc scriptorum concertationes, quibus nonnunquam de ista legum qualitate, unice & operose disputant, ad inepta vitilitigia referri debent, nos illa res deinceps non morabitur, sed juxta factam partitionem, jus scriptum recensebimus.

§. 25. Vetustissimos Germanos nullas leges scriptas habuisse, ob literarum ignorantiam, censet CONRING. *de O. J. G. c. 1.* sed ut illud verum sit, ratio tamen fortassis non ita simpliciter admittenda, *vid. SPEC. JUR. PUBL. l. 1. c. 2. §. 5. KULPIS. ad Monzamb. c. 1. §. 2.* sed defectus potius ille, ex vitæ simplicitate, repetendus est, rudior enim vita paucis regulis est contenta, sed institutorum varietas, majorque vitiorum & vanitatis cognitio ac praxis, magnum legum scriptarum apparatus expostulant.

§. 26. Seculo Christiano quinto, usus legum scriptarum invaluisse censetur, cumque Germanicæ Gentes non tantum in alias terras migraverint, sed & in Germania in plures populos, citra commune aliquod imperium, fuerint divisæ, hinc, pro diversitate regionum &

nationum, magna jurium Germanicorum exstitit varietas, dum quædam in Solo peregrino nata sunt, ac in ipsa etiam Germania, unaquæque Gens peculiari jure usa est. Omnes tamen Romanâ cum lingvâ tum literis leges suas conscripsisse censentur, *vid. CONRING. d. tr. c. 2.*

§. 27. Ad leges Germanorum exoticas, Germaniamque non adeo attinentes pertinent *Wifigothorum, Ostrogothorum, Gothorum, & Burgundionum* leges, *vid. CONRING. d. tr. c. 3. seqq.* sed Germanicas res propius contingunt *Franci*, à quibus paulo ante, quam in regnum propius coirent, fere circa annum 422. condita est *Lex Salica*, quæ omnis juris Germanici postea insecuti, fons esse censetur, *vid. CONRING. d. tr. c. 7.*

§. 28. Postquam Franci cæteros Germaniæ populos imperio suo subjecerunt, paulatim quoque legum suarum usum devictis insinuarunt. Initium factum esse censetur ab *Alemannis & Bojovariis*, à Clodovæo M. circa annum 500. subjugatis, secuti *Thuringi*, quos Theodoricus devicerat, & sic in cæteris, donec Carolus M. omnes Germaniæ populos sub regno Francico conjungeret, eosque una cum Gallia ac Italia teneret. Usi tamen sunt Reges Francici, in legum suarum, ad populos devictos unoque imperio conjunctos, applicatione, juris bellici temperamento, apud GROTIUM *de J. B. P. l. 3. c. 15. §. 10.* laudato, ut se in singulis Provinciis ad genus Populi, ejusque receptas consuetudines insuper accommodarent, *vid. CONRAD. SINCER. dissert. epist. de German. Leg. Orig. p. 9. GRÆPHIAND. de Weichbild. c. 40. seqq.*

§. 29. Hinc diversæ leges, *Alamannorum, Bajuvariorum, Ripuariorum, Saxonum, Frisiorum, Thuringorum, Longobardorum* (quæ ultimæ ad Italiam pertinerunt) aliæque exortæ sunt, *vid. CONRING. d. tr. c. 9. seqq.* in quibus colligendis junctimque edendis JOH. BASILIUS HEROLDUS & FRIDERIGUS LINDENBROGIUS præcipuam operam intenderunt. Condidit præterea Carolus M. novas leges, civiles patiter ac ecclesiasticas, quæ à Ludovico Pio ac Lothario I. auctæ, sub nomine *Capitularium* à PETRO PITHÆO editæ, deinceps à LINDENBROGIO Codici suo insertæ, tandem cum aliis à STEPHANO BALUZIO plenius curatæ ac notis illustratæ sunt, *vid. CONRING. d. tr. c. 14. seqq. SINCER. d. epist. p. 10. seqq.*

§. 30. Perstitit eadem juris ratio, etiam post extinctam stirpem Caro-

Carolinam, nam & secuti Imperatores, priores Leges confirmarunt & novis subinde conditis auxerunt, ut ut forte omnia pristina instituta, exortis turbis variisque mutationibus, religiose semper non fuerint observata, CONRING. *d. tr. c. 17.* In specie Otto M. cui Juris Weichbildici Magdeburgensis confessio non recte quidem adscribitur, *Id. d. l. c. 18.* de successione nepotum in bona avorum cum patruis, legem tulit, *vid. LEHM. Chr. Spir. l. 5. c. 4.*

§. 31. Post ea tempora vero usque ad Lotharium II. nihil adeo legum Germanicarum concinnatum, aut saltem in usum Posterorum, conscriptum & publicatum est (nam in Archivis imperialibus, Vienneis & Moguntino, multa fortassis ejus generis delitescere, nonnulli suspicantur, *vid. SINCER. d. l. p. 16.*) Memorantur tamen quædam juris Saxonici *additamenta*, ut & leges *Haroldinæ*, quas à Rege Daniæ Haroldo, vicinæ Gentes Germanicæ acceperint, *vid. CONRING. d. tr. c. 19.* GRYPHIAND. *de Weichbild. c. 40.*

§. 32. Sub Lothario II. autem leges Germanicas magnam perpessus esse cladem, dum ille, iis abrogatis, ex solo jure civili Romano, causas controversas decidi præceperit, vulgo existimatur, sed utrumque falsum est, silent enim Scriptores coævi, & Constitutio, qua tanti momenti mutatio facta sit, nullibi reperitur, de qua re, circa Jus Romanum, iterum erit dicendi occasio, *vid. CONRING. d. tr. c. 20. seqq.*

§. 33. A Friderico I. nonnullæ quidem leges latæ sunt, sed intuitu Italicæ, non Germanicæ, hujus tamen respectu, etiam quædam Constitutiones ab eodem Autore, ut & Henrico VI. & Ottone IV. profectæ censentur. De cætero veteres leges Carolinas manibus hominum excidisse, nec secutas magnæ fuisse autoritatis, sed à temporibus Carolinorum, usque ad Seculum decimum tertium, non ex scripto, sed ex receptis moribus, ex æquo ac bono, sententias pronunciatas esse censet CONRING. *d. tr. c. 25.*

§. 34. Seculo decimo tertio frequentius leges scribi cœperunt, quia in universum scribendi, & quidem Germanice, usus, tum magis invaluit. neque tamen Latina scriptio statim desuit, nec omnia literis sunt commissa, aut saltem omnibus innotuerunt, interim dubitandum non est, quin multa ejus generis in archivis imperii, ac præcipue tabulariis Moguntinis, lateant, *vid. CONRING. d. tr. c. 27.*

§. 35. Ad

§. 35. Ad hæc tempora etiam pertinet *Speculum Juris Saxonici*, nam ad Carolum M. ejus origo fabulose refertur, cum intra primos quinquaginta seculi decimi tertii annos probabiliter confectum sit, ab Eccone Repcovio, Nobili Saxone, in lingua Latina, quam Idem in Germanicam transtulit. In Saxoniam verum esse primo speculum illud, contendit GRYPHIANDER *de Weichbild. c. 39.* sed non probat, nec probabilis assertio videtur, si Repcovium cum sua familia, Electoratu Saxonie vindices cum HEIGIO *p. 1. qu. 8. n. 59.*

§. 36. Licet vero Codex ille multa fabulosa, quoad legum originem, contineat, ejusque compilatio magnam artem ac judicium, in universonum non redoleat, nec etiam auctoritate publica sit promulgatus vel postea à Cæsaribus diserte confirmatus, attamen in illa temporum ruditate facile placuit, ac successu temporis ejus auctoritas ita crevit, ut Papa Gregorius XI. illum, velut prætenso suo imperio contrarium, exterminare conatus fuerit, *vid. CONRING. d. tr. c. 30. 31. GRYPHIAND. de Weichbild. c. 40. seqq. usque ad 48. SINCER. d. epist. p. 20.*

§. 37. Sicut autem Codex ille, secutis temporibus, præcipuus juris Saxonici fons fuit habitus, ita in ejus interpretationem, à viris præclaræ nobilitatis & dignitatis, haud parum laboris est impensum, CONRING. *d. c. 30.* Inprimis vero, auspiciis Ottonis II. seu Rufi, Burchardus à Mangelfeld, laudati Cæsaris Cancellarius, ac eo fine carceri inclusus, perpetuo commentario seu glossa jus Saxonicum illustrasse dicitur AUCTORI *Gloss. Weichbild. ad art. 10.*

§. 38. Sed crassissima illa est *ἀνισογενεία*, hinc licet forte aliquis ejus nominis Scriptor, glossas, in laudatum jus Saxonicum, concinnare cøperit, Ottoni tamen illi, cœvus censeri non potest, sed Eccone Repcovio compilatore, ultracentum annos, recentior, ac seculo decimo quarto glossas scripsisse, existimari debet, CONRING. *d. tr. c. 29. & inprimis GRYPHIAND. d. tr. c. 52. 53.* Imo Glossa juris Saxonici non unius Auctoris, sed successive aucta est, ac post primum Autorem, Tammonem à Buxtorf quædam adjecisse censet GRYPHIAND. *d. c. 53. n. 11. seqq. vid. GLOSS. ad art. 19. l. 1. in fin.*

§. 39. Quicunque vero illi compilatores Glossarum fuerint, hoc certum, quod historiæ omnis fuerint imperitissimi, & licet Romani & Pontificii juris non mediocrem peritiam, ad Saxonici juris cognitionem

nem attulerint, fatente CONRINGIO *d. c. 30.* attamen eo nomine non laudari, sed magis reprehendi merentur, cum nimis magna sit absurditas, ex legibus peregrinis, Germanicas declarare. Adjecit etiam nonnulla Zobelius, quæ omnia, post Zobelii obitum, Lipsiæ edi curavit Menius, quæ juris Saxonici Editio, judice SINCERO *d. l. p. 22.* optima est, *conf. SCHILTER. de L. E. G. l. f. c. 1. §. 8.*

§. 40. Inter jura Germaniæ etiam occurrit *Jus Feudale Saxonicum*, quod tamen quotempore & Autore prodierit, non liquet, quamvis enim GRYPHIANDRO *de Weichbild c. 50. n. 5.* haud ambigendum videatur, quin Fridericus II. ejus sit Autor, attamen id Glossatorum fabulis annumerandum censet CONRING. *d. tr. c. 30.* verosimilius esse existimans, quod ab aliquo juris perito, privatâ operâ, seculo forte decimo tertio, idem etiam confectum sit, cui subscribit RHET. *in Comm. jur. feud. proæm. n. 28. p. 35.* sed HEIGIUS *sp. 1. qv. 8. n. 56.* ejus compilationem Ecconi Repkovio quoque adscribit, quod probat SCHILTER *in Cod. jur. feud. Alam.* nam Codici juris feudalis Saxonici à se edito, nomen Repkovii præposuit. SINCERUS tamen *d. epist. p. 22.* integro forte seculo post Speculum, jus feudale Saxonicum confectum esse arbitratur.

§. 41. In nonnullis antiquis Codicibus jus illud feudale, librum quartum speculi Saxonici, seu Juris Provincialis, constituit, GRYPHIAND. *d. tr. c. 39.* Alias vero seorsim editum est cum Glossa perpetua, de cujus tamen Autore mihi nihil liquet, de quo jam dixi in JUR. FEUD. GERMAN. *c. 3. §. 8. 9.* Prostat illud etiam una cum jure Weichbildico & notis Zobelii, *vid. SINCER. d. l. p. 22.*

§. 42. A jure Saxonico dudum discretum fuit Jus Svevicum, ex quo enatum est *Speculum Juris Svevici Provincialis & Feudalis*, de cujus tamen Autore & tempore nihil certi habetur, nam quod à Bertholdo Barone de Grimmenstein idem compositum sit, asserente id, sed dubitanter, Goldasto, illud fundamento caret. Communiter vero jure Saxonico recentius, ac seculo decimo quarto, paulo ante Ludovici Bavaritempora, compositum esse censetur, CONRING. *d. c. 30. in fin.* RHET. *in Comm. jur. feud. proæm. n. 30. p. 35.* SINCER. *d. epist. p. 22.* sed SCHILTER. *in præfat. Jur. Alaman. §. 17.* Svevicum jus feudale, Saxonico antiquius, ac ab Ottone IV. in Comitibus Norimbergenfibus 1208. confirmatum esse putat.

§. 43. Codex hujus juris Ambrasianus MSetus, isque authenticus, in Bibliotheca Vindobonensi asservari, cæterorumque inde descriptorum regula esse perhibetur à SINCERO *d.l.p. 23.* Aliàs cura SCHILTERI nova editio juris feudalis Alamannici, 1697. cum commentario Ejus satis prolixo prodiit, quod retuli in JUR. FEUD. GERMAN. *c. 3. §. 10. 11. 12.*

§. 44. Hæc communia Germaniæ jura fuerunt; Præterea vero Principes & nonnullæ civitates singularia jura sibi condidere, quamvis non omnia innotuerint. In istum censum referri debent leges Frisiorum Opstalbomicae, ut & leges Colonienfès & Aquisgranenfès, quibus etiam nonnullæ aliæ civitates Rheno vicinæ utuntur, ac inprimis Jus Lubecense & Magdeburgense, v. CONRING. *d. tr. de O. J. G. c. 28.*

§. 45. Origo juris Lubecensis incerta est. Ad Fridericum I. ejus initia referri posse videntur, cujus autoritate Lubeca obtinuit, ut *justitias, quas in privilegiis scriptis habebat, secundum jura Solfatiæ possideret*, ceuloquitur ARNOLD. LYBECENS. *l. 2. Chron. Slav. c. 40.* sed quæ sint illa *Jura Solfatiæ*, non liquet; CONRING. *d. O. J. G. c. 28.* legit: *Holfatiæ*, quam conjecturam nonnulli probant. GRYPHIANDER *de Weichbild c. 80. n. 16.* fatetur: *de jure Solfatensi, quale id fuerit, nihil indagare se potuisse, nisi illud, jus Vernicum vicinæ civitatis Tremonie redolere, quis opinetur*, de quo dixerat ID. *d. tr. c. 55. n. 20.*

§. 46. Sed illa incerta sunt, hoc certius est, quod Jus Lubecense (quod ex jure Wisbieniensi, *vid. CONRING. d. tr. c. 19. in fin.* & jure antiquo Slavico nonnulla mutuatum videtur GRYPHIANDRO *d. c. 80. n. 17.* alias autem ex jure Saxonico maximam partem desumptum est, teste SINCERO *d.l.p. 24. conf. COCCEJ. J. P. P. c. 3. §. 59.*) magnam auctoritatem, quoad vicinas urbes, acquisierit. Exstant ejus diversi Codices, ac à Sibrando & Mevio eruditis commentariis idem est illustratum, *vid. CONRING. d. tr. c. 18. GRYPHIAND. d. c. 80. SINCER. d.l.p. 24.*

§. 47. Inprimis etiam *Jus Magdeburgense* seu *Weichbildicum*, commemorari meretur. *Weichbildi* vox, in sensu figurato, *jurisdictionem, territorium* ac *jus municipale* notat, *vid. GRYPHIAND. de Weichbild c. 72.* quod ultimum etiam *Marktrecht, Stadtrecht & Willkühr* dicitur, hinc juris Saxonici proverbium: *Willkühr bricht Land.*

Landrecht, i. e. statuta derogant juri provinciali. Juxta hæc igitur Jus Weichbildicum in genere, quodvis jus municipale significat, v. GRYPH. d. tr. c. 77.

§. 48. Sed cum Magdeburgum olim Saxoniae Metropolis haberetur, ideo ejus Jus absolute & κατ' ἐξῆς Weichbildicum dicitur, GRYPH. d. c. 77. Ejus compilatio ad Ottonem I. vel II. hujusque Cancellarium Burchardum à Mangelfeld fabulose refertur, cum id probabiliter, initio seculi decimi quarti, demum compositum sit, vid. CONRING. d. tr. c. 18. 19. De cætero ex Speculo Saxonico multa desumpsit Collector, adeo ut Jus Weichbildicum *Speculi Saxonici epitomen* esse testetur GLOSSA ad art. 1. Weichb. v. GRYPH. de Weichb. c. 51.

§. 49. Adjecta est Juri Weichbildico Glossa perpetua, de cujus tamen Autore & origine nihil liquet, hoc certum, quod tam Collector quam Glossator rudia studia passim ostendant, add. HEIG. p. 1. qu. 3. n. 67. GRYPH. d. tr. c. 52. n. 10. 11. De cætero Jus Weichbildicum non solum Magdeburgi, sed & in aliis urbibus & regionibus valuit, & creduntur nonnullæ civitates, in Juris illius signum, statuam Rolandinam collocasse, quo ab aliis Urbibus, Jure Lubecensi utentibus, distinguerentur, GRYPH. de Weichbild. c. 80. id quod in medio relinquimus.

§. 50. Atque illa Jura hæcenus enumerata, à tertio decimo inde ad decimum quintum usque seculum viguerunt in Germania, adeo ut universa Respublica, si compendio loqui velimus, duplici jure, Saxonico & Suevo seu Francico, fuerit administrata, quorum illud tractum Saxonicum ad mare Balthicum & Sarmatiani, hoc tractum Rheni, Franciam Orientalem & Suevo latius suppositum, complectebatur, prout ex Frehero, Goldasto, Prizenio & Limnæo annotavit SINCERUS d. epist. p. 25.

§. 51. Hinc etiam duo summa Tribunalia Cæsarea seu Palatia vel Palantiae, die *Kaiserliche hohe Reichs Pfaltzen in Sachsen und Schwaben*, quæ litigantium causas ultimato definirent, fuerunt constitutæ, quarum vicariam gubernationem, divisis inter sese limitibus, tenuerunt duo Palatini seu Pfaltzgravii, Saxonici & Rhenensis, id quod à Majoribus dudum constitutum, Carolus IV. A. B. c. 5. confirmavit, SINCER. d. l. Palatinosque illos, juxta usum laudati juris Sa-

xonici & Svevici, tempore interregni, *Vicarios Imperatores* esse, simul voluit. Sicut autem nomen Palatini Rhenensis adhuc hodie superat, ita Palatinatum Saxonicum, in *Burggraviatum Magdeburgensem*, abiisse censet OCKEL *de Palat. Reg. f. Scabin. Hallenf. §. 86. p. 80.*

§. 52. Imo Jus Saxonicum ac præcipue Weichbildicum, etiam ante confectum Juris Weichbildici Codicem, qui hodie habetur, in Marchiam Misnensem & Lusatensem, Bohemiam, Prussiam, Livoniam ac Poloniam penetravit, adeo ut ex illis regionibus non raro ad forum Magdeburgense fuerit provocatum, aut saltem informatio inde petita, sed Casimirus II. Rex Poloniæ, provocaciones illas circa annum 1366. vetuit, salva nihilominus Juris Saxonici autoritate ac constituto summo Ejus in arce Cracoviensi Tribunali, *vid. CONRING de O. J. G. c. 29. 31. GRTPHIAND. de Weichbild. c. 80. SCHURTZFLEISCH dissert. de Lusatia §. 11.*

§. 53. Enimvero sicut leges illæ suo tempore fuerunt notæ & cognitæ, ita *cur tanta carum in valuerit oblivio, ut hodie si non omnes, certe pleraque ignorentur*, quæri potest? CONRAD. SINCERUS *d. Epist. p. 106.* quatuor ejus rei causas memorat: (1) Machinationem Pontificiam. (2) Qualitatem legum, quod plurima earum pars olim in moribus constitit. (3) Turbida Reipublicæ tempora, ac desæviente barbarie. (4) Studium novitatis, quo Germani in res externas ferantur. Adde fortassis licet (5) Statum Reipublicæ nunquam satis apte, ad validum constansque regimen, compositum, ex quo leges ac instituta, nec magnæ autoritatis fuisse, nec diu durasse videntur. (6) Legum Germanicarum ruditatem, quæ lectores non valde alliciat.

§. 54. Majoris momenti disquisitio est, *an omnes ille leges, ac præcipue antiquiores ille Carolina, adhuc hodie vim legum habeant?* id quod in primis laudatus CONRAD. SINCERUS *d. l. p. 26. seqq.* per suadere conatur, quia (1) receptio juris Romani facta, salvis legibus Germanicis, (2) quod post promulgationem à Carolo M. factam, pro valore legum promulgatarum tamdiu præsumendum sit, donec sanctio abrogatoria probeatur, quæ hætenus nondum appareat, (3) confirmatio Friderici I. Ottonis IV. Friderici II. & Rudolphi I. accesserit, (4) in specie jus Saxonicum & Svevicum in A. B. confirmatum, nec eorum autoritati, secutis temporibus derogatum sit, ac (5) ea sen-

ten-

tentia eruditioribus Jctis, Lindenbrogio, Goldasto, Lehmanno aliisque placeat.

§. 55. Verum mihi *leges antiquiores à Jure Saxonico & Svevico cæterisque, quæ utrumque sequuntur*, omnino distingvendæ esse videntur, illis vix est ut hodie vim legum tribuas, nam (1) pleræque à præsentè Reipublicæ statu abhorrent, (2) ex doctrina Conringii §. 33. relata, *leges illæ antiquiores jam manibus hominum, post Carolinorum tempora exciderunt*, (3) postquam privato studio à nonnullis collectæ sunt, nullus earum usus forensis accessit, denique (4) *legibus extraneis ac recentioribus Germanicis omnia nunc velut sunt occupata*, ut vix liqueat, quo respectu sanctioni cuidam positivæ antiquiori locus esse possit, aut eadem indigeamus.

§. 56. Nec obsunt rationes oppositæ, nam receptionem juris Romani factam esse, salvis legibus Germanicis, rectè quidem dicitur, sed hoc intelligendum est de *legibus, receptionis tempore usitatis*, deinde abrogatio, quoad antiquiores illas, utique accessit, nam non tantum *constans non usus*, positivam rejectionem involvit, sed & insuper *usus contrarius* invaluit, denique memoratæ Cæsarum Constitutiones magis de *affectu*, quam *effectu* testantur, nam à *legis latrone ad observantiam*, in Germania semper inferre non licet, præterea etiam Constitutiones illæ antiquiores sunt, quam ut ad nostra usque tempora vim suam extendant. Quartaratio specialis est ac à nobis admittitur, autoritas vero Jctorum nonnullorum, quæ ultimo loco adducebatur, parum obest, nam vel particulariter saltem usum nonnullarum legum afferunt illi, vel, si generalius pronuncient, assertum validis rationibus tueri non possunt, *conf. LITTEr de feud. imper. c. 2. §. 1.*

§. 57. Verum de Jure Saxonico & Svevico, cæterisque utrumque securis legibus, aliter dicendum, scilicet quod hodiernum quoque autoritatem legum habeant, nam & ab initio valuerunt, quo pertinet ratio SINCERI quarta, nec post ea tempora usus forensis cessavit. Quousque tamen illa jura valeant, alia quæstio est? Debebant sane regulariter legibus extraneis præferri, id quod etiam diserte cautum in ORDIN. SAXON. WITTEBERG. Tit. was vor Recht, nec non ORDINAT. APPELLAT. Tit. was vor Recht, sed cum post invalescentem legum extranearum usum, hæc magno studio fuerint excultæ, ju-

ravero patria fere neglecta, ideo vix dubitandum est, quin hæc eatenus saltem valeant, quatenus usu & consuetudine recepta, i. e. probata sunt, in quam sententiam sæpe pronunciat H. PISTOR. *l. 1. qv. 16. n. 11. l. 2. qv. 13. n. 82. in fin.* id quod etiam in specie, quoad jus feudale, jam admonui in JUR. FEUD. GERM. c. 3. §. 21. 22. 23. *add. ITTER. de feud. imper. d. c. 2. §. 2.*

§. 58. Solent de cætero Jura Germanica usitata, plerumque *Consuetudinum* nomine venire, & censet SINCERUS *d. epist. p. 27.* Istis Italici ascribendum esse, quod sequioribus temporibus, etiam ea, quæ expressa sanctione fuerint constituta, nomine illo involuta sint, cum enim illi, solum jus Romanum edocti, paulatim viderint, in foris Germanicis aliud jus servari, hinc ei, cum rationes illius non intellexerint, titulum Consuetudinis Germanicæ illos imposuisse, quæ denominatione deinceps, inter ipsos etiam Germanos, solennis sit facta, adeo ut bona Consuetudo, revera ignorantia nostræ nunc asylum sit.

§. 59. Sed forte Consuetudinis elogium, hic non eo pertinet, quasi omnes leges Germanicæ, sint *Non scriptæ*, verum notat potius *legem observantia comprobata*, cujuscunque etiam alias sit originis. Videntur enim Germani eo acius legibus suis, in vita & foro civili, inhæsisse, quo magis Legistæ, per jus Romanum illas expungere conabantur, hinc probabile est, quod à tenaci illâ observantiâ, quæ minimum per aliquod tempus obtinuit, leges Germanicæ, Consuetudinistitulum acceperint. *conf. LEHM. Chr. Spir. l. 4. c. 11.* Quicquid tamen sit, si nomen illud neglectui legum Germanicarum anam præbuit, tum infaustum omnino censi debet, quo pertinet invectiva SINCERUS, quam ibidem amplius subnexuit.

§. 60. An leges Germanicas antiquiores, & ut putamus, obsoletas, in artem Jurisprudentiæ & forum reduci, utile sit, disquiri etiam potest? Putat ita SINCERUS *d. epist. p. 119.* contendens, hoc unicum medium ordinando reconcinnandoque Juri nostro, de quo homines privati hætenus tam operosa consilia fecerint, adhuc superesse. Sed jam, quoad leges feudales, in JUR. FEUD. GERMAN. c. 3. §. 45. 46. 47. dissenti, quam sententiam, ob rationum generalitatem, generaliter adstruere non dubito. Sunt jura illa antiquiora in plebisque rudia & superstitiosa ac à præsentis Reipublicæ statu fere abhor-

horrent, præterea pleraque ex legibus connatis decidi possunt, quæ autem positivam sanctionem desiderant, illa legibus recentioribus factis sunt definita, ut non liqueat, quæ utilitas ex legum illarum antiquiorum reductione sperari possit, Germanos quidem non decet, Germanica negligere, sed non omne etiam eximium probandumque ideo saltem censeri debet, quod Germanum sit.

§. 61. Alia tamen à præcedenti quæstio est, *annon utile sit, historiam juris antiqui excolere?* quod omnino dicendum, & jam hoc in JUR. FEUD. GERMAN. d. c. 3. §. 48. laudavi, eamque in rem nonnulla eleganter differit SINCERUS d. l. p. 66. 109. seqq. conf. ITTER. de feud. imper. c. 2. §. 1. in fin. Id tamen addo, nudam rerum antiquarum recensionem, parum utilitatis esse habituram, sed insuper requiri germanam solidamque, quantum fieri potest, earum explicationem, ac accuratum, tam quoad res ipsas, quam præsentem Reipublicæ statum, judicium, infra quod cura eorum, qui evolvendis legibus antiquis operam hactenus dederunt, forte substituit.

§. 62. Ad scopum ut propius accedamus, hodie quadruplicis generis leges in Germania occurrunt. *Universales*, quæ per totam Rempublicam, minimum ex prima ferentium intentione, valent, *Generales*, quæ, divisim districtibus, totam civitatem complectuntur, *Speciales*, quæ in singulis Germaniæ Territoriis obtinent, ac *Specialissimæ*, quæ in usum civitatum municipalium, similiumque Collegiorum, datæ sunt.

§. 63. Universales leges sunt, *Recessus Imperii*, quos vocant. De diversis Eorum suppositione cæterisque capitibus egi in SPECIM. JUR. PUBLIC. l. 2. c. 2. Huc pertinent solum *leges positivæ privatæ*, ab Imperatore & Statibus Imperiis eo sine latæ, ut subditi mediati actiones suas, juxta eas componant. Ejus generis sunt, quæ quantitatem usurarum definiunt, aut Minores invitos Curatoribus subjiunt, & similes, quales quidem, post Jus Legislatorium, tam liquido Statibus imperii confirmatum, hodie erunt rariores & forte saltem eo casu, ubi Statuum interest, ut subditi iisdem legibus vivant, adhuc locum invenient, cujus rei exemplum præbet R. l. de anno 1654. §. 170. seqq.

§. 64. De cætero illi Recessus, solos subditos mediatos regulant

riter obligant, Cæsarem enim & Status imperii, quâ tales, aut saltem cum præsupposito imperio, citra subjectionis conditionem spectatos (quales regulariter sunt) Majestas & Superioritas territorialis ab illarum obligatione solvit. Præterea putamus, quod Status imperii, Recessus ejusmodi privatos, in suis Territoriis mutare queant, nisi specialis conventio in contrarium sit inita, nam utut communi consensu leges illæ ferantur, attamen non credibile est, quod eo ipso tam molestam Juri Territoriali velint inferre restrictionem Status, ut sibi eas, pro utilitate Territorii deinceps mutare, fas non sit, sed ad hoc utrique specialis expressio necessaria videtur. Interim alii aliter sentiunt, *vid. SCHWED. introd. ad jus publ. P. Spec. sect. 2. c. 13. §. 2. VITRIAR. I. J. P. l. 3. tit. 17. §. 5. 6.*

§. 65. Leges Generales sunt, *Jus Saxonicum & Svecicum nonnullaque alia jura inde de prompta*, de quibus §. 35. seqq. actum, nam iis, juxta duos generales districtus, §. 50. jam signatos, omnis Germania olim usa est, & licet per invalescentia jura extranea, eorum autoritas, malis sæpe ex hypothesibus, *v. SINCER. d. epist. p. 34.* sit imminuta, ceu jam fassus sumus §. 57. attamen ad unius Territorii angustias, eadem nondum esse redacta, sed legum Generalium titulum suo modo adhuc mereri, recte utique dicitur.

§. 66. Speciales leges sunt, *quas singuli Status imperii, vi juris Territorialis, in usum regionum suarum, prout visum fuerit, etiam contra jura communia privata, Germanica & extranea, condunt.* Tale e. g. est *Jus Saxonicum Electorale*. Hæc jura valent saltem in singulis territoriis, alibi vero autoritatem non habent, nisi quatenus ultro sunt recepta, id quod ex naturâ imperii civilis ultro intelligitur. Sententia *FINCHELTHUSII Observ. 1.* quâ juri Saxonico Electorali, etiam extraditiones Electorales, autoritas asseritur, vel ambiguitate ludit, vel, si debite constringatur, falsa est. Interim, cum laudatum Jus, sæpe Jus Saxonicum commune declaret, aut alias ea contineat, quæ aliis etiam Territoriis conveniant, ideo alibi quoque, spontaneâ admmissione, vim legum sortiri potest & solet.

§. 67. Leges Specialissimæ sunt, *statuta localia municipiorum, vicorum, pagorum minorumque collegiorum*, quæ singula illorum Corporum membra non aliter obligant, quam si vel ex antecedente Imperan-

perantis concessione profecta, vel, quod frequentius est, ab Eodem confirmata sint. Quodsi Statuta ab Imperante haud firmentur, tum, modo rationes utilitatis publicæ haud turbent, in vim pacti, inter illos, qui in eadem consenserunt, valent, eos vero, qui neque ab initio, neque ex postfacto consensu suo illa probarunt, haud obligant, quamvis facile sit, ab iis, qui in aliquod collegium cooptari cupiunt, consensum elicere.

§. 68. De cætero uti ea omnia, quæ hætenus de Legibus Germanicis diximus, ad *Privatas* pertinent, ita nihilominus hoc nomine, *Civiles, Feudales & Ecclesiasticæ* intelligi debent, nam generalem hic instrui doctrinam, §. 20. jam dictum est. Differunt autem illæ leges saltem *objecto* eique innexo *sine speciali*, in cæteris vero capitibus, juxta veras hypotheses, conveniunt, de quo etiam, quoad *civiles & feudales*, non dubitatur, alit circa *Ecclesiasticas* res non perinde liquida & certa est, hinc de his adhuc nonnulla generalia, quæ in SPECIM. JUR. ECCLESIAST. l. 1. c. 2. fere jam retuli, hic notari debent.

§. 69. Primo igitur observandum, quod leges Ecclesiasticæ, ab ipsa religione, penitus differant, hæc enim est norma, juxta quam Deus est colendus, sed illæ modum externi cultus indifferentem determinant, ac insuper cavent aut certe cavere debent, ne religionis prætextu, pax humana & civilis turbetur. Ex quo fluit, quod S. Scriptura indistincte legibus Ecclesiasticis haud possit & debeat annumerari, ceu nonnulli opinantur, *vid. SCHILTER. l. J. C. l. 1. tit. 2. §. 1. 2. 3.* nam exinde nihil aliud, nisi Theologiæ & Jurisprudentiæ confusio sequi porest.

§. 70. Illud legibus Ecclesiasticis & Secularibus secundo commune est, quod ratione originis, *divinæ vel humanæ* sint, omnes tamen in Civitate, in qua valent, *humane* dici soleant, ceu in genere §. 21. admonitum, de quo adeo hic nihil in specie dicendum. Id etiam tertio omnibus quidem legibus commune est, quod iis intelligendis, certus Reipublicæ status sit præsupponendus, quod §. 18. indicavi, in primis tamen quoad leges Ecclesiasticas illius præsuppositi necessitas se exferit, nam non tantum ex diversitate status, diversa legum Ecclesiasticarum est conditio, sed & sæpe contumax exinde oritur præjudicium, cui adeo evitando diversitas illa notari debet.

§. 71. Quodsi adeo statum nascentis religionis Christianæ præ-

supponas, tum fere *Decreta & Canones*, à Christianis communi consilio in Conciliis aliisque congregationibus, & ut plurimum quidem sine Imperii civilis, utpote istam curam à se amolientis, interventu conditi, tantum occurrent, quæ res uti pro ratione illius status bene se habet, ita cavendum est, ne istam leges Ecclesiasticas condendi rationem, immutabilem credamus, ac statu Ecclesiæ & Reipublicæ mutato, imperioque Civili curam religionis, ut par est, sibi asserente, leges Ecclesiasticas, ab hoc profectas, exinde improbemus.

§. 72. Si vero Paparum præsupponas, tum omnes leges Ecclesiasticæ à Papa Romano ultimato sunt derivandæ, præterea, quo ille rerum omnium dominus videatur, Secularia & Ecclesiastica commisceri, omniaque rationibus papalibus attemperari debent, quem in modum Scriptores Pontificii etiam docere solent, *vid. Dessel. Erot. Jur. Canon. l. 1. tit. 2. 3. 4.* De cætero ubi ille status reperitur, ibi libertatem Rerumpublicarum iniqua tyrannide oppressam, legesque Ecclesiasticas corruptissimas existimare debemus, id quod §. 19. jam indicatum, alibi autem professæ opera demonstrandum est.

§. 73. Denique si aliqua Respublica sit sui juris, ac curam religionis sibi asserat, tum leges Ecclesiasticæ, à consveto omnium legum principio, scilicet imperio civili, proficiscuntur, qui status etiam sanus & ordinarius censeri debet, ut hactenus nihil sit, quod in ejusmodi legibus desideres, quanquam alio respectu possint esse imprudentes, aut ea sancire, quæ indoli religionis non satis conveniant.

§. 74. Quod si Germaniam intueamur, olim ante Reformationem, barbarie & papatu mirum in modum eadem fuit infestata, præterea status ejus civilis perpetuo fere fluctuavit, hinc leges Ecclesiasticas, & in se rudes papatuque inquinatas, & ab incerto sæpe principio profectas, tum saltem reperire licet. Post reformationem pax Religiosa & Westphalica confecta quidem est, sed utraque ad leges fundamentales pertinet, Statuumque Protestantium libertatem confirmat, de cultu vero in usum subditorum ordinando, nihil disponit, hinc ad Jurisprudentiam publicam utraque referri debet.

§. 75. Quis hodie in Germania status, quæque adeo legum condendarum ratio sit, §. 18. jam indicatum est, sed illa ad leges Ecclesiasticas non ita simpliciter quadrat, nam vix est, ut lex aliqua Ecclesiastica

stica hodie in Comitibus universalibus condatur, cum non tantum singuli Status, juris sui intelligentes, in usum Territoriorum suorum, leges ferre queant, sed & inprimis tota Respublica Germanica, ad ferendas leges Ecclesiasticas sit inhabilis, dum nonnulla ejus membra papatu adhuc subsunt, alia vero hoc jugum excusserunt, illis sine Pontificis interventu aliquid decernere religio est, hæc vero eum velut hostem averfantur, *add. §. 63. b.*

§. 76. Novæ igitur leges Ecclesiasticæ in singulis Statuum Territoriis fere quærendæ sunt, & Pontificii quidem Status vel à Pontifice eas accipiunt, vel etiam proprio Marte, sed rarius forte, condunt. Protestantes vero, vi imperii civilis illibati, illas ferunt, ut hæcenus, ratione principii, res optime se habeat, licet ipsæ leges papatu vel aliis vitiis laborare possint & nonnunquam soleant.

§. 77. Juxta diversa itaque tempora, variæ leges Ecclesiasticæ in Germania occurrunt, nam ut de Jure Justiniano & Canonico nihil dicamus, quæ postea seorsim considerabimus, poterunt in censum legum Germanicarum Ecclesiasticarum referri ea, (1.) quæ à Christianis tam in primitiva Ecclesia, quam variis Conciliis postea secutis acta, ac à Germanis quoque probata sunt, (2.) in specie quæ in Germania vel in Conciliis vel alia ratione constituta fuerunt, quibus accedunt (3.) quæ in singulis territoriis successive prodierunt, aut pro re nata conduntur.

§. 78. Existimat Dn. SCHILTER. in *I. J. C. l. 1. tit. 2. §. 24.* tam Ecclesiæ quam Reipublicæ utile futurum esse, si ex Recessibus imperii ac inprimis ex Pace Religiosa ac Westphalica Codex Juris Ecclesiastici conficeretur, ac ex historia & Juris prudentia illustraretur, eidemque Codex Conciliorum Ecclesiæ Germanicæ, debita cum explicatione, adjungeretur. Verum uti Pax Religiosa & Westphalica ad juris publici disciplinam pertinet, ita legum Ecclesiasticarum antiquarum privatarum exiguum vel nullum usum legalem, quoad Ecclesias Protestantes, futurum esse arbitror, historiam tamen juris antiqui cum judicio, de quo §. 61. dixi, confectam, utilitate sua haud destitutum iri concedo.

§. 79. De cætero finis legum Ecclesiasticarum, quod quarto seorsim notandum, specialis est, quo cultus externus recte instituitur,

nec pax civilis, religionis prætextu, turbetur, *add.* §. 20. An vero *salus æterna* pro earum etiam scopo haberi queat, peculiariter quaeritur? Solent hoc de jure Canonico Pontificii asserere, *vid.* DESSEL. *Ærotem. proœm. qu. 1.* PHILIP. BRAUN *Priucip. jur. Canon. in Proœm.* quod ad jus civile etiam extendit *Dn. LYNCKER in anale&. ad Dessel. d. l.* sed utrumque rejeci in SPECIM. JUR. ECCLES. l. i. c. 2. §. 9. 10. quod si tamen ista conciliare velis, dicas, salutem æternam esse *finem per acci-*
dens, qui non sit in potestate legum Ecclesiasticarum, sed earum oc-
 casione aliquando sequatur, seu esse finem, quem hæ non *jubendo*, sed
suadendo & optando intendant, quo etiam d. c. 2. §. 9. jam inclinavi,
conf. c. 1. §. 15. l.

CAPUT IV. DE JURE CANONICO.

SUMMARIA.

Inter leges extraneas primo occurrit Jus Cano-
 nicum §. 1.
 Quod à canonibus habet originem §. 2.
 Quorum antiquissimi censentur Canones Apo-
 stolorum §. 3.
 Variæ Canonum collectiones §. 4. 5. 6. 7.
 Decreti compilatio §. 8. Partitio §. 9.
 Autoritas inter Pontificios §. 10.
 Usus in scholis §. 11. 12. Insufficiencia §. 13.
 Ob quam secutæ sunt Decretales §. 14.
 Harum pars prima §. 15. Secunda §. 16.
 Tertia §. 17. Quarta §. 18.

Differentia decreti & decretalium §. 19.
 Harum autoritas, & totius Juris Canonici habi-
 tus §. 20. 21.
 Institutiones juris Pontificii & liber septimus De-
 cretalium §. 22.
 Aliæ ejus partes §. 23.
 Judicium de interpretibus juris Pontificii §. 24.
 Jus Canonicum Germanis quoque obtrusum §. 25.
 A Protestantibus vero libere retentum fuit §. 26.
 Ejus inter hos auctoritas §. 27. 28.
 Rectius illud aboletur quam conservatur §. 29. 30
 Nec tamen sine difficultate abrogari potest §. 31.

§. 1.



Inter leges extraneas, quibus Germani utuntur, & de
 quibus nunc, juxta *cap. præc.* §. 21. indicium, dicen-
 dum, primo loco commemorari debet *Jus Canoni-*
cum, licet enim illud Jure Romano longe sit recen-
 tius, attamen citius in Germaniam penetravit, adeo-
 que, hujus intuitu, Romano antiquius censeri, prius-
 que adeo expendi debet. De cætero Juris Canonici (1.) *indoles*, (2.)
in Germania autoritas summam expendenda sunt, de utroque in
 SPE-

SPECIM. JUR. ECCLES. l. 1. c. 2. §. 21. *seqq.* egi, sed Disciplinæ nostræ intentio exigit, ut hic etiam summa capita legantur.

§. 2. Primum quod attinet, originem habet Jus Canonicum à *Canonibus*, quo nomine regulæ fidei & morum in S. Scriptura notari solent, *Gal. VI, 16. 2. Cor. X, 3. vid. ZIEGLER. dissert. de Orig. & increm. Jur. Canon. §. 1. 2. 3.* Postea nomen illud ad alia etiam decreta translatum est, nam post tempora Apostolorum, de fide & disciplina Ecclesiastica in Conciliis fuit actum, ac regulæ fidei, *Symbola*, morum vero, *Canones* dictæ sunt.

§. 3. Antiquissimi Canones censentur esse *Canones Apostolorum*, quos vocant, de quorum tamen origine, numero & autoritate, inter ipsos etiam Pontificios controversitur, *vid. can. 3. 4. Dissin. 15. FRANCISC. de ROY I. J. C. l. 1. tit. 1. §. 3. ZIEGLER. d. dissert. §. 9. seqq.* Ex sententia SCHILTERI *I. J. C. l. 1. tit. 2. §. 4.* sunt compendium decretorum, tribus seculis prioribus, sub Cæsarum ethnicorum imperio, in Conciliis Christianis factorum, sed vix est, ut tam honorifice de illis Canonibus sentire possis.

§. 4. Postquam Respublica Romana Seculo quarto, Christianos nacta est Imperantes, in Conciliis, horum ductu non infrequenter habitis, varia decreta sunt, quæ diversis Collectionibus materiam suppeditarunt. Canones Ecclesiæ Orientalis collegit *Stephanus*, Episcopus Ephesinus, eosque DIONYSIUS EXIGUUS, Abbas, in usum Ecclesiarum Occidentalium, latinitate donavit, varieque, prout visum fuit, interpolavit, *ZIEGLER. d. dissert. §. 15. seqq.*

§. 5. Ab hoc tempore, tam in Orientali quam Occidentali Ecclesia, peculiaria legum Ecclesiasticarum Systemata prodierunt. In illa inprimis inclaruit PHOTII, Patriarchæ Constantinopolitani *Nomocanon*, Seculo IX. prodians, in hac vero, post Dionysii Exigui laborem, variæ quidem Collectiones confectæ sunt, sed exiguam illæ habuerunt auctoritatem, *ZIEGLER. d. dissert. §. 19. seqq.*

§. 6. Quemadmodum vero Episcopus Romanus mature hoc egit, quo dominatum aliquem universalem inter Christianos sibi acquireret, ita eo fine etiam leges Ecclesiasticæ vel effectivæ vel corruptivæ sunt, nam Seculo IX. impostor quidam, sub nomine ISIDORI MERCATORIS vel PECCATORIS, putativos antiquissimorum Episcoporum

rum Romanorum epistolas decretales, cum aliis, ad stabiliendam hierotyranidem spectantibus, edidit, ac ementita illa antiquitate papatum incrustavit, quæ fraus Seculo demum XV. intelligi cœpit, postea vero à BLONDELLO in Pseudo-Isidoro penitus detecta est, ZIEGLER. *d. dissert.* §. 25. 26. 27.

§. 7. Interea in colligendis componendisque legibus Ecclesiasticis magis magisque laboratum est. Anno 1010. BURCHARDUS, Episcopus Wormatiensis, novam Canonum *Collectionem* confecit. Prodierunt anno 1124. insolentes illi GREGORII VII. *Dictatus*. In Gallia *Ivo* circa annum circiter 1136. edidit *Decretum & Pannoniam*, quæ aliis curiosius evolvenda relinquimus, *vid. ZIEGL. d. l. §. 29. seqq.*

§. 8. Quo autem universalis illa Monarchia papalis, quæ hæctenus non levia incrementa sumserat, universali aliquo jure magis stabiliretur, GRATIANUS, Monachus Bononiensis, ejus rei fundamenta jecit, dum post varias aliorum collectiones, *Concordiam discordantium Canonum* sive *Decretum*, quod primam Juris Canonici partem hodie constituit, anno 1127. vel, ut alii volunt 1151. composuit ex Conciliorum Canonibus, Decretalibus Pontificum, Scriptis Patrum ac nonnullis legibus Romanis, *vid. FRANCISC. de ROY I. J. C. præm. §. 4. ZIEGLER. in not. ad d. §. 4. & 6. porro in d. Dissert. §. 36. 37. 38. 39. THOMAS. de Plag. literar. §. 452.*

§. 9. Constat Decretum tribus partibus: Prima continet *centum & unam Distinctiones*, quarum singulæ aliquot *Canones* comprehendunt, qui sic allegari solent, v. g. *can. 1. distinct. 3.* Secunda exhibet *XXVI. Causas*, sub singulis *Questiones* ac sub his *Canones* comparent, in eaque hæc allegandi ratio obtinet, v. g. *can. 1. Caus. 3. qu. 2.* sed circa *Causam 33.* ejusque *Questionem 3.* specialiter notandum, quod *septem Distinctiones* de *Pœnitentia* complectatur, quarum hæc est allegatio, v. g. *Can. 1. Distinct. 2. de Pœnitent.* Tertia quinque *Distinctionibus* de *Consecratione* absolvitur, in eaque hic allegandi modus in usu est, *Can. 2. Distinct. 2. de Consecrat. add. ROY d. præm. §. 7. ibique Ziegl.*

§. 10. De autoritate Decreti legali inter Pontificios controversitur, communior tamen sententia eo fere tendit, quod illud, cum à nullo Pontifice confirmatum sit, non majorem habeat autoritatem obli-

obligandique efficaciam, quam Autores, ex quibus singula deprompta sunt, hinc in specie Gratiani ipsius *Dicta & Canones*, quibus *Palca* nomen appositum est, nullius valoris esse existimantur, *vid. ZIEGLER. d. dissert. §. 40. usque ad 47. ROY I. J.C. proæm. §. 5. 6. ibique Ziegl. CONRING. de orig. jur. Germ. c. 26.*

§. 11. Licet vero Gratiani Decretum multis laboret nævis, ac dubiæ sit autoritatis, in scholis tamen magno applausu statim exceptum est, adeo ut jam tempore Friderici I. Imperatoris, ejus interpretes, *Decretistæ* fuerint dicti, cumque circa ea fere tempora Jus Justinianeum in Italia iterum efflorescere cœperit, hinc morem creandi *Doctores utriusque Juris* nonnulli inde repetunt, *vid. ZIEGL. d. dissert. §. 40. so. de quo alibi agendum erit.*

§. 12. Ratio autem acquisitæ illius autoritatis, ex conjectura FRANCISCI de ROY *d. proæm. §. 6.* dependet à *modo scribendi*, quem Gratianus ex Philosophia Scholastica desumisse censetur, ac *Academiæ Bononiensis celebri nomine*, quibus *studium adulandi aule Pontificiæ*, adjiciendum videtur, *vid. ZIEGL. d. dissert. §. 48.* quamvis nonnunquam Pontifici parum grata ex imprudentia etiam retulerit Gratianus, ob quam causam confirmatio Pontificia fortassis haud est secuta.

§. 13. Quamvis vero Gratiani Decretum papatui satis esset attemperatum, restituto tamen jure Romano, deprehensum est, quod illud decidendis omnibus causis, quas tamen Pontifex suo imperio subiectas esse putabat, non sufficeret, in primis processus forensis exinde non satis instrui vel implicari posse videbatur, ne igitur ex jure Romano, cum Majestatis Pontificiæ præjudicio, quædam decisiones petendæ essent, de jure Canonico augendo strenue laboratum est. *ZIEGL. d. dissert. §. 10.*

§. 14. Nova igitur Pontificum decreta quotidie prodierunt, ex quibus novæ collectiones exortæ sunt, quarum quinque, post Gratiani decretum, extra Corpus Juris Canonici numerantur, *ZIEGL. d. dissert. §. 50. 57.* Postea secutum est *Volumen Decretalium*, scilicet *Epistolarum*, quod alteram partem generalem Juris Canonici constituit, ac in varias partes iterum dispescitur.

§. 15. Prima pars exhibet *Decretales*, quas Papa GREGORIUS IX. per

per RAYMUNDUM DE PENNA FORTI anno 1230. colligi curavit. Communiter illa audit *Extra*, quia extra decretum Gratiani habetur, eaque denominatio inscribendo, sola litera X. indicatur. De cætero constat *quinque libris*, quorum singuli, *Titulos*, sub se varia *capitula* continent, exhibent, ex quo hæc allegandi ratio invaluit, v.g. *cap. 1. X. de elect. add. ZIEGLER. d. dissert. §. 2. r3.*

§. 16. Secundam partem constituit *Liber Sextus Decretalium*, quem Papa BONIFACIUS VIII. anno 1297. confici jussit, quique item in *quinque libris*, variis *Titulis & Capitulis* amplius distinctos, dispescitur, hac allegandi ratione obtinente, v. g. *c. 5. de jurejur. in sexto* vel *6.* In Galliam ista pars ob lites, quæ Philippo Pulchro cum isto Pontifice intercesserunt, non admissa censetur, ZIEGLER. *d. l. §. 54. 55. 56.*

§. 17. Tertia pars continet Constitutiones Papæ CLEMENTIS V. quas Ejus Successor, JOHANNES XXII. circa annum circiter 1317. edi curavit. Absolvitur etiam illa *quinque libris*, qui *Titulos* ac hi, *Capitula* sistunt, allegatio hæc in usu est, v.g. *vid. Clement. l. de sent. & re jud.*

§. 18. In quarta parte comparent Constitutiones JOHANNIS XXII. circa annum circiter 1340. compositæ ac quatuordecim *titulis* comprehensæ. Communiter *Extravagantes Johannis XXII.* audiunt, eoque nomine, addita Tituli rubrica vel numero, vel utroque, allegari solent. Ultima pars variorum Pontificum Constitutiones exhibet, quarum collectio ad annum 1484. refertur. Vulgo *Extravagantes Communes* dicuntur ac in *quinque libris* (deficiente tamen quarto) dispescuntur, quorum singuli *Titulos* aliquot, & hi, *Capitula* continent, quæ hac ratione allegantur, v.g. *cap. 1. Extrav. commun. de præbend.*

§. 19. Hæ sunt partes Juris Canonici vel Pontificii, nam quod aliqui Jus Canonicum in Decreto, Pontificium in Decretalibus contineri existiment, *vid. SCHILTER. in præfat. l. J.C. LINCK. de jur. episcop. proæm. n. 7.* id rationem solidam non habet, cum Gratianus, perinde ac Pontifices, non genuinum aliquod Jus Canonicum vel Ecclesiasticum, sed Pontificium tradiderit, *vid. ZIEGLER. d. dissert. §. 34.*

§. 20. De cætero de autoritate Decretalium, inter veros Pontificios non dubitatur, licet certo non constet, an Extravagantes, Pontificis

rificis cujusdam jussu, collectæ sint, ZIEGLER. *d. l. §. 58.* PLETTEMBERG *introd. ad jus Canon. c. 24. n. 3.* Alias totum Juris Pontificii Corpus, quoad materiam, est confusum aliquod chaos, in quo perversa Theologia ac corrupta, tam secularis quam Ecclesiastica, jurisprudentia miscetur, quam confusionem ex ipsis etiam statûs papalis rationibus, repetere licet.

§. 21. Quoad formam externam, Jus illud, juri Romano, quodammodo simile est, ceu ostendit ZIEGLER. *d. dissert. §. 52.* Ratio etiam ex Decretalibus allegandi, cum allegatione, in jure Romano usitata, congruit, minus tamen molesta est, cum singularum Partium materiæ, eodem fere ordine decurrant, juxta decantatum versiculum: *Judex, Judicium, Clerus, Sponsalia, Crimen.* Sunt hæc inventa veterum Legistarum & Canonistarum, quibus sanior Jurisprudentia facile careat, quamvis multi magnam iiseruditionem inesse, ex veteri superstitutione, hodie quoque existiment.

§. 22. Præter ea, quæ Corpus Juris Canonici constituunt, PAULUS LANCELOTTUS, parem cum Triboniano famam consecutus, *Institutiones Juris Canonici* anno 1563. edidit. Sed cum Pontificis confirmatio non accesserit, ideo inter ipsos etiam Pontificios autoritate illæ carent; Idem dicendum de *Libro Septimo Decretalium*, quem circa finem Seculi XVI. PETRUS MATTHÆI composuit, ZIEGL. *d. dissert. §. 59.* Alias alium Librum Septimum Decretalium anno 1598. jussu Papæ CLEMENTIS VIII. compositum, sed ex certis rationibus non publicatum refert PLETTEMBERG *introd. ad jus Canon. c. 24. n. 2.*

§. 23. Juri Pontificio generaliter supposito etiam annumerari solent *Bullarium, Regule Cancellariæ Apostolicæ, Decisiones Rotæ Romanæ, Concilium Tridentinum* ejusque *Declaratio.* vid. LTNCKER *anale& ad Dissel. Erotem. proæm.* & si quæ alia adhuc ejus generis occurrunt. Quæ omnia si in aliquod Volumen compingantur, monstrum horrendum inde oriturum esse, dubitari non debet, *add. ZIEGL. d. dissert. §. 59.* Sed non temere tale quid vel metuendum vel sperandum est, cum Hierarchiæ papalis rationes nimium quantum Reformatione turbatæ sint.

§. 24. De interpretibus Juris Pontificii antiquioribus, judicium

um *Cujacii* & *Sleidani* parum honorificum refert *ZIEGLER. d. dissert. §. 59.* Ipsi etiam *Canonistam*, quem vocant, mulo comparant, *vid. DIFFERENT. JUR. CIV. & CANON. ad Schilter. l. j. C. thes. 1. p. 632.* Illud certum, quod cum Scriptores illi solidiori literaturâ destituantur, præterea angustis legum particularium hypothesibus sint occupati, denique studia eorum libera non deprehendantur, sed corruptissimis potius papatus hypothesibus attemperata sint, parum sani eorum doctrinæ insit, adeoque magna cum circumspeditione illi legi debeant.

§. 25. Postea etiam autoritas Juris Canonici spectanda est, *vid. §. 1.* Viderur illud Seculo XIII. in Germania innotuisse, nec tam ultro receptum, quam à Pontifice potius pro imperio, quodum inter Gentes superstitionis polluit, datum esse, quanquam illud non extra controversiam fuerit, *vid. Jus SAXON. PROVINC. l. 1. art. 3. CONRING. de O. J. G. c. 26.* Postea ab Imperatore Friderico II. & Rudolpho I. idem confirmatum esse perhibetur, *vid. RHET. Dissert. de autorit. Jur. Can. hab. Francof. 1681. c. 1. n. 150.*

§. 26. Post exortam in Germaniâ religionis Reformationem, quidam imperii Status in pristina servitute perstiterunt, alii vero jugum illud Pontificium excusserunt, hoc tamen non obstante, jus Canonicum in Scholis & Foro, ab his etiam retentum est, ut ejus valor, hoc respectu, ex *ultronea admisione vel retentione* derivari debeat.

§. 27. Quousque vero ejus autoritas extendatur, deinceps quaeritur? ad quod ita breviter respondendum erit: in rebus *historicis* Jus Canonicum nullam habet auctoritatem, nisi in quantum, instituto legitimo examine, veritati aliisque probatæ fidei historiis consentire deprehenditur, *vid. ZIEGLER d. dissert. §. 39. 52.* In *Theologicis* ejus valore S. Scriptura æstimandus est. Denique in *Juridicis* valere illud non debet, quatenus legibus divinis repugnat, quamvis pravo usu his illud sæpe præferatur.

§. 28. Quod vero sanctiones Juris Canonici licitas attinet, possunt illæ vel cum *Jure Romano* vel *Germanico* conferri. Priori respectu quid obtineat sequenti Capite expediemus, posteriori vero dicendum, quod regulariter jus Canonicum Germanico vetustate non obliterato, *vid. cap. præc. §. 54. segg.* cedere debeat, adeo ut illud sit *jus commune subsidiarium*, quo, deficiente proprio, uti liceat, nam
Sta-

Status Protestantes, in præjudicium legum propriarum, jus Canonicum retinuisse, nulla verisimilitudine asseri potest. Quod si vero certis in casibus, legibus domesticis, vel expressa sanctione, vel constanti usu illud sit prælatum, tum ejus autoritas utique admittenda erit, *conf. STRYK. in not. ad Brunnem. J. E. l. c. 3. §. 4.*

§. 29. Jus Canonicum rectius aboleri quam conservari censet ZIEGLER. *d. dissert. §. 67.* à quo non valde abludit CONRING. *de O. J. G. c. 25. in fin.* Verum si accurate res ista sit expedienda, duæ quæstiones distinguendæ esse videntur: (1) *An utile sit, ut jus illud tollatur.* (2) *An vel tempore Reformationis, vel hodie is sit Germanicæ status, ut illud facile tolli queat?*

§. 30. Prius omnino affirmandum videtur, cum in jure Canonico impia multa contineantur, ac pleraque etiam à statu Territoriorum Protestantium abludant, *add. ZIEGLER. d. dissert. §. 63. seqq.* Vis tamen hujus assertionis non eo extenditur, quasi penitus jus Canonicum sit exterminandum ac hominum manibus excutiendum, sed eo saltem pertinet, ut, abrogata ejus autoritate, inter Scripta privata illi locus relinquatur.

§. 31. Posterius vero negandum forte erit, quamvis nihilominus facilius hodie, quam tempore Reformationis, illud abrogari posse videatur. Atque juxta hanc distinctionem nunc intelligi velim, quæ olim in SPECIM. JUR. ECCLES. l. 1. c. 2. §. 63. seqq. generalius paululum hanc in rem disputavi. Illud interim certum est, quod Juri Canonico semper operam dare liceat, quæcunque etiam fata illud sit habiturum, quemadmodum cuivis habili integrum, ejus non abrogati Professionem ambire & acceptare, quo pertinent tradita ZIEGLERI *d. dissertat. §. 68.*

CAPUT V. DE JURE ROMANO.

SUMMARIA.

Juris Romani triplex consideratio §. 1.

Ejus habitus ante Justinianum §. 2. 3. 4. 5. 6. 7.

Sub Justiniano prodit Codex §. 8.

Secutæ sunt Pandectæ & Institutiones §. 9.

Successere Codex repetitæ prælectionis & Novellæ §. 10.

Libri Juris Justiniani §. 11.

Institutionum §. 12.

H 2

Pan-

Pandectarum §. 13.

Et Codicis partitio, habitus & allegandi ratio

§. 14.

Codici inserte authenticæ §. 15.

Monita quædam quoad Novellas §. 16.

Posteriora derogant prioribus §. 17. 18.

Fatum Jurisprudentiæ Romanæ, post Justiniani obitum §. 19. 20.

Jus Romanum in Germaniam Seculo XIV. receptum videtur §. 21.

Quam receptionem tam opinio æquitatis, quam Itali Doctores videntur promovisse §. 22.

Tacite autem receptio facta §. 23.

Quæ juris Romani autoritas tam ratione juris Canonici §. 24. 25.

Quam Germanici §. 26. 27.

§. I.



Secundo inter Leges extraneas, in Germaniam admissas, occurrit *Jus Romanum* sive *Justinianicum*, circa quod itidem (1) *indolem*, (2) *receptionem* & *autoritatem* breviter, pro instituti ratione, considerabimus. Illam quod attinet, cum celebre hic sit Imperatoris Justiniani nomen, non incommode, ejus intuitu, partitio instituitur, ut *Jus Romanum*, vel *ante Justinianum*, vel *sub illo*, vel *post eum* spectetur.

§. 2. Ante Justinianum triplex Reipublicæ Romanæ status occurrit, *Regius*, *Popularis* & *Imperatorius*. In statu regio fuerunt *Leges Regiæ* seu *Curiatæ*, à Collectore, *Jus Civile Papirianum* dictæ, l. 2. §. 2. de O. J. Exactis Regibus, eorumque legibus sublatis, in statu populari, *mores* & *consuetudines* aliquamdiu vixerunt. Secutæ sunt *leges duodecim Tabularum*. His accesserunt ulique autoritatem acceperunt, *interpretationes Jctorum*, nec non *Legis actiones* seu *actionum fonsivum formula*, à collectoribus, *Jus Flavianum* & *Ælianum* nuncupatæ. d. l. 2. §. 3. seqq.

§. 3. Prodierunt quoque *Leges* strictissime sic dictæ, in statu tranquillo, *Plebiscita*, in turbido: Memorantur etiam *Senatus consulta* d. l. 3. §. 8. seqq. §. 4. seqq. l. de J. N. G. C. sed, ut videtur, præter fidem historiæ, v. HUBER Digress. l. 1. c. 3. add. GELL. N. A. l. 1. c. 23. Fuit etiam aliquis locus *Juri Honorario*, dum Prætores vel leges jam latas confirmarunt, v. l. 8. de J. & J. vel novas condiderunt, l. 2. §. 10. de O. J. §. 7. l. de J. N. G. C.

§. 4. Successit status Imperatorius, *lege Regiæ* firmatus, v. HUBER Digress. l. 1. c. 17. seqq. In eodem autoritatem retinuerunt *Edicta Prætorum*, jussu Hadriani, à Salvio Juliano collecta, unde *Edictum perpetuum* exortum est. v. Constit. Tanta. §. 18. l. pen. C. de condic. indeb.

JCris

Juris quoque potestas de jure respondendi concessa est à Cæsaribus, hinc *Responsa Prudentum* aliquam Juris scripti partem constituissè vulgo existimantur, §. 8. *I. de J. N. G. C.* Sed verius est, JCos non tulisse novas leges, sed jam datas ad factum saltem applicavisse.

§. 5. Hinc non major olim, quam hodie, fuit Jctorum autoritas, ac ea saltem, inter responsa status popularis & imperatorii, apud Romanos, intercessit differentia, quæ hodie inter responsa *Doctōris privati*, & *Collegii Juridici* est: Nam utraque saltem legum applicationem continent, hæc tamen illis autoritate præstant, tum quod Collegium ab Imperante sit institutum, tum quod pro multis major veritatis sit præsumtio, *add. l. 1. in fin. ex quib. caus. major. in integr.* HUBER, *Digress. l. 2. c. 2. §. 3.* KULPIS *dissert. de Consolidat. hab. Argentinor. 1683. §. 6.*

§. 6. Inprimis vero ipsi Imperatores leges tulere, quæ vel sub nomine *Orationum & Senatusconsultorum*, vid. *l. 9. de Leg. l. 23. de donat. int. vir. & uxor. l. pen. ad Scitum Tertull. l. 1. de fer. l. 16. de sponsal. l. 1. de reb. cor. qui sub tui. l. 60. de R. N. l. 8. de transact. l. 23. §. 2. de condit. indeb. l. 7. C. de præd. min. l. 1. C. de interd. matr. inter pupill. l. 8. C. de Leg. vel sub nomine *Constitutionum* innotuerunt, vid. *l. fin. C. de Leg. Nov. Leon. 78.* HUBER *Digress. l. 1. c. 3.* De cætero distingui solent (1) à modo promulgandi, in *Edita, Rescripta & Decreta*, vid. *l. 3. de his quæ in testam. del.* OBSERV. LAUTERB. *Observ. 16.* (2) à subjecto, in *generales & speciales*, §. 6. *I. de J. N. G. C.* quæ tamen divisiones etiam ad leges civitatum polyarchicarum quadrant.*

§. 7. Istas Imperatorum Constitutiones, ab Hadriano usque ad Valerianum & Gallienum, collegit *Gregorius Jcius*, à Claudio usque ad Constantinum M. *Hermogenes Jcius*, à Constantino usque ad sua tempora, *Theodosius Junior Cæsar*, hinc tres Codices extiterunt, *Gregorianus*, *Hermogenianus*, qui ethnicorum, & *Theodosianus*, qui Christianorum Imperatorum constitutiones exhibent, v. GOTOFRED. *manual. Jur. c. 4. p. 16. add.* OBSERV. LAUTERB. *Observ. 10.*

§. 8. Successit in statu Imperatorio *Justinianus*, hic secundo Jus Romanum sub illo spectari debet. Ille scilicet ex tribus Codicibus memoratis, ac sequentium Imperatorum constitutionibus, vid.

GOTOFRED. *man.* p. 1. c. 6. p. 19. confici curavit anno 528. 529. *Codicem Justinianum*, *vid. Constit. de nov. Cod. fac. & confirm.*

§. 9. Postea ejus jussu, ex Veterum JCtorum libris, *Pandectæ* sive *Digesta*, intra triennium ab anno 530. usque ad 533. juxta ordinem Edicti perpetui, sunt compositæ, *v. Const. Tanta* §. 23. *Deo* autore §. 5. Eodem anno 533. *Institutiones* sunt confectæ, ac uno mense ante Pandectas, nempe 20. *Novemb.* promulgatæ, sed ita ut cum his eodem die vim legum acciperent, *Constit. Tanta* §. 23. *Proœm. l. s. fin.*

§. 10. Successit *Codex repetitæ Prælectionis*, abolito primo Codice, ex Veterum Imperatorum Constitutionibus, 50. novis Decisionibus, aliisque Justiniani Constitutionibus, post priorem Codicem editis, anno 534. compositus, *d. 15. Nov.* publicatus ac 28. *Dec.* juris autoritate donatus. *Constit. cordi nobis de emend. Codic.* Secutas Constitutiones sub nomine *Constitutionum Novellarum*, si res exigit, colligi voluit Justinianus, *d. Constit. cordi nobis* §. 4. *in fin.* quod opus deinde à privato quodam compositum, *authenticarum Collationum* nomen quoque accepit, cujus compendium, circa annum 570. latine edidit Julianus, *vid. GOTOFRED. manual. c. 4. p. 68. STRUV. S. J. C. exercit. 1. §. 68. in fin.*

§. 11. Totum opus Justiniani, nomine *Corporis Juris* vulgo venit, *v. l. un. C. de R. U. A.* Ejusque libri, ex Compilerum intentione, in *Elementares*, quo pertinent *Institutiones*, *Systematicos*, quales *Pandectæ* & *Codex*, & *Suppletorios* ac *Correctorios*, quales exhibent *Novellæ*, dispesci possunt, *v. LAUTERB. Comp. Jur. Præfat.* de quorum habitu adhuc nonnulla notari debent.

§. 12. *Institutiones* distinguuntur in *quatuor libros*, quorum singuli aliquot *Titulos*, & hi *Paragraphos* continent. Eos ita allegare moris est, ut, expresso §. numero, rubricam Tituli nominemus, *v. g. §. 4. l. de adoption.* De cætero *Institutiones* mensuram justî Compendii, ne quidem intuitu suæ Reipublicæ, implent, sive materiam, sive formam spectemus, sive eas seorsim consideremus, sive cum cæteris libris conferamus.

§. 13. *Pandectæ* constant *quingenta libris*, quorum singuli aliquot *Titulos*, ex discerptis veterum JCtorum scriptis consarcinatos (quas particulas, *leges* nominare solent, *add. RÆVARD. libr. conje-ctan.:*)

Zan.) complectuntur. Allegatio ita fit, ut numerus legis & rubrica Tituli nominetur addita litera *¶*. D. vel ff. v. g. l. i. ff. de *just. & jur.* quod si, sine addita nota, allegatio fiat, Pandectæ quoque intelliguntur. Earum tres sunt Editiones, *Vulgata, Haloandri s. Norica & Florentina* sive *Pisana*. v. GOTOFRED. *Manual. jur. p. 2. c. 4. p. 65. add. LAUTERB. C. J. præfat.*

§. 14. Codex repetitæ Prælectionis *duodecim libris* absolvitur, singuli *Titulis* nonnullis, *rescripta constitutionesque* Principum continentibus, constant. Allegandi ratio eadem est, quæ in Pandectis v. g. l. 1. C. de *nupt.* ob multitudinem Titulorum tamen magis molesta. Possemus omni isto allegandi evolvendique tædio supersedere, nisi veterum Glossatorum superstitione aliter jussisset. De cætero neque Pandectæ neque Codex, systema legum, ex regulis artis contextum, exhibent, sed *Locorum communium* instar existimari debent, *add. DONELL. Comment. l. l. c. 1.*

§. 15. Id adhuc notandum, quod nonnullis Codicis legibus, particulæ quædam subjunctæ sint, quæ *Authenticæ* dicuntur. Earum nonnullæ Fridericum I. & II. autorem agnoscunt, *vid. post l. 5. C. nefil. pro patr. l. 12. C. de SS. Eccles. l. 33. C. de Episcop. l. 4. 19. C. de heretic. l. 19. C. de episcop. audient. l. 10. C. comm. de succession. junct. Constit. Friderici II. §. 10.* quæ post *lib. 5. Feudor.* adducitur, l. 8. C. quæ res pign. v. CONRAD. *SIN. CER. dissert. epistol. de autorit. Leg. German. p. 71. seqq.* CONRING. de *O. J. G. c. 25. in fin.* Pleræque vero ex Novellis depromptæ sunt, *vid. OBSERV. LAUTERB. Observ. 5.* Quod si hæc posteriores cum fontibus non conveniant, tum nullius autoritatis esse censentur, *vid. LAUTERB. C. J. Præfat.* De cætero ita allegari solent, *vid. authent. bona damnat. C. de bon. proscripitor.*

§. 16. Circa Novellarum librum uti nulla est allegandi difficultas, cum numerum cuique præfixum sequamur, ita hæc notari solent: (1) Novellas, neglecto aliquando temporis ordine, esse collectas, *vid. Nov. 117. 140.* (2) Versionem Latinam hodie esse authenticam, quia scilicet authentia ex receptione æstimanda. (3) Numerum earum esse incertum, & glossatas tantum usu receptas, quod tamen non satis expeditum. (4) Capitum inscriptiones non esse authenticas, *vid. Nov. 82. c. 5.* (5) Quæ Novellis ulterius subjiciuntur, autoritatem legalem non habere, *vid. LAUTERB. C. J. præfat.*

§. 17. In

§. 17. In Corpore Juris non dari contradictiones seu antinomias, perinde absurde dicitur, ac, Papam esse infallibilem. Inprimis diversa Ejus partes sive libri aliquando inter se dissident, ubi observatur regula: *posteriora derogant prioribus*. Cum vero, in æstimanda prioritate & posterioritate, vel ad *compositionem*, vel *promulgationem* respici queat, ideo regula data sic intelligenda videtur.

§. 18. Lex (1) *compositione* & *promulgatione posterior*, dubio procul, *juxta utrumque respectum*, priori præfertur. Hinc Novellæ cæteris omnibus partibus derogant. (2) *Si lex olim lata, renovetur ac promulgetur, tunc tam ratione compositionis, quam promulgationis posterior censeri, ac cæteris, quoad primam compositionem licet posterioribus, præferri debet*, nam ordo, ex nova Legislatoris voluntate, æstimandus est. Hinc Codex Pandeſtis derogare recte dicitur. (3) *Si leges una serie componentur, ea intentione, ut simul, in usum subditorum, adhibeantur, tum prioritas & posterioritas, non ex promulgatione, sed compositione judicari debet*. Hinc Institutiones præferuntur Pandeſtis, licet hæc quoad promulgationem sint posteriores, add. OBSERV. LAUTERB. *Observ. 6.*

§. 19. Superest ut, quid, post Justinianum, ejus Jurisprudentiæ acciderit, indicemus. In Oriente illius autoritas aliquamdiu stetit, donec per novam Græcorum Imperatorum, inprimis Basilii Macedonis & Leonis, Jurisprudentiam, tere fuit expuncta, v. GOTOFRED. *man. Jur. c. 5. p. 57.* Sed in Occidente statim, post Justiniani obitum, propter irruptionem Gentium extranearum, illa concidisse, ac fere per 600. annos in abdito latuisse, & tandem per Lotharium II. Saxoniæ, in scholas & forum reducta creditur. *vid. GOTOFRED. d. man. c. 9. p. 33.*

§. 20. Verum occidentalia illa, maximam partem, esse fabulosa, ostendit CONRING. *de O. J. G. c. 20. seqq.* existimans, Juris Justiniani, in Italia, semper aliquem, licet exiguum, fuisse usum, circa tempora vero Lotharii II. magis illum iterum effloruisse, Irnerio Juri illi incumbente, illudque in Schola Bononienſi, circa annum 1128. erecta, explicante.

§. 21. Deinde consideranda est Juris Romani Receptio, v. §. 1. Circa eam hæc spectanda videntur: (1.) *quando*, (2.) *ob quam causam*, (3.)

(3.) quomodo & (4.) in quantum illa facta sit. Primum quod attinet, receptum videtur Jus Civile in Germaniam circa confinia Seculi XIV. & XV. CONRING. *de O. J. G. c. 32.* Qui Lothario restitutionem juris Romani adscribunt, illi altius ascendere, ac inde receptionis originem repetere solent, *vid. SINCER. dissert. epistol. de usu Leg. German. p. 47. seqq.*

§. 22. Videtur autem receptio facta, ob singularem æquitatis & prudentiæ, qua aliarum Gentium legibus, Jus Romanum præstare censetur, opinionem. Non minus etiam receptionem promovit, quod Germani, studiorum causa, in Italiam concesserint, ac domum reversi, juris Romani, quod didicerant, arte, res suas subinde expedire sustinuerint. Denique quod Academiæ Germanicæ, ad Italicarum exemplum, sint institutæ, *vid. SINCER. d. l. p. 49.*

§. 23. Fuit receptio facta, non expresso aliquo Imperatoris & Procerum Germanicorum decreto, sed tacite, ipso usu, dum in Scholas & Forum, jus illud admissum est; A Maximiliano I. tamen expressè anno 1495. approbatum censetur, *vid. LEHM. Chr. Spir. l. 4. c. 21.* quod contra SINCERUM *d. epist. p. 87.* dissentientem defendit, DATT *de pac. publ. l. 4. c. 1. n. III. seqq.* de quo aliqua retuli in OBSERVAT. LAUTERB. *Observ. 3.*

§. 24. In quantum vero Jus Romanum receptum sit, ac auctoritatem habeat, illud non adeo liquidum est. Poterit illud vel cum *Jure Canonico*, vel *Germanico* comparari, *vid. cap. præc. §. 28.* Primo respectu, id vulgo docent, *inter Jus Canonicum & Romanum, in dubio, non esse statuendam differentiam, i. e. non tantum nullam, inter illa jura, in dubio asserendam esse contradictionem, quo sensu doctrina illa admitti potest, sed & quævis positiva juris Romani, valere quoque in jure Canonico, & vice versa, sed, eo sensu doctrinam falsam esse, ostendi in OBSERV. LAUTERB. Observ. 7.*

§. 25. Quodsi autem jura illa aperte inter se dissentiant, tum *Jus Romanum* regulariter preferendum censent, sed in *causis Ecclesiasticis*, conscientiarum atque processus *Jus Canonicum* attendi debet, *vid. LAUTERB. C. J. Præfat. SCHRADER de feud. p. 1. qu. 6.* quod tamen alii, ad *causas conscientiarum*, sua natura, non per accidens, peccatum involventes, restringendum putant, *vid. ISING, de prompt. honor.*

honor. c. 3. n. 53. Enimvero si historiam factæ receptionis intueamur, videtur potius Jus Canonicum juri Civili, in dubio semper præferendum esse, ceu in *OBSERV. LAUTERB. Observ. 8.* jam admonui, *add. STRYK in not. ad Brunnem. J. E. l. i. c. 3. §. 4. SCHILTER ad ff. Exerc. 2. in fin. p. 48.*

§. 26. Si cum jure Germanico Romanum conferatur, illud primo præsupponendum videtur, quod sit quæstio de *jure Romano quâ tali seu positivo* (nam dogmata juris naturalis, vel doctrinæ physicæ similesque, quæ in eodem occurrunt, ex propriis suis valent aut non valent principiis) postea dicendum, quod jus illud receptum sit in subsidium, adeo ut eatenus illo uti queamus, quatenus legibus Germanicis non repugnat, nec à statu Reipublicæ abhorret, aut expresse vel tacite non est sublatum aut non admissum, *conf. SINGER. d. epist. p. 52. seqq.*

§. 27. Interim doctrina illa, receptionis historię satis conveniens, non per omnia servari solet, nam sæpe jus Romanum patrio præfertur, quod tetigi *c. 3. §. 57.* præterea non raro leges Romanæ, propria instituta v.g. Monarchiam, servitutem aut peculiarem processum præsupponentes, invitæ Germaniæ applicantur. Denique illorum usus asseritur, quæ tamen propria Germaniæ principia, vel satis constans Non usus repudiant, exempla sunt in contractibus innominatis, bonæ fidei & stricti juris, nec non in actionibus dupli, tripli, quadrupli &c. de quibus alibi.

CAPUT VI. DE JURE FEUDALI LONGOBARDICO.

SUMMARIA.

Juris Feudalis Longobardici origo §. 1.
 Compilatio §. 2. Incrementa §. 3.
 Habitus §. 4. Valor §. 5.
 Qualitas §. 6. 7.
 Autoritas quoad Clericos §. 8.
 In Germania valet ex recepto §. 9. 10.
 Non ex insertione Constitutionum Imperatoriarum vel præscriptione §. 11.

Receptionis occasio §. 12.
 Capitula extraordinaria auctoritatem non habent §. 13.
 Ordinaria vero in subsidium sunt recepta §. 14. 15.
 Juris Feudalis auctoritas, intuitu juris Romani & Canonici, ut & materiæ allodialis §. 16.
 In causis feudalibus, etiam juri Romano & Canonico quandoque locus est §. 17.

Quo ordine leges applicandæ §. 18.
 Autoritas juris Feudalis quoad feuda immedia-
 ta §. 19.

Mincucci & Baraterii labor, in reformando jure
 Feudali §. 20. 21. Cum epicrisi §. 22.

Examen vulgarij dogmatum nonnullorum,
 quoad auctoritatem & usum legum extranea-
 rum §. 23. 24. 25. 26. 27. 28. 29. 30. 31.
 Morbus Jurisprudentiæ ex legum multitudine
 §. 32.

§. I.



tertio inter leges extraneas etiam est *Jus Feudale Longobardicum*, cujus (1.) *indolem* (2.) *receptionem*, methodo hætenus adhibita, considerabimus. Primum quod attinet, originem habet hoc Jus, à Longobardis, Germaniæ populis, *vid. RHET. Comm. Jur. Feud. præm. p. 27. seqq.* Hi enim anno 568. in Italiam concesserunt, ac, condito ibi regno satis celebri, feuda quoque introduxerunt.

§. 2. Horum jura & consuetudines Seculo XII. circa tempora fere Friderici I. sunt collectæ, *STRUK E. J. F. c. 1. qu. 9.* licet quodammodo dissentiat *RHET. d. præm. p. 3. n. 8. seqq.* ob *II. F. 3. §. 1.* ab auctore incerto, quamvis alii Gerhardum Nigrum & Obertum de Orto, collectionis Autores faciant, *STRUK d. qu. 9.* sed uti, horum responsa, collectorem operi quandoque inseruisse, negari nequit, ita ipsos collectioni manum admovisse probabile non est ob *II. f. 25. 28. 32. 36. II. f. 34. §. 1. 2. II. f. 51. §. 3. II. f. 36. vid. HUNN. disp. feud. 2. STRUV. S. J. F. c. 1. §. 5. n. 2. RHET. d. præm. p. 7. n. 30. seqq. ad rubric. tit. 1. n. 5. pag. 37.*

§. 3. Accesserunt quoque istis Longobardorum legibus, quædam Cæsarum Germanicorum & Pontificum Romanorum constitutiones, *vid. STRUV. S. J. F. c. 1. aph. §. n. 3. 4.* illas Hugolinus adjecisse dicitur, qui etiam totum opus Juri Romano adjunxit, *vid. STRUK E. J. F. c. 1. qu. 9. RHET. d. præm. p. 1. seqq. STRUV. d. c. 1. §. 7. n. 4.* Hodie quinque feudorum libri conspiciuntur, quorum duo priores tantum sunt authentici, ex quibus ita allegari solet, v. g. *II. f. 50. add. STRUK d. c. 1. qu. 36. STRUV. S. J. F. c. 1. §. 5. n. 2.*

§. 4. De cætero Compiler exiguam artem adhibuit, nam non tantum ordo nullus, sed mera rhapsodia est, adeo ut frustraneum sit, circa connexionem titulorum laborare, licet Tabor, laqueum ex arena se esse confecturum, promiserit, *vid. STRUK d. c. 1. qu. 35. CARPZ.*

disp. feud. 1. §. 7. RHET. ad rubr. Tit. 1. p. 38, n. 8. sed & sæpe contrariæ sententiæ, vel in diversis capitulis, vel eodem in loco sunt relatæ, v. II. f. 27. vers. nam & illud II. f. 28. §. his consequenter II. f. 34. §. 2. II. f. 36.

§. 5. Ultra ergo sententia præferenda sit, quæri solet? Si in eodem capitulo, contraria responsa occurrant, prius regulariter præferri putant, alii tamen prærogativam eitribuunt, quod aliis textibus vel rationi juris Feudalis est convenientius. Si in diversis capitulis reperiantur, tum, desperatâ conciliatione, tempore posterius, vel analogiæ juris Feudalis magis consentaneum præfertur, STRYK *d. c. 1. qu. 32, 33. CARPZ. disp. feud. 1. §. 22.*

§. 6. Alias operose satis disquiritur: *an jus Longobardicum sit scriptum vel non scriptum?* Quidam illud, CARPZ. *disp. feud. 1. §. 3. HUNN. disp. feud. 2. RHET. Comm. jur. feud. præm. p. 30. n. 10. seqq.* alii hoc asserunt, FINCKELTH. *disp. feud. 1. §. 6. STRYK. E. J. F. c. 1. qu. 10, 11, 12.* Poterant illa disquisitione plane supersedere, cum ad leges proprias tantum pertineat, ad extraneas vero non quadret, sed hæc, legibus expressis, sine controversia, annumerandæ sint, de quo dixi *c. 3. §. 22. seqq.*

§. 7. Illa dubio procul otiosa quæstio est: *an jus Feudale sit juris civilis vel prætorii?* vid. SCHRAD. *de feud. p. 1. qu. 7.* quam ex artis Legisticæ, omnium populorum leges, ad Romanæ jurisprudentiæ distinctiones, exigentis, principiis profluere, manifestum est. Neque vero ejus usus, circa *durationem actionum*, vel *delatæ hereditatis, additionem*, valde conspicitur, cum illa jure Feudali satis sint definita, aut, deficiente decisione, nemo tamen ad sanctiones juris Prætorii sit recursum.

§. 8. Non minus etiam inanis quæstio videtur: *an Clerici jure Feudali obligentur?* quam quæstionarii passim proponunt, v. SCHRAD. *de feud. p. 1. qu. 2. HUNN. de feud. c. 3. qu. 2. FINCKELTH. controuv. feud. disp. 1. qu. 11.* nam nisi ad certum Reipublicæ statum illa referatur, sed ut fieri solet, indefinite moveatur, accurate decidi nequit. An igitur jus Longobardicum vel propria virtute, vel in Republica extranea, Clericos obliget, nostra nihil refert, in Germania vero omnis ejus autoritas ex receptione dependet, ubi, quoad Territoria Prote-

stanti-

stantium, res dubio caret, quod leges probatæ non minus Clericos quam Laicos obligent.

§. 9. Licet vero Longobardi, populi Germanici fuerint, attamen extra Germaniam vixerunt, hinc eorum leges Germaniam non obligant propria virtute, sed ob *receptionem*, de qua adeo deinceps videndum. Circa eam primo præsupponi debet, quod etiam Constitutionum imperatoriarum valor, ex receptione repetendus sit, licet alii dissentiant, abusi eam in rem, legibus Romanis, ut *l. 1. de const. Princ. §. 6. l. de J. N. G. C. vid. SCHULTZ Synops. Jur. feud. c. 1. §. 11.* nam constitutiones illæ non Germanis, sed *italis* datæ sunt, add. SINCER. *dissert. epistol. de usu leg. German. p. 74.*

§. 10. Facta autem censetur esse receptio *Seculo XV.* STRUV. *c. 1. §. 7. n. 3. 4.* RHET. *Comm. Jur. feud. proæm. p. 10. n. 42. p. 18. n. 71.* non quidem *expresso aliquo Cæsaris Procerumque Germanicorum decreto*, sed *iacte*, dum jus Feudale in scholis doceri, ac inde in fora transferri cœpit. Postea vero in Recessibus Imperii ejus facta mentio est, quo ipso illud amplius confirmatum censi debet. In Territoria autem singulorum Statuum sensim quoque ejus usus extensus est, *vid. RHET. d. l. p. 12. n. 47. STRYK. E. J. F. c. 1. qu. 16. 17.*

§. 11. Ex eo valor illius juris non recte repetitur, quod Imperatores quidam, constitutiones suas ei *inseri* curaverint, *vid. SCHULTZ Synops. J. f. c. 1. n. 12.* nam nec satis constat, an eorum voluntate, insertio facta sit, & posito hoc, illud omne tamen ad solam pertinuit Italianam. Non minus incongrue à *prescriptione* ejus autoritas deducitur, SCHULTZ *d. l.* nam *prescriptio* ad jura, non leges, pertinet, eademque invitis, ex legis civilis decreto, aufert, hinc inter liberas Gentes, quoad leges omnium usibus promiscue expositas, frustra asseritur, add. STRUV. *d. c. 1. §. 7. n. 7.*

§. 12. *Occasionem* receptioni præbuit juris hujus, cum jure Romano coherrentia, quam §. 3. jam indicavimus, circa quod obiter notandum, quod, collato Rhetio & Struvio ibidem citatis, dissensus aliquis quoad tempus factæ adjunctionis occurrat, cum ille ad tempora Friderici II. hic vero ad annum 1168. eam referat. Præterea receptionem promoverunt Doctores ex Italia adsciti, STRUV. *c. 1. §. 7. n. 4.*

§. 13. Non tamen *totum Jus Longobardicum* receptum est, nam

Capitula extraordinaria, quæ II. f. tit. 73. incipiunt, autoritate carent, neque enim Accursius illa in Corpore glossato retulit, & vetus interpres, Mericurius, quem vocant, Constitutiones illas, *Extravagantes* dixit, hinc probabiliter non sunt receptæ, vid. STRUV. c. 1. §. 7. n. 10. STRYK E. J. F. c. 1. qu. 22. Quare neque ad decisionem neque declarationem recte adhibentur, nisi forte saltem quæstio historica similisve occurrat, licet dissentiat H. PISTOR. l. 2. qu. 13. n. 58. 59. qu. 15. n. 45. FINCKELTH. contr. feud. disp. 1. §. 16.

§. 14. Circa capitula ordinaria repetendum, quod cap. præc. §. 26. admonuimus, deinde vero eorum usus subsidiarius asseri debet, ea ratione, ut legibus illis uti queamus, quatenus legibus Germanicis non repugnant, à statu Germaniæ non abhorrent, aut expresse vel tacite non sunt sublatae vel non admittæ, id quod ex constanti Nonusu etiam colligendum.

§. 15. Quando igitur jus Longobardicum, commune dicitur, vid. STRYK E. J. F. c. 1. qu. 19. id eo sensu exaudiendum, quod sit commune subsidium, non autem, quod sit jurisprudentiæ Germanicæ feudalis fundamentum, ad quod primario respici debeat, vid. RHET. comm. Jur. feud. præc. p. 18. n. 72. Interim cum interpretes antiquiores alias secuti sint hypotheses, & hodie quoque in Academiis, major juris Longobardici, quam Germanici habeatur ratio, hinc sæpe illud majori, quam par erat, pollet autoritate, & obtinent hic quoque ea, quæ c. 3. §. 57. cap. præc. §. 27. diximus. Inprimis leges obsoletæ, invitæ Germaniæ nonnunquam applicantur, quod exemplo judicii feudalis ostendi in JUR. FEUD. GERM. c. 28. §. 8. seqq.

§. 16. In materia feudali, jus Longobardicum, Romano & Canonico præfertur, in allodiali vero, illo uti possumus, si hæc aliaque jura allodialia deficient, vid. STRYK E. J. F. c. 1. qu. 29. CARPZ. p. 2. C. 32. D. 2. HUNN. de feud. c. 3. qu. 3. FINCKELTH. C. F. disp. 1. qu. 9. nam in omnem usum jus Longobardicum recepimus, licet dissentiat STRUV. S. J. F. c. 1. §. 14. n. 3. Quia porro receptio est notoria, hinc jus illud allegans, ejus valorem probare non debet, STRUV. d. c. 1. §. 7. n. 7. STRYK d. c. 1. qu. 21. Neque tamen ideo quævis illius sanctio valet, sed pro valore saltem est præsumtio.

§. 17. Deficiente jure Longobardico, in causis quoque feudali-
bus,

bus, jure Canonico & Romano uti possumus, nam etiam hæc jura, in omnem usum, recepimus. Ad II. f. 1. frustra, huic rei probandæ, vulgo provocant, v. SCHULTZ. S. J. F. c. 1. n. 19. textus enim ille loquitur de usu Italiæ. Interim magnus hic etiam intercedere solet abusus, dum quævis decreta naturalia, vel indubitata rationis dictamina, ex jure Romano & Canonico probantur. Circa tutelam tamen feudalem, usus juris Romani præcipue conspicitur. Quod si Jus Canonicum & Civile inter se dissentiant, tum unumquodque, in sua materia, præfertur. FINCKELTH. d. diss. 1. qu. 10. STRUV. d. c. 1. §. 14. STRYK d. c. 1. qu. 28. add. cap. præc. §. 25.

§. 18. Cum ergo variæ leges, generales & speciales, domesticæ & extraneæ, in Germania occurrant, in causis feudalibus decidendis, hic ordo observandus: (1.) respiciendum est ad peculiaria pacta & litteras investituræ, (2.) his deficientibus, ad jura peculiaria cujusvis loci, his cessantibus (3.) ad Jus Feudale Saxonicum & Suevicum, si ex his decisio haberi nequeat (4.) ad Jus Longobardicum, (hoc tamen ab interpretibus sæpe illis præferri jam dixi §. 15.) deficiente etiam Longobardico (5.) ad Jus Civile & Canonicum, nec non alia jura allodialia, in Germania usitata, vid. STRUV. S. J. F. c. 1. §. 11. seqq.

§. 19. Cæterum quæ hætenus de usu Juris Longobardici diximus, illa pertinent ad feuda *mediata & privata*. An vero, in disciplina Juris publici Germanici, illius aliorumque jurium extraneorum aliquis sit usus, id alibi expediri debet, vid. SPEC. JUR. PUBL. l. 2. c. fin. Illud quoque certum est, quod, sicut Status imperii leges Germanicas privatas, etiam in Comitibus latas, tollere possunt, ceu dictum c. 3. §. 64. ita quoque Jus Longobardicum abrogare queant, v. RHET. Comm. J. F. præm. p. 13. n. 53.

§. 20. Cum Jus Longobardicum sine arte compilatum sit, defectui huc mederi voluit vetus Interpretes, Antonius Mincuccius de *Præto veteri*, dum in aliam formam jus illud redegit: Quod opus Imperatori Sigismundo anno 1428. circiter oblarum, sed ab Eodem confirmatum non est, vid. BITSCH. comment. feudal. præm. p. 6. seqq. RHET. C. F. præm. p. 4. n. 13. seqq.

§. 21. Opus istud valde hætenus desideratum fuit, ac ejus edendi quidem spem fecit *Mauritius*, cum exemplar aliquod, quod unicum credi-

credidit, possideret, sed editio haud est secuta. Verum *Schilterus* Codici suo feudali, anno 1697. publicato, libellum illum, ex autographo Bibliothecæ Parisiensis descriptum, inseruit, qui etiam, exemplaris sui fide, asserit, Autorem illum, non *Mericutium* vel *Meriputium*, ut vulgo volunt, sed *Mincuccium* dici. Eodem fere tempore, simile opus composuit *Bartholæus Baraterius*, quod jam anno 1612. Parisiis publicatum, à *Schiltero* vero, laudato quoque Codici insertum est.

§. 22. De cætero libellorum illorum vel nullus vel exiguus est usus, nam sicut ex solis cæmentis domus exstrui nequit, ita etiam ex fragmentis juris Longobardici, concinnum aliquod opus adornari non potest, maxime si Legulejus aliquis, falsis imbutus præjudiciis, ei manum admoveat, quare satius est, omnia illa fragmenta conservare, quam, nonnullis abjectis, aliam, ac priore non meliorem, saltem moliri formam, hinc *Mincuccii* vel *Baraterii* tractatus, usitatum juris Longobardici Codicem, non temere expungent, licet nonnulli ita existimaverint.

§. 23. Ex hætenus dictis igitur constat, quod Jura extranea, Canonicum, Romanum & Longobardicum, in subsidium sint recepta. Ex quo præsupposito varia dogmata, quibus vulgo, velut certis & immotis principiis, nituntur, illustrari facile vel etiam refelli possunt, de quo in genere adhuc quædam dicere libet. Et (1.) quidem contendunt: *In omnibus locis jus Romanum, tanquam commune, & velut regulam servari oportere, donec de jure speciali & exceptione doceatur, vid. COTHM. Vol. 3. R. 35. n. 59. R. 36. n. 7. seqq. PISTOR. l. 1. qu. 16. n. 11. l. 2. qu. 2. n. 51. seqq. qu. 13. n. 82. qu. 19. n. 75. seqq. qu. 25. n. 35. qu. 26. n. 17. aliosque passim.* Sed illud falsum esse, ex historia receptionis apparet, ac recte jam à *SINCERO* differt. *epistol. de us. leg. German. p. 34. 62.* admonitum est.

§. 24. Non minus etiam (2.) inculcant: *Ex jure Romano supplenda, declaranda & restringenda esse jura statutoria, vid. LAUTERB. C. J. præfat.* Enimvero ut *suppleantur*, admitti potest, cum hoc indoli juris subsidiarii conveniat, etsi nonnunquam, in hujus etiam generis exemplis, fallacia aliqua subsit: Sic cautum est in *O. P. S. tit. 47.* ut executio & immissio realis, tribuat jus in re, hoc *CARPZOV. p. 1. Dec. 63. n. 16.* supplendum censet ex *l. 12. §. 2. l. 13. de reb. autor. jud. possid.* ut Creditor etiam jus reale consequatur, si iudex, vi debitoris, immissio-

immissionem realem facere impediatur. Sed non opus est ad jus Civile recurrere, cum casus hic legis provincialis sententiâ utrique contineatur.

§. 25. Ut vero jura statutaria ex jure Romano *declarentur*, id utique falsum est, leges Germanicæ ex rationibus domesticis explicari debent, alias explicatio inepta exoritur, quod exemplo Glossatoris Juris Saxonici satis intelligitur, *add. SINCER. d. epist. p. 62.* Sic nulla etiam raro apparet, quare, in gratiam velut juris subsidiarii, jura domestica restringi debeant, ut facile liqueat, assertum hoc ex falsa de jure Romano hypothesi, profluere. *add. OBSERV. LAUTERB. Observ. 4.*

§. 26. In exemplis, quæ doctrinæ illustrandæ vulgo afferuntur, fallacia causæ subest. Dicunt: si statutum jubeat, *ut victus in expensas condemnatur*, hoc ex jure Civili restringendum esse, *nisi justam litigandi causam habuerit*, nam hic & regula & restrictio ex jure naturali est. Porro jure Saxonico post prælitam guarandam, libellum mutare non licet. Sed num licebit, *si sine petita aut prælita guaranda, lis simpliciter contestatur?* minime, quia jus Saxonicum restringi debet, ne à jure Civili abeat, CARPZ. p. 1. C. 11. D. 2. verum illa decisio fluit ex sententia juris Saxonici, aut, si omnino juri Civili aliquid hic tribuendum, tum non restringit, sed supplet.

§. 27. Ita textus in *art. 17. l. 1. Landr.* qui matrem à successione liberorum excludere videtur, restringitur, non ob jus Civile, sed quia domesticæ rationes huic interpretationi favent, *vid. CARPZ. p. 3. c. 17. D. 1.* Si statutum conjugi simpliciter concedat successionem, *necessitas conferendi bona propria*, non erit asserenda, non quod jus Civile hanc restrictionem postulet, sed quia verba & sententia statui deficiunt, *vid. CARPZ. p. 3. C. 20. D. 10.* Interim falsum illud diæterium: *quod jura Germanica strikte sint accipienda*, aliquando aperte negligitur, *v. CARPZ. p. 1. C. 7. D. 9.* aliquando immerito observatur, *v. p. 2. C. 53.*

§. 28. Porro (3.) in dubio jura extranea observanda esse volunt, quod est consecrarium dogmatis primi, §. 23. relati, *vid. LAUTERB. C. J. de A. R. D. verbis tempore thesaurum, STRYK E. J. F. c. 1. qu. 18. ARUMÆ. ad A. B. discurs. 3. §. 28.* sed & illud parum recte se habere, ex antea dictis consequitur, *conf. SPECIM. JUR. PUBL. l. 3. c. 7. §. 29. seqq.*

§. 29. Quodsi jura extranea & Germanica dissentiant, tum (4.) illa, per hæc correctæ esse dicunt, vid. RAUCHB. p. 2. qu. 28. n. 8. HEIG. p. 1. qu. 16. n. 47. PHILIPP. Uf. Pr. J. l. 2. Eclog. 31. ARUM. ad A. B. Disc. 4. §. 16. in fin. Discurs. 6. §. 33. sed, id plerumque falsum esse & historiæ repugnare, manifestum est, jus Germanicum, extraneo regulariter in Germania antiquius est, adeoque hoc non abrogavit vel correxit, sed non adinstitit, & quamvis utraque sententia in eo conveniat, quod jus extraneum, istis casibus, non valeat, ineptus tamen error, qui communem sententiam comitatur, merito notandus est.

§. 30. Non minus incongruum est (5.) quando *Leges Longobardicæ*, de institutis Germanicis, exaudiuntur, ac v. g. queritur, quare *Compiler I. f. 1. Capitaneis non annumeraverit Electores?* v. RHET. *Comm. Jur. l. 1. tit. 1. p. 66. n. 12.* quid enim Legibus, Italiam respicientibus, negotii est cum Electoribus Germaniæ? & licet illa, huic aliquando fuerit conjuncta, separatæ tamen manserunt Respublicæ & propria cujusvis instituta.

§. 31. Injure Longobardico (5.) regulariter à simili non licere argumentum ducere, nisi ratio legis sit expressa, nec etiam (6.) à contrario sensu, contra jus Civile argumentari nos posse, communiter quoque docent, vid. SCHRAD. de feud. p. 1. qu. 3. 4. FINCKELTH. C. F. disp. 1. qu. 12. sed, & istam sententiam non aliunde, quam ex falsa, de habitu juris Romani, persvasione, habere originem, ac, in interpretando jure Longobardico, consveta interpretandi principia esse observanda, certum utique est.

§. 32. Ex ista legum varietate & multitudine, Jurisprudentiam Germanicam, gravem contraxisse morbum, palam est, add. LEHM. *Chr. Spir. l. 2. c. 37. l. 5. c. 46.* Uti autem, ei emendando, antiquæ leges Germanicæ, in usum fortassis intempestive revocantur, de quo c. 3. §. 60. dixi, ita leges extraneæ, tam abrupte rejici non posse videntur, certe privato id non licet. Quare nihil aliud superesse videtur, quam ut leges connatas fundamenti loco supponamus, ac legibus tam patriis, quam extraneis, sobrie utamur, easdemque justo ordine, statui Reipublicæ attemperemus, id quod ex parte tetigi in JUR. FEUD. GERM. c. 3. §. 38. seqq. plenius autem non nihil supra c. 1. §. 31. seqq. §. 61. seqq. præsentavi, add. SINCER. d. epist. p. 109.

CAPUT VII.

DE JURE NON SCRIPTO SIVE CONSVETUDINE.

SUMMARI A.

Juris non scripti seu consvetudinis indoles, ex
principiis communibus, dependet §. 1.
Consvetudo varie accipitur §. 2. 3. 4.
Inprimis pro lege non scripta §. 5.
Hujus varietas §. 6.
Et introductio §. 7.
Hæc requirit actus subditorum rationabiles §. 8.
Aliquoties exercitos §. 9. 10.
Uniformes ac per aliquod tempus susceptos §. 11.
12. 13.
Et inprimis consvetudinis introductivos §. 14.
Non præcise judiciales §. 15.
Confirmatio Imperantis consvetudinem facit
§. 16.

Hæc ex sola scientia, non recte colligitur §. 17. 18.
Sed actum positivum præsupponit §. 19.
Ex quavis sententia judiciali confirmatio male
elicitur §. 20.
Hæc plerumque expressa est §. 21.
Ad consvetudinem privativam sola Imperantis
scientia sufficit §. 22.
Consvetudo introducta legem imitatur §. 23.
Quid circa eam probandum §. 24.
Raro consvetudo revera existit §. 25.
Comparatio juris scripti & consvetudinis, quoad
prærogativam, est ambigua §. 26.
Hinc per varias distinctiones, ea specialius expli-
catur §. 27. 28. 29. 30. 31. 32. 33. 34.

§. 1.



Uris non scripti seu Consuetudinis indoles, nunc etiam
generaliter explicanda est, *v. c. 3. §. 22.* Tota autem
hæc tractatio, ex *imperio & subjectione*, descendit,
hinc quæ de consvetudinis natura, varietate, intro-
ductione, effectu similibusque dici possunt, ea omnia
ex generalibus principiis resultant, nec, hoc nomine,
una Respublica, alteri aliquid debet, quæ igitur ex jure Romano vel
Canonico allegantur, non præcise ad decisionem, sed confirmationem
& illustrationem saltem pertinent.

§. 2. Notum est consvetudinis nomen, sed valde ambiguum,
quæ ambiguitas nisi evolvatur, nihil solidi hic proponi potest. Sumi-
tur ergo consvetudo (1.) pro *pactio tacito*, quorsum etiam pertinet ob-
servantia imperialis, *des Reichs Herkommen*, de qua dixi in *SPECIM.*
JUR. PUBL. l. 2. c. pen. (2.) pro *prescriptione*, quæ instar conventionis
est, ac inter duas partes, auctoritate legis positivæ, jus saltem facit. U-
traque illa consvetudinis acceptio, circa operas rusticorum frequen-
ter occurrit.

§. 3. Porro accipitur (3.) pro *legum latarum observantia*, juxta §. *fin. l. de Satisfat.* (4.) *earum neglectu*, quæ consuetudo inter homines frequentissima est, & sæpe etiam Judices, legem aliquam negligentes, errori observantiam prætexunt, (5.) *interpretatione*, de qua in *l. 37. de leg. quæ, consuetudo interpretativa*, seu *interpretatio usualis* dicitur. (6.) pro *nudo actuum exercitio*, *vi obligandi destituito*, quæ simplex vel nuda consuetudo dici potest, ac tam quoad homines singulos, quam integra Collegia, imo Respublicas occurrit. In specie eo referri potest *Stilum Curie* seu *Fori*, quatenus ille ab ipsis Judicantibus observatur, circa quem tamen plerumque magna superstitio occurrit.

§. 4. Ulterius (7.) pro *frequenti actuum legibus divinis contrarium exercitio*, c. *fin. X. de consuet.* quæ consuetudo inter homines iidem valde frequens est, inprimis inter integros populos eadem occurrit, nam *Jus Gentium externum*, quod vocant, eo pertinet. (8.) pro *lege tacita, ipso facto ab iis, penes quos ejus rei arbitrium est, data*, eo referas *Stilum Curie Summorum judiciorum*, cui subditi in iis agentes se attemperare debent. (9.) pro *lege tacita, ex actibus subditorum confirmatis orta*.

§. 5. Hæc demum hujus loci, & nihil aliud est, quam *Decretum Imperantis, ex actibus subditorum confirmatis exortum, ac in vicem normæ subditis propositum*. Consuetudinem igitur non continent (1.) *actus subditorum*, nec (2.) *confirmatio Superioris*, sed (3.) *decretum ex illis ortum, ac futurum usum respiciens*. Interim non insolitum est, ut soli subditorum actus, consuetudinis nomine veniant, sed tum est consuetudo nuda, vi legis adhuc destituta.

§. 6. Poterit consuetudo distingvi (1.) à *forma in dispositivam*, quæ de novo aliquid constituit, *correctivam*, quæ leges latas corrigit vel tollit, ac contrarium fancit, & *privativam*, quæ legem, v. g. poenalem, simpliciter abrogat. (2.) à *subiecto in universalem*, quæ omnes subditos, & *particularem*, quæ quosdam respicit, ac iterum gradibus suis discerni solet.

§. 7. Introducitur consuetudo (1.) *actibus subditorum*, nam, dum v. g. certo modo hi testantur, aut in aliquo municipio, juxta certum ordinem, cerevisiam coqvunt, vel ex feudis, certam aliquam dotem scæminis præstant, eo ipso ostendunt, quem in modum legem

gem ferri velint. (2.) *Imperantis confirmatione*, hæc enim si actibus illis accedat, tum exinde, in usum futurum, lex tacita seu consuetudo, necessitatem agendi in se continens, exoritur.

§ 8. Circa actus subditorum generaliter requiritur, *ut tales sint, quibus Imperantis confirmatio accedere possit*. Ergo debent esse (1.) *rationabiles* i. e. tales, qui legibus divinis universalibus non repugnent, cum enim contra has, nihil constituere possit Imperans, ideo nec hoc velle censendus est. Ille vero actus, irrationabilis existimari non debet, qui legibus humanis est contrarius, licet enim subditi his quoque obsequium præstare debeant, adeoque actus illis repugnantes illiciti videantur, attamen horum moralitas, ex sperata, ac suo tempore accedente Imperantis confirmatione, æstimari debet, hac vero posita, nullum iis ineire virium, palam est.

§ 9. Deinde actus (2.) *aliquoties exerciti* requiruntur, & vulgo quidem *duos actus* sufficere existimant, id quod omnino etiam admittendum, nam si v. g. actus testandi, bis in supremo iudicio confirmatus sit, cur non exinde concluderem, tacite normam testandi, in usum futurum, esse præscriptam? imo si unico actui confirmatio Imperantis accedat, ille solus sufficiet, interim fatendum est, quod id ad rarius contingentia pertineat.

§ 10. Alii ac in specie D. SLÜTER in *libell. german. de Consuetud. Hamb. 1694. edito tit. 4. §. 2. 3.* existimant, *numertum actuum iudicis arbitrio esse relinquendum*, quæ inanis doctrina est, nam iudex inferior istam rem definire nequit, si autem ad Superiorem eadem deferatur, quid opus est de numero actuum pronunciare, cum satius magisque expeditum sit, actus simpliciter confirmare. Non minus etiam falsum est, quando IDEM *d. l. §. 4.* existimat, plures, quam duos, actus requiri, *si consuetudo non præter, sed contra jus scriptum sit introducenda*, nam modo de confirmatione imperantis constet, in actuum numero nulla vis est posita.

§ 11. Porro (3.) actus debent esse *uniformes*, nam alioquin de superioris confirmatione vix constare poterit, quod si tamen, ex pluribus actibus difformibus, uni, laudata confirmatio accedat, tum consuetudinem, isto etiam rerum statu, constitui arbitror. (4.) *per aliquod tempus suscepti*, nam actui, simul ac suscipitur, Superioris approbatio

rio non statim accedit. De cætero tempus indefinitum est, & tantum requiritur, ut intra illud de confirmatione Imperantis appareat, hinc modo brevius sufficiet, modo longius erit necessarium.

§. 12. Vulgo *determinationem temporis, arbitrio Judicis relinquunt*, quod etiam sequitur SLÜTER *d. tr. tit. 8.* sed hæc quoque doctrina inanis censi debet, per ea quæ diximus §. 10. Aliud dicendum, si Imperans, ante consuetudines introductas, tempus definiat, intra quod, ratæ illæ censi debeant, nam tum ista definitio, est velut subfidiaria, adeo ut, si antea de confirmatione Imperantis non constet, post tempus illud elapsum, illa præsumenda sit.

§. 13. Atque in hunc sensum fortassis accipienda doctrina CARPZOVII, intra 30. annos, annum & diem, in Saxoniam, consuetudinem introduci, testantis *p. 2. C. 3. D. 21.* licet utique adhuc dubium sit, annon illa, ad consuetudinem, quatenus pro præscriptione accipitur, pertineant. In genere certum est, quod temporis definitio asseri aut præsupponi nequeat, nisi de ea ex genuinis indiciis constet, nam tempora præscriptionibus præstituta, inepte ad Consuetudinem, à nonnullis trahuntur.

§. 14. Inprimis (§.) actus debent esse *consuetudinis introductivi*, quod requisitum vulgo vel omittunt, vel non satis explicant; Videtur autem illa qualitas unice ex *contradictione* oriri, quo pertinet *L. 34. de Leg.* nam hæc diversos indicat affectus diversaque vota, alter enim contradicentium, actum aliquem, in vim normæ communis, evalescere non vult, alter vero se isti voto opponit, quo ipso adeo actus habilis redditur, ut exinde consuetudo existere queat, cum, deficiente contradictione, vel ex mera libertate, vel animo saltem paciscendi susceptus existimari possit.

§. 15. Ex quibus etiam judicari poterit, *an ad introducendam consuetudinem præcise requirantur actus judiciales?* D. SLÜTER. *d. tr. tit. 5. 6.* dissidentes conciliaturos, putat *requiri actus judiciales*, si *consuetudo* contra jus scriptum, non autem si præter illud, *introducenda sit*, sed distinctio, ut alibi, ita hic quoque otiose inculcatur, quare dicendum, actus judiciales præcise quidem non requiri, ex iis tamen quam optime confirmationem Imperantis posse colligi juxta *L. 34. de L. L.*

§. 16. His ita se habentibus, *accedens Imperantis confirmatio* consuetudinem producit, v. §. 7. De cætero uti in quavis Republica, illa locum habere potest, ita negandum non videtur, quin in civitatibus popularibus, iisque non adeo magnis, prius illa sequi, adeoque consuetudo oriri possit, quam in Rebus publicis majoribus, ac præcipue Monarchicis, quo forte respicit *l. 32. de L. L.*

§. 17. Vulgo autem ex *sola scientia*, consensum Imperantis & hinc ortam confirmationem repetere videntur. Ita etiam D. S. l. ii. r. d. tr. tit. 5. §. 5. seqq. *notitiam populi aut collegii alicujus, vel majoris partis requirit, cum sine scientia, tacitus consensus sequi nequeat.* Enimvero uti hæc doctrina particularis est, ac ad civitates polyarchicas, similiaque collegia, tantum pertinet, ita in genere mihi non videtur verosimile, quod ex sola scientia, Imperantis confirmatio repeti queat.

§. 18. Nam si v. g. collegium aliquod, penes quod est facultas statuta condendi, certo die hætenus convenerit, & per longum tempus, ea consuetudine fuerit usum, omnibus ejus membris hoc scientibus, num ne ideo lex condita dici potest, ne Decanus alio tempore Collegium convocet? non videtur probabile, cum potius ex mera libertate, sine intentione condendi legem, illa facta sint. Imo, cum, ut diximus §. 14. consuetudo non oriatur, nisi prævia contradictione, ideo requiritur, ut Imperans alteri contradicentium parti assentiat, qui actus positivus est.

§. 19. Videtur igitur, præter scientiam, *positivus aliquis actus, ex quo confirmatio eliciatur, necessarius esse.* De cætero poterit esse vel *extrajudicialis*, ut si in concilio democratico, vel collegio, dependente quidem, facultate tamen statuta condendi instructo, ortâ, circa actus aliquoties hætenus exercitos, contradictione, consuetudo firmeretur, vel *judicialis*, si nimirum in supremo judicio, per sententiam, consuetudini robur accedat, quæ confirmandi ratio in Aristocratii & Monarchiis, si non unice, certe potissimum obtinet.

§. 20. Ex his liquet, non omnibus sententiis vel rebus judicatis, istam inesse vim, ut consuetudinem producere possint, nam uti multæ solum pertinent ad *leges latas interpretandas*, quibus eo respectu aliqua autoritas tribuenda, juxta *l. 37. 38. de L. L.* modo principis receptis illæ

illæ non repugnent, ita ad *legem ferendam*, solæ Superiorum iudiciorum sententiæ sunt idoneæ, hinc insignis abusus est, si quævis iudiciorum inferiorum, aut etiam collegiorum juridicorum pronunciata, de quibus sæpe etiam non constat, an vim rerum judicatarum sint consecuta, probandæ consuetudini allegentur.

§. 21. Id quoque ex dictis intelligitur, confirmationem Consuetudinis, si non semper, certe plerumque esse *actum expressum*. Neque vero ideo consuetudo, lex tacita esse desinit, nam aliud est: v. g. *testamentum, coram tribus testibus conditum, confirmare*, &: *normam testandi in posterum observandam prescribere*, illud fit expresse, hoc tacite, quod si sententiæ diserte adjiciatur, quod deinceps velut norma communis observari debeat, tum non consuetudo, sed lex expressa exoritur.

§. 22. Quod si consuetudo sit tantum privativa, ac ad legem simpliciter tollendam tendat, tum, ad ejus valorem, sufficere putarem, si legem impune violari patiatur Imperans, nam hic res inter duos saltem agitur. Imperantem, qui legem tulit, & Subditos, qui ei obnituntur, hoc ergo si Ille impune fieri permittat, eo ipso satis ostendit, ferum legis dandæ sibi non fuisse propositum. Hinc si v. g. rigidior lex pœnalis contra duellorum licentiam data, statim negligatur ac per actus prohibitos violetur, iniquissime utique, post longius tempus, rigori legis olim latæ, quis subjiceretur.

§. 23. Quoad *personas*, quibus, & *materiam*, de qua lex fertur, Consuetudo a lege Scripta non differt, quemadmodum etiam eundem, quem hæc, habet *effectum*, nam vel de novo aliquid constituit consuetudo, vel legem latam corrigit, vel simpliciter abrogat: Legem vero sequentem non vincit, sed hæc consuetudine potior est eamque tollit, quo pertinet l. 2. C. *quæ sit long. consuet.* id quod omne ex consuetate legum indole resultat.

§. 24. Consuetudo, si notoria non sit, probari debet, est enim facti: Putamus autem sufficere, si quis, post *factam contradictionem*, Imperantis approbationem ostendat, nam *rationabilitas*, juris est, & tamdiu præsumitur, donec probetur contrarium, *actuum* autem *frequentia*, *uniformitas* & *temporis diuturnitas* præcisè ad consuetudinem non requiruntur, ceu §. 9. *seqq.* ostensum est, hinc nec illa probari,

bari, opus est. De cætero probatio *testibus habilibus & documentis* fieri potest. Vulgo, ex aliis hypothefibus, de probatione Consuetudinis, aliter philosophantur, quod etiam prolixè satis tradit SLÜTER *d. tr. c. 9. seqq.*

§ 25. Si *existentiam* Consuetudinis respiciamus, videtur eadem, in primis in Rebus publicis, quæ populares ac exiguæ non sunt, rarissima esse, cum Imperantis approbatio non facile ostendi queat. Quod si etiam jactata Consuetudinis exempla probe excutias, vel aliud quid, quam legem privatam, ex actibus subditorum ortam, sub illo nomine deprehendes, vel legem aliquam fingi videbis. Qui leges, ex malitia vel imprudentia, negligit, neglectui consuetudinem prætexit, ne male egisse, vel errasse videatur: si quis, ex nuda & simplici Consuetudine, lucrum aliquot speret, is eam, pro affectu suo, in legem obligantem transformat, ac, si vires permittant, aliis obtrudit & imperiose defendit, *add. OBSERV. LAUTERB. Observ. 15.*

§. 26. De eo aliàs disputari solet: *utrum præset moribus, an legibus scriptis uti in Republica*, vel etiam: *an mores legibus scriptis prævaleant?* quo pertinet *Dissert. DN. THOMASII*: Morum cum jure scripto contentio, *habitu*: *Hal. 1701.* Sed plures quæstiones sub illo involucri latent, quæ nec omnes ad scopum quadrant, nec eodem modo decidi posse videntur, de quo, citra veritatis præjudicium, strictim sententiam meam exponam.

§. 27. Quæri ergo potest: (1) *utrum melius sit, subditos bonis moribus vivere, quam legibus scriptis regi?* ubi omnino prius dicendum, nam illud præsupponit vitiiorum ignorantiam & defectum, hoc vero & eorum cognitionem & praxin. Sed inde nihil aliud sequitur, quam Rempublicam sanam, morbidâ, vitam innocentem, flagitiis & vanitatibus inquinatâ, præstare, prærogativa autem juris non scripti, præscripto, inde non sequitur.

§. 28. Porro (2) *an boni mores, simplicitati præcipue juris naturalis attemperati, præsent legibus scriptis, neglectis scilicet & non observatis?* tum etiam prius dicendum, sed ex eo id saltem apparet, quod legum observantia, earum neglectu, virtutes vitiis sint meliores. (3) *an leges naturales* (nam hæ etiam morum nomine venire solent) *potiores sint legibus scriptis?* Inter has non est justa oppositio, cum

cum in vita civili sæpe eodem respectu illæ concurrant, adeoque à comparatione plane abstinendum putem.

§. 29. Uterius (4) *An, ubi subditi bonis moribus sunt imbuti, opus sit leges contra vitia ferre?* quod negandum. Legislator enim non tam prohibere, quam admonere videretur, *vid. SLEIDAN. de stat. relig. l. 26. p. 843 edit. Argentor.* Ex eo vero id sequitur, quod quibusdam legibus scriptis non semper opus sit, non vero, quod non scriptis illæ sint postponendæ.

§. 30. Amplius (5) *An in magna morum depravatione, leges scriptæ, præferendæ sint juri non scripto?* quod omnino dicendum, sunt enim illæ, magis evidentes, ac, ad convincendos improbos, aptiores; boni autem mores i. e. obsequium legibus præstandum (si quis ad eos recurrere velit) hic frustra, velut medium depravationem tollendi, laudantur, exulant enim, & cum sua sponte redire nequeant, de medio eos reducendi quæritur, quod adeo non ipsi boni mores, sed leges scriptæ exhibent.

§. 31. Non minus (6) *An exempla Imperantium, in emendandis malis moribus, æque efficacia, vel etiam efficaciora sint legibus scriptis?* Hoc sub certis conditionibus affirmari potest, si scilicet morum depravatio ex aulis habeat originem, ut circa luxum, ludendique licentiam accidere solet: Si leges vel imprudenter ferantur, vel latis per indirectum aut aperto neglectu autoritas adimatur. Interim tota hæc disquisitio, ad definiendam juris scripti & non scripti prærogativam, non pertinet.

§. 32. Adhuc (7) *An sæpe leges scriptæ, malos mores tollere nequeant, sed ab his potius vincantur?* quod dicendum, cum, ob varias causas id accidere, experientia testetur. (8) *An bonæ leges, persecutos prævios mores, aliquando abrogentur vel saltem opprimantur?* quod itidem affirmandum. Interim nemo mores, de quibus hæc & præcedens quæstio loquitur, probandos dixerit, multo minus illi pro jure non scripto haberi possunt. (9) *An leges per consuetudinem licitam quandoque tollantur?* Hoc quoque asserendum, sed nec inde aliqua juris non scripti, præscripti, existit prærogativa, cum consuetudo legem tollat, non quia non scripta, sed quia posterior & genio populi magis conveniens est.

§. 33. De-

§. 33. Denique (10) *An leges nuncupatæ seu ore prolata, præstent legibus in scripturam redactis?* In expediendis negotiis domesticis, iustæ nuncupatæ scriptis regulariter præferri debent, aut potius his non opus est; ast ad regendos subditos totius alicujus Reipublicæ, ac notitiam legum posteris insinuandam, scriptæ leges, nuncupatis sunt aptiores. Nec oberit, *quod supplemento nonnunquam indigeant, aut cavillationibus subsint, vel circa eas, iudex affectibus indulgere queat*, nam illa omnia in nuncupatas, & majori fortassis etiam cum effectu, retorqueri possunt.

§. 34. Tandem (11) *An leges tacitæ, actibus subditorum introductæ sive consuetudines, præstent legibus scriptis?* hæc unica quæstio, ad jus scriptum & non scriptum, prout vulgo supponitur, quadrat, de cætero omnino negari, ac legibus scriptis prærogativa decerni debet, consuetudines enim sunt incertissimæ, sive earum *veritatem*, sive *sensum* consideres, ceu hætenus ostensum. *add. LEHM. Chr. Spir. l. 5. c. 59.*

CAPUT VIII. DE EO QUOD FIT IPSO JURE.

SUMMARIÆ.

Connexio sequentium §. 1.
Ipsam jus, diverso sensu, accipitur §. 2.
Aliquando totum jus Civile, titulum illum gerit §. 3.
Sed sine aliqua utilitate §. 4.
Aliquando peculiaris aliqua legis dispositio, nomen ipsius juris gerit §. 5.
Quæ occurrit circa delicta §. 6. 7.
Nec mere Romana est §. 8.
Occurrit quoque circa contractuum valorem §. 9.
10. 11. 12.
Quæ tamen hodie, sine usu, quandoque est §. 13.
Ac in universum, Jurisprudentiæ morbum arguit §. 14. 15.
Non minus occurrit illa legis dispositio circa actuum licitorum necessitatem & effectum §. 16.

Quod variis exemplis declaratur §. 17. 18. 19.
Eaque suppositio hodie quoque usum habet, exceptis nonnullis exemplis §. 20. 21.
Aliquando ipsum jus, de actu privato, velut testatur §. 22.
Aut eum declarat §. 23.
Vel adjuvat §. 24. 25.
Quod ultimum hodie nullius usus §. 26.
Circa obligationes tollendas, ipsum jus, aliquando immediate vinculum tollit §. 27. 28.
Aliquando debitoris curæ illud relinquit §. 29.
Nonnunquam tempus liberationis determinat §. 30.
Aut facto privato singularem vim impertitur, quod ultimum hodie nullius usus §. 31.

§. 1.



Ntequam a tractatu legum abeamus, de tribus adhuc non incongrue disquiri posse videtur: (1.) de eo quod fit ipso jure, cujus frequens in Jure Romano fit mentio, (2.) de *fictionibus legum*, quæ itidem Juri Civili solennes sunt, & (3.) de *confictu Statutorum*, eorumque in *Exteros valore*.

§. 2. De eo quod fit ipso jure, exstat *Tractatus* EBERTI loco Dissertationis inauguralis *Francos. 1685. exhibitus*: In quo uti rædiosæ collectionis laude Autor non est privandus, ita stilum & tractandi rationem aliis non facile adprobabit. *Ipsum jus* est aliquando nomen *mere Romanum*, aliquando *Juris Gentium*, aliquando *inane*, aliquando *solidum*, id quod, si non exacte & adæquate satis, ita tamen ostendam, ut de omittis non difficulter etiam fieri possit judicium.

§. 3. Primo igitur totum *jus Civile*, in ordine ad *Prætorium*, dici solet *ipsum jus*, ut in l. 9. §. 1. *usufr. quemad. cav. l. 1. §. fin. de superfl. l. 1. pr. quib. mod. usufr. amitt. l. 19. de testam. milit. l. 29. de usufr. legat junct. l. 24. fam. ercisc. l. 4. quib. mod. usufr. amitt. l. 1. pr. §. 1. fam. ercisc. pr. l. de bonor. possession. §. 3. l. de acquirit. per arrog. l. 8. pr. de reb. cor. qui sub tut. junct. l. 1. de eo qui pro tutor. Eodem etiam pertinet l. 1. pr. de curator. furios. licet vulgo ipsum jus, sententiæ judicis, ibi opponi existiment, vid. OBSERV. LAUTERB. *Observ. 842.* Ratio autem denominationis inde esse videtur, quod *Jus Civile*, *textûs*, *Prætorium*, *explicationis* vel *commentarii* instar fuerit.*

§. 4. Uti autem illa denominatio, *mere Romana*, &, ne quidem apud Romanos, necessaria est, cum, notando *Juris Civilis* & *Prætorii* discrimini, consveta nomina sufficiant, ita multo minus hodie, ubi *Juris Prætorii* vel nullus vel exiguus est usus, illa necessaria vel utilis existimari potest. Saltem igitur, intelligendis nonnullis *Juris Romani* textibus, eadem notari debet.

§. 5. Deinde *ipsum jus* notat *peculiarem legis dispositionem*, quæ *alii legis* (& apud Romanos quidem sæpe *Prætorix*) *dispositioni*, *eidemque innexo facto* vel *judicis*, vel *hominis privati*, opponitur, cui specialius intelligendo, *actus obligatorii* & *liberatorii* non incommode separantur.

§. 6. In-

§. 6. Inter actus ergo obligatorios occurrunt (1) *delicta*, circa hæc, pœna aliquando *ipso jure* imponi dicitur, cujus rei effectus est, ut statim, à tempore commissi delicti, pœna incipiat, opponiturque adeo ipsum Jus, illi dispositioni, quæ demum, post latam sententiam, pœnam irrogat. Manifestum autem est, quod hoc discrimen, in omnibus pœnis, locum habere nequeat, nam vita prius amitti nequit, quam fœnalis sententia executioni detur, sicut etiam corpus affligi non potest, priusquam dolor revera imponatur, ast existimatio & bona, statim, à tempore commissi delicti perire possunt.

§. 7. De cætero *ipsum jus* duplici modo pœnam irrogat, vel ut *nulla plane sententia interveniat*, si scilicet delicta sint evidèntia; Ita nonnulli, ex decreto legis, sunt infames, *vid. LAUTERB. Comp. Jur. de his qui not. infam.* bona defraudantium vectigal, sine sententia, fisco cedunt, *Id. d. tr. de publican.* vel ut *sententia declaratoria sequatur*, hac ratione violatores pacis publicæ absentes puniuntur, *O. C. p. 2. tit. 9. v. LAUTERB. d. C. ad L. Jul. de vi publ.* quidam ex communicationis sententia, *ipso facto*, innodantur, *c. 12. de elect. in 6. conf. l. 1. C. pro quib. caus. serv. pro præm. libert. accip.*

§. 8. Ista puniendi ratio, quæ nomine ipsius juris venit, positiva quidem est, sed non ex rationibus mere Romanis dependet, hinc in aliis etiam civitatibus occurrere potest & solet, ac hodie quoque usum haber. Sæpe autem in casibus specialibus non satis liquet, utrum à tempore commissi delicti, an sententiæ latæ, pœna incipere debeat, *v. EBERT. d. tr. membr. 1. sect. 2. §. 9. seqq. membr. 2. sect. 2. §. 9. 13.* rationis est, ut in dubio posterius, velut mirius, asseramus, licet alibi in sententiam rigidiorè inclinaverim, *v. Jus FEUD. GERM. c. 26. §. 12. seqq.* quam tamen postea mutavi in *edit. secund. d. c. 26. §. 59.*

§. 9. Sub actibus obligatoriis, (2.) continentur *actus liciti*, qui scilicet vel revera tales sunt, vel saltem sub illa forma celebrantur. In iis autem spectari potest *Valor*, ubi dici solet, quod quidam actus *ipso jure* sint nulli, alii vero summo jure validi debeant *rescindi*. Sic contractus metu initii, rescindendi esse dicuntur; sed matrimonium *c. 14. 15. X. de sponsal. CARPZ. J. E. l. 3. D. 55. manumissio, l. 9. 17. qui & à quib. manumiss. dotis promissio, l. 21. §. 3. quod met. caus.*

metu facta, ipso jure nulla censentur, v. LAUTERB. C. J. *quod met. caus. lit. R. n. 3.*

§. 10. Porro contractus bonæ fidei, quibus dolus causam dedit, ipso jure sunt nulli, sed stricti juris, rescindi debent, LAUTERB. d. tr. *de dol. sign. †* Juramentum metu extortum, non ipso jure nullum, sed restitutione in integrum rescindendum est, RAUCHB. l. 2. qu. 4. n. 34. CARPZ p. 2. C. 35. D. 3. intercessio mulieris, in instrumento privato facta, ipso jure nulla est, aut in publico celebrata, exceptione destruitur, l. 23. §. fin. C. ad. S. Vellej. LAUTERB. C. J. ad S. Vellej. lit. O. n. 4. add. STRYK. in not. ibid. quamvis alii aliter d. l. 23. §. fin. accipiant, v. EBERT. de eo quod sit ipf. jur. membr. 2. Sect. 1. §. 6. p. 270. seqq.

§. 11. Emtio venditio, ob enormem læsionem, non est nulla, sed rescinditur, v. LAUTERB. C. J. *de rescind. vendit. lit. C.* CARPZ. p. 2. C. 34. D. 7. testamentum non rite conditum, est ipso jure nullum, aut inofficiosum debet rescindi, l. 7. 30. de lib. & posth. l. 24. 28. de inoff. testam. l. 1. de injust. rupt. Nov. 115. c. 3. Minores aliquando sunt, quoad actus sibi noxios, ipso jure tuti, aliquando restitutione juvantur, l. 16. pr. §. 1. de minor. v. LAUTERB. C. J. de solut. lit. P. CARPZ. p. 2. C. 11. D. 45. alienatio rei litigiosæ, jure Codicis ipso jure nulla dicitur, l. 2. 4. C. de litig. quod de jure ff. secus fuerit, l. 17. 18. de R. V. l. 1. §. 1. de litig. l. 1. §. fin. *quæ res pign. oblig.* FRANSK 1. R. 11. n. 61. LAUTERB. C. J. de litig. lit. E.

§. 12. Præscriptionis quoque exemplum huc referri potest. Equidem quatenus præscriptio vel ab initio impeditur, dum jus præscribendum nondum est natum, vel requisita necessaria deficiunt, aut sistitur, dum tempus aliquod ei eximitur propter bellum, c. 10. X. de præscript. R. J. 165. 4. §. so viel nun die Capitalien. 172. eatenus huc non pertinet. Sed aliquando, positis licet jure præscribendo & necessariis requisitis, v. g. per bellum ab initio, ipso jure impeditur, add. l. 5. C. in quib. caus. in integr. restit. aliquando vero completa, in casu v. g. absentia, per restitutionem in integrum rescinditur, si scilicet intra quadriennium, à tempore sublatis impedimenti & acquisitæ scientiæ, hoc petatur, l. fin. C. de tempor. in integr. restit. vid. LAUTERB. C. J. ex quib. caus. maj. CARPZ. p. 2. Dec. 116. Denique sententia judicis aliquando est ipso jure nulla, l. 1. §. 2. de sent. quæ fin. appell. rescind. l. 2. 7.

C. quand. provoc. non est nec. aliquando appellatione rescindenda l. 11. de J. & J. l. 65. §. 2. ad Sc. Trebell. l. 27. de re jud. vid. LAUT. C. J. de extraord. cogn. & si quæ alia hujus generis sunt exempla.

§. 13. Cæterum sicut forte, in uno & altero exemplo, jactatum discrimen *ipsius juris*, & *alius remedii*, est dubium, aut aliquis discriminis effectus non comparet, quorsum forsitan pertinet exemplum reilitigiosæ alienatæ, ita in nonnullis exemplis, juxta usum Germaniæ, discrimen evanescere videtur. Sic hodie nihil interesse arbitror, utrum actum dolo aut metu initum, ipso jure nullum, an rescindendum dicas, vid. OBSERV. LAUT. *Observ. 115. n. 2. Observ. 117. 767.* Porro nullum effectum adesse puto, sive intercessionem mulieris, ipso jure nullam, sive rescindendam esse contendas, licet, quosdam aliquem asserere solere, non nesciam. In cæteris vero exemplis discrimen hodie quoque occurrit, vid. OBSERV. LAUT. *Observ. 123. 126. 127. 164. n. 6. Observ. 540. 1420. 1421.*

§. 14. Non immerito autem forsitan asseritur, discrimen ipsius juris & remedii aliis rescindentis, ex corruptione fori Romani, habere originem, ac morbum Jurisprudentiæ arguere: Licet enim actus, non eodem semper effectu, impugnari queant, quemadmodum etiam uniformi probatione non semper defungi possumus, attamen ideo opus non erat, diversa comminisci remedia, eademque *duratione* & *transmissione* distinguere.

§. 15. Satius omnino erat, eam inire rationem, ut actus invalidi uniformi remedio, diverso tamen, pro diversa agentium intentione, effectu, impugnarentur, ac probatio, cuivis casui conveniens, adderetur, aut, si omnino remedia nominibus discernenda videbantur, discrimen tamen, quoad transmissionem aut durationem, inter illa, asserendum non erat, hoc sane non alio pertinet, quam ut jura in se alias plana, reddantur obscura, incerta ac, ad pariendas lites, magis apta, maxime cum sæpe incertum sit, an aliquis actus, ipso jure nullus sit, de quo sane circa processum non raro disputari solet, add. OBSERV. LAUT. *Observ. 105. n. 5. Observ. 1421.*

§. 16. Deinde etiam circa actus licitos spectari potest *necessitas* & *effectus*. Nimirum sæpe vel lege positiva, vel mero etiam jure naturali, actus aliquis, ad certi alicujus juris consecutionem, est *necessarius*,

sarius, aliquando tamen contingit, ut idem jus, sine actu illo, acquiratur, tum *ipso jure* jus illud acquiri dicitur, quod variis exemplis illustrari potest.

§. 17. In *l. 22. §. 11. C. de jur. delib.* spatium aliquod, pro deliberatione, ipso jure concessum dicitur, cum alias illud, ad implorationem partis, à Magistratu concedi soleat. Ut jus commune, pluribus proprium fiat, opus regulariter est divisione, sed nomina inter cohæredes ipso jure sunt divisa, *l. 6. C. fam. ercisc. l. 4. pr. l. 25. §. 1. ff. cod.* Vice versa ut res propria fiat communis, traditio intervenire debet, sed aliquando communio ipso jure introducitur, *l. 1. §. 1. l. 74. pro soc.* Libertas servus quandoque ipso jure obvenit, *l. fin. de serv. export.*

§. 18. Hæredes sui, sine ullo facto, *l. 9. §. 1. 4. de reb. dub. l. 19. §. 2. de casstr. pec. l. 8. C. de suis & legit. hered.* extranei sola additione, sine traditione vel possessionis apprehensione, hæreditatem consequuntur, *l. 5. 4. de A. O. H. l. 193. de R. J. add. OBSERV. LAUT. Observ. 896. 980.* hinc in specie Falcidia ipso jure acquirunt, *l. 26. l. 73. §. fin. ad L. Falcid. l. 1. §. 5. quod legat.* Pupillo, militi & mulieri acquiritur res, quam eorum pecunia, alius suo nomine emit, *l. 2. quand. ex fact. tutor. l. 8. C. de R. V. l. 55. de donat. inter vir. & uxor.* quæ acquisitio ipso jure facta dici potest, dum animum habendi, vice illarum personarum, lex declarat, *add. OBSERV. LAUT. Obs. 816.*

§. 19. Dominium rei legatæ, sine traditione, *l. 1. 2. de public. in rem action.* imo suo modo, sine agnitione, legatario acquiritur, *l. 77. §. 3. l. 80. de Legat. 2. l. 64. de furt. l. 9. §. 5. de pecul. l. 44. §. 1. l. 86. §. 2. de Legat. 1.* Non minus dominium in emtorem revera translatum, virtute pacti commissorii vel additionis in diem, ad venditorem ipso jure redit, *l. 41. de R. V. l. fin. de leg. commiss. l. 4. fin. C. de pact. int. emtor. vid. LAUT. C. J. de Leg. commiss. lit. E.* quod frustra negat EBERT. *de eo quod fit ips. jur. membr. 2. Sect. 2. §. 11.* Aliquando servitus ipso jure constituitur, *l. fin. §. fin. C. de servit.* id quod de quovis pignore legali sive tacito etiam dici posse videtur, etsi quoad legale mixtum, quod vocant, dissentiat EBERT. *d. l. §. 23.* Supplementum legitimæ ipso jure debetur, licet testator non jusserit, *l. 36. C. de testam. in offic.*

§. 20. Ista ipsius juris sanctio, vel ipsa æquitas naturalis est, *vid.*

OB-

OBSERV. LAUT. *Observ. 816.* vel ex communibus æquitatis & utilitatis principiis resultans dispositio positiva, hinc uti, sine adminiculo juris Romani, intelligi fierique potest, ita hodie quoque obrinet, nec tamen in omnibus exemplis. Sic apud Romanos actio vendita, ante cessionem, ipso jure, sed utilis saltem, acquiri dicitur *l. 1. §. 13. de tutel. & ration. distract. l. 5. 7. 8. 9. C. de hered. & action. vend. vid. LAUT. C. J. de H. & A. V.* verbis: *emtor etiam ante cessionem.* Verum hodie cessione in genere opus non est, sed quicquid præter emtionem similemve titulum intervenit, illud omne ad probationem saltem pertinet.

§. 21. Non minus venditor, re vendita per furtum subtracta, actiones contra furem emtori cedere *v. l. 23. de H. vel A. V.* debet, §. 3. *l. de emt. vend. l. 14. 80. de furt. l. 35. §. 4. de C. E. V.* sicut etiam mandatarii actionibus acquisitis cedunt, *l. 8. §. 5. 10. l. 43. 45. mand.* sed aliquando, sine cessione, dominis actio, ipso jure, acquiritur, *l. 2. C. per quas pers. nob. acquir.* Sed nec hic cessionum ambagibus hodie opus, adeoque ipsum jus, nomen otiosum esse, plane arbitror, *vid. OBSERV. LAUT. Observ. 561.*

§. 22. Ex his ergo liquet, quod sanctio, quæ defectum factorum privatorum supplet, *ipsum jus* dicatur. Verum aliquando, contrario nominis usu, ipso jure fieri dicitur, quod secundum omnia legum requisita peragitur, opponiturque negotio à Judice confirmando. Sic tutor in testamento legitime datus, ipso jure dicitur constitutus. Equidem EMBERTUS *d. tr. m. 1. Sect. 2. §. 5.* existimat, interpretes *salem sic loqui, non vero leges,* verum stilus legalis ex *l. 13. §. fin. de excus. tutor.* etiam colligi potest. De cætero uti discrimen ipsum satis certum est, ita ei notando, nomen ipsius juris non adeo est necessarium, præterea discrimen illud, in exemplo tutelæ, hodie non amplius occurrit.

§. 23. Sicigitur ipsum jus, facta privata aliquando *supplet*, aliquando de eorum præsentia *testatur*. Porro illud negotia humana simpliciter quandoque saltem *declarat*, nam quæ naturaliter negotio insunt, illa ipso jure obtinere dicuntur, habito respectu ad conventiones speciales, quibus illa etiam definiri possunt, *l. 17. §. 1. pro soc. l. 9. §. 1. de distract. pign. l. 2. de duob. reis.* Differentia hic satis quoque

que manifesta est, ei tamen exprimendæ, nomen ipsius juris itidem non valde necessarium, hinc facile eodem carere possumus.

§. 24. Denique ipsum jus facta privata aliquando *adjuvat*. Quando enim JCti dubitant, an facto privato certus aliquis effectus produci queat, ipsum jus, velut in subsidium vocant. Sic donatio Conjugum ipso jure per mortem donantis confirmatur, si revocatio non interveniat, *l. 32. §. 1. 2. de donat. int. V. & U.* dubium enim erat, an voluntas factumque donantis, quod pœnitentiæ & revocationi subjacebat, producendo illi effectui seu donationis valori sufficeret.

§. 25. Aliud exemplum est in *l. 9. §. 1. de jur. dot.* Si res alicui tradidero, ut, nuptiis secutis, dotis efficiantur, & ante nuptias decessero, an, secutis nuptiis, dotis esse incipiant? Et veretur Ulpianus, ne non possint in dominio ejus effici, cui datæ sunt, quia tradens morte dominium amittit, ac, ab hærede invito, illud discedere non posse videtur: Favore tamen dotis, hærede consensum differente, dominium, ipso jure, ad maritum transferri existimat. Ulpiano contradicit Julianus in casu simili *l. 2. §. 2. de donat.* ac apertam hic esse Antinomiam censet EBERT. *d. tr. m. 2. Sect. 2. §. 3. in fin.*

§. 26. Cæterum sicut JCti Romani, in æstimandis factis humanis, & tractando jure Civili, sæpe nimis fuerunt superstitiosi, dum nimias miserasque sectati sunt subtilitates, ita idem hic accidisse Ulpiano, non immerito dicitur, nam in utroque, quod refert, exemplo, facta privata, & ordinarias legum regulas, producendo effectui intento, suffecisse, manifestum est, ut ad jus ipsum recurrere, minime fuerit opus. Ex quo sequitur, dissensum JCtorum, si aliquis subfuit, esse innoxium, nam non circa *effectum ipsum*, sed *producendi modum* saltem disenserunt, deinde, jus ipsum & de jure Civili & hodie, in exemplis allatis, esse nomen otiosum.

§. 27. Superfunt actus Liberatorii, v. §. 5. Circa hos leges, quantum ex exemplis, hætenus visis, judicare licuit, quadruplici modo operantur, ex qua operatione, *ipsum jus*, aliquando oritur, aliquando vero adesse negatur. Scilicet leges nonnunquam (1.) *obligationem efficacem immediate tollunt*, quo casu debitor *ipso jure* tutus dicitur. Sic debita inter cohæredes ipso jure sunt divisa, *l. 26. C. de pact. l. 6. C. fam. ercisc.* quod multo magis verum, si unus in rebus castren-

sibus,

sibus, alter in cæteris, hæres scriptus sit, l. 17. §. 1. de testam. mil.

§. 28. Ipsum jus, hic oriri ex æquitatis principiis, satis manifestum est, cum enim obligationes, intuitu rerum, constituentur, merito hæredes, pro ratione rerum acceptarum, saltem obligantur, hinc hodie etiam illius sanctionis est usus, adeo ut, si cohæres, ex errore habili, solidum solvat, partem à Créditōre possit repetere, neque unus pro altero solvere cogatur, licet hic desierit esse solvendo, add. EBERT. d. tr. m. 2. Sect. 2. §. 33. p. 529.

§. 29. Aliquando leges efficacem obligationem non tollunt, sed saltem (2.) jus se liberandi debitori concedunt, quo casu, non ipso jure, sed ope exceptionis, ille liberari dicitur. Exemplum est in correis debendi, aut h. hoc ita C. de duob. reis ac in specie, in fidejussoribus, l. 26. de fidejussor. l. 49. §. 1. cod. cujus mentem, subtilem putat EBERT. d. l. §. 32. sed sine gravi causa, l. 3. C. cod. vid. infra l. 5. c. 17. §. 16. seqq. Hujus etiam sanctionis & æquitas, & effectus manifesta sunt, & hodie quoque illa observatur, add. OBSERV. LAUTERB. Observ. 364.

§. 30. Porro leges aliquando volunt (3.) ut obligatio non ab eo tempore, quo debitor hoc allegat, sed ab eo potius, quo aliqua tollendi causa extitit, sit sublata, hoc casu obligatio ipso jure extincta dicitur, hinc compensatio ipso jure, sive ab eo tempore, quo mutuum debitum extitit, obligationem perimit, cujus rei effectus est itidem manifestus. v. l. 4. 10. 11. 12. 21. de compens. l. 4. 12. f. C. cod. l. 7. C. de solut. l. 43. ff. cod. De cætero ipsum jus, hic non esse mere Romanum, sed ipsam potius æquitatem, voluntatis affectusque privati interpretem, pluribus ostendi in OBSERV. LAUTERB. Observ. 448. 449. hinc etiam de ejus usu hodierno dubitandum non est.

§. 31. Denique (4.) leges quibusdam tollendi modis, peculiarem vim impertiuntur, ut obligationes penitus tollant, aliis vero eandem efficaciam non tribuunt, hinc obligationes ita illi perimunt, ut obligatio mere civilis remaneat, illo casu obligationes ipso jure, hoc, ope exceptionis tolli dicuntur. Hoc discrimen in jure Romano est frequentissimum, ac ad illud etiam in l. 8. §. 16. de inoff. testam. l. 1. §. pen. ut legat. vel fideic. serv. caus. cau. respici puto; fuit etiam aliquis

²²us effectus, quem indicavi in OBSERV. LAUTERB. *Observ.* 1141. Sed
 isti illud, ex corruptione fori Romani, fuit exortum, ita hodie nullius
 plane est effectus & usus, sed verissimum, quod scripsit Paulus in *l. 112.*
d. R. J. Quæ igitur operose recenset EBERT. *d. tr. m. 2. Sect. 1.* & circa
 singulos tollendi modos, alibique passim sollicite inculcant juris Ci-
 vilis interpretes, illa omnia, vana otiosaque putanda sunt. v. OBSERV.
 LAUTERB. *Observ.* 461. 1112. 1116. 1181.

CAPUT IX. DE FICTIONIBUS LEGUM.

SUMMARIA.

Fictionum institutum, vulgo censetur elegans
 & necessarium, sed revera ineptum & inutile
 est §. 1.

Earum diversa suppositio §. 2.

Inprimis pro lege, vel ei adjuncto commento
 fictio accipitur §. 3.

Tale commentum non est necessarium §. 4. 5.

Quod exemplo fictionis juris postliminii §. 6.

Traditionis fidei & quasi contractuum declara-
 tur §. 7.

Merx igitur ineptiz sunt, quæ de fictionum va-
 rietate vulgo tradunt §. 8.

Nec jus naturæ his sordibus conspurcandum
 §. 9. 10.

In statutis & actibus privatis fictiones locum ha-
 bere possunt, sed non opus iis est §. 11.

Aequitas & necessitas fictionibus frustra prætexi-
 tur §. 12.

Cætera dogmata de fictione impossibilia §. 13.

Prærogativa veritatis & fictionis §. 14.

Fictione naturam imitante §. 15.

Fictionum concursu breviter expenduntur §. 16.

Fictio, à mendacio errore, simulatione & præ-
 sumptione differt §. 17.

Fictiones Jurisprudentiæ sunt molestæ §. 18. 19.

Inprimis ob earum, ad questiones utiles, applica-
 tionem §. 20. 21. 22. 23. 24. (§. 25.)

Neque tamen ideo fictionum defensores deerunt

§. I.



Us Romanum ejusque interpretes, præcipue anti-
 quiores, Fictionibus abundant, quæ res à plerisque
 ita accipitur, ut istud fingendi institutum, elegans,
 subtile ac, ad leges ferendas, necessarium & utile
 existiment, hinc etiam multi professio studio fictio-
 nes explicaverunt, add. EBERT. *de eo quod sit ipse*
jur. m. 2. Sect. 2. §. 8. p. 387. Sed mihi totus iste fictionum appa-
 ratus, non tantum non necessarius, sed & inutilis ineptusque visus est
 in *differt. de fiction. Roman. natur. & inconcin. hab. Lips. 1694.* ex
 quibus principiis, cum nondum eorum me poeniteat, summa capita
 hic

hic proponam, quæ disquisitio etiam nec inutilis, nec alieno loco instituta videbitur, cum ad Jurisprudentiæ fundamenta, ab ineptiis vindicanda, pertineat.

§. 2. Per fictiones hic non intelliguntur mendacia & dolosæ simulationes, v. l. 1. §. 2. §. 15. de furt. l. 16. de liber. caus. nec casus ficti, quibus ad repræsentanda discentibus jura, utimur, v. l. 38. de R. V. Sed commenta illa, quæ, in legibus ferendis, adhiberi solent, quæ tamen ut eo melius intelligantur, observandum est, quod fictiones legum dupliciter accipiantur (1.) pro ipsa falsi assumptione, (2.) pro lege, quæ istam falsi assumptionem habet adjunctam.

§. 3. Primo respectu fictio est *assumptio falsi pro vero, scienter & aperte facta, mediante qua, ultro aliqua legis dispositio proponitur*. Secundo autem est *ipsa legis dispositio, sub memorata falsi assumptione, ultro proposita*. Poterat ultima acceptio insolens alicui videri, sed revera tamen occurrit, nam non minus v. g. *fictio*, quam *dispositio legis Cornelia* dici solet: id autem facile liquet, ab adjuncto suo, legem ipsam ita esse denominatam, & fictionem primo sensu suppositam, præcipue spectandam esse.

§. 4. Circa hanc ergo, contra vulgaria præjudicia, id inprimis observandum, quod ejus, circa ferendas leges, nulla plane sit necessitas, sed quod illa saltem ultro adhibearur. Patet id ex eo, quod fictio, nihil sit, sed merum ens rationis, quod adeo effectum aliquem realem producere nequit, hinc si fingens ejus, quod intendit, efficiendi non habeat potestatem, fictio adhibita effectum intentum non operabitur, si vero illa potestate gaudeat, tum fictionem addere quidem poterit, sed effectus non ab hac, sed illa dependebit, ac, fictionem non esse necessariam, simul ostender.

§. 5. E. g. Imperans, dum tributa subditis imponit, fingere potest, ac si singuli, eo nomine, spectale pactum secum inierint, sed effectus seu solvendi necessitas, non dependet à fictione, sed ab imperio, quod ille in subditos habet, adeoque patet, fictionem posse omitti; Vice versa si privatus ab alio, qui ei nihil debebat, aliquid exigat, is nihil accipiet, licetingat, quod alter sibi aliquid promiserit, ex quibus liquet, non entis, in producendo effectum reali, nullam posse esse efficaciam & necessitatem.

cum in vita civili sæpe eodem respectu illæ concurrant, adeoque à comparatione plane abstinendum putem.

§. 29. Uterius (4) *An, ubi subditi bonis moribus sunt imbuti, opus sit leges contra vitia ferre?* quod negandum, Legislator enim non tam prohibere, quam admonere videretur, *vid. SLEIDAN. de stat. relig. l. 26. p. 84; edit. Argentor.* Ex eo vero id sequitur, quod quibusdam legibus scriptis non semper opus sit, non vero, quod non scriptis illæ sint postponendæ.

§. 30. Amplius (5) *An in magna morum depravatione, leges scriptæ, præferendæ sint juri non scripto?* quod omnino dicendum, sunt enim illæ, magis evidentes, ac, ad convincendos improbos, apiores; boni autem mores i. e. obsequium legibus præstandum (si quis ad eos recurrere velit) hic frustra, velut medium depravationem tollendi, laudantur, exulant enim, & cum sua sponte redire nequeant, de medio eos reducendi quæritur, quod adeo non ipsi boni mores, sed leges scriptæ exhibent.

§. 31. Non minus (6) *An exempla Imperantium, in emendandis malis moribus, æque efficacia, vel etiam efficaciora sint legibus scriptis?* Hoc sub certis conditionibus affirmari potest, si scilicet morum depravatio ex aulis habeat originem, ut circa luxum, ludendique licentiam accidere solet: Si leges vel imprudenter ferantur, vel latis per indirectum aut aperto neglectu autoritas adimatur. Interim tota hæc disquisitio, ad definiendam juris scripti & non scripti prærogativam, non pertinet.

§. 32. Adhuc (7) *An sæpe leges scriptæ, malos mores tollere nequeant, sed ab his potius vincantur?* quod dicendum, cum, ob varias causas id accidere, experientia testetur. (8) *An bonæ leges, persecutos pravos mores, aliquando abrogentur vel saltem opprimantur?* quod itidem affirmandum. Interim nemo mores, de quibus hæc & præcedens quæstio loquitur, probandos dixerit, multo minus illi pro jure non scripto haberi possunt. (9) *An leges per consuetudinem licitam quandoque tollantur?* Hoc quoque asserendum, sed nec inde aliqua juris non scripti, præscripti, existit prærogativa, cum consuetudo legem tollat, non quia non scripta, sed quia posterior & genio populi magis conveniens est.

his non opus est; aut ad regendos subditos totius alicujus Reipublicæ, ac notitiam legum posteris insinuandam, scriptæ leges, nuncupatis sunt aptiores. Nec oberit, quod *supplemento nonnunquam indigeant, aut cavillationibus subsint, vel circa eas, iudex affectibus indulgere queat*, nam illa omnia in nuncupatas, & majori fortassis etiam cum effectu, retorqueri possunt.

§. 34. Tandem (11.) *An leges tacite, actibus subditorum introductæ sive consuetudines, præsent legibus scriptis?* hæc unica quæstio, ad jus scriptum & non scriptum, prout vulgo supponitur, quadrat, de cætero omnino negari, ac legibus scriptis prærogativa decerni debet, consuetudines enim sunt incertissimæ, sive earum *veritatem*, sive *sensum* consideres, ceu hactenus ostensum. *add. LEHM. Chr. Spir. l. 5. c. 59.*

CAPUT VIII. DE EO QUOD FIT IPSO JURE.

SUMMARIÆ.

Connexio sequentium §. 1.
Ipsam jus, diverso sensu, accipitur §. 2.
Aliquando totum jus Civile, titulum illud gerit §. 3.
Sed sine aliqua utilitate §. 4.
Aliquando peculiaris aliqua legis dispositio, nomen ipsius juris gerit §. 5.
Que occurrit circa delicta §. 6. 7.
Nec mere Romana est §. 8.
Occurrit quoque circa contractuum valorem §. 9.
10. 11. 12.
Que tamen hodie, sine usu, quandoque est §. 13.
At in universum, Jurisprudentiæ morbum arguit §. 14. 15.
Non minus occurrit illa legis dispositio circa actuum licitorum necessitatem & effectum §. 16.

Quod variis exemplis declaratur §. 17. 18. 19.
Eaque suppositio hodie quoque usum habet, exceptis nonnullis exemplis §. 20. 21.
Aliquando ipsum jus, de actu privato, velut testatur §. 22.
Aut eum declarat §. 23.
Vel adjuvat §. 24. 25.
Quod ultimum hodie nullius usus §. 26.
Circa obligationes tollendas, ipsum jus, aliquando immediate vinculum tollit §. 27. 28.
Aliquando debitoris cure illud relinquit §. 29.
Nonnunquam tempus liberationis determinat §. 30.
Aut facto privato singularem vim impertitur, quod ultimum hodie nullius usus §. 31.

§. 1.



Ntequam a tractatu legum abeamus, de tribus adhuc non incongrue disquiri posse videtur: (1.) de *eo quod fit ipso jure*, cujus frequens in Jure Romano fit mentio, (2.) de *fictionibus legum*, quæ itidem Juri Civili solennes sunt, & (3.) de *conflictu Statutorum*, eorumque in *Exteros valore*.

§. 2. De eo quod fit ipso jure, exstat *Tractatus* EBERTI loco Dissertationis inauguralis *Francof. 1685. exhibitus*: In quo uti tædiosæ collectionis laude Autor non est privandus, ita stilum & tractandi rationem aliis non facile adprobat. *Ipsium jus* est aliquando nomen *mere Romanum*, aliquando *Juris Gentium*, aliquando *inane*, aliquando *solidum*, id quod, si non exacte & adæquate satis, ita tamen ostendam, ut de omisissis non difficulter etiam fieri possit judicium.

§. 3. Primo igitur totum *jus Civile*, in ordine ad *Prætorium*, dici solet *ipsum jus*, ut in l. 9. §. 1. *usufr. quemad. cav. l. 1. §. fin. de superf. l. 1. pr. quib. mod. usufr. amitt. l. 19. de testam. milit. l. 29. de usufr. legat junct. l. 24. fam. ercisc. l. 4. quib. mod. usufr. amitt. l. 1. pr. §. 1. fam. ercisc. pr. l. de bonor. possession. §. 3. l. de acquirit. per arrog. l. 8. pr. de reb. cor. qui sub tut. junct. l. 1. de eo qui pro tutor. Eodem etiam pertinet l. 1. pr. de curator. furios. licet vulgo ipsum jus, sententiæ judicis, ibi opponi existiment, vid. OBSERV. LAUTERB. *Observ. 842.* Ratio autem denominationis inde esse viderur, quod *Jus Civile*, *textus*, *Prætorium*, *explicationis* vel *commentarii* instar fuerit.*

§. 4. Uti autem illa denominatio, mere Romana, &, ne quidem apud Romanos, necessaria est, cum, norando juris Civilis & Prætorii discrimini, consveta nomina sufficiant, ita multo minus hodie, ubi *Juris Prætorii* vel nullus vel exiguus est usus, illa necessaria vel utilis existimari potest. Saltem igitur, intelligendis nonnullis *Juris Romani* textibus, eadem notari debet.

§. 5. Deinde *ipsum jus* notat *peculiarem legis dispositionem*, quæ *alii legis* (& apud Romanos quidem sæpe *Prætorix*) *dispositioni*, *eidemque innexo facto* vel *judicis*, vel *hominis privati*, opponitur, cui specialius intelligendo, *actus obligatorii* & *liberatorii* non incommode separantur.

§. 6. In-

§. 6. Inter actus ergo obligatorios occurrunt (1) *delicta*, circa hæc, pœna aliquando *ipso jure* imponi dicitur, cujus rei effectus est, ut statim, à tempore commissi delicti, pœna incipiat, opponiturque adeo ipsum Jus, illi dispositioni, quæ demum, post latam sententiam, pœnam irrogat. Manifestum autem est, quod hoc discrimen, in omnibus pœnis, locum habere nequeat, nam vita prius amitti nequit, quam feralis sententia executioni detur, sicut etiam corpus affligi non potest, priusquam dolor revera imponatur, ast existimatio & bona, statim, à tempore commissi delicti perire possunt.

§. 7. De cætero *ipsum jus* duplici modo pœnam irrogat, vel ut *nulla plane sententia interveniat*, si scilicet delicta sint evidèntia; Ita nonnulli, ex decreto legis, sunt infames, *vid. LAUTERB. Comp. Jur. de his qui not. infam.* bona defraudantium vectigal, sine sententia, fisco cedunt, *Id. d. tr. de publican.* vel ut *sententia declaratoria sequatur*, hac ratione violatores pacis publicæ absentes puniuntur, *O. C. p. 2. tit. 9. v. LAUTERB. d. C. ad L. Jul. de vi publ.* quidam ex communicationis sententia, *ipso facto*, innodantur, *c. 12. de elect. in 6. conf. l. 1. C. pro quib. caus. serv. pro præm. libert. accip.*

§. 8. Ista puniendi ratio, quæ nomine ipsius juris venit, positiva quidem est, sed non ex rationibus mere Romanis dependet, hinc in aliis etiam civitatibus occurrere potest & solet, ac hodie quoque usum habet. Sæpe autem in casibus specialibus non satis liquet, utrum à tempore commissi delicti, an sententiæ latæ, pœna incipere debeat, *v. EBERT. d. tr. membr. 1. sect. 2. §. 9. seqq. membr. 2. sect. 2. §. 9. 13.* rationis est, ut in dubio posterius, velut mirius, asseramus, licet alibi in sententiam rigidiorè inclinaverim, *v. Jus FEUD. GERM. c. 26. §. 52. seqq.* quam tamen postea mutavi in *edit. secund. d. c. 26. §. 59.*

§. 9. Sub actibus obligatoriis, (2.) continentur *actus liciti*, qui scilicet vel revera tales sunt, vel saltem sub illa forma celebrantur. In iis autem spectari potest *Valor*, ubi dici solet, quod quidam actus *ipso jure* sint nulli, alii vero summo jure validi debeant rescindi. Sic contractus metu initii, rescindendi esse dicuntur; sed matrimonium *c. 14. 15. X. de sponsal. CARPZ. J. E. l. 3. D. 55.* manumissio, *l. 9. 17. qui & à quib. manumiss. doris promissio, l. 21. §. 3. quod met. caus.*

metu facta, ipso jure nulla censentur, v. LAUTERB. C. J. *quod met. caus. lit. R. n. 3.*

§. 10. Porro contractus bonæ fidei, quibus dolus causam dedit, ipso jure sunt nulli, sed stricti juris, rescindi debent, LAUTERB. d. tr. *de dol. sign. †* Juramentum metu extortum, non ipso jure nullum, sed restitutione in integrum rescindendum est, RAUCHB. l. 2. qu. 4. n. 34. CARPZ p. 2. C. 35. D. 3. intercessio mulieris, in instrumento privato facta, ipso jure nulla est, ast in publico celebrata, exceptione destruitur, l. 23. §. fin. C. ad. S. Vellej. LAUTERB. C. J. ad S. Vellej. lit. O. n. 4. add. STRYK. in not. ibid. quamvis alii aliter d. l. 23. §. fin. accipiant, v. EBERT. de eo quod sit ipf. jur. membr. 2. Sect. 1. §. 6. p. 270. seqq.

§. 11. Emtio venditio, ob enormem læsionem, non est nulla, sed rescinditur, v. LAUTERB. C. J. *de rescind. vendit. lit. C.* CARPZ. p. 2. C. 34. D. 7. testamentum non rite conditum, est ipso jure nullum, ast inofficiosum debet rescindi, l. 7. 30. de lib. & posth. l. 24. 28. de inoff. testam. l. 1. de injust. rupt. Nov. 115. c. 3. Minores aliquando sunt, quoad actus sibi noxios, ipso jure tuti, aliquando restitutione juvantur, l. 16. pr. §. 1. de minor. v. LAUTERB. C. J. *de solut. lit. P.* CARPZ. p. 2. C. 11. D. 45. alienatio rei litigiosæ, jure Codicis ipso jure nulla dicitur, l. 2. 4. C. de litig. quod de jure ff. secus fuerit, l. 17. 18. de R. V. l. 1. §. 1. de litig. l. 1. §. fin. *quæ res pign. oblig.* FRANSKI. R. 11. n. 61. LAUTERB. C. J. *de litig. lit. E.*

§. 12. Præscriptionis quoque exemplum huc referri potest. Equidem quatenus præscriptio vel ab initio impeditur, dum jus præscribendum nondum est natum, vel requisita necessaria deficiunt, aut sistitur, dum tempus aliquod ei eximitur propter bellum, c. 10. X. de præscript. R. J. 1654. §. so viel nun die Capitalien. 172. eatenus huc non pertinet. Sed aliquando, positis licet jure præscribendo & necessariis requisitis, v. g. per bellum ab initio, ipso jure impeditur, add. l. 5. C. in quib. caus. in integr. restit. aliquando vero completa, in casu v. g. absentia, per restitutionem in integrum rescinditur, si scilicet intra quadriennium, à tempore sublati impedimenti & acquisitæ scientiæ, hoc petatur, l. fin. C. de tempor. in integr. restit. vid. LAUTERB. C. J. *ex quib. caus. maj.* CARPZ. p. 2. Dec. 116. Denique sententia judicis aliquando est ipso jure nulla, l. 1. §. 2. de sent. quæ fin. appell. rescind. l. 2. 7. C.

C. quand. provoc. non est nec. aliquando appellatione rescindenda *l. 11. de J. & J. l. 65. §. 2. ad Sc. Trebell. l. 27. de re jud. vid. LAUT. C. J. de extraord. cogn. & si quæ alia hujus generis sunt exempla.*

§. 13. Cæterum sicut forte, in uno & altero exemplo, jactatum discrimen *ipsius juris*, & *alius remedii*, est dubium, aut aliquis discriminis effectus non comparet, quorsum forsitan pertinet exemplum rei litigiosæ alienatæ, ita in nonnullis exemplis, juxta usum Germaniæ, discrimen evanescere videtur. Sic hodie nihil interesse arbitror, utrum actum dolo aut metu initum, ipso jure nullum, an rescindendum dicas, *vid. OBSERV. LAUT. Observ. 115. n. 2. Observ. 117. 767.* Porro nullum effectum adesse puto, si ve intercessionem mulieris, ipso jure nullam, si ve rescindendam esse contendas, licet, quosdam aliquem asserere solere, non nesciam. In cæteris vero exemplis discrimen hodie quoque occurrit, *vid. OBSERV. LAUT. Observ. 123. 126. 127. 164. n. 6. Observ. 540. 1420. 1421.*

§. 14. Non immerito autem forsitan asseritur, discrimen ipsius juris & remedii aliis rescindentis, ex corruptione fori Romani, habere originem, ac morbum Jurisprudentiæ arguere: Licet enim actus, non eodem semper effectu, impugnari queant, quemadmodum etiam uniformi probatione non semper defungi possumus, attamen ideo opus non erat, diversa comminisci remedia, eademque *duratione & transmissione* distinguere.

§. 15. Satiùs omnino erat, eam inire rationem, ut actus invalidi uniformi remedio, diverso tamen, pro diversa agentium intentione, effectu, impugnarentur, ac probatio, cuivis casui conveniens, adderetur, aut, si omnino remedia nominibus discernenda videbantur, discrimen tamen, quoad transmissionem aut durationem, inter illa, asserendum non erat, hoc sane non alio pertinet, quam ut jura in se alias plana, reddantur obscura, incerta ac, ad pariendas lites, magis apta, maxime cum sæpe incertum sit, an aliquis actus, ipso jure nullus sit, de quo sane circa processum non raro disputari solet, *add. OBSERV. LAUT. Observ. 105. n. 5. Observ. 1421.*

§. 16. Deinde etiam circa actus licitos spectari potest *necessitas & effectus*. Nimirum sæpe vel lege positiva, vel mero etiam jure naturali, actus aliquis, ad certi alicujus juris consecutionem, est *necessarius*,

sarius, aliquando tamen contingit, ut idem jus, sine actu illo, acquiratur, tum *ipso jure* jus illud acquiri dicitur, quod variis exemplis illustrari potest.

§. 17. In *l. 22. §. 11. C. de jur. delib.* spatium aliquod, pro deliberatione, ipso jure concessum dicitur, cum alias illud, ad implorationem partis, à Magistratu concedi soleat. Ut jus commune, pluribus proprium fiat, opus regulariter est divisione, sed nomina inter cohæredes ipso jure sunt divisa, *l. 6. C. fam. ercisc. l. 4. pr. l. 25. §. 1. ff. cod.* Vice versa ut res propria fiat communis, traditio intervenire debet, sed aliquando communio ipso jure introducitur, *l. 1. §. 1. l. 74. pro soc.* Libertas servis quandoque ipso jure obvenit, *l. fin. de serv. export.*

§. 18. Hæredes sui, sine ullo facto, *l. 9. §. 1. 4. de reb. dub. l. 19. §. 2. de cast. pec. l. 8. C. de suis & legit. hered.* extranei sola aditione, sine traditione vel possessionis apprehensione, hæreditatem consequuntur, *l. 5. 4. de A. O. H. l. 193. de R. J. add. OBSERV. LAUT. Observ. 896. 980.* hinc in specie Falcidiam ipso jure acquirunt, *l. 26. l. 73. §. fin. ad L. Falcid. l. 1. §. 5. quod legat.* Pupillo, militi & mulieri acquiritur res, quam eorum pecunia, alius suo nomine emit, *l. 2. quand. ex fact. tutor. l. 8. C. de R. V. l. 55. de donat. inter vir. & uxor.* quæ acquisitio ipso jure facta dici potest, dum animum habendi, vice illarum personarum, lex declarat, *add. OBSERV. LAUT. Obs. 816.*

§. 19. Dominium rei legatæ, sine traditione, *l. 1. 2. de public. in rem act. ion.* imo suo modo, sine agnitione, legatario acquiritur, *l. 77. §. 3. l. 80. de Legat. 2. l. 64. de furt. l. 9. §. 1. de pecul. l. 44. §. 1. l. 86. §. 2. de Legat. 1.* Non minus dominium in emtorem revera translatum, virtute pacti commissorii vel additionis in diem, ad venditorem ipso jure redit, *l. 41. de R. V. l. fin. de leg. commiss. l. 4. fin. C. de pact. int. emtor. vid. LAUT. C. J. de Leg. commiss. lit. E.* quod frustra negat EBERT. *de eo quod fit ipsi. jur. membr. 2. Sect. 2. §. 11.* Aliquando servitus ipso jure constituitur, *l. fin. §. fin. C. de servit.* id quod de quovis pignore legali sive tacito etiam dici posse videtur, etsi quoad legale mixtum, quod vocant, dissentiat EBERT. *d. l. §. 23.* Supplementum legitimæ ipso jure debetur, licet testator non jussit, *l. 36. C. de testam. in-offic.*

§. 20. Ista ipfius juris sanctio, vel ipsa æquitas naturalis est, *vid. OB-*

OBSERV. LAUT. *Observ. 816.* vel ex communibus æquitatis & utilitatis principis resultans dispositio positiva, hinc uti, sine adminiculo juris Romani, intelligi fierique potest, ita hodie quoque obtinet, nec tamen in omnibus exemplis. Sic apud Romanos actio vendita, ante cessionem, ipso jure, sed utilis saltem, acquiri dicitur *l. 1. §. 13. de tutel. & ration. distrab. l. 5. 7. 8. 9. C. de hered. & action. vend. vid. LAUT. C. J. de H. & A. V.* verbis: *emtor etiam ante cessionem.* Verum hodie cessione in genere opus non est, sed quicquid præter emtionem similemve titulum intervenit, illud omne ad probationem saltem pertinet.

§. 21. Non minus venditor, re vendita per furtum subtracta, actiones contra furem emtori cedere *v. l. 23. de H. vel A. V.* debet, *§. 3. l. de emt. vend. l. 14. 80. de furt. l. 35. §. 4. de C. E. V.* sicut etiam mandatarii actionibus acquisitis cedunt, *l. 8. §. 5. 10. l. 13. 45. mand.* sed aliquando, sine cessione, dominis actio, ipso jure, acquiritur, *l. 2. C. per quas pers. nob. acquir.* Sed nec hic cessionum ambagibus hodie opus, adeoque ipsum jus, nomen otiosum esse, plane arbitror, *vid. OBSERV. LAUT. Observ. 561.*

§. 22. Ex his ergo liquet, quod sanctio, quæ defectum factorum privatorum supplet, *ipsum jus* dicatur. Verum aliquando, contrario nominis usu, ipso jure fieri dicitur, quod secundum omnia legum requisita peragitur, opponiturque negotio à Judice confirmando. Sic tutor in testamento legitime datus, ipso jure dicitur constitutus. E- quidem EBERTUS *d. tr. m. 1. Sect. 2. §. 5.* existimat, *interpretes saltem sic loqui, non vero leges,* verum stilus legalis ex *l. 13. §. fin. de excus. tutor.* etiam colligi potest. De cætero uti discrimen ipsum satis certum est, ita ei notando, nomen ipsius juris non adeo est necessarium, præterea discrimen illud, in exemplo tutelæ, hodie non amplius occurrit.

§. 23. Sicigitur ipsum jus, facta privata aliquando *supplet*, aliquando de eorum præsentia *testatur.* Porro illud negotia humana simpliciter quandoque saltem *declarat*, nam quæ naturaliter negotio insunt, illa ipso jure obtinere dicuntur, habito respectu ad conventiones speciales, quibus illa etiam definiri possunt, *l. 17. §. 1. pro soc. l. 9. §. 1. de distract. pign. l. 2. de duob. reis.* Differentia hic satis quoque

que manifesta est, ei tamen exprimeridæ, nomen ipsius juris itidem non valde necessarium, hinc facile eodem carere possumus.

§. 24. Denique ipsum jus facta privata aliquando *adjuvat*. Quando enim JCI dubitant, an facto privato certus aliquis effectus produci queat, ipsum jus, velut in subsidium vocant. Sic donatio Conjugum ipso jure per mortem donantis confirmatur, si revocatio non interveniat, l. 32. §. 1. 2. *de donat. int. V. & U.* dubium enim erat, an voluntas factumque donantis, quod pœnitentiæ & revocationi subjacebat, producendo illi effectui seu donationis valori sufficeret.

§. 25. Aliud exemplum est in l. 9. §. 1. *de jur. dot.* Si res alicui tradidero, ut, nuptiis secutis, dotis efficiantur, & ante nuptias decessero, an, secutis nuptiis, dotis esse incipiant? Et veretur Ulpianus, ne non possint in dominio ejus effici, cui datæ sunt, quia tradens morte dominium amittit, ac, ab hærede invito, illud discedere non posse videtur: Favore tamen dotis, hærede consensum differente, dominium, ipso jure, ad maritum transferri existimat. Ulpiano contradicit Julianus in casu simili l. 2. §. 2. *de donat.* ac apertam hic esse Antinomiam censet EBERT. d. tr. m. 2. Sect. 2. §. 3. *in fin.*

§. 26. Cæterum sicut JCI Romani, in æstimandis factis humanis, & tractando jure Civili, sæpe nimis fuerunt superstitiosi, dum nimias miserasque sectati sunt subtilitates, ita idem hic accidisse Ulpiano, non immerito dicitur, nam in utroque, quod refert, exemplo, facta privata, & ordinarias legum regulas, producendo effectui intento, suffecisse, manifestum est, ut ad jus ipsum recurrere, minime fuerit opus. Ex quo sequitur, dissensum JCtorum, si aliquis subfuit, esse innoxium, nam non circa *effectum ipsum*, sed *producendi modum* saltem disenserunt, deinde, jus ipsum & de jure Civili & hodie, in exemplis allatis, esse nomen otiosum.

§. 27. Superfuit actus Liberatorii, v. §. 5. Circa hos leges, quantum ex exemplis, hætenus visis, judicare licuit, quadruplici modo operantur, ex qua operatione, *ipsum jus*, aliquando oritur, aliquando vero adesse negatur. Scilicet leges nonnunquam (1.) *obligationem efficacem immediate tollunt*, quo casu debitor *ipso jure* tutus dicitur. Sic debita inter cohæredes ipso jure sunt divisa, l. 26. *C. de pat. l. 6. C. fam. ercisc.* quod multo magis verum, si unus in rebus castren-

sibus,

sibus, alter in cæteris, hæres scriptus sit, l. 17. §. 1. de testam.
mil.

§. 28. Ipsum jus, hic oriri ex æquitatis principiis, satis manifestum est, cum enim obligationes, intuitu rerum, constituentur, merito hæredes, pro ratione rerum acceptarum, saltem obligantur, hinc hodie etiam illius sanctionis est usus, adeo ut, si cohæres, ex errore habili, solidum solvat, partem à Creditore possit repetere, neque unus pro altero solvere cogatur, licet hic desierit esse solvendo, add. EBERT. d. tr. m. 2. Sect. 2. §. 33. p. 529.

§. 29. Aliquando leges efficacem obligationem non tollunt, sed saltem (2.) *jus se liberandi debitori concedunt*, quo casu, *non ipso jure*, sed *ope exceptionis*, ille liberari dicitur. Exemplum est in correis debendi, *auth.* hoc ita C. de duob. reis ac in specie, in fidejussoribus, l. 26. de fidejussor. l. 49. §. 1. eod. cujus mentem, subtilem putat EBERT. d. l. §. 32. sed sine gravi causa, l. 3. C. eod. vid. infra l. 5. c. 17. §. 16. seqq. Hujus etiam sanctionis & æquitas, & effectus manifesta sunt, & hodie quoque illa observatur, add. OBSERV. LAUTERB. Observ. 364.

§. 30. Porro leges aliquando volunt (3.) ut *obligatio non ab eo tempore, quo debitor hoc allegat, sed ab eo potius, quo aliqua tollendi causa extitit sit sublata*, hoc casu obligatio ipso jure extincta dicitur, hinc compensatio ipso jure, sive ab eo tempore, quo mutuum debitum extitit, obligationem perimit, cujus rei effectus est itidem manifestus, v. l. 4. 10. 11. 12. 21. de compens. l. 4. 12. f. C. eod. l. 7. C. de solut. l. 43. ff. eod. De cætero ipsum jus, hic non esse mere Romanum, sed ipsam potius æquitatem, voluntatis affectusque privati interpretem, pluribus ostendi in OBSERV. LAUTERB. Observ. 448. 449. hinc etiam de ejus usu hodierno dubitandum non est.

§. 31. Denique (4.) *leges quibusdam tollendi modis, peculiarem vim impertiuntur, ut obligationes penitus tollant, aliis vero eandem efficaciam non tribuunt, hinc obligationes ita illi perimunt, ut obligatio mere civilis remaneat, illo casu obligationes ipso jure, hoc, ope exceptionis tolli dicuntur.* Hoc discrimen in jure Romano est frequentissimum, ac ad illud etiam in l. 8. §. 16. de inoff. testam. l. 1. §. pen. ut legat. vel fideic. serv. caus. cau. respici puto; fuit etiam aliquis

us effectus, quem indicavi in *OBSERV. LAUTERB. Observ. 1141*. Sed uti illud, ex corruptione fori Romani, fuit exortum, ita hodie nullius plane est effectus & usus, sed verissimum, quod scripsit Paulus in *l. 112. d. R. J.* Quæ igitur operose recenset *EBERT. d. tr. m. 2. Sect. 1.* & circa singulos tollendi modos, alibique passim sollicite inculcant juris Civilis interpretes, illa omnia, vana otiosaque putanda sunt, v. *OBSERV. LAUTERB. Observ. 461. 1112. 1116. 1181.*

CAPUT IX. DE FICTIONIBUS LEGUM.

SUMMARIA.

Fictionum institutum, vulgo censetur elegans & necessarium, sed revera ineptum & inutile est §. 1.

Earum diversa suppositio §. 2.

In primis pro lege, vel ei adjuncto commento fictio accipitur §. 3.

Tale commentum non est necessarium §. 4. 5.

Quod exemplo fictionis juris postliminii §. 6.

Traditionis fidei & quasi contractuum declarationis §. 7.

Meræ igitur ineptiæ sunt, quæ de fictionum varietate vulgo tradunt §. 8.

Nec jus naturæ his sordibus conspurcandum §. 9. 10.

In statutis & actibus privatis fictiones locum habere possunt, sed non opus iis est §. 11.

Æquitas & necessitas fictionibus frustra prætextitur §. 12.

Cætera dogmata de fictione impossibilia §. 13. Prærogativa veritatis & fictionis §. 14.

Fictione naturam imitante §. 15.

Fictionum concursu breviter expenduntur §. 16.

Fictio, à mendacio errore, simulatione & præsumptione differt §. 17.

Fictiones Jurisprudentiæ sunt molestæ §. 18. 19.

In primis ob earum, ad quæstiones utiles, applicationem §. 20. 21. 22. 23. 24. (§. 25.

Neque tamen ideo fictionum defensores deerunt

§. 1.



US Romanum ejusque interpretes, præcipue antiquiores, Fictionibus abundant, quæ res à plerisque ita accipitur, ut istud fingendi institutum, elegans, subtile ac, ad leges ferendas, necessarium & utile existiment, hinc etiam multi professio studio fictiones explicaverunt, *add. EBERT. de eo quod sit ipse jur. m. 2. Sect. 2. §. 8. p. 387.* Sed mihi totus iste fictionum apparatus, non tantum non necessarius, sed & inutilis ineptusque visus est in *dissert. de fiction. Roman. natur. & inconcin. hab. Lips. 1694.* ex quibus principiis, cum nondum eorum me pœniteat, summa capita hic

hic proponam, quæ disquisitio etiam nec inutilis, nec alieno loco instituta videbitur, cum ad Jurisprudentiæ fundamenta, ab ineptiis vindicanda, pertineat.

§. 2. Per fictiones hic non intelliguntur mendacia & dolosæ simulationes, v. l. 52. §. 15. de furt. l. 16. de liber. caus. nec casus ficti, quibus ad repræsentanda discentibus jura, utimur, v. l. 38. de R. V. Sed commenta illa, quæ in legibus ferendis, adhiberi solent, quæ tamen ut eo melius intelligantur, observandum est, quod fictiones legum dupliciter accipiantur (1.) pro ipsa falsi assumptione, (2.) pro lege, quæ istam falsi assumptionem habet adjunctam.

§. 3. Primo respectu fictio est *assumptio falsi pro vero, scienter & aperte facta, mediante qua, ultro aliqua legis dispositio proponitur*. Secundo autem est *ipsa legis dispositio, sub memorata falsi assumptione, ultro proposita*. Poterat ultima acceptio insolens alicui videri, sed revera tamen occurrit, nam non minus v. g. *fictio*, quam *dispositio legis Cornelia* dici solet: id autem facile liquet, ab adjuncto suo, legem ipsam ita esse denominatam, & fictionem primo sensu suppositam, præcipue spectandam esse.

§. 4. Circa hanc ergo, contra vulgaria præjudicia, id inprimis observandum, quod ejus, circa ferendas leges, nulla plane sit necessitas, sed quod illa saltem ultro adhibeatur. Paret id ex eo, quod fictio, nihil sit, sed merum ens rationis, quod adeo effectum aliquem realem producere nequit, hinc si fingens ejus, quod intendit, efficiendi non habeat potestatem, fictio adhibita effectum intentum non operabitur, si vero illa potestate gaudeat, tum fictionem addere quidem poterit, sed effectus non ab hac, sed illa dependebit, ac, fictionem non esse necessariam, simul ostender.

§. 5. E. g. Imperans, dum tributa subditis imponit, fingere potest, ac si singuli, eo nomine, spectale pactum secum inierint, sed effectus seu solvendi necessitas, non dependet à fictione, sed ab imperio, quod ille in subditos habet, adeoque patet, fictionem posse omitti; Vice versa si privatus ab alio, qui ei nihil debebat, aliquid exigat, is nihil accipiet, licet fingat, quod alter sibi aliquid promiserit, ex quibus liquet, non entis, in producendo effectum reali, nullam posse esse efficaciam & necessitatem.

§. 6. Atque illud amplius per inductionem probari potest, nam in omnibus exemplis, quæ vulgo ex jure Romano afferuntur, fictiones posse abesse, certum, ac per pleraque probatum est in *d. dissert. §. 9. seqq.* Unum alterumve hic saltem adjiciemus: Qui ex captivitate revertitur, semper in civitate fuisse fingitur, ad eum effectum, ut liber existimetur. Non opus fuisse fictione, ex eo liquet, quod putativum Jus Gentium, ex quo captis servitus irrogari credebatur, nihil aliud fuerit, quam lex civilis Reipublicæ victricis. Hoc ergo uti extraneos non obligabat, ita Romanis liberum erat, illud in sua civitate non admittere, aut admisso palam vel adhibita fictione derogare: & quis crederet, si putativum illud Jus Gentium propria virtute Romanos obstrinxisset, ejus effectum inani fictione potuisset eludi?

§. 7. Circa traditionem multa fingi solent. In specie occurrit fictio brevis manus, quæ traditio, ex causa inhabili, facta, ad titulum habilem postea secutum applicatur. Sed, sine necessitate hæc fingi, palam est: ad translationem dominii requiritur titulus & traditio, hæc aut illæ præcedat vel sequatur, nihil refert, hinc non opus, traditionem olim factam, ad titulum postea secutum, fictione applicare, aut ordinem horum actuum fingendo invertere. In quasi contractibus, ex consensu ficto, obligatio repetitur; sed ex inductione constat, quod hæc, vel ex *facto administrationis*, vel *collata utilitate* resultet, ac adeo fictione opus non sit, & quis sibi persuaderi pateretur, nudam fictionem, deficiente alia causa, excitandæ obligationi sufficere?

§. 8. Atque ex hoc præsupposito cætera dogmata vulgaria, quæ, ex necessitatis cujusdam præjudicio, fluunt, facile judicari possunt. Vulgo de fictionum varietate sunt solliciti: Azo eas ad decem prædicamenta revocavit, alii fictionem in *affirmativam, negativam & translativeam* distinguunt, ac ultimam vel de *persona ad personam*, vel de *re ad rem*, vel de *loco ad locum*, vel de *tempore ad tempus* fieri dicunt: nonnulli simpliciter quinque fictionum genera, nempe in *personis, rebus, tempore, loco & actibus* asserunt. Illa omnia esse vana & inepta, ex dictis manifestum est, frustra enim in re joculari & non necessaria, distinguenda laboratur.

§. 9. Circa *jus nature non occurrere fisiones*, vulgo dicunt; sed quid

quid obstat, quo minus præcepta naturalia sub fictione proponantur, ac v. g. in explicando tutorum pupillorumque officio, fingatur, illos parentes, hos liberos esse? Videntur etiam ad ejusmodi fragmenta decurrere, qui juris naturalis dictamina, ex statu integritatis, *normaliter* repetunt. Ut ut vero jus naturale fictiones non respuat, nolim tamen his sordibus illud conspurcare.

§. 10. Alio sensu dicunt: *jus naturæ non agnoscit fictionem*, id est: *jus naturæ haud attendit sanctiones juris positivi, vel per legem positivam non potest tolli*. Ultimum, verum est, sed præcedens, falsum, nam lex naturalis sanctiones positivas, v. g. de testamentorum *tolle*nibus, omnino observari vult, ac actum, ab ipsis abeuntem, improbat. Præterea vero liquet, ad explicandas hæc quæstiones, nomine fictionis minime opus esse, sed maximo abusu, intempestive illud hic adhiberi.

§. 11. In *statutis fictionem locum non habere*, nec hominem *privatum fingere posse*, vulgo etiam docent, quod utrumque iterum falsum arbitror: non solis Romanis ineptiendi privilegium datum est, sed aliis quoque pari jure nugari licet. Quod si autem statuti conditor, vel homo privatus, ea intendat, quæ efficere nequit, tum utique scopum suum haud obtinebit, si ve aperte agat, si ve fictione utatur, sed idem quoque in Legibus Romanis obtinet.

§. 12. Causam fictionum impulsivam, faciunt *æquitatem & necessitatem*, quod idem falso & inepte dici, ex præmissis liquet: Stultitia potius Romanorum, aut, si mavis, improbitas, qua res planas involvere ac captiosas leges ferre soliti sunt, irretiendæ & emungendæ plebi, pro causa fictionum agnoscenda videtur, de quo tamen rerum Romanarum gnari curatius dispiciant.

§. 13. Eo etiam fere deveniunt: *impossibile fingi non posse*, sed nihil obstat, quo minus illa, si ve secundum quid, si ve absolute talia sint, fingantur. Castrati adoptare possunt ex Leonis *Nov. 26.* addi potest fictio rei impossibilis, quod castrati liberos genuerint. Ejus quoque, qui in utero est, aliqua sunt jura, quia, ut ajunt, jam natus fingitur, *finge* etiam, si lubet, quod mater per digitos partum sit enixa: Quod si autem Legislator statuendi potestatem non habeat, tum neque possibilis, neque impossibilis rei fictio quicquam proderit.

§. 14. Quæri quoque solet: *an veritas fictioni, vel hæc illi prævaleat?* Sed hoc unice spectandum est, num Legislator potestatem statuendi habeat nec ne. E. g. Si Imperans licentiam ducendi sororem concedere velit, fingendo, hanc esse extraneam, tum nihil aget, & veritas erit potior; At si Misnenſi largiatur privilegia Francorum, fingendo illum esse Francum, tum sanctio rata erit, & fictio veritati prævalebit. Verum quando de potestate Legislatoris constat, quid opus est, otiosam, de veritatis & fictionis prærogativa, instituere disquisitionem.

§. 15. *Fictio imitatur naturam* i. e. jura adoptionis, juribus parentum & liberorum naturalium sunt attemperata, quod tamen perpetuum non est, certe Legislatori licet, jura illa disparare. *Fictio idem operatur in casu ficto, quod veritas in casu vero*, est ejusdem fere sensûs dictærium, nam eo etiam tendit; leges quasdam aliis solere attemperari. Sed quid attinet, his omnibus, ineprum fictionis nomen immiscere, eodemque rem planam, facere obscuram?

§. 16. *Fictio fictionis non datur* sive *due fictiones non concurrunt*, sed, si quem fingendi pruritus vexet, eum vel decem & plures fictiones conjungere posse, certum est: de cæteris dogmatibus idem est judicium. In genere dicendum, vulgaria dictæria, vel diversas leges inter se comparare, ac comparationi isti, otiose inepteque fictionis nomen immiscere, vel, si de fictione proprie dicta accipiantur, plerumque esse falsa.

§. 17. Fictionem differre à *mendacio, errore & simulatione*, manifestum est. Inprimis etiam à *presumptione*, illa distingvi debet, hæc enim est mentis humanæ actus, quo ex circumstantiis vel indiciis, veritas colligitur, vel etiam consensus, quem alter, salva æquitate, negare nequit, supponitur, hinc sæpe cum veritate conspirat, ac est species probationis, instrumentumque, ad expedienda negotia humana, valde necessarium, sed fictio est fœtus ineptientis cerebri, quo id, quod non est, adesse tamen fingitur, sine ulla necessitate, ceu ex dictis constat.

§. 18. Sicut autem fictionum, in legibus ferendis, nullus est effectus & necessitas, ita earum doctrina, nullam plane in Jurisprudentia habet utilitatem, hinc elogia, quibus vulgo illarum usum valde extollunt, qualia *d. dissert.* §. 72. 75. retuli, Legulejorum deliria non

non immerito existimantur. Imo non tantum nulla doctrinæ illius est utilitas, sed & illa studio juris perniciofa est, dum varia in hoc, inde redundant incommoda.

§. 19. Nam in genere (1.) *commenta illa nebulas animo velut offundunt, solidamque adeo cognitionem impediunt*: Qui, ex consensu ficto, obligationem dependere existimat, is fundamentum verum non intelligit; qui captis reversis non aliter, quam per fictionem, libertatem conservari posse cenfet, ille vim legum civilium utique ignorat, & sic in cæteris (2.) *ineptis questionibus & doctrinis studium juris opulent*, quas inprimis apud veteres glossatores reperire licet, & quo, aptius nugis ingenium, quis sortitus est, eo gravius etiam hic delirare solet, *vid. EBERT. de eo quod sit ips. jur. in. 2. Sect. 2. §. 8. 12. conf. dissert. nostr. §. 50. 73.*

§. 20. Inprimis (3.) *utiles doctrinas corrumpunt ac fœdant*, nam ad has fictionum commenta interpretes non raro extendunt, ex iisque illas vel oppugnant, vel decidunt. Sic quæritur, *an, si Vassallus, fundo alii locato, decedat, postquam colonus rastro agrum subegerat, ac sementem fecerat, pensio ad Vassalli hæredes allodiales pertineat?* quod uti recte asseritur, ita id dubium facere cenfetur, quod *fictio in statutis locum non habeat*, in quo diluendo laborat PISTOR. l. 1. qu. 25. n. 12. verum istæ quisquiliæ non refelli, sed conculcari debent, *vid. dissert. nostr. §. 37.*

§. 21. Ex sententia GVILIELMI de CUNEO, in te *nec dominium nec possessio transfertur, si vendidi procuratori tuo fundum & constitui me possidere illius nomine, vel conduxi ab eo, vel reservavi mihi usumfructum*, quia *fictio fictionis non datur*. Sed, ex vana decidendi ratione, falsam profluxisse decisionem, manifestum est, *vid. d. dissert. §. 66. 67.* Legitimationem per rescriptum Principis, fieri *ex fictione matrimonii*, cenfet STRAUCH. *dissert. 4. n. 3.* ex eoque inferit, quod *nec hodie liberi adulterini imperiali rescripto legitimari queant*. Sed rationem istam, veram & necessariam esse non arbitror; hinc nec ejus consecrarium admitti debet, *vid. OBSERV. LAUT. Observ. 28. add. SCHILT. ad ff. exco. 36. §. 132.*

§. 22. Probabilis est sententia, quod legitimati per subsequens matrimonium, jure primogenituræ gaudeant, si legitimatio sit facta,

antequam ex alia matre, filius legitimus, in matrimonio, sit natus, hoc vero ante legitimacionem nato, ille à laudato jure excludatur. Sed huic posteriori decisionis membro, non absque insigni probabilitatis specie id obverri posse videtur *ITTERO de feud. imper. c. 14. §. 4.* quod, cum in priori casu legitimatus per fictionem quandam, dum nempe legitimatio ad tempus initi concubinatus retrotrahitur, ad successionem vocetur, eadem retrotractionis fictio, etiam posteriori casu, in favorem legitimali, admittenda sit.

§. 23. Hæc difficultas, ex Romani juris principiis, hoc pacto, IPSI expedienda videtur: quod omnis fictio & proinde etiam retrotractio præsupponat possibilitatem à parte objecti, ut re ipsa tam moraliter quam naturaliter fieri potuisset, quod factum fingitur, at vero posteriori in casu, si juris dispositionem respiciamus, fieri non potuit, ut à primo coitu, quo conceptus est filius naturalis, conjugium cum concubina, quæ nunc demum in thalami sociam adsumitur, tandiu steterit & hucusque duraverit, cum sic, duas uno eodemque tempore uxores maritum habuisset, sequeretur, quod omni juri adversatur & hinc saltem moraliter impossibile est.

§. 24. Sed non erat, cur doctrinæ, ex rationibus propriis *d. c. 14. §. 3.* jamjam non male à se explicatæ, ineptias illas adaspergeret *ITTER.* nam, commentis illis nec decidendi nec oppugnandi vim inesse, palam est: Legitimatus priori casu jus primogenituræ consequitur, non ob aliquam retrotractionis fictionem, sed quia legitimatio eo tempore fit, quo jus primogenituræ, adhuc velut vacuum est, adeoque ab illo potest occupari, at posteriori, ab eodem repellitur, quia, quo tempore ille per legitimacionem, jura legitimorum liberorum consequitur, jus primogenituræ jam alius occupavit.

§. 25. Licet igitur fictiones ideo rejiciendæ non sint, quod legibus divinis aut juri Canonico repugnent, hoc enim frustra à nonnullis asseritur, *vid. dissert. nostr. §. 71.* ab iis tamen in Jurisprudencia abstinendum esse, siquidem hæc vera, non *simulata philosophia* esse debet, ut vulgo cum Ulpiano in *l. 1. §. 1. de j. & j.* gloriantur, ex dictis abunde constat. Interim cum fragmenta illa studium juris non everrant, sed saltem dedecorent, semper tortassis aliqui erunt, quibus turpes illæ maculæ, videantur pulchræ, quos uti suo tenui abundare facile

facile patior. ita mihi adhuc placet illud, quod antea *dissertationem de fictionibus* obliquavi: *turpe est difficiles habere nugas, & stultus labor est ineptiarum.*

CAPUT X. DE CONFLICTU STATUTO- RUM EORUMQUE IN EXTEROS VALORE.

SUMMARIÆ.

Varietas legum, in Germania & alibi frequens, quæstionem difficilem de valore in exteris parit §. 1.

Autores hujus materix §. 2.

Expediendæ quæstioni inter statuta personalia & realia distinguitur §. 3.

Sed irritò conatu §. 4. §. 5. 6.

Fundamentum decisionis, non ex jure Romano, sed naturali desumendum §. 7.

Tres casus generales distinguendi §. 8.

Regula generalis quoad primum casum §. 9.

Quoad secundum §. 10.

Quoad tertium §. 11.

Valor legum in exteris, triplici nixitur fundamento §. 12.

Regulæ primæ exemplum §. 13.

Com limitatione §. 14.

Sensus regulæ secundæ §. 15.

Exempla generalia §. 16. 17.

Specialia §. 18. 19.

Refellitur Huberus §. 20.

Alio exemplo matrimonii §. 21.

Vechigalium §. 22.

Privilegii §. 23.

Contractus viri §. 24.

Et uxoris regula declaratur §. 25.

Ad eam etiam pertinent qualitates personarum, legibus desinitæ §. 26. 27.

Quæ ubique effectum habent §. 28.

In pœnis etiam spectatur locus delicti commissi §. 29.

Actus perfecti ubique valent, mutato licet domicilio, sed imperfecti & futuri, ex legibus novi domicilii æstimantur, §. 30.

Doctrinæ hujus varia exempla §. 31. 32. 33. 34. 35.

Limitatio §. 36.

Juxta regulam tertiam, statuta alibi quandoque valent ex gratificatione §. 37.

Quod exemplo testamentorum §. 38. 39. 40. 41.

Communione bonorum inter conjuges §. 42.

Rerum mobilium §. 43. 44. 45.

Successionis ab intestato §. 46.

Contractuum §. 47.

Concurfus creditorum declaratur §. 48.

Quid obtineat mutato domicilio §. 49.

Ex quo casus specialis, contra Huberum, deciditur §. 50.

Actus invalidus, alio in loco valere potest §. 51.

Quod exemplo contractus §. 52.

Testamenti §. 53.

Donationis conjugum §. 54.

Ac obligationis mulieris illustratur §. 55.

Summa hæcenus dictorum §. 56.

Cum monito quoad casum mutati domicilii §. 57.

Et pacta statutis opposita §. 58.

Hæcenus dicta etiam ad Statuta unius Territorii applicari possunt §. 59.

Quod juxta tres casus, antea propósitos, generaliter ostenditur §. 60.

§. 1.



Diversas Respublicas, variæ consequuntur leges. Inprimis in Germania varietas legum cessare nequit, cum ex multis illa componatur Territoriis, quorum singula potestate legislatoriâ gaudent, qualis status in aliis etiam civitatibus aliquando occurrit. Hodie igitur per Europam frequens & difficilis est quæstio, censente HUBERO *in posit. ad ff. d. LL. n. 22.* utrius Reipublicæ vel Territorii leges, circa negotia, aliorum Statuum Rationes attingentia, observari debeant?

§. 2. Egit hac de re, post ARGENTRÆUM & BURGUNDUM præcipue, RODENBURG. *de jur. conjug.* qui etiam *tit. 1. c. 1. sc. neminem, qui hoc argumentum, in universum & certo ordine tractaverit, scire*, profiteretur, ejus vero tradita laudat HUBER. *d. l. n. 31.* Sed HIC *in prælect. ad ff. de LL. ut & JOH. VOET. in comment. ad ff. de constit. Princ.* in plerisque planius solidiusque disquisitionis hujus fundamenta tradiderunt, ut alios nunc taceam. Institutum postulat, ut, pro captu nostro, hic etiam hac de re quædam dicamus.

§. 3. Id igitur quæritur, *si circa aliquod negotium, duorum Territoriorum leges* (quas, Statuta dici, vocabulo hoc latius sumto, moris est) *collidantur, utrius præferri aut postponi debeant?* nam hæc necessario cohærent, &, si alterius territorii leges valent, oppositas vim suam perdere, necessario consequitur, hinc hæc divelli non debent. Vulgo, ex diversitate statutorum, *personalia* illa sint, an *realia*, id dijudicandum esse existimant, adeo ut, illa, ad aliena territoria, vim suam extendere, non vero hæc, fere concludant.

§. 4. Sed isto fundamento niti non licet, nam utut, aliqua statutorum varietas, negari nequeat, attamen vix est, ut illam ad certas constantesque species revocare queas, hinc etiam ipsi Scriptores valde se torquent, in speciebus illis vel constituendis, vel explicandis: alius ex hoc, alius ex illo principio personalitatem æstimari jubet; hic personalibus & realibus addit statuta *mixta*, quæ alter iterum expungit, *vid. RODENB. d. tr. tit. 1. c. 1. 2.*

§. 5. Deinde ipsa etiam realium & personalium statutorum distinctio, incongrua est, quamvis enim quædam, sine consideratione certa-

certarum rerum, aliquid disponent, alia vero peculiare objectum respiciant, attamen certum est, quod omnia, personas & res simul concernant, ac illæ ab his separari nec possint nec debeant, ceu ex inductione apparet, ut facile liqueat, distinctionem illam, inolitum redolere præjudicium, ex inepto Institutionum Justinianarum ordine, haustum, quo quædam jura tantum ad personas, alia ad res pertinere perperam existimantur.

§. 6. Denique, quod caput causæ est, ex illo discrimine, admissio licet, vera diversi valoris ratio non dependet, hinc tantum abest, ut exinde solida præsentis rei possit fieri dijudicatio, ut potius quicquid tricarum, difficultatum ac dubiorum hic occurrit, ex lubrico illo fundamento, unice fere propullulasse videatur. Nolim dicere, quod Scriptores, qui ista distinctione utuntur, veram rationem non viderint, hoc tamen contendo, illos hanc nec penitus cognovisse, nec perspicue satis exposuisse, distinctione illa futile, nebulas velut eorum mentibus offundente.

§. 7. Regulæ fundamentales, secundum quas hujus rei judicium regi debeat, ex jure Romano petendæ esse videntur HUBERO in prælect. d. l. n. 1. Sed juris Romani, qua talis, nullus etiam hic est usus, hinc ex *natura imperii civilis & jure naturali*, quod liberarum gentium officia dirigit, unice disquisitionis hujus fundamenta & decisiones repeti debent, ipsomet HUBERO non valde abludente.

§. 8. Quantum autem mihi judicare licet, videtur adæquata & ordinata hujus rei dijudicatio niti, distinctione triplicis casus generalis. Vel enim (1.) actus in aliquo loco, de rebus, illi & agentium arbitrio subjectis, vel ab incola vel forensi, suscipitur: Vel (2.) actus, juxta leges certi alicujus loci celebratus, spectatur apud Exteros: Vel (3.) ex certo aliquo loco, in Territoria aliena & res ibi sitas agitur.

§. 9. In singulos casus, peculiaris regula, ex principiis antea laudatis deducta, ac decisiones, in quibusvis exemplis specialibus, suppeditatura, constitui potest. Quoad primum igitur hæc erit: *In actibus celebrandis leges loci, ubi illi peraguntur, observari debent, idque non tantum ab incolis, quod indubium, sed & forensibus & peregrinis, ibi commorantibus*, nam vis imperii civilis in hos omnes efficax est. Ex communitate tamen, vel aliquando ex pacto, eo sine inito, leges aliûs loci

valere posse, certum quidem est, sed vix est, ut aliqua gens tam profusa sit humanitatis, aut pacto adeo molesto se obstringi patiatur, hinc harum limitationum rarissimus erit usus.

§. 10. Quoad secundum casum, hæc obtinebit regula: *Quicquid juxta leges alicujus loci, de rebus, illi loco agentiumque arbitrio subiectis, valide aut invalide gestum est, illud, cum consecrariis, valet aut non valet ubique.* Nam lex naturalis exigit, ut alios suo jure libere uti patiamur, adeoque ea, quæ ex illo jure valide suscepta sunt, non evertamus, sed, data occasione, potius adjuvemus, quemadmodum etiam illa requirit, ne ob actum invalidum, seu cessante obligandi causa, invitis obligationem imponamus.

§. 11. Tertius casus hac regula regitur: *Quoad res alibi sitas, leges loci, ubi actus susceptus, non valent, nisi exteri eas ex humanitate admittant, aut ex pacto admittere teneantur, cum vero neutrum presumatur, sed justa ratione vel probatione ostendendum sit, hinc in dubio valor illarum legum erit negandus.* Rationes hujus asserti sunt manifestæ, nam imperium Civile, in aliena Territoria, vim suam non extendere, ex principiis politicis, notum est, quemadmodum etiam liquet, quod Gentes sibi invicem gratificari soleant, aut etiam aliquando ex pacto debeant, denique, ea, quæ juris dubii, vel facti sunt, neganda esse, nisi probentur, quis dubitet?

§. 12. Ex his ergo apparet, quod valor legum in exteros, tripliciter fundatur fundamento (1.) *imperio civili*, in casu primo, (2.) *jure naturali perfecto*, in secundo, (3.) *sola humanitate*, in tertio, cui tamen aliquando pactum surrogari, atque ita illa in jus perfectum converti solet. Atque ex his aliorum etiam fundamenta, quæ huic disquisitioni subterni solent, facile judicari poterunt, sed, eo progredi, propositum non patitur.

§. 13. His præsuppositis, tres illos casus, cum suis regulis, specialius considerabimus. Juxta regulam primam igitur, *in actibus certo in loco celebrandis, leges loci observari debent*, hinc in specie processus judiciales, iisque conjunctæ executiones, legibus loci, ubi pendent & fiunt, reguntur. *vid. HUBER. d. l. n. 7. RODENB. d. tr. tit. 2. c. 5. n. 9. p. 78. n. 17. p. 100.*

§. 14. Sed hæc vera sunt, si ea, quæ aguntur, agentium arbitrio

& legibus loci penitus sublint. Quodsi vero agentes non sint sui juris, vel actus suscipiendus, ex jure alibi quæsito & formato, profluat, tum leges loci, ex quo agentes vel actus pendent, erunt observandæ, & id quod agitur, valebit, aut non valebit, prout hæ leges exegerint, inciditque hæc res in casum & regulam nostram secundam, ubi etiam exemplis eam illustrabimus. Porro si actus in res alibi sitas dirigatur, tum iidem leges loci propria autoritate non valent, sed pertinet hic respectus ad casum & regulam tertiam.

§. 15. Pergimus ad *casum & regulam secundam*. Juxta hanc *id*, quod *valide* aut *invalidè* alicubi *gestum est*, *valet* aut *non valet* ubique. Cæterum hic etiam considerandum, an omnia agentium arbitrio & legibus loci subfuerint, ita hoc quoque spectari debet, utrum ea intentione negotium celebratum sit, ut ex præsentis tempore vires habeat, an vero a futura voluntate suspendatur, illo casu demum regula procedit, hoc vero, quia actus est adhuc imperfectus, non leges loci, ubi primo celebratus est, sed ejus potius, in quem agentes se postea contulerunt, spectari debent, ac inde validitas aut invaliditas actus æstimanda est, nam incidit tum hæc res in casum & regulam nostram primam.

§. 16. Exemplis res fiet clarior. Si contractus de certis rebus ineatur, ille etiam alibi, ubi merces illæ prohibitæ erant, valebit, nisi forte, in præjudicium hujus loci, hoc vergat, *vid. HUBER. d. l. n. s.* Res judicatæ alibi quoque auctoritatem habent, modo, juxta requisita allata, confectæ sint, alias, ad eas observandas, alia civitas non tenetur.

§. 17. E. g. deliquit aliquis in nostro territorio, aufugiens à judice aliûs loci absolvitur, res judicata in nostrate regione absoluto nihil proderit, si, eludendæ jurisdictioni nostræ, processum illum affectaverit, *HUBER. d. l. n. s.* id quod eo promissius dici potest, si judicem alieni territorii, in delinquentes deprehensos, statim sententiam ferre non posse, supponas, quod contra communem sententiam adstruxi *OBSERV. LAUTERB. Obs. 155.*

§. 18. Frisius, in Hollandia debitor factus, ex causa mercium particulatim venditarum, convenitur in Frisia post biennium. Reus opponit præscriptionem biennii, in ejusmodi debitis, in Frisia receptam,

pram, creditor replicat, in Hollandia, ubi contractus initus erat, ejusmodi præscriptionem non esse probatam, proinde sibi non obstare in hac causa: quid juris? pro Reo & Jure Frisiæ pronunciatum refert HUBER. *d. l. n. 7.* quia *præscriptio non pertineat ad valorem contractus, sed processum, qui loci, ubi instituitur, legibus regi debeat.*

§. 19. Sed parum recte pronunciatum videtur, nam præscriptio utrique ad contractum & merita causæ pertinet, non ad processum, creditori enim in Hollandia jus constans, præscriptione biennii non elidendum, erat acquisitum, quod adeo Frisii non evertere, sed adjuvare potius, ex decreto legis naturalis, debuissent. Idem dicendum de casu simili: debitor in Frisia convenitur ex instrumento, coram Scabinis, in Hollandia celebrato, ibidemque paratam executionem habente, quæritur an eandem vim habeat in Frisia?

§. 20. Negat hoc HUBER. *d. l.* quia *executio ad processum pertineat adeoque jus loci, ubi illa fit, servandum fit.* Sed iterum falli videtur, nam *externus* quidem & *accidentalis* exequendi modus, novus plane actus est, adeoque legibus loci subjacet, licet sententia alibi lata, executioni danda sit, sed *ipsa executio*, quæ, ex jure per contractum formato, dependet, adeoque necessarius & inseparabilis ejus effectus est, perinde ac jus ipsum, ad contractum pertinet &, juxta hujus leges, fieri debet, *vid. §. 14. add. RODENB. d. tr. tit. 2. p. 2. c. 4. n. 5. pag. 124.*

§. 21. Matrimonium, sine hierologia contractum, etiam ibi valet, ubi hæc alias requiritur, modo non cives nostri, eludendo juri patrio, alibi, juxta modum nobis improbatum, contraxerint: idem est, si nuptiæ juri divino repugnent, nam nec has Respublica, sanioribus imbuta principiis, tolerare debet, licet dispensatio Pontificis olim accesserit, nisi forte, ob inolita vitia, vel contrahentium superstitionem, ultro connivere velit. *add. HUB. d. l. n. 8.*

§. 22. Si subditis prohibitum sit, ne prope territorii limites eant potatum, eoque pacto vectigalia imminuant, merito illa dispositio in regionibus vicinis etiam valere debet, non propria sua vi, sed ex decreto juris naturalis, *vid. RODENB. d. tr. tit. 1. c. 3. n. 3.* Cæterum cum ejusmodi dispositiones, utilitatis propriæ rationibus nimium attemperatæ adeoque inhumanæ vicinis plerumque videatur, ideo nec hi,
ad

de officia socialitatis exhibenda, valde proclives esse, sed leges illas vicinorum, quavis occasione convellere solent.

§. 23. Creditores, qui in domicilio debitoris, ob contractum, de rebus ibi sitis, celebratum, privilegia quædam sunt consecuti, eadem retinent, licet debitor, mutato domicilio, res mobiles in novum domicilium transtulerit, nequicquam dissentiente RODENBURG. *lit. 2 c. 5. n. 16. p. 96.* ideo, quod *mutato domicilio, mutetur & conditio mobilium etiam dispendio tertii seu mobilia semper sequantur personam*, nam hæc mera est petitio principii, seu falsum aliquod principium, quo Scriptores statutarii frustra nituntur. Verum quidem est, quod mobilia sæpe ex loco domicilii æstimentur, de quo in sequentibus erit dispiciendum, sed quod semper hoc fieri debeat, licet jus aliis quæsitum obstet, illud utique gratis & dicitur & creditur.

§. 24. Apud Ultrajectinos, ex contractibus mariti, uxor obligatur, contracto ære alieno, conjuges migrant in Hollandiam, ibique, marito mortuo, uxor, ab onere illo se liberatura, bonis renunciat eo modo, qui in Hollandia, excludendo æri alieno, sufficit, quæritur, an hoc obstat Creditoribus Ultrajectinis? quod negandum, nam jus semel legitime quæsitum, per leges alieni Territorii, invitis auferri non potuit.

§. 25. Per mores Hollandorum nullius momenti est inita, absque viro auctore, obligatio, ut ne quidem, à morte viri, uxor ex illa teneatur: per leges vero Ultrajectinorum, jus Creditori non redditur, constante matrimonio, acturo tamen efficaciter in mulierem, eo dissoluto. Uxor sine marito, Ultrajecti contrahit, ac, collocato postmodum apud Hollandos domicilio, maritus moritur, num mulier Ultrajectini Creditoris actionem, ex novi domicilii lege, elidet? nequaquam, ob rationem anteadatam. Vice versa, uxor Hollanda, absque marito contrahens, translato Ultrajectum domicilio, post mariti obitum, conveniri non poterit, ex actu enim simpliciter invalido, obligationem, sine novo habilique consensu, ei imponere non licet, *vid. RODENB. d. tr. tit. 4. c. 1. n. 7. seqq. c. 2.*

§. 26. In hunc censum etiam referri debent illæ dispositiones, quibus personarum conditio civilis, sine respectu ad certas res, definitur, hinc qui juxta leges certi loci, minor, prodigus, major, nobilis

similisve conditionis est, is ubique pro tali habetur, nam utut illa conditio sæpe in actus alibi celebratos influat, attamen ipsa conditio in se spectata, plane absoluta & perfecta est, hinc alibi quoque, non ex sola comitate & humanitate, sed arctiori legis naturalis vinculo, observari debet, ea tamen, quæ illi non insunt, utut eam plerumque comitentur, aliorum arbitrio subfunt.

§. 27. Ex eo autem, quod *ille qualitates sint ἀναγκαῖον, ὅσibus quasi inherentes*, frustra rationem desumeris, sed illa ratio leguleja ac invalida est, licet nec HUBER. *in positi. ad ff. de LL. n. 30.* ab ea abstineat. De cætero supponendum est, quod definientes liberum hic habuerint arbitrium, hinc si is nobilitatem conferat, cujus jus dubium, aut ille, qui sui juris non erat, alibi eam impetret, obtenta nobilitas, propria vi, alibi non valebit, *vid. KULPIS. ad Monzamb. p. 2. c. 5. §. 27. p. 183. STRYK de diff. spons. Sect. 5. §. 46. conf. infra l. 3. c. 3. §. 18.*

§. 28. Effectus autem is est, ut ille, cujus conditio legibus patriis definita est, alibi actus omnes possit celebrare aut non suscipere, quos ejus conditionis homines peragere aut non peragere domi possunt, *vid. RODENB. d. tr. tit. 1. c. 3. tit. 2. c. 1.* hinc in specie filiusfam. Frisius, qui juxta leges patrias testari nequit, nec in Hollandia, ubi id alias licere dicitur, valide testabitur, ut minus recte dissentiat HUBER *in prælect. d. l. n. 13.* ideo quod *leges afficiant omnes eos, qui sunt in aliquo territorio, nec civile sit, ut Batavi de negotio apud se gesto, suis legibus neglectis, secundum alienas judicent*, nam, quare leges propriæ hic vim perdant, jam indicatum est, quia scilicet id, quod alii suo jure egerunt, ab aliis quoque servandum est. Sic maritus, qui eo loco habitat, ubi pro suis debitis, uxorem obligandi potestas ipsi non competit, nec eam obligare poterit, si illis in locis contrahat, ubi pro maritorum debitis uxores obligantur, *vid. RODENB. d. tr. tit. 3. c. 1.*

§. 29. Liceat adjicere exemplum actus illiciti: Commisit quis certo in loco delictum; v.g. adulterium, alibi deprehensus, vel post præviam oblationem, vel, quæ praxis Gentium est, statim inquisitioni subjicitur, quæritur, cujus loci leges, si dissonent, observari debeant? sine dubio leges loci, ubi delictum perpetratum, quod si tamen in loco deprehensionis leges sint mitiores, juxta has delinquentem punire, nihil vetare videtur, *v. OBSERV. LAUT. Observ. 155. n. 2.*

§. 30. Quæ

§. 30. Quæ de valore actuum perfecte celebratorum diximus, illa vera esse etiam eo casu, quo agens domicilium mutat, ex exemplis allatis jam intelligitur. Aliud dicendum est, si actus vel ex futura voluntate pendeant, vel postea demum suscipiantur, nam tum ex legibus novi domicilii, eorum valor æstimandus erit, nulla enim apparet ratio, cur exteras leges propriis hic præferre debeamus, & nimis molestum foret, ideo alterius territorii, & cujus jam nihil amplius interest, leges, quoad novum subditum, in actibus futuris, sequi, quod hic illi aliquando fuerit subiectus. *vid. §. 15.* Exemplis rem iterum illustrabimus.

§. 31. Si quis, qui hætenus in sua civitate, post annum 21. major fuit habitus, in aliud territorium, ubi observatur definitio juris Romani, concedat, is deinceps ex legibus novi domicilii, minor erit, & vice versa, *vid. RODENB. d. tr. tit. 2. c. 1.* licet enim, ceu diximus §. 26. definitio ætatis sit actus perfectus, hoc tamen saltem verum est, quamdiu durat primum domicilium, at, hoc mutato, ab illa definitione disceditur, nam uti hoc manifeste satis vult mutans, ita prioris Reipublicæ non amplius interest, qua conditione suus olim civis deinceps vivat. Aliquando tamen prior conditio, v.g. nobilitas, in novo domicilio toleratur, quamvis, & eam tolli posse, dubitandum non sit.

§. 32. Non minus etiam, mutato domicilio, mutatur jus succedendi ab intestato, in quantum hoc à domicilii legibus dependet, modo mutatio non fraudulenta, quod non facile asserendum, *vid. RODENB. d. tit. 2. c. 2.* Testamenta etiam huc pertinent, circa hæc autem diversorum territoriorum leges discrepant, vel quoad *formam* seu *solenitates*, vel quoad *materiam* sive *substantiam*, ut nonnulli loquuntur.

§. 33. Priori respectu domicilii mutationem nihil operari, sed testamentum v.g. coram duobus testibus, in priori domicilio vel loco, valide conditum in novo etiam domicilio valere, licet hic longe major solennitas requiratur, post alios censet RODENB. *d. tit. 2. p. 2. c. 3.* quia *in actus cujusque solennitate spectandus sit locus, ubi is conficitur.* Enimvero hæc ratio aliquando quidem, sed non semper vera est, hinc hoc loco manifeste supponit illud, de quo quæritur, adeoque, cum illa, vulgaris sententia rejicienda est.

§. 34. Nimirum tria vulgo non satis distinguunt. Si (1.) testamentum in aliquo loco, de rebus isti loco subjectis, rite conditum, ac morte testatoris confirmatum sit, tum, illud ubique valere debere, ex iis, quæ antea disputavimus, satis apparet, si autem (2.) de rebus alibi sitis conditum, morte tamen testatoris itidem confirmatum sit, tum ex humanitate ab aliis illud observari solet, de quo postea videbimus. At si (3.) testator adhuc vivat, tum falsum penitus est, quod testamentum ita validum sit, ut mutatio domicilii ei non noceat, cum enim illud nondum absolute perfectum sit, sed à voluntate testatoris, quovis momento mutabili dependeat, ipsomet RODENBURGIO *d. tit. 2. c. 4. n. 1. tit. 4. c. 2. n. 3.* id agnoscente, adeoque in effectu actus futurus sit, qua veri specie, ab actu futuro, auctoritatem legum novi domicilii removebimus? *v. §. 15.*

§. 35. Non valebit igitur testamentum, si à solennitatibus novi domicilii abeat. Idem dicendum, si quoad materiam leges illæ dissentiant, quod vulgo etiam concedunt. Testamentum itaque extra Saxoniam conditum, corrui quoque Geradam, si testatrix, mutato domicilio, in Saxoniam concedat ibique moriatur, ceu iudicatum apud CARPZOV. *p. 2. C. 14. D. 3.* Alia exempla refert RODENB. *d. tit. 2. c. 4.* qui tamen, dum, in exemplo testamenti, causam invaliditatis, ab incapacitate hæredis repetit, rationem nullam reddit, sed potius id, de quo quæritur, supponit.

§. 36. Aliquando tamen actus, etiam post mutatum domicilium, ex legibus domicilii prioris æstimabitur, si scilicet legibus novi domicilii, voluntate privatorum obrogari queat. Sic si in aliquo loco, communio inter conjuges obtineat, illa perdurabit, si in locum, ubi communio ignoratur, hi concedant, modo lex prohibitoria non obstat. Vice versa, si ex loco, in quo conjugale bonorum consortium haud frequentabatur, in alium locum, ubi id in usu est, commigrent, non tamen statim inter eos obtinebit, si scilicet, non ex lege, sed conventionibus dependeat, *vid. RODENB. d. t. 2. c. 4. n. 3.*

§. 37. Superest *casus & regula tertia.* Ex hujus præscripto *leges certi loci, in aliena Territoria regulariter non valent, v. §. 11.* Circa quod caput, id etiam observandum, ineptam esse gratificationem, qua, cum insigni nostro incommodo, exteris legibus valorem apud

nostruimus, si nulla omnino gratificandi causa subsit. Exemplum est in servitute Romana: Capti, ex lege hostium civili, fiebant servi, quam sanctionem in sua quoque civitate admittebant Romani, sed absurdæ gratificationis mox eos prenituit, hinc legem hostilem, infulsis L. Corneliæ & juris postliminii fictionibus, maximam partem iterum eluserunt, quarum ineptiarum hodie nullum esse usum, arbitror, *vid. DISSERT. de fiction. §. 9. seqq. OBSERV. LAUT. Obs. 849. 1443.*

§. 38. Sed transgrediamur ad exempla utilia, in quibus valor legum, in aliis Territoriis aliquando admittitur, aliquando negatur, prout causæ gratificandi vel adsunt, vel deficiunt. Testamentum, juxta solennitates certalicujus loci, conditum, testatore mortuo, *v. §. 34. n. 2.* valet ubique, tam quoad bona mobilia, quam immobilia, modo testator liberam de his omnibus habuerit disponendi facultatem, *vid. HUBER. prælect. d. l. n. 4. §. RODENB. d. tr. tit. 2. c. 3.*

§. 39. Ratio valoris, ab ultronea aliarum gentium admissione, dependet, causæ vero, quæ ad hanc comitatem, alias gentes permoveant, hæc sunt: (1.) Solennitates testamentorum ideo saltem requiruntur, quo appareat, omnia sincere & sine fraude esse peracta, quando igitur modus aliquis, certo alicui populo, qui prudentiæ civilis opinionem utique pro se habet, probatur, eum aliæ gentes merito admittunt, maxime cum (2.) harum nullum esset præjudicium, nec (3.) facile sit testatori, juxta solennitates variorum locorum, in quibus bona sita sunt, testamentum ordinare. Rationes, quæ ex legibus civilibus *v. g. l. 6. ff. de cuius. l. 3. in fin. ff. de testib. l. 2. C. quem. testam. aper. l. 9 in fin. C. de testam. desumuntur, vid. VINN. Select. qu. l. 2. c. 19.* nihil probant.

§. 40. Aliter se res habet quoad testamentorum materiam, circa hanc statuta extranea, non perinde alibi vim habere solent, *v. HUBER. d. l. n. 15.* hinc si maritus uxorem ex assè hæredem scribat, hoc testamentum non valebit quoad bona, in iis regionibus sita, in quibus omnis inter conjuges gratificatio est inhibita, *vid. RODENB. d. tr. tit. 2. c. 5. n. 1-6.* nam cum hujusmodi leges, utilitati Territoriorum sint attemperatæ, per admissionem legum extranearum turbari non debent. Quod si etiam Reipublicæ extræ non intersit, suas leges alibi admitti, admissio recte negabitur: contrariæ vero rationes contrarium solent habere effectum.

§. 41. Adjiciemus rei illustrandæ alia exempla: Testamentum de rebus immobilibus alibi sitis, conditum, non valebit, si facultas testandi in ea regione sit adempta. Idem est, si homo quatuordecim annorum testetur, nam hæc voluntas haud habebit effectum quoad immobilia, in ea regione sita, ubi major ætas ad testandum requiritur, RODENB. *d. c. r. n. 3. 7. 7.* Nec obstat ultimo exemplo, quod definitionem ætatis, ubique valere dixerimus §. 26. nam nec hic eadem turbatur, sed facultas testandi, quæ pubertati necessario non est innexa, saltem alicui adimitur, quod fieri posse, exemplo Majorennium intelligitur, qui in diversis regionibus, non eadem quoad res suas potestate gaudere solent, utut majores ubique habeantur.

§. 42. Juxta leges Hollandorum, inter conjuges bonorum est communio, hanc etiam ad bona in Frisia sita extendi, licet in hac quaestuum saltem & damni sit societas, existimat HUBER. *in prælect. d. l. n. 9. 10.* Sed quantis illa res involuta sit interpretum disceptationibus, liquet extraditis RODENB. *d. t. 2. c. 5. n. 12. 13. 14.* Ego tamen, si lex prohibitiva non obstat, sententiam allatam, probabilem puto, cum enim Frisiam non intersit, utrum in bonis ibi sitis, domini dominium separatum, an commune habere velint, hinc exteras leges, sine præjudicio, admittere illa poterit. Ob eandem rationem, in casu converso, ubi scilicet in loco domicilii, communio ignoratur, bona alibi sita non communicantur, *vid. RODENB. d. c. r. n. 15. tit. 2. p. 2. c. 4. n. 5.*

§. 43. Circa res mobiles, legum extranearum autoritas admitti solet, est enim tritum interpretum statutariorum dictærum: *res mobiles regi legibus domicilii, ubicunque illæ sint sitæ*, cujus tamen non ea ratio est, quod *res mobiles in loco domicilii existere censeantur*, *vid. RODENB. d. tr. tit. 1. c. 2. in fin.* nam hæc mera fictio est, quam liberis gentibus frustra opposueris; sed quod *aliæ civitates, ex comitate, leges exteras admittant*, ad hanc vero, conditio rerum, ipsas permovet, cum enim res mobiles à domino, ad locum domicilii, revocari queant, nec stabilem alibi habeant sedem, hinc facile ab iis, penes quos illæ existunt, admitti potuit, ut domicilii leges, circa eas observentur.

§. 44. Neque tamen hoc adeo perpetuum est, ut non aliquando leges domicilii, vim suam alibi perdant: Hypotheca conventionalis

nalis antiquior in re mobili, dat prærogativam in Frisia, etiam contra tertium possessorem, sed non apud Batavos; agit aliquis ex tali hypotheca, in Hollandia adversus tertium possessorem; non audietur, quia jus illi tertio, juxta leges rei sitæ, quæsitum, per leges alieni territorii non debet auferri, *vid. HUBER. d. l. n. 11. RODENB. d. tr. tit. 2. c. 5. n. 16. p. 92. in fin.*

§. 45. Prærogativa Creditorum concurrentium, ex legibus domicilii debitoris, quoad bona mobilia, æstimatur, adeoque illarum valor alibi quoque admittitur, *vid. CARPZ. p. 2. C. 28. D. 9.* nec tamen perpetuo, seu ex §. præcedente intelligitur; Hypotheca vero, juxta certi alicujus loci leges, generaliter constituta, ad bona immobilia alibi sita, non extenditur, *vid. RODENB. d. c. 5. n. 16. 17.* cum enim tam interesse publicum, quam aliorum jus hic intercedere queat, non consultum fuerit, intempestiva gratificatione, querelis & confusione ansam præbere.

§. 46. In successione ab intestato, mobilia ubicunque sita, reguntur legibus domicilii defuncti, atque ita harum autoritas alibi etiam admittitur, ob rationem §. 43. exhibitam. Aliter se res habet in immobilibus, nam circa hæc successio judicatur secundum leges loci, in quo illa existunt, cum enim hæc immotam habeant sedem, & defunctus succedendi ordinem arbitrio legum reliquerit, nulla sane apparet ratio, cur leges extraneæ propriis sint præferendæ, *v. RODENB. d. tr. tit. 2. c. 2.* Nomina non indistincte, jure mobilium erunt censenda, sed, pro diversitate objecti, mobilibus & immobilibus annumerabuntur.

§. 47. Contractus, juxta solennitates certi alicujus loci, celebratus, valebit etiam in iis locis, ubi bona sunt sita, licet in his alia solennitas desideretur, modo contrahentes liberam contrahendi habuerint facultatem, nam obtinent hinc, quæ §. 38. 39. proposui. Quod si vero statuta circa materiam contractus dissentiant, tum, quoad mobilia alibi sita, prævalebunt leges domicilii vel contractus celebrati, ob rationem §. 43. datam, sed quoad immobilia, leges rei sitæ erunt potiores, juxta §. 40. tradita.

§. 48. Debitor obærat, relictis fortunis, solum vertit, & in loco domicilii processus instituitur, an Curator bonorum, etiam res alibi sitas,

sitas, venum proscribere poterit? dicendum hoc videtur, *continentia* tamen *causæ*, quæ, apud eundem judicem, super universis debitoris facultatibus, creditorum contentionem peragi ac decidi postulet, vid. RODENB. d. tr. tit. 2. c. 5. n. 16. p. 91. invalide liberis gentibus opponitur, hinc ab *ultronea admisione*, rei hujus ratio quoque desumi debet, ad istam tamen comitarem, Gentes laudata illa continentia permoveri, recte dicitur.

§. 49. Sed quid dicendum, si is, qui ex suo loco, juxta hujus solennitates, in res alieni territorii egit, in hoc se conferat, ibique domicilium vel de novo constituat, vel, quod jam ante habuit, continuet, num & tum actus valebit? Interesse puto, utrum *actus perfecte sit celebratus*, an ex futura voluntate adhuc pendeat, illo casu valebit, hoc, non, per ea quæ dixi §. 30. 33. 34. nam illa etiam huc applicari possunt.

§. 50. Ex quibus in specie sequens casus facile deciditur: Frisius proficiscitur in Hollandiam, ibique facit testamentum, more loci, contra jus Frisicum, reddit in Frisiam ibique diem obit, valetne testamentum? valebit ex sententia HUBERI in prælect. ad ff. l. 1. tit. 3. n. 4. quia dum fuit in Hollandia, licet ad tempus, jure loci tenebatur, actusque ab initio validus, ubique valere debet. Sed eum falli, ac testamentum illud, esse invalidum, ob rationes antea datas, plane arbitror.

§. 51. Hactenus disquisivimus, quousque actus, juxta leges aliqujus loci, valide celebratus, quoad bona alibi sita, valeat aut non valeat. Sed nunc ex converso quæri potest, an actus, certo in loco invalide gestus, quoad bona alibi sita, valeat, si solennitates cæteraque, quæ locus situs requirit, observata sint? affirmare id non dubito, nulla enim, legibus exteris gratificandi, hic subest causa, & quid interest exteræ Reipublicæ, si is, qui apud eam, morali æstimatione, nihil egit, alibi valide egisse dicatur? cum igitur, juxta regulam nostram tertiam, in dubio legibus extraneis valor sit abjudicandus, idéo, actum, in casu præsentis, valere, dicendum est.

§. 52. Contractus igitur, derebus, etiam mobilibus, alibi sitis, initus eo loco, ubi de iis contrahere licitum non erat, in loco rerum sitarum valebit, si in hoc nulla occurrat prohibitio, nam illius Reipublicæ non interest, quid hæc de rebus suo imperio subjectis, statuat. Quod si

Quodsi tamen contrahentes, merces prohibitas, in locum contractus, transferant, huic quoque integrum erit suo jure uti, & contractum rescindere.

§. 53. Aliud exemplum. Frisius vel Batavus, in Frisia facit testamentum, coram Notario cum duobus testibus, de rebus in Hollandiâ sitis. Profertur illud in Hollandia, ibique bona sita petuntur, non fiet adjudicatio, quia testamentum inde ab initio fuit nullum, utpote factum contrajusloci, judice HUBERO *d. l. n. 4.* Geminum est, quod profert IDEM *n. 14.* Frisius 17. annos natus, ac domi testamenti factionem habens, Groningæ, quo, discendæ pharmaceticæ causa, se contulerat, testatur, ubi illius ætatis hominibus testari non licet, testamentum nec in Frisia valebit. Verum uti fatetur HUBERUS in ultimo exemplo, quod judicum suffragia minime consenserint, ita in utroque testamentum validum dicendum esse existimo. *add. RODENB. d. tr. tit. 2. c. 3. n. 2.*

§. 54. Apud Ultrajectinos donatio Conjugum est invalida, valebit tamen illa quoad res in Hollandia sitas, ubi donatio non prohibetur, RODENB. *d. tit. 2. c. 5. n. 2. 5.* Geldro, juxta consuetudinem Patriæ, non licet testari de rebus allodialibus, de bonis tamen, extra Geldriæ limites, constitutis, testamentum condere, ei integrum erit, *Id. d. l. n. 4.* Si maritus statuto prohibeatur immobilia, citra uxoris consensum, alienare, alienatio tamen, posita inter conjuges communiione, quoad prædia extera, erit valida, *Id. d. l. n. 9. 10.*

§. 55. Formabimus adhuc aliud exemplum ex iis, quæ RODENBURG *tit. 4. c. 1. n. 8.* alio fine affert. Per mores Hollandorum absque Viro auctore, mulier se obligare nequit, adeo ut ne quidem, à morte Viri, illa teneatur: Per leges vero Ultrajectinorum, jus Creditori non redditur constante matrimonio, acturo tamen efficaciter in mulierem, eo dissoluto. Fac uxorem Hollandam, in Hollandia, de rebus Ultrajectinis, contraxisse, an post mortem mariti, in loco rei sitæ, efficaciter illa conveniri poterit? sic dicendum putamus, & differt hic casus ab eo, quem §. 25. rerulimus.

§. 56. Summa igitur hæc tenus dictorum hæc est: si in aliquo loco, civis vel forensis aliquid gerat, tum si illi loco, & agentium arbitrio, omnia subsint, leges loci observari debent; Id porro, quod se-

cundum leges illas valide aut invalide gestum est, vel inde amplius dependet, valet aut non valet ubique; Quodsi vero civis vel forensis ex loco suo, in res alibi sitas, agat, tum, harum respectu, leges loci non valent, nisi in quantum, ex comitate, exteri valorem admiserint.

§. 57. Ex partitione, quam hactenus secuti sumus, hoc etiam apparet, non opus esse, ut de *casu mutati domicilii* seorsim agamus, de quo sollicitus est RODENBURG. *d. tr. tit. 2. part. 2.* Nam in iis, quæ quis in suo domicilio, de rebus huic subjectis, suscipit, domicilii leges sunt observandæ; Porro quæ juxta hujus leges, valide aut invalide sunt peracta, illa valent aut non valent ubique, adeoque etiam in novo domicilio, in futuris vero, ex legibus novi domicilii pender; Sicutem vel in antiquo domicilio olim egerit, aut in novo agat in res alibi sitas, tum legum neutrius domicilii erit aliqua autoritas, nisi in quantum exteri ex comitate eam admiserint.

§. 58. Non minus etiam liquet, de pactis, quibus statutorum jurisque hinc dependentis diversitati, obviam eatur, non esse seorsim agendum, licet de eo etiam satagat RODENB. *d. tr. tit. 3. 4.* nam in genere leges sunt vel *obligantes* vel *permittentes*, contra illas nihil operari poterunt pacta privata, harum verum effectum temperare & mutare conventionibus licebit, quæ omnia, juxta tres respectus antea memoratos, casibus obvenientibus, applicari debent, ac in præcedentibus, pro instituti ratione applicata sunt.

§. 59. Hactenus dicta pertinent ad leges diversorum Territoriorum; sed non raro, in eodem Territorio, diversa statuta localia occurrunt, quæri ergo poterit, num ad hæc etiam doctrina proposita applicari queat? Dicendum hoc puto, rationes tamen factæ decisionis non præcisè ex jure Gentium, ut hactenus factum, deduci debent, sed ex voluntate Legislatoris, ex qua statutorum localium valor ultimo dependet, compendiosius repeti possunt.

§. 60. Dubitandum igitur non est, quin in iis, quæ municipio subsunt, leges municipales, etiam à non municipibus, sint observandæ, hoc enim vult Legislator. Porro quæ juxta leges municipales, de re, iis subjecta, valide aut invalide gesta sunt, valebunt aut non valebunt in toto Territorio, nam hoc non tantum regulæ æquitatis antea inculcatæ exigunt, sed & Legislator omnibus suis subditis imperat.

rat. Denique si ex municipio aliquo, in res alibi sitas, agatur, legum municipalium nulla erit autoritas, nisi in quantum hoc Legislator voluerit, quæ voluntas, ex circumstantiis antea memoratis, probabiliter quoque colligitur.

CAPUT XI. DE REBUS MORALIBUS SIVE INCORPORALIBUS.

SUMMARIA.

Legum effectus sunt res incorporales §. 1.
 De iuribus juris Romani, parum solida est §. 2.
 Idem dicendum de tractationis ordine §. 3.
 Res incorporales in ius & obligationem, summam resolvuntur §. 4.
 Utriusque varietas §. 5. 6. 7. 8. 9. 10. 11.
 Iurium separata divisio §. 12.
 Sex species generaliores constituendæ videntur §. 13.
 Distinctio iuris rerum §. 14.
 Jus reale & personale §. 15.
 Effectus aliis iuribus est communis §. 16.
 Hinc intelligendo juri reali & personali, obiectum est considerandum §. 17.
 Monitum quoad species juris realis §. 18.
 Jura sunt vel ordinaria vel extraordinaria §. 19.
 Privilegiorum varietas §. 20.
 Obligationum diversitas §. 21.
 Res morales, sine lege, non dantur §. 22.
 Cadunt tantum in homines §. 23.
 Non bruta aut res inanimatas §. 24.
 Transmissio iurium & obligationum, alieno loco, ab interpretibus tractatur §. 25.
 Ac huc pertinet §. 26.
 De transmissione iurium & obligationum communium non queritur §. 27.

Sed specialium, cum regula generali de iurium transiitione §. 28.
 Monitum de transmissione obligationum §. 29.
 Regula de obligationibus contractuum §. 30.
 Et delictorum juxta æquitatem §. 31.
 Sententiam juris Romani §. 32.
 Quæ quodammodo iniqua §. 33.
 Objectum rerum incorporalium sunt res corporales §. 34.
 Harum varietas §. 35.
 Ac diversæ denominationes, à rebus moralibus oriundæ §. 36.
 Exinde habitus personarum rerum incorporalium & corporalium ostenditur §. 37.
 Quæ semper in Jurisprudencia cohererent §. 38.
 Vulgare carmen, de tribus juris obiectis, rejicitur §. 39. 40. 41.
 Ac ejus generis alia dogmata examinantur §. 42.
 43. 44. 45. 46.
 Rerum moralium effectus §. 47.
 Exinde existunt personæ morales nec non status §. 48.
 Qui singula jura consequitur §. 49.
 Alio tamen sensu illa antecedit §. 50.
 Quousque cum societate conveniat §. 51.

§. 1.



Atis ita persecuti sumus, indolem & varietatem Legum, intuitu Germaniæ. Dispiciendum nunc est, de earum *effectu*, sive rebus moralibus aut incorporalibus, v. c. 3. §. 20. quæ disquisitio eo magis necessaria est, quo minus illa vulgo vel loco proprio institui, vel, in usum Jurisprudentiæ & vitæ civilis, adæquate satis peragi, imo quo magis illa negligi, distrahi, variisque erroribus, per universam Juris artem, male diffusis, corrumpi solet.

§. 2. Res incorporales, ex doctrina Romanorum, sunt, *quæ tangi non possunt & in jure consistunt*, §. un. I. de reb. corpor. l. 1. §. 1. de divis. rer. sed hac definitione non multum profeceris, nam negativa & obscura illa est, hinc etiam interpretes miros sibi hic formant conceptus, dum res incorporales, *natura esse & extra considerationem juris subsistere* arbitrantur, ne scilicet, si secus sentiant, *ideæ Platoniciæ & entia rationis*, illæ evadant, v. VINN. in not. & comment. ad d. §. un. I. de reb. corpor. imo nonnullos præjudicia adeo transversos agunt, ut, distinctionem, in res corporales & incorporales, hodie nullius usus esse, contendant, ceu de Hotomanno & Voetio restatur HUBER. in posit. ad I. de reb. corpor. & incorpor. n. fin.

§. 3. Sicut autem doctrina nullius est momenti, ita ex ordine falsos conceptus etiam colligere licet; Nam de rebus incorporalibus agunt, quando divisiones rerum corporalium persequuntur, vel etiam eas tradunt, quando de acquirendo rerum dominio sunt solliciti, vel in media Jurisprudentia, aut sub ejus finem, explicationem obligationis moliuntur. Quasi scilicet res incorporales, cum corporalibus, eadem classe censendæ, & perinde ac hæ, objectum dominii essent, vel etiam in certa aliqua Jurisprudentiæ parte tantum occurrerent, cum tamen sint objectum Jurisprudentiæ formale, ac cum rebus corporalibus, velut objecto materiali semper concurrant, & per universam Juris disciplinam sint diffusæ, adeoque earum indoles sub initium statim, seu, in parte Jurisprudentiæ præliminari, explicanda sit.

§. 4. Mittamus ergo ista! Res morales ita dicuntur à moribus i. e. externis actionibus humanis, quas formare & dirigere debent, hinc etiam illa denominatio, nomine rerum incorporalium, concinnior

nior est. De cætero universus earum conceptus, in *Jus & Obligationem* resolvitur; *Jus* est *facultas moralis licite & secure aliquid habendi, agendi, vel ab aliis postulandi*. Obligatio est *vinculum legis, homines ad agendum & patiendum obstringens*.

§. 5. *Jus & Obligatio regulariter, ut correlata, concurrunt, hinc eorum varietas etiam, ex parte, conjunctim explicari potest*. Obligatio igitur (de jure idem intelligendum) ratione (1.) *originis*, est vel *divina*, quæ à legibus divinis, vel *humana*, quæ ab humanis dependet. Hæc apud Romanos est iterum vel *civilis*, vel *prætoria*, §. 1. *I. de Oblig.* sæpe tamen lex civilis & Prætor, non tam novas obligationes introduxit, quam naturales potius asseruit & confirmavit.

§. 6. Deinde (2.) ratione *existentiæ*, obligatio est vel *connata*, quæ sine speciali facto, ad hoc directo, existit, v. l. 3. §. 1. *ad exhib. l. 7. C. eod.* vel *adventitia*, quæ ex lege humana, vel facto speciali oritur, v. l. 52. *de O. & A.* (3.) ratione *efficaciæ*, est vel *perfecta*, ad cujus implementationem quis cogi potest, vel *imperfecta*, quam coactio non sequitur.

§. 7. Prior dici solet *mixta*, vel etiam *civilis*, l. 7. §. 2. *de pact.* posterior vero est, vel *mere civilis*, quæ summo strictoque jure, sed non juxta æquitatem, obtinet, ac hodie est inane nomen, vid. OBSERV. LAUTERB. *Observ.* 1141. vel *naturalis*, quæ iterum est vel *minus plena*, cujus executio cujusvis pudori relinquitur, quæque nullum effectum externum, contra invitum, habet, v. l. 25. §. 11. *de hered. pet. l. 54. §. 1. de furt.* vel *plena*, ob quam non quidem actio in foro conceditur, quam tamen alii effectus, ut retentio, l. 64. *de condict. indeb.* compensatio, l. 6. *de compens.* sequuntur.

§. 8. Hodie obligatio naturalis plena, rarior est, vel potius plane cessat, nam solenne exemplum obligationis, ex pacto nudo descendente, non occurrit, obligatio vero filiisam, quæ ex mutuo asseritur, vel etiam pupilli sine tutore contrahentis, vix congruum exhibet exemplum, cum revera nulla obligatio adsit; Idem dicendum de obligatione fidejussoris, solidum, vel ante debitorem principalem, solventis, nam illa obligatio non naturalis, sed mixta est: Et in universum leges civiles nostrates ita agere solent, ut vel ortum obligationis naturalis plane impediunt, vel earum executionem conscientia cujusvis relinquant, vel eas, ad effectum agendi, confirment.

§. 9. Cum igitur obligatio mere civilis non occurrat, obligatio naturalis plena, vel itidem non detur, vel perfecta, five mixta & civilis, sit, ideo, juxta usum hodiernum, divisio tertia, sic explicanda est: obligatio est vel *perfecta*, juxta definitionem §. 6. & talis regulariter quævis dicenda, donec probetur exceptio, vel *imperfecta*, cujus executio pudori & conscientiae cujusvis relinquitur.

§. 10. Existit autem illa, vel ob conditionem *objecti*, quando scilicet indoles societatis civilis, aliquam præstationem præcise non exigit, cujus generis sunt officia humanitatis, beneficii & gratitudinis, vel *subjecti*, quando is, qui obligatus est, nulli imperio & coactioni subest, hinc obligationes Summorum Imperantium sunt imperfectæ quoad subditos quales tales, nam si hi justa defensione aliquando contra illos insurgant, eosque ad explendam obligationem adigant, tum non pro subditis, sed populo libero, haberi debent.

§. 11. Porro (4.) ratione *durationis*, obligatio est vel *perpetua*, quæ semper obtinet, vel *temporalis*, quæ ad tempus durat; Connata, regulariter perpetua est, adventitia vero, temporalis (5.) *objecti*, est obligatio *dandi*, quæ rei præstationem, & *faciendi*, quæ facti cujusdam exhibitionem exigit, v. l. 14. 72. 75. §. fin. l. 76. § 4. 112. de V.O.

§. 12. Hactenus varietatem jurium & obligationum conjunctim declaravimus, sed debent illa etiam separatim considerari. Jura vulgo solent distingui in *jura personarum*, quæ intuitu societatis civilis, sine rerum certarum consideratione, hominibus competunt, & *rerum*, quæ de rebus, ipsis tribuuntur. Sed ista divisione non multum forte profeceris, nam primum ejus membrum, nimis videtur generale, præterea incongrua quoque ejus est denominatio, nam omnia jura, etiam rerum, personis competunt, adeoque jura personarum dici possunt, ut ista appellatio, certis iuribus tributa, nec ratione niti, nec evidens esse videatur.

§. 13. Interim fateor, non satis expeditum esse, quomodo tot varia jura, ad summa genera revocari queant: Forte sex jura generalia, ad quæ cætera omnia redigere liceat, constitui possunt. *Humanitas*, propter quam officia charitatis ab aliis petimus, *Inviolabilitas*, quæ securitatem ratione vitæ & corporis, pollicetur, *Libertas*, vi cujus actiones nostras, pro lubitu, suspicimus. *Existimatio*, ob quam aliis æqua-

æquales, vel inferiores aut superiores sumus; *Imperium*, vi cuius aliorum actiones dirigimus, quodque aliorum subjectio ac conditio civilis sequitur, ac tandem *Jus rerum*, quod in rebus, ad exigendam hanc vitam necessariis ac utilibus, competit.

§. 14. De hoc vulgo solliciti sunt, mihi ita dicendum videtur: Est vel *Indeterminatum*, ob quod *quis aptus est*, ad res cum juribus suis acquirendas. Dicitur uno nomine *Commercium*, vel, si mavis, *jus commercii*, quod in quovis merito tamdiu præsumitur, donec restrictio probetur; Vel *Determinatum*, quod *certas res respicit*, hoc communiter saltem respiciunt, adeoque id in specie jus rerum dicitur.

§. 15. Ab effectu, jus rerum distingvitur in *reale*, quod est *jus*, quo aliqua res *corporalis*, sine respectu ad certam personam, nostra est, & *personale*, quod est *jus*, ob quod res vel factum, à certa persona debetur. Illud habet effectum contra omnes possessores, hoc saltem contra certam aliquam personam, & regulariter ejus hæredes: Illud etiam *jus in re*, hoc *ad rem* dicitur: Si jus reale & personale, diversis personis competens, contra eundem concurrat, illud præfertur.

§. 16. Illud observandum, diversum illum effectum, non esse proprium juri rerum, cujus intuitu ille vulgo saltem inculcari solet, sed potius omnibus aliis juribus communem, nam omnia jura, uti ratione ejus, cui competunt, involvunt facultatem licite quid agendi vel habendi, ita, si ad alios referantur, vel contra omnes, vel contra quosdam saltem habent effectum, adeoque necessario vel realia, vel personalia sunt, tertium enim non datur.

§. 17. Quo igitur penitus constet, quænam jura, pro personalibus aut realibus, haberi debeant, *objectum* eorum probe considerandum erit, nam si respiciant tale objectum, quod à persona obligata abire nequit, quale est *nude actionis exhibitio vel omissio*, aut etiam *quantitatis generisve præstatio*, tum quia de effectu erga tertium, quoad hoc quidem objectum, quæri nequit, satis est, si illa jura dicamus *personalia*: si vero tale concernant objectum, quod penes plures esse potest, quale est *certa quedam res vel species*, aut etiam *rerum universitas*, tum, pro diversa agentium & legis intentione, jura illa modo *realia*, modo *personalia* erunt.

§. 18. De speciebus juris personalis, nulla vel quæstio vel controversia occurrit, v. OBSERV. LAUTERB. *Observ.* 33. sed de speciebus juris realis, magna est, inter interpretes, concertatio. Communiter quinque species, *dominium, pignus, servitus, jus hereditarium & jus possessionis* adstruuntur, quam sententiam pluribus etiam defendi in OBSERV. LAUTERB. *Observ.* 32. Verum illa saltem procedunt, quatenus jus reale, unice ad jus rerum refertur, sed quia §. 16. 17. ostendi, quod hæc qualitas, ad alia etiam jura pertineat, hinc species juris realis, numero illo quinario, abrupte nimis constringere non licebit. Inprimis ergo jura, quæ ex imperio descendunt, ac privatis, ad instar aliorum jurium, concedi solent, ut Jurisdictio, jus patronatus similiaque, in istam classem etiam referri debent, id quod vulgo quoque agnoscunt, dum illa servitutibus fere annumerant.

§. 19. Præterea observandum, quod jura & obligationes adventitiæ, vel juxta consuetas in vita civili regulas acquirantur, vel præter eas, ex certa causa, singulari ratione, concedantur aut imponantur, illa dicuntur *ordinaria*, hæc, *extraordinaria* seu *privilegia*. Vulgo quidem hæc ad leges referunt, sed sunt potius illa legum effectus, nec opus est, ut eadem cum STRAUCHIO *dissert.* 1. §. 8. à jure *singulari* distingvamus.

§. 20. Decætero à *fine* distingvuntur in *favorabilia & odiosa*, à *subiecto in personalia*, quæ personis, & *realia*, quæ rebus, aut potius personis intuitu rerum, conceduntur. Dat eadem Imperans ob justas causas, & durant illa tamdiu, quamdiu voluntas concedentis & acquirentis durat, qua de re Scriptores proprii amplius consulendi, add. LAUTERB. *Comp. Jur. de constit. Princip.* Privilegiatus contra æque privilegiatum, non utitur jure suo, v. OBSERV. LAUTERB. *Obs.* 17. 18. sæpe in privilegiis vel impetrandis, vel concedendis, conscientia nulla habetur ratio.

§. 21. Hactenus de varietate jurium. Obligationum quidem etiam magna est varietas, sed plerumque nihilominus illæ nomen generis sui retinent, nonnunquam tamen speciale, ut subjectionis, Vassallagii & simile, assumunt. In genere observandum, quod obligationes sunt vel *generales*, quæ omnes afficiunt, ac cum aliis, tum præcipue juribus realibus, respondent, vel *speciales*, quæ jurium per-

sona-

jonalium, ex contractibus & delictis specialibus resultantium, sunt correlata. v. OBSERV. LAUTERB. *Observ.* 33.

§. 22. Obligationes dependent ex lege obligante, jura vero ex permittente, qui effectus posterior causæ suæ veritatem, à multis frustra negatam, satis ostendit. De cætero res morales, sine lege, non dari, apud earum peritos in confesso est, ac in Jurisprudentia Universalis latius doceri solet; Quando igitur juris Romani interpretes, *contractum per se & sua natura obligationem efficacem producere*, docent, id, nisi recte explicetur, falsum est. Producent autem leges, jura & obligationes vel immediate, vel mediate, occasione facti humani præcedentis.

§. 23. Tribuuntur res morales *hominibus* natis, & suo modo, nascituris, masculis & fœminis, minoribus & majoribus, personis singularibus & compositis. Quodsi autem usus rationis vel penitus vel certo modo in quibusdam deficiat, vel aliam ob causam rebus suis quidam præesse nequeant, tum vicariâ aliorum operâ, illi jura sua sustinent & exercent. De obligationibus dicere solent, quod earum *subjectum sint creditores & debitores*, quæ doctrina redolet præjudicium ex jure Romano haustum, quo obligatio tantum ad jus ad rem pertinere existimatur. v. OBSERV. LAUTERB. *Observ.* 1138.

§. 24. *Bruta* rerum moralium non sunt capacia, cum enim legis directionem non admittant, nec jura & obligationes, ex legibus venientes, recipere possunt. Multo minus igitur *res inanimata*, rerum moralium possunt esse subjectum, quamvis vulgo, magno consensu, jura nonnulla, ut privilegia & servitutes, rebus inhærere, doceant, nam non rebus, sed potius personis inuitu rerum, jura illa competunt, quæ, per loquendi compendium, rebus ipsis deinde adscribuntur. Quodsi alio sensu vulgaris doctrina accipiat, falsa utique est, de cætero usum præsentis observationis, in materia potissimum servitutum, conspiciere licet.

§. 25. Cum autem homines non sint immortales, & tamen utilitati generis humani minime conveniat, ut cum personis jura & obligationes moriantur, ideo, de horum in hæredes transmissione, non infrequens est quæstio. Tractant eam interpretes ad titulum *de Obligat. & action.* dum de transmissione actionum, tam activa quam

passiva, seu quoad hæredes Actoris & Rei, sunt solliciti. v. LAUTERB. *Com. Jur. de O. & A.*

§. 26. Enimvero nec ordo, nec tractandi ratio probari potest, cum enim illa transmissio, per universam juris disciplinam, se diffundat, doctrina, ejus generalis, non ad finem disciplinæ rejicienda, sed sub ejus initium potius proponenda est, præterea longe facilius solidiusque res intelligitur, si non de transmissione actionum, sed jurium & obligationum disquiramus, nec enim eadem terminorum utrinque est evidentia.

§. 27. Rem ipsam quod attinet, non quæritur de transmissione jurium & obligationum *communium*, quæ ad omnes pertinent, nam non opus est, ut jus aut obligationem transmissam asseramus, ubi quis jus illud jam habet, aut eadem obligatione obstringitur; hinc frustraneum est quærere, an v. g. obligatio, qua defunctus à læsione aliorum abstinere debebat, vel jus, quo idem officium ab aliis postulare poterat, in hæredem transeat.

§. 28. De transitione igitur jurium & obligationum *proprium*, qualia quidem, saltem adventitia esse videntur, quæstio est. De *juribus* hæc obtinet regula: *Jura regulariter in hæredes transeunt*, nam hoc communi mortalium affectui congruit; Nihil igitur refert, si ve jura sint realia sive personalia, ex conventionem vel delicto, l. i. §. i. *de priv. del.* quæsitæ. Quod si autem jura certam personam respiciant, tum transmissio cessat. Ex hoc genere non tantum est ususfructus, & jus ex injuria ortum, quæ vulgo adduci solent, v. LAUTERB. *C. J. de O. & A. n. 11.* sed & plerumque, existimatio & imperium; aliquando etiam præter regulam, arbitrio Legislatoris vel pacifcentium, jus alias transmissibile, ad certam personam restringitur.

§. 29. Circa *obligationes* id repetendum, quod modo diximus, nempe non quæri de *communibus* vel *generalibus*, hinc recte vulgo dicunt, quod *actiones reales & in rem scriptæ, in Rei hæredes, non transeant, sed hi, non qua hæredes, sed qua possessores*, i. e. non ex obligatione transmissæ, sed propria, *convenientur*, v. LAUTERB. *C. J. de O. & A.* Quod vero *proprias*, vel *speciales* attinet, descendunt illæ vel ex conventionem, vel delicto.

§. 30. De

§. 30. De prioribus hæc tenenda regula: *Obligationes ex contrahibus descendentes, in hæredes, si aliud non actum, transeunt*, cum enim illæ intuitu rerum constituentur, merito sequuntur eum, qui res accipit. Agnoscunt istam æquitatem Romani eamque etiam eo casu recte admittunt, quo nulla hæredum mentio facta, v. l. 38. de V.O. aut dolus defuncti intervenit, l. 12. 49. de O. & A. l. 7. §. 1. de pos. l. 157. §. 2. de R. J. modo obligatio ad *damnum resarciendum*, non *pœnam tendat*, §. 1. l. de perpet. & tempor. in qua adeo doctrina nihil merito desideres.

§. 31. De posteribus, juxta æquitatem, ita dicendum arbitramur: *Obligationes ex delictis venientes, quatenus damni restitutionem exigunt, in hæredes transire debent, quatenus pœnam pecuniariam, possunt, si ita lex civilis velit, quatenus pœnam corporis afflictivam, non debent*, vid. OBSERV. LAUTERB. *Observ.* 1146. Rationes sunt manifestæ; *damnum* ex bonis suis debebat delinquens resarcire, ergo merito hæc obligatio transit in hæredem, illa accipientem: pœna pecuniaria sine iniquitate quidem transmitti potest, nec tamen utilitas publica præcise hoc exigit, hinc, prout visum est legi, asseri & negari transmissio potest: Denique, ob delictum alienum, non esse alium in corpore suo affligendum, æquitas sat manifeste dicitur.

§. 32. De jure Romano, obligationes, sive rei persecutoriæ sive pœnales, in hæredes non transeunt, nisi ex delicto aliquid ad hæredem pervenerit, aut lis cum defuncto sit contestata, (in publicis tamen delictis, pœna, ne quidem post litem contestatam, in hæredes regulariter transmittitur, l. 20. ff. de accus.) aut obligatio alias specialiter excepta, ut furis, quæ in solidum in hæredes transit, vid. LAUTERB. C. J. de O. & A.

§. 33. In hac doctrina reprehendi non potest, quod de obligatione pœnali cautum est, sed quod transmissio obligationis rei persecutoriæ, regulariter quoque negetur, id sanæ rationi repugnat, ceu ex §. 31. liquet; Et cum ob delictum, in contractum incidens, transmissionem obligationis, asseruerint Romani, nullam utique ob causam, in casu delicti seorsim commissi, eam negarunt. Nec obest, quod hæres defuncti in delictis non repræsentet, v. HUBER. in posit. ad l. de temp. & perpet. action. n. 15. nam aliud est, *delinquere*; aliud;

fitas, venum proscribere poterit? dicendum hoc videtur, *continentia* tamen *causæ*, quæ, apud eundem iudicem, super universis debitoris facultatibus, creditorum contentionem peragi ac decidi postulet, vid. RODENB. d. tr. tit. 2. c. 5. n. 16. p. 91. invalide liberis gentibus opponitur, hinc ab *ultronca admisione*, rei hujus ratio quoque desumi debet, ad istam tamen comitarem, Gentes laudata illa continentia permoveri, recte dicitur.

§. 49. Sed quid dicendum, si is, qui ex suo loco, juxta hujus solennitates, in res alieni territorii egit, in hoc se conferat, ibique domicilium vel de novo constituat, vel, quod jam ante habuit, continuet, num & tum actus valebit? Interesse puto, utrum *actus perfectus sit celebratus*, an ex futura voluntate adhuc pendeat, illo casu valebit, hoc, non, per ea quæ dixi §. 30. 33. 34. nam illa etiam huc applicari possunt.

§. 50. Ex quibus in specie sequens casus facile deciditur: Frisius proficiscitur in Hollandiam, ibique facit testamentum, more loci, contra jus Frisicum, redit in Frisiam ibique diem obit, valetne testamentum? valebit ex sententia HUBERI in prælect. ad ff. l. 1. tit. 3. n. 4. quia dum fuit in Hollandia, licet ad tempus, jure loci tenebatur, actusque ab initio validus, ubique valere debet. Sed eum falli, ac testamentum illud, esse invalidum, ob rationes antea datas, plane arbitror.

§. 51. Hactenus disquisivimus, quousque actus, juxta leges aliqujus loci, valide celebratus, quoad bona alibi sita, valeat aut non valeat. Sed nunc ex converso quæri potest, an actus, certo in loco invalide gestus, quoad bona alibi sita, valeat, si solennitates cæteraque, quæ locus situs requirit, observata sint? affirmare id non dubito, nulla enim, legibus exteris gratificandi, hic subest causa, & quid interest exteræ Reipublicæ, si is, qui apud eam, morali æstimatione, nihil egit, alibi valide egisse dicatur? cum igitur, juxta regulam nostram tertiam, in dubio legibus extraneis valor sit abjudicandus, ideo, actum, in casu præsentis, valere, dicendum est.

§. 52. Contractus igitur, de rebus, etiam mobilibus, alibi sitis, initus eo loco, ubi de iis contrahere licitum non erat, in loco rerum sitarum valebit, si in hoc nulla occurrat prohibitio, nam illius Reipublicæ non interest, quid hæc de rebus suo imperio subjectis, statuat. Quod si

Quodsi tamen contrahentes, merces prohibitas, in locum contractus, transferant, huic quoque integrum erit suo jure uti, & contractum rescindere.

§. 53. Aliud exemplum. Frisius vel Baravus, in Frisia facit testamentum, coram Notario cum duobus testibus, de rebus in Hollandiâ sitis. Profertur illud in Hollandia, ibique bona sita petuntur, non fiet adjudicatio, quia testamentum inde ab initio fuit nullum, utpote factum contra jus loci, judice HUBERO *d. l. n. 4.* Geminum est, quod profert IDEM *n. 14.* Frisius 17. annos natus, ac domi testamenti factionem habens, Groningæ, quo, discendæ pharmaceuticæ causâ, se contulerat, testatur, ubi illius ætatis hominibus testari non licet, testamentum nec in Frisia valebit. Verum uti fatetur HUBERUS in ultimo exemplo, quod judicum suffragia minime consenserint, ita in utroque testamentum validum dicendum esse existimo, *add. RODENB. d. tr. tit. 2. c. 3. n. 2.*

§. 54. Apud Ultrajectinos donatio Conjugum est invalida, valebit tamen illa quoad res in Hollandia sitas, ubi donatio non prohibetur, RODENB. *d. tit. 2. c. 5. n. 2. 5.* Geldro, juxta consuetudinem Patriæ, non licet testari de rebus allodialibus, de bonis tamen, extra Geldriæ limites, constitutis, testamentum condere, ei integrum erit, *Id. d. l. n. 4.* Si maritus statuto prohibeatur immobilia, circa uxoris consensum, alienare, alienario tamen, posita inter conjuges communiōe, quoad prædia externa, erit valida, *Id. d. l. n. 9. 10.*

§. 55. Formabimus adhuc aliud exemplum ex iis, quæ RODENBURG *tit. 4. c. 1. n. 8.* alio fine affert. Per mores Hollandorum absque Viro auctore, mulier se obligare nequit, adeo ut ne quidem, à morte Viri, illa teneatur: Per leges vero Ultrajectinorum, jus Creditori non redditur constante matrimonio, acturo tamen efficaciter in mulierem, eo dissoluto. Fac uxorem Hollandam, in Hollandia, de rebus Ultrajectinis, contraxisse, an post mortem mariti, in loco rei sitæ, efficaciter illa conveniri poterit? sic dicendum putamus, & differt hic casus ab eo, quem §. 25. retulimus.

§. 56. Summa igitur hactenus dictorum hæc est: si in aliquo loco, civis vel forensis aliquid gerat, tum si illi loco, & agentium arbitrio, omnia subsint, leges loci observari debent: Id porro, quod se-

cundum leges illas valide aut invalide gestum est, vel inde amplius dependet, valet aut non valet ubique; Quodsi vero civis vel forensis ex loco suo, in res alibi sitas, agat, tum, harum respectu, leges loci non valent, nisi in quantum, ex comitate, exteri valorem admiserint.

§. 57. Ex partitione, quam hactenus secuti sumus, hoc etiam apparet, non opus esse, ut de *casu mutati domicilii* seorsim agamus, de quo sollicitus est RODENBURG. *d. tr. tit. 2. part. 2.* Nam in iis, quæ quis in suo domicilio, de rebus huic subiectis, suscipit, domicilii leges sunt observandæ; Porro quæ juxta hujus leges, valide aut invalide sunt peracta, illa valent aut non valent ubique, adeoque etiam in novo domicilio, in futuris vero, ex legibus novi domicilii pender; Si autem vel in antiquo domicilio olim egerit, aut in novo agat in res alibi sitas, tum legum neutrius domicilii erit aliqua autoritas, nisi in quantum exteri ex comitate eam admiserint.

§. 58. Non minus etiam liquet, de pactis, quibus statutorum jurisque hinc dependentis diversitati, obviam eatur, non esse seorsim agendum, licet de eo etiam satagat RODENB. *d. tr. tit. 3. 4.* nam in genere leges sunt vel *obligantes* vel *permissive*, contra illas nihil operari poterunt pacta privata, harum verum effectum temperare & mutare conventionibus licebit, quæ omnia, juxta tres respectus antea memoratos, casibus obvenientibus, applicari debent, ac in præcedentibus, pro instituti ratione applicata sunt.

§. 59. Hactenus dicta pertinent ad leges diversorum Territoriorum; sed non raro, in eodem Territorio, diversa statuta localia occurrunt, quæri ergo poterit, num ad hæc etiam doctrina proposita applicari queat? Dicendum hoc puto, rationes tamen factæ decisionis non præcisè ex jure Gentium, ut hactenus factum, deduci debent, sed ex voluntate Legislatoris, ex qua statutorum localium valor ultimo dependet, compendiosius repeti possunt.

§. 60. Dubitandum igitur non est, quin in iis, quæ municipio subsunt, leges municipales, etiam à non municipibus, sint observandæ, hoc enim vult Legislator. Porro quæ juxta leges municipales, de re, iis subiecta, valide aut invalide gesta sunt, valebunt aut non valebunt in toto Territorio, nam hoc non tantum regulæ æquitatis antea inculcatæ exigunt, sed & Legislator omnibus suis subditis imperat.

rat. Denique si ex municipio aliquo, in res alibi sitas, agatur, legum municipalium nulla erit autoritas, nisi in quantum hoc Legislator voluerit, quæ voluntas, ex circumstantiis antea memoratis, probabiliter quoque colligitur.

CAPUT XI. DE REBUS MORALIBUS SIVE INCORPORALIBUS.

SUMMARIA.

Legum effectus sunt res incorporales §. 1.
 Definitio juris Romani, parum solida est §. 2.
 Idem dicendum de tractationis ordine §. 3.
 Res incorporales in jus & obligationem, summam
 tum resolvuntur §. 4.
 Utriusque varietas §. 5. 6. 7. 8. 9. 10. 11.
 Jurium separata divisio §. 12.
 Sex species generatioris constituendæ videntur
 §. 13.
 Distinctio juris rerum §. 14.
 Jus reale & personale §. 15.
 Effectus aliis juri bus est communis §. 16.
 Hinc intelligendo juri reali & personali, ob-
 jectum est considerandum §. 17.
 Monitum quoad species juris realis §. 18.
 Jura sunt vel ordinaria vel extraordinaria §. 19.
 Privilegiorum varietas §. 20.
 Obligationum diversitas §. 21.
 Res morales, sine lege, non dantur §. 22.
 Cadunt tantum in homines §. 23.
 Non bruta aut res inanimatas §. 24.
 Transmissio juri um & obligationum, alieno lo-
 co, ab interpretibus tractatur §. 25.
 Ac huc pertinet §. 26.
 De transmissione juri um & obligationum com-
 muni um non queritur §. 27.

Sed specialium, cum regula generali de juri um
 transitione §. 28.
 Monitum de transmissione obligationum §. 29.
 Regula de obligationibus contractum §. 30.
 Et delictorum juxta æquitatem §. 31.
 Sententiam juris Romani §. 32.
 Quæ quodammodo iniqua §. 33.
 Objectum rerum incorporalium sunt res corpo-
 rales §. 34.
 Harum varietas §. 35.
 Ac diversæ denominationes, à rebus moralibus
 oriundæ §. 36.
 Exinde habitus personarum rerum incorpora-
 lium & corporalium ostenditur §. 37.
 Quæ semper in Jurisprudencia coherent §. 38.
 Vulgare carmen, de tribus juri s objectis, rejici-
 tur §. 39. 40. 41.
 Ac ejus generis alia dogmata examinantur §. 42.
 43. 44. 45. 46.
 Rerum moralium effectus §. 47.
 Exinde existunt personæ morales nec non statua
 §. 48.
 Qui singula jura consequitur §. 49.
 Alio tamen sensu illa antecedit §. 50.
 Quousque cum societate conveniat §. 51.

§. 1.



Atis ita persecuti sumus, indolem & varietatem Legum, intuitu Germaniæ. Dispiciendum nunc est, de earum effectu, sive rebus moralibus aut incorporalibus, v. c. 3. §. 20. quæ disquisitio eo magis necessaria est, quo minus illa vulgo vel loco proprio institui, vel, in usum Jurisprudentiæ & vitæ civilis, adæquate satis peragi, imo quo magis illa negligi, distrahi, variisque erroribus, per universam Juris artem, male diffusis, corrumpi solet.

§. 2. Res incorporales, ex doctrina Romanorum, sunt, quæ tangi non possunt & in jure consistunt, §. un. l. de reb. corpor. l. 1. §. 1. de divis. rer. sed hac definitione non multum profeceris, nam negativa & obscura illa est, hinc etiam interpretes miros sibi hic formant conceptus, dum res incorporales, natura esse & extra considerationem juris subsistere arbitrantur, ne scilicet, si secus sentiant, idea Platonica & entia rationis, illæ evadant, v. VINN. in not. & comment. ad d. §. un. l. de reb. corpor. imo nonnullos præjudicia adeo transversos agunt, ut, distinctionem, in res corporales & incorporales, hodie nullius usus esse, contendant, ceu de Horomanno & Voetio testatur HUBER. in post. ad l. de reb. corpor. & incorpor. n. fin.

§. 3. Sicut autem doctrina nullius est momenti, ita ex ordine falsos conceptus etiam colligere licet; Nam de rebus incorporalibus agunt, quando divisiones rerum corporalium persequuntur, vel etiam eas tradunt, quando de acquirendo rerum dominio sunt solliciti, vel in media Jurisprudentia, aut sub ejus finem, explicationem obligationis moliuntur. Quasi scilicet res incorporales, cum corporalibus, eadem classe censendæ, & perinde ac hæ, objectum dominii essent, vel etiam in certa aliqua Jurisprudentiæ parte tantum occurrerent, cum tamen sint objectum Jurisprudentiæ formale, ac cum rebus corporalibus, velut objecto materiali semper concurrant, & per universam Juris disciplinam sint diffusæ, adeoque earum indoles sub initium statim, seu, in parte Jurisprudentiæ præliminari, explicanda sit.

§. 4. Mittamus ergo ista! Res morales ita dicuntur à moribus i. e. externis actionibus humanis, quas formare & dirigere debent, hinc etiam illa denominatio, nomine rerum incorporalium, concin-

nior

nior est. De cætero universus earum conceptus, in *Jus & Obligationem* resolvitur; Jus est *facultas moralis licite & secure aliquid habendi, agendi, vel ab aliis postulandi*. Obligatio est *vinculum legis, homines ad agendum & patiendum obstringens*.

§. 5. Jus & Obligatio regulariter, ut correlata, concurrunt, hinc eorum varietas etiam, ex parte, conjunctum explicari potest. Obligatio igitur (de jure idem intelligendum) ratione (1.) *originis*, est vel *divina*, quæ à legibus divinis, vel *humana*, quæ ab humanis dependet. Hæc apud Romanos est iterum vel *civilis*, vel *prætoria*, §. 1. *I. de Oblig.* sæpe tamen lex civilis & Prætor, non tam novas obligationes introduxit, quam naturales potius asseruit & confirmavit.

§. 6. Deinde (2.) ratione *existentiæ*, obligatio est vel *connata*, quæ sine speciali facto, ad hoc directo, existit, v. l. 3. §. 14. *ad exhib. l. 7. C. cod. vel adventitia*, quæ ex lege humana, vel facto speciali oritur, v. l. 52. *de O. & A.* (3.) ratione *efficaciæ*, est vel *perfecta*, ad cujus implementationem quis cogi potest, vel *imperfecta*, quam coactio non sequitur.

§. 7. Prior dici solet *mixta*, vel etiam *civilis*, l. 7. §. 2. *de pact.* posterior vero est, vel *mere civilis*, quæ summo strictoque jure, sed non juxta æquitatem, obtinet, ac hodie est inane nomen, *vid. OBSERV. LAUTERB. Observ. 1141.* vel *naturalis*, quæ iterum est vel *minus plena*, cujus executio cujusvis pudori relinquitur, quæque nullum effectum externum, contra invitum, habet, v. l. 25. §. 11. *de hered. pet. l. 54. §. 1. de furt.* vel *plena*, ob quam non quidem actio in foro conceditur, quam tamen alii effectus, ut retentio, l. 64. *de condic. indeb.* compensatio, l. 6. *de compens.* sequuntur.

§. 8. Hodie obligatio naturalis plena, rarior est, vel potius plane cessat, nam solenne exemplum obligationis, ex pacto nudo descendente, non occurrit, obligatio vero filiifam. quæ ex mutuo asseritur, vel etiam pupilli sine tutore contrahentis, vix congruum exhibet exemplum, cum revera nulla obligatio adsit; Idem dicendum de obligatione fidejussoris, solidum, vel ante debitorem principalem, solventis, nam illa obligatio non naturalis, sed mixta est: Et in universum leges civiles nostrates ita agere solent, ut vel ortum obligationis naturalis plane impediant, vel earum executionem conscientia cujusvis relinquant, vel eas, ad effectum agendi, confirmant.

§. 9. Cum igitur obligatio mere civilis non occurrat, obligatio naturalis plena, vel iridem non detur, vel perfecta, sive mixta & civilis, sit, ideo, juxta usum hodiernum, divisio tertia, sic explicanda est: obligatio est vel *perfecta*, juxta definitionem §. 6. & talis regulariter quavis dicenda, donec probetur exceptio, vel *imperfecta*, cujus executio pudori & conscientiae cujusvis relinquatur.

§. 10. Existit autem illa, vel ob conditionem *objecti*, quando scilicet indoles societatis civilis, aliquam praestationem praecise non exigit, cujus generis sunt officia humanitatis, beneficii & gratitudinis, vel *subiecti*, quando is, qui obligatus est, nulli imperio & coactioni subest, hinc obligationes Summorum Imperantium sunt imperfectae quoad subditos qua tales, nam si hi justa defensione aliquando contra illos insurgant, eosque ad explendam obligationem adigant, tum non pro subditis, sed populo libero, haberi debent.

§. 11. Porro (4.) ratione *durationis*, obligatio est vel *perpetua*, quae semper obtinet, vel *temporalis*, quae ad tempus durat; Connata, regulariter perpetua est, adventitia vero, temporalis (5.) *objecti*, est obligatio *dandi*, quae rei praestationem, & *faciendi*, quae facti cujusdam exhibitionem exigit, v. l. 14. 72. 75. §. fin. l. 76. 84. 112. de V.O.

§. 12. Haecenus varietatem jurium & obligationum conjunctim declaravimus, sed debent illa etiam separatim considerari. Jura vulgo solent distingui in *jura personarum*, quae intuitu societatis civilis, sine rerum certarum consideratione, hominibus competunt, & *rerum*, quae de rebus, ipsis tribuuntur. Sed ista divisione non multum forte profeceris, nam primum ejus membrum, nimis videtur generale, praeterea incongrua quoque ejus est denominatio, nam omnia jura, etiam rerum, personis competunt, adeoque jura personarum dici possunt, ut ista appellatio, certis juribus tributa, nec ratione niti, nec evidens esse videatur.

§. 13. Interim fateor, non satis expeditum esse, quomodo tot varia jura, ad summa genera revocari queant: Forte sex jura generalia, ad quae cetera omnia redigere liceat, constitui possunt. *Humanitas*, propter quam officia charitatis ab aliis petimus, *Inviolabilitas*, quae securitatem ratione vitae & corporis, pollicetur, *Libertas*, vi cujus actiones nostras, pro lubitu, suspicimus. *Existimatio*, ob quam aliis
aqua-

æquales, vel inferiores aut superiores sumus; *Imperium*, vi cuius aliorum actiones dirigimus, quodque aliorum subiectio ac conditio civilis sequitur, ac tandem *Jus rerum*, quod in rebus, ad exigendam hanc vitam necessariis ac utilibus, competit.

§. 14. De hoc vulgo solliciti sunt, mihi ita dicendum videtur: Est vel *Indeterminatum*, ob quod *quis aptus est, ad res cum juribus suis acquirendas*. Dicitur uno nomine *Commercium*, vel, si mavis, *jus commercii*, quod in quovis merito tamdiu præsumitur, donec restrictio probetur; Vel *Determinatum*, quod *certas res respicit*, hoc communiter saltem respiciunt, adeoque id in specie jus rerum dicitur.

§. 15. Ab effectu, jus rerum distinguitur in *reale*, quod est *jus, quo aliqua res corporalis, sine respectu ad certam personam, nostra est, & personale*, quod est *jus, ob quod res vel factum, à certa persona debetur*. Illud habet effectum contra omnes possessores, hoc saltem contra certam aliquam personam, & regulariter ejus hæredes: Illud etiam *jus in re*, hoc *ad rem* dicitur: Si jus reale & personale, diversis personis competens, contra eundem concurrat, illud præfertur.

§. 16. Illud observandum, diversum illum effectum, non esse proprium juri rerum, cujus intuitu ille vulgo saltem inculcari solet, sed potius omnibus aliis juribus communem, nam omnia jura, uti ratione ejus, cui competunt, involvunt facultatem licite quid agendi vel habendi, ita, si ad alios referantur, vel contra omnes, vel contra quosdam saltem habent effectum, adeoque necessario vel realia, vel personalia sunt, tertium enim non datur.

§. 17. Quo igitur penitus constet, quænam jura, pro personalibus aut realibus, haberi debeant, *objectum* eorum probe considerandum erit, nam si respiciant tale objectum, quod à persona obligata abire nequit, quale est *nude actionis exhibitio vel omissio*, aut etiam *quantitatis generisve præstatio*, tum quia de effectu erga tertium, quoad hoc quidem objectum, quæri nequit, satis est, si illa jura dicamus *personalia*: si vero tale concernant objectum, quod penes plures esse potest, quale est *certa quedam res vel species*, aut etiam *rerum universitas*, tum, pro diversa agentium & legis intentione, jura illa modo *realia*, modo *personalia* erunt.

§. 18. De speciebus, juris personalis, nulla vel quæstio vel controversia occurrit, v. OBSERV. LAUTERB. *Observ.* 33. sed de speciebus juris realis, magna est, inter interpretes, concertatio. Communiter quinque species, *dominium, pignus, servitus, jus hereditarium & jus possessionis* adstruuntur, quam sententiam pluribus etiam defendi in OBSERV. LAUTERB. *Observ.* 32. Verum illa falkem procedunt, quatenus jus reale, unice ad jus rerum refertur, sed quia §. 16. 17. ostendi, quod hæc qualitas, ad alia etiam jura pertineat, hinc species juris realis, numero illo quinario, abrupte nimis constringere non licebit. Inprimis ergo jura, quæ ex imperio descendunt, ac privatis, ad instar aliorum jurium, concedi solent, ut Jurisdictio, jus patronatus similiaque, in istam classem etiam referri debent, id quod vulgo quoque agnoscunt, dum illa servitutibus fere annumerant.

§. 19. Præterea observandum, quod jura & obligationes adventitiæ, vel juxta consuetas in vita civili regulas acquirantur, vel præter eas, ex certa causa, singulari ratione, concedantur aut imponantur, illa dicuntur *ordinaria*, hæc, *extraordinaria* seu *privilegia*. Vulgo quidem hæc ad leges referunt, sed sunt potius illa legum effectus, nec opus est, ut eadem cum STRAUCHIO *dissert.* 1. §. 8. à jure *singulari* distingvamus.

§. 20. Decætero à *fine* distingvuntur in *favorabilia & odiosa*, à *subjecto* in *personalia*, quæ personis, & *realia*, quæ rebus, aut potius personis intuitu rerum, conceduntur. Dat eadem Imperans ob justas causas, & durant illa tamdiu, quamdiu voluntas concedentis & acquirentis durat, qua de re Scriptores proprii amplius consulendi, *add.* LAUTERB. *Comp. Jur. de constit. Princip.* Privilegiatus contra æque privilegiatum, non utitur jure suo, v. OBSERV. LAUTERB. *Obs.* 17. 18. sæpe in privilegiis vel impetrandis, vel concedendis, conscientie nulla habetur ratio.

§. 21. Hactenus de varietate jurium. Obligationum quidem etiam magna est varietas, sed plerumque nihilominus illæ nomen generis sui retinent, nonnunquam tamen speciale, ut subjectionis, Vassallagii & simile, assumunt. In genere observandum, quod obligationes sunt vel *generales*, quæ omnes afficiunt, ac cum aliis, tum præcipue juribus realibus, respondent, vel *speciales*, quæ jurium per-

sona-

jonalium, ex contractibus & delictis specialibus resultantium, sunt correlata. v. OBSERV. LAUTERB. *Observ. 33.*

§. 22. Obligationes dependent ex lege *obligante*, jura vero ex *permittente*, qui effectus posterior causæ suæ veritatem, à multis frustra negatam, satis ostendit. De cætero res morales, sine lege, non dari, apud earum peritos in confesso est, ac in jurisprudentia Universalis latius doceri solet; Quando igitur juris Romani interpretes, *contractum per se & sua natura obligationem efficacem producere*, docent, id, nisi recte explicetur, falsum est. Producent autem leges, jura & obligationes vel immediate, vel mediate, occasione facti humani præcedentis.

§. 23. Tribuuntur res morales *hominibus* natis, & suo modo, nascituris, masculis & fœminis, minoribus & majoribus, personis singularibus & compositis. Quodsi autem usus rationis vel penitus vel certo modo in quibusdam deficiat, vel aliam ob causam rebus suis quidam præesse nequeant, tum vicariâ aliorum operâ, illi jura sua sustinent & exercent. De obligationibus dicere solent, quod earum *subjectum sint creditores & debitores*, quæ doctrina redolet præjudicium ex jure Romano haustum, quo obligatio tantum ad jus ad rem pertinere existimatur. v. OBSERV. LAUTERB. *Observ. 1138.*

§. 24. Bruta rerum moralium non sunt capacia, cum enim legis directionem non admittant, nec jura & obligationes, ex legibus venientes, recipere possunt. Multo minus igitur *res inanimata*, rerum moralium possunt esse subjectum, quamvis vulgo, magno consensu, jura nonnulla, ut privilegia & servitutes, rebus inhærere, doceant, nam non rebus, sed potius personis intuitu rerum, jura illa competunt, quæ, per loquendi compendium, rebus ipsis deinde ascribuntur. Quodsi alio sensu vulgaris doctrina accipiat, falsa utique est, de cætero usum præsentis observationis, in materia potissimum servitutum, conspiciere licet.

§. 25. Cum autem homines non sint immortales, & tamen utilitati generis humani minime conveniat, ut cum personis jura & obligationes moriantur, ideo, de horum in hæredes transmissione, non infrequens est quæstio. Tractant eam interpretes ad titulum *de Obligat. & action.* dum de transmissione actionum, tam activa quam

§. 30. De prioribus hæc tenenda regula: *Obligationes ex contrahibus descendentes, in hæredes, si aliud non actum, transeunt*, cum enim illæ intuitu rerum constituentur, merito sequuntur eum, qui res accipit. Agnoscunt istam æquitatem Romani eamque etiam eo casu recte admittunt, quo nulla hæredum mentio facta, v. l. 38. de V. O. aut dolus defuncti intervenit, l. 12. 49. de O. & A. l. 7. §. 1. de pos. l. 157. §. 2. de R. J. modo obligatio ad *damnum rescarciendum*, non *pœnam tendat*, §. 1. I. de perpet. & tempor. in qua adeo doctrina nihil merito desideres.

§. 31. De posteribus, juxta æquitatem, ita dicendum arbitramur: *Obligationes ex delictis venientes, quatenus damni restitutionem exigunt, in hæredes transire debent, quatenus pœnam pecuniariam, possunt, si ita lex civilis velit, quatenus pœnam corporis afflictivam*, non debent, vid. OBSERV. LAUTERB. Obsérv. 1146. Rationes sunt manifestæ; *damnum ex bonis suis debebat delinquens rescarcire*, ergo merito hæc obligatio transit in hæredem, illa accipientem: pœna pecuniaria sine iniquitate quidem transmitti potest, nec tamen utilitas publica præcise hoc exigat, hinc, prout visum est legi, asserti & negari transmissio potest: Denique, ob delictum alienum, non esse alium in corpore suo affligendum, æquitas sat manifeste dicitur.

§. 32. De jure Romano, obligationes, siue rei persecutoriæ siue pœnales, in hæredes non transeunt, nisi ex delicto aliquid ad hæredem pervenerit, aut lis cum defuncto sit contestata, (in publicis tamen delictis, pœna, ne quidem post litem contestatam, in hæredes regulariter transmittitur, l. 20. ff. de accus.) aut obligatio alias specialiter excepta, ut furis, quæ in solidum in hæredes transit, vid. LAUTERB. C. f. de O. & A.

§. 33. In hac doctrina reprehendi non potest, quod de obligatione pœnali cautum est, sed quod transmissio obligationis rei persecutoriæ, regulariter quoque negetur, id sanæ rationi repugnat, ceu ex §. 31. liquet; Et cum ob delictum, in contractum incidens, transmissionem obligationis, asseruerint Romani, nullam utique ob causam, in casu delicti seorsim commissi, eam negarunt. Nec obest, quod hæres defunctum in delictis non repræsentet, v. HUBER. in poss. ad l. de temp. & perpet. actiō. n. 15. nam aliud est, *delinquere*; aliud;

ob delictum satisfacere, illud illicitum, hoc honestum ac repræsentari aptum. Denique cum non appareat, cur iniquius jus Romanum, æquitati præferri debeat, ideo hanc, in foris Germaniæ, observandam esse putem.

§. 34. Rerum incorporalium objectum, sunt *res corporales*, quo nomine entia physica & artificialia, nec non actiones humanæ, imo, juxta jus Romanum, servi, & quodammodo, liberi, in patria potestate existentes, v. §. 9. *I. de oblig. quæ ex delict. nasc.* comprehenduntur, v. OBSERV. LAUTERB. *Observ. 34. n. 3.* nam de his omnibus, jura & obligationes hominibus tribuuntur, quæ efficiunt, ut hi illas exigere, possidere, ac ad usus suos applicare queant, vel etiam aliis eas præstare aut relinquere teneantur.

§. 35. Sunt autem res corporales in specie sic dictæ, vel *mobiles*, quæ *natura & jure, de loco in locum, salve moveri & commode transferri possunt*, vel *immobiles*, quæ *per naturam moveri salve nequeunt, vel, ob voluntatem legis & domini, non debent*, hinc sunt tales vel *naturaliter*, vel *civiliter*, vid. LAUTERB. *C. I. de div. rer.* Cum autem sæpe dubia sint rerum immobilium exempla, v. OBSERV. LAUTERB. *Observ. 173.* præterea etiam qualitas illa rerum, facile mutari, aut res mobilis in locum immobilis, substitui queat, hinc leges, quæ sine necessitate, v. g. in successione ab intestato, eas sectantur, vitio non carent, cum sæpe, non sine difficultate applicari, vel etiam facile eludi queant.

§. 36. De cætero à rebus incorporalibus, res corporales, varias fortiuntur denominationes, pro diverso scilicet illarum habitu. Sunt enim vel *extra patrimonium*, quæ neque alicujus sunt neque esse possunt, ut mare, à terris valde remotum, vel *in patrimonio*, circa quas homines jus proprium habent vel habere possunt, hinc sunt tales vel *potentia*, ut res nullius, vel *actu*, hæ à (1.) *juris diversitate*, sunt *propria, oppignorate, servientes, debite, hereditarie*, & si quæ aliæ ejus generis occurrunt, (2.) à *domini diversitate*, vel *publicæ*, quæ ad Rempublicam pertinent, vel *privatæ*, quæ privatorum sunt, nempe *singulares, communes*, ut hereditas communis, & *Universitatis*, (3.) à *diversa legis & domini intentione*, vel *mobiles*, vel *immobiles*. Quæ Romani eorumque interpretes hic philosophantur, ea, maximam partem,

tem, ex falsis resultant hypothesibus, *vid. OBSERV. LAUTERB. Obs. 35. 36.*

§. 37. Atque ex his personarum, rerum incorporalium & corporalium habitus, tam intuitu Jurisprudentiæ, quam inter se, facile intelligi potest. Scilicet ratione Jurisprudentiæ, res incorporales sunt *objectum formale* sive *proprium*, personæ vero & res corporales, *materiale* seu *commune*, quod aliæ etiam disciplinæ, sed sub alio considerandi modo, sibi vindicant. Inter se autem si spectentur, personæ sunt *subjectum*, res incorporales, *qualitates iis inherentes*, res corporales, *harum objectum*, nam personis, jura & obligationes, de rebus tribuuntur & imponuntur.

§. 38. Ex his tria sequuntur (1.) quod in disciplina legum, jura, personæ & res non debeant divelli, sed illa potius indissolubili nexu cohæreant, (2.) quod nec jura diversi generis, semper separari, sed conjunctum potius tractari debeant, si objectum disciplinæ materiale, seu personæ & res, hoc exigant, (3.) quod res incorporales, neutiquam cum corporalibus, eadem classe censeri queant. Interim vulgo in alia omnia abeunt, hinc tales circumferuntur, tam quoad ordinem, quam rem ipsam, doctrinæ, quæ animo veritatis cupido, non facile probari possint. *add. OBSERV. LAUTERB. Obs. 34.*

§. 39. Ob inolita præjudicia, specialius hoc illustrabimus. Triffissima est doctrina, quod *jura*, ad *personas*, *res* & *actiones* pertinent, §. *fin. I. de J. N. G. C.* hinc, *tria illa juriurum objecta*, in scholis pariter ac scriptis plerorumque, celebre nomen sunt, sed, partitionem illam, ex falsis oriri conceptibus, palam est. In Jurisprudencia quidem summatim *jus constitutum*, & *jus per processum & actiones obtinendum* tradi debet, sed in utroque capite, personæ & res quoque occurrunt, hinc illæ & hæ, frustra actionibus opponuntur, & connexa contra monitum nostrum primum, distrahuntur.

§. 40. Quod si dicas, tripartitam illam divisionem, duo capita generalia, à me jam laudata, præsupponere, ac prius, quod *jus constitution* exhibet, saltem subdistingvere, quod vel *personas*, vel *res*, i. e. vel *jus personarum* vel *rerum* contineat, tum impingit illa, contra monitum, quod §. 38. n. 2. adduxi, dum jura cohærentia ac in certo objecto concurrentia, frustra separat.

tinencia, simul consequitur, ut adeo ex objecto, sine ulla difficultate, intelligatur, cui res aliqua incorporalis tribuenda sit. v. OBSERV. LAUTERB. *Observ.* 38.

§. 45. Ex sententia LAUTERBACHII in *C. J. de rer. div. in fin.* res incorporales *annumerantur mobilibus vel immobilibus propter naturam objecti, ut nomina & actiones, vel subjecti, ut servitutes immobilibus in hærentes, vel propter aliam causam, ut annui redditus, qui immobilibus annumerantur.* Sed verius est, ex solo objecto judicandum hoc esse, nam servitutes non ex subjecto seu prædio, cui frustra inhærere creduntur, v. §. 24. *b.* sed ex objecto, i. e. re serviente, æstimantur, & annui redditus, quorum dies nondum cessit, sunt fructus pendentes & pars rei immobilis.

§. 46. Ex suspecta illa hypothesi, qua res incorporales & corporales, eadem classe censentur, enatum est *dominium rerum incorporalium*, quod tamen neque constituitur, neque constitui potest, ceu ostendi in OBSERV. LAUTERB. *Observ.* 32. n. 7. *seqq.* *Obs.* 1058. Porro inde propullularunt, *rerum incorporalium traditio, possessio, præscriptio, emtio, locatio, ususfructus, vindicatio, &* in genere omnia illa dogmata, quibus de rebus incorporalibus asseritur, quod de corporalibus prædicari solet, quæ tamen omnia eo, quo proferuntur sensu, falsa sunt, v. OBSERV. LAUTERB. *Obs.* 34. 218. 247. 254. 530. 591. 668. 1016. 1024. 1033. 1121.

§. 47. Superest rerum moralium *effectus*. Nimirum *jura* hoc operantur, ut licite aliquid agere, habere vel ab aliis postulare queas, cumque invitis regulariter non dentur, hinc, *quemvis juri suo renunciare posse*, tralatum est, *l. pen. C. de pact.* Porro *Obligationes*, ad actiones quasdam suscipiendas vel omittendas, homines debent impellere, cumque erga invitos quoque se exferant, hinc *jus publicum, &* inde venientes obligationes, *pactis privatorum mutari non possunt, l. 38. ff. de pact. ad.* PUFEND. *de J. N. G. l. l. c. 1. §. 14.*

§. 48. Diximus §. 4. quod res morales, in jus & obligationem, resolvantur; Inde autem vel aliæ res, vel saltem novæ denominationes oriuntur: Nam datur *persona moralis*, i. e. persona cum certo aliquo jure vel obligatione spectata, estque iterum vel *simplex*, ut Princeps, Consiliarius, Doctor, Advocatus &c. vel *composita*, ut Respublica,

ca, municipium, pagus, Collegium, Academia, Ecclesia. Porro inde oritur *status* i.e. spatium vel locus moralis, in quo personæ morales velut existere concipiuntur. Sic aliquis in statu civili, conjugali, nobilium, civium, rusticorum &c. vivere dicitur.

§. 49. Singula igitur jura & obligationes, status aliquis consequitur. Solet tamen hic maxime asseri circa jura, vel perpetuo, vel ad longius tempus, durantia, non vero perinde circa momentanea & mox transitura; Sic aliquis in statu quidem civili, non vero, in statu emtorum & venditorum, existere dicitur, hinc etiam interpretes juris Romani, saltem circa jus personarum, statum aliquem asserunt. Sed utut illa statûs suppositio sit receptior, nihil tamen vetat, quo minus singulis juribus, statum peculiarem substernamus.

§. 50. Solet tamen status aliquando accipi pro eo, quod leges & jura antecedit, adeoque pro causa movente, ob quam Legislator aliquid constituit. Sic quia homines, in statu humanitatis aut diversi sexus reperiuntur, ideo certa quædam jura & obligationes, per leges, ipsis tribuuntur & imponuntur. Aliquando etiam status non ad res morales, sed ad habitum corporis animique physicum, refertur, hinc est status integer & corruptus, sanitatis & morbi &c.

§. 51. Alias status moralis, etiam nomine *Societatis* venit, nam perinde est, siue quem in *Statu*, siue *Societate civili* aut *conjugali* vivere dicas. Fatendum tamen est, quod aliquando Societatis nomen, *arctiorem quandam personarum conjunctionem* connotet, adeoque non per omnia, pari passu, cum statûs nomine, ambulet. Sic recte quidem dicitur, quod quis in statu Nobilium existat, sed, quem in societate Nobilium vivere, non perinde usitatum est, nam Nobiles quidem existimatione conveniunt, sed speciali aliquo vinculo, inter se, regulariter non connectuntur. Denique notum est ex jure Romano, quod, per societatem, aliquando intelligatur contractus.

CAPUT XII. DE CONSCIENTIA.

SUMMARIUM.

De conscientia etiam in Jurisprudentia particulari agendum §. 1.

Generalis doctrina præsupponitur §. 2.

Conscientiæ habitus intuitu legum civilium §. 3.

Disfor-

Discrimen fori externi & interni §. 4.

Conscientia dirigit actus, extra legum civilium curam constitutos §. 5.

Quod exemplis illustratur §. 6. 7. 8. 9. 10.

Inprimis illa pertinet ad actus dubie moralitatis §. 11. 12. 13.

Ut & eos, qui clam legibus civilibus fieri possunt §. 14.

Aut quorum auctores vim humanam non metuntur §. 15.

Conscientiæ consideratio per universam Jurisprudentiam diffunditur §. 16.

Raro tamen alicujus, inter homines, est effectus §. 17. 18.

Ac ejus abusus graves excitat turbas §. 19.

§. I.



Idimus hæcenus leges, ab iisque productas res morales, quæ normam principalem actionum humanarum constituunt. Quando horum cognitione imbutur mens humana, & quid hominem facere vel omittere oporteat, ostendit, aut de jam factis judicat, tum oritur *Conscientia*, de qua in Jurisprudentia particulari, & specialiter Germanica, non plane silendum est.

§. 2. Conscientia est *mens*, aut si mavis, *intellectus cognitione legum imbutus ac de actionibus hominis propriis, juxta illam cognitionem, judicans*. De cujus indole, varietate, vi, morbis, emendatione ac defectu, in Jurisprudentia Universali pluribus agitur, quæ hic præsupponuntur, *vid. OBSERV. PUFENDORF. Obs. 16. seqq.* Illud interim liquet, conscientiam esse normam actionum humanarum secundariam, ac velut tabulam, in qua leges perscriptæ sunt.

§. 3. Sicut autem Conscientia legum omnium, divinarum & humanarum, cognitione debet esse imbuta (quamvis perfecta cognitio vix in ullo homine occurrat, hinc probabiles opiniones, imo dubia, scrupuli & errores nunquam plane cessant) ita si illa cum legibus civilibus i. e. iis, quæ in vita civili præscribi, aut, ad facta obvenientia, applicari possunt & solent, comparetur, tum duplex ejus habitus existit, nam aliquando Conscientia *idem inculcat, quod leges civiles exigunt, ac vi præsentis tueri sunt aptæ*, aliquando vero *circa ea versatur, quæ sunt extra legum civilium tabulas, aut in quibus hæc, ob alias causas, vim suam perdunt*.

§. 4. Ex quibus discrimen *fori externi & interni civilis & conscientiæ seu soli & poli*, quorum frequens est apud Scriptores oppositio, facile intelligitur. Nimirum, juxta primum respectum, forum externum & internum coincidit, sed, juxta secundum, eorum differ-

R

rentia

rentia est manifesta, notatque adeo Conscientia, utpote legibus divinis, in rigore suo spectatis, subnixa, normam longe perfectiorem, quam leges civiles exhibent. Atque hoc ultimo sensu plerumque Conscientia accipitur, nam ubi leges civiles & vis externa, homines ad officium adigunt, conscientiae autoritas in subsidium vocari non solet.

§. 5. Pertinet igitur Conscientia, quatenus, velut norma perfectior, legibus civilibus opponitur, (1.) ad *actus internos*, dicitur enim homini, juxta legum divinarum praescriptum, non sufficere, si in iis, quae ipsi facienda vel omittenda sunt, actus externos legi attemperet, sed requiri, ut pura mens affectusque bene compositi in illos influant, neminemque pii honestique hominis laudem mereri, nisi, summa animi promptitudine & delectatione, legi obsequatur. Cæterum sicut iste Conscientiae rigor, raro inter homines observatur, ita in conversatione civili, facile etiam, eo nomine, velut transigitur, modo officia externa praestentur.

§. 6. Porro respicit Conscientia (2.) *actus externos, extra legum civilium praceptum vel prohibitionem constitutos*, id quod exemplis nonnullis, non anxie conquisitis, sed velut fortuitis, declarabimus. Servitus in vita civili, captis licite imponitur, at conscientiae & legibus divinis eadem repugnare videtur, *vid. OBSERV. LAUTERB. Obs. 23. OBSERV. PUFEND. Obs. 538.* In societate civili, coelibatum matrimonio praeferre licitum est, sed an aliud dicitur Conscientia, quaeritur? id quod, pro diversitate circumstantiarum, affirmari & negari potest, *vid. OBSERV. PUFEND. Obs. 477.* Idem dicendum de quaestione, an quis diversae religionis conjugii, salva conscientia jungi queat? *vid. OBSERV. LAUTERB. Obs. 763.*

§. 7. Circa praescriptionem quaestiones Conscientiae quoque occurrunt, an v. g. etiam cum scientia res praescribi, vel quocunque modo praescripta, illaesa conscientia, retineri queat? quam utramque affirmare, ea enim est vis imperii civilis, ut alterius jus, justis ex causis, plane tollere queat, *vid. OBSERV. LAUTERB. Obs. 1127. 1129.* Utrum ex testamento imperfecto, oriatur obligatio naturalis, vi cujus quis hæreditatem vel legata aliis, in conscientia, praestare teneatur, nota quaestio est? quam negandam arbitror, de quo pluribus dixi in *Diss. de Obligat. ex testam. imperfecto. hab. Eips. 1688.*

§. 8. Ex

§ 8. Ex pacto nudo, de jure civili, non datur actio, quemadmodum etiam modicæ læsiones in contractibus onerosis negligi solent. Sed Conscientia & promissi impletionem & læsionis emendationem injungit. An filiusfam. SCto Macedoniano tutus, mutui restitutionem, illæsa conscientia, negare queat, maxime si juramentum, de illa facienda, interpositum sit, disquiritur? sunt qui hoc affirmant, *vid. LAUTERB. C. J. de SCto Macedon. in fin. add. Observ. 431.*

§ 9. Fures suspensio quandoque puniri, notum est, sed an Conscientia in pœnam illam consentiat, quarritur? Post alias negat id MATTH. *de crim. l. 47. tit. 1. c. 2. n. 6.* sed cum aliis affirmat CARPZ. *Pr. Crim. p. 2. qu. 77.* non videtur ipsa pœna in se injusta esse, morbum tamen Rerumpublicarum, eandem arguere, non immerito forte dicitur. Actionem injuriarum & inprimis retorsionem Conscientiæ repugnare, nonnulli volunt, sed si pravi affectus absint, neutra improbanda videtur, *vid. OBSERV. LAUTERB. Observ. 1213. 1240.*

§ 10. Invasorem violentum, salva conscientia, non posse occidi, nonnullorum est sententia, sed minus probabilis: Dicendum potius, quod non tantum illa occisio sit licita, sed & si aliter periculum effugere nequeas, per Conscientiam præcepta: Non minus etiam propter defensionem membrorum, pudicitiae & aliquando rerum, invasor recte occiditur, *vid. OBSERV. PUFEND. Observ. 121. 122. 135. 136. 137.* Adulter tamen in adulterio deprehensus, illæsa conscientia occidi nequit, *v. OBSERV. LAUTERB. Observ. 1321.*

§ 11. Inprimis Conscientia pertinet (3.) ad illos actus externos, circa quos obligatio juris divini non est adeo liquida, quique, sub specie recti, suscipi possunt. In ambiendis ergo muneribus, obtentisque obeundis, ut & privilegiis impetrandis & concedendis, Conscientia, hominum actiones dirigere debebat, illa enim leges civiles, otiosæ fere adspiciunt, ac de iis nihil sanciunt. *add. OBSERV. PUFEND. Obs. 731. 732.* Pecunia tamen oblata officium ambire, in conscientia non esse illicitum, si quis, præ cæteris, ad illud idoneus sit, & tamen istis moribus vivatur, ut nihil sine nummis obtineri possit, aliqui censent. *v. Dn. STRYKII Dissert. de for. Conscient. c. 6. n. 149.*

§ 12. In genere circa exempla, qualia hactenus n. 2.3. adduxi, observandum, quod omnia, quantus etiam eorum sit numerus, ad tria gene-

genera forsitan revocari queant, vel enim quæritur, num *obligatio divina actum* v. g. defensionem violentam, *prohibeat*, aut *aliquem*, v. g. officia humanitatis, *jubeat*? Vel de eo est quæstio, an *post actum*, v. g. præscriptionem, *obligatio naturalis supersit*, vel denique, an *actum aliquem* v. g. testamentum imperfectum, *obligatio juris divini sequatur*?

§. 13. Horum omnium decisio, uti ex accurata juris divini cognitione dependet, ita, quoad duo posteriora exemplorum genera, quæstio præjudicialis est, de *vi imperii civilis*, an scilicet hoc, efficere possit, ut *obligatio naturalis, peculiaribus innixa circumstantiis, aliquando cesset*, vel *ne illa, ob actum in se alias habilem, oriatur*? Hujus decisionem veram si quis teneat, is cætera facile expediet. Illud etiam admonendum, ex doctrina Scholasticorum morali, ut alibi, ita nec hic, solidas haberi posse decisiones, cum lubricis illa superstructa sit fundamentis.

§. 14. Ulterius Conscientiæ directio respicit (4.) *facta omnia externa, quæ coactioni quidem & pœnis civilibus subsunt, attamen sæpe, clam legibus civilibus, fieri possunt*. Furta, adulteria, homicidia similiaque delicta, leges civiles quidem prohibent, ac in delinquentes deprehensos convictosque animadvertunt. Sed leges non sunt omniscia, adeoque delicta patranda impedire non possunt, debet igitur succurrere Conscientia ac homines, à delictis committendis, detertere.

§. 15. Eadem est ratio (5.) *factorum externorum, quæ aperte & impune committi vel omitti possunt & solent*, dum agentes vel judicis plane non subsunt, vel eorum vim facile eludere possunt. Circa hæc igitur defectum legum civilium supplere, ac, ad actiones vel omittendas vel suscipiendas, impellere debet Conscientia. Inprimis ergo illius est, actiones Summorum Imperantium aliorumque hominum potentum moderari ac dirigere.

§. 16. Hæc illustrandæ intentioni nostræ sufficient; Ex quibus facile colligitur, Conscientiæ Considerationem, per universam Jurisprudentiam, qua publicam, qua privatam, diffundi. Specimen hujus rei satis prolixum exhibet *dissertatio Du. STRYKII, de for. Consc. hab. Francof. 1673*. Potest etiam Conscientiæ consideratio, quoad homines singulos, institui, quod itidem duobus speciminibus illustratum est, in *Dissert. de Conscientia Advocati*, ut & de *Conscientia partium*

in judicio, sub præsid. Dn. STRYK. Francof. 1677. habitis. Eodem modo etiam de Conscientia Principis, Consilarii, Militis, Professoris, Studiosi aliorumque, agi potest.

§. 17. Sed ô bona Conscientia, plerumque, non tua quidem culpa, sed hominum improbitate, nomen inane es, ac exigua est, quam Generi humano præstas, utilitas! Equidem conscientia consequens, quæ de iis, quæ facta sunt, judicat, non exigui quandoque est effectus, dum homines accusat, convincit, condemnat, terret & torquet, sed quid aliis prodest, improbum internis animi cruciatibus angi, postquam innumeras ille aliis intulit injurias & facta non possint fieri infecta?

§. 18. Conscientia autem antecedens, quæ actiones futuras moderari debet, pravis affectibus plerumque succumbit, ea enim ut plurimum ingenii humani est indoles, ut nisi ejus malitia malo præsentē expellatur, stimuli conscientiæ languidiores sint, quam ut ei retundenda sufficiant; Hinc, vi remota, nihil est, quod effrenem compescat libidinem, sed potius qua data porta ruitur, maxime cum innata philantia, in excusandis colorandisque facinoribus, admodum ingeniosa esse, & felix prosperumque scelus, virtutem vocare soleat.

§. 19. Sicut autem Conscientia reprimendis delictis sæpe est idonea, ita eam insuper imperitia improbitasque humana, non raro, in rem generi humano perniciosam, detorquet. Quantas turbas sæpe non excitat fanatica imperiti Sacerdotis Conscientia? Sed strages magis funestas edere solet eorum malitia, qui horridum animi turbulenti impetum, Conscientiæ nomine obvolvunt, ac sanguinolenta decreta, per crudeles aut superstitiosos Imperantes, exequantur.

CAPUT XIII. DE AFFECTIONIBUS ACTIONUM HUMANARUM, HOMINUMQUE MORALIBUS.

SUMMARI A.

Ex lege oritur moralitas §. 1.

Actionum, à qualitate morali, varietas §. 2. 3. 4.

Quantitas actionum moralis §. 5.

Ex duabus causis oritur §. 6.

R 3

Virtut.

Virtutis & vitii natura & diversitas §. 7.

Iustitiæ divisio §. 8.

Quam virtutem Jurisprudencia intendat §. 9. 10.

A tractatione Iustitiæ, Jurisprudentiæ non inchoanda §. 11.

§. I.



Ostquam actiones humanas, earumque normam, tam primariam quam secundariam, explicavimus, deinde, instituta collatione, dispiciendum, quas affectiones cum actiones humanæ, tum ipsi homines, à norma illa fortiantur, quæ res præcipue quidem in Jurisprudencia Universali traditur, à particulari tamen, ac in specie, Germanica, non penitus illa abesse debet.

§. 2. Actiones igitur humanæ, uti à lege dicuntur *Morales*, ita, circa eas, in specie, *qualitas & quantitas moralis* considerari potest. Illam quod attinet (1.) à modo, quo, de actionibus humanis, lex disponit, illæ distinguuntur in *licitas*, quarum suscipiendarum vel omittendarum jus, actu positivo, lex concedit, & *necessarias*, quas lex jubet vel prohibet, quæque adeo, in *præceptas & prohibitas*, amplius distingvi possunt.

§. 3. Deinde (2.) à *convenientia aut pugnantia cum lege*, actiones distinguuntur in *bonas*, i. e. actiones voluntarias, cum lege obligante, rite convenientes, *malas* i. e. actiones voluntarias cum lege obligante pugnantes, & *moraliter indifferentes*, quæ cum lege permittente conveniunt, & neque bonæ, neque malæ sunt, cujus generis actiones multæ occurrunt, licet eas intuitu certi subjecti, cum omnibus circumstantiis, spectemus.

§. 4. Actio bona, etiam dicitur *iusta*, *honestæ*, *virtuosa* ac, uno nomine, *Officium*, ac potest distingvi in *Piam*, quæ Deum, & *Iustam* in specie, quæ homines respicit. Mala, vocatur quoque *injusta*, *turpis*, *vitiosa*, & uno nomine, *peccatum*, *injuria*, *delictum*, ac aliquando *crimen*: Distinguitur in *Impiam*, quæ Deum, & *Injustam* in specie, quæ homines concernit. Actio moraliter indifferens, dici quoque potest *permissa*, non raro etiam, apud interpretes juris Romani, audit *honestæ*, sensu scilicet negante; non est turpis aut inhonestæ.

§. 5. Præter qualitatem moralem, de qua hætenus, in actionibus

bus bonis & malis, etiam occurrit *quantitas moralis*, quæ est *affectio*, juxta quam actiones bonæ & malæ, inter se conferri, ac una alteri æqualis, vel ea melior aut pejor censeri potest. Juxta qualitatem moralem, actiones bonæ & malæ, sunt æquales, sed juxta quantitatem, non raro inæquales.

§. 6. Oritur *quantitas moralis* summatim vel à *diverso voluntatis influxu*, hinc v. g. delictum dolosum, gravius est culposo, reiteratum, simplici, vel à *legum, quæ observantur aut violantur, diversitate*, nam sæpe, circa unam actionem, plures leges concurrunt, vel etiam una lex, alterâ magis minusve est necessaria, hinc v. g. homicidio gravius est parricidium. Vulgo ex *circumstantiis* quantitatem repetunt, v. §. 9. *I. de injur. l. 7. §. fin. l. 8. 9. de injur. l. 16. de pæn.* Sed circumstantiæ, fundamenta modo nominata, præsupponunt eadem, quæ indicant, per se autem nullius sunt efficaciam.

§. 7. Ex frequenti actionum bonarum & malarum exercitio, in hominibus oritur *Virtus & Vitium morale*; Ex quo statim liquet, hæc accipi, vel pro *attributis actionum*, de quo antea, vel *personarum*; Hoc ergo respectu *Virtus*, est *habitus mentis vivendi secundum leges*, *Vitium* vero est *habitus mentis agendi contra leges*. Illa distinguitur in *Pietatem*, quæ observat leges ad cultum divinum directo spectantes, & *Justitiam*, quæ officia hominibus debita rite explet. Hoc itidem in *Impietatem* & *Injustitiam* discernitur, quarum natura, ex virtutibus oppositis, apparet.

§. 8. *Justitia* vulgo dividitur in *Universalem* & *Particularem*, sed nec termini illi satis sunt concinni, nec eadem eorum est suppositio. Clarius dici potest: *Justitia* est *Eminens*, quæ observat leges imperfectas, quarum scilicet executio cujusvis conscientiam relinquitur, vel *Vulgaris*, quæ observat leges perfectas, ad quarum observantiam refractarii cogi solent. Quodsi quis illam dicere velit *Universalem*, hanc, *Particularem*, nec his nominibus me opponam. Cætera philosophiæ Scholasticæ deliria, de *justitia Distributiva & Commutativa*, iisque surrogata *proportione Geometrica & Arithmetica*, merito, ut alibi, ita hic etiam negliguntur, vid. OBSERV. PUFENDORF. Obs. 63. seqq.

§. 9. *Vulgaris* quæstio est: *An Jurisprudentiæ finis sit justitia uni-*

universalis, an particularis? Prius, velut rem valde necessariam, inculcat LAUTERBACH. *C. J. de J. & J.* Non tam de *Justitia*, quam potius de *virtute morali in genere*, quaestio erat concipienda. Ego distinguendum esse cenſeo, inter finem *per se*, & *per accidens*, sit venia hisce terminis! Virtus vulgaris & externa, ad quam homines cogi possunt & solent, est finis *per se*, sive certus, sed virtus eminens, quæ vel coactionem omnino non admittit, vel saltem eidem subesse non solet, est finis *accidentalis*, qui *ſvadendo* & *optando* intenditur.

§. 10. Ergo virtus, pro attributo actionum potius, quam pro habitu mentis humanæ supposita, Jurisprudentiæ finis proprius & certus est. In specie igitur, extra hujus sphaeram Justitia eminens & Pietas sunt constitutæ, occasio tamen utriusque exercendæ, illi recte includitur: Aliquando malitia humana, palliandæ crudelitati, ambitioni & avaritiæ, pietatem prætexit, ac, improba vi, ad hanc homines cogit. Ex quibus etiam intelligi potest, quo sensu Jurisprudentia, *bonos non solum metu pœnarum, verum etiam præmiorum exhortatione efficiat*, l. 1. §. 1. de *J. & J.*

§. 11. A tractatione Justitiæ, in Jurisprudentia, faciendum esse initium, adeoque Ordini tam Institutionum, quam Pandectarum hætenus constare rationem, quod ille Justitiam primo loco exhibeat, vulgo arbitrantur, cum regulæ methodi analyticæ exigant, ut in Disciplinis Practicis, Finis primum locum occupet, v. EKHOLT *ad ff. de J. & J. §. 1.* Verum illud ipsum, à Fine desumptum argumentum, ostendit potius, quod Ordo ille male se habeat: Jurisprudentia intendit, ut homines, actiones suas, legibus attemperent, adeoque justitia, suo modo obtineatur, ergo, hanc, illarum explicationem præsupponere, manifestum est.

CAPUT XIV. DE DELICTIS.

SUMMARIÆ.

Quoad actiones licitas & honestas, dicta sufficiunt §. 1.

Sed delictorum consideratio ulterior instituenda §. 2.

Delicti indoles §. 3.

Ad illud requiritur voluntas §. 5.

In actum externum erumpens §. 6.

At legis prohibitio §. 7.

Causa §. 4.

Delictum

Delictum committunt, qui usum rationis habent

§. 8.

Quousque ebrietas in delictis excuset §. 9.

Delicti objectum & effectus §. 10.

Ejus varietas §. 11.

Delicta publica & privata secundum jus Romanum §. 12.

Et mores nostros §. 13.

Aliæ delictorum divisiones §. 14.

Eorum partitio secundum objecta generalia §. 15.

16. 17. 18. 19.

§. 1.



E actionibus licitis & honestis nihil amplius hic dicendum, sed, intelligendæ earum indoli, antea dicta sufficiunt. De variis vero illarum speciebus & effectu, ac in specie, quomodo actus liciti, in necessarios & obligantes, nempe conventiones & testamenta similesve, transformantur, siue hi, ex illis, sequantur; porro quomodo actiones honestæ sint suscipiendæ, aut susceptæ præmiis quandoque afficiantur, de his, inquam, in parte principali, locis propriis erit agendum.

§. 2. Aliaratio est actionum malarum siue delictorum, hæc enim uti sunt inter homines frequentissima, ita in varias se componunt formas, hinc distinctius nonnihil considerari merentur, nam vulgaris tractandi ratio, qua delicta ad finem jurisprudentiæ rejiciuntur, eademque in unum locum fere compinguntur, ratione destituitur. Delicta in singulos fere juris articulos incidunt, hinc nec eorum explicatio generalis differri, nec species conjungi, sed potius, præsupposita generali doctrina, singulæ suis locis proponi debent.

§. 3. Quid actio mala sit, *cap. pr. ec.* §. 3. ostensum est, sed hic strictius nonnihil eam supponimus, quatenus pœnis humanis illa subest, hinc actio mala siue delictum, est *factum externum voluntarium, contra legis prohibitionem susceptum, vel præceptionem, omissum.* Ejus tota explicatio juris Gentium est, hinc quæ ex Jure Romano allegari solent, non ad veritatem probandam, sed illustrandam pertinent, *vid. OBSERV. LAUTERB. Obs. 1198.*

§. 4. Delictum constituit lex, & malitiosa delinquentis voluntas. Ita nonnulli docere solent, *vid. LAUTERB. C. J. de priv. del. lit. C. de furt. lit. C.* Sed illa non recte conjunguntur ac eadem classe censentur. Dicendum potius, quod à voluntate hominis, delictum dependeat, ejus vero moralitas & effectus, obligatio scilicet ad damnum resarciendum & pœnam, ex lege sit.

S

§. 5. Ad

§. 5. Ad delictum ergo requiritur (1.) *voluntas* i. e. dolus vel culpa, hinc factum casuale, delictum non est, v. l. 31. ad L. Aquil. l. 1. §. C. ad L. Cornel. de sicar. Dolus est *liberum propositum agendi contra legem*, & nihil refert, siue directo quid intendamus, siue ex eo, quod intendimus, aliquid sequi possit & soleat, v. l. 6. C. ad L. Jul. de vi publ. l. 15. ad L. Cornel. l. 38. §. 5. de pæn. CARPZ. Pr. Crim. qu. 1. n. 28. OBSERV. LAUT. Obs. 1337. 1338. Quodsi autem mens hominis, causis nonnullis, licet non plane excusandis, in vita tamen civili toleratis, impellatur, tum agens vix doli reus censeretur potest. Culpa est *voluntas liquide destinationis expers*, dum quis circumstantias vel ignorat ignorantia vincibili, ve eas negligenter æstimat, vel causis quibusdam ad agendum movetur. Cum doli & culpæ distinctio, aliquando sit lubrica & anceps, in dubio, in mitiorem partem propendere debemus.

§. 6. Debet autem voluntas erumpere in *actum externum*, nam alias delicti, in foro civili puniendi, rationem non habet; Cogitationis igitur penam nemo luit, v. l. 1. §. 1. de furt. l. 18. de pæn. l. 225. de V. S. ex quo consequitur, quod nulla delicta, quæ in animo consistunt, nec, ad sui perfectionem, actum externum requirunt, delictorum punibilium classe censeretur queant, contra quod tamen vulgo niti solent. Propalatio delicti, in animo consistentis, nonnunquam pœnis humanis subjacet. Illud autem nihil refert, siue actus externus omittatur, siue suscipiatur, quemadmodum etiam *Conatus*, delictum punibile est, nec tamen semper puniri solet aut debet, vid. LAUTERB. C. J. de priv. del. CARPZ. Pr. Crim. qu. 2. n. 51. qu. 61. n. 2. 3. 4. qu. 71. n. 48. qu. 88. n. 3. qu. 91. n. 31.

§. 7. Quo vero consistet, actum externum esse illicitum (2.) *lege* opus est, juxta cujus præscriptum ejus moralitas æstimetur; Intelligitur autem talis lex, quæ actus externos respiciat, adeoque imperio civili subfit, nam si ad internos pertineat, tum libere solum illa esse recipienda, hinc nemo normam violasse, ac delictum commississe, dici potest, in cujus arbitrio fuit, normam illam admittere vel rejicere, hæc tamen, ut vi humana justa, ad eam amplectendam, cogi non potuerit.

§. 8. Delictum committunt, qui usu rationis gaudent ac delinquendi propositum, vel directum vel indirectum, habent; brutorum

igi-

igitur, infantum, amentium & vere errantium nulla sunt delicta, id quod communis ratio omnibus hominibus insinuat. Ex qua etiam patet, quod nonnulla, ut ætas, simplicitas, coactio, quodammodo excusent ac pœnæ mitigationem exigant, id quod passim Scriptores illustrent, *vid. LAUTERB. C. J. de priv. delict. lit. 5.*

§. 9. An ebrietas quoque in illum censum sit referenda, non satis liquet. Si illa sit vere involuntaria & summa, ebrium plane excusandum, ac omnem culpam in eum, qui ebrietatis causa est, transferendam esse, certum videtur. Si quis vero perpetrandi delicti causa, quo scilicet animosior audaciorque reddatur, ebrietatem contrahat, is nullam meretur excusationem. Si denique, sine intentione delicti committendi, quis se inebriet, ac ebrietas rationem penitus opprimat, pœnæ mitigationem quandam, illa videtur operari, nam eam non semper sequitur delictum, præterea illa, in vita civili, licite contrahitur, hinc delictum aliquando secutum, non tam dolosum, quam culposum est.

§. 10. Delinquitur contra leges, ac personas & res, de quibus hæc loquuntur, & si delictum legitime probetur, quam probationem communes socialitatis regulæ exigunt, *add. l. fin. C. de probat.* tum delinquens obligatur ad damnum resarciendum, si quod dedit, & ad pœnam, ab Imperante legitime decretam, excipiendam. *add. LAUTERB. d. l. lit. O.*

§. 11. Distingvuntur delicta (1.) à *voluntate delinquentis in vera*, quæ dolo, & *quasi delicta*, quæ culpa committuntur, quæ divisio non juris Romani, sed Gentium est, ac hodie quoque obtinet, (2.) à *diversò puniendi & procedendi modo*, in publica & privata, quæ tamen divisio aliter de jure Romano, aliter moribus nostris, intelligenda est.

§. 12. Jure Romano publica delicta sunt, *quæ speciali lege notata, singulæ processu vindicabantur*; Privata vero, *circa quæ actiones & judicia privata occurrebant, ac pœna exacta, ut plurimum læsò applicabatur*. Hæc iterum erant vel *privata in specie*, vel *extraordinaria* eaque vel *antiqua sive regularia*, vel *recentia sive irregularia*.

§. 13. Sed hodie publica delicta sunt, *ob quæ pœna publica*, i. e. ejus emolumentum non sentit læsus, *imponitur*, Privata autem, *quæ sequitur pœna privata, læsò applicanda*. Ex quibus duo sequuntur

primo, delicta publica & extraordinaria, hodie coincidere; *secundo*, numerum delictorum publicorum, longe majorem esse, quam de jure Romano; Imo non immerito omnia delicta, hodie pro publicis habentur, & divisio, qua in publica & privata, illa separantur, ob nonnullo-
rum, delicta & penas privatas adhuc asserentium, præjudicia, saltem notanda videtur. *vid. OBSERV. LAUTERB. Obs. 1199. 1232. 1285.*

§. 14. Præterea (3.) à *forma* distinguuntur delicta in *uniformia*, quæ eandem semper habent naturam, ex certo aliquo objecto resultantem, v.g. furtum, homicidium, & *multiformia*, quæ varia habent objecta, ac in plures se componunt formas, ut stellionatus, falsum, (4.) à *judicis diversitate* in *Ecclesiastica, secularia & mixta*; ista iterum in *civilia & militaria* distingvi possunt. Dantur quoque aliæ circumstantiæ, à quibus alias delictorum divisiones repetere licet, sed operæ non est pretium, omnes istas consuetari minutias, *add. CLASEN. ad Nemes. Carol. in prolegom.*

§. 15. Illatamen divisio, qua (5.) ab *objecto generali*, delicta discernuntur, quod vel *hominem ipsum*, vel *alios*, vel *Deum* respiciant, non negligenda videtur. Ad primam classem non adeo multa referri possunt, nam licet homo multis modis, in seipsum peccare soleat, dum animum non excolit, aut sanitatem corporis ebrietate, nimia Venere vel aliis modis imminuit, attamen eorum in vita civili, nulla vel exigua ratio haberi solet, hinc fere unicum, idque rarius, *Propri-
dium* scilicet, quo desperati homines sibi ipsis violentas manus inferunt, huc pertinet.

§. 16. Secunda classis, secunda est, nam in proximum varia ratio-
ne delinquitur: Forte non inconvenienter, intuitu *hominum*, *inter se
conversantium*, *propagandorum & mortuorum*, delicta illa recenseri pos-
sunt. In *conversazione civili*, vel *singuli homines*, vel *integra univer-
sitas*, aut *plura ejus membra* læduntur.

§. 17. Delicta *singulos* afficere solita, vel respiciunt *vitam*, ut ho-
micidium cum suis speciebus, vel *religionem*, nempe hierotyrannis,
vel *membra ac sanitatem*, ut vulneratio, vel *exilnationem*, scilicet
injuria, vel *bona*, ut furtum, damnum, rapina, stellionatus, concussio,
& si quæ alia hujus generis occurrunt, vel *plura simul*, aut *modo hoc,
modo aliud objectum*, ut plagium, prævaricatio, calumnia, latrocinium,
falsum,

falsum, facinorosorum receptatio, & ejus generis alia. Delictorum vero *Universitatem* lædentium, exempla sunt crimen læsæ Majestatis, tyrannis, crimen fractæ pacis, diffidatio, Scopelismus, annonæ vexatio, carcerum effractio, ambitus, Simonia & similia.

§. 18. Quoad *hominum propagationem*, eique *surrogandum membrorum genitalium usum*, occurrunt delicta carnis, nempe fornicatio, stuprum, adulterium, incestus, Sodomia, lenocinium, abortus procuratio, bigamia, raptus & similia. Intuitu autem *mortuorum*, sunt crimen sepulchri violati aliaque in defunctos commissa crimina.

§. 19. Tertiæ classis delicta summam ad quatuor species revocari posse videntur, nempe *Impietatem, Heresim, Infidelitatem & Atheismum*, quæ tamen non eo fine recensentur, quasi, in vita civili, indistincte crimina sint, ac pœnis humanis subjaceant, sed quod, ex vulgaribus præjudiciis, pro talibus habeantur. De singulis autem delictis hic indicatis, in locis propriis agendum erit.

CAPUT XV. DE POENIS.

SUMMARIA.

Pœnz consideratio generalis, necessaria est §. 1.

Ejus definitio §. 2. Finis §. 3.

Jus puniendi competit Imperantibus §. 4.

Qui ad pœnas infligendas etiam obligantur §. 5.

Obligatio delinquentis ad pœnam §. 6. 7.

Ob delictum alienum nemo puniendus §. 8.

Quædam delicta puniri non possunt §. 9. 10.

Quædam non solent §. 11.

In pumbilibus aliquando locus est veniæ §. 12.

Cujus concedendæ jus etiam magistratibus inferendis competere solet §. 13.

Pœnz habitus & proportio §. 14. 15. 16. 17.

Usque ad mortem pœnz etiam extendi possunt §. 18.

Cum aliquo temperamento §. 19.

Modus imponendi pœnam §. 20. 21.

Pœnz contraria §. 22.

Varietas §. 23. 24.

Inspecie quoad mores nostros §. 25. 26.

Pœnarum abusus quadruplex §. 27. 28.

Delinquentis & Magistratus, quoad pœnam, justitiam, hujusque injustitiam §. 29.

§. 1.



delictis oriri obligationem ad *damnum resarciendum & pœnam*, paulo ante diximus. Circa primum effectum, generali aliqua tractatione opus non viderur, nam & obligatio satis certa est, & termini facile intelliguntur, ut specialis

cialis ejus expositio, in locis propriis, sine difficultate fieri queat. Aliter se res habet, quoad effectum secundum, nam pœnæ natura & moralitas est satis involuta, ut omnino generalis aliqua disquisitio præcedere debeat, antequam speciales pœnæ, in suis sedibus, adducantur, nam ordo juris Romani, quo generalis doctrina, in fine fere Jurisprudentiæ, instruitur, postquam sexcentis in locis, varix pœnarum species erant adductæ, dubio procul inconcinnus est.

§. 2. Pœna est, *malum, quod, ob delictum, præter damni reparationem, delinquenti, ad illud excipiendum, obligato, ad securitatem & utilitatem societas humana, ab Imperante, illique subordinatis Magistratibus, legitime imponitur.* Ex qua definitione, uti facile apparet, quæ mala pœnæ rationem non habeant, ita in specie inde intelligitur, quod pœna testamentaria & conventionalis, proprie pœna non sit, sed potius præstatio, ex actu licito profecta.

§. 3. Pœna non eo fine est imponenda, *quo delinquenti ægre fiat,* hujus enim intentionis nulla est utilitas, adeoque illa inhumana & illicita censenda est, qui igitur nihil nisi dolorem spectant, illi vilem pravumque animum satis ostendunt, ac ipso delinquente non sunt meliores. Semper igitur ad *bonum futurum mediisque humanis obtinendum,* pœna dirigenda est, & videtur commodissime legitimus pœnarum finis exprimi posse, si dicas, principalem esse, *securitatem societas humanae, subordinatos, delinquentis emendationem, enervationem vel extinctionem, nec non aliorum territionem.*

§. 4. Jus puniendi inhæret *Rebus publicis & Imperantibus,* non vero *privato aut pari,* his enim non competit judicium de fine pœnarum, præterea delinquente regulariter viribus illi non sunt majores, hinc nec jus puniendi iis asseri potest. Inter pares igitur, tantum obtinet bellum, & mala bellica, ob alterius resistantiam, regulis pœnalibus haud sunt adstricta. Quod si vero læsus adversarium ita in angustias redigat, ut resistere hic amplius nequeat, tum, jure & potentia, ejus velut redditur Imperans, hinc jus puniendi, isto casu ei tribuere, nil vetat, certe par est, ut is, in malis inferendis, leges pœnales observet.

§. 5. Non tantum autem *possunt, sed & debent* Imperantes delicta punire, obligantur enim, hoc nomine, per legem naturalem, Deo & Rei-

& Reipublicæ, non tamen absolute, sed prout utilitas societatis civilis id exigere videtur, hinc jus aggratiandi cum illa obligatione consistere potest, nisi Deus lege positiva universali pœnam aliquam præcise imponi jufferit. Aliquando etiam lex naturalis pœnas, aut earum imponendarum modum, prohibet, quam prohibitionem sæpe negligunt homines, ac palliandæ injustitiæ, alteram illam obligationem prætexunt.

§. 6. Puniri autem debet *delinquens*, qui ad pœnam excipiendam eatenus obligatus merito dicitur, ut ei deprehenso, ob delictum punibile & legitime probatum, illa, in debita quantitate, citra injuriam, queat imponi, cum enim permissa impunitas aliis animum ad patrandæ scelera, sit datura atque ita publico nocitura, hinc merito, coercendis delictis, pœna infligitur, quam obrem sanctio pœnalis, ex justis causis, oritur, adeoque delinquentem, ad pœnam sustinendam omnino obligat, ut ille queri non possit, secum inique esse actum.

§. 7. Tantus autem obligationis rigor, ut delinquens se ipsum deferre, aut nihil omnino, pœnæ declinandæ causâ, facere debeat, frustra asseritur, nam *impunitas per se* publico non nocet, sed *publice permissa* demum damnum affert, hinc Imperantes quidem iisque subordinati Magistratus omnibus modis hoc agere debent, ne delinquentes, sine causa, sint impuniti, aut delinquens ad pœnam, suo velut jumento sibi attrahendam, haudquaquam obstringitur.

§. 8. Alios vero ob delictum alienum non esse puniendos, licet iis arcta cum delincente intercedat conjunctio, communes socialitatis regulæ facile ostendunt, *v. l. 3. l. 26. ff. l. 22. C. de pœn. l. 2. §. 7. de decur. l. 9. de Senator.* & mera crudelitas est, quæ exstat in *l. 5. C. ad L. Jul. Maj. v. OBSERV. LAUTERB. Observ. 1303. 1304.* Pœna tamen pecuniaria hæredibus quandoque non inique imponitur, *v. c. 11. §. 31. 32. 33.* quemadmodum etiam non infrequens est, ut quis, occasione delicti alieni, damnum vel voluntarium, vel fortuitum sentiat.

§. 9. Imponitur pœna ob *delictum*, quædam tamen delicta ab hominibus jure puniri *non possunt*, quædam *non solent*, quædam *semper non debent*. Ad primam classem pertinent *delicta religionem concernentia*, sicut enim religio imperio humano non subest, ita delicta circa eam commissa, quæ sæpe etiam talia non sunt, sed a nonnullis saltem pro talibus venditantur, pœnis humanis non subjacent, acce-

accedit, quod illa per se societatem humanam non lædant, ex quo tamen jus puniendi humanum unice derivari debet.

§. 10. Ad eandem classẽ referenda delicta, *quæ in solo animo consistunt, nec, ad sui perfectionem, actum externum requirunt*, qualia potissimum sunt, quæ quis contra religionem, à se agnitam probatamque committit, licet enim delinquens, postquam delicta illa indiciis externis innotuerunt, juxta propria principia convinci queat, quod male egerit, hominibus tamen jus puniendi non comperere, non tantum inde liquet, quod illa delicta societatem humanam non lædant, sed & quod; clam iis, perfecte committi possint, qua nota, à delictis sensualibus, manifeste distingvuntur. Quod si tamen actum aliquem externum illa habeant adjunctum, tum castigationi humanæ subsunt.

§. 11. Ad secundam classẽ spectant delicta, *quibus non tam læso infertur, quam bonum saltem negatur*, qualia sunt inhumanitas & ingratitude; *pravi affectus, quamdiu in actus enormes, non erumpunt, utut alias satis sint noti*, ut avaritia, ambitio, superbia, iracundia & similes: Denique *vitia in solita, ac publica velut auctoritate probata*, qualia sunt ebrietas, otium ignavum, luxus, prava ludendi consuetudo, ambitus, temerariæ lites ejusque generis alia.

§. 12. Tertiã classẽ constituunt *delicta punibilia & puniri solita*, nam hæc non semper puniri debent, sed aliquando delinquentibus *venia* recte conceditur. Cæterum sicut hæc cessat, si lex divina universalis pœnam præcise imponi jubeat, ita, si lex dispensabilis adsit, non aliter quam ob justas causas venia est concedenda, hæc vero summam vel à *pœna*, si durior forte sit, vel à *delicto*, si v. gr. paucis cognitum, vel à *delinquente*, si aliqua ejus merita, aut aliæ circumstantiæ, clementiam provocantes, occurrant, desumendæ esse videntur.

§. 13. Sicut autem jus tollendi vel mitigandi pœnam originarie est penes Imperantem, ita posterius Magistratibus subordinatis, aliquo modo, quoad pœnam arbitriam, delegari solet, ut v. g. pœnam relegationis, imo fustigationis, ex nonnullorum sententia, in pecuniariam convertere queant, v. CARPZ. *Pr. Crim. qu. 150.* Quod si autem circumstantiæ, quas lex requirit, in aliquo facto non occurrant, tum non dispensatur, sed, illud sub lege non comprehendere, genuina interpretatione ostenditur.

§. 14. Pœ-

§. 14. Pœnæ nomine imponitur *malum*, id quod uti vitam, corpus, membra, existimationem vel bona afficere, ac delinquens illud, agendo vel patiendo, sentire potest, ita, si cum regulis justitiæ & prudentiæ convenire debeat, duo ad illud requiruntur: (1) *ut finem pœnarum producere aptum sit* (2) & *delicto conveniat*, utriusque igitur, in legibus pœnalibus ferendis, Imperans rationem habere debet.

§. 15. Quæ mala ad finem producendum sint idonea, aut ad eum non pertingant, vel etiam effectum plane contrarium habeant, id judicatu non adeo est difficile. Ad inveniendam vero delictorum & pœnarum proportionem, tum illorum *quantitas*, tum *delinquendi facilitas* & *consuetudo*, tum denique *personæ delinquentis*, ad *sustinendam pœnam*, *aptitudo* spectari, idque omne ex rationibus *utilitatis publicæ* æstimari debet, quæ res licet ad *arithmeticam* mathematicam exigi nequeat, ad usum tamen vitæ civilis, si pravi affectus absint, bene satis constitui potest.

§. 16. Illud certum, quod juxta *legem Mosaicam particularem*, vel *rationem*, pœnarum determinatio præcise non sit facienda, multo minus, ad istam rem expediendam, sribligine Scholastica, de *proportionem arithmetica & geometrica*, quam nonnulli hic adspargunt, opus sit. Cæterum dicta pertinent ad Imperantes, nam inferiorum Magistratuum saltem est, leges latas ad factum rite applicare; Quoad pœnas tamen arbitrarias, antea dicta ad hos etiam applicari possunt, *v. l. 1. §. 4. ad Sæ. Turpill. l. 15. pr. in fin. ad municip. l. 1. §. 1. de fer. Nov. 82. c. 10.*

§. 17. Quo autem eo minus, in pœna decernenda, aberrant judices, communi Germaniæ consuetudine invaluit, ut ex consilio JCrorum, sententiam dicere debeant, *v. art. fin. Ord. Crim. Carol. CARPZ. pr. Crim. qu. 116.* cujus instituti in genere, quoad omnem scilicet justitiæ administrandæ rationem, sua sunt commoda & incommoda. Quod si pœnam vel nullam, vel leviolem, quam causa postulabat, irrogent judices, infamia vel talione puniuntur, *l. 8. §. 2. C. de vi publ. l. fin. C. ne sanct. bapt. reiteret. l. 1. C. de priv. carc.* quorum hodie nullus videtur esse usus.

§. 18. De eo scorsim quæri potest, an Imperans mortis supplicium delinquentibus irrogare queat? ut homicida dolosus tali pœna
T
coer-

coerceatur, id nullam in se habere iniquitatem, satis manifestum est, etiamsi à S. Scriptura abstrahamus, nam, per modum velut talionis tantum mali ei imponitur, quantum ipse aliis intulerat; sed non minus, quoad alia etiam delicta, idem recte asseritur, nam salus publica & multorum securitas, vitæ delinquentium præferenda, maxime cum quivis, delictum omittendo, casum illum evitare ac vitam conservare queat.

§ 19. Interim vix dubitandum videtur, quin ultimum supplicium sæpe largius dispensetur, quam regulæ æquitaris permittant, hinc, nisi Republicæ ut plurimum essent morbidæ, ac pecunia, ad pœnas rite dirigendas, adhibenda, in res vanas noxiasque prodigeretur, incruenta supplicia majori cum fructu sæpe adhiberi possent, imprimis cum homines desperati, mortem minus quam duriores labores reformidare soleant. *add. PUFEND. de J. N. G. L. §. c. 3. §. 23. CARPZOV. Pr. Crim. qu. 101.*

§. 20. *Modus* imponendi pœnam, in his summatim consistit: (1) hoc agant Imperans eique subordinari Judices, quo delinquentem in suam redigant potestatem, quod carcere, custodibus ac salvo conductu obtineri potest, (2) de eruenda delicti veritate debent esse solliciti, hinc omnia legitima probandi media adhibenda sunt. Quodsi de delicti veritate constat, tum (3) pœna conveniens dictanda, reo tamen, quoties æquitas postulat, defensio quoque concedenda est.

§. 21. Si rata maneat pœnalis sententia, tum (4) in conspectu populi regulariter executioni est danda, nec supplicium differendum, nisi vel aliorum jus vel ipsius delinquentis conditio, vel prudentiæ dictamina dilationem aliquam exigant. Quodsi delinquenti moriendum sit, ea adhibenda erunt media, quo bene moriatur, qua de re in processu criminali, iterum dicendi erit occasio v. CARPZ. *Pr. Crim. qu. 137.*

§. 22. Excluditur pœna (1) *morte rei*, aliquando tamen etiam contra mortuum extenditur, v. CARPZ. *Pr. Crim. qu. 131. n. 27.* quandoque ad hæreses transit, v. §. 8. (2) *veniæ concessione*, v. §. 12. 13. quæ vel *specialis & consequens*, qua pœna delinquenti remittitur, vel *generalis & antecedens*, qua, post lapsum certi temporis, delinquentes pœnæ

pœnæ subijci vetantur, quæ *Præscriptio* audit, de qua alibi dicendum.

§. 23. Uti autem varia mala, pœnæ nomine, imponuntur, ita hujus etiam aliqua est varietas, nam (1.) ab *objecto* distingui illa potest, quod *vitam, corpus, existimationem* vel *bona* respiciat, (2.) ab *auctore*, in pœnam *juris divini & humani*, (3.) ab *impositionis diversitate*, in *principalem*, quæ primario imponitur, & *accessoriam*, quæ illi co-hærere solet, (4.) ab *adjuncto* in *Honoratam & Inhonoratam*. v. PUFEND. de J. N. G. l. 8. c. 3. §. 25.

§. 24. Usitatissima vero est divisio pœnæ, (5.) in *ordinariam*, quæ legibus definita est, & *extraordinariam*, cujus definitio Magistratum arbitrio, prudentiæ & justitiæ committitur, v. l. 1. §. 1. de *effra.* l. 11. 13. de *pœn.* quæ, si justæ rationes hoc siveant, ad mortem etiam extendi potest, v. l. 9. de *extraord. crim.* l. 7. §. 3. ad L. *Jul. repet. Nemes. Carol. art. 112. 113.* THEODOR. *Coll. Crim. c. 10. aph. 2. n. 32.* (6.) in *civilem*, quæ actori adjudicatur, & *criminalem*, quæ publicum interesse respicit, l. 9. §. 5. de *publican.* §. 10. l. de *injur. add.* THEODOR. d. tr. c. 5. *aph. 6. n. 5.*

§. 25. Sed ultima divisio, juxta usum Germaniæ, aliter formanda & intelligenda est: Nempe pœna est vel *privata*, quæ læsi lucro est, quæque rarissime occurrere videtur, v. c. 14. §. 13. vel *publica*, quæ publicas rationes respicit, nec ad læsi commodum pertinet, hæc est vel *civilis*, quæ corpus non afficit, *die nicht auf haut und haar gehet*, vel *criminalis*, quæ corpus affligit, *die an haut und haar gehet*.

§. 26. Pœnæ ergo *Civilis* species sunt pœna pecuniaria, carceris, confinatio, relegatio perpetua & temporalis, infamia, detrusio in monasterium, numellæ & ejus generis aliæ. *Criminalis* est vel *capitalis*, qua tollitur vita naturalis, ut decollatio, suspendium, supplicium rotæ, suffocatio in aquis, combustio, dissectio in partes, vivi defossio, diaspendon, v. BROID. ad *Pollet. histor. for. Rom. l. 5. c. 19.* similesque vel non *capitalis*, quæ corpus affligit, salva vita, ut fustigatio, abscissio auris, digitorum, lingvæ aut manus, membrorum extensio sive tratto di corda, aliæque, v. CARPZOV. *Pr. Crim. qu. 102. 128. 129. 130. add.* LAUTERB. *C. J. de pœn.*

§. 27. De cætero maximus pœnarum humanarum est abusus, sive earum constitutionem, sive applicationem spectes, de quo uti prolixè disserere, institutum non patitur, ita in genere ejus quatuor

species esse videntur. Velenim (1.) *pœna imponitur, ubi jus puniendi plane non est*, dum scilicet delictum revera non est admissum, aut naturâ suâ non est punibile, vel, posito jure puniendi (2.) *malum, producendo fini inidoneum, adhibetur*, hoc nomine pœna infamiæ, relegationis, abscissionis membrorum, & sæpe pecuniaria ac carceris improbari potest.

§. 28. Vel (3.) *supplicia nimis acerba irrogantur*, hinc horrida illa pœnarum capitalium genera, suffocatio in aquis, vivi defossio similia, que merito, ut inhumana nullumque legitimum finem habentia, rejiciuntur. Vel denique (4.) *pœnarum in se legitimarum impositio, prosopolepsia aliisque pravis affectibus corrumpitur*. Labore, &, si delictum exigit, mortis supplicio non dolorifico, delinquentes erant coercendi, cætera ethnicismum aut papatum redolent, vel Respublicas morbidas arguunt.

§. 29. Interim, si delinquens pœnam promeritam excipiat, *justus* dici potest, sed justitiâ parum splendidâ, ut justior omnino sit, qui illum exercendæ justitiæ casum evitat. Porro Magistratus, si pœnas legitime imponant, *justi* quoque sunt, an vero, in irroganda pœna commutativam, distributivam, vel nescio, quo elogio mastrandam justitiam observent, ea inepta negligendaque quæstio est. Quod si obligationem suam negligant, *injusti* sunt, cujus injustitiæ species solent esse *nimia lenitas*, hacque frequentiores, *crudelitas, avaritia & prosopolepsia*. vid. OBSERV. PUFEND. *Observ. 6. 6. seqq.* OBSERV. LAUTERB. *Observ. 1376. seqq.*

CAPUT XVI. DE ACTIONIBUS ALIISQUE REMEDIIIS FORENSIBUS.

SUMMARIÆ.

Transitus ad remedia coactiva §. 1.
Ambiguitas actionis §. 2.
Natura & usus §. 3. 4.
Fundamentum §. 5.
Earum divisio à lege §. 6.
Secunda à jure §. 7.
Quo sensu actiones sunt reales & personales §. 8.
9. 10. 11. 12.

Nativæ & dativæ, quæ distinctione rejicitur §. 13.
Tertia divisio principalis à subiecto §. 14.
Quarta ab objecto §. 15. 16.
Quinta à diversa interpretatione §. 17.
Sexta ab effectu §. 18.
Septima à fine, octava à duratione §. 19.
Nonâ à diversitate initii, decima à varietate processus §. 20.

Imple-

Implicatio officii iudicis, quo loco habenda §. 21.

Undecima actionum divisio ab usu diverso §. 22.

Otiola actionum nomina §. 23.

Jurisprudentiæ molesta sunt §. 24.

Circa concursum actionum, duo casus distinguendi §. 25.

Quousque actiones, ex diversis causis descendentes concurrant §. 26.

Ex eadem causa, est concursus successivus, electivus §. 27.

Et cumulativus §. 28.

Qui etiam circa actiones penales nonnunquam locum habet §. 29.

Explicitio l. 130. de R. J. §. 30.

Concursus actionum hodie non adeo frequens est §. 31.

Contra actionem, reus se defendit negando vel excipiendo §. 32.

Exceptionum indoles §. 33.

Et varietas §. 34.

Exceptionem sequuntur replicatio aliique actus §. 35.

Quorum moralitas, durante processu, incerta §. 36.

In criminalibus locum habet accusatio, inquisitio & defensio §. 37.

Monitum de fundamento & usu remedium forensium §. 38.

§. 1.

Scopus Jurisprudentiæ est, ut homines actiones suas legibus attemperent, adeoque virtuosus & bene morari suo modo evadant. Cum vero sæpe, ad illum finem, actiones ultro non componant, hinc *pæna*, de quibus hætenus, aliaque *remedia coactiva*, quibus vel ad officium implendum adigantur, vel, ob neglectum, coercionis subjiciantur, invaluerunt, de quibus deinceps dicendum erit, nam id facile constat, ordinem Juris Romani, quo pene, ad Disciplinæ calcem, ea res rejicitur, nulla niti ratione, cum enim circa singula fere jura, per universam Jurisprudentiam diffusa, peculiare aliquod remedium coactivum occurrat, generalis utique eorum doctrina præsupponenda est.

§. 2. Persequimur autem id, quod vel nobis, vel Publico debetur, hinc remedia sunt *Civilia* vel *Criminalia*: Illa, *actionum* nomine veniunt. Actio sæpe sumitur pro *jure agendi*, vid. l. 51. de O. & A. pr. l. de action. HILLIG. ad Donell. l. 19. c. 1. lit. D. sed, si ut remedium forensis spectetur, pro *juris allegatione* accipienda est, v. l. 25. de O. & A. l. 12. de reb. dub. BACHOV. de action. disp. 1. §. 25. de cætero jure Romano, nunc in sensu latiori, nunc strictiori, eadem supponitur, v. l. un. C. quand. act. civ. crim. l. 25. 28. 37. 51. de O. & A. l. 34. l. 178. §. 2. de V. S. l. 1. §. 1. de extr. ord. cognit. LAUTERB. C. J. de O. & A. quæ hodie nullum vel exiguum habent usum.

§. 3. Ex communi Gentium Germanicæque usu, Actio est *juris nostri allegatio*, eo fine in Judicio competente facta, ut obtineamus id,

ad quod jus nobis competit. Dantur actiones contra eos, qui actori non subsunt, imperio tamen civili sunt subiecti. Imperantes quales *amicabili compositione*, & hac cessante, *bello* lites suas definiunt. Cum subditis suis Imperans agit per *mandata*, sicut illi ab Hoc, *precibus* juris sui usum petere debent.

§. 4. Aliquando tamen Imperantes, controversias, quæ ipsis vel cum aliis, vel subditis suis, intercedunt, *arbitris*, vel *propriis judiciis* submitunt, ita quidem, ut consveto processu illæ definiantur. Hoc respectu, etiam quoad Imperantes, actionum forensium est usus, iis tamen nihil nisi *juris declaratio* quæritur, adeoque à consveticis actionibus, quæ & *juris declarationem* & *sententiæ latæ executionem* exigunt, illæ utique sunt distinctæ. Quodsi Imperans certo respectu, alterius imperium agnoscere debeat, id quod in Statibus Imperii Germanici accidit, tum ejus respectu, actiones proprie dictæ locum inveniunt.

§. 5. Illud autem facile liquet, actiones oriri *ex jure competente*, hoc ergo qui habet, de illis desperare non debet, hinc etiam haud existimandum est, quasi illarum veritas ex jure Romano dependeat, adeo, ut hoc remoto, nullæ futuræ sint actiones, quam superstitionem jam notavi in SPECIM. JUR. PUBL. l. 7. c. 6. Utrum vero jus ad producendam actionem, profuturum, ex lege naturali vel civili, nobis competat, id una regula definiri nequit, sed modo illud, modo hoc dicendum erit, hinc etiam doctrina, qua *actiones jure Gentium inventæ* esse perhibentur, inanis est. *vid. OBSERV. LAUTERB. Obs. serv. 1142.*

§. 6. De cætero actiones varîe distinguuntur, de qua re, fere juxta ductum LAUTERBACHII in C. J. de O. & A. breviter agemus. Distinguuntur ergo Actiones (1) à *Lege* (1.) in *Civiles*, quæ ex legibus civilibus, & *Pretorias*, quæ ex jure prætorio oriuntur, §. 3. I. de action. l. 25. §. fin. de O. & A. Cujus divisionis in Germania nulla est utilitas, si de *autoritate* & *effectu* actionum quærat, cum omne jus Romanum, apud nos, ut receptum valeat, si vero de *duratione* quæstio sit, illa non plane negligenda videtur. (2.) in *directas*, quæ ex verbis legis, *utiles*, quæ ex ejus sententia, & *in factum*, quæ ex æquitate oriri creduntur, §. fin. I. ad L. Aquil. conf. THOMAS. in not.

ad

DE ACTIONIBUS ALIIS QUE REMEDIIS FORENSIBUS. 151
ad *Strauch. dissert.* 19. §. 12. Sed hæc non est divisio, verum unius
rei diversa denominatio, quæ & Romanis tandem otiosa visa, *l.* 47.
§. 1. de *N. G.* & hodie dubio procul nullius usus est. (3) in *naturales* &
Civiles, v. OBSERV. LAUTERB. *Obs.* 1143.

§. 7. Porro (II) à *Jure*, ex quo *proxime descendunt*, distinguuntur
actiones in *Præjudiciales*, quæ ex jure personarum, & *Patrimoniales* (liceat eas ita dicere) quæ ex jure rerum oriuntur. Sic utique
philosophantur, qui accuratissime istam rem exponere volunt. Sed
uti jam in OBSERV. LAUTERB. *Obs.* 1144. illam distinctionem re-
jeci, ita aliud adhuc fundamentum, ex quo illa improbari queat, su-
pra c. II. §. 16. 17. adduxi, quia scilicet omnia jura (adeoque etiam
personarum, quæ vocant) ad alios relata, sunt vel realia vel perso-
nalia.

§. 8. Potius igitur dicendum, quod juxta respectum allatum,
actiones sint vel *reales*, quæ ex jure reali fluunt, ac contra possessio-
rem dantur, vel *personales*, quæ ex jure personali descendunt, ac con-
tra specialiter obligatum moventur. Illæ, stilo Juris Romani, *Vindicationes* &
Petitiones, hæ *Conditiones*, ac aliquando *Actiones* audiunt,
v. §. 2. *I. quib. mod. toll. oblig.* §. 15. de *action. l.* 25. 28. de *O. & A.*

§. 9. Duabus illis speciebus solent adjici actiones *mixtæ*, quæ
scilicet reales & personales simul sint, ex 20. *I. de action.* quas tamen
alii iterum expungunt, mihi sic videtur: Concurfus juris realis &
personalis, est possibilis, adeoque actiones mixtæ esse possunt, proba-
bile etiam videtur, quod nonnullæ revera pro talibus, à Romanis, fue-
rint habitæ, arg. §. 3. 4. *I. de obligat. que quasi. ex contr. junct.* §. 20. *I. de action.*
sed id omne ex inepta subtilitate habet originem, vid. HUBER. *posit. ad I. de O. Jud. n.* 5. *seqq. ad ff. de R. V. n.* 15. hinc operæ
non est pretium, minutias consectari, verum omnes illæ actiones,
quas mixtas dicunt, pro realibus possunt haberi, v. OBSERV. LAUTERB.
Observ. 201. 275. 283.

§. 10. Velut species intermedia, etiam laudari solent actiones
personalis in rem scriptæ, quæ, nisi fallor, in eo à mixtis differunt,
quod hæc jus reale & personale præsupponant, illæ vero unice, ex ju-
re personali, cui tamen effectus juris realis communicatus sit, descen-
dant, quæ incomparabilis differentia est! Cæterum illas actiones, ex

errore Romanorum invaluisse, dum effectum, qui à dominio dependet, ad delictum retulerunt, plane arbitror, hinc etiam nulla apparet ratio, quare eas hodie necessarias aut utiles dicere debeamus.

§. 11. De cætero, quot sint actiones reales, ejus decisio dependet ex quæstione præjudiciali de numero jurium realium, de qua dixi c. 11. §. 18. Maxime celebratæ sunt *Rei Vindicatio*, sub qua actio finium regundorum, communi dividundo & Negatoria comprehendi possunt, *Confessoria*, *Hypothecaria*, *Hereditatis petitio*, cujus species variæ sunt, in specie eo referri potest actio familiæ erciscundæ, & *actiones possessorie* v. OBSERV. LAUTERB. *Obs.* 32. n. 4. 5. *Obs.* 1082. 1084. 1085. 1108.

§. 12. Actiones personales potissimum ex delictis & contractibus oriuntur. Quodsi contractus sit bilateralis, nec tamen utrumque contrahentem æque principaliter obliget, tum actio altera, dicitur *directa*, quæ contra principaliter obligatum intenditur, altera, *Contraria*, quæ secundario obligatus convenitur. Si vero uterque æque principaliter obligetur, ut e.g. in emtione venditione, tum utraque actio, *directa* audit. Nomina illa non valde quidem sunt necessaria, semel tamen recepta retineri possunt.

§. 13. Solent etiam actiones, à fundamento, §. 7. relato, distingui in *Nativas*, quæ præexistentem sufficientem habent materiam, ex qua descendant, & *Dativas*, quæ præcedentem sufficientem causam non habent, sed ex æquitate à lege dantur. Est autem illa distinctio, inter juris civilis interpretes, satis controversa, v. FIBIG. *Coll. legal. disput.* 13. *Semidecad. qu.* 2. BERGER. *in resolut. ad Lauterb. de O. & A.* Mihi, ex turbidis rerum moralium principiis ac præjudiciis Romanis illa dependere, adeoque minime necessaria videtur: omne jus agendi est ex lege, hæc tamen factum aliquod similemque causam præsupponit, hinc omnis actio dativa & nativa dici posset, si istis nominibus indigeret Jurisprudentia.

§. 14. A *Subjecto* (III) dividuntur actiones (1) in *transitorias*, quæ in hæredes transeunt, & *non transitorias*, quæ in eos non transmittuntur, *vid. c. 11. §. 25. seqq.* (2) in *Simplices*, in quibus unus litigantium saltem actor aut reus est, & *Duplices*, in quibus uterque actoris & Rei vice fungi potest. v. l. 10. *fin. reg. l. 44. §. 4. fam. ercisc. l. 2. §. 1. comm. div.*

dro. l. 1. §. 14. de judic. l. 37. §. 1. de O. & A. sed vix operæ pretium est, ex istis circumstantiis divisiones exsculpere, (3) in *privatas*, quæ ei dantur cujus interest, & *populares*, quæ omnibus subditis habilibus conceduntur, quales hodie in usu non sunt. v. OBSERV. LAUTERB. *Obs. 1283. 1284.*

§. 15. Ab *Objecto* (IV) Actiones varie distingvi possunt. Nimirum ab ejus *qualitate* dividuntur (1) in *petitorias*, quibus de proprietate similive jure præcipue controversitur, & *possessorias*, quibus de possessione disceptatur, (2) in *Rei persecutorias*, quæ id, quod ex patrimonio abest, *pœnales*, quæ pœnam privatam, & *mixtas*, quæ utrumque persequuntur, §. 16. *seqq. I. de action.* quæ divisio in Germania probabiliter non est recepta, sed omnes actiones sunt rei persecutoriæ. v. OBSERV. LAUTERB. *Obs. 1147.*

§. 16. Ab *objecti* autem *quantitate*, actiones sunt (1) *universales*, quibus de rerum universitate, v. g. hæreditate, agitur, *generales*, in quibus de diversis capitulis disceptatur, & *singulares*, quæ rem singularem persequuntur, v. l. 38. *pro soc. (2) certi*, quibus certum, & *incerti*, quibus incertum petimus, v. *pr. I. de V. O.* de utraque divisione idem dicendum videtur, quod §. 14. n. 2. diximus, (3) *simplici, dupli, tripli & quadrupli*, vid. §. 21. *seqq. I. de action.* quæ divisio est consecrarium ejus, quam §. 15. n. 2. retulimus, adeoque cum hac hodie cessat.

§. 17. Ulterius (V) à *diversa interpretatione*, vel *circumstantiarum æstimatione*, actiones sunt *bonæ fidei*, quas juxta æquitatem judex benigne interpretatur, *stricti juris*, in quibus, conventionum verbis strictè inhæret, insuper habitis, quæ supervenerunt, circumstantiis, & *arbitrariæ*, in quibus Rei, sententiæ judicis non parentis, contumacia, graviori pœna coercetur, vel interesse loci æstimatur, §. 28. *seqq. I. de action.* Illius divisionis, ex processu Romanorum formulario & pactis nudis, fere exortæ, nullum in Germania esse usum, sed eandem, in actionibus omnibus, circumstantiarum æstimationem ostendere conatus sum in OBSERV. LAUTERB. *Obs. 1148. seqq.*

§. 18. Ab *effectu* (VI) actiones distingvi solent in eas, quæ *solidum*, & quæ *minus solido* persequuntur. Regulariter actiones in solidum competunt, aliquando tamen earum vis imminuitur vel ob defectum consensus, §. 38. *I. de action.* vel beneficium competentæ,

§. 39. 40. 42. *cod.* vel debitum reciprocum, quod compensationi locum facit, §. 41. *cod.* vel aliam causam, qua jura imminui possunt & solent.

§. 19. A *fine* (VII) distinguuntur in *Principales*, quibus intentionem nostram plene explicamus, & *Preparatorias*, quæ illis viam sternunt, qualis est actio ad exhibendum, quæ, sub habitu Romano, hodie non occurrit, v. LAUTERB. C. J. ad exhib. ibique *Observ.* 284. (VIII) à *duratione* in *temporales*, quæ anno vel breviori tempore præscribuntur, & *perpetuas*, quæ per longius tempus durant, pr. I. de perpet. & temp. action.

§. 20. Præterea (IX) à *diversitate initii*, actiones possunt distinguvi in *ultra motas*, quales sunt regulariter omnes, & *provocatas*, quando futurus actor remedio ex lege *diffamari* vel, *si contendat*, ad agendum urgetur, circa quod inanis logomachia est, an provocans, pro actore, possit haberi, v. RICHTER D. 100. n. 5. seqq. (X) à *diversitate processus*, in *ordinarias*, quæ consveta processus prolixitate tractantur, & *summarias*, quæ ex æquo & bono peraguntur.

§. 21. Talis etiam est *imploratio officii judicis*, nam, in formali conceptu, cum cæteris actionibus utique convenit, hinc proprie quodque actio dici potest. Interim vulgo de hac re, tanquam valde difficili, disputant, ac multi implorationem illam, actioni opponendam esse censent, v. LAUTERB. C. J. de condict. ex leg. n. 1. EKHOLT ad ff. de cond. ex leg. §. 1. n. 2. de O. & A. §. 31. n. 2. CARPZ. p. 1. C. 7. D. 47. RICHTER D. 100. n. 11. seqq. HILLIG. ad Don. l. 19. c. 1. lit. P. quæ tota concertatio, ex infelici obsoleti juris Romani v. l. 24. §. fin. de minor. l. 34. l. 178. §. 2. de V. S. applicatione & usu, originem habere, adeoque, ad artis legulejæ & rabulariæ emblemata, pertinere videtur.

§. 22. Denique (XI) à *diverso usu*, actiones sunt vel *regulares*, quæ juxta consvetas juris regulas moventur, & *irregulares*, quæ præter eas, quandoque instituuntur. Talis in specie est, *Denunciatio Evangelica papalis*, quæ dicitur *remedium extraordinarium*, quo is, qui omnibus aliis actionibus destituitur, adversarii peccatum, post præviam, sed neglectam, admonitionem privatam, Ecclesie i. e. Episcopo, denunciat, ac, ut ille, ad implendum officium, mediante banno, adigatur, pe-

DE ACTIONIBUS ALIISQUE REMEDIIS FORENSIBUS. 155
rit. v. cap. novit ille 13. X. de judic. Cujus habitum, fraudes ac cessan-
tem, in Terris Protestantium, usum pluribus ostendi in SPECIM. JUR.
ECCLES. l. 1. c. 6. §. 50. seqq.

§. 23. Jus Romanum in excogitandis, non actionibus, sed actio-
num nominibus, ultra modum, fuit ingeniosum. Eo pertinent actio,
quam vocant, *Publiciana, Rescissoria, Pauliana, Exercitoria, Instito-
ria, De in rem versō, quod jussu, de peculio, Tributaria, de eo quod cer-
to loco, ut & actiones utiles, nec non generales*, quæ cum aliis con-
currere dicuntur, ut *condictio Triticiaria* & plerumque *condictio sine
causa*, nam hæ appellationes, non peculiares actiones notant, sed sunt
saltem nova nomina, actionibus realibus & personalibus, proprio ti-
tulo jam gaudentibus, ob intervenientes nonnullas circumstantias,
applicata.

§. 24. Poterat quidem totus ille variorum nominum apparatus,
innoxius videri, sed revera non levi incommodo affecit Jurispruden-
tiam, nam à solida cognitione abducit, dum falso interpretes imbuunt
præjudicio, quasi sub illis nominibus, peculiares lateant actiones,
hinc de earum natura, fundamento, requisitis & concursu, multa in-
epte & otiose disputantur. In foro autem, quin litibus ansam præ-
bere, ac processibus moram asferre queat, si in vitiligatores, præ-
judiciis legulejis occupatos, incidat, dubitandum non videtur, quade
re, in locis propriis, explicatius agam.

§. 25. De concursu actionum, involuta censetur esse disquisitio,
sed si habitum juris, obligationumque iis respondentium, probe ex-
pendamus, res facile explicari potest. In genere duo casus sunt di-
stingvendi, vel enim quaritur (1.) de concursu actionum, ex diversis
causis, iisque vel plane separatis, vel connexis v. l. 27. ad L. Aquil. l. 2.
pr. §. 1. de priv. del. descendendum, vel (2.) circa eandem causam se
exserentium.

§. 26. Primo casu, uti manifestum est, quod actiones *contrarie*,
v. g. querela nullitatis & inofficiosi testamenti, aut quarum altera, alteri
est *præjudicialis*, v. g. Rei Vindicatio & Confessoria, *vid. l. 16. de ex-
cept.* imprudenter conjungantur, ita *diverse*, v. g. emti, locati, mutui,
naturâ suâ cumulari possunt, hinc etiam hoc tamdiu dicendum,
quamdiu restrictio probari nequit. De jure civili plures actiones

cumulari potuisse, aliqui certum existimant, per *l. 52. §. 14. pro soc. l. 10. de A. E. V. l. 25. §. 3. r. fam. erisc. l. 11. de Jurisd. l. fin. C. de ann. except. v. MARTIN ad O. P. S. tit. r. §. 3.* aliis tamen dissentientibus, v. ECKHOLT. *ad ff. de edend. §. 9.* Hodie, quousque cumulatio admitratur, ex Ordinationibus processualibus petendum est, v. LAUTERB. *C. J. de edend. lit. C. n. f. ibique citat.*

§. 27. Secundo casu, si quis (1.) ad diversas præstationes subordinatas obstrictus sit, tum actiones ita cumulari possunt, ut iis successive sit satisfaciendum. Hoc ergo modo cumulantur actiones præparatoriæ & principales, v. *l. 7. §. 1. de cond. furt.* Si vero (2.) ratione unius rei, vel plurium alternative, obligetur, tum actiones concurrunt electivæ, adeo ut, si per unam Creditor suum sit consecutus, altera cesset, *l. 43. §. 1. de R. J.* Hoc modo igitur concurrunt duæ rei persecutoriæ, §. *fin. l. de oblig. que ex del.* & regulariter duæ pœnales, *l. 6. 7. §. 1. de injur. l. fin. de priv. del. l. 56. §. 1. l. fin. de furt. l. 2. §. 1. vi bon. rapt.*

§. 28. Quodsi vero quis (3.) ad duas præstationes conjunctim sit obstrictus, tum actiones cumulative concurrunt, vel una, post alteram, institui potest. Hac ratione concurrunt rei persecutoria & pœnalis, *l. 7. §. 1. de cond. furt.* nisi forte pœna, ut accessorium damni restitutionis, spectetur, tum enim, hac facta, illa amplius exigi nequit, de quo tamen, in hypothefi, disputatum esse, liquet ex *l. 7. §. 1. commod. & l. 34. §. fin. de O. & A. v. HILLIG. ad Don. l. 21. c. 3. lit. P. Q. add. OBSERV. LAUTERB. Obs. 393.*

§. 29. Eodem etiam modo aliquando concurrere possunt duæ pœnales actiones, nam si Legislatori visum fuerit, duas pœnas, in idem delictum constituere, adeo ut simul sumtæ, adæquatam contineant coercionem, tumi ambæ etiam conjunctim, vel simul vel successive, exigi possunt, v. OBSERV. LAUTERB. *Obs. 1238. 1239.* Aliud exemplum est in pœna pecuniaria minori & majori, hinc post illam, hæc, quatenus plus continet, exigi, adeoque v. g. post actionem furti non manifesti, actio vi bonorum raptorum, vel post hanc, actio furti manifesti, institui posse dicitur, *l. 1. vi boner. raptor.* Sed stultus erit actor, si non statim plenissimam eligat actionem.

§. 30. Regula in *l. 130. de R. J.* proposita: nunquam actiones,
præ-

præsertim pœnales, de eadem re concurrentes, alia aliam consumit, quam male applicavit Tribonianus §. fin. I. si quadr. paup. huc etiam referri, ac juxta casus §. *præcedentis* intelligi solet, *vid. HUBER. posit. ad I. de action. n. 109.* sed mihi plane huc non spectare videtur, nam probabiliter non loquitur de actionum *usu & applicatione*, sed *constitutione vel introductione*, ut ea sit sententia: quoties Legislator plures actiones introducit, non ea ejus sententia est, ut nonnullas tollere velit, sed illa potius, ut acturi nonnunquam iis conjunctim uti, vel unam ex illis eligere queant.

§. 31. Ex his ergo liquet, triplicem esse actionum concursum, *successivum, electivum & cumulativum*, præterea illud quoque certum est, quod, negatis actionibus pœnalibus, *v. §. 15.* multæ quæstiones, quæ juxta jus civile, in utramque partem disputari solent, hodie cessent: In specie difficultas, cujus §. 28. mentionem feci, evanescit.

§. 32. Contra actionem institutam, Reus duplici modo se defendit, vel *simpliciter negando*, ex quo eam consequitur securitatem, ut, antequam actor probaverit, condemnari non debeat, vel *intentionem actoris invalidam dicendo*, dum eam vel nunquam substituisse, vel ex postfacto enervatam esse contendit, inde oritur *Exceptio*, quæ uti probationem a Reo regulariter exigit, ita probata plenior præstat ei defensionem, nam licet Actor intentionem suam, veram esse ostendat, attamen sub objectæ exceptionis clypeo, ille tutus esse potest, *vid. OBSERV. LAUTERB. IIII. 1112.*

§. 33. De jure Romano Exceptiones sunt vel *facti*, quæ nullam actionem, & *juris*, quæ stricto jure validam præsupponunt, quæ proprie etiam Exceptiones dici solent. Sed hodie ista omnia coincidunt, & inepte illud discrimen amplius inculcatur, *v. c. 8. §. 31.* Ex communi ergo Gentium & Germaniæ sensu, Exceptio est *juris nostri allegatio, ad excludendam actoris intentionem, in judicio facta.*

§. 34. De fundamento exceptionum, idem dicendum, quod circa actiones adduximus §. 5. Solent exceptiones distingvi (1.) in *nominatas & innominatas*, (2.) in *Civiles & Prætorias*, cujus nullus est usus, (3.) in *transmissibiles & Non-transmissibiles*, quæ ex habitu jurium obligationumque judicanda, *v. §. 14.* (4.) in *temporales*, quæ lapsu brevioris cujusdam temporis extingvuntur, & *perpetuas*, quibus præ-

scriptio regulariter non obest, (§.) in *dilatorias*, quæ ad tempus nocent, & *peremptorias*, quæ actoris intentionem plane destruant, quæ ultima divisio, in Processu, latius traditur, *vid. LAUTERB. C. J. de exception. ibique Observ. 1113. 1114.*

§. 35. Exceptionem oppositam Actor elidere conatur *Replicatione*, cui reponitur à Reo *Duplicatio*, quam impugnât Actor *TriPLICATIONE*, cui imminuendæ Reus objicit *Quadruplicationem*. Sunt igitur hi actus nihil aliud quam *responsiones, ad adversarii intentionem, pro defendenda actione vel exceptione, factæ*. Sicut autem, ex eodem jure, pro re nata, agimus, excipimus, replicamus ulterioremque defensionem elicimus, ita, si juxta Conscientiæ rationes agendum sit, nunquam ad illos actus recurrendum est, nisi verum jus habeamus.

§. 36. Sed in foro aliter servari solet, hinc hætenus nihil refert, siue actiones & exceptiones bonæ, siue frivolæ sint, adeoque, circa earum usum, non præcisè *veritas*, sed litigantium *opinio*, qua quisque, optimum jus se habere, videri vult, spectanda est, à cujus autem partibus stet veritas & justitia, id ex eventu processus judicandum. Ex quibus liquet, otiosam esse doctrinam, qua v. g. *replicatio, contra exceptiones summo jure fundatas, comparata* esse perhibetur, quam ex sententia Triboniani *tit. I. de replic.* vulgo proponunt, v. LAUTERB. C. J. de except. in fin. nam, siue exceptio *summo*, siue *valido* jure nitatur, siue absolute *injusta* sit, nihil, quoad usum forensem, interest. v. OBSERV. LAUTERB. Obs. 1119.

§. 37. Hætenus de remediis civilibus, *vid. §. 2.* Criminalia sunt *Accusatio & Inquisitio*. Illa est *Criminis ad judicem delatio, vindictæ publicæ causa facta*, v. l. 16. 19. 20. C. de his qui accus. quam, quoad essentiam, cum actione convenire, manifestum est. Hæc est *investigatio criminis, à judice, ex officio facta*. Est illa vel *generalis*, qua in delinquentem in genere inquiritur, vel *specialis*, quæ contra certam personam, vel statim vel ex generali inquisitione, suspectam, dirigitur, *vid. LAUTERB. C. J. de publ. jud. CARPZ. Pr. Crim. qu. 106. 107.* Reo vero competunt *Defensio* similiaque remedia, quibus innocentiam in totum vel ex parte ostendat, aut criminis veniam roget.

§. 38. De cætero jura, ex quibus remedia forensia oriuntur, per universam Jurisprudentiam sunt diffusa, adeoque singula, in locis propriis, explicari & quæri debent: Modus autem, iis remediis utendi, eorumque effectus, in Processu tam Civili, quam Criminali, tradendus est, nam hætenus saltem generalis eorum doctrina proponi, ac securæ tractationi speciali subterni debuit.

CAPUT XVII. DE LEGUM INTERPRETA- TIONE ET APPLICATIONE.

SUMMARIA.

Interpretationis & applicationis necessitas §. 1.
Interpretandi artificium in jure Romano insuffi-
cienter traditum §. 2.
Interpretationis juridica diversitas §. 3.
Doctrinalis indoles & objectum §. 4.
Versatur illa potissimum circa voluntatem obscu-
ram §. 5.
Ejus tres species §. 6.
Requisita interpretis §. 7.
Circumstantiæ, ex quibus voluntas colligenda,
videntur quadruplicis generis §. 8.
Circumstantiæ, observanda obligatio dicentis §. 9.
Et significatus maxime usitatus §. 10.
Doctrinæ hujus exemplum §. 11.
Limitatio §. 12.
Circumstantiæ, circa personas spectanda consuetudo, conditio
§. 13.
Affectus §. 14.
Voluntas jam exposita §. 15. 16.
Habitudo physica, subjectio & propositum ob-
servandi leges §. 17.
Regula quoad materiam §. 18.
Exinde sæpe pugnantia explicantur, circa ea ta-
men tempus §. 19.
Ratio & particularitas quoque attendi debent
§. 20.
Inde etiam fuit interpretatio restricta statutorum
§. 21.
Dogmata circa materiam suspecta examinantur
§. 22.

Eo pertinet regula de favorabilibus & odiosis
§. 23.
Quæ tamen alio sensu admitti potest §. 24.
Finis, circa actus interpretando, dupliciter acci-
pitur §. 25.
Regula quoad primam finis suppositionem §. 26.
Quoad secundam §. 27.
Ex his fundamentis verba & facta obscura inter-
pretationem accipiunt §. 28. 29.
Quævis etiam interpretationis species, per ea di-
rigitur §. 30.
Monitum generale quoad circumstantiarum con-
cursum & valorem §. 31.
Oratio inexplicabilis, moraliter nulla est §. 32.
Actus ambiguus, in dubio negandus §. 33.
Aur, contra autorem obscuritatis, explicandus
§. 34.
Vel circa illum, minimum sequendum est §. 35. 36.
Principia interpretandi subsidia §. 37.
Quorum tamen quedam videntur inutilia §. 38.
39. 40.
Interpretatio jure naturali dirigitur §. 41.
Quod officium quibusdam regulis inculcatur, ac
nonnunquam negligitur §. 42.
Interpretationis necessitas §. 43.
Applicatio legum, quomodo ab interpretatione
differat §. 44. 45.
Regule ejus generales §. 46.

§. 1.



Uo homines actiones suas, ad legum præscriptum, componant, ac de susceplarum vel omillarum moralitate judicari queat, opus est, ut *leges recte intelligantur*, & cum *actionibus humanis rite conferantur*. Obtinetur illud *interpretatione & applicatione*, quarum adeo indoles ante explicanda, quam in specialibus juris articulis, illis utamur.

§. 2. Agitur alias, de interpretatione potissimum, in doctrina juris naturalis, & ipse de eadem etiam dixi in OBSERV. PUFEND. *Obs. 416. seqq.* Sed est illa tractatio, suo modo quoque, ad Jurisprudentiam particularem, referenda, inprimis cum in Jure Romano multa occurrant, quæ ad eam illustrandam faciant; Illud autem frustra creditur, quod in eodem, interpretandi artificium perfecte traditum sit, v. RHET. *Comm. Jur. feud. Proæm. n. 90. 91. add. GROT. de J. B. P. l. 2. c. 16. §. 31.* nam uti res ipsa loquitur, quod nullibi, in Jure Romano, interpretationis materia, juxta artis regulas sit tradita, ita præcepta, hinc inde inculcata, sæpe etiam fallunt, aut nullum habent usum.

§. 3. Interpretatio *Juridica*, est vel *authentica*, quam facit Imperans, v. l. 9. *fin. §. 1. C. de LL. vel usualis*, quæ ab usu forensi dependet, ac *consuetudo interpretativa* etiam dici solet, v. l. 23. 37. 38. *de LL. vel doctrinalis*, quam facit homo privatus. *Illæ & istæ* certis regulis adstricta non esse censetur, quod tamen intelligendum ratione voluntatis plane *dubiæ* aut *futuræ*, nam si Imperans inusitata aut aperte falsa interpretatione subditis molestus esset, tum id dubio procul foret iniquum, si autem usus forensis male interpretetur, interpretatio strictè erit accipienda, juxta monitum l. 14. 39. *de LL. l. 141. de R. J.*

§. 4. Doctrinalis præcipue huc pertinet, quæ est *Voluntatis juridicæ, factis vel verbis declaratæ, per probabiles plerumque conjecturas facta expositio*. Objectum est *voluntas juridica*, i. e. in disciplina legum occurrens, adeoque non tantum leges, sed & facta humana, puta contractus, testamenta, testimonia & delicta huc pertinent, omni-

omnium tamen horum interpretatio, suo modo etiam legum interpretatio dici potest. Consideratur autem illa voluntas, *quatenus verbis & factis declaratur*, adeoque *positiva* est, nam leges naturales ex natura demonstrantur, facta tamen, ad quæ illæ se referunt, præsentis sunt considerationis, quemadmodum etiam insolitum non est, ut ad ipsas leges naturales, verbis, quod sæpe fit, propositas, digrediat^r interpretatio.

§. 5. Præcipue etiam *voluntas obscura* hic consideratur, quæ obscuritatem in sermone dicto quam scripto, oritur vel ob *externum accidens*, v.g. literas male ductas aut erasas, vel ob *internum sensum*, puta ob verborum antiquitatem, novitatem, peregrinitatem, perplexitatem, ambiguitatem & pugnanciam. Voluntas autem factis indicata, regulariter obscura est, nam facta obscurius significant verbis. De cætero plerumque per *probabiles conjecturas* saltem ostenditur voluntas, aliquando tamen sententia poterit esse *certa*, quemadmodum etiam, in vita & foro civili, ut plurimum probabilis, certæ effectum habere solet.

§. 6. Solet interpretatio distingui in *Declarativam*, quæ voluntatem juxta indicia æque late patentia, declarat, *Extensivam*, quæ voluntatem indiciis latiore^m extendit, v. l. 10. 11. 12. 13. 29. 30. de LL. *Restrictivam*, quæ indicia, voluntate latius patentia, ad hujus mensuram, coarctat, v. l. 68. 162. de R. J. Quæ species uti hætenus recte distinguuntur, ita eadem nihilominus principia præsupponunt.

§. 7. Ad interpretem requiritur (1.) *natura mentis bonitas*, quæ, ut alibi, ita hic etiam utramque facit paginam, (2.) *cognitio indiciarum*, nam qui lingvæ alicujus non satis est peritus, id speciales sententias eadem propositas, male interpretabitur, (3.) *materia interpretande*, hinc, qui in genere leges non intelligit, ab eo legis cujusdam obscuræ explicationem expectare non licet, (4.) *præceptorum logicorum seu artis ratiocinandi*, interpretatio enim est species ratiocinationis, (5.) *circumstantiarum*, quas agentes respexerunt, & ex quibus adeo voluntas eorum probabiliter potest colligi.

§. 8. Hæ circumstantiæ, quoad voluntatem verbis prolata^m, videntur summam (1.) *circa verba* (2.) *personas* (3.) *materiam* & (4.) *finem agentium* occurrere, de quibus adeo explicatus non nihil dicen-

dum erit, nam quatuor priora hic præsupponuntur, sed ultimum interpretationi artificiali proprium est adeoque specialius proponi debet.

§. 9. Circa verba igitur occurrit (1.) *Obligatio, qua quis, in negotiis civilibus, juxta consuetum significatum, verbis uti debet.* Hoc igitur fundamento subnixus interpres, non ad libidinem dicentis, sed secundum ejus obligationem, verba interpretatur ac reservationum mentalium sensusque inusitati nullam habet rationem, v. OBSERV. LAUTERB. *Obs. 295.* Cæterum illa obligatio non semper adest, nam innoxia significatus consveti mutatio, extra vitium est, de hac ergo si satis constet, juxta novum & peculiarem sensum, interpretatio erit facienda.

§. 10. Deinde in verbis (2.) *significatus maxime usitatus* spectari debet, hinc regula: *Verba regulariter & in dubio, i. e. si circumstantiæ magis evidentes aliud non exigant, sunt accipienda in significato maxime famoso*, nam loquens, juxta communem hominum consuetudinem, illum securus merito præsumitur, si circumstantiæ evidetiores aliud non exposcant, v. l. 34. 67. 173. §. 1. de R. J. l. 4. pr. de Legat. 1. l. 69. de Legat. 3. l. 7. §. 2. de supell. legat. l. 126. §. 2. in fin. de V. O. l. 13. de reb. dub. significatus autem maxime famosus, non ex regulis grammaticis, sed usu populari æstimandus est, quo consilio videtur concinnatus Titulus de Verborum significatione.

§. 11. De cætero usus regulæ tam circa leges, quam alios actus, nempe conventiones, testamenta, delicta &c. conspicitur, quod unico exemplo declarabimus. CORNEL. AGRIPPA de vanitat. Scient. c. 102. appellationem asini, ad honoris titulos refert; si quis tamen aliquem dixerit asinum, hoc, in dubio, pro injuria erit habendum, quia significatum maxime usitatum, deficientibus aliis circumstantiis, sequi par est.

§. 12. Quod si autem aliæ circumstantiæ sententiam dicentis evidentius exhibeant, tum inde interpretatio sumenda est. & hæc tunc verum est, quod potius id, quod actum, quam id, quod dictum sit, sequi debeamus, l. 6. §. 1. de C. E. V. l. 219. de V. S. l. fin. C. que res pign. oblig. Contra hanc observationem utique impingit interpretatio, quæ in l. 6. de usufr. ear. rer. l. 19. de usufr. legat. occurrit, nam

volun-

voluntatis conjectura, ibi non ex *proprietas vocabuli*, sed *toto contextu* seu *voluntate conjuncta* desumi debebat, hinc illam interpretationem hodie negligendam esse, aliqui non male censent, v. STRUV. J. F. l. 2. tit. 24. §. 7.

§. 13. Circa *Personas* varia occurrunt, ex quibus voluntatem probabiliter colligere liceat. Eo pertinet (1.) *Consuetudo*, vel propria, vel regionis illius aut loci, in quo quis degit, hinc ea, quæ sunt consuetudinis, censentur in contractus esse deducta, licet specialiter de iis nihil sit dictum, v. l. 31. §. 20. de *edil. edict.* l. 17. 34. de *R. J.* (2.) *conditio personæ*, sic legatum chartarum aliter videtur explicandum, si bibliopolam aut literatum idem respiciat, v. l. 22. de *alim. leg.*

§. 14. Porro (3.) *affectus*, sic quantitas alimentorum, ex caritate ejus, cui eadem relicta, definiri debet, d. l. 22. quæ libertatem respiciunt, merito late accipiuntur, v. Nov. 22. c. 8. add. l. 20. 70. de *Jur. dot.* Ex eodem fundamento fluxisse videtur, quod beneficium Principis quam latissime interpretari debeamus, l. 3. de *const. Princ.* sed hoc non aliter admittendum, quam si illa voluntas ex affectu similibusque circumstantiis appareat, v. l. 2. §. 10, 16. ne *quid in loc. publ.* l. 43. *pr. de vulg. & pup. subst.* l. 161. §. 1. l. 191. de *R. J.* add. OBSERV. LAUTERB. *Observ.* 17.

§. 15. Ulterius (4.) *voluntas jam exposita*. Solet hoc fundamentum vulgo dici *Locus conjunctorum*, quæ quidem sunt vel conjuncta *origine* tantum, vel *origine & loco* simul, Possumus autem ad istud fundamentum provocare, si vel voluntas ex voluntate sit ostendenda, vel una sententia, ex diversis propositionibus, eruenda.

§. 16. Primo casu obtinet regula: *qui vult finem, vult etiam media*, sive *qui vult consequens, vult etiam antecedens*, & vice versa, vid. §. 2. I. *qui & ex quib. caus.* Secundo, hujus generis regulæ inculcari solent: *In sermone interpretando ad antecedentia & consequentia est attendendum*, Idem: *Unius hominis obscurum dictum interpretandum est ex ipsius dictis clarioribus, sive eodem, sive alio tempore & loco prolatis*, vel: *textus cum textu est conferendus*, v. Matth. IV, 6, 7. l. 24. 26. 27. 28. de LL.

§. 17. Non minus (5.) *habitus physica*, juxta quam homines omnia facere non possunt, ut & (6.) *Subjedio*, quæ voluntati Imperantis

rantis eos subijcit, spectanda est, hinc in omni pacto similive actu impossibilia & turpia aut extra nostram potestatem constituta excipiuntur, v. *Judic. XI. 31. Matth. XIV. 7. l. 15. 182. 185. de R. J. l. 31. s. 1. de pos. denique (7.) propositum observandi leges*, hinc quivis in dubio bonus præsumendus ac ea facienda interpretatio est, ut delictum potius negeretur, quam adstruatur.

§. 18. Quoad materiam hæc obtinet regula: *verba regulariter sunt intelligenda secundum substratam materiam*, cum enim hanc agentes respexerint, de eorum sententia exinde merito judicatur. De cætero per materiam, tam ipse actus, quam hujus Objectum intelligi potest & solet. Sic in literis investituræ, vocabulum *heredis*, de masculis & hæredibus feudalibus regulariter accipiendum est. Alia exempla passim occurrunt, v. l. 17. C. de A. E. V. l. 15. §. 4. ff. locat. l. 3. C. cod. l. 43. de damn. inf. l. 67. de R. J.

§. 19. Inprimis, ex consideratione materiæ, *pugnantia* explicari debent, quamvis alia interpretandi fundamenta non excludamus. Ita diligens materiæ consideratio ostendit aliquando, contradictionem saltem esse *apparentem*, dum propositiones sunt particulares, aut de diversis plane loquuntur casibus. Quodsi autem *vera & absoluta* subsit contrarietas, tum voluntas posterior est præferenda, v. l. 4. de *constit. Princ. conf.* OBSERV. LAUTERB. *Obs.* 930. aliquando tamen etiam prior præfertur, si majori cum circumspectione sit concepta quam posterior, v. *JUS FEUD. GERM. c. 25. §. 19. CARPZ. p. 2. C. 45. D. 31.*

§. 20. Quodsi autem propositiones contrariæ, tempore sint æquales, tum ea, quæ veritati est magis consentanea, præferri debet, nam invitas sententias, quæ sitis variis coloribus, velle conciliare, stultus labor est, v. OBSERV. LAUTERB. *Obs.* 688. Denique si contradictio saltem *particularis* sit, tum specialia generalibus debent regulariter anteponi, l. 80. de R. J. licet illa, his sint priora, l. 26. 27. de LL. c. 1. de *Constit. in 610 l. 3. C. de Silentiar. v. l. fin. C. de inoff. testam. Nov. 115. c. 4.*

§. 21. Videtur etiam ad hunc locum pertinere vulgatum illud, quod *jura statutoria ita sunt accipienda, ut quam minimum à jure communi abeant*, nam Imperans jura particularia præmisisse censetur salva,

salva, quantum fieri potest, juris communis & principalis auctoritate. Interim sæpe interpretes illam regulam male applicant, dam jura extranea, pro principalibus, & Germanica, pro statutariis habent, de quo abusu dixi c. 6. §. 24. seqq.

§. 22. Alias circa materiam, varia dogmata falsa vel suspecta circumferri solent. Tale est, quod *jura Germanica, ex extraneis, sint declaranda*, v. d. c. 6. §. 25. quod *jura correctoria stricte explicari debeant*, nam leges correctoriæ æque aptæ sunt, ad recipiendam interpretationem laxam & restrictam, hinc ex consuetis interpretandi fundamentis judicandum, in quem sensum illæ sint accipiendæ, v. OBSERV. LAUTERB. Obs. 312. Aliud à materia desumptum contortæ interpretationis exemplum est in l. 88. pr. §. 1. de Legat. 3. quod etiam rejicitur in l. 44. §. 2. de Legat. 1. v. OBSERV. LAUTERB. Obs. 932. add. Obs. 918.

§. 23. Inprimis ad hanc classẽm videtur referendum decantatum illud, quod *favorabilia latius, odiosa, stricte explicanda sint*, nam nullum negotium licitum, natura sua est vel favorabile vel odiosum, hinc nunquam constanti definitione qualitates illæ explicari possunt, hac autem negata, regulæ illius nullum esse usum, ultro consequitur, & solet, in ejus applicatione, vel fallacia causæ committi, vel plane contra regulam interpretatio fieri.

§. 24. Quodsi autem aliquando Legislator vel etiam privati, certum aliquod negotium favore vel odio prosequantur adeoque adventitia velut qualitas ei accedat, v. l. 47. d. O. & A. l. 20. ff. 122. 125. 179. de R. J. tum ex affectu interpretatio dependet, juxta ea, quæ §. 14. diximus, sed ideo non est existimandum, quasi negotium illud in se favorabile vel odiosum sit, adeoque uniformis interpretatio circa illud semper occurrat. v. OBSERV. PUFENDORF. Obs. 428. 429.

§. 25. Quoad finem, quem ultimum conjecturarum fontem constituimus, observandum, quod vel pro ipso actu accipiat, quivis enim actus est quodammodo sui ipsius finis, vel pro causa aut ratione finali vel impulsiva, nam hæ recte pro iisdem habentur, licet enim causa impulsiva aliquando finali opponatur, at tamen illud non alio sensu fit, quam quod illa, causam finalem inadæquatam, hæc adæquatam notet.

§. 26. Juxta primum respectum hæc obtinet regula: Quando
X 3 alia

alia indicia non obstant, verba ita accipi debent, ut actus valeat, vid. l. 12. de Reb. dub. actum enim suscipere, nec tamen velle, ut idem subsistat, nugatorium est, nec adeo facile asserendum. Si vero alia indicia contrariam voluntatem insinuent, tum aliud quoque dicendum erit, hinc si quis sub conditione impossibili vel turpi promittat, is, juxta interpretationem naturalem, nihil egisse censetur, *l. 31. de O. & A. l. 7. de V. O.*

§. 27. Juxta secundum respectum, affirmative & negative, à fine argumentum ducere licet, hinc regulæ passim traditæ: *posita ratione ponitur dispositio.* Item, *negata ratione cessat lex*, vid. §. un. *l. de legit. patron. tutel. l. 3. de legit. tutor.* Quo tamen interpretatio bene se habeat, ratio debet esse *vera & adequata*, de quo non præcise ex professione Legislatoris aut agentium, quæ nonnunquam fallit, sed ex aliis circumstantiis, in subsidium vocata historia, est judicandum, *vid. l. 72. §. 6. de condit. & demonstr.*

§. 28. Atque ex fundamentis hætenus expositis, similibusque, si occurrunt, omnis generis obscuritas, quæ vel ex interno verborum sensu, vel ob externum accidens oritur, tollenda est, sic, an aliquis *merx*, vel *merces* dixerit vel scripserit, ex natura negotii colligi potest. Porro facta etiam inde interpretanda: Ex silentio, quod in se indifferense est, *v. l. 142. de R. J.* pro diversitate circumstantiarum, aliquando consensus colligitur, *v. l. 6. §. 2. l. 18. mand. l. 60. 158. de R. J.* aliquando asseri non potest, *l. 8. §. 15. quib. mod. pign. solv.*

§. 29. Qui chirographum debitori reddit, debitum remittere præsumitur, *l. 2. §. 1. de pact.* nam alias actus esset inanis, qualis interpretatio regulariter fugienda: familiaris injuriati cum injuriante conversatio, remissionem injuriæ, inducere censetur, §. *fin. l. de injur. l. 11. §. 1. ff. cod.* quæ tamen interpretatio nimis larga est, &, ex his hypothesebus, confessioni & usui S. Cænæ, idem effectus tribuendus erat, quod tamen vulgo non faciunt, *v. LAUTERB. C. J. de injur. verb. civilia lit. C.*

§. 30. Inprimis quævis interpretatio, declarativa, extensiva & restrictiva, ex fundamentis adductis, fieri debet. De illa nihil amplius dicendum, *ista* vero toties locum habet, quoties mens legis aliùsve actus, verbis latius patet; præcipue tamen circa leges negativas, in qua-

quarum fraudem homines prave solertes aliquid moliri solent, eadem occurrit, *l. 29. 30. de LL.* ac sæpe *ratione* seu *causa finali* nititur. *Hec* vero toties est necessaria, quoties voluntas deficit, qui defectus ex *personis, materia & fine* colligi potest, ceu ex ante dictis jam apparet, *add. l. 6. §. 2. de jur. patron. l. 68. 162. de R. J. l. 39. de LL.*

§. 31. Illud vix admonendum est, quod ea, quæ de efficacia circumstantiarum, in ostendenda voluntate, hætenus diximus, tum demum vera sint, quando illæ per indicia fortiora non eliduntur: Hinc etiam certum est, quod singulæ circumstantiæ, in singulis casibus, non occurrant aut effectum habeant, sicut viceversa nonnunquam plures concurrunt, ac simul sumtæ voluntatem ostendunt. Prudentis igitur interpretis est, provido iudicio omnia circumspicere, ac ex maxime idoneis voluntatem eruere.

§. 32. Quod si oratio secum ipsa pugnet, aut imperfecta vel ita perplexa sit, ut nullum idoneum sensum recipiat, tum nihil actum censi debet, *v. l. 3. §. 7. de adm. legat. l. 3. de Reb. dub. l. 2. de his quæ pro non script. hab. l. 73. §. 3. l. 188. pr. de R. J.* sententia enim, quæ intelligi nequit, & quæ plane non est proposita, morali æstimatione coincidunt. Circumspecte tamen agendum, nec oratio, quæ congruam explicationem non respuit, pro perplexa & nulla habenda est, contra quod videtur peccasse Julianus in *l. 16. de condit. institut.*

§. 33. Ex isto principio sequitur, quod, si ita ambigua sit oratio, ut diversos sensus recipere possit, in dubio id, quod actum esse dicitur, negare debeamus, nam si aliquod factum non satis apparet, rationi utique est consentaneum, ut illud negemus, cumque hoc principium, communi ratione nitatur, non vero ex sanctione aliqua positiva auctoritatem habeat, ideo non tantum, quoad actus privatorum, sed & controversias summorum Imperantium seu liberarum gentium, illud sequi licebit.

§. 34. Exinde amplius fluit, quod *passio ambigua contra illum sit interpretanda, in cuius potestate fuit, legem apertius dicere*, *v. l. 39. de pass. l. 21. 33. de C. E. V. l. 38. §. 18. l. 99. de V. O. l. 172. de R. J.* In cuius tamen regulæ applicatione nonnunquam fluctuant interpretes juris civilis, *v. EICHELI comment. ad R. J. c. 2. p. 87.* sed, difficultates ex falsis oriri præsuppositis, ostendi in *OBSERV. LAUTERB. Observ. 515-517.*

§. 35. Eodem pertinet alia regula, ejusdem ut puto sensus : *Semper in obscuris quod minimum est sequimur*, v. l. 9. 34. 41. §. 1. 56. 192. §. 1. l. 200. de R. J. quæ in primis ad testamenta videtur applicanda, ubi is, qui legem apertius dicere potuisset, nempe testator, non amplius adest, sed ejus vices subiit hæres, cum enim huic nihil imputari queat, pro liberate pronuntiandum erit. Hinc si eadem quantitas bis legata sit, in dubio, eam semel saltem deberi, dicendum est, quamvis apud Romanos ea res non plane extra controversiam fuisse videatur, v. l. 34. §. 1. 3. de Legat. 1. l. 66. §. 5. de Legat. 2. l. 12. de probat. v. HUBER. in posit. ad ff. de trit. vin. ol. n. 3. 4. Aliud exemplum est in solutione indefinite facta, v. l. 1. de solut.

§. 36. Principium adductum etiam ad leges poenales pertinet, quo respicere videtur illud : *in poenalibus causis benignius interpretandum est*, v. l. 155. §. 2. l. 168. pr. de R. J. l. 42. de poen. non minus etiam ad alias sanctiones speciales id applicari potest : Donatio, quingentos solidos excedens, deficiente insinuatione judiciali, non in totum, sed saltem quoad excessum, est invalida, plus enim constitutum à Legislatore esse, nulla conjectura ostendi potest. Vulgaris ratio, quod *utile per inutile vitiari non debeat*, nihil probat.

§. 37. Aliquando Consuetudo, vel Decisio Imperantis, principia interpretandi subsidiaria suggerit, qualia sunt in l. 9. 10. 22. 23. de reb. dub. quibus uti possumus saltem in controversiis privatorum, vid. CARPZ. p. 3. C. 17. D. 10. seqq. Quod si per hæc media obscuritas tolli nequeat, tum Autoris, si adsit, declaratio est admittenda, nam hætenus verum est, quod quivis optimus verborum suorum sit interpres, v. l. 96. de R. J. Poterit etiam controversia, decisioni Imperantis committi, quamvis rectius, ad sortis iudicium, litigantes remittantur.

§. 38. Laudantur adhuc alia interpretandi principia in l. 18. 19. de LL. l. 114. de R. J. sed nullius vel exigui usus esse videntur, cum saltem inculcent, quod probabilior sententia sit eligenda, ejus vero erundæ adminicula nulla ostendant. Forte in illum censum etiam referenda regula l. 12. de R. J. *In testamentis plenius voluntates testantium interpretamur*.

§. 39. Nam si hoc solum intenditur, *ultimas voluntates ita esse inter-*

interpretandas, ut subsistant potius quam corruiant, tum nihil singulare in ea occurrit, quia, in omnibus actibus, talis interpretatio merito obtinere debet. Interim Romani, hujus principii parum memores, aliquando sine necessitate ultimas voluntates evertunt, quo pertinet interpretatio Regulæ Catonianæ l. 1. de regul. Caton. ut & illa, qua rei alienæ legatum corruiere dicitur, si legatarius, titulo lucrativo rem acquireret §. 6. l. de Legat. l. 17. de O. & A. v. OBSERV. LAUTERB. Obs. 934.938.

§. 40. Quodsi autem eo tendit regula: *plura agi solere pro conservatione ultimarum voluntatum, quam aliorum actuum*, tum exemplum idoneum ejus doctrinæ forte non occurrit, nam quod circa legatum, in arbitrium tertii collatum, boni viri arbitrium intelligatur, l. 3. §. 1. C. comm. de Legat. v. LAUTERB. C. J. de C. E. V. lit. O. verb. pretium n. 3. vel conditio turpis aut impossibilis, §. 10. l. de H. J. l. 14. de condit. institut. vel dies certus l. 34. de H. J. in ultimis voluntatibus detrahatur, exinde nihil, quod huc faciat, inferri potest, cum illa omnia non ad interpretationem doctrinalem, sed authenticam pertineant.

§. 41. Sicut autem alii actus lege naturali diriguntur, ita dubitandum non est, quin etiam interpretes, ex ejus præscripto, interpretationem ita peragere teneatur, prout genuina interpretandi fundamenta id exposcunt, nam si secus faceret, alios immerito læderet, hinc nec ipsi Auctori, nec Imperanti, facultas pro lubitu interpretandi, competit, sed hæc saltem, circa voluntatem futuram aut valde dubiam, se exferit.

§. 42. Solent sui officii velut admoneri interpretes nonnullis regulis v. g. *quod in favorem alicujus introductum, non debet detorqueri in ejus odium*, item: *Scire leges, non est verba earum tenere, sed vim & potestatem*, v. l. 17. 24. 25. de LL. De cætero officium illud negligitur vel per imperitiam, vel per imprudentiam, quæ in iis præcipue occurrit, qui nullas Antinomias in jure Civili agnoscunt, vel per malitiam, dum homines improbi jura in alium sensum, commodi sui causa, torquent, ac simplicioribus fucum faciunt.

§. 43. An vero interpretationis aliqua sit *necessitas*, sero nimis quæri videtur? sed tamen ita dicendum: Interpretatio *naturalis*, simpliciter est necessaria, nam si Legislatoris vel privatorum voluntas, nulla plane ratione ostendatur vel explicetur, tum nullus etiam ejus in vita civili erit effectus. *Artificialis* vero, cujus fundamenta hæctenus delineavimus, non absolute requiritur, sed ad bene esse pertinet, sæpe enim bo-

nitas ingenii, doctrinæ defectum hic supplet, naturam tamen arte vera excultam, plus præstare posse, utiq; negandum non est, *add. l. 2. §. 13. de O. J.*

§. 44. Satis, pro instituti ratione, de Legum interpretatione. Applicatio est *legum & factorum collatio, ad ostendendam horum moralitatem, instituta.* Differre eam ab interpretatione factorum privatorum, manifestum est, sed cum interpretatione legum, specialiter accepta, illa videtur coincidere, nam legum sententia non potest intelligi nisi cum factis, de quibus illæ loquuntur, conferantur, hinc res eodem recidere videtur, sive actum illum, interpretationem, sive applicationem dicas.

§. 45. Non intercedimus, quo minus quis terminos ita accipiat, videtur tamen etiam aliqua superesse distinguendi ratio: Nimirum interpretatio est sollicita de *sententia legum vel eruenda, vel aliis representanda* eoque fine casus aut facta saltem fingit, sed applicatio satagit de *factorum revera evenientium moralitate*, sententiam autem legum, velut satis cognitam, regulariter præsupponit, aut aliquando sensum tam legum, quam factorum dubiorum simul investigat: Interpretatio igitur ad *Scholas*, Applicatio ad *Forum* pertinet.

§. 46. Cum igitur applicatio facta & leges conferat, hinc duplicis generis regulas, quæ scilicet illa & has concernant, circa eam occurrere, manifestum est. Quoad facta, hæc fere observandæ: (1.) *Ad illud tantum respice, de cuius moralitate queritur*, ea igitur, de quibus non est quæstio, vel quæ jam decisa sunt, hætenus possunt negligi. (2.) *Facti controversi veritatem, sensum & circumstantias probe investiga.* Quoad leges vero hæc monita occurrunt, (1.) *genus legum applicandarum recte elige*, ac (2.) *ex congruo genere, legem controversiæ propriam applica*, quæ omnia usu certius intelliguntur magisque firmanantur.

CAPUT XVIII. DE RESTITUTIONE IN INTEGRUM.

SUMMARIÆ.

Ex dispensatione & interpretatione constarunt
Romani restitutionem in integrum §. 1.
Sed statim distinguenda restitutio Gratix & Justitix §. 2.

In hac interpretatio & dispensatio miscetur §. 3.
Restitutio hæc opponitur ipsi juri §. 4.
Ex diversitate principiorum illa recte intelligitur §. 5.

Quo sensu cum ordinariis remediis non concurrat §. 6.

Aut à Proxore esse §. 7.

Vel Magistratibus competere dicatur §. 8. 9. 10.

Restitutionis necessitas §. 11.

Imprimis sex casibus illa necessariæ redditur §. 12.

Modus petendi restitutionem §. 13.

Persona petens ac petitionis tempus §. 14.

Restituuntur lesi contra lædentes §. 15.

Quoad negotia vero vel stricto saltem jure valida §. 16.

Effectus restitutionis postulat §. 17.

Et impetrat §. 18.

Doctrina restitutionis Romana Jurisprudentiæ incommoda §. 19. 20.

Ratio eam emendandi §. 21.

Quæ ipso usu quodammodo approbata §. 22.

§. 1.

Duo sunt, quæ vim legum temperant ac dirigunt, *Dispensatio* & *Interpretatio*; illa incommodum, quod ex lege imminet, vel jam premit, avertit aut tollit, hæc vero, id aliquem afficere non debere, ostendit, illa legis obligationem infringit, hæc, eam non obtrudere, docet. Porro uti manifestum est, quod *Dispensatio*, quatenus incommoda, quæ jam premunt, aufert, *Restitutio in integrum* recte dici queat, ita Romani, proprio sensu, ex *Dispensatione* & *Interpretatione*, conflant aliquam *Restitutionem in integrum*, cujus doctrina generalis in hunc locum incidit, ut ut aliis ita forte non videatur.

§. 2. Quo autem penitus illa intelligatur, distinguendum statim est inter *Restitutionem Gratia*, quando Imperans veniam delicti concedit, ac pœnam impositam tollit, v. l. 1. §. 10. de postul. l. 1. 4. fin. C. de sentent. pass. hæc manifeste satis species dispensationis, ac juris Gentium, non Romana est, & *Justitiæ*, quam vocant, quæ est *reductio in pristinum statum juris, ex quo quis vel revera excidit, vel saltem excidisse videtur*, hæc utique, sub hac forma spectata, fori Romani inventum est.

§. 3. Nam sub hoc nomine conjunguntur actus plane distincti: *interpretatio*, quam iudex & interpret facere debet, & *dispensatio*, quæ ad jura imperantis originarie pertinet, id quod ex exemplis facile intelligitur: Si quis vi injusta ad promittendum adigatur, is revera non est obligatus, nec ex pristino libertatis statu excidit, hinc simplici interpretatione ostenditur, quod casus ille sub lege non comprehendatur. Verum si quis fatalia processus elabi passus sit, ille revera jus suum amisit, adeoque ei non aliter, quam Imperantis dispensatione, succurri posse videtur, utrumque tamen remedium, *Restitutio* promiscue dicitur.

§. 4. Ista porro, ex diversis actibus, conflata Restitutio, opponitur *interpretationi legali*, seu *ei quod fit ipso jure*, nam aliquando actus ipso jure est nullus, aliquando per restitutionem rescindi dicitur, *v. l. 16. de minor. supr. c. 8. §. 9. seqq.* quæ duo remedia etiam quoad effectum & durationem differunt, licet hodie differentia nonnunquam cesset, de quo postea dicemus.

§. 5. Atque ex istis præsuppositis cætera facilius quoque explicantur, nam licet distincti actus, sub restitutionis nomine, sint compacti, ideo tamen illorum discrimen penitus tolli non potuit, sed semper Restitutio aliis nititur regulis, prout vel ad dispensationem, vel interpretationem propius accedit. Dicitur illa, *remedium extraordinarium*, quamvis autem, juxta apices juris Romani, simpliciter illud prædicatum admittat, certum tamen est, quod id nominis magis illa mereatur, si de lege dispense, quam si eam saltem interpretetur.

§. 6. Quando igitur cum remediis ordinariis Restitutio concurrere negatur, nisi forte sit plenior, *v. EXHOLT. ad ff. de restit. in integr. §. 2.* vel ordinarium, Minori contra tertium competat, *h. 3. C. si tutor vel curat. CARPZ. p. 2. C. 11. D. 34.* aut incertum sit, utrum locum habeat, *c. 8. X. de restit. in integr.* tum hoc omne iterum est intelligendum, de Restitutione authentica, seu Dispensatione, qualis in primis est, quæ contra processum datur, hinc Minori non elective, sed in subsidium solum, hæc conceditur, *l. 13. §. fin. C. de judic. v. BERGER. in Resolut. ad Lauterb. de restit. in integr.*

§. 7. Restitutionem in integrum introduxit Prætor, *l. 1. de restit. in integr.* quod verum est, quatenus cum peculiari forma, quam hætenus delineavimus, illa spectatur, nam alias dispensationem, vel interpretationem, ex quibus illa componitur, à Prætoris Romani provisione non dependere, sed omnibus Gentibus esse communes, satis patet. Cum porro actuum diversorum compactio, nihil rationis habeat, sed fori potius corruptionem redoleat, de quo deinde videbimus, hinc simul liquet, quam parum sit, quod aliæ Gentes Prætori Romano debeant.

§. 8. Quando ad applicationem devenitur, jus concedendi restitutionem, Magistratibus majoribus saltem asseritur, non municipalibus, *l. 26. ad municip.* vel iudicibus pedaneis aut arbitris compromissariis, *l. fin. C. ubi & ap. quem cognit. in integr. v. LAUTERB. C. J. de restit. in integr. lit. C.* Sed hæc doctrina in iterum non aliter admittenda, quam

quam quatenus Restitutio ad dispensationem magis accedit, nam si interpretationi fuit propinquior, etiam Magistratus minor, iudex pedaneus & arbiter ejus peragendæ jus habuit.

§. 9. Nec enim dubium videtur, quin illi de negotio coactō & dolo, circa quod saltem interpretatio necessaria, cognoscere poruerint, quare etiam Prætor, quando de restitutione doctrinali agit, se *judicium esse daturum* profitetur, l. 1. §. 1. de dol. sed *animadversurum*, quando de authentica ipsi sermo est, l. 1. §. 1. de minor. isto enim indicio, Judicis & Prætoris potestatem distingvi, monet HILLIG. ad Donel. l. 21. c. 4. lit. a. Nec obstat, quod restitutio sit *remedium extraordinarium*, adeoque iudicem pedaneum non admittere, sed Magistratum majorum propria esse videatur, arg. tit. de *extraord. cognit.* nam ita dicitur *ratione juris civilis*, non, *processus*.

§. 10. Hodie omnes Magistratus, qui habent jurisdictionem civilem, restituere posse dicuntur, modo sint competentes vel in genere, ob domicilium rei, vel saltem ratione causæ controversæ, v. LAUTERB. C. J. d. l. Verum & hic restitutionis differentia est observanda, nam si eadem dispensationis rationem habeat, ut si contra elapsum farale, aut totum processum, illa sit concedenda, tum Magistratus subalterni eam merito omittere debent, nisi forte casus in jure Civili sint expressi, adeoque, eorum intuitu, facultas restituendi ipsis implicite concessa.

§. 11. Opus est restitutione, quoties ex actu vel ejus omissione, five vero, five stricto jure validis, incommodum imminet. Censetur ergo illa necessaria contra enormem læsionem, l. 2. C. de *rescind. vend.* rem judicatam ex jure jurando suppletorio latam repertis novis probationibus, l. 31. de *jurejur.* vel etiam dolo adversarii elicitam, l. 33. de *re jud.* quam restitutionem aliqui dicunt *civilem*, LAUTERB. d. l. Sed non opus est, ut istis remediis, coactum restitutionis schema affricemus, oriuntur enim illa ex juribus certis, ac ne quidem stricto jure amissis, v. OBSERV. LAUTERB. Obs. 338. § 40. 1047.

§. 12. In primis sex restitutionis species in jure civili, memorantur (1.) restitutio ob metum, (2.) dolum, (3.) atatem, (4.) absentiam similesve causas, (5.) capitis diminutionem minimam, (6.) alienationem judicii mutandi causa factam. Uti autem in illis, actus aliquoties hætenus memorati, interpretatio scilicet & dispensatio, confunduntur, ita nonnullæ

earum etiam de jure civili sunt controversæ, quædam vero, miris tricis ineptiisque refertæ, hodie cessant, de quo postea explicatius dicam.

§. 13. Ne absque causæ cognitione, restitutio fiat, æquitas facile ostendit, *l. 3. 7. de in integr. restit.*, nam nullius juris executio, sine prævia discussione, fieri debet. De cætero petitur vel *scorsim* & *peculiari remedio*, id quod præcipue fit, quoad casus dubios, seu restitutionem authenticam, & ubi processus, ratione rei principalis, jam est institutus, vel *incidenter*, dum vel actio, quoad rem principalem, movetur, vel institutæ exceptio simileve remedium opponitur, atque ita restitutionis causa simul discutitur, *v. l. 24. §. fin. de minor. l. 9. §. 4. de jurejur.*

§. 14. Peti potest etiam per procuratorem, *l. un. C. etiam per procur.* & quidem si *scorsim* petatur, speciali vel generali ac definitio mandato instructum, *l. 25. §. 1. de minor. c. 4. de procurat. in 6.* si vero *incidenter* eadem exigatur, tum mandatum, ad principalem causam datum, sufficere, manifestum est, *v. c. 6. X. de in integr. restit.* MYNS. Cent. 2. Obs. 26. Petenda est restitutio intra quadriennium, à tempore sublatae causæ, quæ eam meruit, computandum, *l. fin. C. de temp. in integr. restit. v. EKHOLT ad ff. de in integr. restit. §. 6.* quamvis, si v. g. contra præscriptionem exigui temporis, ut menstruam vel annalem, restitutio detur, ejus petitio intra modicum ejusmodi tempus suspicienda videatur, nam absurdum foret, si spatium petendæ restitutionis, ipsa præscriptione principali, esset longius.

§. 15. Restituuntur læsi eorumque hæredes, *l. 1. 6. de in integr. rest.* & successores singulares, *l. 24. pr. de minor.* adversus lædentes i. e. eos, qui vel suo facto alios læserunt, vel in quorum emolumentum læsio effcessura. Liberi vero contra parentes non restituuntur, *l. 2. C. qui & ad-vers.* excepto casu *Nov. 155.* sed hoc saltem intelligendum de restitutione, quæ ob lubricum ætatis concedenda, nam ex aliis causis liberi contra Parentes restitutionem obtinere possunt, *v. BERGER in pecul. comm. add. l. 2.* imo cum sanctio *d. l. 2.* sit mere positiva, plures pati potest exceptiones, si iniquius Parentum factum quandoque appareat.

§. 16. Rescinduntur per restitutionem negotia, vel vero vel stricto jure valida, quibus quis læsus est, aut lucro aliquo excidit, & æquitas aliqua auxilium exposcit, *v. l. 16. de minor. l. 2. 4. in quib. caus. in integr. restit. l. 2. C. de præd. minor. l. 4. de in integr. restit.* De cætero, actus diversi plane valoris, eadem classe hic censeri, manifestum est, nam v. g. contra-
ctus

Etus cum tutoris autoritate celebratus, aut præscriptio, juxta omnia requisita, contra absentem completa, utique validior est, promissione coactâ, hæc enim aliaque ejus generis negotia, saltem à Romanis valida creduntur, & *summum jus*, quod hic in ore habent, est summa injuria, vel commentum fori Romani minime necessarium.

§. 17. Postulata restitutione, hætenus rem esse in suspenso, adeoque omnia in suo statu manere debere, donec legitimo modo controversia fuerit finita, exemplo aliarum controversiarum, facile intelligitur, *l. un. C. in integr. restit. postul.* hinc si, in specie, contra processum, petatur restitutio, executio suspenditur, *l. 32. C. de transact. l. 42. de minor.* modo justitiæ petitiæ restitutionis sit evidens, nam alias iniquissimum foret, petitionis frivole vel etiam malitiöse prætextu, executionem morari, *v. Decis Sax. 15. LAUTERB. C. J. de in integr. restit. lit. E.*

§. 18. Impetratæ vero restitutionis effectus, in genere est, quod *actus alicujus susceptio vel omissio, alicui non noccat*, hinc, pro casuum diversitate, quis rem suam retinet. recuperat, læsionis æstimationem consequitur, in spem amissam restituitur, aut, ad juris sui deductionem, ulterius admittitur. Quod si in specie, contra contractum consummatum, obrenta sit restitutio, tum ab utraque parte omnia, in pristinum statum, reducuntur, nisi forte adversarius, in pœnam imprudentiæ vel improbitatis suæ, eo, quod dedit, mulctetur, *v. l. 24. §. 4. l. 39. §. 1. de minor. l. un. C. de reput. quæ fiunt in judic. in integr. restitut. l. pen. C. de his quæ vi met. caus.*

§. 19. De cætero uti manifestum est, quod doctrina restitutionis in integrum, non penitus possit rejici, ita id tamen fori Romani corruptionem, & Jurisprudentiæ morbum omnino redolet, quod diversi plane valoris actus Romani eadem classe censuerint; adeoque interpretationem & dispensationem miscuerint, nam (1.) interpretatio, restitutionis nomine male involuta, nil nisi tricas, in studio Juris, peperit, dum summum aliquod jus, & actûs, juxta illud, validitatem, nec non ejus rescissionem adstruere debemus, cum omnis res facilius solidiusque intelligatur, si omis illis ambagibus, juxta simplicis interpretationis regulas, ostendatur, quousque actus effectum aliquem habeat, vel eodem destituatur.


§. 20. Hinc etiam (2.) discrimin *restitutionis doctrinalis, seu interpretationis & ipsius juris*, non alio fine videtur excogitatum, quam ut jura

jura magis redderentur involuta, ac eo modo homines, eo magis irriti & lites multiplicari possent. Denique (3.) ista confusio iudicibus præbet occasionem involandi in jura summorum Imperantium, nam uti interpretatio, dubio procul, ad eos pertinet, ita conjunctam ei, sub restitutionis nomine, dispensationem, illos hac occasione, sibi etiam arrogare posse, quis dubitet?

§. 21. Merito igitur, hac in parte, Jurisprudentiæ succurrendum esset, ea ratione, ut *dispensatio* & *interpretatio* separarentur, ac unaquæque *Subjcto habili* relinqueretur, restitutionis in integrum nomine, ad solam dispensationem relato. Postea interpretatio *doctrinalis* & *legalis* seu *ipsum jus*, quoad durationem, exæquanda forent, adeo ut quis perinde tutus sit, sive diserta legis verba, sive justa interpretatio, ei securitatem promittant. Effectus tamen idem, ideo semper non esset futurus, sed, pro diversa agentium intentione, actus aliquando simpliciter impugnari, aliquando, eo salvo, læsionis emendatio saltem peti deberet, quemadmodum etiam, positâ licet illa exæquatione, diversa probatio, pro re nata, foret necessaria.

§. 22. Parum forte abest, quin ipso usu illa etiam hodie obtineant. Restitutio ob capitis diminutionem, jam de jure civili recentiori evanuit, ob alienationem vero, judicii mutandi causa factam, nullam unquam obtinuisse censet HUBER in prælect. ad ff. de alienat. judic. mutand. caus. fact. Hodie porro omnem restitutionem doctrinalem, ac in specie eam, quæ ob metum & dolum asseritur, cessare, ac simplici saltem interpretatione, omisiss summi juris, eique oppositæ restitutionis, ineptiis, actuum illorum effectum explicari, plane arbitror, hinc sola restitutio authentica seu dispensatio, quæ circa ætatem, absentiam similesque causas occurrit, hodie obtinet, ac ipsi juri, cum effectu, opponitur, quæ de re, in locis propriis, explicatius dicam,

v. OBSERV. LAUT. Obs. 105. seqq.



LIBER SECUNDUS

CAPUT I.

DE VARIA HOMINUM CON- DITIONE.

SUMMARIA.

Connexio §. 1.

Pars principalis Jurisprudentiæ duobus constat capitibus generalissimis §. 2.

Prioris partitio generalis §. 3.

Varia danteur hominum discrimina, sunt Imperantes & Subditi §. 4.

Quousque hi ad Jus privatum pertineant §. 5.

Actus subditorum ex voluntate Imperantis quoque sunt æstimandi §. 6.

Distinguuntur homines in mares & foeminas §. 7.

In natos & nascituros §. 8.

In perfectæ & imperfectæ ætatis §. 9.

In integros & defectu aliquo laborantes, vigilantes & dormientes §. 10.

In liberos & servos §. 11. 12.

Servitus legalis hodie cessat §. 13.

Sed pactitia ubique locum habet §. 14.

Distinguntur porro homines in subditos simpli-
ces & cives §. 15. 16.

His opponuntur peregrini §. 17.

Hodie peregrinitas non adeo attenditur §. 18.

Maximæ & mediæ Capitis diminutionis hodie
nullus usus §. 19.

Sunt denique patres & filii fam. §. 20.

Capitis diminutio minima §. 21.

Alia personarum discrimina, non sunt commemo-
randa §. 22.

Nec generales divisiones consueciendæ §. 23.

§. 1.



Bsolvimus partem Jurisprudentiæ Germanicæ *Preliminarem*, non ex vulgaribus librorum Sy-
stematicorum regulis, sed veris, ut spero, ratio-
nibus instructam. Accedendum nunc est ad
partem *Principalem*, in qua *legum privatarum*,
in *Germania usitatarum*, argumentum exponi,
adeoque *varia jura & obligationes*, quæ inde
dependent, ac *personis vel intuitu rerum*, vel

sine harum consideratione, tribuuntur ac imponuntur, expendi debent.

Z

§. 2. Con-

§. 2. Constare illam partem duobus capitibus generalissimis, in quorum altero, *jus constitutum*, in altero, *jus, actionibus & processu legitimo, obtinendum* sive *modus asserendi jura* contineatur, jam dixi *l. 1. c. 1. §. 16. seqq.* Sed primum Caput maxime diffusum est, in eoque apte digerendo, non levis occurrit difficultas. Ordinem illum, quo, *de jure personarum, jure in re & ad rem*, sigillatim agi posse, creditur, nullo niti fundamento, cum sæpe illa jura, in eodem objecto concurrant, adeoque divelli nec possint, nec debeant. itidem jam ostendi *l. 1. c. 11. §. 38. seqq.*

§. 3. De alio igitur ordine laborandum erit, cumque *d. l. 1. c. 1. §. 16.* dixerim, quod Jurisprudentia particularis, & in specie, Germanica, Universali, velut fundamento suo, sit attemperanda, hinc in ejus placitis dirigendis iidem respectus generales erunt observandi, quibus, mea quidem sententia, Universalis nritur. Possunt igitur etiam Germani triplici modo considerari: (1) ut existunt, ac sibi ipsis, proximo & Deo, officia debita exhibent, (2) genus suum propagant, ac (3) moriuntur, & morituris vel mortuis officia præstant. Hæc sunt fundamenta totius tractationis de *jure constituto*, cujus partitio specialior ex sequentibus apparebit.

§. 4. Cæterum cum dentur nonnulla hominum discrimina, quæ in singulos fere juris articulos influant, non incongruum erit, si illa breviter persequamur, ac securæ tractationi substernamus. Præmarium & fundamentale, in Rebus publicis, hominum discrimen est, quod sint vel *Imperantes*, vel *Subditi*. Illi sunt, qui *ea omnia, quæ utilitas Civitatis requirit, & quæ arbitrio humano effici possunt, facere, subditorumque actiones & vires, independenti imperio, eo dirigere possunt & debent*. Hi vero, qui *Civitati & Imperanti quoad vitam & fortunas subsunt in iis, quæ ad utilitatem Reipublicæ pertinent, ac Imperio humano obtineri possunt*. v. OBSERV. PUFENDORF. *Obs. 158. seqq.*

§. 5. Imperantes quales pertinent ad jus publicum, ut & Subditi constituendi. Sed constituti, ut & Imperantes, qua homines privati, in Disciplina juris privati considerari debent. Hinc quæ deinceps de subditis dicemus, etiam ad Imperantes, secundum conditionem privatam spectatos, applicari debent, sed cum temperamento, quod *l. 1. c. 1. §. 28. seqq.* retuli. Ex quibus liquet, quod *privatus*,

vatus & subditus, non plane coincidunt, nam omnis quidem subditus, privatus est, sed insuper Imperans etiam privati loco quandoque habetur, hactenus tamen subditus non est, quanquam aliquando etiam subiectio suo modo accedere possit. *v. VINDIC. VITRIAR. CASTIG. §. 161.*

§. 6. Circa subditos illud in genere observandum, quod eorum actus liciti, ex quibus nova jura & obligationes oriuntur, non tantum ex voluntate eorum, sed inprimis etiam Imperantis æstimandi sint, adeo ut, si ab hac abeant, ne quidem jure naturali validi & obligatorii sint, neque enim jus hoc, ob quemvis consensum, obligationes introducit, sed habilem, statuique consentientium convenientem requirit. Usus hujus observationis, circa explicandum pactorum & testamentorum valorem, se inprimis exserit.

§. 7. Homines privati (nam, de Imperantibus qua talibus dicere, jam non est propositum) à *natura* distinguuntur in *mares & feminas*, quorum regulariter eadem sunt jura, *v. l. 4. C. de lib. præter.* aliquando tamen illorum, aliquando harum melior est conditio, quod ex locis propriis specialius cognoscendum est. Si uterque sexus concurrat, existunt *Herinaphroditii*, qui prævalenti sexui annumerantur, *l. 10. de stat. hom. l. 15. §. 1. de test.* si utriusque causa sit æqualis, electioni est locus, *v. L. AUTERB. J. de stat. hom. lit. B.*

§. 8. Ex eodem fundamento, homines discernuntur in *natos*, qui jam revera existunt, ac juribus humanis, sine dubio, fruuntur, & *nascituros*, qui in utero materno adhuc latent, hi hactenus habentur pro jam natis, ut lædi nequeant, ex quo, per consequentiam, matri prægnanti, quoque profunt. Præterea, ob spem nascendi, jura, in eventum natiuitatis, integra iis servantur, illique, si forma humana prodeant, eorum fiunt capaces, eademque in alios transmittere possunt, quæ omnia ex indole generis humani, & æquitatis regulis manifeste resultant. Quousque autem nascituri, in rebus arbitrariis, Parentibus suis, prodesse debeant nec ne, id à definitione legis civilis dependet. *v. l. 7. 26. de stat. hom. l. 30. §. 1. de A.O.H. l. 231. de V.S. l. 2. §. 6. de excus. tutor. L. AUTERB. C. J. d. l.*

§. 9. Ab *ætate*, homines sunt vel *perfectæ* vel *imperfectæ ætatis*, illi dicuntur *maiores*, hi *minores*, & sunt iterum vel *impuberes*, vel *minores in specie*, quæ discriminina certius definit lex positiva.

Jure Romano masculi fiunt puberes anno decimo quarto, fœminæ, duodecimo, *pr. l. quib. mod. tutel. fin. l. 1. §. qui testam. fac. poss. l. 2. de vulg. & pupill. substit. conf. Landrecht. l. 1. art. 42.* Post illos annos, fiunt puberes vel minores, usque ad annum 25. completum, *pr. l. de curator. l. 1. §. 1. 2. de minor.* sed jure Saxonico, anno 21. minorennitas finitur, *Landrecht l. 1. art. 42. Lehnrecht. c. 26. CARPZ. p. 2. C. 11. D. 9.* Impuberes usque ad annum septimum, dicuntur infantes, *l. 18. C. de jur. delib.* postea, pro capacitate doli, infantia vel pubertati proximi, *§. 9. l. de inutil. stipul. l. 23. de furt. l. 111. de R. J.*

§. 10. A diversa corporis animique constitutione, discerni possunt in integros, quales regulariter sunt, hinc etiam integritas in quovis tamdiu præsumitur, donec probetur contrarium, & aliquo defectu laborantes, tales sunt furiosi, mente capti, surdi & muti, simpliciore, perpetuo morbo oppressi & prodigi juridice tales, quos vocant, quibus scilicet per sententiam judicis, bonorum administratio est adempta, hi enim furiosis hætenus comparantur, *l. 1. de curator. furios.* nam in delictis prodigos pro integræ mentis hominibus habendos esse, facile liquet. Denique à naturali statu, homines distinguuntur in vigilantes, & dormientes, quæ posterior conditio in multa etiam juris capita influit. *v. Dn. THOMAS. dissert. de jur. circa somn. & somnia hab. Lips. 1687.*

§. 11. Præterea ex dispositione juris Romani, homines distinguuntur in liberos & servos, quæ distinctio licet totius fere jurisprudentiæ Romanæ sit fundamentum, tamen nec à JCtis, nec interpretibus recte explicatur, mihi sic videtur: Libertas civilis est *jus ea faciendi, quæ cum imperio civili non pugnant, conjunctum cum aliqua existimatione.* Servitus vero legalis est *libertatis privatio*, quæ hætenus nullam involvit subjectionem, quod exemplo servorum pœnæ, *v. §. 3. l. quib. mod. patr. pot. toll. l. 17. de pœn.* intelligitur.

§. 12. Istam libertatis privationem regulariter consequitur durior serviendi necessitas, quæ & ipsa, servitus dicitur ac potestati dominica opponitur, præterea servi, libertate privati, detruduntur in classem brutorum aliarumque rerum, in commercio existentium, hætenus, ut dominium aliaque jura, circa illos, acquiri possint; ista conditio, itidem servitus dici, ac dominio cæterisque jurbus, quæ in servos competunt, opponi potest.

§. 13. Cæterum sicut ista Romanorum servitus, est certissimum emortuæ socialitatis indicium, nec cum legibus divinis conciliari potest, ita in Germania eadem cessat, & omnes homines sunt ingenui, sed in suo singuli genere. Inhumanitatis tamen Romanæ reliquæ, in captis infidelibus conservantur, sicut etiam ejus consecraria, durior scilicet serviendi necessitas & commercium, in *Hominibus propriis* adhuc conspiciuntur, de quorum tamen conditione, ex statutis specialibus, amplius judicandum est.

§. 14. Servitus pæctitia, quæ ex locatione conductione oritur, quaque ob mercedem promissam & solvendam, operæ & servitia debentur, huc non pertinet, ea enim uti apud omnes gentes in usu est, ac apud Romanos quoque olim obtinuit, §. 2. *I. de uf. & habit.* ita libertatem civilem & existimationem humanam non tollit, licet illam restringat, id quod cum aliis obligationibus, certas præstationes exigentibus, habet commune. *vid. OBSERV. LAUTERB. Obs. 20. seqq.*

§. 15. Non minus quoque, ex *dispositione juris Romani*, subditi distinguuntur in *subditos simplices & cives*, quæ distinctio ut recte intelligatur, observandum, quod jus civitatis tripliciter accipiatur: (1.) pro *subjectione*, hoc sensu nullam subditorum & civium esse oppositionem, sed omnes subditos, etiam servos, esse cives, manifestum est. (2.) *communione jurium municipalium*, hoc respectu non omnes subditos, esse cives, iridem liquet. (3.) *jure civitatis Romanæ sive jure aliquo civili*, quod fundamentum erat aliorum jurium, ut juris patrii, testandi, nuptiarum, similiumque.

§. 16. Juxta hunc ultimum respectum, data distinctio præcipue est intelligenda, multi enim erant subditi in Orbe Romano, qui jus civitatis Romanæ non habebant, postea tamen Antoninus omnes ingenuos *l. 17. de stat. hom.* & Justinianus omnes libertinos civitate Romana donavit, §. 3. *I. de libert.* qua de re inprimis EZECHIELIS SPANHEMII Orbis Romanus seu Exercitationes duæ ad *l. 17. de stat. hom. Londini 1703.* publicatæ videri debent.

§. 17. Civibus quomodocunque suppositis, opponuntur *peregrini*, qui vel extra Rempublicam occurrunt, vel ad tempus in ea degunt. Hi olim fere pro hostibus habebantur, *v. l. 5. §. 2. l. 6. 7. 24. de captiv. & possim.* GROT. de *J. B. P. l. 2. c. 6. §. 14. in fin. c. 15. §. 5.* hinc

inprimis jus civitatis Romanæ, & inde dependentia jura connubiorum, patriæ potestatis similiaque ipsis negabantur, *v. l. 10. §. 6. de in jus voc. l. 17. de pæn. l. 1. §. 2. de Legat. 3. l. 1. C. de Hered. instit. l. 21. pr. C. de testam. pr. l. de nupt.*

§. 18. Hodie inter Christianos, peregrini pro hostibus non amplius habentur, vestigia tamen pristinæ hostilitatis in jure albinagii, in Gallia usitato, adhuc conspiciuntur; *v. PERETZ ad C. qui testam. fac. poss. n. 12.* In Germania quoque jus civitatis Germaniæ privatum non occurrit, hinc peregrini subditorum Germanicorum juribus etiam gaudent, *v. authent. omnes peregrini C. comm. de succession.* Alibi tamen jus civitatis generale, non penitus est incognitum, quod exemplo *indigenatus Polonici* intelligitur.

§. 19. Ex his sequitur, quod maxime & mediæ Capitis diminutionis, qua libertas & civitas tollitur, §. 1. 2. *l. de capit. diminut.* in Germania nullus sit usus, nec contrarium probat bannum imperii, ceu vulgo putant, illo enim non jus civitatis Germanicæ sensu Romano tollitur, utpote quo illud non occurrit, sed bannitus saltem pro hoste, aut potius improbo pœnamque commerito subdito, qui a quovis impune violari, vel minimum capi ac judici tradi queat, declaratur.

§. 20. Denique in varios juris articulos se diffundens divisio est, qua etiam de jure Romano potissimum, homines vel in potestate patriæ existunt, vel ab ea sunt immunes, illi filii, filie, & hi Patres, & matres familias dicuntur, licet tenerrimæ sint ætatis, *l. 4. de his qui sui vel alien. jur. sunt l. 195. §. 2. de V. S.* quæ laxa tamen suppositio, non satis est congrua. Quodsi quis in patriam potestatem redigatur, vel eâ exeat, atque ita familiam simul mutet, tum dicitur *capitis diminutionem minimam* pati, *l. fin. de cap. minut.*

§. 21. Cæterum sicut jam de jure civili recentiori, emancipatio, sublato antiquo emancipandi ritu, pro capitis diminutione, amplius haberi non posse videtur, *v. l. 3. §. 1. de cap. minut.* quamvis de hoc interpretes litigent, *v. HUBER. digress. l. 3. c. 6.* ita hodie nulla prægnans apparet ratio, cur adoptioni & emancipationi nomen capitis diminutionis insuper affricare debeamus, nam nec tantus, ut olim, hodie patriæ potestatis est rigor, nec emancipatio, cum patria potestate,

state, jus familiæ seu agnationis tollit, aut adoptio, cum illa, hoc, quoad omnes effectus, constituit.

§. 22. Cæteras hominum differentias, quod v. g. sint *Nobiles* aut *plebeji* &c. jam commemorare non attinet, cum enim illæ in adeo multa juris capita non influant, non opus est, ut præsupponantur, sed sufficit, si in loco proprio recenscantur. Universos autem Reipublicæ alicujus subditos, multiplici ratione distinctos, per generales divisiones & subdivisiones, adæquate repræsentare vix licet, certe talis repræsentatio plus difficultatis, quam utilitatis habitura viderur.

§. 23. Ad illum tamen scopum tendunt divisiones, in *Institutionibus Justinianæ* commemoratæ, juxta quas homines vel *alieni*, vel *sui juris*, & hi, vel *in tutela*, vel *in cura* esse, vel *neutro jure* teneri perhibentur. Sed illis nihil artis & utilitatis inest, ut ut ita inolitæ sint, ut multi, Jurisprudentiam ruituram, fere credant, si egregia illa fulcra subduxeris, nam inter membra dividenda nimis magna est inæqualitas, præterea quædam sunt negativa, ac nihil positivi continent, cœu jam admonui in JUR. FEUD. c. 26. §. 3. 4.

CAPUT II.

DE OFFICIIS HOMINIS ERGA SE IPSUM.

SUMMARIA.

Officii Hominis erga seipsum veritas & summa

§. 1.

Respicit culturam animi & corporis §. 2. 3.

Hæc in Germanis quoque obtinent §. 4.

Autochiriæ definitio §. 5.

Deficiente voluntate §. 6.

Et legis prohibitionem, illa non committitur §. 7. 8.

Veteribus nonnullis ac Romanis etiam JCtis au-

tochiria fuit probata §. 9. 10.

Non tamen, quæ ob conscientiam criminis suscipitur, fuit impunis §. 11.

Hodie omnis autochiria vera puniuntur §. 11. 12.

Pœna autochiriæ attentatæ secundum jus Romanum §. 13.

Et mores nostros, cum monito de observanda lenitate §. 14.

§. 1.



Is præsuppositis, specialius jura Hominum Existentium, juxta indicium c. 1. §. 3. considerata erunt, & primo quidem homo, ratione sui ipsius, spectandus videtur. Obligari homines lege naturali, erga seipsos, seu ad officia quædam sibi ipsis præstanda, certum omnino est; Omnis vero officiorum illorum

rum cognitio, ex accurata sui ipsius cognitione, resultat, nam ex hac patet, generaliter legem naturalem exigere, *ut quis seipsum, pro ratione sui status, ita amet, ut officia proximo & Deo debita non negligat*, nam inter hæc æquilibrium & nonnunquam prærogativa servari debet.

§. 2. Exinde sequitur, quod homo animum honesti aliarumque rerum necessariarum cognitione imbuere, eumque ita advescere debeat, quo idem imperium in cæteras facultates retineat, ac virtutis & prudentiæ habitu induatur. Non minus quoque inde liquet, quod Corpus alere, sanitatem, membrorum integritatem ac vitam conservare, adeoque inprimis à propria violentia & læsione abstinerere debeat.

§. 3. Porro ad officium hominis erga seipsum pertinet, ut corpus vivum, sanum & integrum ita expoliat, quo honeste & utiliter il ludagere possit, contra quod officium peccant otiosi, ignavi, fordidi, Eremitæ, Monachi, valida mendicabula, aliique ejus furfuris homines. Cum etiam, membrum societatis humanæ, quod, ad sui conservationem, variis bonis externis indigeat, se esse intelligat homo, ideo in appetendis bonis illis, existimatione, opibus & muneribus nimium, ex regulis amoris proprii, recte se gerere debet. v. OBSERV. PUFEND. *Obs. 109. seqq.*

§. 4. Hæc ex generalibus deducta principiis, quo minus etiam ad Germanos applicentur, nihil omnino obstat. Interim, in vita civili, illorum officiorum exigua solet haberi ratio, hinc corporis animique cura impune negligitur, imo, licet quis ingluvie, alioque imprudenti actionum suarum moderamine, morbos sibi attrahat, aut etiam fata acceleret, eo tamen nomine pœnam non metuit, utut excessus illi sint frequentissimi, hinc etiam in Jurisprudentia particulari, nihil fere de his officiis traditur. *add. A. MATTHÆI de crimin. l. 47. ff. tit. ult. c. 6. n. 5.*

§. 5. Alia tamen est ratio *Autochiriae* seu *Propriocidii*, quod in societate civili extra pœnam esse non solet, hinc de eo aliqua hic quoque tradenda erunt. *Autochiria est voluntaria sui ipsius occisio, contra legis prohibitionem directe vel indirecte facta.* Duo igitur, ut in aliis delictis, ita hic etiam requiruntur, nempe *voluntas*, quæ gradibus

dibus suis discernitur, & *legis prohibitio*, quæ quoad factum voluntarium, tamdiu præsumitur, donec probetur exceptio.

§. 6. Ex quo etiam liquet, quod duplicis generis exceptiones, ubi interemptio propria in crimen non incidat, occurrere queant, si scilicet vel *voluntas*, vel *legis prohibitio* deficiat. Ad primam classem pertinet cædes ab eo facta, qui alienatione mentis, vel perpetua vel temporaria laborabat, hanc enim excusandam & commiseratione dignam esse, facile constat, licet aliquo modo dissentiat CARPZ. *Pr. Crim. p. 1. qu. 2. n. 29.*

§. 7. Secundi generis exceptiones occurrunt in iis, qui ob salutem publicam mortem oppetunt, quales sunt milites, qui in bello iusto occumbunt, ut & illi, qui ad reprimendam calamitatem incendio, aqua, vel simili causa excitatam, accurrunt, in eaque pereunt, nam his casibus socialitas philauriæ potior est. Sic illi quoque excusandi videntur, qui fata sibi accelerant, quod certitudine moraliter infallibili prævideant, mortem sibi paulo post, ab hoste iniusto, cum ignominia & cruciatu, allatum iri, quemadmodum etiam certum videtur, quod delinquentes, iussu Magistratus, mortem promeritam sibi ipsis inferre queant. v. PUFEND. *de J. N. G. l. 8. c. §. 4.*

§. 8. Qui vero tædio vitæ, doloris impatientia vel simili causâ, se occidunt, illi aliquo quidem modo, sed non penitus excusari possunt, nam nec cædes illa, est plane involuntaria, nec, legis prohibitionem hic cessare, ostendi potest, ut nec primi, nec secundi generis exceptio hic occurrat, *add. C. 12. qu. 5. Caus. 23. HEIG. p. 2. qu. 36.*

§. 9. Veteribus nonnullis, ac præcipue Stoicis, autochiria licita visa est, v. PUFEND. *de J. N. G. l. 2. c. 4. §. 17. 19. GROT. de J. B. P. l. 2. c. 19. §. 5.* quamvis forte non omne propricidium, sed illud saltem, quod ob tædium vitæ similemque causam perpetratur, probaverint, quæ etiam juris Romani sententia esse videtur, ceu liquet ex *l. 11. §. 3. de his qui not. infam. l. 2. C. qui testam. fac. l. 3. §. 4. de bon. cor. qui mort. l. 1. 2. C. cod. l. 6. §. 7. de injust. rupt. irrit. l. 1. §. 23. de Scito Silan. l. 45. §. 2. de jur. fisc. l. 43. §. 4. de adilit. edict. l. 34. de testam. milit. l. 6. §. 7. de re milit. l. 38. §. fin. de poen. l. 2. C. ubi caus. fisc. nec contrarium probatur ex *l. 13. pr. ad L. Aquil.* quam nonnulli allegant. v. CARPZ. *Pr. Crim. qu. 2. n. 26.**

§. 10. Imo servis simpliciter permiffa fuisse videtur autochiria l. 9 §. 7. *de pecul.* quia infra legum curam fuerunt, l. 32. *de R. J.* ceu non male sentit FINCKELTH. *Obs.* 43. n. 4. nam responsio, quod d. l. 9. §. 7. loquatur de *facto*, non de *jure*, vid. CARPZ. d. qu. 2. n. 27. menti J Cti parum convenit. Malustamen servus creditur, qui aliquid facit, quo magis se rebushumanis extrahat l. 23. §. 3. *de adult. edict.* non ratione *sui ipsius*, sed *domini & aliorum*, in quos talis homo desperatus nihil non ausurus præsumitur d. l. 23. §. 3. & l. 3. §. 6. *de bon. cor. qui ante sent.*

§. 11. In autochiriam simplicem consummatam, nulla pœna, quod sciam, jure Romano constituta est, quod si vero quis, conscientia criminis, quod confiscatio aliàs sequi solebat, v. l. 3. §. 2. 3. *de bon. cor. qui ante sent.* se ipsum occidisset, tum bona ejus fisco addicebantur & testamentum, si quod aderat, corruebat, ceu liquet ex *legibus* §. 9. *citatis add.* FINCKELTH. *d. Obs.* 43. Hodie simplex etiam propricidium punitur, dum cadaver propricidæ, à carnifice per fenestras dejectum, vel sub domus limine extractum, in loco infami sepelitur. CARPZ. *Pr. Crim. p. 1. qu. 2. n. 30. seqq.*

§. 12. Confiscatio autem bonorum non obtinet, etiamsi quis, conscientia criminis gravioris, se ipsum occidisset, nam illa regulariter hodie cessat; Nec audiendus est carnifex, qui ea omnia, quæ in loco cadaveris occisi reperiuntur, quæque ipse stans, in circumferentia, supra & infra, gladio attingere potest, suo lucro cedere pertendit, CARPZ. d. l. n. 32. Quod si quis ex furore & melancholia violentas manus sibi intulerit, de ejus salute bene sperandum, ejusque cadaveri parcendum erit. HEIG. p. 2. qu. 36. n. 74. *seqq.* quemadmodum etiam in dubio, semper in meliorem partem fieri debet præsumtio.

§. 13. Quod si quis autochiriam non perfecerit, cum eam sponte, ac sine urgente aliqua causa, tentasset, tum etiam de jure civili l. 3. §. 6. *de bon. cor. qui*; & aliquando quidem, capite punitur, l. 38. §. *fin. de pœn.* l. 6. §. 7. *de re milit.* cujus ratio esse videtur, quod hoc casu, de causa suscipiendæ autochiriæ constet, cum, eâ consummata, mors superveniens eam apparere non sinat, adeoque in dubio mitius præsumatur & pœna excludatur.

§. 14. Hodie quoque attentatum propricidium arbitrariè punitur, CARPZ. *Pr. Crim. p. 1. qu. 2. n. 37. seqq.* In genere observandum, quod

quod nulla gravis causa poenam, vel quoad consummatam vel attentatam autochiriam, postulet, nec enim in hoc crimen homines valde propendent, & vix erit casus, quo quis, liquida mentis destinatione, in se ipsum sæviat, sed ut plurimum grave, ac rationis imperium destruens, malum, homines, ad hoc facinus, subigit, hinc lenitas semper rigori hic est præferenda.


CAPUT III. DE OFFICIIS SOCIALITATIS IN GENERE.

SUMMARIA.

Homines ad mutuum amorem obligantur §. 1.
Officia socialitatis sublimiora §. 2.
Cujusvis conscientia relinqui solent §. 3.
Imprimis vero à læsione abstinendum §. 4. 5.
Ac damnum illarum refarciendum est §. 6.
Damni nomine quid veniat §. 7.
Ad ejus restitutionem tenetur, qui id intulit §. 8.
Dolo §. 9.
Vel culpa §. 10.
Circa necessitatem damni restituendi, duo casus
separandi §. 11.

In omni contractu dolus præstatur §. 12.
Regulæ de præstatione culpæ §. 13.
Earum emendatio §. 14. 15.
Damnum fortuitum non est refarciendum §. 16.
Nisi voluntas concurrat §. 17.
Mora definitio & divisio §. 18.
Ejus partitio specialior ex diversitate negotio-
rum §. 19. 20. 21. 22.
Obligatio generis, casu fortuito non tollitur §. 23.
Damni restitutionis requisita cætera §. 24.
Et exempla §. 25.

§. 1.

 Einde Homines Existentes, erga se invicem confide-
rari, eorumque mutua jura & officia expendi debent,
cum autem illa tractatio latissime pateat, rationis
est, ut ejus fundamenta in genere primò exhibean-
tur. Obligari homines, per legem naturalem, ad
amorem sive socialitatem, erga se invicem exercen-
dam, certum est ac alibi pluribus demonstratur. Videtur autem amor
proximi summatim in tribus consistere (1.) in *collatione boni*, (2.) *malis*
aliunde imminētis aversione, & (3.) *læsionis propriæ ommissione*, quæ
omnia adeo lex naturalis à Germanis quoque exigit.

§. 2. Primo igitur requirit lex naturalis duos priores socialitatis
sublimioris gradus, seu, ut aliis indefinite & definite proximus, adeo-

que non tantum officia humanitatis ipsis exhibeamus, sed & beneficia, impensis aut operâ laboriosâ constantia, in eos, data occasione, conferamus; uti autem illa officia sunt reciproca, ita inprimis eum, qui aliorum humanitatem expertus est, benefactori favere, ac par pari referre oportet, quæ obligatio ingratitudine violatur. *v. OBSERV. PUFEND. Observ. 185. seqq.*

§. 3. Cum autem illa officia sint laxiora, nec se exserant, nisi posita commoda occasione, præterea etiam societas civilis consistere possit, licet illa omittantur, ideo in foro civili, arctior quædam necessitas iis circumponi non solet, sed eorum potius executio, conscientiæ & pudori cujusvis relinquitur; dubitandum tamen non est, quin aliquando Imperans, ad illa implenda, subditos cogere queat, quemadmodum etiam insolitum non est, ut leges civiles occasionem exercendæ humanitatis, subditis suppedirent.

§. 4. Inprimis lex naturalis exigit tertio, ut à læsione homines abstineant, qui infimus, sed maxime necessarius socialitatis est gradus, quo generaliter neglecto, nulla societas consistere potest. Uti autem hoc præceptum omnes homines afficit, ac observatu facile est, ita ad omnes res, quæ vel à natura dependent, vel factio humano, aut lege positiva, legitime sunt acquisitæ, aut alicui saltem destinatæ, extenditur.

§. 5. Nemo igitur lædendus est quoad vitam, corpus, membra, *v. l. 3. de J. & J.* pudicitiam, libertatem, existimationem aliaque bona, quæ vel bono titulo possidet, vel quæ jure perfecto ei debentur, imo nec ea, quæ alicui certo fati destinata sunt, intercipienda sunt, sed hæc læsio subtilior est, adeoque sæpe impune committitur. Ad ista officia negligenda, pravi affectus, ac inprimis avaritia & superbia, homines impellunt, quæ tamen quamdiu in facinora non erumpunt, extra pœnam sunt, ac sæpe commiserationem aut risum magis, quam indignationem merentur. *v. OBSERV. PUFEND. Observ. 153. 172. seqq.*

§. 6. Ex prohibita læsione, amplius resultat, ut damnum sponte, contra legis prohibitionem, invito datum, resarciendum sit, frustranea enim foret læsionis prohibitio, si, ea neglecta, nulla damni restituendi esset necessitas, quare ad omnes casus, quos præceptum de

de non lædendis aliis, complectitur, eadem quoque pertinere censenda est. Interim uti una læsio, altera, quandoque est subtilior, adeo ut fere pro læsione non habeatur, ita etiam damni illati æstimatio, non omnibus in casibus expedire satis fieri potest.

§. 7. Sed operæ pretium erit, specialius nonnihil officium hoc persequi. Per *damnum* hic intelligitur, *rei, per se jure ad nos pertinentis, ablatio vel corruptio.* v. PUFEND. de J. N. G. l. 3. c. 1. §. 3. Latius igitur hic supponitur, quam in Lege Romanorum Aquilia, ubi notat *corruptionem rerum præcipue in patrimonio existentium*, de quo damno uti alibi agemus, ita manifestum est, quod in vita civili, latior damni suppositio quoque occurrit, adeoque in Jurisprudentia negligi non debeat. vid. OBSERV. PUFEND. Obs. 155. 156. 157.

§. 8. Quo quis autem ad damnum refarciendum obligetur, requiritur (1.) ut *id immediate vel mediate intulerit*: qui vero realis aliquid operæ ad illud non contrulit, qualis est, qui alienis malis læratur, qui patratum damnum laudat, excusat, antequam fiat, optat, ac dum fit, favet aut assentatur, is occasione damni peccat quidem, ad ejus tamen restitutionem non tenetur. v. PUFEND. de J. N. G. l. 3. c. 1. §. 4.

§. 9. Debet etiam damnum (2.) *sponte i. e. dolo vel culpa esse latum.* Dolus est *liberum propositum agendi contra legem*, v. l. 1. c. 14. §. 5. Sive est *machinatio animi scienter & maligno animo ladendi*, v. l. 71. §. 8. de A. vel O. H. hoc sensu dolus est velut anima omnium delictorum verorum, v. l. 14. §. 13. quod met. caus. l. 2. pr. §. 8. de vi bon. rapt. l. 7. 10. ad L. Cornel. de sicar. Aliquando dolus sumitur specialiter pro fraudulenta machinatione, qua aliud agitur, aliud simulatur, alterius decipiendi gratia, quæ strictior suppositio ad contractus similesve actus pertinet, v. l. 1. §. 2. de dol. l. 7. §. 9. de pact. l. 43. §. 2. de C. E. V. LAUTERB. C. J. de dol. DONELL. Comm. Jur. civ. l. 15. c. 40. lit. d. seqq. ibique Hillig. sed hic dolus generaliter accipitur.

§. 10. Culpa est *voluntas liquida destinationis expert*, v. l. 1. c. 14. §. 5. sive est *inconsulta & imprudens diligentia necessaria omisso*. Distinguitur in *culpam latam*, quæ diligentiam infimam, levem, quæ mediam, hominibus ut plurimum usitatam, & *levissimam*, quæ summam & exactissimam omittit, quos terminos late satis illustrat

LAUTERB. C. J. commod. add. OBSERV. LAUTERB. Obs. 395. 396. 397. 398.

§. 11. Jam quod attinet necessitatem damni restituendi, duo casus separari debent, vel enim *damnum illatum est, nullo contractu precedente*, hoc, omne, etiam levissima culpa datum, refarciendum est, nam voluntarium est, & læsum in læsionem consensisse, ex nullo indicio appareret, v. l. 44. ad L. Aquil. aliquando tamen humanitas, ad vivum omnia refecari, vetat, v. l. 3. §. 9 de N. G. Vel inter *læsum & lædentem contractus antea celebratus est*, hoc casu quid lædentem præstare oporteat, ex l. 5. §. 2. commod. l. 23. de R. J. ostendere solent, sed tota doctrina, quatenus præjudiciis nonnullis haud est corrupta, naturalis est.

§. 12. In omni igitur contractu dolum esse præstandum, facile liquet, & vulgo recte dicitur, adeo ut nec conventionem illa præstatio queat excludi, ceu amplius docent l. 23. de R. J. l. 27. §. 3. de pact. l. 17. pr. commod. sed pactum tamen efficere potest, ne dolum committatur, hinc inanitas illa videtur subtilitas, v. OBSERV. LAUTERB. Obs. 395. Quousque autem culpa præstanda sit, id ex *conventionem partium expressa*, & hac deficiente, *natura contractus* judicandum esse censent.

§. 13. Hinc hæ regulæ inculcantur: (1.) Si contractus respiciat solius accipientis utilitatem, tum accipiens omnem culpam præstare debet, l. 5. §. 2. commod. dans vero solum de dolo tenetur, l. 61. §. 6. de furt. (2.) Si utriusque versatur utilitas, levem culpam sibi invicem præstant contrahentes, l. 5. §. 2. commod. l. 18. pr. eod. l. 31. in fin. locat. l. 108. §. 12. de Legat. 1. (3.) Si solius dantis subest utilitas, accipiens tantum latam culpam præstat, l. 5. §. 2. 10. l. 12. pr. commod. l. 1. §. 5. de O. & A. dans vero omnem, l. 61. §. 5. de furt. v. LAUTERB. C. J. commod.

§. 14. Enimvero istud docendi genus in eo impingit, quod maiore nimis, ad naturam contractuum, provocetur, & circumstantiæ evidentiores, ex quibus læsi consensus queat colligi, negligantur, hinc ab ipsis Jctis ferè desertum est, ubi ad applicationem fuit deventum. Rectius igitur res sic explicari posse videtur: *quævis culpa, modo revera admissa sit, damni restitutionem operatur*, exceptio perpetua est, nisi læsus in aliquem culpe gradum consenserit.

§. 15. Consensus autem læsi evidentissime colligitur ex *conventionem expressa*, ceu hætenus recte sentiunt Romani l. 5. §. 2. 10. commod. l. 23. de

l. 23. de R. J. l. 1. §. 6. de pos. l. 1. C. cod. modo conventio valida sit, v. l. 6. de pact. dotat. Ea deficiente ad modum contrahendi erit respiciendum, hinc qui deposito se obtulit, de omni culpa teneretur, l. 1. §. 35. de pos. Quodsi peculiaris modus non occurrat, persona contrahens erit spectanda, nam non aliam, quam quâ illa res suas profequitur, diligentiam videmur exigere, §. fin. l. de societ. l. 1. §. 5. de O. & A. his omnibus cessantibus, natura contractus demum in subsidium vocanda, & vulgaribus regulis locus erit, v. OBSERV. LAUTERB. Obs. 399.

§. 16. Quodsi neque dolo neque culpa damnum illatum sit, tum dicitur *fortuitum*. Casus ergo fortuitus hic est *eventus noxius, à factō involuntario ejus, de cujus obligatione queritur, vel extrinsecus dependens*, l. 2. §. 4. de admin. rer. ad civit. pert. l. 23. de R. J. l. 4. C. de peric. tutor. l. 11. §. 5. de minor. l. 29. §. 2. mand. l. 6. C. de pign. act. l. 1. §. 4. de O. & A. l. 15. §. 2. locat. l. 18. commod. Hoc damnum regulariter non esse præstandum, ex communi ratione facile intelligitur, & d. II. alibique passim inculcatur.

§. 17. Exceptio est, nisi quis *pactō vel directo vel indirecto*, quale in æstimatione rei, venditionis gratia factâ, latet, casus fortuitus in se receperit, v. l. 9. §. 2. locat. l. 6. C. de pign. act. l. 1. C. commod. l. 1. C. de pos. l. 10. C. de jur. dot. l. un. §. 9. C. in fin. de R. U. A. aut casum præcesserit *dolus vel culpa alias præstanda*, l. 5. §. 5. 7. commod. vel mora *efficax* intervenerit l. 23. de V. O. l. 14. §. 1. de pos. l. 8. §. 6. de precar. l. 47. §. fin. de legat. 1. quæ omnia ex naturalibus resultant principiis, & prolixius quoque illustrantur à LAUTERB. C. J. Commod. in fin. add. OBSERV. LAUTERB. Obs. 400. 401. 560. 706.

§. 18. Mora est *injusta rei faciende dilatio*, l. 21. 22. de usur. quod si ex proæresi hoc fiat, mora, est species doli, si ex negligentia & imprudentia, species culpæ. Contrahi dicitur vel ex *persona debitoris*, qui non solvit interpellatus, aut per actionem moram, l. 1. C. de usur. rei. jud. aut privatam admonitionem, l. 32. de usur. l. 23. 127. de V. O. aut lapsum diei, l. 12. C. de contr. & committ. stipul. vel *ex re*, sine ullo hominis facto, ex sola legis dispositione, l. fin. de condit. furtiv. l. 3. C. ex quib. caus. in integr. restit. l. 26. §. 1. de fideicom. libert. v. LAUTERB. C. J. de usur. in fin.

§. 19. Cæ-

§. 19. Cæterum ista docendi ratio in penitiorē cognitionem nos non deducit, aut rationem moræ commissæ satis explicat, quare ita potius distinguendum: Vel quis obligatur ex *delicto* v. gr. furto, tum, quia obligatio certa, & dominus nullatenus in aliquam dilationem consentit, statim, à tempore commissi delicti, delinquens in mora est, *l. fin. de condit. furt.* id quod non auctoritate legis positivæ constituitur, sed ex indole facti resultat; vel ex *contractu*, tum interest, an ille sit *bilateralis* vel *unilateralis*.

§. 20. Priori casu, quia præstationes sunt reciprocae, alter in mora constituitur, simulac alter suum præstitit, nec in dilationem consentit, *l. 13. §. 20. de A. E. V. l. 18. §. fin. de usur.* nam facta præstatio simul interpellat: quod si vero præstans, in dilationem consentiat, tum alter, non nisi nova interpellatione, in mora constituitur, *v. l. 88. de R. J.* Posteriori casu, distinguendum est, utrum obligatio in *dien concepta*, an *pura* vel *conditionalis* sit.

§. 21. In obligatione in diem, mora, post diei lapsum, contrahitur, *l. 12. C. de contr. & comm. stipul. l. 2. C. de jur. emphiteu.* dum enim terminus solutionis eventualiter est præstitutus, eo ipso creditor satis declaravit, quamdiu expectare velit; sed in obligatione pura & conditionali, demum per interpellationem debitor in mora constituitur, cum enim terminus faciendæ solutionis hic non sit statutus, ideo quamdiu Creditor non interpellat, tamdiu in dilationem consentit, *l. 32. de usur.*

§. 22. Quod si tamen Creditor vel ob ætatem vel ignorantiam non interpellet, aut ob timiditatem similemve causam id facere non audeat, tum statim, à tempore debiti contracti, debitor in mora est, quo pertinet *l. 3. C. ex quib. caus. in integr. l. 25. §. 1. de fideicom. libert.* quibus casibus mora *ex re* fieri dicitur, ac intercedit *interpellatio præsumta*, quam quidem non sola lex positiva ac speciatim Romana facit, sed quæ, per rectam rationem, ex voto illarum personarum, merito adstruitur. De cætero, posita licet mora, non tamen semper omnes ejus effectus sequuntur, *v. l. 22. de donat. OBSERV. LAUTERB. Obs. § 80. 704. 705.*

§. 23. Ob interveniens igitur pactum, dolum, culpam & moram, etiam damnum fortuitum præstandum est. Quod si quis genus aut quantitatem debeat, & casus fortuitus eadem imminuat, debitor

tamen non liberatur *l. 11. C. si cert. pet.* sed hæc proprie non est exceptio, quasi scilicet hic quoque casus fortuitus præstandus sit, nam obligatio ideo manet, quia damnum fatale rem debitam non afficit.

§. 24. Ut damni restitutio obtineat, requiritur (3.) *ut, contra legis prohibitionem, damnum sit datum*, nam quod, lege permittente aut præcipiente, infertur, extra restitutionis necessitatem positum est, *l. 3. de J. & J. modo lædenti excessus non interveniat, v. §. 2. I. ad L. Aquil. l. 1. r. 7. §. 4. l. 45. §. 4. l. 52. §. 1. ff. eod. c. 12. x. de restit. spol. (4.) ut invito damnum accadat, v. l. 11. pr. ad L. Aquil. l. 203. de R. J. CARPZ. p. 4. C. 10. D. 4. & p. 2. qu. 99. n. 53.* hinc si quis, etiam in sui vulnerationem aut mutilationem, consentiat, consensus non quidem pœnam, attamen damni restitutionem excludere videtur.

§. 25. De cætero hætenus dicta, circa omnis generis damnum, locum inveniunt, adeoque homicida, vulnerans, adulter, stuprator *vid. PUFEND. de J. N. G. l. 3. c. 1. §. 7. seqq.* fur, raptor, impostor, & quicumque alium quavis ratione, in re æstimabili, læsit, ad damni restitutionem tenetur, sæpe vero iis casibus, quibus accurata æstimatio iniri nequit, transactione res componitur, qua de re, in sequentibus, pro re nata, dicendum erit. *conf. OBSERV. PUFEND. Obs. 170.*

CAPUT IV. DE PACTIS.

SUMMARIA.

Ex prohibita læsione fuit fidei servandæ officium

§. 1.

Pacti necessitas, indoles & varietas §. 2.

Obligatorii essentia consistit in consensu §. 3.

Veritas consensus, ex tribus, æstimatur §. 4. 5. 6.

Eius declaratio est necessaria §. 7.

Stipulatio cum pacto hodie coincidet §. 8.

In pactis consensus debet esse mutuus §. 9.

Personæ paciscentes §. 10.

Quædam pacifici prohibentur §. 11. 12.

Pactum tertio factum hodie valet, §. 13.

Materia pactorum §. 14.

Quousque de hæreditate pacta valeant §. 15. 16.

De factis quoque pacta ineuntur §. 17.

Conditionis indoles §. 18. 19. 20.

Et varietas §. 21.

Effectus suspensivæ, quando pendet §. 22.

Existit 23. 24.

Aut deficit §. 25.

Conditio resolutiva effectus habet contrarios §. 26.

Effectus diei adjecti §. 27. 28. 29.

Differentia inter legata & conventiones §. 30.

Modus etiam pactis adjicitur §. 31.

Ex pactis oritur jus & obligatio §. 32.

Quam sequitur actio §. 33.

Obligatio faciendi §. 34.

Et dandi §. 35.

Bb

Tradi-

Traditionis indoles & varietas §. 36. 37. 38. 39.
 Subjectum & objectum §. 40.
 Discrimen tituli & modi §. 41.
 Pacta aliquando sunt invalida ob errorem §. 42.
 Dolum 43. 44. 45.

Et metum §. 46. 47.
 Pacti species est cautio §. 48.
 Necessitas & modus cavendi à lege positiva fere
 dependet §. 49.
 Cautiois præstitæ effectus §. 50.

§. 1.



EX prohibita læsione, uti damni restituendi, ita etiam fidei servandæ necessitas resultat, si quis enim pacto alteri quid promittat, tum huic jus ad rem est quæsitum, quod adeo ei promissor intervertere non debet, hinc invitus ad promissum implendum cogendus est. Ordo igitur nunc postulat, ut de Pactis in genere eorumque jure agatur.

§. 2. Pactum maxime necessarium societatis humanæ & civilis instrumentum v. OBSERV. PUFEND. *Obs.* 198. est *duorum pluriumve, in idem placitum consensus, obligationis constituende vel tollendæ causa, datus, v. l. 1. §. 2. de pact.* A fine est vel *obligatorium*, quo obligatio constituitur, vel *liberatorium*, quo eadem tollitur, vel *mixtum*, quo utrumque agitur, ut Novatio & Transactio.

§. 3. Iam de obligatorio tantum dicendum erit. Ejus essentia consistit in *Consensu*, nam uti sine hoc præstationem quandam, præcipue molestam & satis operosam, aliquem postulare, læsio est, ita, eo posito, omnis querendi causa cessat, & jus naturale præstationem illam exigit. De cætero consensus ille debet esse (1.) *Verus* (2.) *Declaratus* & (3.) *Mutuus*.

§. 4. *Veritas* consensus summatim æstimatur (1.) ex *facultate consentiendi physica*, in quibus ergo usus rationis vel penitus, vel quatenus ad pacta requiritur, deficit, illi consentire nequeunt, (2.) ex *facultate morali*, quæ aliquando per leges divinas & humanas, facta prohibitione, aufertur, in dubio tamen illa adesse præsumitur.

§. 5. Uti autem dubitandum non est, quin leges quoque humanæ paciscendi facultatem aliquando auferre queant, nam hæc est vis imperii civilis, ita observandum, quod indistincte id facere non soleant, sed potius triplici modo circa subditorum actus versentur, eos scilicet vel *prohibendo*, vel *paciscentibus facultatem pœnitendi concedendo*,
 vel

vel *actibus sua autoritate non assistendo*; illo casu paciscendi facultas sublata est, adeoque nec obligatio oritur, nec ultro pactum servari potest, isto, obligatio quidem non adest, ultro tamen pactum servare licet, hoc, obligatio naturalis, ad promissum implendum, existit.

§. 6. Porro veritas consensus, æstimatur (3.) ex *serio & libero facultatis consentiendi exercitio*. Vere igitur non consentiunt, qui per jocum vel verba honoris aliquid promittunt, ut &, qui errant, decipiuntur aut injuste coguntur, de quibus postea explicatius agemus. Illi quoque vere consentire non censentur, qui *sine causa* paciscuntur, *vid. LAUTERB. C. J. de pact. lit. C.* sed hoc, in pactis successivis & cum magno alterius incommodo conjunctis *v. l. pen. de pact.* admittendum videtur, *vid. OBSERV. LAUTERB. Obs. 59. 62.*

§. 7. Deinde requiritur, ut consensus sit *declaratus*. Declaratur autem vel signis ad hoc receptis, unde oritur consensus *expressus*, vel ex facto, silentio aliisque circumstantiis colligitur, hinc *tacitus* existit, *v. l. 2. §. 1. l. 4. 57. de pact. l. 5. C. de usur. l. 13. pr. l. 17. §. 1. de usur. l. 7. in quib. caus. pign. tac. l. 3. C. eod. l. 6. §. 2. l. 18. mand. l. 142. de R. J. v. CARPZ. p. 2. C. 29. D. 12.* vel ignorantis consensus, æquitaris gratia, asseritur, qui *presumptus* vel *factus* dicitur. *OBSERV. PUFEND. Obs. 208. seqq. LAUTERB. Obs. 56.*

§. 8. Apud Romanos, solennis verborum nuncupatorum conceptio, dicebatur *stipulatio*, eratque commune negotiorum, tam obligatoriorum quam liberatoriorum, expediendorum instrumentum. Quodsi vero consensus pactitius, speciali nomine destitutus, verbis solennibus involveretur, tum ille, solennitate ista stipatus, peculiari sensu, audiebat *stipulatio*, vel *Contractus verbalis*, qui adeo, à pacto generaliter accepto, in eo saltem differt, quod verba solennia habeat adjuncta. Sed cum hodie, solennitas verborum, ad valorem pactis conciliandum, haud requiratur, ideo pactum & stipulatio promiscue accipi ac utrique nomini eadem tractatione, satisfieri potest. *vid. OBSERV. LAUTERB. Obs. 1152.*

§. 9. Denique consensus etiam debet esse *mutuus*, nam nisi utriusque paciscentis voluntas, in idem placitum conspiraverit, obligatio nasci non potest, *v. l. 10. de donat. l. 55. 57. de O. & A.* utrius

autem voluntas præcedat vel sequatur, nihil refert. Quando igitur Romani, pollicitationem, *solius offerentis promissum* esse censent *l. 3. de pollicitat.* tum veritati & sibi ipsis obloqui censendi sunt, *vid. OBSERV. LAUTERB. Obs. 1494.*

§. 10. Pacta ineunt, qui facultate consentiendi physica & morali gaudent, ac serio & libere consentiunt, cujuscunque sint conditionis, *v. l. 6. C. de revoc. donat. l. 39. 48. §. 2. §. 9. 10. de O. & A. l. 4. §. 1. de pact. l. 9. de adopt.* Excluduntur ergo amentes *l. 5. 40. de R. J. l. 70. §. 4. de fidejussor. l. 2. C. de C.E.V. infantes, §. 9. I. de inutil. stipul. l. 14. de sponsal. extreme ebrii, c. 7. c. 15. qu. 1. c. 14. X. de vit. & honest. Cler. dormientes, l. 1. §. 3. de A. A. P.*

§. 11. Ob legis prohibitionem quoque pacta sunt invalida, ut medici & ægroti quoad sanitatem, *l. 9. C. de prof. & medic. l. 3. de extraordin. cognit. advocati & clientis de quota litis, l. 53. de pact. l. 6. §. 2. de postul. l. 1. §. 12. de extraordin. cognit.* modo pactum sit initum lite cæpta, & in casum victoriæ. Sed hæc prohibitio ex rationibus Romanis dependet, *v. CORNEL. VAN ECK. dissert. de Quota lit. hab. Ultraject. 1698.* & hodie exugui videtur usus, *v. CARPZ. p. 1. C. 1. D. 24. 34.* Inter liberas Gentes legum prohibitio sæpe negligitur, ac utilitate omnia definiuntur.

§. 12. Pacta patris & liberorum, quoad peculium profectitium, etiam sunt invalida *§. 6. I. de inutil. stipul. l. 2. de C. E. V. l. 4. de judic. l. 7. de O. & A.* non ob aliquam prohibitionem, sed concessam patri pœnitendi facultatem, quæ dispositio hodie exigui itidem est usus. Ob eandem rationem pupilli infantia majores, sine tutorum auctoritate *l. 28. de pact. l. 41. de condit. indeb. l. 59. de O. & A. minores, l. 3. C. de in integr. rest. junct. l. 6. de V. O. prodigi, l. 1. 10. de curat. furios. & moribus nostris, fœminæ, sine Curatoribus, ex pactis suis non obligantur. *v. LAUTERB. C. J. de pact. lit. §. CARPZ. p. 2. C. 15. D. 1. 37.**

§. 13. Apud Romanos stipulatio tertio facta, ut scilicet hic vel jus exigendi acciperet, vel rem promissam lucraretur, erat invalida, *§. 4. 18. 19. I. de inut. stipulat. l. 38. §. 17. l. 126. §. 2. de V. O. l. 11. de O. & A. l. 73. §. fin. de R. J. l. 8. §. 6. mand. v. LAUTERB. C. J. de V. O. lit. §. quod itidem non ex aliqua prohibitionem, sed processa promiss-*

missori pœnitendi facultate, resultasse arbitror. Licet vero illam dispositionem sequatur CARPZ. p. 2. C. 33. D. 26. 27. verius tamen est, quod illa non sit recepta, sed pactum tertio factum, accedente hujus rati habitatione, valeat. v. SCHILTER *ad ff. exerc. 8. §. 23. seqq.* MEV. p. 4. D. 112. BERGER. *in resolut. ad LAUTERB. de V. O.*

§. 14. Materia pactorum sunt *res & facta possibilia & licita*. Impossibilia igitur & turpia, frustra promittuntur, licet, eorum intuitu, obligatio accessoria nasci queat, v. OBSERV. PUFEND. *Obs. 228. seqq.* In specie igitur res, quæ neque existunt, neque existere possunt v. l. 1. §. 9. de O. & A. l. 8. §. 1. l. 15. de C. E. V. l. 69. 83. §. 7. l. 103. de V. O. ut & quæ sunt extra commercium, vel absolute, vel ratione stipulantis l. 83. §. 5. l. 34. de V. O. l. 6. 34. §. 2. de C. E. V. denique quarum intuitu conventio est specialiter prohibita, t. 1. de litigios. in pactum deduci nequeunt, hinc etiam de rebus alienis, in præjudicium tertii, cui jus quæsitum pacisci non licet, v. OBSERV. PUFEND. *Obs. 233. 234.* utur alio respectu conventio talis effectibus non plane careat, v. l. 9. pr. §. 4. l. 22. §. 2. l. 36. de pign. action l. 15. commod. l. 25. §. 1. de C. E. V.

§. 15. De hæreditate delata, valida est conventio, t. 1. ff. & C. de hæred. vel action. vend. Sed circa viventium hæreditatem, jure Romano pacta improbantur, si ipsos paciscentes respiciant, siue sint affirmativa, l. 61. de V. O. l. 15. 19. C. de pact. l. 5. C. de pact. conv. tam sup. dot. l. 4. C. de inut. stipul. siue negativa, l. 94. de A. O. H. l. 3. C. de collat. l. 35. §. 1. C. de inoff. testam. l. fin. de suis & legit. hæred. inter milites tamen pacta valent l. 19. C. de pact. De tertii quoque incerti hæreditate pacisci licet, l. 3. §. 2. pro soc. ut & certi, si hic consentiat & in illa voluntate permaneat, l. fin. C. de pact. v. CARPZOV. p. 2. C. 35. D. 17. 18. 19. 20. PISTOR. l. 4. qu. 1. seqq.

§. 16. Licet vero ista Romanorum dispositio, ob hæredipetarum improbitatem, invaluisse, adeoque à genio Germanorum abhorrere, & consequenter non recepta videatur, v. SCHILTER *ad ff. Exerc. 8. §. 35. seqq.* attamen usus fori ei quodam modo suffragatur. Inter personas tamen illustres, conjuges, parentes & liberos pacta successoria, maxime jurata & judicialia, hodie valent, v. CARPZ. p. 2. C. 35. D. 4. 25. HAHN *de jur. rer. conclus. 70. seqq.* LAUTERB. C. J. de pact. lit. O.

§. 17. De factis quoque, sive nudis sive non nudis, pacta valent, *l. 72. §. 2. de V. O.* modo non sint impossibilia aut turpia, *l. 7. 26. §. pr. §. 1. l. 137. §. 6. de V. O. l. 1. §. 11. l. 31. de O. & A. l. 15. de condit. instit. l. 7. §. 3. 16. l. 27. §. 3. de pact.* vel inutilia, hinc non valet pactum, ne dominus rem suam alienet, *l. pen. de pact. l. 15. de servit.* nisi pacifcentis intersit ob jus in re, quo casu alienatio, contra pactum facta, est nulla, *l. 7. §. fin. de distr. pign.* aut dominus rei suæ alienationi eam adjecerit legem, ne à novo domino alienetur, *l. 20. §. 1. de pact. dot. l. 48. de pact.* nam & tum juxta merum jus naturæ, alienatio suscepta, est nulla, sed, juxta leges Romanas, facta alienatione, saltem jus ad interesse oritur, *l. 3. C. de condit. ob caus. l. 135. §. 3. de V. O. v. LAUTERB. d. l. ibique Obsérv. 62.*

§. 18. Ex libertate naturali, pacta vel pure ineuntur, vel cum adjectione conditionis, diei aut modi. Condicio est voluntaria eventus incerti futuri adjectio, eo animo facta, ut ejus existentia negotium perfectum resolvat, vel imperfectum perficiat, *v. §. 6. I. de V. O. l. 39. de R. C. l. 34. §. 1. l. 79. pr. de condit. & demonstr. l. 9. §. 1. de novat. l. 18. de condit. indeb.* Proprie igitur conditiones non sunt, quæ (1.) actui tacite insunt, *l. 1. pr. §. fin. l. 99. de condit. & demonstr. l. 21. 41. §. 1. de jur. dot.* (2.) quæ tempus præteritum vel præsens respiciunt, *§. 6. I. de V. O. l. 10. de condit. instit. l. 1. §. 13. de bon. libert. l. 100. 120. de V. O.*

§. 19. Quo loco observandum, Romanos, in circumscribenda conditione, ideo valde fuisse sollicitos, qui actus puros, in diem & conditionales, quod transmissionem jurium, dispararunt. Quodsi autem hoc discrimen tollatur, prout sane nulla necessaria ratione nititur, tum negligentiori æstimatione, adjectionem incerti eventus, quæ dilationem affert, pro conditione habere licet.

§. 20. Porro conditiones proprie non sunt (3.) impossibiles & turpes conditiones, sive affirmative, sive negative subjiciantur, nam illo casu pactum destruunt seu illud fieri impediunt, *l. 7. 35. §. 1. l. 137. §. 6. de V. O. l. 1. §. 11. de O. & A.* aut etiam purum relinquunt, si auctoritate legis positivæ detrahantur, *§. 10. I. de H. J. l. 1. 6. 14. de condit. institut. l. 3. de condit. & demon.* hoc vero, actum sua natura non suspendunt aut resolvunt, *§. 10. I. de inut. stipul. l. 7. 8. de V. O. l. 50. §. 1. de H. J.*

§. 21. Di-

§. 21. Distinguitur conditio (1.) ab *eventu adjecto*, in *potestativam*, quæ dependet ab arbitrio ejus, qui eam implere debet, *casualem*, cujus impletio à casu est, & *mixtam*, quæ partim arbitraria, partim fortuita est, *l. un. §. 7. C. de caduc. toll. l. fin. C. de necessar. serv. hæred. instit. v. l. 17. 46. §. fin. de V. O. l. 8. de O. & A. l. 7. ff. l. 13. C. de C. E. V. l. 60. de condit. & demonstr.* (2.) à *sine in suspensivam*, quæ actus perfectionem suspendit, & *resolutivam*, quæ actum purum & perfectum resolvit, *v. l. 2. de addit. in diem l. 1. de L. commiss.*

§. 22. Ad intelligendum conditionum effectum, triplex earum status est distinguendus, vel enim conditio *pendet*, vel *existit*, vel *deficit*. *Suspensiva* conditione *pendente*, jus ipsum quoque in suspensio & incertum est, *v. l. 16. §. pen. de fidejuss. l. 19. de const. pecun. l. 13. §. pen. de pignor. l. 41. de condit. & demonstr. l. 116. de V. O.* quia tamen promissor, voluntatem suam eventui cuidam pure adstrinxit, ideo cessat pœnitentia, *l. 8. de peric. & comm. rei vend. stipulans recte dicitur creditor, l. 42. de O. & A. l. 10. §. 4. de V. S. ac spes, debitum iri, in hæredes transmittitur. §. 4. l. de V. O. §. 24. l. de inutil. stipul. l. 57. de V. O.* quam transmissionem, quoad legata, male negarunt Romani *l. 42. de O. & A. l. 4. §. 2. quand. dies leg. ced. l. un. §. 7. C. de cad. toll.*

§. 23. Conditione vero *existente*, pactum perficitur, *l. 7. C. de instit. & substit. & quidem regulariter retro ab eo tempore, quo initum est l. 26. de stipul. serv. l. 8. pr. de C. E. V. l. 8. pr. de peric. & comm. rei vend. l. 11. §. 1. l. 9. §. 1. qui potior in pign. id quod etiam in legatis obtinet, l. 26. de condit. instit. l. 105. de condit. & demonstr.* Neque vero hoc est ab aliqua fictione, sed interpretatio illa naturalis est, nam conditio solum pertinet ad *veritatem obligationis*, ut hæc scilicet non aliter adsit, quam conditione expleta, non vero continet *terminum* à quo obligatio debeat incipere.

§. 24. Censetur autem existere conditio, si casualis revera venerit, potestativa vero aut mixta, vel in forma specifica, *l. 44. de condit. & demon.* vel per æquipollens fuerit impleta, *l. 16. de usufr. legat. l. 44. de H. J. aut impleturus, facto alterius paciscentis, l. 161. de R. J. l. 24. 81. §. 1. de condit. & demonstr. l. 50. de C. E. V. l. 50. in fin. de V. O.* vel casu impediatur, tum enim pro impleta habetur, *l. 1. C. de*

de instit. & substit. l. 14. § 4. de condit. & demon. l. 92. §. 1. de Legat. 1. l. 20. de ann. legat. nisi forte alia agentium fuerit intentio, quo referenda l. 4. C. de condit. insert. l. 94. pr. in fin. de condit. & demon. add. BACHOV. ad Tr. V. 2. D. 13. §. 6. Quodsi conditio in non faciendo consistat, morte demum ejus, qui eam implere debet, perficitur §. 4. l. de V. O. in ultimis voluntatibus tamen, mediante cautione Mutiana, pro impleta habetur, v. l. 7. 18. 72. §. 2. l. 73. 101. §. p. de condit. & demon. OBSERV. LAUTERB. Obs. 942.

§. 25. Conditione *deficiente*, deficit quoque aut concidit tota conventio l. 37. de C. E. V. l. 8. pr. de peric. & comm. rei vend. Esse autem nonnunquam dubium, utrum conditio extiterit, an defecerit, ex §. prae. liquet, nec improbable est, si, Ictos Romanos, in explicandis hisce voluntatis quaestionibus, aliquando dissensisse, dicas: Omnes igitur circumstantiae, in casibus specialibus, accurate considerari, ac inde agentium voluntas erui debent, v. l. 2. de condit. instit.

§. 26. Circa conditionem resolutivam, juxta tres illos respectus, contrarii effectus occurrunt, nam, conditione illa *pendente*, actus interim valet, l. 4. §. 3. 4. de in diem addit. sed *existente*, resolvitur, & quidem, pro diversa agentium intentione, vel retro, vel à tempore existentis conditionis, v. l. 2. 9. d. t. l. 2. C. de pact. int. entor. & vendit. denique *deficiente*, actus plene & irrevocabiliter redditur validus, v. l. 4. §. 1. l. 15. de in diem addit.

§. 27. Dies conventionibus aliisque actibus, vel obligationis, vel solutionis *differende* causa, adjici solet. Nam si dies simpliciter, *an* & *quando*, sit incertus, tum est instar conditionis, ac differt obligationem, l. 16. §. 1. l. 56. de condit. indeb. idem esse dicunt, si dies sit incertus, *an*, certus vero, *quando*, sed, talem diem frustra & contradictorie asseri, manifestum est, v. OBSERV. LAUTERB. Obs. 66 nisi hoc intelligere velis de certitudine *consequentiae*, non *existentiae*, nam tum admitti potest. Quodsi autem dies, vel simpliciter, vel ratione *an*, certus, debitoris gratia, adjiciatur, tum obligatio statim adest, sed exactio differenda, donec omne tempus, quod in conventionione comprehensum, praeterierit, §. 2. §. I. de V. O. §. fin. I. de inutil. stipul. l. 46. l. 41. §. 1. de V. O. l. 44. §. 1. de O. & A. l. 17. de condit. indeb.

§. 28. Ali-

§. 28. Aliquando etiam dies, *finiende* obligationis causa, adjicitur, tum, eo elapso, obligatio cessat & subtilitas juris Romani in §. 3. *I. de V. O. l. 44. §. 1. de O. & A. l. 56. §. 4. de V. O.* hodie est inanis. Præterea dies, obligationis *temperande* causa, adjici dicitur ex *l. 10. de V. O.* sed non opus est, cum ibi agatur de vera conditione, cujus existentia, certo saltem tempore, est circumscripta. Denique etiam obligationis *multiplicande* gratia, dies accedere existimatur, ut, si in *singulos annos* legatum aut stipulatio concepta sit.

§. 29. Sed iterum non opus est, ut res, præter necessitatem, multiplicentur, nam ex sententia Romanorum, in legato annuo, primi anni legatum, est purum, sequentium vero, conditionale, *l. 4. §. 8. 11. 17. de ann. leg. l. 10. quand. dies legat.* hinc hætenus diei nullus est effectus. Idem obtinet in stipulationibus, si conditio *quoad vivam*, sit expressa §. 3. *I. de V. O. l. 56. §. 4. ff. eod.* Quodsi autem stipulatio simpliciter, in *singulos annos*, sit concepta, tum primi anni stipulatio, est pura, sequentium vero, in diem *l. 16. §. 1. de V. O.* hinc dies non multiplicat, sed differt, adeoque pertinet ad §. 27. *b.* Idem est, si certa summa legata, & ejus solutio, in diversa tempora, collata *l. 20. quand. dies legat.*

§. 30. Videntur autem Romani legata annua cum, conventiones verò, sine conditione, ideo accepisse, quod in illis testator certæ personæ beneficium conferat, in his autem paciscens non sibi tantum, sed & hæredibus prospicere voluisse videatur, quæ ratio uti non plane improbabilis est, adeo ut in dubio illam interpretationem non male sequamur, ita illa non adeo perpetua censi debet, ut non aliquando aliter se res habere queat, hinc circumstantiæ, in casibus specialibus, probe erunt attendendæ.

§. 31. Denique etiam modus i. e. *causa finalis*, propter quam aliquid fit vel præstatur *v. l. 17. §. fin. de condit. & demonstr.* conventionibus adjicitur. Non suspendit ille obligationem, adeoque conventio, pura est *v. l. 41. pr. de C. E. V. l. 17. §. 2. l. 44. de manum. testam. l. 40. §. fin. l. 80. de condit. & demonstr.* Quodsi tamen, post præstationem ab altero factam, modus non impleatur, tum ejus defectus, est instar conditionis resolutivæ, ac pactum destruit, adeo ut res data, regulariter ab accipiente, conditione *l. 8. C. de cond. ob caus. dat.*

Cc

dat junct. l. 4. C. de res permut. aliquando etiam à quovis possessore, rei vindicatione, repeti queat l. 1. C. de donat. quæ sub mod. add. LAUTERB. C. J. de pact.

§. 32. Effectus pactorum, juxta jus naturale & mores Germaniæ, est *Jus & obligatio efficax*, modo serio illa sint inita, & nihil refert, siue sint principalia siue preparatoria, v. OBSERV. LAUTERB. *Obs. 63. 64.* Est tamen effectus ille intelligendus, juxta indolem initæ conventionis: In pactis puris *cessit & venit* dies, in conventionibus in diem, *cessit*, sed nondum *venit*, in conditionalibus, pendente conditione, neque *cessit*, neque *venit* vid. *l. 213. de V. S. l. 105. de solut.*

§. 33. Qua autem actione invitus, ad promissi impletionem, sit adigendus, id ex pactorum speciebus intelligendum est, nam singulæ fere propriam actionem, ut emti, locati &c. producant. Quod si aliquod pactum, in generali nomine, subsistat, tum actio inde competens, dici potest *condictio ex moribus*, quæ est *actio personalis*, juxta æquitatis naturalis præscriptum, neglectâ juris Romani iniquiori sanctione, moribus introducta, qua promissor ejusque heredes, ad implendum promissum, compelluntur.

§. 34. Sed ut distinctius pactorum effectus intelligatur, considerandum est, utrum *factum*, an *res* sit promissa. Illo casu promissor, jure civili, censetur habere electionem, num factum exhibere, an id, quod alterius interest, præstare velit *l. 13. in fin. de re judic. l. 72. d. V. O.* sed uti illa electio, etiam de jure Romano, non male negatur ab HUBERO *in posit. ad l. de V. O. n. 24.* ita admissa Græcam Romanamque fidem satis redolet, adeoque in Germaniam non recepta censeretur, v. SCHILTER *ad ff. exerc. §. 2.*

§. 35. Hoc vero, promissorem, ad rem præcisè præstandam, teneri, etiam de jure civili, plerique concedunt, nonnullis tamen, quos præjudicia, ex jure illo hausta, transversos agunt, dissentientibus, v. LAUTERB. *C. J. de pact. lit. E. de A. E. V. lit. O.* Obligationes igitur, siue pacto, siue alio modo, contractas, sequi debet *Traditio*, quæ duplici modo spectari potest, vel quatenus *rem debitam transfert*, vel *obligationem præexistentem tollit*, illo respectu nomen *traditionis*, hoc, *solutionis* magis est usitatum, sub quo etiam inter modos tollendi obligationes illa expenditur.

§. 36. Est

§. 36. Est igitur *Translatio*, rei & possessionis translatio v. l. 3. §. 1. de A. E. V. Distinguitur (1.) ab effectu in *Nudam*, quæ possessionem vel detentionem transfert v. l. 28. de V. O. quo etiam pertinet *Restitutio*, qua domino, vel ei, cui jus aliquod competit, suum redditur, & *Non-nudam* seu *Pregnantem*, quæ possessionem transfert, & jus in re operatur: Quæ dominium præstat v. l. 31. de A. R. D. in jure civili *Datio* dicitur l. 75. §. fin. de V. O. sed, accurationem istam non semper observari, liquet ex §. 14. l. de action.

§. 37. Deinde (2.) distinguitur à modo in *Propriam*, quæ causam aliquam sequitur ac, in mobilibus, datione de manu in manum, immobilibus, inductione absolvitur v. l. 8. de pecul. & *Impropriam*, cujus tres vulgo laudantur species; *traditio brevis manus*, quando traditio olim facta, ad causam aliquam secutam trahitur v. §. 43. l. de R. D. l. 43. §. 1. de jur. dot. vel interventu tertii peragitur v. l. 3. §. p. de donat. int. V. & U. vel res & nova causa, domino priori relinquitur l. 18. de A. A. P. l. 77. de R. V. l. 45. de R. J. l. 28. C. de donat.

§. 38. Secundo, *traditio longæ manus*, quando res in conspectu creditoris ponitur l. 79. de solut. denique *symbolica*, quando symbolum rei traditur, aut signum vel custodia ei imponitur l. 74. de C. E. V. l. 14. de peric. & commod. rei vend. l. 51. de A. A. P. l. 1. C. de donat. Vulgo traditionem *impropriam fictam* dicunt, sed nulla opus est fictione, nam licet utique inter plures illos actus sit aliqua diversitas, at tamen omnes, sine ullo quæsito colore, ex legum præscripto, producendo juri, sufficiunt.

§. 39. Vulgo distinguunt traditionem (3.) ab *objecto*, in *rerum corporalium & incorporalium* per l. 43. §. 1. de A. R. D. l. 3. de usufr. l. fin. de servit. sed illa distinctio ex ignorantia rerum moralium habet originem. Nunquam vel vere vel analogice res incorporalis traditur, sed omnis traditio ad rem corporalem pertinet, hac vero tradita, res incorporalis seu jus, ex legum dispositione, oritur, quæ etiam est sententia dict. II. vid. OBSERV. PUFEND. Obs. 1016. Rectius (4.) ab *adjuncto*, in *judicalem & extrajudicalem*, hodie inprimis, dispescitur v. Decis. Saxon. 61.

§. 40. Fit traditio voluntate tradentis l. 11. de R. J. §. 40. I. de R. D. l. 5. de A. A. P. & accipientis l. 55. de O. & A. l. 1. §. 3. de A. A. P.

& in utroque requiritur libera rerum, propriarum administratio, de cætero nihil refert, utrum immediate an mediate fiat, *l. 13. 20. §. fin. l. 35. de A. R. D.* nullas autem res alias, quam corporales, tradi posse, ex indole jurium liquet, & modo admonitum est.

§. 41. Illud observandum, quod, intuitu jurium acquirendorum, pactum dicatur *Titulus* vel *Causa*, traditio vero, *Modus* v. §. 40. *l. de R. D. §. fin. de us. & habit.* Occurrit tamen illud discrimen saltem in acquisitionibus derivativis, nam originariæ sola occupatione, similive actu peraguntur, imo aliquando jura, solo etiam consensu, in alios transferuntur v. gr. in legatis, quo casu discrimen Tituli & Modi itidem incognitum est.

§. 42. Pacta aliquando sunt invalida, id quod, uti in genere ob defectum consensus necessarij contingit, ita ille ex errore, dolo & metu potissimum colligitur. Error efficax consensum necessarium excludit v. *l. 15. de jurisd.* adeoque pactum vel plane destruit, vel minimum erranti jus ad interesse concedit v. *l. 1. c. 2. §. 22. 23.* qua de re, circa nonnullas pactorum species, pluribus agendum erit.

§. 43. Per dolum hic intelligitur fraus clandestina, v. c. 3. §. 9. & ex sententia juris Romani ejusque interpretum, distinguendum est, utrum dolus det causam contractui, an in eum incidat, priori casu, contractus bonæ fidei est ipso jure nullus, adeo ut læsus, si velit, plane possit discedere, dominium tamen rei traditæ in accipientem transfertur, contractus vero stricti juris subsistit, ac læsionis solum emendatio, vel exceptione, vel actione, eaque vel ex contractu, vel, hac deficiente, actione doli subsidiaria petitur.

§. 44. Posteriori vero, contractus semper subsistit, læsionis vero emendatio vel exceptione doli, vel, in contractibus bonæ fidei, actione ex contractu, stricti juris autem, actione doli subsidiaria petitur, & videtur insuper utroque casu, circa contractus stricti juris, quoties exceptio vel actio doli occurrit, opus fuisse restitutione in integrum, quæ memoratis remediis fuit implicita, vid. LAUTERB. C. J. de dol. aliosque scriptores passim.

§. 45. Hodie, cessantibus tricis Romanis, remanent naturalia: si igitur dolus det causam contractui, ille indistincte, volente læso, nullus est, nec dominium rei traditæ transfertur. Si autem in contra-

tractum incidat, tum regulariter quidem hic subsistit, si tamen res, circa quam dolus occurrit, principaliter fuerit spectata, etiam contractus erit nullus. Omni autem casu, læsus, vel exceptione, vel actione ex contractu, sibi prospicit, exulante restitutionis in integrum, & actionis doli subsidiariæ fabulâ, prout illa pluribus deduxi in OBSERV. LAUTERB. *Obs. 116. seqq.*

§. 46. Per metum intelligitur *trepidatio mentis ob instans vel futurum periculum l. 1. quod met. caus.* quæ excitatur per vim compulsi-
viam, quæ est *majoris rei impetus, qui repelli non potest l. 2. d. 1. actus extorquendi causa adhibitus.* Quodsi adeo quis vi injusta & vera alium ad pactum compellat, tum illud, ex sententia juris Romani *stricto jure valet*, per restitutionem tamen in integrum rescinditur, hinc læso, re integra, datur *exceptio metus*, re vero præstita, vel *vetus actio realis*, vel *nova, quod metus causa*, quæ ex delicto cogentis oritur, sed nihilominus contra quemvis possessorem, eo effectum, datur; ut accedente contumacia, in quadruplum condemnetur, hinc *in rem scripta & arbitraria* dicitur, v. LAUTERB. C. J. *quod met. caus.*

§. 47. Hodie schema restitutionis in integrum cessat, & res eodem recidit, sive actum vi extortum, ipso jure nullum, sive rescindendum dicas, hinc læsus simpliciter exceptione vel actione, eaque vel veteri vel nova, sibi prospicit, & potest etiam hodie admitti, ut actio, ex cogentis delicto orta, contra tertium detur, quia circa eam, in læso, jus reale insuper præsupponitur, est tamen hæc actio mere rei persecutoria, nam poena publica à Magistratu delinquenti imponitur, v. CARPZ. *Pr. Crim. p. 2. qu. 90. n. 66.* de quo pluscula dixi in OBSERV. LAUTERB. *Obs. 113. seqq.*

§. 48. Illud adhuc observandum, quod pactum, quo alteri securitas promittitur, dicatur *Cautio*, quæ adeo nihil aliud est, quam *promissio securitatis*. Dividitur (1.) à modo, in *fidejussoriam seu satisfactionem*, quæ datis fidejussoribus, *pignoratitiam*, quæ pignori-
bus l. 1. *qui satisd. cog. l. 59. §. fin. mand. l. 4. §. 8. de fideicom. libert.* peragitur, *juratoriam*, quæ jurejurando & *Nudam*, quæ simplici promissione fit v. l. 3. C. *de verb. & rer. signif.* (2.) à causa movente, in *voluntariam*, quæ libera paciscentium voluntate peragitur, & ne-

cessariam, quæ fieri debet, v. l. 7. §. 1. l. 8. §. 4. *qui satisd. cog.* Utraque vel *extrajudicialis* vel *judicialis* esse potest, *add.* OBSERV. LAUTERB. *Obs.* 1192.

§. 49. Quando cautio præstanda sit, id quidem ex communibus æquitatis & prudentiæ regulis dependet, certius tamen lege positiva definitur, hinc etiam cautio, in certa aliqua Republica, usitata, alibi quandoque cessare solet. Porro *quomodo* cavendum sit, id ex iisdem principiis judicandum. Communiter is, qui nulla bona immobilia possidet, cautionem fidejussoriam vel pignoratitiam præstat, quam si præstare nequeat, ad juratoriam quandoque admittitur: Possessores vero rerum immobilium nuda promissione defunguntur, v. CARPZ. p. 1. C. 5. D. 7. p. 3. qu. 112. n. 98. *seqq.* Proc. tit. 9. art. 5. 34. *seqq.* LAUTERB. C. J. *qui satisdar. cog.* BERGER in *resolut. ad* LAUTERB. d. 1.

§. 50. Quando autem cautio semel legitime præstita est, tum lex etiam naturalis fidem servari jubet. Contra invitum jure Romano datur *actio ex stipulatu*, cum per verba solennia cautiones explicarentur l. 9. de *novat.* l. 21. de *acceptil.* l. fin. *rem rat. hab.* Hodie etiam actio illa, *conditio ex moribus* dici potest.

CAPUT V. DE VARIETATE PACTORUM OBLIGATORIORUM.

SUMMARIUM.

Pacta varie dividuntur, nempe à lege & consensu §. 1.

A subiecto §. 2.

Objecto §. 3.

Modo contrahendi §. 4.

Ab adjuncto & effectu §. 5.

A fine §. 6.

Atque hæ divisiones juris Gentium sunt, præ-

terea jure Romano, pacta distinguuntur à diversa interpretatione, in bonæ fidei & stricti juris §. 7.

Inprimis à forma, in nuda & non nuda §. 8.

Nonnudorum sive contractuum natura & varietas §. 9. 10.

Romanæ illæ divisiones in Germania locum non habent §. 11. 12. 13.

§. 1.

Peræ pretium erit, plerasque pactorum divisiones, paucis persequi. Dividuntur ergo pacta (I.) à *Lege*, in *pacta juris Gentium*, quæ juxta juris naturalis præscriptum, & *juris civilis*, quæ juxta solennitates legis humanæ ineuntur v. l. 5.

v. l. 5. 7. pr. de pact. l. 1. de J. & J. (II.) à consensu, in expressa, quæ expressio consensu constant, & tacita, quæ tacito consensu, ex silentio aliisq; circumstantiis colligendo, perficiuntur v. l. 6. §. 2. l. 18. mand.

§. 2. (III.) A Subiecto, (1.) in publica, quæ à liberis Gentibus, & privata, quæ à privatis celebrantur v. l. 5. de pact. (2.) in realia, qui in hæredes transeunt, personalia, quæ paciscentes solum obligant v. l. 7. §. 8. l. 21. l. 25. §. 1. l. 40. pr. §. fin. de pact. & mixta, quæ ab una parte, vel creditoris vel debitoris, saltem in hæredes transeunt v. l. 17. §. 1. de pact. (3.) in unilateralia, quæ unum saltem contrahentem, & bilateralia, quæ utrumque obligant, idque vel simul, vel successive.

§. 3. (IV.) Ab objecto, (1.) in benefica, quæ lucrum, sine onere, in aliquem transferunt, & onerosa, quæ utrumque contrahentem, ad æquales præstationes, obstringunt. (2.) in dandi, quæ rem, & faciendi, quæ factum exigunt §. fin. l. de V. O. l. 2. 75. §. 7. ff. cod. (3.) in dividua, quæ objectum dividuum, & individua, quæ individuum habent v. l. 72. de V. O.

§. 4. (V.) A modo contrahendi (1.) in pura, quæ sine adjectione, & temperata, quæ cum adjectione conditionis, diei aut modi celebrantur. (2.) in simplicia, quæ simpliciter aliquam rem exigunt, & alternativa, quæ, circa diversas præstationes, electionem, regulariter promissori, concedunt v. l. 22. de compens. (3.) in consulta, quæ certo consensu explicantur, & fortuita, quorum forma ab eventu suspenditur, qualia sunt fors decisoria, ludi, olla fortunæ, lotaria, assècuratio, sponsiones, emptio spei v. l. 8. de C. E. V.

§. 5. (VI.) Ab adjuncto in judicialia, quæ auctoritate Magistratus, & Extrajudicialia, quæ solo paciscentium consensu ineuntur (VII.) ab Effectu, in Perfecta, quæ jus & obligationem efficacem producant, & Imperfecta, quæ conscientiam saltem obligant, qualia sunt promissa Imperantium liberorum subditis facta, ut & quæ à privatis, intentione imperfecte obligandi, celebrantur, aut quibus lex civilis sua auctoritate non assistit.

§. 6. (VIII.) A fine, in Principalia, quæ per se subsistunt, & Minus principalia, quæ alia respiciunt, Hæc iterum sunt vel Præparato-

ratoria, quæ futuris principalibus viam quandoque sternunt, ut pactum deemendo, vel *Accessoria*, quæ principalibus accedunt, idque vel eo fine, ut eadem varie *temperent*, qualia sunt pactum de retrovendo, lex commissoria ejusque generis alia, vel ut illa *firmiora reddant*, nempe fidejussio & pignus.

§. 7. Hæ divisiones nituntur istiusmodi circumstantiis, quæ apud omnes gentes occurrunt, adeoque ubique, ac in specie quoque in Germania, usum habent. Præterea apud Romanos (IX.) à *diversâ interpretatione* distingvuntur pacta, in *bonæ fidei*, quæ benignius, habitatione circumstantiarum, ex postfacto secularum, explicantur, & *stricti juris*, in quibus interpretandis, conventionum verbis strictè inhæremus. Hæc divisio uti miristrice est referta, ita in Germaniam non admittitur adeoque nullius usus est v. OBSERV. LAUTERB. Obs. 1148, seqq.

§. 8. In primis celebris apud Romanos est divisio, qua (X.) a *forma eique implicito effectu*, pacta discernuntur in *Nuda* & *Non nuda*. Illa sunt *Nuda in specie*, quæ actionem in foro civili non producent, & *Essita*, quæ vocant, quæ scilicet actionem quidem post se relinquunt, sed non propria virtute, verum externo auxilio, productam, & iterum sunt vel *Legitima*, quæ ex speciali legis assistentia, vel *Adjecta*, quæ ob cohærentiam cum aliquo contractu, actionem producent.

§. 9. Hæc, sive *Non nuda*, dicuntur *Contractus*, qui sunt *conventiones per se & sua natura* (ordinario scilicet semperque probato jure formatâ) *obligationem efficacem producentes*, sive sunt *Conventiones cum causâ*, prout breviter res exprimi solet. Distingvuntur in *Veros*, qui vero consensu, sive expresso, sive tacito, constant, & *Quasi contractus*, in quibus conventio fingitur vel præsumitur, qui consensus præsumtus à tacito differt v. *cap. præc.* §. 7. sed illa accuratio vix à Romanis observatur v. l. 13. & §. fin. *commod.*

§. 10. Veri contractus sunt vel *Nominati*, qui ob certam contrahendi rationem, proprium aliquod nomen acceperunt, & *Innominati*, qui ex pactis nudis aliquando oriuntur, nam nihil aliud sunt, quam *contractus, ex pacto nudo reciproco, & præstatione rei promissæ, ab uno facta, compositi, eum, cui præstatio exhibita, efficaciter ad promissum servandum obligantes.* Nominati iterum sunt vel *Consensuales*, qui solo consensu perficiuntur, vel *Reales*, qui præter illum, ad sui perfectio-

tionem, rei præstationem requirunt, ut sunt Mutuum, Commodatum, Depositum & Pignus, vel *Verbales*, qui, cum consensu, verba ore prolata, vel *Literales*, qui, cum illo, literas requirunt, v. LAUTERB. *C. J. de pact.*

§. 11. Sed ingeniosas illas Romanorum ineptias vel imposturas Germania non admisit, nam constans est interpretum sententia, ipso etiam usu satis probata, quod omnia pacta, serio inita, valide obligent, & licet nonnulli pacta præparatoria excipiant, verius tamen est, quod & hæc actionem producant v. OBSERV. LAUTERB. *Obj. 6. §. 64.*

§. 12. Juxta hæc igitur, hodie cessat (1.) distinctio pactorum Nudorum & Nonnudorum, hinc (2.) pacta etiam legitima & adjecta, sensu juris Romani, non amplius occurrunt, (3.) pacta, contractus & conventiones synonymice accipiuntur, (4.) de causa sive synallagmate nulla amplius est difficultas, sed illud solo consensu absolvitur, (5.) Quasi contractus, sunt otiosum Romanorum commentum, nam in omnibus exemplis obligatio non oritur ex consensu ficto vel præsumto, sed vel ex vero, vel collata aliqua utilitate, ceu speciatim in locis propriis ostendemus.

§. 13. Porro (6.) contractus innominati cessant, & omnia negotia, quæ apud Romanos, sub illo nomine, demum, post unius contrahentis præstationem, obligabant, hodie, ante eam, ob solum consensum, sunt obligatoria. (7.) Ex contractibus nominatis, reales & verbales non sunt necessarii, cum & illi, ex hypothesi de pactis nudis, resultaverint, literales vero ne quidem de jure civili obtinuerunt, prout illa omnia pluribus probavi in OBSERV. LAUTERB. *Obj. 57. seqq. 313. seqq. 621. seqq.* Hodie igitur omnia pacta sive contractus, sunt consensuales, iique, sensu juris Gentium, vel principales vel adjecti, nominati vel innominati.

CAPUT VI. DE JURE ET OBLIGATIONE CORREALI.

SUMMARIA.

Juris & obligationis communis, duplex est ratio

Rei credendi §. 3.

§. 1. 2.

Et debendi §. 4.

Dd

Reje-

Rejēcta sententia communi §. 5.
 Constituuntur correi contractu §. 6. 7.
 Et delicto §. 8.
 Jura correorum credendi ratione debitoris §. 9. 10.
 Rejēctis tricis Romanis §. 11.
 Obligatio eorum inter se §. 12.
 Jus creditoris quoad reos debendi §. 13.

His competit beneficium divisionis §. 14.
 Creditor solidum petens ab uno, cæterorum in-
 doneitatem probare debet §. 15.
 Unius satisfactione, cæteri, ratione creditoris,
 liberantur §. 16. 17. 18. (§. 19.)
 Qui tamen solventi ratam restituere tenentur
 Obligatio correalis desiderat æqualitatem §. 20.

§. 1.



Sæpe contingit, in vita civili, ut pluribus, vel ex pat-
 ctis, vel delictis, commune jus competat, aut eadem
 obligatio imponatur. Id quod in universum du-
 plici modo fieri potest, vel ut *singulis, pro rata, sim-*
pliciter jus & obligatio inhereat, vel ut *iis pro rata*
quidem etiam tribuatur, singulis tamen insuper electi-
ve facultas exigendi solidum competat, aut solvendi necessitas incumbat.
 Exinde *jus & obligatio correalis*, & in concreto, *Rei credendi & debendi*
oriuntur.

§. 2. Prior, jura & obligationes constituendi, ratio, regulariter
 obtinet, adeoque in dubio præsumitur, de cætero satis plana est, nec
 peculiarem desiderat explicationem. Non minus tamen posterior
 quoque aliquando locum habet, cumque non adeo expedita sit, ac præ-
 terea ejus usus, per varios Jurisprudentiæ articulos se diffundat, ideo
 seorsim & mature explicari debet.

§. 3. Rei credendi sunt *plures persone, quibus una res pro rata*
debetur, sed ita, ut singula electivè totam exigere alioque modo de ea di-
sponere queant. Requiritur igitur (1.) ut *jus sit commune*, nam si plu-
 res separatim proprium jus habeant, illi pro reis credendi haberi non
 possunt, (2.) ut *jus singulis pro rata competat*, impossibile enim est, ut
 unum jus, pluribus in solidum acquiratur, (3.) ut tamen *singulis facul-*
tas exigendi, similisve, sit concessa. Consistit adeo instituti hujus uti-
 litas in exactione, & creditori in solidum agenti, non potest opponi
 exceptio illegitimationis, seu ab eo exigi mandatum vel cautio rati,
 ratione socii vel correi.

§. 4. Rei debendi sunt *plures persone, quæ eandem rem pro rata*
debent, sed ita, ut singula, pro lubitu creditoris, totam præstare tenean-
tur. Requiritur (1.) *obligatio communis*, si enim singuli, peculiari obli-
 ga-

ligatione, vel ad rem, vel pœnam præstandam, obstringantur, tum correi non sunt, *v. l. 34. de injur.* (2.) ut *singuli pro rata debeant*, nam itidem impossibile est, ut unam rem singuli in solidum debere queant, (3.) ut *tamen singulis, pro lubitu & electione Creditoris, necessitas solidum solvendi incumbat*. Utilitas hujus instituti est manifesta, nam magis est securus Creditor, dum, quod plures ei debent, singuli etiam solvere tenentur.

§. 5. Vulgo qualitatem correalem, non ad *exactionem & solutionem*, sed *ipsa jura & obligationes* referunt, hinc Rei credendi, sunt plures persone, quibus ab uno eadem res, ex eadem causa, & quidem singulis in solidum, omnibus tamen una debetur. Debendi, plures persone, que uni eandem rem, ex eadem causa, & quidem singuli in solidum, omnes tamen unam debent, *vid. LAUTERB. C. J. de duob. reis.* Quæ doctrina satis aperte sibi contradicit, ac falsas parit conclusiones, quod ex sequentibus apparebit.

§. 6. Constituuntur Correi per *Conventionem*, modo hoc actum sit, ut, si alternative sit conventum *v. l. 8. §. 1. de Legat. 1. l. 16. de Legat. 2. copulativa dividit obligationem l. 2. §. 4. de eo quod cert. loc. l. 110. de V. O. l. 11. §. 2. de duob. reis* nisi alia contrahentium voluntas aliunde appareat *l. 9. pr. cod.* Inprimis hodie usitatæ sunt formulæ: *Samt und sonders: Unverschieden: Unzertrent.* Clarissime autem contrahentium voluntas apparet, si expressis verbis adjiciatur: *correos constitui*, qua tamen expressione præcise non est opus, sed sufficit, si ex formula animus ille colligi queat.

§. 7. De cætero quovis contractu Correi constitui possunt, donatione seu stipulatione *l. 2. 3. de duob. reis.* deposito, commodato, emtione, locatione *l. 9. cod. mutuo l. 2. 4. C. cod. mandato l. 60. §. 2. mand.* In eundem censum recte refertur testamentum ejusque agnitio *l. 9. ff. de duob. reis l. 8. §. 1. de Legat. 1. l. 16. de Legat. 2. l. 25. de Legat. 3. turelæ constitutio & administratio l. 38. ff. de admin. & peric. tutor.* quæ duo negotia vulgo quasi contractus dicunt, sed sine causa, cum obligatio correorum ex vero consensu veniat.

§. 8. Porro Correi etiam constituuntur *delicto*, scilicet quoad damnum restituendum *v. l. 14. §. fin. quod met. caus. l. 1. §. fin. l. 3. de his qui de jec. l. 5. §. p. ne quis cum qui* non autem quoad pœnam,

nam hic non est obligatio communis, sed separata & singulis propria *v. l. 7. §. fin. l. 8. de jurisd. l. 1. C. de condit. furt. l. 11. §. 2. ad L. Aquil.* Præterea etiam primo respectu sunt considerandæ circumstantiæ, nec enim putem, indistincte rigidiorē obligationem correalē, ex delictis, posse asseri. *v. OBSERV. PUFEND. Obs. 160. seqq.* Denique Correi debendi, non credendi, delicto saltem constitui videntur, *v. LAUTERB. C. J. de duob. reis lit. C. ibique Obs. 1155. 1156.*

§. 9. Correat credendi, altero correo ignorante, totum exigere, ac debitorem, etiam quoad alterum creditorem, liberare potest *l. 2. de duob. reis l. 11. §. 21. in fin. de Legat. 3.* & si lis sit contestata, debitor alteri correo solvere nequit *l. 16. de duob. reis* putem tamen partem ratam, debitorem alteri recte esse soluturum, quemadmodum etiam correat, lite mota, superveniens, admitendus erit, hinc nec eodem invito, alter solidum exigere potest. Contraria sententia *v. LAUTERB. d. l. lit. E.* fluit ex falsa hypothēsi, quasi singulis solidum debeatur.

§. 10. Porro Correat acceptilatione, compensatione *l. 2. de duob. reis* juramenti delatione & præstatione *l. 27. 28. de jurejur.* debitorem liberare potest. Pacto autem non potest *l. 27. pr. §. 4. in fin. de pact.* nec compromisso, nisi sint socii *l. 34. de recept.* nec novatione, si socii sint *l. 27. pr. de pact.* secus, si nulla inter eos intercedat societas, tum novatio locum habet *l. 31. §. 1. de novat.* prout aliqui hos textus componunt *v. LAUTERB. d. l. in edit. novissim. BACHOV. ad Tr. V. 2. D. 27. 1b. 9. lit. d. EKHOLT. ad ff. de novat. §. 4.*

§. 11. Sed detricis Romanis hodie parum laborandum erit. Pactum & acceptilatio dubio procul coincidunt, juramenti delatio, & compromissum, quoad effectum, male separantur, circa novationem frustra fluctuarunt Romani, hinc concludendum est, hodie correat quovis modo, oneroso & gratuito, debitorem liberare posse, salvo tamen alterius correi, contra illum, jure & regressu, *v. OBSERV. LAUT. Obs. 1157. 1158.* Sicut autem correat cæterorum jus, quoad debitorem tollere, ita etiam, interrumpendo præscriptionem, conservare potest *l. fin. C. de duob. reis.*

§. 12. Quod correat exigit, cæteris communicare non debet, nisi sint socii, quales hic censentur esse omnes, qui ex causa onerosa correat facti *l. 16. de duob. reis l. 62. ad L. Falcid.* sed hoc fluit ex falsa hypothēsi,

thesi, quasi singulis solidum debeat, cum tamen singuli saltem habeant jus suam cæterorumque partem exigendi, hinc utique exigenti communicandi necessitas incumbit. Quod si correus debitorem modo gratuito liberaverit, cæteris de suo satisfacere debet. *add. OBSERV. LAUTERB. Obs. 1159.*

§. 13. Si plures sint rei debendi, à singulis solidum elective Creditor exigere potest *l. 2. 3. §. 1. l. 11. ff. l. 2. 3. C. de duob. reis* nec partis exactio impedit, quo minus reliquum ab eodem peti possit *v. l. 8. §. 1. de Legat. 1. l. 23. C. de fidejuss.* nisi partem solvens, eo nomine protestatus sit, ac Creditor tacendo non contradixerit *l. 18. C. de pact.* quod si etiam actio contra omnes semel sit instituta, contra unum deinceps agi nequit *l. 16. C. de fidejussor.*

§. 14. Jure novo, Correi debendi, habent beneficium divisionis *Nov. 99. auth. hoc ita C. de duob. reis* nisi (1.) alter correus absit, i. e. alibi domicilium habeat, ut nonnulli explicant, aut (2.) non sit solvendo, vel (3.) huic beneficio renunciatum sit, aut (4.) sint mercatores socii, ex sententia LAUTERBACHII *d. l. n. 4.* licet CARPZ. *p. 2. C. 17. D. 12.* & PERETZ *ad Cod. de duob. reis n. 17.* ad quos ille provocat, solum doceant, mercatores socios, in contractibus suis, pro correis esse habendos. Quod si ex duobus reis, alter nihil acceperit, beneficium excussionis ei quoque competit *l. fin. C. de divid. tutel. v. CARPZ. p. 2. C. 18. D. 10. OBSERV. LAUTERB. Obs. 1161.*

§. 15. Si Creditor totam actionem in unum dirigat, ideo, quod, cæteros non solvendo esse, dicat, tum id probare debet, reus enim concessio sibi divisionis beneficio, tamdiu merito niritur, donec actor causam exceptionis probet. Aliter se res habuit de jure antiquo, quocessante beneficio divisionis, Creditor valide ab uno solidum exigere potuit, hinc reus conventus, ab hoc onere se liberaturus, cæterorum idoneitatem probare debuit *l. 10. de fidejuss.*

§. 16. Quod si unus ex correis debendi solidum solverit, tum cæteri, ratione creditoris, quoque liberantur *l. 2. de duob. reis* nam eorum portio etiam soluta est. Idem dicendum, si per compensationem Creditori sit satisfactum, reus tamen conventus, ex persona alterius Correi, compensationem opponere nequit, nisi sint socii *l. 10. de duob. reis v. OBSERV. LAUTERB. Obs. 1162.* Per acceptilationem quoque *l. 2.*

de duob. reis delegationem *l. 20. ad Sc. Vellej.* & pactum de non petendo reale, sibi & correis etiam prospicere potest Reus debendi, inodo ultimo casu, ejus inter sit, correum liberari *l. 23. 25. §. fin. de pact. l. 3. §. 3. de liberat. legat. l. 9. §. 1. de duob. reis.*

§. 17. Hodie acceptilatio & pactum coincidunt, præterea etiam tertio stipulari possumus, ceu dictum *c. 4. §. 13.* hinc, cessante sollicitudine Romanorum, hoc solum spectandum est, utrum ea intentione paciscatur Reus, ut totam obligationem tollat, an ut se saltem, pro sua parte, eidem eximat, illo casu, pactum correo quoque proderit, hoc non, sed correus pro rata sua adhuc tenebitur.

§. 18. Porro Rei juramentum sive voluntarium sive judiciale, alterum quoque correum liberat *l. 28. §. 1. de jurejur.* ut & sententia judicis, quæ reum, propter causam, ex ipso contractu descendentem, absolvit, secus est, si certa personæ qualitas, absolutionem operata sit *l. 12. §. 1. l. fin. de duob. reis.* Sententia vero adversus unum lata, contra alterum non posse executioni dari, æquitas satis ostendit *vid. l. 63. de re judic.* Unius Rei mora alteri non nocet, ad obligationem novam, v. gr. usurarum, imputandum *l. 32. §. p. de usur. l. 39. de N. G.* nocet tamen, ad obligationem primitivam continuandam, seu porius eum ab hac non liberat *l. 18. de duob. reis, vid. OBSERV. LAUTERB. Obs. 1163.*

§. 19. Correat, solidum solvens, partem à Correo, stricto jure non repetit, nisi sit socius, qualis esse creditur, qui ex causa, respectu creditoris onerosa, debitor est *l. 2. C. de duob. reis* ex æquitate tamen repetit utili negotiorum gestorum actione *LAUTERB. C. J. de duob. reis.* Sed illa iterum fluunt ex falsa hypothese, quasi solvens solidum debuerit. Solvit potius pro se & Correo simul, hinc etiam jure stricto, actione mandati, partem ab altero repetere potest.

§. 20. Obligatio correatalis, cum sit communis, æqualitatem desiderat, hinc diversitas perpetua, ut v. gr. alter dolum tantum, alter culpam etiam præstet, qualitatem Correatalem excludit *l. 9. §. 1. de duob. reis,* temporaria vero diversitas ei non obest, hinc potest alter pure, alter sub conditione, aut in diem obligari *l. 7. 9. §. fin. eod. l. 27. de fidej. v. OBSERV. LAUTERB. Obs. 1164.*

CAPUT VII. DE POSSESSIONE.

SUMMARIA.

Cum pacto aliquam similitudinem habet possessio §. 1.	Possessionis causa regulariter non est alleganda §. 10.
Ejus indoles §. 2.	Possessio etiam producit jus proprium §. 11.
Subjectum §. 3. 4.	Ejus effectus ratione rei possessorie §. 12.
Materia §. 5.	Possessionis retentio §. 13.
Actuum possessoriorum diversitas §. 6. 7.	Turbatio §. 14. Amissio §. 15. 16.
Ad tria genera illi revocari possunt §. 8.	Varietas §. 17. 18. 19. 20. 21. 22. 23.
Effectus possessionis ratione juris principalis §. 9.	Quo sensu illa facti & juris sit §. 24.

§. I.



Possessio non tantum ad executionem pactorum, pleniusque jus ex illis acquirendum, pertinet, sed & sæpe, in rebus scilicet vacuis, validum jus propria virtute operatur, præterea, circa res alienas occupatas, quale quale jus, vel juris saltem præsumptionem producit, imo in causa est, ut, autoritate legis positivæ, efficax jus acquiramus, hinc quomocunque illa consideretur, factum aliquod est, ex quo jus nascitur, adeoque, hoc respectu, cum pacto aliquam habet similitudinem, cumque porro per omnes fere juris materias, ejus usus extendatur, ideo commodissimum videtur, si illius explicatio generalis nunc instituat.

§. 2. Ex mea sententia, Possessio est *Juris cujusdam assertio, actu aliquo externo, objecti indoli conveniente, declarata, que jus aliquod producit, firmat, probat aut ejus acquirendi occasionem præstat ac insuper proprium aliquod jus operatur.* Possessio ergo acquiritur (1.) *juris cujusdam assertione, seu animo aut affectu habendi, invito enim nihil acquiri aut obtundi, tralatitium est.* Nihil autem quoad possessionem in genere, refert, quale jus quis sibi asserat, aut num illa assertio, aliquo titulo subnixa sit, an merâ constet usurpatione (2.) *actu aliquo externo, declarato v. l. 1. §. 3. l. 3. §. 1. 21. l. 8. de A. A. P. quibus mediis etiam possessio acquisita potest mutari v. l. 3. §. 18. 19. 20. l. 19. §. 1. de A. A. P. l. 33. §. 1. de usurp.*

§. 3. Possident, qui usu rationis gaudent, inhabiliu consensus sup-

supplent tutores & curatores. Subtilitates juris Romani, quod furiosus ne quidem cum Curatorum consensu, infans vero, cum tutoris auctoritate, aut etiam res quasdam, absque tutore, possidere queat *l. 1. §. 3. l. 32. §. 2. de A. A. P. l. 3. C. cod.* hodie exigui sunt usus, cum plerumque tutores & curatores, ut alibi, ita hic etiam soli agant. Qui rei alicujus commercium non habet, is eam possidere prohibetur, ex doctrina LAUTERBACHII *de A. A. P. lit. S.* Sed hoc verum est, de possessione valida & efficaci, nam si possessio generaliter accipiatur, etiam illas res possidere possumus, in quibus nullum jus habemus.

§. 4. De cætero possidemus vel immediate, vel mediate, per alios, qui nostro nomine possessionem apprehendunt ac exercent, nec infrequens est, ut quis rem suo nomine teneat, ac alterius simul possideat *vid. l. 3. §. 20. de A. A. P. §. 1. l. de interd.* Duo eandem rem naturaliter & juste, simul in solidum, possidere nequeunt *l. 3. §. 5. de A. A. P.* Potest tamen unus v. gr. rem ut dominus, alter, ut creditor possidere *l. 16. de usurp.* sicut etiam alter juste, alter, aut etiam uterque, injuste possessionem sibi in solidum asserere *l. 3. uti possid.*

§. 5. Materia possessionis sunt, suo modo *jura*, nam hæc nobis asserimus, seu eorum habendorum affectum declaramus, hinc in possessione dominii, servitutis, libertatis, jurisdictionis &c. quis esse, non male dicitur, & res *corporales*, modo sint *certe*, i. e. quis earum possidendarum affectum vere habeat *vid. l. 3. §. 2. 3. l. 26. de A. A. P.* nec non in commercio *l. 30. §. 1. cod.* ac denique *vacue* *vid. LAUTERB. d. l. lit. O.* sed duo ultima, circa possessionem generaliter spectatam, non sunt necessaria *v. l. 1. §. 6. cod. l. 10. de A. R. D. OBSERV. LAUT. Obs. 1029.* Illud etiam observandum, aliquando possideri *rem singularem satisque definitam*, aliquando *rerum universitatem*, vel *rem non satis determinatam*, ac ad alios quoque suo modo *pertinentem*, illa possessio magis liquida est, quam hæc.

§. 6. Ex his intelligi potest, quod, pro diversitate jurium & rerum possidendarum, actus possessorii diversæ plane sint indolis, quod in definitione indicavimus. • Aliter possidemus rem mobilem arctis limitibus circumscriptam, aliter rem immobilem, aut rerum universitatem *v. l. 3. §. 1. de A. A. P.* Qui in re alterius jus sibi arrogat, is eam, ut sibi servientem, deinceps possidet, vice versa qui alterius jus negat, aut actum

actum ei contrarium suscipit, ille rem suam, ut liberam tenet, idem contingit, si alter jure suo non utatur seu ejus exercitium omittat, nam & hoc alterum in possessione libertatis & rei liberæ constituit, imo si creditor debitum non exigat, in debitore libertatis possessio, vel saltem affectus, onus illud tollendi, non male asseritur v. OBSERV. LAUTERB. *Observ.* 1126.

§. 7. Qui alios ad judicium vocat, similesque actus exercet, is Jurisdictionis nec non districtus, in quo hæc se exerit, possessionem consequitur. Qui ministros Ecclesiæ Consistorio præsentat, ille in possessione juris Patronatus, ratione Ecclesiæ Parochialis, constituitur. Muneris, rei que eidem connexæ, possessio, exercitio actuum, ex illo profluentium, obtinetur. Si quis jus venandi in aliqua sylva, aut piscandi in lacu vel flumine exerceat, is sylvæ lacusque vel fluminis possessionem acquirit.

§. 8. In genere tamen, omnes actus possessorii, videntur resolvi in *Occupationem*, qua, in re vacua, *Usurpationem*, qua, in re aliena, domino invito, & *Traditionem*, qua, eodem consentiente, possessionem consequimur. Uti autem hæc ultima, in se, diversa est, ceu c. l. 4. §. 36. *seqq.* ostendimus, ita, à peculiaribus quoque objectis, eam diversa forma indui, ex modo dictis patet. Si quis dominium rei suæ, vel aliud jus reale, in aliquem transferat, ac, non discedens à re, eam, alterius nomine, deinde possideat, ista tradendi ratio *Constitutum possessorium* dicitur add. LAUTERB. C. J. de A. A. P. lit. C. ibique *Obs.* 1027.

§. 9. Effectus possessionis, juxta datæ definitionis indicium, vel respicit *jus principale*, vel *proprium*, vel *rem possessam*. Primo igitur respectu, possessio *jus verum* aliquando (1.) *producit*, nam per occupationem rei vacuæ, vel traditionem, ex justo titulo factam, dominium vel simile jus acquiritur. Quodsi autem jus reale aut personale, ante possessionem, jam existat, tum hæc illud (2.) *firmat*, præterea illa jus (3.) *probat* aut pro eo præsumtionem facit v. l. 128. de R. J. l. 9. §. 4. de publ. in rem act. l. fin. C. de R. V. nam illud maxime naturale est, ut ei, qui hætenus jus sibi asseruit, ac actus possessorios exercuit, tamdiu illud tribuamus, donec alius contrarium probaverit.

§. 10. Exinde sequitur, quod possessionis causam nemo regulariter allegare teneatur l. fin. de A. A. P. l. 11. C. de hered. petit. l. 24. 73. de

R. V. l. 2. C. de probat. l. 4. C. de edend. Uti vero, si adversarius jus suum deducat, contrariam probationem suscipere debet possessor, si succumbere nolit, ita ob præsumptiones, quæ contra ipsum militant, titulum quoque aliquando allegare tenetur, idem obtinet, si sine prævia tituli allegatione, actio institui nequeat, ut circa hæreditatis petitionem jure Romano contingebat *l. 11. C. de hered. petit.* Denique (4.) possessio præbet occasionem, ut mediante præscriptione, jus verum acquiratur.

§. 11. Præterea operatur quoque possessio *jus proprium*, quod *jus possessionis* dici solet, cumque possessio, non perinde ut pactum, certam respiciat personam, sed contra omnes potius valida esse velit, ideo juxta intentionem possidentis, jus illud non male pro *jure reali* habetur: Quod si tamen alio jure non fulciatur, non adeo constans & efficax est, sed per oppositum jus fortius facile elidi potest, v. OBSERV. LAUT. Obs. 32. Ex jure autem tam principali, quam proprio, resultant remedia, quibus illa defendi queant, nempe *defensio privata*, etiam violenta v. l. 3. §. 9. l. 17. *de vi & vi arm. l. 1. C. unde vi.* & *actiones possessoriae*, de quibus postea explicatius dicemus.

§. 12. Denique, ratione *rei possesse*, id efficit possessio, ut illâ uti queamus, jure an injuria, hætenus nihil refert, quo respectu *beati possidentes* dici solent. Præterea, cum possessor rem possessam detineat, adeoque eam alii præstare queat, hinc actione reali v. l. *un. C. de alien. judic. mutandi* in loco rei sitæ conveniri potest v. l. *fin. C. ubi in rem.* immunitas autem à satisfaciendo *l. 15. qui satisd. cog.* vel forum generale v. OBSERV. LAUTERB. Obs. 156. non tam à possessione aut re possessa, quam dominio potius similive jure dependet.

§. 13. Possessio acquisita *retinetur* animo & corpore, vel etiam animo solo, cum enim actus possessorius semel sit susceptus, possessio semper durare censenda est, licet ille quandoque cesseret. Quod si tamen alius rem, animo possessam, sibi asserat, tum prior possessio desinit §. 1. *l. de interd. l. 4. C. de acqu. poss. l. 3. §. 7. seqq. §. 13. l. 6. §. 2. l. 44. §. fin. ff. eod.* neque tamen ideo effectu suo penitus destituitur, sed lite orta posteriori plerumque præfertur, ac contra eam restituitur v. l. 17. 22. *de A. A. P. l. 3. pr. uti possid.* ut adeo in effectu nihil interesse videatur, si ve priorem possessionem, amissam, si ve animo retentam dicas, hinc

hinc etiam limitationis, quam, quoad servum fugitivum addunt *v. l. 3. §. 10. l. 13. pr. l. 15. de A. A. P.* non magnus videtur usus aut effectus.

§. 14. Aliquando possessio *vacillat*, propter alterius turbationem, quæ quietæ possessionis exercitium impeditur, id quod verbis & factis, in iudicio & extra iudicium, fieri posse dicitur LAUTERB. C. J. *de A. A. P. in fin.* Sed, ad effectum agendi, vix alia turbatio attenditur, quam quæ actibus possessorii extrajudicialibus peragitur. De cætero illa locum habet circa objecta generalia, & arctioris custodiæ non capacia, vel etiam circa specialia, in quibus saltem aliquod jus acquirere alterum vero non plane expungere cupimus.

§. 15. Denique possessio quandoque etiam *amittitur*, nempe possessore *mortuo v. l. 1. §. 15. si is qui testam. lib. l. 23. de A. A. P.* ista tamen amissio non nocet usucapioni *l. 14. §. 1. de div. tempor. præscript.* nam, lege volente, hæc etiam, sine possessione, currere potest, ut nulla hic opus sit fictione. Vel *co vivo*, semper autem fit amissio animo & corpore simul *l. 8. de A. A. P.* prout tamen actus illi magis aut minus se exserunt, ita quandoque possessio, vel animo & corpore, vel solo animo, vel solo corpore amitti dicitur.

§. 16. Primum contingit, si quis animum possidendi dimittat ac re abscedat *v. l. 30. §. 1. de A. A. P.* Secundum, si quis, dimisso animo, in re maneat *l. 3. §. 6. de A. A. P.* nam licet & hoc casu, corpore quis possessionem amittat, cum corporis ministerium ab animo dependeat, adeoque hoc cessante, illud quoque desinat, attamen actus ille corporeus non perinde, ut primo casu, liquidus est. Denique tertium accidit, si invitus quis possessionem amittat, ob rei interitum *l. 3. §. 17. l. 13. pr. l. 25. de A. A. P.* vel alterius dejectionem *l. 6. §. 1. l. 7. 15. l. 30. §. 2. 3. l. 47. de A. A. P. l. 1. §. 28. 32. 45. de vi & vi arm. l. 67. pr. de furt.* nam tum ex postfacto animum possidendi deponere cogitur, spe tamen, rem recuperandi, haud cessante *v. §. 13. h. add. OBSERV. LAUTERB. Obs. 1031.*

§. 17. Ex hætenus dictis varietas Possessionis etiam declarari potest. Nimirum (1.) à jure, quod nobis asserimus, est vel *simplex*, quando, ob jus personale & temporarium, rem tenemus, hæc dicitur *Detentio* ac, in sensu latiori, *Possessio naturalis* *l. 7. §. 11. comm. divid. l. 2. §. 1. pro hered. l. 38. §. 7. de V. O.* Hoc modo possidentur peculia profecti-

fectitia & servilia, l. 1. §. 1. l. 24. 49. §. 1. de A. A. P. res depositæ, commodatæ l. 17. §. 1. de pos. l. 9. de R. V. l. 8. 9. commod. l. 3. §. 20. de A. A. P. locatæ l. 3. §. 31. de usurp. precario concessæ, in custodiam datæ & mandatæ l. 3. §. 1. l. 10. §. 1. l. 9. 18. de A. A. P. l. 3. §. 8. *uti possid. vel Qualificata*, quando, propter jus reale & proprium, rem possidemus, hæc proprie *Possessio* dicitur.

§. 18. Estque (2.) ab *origine*, vel *Originaria*, quam in re vacua acquirimus, vel *Derivativa*, quæ de persona in personam transfertur. Hæc (3.) à *moralitate*, est vel *injusta*, quæ sola usurpatione constat, potest tamen successu temporis fieri legitima, vel *justa*, quæ ex aliquo titulo exerceretur l. 3. §. 21. de A. A. P. l. 13. §. 1. de public. in rem act. l. 22. §. 1. de noxal. action. Est tamen amplius considerandum, utrum quis domino *sciente & volente*, possessionem nactus sit, an *eodem ignorante & invito*.

§. 19. Primo casu possessio simpliciter justa est, secundo vero, videndum, utrum possessor rem alienam *ignoret*, quo casu etiam possessio est justa, nam ignorantia titulum defendit, ac possessorem excusat, an *sciat*, tum possessio est injusta, nam dissensus domini & scientia possessoris, tituli aliàs validi efficaciam tollit, quodsi tamen, loco domini, lex positiva aliquando consentiat, illa etiam possessio justa erit.

§. 20. Exinde nova oritur divisio, nam (4.) à *scientia vel ignorantia possessoris*, possessio est vel *bonæ*, quando quis ignorat, sed rem invito domino tenere, vel *malæ fidei*, quando sciens rem invito domino possidet v. l. 3. §. 22. de A. A. P. Est igitur hæc divisio specialis, pertinetque ad casum rei alienæ, invito domino detentæ, hinc creditor, usufructuarius & qui, domino etiam tacite consentiente, rem alienam sciens sibi asserit, proprie neque bonæ, neque malæ fidei possessor est, licet vulgo aliter sentire videantur.

§. 21. Præterea (5.) intuitu *præscriptionis*, possessio distinguitur in *efficacem*, ex qua præscriptio sequi potest, & *inefficacem* seu *vitiösam*, quæ illi producendæ est inepta, talis est *violenta*, *clandestina* & *precaria* v. l. 1. de itin. actuque priv. l. 1. de aqu. quotid. (6.) *ratione modi*, est possessio vel *naturalis*, quando animo & corpore, vel *civilis*, quando solo animo res possidetur v. l. 10. C. de acquir. possess.

§. 22. Porro (7.) à *jure*, ob quod possidemus, est itidem vel *Civilis*, quando jure domini, pleni aut minus pleni, veri vel putativi, rem

rem tenemus v. l. 15. §. 1. qui satisd. cog. l. 2. §. 1. pro hered. l. 1. §. 9. de vi & vi arm. l. 3. §. fin. ad exhib. l. 22. §. 1. de noxal. action. l. 13. §. 1. de public. in rem action. l. 12. de vi & vi arm. l. 67. pr. de furt. vel Naturalis, quando ob aliud jus reale, rem nobis asserimus v. l. 12. 37. 40. 49. de A. A. P. l. 16. de usurp. l. 22. §. 1. de noxal. action. l. 37. de A. R. D. quales possessores, certo respectu, possidere negantur l. 5. §. 1. ad exhib. l. 1. §. 8. de A. A. P. §. 4. l. per quas pers. cuique acquir.

§. 23. Denique (8.) ab *objecto*, possessio distingui solet in *veram*, rerum corporalium l. 3. pr. de A. A. P. l. 32. §. 1. de S. P. U. l. 4. §. 27. de usurpat. & analogicam, rerum incorporalium l. 2. comm. præd. l. 9. de hered. petit. l. fin. in fin. si pars hered. pet. l. 23. §. 2. ex quib. caus. major l. 10. si serv. vindic. l. 3. §. 17. de vi & vi arm. Verum illa distinctio eo sensu non est admittenda, quasi quædam possessio tantum res corporales, alia vero res incorporales afficiat, nam etiam, quoad servitutes, ad quas vulgo respiciunt, res servientes corpores possidemus, hinc dicendum potius, quod omnis possessio, diverso respectu, res corporales & incorporales afficiat, juxta notata §. 5. seqq.

§. 24. Denique vulgaris doctrina, quod *possessio*, quoad acquisitionem, facti l. 1. §. 3. de A. A. P. l. 12. §. 2. de captrv. acquisita autem juris, & jus in res l. 44. pr. l. 49. §. 1. de A. A. P. l. 2. §. 38. ne quid. in loc. publ. plurimum tamen facti etiam in se contineat l. 19. ex quib. caus. major. l. 1. §. 15. si is qui testam. lib. v. LAUTERB. C. J. de A. A. P. lit. N. ex hæcenus dictis commode explicari potest: Nimirum possessio ipsa, sive acquirenda, sive acquisita, semper facti est, eam tamen tam jus principale §. 9. 10. quam proprium §. 11. consequitur & comitatur. add. OBSERV. LAUTERB. Obs. 1023. seqq.

CAPUT VIII. DE ACTIONIBUS POS- SESSORIIS.

SUMMARIA.

Actionum possessoriarum indoles §. 1.

Denominatio Romana §. 2.

Divisio, interdictum adipiscendæ possessionis §. 3.

Idem, cum petitorio, habet fundamentum §. 4.

Hoc tamen evidens esse debet §. 5.

Interdicti adipiscendæ possessionis exempla §. 6.

Interdicti recuperandæ possessionis nomen & indoles §. 7.

Et 3

Qui.

Quibus casibus locum habeat §. 8. 9.

Datur dejectis §. 10.

Quosque ei, qui antea deiecit, competat §. 11.

Instituitur contra deicientes §. 12.

Non etiam parentes §. 13.

Ad recuperandam possessionem & damni restitutionem §. 14.

Interdicti retinendæ possessionis definitio & fundamentum §. 15.

Datur illud ob vim turbativam §. 16.

A quo probatio sit suscipienda §. 17. 18.

Interdicti finis §. 19.

Ejus varix species §. 20. 21. 22.

Actiones possessorix peculiari præscriptioni non subjacent §. 23. 24.

Earum cum petitoriis comparatio generalis §. 25.

Et specialis §. 26. 27. 28. 29. 30. 31.

Discrimen petitorii & possessorii §. 32.

Ordinarii & summarii etiam jure naturali obtinent §. 33.

§. 1.



Omplendæ Possessionis doctrinæ, de *actionibus possessoriiis* quoque agendum est. In genere sunt *actiones reales*, quibus *possessionem vel adipiscimur, vel amissam recuperamus, vel turbatam defendimus*. Vocamus illas, *actiones v. l. fin. C. de interd.* quo nomine quamvis etiam implorationem comprehendi dixi *l. i. c. 16. §. 21*. Arbitramur porro, eas esse, *actiones reales*, quod ex tractatione specierum magis apparebit. Denique *finem triplicem*, pro diverso possessionis statu, cætera definitionis verba exhibent.

§. 2. Stilo juris Romani dicuntur *interdicta v. l. 14. §. fin. de except. rei jud. l. 13. de vi* quo nomine tamen etiam aliæ actiones, quibus vel exhibitio rei, vel ejus, quod interest, præstatio petitur, comprehenduntur, hinc, *interdicta maxime*, sive potissimum, ad possessionem pertinere, dicitur *pr. l. de interd.* exempla tamen, quæ *l. 2. §. 2. de interd.* recensentur, exceptionem à regula vix continent. Videntur autem aliæ actiones, possessoriiis, sub interdictorum nomine junctæ fuisse, ob similitudinem processus, qui forte olim circa eas obtinuit.

§. 3. Præcipua interdictorum divisio est, quod sint *adipiscendæ, recuperandæ & retinendæ possessionis*, quam non juris Romani, sed Gentium esse, facile liquet. Interdictum adipiscendæ possessionis, est *actio realis, ex jure liquido orta, qua possessionem de novo consequimur ab eo, qui infirmiori jure rem possidet*.

§. 4. Descendit hoc interdictum ex *codem jure, ex quo actiones petitorix reales* oriuntur, diversus tamen illius juris status, diversa operatur remedia. Si enim jus actoris evidenti aliqua circumstantia probetur,

betur, ac adeo liquidum, possessoris vero, obscurum minusque validum sit, tum obtinet remedium possessorium; si, vice versa, major sit præsumtio pro possessore, tum peritorio expellendus ille est. Possessorium est expeditius ratione probationis & processus, sed peritorium contra plures, quorum respectu possessorium vim suam amittit, efficax esse solet.

§. 5. Id vero facile liquet, pro jure actoris, in interdictis adipiscendæ possessionis, præsumtionem non excitare ipsam possessionem, hanc enim hætenus nondum habuit actor, sed eam de novo consequi laborat, hinc aliæ circumstantiæ, ut *confirmatio judicis*, *evidentia instrumenti*, *factum vel confessio ipsius adversarii*, similesque hoc casu jus actoris evidens reddere, adeoque idem, quod aliis in casibus possessio præstare solet, operari debent.

§. 6. In jure Romano quatuor horum interdictorum exempla laudantur: *Interdictum quorum bonorum*, *Quod Legatorum*, *Remedium ex l. fin. C. de edict. div. Hadrian. toll.* & *interdictum Salvianum*: Quæ uti, in loco proprio, specialius considerabimus, ita hic observandum, quod alia quoque locum invenire queant, nam toties interdictum adipiscendæ possessionis obtinet, quoties actoris jus liquidum, possessoris vero, incertum aut obscurum est, hinc v. gr. proprietarius, ab hæredibus usufructuarii, rem usufructuariam tali interdicto recte petit v. OBSERV. LAUTERB. *Obs.* 1084. De nominibus autem aliorum exemplorum, parum hodie laborandum erit, quodsi tamen quis nomen omnino desideret, is, juxta veterem superstitionem, usitatas appellationes, utiliter huc applicare poterit.

§. 7. Interdictum recuperandæ possessionis, etiam dicitur in jure Romano, *Unde vi*, & est *Actio realis, qua possessio, vi amissa, cum omni causa, repetitur*. Fundamentum ejus est, vel *dominium aut aliud jus reale, ob possessionem, præsumtum*, vel *jus possessionis*, nam in effectu res eodem recidit, sive illud, sive hoc asseras. Vulgo quidem ex delicto interdictum hoc repetunt, ac personale putant, sed prior sententiæ æquitati magis convenit v. OBSERV. LAUTERB. *Obs.* 32. n. 5. *Obs.* 1089.

§. 8. Datur hoc interdictum, jure Romano, ob vim expulsiivam, quæ, qui anima vel corpore l. 6. §. 1. de A. A. P. l. 1. §. 24. 26. l. 3. §. 14. de

nam hic non est obligatio communis, sed separata & singulis propria *v. l. 7. §. fin. l. 8. de jurisd. l. 1. C. de condic. furt. l. 11. §. 2. ad L. Aquil.* Præterea etiam primo respectu sunt considerandæ circumstantiæ, nec enim putem, indistincte rigidiorē obligationem correalē, ex delictis, posse asseri. *v. OBSERV. PUFEND. Obs. 160. seqq.* Denique Correi debendi, non credendi, delicto saltem constitui videntur, *v. LAUTERB. C. J. de duob. reis lit. C. ibique Obs. 1155. 1156.*

§. 9. Correo credendi, altero correo ignorante, totum exigere, ac debitorem, etiam quoad alterum creditorem, liberare potest *l. 2. de duob. reis l. 11. §. 21. in fin. de Legat. 3.* & si lis sit contestata, debitor alteri correo solvere nequit *l. 16. de duob. reis* putem tamen partem ratam, debitorem alteri recte esse soluturum, quemadmodum etiam correo, lite mota, superveniens, admittendus erit, hinc nec eodem invito, alter solidum exigere potest. Contraria sententia *v. LAUTERB. d. l. lit. E.* fluit ex falsa hypothēsi, quasi singulis solidum debeat.

§. 10. Porro Correo acceptilatione, compensatione *l. 2. de duob. reis* juramenti delatione & præstatione *l. 27. 28. de jurejur.* debitorem liberare potest. Pacto autem non potest *l. 27. pr. §. 4. in fin. de pact.* nec compromisso, nisi sint focii *l. 34. de recept.* nec novatione, si focii sint *l. 27. pr. de pact.* secus, si nulla inter eos intercedat societas, tum novatio locum habet *l. 31. §. 1. de novat.* prout aliqui hos rextus componunt *v. LAUTERB. d. l. in edit. novissim. BACHOV. ad Tr. V. 2. D. 27. 1b. 9. lit. d. EKHOLT. ad ff. de novat. §. 4.*

§. 11. Sed de tricus Romanis hodie parum laborandum erit. Pactum & acceptilatio dubio procul coincidunt, juramenti delatio, & compromissum, quoad effectum, male separantur, circa novationem frustra fluctuarunt Romani, hinc concludendum est, hodie corream quovis modo, oneroso & gratuito, debitorem liberare posse, salvo tamen alterius correi, contra illum, jure & regressu, *v. OBSERV. LAUT. Obs. 1157. 1158.* Sicut autem correo cæterorum jus, quoad debitorem tollere, ita etiam, interrompendo præscriptionem, conservare potest *l. fin. C. de duob. reis.*

§. 12. Quod correo exegit, cæteris communicare non debet, nisi sint focii, quales hic censentur esse omnes, qui ex causa onerosa correi facti *l. 16. de duob. reis l. 62. ad L. Falcid.* sed hoc fluit ex falsa hypothēsi,

thesi. quasi singulis solidum debeatur, cum tamen singuli saltem habeant jus suam cæterorumque partem exigendi, hinc urique exigenti communicandi necessitas incumbit. Quodsi correus debitorem modo gratuito liberaverit, cæteris de suo satisfacere debet. *add. OBSERV. LAUTERB. Obs. 1159.*

§. 13. Si plures sint rei debendi, à singulis solidum elective Creditor exigere potest *l. 2. §. 1. l. 11. ff. l. 2. §. C. de duob. reis* nec partis exactio impedit, quo minus reliquum ab eodem peti possit *v. l. 8. §. 1. de Legat. 1. l. 23. C. de fidejuss.* nisi partem solvens, eo nomine protestatus sit, ac Creditor tacendo non contradixerit *l. 18. C. de pact.* quodsi etiam actio contra omnes semel sit instituta, contra unum deinceps agi nequit *l. 16. C. de fidejussor.*

§. 14. Jure novo. Correi debendi, habent beneficium divisionis *Nov. 99. auth.* hoc ita *C. de duob. reis* nisi (1.) alter correus absit, i. e. alibi domicilium habeat, ut nonnulli explicant, aut (2.) non sit solvendo, vel (3.) huic beneficio renunciatum sit, aut (4.) sint mercatores socii, ex sententia LAUTERBACHII *d. l. n. 4.* licet CARPZ. *p. 2. C. 17. D. 12. & PERETZ ad Cod. de duob. reis n. 17.* ad quos ille provocat, solum doceant, mercatores socios, in contractibus suis, pro correis esse habendos. Quodsi ex duobus reis, alter nihil acceperit, beneficium excussionis ei quoque competit *l. fin. C. de divid. tutel. v. CARPZ. p. 2. C. 18. D. 10. OBSERV. LAUTERB. Obs. 1161.*

§. 15. Si Creditor totam actionem in unum dirigat, ideo, quod, cæteros non solvendo esse, dicat, tum id probare debet, reus enim concessio sibi divisionis beneficio, tamdiu merito niritur, donec actor causam exceptionis probet. Aliter se res habuit de jure antiquo, quo, cessante beneficio divisionis, Creditor valide ab uno solidum exigere potuit, hinc reus conventus, ab hoc onere se liberaturus, cæterorum idoneitatem probare debuit *l. 10. de fidejuss.*

§. 16. Quod si unus ex correis debendi solidum solverit, tum cæteri, ratione creditoris, quoque liberantur *l. 2. de duob. reis* nam eorum portio etiam soluta est. Idem dicendum, si per compensationem Creditori sit satisfactum, reus tamen conventus, ex persona alterius Correi, compensationem opponere nequit, nisi sint socii *l. 10. de duob. reis v. OBSERV. LAUTERB. Obs. 1162.* Per acceptilationem quoque *l. 2.*

de duob. reis delegationem *l. 20. ad Sc. Vellej.* & pactum de non petendo reale, sibi & correis etiam prospicere potest Reus debendi, inodo ultimo casu, ejus inter sit, correum liberari *l. 23. 25. §. fin. de pact. l. 3. §. 3. de liberat. legat. l. 9. §. 1. de duob. reis.*

§. 17. Hodie acceptilatio & pactum coincidunt, præterea etiam tertio stipulari possumus, ceu dictum *c. 4. §. 13.* hinc, cessante sollicitudine Romanorum, hoc solum spectandum est, utrum ea intentione paciscatur Reus, ut totam obligationem tollat, an ut se saltem, pro sua parte, eidem eximat, illo casu, pactum correo quoque proderit, hoc non, sed correat pro rata sua adhuc tenebitur.

§. 18. Porro Rei juramentum sive voluntarium sive judiciale, alterum quoque correum liberat *l. 28. §. 1. de jurejur.* ut & sententia judicis, quæ reum, propter causam, ex ipso contractu descendentem, absolvit, secus est, si certa personæ qualitas, absolutionem operata sit *l. 12. §. 1. l. fin. de duob. reis.* Sententia vero adversus unum lata, contra alterum non posse executioni dari, æquitas satis ostendit *vid. l. 63. de re judic.* Unius Rei mora alteri non nocet, ad obligationem novam, v. gr. usurarum, imputandum *l. 32. §. p. de usur. l. 39. de N. G.* nocet tamen, ad obligationem primitivam continuandam, seu potius eum ab hac non liberat *l. 18. de duob. reis, vid. OBSERV. LAUTERB. Obs. 1163.*

§. 19. Correat, solidum solvens, partem à Correo, stricto jure non repetit, nisi sit socius, qualis esse creditur, qui ex causa, respectu creditoris onerosa, debitor est *l. 2. C. de duob. reis* ex æquitate tamen repetit utili negotiorum gestorum actione *LAUTERB. C. J. de duob. reis.* Sed illa iterum fluunt ex falsa hypothesis, quasi solvens solidum debuerit. Solvit potius pro se & Correo simul, hinc etiam jure stricto, actione mandati, partem ab altero repetere potest.

§. 20. Obligatio correalis, cum sit communis, æqualitatem desiderat, hinc diversitas perpetua, ut v. gr. alter dolum tantum, alter culpam etiam præstet, qualitatem Corream excludit *l. 9. §. 1. de duob. reis,* temporaria vero diversitas ei non obest, hinc potest alter pure, alter sub conditione, aut in diem obligari *l. 7. 9. §. fin. cod. l. 27. de fidej. v. OBSERV. LAUTERB. Obs. 1164.*

CAPUT VII.
DE POSSESSIONE.

SUMMARIA.

Cum pacto aliquam similitudinem habet possessio §. 1.

Ejus indoles §. 2.

Subjectum §. 3. 4.

Materia §. 5.

Actuum possessoriorum diversitas §. 6. 7.

Ad tria genera illi revocari possunt §. 8.

Effectus possessionis ratione juris principalis §. 9.

Possessionis causa regulariter non est alleganda §. 10.

Possessio etiam producit jus proprium §. 11.

Ejus effectus ratione rei possessæ §. 12.

Possessionis retentio §. 13.

Turbatio §. 14. Amissio §. 15. 16.

Varietas §. 17. 18. 19. 20. 21. 22. 23.

Quo sensu illa facti & juris sit §. 24.

§. I.



Possessio non tantum ad executionem pactorum, pleniusque jus ex illis acquirendum, pertinet, sed & sæpe, in rebus scilicet vacuis, validum jus propria virtute operatur, præterea, circa res alienas occupatas, quale quale jus, vel juris saltem præsumptionem producit, imo in causa est, ut, autoritate legis positivæ, efficax jus acquiramus, hinc quomodocunque illa consideretur, factum aliquod est, ex quo jus nascitur, adeoque, hoc respectu, cum pacto aliquam habet similitudinem, cumque porro per omnes fere juris materias, ejus usus extendatur, ideo commodissimum videtur, si illius explicatio generalis nunc instituatur.

§. 2. Ex mea sententia, Possessio est *Juris cujusdam assertio, actu aliquo externo, objecti indoli conveniente, declarata, quæ jus aliquod producit, firmat, probat aut ejus acquirendi occasionem præstat ac insuper proprium aliquod jus operatur.* Possessio ergo acquiritur (1.) *juris cujusdam assertione, seu animo aut affectu habendi*, invito enim nihil acquiri aut obtrudi, tralatitium est. Nihil autem quoad possessionem in genere, refert, quale jus quis sibi asserat, aut num illa assertio, aliquo titulo subnixa sit, an merâ constet usurpatione (2.) *actu aliquo externo, declarato v. l. 1. §. 3. l. 3. §. 1. 21. l. 8. de A. A. P. quibus mediis etiam possessio acquisita potest mutari v. l. 3. §. 18. 19. 20. l. 19. §. 1. de A. A. P. l. 33. §. 1. de usurp.*

§. 3. Possident, qui usurationis gaudent, inhabiliū consensum sup-

supplent tutores & curatores. Subtilitates juris Romani, quod furiosus ne quidem cum Curatorum consensu, infans vero, cum tutoris auctoritate, aut etiam res quasdam, absque tutore, possidere queat *l. 1. §. 3. l. 32. §. 2. de A. A. P. l. 3. C. eod.* hodie exigui sunt usus, cum plerumque tutores & curatores, ut alibi, ita hic etiam soli agant. Qui rei alicujus commercium non habet, is eam possidere prohibetur, ex doctrina LAUTERBACHII *de A. A. P. lit. S.* Sed hoc verum est, de possessione valida & efficaci, nam si possessio generaliter accipitur, etiam illas res possidere possumus, in quibus nullum jus habemus.

§. 4. De cætero possidemus vel immediate, vel mediate, per alios, qui nostro nomine possessionem apprehendunt ac exercent, nec infrequens est, ut quis rem suo nomine teneat, ac alterius simul possideat *vid. l. 3. §. 20. de A. A. P. §. 5. l. de interd.* Duo eandem rem naturaliter & juste, simul in solidum, possidere nequeunt *l. 3. §. 5. de A. A. P.* Potest tamen unus v. gr. rem ut dominus, alter, ut creditor possidere *l. 16. de usurp.* sicut etiam alter juste, alter, aut etiam uterque, injuste possessionem sibi in solidum asserere *l. 3. uti possid.*

§. 5. Materia possessionis sunt, suo modo *jura*, nam hæc nobis asserimus, seu eorum habendorum affectum declaramus, hinc in possessione dominii, servitutis, libertatis, jurisdictionis &c. quis esse, non male dicitur, & *res corporales*, modo sint *certe*, i. e. quis earum possidendarum affectum vere habeat *vid. l. 3. §. 23. l. 26. de A. A. P.* nec non *in commercio* *l. 30. §. 1. eod.* ac denique *vacue* *vid. LAUTERB. d. l. lit. O.* sed duo ultima, circa possessionem generaliter spectatam, non sunt necessaria *v. l. 1. §. 6. eod. l. 10. de A. R. D. OBSERV. LAUT. Obs. 1029.* Illud etiam observandum, aliquando possideri *rem singularem satisque definitam*, aliquando *rerum universitatem*, vel *rem non satis determinatam*, ac *ad alios quoque suo modo pertinentem*, illa possessio magis liquida est, quam hæc.

§. 6. Ex his intelligi potest, quod, pro diversitate jurium & rerum possidendarum, actus possessorii diversæ plane sint indolis, quod in definitione indicavimus. • Aliter possidemus rem mobilem arctis limitibus circumscriptam, aliter rem immobilem, aut rerum universitatem *v. l. 3. §. 1. de A. A. P.* Qui in re alterius jus sibi arrogat, is eam, ut sibi servientem, deinceps possidet, vice versa qui alterius jus negat, aut actum

actum ei contrarium suscipit, ille rem suam, ut liberam tenet, idem contingit, si alter jure suo non utatur seu ejus exercitium omittat, nam & hoc alterum in possessione libertatis & rei liberæ constituit, imo si creditor debitum non exigat, in debitore libertatis possessio, vel saltem affectus, onus illud tollendi, non male asseritur v. OBSERV. LAUTERB. *Observ.* 1126.

§. 7. Qui alios ad judicium vocat, similesque actus exercet, is Jurisdictionis nec non districtus, in quo hæc se exserit, possessionem consequitur. Qui ministros Ecclesiæ Consistorio præsentat, ille in possessione juris Patronatus, ratione Ecclesiæ Parochialis, constituitur. Muneris, reique eidem connexæ, possessio, exercitio actuum, ex illo profluentium, obinetur. Si quis jus venandi in aliqua sylva, aut piscandi in lacu vel flumine exercent, is sylvæ lacusque vel fluminis possessionem acquirit.

§. 8. In genere tamen, omnes actus possessorii, videntur resolvi in *Occupationem*, qua, in re vacua, *Usurpationem*, qua, in re aliena, domino invito, & *Traditionem*, qua, eodem consentiente, possessionem consequimur. Uti autem hæc ultima, in se, diversa est, ceu c. l. 4. §. 36. *seqq.* ostendimus, ita, à peculiaribus quoque objectis, eam diversa forma indui, ex modo dictis patet. Si quis dominium rei suæ, vel aliud jus reale, in aliquem transferat, ac, non discedens à re, eam, alterius nomine, deinde possideat, ista tradendi ratio *Constitutum possessorium* dicitur add. LAUTERB. C. J. de A. A. P. lit. C. ibique *Obs.* 1027.

§. 9. Effectus possessionis, juxta datæ definitionis indicium, vel respicit *jus principale*, vel *proprium*, vel *rem possessam*. Primo igitur respectu, possessio *jus verum* aliquando (1.) *producit*, nam per occupationem rei vacuæ, vel traditionem, ex iusto titulo factam, dominium vel simile jus acquiritur. Quod si autem jus reale aut personale, ante possessionem, jam existat, tum hæc illud (2.) *firmat*, præterea illa jus (3.) *probat* aut pro eo præsumtionem facit v. l. 128. de R. J. l. 9. §. 4. de publ. in rem ad. l. fin. C. de R. V. nam illud maxime naturale est, ut ei, qui hætenus jus sibi asseruit, ac actus possessorios exercuit, tamdiu illud tribuamus, donec alius contrarium probaverit.

§. 10. Exinde sequitur, quod possessionis causam nemo regulariter allegare teneatur l. fin. de A. A. P. l. 11. C. de hered. petit. l. 24. 73. de

Ee

RV. l. 2.

R. V. l. 2. C. de probat. l. 4. C. de edend. Uti vero, si adversarius jus suum deducat, contrariam probationem suscipere debet possessor, si succumbere nolit, ita ob præsumptiones, quæ contra ipsum militant, titulum quoque aliquando allegare tenetur, idem obtinet, si sine prævia tituli allegatione, actio institui nequeat, ut circa hæreditatis petitionem jure Romano contingebat *l. 11. C. de hæred. petit.* Denique (4.) possessio præbet occasionem, ut mediante præscriptione, jus verum acquiratur.

§. 11. Præterea operatur quoque possessio *jus proprium*, quod *jus possessionis* dici solet, cumque possessio, non perinde ut pactum, certam respiciat personam, sed contra omnes potius valida esse velit, ideo, juxta intentionem possidentis, jus illud non male pro *jure reali* habetur: Quod si tamen alio jure non fulciatur, non adeo constans & efficax est, sed per oppositum jus fortius facile elidi potest, v. OBSERV. LAUT. *Obs. 32.* Ex jure autem tam principali, quam proprio, resultant remedia, quibus illa defendi queant, nempe *defensio privata*, etiam violenta *v. l. 3. §. 9. l. 17. de vi & vi arm. l. 1. C. unde vi. & actiones possessoriæ*, de quibus postea explicatius dicemus.

§. 12. Denique, ratione *rei possessæ*, id efficit possessio, ut illâ uti queamus, jure an injuria, hætenus nihil refert, quo respectu *beati possidentes* dici solent. Præterea, cum possessor rem possessam detineat, adeoque eam alij præstare queat, hinc actione reali *v. l. 1. C. de alien. judic. mutandi* in loco rei sitæ conveniri potest *v. l. fin. C. ubi in rem.* immunitas autem à satisfaciendo *l. 15. qui satisfac. cog.* vel forum generale v. OBSERV. LAUTERB. *Obs. 156.* non tam à possessione aut re possessa, quam dominio potius similive jure dependet.

§. 13. Possessio acquisita *retinetur* animo & corpore, vel etiam animo solo, cum enim actus possessoriarius semel sit susceptus, possessio semper durare censenda est, licet ille quandoque cesset. Quod si tamen alius rem, animo possessam, sibi asserat, tum prior possessio definit §. 5. *l. de interd. l. 4. C. de acqu. poss. l. 3. §. 7. seqq. §. 13. l. 6. §. 1. l. 44. §. fin. ff. eod.* neque tamen ideo effectu suo penitus destituitur, sed lite orta posteriori plerumque præfertur, ac contra eam restituitur *v. l. 17. 22. de A. A. P. l. 3. pr. uti possid.* ut adeo in effectu nihil interesse videatur, si ve priorem possessionem, amissam, si ve animo retentam dicas, hinc

hinc etiam limitationis, quam, quoad servum fugitivum addunt *v. l. 3. §. 10. l. 13. pr. l. 15. de A. A. P.* non magnus videtur usus aut effectus.

§. 14. Aliquando possessio *vacillat*, propter alterius turbationem, qua quietæ possessionis exercitium impeditur, id quod verbis & factis, in judicio & extra judicium, fieri posse dicitur LAUTERB. C. J. *de A. A. P. in fin.* Sed, ad effectum agendi, vix alia turbatio attenditur, quam quæ actibus possessoriis extrajudicialibus peragitur. De cætero illa locum habet circa objecta generalia, & ætioris custodiæ non capacia, vel etiam circa specialia, in quibus saltem aliquod jus acquirere alterum vero non plane expungere cupimus.

§. 15. Denique possessio quandoque etiam *amittitur*, nempe possessore mortuo *v. l. 1. §. 15. si is qui testam. lib. l. 23. de A. A. P.* ista tamen amisio non nocet usucapioni *l. 14. §. 1. de div. tempor. præscript.* nam, lege volente, hæc etiam, sine possessione, currere potest, ut nulla hic opus sit fictione. Vel *co vivo*, semper autem fit amisio animo & corpore simul *l. 8. de A. A. P.* prout tamen actus illi magis aut minus se exerunt, ita quandoque possessio, vel animo & corpore, vel solo animo, vel solo corpore amitti dicitur.

§. 16. Primum contingit, si quis animum possidendi dimittat ac re abscedat *v. l. 30. §. 1. de A. A. P.* Secundum, si quis, dimisso animo, in remaneat *l. 3. §. 6. de A. A. P.* nam licet & hoc casu, corpore quis possessionem amittat, cum corporis ministerium ab animo dependeat, adeoque hoc cessante, illud quoque desinat, attamen actus ille corporeus non perinde, ut primo casu, liquidus est. Denique tertium accidit, si invitus quis possessionem amittat, ob rei interitum *l. 3. §. 17. l. 13. pr. l. 25. de A. A. P.* vel alterius dejectionem *l. 6. §. 1. l. 7. 15. l. 30. §. 2. 3. l. 47. de A. A. P. l. 1. §. 28. 32. 45. de vi & vi arm. l. 67. pr. de furt.* nam tum ex postfacto animum possidendi deponere cogitur, spe tamen, rem recuperandi, haud cessante *v. §. 13. h. add. OBSERV. LAUTERB. Obf. 1031.*

§. 17. Ex hætenus dictis varietas Possessionis etiam declarari potest. Nimirum (1.) à jure, quod nobis asserimus, est vel *simplex*, quando, ob jus personale & temporarium, rem tenemus, hæc dicitur *Detentio* ac, in sensu latiori, *Possessio naturalis* *l. 7. §. 11. comm. divid. l. 2. §. 1. pro hered. l. 38. §. 7. de V. O.* Hoc modo possidentur peculia profecti-

fectitia & servilia, l. 1. §. 5. l. 24. 49. §. 1. de A. A. P. res depositæ, commodatæ l. 17. §. 1. de pos. l. 9. de R. V. l. 8. 9. commod. l. 3. §. 20. de A. A. P. locatæ l. 3. §. 31. de usurp. precario concessæ, in custodiam datæ & mandatæ l. 3. §. f. l. 10. §. 1. l. 9. 18. de A. A. P. l. 3. §. 8. *uti possid. vel Qualificata*, quando, propter jus reale & proprium, rem possidemus, hæc proprie *Possessio* dicitur.

§. 18. Estque (2.) ab *origine*, vel *Originaria*, quam in re vacua acquirimus, vel *Derivativa*, quæ de persona in personam transfertur. Hæc (3.) à *moralitate*, est vel *injusta*, quæ sola usurpatione constat, potest tamen successu temporis fieri legitima, vel *justa*, quæ ex aliquo titulo exercetur l. 3. §. 21. de A. A. P. l. 13. §. 1. de public. in rem act. l. 22. §. 1. de noxal. action. Est tamen amplius considerandum, utrum quis *domino sciente & volente*, possessionem nactus sit, an *codem ignorante & invito*.

§. 19. Primo casu possessio simpliciter justa est, secundo vero, videndum, utrum possessor rem alienam *ignoret*, quo casu etiam possessio est justa, nam ignorantia titulum defendit, ac possessorem excusat, an *sciat*, tum possessio est injusta, nam dissensus domini & scientia possessoris, tituli aliàs validi efficaciam tollit, quodsi tamen, loco domini, lex positiva aliquando consentiat, illa etiam possessio justa erit.

§. 20. Exinde nova oritur divisio, nam (4.) à *scientia vel ignorantia possessoris*, possessio est vel *bonæ*, quando quis ignorat, sed rem invito domino tenere, vel *malæ fidei*, quando sciens rem invito domino possidet v. l. 3. §. 22. de A. A. P. Est igitur hæc divisio specialis, pertinetque ad casum rei alienæ, invito domino detentæ, hinc creditor, usufructuarius & qui, domino etiam tacite consentiente, rem alienam sciens sibi asserit, proprie neque bonæ, neque malæ fidei possessor est, licet vulgo aliter sentire videantur.

§. 21. Præterea (5.) intuitu *præscriptionis*, possessio distinguitur in *efficacem*, ex qua præscriptio sequi potest, & *inefficacem* seu *vitiolosam*, quæ illi producendæ est inepta, talis est *violenta*, *clandestina* & *precaria* v. l. 1. de itin. actuque priv. l. 1. de aqu. quotid. (6.) ratione *modi*, est possessio vel *naturalis*, quando animo & corpore, vel *civilis*, quando solo animo res possidetur v. l. 10. C. de acquir. possess.

§. 22. Porro (7.) à *jure*, ob quod possidemus, est itidem vel *Civilis*, quando jure domini, pleni aut minus pleni, veri vel putativi, rem

rem tenemus v. l. 15. §. 1. qui satisd. cog. l. 2. §. 1. pro hered. l. 1. §. 9. de vi & vi arm. l. 3. §. fin. ad exhib. l. 22. §. 1. de noxal. action. l. 13. §. 1. de public. in rem action. l. 12. de vi & vi arm. l. 67. pr. de furt. vel Naturalis, quando ob aliud jus reale, rem nobis asserimus v. l. 12. 37. 40. 49. de A. A. P. l. 16. de usurp. l. 22. §. 1. de noxal. action. l. 37. de A. R. D. quales possessores, certo respectu, possidere negantur l. 5. §. 1. ad exhib. l. 1. §. 8. de A. A. P. §. 4. l. per quas pers. cuique acquir.

§. 23. Denique (8.) ab objecto, possessio distingui solet in veram, rerum corporalium l. 3. pr. de A. A. P. l. 32. §. 1. de S. P. U. l. 4. §. 27. de usurpat. & analogicam, rerum incorporealium l. 2. comm. præd. l. 9. de hered. petit. l. fin. in fin. si pars hered. pet. l. 23. §. 2. ex quib. caus. major l. 10. si serv. vindic. l. 3. §. 17. de vi & vi arm. Verum illa distinctio eo sensu non est admittenda, quasi quædam possessio tantum res corporales, alia vero res incorporeales afficiat, nam etiam, quoad servitudes, ad quas vulgo respiciunt, res servientes corpores possidemus, hinc dicendum potius, quod omnis possessio, diverso respectu, res corporales & incorporeales afficiat, juxta notata §. 5. seqq.

§. 24. Denique vulgaris doctrina, quod possessio, quoad acquisitionem, facti l. 1. §. 3. de A. A. P. l. 12. §. 2. de captiv. acquisita autem juris, & jus in res l. 44. pr. l. 49. §. 1. de A. A. P. l. 2. §. 38. ne quid. in loc. publ. plurimum tamen facti etiam in se contineat l. 19. ex quib. caus. major. l. 1. §. 15. si is qui testam. lib. v. LAUTERB. C. J. de A. A. P. lit. N. ex hætenus dictis commode explicari potest: Nimirum possessio ipsa, sive acquirenda, sive acquisita, semper facti est, eam tamen tam jus principale §. 9. 10. quam proprium §. 11. consequitur & comitatur. add. OBSERV. LAUTERB. Obs. 1023. seqq.

CAPUT VIII. DE ACTIONIBUS POS- SESSORIIS.

SUMMARIA.

Actionum possessoriarum indoles §. 1.

Denominatio Romana §. 2.

Divisio, interdictum adipiscendæ possessionis §. 3.

Idem, cum petitio, habet fundamentum §. 4.

Hoc tamen evidens esse debet §. 5.

Interdicti adipiscendæ possessionis exempla §. 6.

Interdicti recuperandæ possessionis nomen & indoles §. 7.

Et 3

Qui-

betur, ac adeo liquidum, possessoris vero, obscurum minusque validum sit, tum obtinet remedium possessorium; si, vice versa, major sit præsumtio pro possessore, tum petitorio expellendus ille est. Possessorium est expeditius ratione probationis & processus, sed petitorium contra plures, quorum respectu possessorium vim suam amittit, efficaç esse solet.

§. 5. Id vero facile liquet, pro jure actoris, in interdictis adipiscendæ possessionis, præsumtionem non excitare ipsam possessionem, hanc enim hactenus nondum habuit actor, sed eam de novo consequi laborat, hinc aliæ circumstantiæ, ut *confirmatio judicis, evidentia instrumendi, factum vel confessio ipsius adversarii*, similesque hoc casu jus actoris evidens reddere, adeoque idem, quod aliis in casibus possessio præstare solet, operari debent.

§. 6. In jure Romano quatuor horum interdictorum exempla laudantur: *Interdictum quorum bonorum, Quod Legatorum, Remedium ex l. fin. C. de edict. div. Hadrian. toll. & interdictum Salvianum*: Quæ uti, in loco proprio, specialius considerabimus, ita hic observandum, quod alia quoque locum invenire queant, nam toties interdictum adipiscendæ possessionis obtinet, quoties actoris jus liquidum, possessoris vero, incertum aut obscurum est, hinc v. gr. proprietarius, ab hæredibus usufructuarii, rem usufructuariam tali interdicto recte petit v. OBSERV. LAUTERB. *Obs.* 1084. De nominibus autem aliorum exemplorum, parum hodie laborandum erit, quod si tamen quis nomen omnino desideret, is, juxta veterem superstitionem, usitatas appellationes, utiliter huc applicare poterit.

§. 7. Interdictum recuperandæ possessionis, etiam dicitur in jure Romano, *Unde vi, & est Actio realis, qua possessio, vi amissa, cum omni causa, repetitur*. Fundamentum ejus est, vel dominium aut aliud jus reale, ob possessionem, præsumtum, vel jus possessionis, nam in effectu res eodem recidit, sive illud, sive hoc asseras. Vulgo quidem ex delicto interdictum hoc repetunt, ac personale putant, sed prior sententiæ aequitati magis convenit v. OBSERV. LAUTERB. *Obs.* 32. n. 5. *Obs.* 1089.

§. 8. Datur hoc interdictum, jure Romano, ob vim expulsiivam, qua is, qui anima vel corpore l. 6. §. 1. de A. A. P. l. 1. §. 24. 26. l. 3. §. 14. de

de vi civiliter vel naturaliter l. 1. §. 9. l. 3. §. 13. 14. cod. possidet, ex re immobili l. 1. §. 3. 6. cod. expellitur. Ob vim ablativam vel compulzivam non datur *d. l. 1. §. 6. l. 5.* forte ideo, quod his casibus, actiones satis expeditæ, jam competerebant. Hodie nihil vetat, quo minus ob quamvis vim, interdictum Unde vi concedatur, maxime cum jus Canonicum, ex recepta sententia, eo inclinet, in decantato *Can. redintegrandæ 3. caus. 3. qu. 1.*

§. 9. Sicut autem Romani restrictionem minime necessariam introduxerunt, quoad objectum, ita, circa ipsam etiam vim, otiose tricati sunt; Qui possessionem tradere compellitur, vi dejectus non censetur *l. 5. de vi & vi arm.* qui rem vacuum occupat, ac dominum reversum non admittit, violenter non dejicit *l. 4. §. 28. de usurpat.* quod merito improbatum *l. fin. C. unde vi* hinc etiam ille vi dejicere videtur, qui à perido procuratore vel colono possessionem accipit *l. fin. C. de acquir. possess.*

§. 10. Competit interdictum unde vi, dejectis, aut hodie potius, spoliatis, qui jus reale habent *v. l. 3. §. 13. de vi* vel saltem sibi, etiam mala fide, asserunt, si à tertio deiciantur *l. 1. §. 30. l. 12. 18. cod.* Datur etiam spoliati hæredibus *l. 1. §. 44. cod.* licet enim dejecti non sint, adeoque jus proprium non habeant *l. 1. §. 9. 23. 45. cod.* gaudent tamen jure transmissio. Si deiciantur, qui rem tantum detinent, tum domino datur interdictum *l. 1. §. 10. 22. l. fin. cod.* possunt tamen detentores, domini absentis nomine, sine mandato agere *l. 1. C. si per vim.*

§. 11. Dejectus deicientem, in continenti, recte iterum dejicit, sed si ex intervallo hoc faciat, tum huic quoque interdictum datur *l. 1. §. 27. l. 3. §. 9. l. 17. de vi.* Idem obtinet, si quis ab eo, qui melius jus habet, deiciatur, nam juste etiam dejecto competit interdictum, spoliatus enim ante omnia restituendus §. 6. I. *de interd. l. 6. 7. C. unde vi. c. 5. 7. X. de restit. spoli.* Cæterum ut hoc casu delictum, si quod subest, non respicit dejectum, sed Magistratum, ita si hic, ut sæpe fieri solet, auxilium suum promte non impertiatur, sanctio illa positiva, magna cum iniquitate est conjuncta: Inter liberas autem gentes & Status imperii Germanici illa plane non obtinet *v. SPECIM. JUR. PUBL. l. 2. c. 9. §. 49.*

§. 12. Datur interdictum contra deicientem, etiamsi juste de-
jece-

jecerit, de quo proxime dictum, mandantem, mandatarium ac rati-
habentem *l. 1. §. 12. 13. 14. de vi.* quod tamen non aliter accipiendum
videtur, quam quatenus possident, aut, cessante possessione, æstimatio
damni ab iis petitur. Contra tertium non competit *l. 7. unde vi* sed
juxta æquitatem, & jus canonicum, *c. 18. X. de restit. spoliat. c. 3. Caus. 3.*
qu. 1. aliud obtinet *v. §. 7.* quod si autem tertius meliori magisque
evidenti jure nitatur, tum actio erit inefficax. Hæredes, qua pos-
sessores, quoque conveniuntur, ad damni vero æstimationem eatenus sal-
tem tenentur, quatenus ad eos pervenit *l. 1. §. fin. l. 2. 3. 9. de vi* quod
ultimum, positivum & quodammodo iniquum est.

§. 13. Contra parentes, non interdictum unde vi, sed, detracta
mentionem violentiæ, actio in factum datur, nisi armata vi liberos ex-
pulerint *l. 1. §. 43. de vi.* Ex furto tamen parentes actione furti fa-
mosa conveniuntur *l. 52. §. 6. de furt.* nam ejus forma semper certa
est, violentiæ vero, vaga quodammodo & incerta, hinc reverentius
agendum. Hodie sollicitudinis illius Romanæ nullus, vel certe exi-
guus, est usus.

§. 14. Competit interdictum ad recuperandam possessionem re-
rum immobilium, & quæ in iis fuerunt, mobilium *l. 1. §. 3. 6. 32. de*
vi. Hodie indistincte res immobiles & mobiles huc pertinent *v. §. 8. h.*
Quod si res perierit, etiam sine de jicientis culpa, æstimatio præstanda
est *l. 1. §. 33. 34. eod.* non minus quoque cætera damna refarciri ac fru-
ctus, etiam percipiendi, præstari debent *d. l. 1. §. 31. 40. 41. l. 4. C. eod.* ac
potest damni æstimatio læsi jurejurando definiri *l. 9. C. unde vi.* In
Saxonia reus æstimationem injuratam præstare vel juramento mino-
rationis eam minuere tenetur. CARPZOV. in *P. tit. 12. art. 4. n. 42.*
add. LAUTERB. C. J. de vi & vi.

§. 15. Interdictum retinendæ possessionis est actio realis, qua res
a actibus turbativis arrepta, à turbantibus, cum sua causa, repetitur. De
ejus fundamento idem dicendum, quod diximus §. 7. est scilicet
vel dominium aliudque jus reale, ob possessionem præsumtum, vel ipsum
jus possessionis. Alii interdictum hoc personale dicunt, ac ex delicto
turbationis repetunt, sed prior sententia veritati magis videtur consen-
tanea, interim, cum saltem detur contra turbantes, in effectu nihil in-
terest, si hoc, si illud asseras: *v. OBSERV. LAUTERB. Obs. 1091.*

§. 16. Datur hoc interdictum ob vim turbativam, qua quis rem alteri non penitus quidem aufert, sed tamen eam arripit, ac sibi quoque possessionem asserit hinc actio hæc possessorem certo respectu tuetur & oppugnat, seu, retinendæ & recuperandæ possessionis est *add. l. 1. §. 1. 4. uti possid.* Cumque duo possessionem sibi asserant, adeoque singuli adversarium pro turbatore habere possint & soleant, hinc interdictum hoc dicitur *duplex*, in quo uterque actor & reus esse potest *l. 3. §. 1. uti possid.* is tamen actor est, qui prior ad judicem provocavit *l. 13. de judic.* aut, utroque simul provocante, quem fors elegit, quo sortis judicio raro opus videtur.

§. 17. Competit interdictum turbatis, &, ex nonnullorum sententia, etiam dejectis, qui animo scilicet adhuc possidere censentur, cujus controversiæ nullus est effectus *v. cap. præc. §. 13. OBSERV. LAUTERB. Obs. 1092.* contra turbantes. *l. 3. §. 2. 3. uti possid.* Quoad probationem vero distingvendum videtur, utrum *turbatus hæcenus quiete possederit*, tum ille probare non debet, sed possessione sua secure nititur, ac interdictum est instar actionis negatoriæ, hinc adversario onus probandi incumbit *v. l. 1. §. 6. uti possid.* an vero *utriusque possessio fere sit æqualis*, tum ab utroque probatio exigitur.

§. 18. Qui igitur possessionem antiquiorem, vel meliori titulo subnixam docuerit, ejus causa erit potior *c. 9. X. de probat.* inprimis vero ille succumbit, qui vi, clam vel precario ab adversario possidet *l. 1. §. fin. l. 2. uti possid. l. 53. de A. A. P.* Quodsi utriusque partis, æqualis sit probatio, utraque in possessione relinquitur *l. 3. præ uti possid.* donec altera in petitorio vicerit, nam, in communi etiam possessione, alter contra alterum, petitorium recte instituere potest, nec multum intererit, actoris an rei partes quis sustineat, cum ab utroque probatio requiratur.

§. 19. Tendit interdictum ad possessionem rerum immobilium & mobilium defendendam, ac res suo modo à turbante repetendas, damnum quoque turbatione datum, idem persequitur, ut & cautionem de non turbando imposterum *v. SCHILTER ad ff. exerc. 47. §. 60. BERGER in resolut. ad LAUTERB. Uti possid. qu. 2.* licet vero hanc indistincte necessariam esse existiment, æquitatis tamen rationem omnino habendam, nec reum, si gravis futuræ turbationis haud suspi-

suspicio, satisfaciendi onere gravandum esse, putem, maxime cum cautio illa sit indefinita ac certo tempore non circumscribatur.

§. 20. De cætero usus interdicti retinendæ possessionis late patet, nam ab *objecto generaliter spectato*, distingvitur in interdictum *Uti possidetis*, quod ad immobilia, & *Utrubi*, quod ad mobilia pertinet, cujus species, ni fallor, sunt interdictum de *homine libero exhibendo*, de *liberis exhibendis & ducendis*, de *migrando*, forte etiam de *glande legenda & de mortuo inferendo*, nisi hæc duo posteriora malis referre ad species interdicti *Uti possidetis*, cujus totius controversiæ nullus est effectus, quemadmodum etiam interdictum *Utrubi* cum allatis speciebus, raro usum hodie habere videtur. v. OBSERV. LAUTERB. *Obs.* 304. 1103. seqq.

§. 21. Interdictum autem, *Uti possidetis*, ad varias res immobiles iisque innexa jura extenditur, hinc non tantum, ex veteri formula, in *directum & utile*, quo quasi possessio rerum incorporalium, quas seorsim occurrere, male vulgo credunt, defendi dicitur, distingvitur v. LAUTERB. *C. J. Uti possid.* sed & vel à *speciali objecto*, vel à *modo turbandi*, specialia sortitur nomina, hinc interdictum de *superficiebus*, de *itinere actuque privato*, de *aqua*, de *rivis*, de *fonte*, de *Cloacis*, de *precario*, de *arboribus cadendis* commemoratur, nam his nominibus non nova & pecuniaria interdicta, sed unius varium usum indicari, manifestum est, ut nimis superstitiosum sit, circa singula novam moliri explicationem v. OBSERV. LAUTERB. *Obs.* 1094. seqq.

§. 22. Possent præcedentibus exemplis addi alia: Interdictum de *dominio*, *emphyteusi*, *censu*, *feudo*, *usufructu*, *pignore*, & si quæ ejus generis alia nomina adhuc suppetunt, modo memineris, his & præcedentibus nominibus, non tantum interdictum *Uti possidetis*, sed &, *Unde vi*, aliquando indicari. Ad eandem etiam classẽ pertinent illæ Pandectarum rubricæ: *ne quid in loco sacro fiat: de locis & itineribus publicis* aliæque plures, nam & iis, multiplex interdicti, *Uti possidetis*, usus ostenditur. Interdictum *quod vi aut clam*, ejusdem interdicti exemplum est, quamvis eo nomine etiam a iõ damni quandoque significetur v. OBSERV. LAUTERB. *Obs.* 1096. seqq.

§. 23. Illud circa actiones possessorias in genere observandum puto, earum durationi nullum certum tempus esse præstitutum, sive, eas præscriptioni peculiari non subjacere, nam dantur illæ ob *juris evi-*

dentiam, hinc durant aut pereunt, prout circumstantiæ, quæ evidentiam producant, vel adhuc urgent, vel vim amiserunt. Quando igitur vulgo dicitur, quod certum aliquod interdictum 30. annos duret, vel anno terminetur, illud omne inane & sine effectu esse puto v. OBSERV. LAUTERB. *Obs.* 1080. 1083. 1090. 1105. Quodsi autem jus omne præscriptione sublatum sit, tum sine dubio etiam cessant remedia possessoria; sic interdictum de glande legenda, triduo præscribitur, quia omne jus hoc tempore excluditur.

§. 24. Ex eodem fundamento etiam fluit, quod tempus, quod ad fundandum interdictum, in acturo requirere solet Prætor Romanus, v. gr. ut quis per annum, vel minimum in eo, triginta dies possederit v. l. 1. §. 23. *de tim. act. que priv.* non sit captandum, ac præcise exigendum, nam an possessio, pro aliquo, excitet præsumptionem nec ne, id unice à momentis temporum non dependet, sed in eâ producenda, vel temporis simpliciter spectati, vel aliarum quoque circumstantiarum aliqua est efficacia, quorum adeo omnium cordatus iudex rationem merito habebit.

§. 25. Quodsi remedia possessoria cum petitoriis comparemus, tum variæ regulæ, eorum intuitu, inculcari solent, quæ vel *actionum naturam* indicant, vel, qui ex *libertate* fieri possit, ostendunt, vel quid per *regulas prudentiæ* aut, ex *præscripto juris positivi*, faciendum sit, doceant, id quod exemplis, à LAUTERBACHIO C. J. *de interd. commemoratis*, illustrabimus.

§. 26. Primi generis regula est: *petitorium absorbet possessorium v. c. 5. X. de caus. poss. & propriet. l. 14. §. fin. de except. rei judic.* quando enim, de jure principali, lis penitus absoluta est, de possessione quoque simul transactum. Quodsi vero regula ita accipiat, post *causæ conclusionem in petitorio, non esse licitum, regredi ad possessorium v. d. c. 5.* tum non tam indicat, quid natura harum actionum, quam potius quid lex positiva exigat.

§. 27. Ad secundum genus pertinet hæc: *instituto petitorio, actor, eo omisso, ante causæ conclusionem sententiam, potest instituere possessorium v. l. 12. de A. A. P.* quamdiu enim lex positiva obicem non ponit, pro libertate pronuntiandum, recedentem tamen, adversario, ad refusionem impensarum, teneri, dicendum videtur add. CARPZ.

I. R. sp.

I. Rsp. 42. n. 8. Ex tertio genere est: *commodius est agere possessorio, ubi sufficiunt leves probationes, quam petitorio l. 24. de R. V.*

§. 28. Denique ad quartum genus hæ referri possunt (1.) *solo possessorio instituto, iudex de proprietate judicare nequit, licet ex actis de justa petitorii causa constet l. 18. comm. divid. l. fin. C. de fideicom. libert. nisi clausula salutaris in libello sit adjecta* (2.) *solo petitorio instituto, iudex de possessorio judicare non potest, licet de illo constet ex actis c. f. X. de caus. posses. & propriet. v. CARPZOV. l. Rsp. 33. 72. 73.* Utraque regula corruptionem fori redolere videtur, nam alias justum est, ut iudex una sententia, si fieri queat, omnem litem tollat *add. Decif. Saxon. 13.*

§. 29. Ulterius (3.) *Possessorium & petitorium coram eodem iudice institui, tractari & finire debent l. 1. §. f. de aqu. quotid. l. 36. de R. V. l. 35. de A. A. P. l. 62. de judic. l. 7. §. f. de liber. caus.* Sed illa regula rationibus certis non nritur, aut ad iudices pedaneos pertinuisse videtur, hinc ex usu Territoriorum cognoscendum, an illa hodie obtineat. (4.) *Causa possessorii prior, petitorii posterior est l. 3. C. de interd. l. 13. C. de R. V. & hoc ordine inverso, adversarius potest appellare l. 1. C. de appell.* quæ regula tum demum obtinet, quando causa possessorii est præjudicialis, nam alias Reus actoris imprudentia potest & debet esse contentus.

§. 30. Porro (5.) *Possessorium retinendæ possessionis, non potest cumulari cum petitorio l. 1. C. de furt. l. 16. C. de inoff. l. 188. de R. J. l. un. C. de alien. judic. mut. c. 5. X. de appell.* Cessat vero cumulatio, ex interpretum sententia, non propter legis prohibitionem, sed actionum naturam, contraria enim conjungi non possunt, quo pertinent textus allegati. Enimvero interdicta retinendæ possessionis etiam præsupponunt adversarium, suo modo possidentem, adeoque cum petitorio natura sua, cumulari omnino possunt, ut adeo, fallente ratione, regula cessare videatur.

§. 31. Interim fateor, formalem horum remediorum conjunctionem haud consultam esse, instituto tamen possessorio, jura petitorii, illius juvandi gratia, immisceri possunt, id quod etiam dicendum arbitror de regula, quam (6.) proferunt: *Possessoria acquirendæ & recuperandæ possessionis, non possunt cumulari cum petitorio l. 1. C. de appell.*

sed jure Canonico & usu fori cumulari possunt c. 3. seqq. X. de caus. poss. & propriet. judex tamen pro arbitrio mandare potest, ut partes hoc vel illud agant c. 2. X. d. t. c. 24. X. de elect. nam legis aliqua prohibitio hic frustra subesse existimatur, hinc omnis ista res, juxta prudentiæ præscriptum, expedienda est.

§. 32. De eo etiam quæri potest, *an distinctio remedii possessorii & petitorii, mero jure naturali obtineat?* Negare id videtur GROT. de J. B. P. l. 3. c. 20. §. 48. sed, cum diversus jurium status, non à lege positiva sit, sed ex circumstantiis, apud omnes gentes occurrentibus, resulter, dicendum omnino erit, quod jus naturæ, tam quoad liberas gentes, quam homines privatos, exigat, ut ei, cujus jus maxime est liquidum, tamdiu res relinquatur aut detur, donec aliter plenius jus probaverit, quo ipso discrimen remedii possessorii & petitorii emergit, quod etiam, ex laudati Juris præscripto, eo magis erit observandum, quo magis, inter privatos, processus sunt tardi & involuti v. OBSERV. LAUTERB. Obs. 1081.

§. 33. Ex eodem etiam fundamento liquet, quod discrimen *possessorii ordinarii & summarii*, juri naturali non sit incognitum, poterit enim alterius possessio, esse valde *liquida*, alterius vero *melior*, sed *obscura*, illi igitur remedio summario succurrendum erit, donec hic processu ordinario jus suum deduxerit, cui etiam hoc remedium aliquando erit necessarium, si nimirum meliorem quidem possessionem, sed non melius jus, quoad rem ipsam, docere queat. Interim in genere verum videtur, homines de discrimine petitorii & possessorii, hujusque vel ordinarii, vel summarii, non adeo futuros esse sollicitos, si controversiæ ortæ, ex æquo & bono terminarentur, non per longas ambages ducerentur.

CAPUT IX. DE PRÆSCRIPTIONE.

SUMMARIÆ.

Facto quodammodo similis est præscriptio §. 1.
Desiderata circa eam, tam quoad legislationem
quam doctrinam §. 2.
Ejus indoles §. 3.
Divisiones suspectæ §. 5.
Veræ ratione objecti §. 6.

Finis §. 4.

Temporis §. 7.
Modi §. 8.
Omnis præscriptio præsupponit jus efficax §. 9.
Intelligendis requisitis tres casus sunt distinguendi §. 10.
Præscriptionis translativæ quinque sunt requisita
§. 11.

Justus

Iustus titulus §. 12. 13. 14. 15.

Bona fides §. 16. Possessio §. 17.

Continua §. 18. 19.

Res habilis §. 20. 21.

Et lapsus temporis §. 22.

Præscriptio longissimi temporis §. 23.

Est vel subsidiana §. 24. 25.

Vel principalis §. 26. 27.

Pupillis præscriptio non obest §. 28.

Præscriptio quadragenaria §. 29.

Ad præscriptionem constitutivam requiritur possessio §. 30.

Lapsus temporis & rei habitas §. 31.

Ad extinctivam possessio libertatis ac lapsus temporis desiderantur §. 32.

Hujus varietas quoad causas civiles §. 33.

Et criminales §. 34.

Rei habitas, titulus & bona fides hic non requiruntur §. 35.

Causa corruptæ legislationis §. 36. 37.

Præscriptionis subiectum §. 38. 39.

An etiam regalia præscribantur §. 40. 41.

Præscriptionis materia §. 42.

Et effectus §. 43.

§. 1.



Uemadmodum pactis jura transferuntur & extinguuntur, ita in civitatibus, si non omnibus, certe plebisque, in eundem usum, lex positiva aliud instrumentum efformare solet, quod *Præscriptionis* nomine venit, hæc adeo, perinde ut pactum, est generale aliquod jura mutandi medium, ac instar conventionis tacitæ, cumque ejus usus latissime pateat, ideo doctrinæ generalis, post pacta cum connexis explicata, merito instituitur.

§. 2. Uti autem Præscriptionis materia, vitio & varietate legum, valde involuta & intricata est, ita vulgaris docendi ratio, oppido quoque est confusa, id quod ex eo præcipue habet originem, quod præscriptionem, pro modo acquirendi dominium habeant, hujusque adeo intuitu, ejus indolem & requisita tradant, ac illam deinde doctrinam, ad alia jura infeliciter extendant: præterea vulgare præjudicium est, quasi distincta sit præscriptio rerum corporalium, jurium & actionum, ex quo varia dogmata, falsitatis manifesta, profluunt v. OBSERV. LAUTERB. *Obs.* 103. 112. *seqq.*

§. 3. An in tanta incertitudine & confusione, magis ordinate & solide rem hanc sim propositurus, ipse dubito, interim, quid videatur, jam proponam. Præscriptio in genere est *actus, variis requisitis, in primis temporis diuturnitate vel lapsu constans, quo, ob dispositionem legis civilis, jura, sine speciali ejus, cui competunt, consensu, transferuntur, vel extinguuntur.* Non est quidem illa, quatenus à certo tempore vim suam fortitur, ex *jure naturali*, attamen nec huic repugnat, quod utrumque jam supponitur v. OBSERV. PUFEND. *Obs.* 312.

§. 4. Fi-

§. 4. Finis introductæ præscriptionis est, quo *lites in foro civili aliquando cessent*. Ex quo sequitur, jura præscriptionum, quantum fieri potest, *uniformia & perspicua esse debere*, ne alias novis, iisque intricatioribus litigiis, ansam illa præbeant. Hoc autem à legibus Romanis haud esse observatum, facile liquet, nam, in determinandis Præscriptionis requisitis, ultra modum, scrupulosæ & variæ sunt, ex quo magna incertitudo & difficultas exoritur ut dudum præscriptionis materia, intricatissimis fuerit annumerata, hoc vero, cum regulis utilitatis & prudentiæ non convenire, manifestum est, licet alii leges Romanas valde extollant v. HEIG. p. 1. qu. 16. n. 7.

§. 5. Quoad *varietatem* Præscriptionis, primo cavendum est præjudicium, quo diversa rerum corporaliū, juriū & actionū præscriptio esse existimatur, nam tria illa cohererent, & quævis præscriptio illa omnia afficit. Qui rem alterius usucapit, is *dominium & rei vindicationem* simul acquirit: Si lapsu temporis debitor liberetur, *jus & actio* extingvitur, & *res debita* fit libera, & ita porro.

§. 6. Rectius Præscriptio distingvitur (1.) ab *objecto*, in præscriptionem *juriū actionūque realium & personalium* v. l. 1. c. 11. §. 16. hæc vero dum nominamus, varia eorum objecta, puta res proprias, servientes, oppignoratas, debitas, damna, pœnas, easque vel civiles vel criminales, simul includimus. Ea, quæ ad dominium pertinet, dicitur *Usucapio* &, sensu speciali, *longi temporis præscriptio*, quæ olim apud Romanos rebus, tempore & effectu differebant, sed à Justiniano sunt exæquata l. un. C. de usuc. transform. v. STRUV. S. J. C. exercit. 43. §. 5. add. OBSERV. LAUTERB. Obs. 1032.

§. 7. Porro (2) ratione *temporis*, intra quod completur, varie distingvitur Præscriptio. Datur enim aliquot dierum, mensium, annalis, biennii, triennii, quadriennii, quinquennii, decennii, vicennii, tricenaria, quadragenaria, quinquagenaria, immemorialis & centenaria v. STRUV. S. J. C. exerc. 46. §. 28. 29. Eodem pertinet præscriptio *longi*, quæ tribus, decem vel viginti, & *longissimi*, quæ triginta vel pluribus annis completur t. 1. C. de præscript. long. tempor. & de præscript. 30. vel. 40. ann. Sed videtur ista terminorum acceptio esse particularis, ac præcipue ad Usucapionem seu Præscriptionem dominii pertinere.

§. 8. Denique (3.) ratione *modi*, non incommode Præscriptio distingvi videtur in *Translativam*, quæ jura formaliter existentia, sub eadem forma, in alium transfert, Exemplum est in dominio, quod mediante contractu similive actu, cum tertio, celebrato, acquirimus, *Constitutivam*, quæ jura, virtualiter saltem penes alium existentia, sub nova forma alii largitur, exemplum præbent dominium utile & servitutes, quæ, contra dominum verum, hac præscriptione acquiruntur; & *Extinctivam* seu *Privativam*, quæ jura nobis molesta extingvit, id quod, in servitutibus & actionibus personalibus tollendis, conspicitur: Suboluit ista divisio JCto in l. 4. §. *fin. de usurpat.*

§. 9. Requisita Præscriptionis quod attinet, id in genere satis manifestum est, quod quævis præscriptio jus aliquod præscribendum præsupponat, hinc vulgata regula: *agere non valenti, non currit præscriptio* l. 1. §. 2. in *fin. C. de annal. except.* privatio enim præsupponit habitum, & quod nondum est, præscriptione tolli nequit. Pertinet vero ista regula ad ejusmodi casus, ubi jus quidem aliquod adest, sed nondum efficax, hoc enim, antequam vim suam exserere possit, nondum adesse censetur v. l. 1. *C. de bon. matern. l. 30. C. de jur. dot. l. 7. §. 4. C. de præscript. 30. vel. 40. ann.* nam si alicui nullum penitus jus competat, de ejus præscriptione non temere movebitur quæstio.

§. 10. Specialior requisitorum explicatio, videtur omnino instituenda esse, juxta tres Præscriptionis species, quas §. 8. adduximus, sive, quod eodem recidit, intelligendis requisitis, triplex casus est distinguendus, vel enim (1.) quis in conditione præscribendi, per tertium est constituendus, vel (2.) ipse præscripturus, directe, contra alterum, præscriptionem inchoat, vel (3.) præscriptio oritur ob cessationem ejus, cui jus competit, quique per præscriptionem est excludendus.

§. 11. Ad primum casum, sive Præscriptionem Translativam, quando scilicet res præscribenda, sine voluntate domini, à tertio in aliquem transfertur, pertinent quinque illa, vulgo laudata, requisita: *justus titulus, bona fides, possessio, res habilis & lapsus temporis*, quæ adeo parum recte, velut generalia, vulgo inculcantur v. OBSERV. LAUTERB. *Obs. 1034.* nos singula breviter perlustrabimus.

§. 12. Primo requiritur *justus titulus* i. e. talis actus, quo dominium similiaque jura transferri possunt l. 24. *C. de R. V. l. 4. C. de long. tem.*

tempor. præscripti. debet autem titulus esse verus, tam ratione facti *L. 27. de usurp. §. 6. l. de usucap.* quam juris, hinc si quis titulo improposito, sciens vel in jure errans, rem acquirat, usucapio non procedit *L. 31. pr. l. 32. §. 1. de usurp. l. 2. §. 15. pro emt.* Aliquando tamen, sine omni vel valido titulo, præscriptio procedit, ob errorem facti *L. 13. §. 1. de usurp. l. 2. §. 15. 16. l. 14. pro emtor. l. 5. §. 1. pro suo*, quo casu titulus *pro soluto, l. 46. 48. de usurpat.* vel *pro suo* specialis *l. 2. 3. 4. pro suo* fingi solet, sed sine ulla necessitate v. OBSERV. LAUTERB. *Obs.* 1041. 1043.

§. 13. Possunt autem varii esse tituli, *pro emtore, donato, derelicto*, quando scilicet non dominus rem derelinquit, atque ita aliis velut donat *l. 4. 6. pro derel.* Porro *pro legato*, *pro dote*, non minus ex *permutatione & transactione*, præscriptio quoque oriri potest. Laudatur etiam titulus *pro suo generalis*, qui cum aliis concurrat *l. 27. 32. pr. de usurp. l. 1. pro suo* sed eo ipso patet, esse illum, non titulum, sed aliū tituli, novum & otiosum nomen.

§. 14. In specie quoque occurrit titulus *pro hærede*, sed ille valde controversus est, potest tamen triplici modo, non incongrue explicari (1.) *si verus hæres possidet rem non hereditariam* v. gr. defuncto commodatam *l. p. pro hered.* cum enim ex legato rei alienæ, usucapio sequatur, cur non etiam, ex successione in rem alienam, nam & in ea, donatio aliqua latet? fuit quidem illa sententia, apud Romanos, dubia *d. l. pen. imo improbata l. fin. C. pro hered.* sed ratio & textus alter merito prævalent.

§. 15. Ille etiam titulus, *pro hærede*, erit, si (2.) *hæres rem, quam defunctus mala fide possidebat, propria bona fide, ex sua persona, usucapit.* In primo exemplo, defunctus non potest usucapere ob defectum tituli, in hoc, ob malam fidem, sed in hærede, titulus & bona fides concurrunt, adeoque præscriptio recte asseritur (3.) *si non hæres, hereditatem possidet, tunc contra verum hæredem præscribit*, nam nihil vetat, quo minus hic quoque præscriptionem, ex titulo, pro hærede, procedere existimemus v. OBSERV. LAUTERB. *Observ.* 1042.

§. 16. Secundo requiritur *bona fides* *pr. l. de usucap. l. 109. de V. S. & quidem jure Civili saltem ab initio, vel tempore traditionis, vel aliquando etiam, contractus l. 15. §. f. l. 44. §. 2. l. pen. de usurp. l. 48. §. 1. de A. R. D.* sed jure Canonico, omni tempore adesse debet *c. fin.*

X. de

X de præscript. quod hodie observatur, ex lapsu tamen temporis bona fides præsumitur, donec mala fides probetur v. OBSERV. LAUTER. *Obs. 1128.* De cætero bona fides est ignorantia, quæ rem, invito domino, nos tenere ignoramus, hinc mala fides, non est quævis scientia, sed illa demum, qua invito domino, rem nos possidere intelligimus v. c. 7. §. 20. nam ex relatione ad dominum, ac proposito illum lædendi, ista res est definienda.

§. 17. Tertio requiritur *possessio*, non antea igitur currit præscriptio, quam res fuerit tradita *pr. l. de usucap. l. 25. de usurp.* debet vero esse possessio habilis, quæ scilicet, animum habendi jus illud, de quo queritur, involvat *l. 13. pr. de usurp. l. 55. de O. & A.* & tantum præscribitur, quantum possidetur *l. 30. de usurp.* Requiritur porro possessio continua *l. 3. de usurp. l. 2. C. de præscript. long. temp.*

§. 18. Quodsi tamen possessor moriatur, jacente hæreditate, præscriptio, bona fide cæpta, currit *l. 31. §. p. l. 44. §. 3. de usurp.* eamque hæres, post aditionem, continuat, licet ipse in mala fide sit *§. 7. l. de usucap.* sed hodie ejus bona fides quoque est necessaria. Si vice versa defunctus fuerit in mala fide, hæres usucapionem continuare nequit, licet habeat bonam fidem *d. §. 7. l. 11. de divers. temp. præscript. l. 11. C. de acquir. possess.* Ex sua tamen persona, rem, pro hærede, præscribere potest v. §. 15. n. 2. h.

§. 19. Continuatur quoque possessio per successorem singularem *§. 8. l. de usucap. l. 13. §. 10. 11. de A. A. P.* modo uterque sit in bona fide *l. 2. §. 17. pro emt.* quod hodie indubium est v. CARPZOV. p. 2. C. 7. D. 17. Potest tamen, si antecessor malam fidem habuerit, successor bonæ fidei, ex sua persona, præscriptionem inchoare & absolvere *l. 5. de divers. temp. præscr.* modo res, per alienationem, non fuerit vitiosa redita *§. 2. in fin. l. de usucap.* diverso autem tempore illa præscriptio completur. *auth. malæ fidei C. de præscript. long. temp. Nov. 119. c. 7.*

§. 20. Quarto requiritur *res habilis*. Debet ergo in commercio *l. 9. de usurp.* & respectu præscripturi, aliena v. OBSERV. LAUT. *Obs. 1035.* ac a vitio immunis esse. Res igitur furtiva & vi possessa præscribi nequeunt *§. 2. l. de usucap.* hinc nec res amotæ *l. 29. rer. amot.* nec ex veriori sententia, res hæreditariæ, mala fide alienatæ, licet alii dissentiant ob *l. l. §. 15. si is qui testam. lib. l. 68. seqq. de furt. v. OBSERV.*

LAUTERB. Obs. 1037. Quodsi res immobilis vacua, occupata sit, à b. f. possessore illa præscribi poterit §. 2. *I. de usucap. Nov. 119. c. 7.* nam talis occupatio, violentæ quidem comparatur, quoad interdictum unde vi *l. fin. C. unde vi*, sed non, quoad impediendam præscriptionem.

§. 21. Impedit autem vitium rei, præscriptionem, etiam quoad bonæ fidei possessores §. 2. *I. de usucap.* aliquando vero vitium purgatur, si domino, rei nomine, satis fiat *l. 4. §. 13. de usurp.* vel res in ejus potestatem revertatur *d. l. 4. §. 6.* nam si tum denuo licite alienetur, vitium olim contractum, & reditu sublatum, usucapioni haud obest §. 3. *I. de usucap.* Quodsi dominus rem oppignoratam creditori surripiat, res non fit vitiosa *l. 4. §. 21. de usurp. l. 5. pro emtor.* nam ratione domini, furtum non est commissum: contraria quidem sententia aliis placuit *l. fin. de usurp. l. 6. C. pro emtor.* sed illa, velut ratione destituta, merito negligitur v. **OBSERV. LAUTERB. Obs. 1038.**

§. 22. Denique quinto requiritur *lapsus temporis*. Et quidem jure civili quoad res mobiles, triennium, quoad immobiles, decennium vel vicennium est necessarium *pr. I. de usucap. l. un. C. de usucap. transform.* estque illud tempus, continuum *l. 26. §. 4. ex quib. caus. major.* & computatur civiliter de die in diem, hinc dies inceptus habetur pro completo *l. 6. 7. de usurp. l. 15. de divers. tempor. præscript.* quod non visum fuit **CARPZOVIO** p. 1. *C. 16. D. 8.* Jure Saxonico, in mobilibus, annus & dies, in immobilibus triginta anni, annus & dies Saxonicus requiruntur **WEICHBILD. art. 21. Landrecht l. 1. art. 29. v. PHILIPP. us Pr. Eclog. 31.**

§. 23. Exinde oritur præscriptio longi temporis. Sicut vero aliquando breviori tempore præscriptio absolvitur, nam v. gr. hæreditas testamento inofficiolo data, quinquennio præscribitur, *l. 8. §. 10. fin. ff. l. 34. in fin. l. 36. §. 2. C. de inoff. testam.* ita nonnunquam longius tempus, triginta vel plurium annorum, ad eam requiritur, quæ longissimi temporis præscriptio audit v. §. 7. *b.* quæque, ut mihi quidem videtur, est vel *subsidiaria*, vel *principalis*, liceat enim terminis hisce diversitatem, quæ hic subest, exprimere.

§. 24. Subsidiariam dico, quæ præscriptioni longi temporis surrogatur eo casu, quando nonnulla requisita, ut bona fides, titulus vel rei habilitas, huic desunt, quæque adeo defectum illum, longioris temporis lapsu, compensat & supplet. Hoc modo ergo præscribuntur (1.)

res

res sine titulo (2.) vitiosæ, bona tamen fide possessæ, sed saltem ad effectum exceptionis, non actionis *l. 8. §. 1. C. de præscript. 30. vel 40. annor.* Quodsi ipse fur, raptor vel invasor rem vitiosam possideat, tum eam præscribit ad effectum exceptionis, ex sententia *STRUVII S. J. C. exercit. 43. §. 20.* imo vitium furti plane tollitur ex doctrina *CARPZOVII p. 2. C. 3. D. 16. add. p. 4. C. 39. D. 6. & VINN. in not. ad l. de usucap. §. 2.* sed verius est, quod vitiosus possessor plane non præscribat *l. 8. §. 2. C. de præscript. 30. vel 40. annor. v. STRUK. in not. ad LAUTERB. C. J. de usurp. ad p. 576.*

§. 25. Inprimis subsidiaria est, præscriptio immemorialis, cujus in contrarium non exstat memoria, quod interdum etiam paucioribus quam centum annis fieri solet *v. CARPZ. p. 1. C. 16. D. 74 p. 2. C. 1. D. 7.* in hac nihil, nisi possessio & animus habendi, spectandum videtur, hinc etiam vitiosus possessor hoc modo plene rem præscribit *add. LAUTERB. G. J. de usurp. in fin.* Cæterum dum præscriptionem hanc, subsidiariam dicimus, ideo non negamus, quin tempus immemoriale, etiam circa præscriptionem, suis requisitis constantem, occurrere possit.

§. 26. Præscriptio longissimi temporis, principalis est, quando ob favorem nonnullorum dominorum, longius tempus requiritur, hinc probabile est, quod circa eam, perinde ut circa longi temporis præscriptionem, cætera omnia requisita adesse debeant. Exigitur autem aliquando tempus *30. annorum*, ut (1.) circa res liberorum adventitias, a patre alienatas, & currit demum tempus ex eo, quo patria potestas soluta *Nov. 22. c. 24. l. 1. cum auth. nisi tricennale C. de bon. que liber. (2.)* res immobiles, quas m. f. possessor, ignorante domino, in b. f. possessorem transtulit *Nov. 119 c. 7. auth. malæ fidei: C. de præscript. long. temp. (3.)* hæreditatem, successione testamentaria vel legitima, à non hærede acquisitam *l. 7. C. de hæred. petit.*

§. 27. Eadem præscriptio tricennalis videtur etiam pertinere (4.) ad fundum dotalem, à marito alienatum *l. 16. de fund. dot. (5.)* res testamento alienari prohibitas *l. 2. de usucap. pro emt. junct. l. 4. C. de præscript. 30. vel 40. ann.* quamvis alii tempus immemoriale intuitu harum rerum requirant *v. STRUV. S. J. C. exerc. 43. §. 24.* Inprimis illa spectat (6.) ad res Minorum. Olim hæ poterant ufucapi, salvo

restitutionis in integrum beneficio *l. un. C. si adv. usucap.* sed non præscribi *l. 3. C. quib. non objic. long. temp. præscript.* sed postea usucapio, eique exæquata longi temporis præscriptio, ipso jure improbata est, ut neque contra minorem incipiat, neque cœpta currat, & præscriptio 30. annorum saltem admissa *l. fin. C. in quib. caus. restitut. in integr. necess. non est l. 3. C. de præscript. 30. vel 40. ann. add. STRUV. Exerc. 43. §. 10. n. 6.*

§. 28. Pupillis vero ne quidem longissimi temporis præscriptio nocet *l. 48. de A. R. D. l. 10. quemadmodum serv. amitt. l. 3. C. de præscript. 30. vel 40. annor.* cujus rei is est effectus, ut ætas pupillaris præscriptioni eximatur. Quod si vero pupillus, etiam sine tutoris autoritate, rem alienam vendiderit ei, qui illum puberem esse putabat, tum præscriptio longi temporis obtinet *l. 2. §. 15. pro emt.* hæc enim non pupillo, sed tertio nocet. Idem videtur dicendum, si res pupilli propria, in ignorantem alienetur, nam & tum invalida alienatio longo tempore forte confirmatur, salvo tamen restitutionis beneficio *arg. d. l. 2. §. 15. pro emtor. l. 4. §. 11. de usurpat. l. 4. §. 24. de dol. & met. exc. v. STRUV. d. exerc. 43. §. 10. n. 5.*

§. 29. Aliquando præscriptio longissimi temporis requirit 40. annos, ut (1.) quoad res principis patrimoniales *l. fin. C. de fund. patrimon.* (2.) immobiles Ecclesiasticas *l. 23. C. de SS. Eccles. Nov. III. c. 1. Nov. 131. c. 6. cap. 6. X. de præscript.* (3.) aliorum piorum locorum *v. CARPZ. p. 2. C. 5. quibus addunt (4.) res civitatum arg. l. 9. de usurpat. d. Nov. III. c. 1. Nov. 131. c. 6.* sed argumentum illud vix probat: In Saxonia Electorali illæ subsunt præscriptioni 30. annorum, anni & diei Saxonici *p. 2. C. 6. (5.) fiscales v. LAUTERB. C. J. de usurp. in fin.* sed uti, quoad res quasdam, fisco nondum incorporatas, brevior præscriptio obtinet *v. OBSERV. LAUTERB. Obs. 1039.* ita contra fiscum regulariter omnis præscriptio videtur neganda *l. 6. C. de præscript. 30. vel 40. annor.* nam argumentum generale ex *l. 4. C. eod.* desumptum, contrarium non videtur probare *add. STRUV. S. J. C. Exerc. 43. §. 19.*

§. 30. Hactenus de requisitis Præscriptionis Translativæ. Quoad Constitutivam, qua quis directe, in re alterius, jus sibi acquirere intendit *v. §. 10. requiritur (1.) possessio,* qua quis affectum habendi ostendit, quæque, pro ratione juris acquirendi, diversa omnino est. præter-

præterea non vi, clam aut precario debet exerceri, quod passim in Jure Romano inculcatur, nam hæc vitia animo habendi resistunt, adeoque acquisitionem impediunt: Res igitur meræ facultatis, i. e. jura, quorum intuitu, alius non habet possessionem, nunquam præscribuntur *v. l. 2. de via publ. & itin. publ.* OBSERV. LAUTERB. *Obs. 1036.* STRUV. *S. J. C. exerc. 43. §. 22.*

§. 31. Postea requiritur (2.) *lapsus temporis*, per quod possessio continuari debet, & obtinent hic ea, quæ §. 7. proposui, quodsi ob favorem domini, longius tempus requiratur, secundum tradita §. 26. *seqq.* illud etiam in hac præscriptione observandum erit, *Rei habitas* hic quoque requiritur, sed cum ea ut plurimum adsit, ideo raro de ea quæritur, *Titulus* vero non est necessarius *l. 10. si serv. vindic. v.* OBSERV. LAUTERB. *Obs. 216.* quemadmodum etiam *Bona fides*, ex ignorantia resultans, non requiritur, nam scientia, malam fidem hic non involvit *v. §. 16. h.* Ex quibus sequitur, quod præscriptio subsidiaria, de qua §. 24. locum hic non habeat, licet aliis contrarium videatur *vid. LAUTERB. C. J. de usifr. lit. C.*

§. 32. Ad præscriptionem Extinctivam, qua quis jus alterius molestum saltem extinguere intendit *v. §. 10. h.* requiritur (1.) *possessio libertatis*, quæ diversimode acquiritur, aliquando *contradictione*, ut si quis exactioni servitiorum contradicat, ac exigens acquiescat, *susceptione actus contrarii*, in servitutibus negativis, vel *sola cessatione ejus cui jus competit*, nempe in servitutibus affirmativis, jure pignoris & juribus personalibus *v. OBSERV. LAUTERB. Obs. 260. 1126* (2.) *lapsus temporis*, per quod possessio non interrupta durare debet.

§. 33. Hoc autem varium est, nam regulariter servitutes extinguuntur longo tempore *l. 13. C. de serv.* jus pignoris ab extraneo possessore bonæ fidei, longo tempore *l. 1. 2. C. si advers. credit. præscript. opp. l. fin. C. de O & A.* malæ fidei, triginta, debitore & hæredibus, 40. annis præscribitur *l. 7. C. de præscript. 30. vel 40. annor.* jura & actiones personales, quæ rem vel pœnam pecuniariam persequuntur, regulariter 30. annis tolluntur *l. 3. C. d. 1.* quodsi tamen favor personarum longius tempus, in aliis præscriptionibus requirat, juxta doctrinam §. 26. *seqq.* *h.* tum illud etiam hic erit observandum. Aliquando certis juribus brevè vel longius tempus specialiter statutum est, quod in locis propriis, distin-

distinctius apparebit *add.* LAUTERB. *C. J. de divers. & tempor. præscript.*

§. 34. Persecutiones criminales regulariter 20. annis præscribuntur *l. 12. C. de fals.* quædam vero breviori tempore tolluntur, ut adulterium quinquennio *l. 28. C. de adulter.* quædam nulli præscriptioni subjacent, ut apostasia aliaque crimina graviora. Sed hanc exceptionem, ex male intellectis nonnullis textibus, esse exortam, & omnia illa crimina consæto tempore posse præscribi, ostendit DN. THOMAS. *in dissert. de Præscript. Bigam. hab. Lips. 1685. add.* OBSERV. LAUTERB. *Obs. 1124.* de quibus omnibus, in sede cuiusvis juri propria, specialius erit agendum, nam hic locus delineationem generalem saltem exigit.

§. 35. De *Rei habilitate*, in præscriptione extinctiva, nulla est quæstio, cum enim de jure constituti extinctione agatur, rei habilitas necessario præsupponitur. *Titulus* quoque hic non intervenit nec *bona fides* requiritur. Vulgo tamen tam ad Constitutivam quam Extinctivam præscriptionem, bonam fidem, necessariam esse putant, quæ sententia, in nonnullis licet judiciis recepta, ratione solidâ non nititur, sed omnem potius præscriptionem fere evertit. Inprimis non liquet, quomodo ad præscriptionem criminum, ignorantiam præscribentis, requirere possis *v.* OBSERV. LAUTERB. *Obs. 1125. 1127.*

§. 36. In hunc modum Præscriptionis requisita repræsentanda esse videntur: Illud autem facile liquet, nimis illa esse captiosa, ac excitandis litibus aptissima. Si in causam variæ hujus Legislationis inquiras, forte non improbabile est, si rescripta nonnulla largitionibus implorantium esse obtenta dicas: quædam vero sanctiones, ex æquitatis cujusdam opinione, originem habere possunt, cum enim præscriptio aliquam iniquitatis habeat speciem, forsitan existimatum fuit, eam vario requisitorum apparatu esse constringendam.

§. 37. Sed illa excusandæ Legislationi non sufficiunt: Si præscriptio, iniqua esse creditur, satius est, eam penitus tollere, si vero cum regulis æquitatis conciliari posse videtur, requisita plana, pauca & uniformia sunt constituenda. Non rectius igitur negotiis humanis & Jurisprudentiæ prospici posse existimem, quam si ad præscriptionem, nihil nisi *continua possessio & lapsus temporis*, nec nimium brevis, nec longi, requiratur, nullo vel modico personarum & rerum facto discrimi-

crimine, nam quæ subesse videtur iniquitas, ea utilitate publica facile pensabitur, eos tamen, qui manifesto scelere, v. gr. furto, rapina aut prava administratione possessionem nacti sunt, à præscriptionis beneficio excludere liceret.

§. 38. His ita deductis, cætera Præscriptionis Capita breviter adiciemus. Præscribere possunt *omnes, qui animum habendi actu externo declarare valent*, etiam filiisfam. ratione bonorum, quæ ipsis acquiri possunt *l. 4. §. 1. de usurp. l. 6. §. 1. pen. C. de bon. quæ lib. pupilli*, absque autoritate etiam tutorum *d. l. 4. §. 2.* furiosi vero non inchoant præscriptionem, inchoatam tamen continuant *l. 1. §. 3. de A. A. P. l. 44. §. 6. de usurp.* quarum sanctionum hodie exiguus videtur esse usus, cum plerumque omnis acquisitio, per tutores & curatores, expediatur.

§. 39. Per procuratorem quoque, præscriptio potest inchoari, modo, nobis scientibus, possessionem adprehenderit *l. 47. de usurpat. nam ad usucapionem requiritur bona fides*, ut ait LAUTERB. *C. j. de usurpat. lit. §.* i. e. ut quis cum effectu dicere possit, se ignorasse rem alienam, scire debet rem ipsam, quæ tamen ratio minime est necessaria, & omnino ad tricas Romanas pertinet, quod aliquando ignorantes, aliquando saltem scientes per procuratorem præscriptionem inchoemus.

§. 40. Præscribitur regulariter contra *omnes subditos*, pupilli tamen excipiuntur *v. §. 28. h.* Contra Imperantem quoque, quoad Regalia, præscriptio immemoralis currit, ex communi sententia *v. STRU. v. §. j. C. exerc. 43. §. 24.* sed eam rejicit DN. THOMAS. *in dissert. de Præscript. Regal. ad jura subditor. non pertinente. hab. Hall. 1696.* ac Imperantem, ab omni præscriptione, immunem pronunciat.

§. 41. Hoc certum, quod leges humanæ, quæ præscriptionem formant, propria vi Imperantem non obligent, quemadmodum etiam consuetæ conjecturæ, quibus inter Gentes liberas consensus tacitus mutandis juribus, asseri solet, adstruendo Imperantis consensui, forte non sufficiunt: Interim tamen communis sententia, æquitate niti videtur, cum enim Imperans, eum in finem, præscriptionem introduxerit, ut per eam, velut aliquod pactum, jura mutentur, ipse etiam contra subditos præscriptione uti soleat, merito quoque ejus vim contra se quo-

que admittere tenetur, maxime si jus, de quo quæritur, non adeo magni sit momenti, nec causa gravis ejus assertionem postulet.

§. 42. Præscribuntur *res corporales & incorporales*; quod tamen non ita accipiendum, quasi separatæ occurrant Præscriptionis species, sed in unaquaque potius, res illas concurrere, dicendum est *v. §. 5. 6. h.* Præscriptioni igitur subjacent *jura publica*, ex communi sententia, de qua proxime dictum, & *privata*, & licet omnis generis jura, v. gr. existimatio, præscripibilia videantur, potissimum tamen de juribus, quæ res & corpus respiciunt, quæri solet. Dominium igitur, servitutes, pignus, jura personalia, ad rem vel pœnam, tam privatam, quam publicam, competentia, præscriptione mutantur, ita quidem, ut, pro casuum diversitate, diversus præscriptionis sit habitus diversaque requisita, id quod uti in præcedentibus generaliter declaravimus, ita in sede cuiusvis juri propria specialiter illud erit tradendum.

§. 43. Effectus Præscriptionis est, ut vel *jura, formaliter jam existentia, in alios transferantur*, idque plene, ut tam excipiendo, quam agendo defendi queant, aut aliquando minus plene, ut solum exceptio possessori competat *v. §. 24. h.* vel ex *juribus alienis particula aliqua decerpatur, ac sub nova forma constituatur*, cujus rei exempla, dominium utile ac servitutes potissimum præbent, vel *jura constituta extingvantur*, ac adeo præscribentis jus imminutum reviviscat ac restituatur, id quod quoad servitutes, pignora ac jura personalia potissimum accidit *add. OBSERV. LAUTERB. Obs. 1129.*

CAPUT X. DE PRÆSCRIPTIONIS IM- PEDIMENTIS.

SUMMARIÆ.

Præscriptio aliquando impeditur §. 1.
Aliquando interrompitur §. 2.
Usurpatione naturali §. 3. 4. Et civili §. 5.
Utriusque effectus §. 6. 7.
Aliquando etiam præscriptio quiescit §. 8.
Ac completa rescinditur §. 9.
Restitutionis tempus §. 10.
Datur præcipue ob absentiam §. 11. 12.

Et quidem vel præsentem contra absentem §. 13.
Cui etiam aliud remedium competit §. 14.
Vel absentem contra præsentem §. 15.
Restitutio exceptione vel actione obtinetur §. 16.
Hæc vetus est actio, novo nomine non insignienda §. 17.
Propter ignorantiam restitutio regulariter locum non habet §. 18.

§. 1. Im-

§. I.



Impedimenta seu contraria Præscriptionis, summarim quadruplicis generis esse videntur, vel enim Præscriptio ab initio *impeditur*, vel currens *interrumpitur*, vel *sistitur*, vel completa *rescinditur*. Primum contingit, si vel præscriptio plane non obtineat, ut quoad pupillos ac, ex sententia nonnullorum, Imperantes, vel si jus præscribendum nondum adsit, vel si necessaria præscriptionis requisita deficiant, id quod ex *cap. præc.* satis intelligitur, ut hic quidem nihil addendum sit.

§. 2. Currens vero Præscriptio secundo interrumpitur *usurpatione*; quæ est *capta & nondum perfecta præscriptionis interruptio, præcedentem annihilans, ac secuturam, si repetatur, impediens*. Est illa vel *naturalis*, quæ fit facto, vel *civilis*, quæ verbis peragitur, ac iterum vel sola interpellatione, vel lite mota, in actum deducitur.

§. 3. Naturalis censetur fieri facto naturæ, ut inundatione *l. 3. §. 17. de A. A. P.* vel hominis usucapiensis, e. gr. mortui illatione *l. 30. §. 1. de A. A. P.* vel tertii, ut furto *l. 5. §. 2. de usurp. l. 7. §. 4. pro emtor. vid. LAUTERB. C. J. de usurp. lit. C.* sed illa doctrina non satis certa videtur, nam, possessionem naturalem istis modis amitti, satis quidem manifestum est, sed quod præscriptio interrumpatur, id quidem ex dictis textibus non apparet, dicendum potius, quod, sicut amissio possessionis corporalis, non aufert jus recuperandi, ita nec turbet præscriptionem, maxime cum injusta interpellatio ejus, qui rem suam esse dicit, præscriptioni non obsit, ceu mox videbimus. Quod si alia legum Romanarum est sententia, eam ad ineptas tricas referre non dubitem.

§. 4. Facto igitur ejus, cujus interest, præscriptio tantum interrumpi videtur, hoc autem, pro casuum diversitate, diversum est; Si quis in conditione usucapiendi sit constitutus, & dominus rem suam aliquo casu recipiat, usucapio erit interrupta: Per pignoracionem, præcipue præscriptio servitutis turbatur *v. STRUV. S. J. C. Exerc. 43. §. 27. 28.* si is, qui servitutem habebat constitutam, ejus exercitium omittat, dominus prædii servientis, in possessione libertatis & præscribendi conditione constituitur. sed si ille servitutem denuo exerceat, præscriptio erit interrupta: qui contra servitutem ædificatum destruit,

itidem libertatis præscriptionem turbavit: Si quis debitorem arrestari curret, dubio procul præscriptionem interrumpit.

§. 5. Civilis usurpatio, quæ interpellando, contradicendo vel litem movendo peragitur, itidem præscriptionem turbat, & singuli illi actus ad hoc sufficiunt, nam affectum conservandi jus, præscripturo satis ostendunt, id quod unice hic spectandum videtur *v. l. 10. C. de acqu. poss.* atque ista sententia etiam de jure civili antiquo defendi potest, licet alii aliter sentiant, cujus disquisitionis hodie nulla est utilitas *v. OBSERV. LAUTERB. Obs. 10. 40.*

§. 6. De cætero tam naturalis quam civilis Usurpationis is est effectus, ut temporis jam elapsi compendium destruat: Secuturam vero præscriptionem non impedit, sed hæc, à tempore interruptionis, de novo currit, nisi usurpatio repetatur, aut mala fides superveniens præscriptioni futura obstet. iis casibus, in quibus bona fides est necessaria. Illud tamen singulare est, quod, si lire mota actor desistat, actio ab hoc tempore, quadraginta annos duret *L. 9. C. de præscript. 30. vel 40. annor.*

§. 7. Usurpatio tamen non aliter interrumpit præscriptionem, quam si *justa* fuerit, id quod ex eventu cognoscendum, hinc si, lite mota, præscribens condemnatur, usurpatione jam olim præscriptio fuit interrupta, si vero absolvatur, injusta lis ejus juri haud obest *v. STRUV. S. J. C. exerc. 43. §. 29.* Illud quoque facile liquet, interruptionem, cum sit facti, ab allegante esse probandam *v. CARPZ. p. 2. C. 3. D. 26.*

§. 8. Tertio præscriptio aliquando sistitur, quando scilicet aliquod tempus ei ita eximitur, ut præcedentium annorum fructus non intercidat, sed, sublato impedimento, præscriptionis cursus continuari ac, si aliud impedimentum non superveniat, ad finem perducere queat, quo casu præscriptio *quiescere* seu *dormire* dicitur. Contingit illud præcipue ob ætatem pupillarem, quæ olim inceptæ præscriptioni eximitur, nec non ob bellum *v. c. 10. X. de præscript. R. J. 1654. §. So viel nun die Capitellen 172.* modo justitium, quod vocant, fuerit *STRUV. Exercit. 43. §. 26. DN. D. PHILIPPI dissert. de præscript. dormiente hab. Lips. 1690.*

§. 9. Denique quarto completa Præscriptio quandoque rescinditur per Restitutionem in integrum. Interest autem aliquid, utrum præscriptionem ipso jure non currere, an completam rescindi dicas, nam illo casu, cessante impedimento, tota præscriptio adhuc foret com-

complenda, hinc per totum tempus, v. gr. decennium aut vicennium, eadem impugnari posset: Hoc vero, ubi scilicet stricto jure completa est, intra quadriennium saltem, à tempore cessantis impedimenti, putandum, everti potest. *l. fin. C. de temp. in integr. restit.*

§. 10. Ex quo etiam liquet, effectum hujus discriminis, pertinere solum ad præscriptiones, quæ tempus, quadriennio longius, exigunt; nam si breve spatium v. g. aliquot mensium, anni vel biennii, ad præscriptionem requiratur, tum res eodem recidit, si ve, eam hæcenus non cucurrisse, si ve completam rescindendam esse, dicas, nam intra tempus consuetum, anni, biennii vel simile, illa erit impugnanda, quadriennium vero locum non inveniet, absurdum enim foret, si tempus subsidiarium petendæ restitutionis, ordinario totius præscriptionis tempore, foret longius *add. l. i. c. 18. §. 14.*

§. 11. Datur autem restitutio contra præscriptionem, ob *justas causas*, quæ arbitrio Imperantis relinquendæ sunt. V. gr. si casu impeditus, jus suum, non urendo, amisit *v. l. 35. de S. P. R. l. 1. §. 9. de itin. actuque priv.* Inprimis datur ob absentiam; Hæc distinguitur in *factam*, quando corpore quidem præsens, sed animo absens quis est *v. l. 124. §. 1. de R. J. l. 2. §. 3. de jur. codicill. l. 17. §. 11. de injur. l. 26. de capt. possim. & veram*, quando animo & corpore abest, hæc iterum est vel *ordinaria*, quando quis abest ab e loco, ubi non habitat, vel *extraordinaria*, qua quis domicilium ad tempus deserit *v. l. 7. C. de incol.*

§. 12. Hæc est vel *necessaria*, quando quis ob causam physicam vel moralem abesse cogitur, vel *voluntaria*, quando quis ultro abest. Utraque est vel *laudabilis*, vel *vituperabilis*, vel *indifferens*. Necessaria laudabilis, est eorum, qui Reipublicæ causa absunt *l. 7. 8. 33. 35. 36. 42. 45. ex quib. caus. major.* Vituperabilis illorum, qui propter delictum absunt *l. 9. pr. l. 26. §. 1. d. 1.* Indifferens eorum, qui casu abesse coguntur *l. 2. §. 1. l. 3. 9. 38. §. 1. in fin. cod.* Voluntaria laudabilis censetur esse studiosorum *l. 28. cod. junct. auth. habita C. ne fil. pro patr. vituperabilis, contumaciter absentium l. 2. §. 8. si quis caut. in jud. indifferens eorum, qui lucri sui causa absunt l. 42. ex quib. caus. major. v. LAUTERB. C. J. d. 1.*

§. 13. His præsuppositis, duplex casus est distingvendus, vel (1.)

Hh 3

ab

absens contra præsentem præscripsit, tum, illo reverso, hic restituitur in integrum *l. 1. 21. ex quib. caus. major.* & sufficit quælibet absentia *d. 1. 21. §. 1.* etiam ficta *l. 22. §. fin. cod.* vel laudabilis necessaria & voluntaria *l. 29. cod.* nam licet absentia maxime sit favorabilis, tamen alii nocere non debet: modo præsens nullam absentis conveniendi habuerit occasionem *l. 21. §. 2. 3. l. 22. 39. cod.* alias enim damnum, quod sentit, suæ negligentiae debet imputare.

§. 14. Novo jure præsentem, coram judice præscriptionem interpellare possunt *l. 2. C. de ann. except.* quo ipso tamen restitutio in integrum non est sublata, ceu aliqui existimant, nam illud remedium pertinet ad præscriptionem currentem interrompendam, restitutio vero ad completam, rescindendam, hinc licet hæc necessaria non sit, si illo quæ fuerit usus, aliter tamen se res habet, si quis interpellationem omiserit, tum enim restitutione adhuc opus erit.

§. 15. Vel (2.) *præsens contra absentem præscripsit*, hoc casu absens reversus etiam restituitur, sed non indistincte: Si absentia fuerit laudabilis, vel necessaria indifferens, restitutio habet locum, licet absens procuratorem, qui præscriptionem impedire potuisset & debuisset, reliquerit *l. 15. 26. §. fin. l. 28. pr. ex quib. caus. major.* Si vero voluntaria indifferens, vel necessaria vituperabilis, tum læso non aliter succurritur, quam si procuratorem relinquere non potuerit, vel à procuratore dato non defendatur, & damnum ab eo non possit resciri *l. 26. §. 1. l. 35. 42. cod.* Absentia voluntaria vituperabilis, pœnam magis quam auxilium meretur *l. 2. §. 8. si quis caution. in judic.* quæ omnia ex æquitatis principii resultare, manifestum est.

§. 16. Datur autem læso & hæredibus *l. 35. §. 6. ex quib. caus. major. l. fin. C. cod. l. 1. C. de restit. mil.* restitutio in integrum, intra quadriennium, à tempore sublato impedimenti & acquisitæ scientiæ computandum *l. fin. C. de temp. in integr. restit.* De cætero obtinetur illa vel *exceptione*, si forte læsus rei, stricto jure usucaptæ, possessionem sine vitio nactus sit, tum enim vindicantem repellit *l. 28. §. 5. ex quib. caus. major.* ac, ob possessionem illam, etiam actionem perpetuam acquirit *l. 31. cod.* vel *actione*, dum scilicet rem suam vindicat vel debitum exigit, ac oppositam Præscriptionis exceptionem, replicatione absentiae elidit.

§. 17. Est

§. 17. Est autem ipsa vetus actio, vel realis vel personalis, quæ stricto quidem jure extincta est, sed, ex dispensatione, intra quadriennium adhuc moveri potest, quæ etiam, in casibus habilibus, fructus exigit *l. 23. §. 2. l. 28. §. fin. ex quib. caus. maj.* Romani novum actioni illi dederunt nomen, ut *Restitutoria* vel *Recessoria* audiat *d. l. 28. §. fin. l. 24. C. de R. V.* quod nomen non tantum hodie non est necessarium, sed & rectius negligitur quam retinetur, cum antiquam fori Romani superstitionem aut corruptionem redolet, ac imperitis vel incautis errandi causam suppeditet.

§. 18. Quod si nulla iusta causa adsit, restitutio merito negatur *v. l. 16. 44. ex quib. caus. major.* Ob solam quoque ignorantiam, jure civili, illa non conceditur *l. f. C. de præscript. long. temp. l. 3. in fin. l. 4. C. de præscript. 30. vel 40. annor.* in praxi tamen, ob ignorantiam jurejurando confirmatam, restitutionem dari volunt *v. GAIL 2. O. 19. STRYK in not. ad LAUTERB. ex quib. caus. major. ad pag. 86.* sed in Saxonia Electorali prior sententia obtinet *p. 2. C. 9. ibique CARPZ.* Si alicubi, ex hac causa, restitutio locum habeat, tum itidem *exceptione vel actione*, imo aliquando, securitatis gratia, *prævia quadam imploratione*, eadem obtineri poterit.

CAPUT XI. DE PROBATIONE.

SUMMARIA.

Probationis necessitas §. 1.

Indoles §. 2. Divisio §. 3.

Indicia naturalia §. 4.

Et arbitraria §. 5. 6.

Notorietas est genuinæ probationis præsentia

§. 7. 8.

Divisio probationis ab effectu §. 9.

Probationem requirit jus tam divinum quam humanum §. 10.

Probationis materia §. 11.

Pro ejus diversitate, diversum judicis est officium §. 12. 13.

Præsumptionis natura & diversitas §. 14. 15. 16.

Fundamentum §. 17. Et Effectus §. 18.

§. 1.



Æpe jus ex facto dependet, adeoque, nisi de hoc constet, inane est, cum vero facti veritas, neque ex alterius affirmatione, neque negatione, æstimanda, sed legitimis potius mediis ostendenda sit, hinc, maximam Probationis, in vita civili, esse necessitatem & utilitatem, satis liquet. Postquam igitur præcipua facta, ex quibus

quibus jus nascitur, hætenus in genere consideravimus, non incongrue Probationis materia subjicietur, inprimis cum & illa, per varios Juris articulos, se diffundat, adeoque tractatio ejus generalis mature instituenda sit.

§. 2. Probatio est *Actus*, quo rei dubiæ veritas, juxta rationem & leges, ostenditur. Sumitur igitur hic probatio generaliter, tam pro *actu* judiciali, quam *extrajudiciali*, qui forte amicabilem partium compositionem antecedit. Porro veritas per illum est ostendenda, non præcise *judici*, ceu vulgo ex l. 12. in fin. de probat. l. 3. §. 1. 2. de testib. contendunt v. OBSERV. LAUTERB. Obs. 709. Denique probatio, juxta rationem & leges fieri debet. In disciplinis, veritas ab objecto suo & Ratione dependet, sed in vita civili, quoad res agendas, ista sæpe non sufficiunt, hinc lex amplius definit, quid pro vero habendum sit nec ne.

§. 3. Solet distingvi Probatio (1.) à modo, in *artificialem*, quæ rationatione, & *inartificialem*, quæ testibus, instrumentis vel jurejurando peragitur. Sed plenius, juxta respectum allatum, divisio sic adornari potest: Probatio fit vel *revelatione divina*, quando Deus specialiter promittit, se, adhibito certo aliquo medio, veritatem, in re dubia, esse ostensurum. Quodsi promissionem illam seponas, tum hoc probandi genus illicitum est, cum revelatio divina non adiit, sed irreverens & stulta superstitio eam adesse mentiatur, interim divinatoriæ illæ probationes per duellum, ferrum candens & aquam, olim superstitiosis seculis v. LEHM. Chr. Spir. l. 5. c. 4. 14. valde fuerunt usitata, vel *indiciis humanis*, quæ sunt vel *naturalia*, vel *arbitraria*.

§. 4. Naturalia indicia sunt, vel res ipsa, quæ se utique indicat, vel aliæ circumstantiæ, quæ illi cohærent. Arbitraria vero, quæ extrinsecus accedunt, ac rei veritate testantur. Ex indiciis naturalibus oritur *probatio artificialis*, ad quam adeo etiam pertinet probatio per *evidentiam facti* v. MASCARD. de probat. V. 1. qu. 8. per *communem opinionem*, hic enim per compendium quasi ratiocinamur, sæpe tamen minus valide, per *cruentationem cadaveris*. v. CLASEN ad Nemes. Carol. art. 33. n. 3. hæc tamen sæpe in probationem divinatoriam adeoque illicitam degenerat. Uti autem Probatio artificialis, à diversitate argumentorum, diversa est, ita si ejus formam spectes, in genere, *Præsumptio*, *Conjectura* vel *Ratiocinatio* recte dici poterit.

§. 5. Ex

§. 5. Ex arbitrariis indiciis existit *Probatio inartificialis*, quæ summam fit vel *confessione ejus, de cujus præjudicio agitur, vel testimonio aliorum*. Sed hæc duplex probandi ratio, in varias formas, se iterum componit, ex quo plures species, præcedentibus subordinandæ, oriuntur. Nimirum *testimonium proprium* vel *oratenus & nude* redditur, unde est *Confessio*, vel *jurato*, hinc *probatio per juramentum assertorium*, vel in scriptis, inde existit *probatio per instrumenta*, quæ tamen aliquando ad secundam classem pertinet, aut etiam mixta est, vel adhibitis cruciatibus, unde *probatio per torturam*.

§. 6. Porro *testimonium aliorum*, vel olim signis quibusdam velut alligatum est, unde oritur *probatio per lapides, arbores, similiaque signa*, vel in scriptis redditur, hinc *probatio per instrumenta seu documenta literaria*, vel indefinite & quodammodo confuse fit, ex quo *probatio per famam*, vel à personis ad hoc requisitis præstat, hinc *probatio per testes*.

§. 7. Peculiaris autem probationis species non est *Notorietas*, sed hæc potius notat *rem certam & evidentem, ac præsentiam genuinæ probationis cujuscunque sive artificialis sive inartificialis*, hinc *notorium* nihil aliud est, quam *res, cujus veritas, per comitantem quandam probationem, ostenditur*. Sicut ergo dubium probari debet, quia probatio hæcenus deest, ita notorium, probandum non est, quia probatio illud comitatur. Nihil ergo pro notorio haberi debet, nisi quod legitima probatione stipatur ab eaque sustinetur, id quod circumspecte judicandum.

§. 8. Nam aliquando tale quid allegari potest, quod rei probandæ non sufficit v. gr. si dicas, notorium esse, quod Cajus sit eruditus, cum Doctoris gradu sit donatus. Aliquando id, quod adducitur, rei probandæ quidem sufficit, si in se spectetur, sed de applicatione ad certam personam non constat v. gr. si contendas, hunc vel illum maritum notorie esse adulterum, cum plures alat concubinas, nam illud quidem certum est, quod maritus cum concubinis rem habens, sit adulter, an vero hic aut ille maritus hoc faciat, id non statim est liquidum v. l. 1. §. 12. de O. & A. c. 15. seqq. *Caus. 2. qu. 1.* Alias in explicatione Notorii, mirum in modum trlicantur, ceu liquet ex SCHWINDII *dissert. de Notorio hab. Argentor. 1653.*

§. 9. Deinde distinguitur Probatio (2.) ab *Effectu* in *Plenam*, quæ tantam facit fidem, quanta ad causæ decisionem est necessaria v. l. 83. de condit. & dem. & *Minus plenam*, quæ plenam non facit fidem, sed alio adhuc indiget adminiculo: Hæc iterum est vel *Semiplena major* v. gr. si duotestest deponent, quorum alter omni exceptione major, alter non, vel *Semiplena minor*, v. gr. si unus testis omni exceptione major fidem faciat, vel *Semiplena minor*, v. gr. si unus testis, non major omni exceptione, aliquid asserat v. CARPZ. p. 1. C. 23. D. 4. Duas priores species perficit Jusjurandum suppletorium, ultimam elidit purgatorium v. LAUTERB. C. J. de probat. id quod ipsa æquitas suggerit add. OBSERV. LAUTERB. Obsf. 710. 711.

§. 10. Probationem requirit jus l. 4. C. de edend. l. 2. C. de probat. non tantum Romanum, sed & naturale, ab eo, qui aliquid affirmat l. 2. de probat. actore l. 21. eod. l. 10. C. de test. & reo l. 19. ff. l. 1. C. de probat. aut ab eo, contra quem est præsumtio l. 16. C. eod. is vero qui simpliciter & indeterminate negat, probare nequit l. 23. C. eod. LAUTERB. d. l. lit. C. O. quæ omnia ex generalibus æquitatis principiis resultant v. OBSERV. LAUTERB. Obsf. 712. 714.

§. 11. Omne illud probandum est, quod comitante aliqua probatione non sustinetur, seu notorium non est. Tale quid regulariter est factum l. 16. C. de probat. quod adeo cum omnibus circumstantiis, ad rem pertinentibus, probari debet v. l. 10. 21. C. de probat. l. 9. C. de R. V. CARPZ. p. 2. C. 11. D. 32. n. 4. Sed *lex* regulariter probanda non est, cum sit nota v. l. 2. de jur. & fact. ignor. Sicut tamen id, quod legis applicatio prærequirit, ac in facto consistit, ostendi debet, ita aliquando ipsius etiam legis, si hætenus incognita fuerit, vel *existentia*, vel *sensus*, probanda sunt l. 5. de probat. add. OBSERV. LAUTERB. Obsf. 713.

§. 12. Sicut in casu probationis imperfectæ, iudex, ex præscripto juris naturalis, de ea supplenda vel elidenda, debet esse sollicitus v. §. 9. ita in casu probationis perfectæ, reum condemnare, nullius, absolvere, eodem jure jubetur, quod confirmavit jus positivum l. 4. C. de edend. c. 36. X. de jurejur. & absolvendus quidem est reus, licet ipse nihil probaverit, aut probaturus in probatione defecerit, modo de actoris jure inde non constet v. STRUV. S. J. C. Exerc. 28. §. 13. nam probatio Rei, probationem actoris saltem debet elidere, hic ergo si nihil asserat, nihil quoque elidendum est add. OBSERV. LAUTERB. Obsf. 716.

§. 13. Ali-

§. 13. Aliquando etiam imperfecta probatio, ad causæ decisionem, sufficere existimatur, nempe (1.) in causis difficilis probationis, e. gr. antiquis, occultis aut in animo consistentibus, modo civilis non criminalis quæstio vertatur (2.) defensione reorum (3.) causis summaris v. STRUV. d. l. §. 11. Circa quod in genere observandum, facilius posse admitti probationem imperfectam, ad elidenda argumenta opposita, quam intentionem positive probandam.

§. 14. Postea in specie, de probatione artificiâli seu *Præsumptione* quædam dicenda sunt. Est nihil aliud, quam *probatio ratiocinatione seu argumentis facta*. Vulgo argumenta probabilia ad eam saltem requirunt v. STRUV. d. l. §. 15. sed licet illa plerumque occurrant, nulla tamen apparet ratio, quare certa, plane excludenda sint v. l. 6. de his qui sui vel alien. jur. Est autem *Præsumptio* vel *simplex*, quæ communi ratiocinatione absolvitur, vel *lege munita*, quando lex ratiocinationem ita confirmat, ut contrarium probare non liceat.

§. 15. Prior vulgo distingvitur in *Præsumptionem juris*, quando lex vel Legislator ratiocinando aliquid asserit v. c. 2. X. de præsumt. & hominis, quando iudex ex circumstantiis, quid verum videatur, ostendit v. l. 2. §. 1. de pact. l. 8. 9. 14. de probat. l. 18. de adim. & transf. leg. donec ab eo, contra quem est præsumptio, contrarium ostendatur l. 3. 9. 25. de probat. v. STRUV. d. l. §. 16. 17. Cæterum vix operæ pretium est, ista discernere, nam præsumptio eodem modo se habet, sive eam Legislator, sive iudex, sive privatus instituat, & nihil vetat, quo minus triplex illa præsumptio in eodem objecto concurrat.

§. 16. Posterior vulgo dicitur *Præsumptio juris & de jure*, in qua Legislator, & hominem privatum & Legislatorem simul agit v. l. 25. de stat. hom. l. 1. §. fin. l. 3. de agnosc. lib. l. 34. C. de adult. Nov. 117. c. 15. authent. si quis C. de adult. c. 12. X. de præsumt. c. 30. X. de sponsal. sicut autem utile est, ut, præsciendendis litibus, præsumptioni autoritas quandoque addatur, ita sanctiones illæ eousque extendi non possunt, ut legibus divinis repugnent, hinc in criminalibus, præsumptiones juris & de jure, locum habere non posse, ac in specie, præsumptionis, de qua in d. l. 34. C. de adult. Nov. 117. c. 15. nullum hodie esse debere usum, arbitror.

§. 17. *Præsumptionum summa regula est: attendere circumstantias ac inde formare conjecturam*, hinc naturalia regulariter præsumuntur:

res præsumitur in eodem statu: præsumtio debet fieri in meliorem partem *l. si. pro soc.* attamen semel malus, semper præsumitur esse malus *c. 8. de R. J. in 6.* & si quæ aliæ ejus generis regulæ speciales occurrunt, quæ nec semper, nec omni respectu obtinent.

§. 18. Præsumtio juris & de jure, semper vera esse censetur, nisi contrarium sit notorium, vel aliud confiteatur reus, scilicet contra se vel in sui præjudicium, quibus adderem ex §. 16. *h.* vel præsumtio repugnet juri divino. Præsumptiones autem simplices seu Juris, tamdiu veræ sunt, donec probetur contrarium *v. CARPZ. p. 2. C. 2. D. 8. LAUTERB. C. J. de probat. add. OBSERV. LAUTER. Obs. 717.*

CAPUT XII. DE CONFESSIONE ET FIDE INSTRUMENTORUM.

SUMMARI A.

Partitio dicendorum §. 1.
Confessionis definitio & divisio §. 2. 3.
Requisita §. 4.
Effectus confessionis civilis §. 5. 6.
Et criminalis §. 7. Instrumentum quid §. 8.
Et quotuplex §. 9. §. 10.
Instrumenti Notariorum & varietas, & requisita
Instrumentorum publicorum effectus §. 11. 12.
Privatorum, vis probandi §. 13.
Contra scribentem chirographum aliquando non
probat §. 14.

Exinde frustra contractus literalis asseritur §. 15.
Sanctio illa nec necessaria §. 16.
Nec æqua est §. 17.
Inde exoritur querela non numeratæ pecuniæ
privilegiata §. 18.
Cui & contra quem illa detur §. 19.
Ejus objectum §. 20. 21. 22.
Effectus §. 23. Præscriptio §. 24. 25.
Renunciatio §. 26. Incommoda §. 27.
Instrumentorum contraria §. 28.
Interpretatio §. 29.

§. 1.



Ingulas Probationum species, *c. præc. §. 3. seqq.* designatas, persequi, opus non est. Probationis divinatoriæ nullus est usus; Probatio vero perevidentiam facti, communem opinionem, cruentationem, lapides similiaque signa, nec non per famam, seorsim expendenda haud videtur, sed sufficit, si ejus usus hinc inde, in materiis specialibus, inculcet: Probatio per juramentum, incidit in locum generalem de jurejurando: De probatione per torturam, in processu criminali dicendum erit, hinc superest saltem probatio per confessionem, instrumenta & testes, illam & istam hoc, hanc sequenti capite considerabimus.

§. 2. Con-

§. 2. Confessio est *proprie obligationis agnitio & assertio*. Est vel *expressa*, quæ fit verbis & literis, vel *tacita*, quæ ex facto colligitur, ubi æquitas exigit, ne temere, ex quovis facto, confessionem aditruamus, circa quod leges Romanæ, ultra modum, nonnunquam fuerunt rigidæ, v. l. 4. §. fin. l. 5. de his qui notant, infam. fuga quem suspectum quidem, sed non confessum facit v. CARPZ. Pr. Crim. qu. 120. n. 60. seqq.

§. 31. Alias intuitu *objecti*, confessio est vel *civilis* vel *criminalis*, & utraque *judicialis* aut *extrajudicialis*. Civilis & judicialis, quæ fit in jure, aut hodie, ante litem contestatam, non tantum habet vim probationis sed & sententiæ, & talis confessus habetur pro judicato, in eumque executio decernitur l. 21. de judic. l. 6. §. fin. de confess. si vero fiat post litem contestatam, tum est instar probationis, eamque debet sequi judicis sententia l. 74. de judic. Si ex æquo & bono lites tractarentur, de illo discrimine non valde esset laborandum, sed, ex regulis processus usitati, illud utique observandum est v. OBSERV. LAUTERB. *Observ.* 1050. 1053.

§. 4. Quo vero confessio vim vel probationis, vel sententiæ habeat, requiritur, ut confessus sit (1.) *persona habilis* l. 6. §. 5. de confess. (2.) *certum aliquid*, nam alias plenum sensum confessio non habet l. 6. pr. cod. (3.) *ex liquida scientia*, errans hodie indistincte excusari viderur v. OBSERV. LAUTERB. *Obs.* 1049. 1052. (4.) *coram competente iudice*, nam alias evanescit confessio, aut si per aliam probationem sustineatur, tum non ab illa, sed hac, causæ decisio dependet (5.) *presente adversario* l. 6. §. 3. de confess. v. LAUTERB. C. J. de confess. sed hoc ultimum hodie non requiri viderur v. OBSERV. LAUTERB. *Obs.* 1051.

§. 5. Confessio civilis extrajudicialis, semiplene probare censetur, nisi sit geminata, aut à parte altera acceptata, tum enim plenam facit fidem v. CARPZ. p. 1. C. 16. D. 21. quæ inanis, ac nullius usus doctrina est. Rectius dicitur, quod confessio illa plene probet, modo (1.) *persona habilis* (2.) *ex certa scientia* (3.) *certum quid confessus sit*, per ea quæ §. præc. diximus, ac (4.) *de illa confessione constet*, vel ex contentis repetitione, vel ex scriptura habili l. 26. de posu. l. 25. §. fin. de probat. c. 14. X. de fid. instrum. vel per testes l. 13. C. de non num. pec. Nov. 90. c. 2. l. 15. C. de fid. instrum.

§. 6. Et licet hoc ultimo casu, non à confessione, sed testibus,

probatio dependere videatur, ceu etiam §. *præc.* dictum, attamen confessio quoque in eam suo modo influit, dummodo enim testes de confessione deponant, licet debiti ipsius nullam alias habeant scientiam, probatio tamen valida est. Illud quoque requirunt, ut (§.) confessio, à præsentè adversario sit acceptata v. LAUTERB. C. J. *d. l.* sed confunditur *promissio* & *confessio*, illa quidem acceptionem requirit, sed non hæc.

§. 7. Confessio criminalis extrajudicialis, si scriptura vel testibus probetur, indicium ad torturam facit v. CARPZ. *pr. Crim. qu. 121. n. 41. seqq.* Judicialis vero plene probat, modo, ex certa scientia & sponte fiat, nihilque sit, quod ejus fidem elevet v. l. 1. §. 24. de *Sc. Silan. l. 5. de custod. reor. l. 1. §. fin. de quest.* hinc de corpore delicti constare debet v. CARPZ. *qu. 16. 26.* vel, in delictis facti transeuntis, alia insuper indicia requiruntur, in quibus tamen æstimandis, nonnunquam parum recte versantur v. CARPZ. *qu. 108. n. 33.* Quod si illa deficient, ad pœnam ordinariam deveniri nequit, sed confessus vel plane absolvitur, vel arbitrarie punitur CARPZ. *d. qu. 108. n. 27. seqq. conf. Decis. Saxon. 91.*

§. 8. Instrumentum v. l. 1. ff. l. 17. C. de *fid. instrum. l. 5. C. de probat. l. 1. C. de jurejur. propt. calum.* hic est scriptura, ad rerum gestarum fidem facta, & notat tum testimonium proprium, tum aliorum. Fides autem vel accipitur pro aptitudine ostendendi, & suo modo, persuadendi veritatem, vel pro opinione, qua quis credit, vel saltem in foro externo credere debet, rem ita se habere, prout eam instrumentum describit v. OBSERV. LAUTERB. *Obs. 718.*

§. 9. Dividitur Instrumentum à modo conficiendi & autoritate (1.) in *Publicum*, quod à personis publicis confectum, subscriptum aut sigillatum, vel actis publicis insinuat, aut trium testium subscriptione munitum est l. 23. §. 2. C. ad *Sc. Vellej. l. 11. C. qui pot. in pign. l. fin. C. de re judic. c. 2. X. de fid. instrum. & Privatum*, quod à privatis, in usum proprium, confectum est, cujus species sunt *chirographum* tam obligatorium quam liberatorium, *epistola* & *liber Rationum* (2.) in *Originale*, quod de ipso negotio primo confectum est, & *Transsumtum*, quod ex illo describitur, hoc si fiat à privato, dicitur *Copia*, si à Magistratu vel Notario, *Transsumtum originale, authenticum* & *Vidimus* audit v. c. *fin. X. de fid. instrum.* LAUTERB. C. J. *de fid. instrum.*

§. 10. Pu-

§. 10. Publicis Instrumentis accensentur etiam *Instrumenta Notariorum*, quæ distinguntur in *Protocolla*, quæ continent rei gestæ annotationem, memoriæ causa factam, ut exinde postea instrumenta conficiantur, & *Transumpta* seu *Instrumenta in specie*, quæ ex illis, juxta consuetas solennitates & clausulas, conficiuntur. Hæc autem necessaria esse censentur (1.) invocatio nominis divini (2.) annus Christi (3.) indictio Romana (4.) nomen Imperatoris regentis (5.) tempus speciale (6.) locus (7.) causæ narratio (8.) nomina & cognomina testium (9.) subscriptio & subsignatio Notarii, consveto Notariatus sigillo facta v. *Decis. Saxon.* 20. quæ pluribus recenset LAUTERB. C. J. de *fid. instrum.* add. OBSERV. 719. 720. si dissonent protocollum & Instrumentum, illi major fides habetur, modo Notarii diligentia & fides non sint suspectæ v. CARPZ. p. 1. C. 17. D. 44.

§. 11. Instrumenta publica plene probant, adeo ut à Magistratu facta testibus potiora l. 10. de *probat.* à Notario vero confecta, testibus æquivalere judicentur l. 15. C. de *fid. instrum.* sed illa doctrina dubia & nullius usus videtur, hinc potius dicendum, quod utraque probatio, extra casum collisionis, valeat, facta vero collisione, vel neutra probet, vel integra suspectæ præferatur v. OBSERV. LAUTERB. Obs. 721. Debent vero instrumenta esse originalia c. 1. X. de *fid. instrum.* vel exempla ex archivo publico desumpta *auth.* ad hæc C. de *fid. instrum.* l. fin. C. de *re jud.* CARPZOV. p. 1. C. 17. D. 38. BERLICH. *Decis.* 100. præterea rem gestam continere, non ad aliud se referre debent *auth.* si quis C. de *edend.* CARPZOV. p. 1. C. 17. D. 4.

§. 12. Causam vero Instrumenta non determinant, hinc de jure civili paratam executionem illa habere non censentur LAUTERB. C. J. de *fid. instrum.* lit. E. sed hoc tamen ex l. 1. 2. C. de *execut. rei judic.* l. 9. C. de O. & A. l. un. C. de *prohib. sequestr.* ad quas provocare solent, non probatur v. OBSERV. LAUTERB. Obs. 722. Hodie in Saxonia, & forte etiam alibi, ex instrumentis liquidis, vel recognitio vel jurato diffusio peri potest, quarum alterutra intercedente, condemnatio vel absolutio sequitur. Imo si instrumentum fuerit gvaentigiatum i. e. à debitore, judicialiter jam recognitum, tum statim ad executionem devenitur v. OBSERV. LAUTERB. Obs. 723.

§. 13. Instrumenta privata, pro scribente, nihil probant, quod
ex

ex communi ratione patet *v. l. 10. de testib. l. 5. C. de probat. CARPZ. p. 1. C. 17. D. 34.* etiam si contra scribentem, absque protestatione, fuerint producta *v. OBSERV. LAUTERB. Obs. 724.* Excipiuntur tamen libri mercatorum, qui semiplene probant, adeoque juramento supplemento vel uno teste, omni exceptione majore, confirmari possunt *CARPZ. d. C. 17. D. 35. seqq. LAUTERB. C. J. de fid. instrum. lit. E.* Contra scribentem vero fidem faciunt *l. 13. C. de non numer. pecun.* dummodo is ea pro suis agnoscat *v. CARPZ. d. C. 17. D. 10. 34. & causam debendi illa contineant l. 26. §. 1. deposit.*

§. 14. Sed ultima illa assertio, rationi & æquitati, in *l. 13. C. de non num. pecun.* quoque agnitæ, oppido conveniens, notabilem, in jure Romano, patitur limitationem, quoad *chirographa, spe future numerationis vel similis præstationis, data*, hæc enim contra scribentem, regulariter intra biennium, à tempore dati chirographi, computandum, non probant, sed scribens vel exceptione non numeratæ pecuniæ, si conveniatur, se defendit, vel chirographum repetit, si is, cui hoc datum, per aliam probationem, debitum non ostendat *l. 14. pr. C. de non num. pec.*

§. 15. Multa vero, circa hanc juris Romani dispositionem, ex HUBERI *in præf. ad l. de liter. obligat. n. 1.* sententia singularem & enormem specialius notanda sunt. Et primo quidem frustra, circa tale chirographum, peculiaris *contractus literalis* asseritur, nimis enim manifestum est, quod illud ad *probationem alijs negotii* pertineat, ac in eo saltem, à consuetis regulis abeat, quod intra biennium, contra scribentem nihil probet, post biennium vero, vel juxta ordinarias regulas, contra eum tamdiu fidem faciat, donec is contrarium probaverit, vel, ex sententia nonnullorum rigidiori, contra eum excitet præsumptionem juris & de jure, adeo ut ad probationem contrariam plane non admittatur *v. DISSERT. de putativ. contract. liter. hab. Lips. 1691. OBSERV. LAUT. Obs. 313. seqq.*

§. 16. Deinde observandum, quod nulla illius sanctionis sit *necessitas*, nam nimis dilutum est, quando, ei colorandæ, in *l. 10. C. de non numer. pecun.* dicitur, quod *negantis naturali ratione nulla sit probatio*, nam primo inficiatio ejus, qui numerationem, contra datum chirographum negat, non est *simplex & indeterminata*, sed *circumstantiis*

loci & temporis circumscripta adeoque omnino probari potest. Dein esto, quod, facta negatione, alteri probatio incumbat, attamen ille, adversarii sui confessione, seu chirographo, satis probat, ut alia probatio ab eo requirenda non sit.

§. 17. Nulla etiam *æquitate* nititur illa dispositio; Hoc quidem æquum est, ut confessus, contra confessionem suam excipere seque defendere queat, sed ut ille cum privilegio excipere, chirographi præsumtionem elidere ac, ad novam plane probationem, adversarium adigere possit, id æquitas haud requirit, licet enim quandoque, spe futuræ numerationis, quis confiteatur, se accepisse, quod non accepit, attamen ille casus rarior est, ob quem consuetæ probandi regulæ haud erant turbandæ.

§. 18. Sed nihilominus ita factum est, hinc ex illa dispositione exorta est *querela non numeratæ pecuniæ privilegiata*, qua quis numerationem eo effectu negat, ut, nisi alter aliunde eam prober, ille vincat, & chirographum recipiat. Proponitur illa per modum exceptionis *l. 3. C. de non numer. pecun.* Replicationis contra apocham *l. 14. §. 2. C. eod.* denunciationis *d. l. 14. §. fin.* actionis scilicet conditionis sine causa, vel causa data, causa non secuta *l. 7. C. eod. l. 3. C. de postul. l. 1. §. 1. ff. de condict. sine caus.* potest etiam pignus, vel rei vindicatione, vel actione pignoratitia repeti, ac opposita confessionis exceptio, replicatione dilui *l. 11. §. 2. de pign. act. l. 1. C. de non num. pec.*

§. 19. Conceditur illa querela regulariter omnibus, qui spe futuræ numerationis, vel similis præstationis, se aliquid accepisse confessi sunt, sive illud non acceperint, sive acceperint (nam de hoc hætenus non constat) illorumque hæredibus *l. 8. l. 14. pr. C. de non num. pec.* nec non mandatoribus & fidejussoribus *l. 12. C. eod. l. 15. de fidejuss.* ac aliis concurrentibus confessi creditoribus *l. 15. C. de non num. pecun.* Datur contra creditores & hæredes *l. 8. C. eod.* etiam inter mercatores, ob sanctionis generalitatem v. LAUTERB. *C. J de R. C.* verbis: *querela non numeratæ.*

§. 20. Habet locum querela illa privilegiata intuitu mutui *§. un. l. de liter. obligat. §. 2. l. de except.* illique conjuncti pignoris *l. 1. C. de non num. pecun. l. 1. 2. C. si pign. convent. numer. pec. secut. non sit.* Porro ratione dotis *l. 15. C. de non num. pecun. l. 3. C. de dot. caut. non numer.*

apochæ seu quitantiæ *l. 14. §. 2. C. de non num. pecun.* aliorumque negotiorum, in quibus spe futuræ præstationis, quis se aliquid accepisse, confessus est *l. 14. pr. l. 15. C. eod.* hinc v. gr. instrumentum emtionis, in quo emtor, sibi rem venditam, esse traditam, confessus est ac pretium promisit, querela illa etiam opponi poterit. Illud etiam nihil refert, siue promissio, confessioni addita, sit simplex siue jurata *l. fin. C. de non num. pecun.*

§. 21. Cessat vero querela privilegiata quoad instrumentum depositi, securitates functionum publicarum, & confessionem dotis acceptæ, à marito, post instrumentum dotale, factam *l. 14. §. 1. C. de non num. pecun.* porro quoad cautiones, causam debiti olim contracti continentes *l. 5. 13. C. eod.* ac in primis hodie quoad instrumenta liquida, & in specie, literas cambiales, nam indoles processus executivi, probationem per testes aut delationem juramenti, quam, admissa exceptione privilegiata, actor suscipere cogeretur, non admittit, hinc necessario illa exceptio cessare debet v. OBSERV. LAUTERB. *Obs. 318.*

§. 22. Denique illæ cautiones, quæ simplex promissum continent, nec conditionem rei alicujus præstitæ præsupponunt, natura sua, querelam illam, siue privilegiatam, siue non privilegiatam, non admittunt, hinc instrumentum donationis, aut transactionis, quæ, sub conditione aliûs rei præstitæ, facta non est, exceptio non numeratæ pecuniæ opponi nequit *l. 11. C. de non numer. pecun.* aliud dicendum arbitror, si transactio conditionem talem præsupponat.

§. 23. Quod si instituta querela privilegiata, adversarius numerationem non probet, tum confessus, pro casuum diversitate, vel absolvitur, vel vincit, ac cautiones aut apochas datas recipit *l. 1. 3. C. de non num. pec.* Si vero numerationem probaverit per testes aut instrumenta, tum negans in duplum condemnatur *auth. contra C. d. 1.* quæ pœna hodie cessare videtur, si vero probatio delatione juramenti fiat, tum negans, præter rem principalem, in expensas condemnatur *d. auth.*

§. 24. Elapso biennio, cessat querela privilegiata, & chirographum contra confitentem plene probat *l. 14. pr. §. 3. C. de non num. pecun.* auditur tamen hic, si contrarium probare velit, & quidem vel statim, vel instituta reconventionem *CARPZ. p. 1. C. 32. D. 66. 67. PHILIPP.*

Uf. Praet. l. 3. Eclog. 68. ex aliorum tamen sententia, ad probationem contrariam plane non admittitur, adeoque chirographum contra eum facit praesumptionem juris & de jure; sed priorem sententiam praefendam puto, nisi posteriorem constans fori usus approbet *v. DIS- SERT. de putativ. contr. liter. §. 41. seqq.*

§. 25. Apocha Creditoris, post 30. dies, plene probat *L. 14. §. 2. C. de non num. pecun.* nec contrarium probaturus creditor postea auditur *CARPZ. p. 2. C. 29. D. 19.* sed si mitiorem sententiam, quoad chirographum obligatorium admittas, nulla apparet ratio, quare, circa liberatorium, contrarium dicendum sit, hinc Creditorem, ad probationem contrariam, omnino admitterem. Contra minores querela privilegiata non praescribitur *L. fin. C. in quib. caus. in integr. restitut. necess. non est.* absentes contra istam praescriptionem in integrum restituuntur *l. 1. ex quib. caus. major. junct. l. 14. pr. in fin. C. de non num. pecun.* per denunciationem quoque querela illa redditur perpetua *L. 14. § fin. C. d. 1.*

§. 26. Agnitio debiti expressa vel tacita querelam illam etiam excludit *l. 4. 13. C. de non. numer. pec.* Circa renunciationem vero varie sentiunt: quidam, quærelæ illi plane non posse renunciari, censent *v. PERETZ ad C. de non num. pecun. n. 19. 20.* alii renunciationem, ex intervallo factam, validam esse, sed in ipsa cautione renunciantem nihil agere arbitrantur, nisi, ut nonnulli putant, juramentum accesserit. *CARPZ. p. 1. C. 32. D. 65. LAUTERB. C. J. de R. C. in fin.* Uti autem, in hac varietate, constans usus fori porissimum erit respiciendus, ita, juxta rationes, quamvis renunciationem sufficere, existimo.

§. 27. In nonnullis regionibus, ut Gallia, Hispania & Belgio, specialis juris civilis sanctio, & hinc orta querela privilegiata, plane non admittitur *v. FINCKELTH. Obs. 119. n. 24. add. PERETZ ad C. de non num. pec. num. 7.* Et sane, cum sine causa, jus Romanum æquitatem naturalem turbaverit, ac imprudenti & iniqua sanctione, incertitudinem excitaverit, magno incommodo & negotia humana, & Jurisprudencia liberarentur, si, ea sublata, vis instrumentorum, ex consuetis æquitatis regulis, æstimaretur

§. 28. Sed ut ad instrumenta in genere revertamur, infringitur eorum fides, si probetur contrarium *c. 10. X. de fid. instrum. c. 11. X. de*

probat. l. 14. C. de fid. instrum. dum vel simulatio i. 1. C. plus val. quod agit. vel fraus l. 42. C. de transact. vel cancellatio, ratio & simile quid ostenditur l. 24. de probat. c. 3. X. de fid. instrum. Amisso autem instrumento, jus quidem & casu non perit, si de ea aliunde constet l. 1. 4. s. 6. C. de fid. instrum. compendium tamen brevioris processus, nonnunquam ista amissione intercipitur.

§. 29. Instrumenta censentur esse stricti juris v. LAUTERB. C. J. de fid. instrum. in fin. vel, prout alii volunt, pro diversitate negotiorum bonæ fidei & stricti juris, late vel stricte interpretanda sunt v. EXHOLT ad ff. de fid. instrum. §. 7. n. 1. sed istis subleatæ fidei assertionibus parum proficinus, dicendum potius, instrumenta sic esse interpretanda, prout consveta ratiocinandi & interpretandi principia id exigunt.

CAPUT XIII. DE TESTIBUS.

SUMMARIA.

Testium consideratio generalis §. 1.

Ad testandum quis regulariter præsumitur habilis §. 2.

Testes inidonei §. 3.

Quidam in totum testari prohibentur §. 4.

Quidam à certis negotiis repelluntur §. 5. 6. 7.

8. 9. 10. 11. 12.

Inidonei quoque admittuntur, consentiente eo

cujus interest §. 13.

De testium inidoneitate epicrisis §. 14.

Regulariter quis habilis testari tenetur §. 15.

Testes à iudice competente citandi & examinandi §. 16.

Testium fides §. 17.

Modus probandi per testes indicatur §. 18.

§. 1.



Estes sunt personæ, fidei, de re dubia, faciendæ gratia, legitime examinate vel interrogatæ. Idonei sunt, qui testes esse possunt; Omni exceptione majores, quorum testimonio nihil, quod fidem illorum imminuat, obijci potest, ex quo ultro sequitur, duplicis generis inhabilitatem circa testes occurrere, quidam enim plane ad testimonium admittuntur, aliorum vero effata non sunt integræ fidei; de cætero duo summatim hic spectanda (1.) testium habilitas (2) Obligatio add OBSERV. LAUTERB. Obs. 727.

§. 2. Primum quod attinet, regulariter quis ad testandum habilis præ-

præsumitur, donec probetur contrarium, & spectatur illa habilitas tempore depositionis & examinationis, nam uti secuta inhabilitas, habilitati præcedenti obesse non potest, ita inhabilitatem, tempus illud forte antecedentem, superveniens habilitas supplere plerumque apta est. Num ergo à regula sit discedendum, ac aliquis pro inhabili habendus, id ex conditione personarum leges æstimant *v. l. 2. 3. de test.*

§. 3. Furiosum igitur, mentecaptum, surdum & mutum nec non infantem, ad dicendum testimonium, esse inhabilem, deficiens rationis usus, aut cogitata exprimendi facultas, facile ostendit. Pubertati vero proximos, esse testes idoneos, sed non omni exceptione majores, probabiliter dicitur *l. 3. §. 5. l. 19. §. 1. l. 3. §. 1. de testib.* regulæ enim est inhærendum, quando de exceptione non satis constat, nam *l. 3. §. 5. de test.* agit de causa criminali; *l. 1. de minor.* ostendit saltem quod pubertati proximi, non sint testes omni exceptione majores; *l. 19. §. 1. de testib. l. 34. §. 2. de jurejur. l. 15. §. 1. de quest. can. 14. 15. 16. C. 22. qu. 5.* negant solum necessitatem vel obligationem. Potest etiam quis, post pubertatem, testari de iis, quæ impubes vidit & intellexit *CARPZ. p. 1. C. 16. D. 55.* Apud antiquos Germanos, junioribus testibus, cum negotio probando adhiberentur, memoriæ causa, alapa fuit impacta *v. LEHM. Chr. Spir. l. 2. c. 29. l. 4. c. 13. p. 242. in addit.*

§. 4. Præterea, ob alias causas, quidam in totum, à testimoniis dicendis, per leges repelluntur, nempe (1.) damnati repetundarum *l. 15. de test.* (2.) propter adulterium *l. 18. cod.* (3.) carmen famosum *l. 21. d. 1.* (4.) senatu propter turpitudinem moti *l. 2. de senat.* (5.) banniti; quorum omnium exiguis videtur esse usus (6.) infames infamia juris *c. 54. X. de test.* qui tamen de jure civili admittuntur *l. 1. §. 1. l. 3. §. 5. l. 13. 15. 21. de test.* sed non sunt omni exceptione majores, id quod etiam, de infamibus infamia facti, jure Canonico, dicendum aliqui putant. LAUTERB. *C. J. de test. lit. §.* sed frustra, nam infamia facti, nullum in foro externo habet effectum: Levis notæ macula laborantes, sunt etiam testes integræ fidei *CARPZ. p. 1. C. 16. D. 71.* (7.) Perjuri & homines vilissimæ conditionis LAUTERB. *C. J. de test. lit. §. in fin.* quod arbitrio judicis relinquendum *v. l. 3. §. 2. de testib.*

§. 5. Aliqui certo respectu testimonium dicere prohibentur, quod vel causa majoris momenti, vel ad illos pertinere videatur. Ad pri-

mam classẽm pertinent (1.) Prodigii, qui in testamentis testes esse nequeunt §. 6. *l. de testam. ordin.* in cæteris causis sunt suspectæ fidei *l. 11. §. 1. de dol.* (2.) Minores, quoad causas criminales *l. 20. de testib.* CARPZ. *Pr. Crim. qu. 114. n. 40. seqq.* (3.) Fœminæ, quoad testamenta §. 6. *l. de testam. ordin.* & causas feudales *II. f. 32. in fin.* In reliquis causis possunt testari, licet sint criminales *l. 18. de test. l. 20. §. 6. qui testam. facer. poss. c. 33. X. de test.* CARPZ. *d. l. n. 39.* nam *c. 10. X. de V. S. c. 17. C. 33. qu. r.* ob quæ aliqui dissentiunt, oratorie magis, quam juridice loquuntur, præterea testimonium fœminarum non destruunt, sed solum elevant.

§. 6. Ad secundam classẽm spectant (1.) ii, quibus causa est propria. Equidem quod quis in causa plane propria, non possit testari, id quidem ratio manifeste insinuat *l. 10. ff. l. 10. C. de test. add.* CARPZ. *Pr. Crim. p. 3. qu. 120. n. 50.* Sed latius hoc extenditur, adeo ut causa propria sit, ex qua quis commodum sperat, vel meruit incommodum, *l. 2. §. 1. quand. appell. sit* sed applicatio hujus principii, ad casus speciales, sæpe satis est lubrica.

§. 7. Ex doctrina LAUTERBACHII C. J. *de testib.* à testimonio repelluntur propter commodum pecuniarium, hæres in testamento in quo institutus *l. 20. qui testam. fac. poss. §. 10. l. testam. ordin.* venditor in causa evictionis *l. 4. §. 2. 3. de appell.* CARPZOV. *p. 1. C. 16. D. 68.* Socius in causa communi, correus in ea causa, in qua est correus CARPZ. *3. Resp. 55. 88.* membra universitatis, si causa universitatis ad singulorum utilitatem spectet, CARPZ. *p. 1. C. 16. D. 65.* Contra universitatem, si velint, admittuntur CARPZ. *3. Resp. 93.* Debitor vero in causa creditoris, & vice versa, regulariter censetur esse testis idoneus, licet non semper omni exceptione major sit *v. CARPZ. p. 1. C. 16. D. 67.*

§. 8. Porro propter commodum gratiæ, donator in causa evictionis, donatario accidentis, inidoneus est testis *l. 2. §. 2. seqq. de appellat. l. 54. §. 1. de furt. l. 25. §. 11. de hered. pet.* ulterius propter commodum liberationis, socii criminis testimonium rejicitur *l. 10. C. de test. c. 10. X. eod.* denique ob commodum honoris, existimationis & laudis, Advocati & procuratores pro clientibus suis *l. fin. de test. c. fin. de test. in 6.* CARPZ. *p. 1. C. 16. D. 59. l. 3. Resp. 92. n. 7.* tutores pro pupillis, curatores pro

pro minoribus & fœminis CARPZ. p. 16. D. 57. l. 3. Rsp. 91. testimonium dicere non possunt; item iudices & Notarii, quando de justitia & valore actus, ab ipsis celebrati quæritur: Sed illi non tam sunt inhabiles, quam potius non coguntur v. CARPZ. p. 1. C. 16. D. 61. seqq. OBSERV. LAUTERB. Obs. 730.

§. 9. Porro ad secundam classẽ referuntur (2.) ii, qui *arcta quadam conjunctione parti alteri connectuntur*. Sic prohibentur liberi & parentes pro se & contra se testimonium dicere l. 9. ff. l. 6. C. de testib. quod de cæteris etiam ascendentibus & descendantibus asserunt l. 2. C. de in jus voc. CARPZ. p. 1. C. 16. D. 48. de usu arbor. consang. D. 3. c. 8. §. 9. n. 84. nisi in ætate probanda l. 16. de probat. in causa matrimoniali c. 22. X. de testib. aut si veritas aliter haberi nequeat CARPZ. d. C. 16. D. 49. 50.

§. 10. Fratres vero censentur esse testes idonei CARPZ. p. 1. C. 16. D. 53. l. 3. D. 43. quamvis alii id negent arg. l. 3. C. de test. v. PERETZ. ad C. d. 1. n. 8. add. OBSERV. LAUTERB. Obs. 731. In causis criminalibus, etiam prior sententia illos rejicit can. 1. 12. C. 3. qu. 1. l. fin. C. de probat. ad defensionem nihilominus reorum, eos iterum admittit, id quod de cæteris etiam consanguineis dicendum existimant v. CARPZ. p. 3. qu. 114. n. 28. qu. 115. n. 8. Ex quo liquet priorem assertionem, nullius fere esse usus, raro enim consanguineus, contra consanguineum, nullius fere testimonium, in causa criminali, dicere cupiet, ut eum velut inhabilem repellere, opus non sit.

§. 11. Ad eandem classẽ pertinent (3.) ii, quibus *imperari potest* l. 6. de testib. hinc uxor pro marito testari nequit can. 17. c. 33. qu. 5. contra maritum eam testari posse, sed non cogi, censet CARPZOV. p. 1. C. 16. D. 51. verum id non satis probat. v. OBSERV. LAUTERB. Obs. 732. porro rejiciuntur quoque famuli mercenarii l. 24. ff. l. 3. C. de test. nisi contra domesticum testentur, vel utrique parti sint domestici e. gr. si lis sit inter conjuges, aut negotium domesticum sit probandum v. CARPZOV. p. 1. C. 16. D. 54. 56. Denique subditi in causa domino- rum suorum sunt testes inidonei, nisi dominus juramentum ipsis remiserit CARPZ. d. C. 16. D. 64.

§. 12. Denique eo referuntur (4.) *inimici* l. 17. C. de testib. si tamen utrique parti quis sit inimicus, tum habilis erit testis CARPZ. d. C. 16. D. 56. quem-

quemadmodum etiam hoc certum videtur, quod affectata inimicitia aliquem ad testandum non faciat inhabilem, ut si pars altera, quæ testem quendam contra se produci metuit, eum injuria sponte afficiat, eumque postea, ex capite inimicitiae, repellere velit.

§. 13. Possunt etiam in genere personæ inhabiles testari, si is, cujus interest, consentiat, quod etiam fecisse censetur, si productioni testium inhabilium non contradicat, nam uti, hoc facto, judex eos rejicit *v. l. 4. §. 8. de damn. inf. CARPZ. 3. Rsp. 87.* ita post publicata testimonia, contra inhabilitatem excipere nequit, nisi quis probet, se postea demum eam rescivisse, aut, in ipsa productione, exceptiones competentes sibi reservaverit *l. 17. C. de test. c. 31. X. de test. PERETZ. ad C. de test. n. 23.* quod ultimum hodie frequentissimum est.

§. 14. De eo etiam vix dubitandum videtur, quin pleraque, quæ de inhabilitate testium dicuntur, corruptionem fori redoleant, ac eo saltem sine introducta sint, ut per disputationes, super testis habilitate institutas, lites protelentur: pleraque enim nimis lubricis nituntur fundamentis, ut satius omnino videatur, omnes testes, nisi evidens aliqua causa, ut tenera ætas, defectus rationis vel similis, eos repellat, admittere, ac postea de valore testimonii lati, expensis accurate omnibus circumstantiis, judicare, quam generaliter ipsis habilitatem abrogare, maxime cum ea, quæ fidem elevant, quovis tempore non sint ejusdem efficaciae, ac opposito juramento quoque vel excludi vel imminui videantur *add. OBSERV. LAUTERB. Obs. 729.*

§. 15. Quod si quis ad testandum habilis reputetur, tum regulariter quoque ad testimonium dicendum est obligatus, quæ obligatio ex regulis quidem socialitatis dependet, lege civili tamen magis confirmatur; invirus ergo cogitur *l. 16. C. de test. t. 1. X. de testib. cog.* quod de clericis quoque dicendum, qui, cum juramento etiam, ad testimonium in causa Laici dicendum, adigi possunt *CARPZ. p. 1. C. 16. D. 69. l. 3. D. 22. add. OBSERV. LAUTERB. Obs. 733. 734.* exceptis tamen confessionibus *CARPZ. l. 3. D. 25.* Nonnullis testandi necessitas remittitur *v. l. 4. §. 19. §. 1. de test.* quod ad alios etiam extendunt interpretes *v. CARPZ. p. 1. C. 16. D. 51. l. 3. Rsp. 89. 93. LAUTERB. C. J. de testib.* sed nonnunquam rationibus non adeo certis.

§. 16. Quo autem per testes veritas ostendatur, opus est ut illi

eo nomine citentur & examinentur, id quod per judicem competentem fieri debere, ex natura societatis & imperii civilis patet v. CARPZ. 3. Rsp. 87. Testis alienæ jurisdictionis à suo iudice, ad alterius requisitionem, examinatur, vel ab illo huic, ad examen, sistitur; Quod si, irrequisito iudice proprio, ab incompetente volens examinetur, testimonium integræ erit fidei, sive laicus sive clericus illud dixerit, examinans tamen turbatæ jurisdictionis alienæ reus erit, nisi periculatu fuerit in mora aut alia iusta causa eum excuset. Illud quoque ex communibus æquitatis & utilitatis regulis liquet, quod testis, vel ad petitionem partis, vel ex officio, à iudice examinari queat v. OBSERV. LAUTERB. Obs. 728.

§. 17. Duo testes omni exceptione majores, plenam fidem faciunt modo etiam juraverint nam, ob improbitatem humanam, juramentum omnino necessarium videtur, id quod uti ratio communis insinuat, ita legibus positivis magis confirmatur v. l. 12. ff. l. 9. C. de testib. l. 15. C. de fid. instrum. Unus testis, vel etiam plures, sed non omni exceptione majores, minus plene probant, vel etiam aliquod saltem indicium excitant, hinc iudex de aliis eruendæ veritatis mediis, juxta æquitatis & prudentiæ præscriptum, debet esse sollicitus add. OBSERV. LAUTERB. Obs. 716.

§. 18. Modum probandi, per instrumenta & testes, de quo etiam nonnulla hic inspergere solent interpretes, consulo omittimus, nam uti est potissimum, ex peculiaribus Ordinationibus processualibus, est desumendus, ita, in materia Processus, proponi debet. Tribus interim verbis, intuitu iudiciorum Saxoniorum, eum delineavi in OBSERV. LAUTERB. Obs. 715. 725. 735.

CAPUT XIV. DE JURE JURANDO.

SUMMARIA.

Juramenti indoles §. 1.

Differentia & convenientia cum perjurio §. 2.

Invaluit ob hominum improbitatem §. 3.

Qua intentione idem exigatur §. 4.

Epis causa efficiens §. 5.

Materia §. 8. 9.

Forma §. 10. 11.

Subiectum §. 6. 7.

Ritus externi §. 14.

Effectus juramenti assertorii §. 15.

Promissorii §. 16. 17.

Interpretatio actuum juratorum ex consuetis principiis fieri debet §. 18.

Juramentum deficit in re impossibili & illicita §. 19.

L 1

Ob

Ob defectum cognitionis & voluntatis §. 19. 20.

Ejus loco saepe occurrit perjurium §. 21.

Hoc ab hominibus recte punitur §. 22.

Juramentū latior acceptio §. 23.

Juramenti promissorii contraria §. 24.

Officium jurantium est vel generale vel speciale

§. 25.

Summa officii generalis §. 26.

Et speciales §. 27.

§. I.



Tam ad pacta confirmanda, quam probandam veritatem, pertinet Jusjurandum, cujus adeo explicatio in hunc locum utique incidit. Est autem *actus religiosus, quo Dei vindictam in nos deposcimus, si mentiamur aut fallamus, ubi tamen neque mentimur, neque fallimus aut fallendi propositum habemus.* Consistit adeo in duobus juramenti (1.) in provocatione vindictæ divinæ (2.) sub conditione mendacii vel perfidiæ facta, ubi tamen (3.) conditio illa seu mendacium & perfidia non adest.

§. 2. Duo priora etiam in perjurio occurrunt, nam & in hoc vindicta Dei, sub conditione mendacii & perfidiæ, provocatur, sed tertium distinguit juramentum à perjurio, nam ibi conditio deficit, adeoque actus licitus & innoxius est, hic vero adest, & actus est impius ac provocanti summe noxius. Cum igitur & juramentum & perjurium, quoad ipsam vindictæ divinæ provocationem conveniant, eademque formula peragantur, homines vero lateat, utrum conditio mendacii aut perfidiæ adsit, an cesset, ideo illi etiam ignorant, an quis juraverit, an pejeraverit, interim prius tamdiu præsumitur, donec posterius probatum fuerit *add. OBSERV. LAUTERB. Obs. 319, 320.*

§. 3. Invalere juramenta ob improbitatem humanam, cum enim homines mentiri & fallere soleant, ideo, si suspicio aliqua subsit, aliquaremedia deficient, receptum est, ut, sub conditione mendacii vel perfidiæ, pœnam divinam in se suspecti deposcant, nam uti ista provocatio omnino innoxia est, si mendacium aut perfidia absit, ita è contrario, nemo tam impius & vesanus regulariter præsumitur, ut & delinquere; & Deum delictorum vindicem simul provocare sit ausurus, hinc provocatio ista, habile, & pignerandæ fidei humanæ, & eruendæ veritatis, medium fuit existimata.

§. 4. Ex quo facile etiam liquet, qua intentione provocatio vindictæ divinæ exigatur, eâ scilicet, ut quis eam faciat, si à mendacio & per-

perfidia sit alienus, si vero ejus reus sit, ut tum à provocatione illa absteineat, & id potius, quod res est, fateatur. breviter: *exigitur jusjurandum*, non *perjurium*. Illud quoque patet, provocatione ista homines improbos, quibus conscientia semel occalluit, strenue abuti posse, ad alios decipiendos suaque delicta abscondenda, nam perjurium, dum fit, à juramento discerni nequit, sed hujus vicem in vita civili subit, hinc etiam ab ejusmodi assertionibus religiosis, jura sua suspendere, nimis sæpe est periculosum.

§. 5. Fit juramentum *voluntate vera*, & *seria*, quæ liquidam totius negotii cognitionem præsupponit, proprio motu se ad jurandum determinat, ac indiciiis consvetis, verbis scilicet vel literis se exserit; Hæc porro signa, juxta sensum usitatum, non reservationes mentales, esse accipienda, communes æquitatis regulæ ostendunt, juraturus enim ad sensum illum est obligatus, hinc eam obligationem, tacitâ calumniâ, non potest evertere, imo stultum est, vel dicere vel credere, quod cogitationes non expressæ, effectum adeo notabilem in vita civili producere queant.

§. 6. Jurant *personæ habiles*, quæ scilicet negotium & juramenti indolem satis intelligunt, nec mendacio, perfidia aut perjurio sunt suspectæ, nam alias abusus provocationis divinæ, seu jusjurandum inconsideratum aut perjurium sequitur. De cætero quivis præsumitur habilis, donec contrarium ostendatur, possunt adeo etiam ad jusjurandum admitti, pubertati proximi, minores & prodigi *v. l. 26. pr. de jurejur. c. 1. X. de delict. puer. can. 14. 15. C. 22. qu. 5. aulh.* Sacramenta *C. si adv. vendit.* sed infantes, furiosi, mente capti & ebrii merito repelluntur, ut & illi, in quibus perjurium metuitur *can. 5. C. 22. qu. 5. add. LAUTERB. C. f. de jurejur. lit. 3.*

§. 7. Præsumus an jejunos juret, nihil refert, sed ultimum decen-
tius censetur *can. 16. C. 22. qu. 5.* Potest etiam quis immediate, vel mediate, per procuratorem, speciale mandatum habentem, jurare *l. 9. §. 6. l. 34. §. 3. l. 42. §. 2. de jurejur. l. 12. §. 4. C. cod. c. f. de juram. calumn. in 6. c. 4. de procur. in 6.* Sed cum animus magis percellatur, si quis immediate juramentum præstare debeat, cum per alium, sæpe sine ullo conscientie sensu, eodem defungatur, ideo legibus nonnullis positivis, præsentia personalis merito requiritur *v. CARPZ. p. 1. C. 12. D. 49.*

§. 8. Præstatur jusjurandum intuitu *assertionis verae*, & *promissionis licite possibilis & serie*, quæ omnia, juxta confvetum sensum, sine æquivocatione & reservatione, intelligenda esse, liquet v. §. 5. *h.* Ratione ejus, quod asserimus, *veritas*, quam vel scimus, vel, in certis casibus, credimus, ejus vero, quod promittimus, *justitia* i. e. *servandi propositum*, utriusque autem, *judicium* requiritur c. 26. *X. de jurejur.* Quod si super rebus impossibilibus, vel jure divino illicitis, vindicta divina provocetur, illa provocatio non est juramentum, sed ejus abusus, qui actui invalido valorem non conciliat v. c. 58. *de R. J. in 6. can. 3. 4. 5. 10. C. 22. qu. 2.*

§. 9. Idem est si actui, lege humana prohibito, provocatio illa accedat v. l. 5. *in fin. C. de LL. l. 7. §. 16. de pact. l. 61. de V. O.* nisi forte prohibitio, in illum eventum, à Legislatore sit remissa, tum enim provocatio illa, verum juramentum est, & actum confirmat, id quod jure Canonico regulariter obtinet c. 28. *X. de jurejur. c. 2. de pact. in 6.* Quoad res exiguas reverentius quidem jusjurandum omittitur, si tamen aliquo casu præstandum sit, veritatem & justitiam itidem dubio procul requirit.

§. 10. Jurandum est *per Deum*, nam res, opinione Deitatis destituta, ad dicendam veritatem, sed servandum promissum, neminem movebit. Possunt tamen in juramenti etiam aliæ res, velut *objecta*, in quibus Deus vindictum suam exerceat, nominari v. l. 3. §. *fin. l. 4. 5. 33. 13. §. fin. de jurejur. l. 41. C. de transact. Nov. 8. in fin.* Quod si quis falsam sectetur religionem, ejus perfravationi, formula provocatoria erit accommodanda, nam alias provocaturus etiam, ad veritatem dicendam vel promissâ servanda non permovebitur.

§. 11. De cætero provocatio talis, proprie quidem nec juramentum, nec perjurium est, utriusque tamen effectum habere potest: Si quis enim metu Numinis sui fictitii, in ultionem provocandi aut provocati, verum dicat, aut promissâ servet, effectus juramenti veri est obtentus, si vero, spreto Numine falso, mentiatur aut fallat, ille contemptus, etiam ad verum Deum, porrigitur, adeoque pœna perjurii perjuro metuenda est v. l. 5. §. 1. *de jurejur.* Sine scrupulo autem conscientia, talis provocatio exigi potest, nam exigens eam considerat ut instrumentum expediendi negotii, quod aliter determinari non poterat.

terat, religionem autem falsam, in qua juraturus perficitisset, sive jurasset, sive non, minime approbat.

§. 12. Uti autem jusjurandum in consulta & reverenti vindictæ divinæ provocatione consistit, ita formulæ provocatoriæ lege humana & consuetudine determinantur. Usitatissima est: *ita me Deus adjuvet, So wahr mir Gott helffe*. De aliis formulis, ac inprimis de asseveratione loco juramenti facta: *an eydes Statt und beym Worte der ewigen Wahrheit*, disputari solet, num juramentum contineant v. CARPZ. p. 2. C. 16. D. 6. FINCKELTH. Obs. 116. sed tutissimum est, omnibus formulis, quæ intentionem jurandi seriam satis exhibent, eandem vim tribuere, nec, prætextu deficientis cujusdam rei externæ & indifferentis, perjuriis anam præbere.

§. 13. Illud satis constat, formulam: *bey fürstlichen, gräflichen vel adelichen Ehren*, aut, *so wahr ich ein ehrlicher Mann bin*, similesque, juramento non æquipollere v. CARPZOV. p. 2. C. 16. D. 5. C. 36. D. 9. ut haud probanda foret prosopolepsia, si quem istis formulis defungi patiamur, quando ab eo jusjurandum est præstandum, Formula, à multis in ornamentum sermonis, prava consuetudine, adhiberi solita: *diabolus me abripiat*, iridem juramentum non continet, nam & inconsulta est & nemo jusjurandum aliquod exposcit, hinc, ad nominis divini abusum, eam pertinere, ac nonnunquam etiam in perjuriū fortassis incidere, dicendum est conf. LEHM. Chr. Spir. l. 7. c. 102. in fin.

§. 14. Ab externa forma, exortum etiam est juramentum corporale & solenne, *ein zierlicher, gelehrter, körperlicher oder leiblicher eyd*, ad quod non tantum formula *ita me Deus adjuvet*, sed & aliæ solennitates, nempe erectio digitorum in maribus, & manus dextræ, ad sinistrum pectus, impositio, in scæminis, requiruntur, accedentibus etiam nonnunquam aliis, sed non perinde necessariis ritibus v. 26. X. de jurejur. RAUCHBAR. p. 2. qu. 2. n. 88. LAUTERB. Cf. de jurejur. l. R. Apud LEHMANNUM Chr. Spir. l. 7. c. 23. 46. fit mentio *des gestabten eydes*. Cæterum uti illa, apud simpliciores, forte alicujus sunt efficacitæ, ita, eadem juramento ipsi nihil addere, manifestum est, ut non satis reverens videatur, quod, ob solennium illorum defectum, nonnulla juramenta negligantur, ac v. gr. ad tollendum SCri Vellejani beneficium, haud sufficere existimentur.

§. 15. Effectus juramenti assertorii est *præsumtio veritatis*, cum enim nemo tam impius credatur, ut & mentiri, & in illum eventum, vindictam divinam in se deposcere sit ausurus, hinc, facta illa provocatione, veritatem dixisse præsumitur. Cæterum cum reperiantur utique homines, qui & delinquere, & Deum delictorum vindicem provocare non dubitent, ideo sæpe perjurium, eundem habet, in vita civili, effectum, quem juramentum, & mendacium perjurio stipatum, pro veritate habendum est.

§. 16. Promissorii autem juramenti effectus est *confirmatio peccatorum*, qui enim, in eventum perfidiæ, vindictam divinam provocavit, is, ob metum gravioris pœnæ, eam studiose magis vitaturus, ac fidem datam servaturus præsumitur. Sed & hoc sæpe fallit ac perfidiæ perjurium accessisse, ex postfacto apparet, ut misera omnino sit securitas, quæ solis assertionibus religiosis nitur. De cætero effectus jurisjurandi & perjurii, ad solum jurantem, non ejus hæredem, pertinet, nulla enim transmissionis causa subest, quare si hic pactum violet, non perjurus, sed perfidus est *v. CARPZ. p. 2. C. 36. D. 7.*

§. 17. Is quoque promissorii juramenti effectus est, quod *actum, ob concessam pœnitendi facultatem, invalidum confirmet*, animus enim pœnitendi, tam seria provocatione, merito exclusus censetur, modo in altero contrahente dolus absit. Sic donatio inter conjuges, aut quæ quingentos solidos excedit, jurejurando confirmari dicenda est, si rationibus ista res expediri debeat, sed vulgo fluctuant, dum actus prohibitos, cum hujus generis actibus confundunt.

§. 18. De interpretatione actuum juratorum, nihil peculiariter notandum est, licet enim verum sit, quod à pactis juratis dolus & cavillatio abesse debeat, quod illa quandoque late, quandoque stricte sint explicanda, quod tacitas conditiones & restrictiones, ex ipsa re resultantes non respuant, quod ab iis inusitati sensus & reservationes mentales exulare debeant, attamen illa interpretatio, non est effectus jurisjurandi, sed eam potius lex naturalis, tam in juratis quam injuratis pactis, exigit *v. OBSERV. PUFEND. Obs. 272. seqq.*

§. 19. Contraria jurisjurandi videntur esse duplicis generis, vel enim *ab initio jusjurandum excluditur*, ac in ejus locum, alius actus quandoque substituitur, vel *legitime interpositum desinit*. Prius contin-

tingit, (1.) *si si super impossibili vel illicita re juretur*, quo casu actus eique apposita provocatio, nec ab initio valet, nec ex postfacto confirmari potest, nisi lex prohibitionem remittat *v. §. 8. g. h.* (2.) *si sine judicio, ex ebrietate, furore, prava consuetudine similive causa, provocatio instituitur*, hisce duobus casibus, in locum juramenti subintrat, divini nominis abusus seu temeraria pœnæ divinæ provocatio.

§. 20. Porro (3.) *si errore, dolo vel metu inductus juret*, nam, nec his casibus juramentum valere, verior est sententia, error enim & dolo scientia & voluntatem plane excludit, adeoque actionem facit invitam, vis autem & metus, voluntatem quidem omnem non tollit, attamen impedit, ne cogenti jus possit acquiri, hinc nec in coacto valida erit obligatio. Illud nihil refert, si ve juramentum ipso jure nullum, si ve rescindendum dicas, quod discrimen aliqui frustra inculcant *v. LAUTERB. C. J. de jurejur. lit. C. CARPZ. p. 2. C. 35. D. 3.* nam ejus nullus potest ostendi effectus. De cætero his casibus, loco juramenti, est itidem nominis divini abusus, qui tamen non juranti, sed decipienti & cogenti imputandus est *v. OBSERV. PUFEND. Obj. 265. seqq.*

§. 21. Denique (4.) *si mendacium vel perfidia adsit aut sequatur*; hoc casu, loco juramenti, est Perjurium, i. e. *provocatio vindictæ divinæ, sub conditione mendacii aut perfidie facta*, ubi mendacium aut perfidia adest vel sequitur; Quoad externa, cum juramento convenit, hinc etiam si quid *asseratur*, homines, dum actus ille peragitur, latet, juramentum an perjurium subsit, si vero *promittatur*, tum indoles actus est velut in suspenso, eventus autem secutus ostendit, juratum an pejeratum sit.

§. 21. De cætero perjurium omnino tale delictum est, quod pœnis humanis subiaceat, nam contemptus Dei externus recte punitur, præterea perjurium ad lædendos alios pertinet, cujus generis delicta pœnis humanis subesse, tralatitium est. Regulariter autem pœna arbitraria locum habet, aliquando tamen duo digiti pejeranti amputantur *v. Nemes. Carol. art. 107. 108. Constit. Saxon. p. 4. C. 48. CARPZ. Pr. Crim. p. 1. qu. 46. MATH. de crimin. l. 47. tit. ult. c. 1.* Sed illa pœna cum scopo pœnarum, conciliari non posse videtur, membrorum mutilatio delinquentes non emendat, sed ad bene agendum, ineptos reddit.

§. 23. II.

§. 23. Illud hac occasione notandum, quod sub initium etiam admoneri potuisset, juramenti nomen, sumi aliquando *stricte* & *exquisite*, pro vero juramento, aliquando *late*, pro quavis vindictæ divinæ provocatione, intuitu mendacii aut perfidiæ facta, adeo ut etiam juramenti opposita, nempe temerariam inconsultam & illicitam provocationem, nec non perjurium notet, hinc, aliquem *circumspecte*, vel *imprudenter*, *vere* vel *falso jurasse*, dici solet, quales locutiones, in primis in lingua nostra vernacula, usitatæ sunt. Provocatio quoque, per falsam religionem facta, in latiori illo sensu, juramentum est.

§. 24. Secundi generis contraria, videntur tantum, ad promissorium juramentum, pertinere. Tale est (1.) *defectus causæ*, ob quam juratum (2.) *lapsus temporis*, ad quod promissio jurata inita (3.) *Remissio*, i. e. *obligationis jurata, à creditore, vel, ob justam causam, ab Imperante facta relaxatio*. Remissio impropria, qua juramentum ætui invalido appositum, tranquillandæ conscientiæ timidæ & dubiæ nullum declaratur, huc non pertinet.

§. 25. De Officio Iurantium, ut exactius aliquanto constet, observandum, quod juramentum duplici modo spectari queat, vel, ut *actus hominis erga Deum*, qui respectus perpetuus & uniformis est, vel, ut *instrumentum negotiorum, in vita civili, expediendorum*, quo respectu, in varias formas speciales, se componere solet juramentum. Ad primum, pertinet *Officium generale*, quod præcepta divina de Deo colendo, ac speciatim propria cujusvis religio, dirigunt, ad secundum vero, *Officium speciale*, quo quis nonnunquam juramentum præstare cogitur, quodque ex præceptis socialitatis ac philautiæ, nec non legibus humanis dependet.

§. 26. Officium generale est (1.) *antecedens*, ubi quæritur, *an jurare sit licitum?* quod affirmandum, temere tamen, ac sine justa causa, juramentum neque poscendum, neque præstandum (2.) *Concomitans*, nimirum *per Deum jurandum*, cum *reverentia ac pietate ad jusjurandum accedendum*, & inprimis cavendum est, ne *sub specie jurisjurandi pejeremus*. Denique (3.) *Consequens*, scilicet *præstito juramento, miraculum haud est expectandum, aut alio modo superstitioni indulgendum, præterea quod jurato promissum est, servari debet*.

§. 27. Officium speciale circa varias jurisjurandi species, se
exse-

exferit, ac generale Deumque respiciens, semper præsupponit. De cætero jus merum naturale, homines respiciens, aliquando juramentum deferri vetat, v. gr. purgatorium ei, qui suspectus non est; aliquando id præstari jubet, ut si innocens hoc medio liberari queat; aliquando ejus usum permittit, quo casu jurandi necessitas, conventionem vel lege positiva introducitur, id quod, circa singulas species, distinctius potest cognosci *add.* OBSERV. LAUTERB. *Obs.* 321. *seqq.* OBSERV. PUF. *Obs.* 275.

CAPUT XV. DE VARIIS JURISJURANDI SPECIEBUS.

SUMMARIA.

Juramenti tres sunt species §. 1.
Promissorii divisio §. 2. Exempla §. 3.
Abusus, sub pietatis specie, introductus §. 4.
Juramentum assertorium est triplici generis. Ad primum pertinet juramentum in litem §. 5.
Oritur ex æquitate §. 6.
Usus juramenti affectionis secundum jus Romanum §. 7.
Et mores hodiernos §. 8. Ejus effectus §. 9.
Aliæ species juramenti assertorii §. 10.
Secundi generis exempla §. 11. 12.
Ex tertio genere est juramentum liti decisorium Voluntarii juramenti indoles §. 14. (§. 13.)
Ex principiis conventionum conditionalium tota hæc res judicanda §. 15.
Quod incuitu poenitentiae hic cessantis §. 16.
Personarum & materiæ amplius declaratur §. 17.
Aditio ex jurejurando §. 18. Exceptio §. 19.
Juramentum judiciale duplex §. 20.
Defert illud actor & reus §. 21.
Personis habilibus §. 22.

In causis privati arbitrii §. 23.
Etiam in matrimonialibus, ac aliquo modo, criminalibus §. 24. 25. 26. 27.
Est vel veritatis vel credulitatis §. 28.
Illegitime delatum recte recusatur §. 29.
Non vero legitime delatum §. 30. 31.
Præstatur immediate & mediate §. 32.
Effectus juramenti præstiti vel remissi §. 33.
Juramentum delatum referri potest §. 34.
Quod tamen aliquando cessat §. 35.
Juramentum suppletorium §. 36.
Defert iudex §. 37. Actor & reo §. 38.
Qui illud recusare nequeunt §. 39. 40.
Purgatorii juramenti & indoles & origo §. 41.
Defertur à iudice §. 42. Suspectis §. 43.
In causa civili & criminali §. 44.
Effectus juramenti delati §. 45.
Est præstiti §. 46. 47. Ejus abusus §. 48.
Sub juramento mixto continetur juramentum calumniæ §. 49.
Testium & paupertatis §. 50.

§. I.

Jusjurandum à *materia & fine*, recte distinguitur in *Promissorium*, quo pacta confirmantur, ac præstationes inde secuturæ, certiores redduntur, *Assertorium*, quæ præteritorum veritas eruitur, & *Mixtum*, quo, juxta diversum respectum

Actum, utrumque agitur. De cætero vis singularum specierum intelligenda est, juxta doctrinam antea propositam, quare in specie jusjurandum promissorium, non quævis pacta confirmat. Jure Romano nihil civile addere censetur, hinc ex pacto nudo non dabitur actio, licet jusjurandum accesserit *v. LAUTERB. C. J. de jurejur.* Enimvero uti assertio ipsa, à veritate non abludit, ita, ei probandæ, non recte allegatur *L. 56. pr. de fidejuss.* quæ de pacto erroneo loquitur.

§. 2. Promissorium juramentum nonnulli dividunt in *promissorium in specie*, quo aliquid, inducendæ obligationis gratia, promittitur *c. 9. X. de jurejur. & confirmatorium*, quod actum aliquem separatum præsupponit, illique, confirmandi vinculi causa, accedit *l. 1. C. si advers. vendit. l. 41. C. de transact. c. 28. X. de jurejur. c. 2. de pact. in 6. LAUTERB. d. l.* sed illa diversitas, introducendo discrimini, vix sufficit: omne potius juramentum, ratione materiæ, promissorium, ratione finis, confirmatorium dici potest.

§. 3. Variæ autem juramenti promissorii species occurrunt, nam eo potest referi Juramentum Imperatoris electi, *Capit. LEOPOLD. in fin.* Electorum *A. B. c. 2.* Homagium, Juramentum fidelitatis, pacificationis & confæderationis, protectionis & clientare, judicum & assessorum *v. l. 14. C. de judic.* aliarumque personarum judicialium, tutorum & curatorum nec non quorumvis Officialium, denique juramenta conventionibus privatis addi solita, & sexcenta alia ejus generis exempla *add. LAUTERB. d. l.*

§. 4. Qua occasione notandum, non levem subinde juramentorum promissiorum occurrere abusum, dum, sub specie pietatis, ad impedienda delicta maxime inolita, illa adhibentur, nam fini in se bono, inefficax applicatur medium, adeoque nihil aliud efficitur, quam ut delictis illis addatur perjurium, quod sane non excluditur, licet delinquentes pœnæ deinceps se subjiciant, nam vel sola pœna ostendit, quod is, qui contra promissum & juramentum egit, male egerit, obligatio scilicet pura hic subest, quæ actum prohibitum simpliciter omitti vult.

§. 5. Juramentum assertorium, videtur summatim spectare ad lites *estimandas, promovendas, & decidendas.* Ad primam classem pertinet (1.) *Juramentum in litem*, quo rei, dolo vel culpa alterius deper-

ditæ

dictæ aut subtractæ pretium, læsus ostendit, estque vel *affectionis*, quando, ob dolum adversarii, læsus, pro affectu suo, rem æstimat *l. 1. 2. §. 1. l. 8. de in lit. jur. l. 68. de R. V. vel veritatis*, quando res, secundum communem valorem, æstimatur *d. l. 2. §. 1. de in lit. jur.*

§. 6. Illud facile liquet, juramentum hoc ab ipsa æquitate naturali dependere, quatenus spectatur ut medium, quo læso satisfiat *l. 8. de in lit. jur. l. 70. de R. V. l. 9. rer. amot. l. 25. §. 1. solut. matrim.* neque etiam is, contra quem juratur, de iniquitate queri potest, quod alterius juramento tota res definiatur, cum sibi imputare debeat, quod suo delicto isti rei occasionem præbuerit. Illud tamen non minus patet, multa, circa usum hujus juramenti, utpote medii rationem habentis, definire posse legem positivam.

§. 7. Juxta jus Romanum juramentum affectionis habet locum in rebus pretium singulare recipere aptis *l. 3. de in lit. jur.* ob dolum vel præteritum, quo res perempta est, vel præsentem, quo reus, sententia judicis rem restituere jussus, eam non præstat, & quidem solum in judiciis bonæ fidei directis, nec non arbitrariis: Veritatis autem juramentum obtinet, si in dictis judiciis, culpa saltem, aut, in judiciis stricti juris, & bonæ fidei contrariis, dolus vel culpa intervenerit, *v. LAUTERB. C. J. de in lit. jur.*

§. 8. Sed hodie ob contumaciam, quareus condemnatus rem restituere detrectat, juramentum in litem non defertur, verum sententia lata executioni datur, nam Romanorum processus antiquus in Germania cessat, præterea discrimen judiciorum bonæ fidei, arbitratorum & stricti juris, ex veriori sententia hodie non observatur, sed ob dolum, juramentum affectionis, ob culpam, veritatis obtinet *v. CARPZ. p. 1. C. 23. D. 19. & Proc. tit. 12. art. 4. n. 7.* denique cavendum erit, ne stulto affectui quid indulgeatur, hinc moderatio judicis, circa affectionis juramentum, inprimis erit admittenda *add. OBSERV. LAUTERB. Obs. 340. 341.*

§. 9. Præstitum autem juramento, & soluta quantitate definita, reus liberatur, dominiumque rei, si adhuc existet, vel in alius translata sit, ab eo ejusque successoribus acquiritur, cum venditio quædam intercedat *v. l. 46. 47. de R. V. l. 8. 9. rer. amot. l. 25. §. 1. solut. matrim.* sed, ante præstitam æstimationem, dominium ad lædentem non per-

tinet l. 70. de R. V. De perjurio etiam non facile quæritur, à determinatione tamen læsi jurata, judex discedere potest l. 4. §. 3. l. 5. §. 2. de in lit. jur.

§. 10. Porro ad primam classē spectat (i.) *Juramentum Zenonianum*, quo læsus res ablatas determinat l. 9. C. unde vi c. fin. X. de his quæ vi met. caus. quod itidem ob delictum præcedens, recte adhibetur (3.) *Juramentum expensarum* O. C. p. 1. tit. 66. 67. Utrumque videtur esse species juramenti in litem, & ultimum, exigui usus (4.) *Juramentum minorationis*, quo reus damni per ablationem aut expulsionem dati, æstimationem, ab actore sine juramento factam, si eam nolit præstare, minuit; quod, juxta æquitatis præscriptum, introduxit jus Saxonicum Land. l. 3. art. 47. §. 1. v. CARPZ. Proc. tit. 12. art. 4. RAUCHBAR. p. 1. qu. 9. DN. MYLIH differt. de jurament. minorat. hab. Lips. 1685.

§. 11. Ad secundam classē pertinet (1.) *juramentum malitiæ*, quo is, contra quem quædam præsumptiones militantes assēverat, se id, quod petit, malitiose non petere vid. LAUTERB. C. J. de jurejur. add. OBSERV. 324. (2.) *juramentum dandorum*, quo quis asserit, se positiones, quas obtulit, scire vel credere veras (3.) *respondendorum*, quo adversarius asserit, quas positiones veras aut falsas credat O. C. p. 1. tit. 69. seqq. (4.) *juramentum perhorrescentiæ*, quo quis asserit, se valde timere, ut ab inferiore judice impetret justitiæ administrationem v. l. un. C. quand. Imper. inter. pupill. (5.) *juramentum appellationis*, quo quis jurat, se frivole non appellasse. Sed quatuor hæc juramenta, revera sunt species juramenti malitiæ, ac exiguum in plerisque judiciis habent usum.

§. 12. Eo porro pertinet (6.) *juramentum paupertatis*, quo quis adstruit, se tantum non possidere, ut impensas judiciales solvere possit, cui aliquando accedit clausula promissoria, de illis solvendis, si jurans vincat, vel ad meliorem fortunam perveniat, quo casu juramentum mixtum est v. O. C. p. 1. tit. 78. (7.) *juramentum diffessionis*, quo quis documenta, quæ adversarius, probationis gratia, in processu ordinario, produxit, si eadem recognoscere nolit, diffitetur. v. CARPZ. Pr. tit. 12. art. 5. n. 26. Alterum illud diffessionis juramentum, quod in processu executivo obtinet, ad classē sequentem potius spectat.

§. 13. Ad tertiam classē pertinet *juramentum litis decisorium*, quod

quod vocant, quo tota lis deceditur. Defertur autem vel *extra judicium*, vel *in judicio*. Illud vocatur *Voluntarium*, hoc vero est vel *judiciale*, quod Partes sibi invicem deferunt, vel *Neceſſarium*, quod Judex ipſe, ob defectum aliarum probationum, exigit, quodque in *Suppletorium* & *Purgatorium* diſtingvitur. De ſingulis breviter agendum erit.

§. 14. Voluntarium juſjurandum nihil aliud eſt, quam *conditio*, ſub qua conventio, qua debitum dubium promittitur vel remittitur, celebratur. Nimirum contingit aliquando, ut duo extra judicium de debito contendant, que res conventioni vel obligatoriæ, vel liberatoriæ anſam præbere poteſt, dum alter debitum dubium vel promittit vel remittit, ſed ſub conditione, ſi adverſarius juraverit. Quod ſi adeo penitus conſentiant, tum oritur conventio, ſub conditione juſjurandis inita, ex quibus intelligendæ *l. 17. 25. de jurejur.*

§. 15. Tota igitur res, ex principiis conventionum conditionalium, eſt dijudicanda. Sicut igitur liberum eſt, conventionem inire & conditionem in ſe ſuſcipere, vel etiam, à parte altera, conditionem aliquam exigere, ita idem etiam hic obinet *l. 25. de jurejur.* Quando autem ſemel ſub conditione præſtandi juramenti, conventio inita, tum nec calumniæ juramentum à parte altera exigi, nec principale juramentum ei referri poteſt, quia pactum, ſine hiſce clauſulis, jam eſt formatum. Hinc conditio juſjurandi vel ſubeunda, vel lucro ſperato carendum *v. l. 17. pr. de jurejur. l. 5. C. de O. & A. l. 17. §. 3. commod. l. 3. §. fin. l. 4. ſeqq. de jurejur.*

§. 16. Porro ſicut in conventionibus conditionalibus ceſſat prænitentia *v. l. 8. de peric. & commod. rei vend.* ita hic etiam conditio juſjurandi non poteſt revocari *CARPZ. p. 1. C. 12. D. 4.* remitti tamen poteſt *l. 5. §. fin. l. 6. 9. §. 1. l. 41. de jurejur. l. 8. C. eod.* quia aliquis, in ſui præjudicium, conditionem pro impleta poteſt habere *add. OBSERV. LAUTERB. Obſ. 327. 328.*

§. 17. Circa perſonas, conventionem ſub juſjurandi conditione, inicturas, generalia etiam principia ſupponenda ſunt, hinc illi quoque, qui liberam rerum ſuarum adminiſtrationem non habent, admittuntur, quatenus conditionem ſuam faciunt meliorem. Quam ob rem juramentum deferre quidem nequeunt *l. 17. §. 1. l. 35. §. 1. ff. l. 4. C.*

l. 4. C. de jurejur. delatum tamen acceptare & præstare possunt *l. 23. seqq. cod.* Materia etiam conventionis ineundæ, debet esse privati arbitrii *l. 3. §. 1. l. 34. pr. de jurejur.* hinc in matrimonialibus affirmati-
ve, nonnegative, conventio iniri & juramentum deferri posse credi-
tur, quod tamen non adeo certum, de quo in materia propria amplius
dicendum erit v. OBSERV. LAUTERB. *Obs. 329.*

§. 18. Ex conventionem obligatoria, datur actio personalis, quæ
dicitur in factum *l. 11. §. 1. l. 29. de jurejur.* qua is, qui juravit rem su-
am esse, vel sibi deberi, aut cui juramentum remissum est, ejusque hæ-
redes, rem petunt à deferente & hæredibus, in eaque hoc tantum
queritur, an juratum sit *l. 1. §. 2. l. 9. §. 1. l. 11. §. 1. ff. l. 8. C. de jurejur.*
Contra tertium autem possessorem, illa effectum non habet *l. 9. §. fin.*
l. 10. de jurejur. nam jusjurandum contra illum quidem, qui consensit,
plena probatio est, sed non adversus alium, cui consensus alienus obesse
non debet.

§. 19. Ex conventionem autem liberatoria, datur exceptio juris-
jurandi, prout vocatur *§. 4. l. de except.* sed revera est exceptio pacti,
sub conditione jurisjurandi, iniri *l. 25. de jurejur.* Efficax autem illa
est contra deferentem, ejusque successores, etiam singulares *l. 7. 8. 9.*
de jurejur. ei vero, qui jure proprio rem petit, non obest *arg. l. 9. §. f.*
l. 10. l. 11. §. 3. de jurejur. illud nihil refert, siue actionem, cui exceptio
objicitur, ipso jure sublatam dicas, siue neges, nam hoc, ut alibi, ita hic
etiam frustra inculcatur. Aliquando juranti datur etiam actio *l. 11.*
§. 1. de jurejur. Hodie juramenti voluntarii rarior est usus, licet nihil
vetet, quo minus eodem homines, legitimo modo, utantur.

§. 20. Juramentum judiciale est, quod in ordinario processu, pars
parti in judicio, iudice comprobante, litis decidendæ causa, defert. *l. 12.*
pr. §. 1. C. de jurejur. CARPZ. *Pr. tit. 11. art. 2. n. 2.* Ei quodammodo
comparari potest juramentum diffessionis, quando in processu executi-
vo, reus instrumentum productum recognoscere, vel jurato diffiteri cogi-
tur, nam & illud, ad decisionem litis pertinet, ac minimum tacite
vel implicite, à parte defertur, magis tamen illud pro legali haberi
soler. De cætero æquitati & religioni consentaneum videtur, ut, ob
suspicionem perjurii, actor volens ad probandam instrumenti authen-
tiam, vel debitum aliis mediis ostendendum, admittatur, etsi stricto ju-

jure, illud non observetur *v. O. P. S. tit. 25. §. 4. junct. tit. 18. §. 2. DN. BEGER in elect. proc. execut. §. 26.*

§. 21. Defert & illud actor & reus, & judex, juxta consuetum processum, interlocutoriâ delationem confirmat *CARPZ. d. l. etiam si deferens nihil probaverit l. 35. pr. de jurejur. l. fin. C. de fideic. l. 25. §. 3. de probat. l. 11. §. 1. rer. amot. nam ipsum jusjurandum, species probationis est l. 5. §. 2. de jurejur. hinc quamdiu ei locus est, regula l. 4. C. de edend. non obtinet. Quando autem deferendum sit, id non tam ex jure civili, quam ordinationibus processualibus cujusvis judicii, peti debet *v. CARPZ. d. tit. 11. art. 1. n. 26.* qua de re, in materia processus, agendum erit.*

§. 22. In deferente requiritur libera rerum suarum administratio, & habilitas jurandi, hinc in specie infamis aut perjurus, juramentum judiciale deferre non possunt, licet multi dissentiant *v. LAUTERB. C. J. de jurejur. verb. judiciale lit. R.* nam nec possunt jurare de calumniâ, nec iis poterit jusjurandum referri, impedimentum vero relationis, ex propria deferentis inhabilitate, proveniens, utique delationem impedit *v. OBSERV. LAUTERB. Obs. 331.* Defertur omnibus, qui aliquem rei controversæ habent intellectum *l. 20. 26. de jurejur. non vero iis, qui intentionem suam plene probarunt c. 2. X. de probat. nam hoc ipsa æquitas prohibet, hinc neque in casu l. 14. §. 3. C. de non num. pec. delatio locum habet.*

§. 23. Defertur in omnibus causis, quæ sunt privati arbitrii *l. 3. §. 1. l. 3. 4. pr. de jurejur. CARPZ. Pr. tit. 11. art. 1. n. 3. 18.* etiam in causis famosis *l. 9. §. 2. l. 28. §. 4. cod. CARPZ. d. l. n. 35. ut injuriarum l. 5. §. 8. l. 11. §. 1. de injur. Decis. Saxon. 17. CARPZ. d. l. n. 41. l. 3. Rsp. 44. depositi l. 10. C. de jurejur. CARPZ. d. art. 1. n. 60. modo non quærat de facto alieno l. 4. de in lit. jur. l. 11. §. 2. rer. amot. potest tamen quoad hoc exigi juramentum credulitatis *v. CARPZ. p. 1. C. 12. D. 40. 41. C. 24. D. 1.**

§. 24. In causis matrimonialibus affirmative, non negative, posse deferri juramentum, vulgo existimant, sed omnino etiam delatio negative locum habet, de quo in loco proprio, amplius dispiciemus *v. OBSERV. LAUTERB. Obs. 332.* In criminalibus, usum juramenti judicialis quoque negant, quia reus facile pejerabit, actoris vero juramen-

mentum, ad pœnam corporalem non sufficit: Reum tamen inter-
 dum, super exceptionibus, in causâ criminali, juramentum accusatori
 deferre posse, aliqui volunt CARPZ. l. 3. Rsp. 45. BERLICH. p. 2. D. 297.
 add. LAUTERB. d. l. lit. O.

§. 25. Sed uti posterius lubricis rationibus asseritur, ita doctrina
 ista, cum rationibus præcedentibus, non cohæret, nam si exceptio re-
 spiciat factum Rei v. gr. qualitatem homicidii ab eo commissi, tum
 ab actoris juramento, imposito pœnæ corporalis, suspenditur contra
 rationem secundam, si vero respiciat delictum ipsius Actoris, tum is
 facile pejerabit, ob quod tamen ratio prima juramentum deferri no-
 lebat.

§. 26. Malim igitur distingvere inter delationem *affirmativam*
 & *negativam*, illa locum non habet, qui æquitati non convenit, ut ob
 alterius juramentum, alter pœna corporali afficiatur, quod si vero sal-
 tem de pœna pecuniaria quæstio sit, tum nihil illam delationem im-
 pedit. Circa hanc vero distingvendum, utrum nulla indicia contra
 aliquem sint, an vero eorum aliqua reperiantur, illo casu jusjuran-
 dum deferri nequit, cum enim quivis præsumatur bonus, minimum
 hætenus, ut à crimine immunis existimetur, ideo iniquum fuerit, si
 quis vitæ integritatem juramento approbare debeat; hoc vero jusju-
 randum recte deferretur tam actori quam reo.

§. 27. Nec obest perjurii periculum, cum enim hoc non impe-
 diat juramenti purgatorii usum, cur jurisjurandi judicialis delationem
 impediret? Hodie, ob accusationum raritatem, totius illius disquisi-
 tionis exigua est utilitas. In actione tamen injuriarum criminali, aut
 si in actione civili, incidenter de crimine, v. gr. de usuraria pravitate,
 quærat, aliquem usum habere illa potest.

§. 28. Modus deferendi duplex est: vel enim res controversa
 alterius conscientiæ committitur, *es wird einem die Sache ins Gewissen*
geschoben, velejus conscientiæ, notitiæ & credulitati, *es wird selbige*
in dessen Gewissen, Wissenschaft und Wohlbewußt gestellt CARPZOV.
 p. 1. C. 12. D. 40. 41. O. P. S. tit. 18. §. 5. *ibique* MARTIN. in comment.
 prior modus, in veritatis, posterior, in credulitatis juramento ob-
 tinet.

§. 29. Juramentum illegitime delatum, recusari potest, nempe
 si de-

si deferens recusset jurare de calumnia *l. 37. de jurejur.* semel delatum & revocatum iterum deferatur *l. 11. C. de jurejur.* deferens non habeat potestatem deferendi *l. 35. §. 1. cod. sub formula improbatae religionis* deferatur *l. 5. §. 3. cod. factum alienum ignotum, alicujus conscientiae* sit commissum *l. 34. pr. cod. l. 11. §. 2. rerum amot.* aut praestitum juramentum nihil operetur, utpote si res controversa arbitrio privatorum non subsit, qualis, ex communi sententia est causa matrimonialis *v. CARPZ. Proc. tit. 11. art. 1. n. 73.* Denique si juramentum, debito tempore, *v. gr. in Saxonia ante litem contestatam, non sit delatum* *CARPZ. d. l. n. 97.*

§. 30. Legitime autem delatum, recusari nequit, sed recusans habetur pro confesso *l. 34. §. 6. l. 38. ff. l. 9. C. de jurejur.* quodsi tamen appellaverit, causa recusationis discutitur *l. 12. §. 2. C. cod.* Unum ergo ex his, juramento recte delato, faciendum est, vel *conscientia probationibus defendenda*, vel *juramentum suscipiendum ac praestandum*, vel *deferenti referendum*, quo nomine adeo is, cui jusjurandum delatum, intra certum tempus (in Saxonia, intra octiduum, a tempore rei judicatae computandum *v. O. P. S. tit. 18. §. 9. Decis. Saxon. 18. CARPZ. p. 1. C. 12. D. 6. seqq.*) sententiam suam declarare debet, alias itidem pro recusante & confesso habetur.

§. 31. Probatio pro defendenda conscientia, in plerisque, juxta consuetas regulas, peragitur *v. CARPZ. Pro. tit. 11. art. 5. & admittuntur quoque deferentis interrogatoria, sed tantum quoad personas testium, non merita causae, haec enim deferens arbitrio alterius plane reliquit v. Const. 12. p. 1. Decis. Saxon. 19.* Quodsi quis autem ad jurandum se obtulerit, tum deferens jusjurandum revocare nequit, nisi novae probationes supervenerint *l. 11. C. de jurejur. v. O. P. S. tit. 18. §. 2. CARPZ. p. 1. C. 12. D. 3. 4. tit. 11. art. 1. n. 135.* Ob metum perjurii, revocatio quoque admittenda erit, quod etiam non obstante acceptance, ac salva rei judicatae autoritate fieri potest *v. MEY. p. 2. D. 93. utut forte stricto jure illud observari non soleat v. §. 20. h.* Suscipiens porro illud referre nequit, quia semel alterum elegit, sed in loco judicii, praesente judice & adversario *v. l. 22. in fin. pr. §. 4. C. de jurejur. l. 15. ff. cod. BERLICH. p. 1. D. 116. in termino praefixo, juxta formam, qua delatum est, jurare debet l. 3. §. fin. de jurejur. nisi velit pro*

confesso haberi CARPZ. tit. 11. art. 3. n. 110. deferens tamen, si hoc peti-
tum sit, antea de calumnia jurare tenetur l. 34. §. 4. l. 37. ff. l. 9. C. de ju-
rejur. CARPZ. p. 1. C. 12. D. 23. 28.

§. 32. De jure civili is jurat cui juramentum delatum est, princi-
palis & procurator l. 3. §. fin. l. 34. §. 3. ff. l. 12. pr. §. 4. C. de jurejur. sed
in foro Saxonico procurator non admittitur CARPZ. d. C. 12. D. 39.
hinc nec tutor, nomine pupilli, jurare potest, sed ipse pupillus, si velit ju-
rat, alias juramentum, in tempus pubertatis, differendum est CARPZ.
d. C. 12. D. 42. tit. 11. art. 2. n. 14. seqq. Si juraturus ante juramentum
moriatur, hoc moribus pro præstito haberi solet CARPZ. l. 6. Rsp. 120.
quod eo præcipue casu admittendum erit, si moriturus dixerit se bona
conscientia jurare posse add. OBSERV. LAUTERB. Obs. 336.

§. 33. Præstitum aut remissum juramentum est plena probatio
l. 11. §. 3. de jurejur. hinc eam absolutio vel condemnatio sequitur l.
34. §. f. cod. CARPZ. tit. 11. art. 7. à qua non appellatur CARPZ. p. 1.
C. 15. D. 7. cujus rei is videtur effectus, ut interposita appellatio à supe-
riore judice rejiciatur: Neque propter instrumenta nova, de perjurio
quæritur l. 1. C. l. 31. ff. de jurejur. CARPZ. d. C. 15. D. 3. nisi forte spe-
cialis ratio exceptionem svadeat d. l. 1. fin. C. de jurejur.

§. 34. Denique is, cui juramentum delatum, id deferenti referri po-
test l. 34. §. 7. l. 38. de jurejur. quo casu referens de calumnia non jurat d.
l. 34. §. 7. deferens autem, etiam tutor, jurare cogitur CARPZ. tit. 11.
art. 4. n. 30. p. 1. C. 14. D. 12. 13. ac in Saxonia calumniæ juramentum
quoque præstare l. d. C. 14. D. 5. id quod ratione parum valida niti-
tur v. OBSERV. LAUTERB. Obs. 334. Neque potest juramentum re-
ferre, quod manifestum habet rationem, nec conscientiam probatione
defendere CARPZ. v. d. C. 14. D. 3. 4. de quo tamen non immerito du-
bitare licet v. OBSERV. LAUTERB. Obs. 335.

§. 35. Aliquando tamen facultas referendi cessat, scilicet si jura-
mentum, ratione facti proprii, alicui delatum sit l. 34. §. 8. de jurejur.
l. 11. §. f. l. 12. 13. rer. amotar. c. fin. X. de jurejur. CARPZ. p. 1. C. 14. D. 10.
aut facti alieni, cujus minorem deferens habet notitiam, quam adver-
sarius d. l. 34. §. 8. aut si in causa matrimoniali affirmative, vel à per-
juro illud sit delatum v. LAUTERB. C. f. de jurejur. sed hæc duplex po-
sterior limitatio merito rejicitur v. §. 22. 24. b.

§. 36. Ju-

§. 36. Juramentum Suppletorium est, quod *judex, ad suppleendam probationem imperfectam, parti defert.* Æquitas hoc jusjurandum requirit, cum, imperfectam probationem repudiare, sit, probantem lædere, ut omnino ineptiant, qui jusjurandum hoc, nulla juris ratione defendi posse arbitrantur, quorum meminit CARPZ. *p. 1. C. 23. D. 1.*

§. 37. Defert illud *Judex, partibus petentibus vel ex officio l. 31. ff. l. 3. C. de jurejur. CARPZ. d. C. 23. D. 1. 2. tit. 12. art. 2. n. 16. & quidem si semiplene, vel plusquam semiplene probatum sit l. d. C. 23. D. 3. seqq. C. 17. D. 35.* Si autem quis intentionem suam plene probaverit, æquitas juramento illum gravari vetat *v. c. 2. X. de probat.* si nihil probaverit, eum ad illud admitti prohibet, si minus quam semiplene probatum sit, tum ab adversario purgatorium juramentum potius exigi jubet. Deferendum igitur est, prævia causæ cognitione, vel per interlocutoriam, vel in ipsa definitiva CARPZ. *tit. 12. art. 2. n. 14. 15. 43. 44. 53. 72. 93.*

§. 38. Defertur auctori & reo, uter semiplene probavit CARPZ. *p. 1. C. 23. D. 6.* modo fide dignus sit, & veritatem sciat, nam credulitatis juramentum, à CARPZOVIO licet *d. l. D. 8.* admissum, æquitas hic regulariter rejicit *v. STRYK in not. ad LAUTERB. de jurejur. ad p. 186.* digniores præferuntur indignioribus CARPZ. *d. l. D. 7.* de quo tamen circumspicte judicandum erit. Habet locum hoc jusjurandum in causis civilibus *l. 3. C. de jurejur.* in arduis tamen & magnis, ut & matrimonialibus, & criminalibus illud regulariter non obtinet CARPZ. *d. C. 23. D. 10. J. C. l. 3. D. 46. LAUTERB. C. J. de jurejur. lit. h.*

§. 39. Delatum juramentum recusari nequit, nisi causa adsit, tum enim appellari potest *l. 12. §. 2. C. de jurejur.* sine causa recusans habetur pro confessio. Porro etiam non potest referri *c. fin. X. de jurejur. VINN. Sel. qu. l. 1. qu. 43.* *Judex quoque illud non potest remittere, bene tamen aliquando revocare, si perjurii periculum appareat & veritas aliis mediis rectius possit crui VINN. d. l.*

§. 40. Regulariter ergo juramentum est suspiciendum (in Saxonia, intra octiduum CARPZ. *tit. 12. art. 2. n. 79. seqq.*) & præstandum, nec poterit jurare jussus, alias offerre probationes, ceu, cum CARPZOVIO *d. l. n. 94.* existimat LAUTERB. *d. l. lit. E.* sed immerito, cum enim jusjurandum præstitum, propter instrumenta noviter reperta, possit everti *l. 31. de jurejur.* cur non etiam præstandum impediri?

v. STRYK *in not. ad LAUTER. ad p. 186.* Præstitum juramentum sequitur sententia pro jurante l. 31. de jurejur. à qua tamen, intra decennium appellari arg. l. 12. §. 3. C. de jurejur. l. 11. de appellat. CARPZ. p. 1. C. 15. D. 8. ac, post rem licet judicatam, ex novis instrumentis denuo agi potest, huic enim causæ hætenus præjudicatum non est v. OBSERV. LAUTERB. *Observ. 337. 338.*

§. 41. Juramentum purgatorium est, quo, jubente judice, suspicionibus vel probatione imperfecta gravatus, illud, quod sibi objicitur, falsum esse asseverat, atque ita innocentiam suam vel libertatem ostendit c. fin. in fin. X. de jurejur. c. 8. X. de purgat. Canon. Originem habet ab ipsa æquitate, si enim aliud eruendæ veritatis medium non suppetat, utique illa jusjurandum hoc adhiberi jubet. Approbatur illa jure civili l. 6. §. 4. C. d. his qui ad Eccles. confug. auth. novo jure C. de pæn. jud. qui male l. fin. §. 5. C. de jur. dom. impetr. l. fin. §. 10. C. de jur. delib. Canonico t. 1. de purgat. Canon. tot. caus. 2. qu. 5. & Germanico O. C. p. 2. tit. 10. declarat. pac. publ. 1548. tit. 14. 15.

§. 42. Desert illud judex, etiam ex officio l. 6. §. 4. C. de his qui ad Eccles. confug. c. 8. 10. 15. in fin. X. de purgat. canon. CARPZOV. tit. 12. art. 3. n. 1. seqq. p. 1. C. 22. D. 15. modo aliæ probationes deficient, suspensiones autem aliquem gravent, ob quas tamen, pro casuum diversitate, nec suppletorio juramento, nec torturæ locus sit CARPZ. d. l. Quodsi nulla indicia contra aliquem militent, vel excitata iterum sint elisa, tum æquitas juramentum deferri prohibet CARPZ. d. c. 22. D. 1. tit. art. 3. n. 8. 40. hinc stuprum confessio, ratione promissi matrimonii, illud deferri nequit, deficientibus aliis indiciis CARPZ. l. 3. D. 47. Decis. Saxon. 81. OBSERV. LAUTERB. *Obs. 328.*

§. 43. Injungitur gravato suspicionibus, ut plurimum reo d. 11. interdum actori, ratione scilicet exceptionis ei oppositæ v. CARPZ. l. 3. D. 46. n. 15. MART. ad. O. P. S. tit. 32. n. 24. etiam personis moralibus compositis O. C. p. 2. tit. 10. §. 1. masculis & fœminis, quorum illi, si causa communis sit, ex consuetudine, prius jurant CARPZ. p. 1. C. 22. D. 18. perjurio autem suspectis illud deferendum non est CARPZ. Pr. Crim. p. 3. qu. 116. n. 61.

§. 44. Desertur in causa civili l. 6. §. 4. C. de his qui ad Eccles. confug. l. fin. §. 5. C. de jur. dom. impetr. CARPZ. p. 1. C. 22. D. 13. quan-

quando scilicet adversarius ne quidem semiplene probavit, aut aliquando etiam semiplene, sed factum, ejus intuitu, est alienum, illius vero, contra quem probatio suscepta, proprium, tum enim huic potius injungendum purgatorium veritatis, quam illi, suppletorium credulitatis v. BERGER *in resolut. ad. LAUTERB. de probat.* Porro deferretur in causa matrimoniali c. 10. X. de despons. impub. CARPZ. l. 3. D. 48. & criminali c. 8. 12. 15. *Caus. 2. qu. 5. c. 1. 6. X. de purgat. Can. CARPZ. p. 3. qu. 116. n. 58. vid. O. C. p. 2. tit. 10. c. 5. X. de adult. c. 24. 25. Caus. 2. qu. 5. c. 8. X. de purgat. Canon. CARPZ. p. 1. C. 22. D. 2. seqq.*

§. 45. Delatum est præstandum regulariter in loco publico, coram iudice, adversario præsentem, ita ut nec referri possit, nec ejus nomine, juramentum calumniæ exigi CARPZ. tit. 12. art. 3. n. 58. 65. p. 3. qu. 116. n. 72. cum enim juraturus indiciis gravetur, de iniquitate queri non potest, quod, his conditionibus, jurare debeat. Recusans pro confesso habetur c. 10. in fin. c. 15. X. de purgat. canon. O. C. p. 2. tit. 10. §. 2. CARPZ. tit. 12. art. 3. n. 46. p. 3. qu. 116. n. 80. etiam in delictis gravioribus, licet hoc casu recusantem torturæ subijciendum esse censet Id. d. l. n. 81. Innocentiam tamen probaturus aliis mediis, audiendus est O. C. d. p. 2. tit. 10. §. 2. CARPZ. p. 3. qu. 116. n. 64. p. 1. C. 22. D. 16.

§. 46. Præstito hoc jurejurando, jurans absolvitur definitive c. 8. X. de purgat. Canon. c. 7. 8. *caus. 2. qu. 5.* etiam quoad expensas CARPZ. p. 1. C. 22. D. 17. tit. 12. art. 3. n. 49. ut nempe eas alteri refundere non teneatur, nisi sua culpa suspicioni causam dederit, quod in inquisitionibus semper factum censetur, hinc quoties inquisitus, juramentum purgatorium præstat, toties impensas judiciales fere debet *vid. OBSERV. LAUTERB. Obs. 326.*

§. 47. Licet autem jurans à refusione expensarum quandoque sit immunis, tamen propriæ expensæ, ab adversario, ei non præstantur, damnum enim hoc, fortuitum magis, quam voluntarium censeri debet. Quod si tamen adversarii malitia, quæ indicia, nonnulla contra alterum excitaverit, probari queat, tum ad refusionem expensarum juranti tenebitur, ceu etiam judicatum aliquando apud CARPZOV. p. 1. C. 22. D. 17. in fin. Reus absolutus in pristinum statum & officium, si certo casu suspensus fuerit, restituitur c. 10. X. de purgat. can. In genere tamen veritas, etiam post rem judicatam, novis probatio-

nibus ostendi potest, ob rationem §. 40. datam v. CARPZ. p. 1. C. 22. D. 20. tit. 12. art. 3. n. 75. add. LAUTERB. C. J. de jurejur. verb. juramentum purgationis.

§. 48. Ad abusum juramenti purgatorii forte pertinet, quod illud sæpe, non aliam ob causam, deferatur, quam ut ex ejus recusatione, multam, vel præstatione, sportulas alii sperare & exigere queant. Sed satius videtur, vel à suspecto utrumque simpliciter exigere, vel, si hoc nimis grave videatur, utroque lucro carere, quam perjurio causam dare: Nunc non raro contingit, ut sportulæ perjurio acquirantur, aut suspectus & perjurus dimittendus sit, quem, ut suspectum saltem, dimittere nolebant.

§. 49. Superest juramentum mixtum v. §. 1. Ad illud pertinent (1.) Juramentum calumniæ generale, quo litigantes eorumque advocati, circa singulas lites, jurato asserunt, se credere, quod bonam causam habeant, ac, sese eam, bona fide & sine malitia, esse persecuturos, promittunt, quod pluribus explicat LAUTERB. C. J. de jurejur. lit. a. Sed cum illud juramentum, reprimendæ litigantium temeritati & malitiæ, haud sit idoneum, adeoque ejus delatione perjuriis frequentissimis anfa præbeatur, merito illud à plerisque Statuum imperii judiciis exulat v. OBSERV. LAUTERB. Obf. 339.

§. 50. In Saxonia tamen Electorali illud, urgentibus circumstantiis, quandoque exigitur Decis. noviss. 70. quemadmodum etiam in eadem hætenus receptum est, ut Advocati, gradu Doctoris vel Licentia- ti non gaudentes, ratione processuum rite peragendorum, semel jurare debeant, quod juramentum tamen saltem promissorium est (2.) Juramentum testium, quo testes veritatem se esse dicturos promittunt,

& ex quo effata eorum vim deinde sortiuntur (3.) Juramentum paupertatis v. §. 12. h. & si quæ ejus generis alia adhuc occurrunt.

CAPUT XVI. DE JURE TALIONIS.

SUMMARIA.

- Talionis origo §. 1. Nititur jure naturali §. 2. Exercetur etiam ab integris universitatibus §. 11.
Respicit læsionem inferendam vel illatam §. 3. Ad talionem illam etiam pertinet satisfactio
Prioris species est defensio necessaria §. 4. exactio §. 12.
Ejus requisita §. 5. Cujus varia exempla §. 12. 13. 14.
Effectus moderaminis inculpatæ tutelæ observati & neglecti §. 6. Nec non pænæ impositio §. 15.
Defensio aliorum bonorum irreparabilium §. 7. Cujus etiam diversa exempla §. 15. 16.
Talionis altera species consistit in negatione præstationis reciprocæ §. 8. Requisita pænæ talionis §. 17.
Ejus temperamentum §. 9. 10. Aliquando parum recte adhibetur §. 18.
Quandoque locum omnino non habet §. 19.
Questionum specialium decisio §. 20. 21.

§. 1.



Explicavimus hætenus generaliter jura & obligationes, quæ homines existentes, vel in ordine ad se ipsos, vel alios, sustinent. Uti autem illa, juxta naturalem hominum conditionem, in æquilibrio regulariter consistunt, ita legibus positivis & conventionibus, inæqualitas nonnunquam quoad ea introduci solet. Præterea observandum, quod jura Socialitatis plerumque sint reciproca, hinc, altero officium negligente, philantiæ enixius incumbere, ac inhumanitatem inhumanitate, læsionem læsione pensare, ut plurimum non tantum licitum, sed & aliquando necessarium est.

§. 2. Istam juris proprii defensionem, Talionis nomine, comprehendere liceat, ad quam pertinet decantatissima illa juris Romani rubrica: *quod quisque juris in alterum statuerit, ut ipse eodem jure utatur*, quæ ita inolevit, ut, vel ob eam solum, jure Romano nos carere non posse, nonnullis forte persuasum sit. Sed hoc quidem nimis fuerit superstitiosum, jus Talionis ita comparatum est, ut, sine adminiculo Juris Romani, ex principiis congenitis, per rectam rationem, facile intelligatur.

§. 3. Nam si pluribus jura æqualia, sive *natura*, sive *pactis*, sive *lege* competant, tum, uno, plus justo, sibi arrogante, cæteris quoque idem licere, quivis recta ratione præditus, intelligere potest: quod si

autem circumstantiæ illæ aliter se habeant, tum etiam talio cessabit. Cum vero hanc late hic supponamus, ideo ad ejus jura intelligenda, duplex casus generalis videtur esse distingvendus, vel enim *quis in læsione inferendæ occupatur, vel plus juris, quam par erat, sibi jam arrogavit.* Illo casu, talio consistit in *rejectione mali inferendi*, hoc vero, vel in *negatione præstationis reciproce*, vel in *exactione satisfactionis*, vel in *oppositione pœne*.

§. 4. Ad primum casum pertinet defensio necessaria, nam si quis alterum injuste aggressus fuerit, tum hoc facile liquet, quod invasus invasorem, sine ejus læsione, si ita fieri possit, repellere queat, hoc enim, ex regulis amoris proprii & proximi, ultro liquet. Quod si autem aliter fieri nequeat, tum aggressor, qui vitæ nostræ insidiatur, etiam cum internecione repelli potest & debet, adeo ut violenta sui defensio, non tantum licita, sed & præcepta & necessaria sit v. OBSERV. PUFEND. *Obs.* 120. *seqq.* quod juris naturalis dictamen passim aliæ leges probant v. l. 3. de *J. & J.* l. 4. §. 45. §. 4. ad. *L. Aquil.* l. 12. §. 1. *quod met. caus.* l. 1. §. 27. de *vi & vi arm.* l. 1. C. unde *vi* l. 1. C. quando *lic. unicuique sin. jud.* c. 6. de *sentent. excomm.* in 6. *Nem. Carol. art.* 139. *seqq.*

§. 5. Sed ut illa defensio recte se habeat, suis eadem debet constare requisitis, sive moderamen inculpatæ tutelæ observandum est. Videtur autem in eodem recte æstimando, respiciendum esse tum ad *offensionem defensionis suffecturam*, tum ad *facultatem lædendi*. Illa, ad est, si (1.) præsens periculum (2.) sine nostra culpa immineat, ac illud (3.) alia ratione, quam oppositione violentiæ, depelli nequeat. Facultas autem lædendi, in Civitatibus, incipit ab *actuali* seu *moraliter certa offensione*, & desinit, *simul ac invasoris impetus depulsus est*, nam offensionem imminentem aut recursuram Magistratus impedire potest ac debet OBSERV. PUFEND. *Obs.* 123. *seqq.*

§. 6. Quod si quis, observatis exacte istis requisitis, invasorem occiderit, tum non tantum est impunis, sed & impeccabilis v. CARPZ. *Pr. Crim.* p. 1. qu. 28. præterea damni restitutionem ab occisi hæredibus recte petit, quamvis de hoc in foro civili, quod sciam, vix aliquid audiatur. Si vero moderamen inculpatæ tutelæ excesserit, tum arbitrarie puniri solet, cum vero illud omne ex circumstantiis dependeat, ideo de modo excessus & irroganda pœna, rectius in casibus specialibus,

libus, inita accurata circumstantiarum ratione, quam ex generalibus interpreterum asseritis, judicari potest *v. CARPZ. d. l. qu. 29. sedd.* Id in genere rationi & æquitati est consentaneum, ut, quando de defensione constat, potius in favorem defensoris, quam aggressoris pronuncietur.

§. 7. Quod pro defensione vitæ licet, id non immerito etiam, pro defensione membrorum, pudiciæ aliusque boni irreparabilis, licere censetur, hinc etiam, propter tutelam rerum, fur & raptor occidi poterit, si vel vitæ amittendæ periculum subsit, vel rerum recuperandarum spes deficiat *v. l. 4. §. 1. ad L. Aquil. CARPZ. d. l. qu. 32.* Cæterum cum ea, quæ in hisce casibus allegari solent, facti sint, hinc facile liquet, omnes circumstantias, quæ hic aliquod momentum habent, ab allegantibus probandas esse, & sæpe jurejurando vel tortura veritas erui solet *v. CARPZ. d. l. qu. 33.*

§. 8. In secundo casu talio consistit (l.) in *negatione præstationis reciproce.* Eo pertinent officia humanitatis, nam si quis illa alteri non exhibeat, tum hic illi, rursus eadem recte negabit, interim generosus est, inhumanitatem, quæ non tam alteri damnum affert, quam inhumani stultitiam & improbitatem ostendit, non talione, sed humanitate & beneficiis pensare, etsi praxis hominum fere in contrarium tendat, dum modica inhumanitas, graviore solet excipi.

§. 9. Ad eandem classem pertinent officia ex contractibus reciprocis resultantia, nam, uno fidem non fervante, alterum quoque ad promissum non teneri, tralutium est. Duo autem circa hujus generis exempla notanda sunt, primo, *talionem non aliter locum habere, quam si jura sint equalia & reciproca*, hinc licet dominus servo suo calceos non purgaverit, hic tamen illi ministerium hoc detrectare non poterit, operis tamen fideliter præstitis, mercedem recte exigit.

§. 10. Secundo notandum, *talionem solum habere locum, contra eum, qui officium neglexit, non alios*, hinc si Dominus Pontificius, subditis Evangelicis honestam neget sepulturam, Domini Protestantes, suis subditis Pontificiis, eandem non recte negabunt, hi enim nihil peccarunt, nisi constet, horum etiam collusionem & consensu, iniquitatem illam esse peractam. Id non præcise requiri videtur, *ut solus læsus retorquant*, sed potest quandoque alius etiam, læsi velut nomi-

ne & in ejus defensionem, maxime si ipse ob impotentiam aliasve causas, talione uti nequeat, lædenti paria rependere, id quod exemplo proxime allato intelligi potest.

§. 11. De cætero dicta non tantum habent locum, quoad personas singulares, sed & integras universitates, nam si v.gr. civitas aliis commoda ratione successionis neget, vel civibus emigraturis aliquid detrahat, aut exteris ufuras solvi prohibeat, tum civitas altera, in cujus præjudicium hoc tendit, tam contra ipsam civitatem inhumanam aut lædentem, quam ejus membra, quæ vel in illam inhumanitatem, vel in incommodum, quod eam sequitur, censentur consensisse, talione uti poterit v. CARPZ. p. 3. C. 38. D. 1. *seqq.* EKHOLT. ad ff. *quod quisque jur.* §. 8. 9. sed cum, inter præstationes reciprocas, non sit exacta proportio, præterea, inter homines, socialitas ut plurimum frigeat, ideo sæpe modus in talione, hic non servatur.

§. 12. Porro, in casu antea memorato, talio consistit (II.) in *exactione satisfactionis*, nam id manifestæ æquitatis est, ut is, qui plus justo sibi asseruit, læsis illud, vel æquipollens, reddere teneatur. Ad istam autem satisfactionem obtinendam varia competunt remedia (1.) *actiones forenses*, de quarum æquitate etiam non facile dubitatur (2.) *retorsio in specie*, qua injurias verbales in injurias rejicimus, nam medio illo existimationem nostram, integram conservamus, minimum, ne opinione vulgi, labes aliqua ei adpersa credatur v. OBSERV. LAUTERB. *Obs.* 1232. 1240.

§. 13. Ulterius (3.) *Arrestæ*, i. e. *detentiones personæ, aut rerum debitoris, per creditorem ipsum, aut, si privatus sit, autoritate Magistratus factæ*. Obtinent illa regulariter tantum contra externos, aliquando tamen etiam contra concives, si obærat, fugitivi aut arctiori quadam obligatione conficti sint v. HUBER. in *posit.* & *prælect.* ad ff. *de in jus voc.* (4.) *Repressalia*, quæ sunt *actus, quo alterius civitatis civis, aut ejus res, propter debitum totius civitatis vel aliis, de ista societate civis, post frustra petitam justitiæ administrationem, eo fine detinentur, ut debitor, ad satisfactionem illo medio urgeatur, vel, ea non secuta, læsus suum inde recipiat* vid. SPECIM. JUR. PUBLIC. ROMANO GERM. l. 3. c. 8, §. 39. *seqq.*

§. 14. Videbatur etiam huc referendum esse (5.) *Bellum*, sed hoc lati-

latius patet, & ad omnes talionis species, hæcenus adductas, se extendit, in bello enim non tantum læsionem imminuentem repellimus, sed & reciprocas præstationes utiles omittimus, ac damni restitutionem exigimus. De cætero contra injustum hostem, quamdiu resistit, in infinitum læsio bellica extendi potest, de quo alibi agitur v. OBSERV. PUFENDORF. *Obj.* 124. *seqq.* 691. 692. Inter privatos autem, qui in statu civili vivunt, illud medium locum non habet, certe habere non debet.

§. 15. Denique, in casu antea allato talio consistit (III.) in *impositione pœnæ*; hoc toties accidere dicendum est, quoties id, quod delinquenti infertur, damni restitutionem in se non continet. Ista autem talio pœnalis licet æquitati naturali non repugnet, attamen nec ex hac dependet, sed, ad exemplum aliarum pœnarum, legi positivæ debet originem. Eo pertinet (1.) pœna, qua ob membrum ruptum, æquale malum imponitur, legi XII. tabb. aliisque sapientibus antiquis probata v. §. 7. *I. de injur.* GELL. *N. A.* l. 20. c. 1. LEHMAN *Chr. Spir.* l. 7. c. 36. 37. PUFEND. *de J. N. G.* l. 8. c. 3. §. 27.

§. 16. Exemplum hujus talionis est etiam (2.) homicidii pœna, quæ homicidæ dolofo imponitur. Denique eo quoque referenda (3.) sanctio juris Romani, qua Magistratus, qui jus novum & iniquum, dolo malo statuerant, ut & illi, qui jus illud impetraverant, adversario postulante, eodem jure uti debebant l. 1. 2. 3. *quod quisque jur.* nam per talionem, hic intelligi pœnam, non tantum ex eo patet, quod per illam, damnum læso haud fuerit restitutum, sed & quod locum illa invenerit, licet jus novum non nocuerit, modo nocere potuerit, idque, ex veriori sententia, tam ratione Magistratus statuentis l. 1. §. 2. quam partis impetrantis l. 3. *pr. d. t.* denique ex eo, quod etiam tertius, qui læsus omnino non erat, talionem exegerit l. 3. §. 2. *d. t.* Ex qua observatione liquet, quam inepta sit eorum superstitio, qui ex speciali illa sanctione Romana, omne jus talionis repetunt.

§. 17. Duo autem, circa pœnam talionis, sine dubio concedenda sunt (1.) eam solum afficere delinquentem, ac nonnunquam, in causis pecuniariis, ejus hæredem & fidejussorem v. l. 3. §. 3. 4. 5. *quod quisque jur.* (2.) si ad mortem extendatur, imparato non esse imponendam. Ex quibus facile decideret quæstio, an, si v. gr. Galli,

urbem obsidentes, contra datam fidem, exeuntes milites præfidiarios trucident, in casu converso, alios Gallos occidere liceat? procul dubio negandum hoc erit, hi enim nec deliquerunt, nec, si peccassent, mors imparatis foret imponenda, nam in tali casu, mala bellica, pœnas imitantur v. OBSER. V. PUFEND. *Obf.* 692. quin tamen illi, ad obtinendam à lædentibus satisfactionem, detineri queant, dubitandum non est, nisi aliter conventum fuerit.

§. 18. Cæterum uti talionis pœna, hætenus æquitate se commendat, quod exactam satis, inter delictum & malum imponendum, observet proportionem v. l. 1. *pr. quod quisque jur.* ita de fine pœnarum, illa non adeo est sollicita, hinc nonnunquam tale malum imponi jubet, quo delinquens non emendatur, sed, ad bene faciendum, potius ineptus redditur, quando v. gr. membro mutilatur, quale certe puniendi genus in universum incongruum censi debet: quare tantum abest, ut illa, pro universali aliqua pœnarum mensura, haberi queat, ut nequidem semper recte adhiberi possit.

§. 19. Aliquando etiam talio penitus cessat, idque vel ideo, quod *actus, quo æquale malum irrogandum, sic illicitus*, v. gr. si adulterium adulterio coerceri debeat, vel quod *objectum, quod eadem præsupponit, in puniendo non occurrat*, v. gr. si monoculus, qui alterum utroque oculo privaverat, ratione puniendus sit. Potest etiam quandoque utraque causa impediens concurrere, ut si adulterum coelibem, adulterio punire velis. Aliquando denique raro talio usum habere potest, si *nimirum casus, quem illa respicit, in puniendo non facile existat*, & putem ejus rei exemplum esse in sanctione Romana §. 16. allata, omnem tamen ejus usum nolim negare v. l. 3. §. 3. *quod quisque jur.*

§. 20. Ex his nonnullæ quæstiones facile explicantur. Quæritur, *an contra eum, qui inducias moratorias à Principe obtinuit, eodem privilegio uti possint ejus debitores?* Ita censet CARPZOV. p. 3. C. 38. D. 1. n. 17. sed, infelicitèr huc trahi jus Romanum, & quæstionem esse negandam, manifestum est, nam impetratio induciarum moratoriarum, non est delictum, sane, hoc dixisse, in Principem injuria est, præterea Imperans privilegium eo sine concessit, ut debitor pecuniam, Creditoribus aliquando exsolvendam, comparare queat, quæ intentio talionem satis excludit. Plane, importunis flagitatoribus, prætextu talio.

talionis, ipſis metuendæ, poſſe privilegium aliquando à Principe negari, dubitandum non eſt, quo pertinet l. 7. C. de reſcind. vendit.

§. 21. Porre quæritur, an *Magiſtratus inique judicans ac v. gr. ſucapionem, legitime impletam; improbus, aut Doct̃or juris male conſulens, eodem jure uti debeant?* hoc etiam affirmare ſolent v. EKHOLT ad ff. quod quisque jur. §. 2. 7. ſed, itidem male huc applicari jus Romanum, putem, nam ejus ſanctio, ad iniquam potius *legiſlationem*, quam *applicationem* pertinet, adeoque non temere extendenda videtur. Sed ſac, talionem non inique imponi, quando vero ejus exercendæ caſus, in judice aut Doctore, occurret? Satiùs igitur erit, delinquentes, ſi delicti convinci queant, ſtatim pœna promerita afficere, quam caſum talionis ſuſcipiendæ otioſe expectare add. OBSERV. LAUTERB. Obſ. 41.

CAPUT XVIII. DE RELIGIONE.

SUMMARIA.

Connexio cum diverſa religionis ſuppoſitione §. 1.

Ejus indoles & Species §. 2.

Religionis naturalis, pro notitia acceptæ ſumma capita §. 3. 4. 5.

Ei opponitur ſuperſtitio & atheiſmus theoreticus §. 6.

Cultus naturalis interni partes §. 7.

Externi variz Species §. 8.

Quousque jure naturali præcipiatur §. 9.

Ei opponitur ſuperſtitio, atheiſmus & impietas Uſus religionis naturalis §. 11.

Religionis poſitivæ quatuor Species §. 12.

Earum indoles §. 13.

In genere religio vera aut falſa eſt, chriſtianæ habitus & oppoſita §. 14.

Relatio religionis ad ſocietatem civilem §. 15.

Quo ſenſu illa hujus ſit vinculum §. 16. 17.

Alia ſocietatis humanæ vincula §. 18.

Religio non ſubeſt imperio civili §. 19.

§. I.



Oſt jura Philantiæ & Socialitatis generaliter explicata, etiam de Officio hominis erga Deum, ſeu de Religione, aliqua dicenda, vel ex Jurisprudentia Univerſali præſupponenda erunt, tum ut Diſciplinæ noſtræ contextus ſibi conſtet, tum ut doctrina ſpecialior, in uſum Germaniæ, ſuo loco inde poſſit inſtrui. Religio ſumitur, vel pro obligatione ad Deum colendum, quæ vel revera ad-

est, vel saltem adesse existimatur v. SCHERTZER *System. theolog. proleg.* §. 13. p. 4. vel pro ipso Dei cultu, qui significatus in vita civili est usitatissimus, ad quem adeo hic quoque respicimus, ac obligationem circa illum occurrentem simul exhibebimus.

§. 2. Cum autem religionis nomine verus & falsus cultus notari soleat, ideo, juxta laxiorem illum sensum, Religio est *actus, quo quis Deum, juxta veram aut falsam notitiam, sincere aut frigide, animo & opere externo colit.* Consistit adeo omnis religio ex *notitia de Deo & cultu strikte dicto.* De cætero summa religionis divisio, à *diversitate Principii* dependet, juxta quod, illa est vel *naturalis*, quæ ex natura per Rationem innotescit, vel *Revelata* seu *Positiva*, quæ ex revelatione divina dependet, vel saltem dependere creditur.

§. 3. Religionis naturalis, quatenus pro *notitia* accipitur, hæc sunt capita (1.) *Deum existere*, id quod ex univèrsa mundi machina factis intelligitur, modum tamen existentiae, ut & creaturarum productionem, à Summo illo Numine factam, ratio humana sibi relicta, assequi non valet (2.) *Deum hujus universi esse conditorem*, quod quidem eadem, qua caput præcedens, demonstratione nititur, cum enim Deum non aliter, quam ex natura, cognoscamus, hinc eodem arguendo edocemur, & Deum existere, & hoc universum condidisse.

§. 4. Porro (3.) *Deum in hoc universum regimen exercere*, illudque *sua providentia moderari*, quod caput præcedentibus itidem cohaeret, sicut enim hæc mundi machina Autorem requirit, ita eadem quoque Conservatorem & Gubernatorem expostit; quæ omnia adeo conjunctim intelliguntur. Potest autem Providentia divina distingui in *Generalem*, quæ quoad omnes creaturas se exserit, & *Specialem*, quæ intuitu hominum, & quoad eventus quidem singulares, occurrit. Hæc *fatum* vel *fortuna* dici solet, quamvis ipse etiam eventus nonnunquam isto nomine exprimat. Observandum præterea est, quod eventus illi, à prudentia vel stultitia humana, simul dependere soleant, quo spectat vulgatum illud: *quilibet fortuna suæ faber.*

§. 5. Denique naturalis notitiæ caput est (4.) *Deum esse aliquod ens, plane diversum ab iis, quæ sensibus & intellectu nostro comprehendere possunt*, nam sicut mens humana modum existentiae divinæ non intelligit, ita, de essentia Dei, multo minus aliquid positive concipit, hinc

hinc omnes locutiones, quibus uti solent homines, non liquidam aliquam cognitionem, sed mentis humanæ imbecillitatem arguunt, hinc omnis etiam, de Deo, philosophia naturalis, ita adornanda est, ut non tumidam aliquam sapientiam præ se ferat, sed infirmitatem humanæ rationis ingenue agnoscat ac divinitatis incomprehensibilitatem admiretur.

§. 6. Notitiæ de Deo naturali opponitur (1.) *Superstitio*, quæ serio quidem Deum agnoscit, sed falsos conceptus, ex prava rationatione, vel traditione originem ducentes, de eodem fovet (2.) *Atheismus theoreticus*, qui Dei existentiam negat, qualis quidem inter homines nunquam ita existere potest, ut mens humana pervasa sit, Deum non existere. De cætero homo, ex natura, facile amplius cognoscit, se per legem naturalem obligari ad notitiam de Deo acquirendam, acquisitamque conservandam, nec non ad superstitionem & atheismum vitandum.

§. 7. Quodsi porro Religionem naturalem pro cultu accipiamus, tum vel notat *cultum internum*, qui solo animo peragitur, vel *externum*, quando affectus animi in actus externos erumpunt. *Internus* generaliter consistit in *agnitione conditionis humane*, quæ, nisi fallor, quinque affectibus principalibus absolvitur, *admiratione*, quæ incomprehensibilitatem, *amore*, qui bonitatem, *honore*, qui imperium, *timore*, qui potentiam, & *fiducia*, quæ bonitatem & potentiam Dei simul agnoscit & veneratur. Omnes vero hi affectus, *obsequii* nomine quoque veniunt, si eos, velut præceptos, aut sub obligatione juris naturalis positos, consideres.

§. 8. Cultus *Externus*, est vel *indirectus*, qui, legum, homines respicientium, observantia, Deo exhibetur, nam, obsequio huic cultum inesse, manifestum est, vel *directus*, qui Deum directe respicit, ejusque colendi gratia suscipitur, ac iterum vel *omissione contentus externi*, vel *susceptione actuum honorantium* constat, potestque vel *privatus*, vel *publicus* esse.

§. 9. Quousque autem lex naturalis cultum hactenus delineatum præcipiat, quæritur? Breviter: jubet cultum internum, nec non externum indirectum, porro etiam directum, quatenus omissione contentus externi absolvitur, non vero quatenus susceptione actuum hono-

honorantium constat, sed hic cultus, jure naturali saltem licitus censeri debet, nam actibus corporeis, utpote ratione destitutis, proprius religionis sensus non inest, hinc etiam ad cultum illi necessarii existimari nequeunt, nisi speciale præceptum adsit, quale quidem, per solam Rationem, asseri non posse videtur.

§. 10. Cultui naturali opponitur etiam (1.) *Superstitio*, nam, ex inepta persuasione, ineptus oritur cultus (2.) *atheismus theoreticus*, negato enim Deo, cultus necessario cessat; præterea ei in specie opponitur (3.) *atheismus practicus* seu *impietas*, qua quis Deum contemnit, vel cultum honorantem omittit aut simulat, sed de his duobus gradibus posterioribus, difficulter judicari poterit, cum cultus externus non præcise sit necessarius. De cætero vitia illa opposita, jure naturali prohiberi, ex dictis §. 9. consequitur.

§. 11. Usus religionis naturalis, est vel *principalis*, nempe per eam Deum nobis reddimus propitium, vel *secundarius*: Debet illa homines manuducere ad inquisitionem cultus à Deo revelati, quem usum vulgo pædagogicum dicunt; sed non minus illa impedire debet, ne quamvis traditionem vel fabulam, pro religione revelata, amplectamur. Cæterum dicta obtinent, quamdiu Deus aliam religionem, juxta quam unice coli velit, non revelavit, nam, hoc facto, manifestum est, quod *principalis* usus religionis naturalis cesset, non tantum quoad eos, qui revelatam illam jam sunt amplexi, sed & quoad eos, qui eam amplecti debebant. *Secundarius* vero *usus*, locum adhuc suo modo inveniet v. OBSERV. PUFEND. *Observ. 92. seqq.*

§. 12. Religionum positivarum magna est varietas, cum forte nullagens, in toto terrarum orbe, reperiatur, quæ cultu mere naturali Deum prosequatur; Quatuor tamen species non male constitui videntur, scilicet *Christiana*, *Judaica*, *Turcica* & *Paganica*, quarum singulæ, iterum in plures species discernuntur, de quibus specialius agere, jam non opus.

§. 13. Illud etiam recte dici videtur (1.) singulas religiones positivas, notitia & cultu stricte dicto constare (2.) eas exigere cultum externum (3.) nullam forte earum esse, quæ non aliquot religionis naturalis capita in se contineat, imo (4.) christianam religionem quatenus improbitate hominum non est corrupta, totum cultum naturalem, qui

qui amore Dei & proximi absolvitur, comprehendere (5) singulas, ex sententia assecularum, habere illum scopum, ut salutem æternam per eas consequantur homines, etsi pleræque, ad illum obtinendum, parum sint aptæ:

§. 14. In genere Religiones, sunt vel *veræ* vel *falsæ*. Naturalis est vera, ex quo tamen non sequitur, quod, juxta eam, Deus sit colendus v. §. 11. Positivæ autem maximam partem sunt fabulosæ. Quod tamen in specie attinet *Christianam*, de divina ejus origine satis persvasi sunt Christiani, sed illa saltem vera est, quæ in iis, quæ ad salutem æternam sunt necessaria, cum S. Scriptura exacte convenit, eique quatuor vicia, *Impietas*, *Hæresis*, *Infidelitas* & *Atheismus theoreticus*, opponuntur, de quibus multa dicere, instituti ratio non permittit.

§. 15. Sicut autem quævis religio directæ, est actus hominis erga Deum, non hominum inter se spectatorum, ita, si homines, in libertate naturali, sine imperio civili, viverent, unusquisque non valde curaturus esset, quo cultu alius Deum prosequeretur. At postquam homines, in varias societates, ac inprimis civitates, coaluerunt, accurata religionis, inter eos usitatæ, cura haberi, ac multa, sæpe etiam plura, quam indoles religionis & imperii civilis permittit, ejus intuitu, constitui solent, hinc operæ pretium est, religionem cum societatibus humanis, ac, in specie civilibus, propius non nihil comparare.

§. 16. Hoc igitur vulgo recte dici solet, *religionem esse firmissimum societatis humane vinculum*, & hætenus nihil referre videtur, si ve illa sit naturalis, si ve positiva, vera an falsa, nam si quis Deum serio amet & timeat, licet norma cultus non adeo recte se habeat, is officia proximo debita exacte implere studebit. Sed ut religio illum effectum habeat, tria adeam requiri videntur (1.) ut persvasionem, de futura beatitudine & pœna, habeat adjunctam, ut sit (2.) seria, interno scilicet ac vero Dei amore & timore constet, ac (3.) fociabilis.

§. 17. Si primum requisitum desit, vix aliquid religio humanis societatibus præstabit, cum male agentibus nihil magis, quam mors, metuendum sit; si secundum cesseret, nulla plane securitas ab ea expectari potest: Si tertium deficiat, & religio sit imperiosa, vel odio dissentientium civili inquinata, tum non tantum nihil societatibus humanis prodest, sed & eas enormiter turbat. Quæ cum ita sint, ab aliis

disquisitum, est, quænam ex religionibus christianis, ad promovendam Rerum publicarum felicitatem, sit aptissima? ad quam tamen disquisitionem descendere, jam non attinet.

§. 18. Illud observandum, dari quoque alia media, quæ societates humanas contineant. Eo poterunt referri (1.) *præmia & pænæ naturales*, quæ, ex observantia vel neglectu officiorum, sequi solent (2.) *pænæ arbitrarie*, in legum transgressores constitutæ (3.) *disciplina civilis bene instructa*, quæ leges pœnales exequitur (4.) *animus moderatus, à natura datus*, qui, ne data quidem impunitate, alios lædere velit (5.) *defectus virium vel occasionis alios lædendi*, & si quæ ejus generis alia sunt. Atque hisce momentis fere stant & cadunt societates humanæ, nam religio ut plurimum exulat, aut necessariis destituitur requisitis, adeoque societatibus humanis & civilibus parum prodest, quod exemplo eorum, quos solum religionis & conscientiæ vinculum in officio continere debebat, satis intelligitur.

§. 19. Postea observandum, quod religio, intuitu, civitatum & imperii civilis, sit *res libera*, nam solus Dei est, dare religionem, præterea hæc in animo consistit, actus vero externi, si internus applausus in eos non influat, inanes ac minime religiosi sunt; Cum igitur imperium civile animum hominis flectere & dirigere nequeat, manifestum inde est, quod religio extra illius sphæram sit constituta. Exinde sequitur, quod religio, in quamcunque etiam formam illa se componat, coactioni & pœnis humanis non subjaceat, modo eadem societates humanas non lædat & turbet, nam huic improbitati recte visopponitur.

CAPUT XVIII. DE JURE NECESSITATIS.

SUMMARIÆ.

Collisio officiorum humanorum §. 1.

Fit per necessitatem §. 2.

Leges humanæ & conventiones admittunt exceptionem necessitatis §. 3.

Leges divinæ, quæ Deum respiciunt, eam aliquando non admittunt, aliquando admittunt §. 4.

Quod exemplis præceptorum naturalium & positivorum declaratur §. 5.

Præcepta homines respicientia affirmativa necessitatis exceptioni subsumunt §. 6.

Negativa aliquando §. 7.

Quod exemplis illustratur §. 8. 9.

In specie necessitatis, in res alienas jus dat §. 10.

Periculum rerum nostrarum officium erga alios quandoque suspendit §. 11.

Legis Rhodie fundamentum & usus §. 12.

§. I. In

§. 1.



IN Capite 16. comparavimus jura Pilautiæ & Socialitatis, nunc generalior comparatio, qua jura Philautiæ, non tantum inter se, sed & cum juribus Socialitatis & Religionis contenduntur, instituenda erit. Eveniunt scilicet nonnunquam ejusmodi casus, ut non aliud expediendæ propriæ salutis supersit medium, quam si actum aliquem suspiciamus aut omittamus, quem jura ordinaria omitti suscipive volebant. In hac igitur collisione, de juriū illorum prærogativa quæritur, cujus disquisitionis summa capita hic etiam breviter exhiberi debent.

§. 2. Casus illi singulares, nomine *Necessitatis* veniunt, quæ est *Periculum vite, membrorum aut rerum, sine nostra culpa excitatum, ex quo unica ratione evadere possumus, si scilicet actum alias prohibitum suscipiamus, vel præceptum omittamus.* In casu igitur imminētis ejusmodi periculi, quæritur, *an leges, quæ propriæ saluti obsunt, exceptionem necessitatis admittant?* i. e. an, ob favorem conservationis propriæ, leges contrariæ, eo casu non obligent, adeo ut impune & sine peccato, actus alias prohibiti aut præcepti, suscipi vel omitti queant?

§. 3. De Legibus humanis & conventionibus, regulariter dicendum erit, quod exceptionem necessitatis admittant, cum enim homo soleat ea refugere & amoliri, quæ ad sui destructionem tendunt, aut alias gravi malo eum afficiunt, hinc nec Legislator, nec pacificentes, tam rigidam obligationem constituissè censi possunt, cujus observationem comitaturum esset malum, humanam naturam destruens, aut communi hominum constantia superius, nisi expresse, aut propter negotii naturam, iste quoque casus sit comprehensus v. PUFENDORF. de O. H. C. l. 1. c. 5. §. 18.

§. 4. Quod vero leges divinas, ac præcipue naturales attinet, videntur eæ, quæ Deum respiciunt, à cæteris, quæ homines concernunt, separandæ esse. De illis hæ regulæ fortassis non male inculcantur (1.) *quoties susceptio vel omissio actionis, Dei contentum aut abnegationem involvit, toties lex, quæ illa alias prohibet, aut præcipit, exceptionem necessitatis non admittit,* nam honori divino, vitam etiam nostram cedere debere, ex materiæ conditione, ratio satis intelligit (2.) *quoties vero*

susceptio aut omisio actionis, alias prohibita vel præcepta, contentum Dei non continet, toties lex, necessitatis exceptionem admittit, cum enim honor Dei non periclitetur, ex benevola ejus mente, obligatio suspensa præsumitur.

§. 5. Ad exempla si applicentur regulæ, præcepta *naturalia negativa*, non videntur admittere exceptionem necessitatis; *Positiva* vero, v. gr. de non edenda carne suilla, quod olim Judæis datum erat *v. PUFEND. de J. N. G. l. 2. c. 6. §. 2.* regulariter eam admittunt. De præceptis *naturalibus affirmativis* plane quæri non potest, quia illa ad cultum externum non obligant *v. l. præc. §. 9.* adeoque hic semper omitti potest. *Positiva* autem, necessitatis exceptionem non respuunt, nisi cultus omisio, pro abnegatione sit *v. Dan. VI. 10.*

§. 6. Quoad præcepta, ad homines spectantia, præcipue obtinet distinctio præceptorum *affirmativorum & negativorum*. Illa admittunt exceptionem necessitatis, adeoque si vita nostra periclitetur, aut alius incommodum immineat, actio alias præcepta licite omittitur; Deus enim unicuique propriam curam ac conservationem injunxit, ac præterea præcepto affirmativo voluit, ut in alios bonum conferamus, hæc igitur Dei voluntas, ex priori restringitur, ut tum demum impleri debeat, si salus propria non periclitetur, in quo fundatur latitum illud: *ordinata charitas incipit à seipsa.*

§. 7. Circa negativa hæ regulæ notandæ (1.) *Quoties susceptio actionis, alias prohibita, est remedium certum depellendi periculum* (i. e. cum cessatione periculi physicam & necessariam habet connexionem) *nec majus aut æquale malum, quam imminens necessitas* (id quod ex habitu utriusque physico, non morali, æstimandum) *toties lex exceptionem necessitatis admittit.* Verum (2.) *quoties est medium incertum, vel majus aut æquale malum, toties memoratam exceptionem lex respuit,* nam, ex diverso illo mali & medii habitu, voluntas divina, probabiliter satis colligitur.

§. 8. Ex his exempla facile judicari possunt. Sic possum alterum in communi periculo destituere, si probabile sit, me cum illo alias esse periturum, est enim præceptum hoc affirmativum, juxta doctrinam §. 6. Pro conservanda vita, licebit membrum, insanibili vitio correptum, abscindere: Non minus quoque fas erit, in sui conservatio-

vationem, alios lædere, vel, ob salutem multorum, unum occidere v. PUFEND. *de J. N. G. l. 2. c. 6. §. 3.* nam obrinent, in his exemplis, circumstantiæ, regula prima notatæ: Damnum tamen duobus posterioribus casibus, cessante periculo, quantum fieri potest, erit refarciendum.

§. 9. E contrario si quis, in sui conservationem, innocentem occidere jubeatur, exceptio necessitatis, juxta doctrinam regulæ secundæ, cessabit, occisio enim alterius, est æquale malum & medium incertum, hinc non apparet, quare malum imminens, in alium devolvere, ac, ob spem salutis incertissimam, actionem alias prohibitam, suscipere liceat. Idem dicendum erit, si quis periculum vitæ, incestu vel adulterio, similive crimine redimere jubeatur, nam & hæc perin-certa conservandæ vitæ sunt media.

§. 10. Rursus, in casu veræ necessitatis, res alienas, sine vitio furti, auferre licet, modo damnum, cessante periculo, refarciatur, non tantum enim hic occurrit ratio, regula prima comprehensa, sed & specialis insuper accedit: nam oblatio rei alienæ dissentiente saltem domino illicita est, cum vero dominus, si præsens sit, in necessitate constituto succurrere teneatur, cur non ejus, qui ad consentiendum vel obligatur & dissentire non debet, consensum, in casu absentiæ, præsumere, adeoque ablationem licitam dicere liceat?

§. 11. Quod si necessitas circa res nostras versetur, tum ob eam res alienas perdere licebit, dummodo vera subsit necessitas, & corruptio rei alienæ, sit minus malum & medium probabiliter certum, ac denique, depulso periculo, damnum refarciatur. Cæterum sicut hæc obligatio cessat, domino in damnum consentiente, ita etiam aliter locum non habet, quam si res, ob commune periculum, perierit, ejusque jactura, illud sit depulsum v. *l. 2. l. 3. l. 4. §. 7. de L. Rhod. de jact.*

§. 12. Ex his principiis exorta est *Lex Rhodia de jactu*, in jure Romano satis celebris, quæ adeo nihil aliud est, quam specialis conclusio, ex generali juris naturalis æquirate, deducta, ac speciali casui, periculi scilicet maritimi, applicata. Ex quo liquet, non satis rationi

conveniense esse, si Legis illius decisio, ad alios casus, extendatur, nam similitum casum decisio, non ex aliqua conclusione speciali, sed ipso potius principio, repetenda erat, & licet parum videatur interesse, siue assertionem ex fonte, siue ex rivulo derives, modo illa, in se vera sit, attamen nimia illa rerum Romanarum, ac, in opprobrium velut juris naturalis, facta æstimatio, censuram omnino meretur

v, OBSERV. PUFEND. *Obs. 141. seqq.* addendæ tamen autoritatis causa, jus Romanum recte allegatur.



LIBER TERTIUS

CAPUT I.

DE HOMINUM INVIOLABILITATE.

SUMMARIA.

Furtio sequentium §. 1. 2.

Homines sunt inviolabiles §. 3.

Inviolabilitati obstat vulneratio §. 4. 5. 6.

Et homicidium §. 7.

Culposi indoles & effectus §. 8.

Jure Saxonico solvitur Werigeldum §. 9.

Ad homicidium dolosum animus occidendi requiritur §. 10.

Sufficit tamen etiam dolus indirectus §. 11.

Deinde ipsa occisio necessaria est §. 12.

Homicidii subiectum & obiectum 13.

Exinde oritur obligatio ad damnum resarcendum & poenam ultimi supplicii §. 14.

Quæ jure divino introducta censetur §. 15.

Hæc poena plures afficit §. 16.

Modo requisita ad sint §. 17.

Homicidium est simplex & qualificatum §. 18.

Utrumque, quoad mortis poenam in genere, convenit.

§. 1.



Xplicavi hætenus generaliter, quid homines existentes, sibi ipsis, proximo & Deo debeant. Sed nunc specialior illorum officiorum instituenda erit consideratio, non quidem respectibus illis, amplius distinctis, sed permiste, prout status generis humani & Rerum publicarum id exigere videbitur. Non incongrue autem ad specialia deduci poterit tractatio, si jura hominum præcipua figillatim expendamus.

§. 2. Recensui 1. 1. c. 11. §. 13. sex species extantiores, *Humanitatem, Inviolabilitatem, Libertatem, Existimationem, Jus rerum & Imperi.*

perium. De Prima nihil amplius dicendum videtur, nam fere, extra legum civilium curam, illa est, hinc, quoad eam, sufficere possunt dicta *l. 2. c. 3.* sed cæterarum explicatio, tractationi secuturæ materiam sup-
 peditabit, ubi quidem ab inviolabilitate hominum, initium facien-
 dum erit.

§. 3. Omnes homines esse inviolabiles, nisi delictis, coercitioni humanæ subjectis, socialitate sese indignos fecerint, ex fundamentis antea inculcatis, satis patet *v. l. 3. de J. & J.* Solent tamen nonnulli, sensu speciali, sancti & inviolabiles *v. l. 8. pr. §. 1. l. 9. §. 3. de divis. rer.* dici, ut Parentes *l. 9. de obseq. parent. & patr.* Legati *l. 8. §. 1. de divis. rer. l. fin. de Legat. &* multo magis Imperantes, quanquam Romanorum Imperatorum ambitio, divinitatem etiam affectaverit, ceu ex variis juris Romani locis, liquet *v. l. 5. 6. ad L. Jul. Maj. l. 7. C. de interd. matrim. inter pup. l. 33. C. de donat.*

§. 4. Isti inviolabilitati communi, duo delicta obstant, *Vulneratio & Homicidium*, quæ hic considerari debent. Per illam intelligimus *actum voluntarium, quo vel vulnus alicui invito infligitur, vel membro aliquo quis mutilatur.* Obligari autem vulnerantem ex jure naturali, ad damnum resarciendum, præterea ipsum, pro ratione facinoris commissi, posse puniri, satis manifestum est. Sed illa, in foro, non semper exacte separantur ac exiguntur.

§. 5. In jure Romano, expensæ & operæ saltem æstimantur, deformitatis aut dolorum nulla habita ratione *l. 3. si quadrup. paup. l. f. de his qui effud.* quod ultimum tamen solida ratione non nititur *v. SCHILTER ad ff. exerc. 19. §. 34. seqq. add. OBSERV. LAUTERB. Obs. 268.* Præterea, quod sciam, nulla etiam pœna à vulnerante exigitur, nam pœna legis Aquiliæ, quæ, ex pretii diversitate, oriebatur *§. 9. 14. l. de Leg. Aquil.* in vulneratione hominis liberi, locum habere nequit.

§. 6. Jure Saxonico, ob vulnerationem, aliquando dimidia, aliquando decima pars Werigeldi exigitur *Landr. l. 2. art. 16.* sed illud hodie observari non solet *v. Constit. Elect. 42. p. 4. CARPZ. Pr. Cr. p. 1. qu. 34. n. 40. 41. p. 2. qu. 99. n. 31.* verum æstimatio damni, ac pœna pecuniaria arbitrio judicis definitur, ac utraque à vulnerante exigitur *CARPZ. d. qu. 99. n. 33. seqq.* quæ præstatio, *Enenda, Bussé, & Wer-*

Werigeldum dici potest, licet alias hoc, ab illis, ex veriori sententia, plane differat v. SCHILTER *ad ff. d. Exerc. 19. §. 32. 33.* Actio autem, qua illa exigitur, *actio damni*, aut si mavis, *utilis L. Aquilæ. l. 13. ad L. Aquil.* dici potest.

§. 7. Homicidium in genere acceptum, est *actus, quo vita hominis tollitur*. Est vel *involuntarium* seu *casuale*, quando sine dolo vel culpa homo occiditur; Ex eo nec obligatio ad damnum resarciendum, nec ad pœnam oritur v. *Nemes. Carol. art. 146. CARPZ. Pr. Crim. p. 1. qu. 27. n. 50. seqq.* vel *voluntarium*, quod à volente committitur, hoc iterum est vel *licitum*, quod legibus permittentibus aut jubentibus suscipitur, vel *illicitum*, quod contra legis prohibitionem fit, *Illius* duæ sunt species, *Necessarium*, de quo actum l. 2. c. 16. §. 4. seqq. & *Ulciscens*, quo delinquentes è medio tolluntur: *Hoc* autem est vel *culposum*, vel *dolosum*, quæ hujus loci.

§. 8. Homicidium Culposum est, *quod sine proteresi*, aut *liquida animi destinatione*, perpetratur, id quod ex circumstantiis judicandum v. l. 1. c. 14. §. 5. Homicida obligatur ad pœnam arbitriam v. CARPZ. *Pr. Crim. p. 1. qu. 27.* & juxta merum jus naturale, ad damnum iis, quos occisus, ex obligatione perfecta, alere debuit, resarciendum v. PUFEND. *de J. N. G. l. 3. c. 1. §. 7.* sed illam obligationem jure Romano cessare, aliqui putant THOMÆ *de nox. animal. c. 9. n. 21.* LAUTERB. C. J. *ad L. Aquil.* SCHILTER *ad ff. exerc. 19. §. 11. 12. 13.* quod tamen omnino dubium est, nec ex l. 15. §. 1. l. 16. 36. §. 1. *ad L. Aquil. l. 5. de his qui effud. l. 3. si quadrup. pauper.* probatur v. OBSERV. LAUTERB. *Obs. 265.*

§. 9. Jure Saxonico occisi hæredibus, mortem ejus vindicantibus, solvendum est *Werigeldum*, quod comprehendit *viginti quatuor sexagenas antiquas*, sive *viginti thaleros*. Solvi autem debet integrum, ob marem occisum, dimidium vero, ob feminam interentam Landr. l. 2. art. 65. l. 3. art. 45. CARPZ. *Pr. Crim. p. 1. qu. 34.* Licet vero *Werigeldum* pro multa ac pœna habeat CARPZOV. *d. l.* videtur tamen id potius ad damni restitutionem pertinere, ceu docet SCHILT. *ad ff. Exerc. 19. §. 14. seqq.* Ex quo sequitur, quod plures occisores unum saltem *Werigeldum* solvant, quod non videtur CARPZOVIO *d. qu. 34. n. 31. seqq.* & quod Magistratus, deficientibus occisi hæredibus, *Werigeldum* exigere nequeat Id. *d. l. n. 63. seqq.*

perium. De Prima nihil amplius dicendum videtur, nam fere, extra legum civilium curam, illa est, hinc, quoad eam, sufficere possunt dicta *l. 2. c. 3.* sed cæterarum explicatio, tractationi secuturæ materiam supeditabit, ubi quidem ab inviolabilitate hominum, initium faciendum erit.

§. 3. Omnes homines esse inviolabiles, nisi delictis, coercitioni humanæ subjectis, socialitate sese indignos fecerint, ex fundamentis antea inculcatis, satis patet *v. l. 3. de J. & J.* Solent tamen nonnulli, sensu speciali, sancti & inviolabiles *v. l. 8. pr. §. 1. l. 9. §. 3. de divis. rer. dici, ut Parentes l. 9. de obseq. parent. & patr. Legati l. 8. §. 1. de divis. rer. l. fin. de Legat. & multo magis Imperantes, quanquam Romanorum Imperatorum ambitio, divinitatem etiam affectaverit, ceu ex variis juris Romani locis, liquet *v. l. 5. 6. ad L. Jul. Maj. l. 7. C. de interd. matrim. inter pup. l. 33. C. de donat.**

§. 4. Isti inviolabilitati communi, duo delicta obstant, *Vulneratio & Homicidium*, quæ hic considerari debent. Per illam intelligimus *actum voluntarium, quo vel vulnus alicui invito infligitur, vel membro aliquo quis mutilatur.* Obligari autem vulnerantem ex jure naturali, ad damnum resarciendum, præterea ipsum, pro ratione facinoris commissi, posse puniri, satis manifestum est. Sed illa, in foro, non semper exacte separantur ac exiguntur.

§. 5. In jure Romano, expensæ & operæ saltem æstimantur, deformitatis aut dolorum nulla habita ratione *l. 3. si quadrup. paup. l. f. de his qui effud. quod ultimum tamen solida ratione non nritur v. SCHILTER ad ff. exerc. 19. §. 34. seqq. add. OBSERV. LAUTERB. Obs. 268.* Præterea, quod sciam, nulla etiam pœna à vulnerante exigitur, nam pœna legis Aquiliæ, quæ, ex pretii diversitate, oriebatur §. 9. *14. l. de Leg. Aquil. in vulneratione hominis liberi, locum habere nequit.*

§. 6. Jure Saxonico, ob vulnerationem, aliquando dimidia, aliquando decima pars Werigeldi exigitur *Landr. l. 2. art. 16.* sed illud hodie observari non solet *v. Constit. Elect. 42. p. 4. CARPZ. Pr. Cr. p. 1. qu. 34. n. 40. 41. p. 2. qu. 99. n. 31.* verum æstimatio damni, ac pœna pecuniaria arbitrio judicis definitur, ac utraque à vulnerante exigitur *CARPZ. d. qu. 99. n. 33. seqq. quæ præstatio, Emenda, Bussè, & Werigeldi*

Werigeldum dici potest, licet alias hoc, ab illis, ex veriori sententia, plane differat v. SCHILTER ad ff. d. *Exerc.* 19. §. 32. 33. Actio autem, qua illa exigitur, *actio damni*, aut si mavis, *utilis L. Aquilie. l. 13. ad L. Aquil.* dici potest.

§. 7. Homicidium in genere acceptum, est *actus, quo vita hominis tollitur*. Est vel *involuntarium* seu *casuale*, quando sine dolo vel culpa homo occiditur; Ex eo nec obligatio ad damnum refarciendum, nec ad pœnam oritur v. *Nemes. Carol. art. 146. CARPZ. Pr. Crim. p. 1. qu. 27. n. 50. seqq.* vel *voluntarium*, quod à volente committitur, hoc iterum est vel *licitum*, quod legibus permittentibus aut iubentibus suscipitur, vel *illicitum*, quod contra legis prohibitionem fit, *Illius* duæ sunt species, *Necessarium*, de quo actum l. 2. c. 16. §. 4. *seqq.* & *Ulciscens*, quo delinquentes è medio tolluntur: *Hoc* autem est vel *culposum*, vel *dolosum*, quæ hujus loci.

§. 8. Homicidium Culposum est, *quod sine proæressi*, aut *liquida animi destinatione, perpetratur*, id quod ex circumstantiis judicandum v. l. 1. c. 14. §. 5. Homicida obligatur ad pœnam arbitriam v. *CARPZ. Pr. Crim. p. 1. qu. 27.* & juxta merum ius naturale, ad damnum iis, quos occisus, ex obligatione perfecta, alere debuit, refarciendum v. *Puffend. de J. N. G. l. 3. c. 1. §. 7.* sed illam obligationem jure Romano cessare, aliqui putant *THOMÆ de nox. animal. c. 9. n. 21. LAUTERB. C. J. ad L. Aquil. SCHILTER ad ff. exerc. 19. §. 11. 12. 13.* quod tamen omnino dubium est, nec ex l. 15. §. 1. l. 16. 36. §. 1. ad L. Aquil. l. 5. de his qui effud. l. 3. si quadrup. pauper. probatur v. *OBSERV. LAUTERB. Obs. 257.*

§. 9. Jure Saxonico occisi hæredibus, mortem ejus vindicantibus, solvendum est *Werigeldum*, quod comprehendit *viginti quatuor sexagenas antiquas*, sive *viginti thaleros*. Solvi autem debet integrum, ob marem occisum, dimidium vero, ob fœminam interentam *Landr. l. 2. art. 65. l. 3. art. 45. CARPZ. Pr. Crim. p. 1. qu. 34.* Licet vero *Werigeldum* pro multa ac pœna habeat *CARPZO v. d. l.* videtur tamen id potius ad damni restitutionem pertinere, ceu docet *SCHILT. ad ff. Exerc. 19. §. 14. seqq.* Ex quo sequitur, quod plures occisores unum saltem *Werigeldum* solvant, quod non videtur *CARPZO v. d. qu. 34. n. 31. seqq.* & quod Magistratus, deficientibus occisi hæredibus, *Werigeldum* exigere nequeat l. d. l. n. 63. *seqq.*

§. 10. Homicidium dolosum est, quando *quis liquida animi destinatione alicui vitam adimit v. l. 1. §. 3. l. 7. 16. ff. l. 1. §. C. ad L. Cornel. de sicar.* Duo ergo requiruntur (1.) *dolus* (2.) *mors, ex actu illo doloso, necessario secuta.* Dolus summam ex eo æstimandus videtur, si quis sponte alterius vitam impetat. Quodsi adeo quis aliqua causa, quæ communem mortalium patientiam superat, ad factum impellatur *v. Const. Elect. 10. p. 4. CARPZ. p. 1. qu. 29. n. 70.* vel ejusactus, juxta id, quod plerumque fieri solet, vitam alterius non respiciat, tum dolo quid fecisse existimari nequit.

§. 11. Si tamen quis sponte aliquid faciat, ex quo mors non raro sequi solet, is, morte secuta, homicidii dolosi erit reus, licet directe alterius mortem non intenderit *v. gr. si quis instrumento, ad occidendum apto, animo non occidendi, sed vulnerandi, aliquem feriat, & mors, præter ejus intentionem directam, exinde sequatur: nam sufficit, quod primum principium, plane sit voluntarium, hinc non incongrue dolum indirectum hic asserere licet v. Num. 35, 18. l. 38. §. 5. de pæn. l. 15. ad L. Cornel. de Sicar. l. 1. C. cod. l. 6. C. ad L. Jul. de vi publ. CARPZ. Pr. Crim. qu. 1. 3.* Error quoque in persona commissus, dolum non excludit, quia saltem concomitans est *v. l. 18. §. 3. de injur. Constit. Elect. 6. p. 4. CARPZOV. qu. 5.*

§. 12. Deinde quoque ad homicidium requiritur, ut mors ex actu doloso sit secuta, hinc multum interest, an *vulnus sit lethale, nec ne,* nam illo casu pœna ordinaria locum habet, licet aliæ causæ concurrentes mortem promoverint, hoc vero, illa cessat. Quo igitur de qualitate vulneris constet, ejus *legitima inspectio* est instituenda juxta præscriptum *Ord. Crim. art. 149.* Opus igitur est, ut Judex, adhibitis duobus Scabinis & Actuário, nec non uno alterove Medico vel Chirurgo jurato, cadaver inspiciat, ac omnes circumstantias diligenter exploret. Quodsi vulnus, vel lethale non sit, vel saltem tale, juxta modum antea præscriptum, non appareat, pœna ordinaria cessat *v. CARPZ. Pr. Crim. qu. 26.*

§. 13. Homicidium committere possunt omnes, qui rationis usu non destituuntur *l. 12. ad L. Cornel. de sicar.* cujuscunque sunt conditionis *v. CARPZOV. qu. 2.* ob ætatem tamen, summam ebrietatem, similesve causas mitior pœna imponi solet *v. Ord. Crim. art. 164. CARPZ.*

qu. 143. seqq. Perpetratur hoc crimen in quovis homine, cujuscunque conditionis aut ætatis *Gen. 9, 6. l. 1. §. 2. ad L. Cornel.* nam æstimatur illud ex humanitate, quæ omnibus æqualiter competit.

§. 14. Commisso homicidio, homicida etiam dolosus, mero jure naturali, ad damnum refarciendum est obligatus *v. PUFEND. de J. N. G. l. 3. c. 1. §. 7.* sed illa obligatio in foro civili negligi solet, certe in Saxonia Werigeldum non exigitur *Constit. Elect. 11. p. 4. CARPZ. qu. 34. n. 42. 43.* Hincde pœna saltem quæstio est, & hodie quidem consummatum, mortis supplicio afficitur *Ord. Crim. art. 137. CARPZ. qu. 2. 24. de jure civili attentatum quoque morte fuit punitum l. 1. pr. ad L. Cornel.* quod ad Assassinos solum pertinuisse videtur *v. MATTH. de Crimin. ad L. Cornel. tit. 5. c. 1. n. 3.*

§. 15. Communiter autem pœna illa, ex jure divino positivo universali ac hominibus indispensabili, repetitur *Gen. 9, 6.* quamvis alii dissentiant *v. PUFENDORF de J. N. G. l. 8. c. 3. §. 26.* sed veritatem sanctionis divinæ denuo asseruit DN. D. RECHENBERG in *dissertat. de jur. aggratiand. circ. homicid. negat. bab. Lips. 1702.* Illud tamen certum videtur, quod sanctio illa tantum pertineat ad homicidium vere proæreticum & dolosum, hinc, juxta regulas interpretationis restrictivæ, plures forte à pœna mortis liberari possent, quam rigidiore sæpe existimant.

§. 16. Quodsi quis aliquem lethaliter vulneraverit, alius vero eundem, occidendi proposito, statim peremerit, ambo ultimo supplicio puniendi sunt *v. l. 11. §. 3. l. 51. pr. ad L. Aquil. OBSERV. LAUTERB. Obs. 267.* is quoque qui aliquem occidi, vel saltem vulnerari mandavit, pœna mortis afficiendus est, modo mandatum efficax, cum instantia conjunctum, non vagum ac desultorium fuerit *l. 15. §. 1. ad L. Cornel. l. 5. C. de accusat. l. 11. §. 3. de injur. l. 7. §. 1. de jurisd. l. 1. §. 12. de vi & vi arm. mandatarius quoque ultimum supplicium effugere nequit l. 1. §. 13. de vi & vi arm. l. 12. §. 11. mand. l. 5. C. de accusat. CARPZ. Pr. Crim. qu. 4. OBSERV. LAUTERB. Obs. 1338.*

§. 17. Si plures unum facta conspiratione occidant, omnes ordinaria pœna sunt plectendi, nam omnium voluntate homicidium factum est. Si vero in rixa subito contingente occisio fiat, solus occisor, si de eo constet, ultimo supplicio affici debet, eruendæ veritatis

gratiâ, ob legitima indicia, tortura adhibetur; quodsi autem occisor non possit detegi, tum omnes rixæ impliciti, extraordinarie puniuntur, nisi quis innocentiam suam doceat: Si omnes lethaliter vulneraverint, omnibus pœna mortis imponitur, nec refert, quis primum vulnus inflixerit, nam animus occidendi in omnibus fuit, & intentioni respondit exitus: Si vero singulorum vulnera mortem saltem effecerunt, tum omnes, etiam autor rixæ, extraordinarie puniuntur *v. Ord. Crim. art. 148. CARPZ. qu. 25.*

§. 18. Homicidium est vel *simplex*, quod nomen generis retinet, vel *qualificatum*, quod ob concurrentes quasdam circumstantias, proprium nomen recipit, ac simplici gravius crimen est. Eo pertinet (1.) *Parricidium* sive cædes personarum conjunctarum, cum variis suis speciebus *v. CARPZ. Pr. Crim. qu. 8. seqq.* ad quas etiam referri potest *Expositio infantum & Abortus procuratio. Id. qu. 10. 11. Decis. Saxon. 78. add. OBSERV. LAUTERB. Obs. 792. 1247. NOODT libr. singul. de partus expositione per tot. (2.) Assassinium* i. e. homicidium à conducto commissum *CARPZ. qu. 19. (3.) Veneficium*, interemptio veneno peracta *CARPZ. qu. 20. 21. (4.) Latrocinium*, quod est homicidium, spoliis & lucri causa perpetratum *CARPZ. qu. 22. seqq. add. LAUTERB. C. J. l. 48. tit. 8. 9.*

§. 19. In genere observandum, quod singula illa crimina morte coerceantur, si dolus intervenerit, mortis vero supplicium, pro ratione circumstantiarum, varie exasperetur, id quod multis referre, instituti ratio non permittit; Aliquando etiam crudelitas non probanda intercurrere videtur. Denique circa homicidium ejusque species, ac inprimis parricidium, docere solent, quod nullo tempore illa præscribantur per *l. fin. ad L. Pompej. de parricid.* quæ tamen doctrina solidò satis fundamento non nititur *v. OBSERV. LAUTERB.*

Obs. 1344. THEODORIC. Coll. Crim. c. 7.

aph. 8. n. 17.

CAPUT II.
DE LIBERTATE.

SUMMARIÆ.

Libertus pro facultate naturali & morali accipitur §. 1.	Inter species libertatis, est libertas religiosa §. 10.
Illa est principium actionum humanarum §. 2.	Christiana §. 11.
Hujus objectum sunt actiones licite §. 3.	Ecclesiastica & œconomica §. 12.
Libertas in statu naturali §. 4. Et civili §. 5.	Philosophica §. 13.
Hujus restrictio servitutis nomine quandoque venit §. 6. 7.	Sub qua continetur juridica §. 14.
Aliquando vero honoratori titulo exprimitur §. 8. 9.	Libertari opponitur licentia & injusta servitus §. 15.
	Utriusque indoles §. 16.
	Servitutis injustæ exempla §. 17.

§. 1.



Uxtra partitionem c. 1. §. 2. de hac etiam quædam dicenda erunt. Per libertatem hic non intelligimus *facultatem illam physicam*, qua mens humana gaudet, quaque actiones bonas & malas suscipit, adeo ut hæ omnes, velut liberæ, homini imputentur, sed *facultatem moralem sive jus*, quo sensu libertas est *jus ea facienti, quæ leges non prohibent*. Definitionem Florentini in l. 4. de stat. homin. quæ ad libertatem Civilem & Romanam, frustra omnino applicatur v. OBSERV. LAUTERB. Obs. 20. rectius huc refereris: *Est naturalis* (non physica, sed jure naturali concessa) *facultas ejus, quod cuique facere libet, nisi si quid vi* (legibus subordinata, nam injusta vis non libertatem, sed ejus exercitium saltem, per injuriam, tollit) *aut jure prohibetur*.

§. 2. Libertas *physica* est principium omnium actionum humanarum, hinc etiam actiones prohibitæ, sunt liberæ, physice scilicet, non moraliter, idem asserendum est de actionibus præceptis & honestis, nam & hæ, liberæ sunt, cum potuerint etiam omitti, ac generaliter dicendum, quod, negata libertate, omnis cesset imputatio, nec pœnis aut præmiis locus sit, quæ tamen omnia, ad vitam civilem & forum externum, referri debent, nam, an in foro interno, quoad actiones bonas, aliquod hominum sit liberum arbitrium, Theologorum est disquirere. Libertas autem *moralis* dirigit saltem actiones licitas.

§. 3. Dependet hæc libertas à *jure naturali*, ejusque objectum, ut modo dictum, sunt *actiones licite*, quæ rursus varia objecta, diversa scilicet jura & res, quæ ex variis causis hominibus acquiruntur, habent, ad quæ adeo laudata libertas quoque porrigitur. Sic v. gr. ut res aliqua, tua sit, id efficit dominium, sed an jus illud cum suo objecto retinere vel alienare, eodem ita vel aliter uti velis, id omne decernit libertas. Ejusporro mensura sunt *leges divina & humana*, nam ea omnia facere aut omittere possumus, quæ legibus divinis, aut humanis legitimis, non prohibentur aut jubentur. Illud addendum, *actiones præceptas* quoad susceptionem, suo modo, ad libertatem quoque referri posse, nam ea, quæ facere debes, etiam potes facere.

§. 4. Sicut autem omnia jura humana sunt mutabilia, ita inprimis libertas nunc augeri, nunc restringi solet, ubi observandum, quod quædam restrictio, servitus dicatur, alia autem tam abjecto nomine non veniat, sed potius aliquando honorem addat, quod ex sequentibus magis apparebit. Intelligendæ igitur libertatis indoli, summamim homines considerandi sunt vel in *statu naturali*, in quo per naturam, seposito omni facto, existere concipiuntur, vel in *statu adventitio*, qui facto humano producitur. In illo æqualis omnium libertas, in hoc vero eadem est diversa, nam si v. gr. pacto alteri te subicias, tua libertas imminuitur, alterius autem, propter novum objectum, augetur, quæ varietas in infinitas formas se componere potest.

§. 5. Inter status adventitios maxime eminet *Civilis*, hunc ergo quando homines sup pacto producant, Imperantis quidem libertas summopere augetur, inprimis si unius arbitrio omne imperium committatur, hæc certe, ob amplitudinem novi objecti, tanta est, quanta in statu naturali nemini competere potest: Sed subditorum libertas valde imminuitur, nam ejus, quatenus imperio civili repugnat, faciunt jacturam, ea tamen, quæ cum existimatione humana remanet, huc libertatis nomen meretur, & dicitur *Civilis*, de qua dixi l. 2, c. 1. §. 11.

§. 6. Ista porro libertas civilis varie restringitur, quæ restrictiones nonnunquam *Servitutis* nomen assumunt, id quod contingit (1.) si alicui libertas in genere, cum existimatione humana, adimatur, quæ conditio inprimis servitus audit v. d. l. 2. c. 1. §. 11. 12. 13. observandum tamen

tamen est, quod nec, in infimæ conditionis mancipiis, omnis libertas penitus cesser, quis enim dubitet, quin, in moderandis suis actionibus, aliquo libero arbitrio fruantur servi? (2.) si quis ex pacto, viliora ministeria præstare debeat, id quod in hominibus propriis, rusticis & famulis mercenariis evenit, est tamen pactitia illa servitus præcedente lenior, & tales servi, quoad conditionem civilem, liberi sunt. *v. d. l. 2. c. 1. §. 14.*

§. 7. Porro (3.) si quis ex re sua alteri perpetuam utilitatem exhibere teneatur, quæ vulgo *servitus rerum* dicitur, sed afficit potius personas, intuitu rerum, cujus observationis usus alibi patebit. Denique (4.) Aristocratix & Democratix, aut Monarchix, regimine polyarchico temperatæ, *civitates liberæ* dici solent, hinc subjectio eorum, qui absoluto Monarchæ subsunt, generaliter *servitus* dicenda erit. Licet vero ista loquendi ratio, ex odio vel contemptu nonnunquam proficiscatur, attamen fundamento non plane destituitur, nam non tantum ii, qui in civitatibus polyarchicis, imperii participes sunt, sed & meri subditi, magis liberi censeri possunt subditis Monarchicis, qui sæpe ab unius hominis, imperio male abutentis, libidine pendent, quæ satis dura servitus est.

§. 8. In his, & forte aliis, exemplis, libertatis restrictio, servitus dicitur. Sed in aliis, in nomine *simplicis obligationis*, illa subsistit, aut etiam honoratiori *muneris* titulo donatur, quæ restringendi ratio, multiplex & propemodum infinita est, quoties enim tralatitium illud: *quod ab initio est voluntatis, ex post facto fit necessitatis*, locum non habet? quando aliquis pacto quid promittit, aut muneri publico admoveatur, libertas antea competens tollitur.

§. 9. Quare autem jactura libertatis, hic sit tolerabilis ac abjectum servitutis nomen, in hujus generis restrictionibus, non occurrit, ejus rei ratio facile patet, nam, amissa libertas aliis commodis, salario scilicet honore vel aliis rebus acceptis, pensatur, prætereā non, per longius tempus, ministeria vilia, sed vel præstationes momentaneæ vel etiam honoratæ, animi corporisve dexteritatem arguentes exhiberi debent. Ex quo etiam liquet, adeo libertatem, non semper præstare necessitate agendi, ut illa potius sæpe inutilis & ignominiosa sit, hinc etiam otiosi, validi mendicantes aliaque ejus generis inutilia teræ pondera, per ironiam *domini liberi* salutari solent.

§. 10. Inter species libertatis occurrit potissimum (1.) *libertas religionis*, hæc quidem, intuitu Dei, non datur, nam ex ejus jussu, vera religio amplectenda, & falsa fugienda est, sed inter homines, & quoad societatem civilem, illa utique asseri debet, non tamen eousque, ut per eam societates humanæ turbari queant, de quo actum l. 2. c. 17. §. 19. (2.) *libertas christiana*, quæ tamen diversimode accipi posse videtur.

§. 11. Velenim eo nomine intelligitur *libertas religionis christiane*, ab imperio & coactione humana, quo sensu, præcedentis species est: vel *libertas naturalis*, quatenus per placita religionis christiane non est restricta, nam hoc aut illud ex libertate christiana, non repugnantibus scilicet christianæ religionis decretis, facere aut omittere posse dicimur: Vel *immunitas à jugo legis Mosaicæ*, aut à necessitate legem implendi, nec non, à legis maledictione & condemnatione quem sensum Theologi magis explicant. Aliquando etiam per abusum, eludendo legitimo imperio, libertas christiana allegatur, quando scilicet ei adversari dicitur, si Imperans, ex justis causis, circa adiaphora quid disponat.

§. 12. Pontificii jactare quoque solent (3.) *libertatem Ecclesiasticam*, quæ, in exemptione Cleri ab imperio civili, consistat v. BECMAN lin. doctrin. moral. c. 6. §. 9. sed hæc e mentita libertas, ac non ferenda legitimi imperii elusio est. Rectius in hunc censum refertur (4.) *libertas æconomica*, qua quisque res & jura sua moderatur, quæque adeo circa singula jura acquirenda, retinenda vel alienanda occurrit: nam, in specie omnis alienandi facultas, ab illa libertate dependet, quæ adeo non recte, à multis, dominio adscribi solet, cujus observationis sua quoque est utilitas v. OBSERV. PUFEND. Obs. 312. n. 2.

§. 13. Non ignobilis quoque species est (5.) *libertas philosophica*, qua verum, in rebus naturalibus, artificialibus & moralibus, inquirere licet, hanc enim leges divinæ permittunt, nec humanæ regulariter prohibent; Quodsi vero, isto libertatis prætextu, errores perniciosi introducantur, tum isti licentiæ merito leges occurrunt, quamvis raro modus teneatur, sed sæpe magna pericula subesse fingantur ab iis, quorum interest, errores conservari, ubi tamen nihil omnino metuendum est. In specie absurdum censeretur, si statutis Universitatum,

no-

novi Doctores in certam doctrinam vel Autorem jurare cogantur, hoc enim nihil aliud est, quam erroribus publicum præstare patrocinium *add. BECMAN d. l. §. 6.*

§. 14. Sub libertate philosophica in specie continetur (6.) *Libertas Juridica*, qua, in disciplina legum, veritatem libere inquirere, errores oppositos refellere, ac à quovis, ipso etiam Legislatore, in iis, quæ ab ejus arbitrio non dependent, rationibus sudentibus, dissentire, nec non abusus, sub justis potissimum specie, introductos, in scenam producerelicet, quam *L. 1. c. 1. §. 36. 37.* tetigi. Caterum sicut alias veritas odia solet parere, ita, cum maxima vitæ civilis sit corruptio, vix alia magis odiosa est, quam illa, quæ circa legum explicationem occurrir, hinc etiam libertas, ad eam tendens, pro magno crimine ab iis, quorum artes deteguntur, haberi solet, quam ob rem cuivis, veritatis cupido, non tantum quid liceat sed & quid expediat, considerandum erit.

§. 15. Ex dictis ergo liquet, quod libertas, si ob justas causas restringatur, merito cessare, è contrario autem, si nulla restrictionis faciendæ causa adsit, integra esse debeat. Sed sæpe illa, in vita civili, non servantur, verum, priori casu, libertas potius male usurpari, posteriori vero, premi solet, hinc duplicis generis opposita existunt, *licentia & injusta servitus*, quarum illa, *legitimæ libertatis restrictioni*, hæc *libertati* opponitur.

§. 16. Licentia est *mala dispensata* sive, *contra legis prohibitionem usurpata libertas*. Hæc inter homines est frequentissima, ac omnes eorum status, instigante perversa philautia, perambulat, in primis tamen illi, quibus pœnas humanas eludere facile est, ei indulgent *add. BECMAN d. l. §. 10.* Injusta autem servitus est *libertatis permixta vel etiam præceptæ, inepta aut iniqua oppressio*.

§. 17. Eo pertinet *servitus superstitiosa*, quando homines, inepte superstitiosi, conscientia laqueum injiciunt, ac actiones indifferentes, velut illicitas, anxie fugiunt *v. BECMAN d. l. §. 8.* sed hæc forte rarior est: *Pedantica*, quam imperiti, defendendis erroribus ac næniis suis, veritatis studio, autoritate etiam Imperantium, si fieri queat, in subsidium vocata, imponunt, & *Tyrannica*, qua libertas, tam in politicis, quam sacris, sine causa, vel etiam contra legis divinæ præscriptum,

tollitur. Ex quibus quoque intelligi potest, quo loco *Coactio* habenda sit; Opponitur scilicet aliquando licentiæ, aliquando libertati, illa, justa, hæc, injusta est.

CAPUT III. DE EXISTIMATIONE ET INFAMIA.

S U M M A R I A.

Existimationis indoles & diversitas §. 1.

Existimatio simplex §. 2.

Et intensiva §. 3.

Hæc iterum est vel ethica §. 4. 5.

Vel politica §. 6.

Quæ juxta virtutem tribui debebat §. 7.

Ei responderet honor, etiam coactus §. 8.

Existimationi intensivæ opponitur vulgaritas §. 9.

Simplici, servitus & infamia §. 10.

Hæc est vel infamia facti §. 11.

Quæ ob delicta §. 12.

Judicio hominum proborum adesse censetur §. 13.

Ac nullum habet alium effectum externum §. 14.

Vel juris §. 15.

Quæ à lege irrogatur immediate §. 16.

Et mediate §. 17. Inhzet delinquenti §. 18.

Ac diversum habet effectum §. 19.

Aliquando imponenda evitatur §. 20.

Quandoque imposita aboletur §. 21.

Hodie quoque habet usum, sed debebat abrogari §. 22. 23.

Levis notæ macula §. 24.

§. 1.



Equitur, juxta indicium c. 1. §. 2. Existimatio, quæ est *jus, juxta quod, in vita civili, homines, inter se, comparari, & vel æquales vel inæquales haberi possunt.* Dicitur etiam *Valor*, vel *quantitas moralis*, quia homines certo modo *quantos* efficit, sive ipsis *quantitatem* aliquam conciliat. Distinguitur in *simplicem* & *intensivam*, quas species videtur confudisse JCrus in l. 5. §. 1. de *extraord. cognit.*

§. 2. Illa est *Valor ex proba humanitate*, seu *legum observantia*, ad *communem mortalium modum, facta*, ortus, ob quem quis *pro homine* probò habetur, ac *aptus est ad consequendam dignitatem, aliæque jura, in societate civili occurrentia.* Eam consequitur *bona fama*, & juxta illam homines, qui leges observant, sunt *æquales*, eademque *tamdiu durat*, quamdiu leges non enormiter violantur, cumque communis hominum probitas fere, in omissione delictorum, tantum consistat, hinc illa merito tamdiu præsumitur, donec horum susceptio, quæ facti est,

est, probetur. Aliquando *sinistra opinione* existimatio premitur, cui soli tamen cordati nihil tribuere solent. Simplici isti existimationi respondet in aliis *obligatio perfecta*, qua eum, qui nihil deliquit, pro viro bono habere, nec famæ integritatem, per injuriam, violare debent.

§. 3. Hæc est *Valor*, quo aliis præstamus. Ejus fundamenta censentur omnia illa esse, quæ insignem perfectionem & præstantiam habent, & quidem talem, cujus effectus, cum fine legis naturalis & civitatum congruit v. PUFENDORF. de J.N.G. l. 8. c. 8. §. 12. Enimvero ita quidem se res habere debebat, sed semper non habet, cum non raro homines improbi magna dignitate, in vita civili, fruuntur. Quamobrem, rei isti plenius intelligendæ, omnino distinguendum videtur inter Existimationem intensivam, ethicam & politicam.

§. 4. Illa est *Valor ex præstantia, legibus attemperata, seu sublimiori virtutis exercitio ortus*. De ea recte dicitur, quod ejus fundamentum sit, *animi vel corporis præstantia, legibus attemperata ac attemperanda* seu uno nomine, *Virtus*. Sola præstantia, in se spectata, indifferens est, si malo fine adhibeatur, non laudem sed vituperium meretur. Isti existimationi, in aliis, respondet *obligatio*, qua alterum, pro homine virtuoso, seu tali, qui concessis animi corporisque donis, juxta legem, recte utatur, habere debent, quæ existimationis agnitio, *Honor* dicitur, cujus aperta professio, *laudis*, ac si latius spargatur, *Gloriæ* nomen assumit.

§. 5. Ista tamen existimatio ethica eousque non extenditur, ut quis, in actibus externis, præ aliis, præcedentiam consequatur, nam vera virtus, quæ ejus unicum est fundamentum, infirmitatis humanæ semper est memor, humilitati studet, nec adeo externo honore extolli cupit. Præterea observandum, quod honor, ethicæ existimationi respondens, nullam admittat coactionem aliaque ejus generis media, eliciendo honori adhiberi solita, nam vera virtus, voluntaria est, hinc etiam non alium honorem desiderat, quam qui ex spontaneo sinceroque affectu proficiatur. Ex quibus etiam sequitur, homines vero virtuosos, de honore & gloria consequendis, seorsim & specialiter non debere esse sollicitos.

§. 6. Existimatio intensiva Politica, est *Valor ex imperio, conven-*

ventione speciali aut legis dispositione ortus, juxta quem homines, in conversatione civili, quoad actus externos, æquales aut inæquales habentur. Hæc existimatio Societates Civiles necessario consequitur, ac proxime dependet ab imperio naturali vel pactitio conventionibus & lege civili, quæ subditis eam vel cum aliquo munere, vel seorsim, & quidem, ut illa vel cum persona destinat, vel in posteros transmittatur, confert v. PUFEND. de J. N. G. l. 8. c. 4. §. 27. seqq.

§. 7. Debat autem existimatio illa, per media modo indicata, juxta existimationem virtutis, quantum fieri potest, adeoque hominibus probis & bene meritis, ac mereri aptis, tribui, & obtenta, ad proximi utilitatem adhiberi. Sed id sæpe negligitur, dum sine ulla meritorum & probitatis consideratione, non raro illa confertur, aut per largitiones, aliaque media parum honesta, obtinetur, denique obtenta, in vanitatem & injustitiam, fere effunditur.

§. 8. Sed quicquid hujus sit, acquisitæ existimationi sive dignitati respondet *Honor*, quem alii, signis inter Gentes receptis, exhibere tenentur v. PUFENDORF d. l. §. 13. quodsi tamen existimatio virtutis in altero non concurrat, honor sincerus, ex serio amoris & venerationis affectu profectus, non requiritur, sed sufficit externus, frigidus & tantum non mortuus, hinc etiam de honore, qui existimationi politicæ responderet, litigari potest, quæ litigia quoque, si dignitas legitime quaesita, sine fastu, contra aliorum contemptum, saltem vindicetur, reprehendi non possunt v. OBSERV. PUFEND. Obs. 655. seqq.

§. 9. Existimatio Virtutis, ad rationes fori civilis, non pertinet, sed, inter bonos, stat & cadit, pro diverso virtutis exercitio. Sed existimatio intensiva politica, aliquando seorsim, in societate civili, amittitur, quam privationem, dicere forte posses *Vulgaritatem* seu *plebejam conditionem*, ad quam quis redigatur, licet huic etiam aliqua existimatio intensiva adhuc adhæreat. Non minus quoque Existimatio simplex, & consequenter etiam, si adsit, Existimatio intensiva politica, aliquando perit, id quod duplici modo contingit.

§. 10. Nam vel ita amittitur, ut aliquis *ne quidem pro homine habeatur*, id quod accidit mancipiis, quæ, loco existimationis humanæ, pretium habent, ac brutis, certo tamen saltem modo, comparantur: de cætero illa privatio nullam involvit turpitudinem, sed commiseratio-

ratio-

rationem potius meretur, imo cum regulis socialitatis satis conciliari non potest v. l. 2. c. 1. §. 11. seqq. vel ita alicui aufertur, ut honestorum hominum numero quis non censeatur, quod ob graviora delicta fit, ea- que existimationis privatio, *Infamia* dicitur.

§. 11. Hæc autem duplici modo supponitur, vel pro nuda *existi- mationis privatione*, vel pro *macula positiva*: Illa, *infamia facti*, hæc, *Juris* dici solet, de utraque sigillatim videndum erit. *Infamia facti*, est *existimationis privatio, ex delictis, hominum proborum judicio, se- cuta, ac, emendato vite genere, ultro expirans* v. l. 2. de obseq. parent. l. 13. C. ex quib. caus. infam. l. 25. C. de adulter. Eam dici turpitudi- nem censet LAUTERB. C. J. de his qui not. infam. lit. a. per l. 2. C. de dignit. l. 27. C. de inoffic. testam. sed turpitudinis vox, ibi non distin- guit, sed explicat, adeoque ad infamiam juris pertinet v. l. 56. pro soc. l. 1. 2. rer. amotar.

§. 12. Præsupponit hæc infamia *graviora delicta*, hinc infames non sunt spurii & alii illegitimi v. c. 5. diffin. 56. l. 7. C. de natur. liber. in med. l. 6. de decur. l. 26. de pæn. qui bonis cedunt l. 11. C. ex quib. caus. infam. qui ab alio vitiatam, vel licitoris viduam ducunt v. CARPZ. p. 2. C. 6. D. 14. & p. 1. Decis. 18. BERLICH. p. 2. D. 299. licitores, exco- riatos, carnifices quique cum illis comedunt CARPZ. p. 1. Dec. 18. RICHTER. p. 2. Dec. 80. 11. 20. LAUTERB. d. l. nam hi omnes nihil deliquerunt.

§. 13. Agnoscitur autem infamia facti, *solo hominum privatorum judicio*, qui enim leges violat, pro homine probo haberi nequit, hinc etiam *emendato vite genere, illa ultro expirat*, non secus ac, advenien- te sole, tenebræ cessant, quamobrem infamiæ hujus non alius est effectus, quam ut homines probi, ejusmodi infamem, quamdiu flagi- tiosum vitæ genus sectatur, averfentur: sed incommodum aliquod, in societate civili valiturum, adeo infamia illa non operatur, ut potius ejusmodi infames, sæpe magnis fruantur honoribus.

§. 14. Quod igitur infames hos ad dignitates non admitti l. 2. C. de dignit. c. 87. de R. J. in 6. add. l. 12. C. de dignit. à collegiis opificum excludi, hæredes institutos, à fratribus querela inofficiosi repelli l. 27. C. de inoff. testam. non esse testes omni exceptione majores l. 3. pr. de test. cum aliis, censeat LAUTERB. C. J. de his qui not. infam. lit. a. E.

id à veritate omnino abludere. & textus citatos, male de infamia facti, accipi, arbitror *add.* OBSERV. LAUTERB. *Obf.* 83.

§. 15. Infamia juris, est *exstimationis privatio, ob delictum, auctoritate legis positivæ, ita facta, ut, emendato licet vitæ genere, macula tamen vel turpitudine semper maneat*, ex quo facile liquet, infamiam hanc, esse speciem pœnæ. Ad eam autem requiritur (1.) *turpe factum l. 5. §. 1. de extraord. cognit.* & nihil refert, lege divina, an humana illud prohibeatur *v. l. 7. C. de interd. matrim. inter. pupill. l. 35. C. locat. l. 4. 17. de excusat. tutor.* dolosum tamen esse debet *l. 6. §. fin. de his qui not. infam. §. 6. l. de suspect. tutor. j. l. 7. §. 1. ff. cod. l. 42. de pœn. de quo etiam agit l. 11. §. 4. de his qui not. infam.* (2.) *legis notatio l. 13. C. ex quib. caus. infam. l. 7. C. de publ. judic.* hinc nonnullæ actiones famosæ non sunt, licet dolum præsupponant *v. l. 16. pro soc. l. 2. rer. amot. l. 36. de O. & A. l. 13. de vi & vi arm.*

§. 16. Irrogatur infamia aliquando *immediate seu ipso jure*, quando scilicet factum est liquidum ac in sensus incurrit. Ita notantur (1.) in scenam prodeuntes lucri causa *l. 1. seqq. de his qui not. infam. add. l. 14. de pœn.* (2.) lenocinium facientes *l. 4. §. 2. d. t.* quod, juxta mores Romanos, de lenonibus professis erit accipiendum, hinc hodie per sententiam demum infamia irrogabitur *O. Crim. art. 122.* (3.) mulier libera, corpore quæstum faciens *l. 24. de his qui not. infam. l. 41. 43. de R. N.* (4.) bina sponsalia celebrantes *l. 1. l. 13. §. 2. de his qui not. infam. aliiq. v. LAUTERB. C. J. d. t. CARPZ. P. 4. C. 20. D. fin.*

§. 17. Aliquando autem infamia imponitur *mediate per sententiam judicis*, quando scilicet factum est obscurum. Contingit hoc (1.) in cæteris reis delictorum publicorum, qui immediate non notantur *l. 7. de publ. judic.* (2.) in quibusdam delictis extraordinariis, ut stellionatus *l. 13. §. fin. de his qui not. infam.* prævaricationis *l. 4. §. 4. cod.* (3.) delictis privatis, furti, rapinæ, injuriarum & doli *l. 4. §. 5. cod.* (4.) in actione pro socio, tutelæ, mandati & depositi *l. 6. §. 5. seqq. cod.* Quoad delicta famosa, seorsim commissa, etiam transactio privata infamiam operatur, non vero, si delictum in contractum incidat *l. 7. cod.*

§. 18. Infamia personis immediate cohæret, nec ad hæredes transmittitur, hoc enim æquitas exigit *v. l. 9. de Senator. l. 26. de pœn. l. 2.*

l. 2. §. 2. 7. de decurion. de cætero habet effectum etiam extra territorium, quia ossibus inhæret, ceu ex Frehero refert EKHOLT *ad ff. de his qui not. infam.* §. 13. verum uti ratio illa, inepta est, ita nec ipsa assertio absolute procedit, nam licet ea, quæ in certo loco aguntur, alibi quoque valere quandoque debeant, de quo *l. 1. c. 10. actum*, attamen neque punientium hic interest, ut punitus, alibi quoque pro infamî habeatur, ne ea intentione infamia videretur imposita, hinc in arbitrio aliorum positum est, quo loco infamia punitum habere velint.

§. 19. Effectus infamiæ est, quod quis pro homine, inhonesto habeatur, hinc ad dignitates infamis non admittitur *v. l. 7. C. de profess. & med. l. 2. 12. C. de dignit. l. un. C. de infam. l. 8. C. de decur. R. l. 1512. tit. von Notarien* §. 2. repellitur à collegio senatorum & opificum CARPZ. *p. 1. Dec. 17. lib. 6. Rsp. 107.* RICHTER *p. 2. Dec. 80. n. 35.* eorum testimonia non sunt plenæ fidei *l. 3. pr. de testib. c. 54. X. de testib.* Interdum etiam infamia illa locum facit querelæ inofficiosi testamenti *l. 27. C. de inoff. testam.* ab oneribus vero immunitatem non præstat *l. un. C. de infam. l. 1. §. 6. in fin. de postul.*

§. 20. Infamia imponenda, aliquando evitatur, aliquando imposita aboletur. Prius fit, si, in causis civilibus famosis, reus, ante sententiam, debitum offerat *l. 73. de procur. l. 7. de his qui not. infam. add. EKHOLT ad ff. §. 14. ZOES. ad ff. §. 15. cod.* deinde si in ejusdem generis causis per procuratorem se defendat *l. 6. §. 2. cod. l. 2. de obs. parent. & patron. arg. l. 1. C. de sentent. & interloc.* quæ sanctio tamen regulis prudentiæ parum convenit. Denique, si stuprator stupratam ducat CARPZ. *l. 6. Rsp. 99.* BERLICH. *p. 2. Dec. 299. n. 7. seqq.* RICHTER *p. 2. Dec. 80. n. 18.* ex quo forte, favore nuptiarum, consequitur, quod imposita per matrimonium quoque tollatur.

§. 21. Infamia imposita aboletur (1.) per restitutionem in integrum *l. 1. §. 9. 10. de postul. l. 1. C. de sent. pass.* modo ea intentione, illa sit facta *l. 7. C. de sent. pass. l. fin. C. de gener. abolit.* (2.) certi temporis lapsu, si scilicet pœna temporalis famosa, ex causa arbitraria, imponatur *l. 3. C. ex quibus caus. infam. l. 1. C. de his qui in exil. dat. l. 13. §. 1. ad L. Cornel. de fals. l. 3. §. 1. de decur. l. 8. de postul.* secus est, si ob causam, natura sua famosam, pœna irrogetur, nam tum, pœna licet principali cessante, infamia manet *l. 5. de decur. l. 4. §. 4. de re milit. l. 6. C.*

l. 6. C. ex quib. caus. infam. l. 43. §. 4. de R. N. l. 63. de furt. nisi pœna, ordinariâ sit gravior, & ad publicam spectet vindictam, tum enim infamia vel evitatur, vel, tempore elapso, tollitur l. 13. §. p. de his qui not. infam. l. 4. C. cod. l. 15. ad municip. v. PERETZ ad C. de his qui in exil. dat. n. 5. seqq. LAUTERB. C. J. de his qui not. infam. lit. C.

§. 22. An autem pœna infamiæ hodie quoque obtineat, id, ex observantia Regionum erit dijudicandum. In Frisia, maxime quoad injuriam, licet atrocem, eam non observari, testatur HUBER. in *Eunom. ad l. 1. de his qui not. infam. n. 2. p. 135.* Contrarium de Saxonia asserit CARPZ. *Pr. Crim. p. 2. qu. 94. n. 69.* sed eum magis, ex abstracta juris ratione, quam usu hominum, loqui, ex *p. 3. qu. 135. n. 52.* putat HUBER. *d. l.* adducens in super sententiam Scotani, hodie non tam facile ad infamiam procedi, existimantis.

§. 23. Sed dubitandum non videtur, quin, in plerisque Regionibus, leves muscæ, istis juris Romani sanctionibus irretiantur, tricas tamen, quas §. *præc. n. 2.* retuli, non facile alicubi observatum iri putem. Interim sicut in infamia, tam irroganda, quam tollenda aut impedienda, forte non satis prudenter ubique versati sunt Romani, ita certum videtur, quod pœna illa, quatenus vivos respicit, merito abrogari debeat, cum, contra legitimum pœnarum finem, delinquentes non emendet, sed ad bene agendum reddat ineptos, ac ad majora facinora patranda disponat.

§. 24. Cum infamia juris, convenientiam habet *levis notæ macula*, quæ est *inhabilitas consequendi dignitates aliaque jura præstantiora, ex sordido vitæ genere, vel infelici natiuitate proveniens.* Non est infamia, quia nullum præsupponit delictum, cum infamia tamen convenit, quod inhabilem aliquem faciat ad dignitates aliaque jura consequenda. Macula illa laborant spurii *v. c. 13. X. qui fil. sint legit. CARPZ. p. 3. C. 10. D. 10. excoriatores &, quibusdam in locis, lictores CARPZ. p. 1. D. 18. RICHT. p. 2. D. 80. n. 19. add. Ord. Polit. 1577. tit. 38. §. 1.* Effectus maculæ illius est, quod locum querelæ inofficiosi testamenti faciat *l. 27. C. de inoff. testam.* ac notatos ab opificum collegiis repellat *v. RICHTER d. l.* quamvis de jure civili spurii honorum sint capaces *l. 3. §. 2. l. 6. de decurion. add. OBSERV. LAUTERB. Obs. 81. seqq.*

CAPUT IV.
DE INJURIIS.

SUMMARIÆ.

Existimatio laeditur per injuriam §. 1.

Que dolum requirit §. 2.

Infertur illa etiam mediate & per plures §. 3.

Invitia ac mediate quoque §. 4.

Quod tamen in omnibus, arcte licet conjunctis,
non procedit §. 5.Ad injuriam quodvis dictum & factum sufficere
potest §. 6.

Animi injuriandi præsumptio & probatio §. 7. 8.

Injuria existimationem non tollit §. 9.

Vindicatur actione æstimatoria §. 10. 11.

Persecutione criminali §. 12. 13.

Realis actione ex lege Cornelia §. 14.

Verbalis actione ad palinodiam §. 15.

Et deprecationem §. 16.

Remediorum horum concursus §. 17.

Et moralitas §. 18.

Vindicantur etiam injuriæ retorsione §. 19.

Et duello §. 20.

Species injuriæ scriptæ est famosus libellus §. 21.

§. I.



Existimatio violatur per injuriam, de qua adeo nunc merito agendum est. Est illa, *delictum in alterius contumeliam admissum*, nam injurians, quantum in se est, alterius existimationem corrumpit, utut revera alteri nihil auferat. Ex quo liquet, injuriam esse factum animi impotentis & iracundi, adeoque hominibus superbis, imprudentibus vilibusque valde familiarem. Dividitur (1.) à modo committendi, in *verbalem*, eamque vel dictam vel scriptam, & *realem* v. l. 1. §. 1. l. 5. §. 9. 10. l. 15. de injur. (2.) à quantitate, in *levem* & *atrocem* l. 7. §. 8. de injur. l. 10. C. de Episcop. & Cler.

§. 2. Ad injuriam requiritur dolum i. e. liquida injuriandi voluntas l. 3. §. 1. l. 4. de injur. hinc eam faciunt omnes doli capaces, cujuscunque sint conditionis v. l. 32. cod. R. l. 1550. §. *wir haben* 55. R. l. Spir. 1542. §. *damit aber* 41. modo libere & consulto agant, hinc summe ebrii ab injuria excusantur, licet aliam pœnam mereantur CARPZ. Pr. Crim. p. 2. qu. 96 n. 22. idem dicendum de iratis, qui inprimis excusandi sunt, si ab injuriato ad iram sint provocati v. l. 5. C. de injur. l. 38. §. 8. ff. l. 4. C. ad L. Jul. de adulter. pœnitentia secuta dolum non excludit l. 17. §. 1. de adulter. edict. l. 65. de furt.

§. 3. Potest etiam injuria mediate per alium fieri, quo casu mandans & mandatarius obligatur l. 11. pr. §. 3. 4. l. 15. §. 18. de injur. l. 5.

Ss

C. de

C. de accusat. modo mandarum executioni datum sit *v. l. 52. §. 19. de furt. l. 53. in fin. de V. S. l. 15. §. 10. de injur.* plures injuriantes tenentur singuli in solidum, adeo ut unius præstatio cæteros non liberet *l. 34. de injur.* non enim una omnium est obligatio, intuitu unius objecti constituta, sed singuli potius peculiari obligatione obstringuntur, quæ ratio valet, siue id, quod præstari debet, pro pœna, siue damni cujusdam æstimatione, habeas.

§. 4. Patiuntur injuriam omnes non consentientes *l. 1. §. 5. in fin. l. 3. §. 1. de injur.* quibus illa directe vel indirecte infertur *l. 15. §. 7. 9. l. 18. §. 3. de injur.* etiam mediate per alios, ut Pater per liberos, qui sunt in ejus potestate, eorumque uxores *l. 1. §. 3. seq. l. 18. §. 4. 5. de injur.* maritus per uxorem *d. l. 1. §. 3. l. 18. §. 4.* sponsus per sponsam *l. 15. §. 24. hæres per defunctum l. 1. §. 4. 6. cod.* Observandum autem est, quod *vel injuria, hisce personis illata, alios quoque tangat*, & tum, hos injuriarum agere posse, manifestum est, vel *in solis personis injuriatis subsistat*, hoc casu nihilominus laudatis personis injuriarum actio competit, sed hoc mere positivum, adeoque non temere extendendum est.

§. 5. Ergo ob injuriam, soli marito illatam, uxor agere nequit *l. 2. de injur.* nec aliud docet *l. 11. §. 8. cod.* nam loquitur de injuria, ipsi uxori immediate illata *v. OBSERV. LAUTERB. Obs. 1225. 1226.* Idem dicendum de fratribus vel dominis, quibus ob injuriam, fratri vel famulo mercenario factam, agere non licet, nisi illa ad ipsorum contumeliam quoque pertineat *v. CARPZ. p. 1. Dec. 33. PERETZ ad C. de injur. n. 12. LAUTERB. C. J. de injur. lit. S. P.*

§. 6. Ad injuriam sufficit quodvis dictum *v. l. 15. §. 21. 33. de injur. CARPZ. 2. Rsp. 59. 3. Rsp. 62. & factum v. l. 1. §. 2. l. 5. pr. §. 1. l. 15. §. 1. 27. 31. l. 39. l. 1. §. 6. l. 13. §. fin. l. 19. 23. cod.* siue natura sua aut, ex consueti impositione, injuriosum, siue indifferens, aut etiam probi sensus sit, modo animo injuriandi proferatur aut suscipiatur *l. 3. §. 1. l. 4. 5. §. 9. l. 11. 15. §. 38. cod.* nam eo deficiente, injuria non est *l. 31. §. 3. l. 13. §. 1. 6. l. 33. l. 15. §. 13. cod. v. LAUTERB. C. J. de injur. lit. fr. add. OBSERV. 1227.*

§. 7. In factis injuriosis, animus injuriandi præsumitur, in indifferentibus probari debet. Quodsi *natura sua injuriosum, verbis*

etiam contumeliosis, obijciatur, tum itidem animus injuriandi præsumitur, donec probetur contrarium, quo casu, excludendo injuriandi animo, non sufficit rei objectæ veritas *O. C. art. 110. in fin.* vel necessitas se defendendi, nam modus proferendi injuriam continet *v. CARPZ. p. 4. C. 42. D. 7. 8.* si autem *res injuriosa, verbis tamen indifferentibus & temperatis obijciatur*, tum animus quidem injuriandi, ex re injuriosa, etiam præsumitur, facilius tamen hoc casu contrarium probari potest.

§. 8. Nam veritas rei objectæ, conjuncta cum aliqua dicendi causa, animum injuriandi hic excludit *l. 18. ff. l. 5. C. de injur. vid. OBSERV. LAUTERB. Obs. 1228.* præterea aliis probationibus, tam hoc, quam altero casu, innocentia ostendi potest, *v. gr. joco quid factum esse l. 3. §. 3. de injur.* quæ si non sufficiant, juramento purgatorio juvandæ sunt *v. CARPZ. Pr. Crim. p. 2. qu. 97. n. 5. seqq. p. 4. C. 42. D. 9.* Quod si denique *res, per se non injuriosa, verbis indifferentibus obijciatur*, tum animus injuriandi non præsumitur, sed ab allegante probari debet, juxta consveta probandi principia *v. l. 2. 21. de probat. de cætero etiam delatione juramenti probatio illa peragi potest l. 5. §. 8. l. 11. §. 1. de injur. add. LAUTERBACH. C. f. de injur. lit. pr.*

§. 9. Per illatam injuriam existimatio injuriati non læditur, nam hæc à probitate dependet *v. l. 3. C. de injur. l. un. in fin. C. de famos. libell.* hinc etiam, salva illa, injuria expresse vel tacite potest remitti *v. Ordinat. Polit. 1548. tit. 37. §. 2. de anno 1577. tit. 38. §. 4. Ord. Polit. Saxon. Joh. Georg. II. tit. 21. §. 11. CARPZ. pr. Crim. p. 2. qu. 95. n. 90. seqq.* sinistra tamen opinio per injuriam excitari potest, quæ etiam aliquando fundamento non plane destituitur, aliquando vero apud eos saltem occurrit, qui non ratione, sed præjudiciis reguntur *v. OBSERV. LAUTERB. Obs. 1229. 1230.*

§. 10. Obligatur autem injurians tum ad damnum refarciendum, tum ad pœnam, quo nomine remedia *generalia*, quæ ob quamvis injuriam, & *specialia*, quæ ob quasdam solum injuriæ species, locum habent, comperunt. Ad illa pertinet *Actio æstimatoria*, quæ est actio personis, prætoria §. 7. *l. de injur.* rei persecutoria, adeoque, ratione finis, civilis, famosa *l. 7. pr. de injur. l. 1. de his qui not. infam. annalis l. 5. C. de injur. v. CARPZ. 2. Resp. 56. p. 2. qu. 95. n. 35.* qua agunt inju-

riam passi, non etiam hæredes, nisi lis sit cæpta, contra injuriantem, non hæredes, nisi lite mota, ad ludibrii contemptusque æstimationem, sibi adjudicandam.

§. 11. Singula hujus actionis capita passim interpretes fufius explicant v. CARPZ. d. qu. 95. LAUTERB. C. J. de injur. lit. E. duo saltem seorsim notare placet (1.) actionem hanc, potius esse rei persecutoriam, quam pœnalem, nam non quidem *existimatio amissa*, bene tamen *ludibrii contemptusque perperessio* æstimatur, eodem modo, quo dolor & deformitas hodie æstimari solent v. OBSERV. LAUTERB. Obs. 1232. (2.) in Saxonia Electorali, injurias verbales, scriptas & leviores reales, quæ ad jurisdictionem inferiorem spectant, anno civili (non Saxonico) præscribi, sed reales atrociores, & famosum libellum, 30. annos, annum & diem durare v. *Const. Elect.* 46. p. 4.

§. 12. Ad remedia generalia quoque spectat *Extraordinaria criminalis persecutio*, quæ est remedium, quo ob quamvis injuriam, pœna publica, vel pecuniaria, vel corporis afflictiva, aut aliquando etiam ultimum supplicium exigitur §. 10. *I. de injur. l. fin. ff. cod. v. CARPZ. Pr. Crim. qu. 94. n. 46. qu. 100.* Poterit vel per modum inquisitionis CARPZ. qu. 96. n. 2. vel accusationis institui, ubi quidem, a parte accusatoris, indistincte hodie admittitur procurator CARPZ. qu. 95. n. 51. a parte vero rei, si ad pœnam corporis afflictivam deveniri nequeat CARPZ. d. l. n. 56. 57.

§. 13. Tollitur hæc persecutio morte Rei, etiam lite contestata *l. 20. de accusat.* sed injuriati mors, remissio aut retorsio eam non excludit, nam pertinet ad rationes publicæ utilitatis, hinc factum privati aut casus læso accidens, illi non obest v. CARPZ. qu. 97. n. 41. Extinguitur quoque præscriptione 20. annorum, juxta regulam *l. 12. C. de fals. nam l. 5. C. de injur.* ob quam aliter sentit CARPZOV. p. 4. C. 46. D. 1. n. 7. l. 2. Rsp. 110. n. 4. BERLICH. 5. *concl.* 69. n. 6. loquitur de actione æstimatoria.

§. 14. Inter specialia remedia occurrit (1.) *actio ex lege Cornelia*, qua vindicantur injuriæ reales §. 8. *I. de injur. l. 5. ff. cod.* Videtur illa saltem civiliter agi posse hinc cum æstimatoria, quoad finem, coincidit *l. 37. §. 1. de injur.* durat tamen 30. annos *l. 3. 4. C. de præscript. 30. vel 40. ann.* quia oritur ex jure civili in specie sic dicto. Olim hac actione crimi-

criminaliter tantum agi potuisse censet VINN. ad §. 8. I. de injur. & LAUTERB. C. J. de injur. lit. E. sed uti hoc ex l. 42. §. 1. de procur. non satis probatur, ita admissum, nullius usus esse coepit, postquam generale remedium criminale fuit introductum l. fin. de injur.

§. 15. Porro (2.) *Actio ad Palinodiam*, quæ moribus censetur invaluisse, estque Actio personalis, rei persecutoria, adeoque civilis, CARPZ. qu. 94. n. 50. seqq. qua agunt injuriam verbalem, rem sua natura injuriosam & falsam, continentem, passi, non etiam hæredes, nisi post litem motam CARPZ. p. 4. C. 42. D. 12. p. 2. qu. 96. n. 24. seqq. contra injuriantes, non etiam hæredes, licet lis cum defuncto fuerit contestata CARPZ. p. 4. C. 46. D. 13. qu. 96. n. 31. 32. ad injuriæ illatæ revocationem vid. LAUTERB. C. J. de injur. lit. E. add. Observat. 1234. seqq.

§. 16. Ejusdem fere indolis (3.) est *actio ad deprecationem*, quæ itidem est actio personalis & rei persecutoria, qua injuriatus ab injuriante deprecationem atque hac ratione satisfactionem exigit. Poterit illa institui ob quamvis, etiam realem, injuriam, quo sensu generalibus remediis accensetur. Aliquando, in injuriis verbalibus, in locum actionis recantatoriæ, necessario est surroganda, si id, quod obiectum est, verum sit v. CARPZ. qu. 96. n. 34. 35. 38. aliquando, pro ratione personarum & injuriarum, loco palinodiæ, deprecatio imponitur CARPZ. qu. 94. n. 19. 77. A deprecatione autem videtur distingvenda nuda honoris declaratio, *cine ehren-erklärunge*, quæ omnem actionem injuriarum, si à reo convento mature fiat, ac injuriæ dubiæ sint, videtur excludere v. CARPZ. d. qu. 94. n. 88.

§. 17. De concursu harum actionum, varie, pro diversis, quas circa eas sovent, hypothesibus, sentiunt. Mihi ex hætenus dictis ita pronunciandum est (1.) *actiones æstimatoria, legis Cornelie, ad palinodiam & deprecationem, positis casibus habilibus, concurrunt elektive*, v. CARPZ. p. 2. qu. 95. n. 26. p. 4. C. 42. D. fin. nam omnes sunt rei persecutoriæ. LAUTERBACH. C. J. de injur. lit. 33. æstimatoriam & recantatoriam cumulative concurrere dicit, quia illa pœnalis, hæc rei persecutoria ipsi est. DN. BERGER in resolut. ad LAUTERB. d. 1. qu. 2. concursum cumulativum negat, quod utraque sit pœnalis (2.) *cum persecutione criminali actiones memoratæ concurrunt cumulative*,

illa enim pœnalis, hæ rei persecutoriæ sunt *add.* OBSERV. LAUTERB. *Observ.* 1238. 1239.

§. 18. Sunt qui actiones injuriarum plane rejiciunt, sed cum alia jura, processu privato, asserere liceat, nulla apparet ratio, cur existimatio læsæ eodem medio vindicari non possit. Interim fateor, quod maximi sæpe, circa actionum illarum exercitium, occurrant abusus, ut consultius omnino sit, si, iis præcavendis, denunciatio saltem injuriatis, coercitio vero omnis Magistratui relinqueretur; Sed in Saxonia Electorali, ob injurias, regulariter inquisitio locum non habet *vid. Erörterung der Landes Gebrechen* de anno 1612. tit. *von Justizsachen* §. und weil beydes die rechte CARPZ. p. 4. C. 42. D. 4. Pr. *Crim.* p. 3. qu. 107. n. 34. *add.* OBSERV. LAUTERB. *Obs.* 1231.

§. 19. Præter remedia hæcenus enumerata, dantur etiam privata, quibus ipsi læsi injuriam vindicant. Eo pertinet (1.) *Retorsio*, quæ est injuriarum verbalium rejectio, in injuriantem, ab injuriato, privata auctoritate, existimationis, contra sinistram opinionem, defendendæ gratia, in continenti facta. Multi eam, jure divino & civili illicitam putant *v.* LAUTERB. *d. l.* sed si pravos affectus seponas, omnino licita censeri potest *v. Decis. Saxon.* 85. OBSERV. LAUTERB. *Obs.* 1240. 1241. Debet autem Retorsio injuriæ esse proportionata *v.* CARPZ. p. 4. C. 46. D. 11. & in continenti fieri *v.* LEUCHTII *Respons. Altorfin.* Vol. 2. Rsp. 19. exercita vero tollit actiones cæteras injuriarum, nam læsus sibi ipsi satisfactionem procuravit *v.* CARPZ. qu. 97. n. 31.

§. 20. Ad eandem classẽ spectat (2.) *Duellum*, quo omnis generis injuriæ vindicari solent, sed, loco satisfactionis, sæpe injuriatus vulnera aut etiam mortem reportat. Hoc medium plane illicitum, ut alibi ramen, ita in Germania quoque, valde inolitum est. Non desunt quidem leges, quæ pœnam, & nonnunquam etiam satis gravem, delinquentibus minentur, sed, causis non sublati, reprimendo effectui, illæ non sufficiunt; tolle otium & cessabunt duella.

§. 21. Species injuriæ scriptæ est *famosus libellus*, quo, omisso auctoris nomine, delictum aliquod famosum & grave alicui objicitur, & in populum spargitur *v.* O. C. art. 110. CARPZ. p. 4. C. 44. D. 3. 4. Pr. *Crim.* qu. 98. CLASEN *ad Nem. Carol.* art. 110. Pœna

est

est ultimum supplicium *l. un. C. de famos. libell.* sed juxta *Ordinat. Carol. art. 110.* est talio *v. CARPZ. p. 4. C. 44. D. 1.* verum ab illo rigore facile disceditur, imposita pœna mitiori *v. CARPZ. qu. 98. n. 14. seqq.* Præscribitur pœna 20. annis *l. 12. C. de falsi.* cum illa non concurrere cumulative actionem æstimatoriam vel recantatoriam censet *CARPZ. p. 4. C. 44. D. 5. 6.* sed hoc saltem de jure Saxonico procedere videtur, ubi gravior pœna damni restitutionem absument *v. IDEM qu. 95. n. 25.* Porro retorsioni, circa famosum libellum, non esse locum arbitratur *d. C. 44. D. 7.* sed sine sufficiente causa *v. OBSERV. LAUT. Obs. 1242. seqq.*

CAPUT V. DE DOMINIO.

SUMMARIA.

Nobilissima juris rerum species est dominium §. 1.
Ejus varietas §. 2.

Subjectum §. 3. Objectum §. 4.
Quod à domini & dominorum diversitate, varie
denominatur §. 5.

Quæ res negative communes §. 6.
Sententia Romanorum, quoad mare §. 7. 8.

Modus acquirendi domini §. 9.
Ejus varietas §. 10.

Originarie dominium acquiritur occupatione
§. 11. 12.

Quæ pactum tacitum non præsupponit §. 13.
Nec simpliciter est necessaria §. 14.

Actus alii, animum acquirendi indicantes, ejusdem sunt efficaciz §. 15.

Communio prævia non recte asseritur §. 16.
Occupatio est principalis vel accessoria §. 17. 18.

Ad modos derivativos pertinet traditio §. 20.
Ejus præsupposita §. 21.

Jure naturali præcise illa non requiritur §. 22.
Modus derivativus civilis est usucapio §. 23.

Ejus requisita §. 24.

Accessio non est modus acquirendi, sed saltem acquisitionis occasio §. 25.

Nam, ea interveniente, est communio §. 26.
Quæ pacto vel lege solvitur §. 27.

Specificationis indoles §. 28.
Nova species domino materiæ §. 29.

Aliquando specificanti adjudicatur §. 30. 31.
Communio adjunctione introducta quomodo
solvatur §. 32.

Adjungens pretium solvit §. 33.
Confusio introducit communionem §. 34.

Ejus solvendæ modus §. 35.
In commixtione idem juris est, quod in confusione §. 36.

Circa adificationem, pro casuum diversitate, diversum jus est §. 37. 38. 39. 40.

Quod fere etiam circa plantationem §. 41. 42.
Et sationem observatur §. 43.

Sanctio juris Romani quoad scripturam, non satis æqua videtur §. 44.

Circa picturam Romani dissenserunt §. 45.
Aliquando dominus tabulæ pictori præfertur §.

46.

§. 1.



Ccedendum est, ex monito c. 1. §. 2. ad Jus Rerum, ejusque species plenius nunc considerandæ sunt. Illarum nobilissima est *Dominium*, quo nomine tamen aliquando imperium l. 9. ad L. Rhod. de jact. l. 197. §. 2. de V. S. aliquando reverentia & honor l. 37. §. 5. l. 41. pr. de Legat. 3. aliquando proprietas generalius supposita l. 70. §. 1. de V. S. l. 13. de A. R. D. notatur, sed hoc loco dominium est *Jus reale*, ob quod, ad plenissimum utendi effectum, res corporalis nostra est. vid. OBSERV. LAUTERB. Obs. 1058.

§. 2. Poterit illud potissimum distingvi (1.) à *duratione*, in *irrevocabile*, quod à domino invito, alius, ex suo jure, avocare nequit, quale regulariter quodvis dominium est, & *revocabile*, quod alius ex suo jure avocare potest, id quod lege, pacto vel testamento aliquando constituitur (2.) ab *exercitio*, in *absolutum*, quo quis suo judicio & arbitratu utitur, & *restrictum* seu *limitatum*, quod, judicio aliorum, exercendum est, id quod circa pupillos similesque personas accidit (3.) à *partibus suis*, in *plenum*, quod omnibus partibus constat, ac pleno adeo gaudet effectû, & *minus plenum*, cujus partes separatæ, ac in diversas personas distributæ sunt, ejusque species sunt dominium *directum* & *utile*, quas suo loco explicabimus.

§. 3. Competit dominium *Hominibus*, ubi nihil refert, siue *integra ratione illi gaudeant*, siue *ejus defectum patiantur*, nam his prudentiores accedunt, quorum judicio dominium acquiri, sustineri & exerceri solet. Porro nihil interest, siue *jam existant*, siue *in utero adhuc lateant*, nam ne his dominium, aliorum voluntate legitime destinatum, intercipiant alii, ex communibus socialitatis regulis, facile intelligitur. Denique nihil refert siue sint homines *singulares*, siue *plures*, siue vel *sola rerum communione conjuncti*, quales sunt v. gr. cohæredes, vel *insuper, in specialem societatem collecti*, ex qua conjunctione arctiori, oriuntur *personæ mysticæ*, siue *morales compositæ*, quales sunt Respublicæ, municipia, pagi, Academiae, Ecclesiæ parochiales, Nosocomia, opificum collegia, ejusque generis aliæ.

§. 4. Dominio humano subijci possunt *omnes res corporales, quarum usus omnibus non sufficit, ac custodia uni personæ, singulari aut com-*

composita, est possibilis, nam si res sit usus inexhausti, ac ejus custodia, morali æstimatione, impossibilis, tum stolidè & improbe ejus dominium quis affectaverit, cum potius illa, in eo statu, ex præscripto juris naturalis, sit relinquenda, ut omnium usibus promiscue pateat. De cætero nihil interest, si res sint *mobiles*, si *immobiles*, *fungibiles* vel *non fungibiles*, quamvis nonnunquam, in civitatibus, aliquarum commercium lex civilis privatis auferat, quo ipso adeo exceptio vel limitatio introducitur.

§. 5. Solent autem res, à *relatione ad dominium & dominos*, diversas sortiri denominationes. Si res aliqua ita comparata sit, ut in dominium redigi non debeat, tum poterit dici, *universaliter & negative communis*: si in dominio quidem nondum sit, esse tamen possit, dicitur *nullius*: si in dominio existat, est *publica*, quæ ad Reipublicam pertinet, vel *privata*, quæ ad privatos spectat, quæque iterum, pro dominorum diversitate, *singularis*, *communis* aut *universitatis* dici potest. Romani JCrī & interpretes, plerasque illas denominationes, ex lubricis falsisque hypothesebus, repetunt, ceu jam l. 1. c. 11. §. 36. admonitum.

§. 6. Uti autem de diversis dominiorum speciebus, rebusque, quæ illis subjiciuntur, in locis propriis, agendum erit, ita hic breviter expediendum, *quænam res negative sint communes?* Aer, aqua profluens, lumen calorque solis communiter in illam classẽ referuntur, quamvis nihil ob stare videatur, quo minus illarum rerum, quatenus nostris continentur, dominium asseramus, ut tamen usum innoxium, ex lege humanitatis, aliis concedere debeamus v. PUFENDORF. de J. N. G. l. 3. c. 3. §. 4. Vastus Oceanus, à terra satis remotus, etiam pro re negative communi, haberi debet, sed mare, quod regiones alluit, cum littoribus, imò aliqua etiam exteri maris pars, dominio Rerum publicarum, recte subjicitur v. PUFEND. de J. N. G. l. 4. c. 5. §. 5. siqq. DISSERT. sub meo ductu hab. Lips. 1704. de domin. in reb. occupat. ultr. possess. durante §. 42. 43. 44.

§. 7. Romanorum, de dominio maris, sententia, non satis est expedita, nam illud, *commune* quidem dicunt §. 1. l. de R. D. l. 2. §. 1. l. 4. de D. R. l. 3. §. 1. *ne quid in loc. publ. l. 13. comm. prædior. l. 13. §. ult. de injur.* sed tamen ejus *dominium*, qua *publicum*, qua *privatum* non obscure quoque

T t

agno-

agnoscere videntur *l. 14. de injur. l. pen. de R. D. l. 14. de A. R. D. l. 5. §. 1. l. 6. de R. D. l. 3. ne quid in loc. publ. l. 24. de damn. infect. l. 50. de A. R. D. l. 3. §. 1. l. 4. ne quid in loc. publ. l. 13. §. fin. de injur. l. 2. §. 8. 9. ne quid in loc. publ. l. 1. §. 17. de flum. l. 45. de usurpat. l. 7. de div. tempor. præscript.* Sed probabile est, quod illi totum mare, rem negative communem, crediderint, partium vero occupatarum non dominium, sed usum saltem temporarium, amissa possessione, expiraturum, potissimum asseruerint.

§. 8. Nam id ex *l. 4. de D. R. l. 13. comm. præd. l. 2. §. 8. l. 3. §. 1. l. 4. ne quid in loc. publ. l. 24. de damn. infect. l. 1. §. 17. de flum. l. 45. de usurp. l. 7. de divers. tempor. præscript.* ac inprimis ex *l. 13. §. fin. de injur. l. 2. §. 9. ne quid in loc. publ.* liquere videtur. Atque in eundem sensum *l. 5. §. 1. l. 6. de D. R. l. 14. 50. de A. R. D.* commodè accipi possunt, etsi verba nimis captata repugnent. Quia tamen illa sententia, qua generaliter mare, res communis esse perhibetur, necessaria ratione non nititur, sed à veritate potius abhorret, ceu §. 6. diximus, ideo facile aliqua variatio Romanis obrepere potuit, ut nonnunquam verum maris dominium illi agnoverint, quo referas *l. pen. de D. R. l. 3. pr. ne quid in loc. publ. l. 14. de injur. v. DISSERT. de domin. in R. O. U. P. durant. §. 35. 36. 37.*

§. 9. De modis, quibus dominium acquiratur, multiplex Scriptorum est dissensio, sive tractationem ipsam, sive tractandi ordinem consideres. Quid veritati maxime convenire mihi videatur, exponam securus, an illud aliorum doctrinæ conveniat, nec ne. Per modum hic intelligitur *factum, quo mediante, dominium, ex præscripto legis vel naturalis, vel civilis, acquiritur.* Ejus discrimen à Titulo, ut & quousque in acquisitione dominii, illi concurrere soleant, ostendi *l. 2. c. 4. §. 41.*

§. 10. Tripliciter autem Modi acquirendi dominii distingvi possunt (1) ratione dominii, in *originarios*, qui in rebus nullius, dominium de novo constituunt & *derivativos*, qui constitutum transferunt (2.) *rei*, in *principales*, quibus res per se subsistens, & *accessorios*, quibus res aliis accedens acquiritur (3.) *Legis*, in *naturales*, qui quoad res nullius, solo acquirentis, quoad res vero alicujus, inutuo transferentis & acquirentis consensu constant, ac, ex juris naturalis decreto, dominium

nium constituunt, *Civiles*, qui sine consensu domini speciali, ex legis civilis præscripto, dominium transferunt & *mixtos*, ubi consensu quidem mutuo dominium transfertur, sed, in modo consentiendi, sanctio legis positivæ occurrit, hi tamen potius naturalibus, quam civilibus modis, annumerandi sunt.

§. 11. Dominium *originarie* acquiritur per *Occupationem*, quæ est *rei nullius*, *animo habendi, facta apprehensio*. Ejus itaque objectum sunt *res nullius* seu *vacuæ*, i. e. quæ à Deo & natura, dominio destinatæ, sed ei nondum subjectæ sunt, aut in quibus dominium constitutum, voluntaria derelictione, est iterum extinctum. Quamdiu igitur res aliqua, *nullius* est, tamdiu pro objecto occupationis recte habetur, sed si statum suum mutet, ac *alicujus* esse incipiat, tum per occupationem amplius acquiri nequit.

§. 12. Prudenter igitur status cujusque rei æstimandus est, nec enim, si res aliqua, jam nullius est, ideo semper talis censeri potest, qua in re Romani nonnunquam lapsi sunt, dum res in littore maris reperi-
tas l. 3. de D. R. §. 18. l. de R. D. thesaurum l. 31. §. 1. de A. R. D. & in-
primis feras bestias l. 1. §. 1. l. 3. de A. R. D. in civitate, pro rebus nul-
lius habuerunt, hinc etiam eorum tradita, fere nullius in Germania
sunt usus, de quo alibi plenius videbimus.

§. 13. Illud autem ex ratione facile constat, Deum voluisse, ut res in medio expositæ sive nullius, per occupationem dominio subji-
cerentur, & quidem ita, prout regulæ socialitatis id exposcunt, hinc
neutrquam fas fuerit, si quis omnia sibi velit asserere. Quod si autem
quis in occupando modum teneat, tum laudata Dei ordinatio, occu-
pationi vim acquirendi conciliat, adeo ut non opus sit, cæterorum
consensum, eo sine præsumere, aut generale aliquod generis humani
pactum comminisci, eidemque subternere, prius enim non necessa-
rium, posterius vero insuper fabulosum est.

§. 14. Id quoque observandum, occupationem, ad acquiren-
dum dominium, non *simpliciter*, sed saltem *ut medium, acquisituri*
voluntatem aliis indicandi, requiri, hinc alii actus, æque voluntatem
indicantes, ejusdem, cum occupatione, sunt efficacix. Vulneratio
igitur & persecutio, perinde præstat dominium feræ (posito, quod sit
nullius) ac occupatio l. 5. §. 1. de A. R. D. contraria sententia, quæ

apud Romanos prævaluit §. 13. *I. d. R. D.* ad jus positivum pertinet. Pisces, qui in stagno sunt, aut feræ, quæ in sylvis circumseptis vagantur, naturaliter nostræ sunt *Grot. de J. B. P. l. 2. c. 8. §. 2.* Sententia *NERVÆ in l. 3. §. 14. de A. A. P.* aliis licet pro naturali habita *v. ZIEGLER in not. ad Grot. d. l. PUFENDORF. d. J. N. G. l. 4. c. 6. §. 11.* idem ad jus positivum referri debet.

§. 15. Porro occupatio, præ aliis actibus, animum habendi indicantibus, ut visu, jaculi emissionem similibusque naturaliter nullam habet prærogativam, hinc si plures, circa rem acquirendam, concurrant, nec visus, nec occupatio, nec jaculi emissio, dominium uni tribuit, sed illa potius omnibus est communis, licet alii aliter sentiant *v. PUFENDORF l. 4. c. 6. §. 8.* Denique hodie dominium ferarum, in Territorio existentium, ante occupationem, recte Reipublicæ & Imperanti tribuitur, quamvis, ob non satis intellectam occupationis indolem, hic quoque dissentiat *PUFENDORF d. c. 6. §. 7. vid. DISSERT. de domin. in r. o. u. p. durant, §. 18. 19. 20.*

§. 16. Uti autem, per occupationem, res dominio humano sunt subiectæ, ita de eo quæri solet, *an primi mortales res communiter sibi asseruerint ac, ad aliquod tempus, in communione vixerint?* Sunt sane, qui communionem vel *positivam* vel *negativam* commenti sunt, sed magis probabile est, quod etiam primi mortales, ex rebus in medio expositis, statim sibi quasdam asseruerint, ac dominio singulari subjecerint, adeo ut, multiplicatis hominibus, si non omnes, certe pleræque res nullius, sensim in dominium sint redactæ, & communio aliqua universalis nunquam exstiterit *v. OBSERV. PUFEND. Obs. 277. seqq.*

§. 17. Occupatio est vel *principalis*, qua res per se subsistens acquiritur, cujus varia possunt esse exempla, circa quæ tamen semper cavendum est, ne rem, quæ alicujus est, pro re nullius habeamus, juxta monitum §. 11. 12. vel *accessoria*, qua res nullius, alii accedens, acquiritur. Hæc etiam occurrit (1.) in fœtura animalium §. 19. *I. de R. D. l. 2. 6. de A. R. D.* modo utrumque animal nostrum sit, aut alterius dominus, in acquisitionem consentiat; sanctio *l. 5. §. 2. R. V. l. 7. C. cod.* positiva est (2.) in alluvione §. 20. *I. de R. D. l. 7. §. 1. de A. R. D.* (3.) adjectione terræ, cum coalitione, conjuncta §. 21. *I. de R. D. l. 7.*

§. 2.

§. 2. de A. R. D. l. 9. §. 2. de damn. infect. nam dominus prior, post tantum tempus, censetur rem suam dereliquisse; aliquando tamen æquum est, ut ei pretium rei amissæ solvatur l. 5. §. 3. de R. V.

§. 18. Porro plerumque occupatio accessoria occurrit (4.) in nativitate insulæ §. 22. l. de R. D. l. 7. §. 3. l. 29. 30. § 6. de A. R. D. Landrecht l. 2. art. 56. CARPZ. p. 3. C. 31. D. 12. (5.) in alveo derelicto §. 23. l. de R. D. l. 7. §. 5. de A. R. D. CARPZ. d. l. D. 14. Quodsi flumen, per alterius agrum, novum alveum efficiat, eumque iterum derelinquat, domino priori, si de eo constet, ille reddendus erit. Sanctio juris Romani, quæ vicinis eum adjudicat l. 7. §. 5. l. 30. §. 3. l. 38. de A. R. D. l. 23. quib. mod. usufr. amitt. iniqua est, & jure Saxonico Landr. l. 2. art. 56. verbis: *bricht er aber wieder*, improbari videtur.

§. 19. Sicut autem, in omnibus illis exemplis, acquisitio domini, ab occupatione, minimum tacita, dependet, ita, circa ea, probe considerandum est, quis sit dominus rei principalis, nam si ejus dominium, ad privatum pertineat, tum ipsi quoque res accessoria acquiritur, id quod plerumque jure Romano contingit, non tamen semper v. l. 16. l. 65. §. 2. 4. de A. R. D. l. 1. §. 6. de flumin. si vero ad Rempublicam dominium rei principalis spectet, tum ei quoque res accessoria acquiritur, id quod, juxta leges Germanicas, sæpe obtinet v. GRYPHIAND. de insul. c. 11. VITRIAR. I. J. P. l. 3. tit. 18. §. 38. Quodsi denique nulla res principalis adsit, cui altera, v. gr. alveus derelictus, accedat, tum principali occupatione, primo occupanti acquiritur l. 1. §. 7. de flum. l. 7. §. 3. de A. R. D. sed hic casus, juxta veras hypotheses, raro existerit.

§. 20. Modi derivativi, vel sunt naturales aut minimum mixti, vel mere civiles. Naturaliter dominia constituta transferuntur per Traditionem, cujus indolem in genere exposui l. 2. c. 4. §. 35. seqq. Hic est rei corporalis, ad consequendum dominium, facta præstatio. Quo autem illum effectum operetur, justus titulus i. e. consensus, de dominio transferendo & acquirendo, verus & seriis, adeoque personas & res habiles, ut & non impedita consentiendi principia præsupponens, eam præcedere, concomitari aut consequi debet v. l. 31. de A. R. D. Titulus erroneus non sufficit, nisi legis positivæ autoritas accedat vid. OBSERV. LAUTERB. Obs. 1015.

§. 21. Præterea velut *conditio sine qua non*, requiritur, ut res tradenda, *vacua sit à possessore civili v. l. 50. de R. V. l. 20. de A. R. D. l. 3. §. 7. de A. A. P.* nam si alius, animo domini, rem possideat, is faciendæ traditioni resister, imo, sua possessione, jus tradituri dubium reddet: Ut vero res, ab alia possessione naturali, vel detentione, etiam si vacua, hætenus non requiritur *v. l. 8. de A. E. V.* quodsi tamen res plane libera promissâ sit, tum, fidem datam servari, par est *l. 2. §. 1. l. 8. §. 1. de A. E. V.* Cæterum de ipsis titulis, ut & habilitate personarum & rerum hic agendum non est, nam generalis pactorum doctrina præsupponitur, de variis vero illorum speciebus, suo loco agendum erit.

§. 22. Sicut autem dubio procul naturale est, ut dominium rei, ex habili titulo traditæ, transferatur §. 40. *l. de R. D.* ita nihilominus certum est, quod, mero jure naturali, traditio præcisè non requiratur, hæc enim necessitas demonstrari nequit, hinc, solo etiam consensu, naturaliter dominia transferri possunt. Ad jus igitur positivum necessitas traditionis, & regula *l. 20. C. de pact.* inculcata, pertinet, quod etiam eam aliquando remittit, ut in ultimis voluntatibus *l. 1. §. 2. l. 2. de publ. in rem action.* aliquando traditionem judicalem requirit *v. Decis. Saxon. 61. add. OBSERV. LAUTERB. Obs. 1014.* Interim alii aliter de traditionis necessitate sentiunt *v. KULPIS Colleg. Grot. disp. 5.*

§. 23. Modus derivativus mere Civilis, est *Usucapio*, quæ definitur in *l. 3. de Usurp.* sed insufficienter, plenius sic dici potest: Est *Actus, quo, ob possessionem aliaque requisita, quis alterius dominium vel ejus partem, sine speciali domini prioris consensu, auctoritate legis positivæ, consequitur.* Ad ejus requisita intelligenda duo casus debent distingui, vel enim (1.) *quis in conditione præscribendi per tertium constituitur*, vel (2.) *præscripturus ipse, contra alterum directe præscriptionem inchoat.*

§. 24. Primo casu quinque requisita, nempe *justus titulus, bona fides, possessio, res habilis & lapsus temporis*, sunt necessaria, quæ pluribus expolita *l. 2. c. 9. §. 11. seqq.* Secundo autem, *rei habilitas possessio & lapsus temporis* saltem requiruntur, etsi nonnulli etiam *titulum communiter vero bonam fidem* quoque exigant, de quo actum *d. c. 9. §. 30. seqq.* De cætero secundi casus exempla sunt, si quis in re alterius, domi-

dominium directum aut utile præscribere, vel, diviso jam dominio, dominus directus, utile, vel utilis, directum dominium usucapere intendat *add. OBSERV. LAUTERB. Obs. 1034.*

§. 25. In universum igitur Occupatione, Traditione & Usucapione dominia acquiruntur. Sed vulgo plures alii modi, Specificatio, Intextura, vel adjunctio, Confusio, Commixtio, Inædificatio, Plantatio, Satio, Scriptura, Pictura similesque *v. l. 27. de A. R. D.* laudari, iique generali *accessionis industrialis* nomine comprehendere solent. Enimvero, si res penitus consideretur, accessio illa, non est *modus acquirendi*, sed saltem *acquisitionis occasio*, ex qua domini translatio, vel voluntate partium, vel autoritate legis positivæ, aliquando oritur.

§. 26. Nimirum, facta illa accessione, naturaliter est communio, quamdiu voluntas transferendi domini deficit, ceu recte docuit GROTIIUS *de J. B. P. l. 2. c. 8.* nam sine consensu, dominium rei suæ aut operarum impensarum, naturaliter nemo amittit. Illud vero, retundendis nonnullorum, qui hic contradicunt *v. VINN. in comment. ad l. §. 25. de R. D. n. 4.* argutiis, notandum, quod non intelligatur *communio propria*, seu *unum dominium commune*, quo omnes & singulæ partes sint communicatæ *v. l. §. de stipul. serv.* sed *impropria*, seu *dominium duorum pluriumve combinatum*, quo, ob rerum cohærentiam, totum corpus ad plures pertinet, licet unusquisque rei suæ maneat dominus *v. l. §. pr. §. 1. de R. V.*

§. 27. Posita autem illa rerum conjunctione, aliquando res separantur, & sua cuique restituitur, quo casu adeo nulla domini mutatio accidit; aliquando vero illa, est mutandi transferendique domini occasio, dum uni totum corpus adjudicatur, præstita alteri, pro ratione circumstantiarum, satisfactio. Hoc autem dirimendæ communionis negotium, uti optime voluntate eorum, quorum interest, perfici potest, ita, iis dissentientibus, modum lex positiva definire solet. Atque eo omnino referri debent sanctiones juris Romani, quamvis illæ nonnunquam tricis laborent, nec satis certæ aut æquæ sint, ut sæpe facilius, juxta solam æquitatem, quam decreta juris Romani, communio solvi queat *add. OBSERV. LAUT. Obs. 1018.*

§. 28. Videamus de singulis specialius. Specificatio hic est *nova speciei ex materia præexistente, vel in totum, vel pro parte, aliena,*
con-

antea exposita, commodè adhiberi nequit, licet enim species sit reducibilis, attamen dominus materiæ, in solidum eam asserere sibi non posset, adeoque maneret communio, quæ tamen tollenda est: Neque etiam regula d. l. 78. §. 4. de Legat. 3. adeo invicta est, ut non aliquam pati possit limitationem.

§. 32. Circa adjunctionem ac in specie intexturam, hac regulam dirimunt Romani, quod *accessorium sequatur principale* l. 23. §. 2. de R. V. l. 7. §. 2. ad exhib. l. 26. §. 1. de A. R. D. §. 26. l. de R. D. sed non universaliter hoc procedit, verum omnino distingvendum, utrum *res commodè separari queant*, tum unicuique sua restituitur, quod per otiosas ambages docuerunt l. 6. 7. §. 1. 2. ad exhib. l. 23. §. 5. de R. V. an vero *separari non possint*, tum aliquando utriusque æquale jus est l. 27. §. 2. de A. R. D. quo casu adeo vel conventionem, vel sorte, vel auctoritate judicis communio erit solvenda: plerumque vero domino rei principalis, totum cedit.

§. 33. Tum vero domino priori, competit actio in factum, ad pretium rei suæ consequendum l. 23. §. 5. de R. V. si alter bona fide, rei suæ majori, eam adjunxerit. Idem dicendum erit, si simplici mala fide, seu scientia, adjunctionem perfecerit; si autem rem alterius furatus sit, tum contra eum datur condictio furtiva, & contra tertium, condictio sine causa. quæ tamen rei æstimationem saltem etiam persequuntur eo casu, quem hic respicimus, quo scilicet, res adjuncta, utiliter separari nequit. Præterea fur etiam puniendus est, hinc actio furti contra ipsum competit §. 26. l. de R. D. quæ hodie in genere cessat, ut alibi videbimus.

§. 34. Confusio est *materiarum liquidarum, vel liquefactarum conjunctio*. Fit eadem vel *voluntate utriusque domini*, & tum oritur communio propria, etiam si in specificationem res incidat §. 27. l. de R. D. l. 7. §. 8. de A. R. D. vel *sine mutuo consensu*, ubi interest, *utrum species nova existat*, hæc specificanti adjudicatur l. 5. §. 1. de R. V. an vero *simplex adsit confusio*, hoc casu communio impropria, ex sola rerum cohærentia, existit, & nihil refert, sine confusio casu, sive voluntate unius, facta sit, sive materiæ separari queant, sive non l. 3. §. 2. l. 5. §. 1. de R. V. de qua communione impropria, etiam accipi debet §. 27. in fin. l. de R. D.

§. 35. Haftenus ergo, quatenus communionem propriam vel impropriam afferunt, naturalem philosophiam fequantur JCti. Eam vero sic folvi præcipiunt, ut in cafu communionis propriæ, *actionem communi dividundo*, impropriæ autem, *rei vindicationem* concedant, *d. l. 3. §. 2. l. 5. §. 1. de R. V.* in qua nominum diverfitate, falus Græciæ fita non eft, nam utriusque actionis idem eft exitus, fi enim materiæ separari queant, fua cuique reftituitur, fi non, habita quantitatis & qualitatis ratione, unicuique fatis fit. In eo vero non fatis videntur confenfiffe JCti, quæ materiæ separabiles fint nec ne *v. l. 5. §. 1. de R. V. l. 12. §. 1. de A. R. D. Grot. de J. B. P. l. 2. c. 8. §. 21. ZIEGL. ad Grot. d. l.* fed diffenfus innoxius eft, cum ea res iudicio artificum, non JCtorum definienda fit.

§. 36. Commixtio eft rerum aridarum conjunctio. Fit illa vel *dominorum confenfu*, & oritur communio propria, vel *fine eorum voluntate*, tum quidem non propria, bene tamen impropria exiftit. Illo cafu *actione communi dividundo*, hoc, *rei vindicatione* communio folvitur *§. 28. l. de R. D. l. 5. pr. de R. V.* circa quarum exitum repetenda, quæ modo, circa confufionem, diximus. Nihil, in hoc exemplo, Romanum eft, nifi diverfa actionum denominatio, quo invento hodie facile carere poffumus.

§. 37. Circa ædificationem diverfi cafus funt diftingvendi. Si enim quis (1.) *in fuo folo, ex materia aliena ædificet*, tum domino foli ædificium adjudicatur *l. 7. §. 10. de A. R. D. l. 2. C. de R. V. §. 29. l. de R. D.* dominus vero materiæ, confequitur ejus pretium, fi eo fciente ædificatum fit *l. 63. de donat. inter vir. & uxor.* fi vero, illo ignorante, tum actione de tigno juncto, exigit duplum, five alter bona, five mala fide ædificaverit *d. §. 29. l. de R. D. l. 23. §. 6. de R. V.* ultimo tamen cafu, poterit dominus materiæ, etiam rei vindicatione petere æftimationem, jurejurando in litem definiendam, quæ duplum excedere poteft *d. l. 23. §. 6. de R. V.*

§. 38. Quod fi ædificium dirutum fit, rudera peti poffunt, modo b. f. ædificans, duplum nondum præftiterit, m. f. ædificantem illa præftatio non juvat *l. 23. §. fin. de R. V. l. 7. §. 10. 11. de A. R. D. l. 2. de tign. junct. §. 29. in fin. l. de R. D.* Sed illa Romana hodie nullius vel exigui funt ufus: Satis eft, fi domino materiæ, iufta æftimatio folvatur, quod-

quodsi insuper ædificans deliquerit (quale delictum, in simplici mala fide, non est) tum à Magistratu merito puniatur *v. STRUV. J.F.R.G. l.2. tit.1. §. 48.* Hinc etiam controversiæ, de indole actionis de tigno juncto, hodie otiosæ sunt *v. OBSERV. LAUTERB. Obs. 1206. seqq.* Ruderæ, nondum obtenta satisfactione, etiam hodie, in subsidium peti posse, non negem, sed uti illa satisfactio est satis macilenta, ira ejus exemplum forte nondum in Germania extirpit.

§. 39. Si quis (2.) *in solo alieno, ex materia aliena, ædificaverit*, tum dominus soli, ædificium consequitur, qui tamen, juxta æquitatem, domino materiæ satisfacere debet, quod frustra à nonnullis negatur *v. OBSERV. LAUTERB. Obs. 1019. 1213.* Si (3.) *in solo suo, ex materia propria, quis ædificet*, tum de acquisitione nullum est dubium. Si denique (4.) *in solo alieno, ex sua materia, quis ædificium posuerit*, domino soli illud quoque adjudicatur *l.7. §. 12. l. 28. de A.R.D. l. 16. C. de R.V.*

§. 40. Ei tamen, qui bona fide ædificavit, si in possessione sit, datur *exceptio*, qua materiæ & operarum æstimationem consequatur *d. ll.* imò *actio* quoque, juxta æquitatem, ei est asserenda, nec refragatur jus Romanum, nam, ex ejus hypothesibus, actio negotiorum gestorum *l. 6. §. 3. l. fin. de N.G. l. fin. §. 1. C. de hered. petit. l. 32. de R.C.* actio in factum *l. 23. §. 5. de R.V.* aut condictio indebiti *l. 40. §. 1. de condit. indeb.* illi recte tribuitur. Male fidei ædificator nullum jus habere censetur, cum alteri suum donaverit *§. 30. l. de R.D.* sed ista donationis conjectura, ita simpliciter non est admittenda *l. 2. C. de R.V. l. 15. de usufr. l. 45. de donat. inter vir. & uxor. l. 43. §. 1. de Legat. 1.* hinc si liquido satis, de animo donandi non constet, *exceptio & actio*, minimum ad effectum tollendi ædificium *l. 37. ff. l. 2. §. C. de R.V.* ei quoque erit asserenda *v. LAUTERB. C. J. de A.R.D.*

§. 41. Circa plantationem, duo potissimum casus sunt discernendi, nam si quis (1.) *in suo solo, alienam plantam, vel arborem posuerit*, tum, si illa nondum radices egerit, domino erit restituenda, si vero cum terra coaluerit, ejus dominium domino soli simpliciter adjudicatur, adeo ut ne erutam quidem dominus prior repetere possit *l. 26. §. 2. de A.R.D.* ratio tamen, ex qua hoc asseritur, quod alio terre alimento, alia facta sit, non est necessaria, in primis iniquum fuerit, si à fure eam

domino vindicare non liceret. Hoc certum, quod, omni casu, domino priori pretium ejus sit solvendum, quo forte referri debet *l. 5. §. 3. de R. V.*

§. 42. Si autem (2.) *quis in alieno solo plantam suam posuerit*, tum, nondum facta coalitione, ponens eam repetere potest, post coalitionem vero, domino soli illa acquiritur, qui tamen plantanti, siue bona, siue mala fide id fecerit, pretium præstare debet, nisi ultimo casu donatio accesserit. Arbor in alienum solum radices ultro immittens, vel fit communis vel alteri penitus acquiritur §. 31. *l. de R. D. l. 7. §. 13. de A. R. D.* Sed uti illa sanctio nec naturalis est, nec omnibus placuisse videtur *v. l. 6. §. 2. arbor. furt. cas.* ita jure Saxonico non obtinet, quo saltem communio ramorum & fructuum asseritur *Landr. l. 2. art. 52. Weichb. art. 126. vid. OBSERV. LAUTERB. Obs. 1020.*

§. 43. Quoad Sationem itidem duo casus separandi veniunt. Si quis enim (1.) *agrum suum alieno semine confecerit*, is quidem dominus feminis fit *v. l. 25. pr. §. 1. de usur.* sed priori domino pretium solvere tenetur, ac, si delictum commiserit, insuper merito puniatur. Si autem (2.) *in alieno fundo frumentum suum severtit*, tum itidem domino fundi illud acquiritur, qui tamen serenti æstimationem præstare debet, siue ignorans, siue sciens sationem peregerit, modo ultimo casu donare non voluerit, per ea quæ diximus §. 40. ex quibus etiam §. 32. *l. de R. D. l. 9. de A. R. D. l. 11. C. de R. V.* merito suppleri debent.

§. 44. Si in aliena charta aliquid scribatur, domino chartæ scriptura cedit §. 33. *l. de R. D. l. 9. §. 1. de A. R. D. l. 23. §. 3. de R. V.* quæ tamen communionem solvendi ratio, parum æqua & prudens est, cum utique æquitati magis sit consentaneum, ut scribenti charta, pretio ejus soluto, acquiratur, quod etiam JCto in *l. 3. §. p. ad exhib.* placuit. Si scriptor chartam furatus sit, aliud forte dicendum, quamvis, si domini chartæ non interfit, habere scripturam, ne hoc quidem casu, sufficiens causa adesse videatur, cur scribenti, præstita justa æstimatione, charta adjudicari non debeat.

§. 45. Circa Picturam disenserunt JCti, dum quidam, eam domino tabulæ *l. 23. §. 3. de R. V.* alii tabulam pictori adjudicarunt *l. 9. §. 2. de A. R. D.* sed ultimam sententiam probavit Justinianus §. 34. *l. de*

de R. D. ut tamen, perinde ac Gajus in *d. l. 9. §. 2.* diversarum hypotheseum confectaria videatur confudisse, nisi forte hæc doctrina, ex illis locis, conficienda est: Eum, qui bona fide pinxit, dominium tabulæ saltem consequi, quod si ergo suo jure utatur, ac tabulam sibi asserat, debere illum priori domino, tabulæ pretium solvere, si vero huic tabulam cum pictura relinquere malit, posse eum impensam picturæ exigere.

§. 46. Aliquando dominus tabulæ, pictori erit præferendus (1.) *si quis mala fide pinxerit*, hic enim, etiam non accepta mercede, alteri picturam relinquere tenetur, ceu *d. l. 9. §. 2. & §. 34.* innuere videntur, quod tamen non aliter admiserim, quam si donandi animus probeatur (2.) *si pictor tabulam furatus sit*, quæ videtur esse sententia *d. §. 34. in fin.* nam ibi per *actionem furti*, probabiliter intelligitur actio ad ipsam rem competens, & alias notum est, quod res surrepta restitui debeat, licet cura & sumtibus furis creverit *l. 13. de condit. furt.* (3.) *si rudi penicillo tabule quid illitum sit* v. BACHOV. ad §. 34. *I. de R. D. in fin.* PUFENDORF de J. N. G. l. 4. c. 7. §. 8. (4.) *si pictura, saltem ut aliqua accessio, spectetur*, veluti si quis alterius umbellam (*Schirm*) picturis exornaverit, tum enim umbellæ dominus, pictori merito præfertur v. BERGER in *resolut. ad LAUTERB. de A. R. D. qu. 2.*

CAPUT VI. DE DOMINII EFFECTU.

SUMMARIA.

Dominii effectus §. 1.

Amissa possessione, dominium naturaliter expirat ex quorundam sententia §. 2. 3.

Quæ falsitatis arguitur §. 4.

Ostensa erroris origine §. 5.

Ex veriori sententia, dominium naturaliter diluat, amissa possessione §. 6.

Rationes oppositæ diluuntur §. 7.

Adjecta limitatione §. 8.

Jure Romano dominium, cessante possessione, non desinit §. 9.

Quod, discussis objectionibus, amplius ostenditur §. 10. 11. 12.

Animalium ferorum dominium, amissa possessione, non amittitur §. 13.

Dominium maris & animalium ferorum vel mansuetorum quousque duret §. 14.

Circa apes quid obtineat jure civili & Saxonico §. 15. 16. 17.

Uu 3

§. I. Hunc

§. I.



Unc seorsim expendemus, ne præcedens Caput nimis excreseat. Consistit autem dominii effectus, in *plenissimo rei usu*, hinc non tantum omnia emolumenta, ex ea provenientia, percipere, sed & eandem, postulante necessitate ac utilitate, imminuere & consumere possumus *v. l. 21. C. mand.* præterea quoque ea dominii virtus est, ut rem amissam, à quovis possessore, vindicare liceat; facultas autem alienandi, ex dominio, non recte repetitur, cum potius ex libertate, omnis generis jura, comitari solitâ, dependeat *v. c. 2. §. 12. n. 4.*

§. 2. Sed ille effectus, quo rem amissam vindicari posse dixi, non usque adeo liquidus est, nam non tantum plerique interpretes juris Romani existimant, quod dominium animalium ferorum, aut ad feritatem relapforum, amissa possessione, pereat, sed & nuperus quidam Scriptor, CORNELIUS VAN BYNCKERSHOEK in *peculiari Dissertatione*, de Dominio Maris, quam *Libro Singulari ad Legem 9. de L. Rhodia de jactu*, 1703. publicato, adjecit, generaliter contendit: dominium, amissa possessione, naturaliter desinere, cum ex naturali possessione cœperit, quod igitur, ultra possessionem, hodie dominium nonnumquam duret, id non quidem effectum esse, universaliter aliquo Generis humani pacto, quod absurde asseratur, sed unice à lege civili, vel fœderibus Gentium specialibus dependere.

§. 3. Porro legem civilem, in subditos, tantum valere, externos vero non obstringere, arbitratur, hinc si res mea, extra civitatem reperitur, me absente & ei non incumbente, cedere eam rursus primo occupanti. Denique fœdera Gentium accipit, quibus vel amicitia vel hospitium contrahatur: aliud, si tantum placuerit, ut bello abstinenceatur, de reliquis autem nihil pactum sit, tum enim etiam cum populis liberis & fœderatis, postliminium esse. Ex quibus principiis deinde in specie infert: dominium maris, cessante ejus possessione, exspirare.

§. 4. Uti autem ista sententia satis forte est confutata in *DISsert. c. præc. §. 6. citata*, ita Disciplinæ nostræ contextus exigit, ut summa hujus rei capita hic quoque exhibeamus. Falsitas igitur istius hypotheseos, ex eo, manifesta est, quod (1.) per eam jura, & in spe-

specie dominium, penitus expungantur; inane jus est, quod cum facto oritur & perit! præterea (2.) nulla idonea ratione ostendi potest, unde possessionis ea sit efficacia, ut ab ejus duratione, dominium præcise dependere debeat, Denique (3.) conditio perpetuæ possessionis, quoad jura humana, est impossibilis, hinc frustra, ad horum durationem, illa requiritur *v. Dissert. nostr. §. 1. seqq.*

§. 5. Probabiliter igitur ista sententia originem & spiritum duxit, ex Hobbesii, vel similis Philosophastri, rerumque moralium Corruptoris, ante pacta & Civitates, nullum jus agnoscens, principii. Errorum vero semel conceptum, Gentium ferocium, & socialitatis leges impune violantium, praxis, magis probabilem reddere, male intellecta vero nonnulla juris Romani loca, penitus confirmare poterunt *d. dissert. §. 16.*

§. 6. Quod si autem, prout par est, legem naturalem &, in specie, socialitatis decreta, ante Gentium fœdera & Civitates, agnoscamus, tum ex iis liquet, quod res plane sit invertenda eo modo, ut *dominium rerum, ac inprimis etiam occupatarum, cessante licet possessione, durare dicamus, nisi consensu domini, vel lege civili aliud sit constitutum*, cum enim lex naturalis, inter homines læsionem prohibeat, an, salvis socialitatis regulis, alium in res, nobis legitime quæsitas, involare posse putabimus, ideo saltem quod eas actu non teneamus, utur legitimam earum acquisitionem probemus, animumque eas habendi docemus? *v. d. dissert. §. 17. seqq. GROTI. de J. B. P. l. 2. c. 8. §. 3.*

§. 7. Atque ex his, rationes dissentientium facile eliduntur: Verum est, quod Scriptor laudatus dicebat: pacto universali dominii durationem non esse definitam *v. OBSERV. PUFEND. Obs. 280.* porro concedimus, quod lex civilis & pacta Gentium specialia, omnes homines non obligent, sed inde non sequitur, quod, amissa possessione, naturaliter pereat dominium, cum merum jus naturale, semel legitime acquisitum, satis tueatur etiam contra eos, quos nulla legis civilis auctoritas, vel specialis conventionis religio obstringit. Quæ autem vulgo, quoad dominium ferarum, quod illud, amissa possessione, naturaliter desinat, asserre solent, illa nullius sunt ponderis, sed potius id, de quo quæritur, supponunt, aut etiam propriam causam evertunt *v. d. dissert. §. 22. seqq.*

§. 8. Est ergo naturale, *ut dominium quarumvis rerum, cessante licet possessione, duret.* Sed hoc verum est, nisi domini consensus, vel *lex civilis* aliud decernat, sed cum utrumque facti sit, ideo, nisi evidenter probetur, mero juri naturali inhærendum, ac, pro domini duratione, pronunciandum erit. In specie ergo quæritur, *an jure Romano aliud constitutum sit?* Multis sane, minimum quoad-quasdam res, ita videtur, imo id, quod eo jure obtinere credunt, naturale esse arbitrantur. Verum uti dubio procul decreta illa, si occurrerent, non essent naturalia, sed positiva, ita, eadem adesse, omnino negamus.

§. 9. Quoad dominium modis derivativis acquisitum, res dubio caret, nam Rei vindicatio, contra rerum possessores comparata, satis ostendit, dominium, amissa possessione, non perire. In specie animalia mansueta & mansueta, nostra manent, licet eadem non possideamus *l. 5. §. 5. l. 44. de A. R. D. l. 8. §. 1. 2. fam. ercisc. §. 15. 16. l. de R. D. servus fugitivus, dominium domino non intervertit, l. 13. de A. A. P. l. 1. seqq. C. de serv. fugit.* lapidum demersorum dominium retinetur possessione licet cessante *l. 13. de A. A. P.* cumque cæterarum rerum eadem omnino sit ratio, merito idem etiam jus tamdiu præsumitur, donec probetur contrarium *v. d. dissert. §. 27. 28.*

§. 10. Neque etiam textus, à dissentientibus adducti, probant, quod vel jure naturali, si ad hoc forte quoque respiciant, vel jure civili, dominium, amissa possessione, amittatur. Scriptor supra memoratus urget (1.) *l. 1. §. 1. de A. A. P.* sed inde, idonea consecutione probari nequit, quod, cessante possessione, definat dominium (2.) *l. 5. §. 1. l. 6. pr. de D. R. l. 14. §. 1. de A. R. D.* verum ibi amittitur dominium, non ob amissam possessionem, sed domini consensum: Imo si non tam verba captes, quam potius sententiam respicias, ibi non agitur de dominio, sed usu temporario, qui, remissa possessione, definit.

§. 11. Porro (3.) *l. 5. §. 2. l. 7. pr. de captiv. & postlim.* sed illæ præsupponunt gentes, inter quas nulla amicitia vel socialitas observatur: inter has, amissa possessione, res amittuntur, non quod à possessione dominium suspendatur, sed quod gentes insociabiles nullum jus agnoscant, verum, prout visum fuerit, aut fors vel potentia tulerit, bona non possessa & possessa, sibi mutuo eripiant *v. l. 6. 24. de captiv. & postlim.*

Ex

Ex corruptis autem Gentium moribus, frustra repeti vel decreta naturalia, vel sanctiones juris positivi, quæ inter amicos aut cives, domini acquisitionem vel conservationem dirigant, facile liquet.

§. 12. Denique addit (4.) *can. 1. Dist. 8. can. 1. Caus. 23. qu. 7.* sed ut illorum contenta, oratoria magis, quam juridica sunt, ita admissa, nihil aliud continent, quam dominia rerum, mero jure naturali non esse introducta, sed, ex facto humano, habere originem, ac in civitatibus, imperio civili defendi, eique subesse. Ex quo nec sequitur, quod domini, ultra possessionem, duratio, in civitatibus, à lege civili unice dependeat, nec (si domini durationem, cessante possessione, juxta veram sententiam, antea demonstratam, naturaliter asseras) quod jure positivo contrarium constitutum sit *v. d. dissert. §. 29. seqq.*

§. 13. Quoad fera animalia, plerisque res confecta viderur, quod scilicet, ex sententia juris Romani, amissa possessione, eorum dominium pereat, ob sanctionem, ut videri potest, expressam in *l. 3. §. 2. l. 5. pr. de A. R. D. §. 12. l. de R. D.* Sed si propius res consideretur, dominium amittitur, non quia *possessio amissa*, sed quia, ob *recuperandi difficultatem & desperatam probationem, dominus animum habendi dimittit*, hinc si probatio & spes recuperandi super sit, adeoque nihil, ad dominium dimittendum, dominum adigat, poterit idem, etiam juxta jus Romanum, vi domini retenti, vel feram elapsam denuo occupare, vel ab aliis occupatam vindicare *v. d. dissert. §. 39. seqq.*

§. 14. Ex his principiis, quæstiones speciales facile decidi possunt. Dominium maris retinetur, licet possessio cesset, quod frustra, ex falsa sua hypothese, negat Scriptor supra adductus *v. d. dissert. §. 42. seqq.* Dominium feræ, vel bestię mansuefactæ, ad feritatem relapsæ, domino priori erit salvum, si per addita *veriusmata* sive crepundia, ab aliis internosci illa, vel alio modo ejus dominium probari queat, quod etiam Jure Saxonico *Weichbild. art. 118. (119.)* defendi potest. Inprimis igitur animalia rariora ac exotica, nostra manent, licet custodiam evaserint, cum probatio domini, hic sit satis expedita *v. d. dissert. §. 45. seqq. add. SCHILTER ad ff. exercit. 45. §. 18. 19.*

§. 15. Quod si apes victus causa evolent, earum dominium, sine dubio, retinetur *v. l. 8. §. 1. fam. ercisc. BERLICH. p. 5. Conclus. 50. n. 17.*

CARPZ. *p. 4 C. 36. D. 1. 2. 3.* si vero, animo non redeundi, evolent *v. BERLICH d. 1. n. 16.* tum jure civili tamdiu nostræ sunt, quamdiu in conspectu sunt, nec difficilis est persecutio §. 14. *I. de R. D. i. e.* quamdiu earum dominium probari potest, sed vulgo tam large jus civile non accipiunt *v. BERLICH d. Conclus. 50. n. 14.* Verum jure Saxonico dominium statim amittitur *Weichbild art. 119. (120.)* ex quo sanctionem positivam agnoscere par est.

§. 16. Si tamen dominus prior, examen evolans statim sequatur, tum illud nova occupatione acquirere potest, quo casu etiam vicino, in cujus fundo id confedit, est potior, nec ab ingressu fundi prohiberi potest *v. SCHILTER ad ff. exerc. 45. §. 14. 15.* Interim vulgo domini statim insequentis, nullam rationem habere, sed vicinum potius, quoad acquisitionem dominii, præferre videntur *v. CARPZ. p. 4. C. 36. D. 4.* Multo magis dominus prior, in acquirendo potior est, si examen evolans in ramo, quem arbor vicini, in hortum ejus porrexerat, confederit, ac, ab antiquo domino, statim iterum sit occupatum *arg. Landr. 1. 2. art. 52. Weichbild art. 126. 127. v. CARPZ. Dec. 295.*

§. 17. Quod si autem dominus prior, examen evolans, non statim insequatur, tum vicino, in cujus fundo id confedit, acquiritur, & quidem per occupationem, quoad dominum priorem, ipso jure vero, quoad tertium, ex ratione juris Germanici, qua res, in fundo meo existentes, meæ sunt, nec tam jure occupationis specialis, quam accessionis acquiruntur. *v. Jus Aleman. c. 238. §. 3. SCHILTER. d. exerc. 45. §. 13.* Alii tamen, tertium occupantem, domino fundi præferunt, ceu liquet, ex præjudicio, apud GEORG. BEAT.

Cas. var. p. 26. v. THOMAS. in not. ad Strauch. dissert. 6. §. 28.
de quibus omnibus, plenius paulo actum in
d. dissert. §. 52. seqq.

CAPUT VII.

DE OFFICIO CIRCA DOMINIUM, ET REI VINDICATIONE.

SUMMARIA.

- Circa dominium occurrit officium domini §. 1.
 Et aliorum §. 2.
 Tertius possessor rem domino reddere tenetur §. 3.
 Contra invitum datur rei vindicatio §. 4.
 Hac ergo competit domino §. 5.
 Contra possessorem §. 6.
 Qui bona fide possidere desit, non tenetur §. 7.
 Petitur res cum fructibus §. 8.
 Horum natura & varietas §. 9. 10. (§. 11.
 Bonæ fidei possessor fructus exstantes restituit
 Malæ fidei possessor, omnes §. 12.
 Obligatio domini, ad præstandas impensas §. 13.
 Actor debet probare dominium & adversarii possessionem §. 14. 15.
 Actori vincenti res, sine pretii refusione, restituenda §. 16.
 Domino etiam dantur interdicta §. 17.
 Species rei vindicationis, est actio finium regundorum §. 18. 19.
 Et communi dividundo §. 20.
 Licet vulgo aliter sentiant §. 21.
 Rei vindicationem olim præcedere solebat actio ad exhibendum §. 22.
 Cujus hodie nullus usus §. 23.

§. I.

Duplex obligatio ac inde veniens officium, circa dominium, occurrit, *Domini & aliorum*. Ille totam legem naturalem, intuitu rerum propriarum, observare tenetur, adeoque iis, in Dei contemptum, haud abuti, nec vel se, vel alios lædere, sed ad commodum tam proprium, quam aliorum, eas adhibere debet. In specie quoque dominus, ratione damni, ab animalibus dati, tenetur, quemadmodum etiam utilitatem, rebus propriis, ultro ab aliis collatam, debet rependere, quod duplex officium, postea seorsim expendemus.

§. 2. Officio autem aliorum, ut & domini, illud comitanti, intelligendo, distinguendum est, utrum res sit *apud dominum*, tum alii, erga eundem, non tantum officia humanitatis observare, sed & inprimis à læsione abstinere debent, hinc omnis generis delicta, in res alias directa, ut furtum, rapina, damnum & deceptio, omittenda sunt; an *apud alium*, ubi iterum interest, utrum *volente domino res apud alium sit*, hoc casu, juxta tenorem conventionis initæ, officium tam possessoris, quam domini, ex præcepto de fide servanda damnoque

refarciendo, judicandum est, de quo, suo loco, agemus distinctius, an *eo invito*, hoc casu, lex naturalis jubet, ut possessor rem, cum fructibus, domino, impensas præstanti, restituat, quod officium, prout possessor scit vel ignorat, rem alienam esse, sive malæ vel bonæ fidei possessor est, diversas exigit præstationes, de quo hic specialius agendum est v. OBSERV. PUFEND. *Observ* 313.

§. 3. Quando igitur possessor intelligit, se rem alienam possidere, tum, quantum in se est, efficere debet, quo illa in potestatem domini redeat v. *L. 1. §. 3. de fugit.* adeo ut licet cum tertio contraxerit, tamen dominum huic præferre debeat, neque enim, in præjudicium domini, contractus cum alio valide iniri potest v. *L. 31. deposit.* quod si tamen, domini voluntate, res in alium antea sit translata, tum tertius domino præferatur v. *L. 1. §. 7. naut. caup. stab.* De cætero restituendi necessitas, non est deducenda ex universalis aliquo generis humani pacto v. PUFEND. *de J. N. G. l. 4. c. 13. §. 1. 2. 3. 4. 5.* hoc enim frustra asseritur, sed ex mero jure naturali, quod læsionem prohibet, planissime repetitur v. OBSERV. PUFENDORF. *Obs.* 314.

§. 4. Cæterum sæpe possessores ultro officium non implent, hinc in iudicio ad hoc cogendi sunt, quo nomine prodita est *Rei Vindicatio*, quæ est *actio realis*, qua dominus rem corporalem, à detinente sibi restitui, dominumque suum confirmari petit v. *L. 9. 23. pr. de R. V.* Solet distingui in *directam* & *utilem* *L. un. §. 5. C. de R. U. A.* quæ divisio hodie non necessaria, quamvis illa Rei Vindicationis species, qua non res, sed ejus pretium quandoque petitur, quæque etiam *Utilis* dici solet v. *L. 5. §. 3. de R. V.* à cæteris omnino separanda sit, cum non tam actio realis, quam personalis sit. *add. OBSERV. LAUTERB. Obs.* 198.

§. 5. Datur ergo Rei Vindicatio domino *L. 23. de R. V. l. 15. C. eod.* etiam obrevocabile *L. 66. de R. V. 24. rer. amot. 9. C. de R. V.* vel utile dominium *L. 73. §. 1. l. 74. 75. de R. V. l. 1. §. 1. si ag. ve Dig. II. f. 8.* non etiam ob directum, solitarie spectatum, hoc enim frustra ex *L. 33. de R. V.* asseritur. Satis quoque est, si, post litem cœptam, dominium quis sit nactus *L. 27. §. 1. de R. V. v. c. 3. de sentent. & re jud. in 6.* aut si quis dominium rei, ab alio possessæ, legitime comparaverit *L. 55. de procur. l. 5. 7. f. C. de H. vel A. vend.* vel, certis in casibus, alicujus pecunia, res sit comparata v. *L. 2. quand. ex fact. tutor. l. 23. §. 1. C. de SS. Eccles.*

Ecclef. l. 8. C. de R. V. l. 55. de donat. inter V. & U. uno verbo: quando quis, vel ex ratione naturali, vel civili, dominium habet *v. l. 30. de mort. caus. donat. l. 1. C. de donat. quæ sub mod.* ubi quidem hodie nihil refert, siue directam, siue utilem dicas actionem.

§. 6. Competit Rei vindicatio contra possessorem *l. 36. fin. de R. V.* civilem vel naturalem, etiam nudum detentorem *l. 9. 27. §. 1. eod.* quamvis hic, autorem suum nominando, ab actione liberari queat; Nec ipse autor, temere, contra detentorem, rei vindicationem instruet, cum actione magis expedita, ex contractu veniente, ei defungi liceat. Datur etiam contra illum, qui fraudulenter se liti obtulit *l. 25. de R. V.* quod hodie exigui usus videtur, vel qui, ante litem motam, dolo possidere desiit, ad æstimationem scilicet consequendam *l. 27. §. 3. l. 36. pr. 68. de R. V.* Integrum tamen est domino, rem ipsam, si hanc malit, apud novum possessorem, persequi *v. OBSERV. LAUTERB. Obs. 182. 183.*

§. 7. Si ante litem motam, bonæ fidei possessor possidere desiit, licet sua voluntate, conveniri amplius non potest, nam nec rem habet, nec alterum læsit *add. OBSERV. PUFEND. Obs. 316. 323.* si autem, post litem contestatam, culpa sua rem amiserit, æstimationem præstare tenetur *l. 36. §. 1. l. 63. de R. V.* Contra hæredem datur hæc actio, quatenus possidet *l. 42. §. 1. 55. de R. V. l. 2. C. si unus ex plur. hered.* Ex dolo defuncti tenetur, quatenus est locupletior factus *l. 52. de R. V.* imo, juxta æquitatem, in solidum *v. OBSERV. LAUTERB. Obs. 199.* ex proprio facto, sine dubio, in solidum obligatur *l. 27. §. 3. l. 36. pr. l. 63. de R. V.*

§. 8. Peruntur rei vindicatione res singulares corporales, mobiles & immobiles *l. 1. pr. §. seqq. de R. V.* & actor, ex regulis prudentiæ, debet designare rem, vel ejus partem, quam petit *l. 6. 73. l. 76. §. 1. de R. V.* Petuntur res cum omni causa, & fructibus *l. 17. §. 1. l. 20. 21. 34. de R. V. add. BERGER in resolut ad LAUTERB. de R. V.*

§. 9. Per fructus hic intelliguntur omnia emolumenta, quæ vel, ex ipsa re, vel ejus occasione percipiuntur *v. l. 24. de usu & usufr. leg. l. 95. §. 1. ad L. Falcid. l. 62. de R. V.* Ratione (1.) originis sunt vel civiles, qui occasione rei proveniunt, vel naturales, quos ipsa res producit *l. 121. de V. S. l. 7. §. 13. sol. matrim. l. 236. §. 1. de V. S. CARPZ. p. 3. C. 32. D. 19.*

hi iterum sunt vel *naturales in specie*, qui sine accedente notabili hominis facto, & *industriales*, qui interveniente hominum industria, per naturam producuntur v. l. 48. de usur. CARPZOV. p. 3. C. 32. D. 24. n. 12.

§. 10. Porro ratione (2.) *diversi status*, sunt vel *Existentes*, qui etiam *Nati* dicuntur, vel *Non-existentes*; Horum existentia vel *speratur*, qui vocantur *Nascituri*, vel *non speratur*, idque vel ob *fatale infortunium*, & sunt *fructus deperditi*, vel ob *negligentiam possessoris*, ac audiuntur *percipiendi*. De natis porro ita habendum; sunt vel *pendentes* sive *stantes*, qui cum corpore, ex quo prodierunt, adhuc cohererent l. 44. de R. V. vel *percepti*, qui ab eodem sunt separati l. 13. quib. mod. usufr. l. 12. §. 5. de usufr. hi iterum sunt vel *exstantes*, quos adhuc asseramus, vel *consumti*, qui naturaliter vel civiliter sunt consumti add. OBSERV. LAUTERB. Obs. 702.

§. 11. Jam ut constat, quousque possessor ad fructus præstandos, obligetur, bonæ fidei possessor omnes quidem fructus, ante litem motam, acquirit, hætenus ut illos consumere possit §. 35. l. de R. D. l. 48. pr. §. 2. de A. R. D. l. 28. de usur. l. 13. quib. mod. usufr. amitt. l. 78. de R. V. l. 136. de R. J. sed si dominus supervenerit, omnes exstantes, quos nondum usucepit v. l. 4. §. 19. de usurpat. CARPZ. p. 3. C. 32. D. 29. ei reddere tenetur l. 48. de A. R. D. l. 22. C. de R. V. de percipiendis vero & consumtis securus est, nisi sit factus locupletior v. CARPZ. p. 3. C. 32. C. 28. quod etiam de jure civili recte asseritur v. OBSERV. LAUTERB. Obs. 201.

§. 12. Malæ fidei autem possessor omnes fructus, consumptos & percipiendos (deperditis tamen exceptis) restituere tenetur l. 5. 22. C. de R. V. §. 35. l. de R. D. CARPZ. p. 3. C. 32. D. 30. l. 1. Rsp. 39. quod etiam de bonæ fidei possessore, post litem in petitorio v. CARPZ. l. 2. Rsp. 18. BERGER in resolut. ad LAUTERB. de R. V. contestatam, asseritur v. l. 20. §. 11. l. 25. §. 5. 7. ff. l. 1. §. 1. C. de hered. petit. quamvis id eo casu saltem procedere videatur, quo jus actoris est manifestum. Fructus ante litem contestatam percepti, petendi sunt, post eam, etiam non petiti, officio judicis adjudicantur l. 10. de usur. l. 25. §. 8. de adiut. edit. l. 35. §. 1. de R. V. sed cordatus iudex magis æquitatem, quam regulas iudicum pedaneorum observabit add. OBSERV. LAUTERB. Obs. 188.

§. 13. Sic-

§. 13. Sicut autem possessor rem & fructus præstare tenetur, ita, vice versa dominus, ratione impensarum, est obligatus. Impensas igitur fructuum, tam b. quam m. f. possessor deducit l. 36. §. fin. de hered. petit. l. 51. pr. fam. ercisc. necessarias quoque in rem l. 5. C. de R. V. dummodo non sit fur aut violentus possessor l. 1. C. de infant. expos. l. 12. de condit. furt. Utiles impensas bonæ fidei possessor quoque deducit, observatis tamen æquitatis circumstantiis l. 27. §. 5. l. 28. seqq. l. 38. de R. V. idem dicendum etiam de malæ fidei possessore l. 38. de hered. petit. v. OBSERV. LAUTERB. Obs. 202. Voluptarias bonæ fidei possessor quoque deducit regulariter, sed possessor malæ fidei tantum tollit l. 39. §. 1. de H. P. l. 38. de R. V.

§. 14. Actor debet probare dominium & adversarii possessionem l. fin. de R. V. l. 2. de probat. censetur autem dominii probatio valde difficilis esse v. MASCARD de probat. Conclus. 535. CARPZ. 1. Rsp. 76. 77. quod etiam verum est, si res absolute spectetur, sed si relate ad adversarium, tum non adeo difficilis est, cum sufficiat, melius jus ostendere, quam ille habet. Et hæc probatio etiam juxta æquitatem sufficit, sed ex corruptione fori Romani, absoluta requiritur, quanquam, sub actionis Publicianæ commento, mox relatam quoque admiserint, adeoque more suo rem planam, reddiderint intricatam, Romani v. §. 4. l. de action. de qua alio loco dicam.

§. 15. Possessio regulariter quidem probanda non est, cum ut plurimum notoria sit, vel ex ipsa rei evidentia, vel adversarii confessione. Quod si vero hic possessionem neget, tum illa probari debet, quæ probatio hoc operatur, ut, à mendace, in actorem res transferatur, dominio licet nondum probato l. fin. de R. V. Nov. 18. c. 10. adeo ut petitorium in possessorium degeneret, & is, qui antea possessionem negaverat, rei vindicationem instituere debeat, siquidem aliquid juris sibi competere existimet.

§. 16. Si actor vincat, tum reo res auferitur l. 68. de R. V. quod hodie tantum obtinere putò, cessante juramento in litem. Quod si vero res perierit dolo vel culpa, tum æstimatio, jurejurando illo quandoque definienda, exigitur v. l. 46. 71. de R. V. Nec debet actor pretium Reo restituere, licet hic eam in foro b. f. emerit, cum expressa etiam protestatione, quod eam domino restituere velit, hic enim est effectus domi-

dominii, ut rem nostram novo pretio redimere non debeamus *v. l. 3. 23. C. de R. V. l. 16. C. de evict. l. 2. C. de furt. nec stricto jure aliud dicendum, licet res redempta, alias fuisset peritura, add. LAUTERB. C. J. de R. V. OBSERV. LAUTERB. Observ. 203. 204.*

§. 17. De eodubitandum non est, quin dominus, rem suam, etiam interdictis defendere queat. Habet ergo locum *interdictum retinendæ possessionis*, si quis actibus turbativis dominium sibi asserat *l. 1. §. 1. 7. 8. uti possid. ac in primis recuperandæ possessionis*, si quis de possessione plane dejectus sit *l. 1. §. 9. 10. de vi & vi arm. l. fin. C. unde vi & utile quoque est, interdicto potius, quam rei vindicatione, rem suam persequi l. 24. de R. V. add. l. 2. c. 8. §. 32. 33.*

§. 18. Species Rei Vindicationis, est *Actio finium regundorum*, qua fines ablati, vel eorum æquipollens, repetuntur, ac præstationes accessoriaræ exiguntur *v. l. 2. §. 1. l. 3. seqq. fin. regund. hinc eadem observantur, quæ in Rei vindicatione l. 4. §. 1. seqq. cod. aliquando est species actionis confessoriaræ vel hypothecariæ l. 4. §. 9. cod. Non debet autem in hac actione probari dominium in genere, hoc enim non est controversum, sed fines solum probandi sunt *v. l. 11. fin. regund. l. 4. de cens. quæ probatio testibus, instrumentis & jurejurando peragi potest v. c. 3. 13. X. de probat.**

§. 19. Præscribitur hæc actio longissimo tempore *l. fin. C. fin. reg. quia sæpe delicto fines acquiruntur, quodsi in alium legitimo titulo illi transferantur, etiam longi temporis præscriptio obtinet l. 2. §. 6. pro emtor. PERETZ. ad C. fin. regund. n. 11. Aliquando novi fines, per adjudicationem constituuntur §. fin. l. de O. J. quo ipso statim transfertur dominium *v. HUBER. in pos. ad l. de O. J. n. 20. Quandoque delictum termini moti intercurrit, quod arbitrarie punitur l. 1. 2. de crim. mot. Landr. l. 2. art. 28. Ord. crim. art. 114. CARPZ. qu. 83. n. 67. add. LAUTERB. C. J. l. 10. tit. 1. l. 47. tit. 21.**

§. 20. Species quoque Rei Vindicationis est *Actio communi dividundo*, qua, ex dominio indiviso, agimus ad partem pro diviso consequendam ut & exigenda damna & fructus *l. 3. pr. l. 4. pr. §. 3. l. 11. comm. divid. Aliquando ex pignore vel jure usufructus communi hæc actio descendit l. 7. §. 6. 7. seqq. cod. Præscribitur 30. annis l. 1. §. 1. C. de ann. excepti. qui terminus longior, ob dubiam hujus actionis indolem, quam vul-*

volgo habere illa existimatur, placuisse videtur. Requiritur tamen, ut unus rem communem, velut propriam, per tempus memoratum possederit, nam si omnes socii sint in possessione, tum neque ad unum expungendum neque ad inducendam perpetuam communione[m], præscriptio locum habet, cum deficiat habilis possessio, ac ultimo effectui etiam obstat, quod perpetua communio improbetur *l. 14. §. 2. ff. l. fin. C. com. divid. l. 70. pro soc.* PERETZ *ad C. comm. divid. n. 8. add. LAUTERB. C. J. l. 10. tit. 3.*

§. 21. Equidem multis minus juridicum videbitur, quod actionem finium regundorum & communi dividundo, pro speciebus Rei Vindicationis habeamus, cum potius pro actionibus mixtis, aut personalibus, ex quasi contractu descendantibus, illæ habeantur. Sed si solida ab inanibus discernas, doctrina præcedens facile defendi potest, nam discriminata, quæ hic subsunt, vel inania sunt, vel extrinseci fori Romani dependunt *v. HUBER in positi. ad I. de O. J. n. 10. ad ff. de R. V. n. 15.* adeoque hodie usum non habent, vel accidentalia sunt, quale etiam est, quod hæ actiones, duplices dicantur *l. 10. fin. regund. l. 13. 14. de judic. l. 37. §. 1. de O. & A.* nam etiam Rei vindicatio, duplex est, si mutuum agendi jus præsupponas. *add. OBSERV. LAUTERB. Obs. 273. 282. 283.*

§. 22. Rei Vindicationem, apud Romanos, sæpe præcedebat *Actio ad exhibendum*, qua rei vindicandæ exhibitio petebatur *l. 1. ad exhib.* Cum enim vindicationes semper in re præsentī, consveta formula: *ego hanc rem, ex jure Quiritum, meam esse ajo* fierent, rei exhibitio erat necessaria, quæ etiam, ad effectum separationis, quandoque se extendebat *l. 6. ad exhib.* Postea ad alias actiones, exhibitionis usus est extensus *l. 3. §. 1. 9. 10. l. 13. 17. ad exhib. add. LAUTERB. C. J. ad exhib.*

§. 23. Cæterum sicut Romana illa vindicandi ratio, in Germania nunquam obtinuit, adeoque primarius exercendæ actionis exhibitoriæ casus cessat, ita in genere raro exhibitio rei alicujus hodie petitur, frequentius vero documentorum exhibitio exigitur. De obligatione quoque ad exhibendum, in casibus evenientibus dubitandum non est, sed ejus impletio, non actione, sed mandatis compulsorialibus aliisque mediis habilibus, contra contumaces comparatis, obtineri solet *v. SCHIL-*

TER ad ff. exerc. 20. §. 91. CARPZ. Pr. tit. 14. art. 4. n. 52. seqq. BERGER in resolut. ad LAUTERB. de edend. qu. 4. in fin.

CAPUT VIII. DE PAUPERIE.

SUMMARIA.

Ratione damni, ab animalibus dati, dominus obligatur §. 1.
 Pauperies in sensu strictiori, quid §. 2.
 Obligationis domini natura & fundamentum §. 3.
 Actionis de pauperie qualitas §. 4.
 Subjectum §. 5. Objectum §. 6.
 Animal mortuo, obligatio domini expirat §. 7.
 Licet factio domini ignorantis illud perierit §. 8.
 Utius actionis de pastu §. 9.

In effectu, cum actione de pauperie, illa convenit §. 10.
 Ejus subjectum §. 11.
 Damni probatio §. 12.
 Jure Germanico pecus noxium pignorari potest §. 13.
 Nociturum animal abigere & quandoque occidere licet §. 14.
 Concurrens hominis culpa, obligationem ad damni restitutionem, mutat §. 15.

§. 1.



Pauperies est damnum, sine injuria facientis datum *l. 1. §. 3. si quadrup. pauper.* quo nomine adeo omne damnum, ab animalibus, vel contra, vel secundum naturam, vel proprio motu, vel culpa hominum concurrente, illatum, comprehendimus. Dari, circa illud, aliquod domini officium, *cap. præc. §. 1. dixi,* quod adeo nunc specialius explicandum erit, ubi quidem (1.) damnum proprio motu (2.) hominum culpa concurrente datum spectari potest.

§. 2. Animalia proprio motu dant damnum vel *contra*, vel *secundum naturam generis sui.* Prius sensu speciali, *Pauperies* dicitur, quæ adeo est damnum, quod ab animali irrationali *l. 1. §. 2. r. 9. l. 2. §. 1. l. 4. si quadrup. pauper.* alterius dominio subjecto *v. l. §. 2. §. 3. ad L. Aquil. §. 6. l. de noxal. action.* five mansveto, five fero *v. l. 1. §. 10. si quadrup. pauper.* contra naturam generis sui *l. 1. §. 7. cod. fine hominis culpa l. 1. §. 4. seqq. cod.* aut alterius bestię instigatione *l. 1. §. 8. 11. hostili l. 5. cod. add. HUBER. in Eunom. ad d. l. 5. inferitur add. OBSERV. LAUTERB. Obs. 261.*

§. 3. Posito illo damno, dominus obligatur, ut vel *bestiam noxæ dedat*, vel *damnum refarciat*, id quod non jure Romano tantum constitutum, ceu existimat GROTIUS de *J. B. P. l. 2. c. 17. §. 21.* sed & mero jure

jure naturali obtinet. v. OBSERV. LAUTERB. *Obs.* 262. Contra invictum datur *actio de pauperie*, juxta stilum juris Romani, quæ est *actio*, quæ datur *leso*, contra noxii animalis dominum, ut *damnum*, vel *animalis deditio*, vel *æstimationis præstatione*, *resarciat*. Dividitur jure Romano in *directam* & *utilem* l. *pen. si quadrup. paup.* qua divisione facile hodie caremus.

§. 4. Vulgo dicitur *actio personalis*, sed addendum, *in rem scripta*, si juris Romani stilum retinere placeat, nam datur hæc actio, ob obligationem absolutam, sine facto hominis introductam, quæ cum quemvis animalis noxii possessorem afficiat, ideo actio etiam contra quemvis datur. Descendere illa creditur ex LL. XII. Tabb. l. 1. *pr. si quadr. pauper*, sed dependet potius ex mero jure naturali, quod leges Romanæ agnoverunt & confirmarunt.

§. 5. Datur omnibus, quorum interest, illorumque hæredibus l. 1. §. 17. l. 2. *si quadr. pauper*. adversus illum, qui, tempore actionis instituendæ, animalis dominus est l. 1. §. 12. 14. *cod.* nam læsus, ratione rei noxiæ, jus habet, & nemo illum impedire debet, quo minus eam capiat, sibi que hoc modo satisfaciatur; Quin tamen dominus novus, cui animal evincitur, contra autorem suum, in casibus habilibus, habeat regressum, dubitandum non est.

§. 6. Competit ad damni restitutionem, vel noxiæ deditio, vel æstimationis præstationem, faciendam l. 1. *pr. si quadrup. pauper*. negans tamen in Jure, animal suum esse, & convictus, tenetur ad solidam æstimationem l. 1. §. 15. *cod.* quod hodie, ob cessantes interrogationes, nullius usus videtur. Jure Saxonico, dominus animal noxium scienter recipiens, electionem perdit Landr. l. 2. art. 40. v. CARPZ. p. 3. qu. 131. n. 18. *seqq.* Quod si liber homo vulneratus vel occisus sit, tum, si nolit dominus noxiæ dedere, ea æstimatio ineunda est, quæ liberis hominibus convenit v. l. 3. *si quadrup. pauper. l. fin. de his qui effud. add. supr. c. 1. §. 4. 5. 6. 8. 9.*

§. 7. Si animal noxium, ante litem contestatam moriatur, dominus ad nihil tenetur l. 1. §. 13. *si quadrup. paup.* nam obligatio, ad rem dedendam, est principalis, hinc animali sublato, ac adeo obligatione principali extincta, minus principalis surrogari nequit. Si vero dominus dolo possidere definat, tum ad æstimationem obligatur l. 12. 21.

24. 39. *de noxal. action.* neque enim se, suo facto, obligationi semel constitutæ, subtrahere potuit. Culpa vero, etiam lata, impune dominus animal perimere potest, ex doctrina STRUVII §. J. C. *exerc. 14. §. 17.*

§. 8. Sed aliqua in terminis hic subest ambiguitas. Nam si dominus, damni, quod animal intulit, ignarus, illud, voluntate directa vel indirecta, è medio tollat, tum utique ad nihil tenebitur, putavit enim, sibi, velut domino, hoc licere, ac animum lædendi non habuit, hinc etiam, proprie loquendo, hoc casu neque dolum, neque culpam commisit *v. l. 31. §. 3. l. 25. §. 11. de hered. petit.* sed si damni illati habeat notitiam, tum non tantum ob dolum, sed & culpam erit obligatus *v. l. 26. §. 4. de noxal. action.* nam ita, in omnibus speciei debitoribus, juris est. *add. THOMÆ de nox. animal. c. 13. n. 9. seqq.* Quod si post litem contestatam, animal, sine domini culpa, pereat, ipse quoque, in effectum, liberatur *v. l. 1. §. 16. si quadrup. paup. l. 37. §. 1. ad L. Aquil. THOMÆ d. tr. c. 12. n. 39. seqq.*

§. 9. Deinde animalia etiam damnum dant secundum generis sui naturam *v. §. 2.* quod *pastu* potissimum contingit, quando scilicet *alienas res, animal, pastu vel simili comestione* (nam hæc conjungere nihil vetat, cum idem jus ubique sit) *ultra consumit*, quanquam alii sollicitius casum hujus damni circumscribant *v. THOMÆ d. tr. c. 16.* cujus tamen sollicitudinis non alius fere usus est, quam ut, cessante aliquo requisito, alio saltem nomine actio instituenda insigniatur.

§. 10. Cum autem in alieno pascere regulariter non liceat *vid. THOM. d. tr. c. 15.* ideo posito hoc damno, dominus obligatur, ut vel *animal noxæ dedat, vel damnum resarciat.* Contra invitum datur *actio de pastu*, quæ ex ipso jure naturali descendit ac legibus positivis confirmatur *v. l. 14. §. f. de P. V. l. f. C. de L. Aquil. THOMÆ d. tr. c. 14.* de cætero ea, quæ de actione de pauperie dicta sunt §. 3. *seqq.* hic etiam fere locum inveniunt.

§. 11. Datur igitur læso & hæredibus, adversus dominum animalis noxii, atque ita in specie contra dominos Territoriales, in quorum dominio feræ bestię existunt, quæque subditis sæpe gravia inferunt damna, ut & contra dominos columbarum, si vel in granario, vel agro alieno frumentum illæ consumant *v. THOMÆ c. 16. §. 40. seqq.*
Eadem

Eadem quoque est domini obligatio, ut vel animalia noxæ dedat, vel damnum refarciat. Quodsi autem quis pecus immiserit, tum immit- tens in solidum obligatur, & nihil hodie interest, siue actionem illam, de pastu, siue *L. Aquiliæ*, dicas. *v. THOMÆ d. c. 16. n. 60. seqq.*

§. 12. Debet autem damnum probari, ad quod unius etiam Sal- tuarii testimonium sufficere putant. Quodsi *v. gr.* frumentum in herba depastum sit, tum, si æstimatio præstari debeat, quod plerumque fieri solet, illud, ex præsentī tempore, æstimatur, & quidem, juxta jus Saxonicum, arbitrio paganorum *Landr. l. 2. art. 47. i. e.* Sculteti & Scabinorum *v. CARPZ. p. 2. C. 27. D. 9. n. 5.* præterea, si quis pecus, in prædium privatum immiserit, emendam trium solidorum, seu qua- tuor denariorum vel grossorum, domino prædii depasti, si vero in pa- sceua communia sed alterius villæ *einer andern fluhr* immiserit, aut si pecus, citra immissionem, depaverit, sex nummosolvere tenetur *d. art. 47. v. THOMÆ d. tr. c. 17.*

§. 13. Jure Germanico, pecus noxium privata etiam autoritate pignorari potest *v. Landr. l. 2. art. 27. 40. 47.* quod jure Romano non licet *l. 39. §. 1. ad L. Aquilæ v. THOMÆ d. tr. c. 23.* Nihil autem refert cu- juscumque generis sint animalia, aut ad quem pertineant, pecus ta- men pignorum, judici tradendum est *v. Constit. Elebor. p. 2. C. 72. THOMÆ d. tr. c. 24.* Quo factō, damnum est refarciendum *Landr. l. 2. art. 27. 47. d. Constit. 27.* præterea, culpa hominum interveniente, quod plerumque fit, emenda quoque unius solidi, siue sedecim nummorum, maxime in Electoratu Saxonico, judici, sportulæ instar, solvenda est *d. Constit. 27. p. 2.* Quodsi porro dominus, in luendo pecore, sit con- tumax & tardus, in singulas 24. horas, domino Jurisdictionali, multam trium solidorumolvere, ac insuper pecori incluso alimenta præbere, vel ab oppignorante præstita, refundere tenetur *THOMÆ d. tr. c. 25.*

§. 14. De eo dubitandum non est, quin pecus nociturum expel- lere & abigere liceat *v. l. 39. §. 1. ad L. Aquilæ.* expulsio tamen debet esse innoxia, quamvis casus secutus expellenti non imputetur. Jure Sa- xonico illa expulsio præcipue locum habet in animalibus ferocibus & perniciousibus, quæ commode capi & includi non possunt, quæ etiam, immixtis canibus, abgi vel, defensionis causa, occidi impune pos- sunt. Potest etiam dominus, cui nocitum est, adsumtis duobus viris,

animal in domum domini sequi, cujus persecutionis idem, qui pignorationis, est effectus *v. Landr. l. 2. art. 40. 47. l. 3. art. 48. Weichbild, art. 120. 121. (121. 122.) THOMÆ d. tr. c. 26.*

§. 15. Postea etiam videndum de damno ab animalibus, culpa hominum interveniente, dato *v. §. 1. quod, ob arctam connexionem, hinc inde jam attingimus. Summatim vel datur damnum culpa ipsius læsi, & nulla habet locum actio, cum læsus sibi ipsi hoc damnum imputare debeat v. l. 2. §. 1. si quadrup. pauper. l. 52. §. 3. ad L. Aquil. l. 203. de R. J. CARPZ. p. 3. qu. 131. n. 26. vel culpa domini aut tertii, hoc casu nocens actione legis Aquiliæ tenetur ad damnum resarciendum l. 1. §. 4. si quadrup. pauper. l. 11. §. 5. ad L. Aquil. ac insuper puniri potest, quam in rem Ædiles Romani pœnam constituerunt v. l. 40. seqq. de edilit. edict. add. l. fin. de extraord. crim. THOMÆ d. tr. c. 18. seqq. sed hodie pœna arbitraria obtinet v. Ord. Crim. art. 135. exacto etiam, in Saxonia, nonnunquam Wehrgeldo v. CARPZOV. d. qu. 131. n. 21. seqq.*

CAPUT IX. DE NEGOTIIS GESTIS.

S U M M A R I A.

Negotiorum gestionis indoles §. 1.
Actus cognati §. 2. 3.
Gerunt negotia personæ habiles & quodammodo
ad contrahendum inliabiles §. 4.
Etiam quæ contrahere prohibentur §. 5.
Omnium personarum negotia geri possunt §. 6.

Modo gestionem ignorent §. 7.
Geruntur negotia aliena §. 8.
Obligatio gestoris §. 9.
Varias præstationes speciales exigit §. 10.
Obligatio domini §. 11.
Qualitas actionis negotiorum gestorum §. 12.

§. 1.



AD officium domini quoque pertinere, ut collatam utilitatem rependat, c. 7. §. 1. dictum est. Confertur utilitas per *Negotiorum gestionem*, quam vocant, quæ est *actus, quo quis sola humanitate commotus, ignorantis negotia utiliter gerit.* Vulgo dicitur *Quasi contractus*, sed quid opus est commentis, quibus tantum nihil proficimus, sed & quæ nebulas velut menti offundunt, ut solide veritatem non percipiat? Fundamentum obligationis mani-

manifestum est: Gestor ex suo facto, dominus ex collata utilitate tenetur *vid. OBSERV. LAUTERB. Obs. 96.*

§. 2. Quod si consensus domini vel antecedit, vel, negotio nondum perfecto, sequatur, tum incidit gestio in contractum mandati, adeoque obligationis causa, est maxime evidens *l. 1. de procur. l. 20. C. de N. G. l. ult. C. ad SC. Maced. l. 60. de R. J.* si vero negotio perfecto accedat domini consensus, negotiorum gestio manere censetur *l. 9. ff. l. 9. C. de N. G.* Porro si quis arctiori quadam necessitate compulsus, negotia aliena tractet, ut si tutor res pupillares administret, & illud negotium aliūs generis est *l. 20. C. de N. G.* nec refragantur *l. 19. §. 2. l. 26. de N. G.* nam gerendi necessitas, de qua ibi sermo est, negotiorum gestionem non attigit.

§. 3. De cætero negari nequit, quin ista circumstantiarum diversitas, diversam, circa expediendas res parere possit obligationem *v. d. l. 20. C. de N. G.* ut, obeas, forsitan non male negotia discernantur. Præterea jure civili diversus quoque inde oritur effectus, quoad infamiam irrogandam, & ex nonnullorum sententia, culpæ præstationem, sed ille fortassis in foro non adeo magni usus est. Ob sola actionum nomina, ut nunc actio, mandati, negotiorum gestorum vel tutelæ dicatur, negotia illa discernere, hodie non est operæ pretium.

§. 4. Gerunt negotia personæ habiles, utriusque sexus *l. 3. §. 1. de N. G.* modo habeant intentionem dominum obligandi *l. 4. l. 27. §. 1. l. 34. 44. ff. l. 1. 11. 12. 13. C. de N. G. add. OBSERV. LAUTERB. Obs. 99.* Neque tamen personæ, ad contrahendum inhabiles, hic plane excluduntur, ceu sentire videtur LAUTERB. in *C. J. de N. G. lit. S.* Equidem in gerentibus hætenus usus rationis requiritur, ut ad refarciendum damnum, alias illi obstringi nequeant. Ut autem ad id, quod ex gestione penes se habent, reddendum obligentur, aut dominus, ad impensas refundendas, obstringatur, ad hoc usus rationis, in gerente, non est necessarius, nam illa obligatio ex consensu, hæc vero, sine consensu oriuntur *v. l. 3. §. 4. de N. G.*

§. 5. Qui autem contrahere prohibentur, illi, si naturale impedimentum non concurrat, ad omnes effectus, negotia aliena gerere possunt, hinc si v. gr. prodigus, aut, hodie, mulier aliena negotia gerant, non tantum ad res domino reddendas, sed & damnum refarciendum obli-

obligantur, nam sua voluntate nocuerunt, secus ac illi, quibus usus rationis deest, nihil etiam domino imputari potest sicut in contractibus, cum personis ejusmodi initis, nam hic, domino ignorante, negotiis alienis sese immiscuerunt *add. OBSERV. LAUTERB. Obs. 97. 98.*

§. 6. Geri possunt negotia omnium personarum *v. l. 3. §. 6. l. 21. §. 1. de N. G.* etiam inhabilium ad contrahendum, ut furiosorum *l. 3. §. 5. eod.* & pupillorum *l. 46. de O. & A.* nam obligatio hic non ex consensu, sed, accepta utilitate, oritur. Et obligantur quidem personæ hæc inhabiles, mero jure naturali, *ex utili gestione simpliciter*, licet casus emolumentum collatum auferat, nam obligatio, obgestionem utilem, in genere constituitur, adeoque per casum fortuitum non tollitur. Quod ergo pupilli saltem obligentur, *si locupletiores sint facti l. 6. pr. l. 37. pr. ff. l. 2. C. de N. G.* id positivum & speciale est *v. l. 3. §. 7. de contrar. tutel.* adeoque ad alias personas inhabiles extendi non debet *v. EKHOLT. ad ff. de N. G. §. 4. add. OBSERV. LAUTERB. Obs. 100.*

§. 7. Geruntur autem negotia ignorantium vel absentium, nam hæc promiscue accipi quoque videntur in *l. 41. de N. G.* dummodo, negotia sua geri, antea non prohibuerint *l. 8. §. fin. ff. l. 24. C. de N. G. l. 40. mand.* sed quoad negotia, ad ipsos non pertinentiâ, frustanea est prohibitio *v. l. 14. §. 13. de religiof.* Vulgo putant etiam *præsentium* & *scientium* negotia geri posse *arg. l. 41. 19. §. 2. de N. G.* modo scientia mandatum non inducat *l. 6. §. 2. l. 18. mand. LAUTERB. C. J. de N. G. lit. P.* sed si vere scientes, ac animo & corpore præsentibus supponas, ipsorum negotia, ad gestionem, de qua hic sermo est, non pertinent.

§. 8. Geruntur negotia aliena *l. 6. §. 2. 3. 4. de N. G.* adeoque etiam communia *l. 40. eod.* si quis negotia aliena, tanquam sua gerat, tum stricto quidem jure ei nulla actio competere censetur *l. 14. §. 1. comm. divid.* sed ista interpretatio nimis dura est, nam si ignorans gerat, is ex communi mortalium affectu, utique, in illum eventum, si negotia aliena sint, habet intentionem dominum sibi obligandi, hinc etiam, ex æquitate, utilis actio ei recte conceditur *l. fin. de N. G.* si vero sciens gerat, is domino, dubio procul, tenetur, qui etiam vice versa, in quantum est locupletior factus, gestori, si animus donandi probari nequeat, obligatur *l. 6. §. 3. eod.*

§. 9. Ex

§. 9. Exnegotiorum gestione obligatur Gestor (1.) ad negotium perficiendum *l. 21. §. 2. non nova inchoanda l. 6. §. fin. l. 15. 16. ff. l. 20. C. de N. G.* (2.) ad rationes reddendas §. 1. *l. de obligat. que quasi ex contr. l. 2. de N. G.* (3.) ad residua inferenda *l. 8. §. 1. l. 23. 28. de N. G.* (4.) ad damnum dolo & culpa datum, resarciendum *l. 11. ff. l. 20. C. eod.* Si gestio, nulla in parte, sit utilis, levissima quoque culpa præstanda erit *l. 44. ad L. Aquil. idem dicendum, si hoc actum esse appareat §. 1. l. de oblig. que quasi ex contr.* Extra hos casus gestor solum de levi *l. 11. ff. l. 20. C. de N. G.* aliquando etiam saltem de lata *l. 3. §. 9. eod. tenebitur; si culpæ casum præcedat, hic quoque præstandus erit l. 6. §. 3. l. 11. eod. add. OBSERV. LAUTERB. Obs. 102.*

§. 10. Pro casuum varietate, præstationes speciales, diversæ sunt. Si quis administrationi rerum alienarum generaliter se obtulerit, debita à se ipso exigere *l. 6. §. f. l. 8. §. 1. l. 38. de N. G.* ac usuras, quas alias ex gestione percepit, vel percipere potuit, præstare debet *l. 19. §. 4. l. 31. §. 3. de N. G. l. 13. §. 1. de usur.* si pecuniam domini, in proprios usus convertat, ad maximas usuras tenetur *l. 38. de N. G.* quod tamen eo saltem casu verum erit, si callide usum dissimulaverit, sic non opuserit, ut hoc per *l. 26. C. de usur. abrogatum dicamus v. BERGER in resolut. ad LAUTERB. mand. qu. 4. add. OBSERV. LAUT. Obs. 476.* Contra invitum Gestorem, datur actio negotiorum gestorum directa, quæ est actio personalis competens domino & hæredibus *v. l. 5. §. 1. l. 6. §. 8. l. 45. §. f. de N. G. adversus gestorem & hæredes l. 3. §. 7. eod. ad omne id, quod ex hoc negotio præstandum est l. 2. eod.*

§. 11. Vice versa dominus tenetur quoque gestori ad indemnitatem præstandam *l. 2. eod. adeoque ad impensas necessarias & utiles restituendas l. 45. 27. pr. in fin. eod. cum usuris l. 19. §. 4. ff. l. 18. C. eod.* etiamsi casus superveniens collatam utilitatem interceperit *l. 12. §. 2. eod. modo cum ratione omnia suscepta sint l. 10. §. 1. l. 25. eod.* Aliquando etiam dominus gestori actiones cedere tenetur *v. l. 53. §. 3. l. 85. de furt.* quæ cessionum ambages, exigui hic videntur hodie esse usus. Contra invitum Dominum, datur actio Negotiorum gestorum contraria, quæ est actio personalis, in rem scripta (nam oritur ex collata utilitate, adeoque rem sequitur, quanquam hoc ad casus habiles sit referendum) competens gestori & hæredibus, adversus dominum & hæ-

redes, ad id, quod eos prestare oportet l. 2. 3. §. 7. de N. G. §. 1. I. de oblig. que quas. ex contr.

§. 12. Utraque actio est perpetua l. 8. C. de N. G. dicitur etiam bona fidei l. 7. cod. §. 28. I. de action. quod hodie nullum habere usum puto v. l. 1. c. 16. §. 17. Nec non directa, quæ ex legum verbis, & utilis, quæ ex sententia descendere existimatur l. 17. C. de N. G. l. 7. C. arbit. tutel. sed illa divisio nec apud Romanos, quoad tempora recentiora l. 47. §. 1. de N. G. conf. HUBER in Eunom. ad d. l. fuit, nec hodie est necessaria add. LAUTERB. C. J. de negot. gest. ibique Obs. 103.

CAPUT X. DE PRETIO.

SUMMARIA.

Dominia rerum secutum est pretium §. 1.

Ejus varietas §. 2. Objectum §. 3.

Fundamentum §. 4. 5.

Ob quod imponitur, intenditur & remittitur §. 6.

7. 8. 9.

Impositio pretii fit pacto & lege §. 10.

Conventionalis & legalis pretii comparatio §. 11.

12. Illius iustitia §. 13.

Pretii eminentis necessitas §. 14.

Materia §. 15. 16.

Impositio §. 17. 18.

Cum vulgari collatio §. 19.

Officia circa pretii impositionem §. 20.

Quæ inprimis, depravatione monetæ violentantur §. 21. 22.

Cui legibus varie occursum est §. 23.

Quomodo hoc malum vel impediendum, vel tollendum §. 24. 25.

Rerum æqualitas vel inæqualitas quomodo æstimanda §. 26. 27. 28.

§. I.



Ob introducta dominia, necessario secutum est Rerum Pretium, quod est *quantitas moralis, rebus & actionibus, in commercium venientibus, inherens, juxta quam ille inter se comparari, ac vel æquales, vel inæquales haberi, atque ita commerciis apte reddi possunt.* Intuitu hominum, pretium, sine dubio, jus est, sed cum rebus aliquam velut quantitatem conciliet, ideo *quantitas*, vel *valor* non incommode dicitur, ac cum *Existimatione*, quæ hominibus ipsis, quantitatem tribuit, secundum tradita c. 3. magnam habet convenientiam.

§. 2. Dividitur pretium in *virtuale*, quod rebus, ex naturali suo habitu inest, etiamsi ab omni impositione humana abstrahamus, &
for-

formale, quod hominum voluntas determinat. Hoc iterum est vel *mere civile*, quod unice ab impositione humana dependet, vel *naturale*, quod juxta habitum physicum & pretium virtuale, ab hominibus imponitur. Utrumque ab *objeto* est vel *vulgare*, quod cæteris rebus, excepta pecunia, inest, & *Eminens*, quod in nummo reperitur, vulgaris mensura & norma est: Porro à *modo imponendi*, est vel *legale*, quod lege positiva, vel *conventionale*, quod hominum conventionem definitur.

§. 3. Uti autem pretium virtuale rebus, ex habitu suo physico, inest, ita circa formale, potissimum (1.) *res*, quibus, (2.) *fundamentum*, ob quod, & (3.) *impositio*, qua, illud imponatur, spectari possunt. Imponitur pretium *rebus & actionibus in commercium venientibus*, hinc eæ, quas vel natura, vel lex à commerciis removet, pretio carent *vid.* PUFENDORF *de J. N. G. L. §. c. 1. §. 5.* etsi nonnunquam leges, certo saltem respectu, res à commercio & pretio velint esse remotas: Sic administratio justitiæ, salario utique æstimatur, sed, à partibus accipere pecuniam, judici fas non est, nisi quatenus lex permittit. Ex quibus id etiam liquet, commercium hinc latius nonnihil accipi.

§. 4. De fundamento pretii imponendi, seu causis, ob quas pretia rebus imponi soleant, res non est adeo liquida, sed verissimum videtur, si ex pretio *virtuali*, pretium *formale* regulariter oriri dicamus, sive explicatius, si (1.) *aptitudinem præstandi usum* & (2.) *insufficienciam* allegemus, nam ideo res pretia habent, quod *usum vel præsent, vel præstare posse existimentur*, deinde *quod omnibus non sufficiant, adeoque suo modo rare sint*. Res igitur quæ nullum habent usum, aut utilissimæ quidem sunt, sed omnibus sufficiunt, pretio carent.

§. 5. Illud, circa aptitudinem præstandi usum, observandum, quod eadem non semper juxta rei veritatem, sed sæpe potius, hominum affectum, imo stultitiam, æstimetur. Illæ res, usui aptæ, ac adeo pretio dignæ, censeri debebant, quæ ad hanc vitam, honeste, utiliter & commode exigendam, aliquid conferunt; sed uti illæ quidem omni pretio destitui non solent, ita certum tamen est, quod sæpe res & actiones, ad instruenda vitia & vanitatem, unice vel primario pertinentes, majoris usus esse censeantur, adeoque iis ingens pretium tribuatur. Posses adeo in universum distinguere Usum *Necessarium*, *Utilem* & *Voluptuarium*, quæ iterum *licitus* & *illicitus* erit.

§. 6. Sicut autem, ob illas causas, pretium *imponitur*, ita ob easdem quoque *intenditur* & *remititur*, quod quibusdam non videtur, qui peculiares ejus rei causas asserunt, sed, re recte expensa, omnes ultimo in *aptitudinem præstandi usum*, & *insufficientiam raritatemque* resolvuntur, videbimus specialius. Ad intensionem igitur pretii facere censetur (1.) *raritas*, sed nisi aptitudo præstandi usum concurrat, res, licet rarissima, nullum habebit pretium; Rerum quotidiani usus, pretia (2.) intenduntur, quando *raritas* earundem conjungitur, cum *necessitate* seu *indigentia*, hic ergo causæ, à me laudatæ, aperte satis occurrunt.

§. 7. Uterius (3.) pretia rerum artificialium, præter *raritatem*, maxime solent intendere *subtilitas* & *elegantia artis*, quandoque & *fama artificis*, nec non *operis difficultas*, *artificum* & *operariorum raritas*. Sed & hæc fundamenta raritatem & usum ostendunt, quodsi hic non adsit, sola raritas pretium non operabitur. Denique (4.) operarum & actionum pretia intendit, earundem *difficultas*, *dexteritas*, *utilitas*, *necessitas*, *agentium raritas*, *dignitas*, *libertas* & denique ipsa *artis opinio*, quæ omnia, in duo illa fundamenta, antea laudata resolvi, manifestum est.

§. 8. Alii pretii incrementum vel decrementum, philosophia generaliori, à *circumstantiis* repetunt, sed & hæc, fundamenta indicata, præsupponunt, ex iisque efficaciam sortiuntur. Sic fructus pendentes augent pretium fundi v. l. fin. §. 6. *que in fraud. creditor.* locus rei sitæ periculosus v. l. 7. §. 8. l. 11. §. 5. *de minor.* fundi qualitas l. 13. *de reb. cor. qui sub tutel.* tempus belli & pacis, pactum adjectum l. 79. *de C. E. V.* securitas pretii l. 4. §. 6. *de addit. in diem* aut futuræ evictionis, dilata vel anticipata solutio d. l. 4. §. 6. l. 15. §. 1. *in fin. de in diem addit.* cultura prædiorum l. 3. §. 5. *de jur. fisci.* conditio vicini l. 35. §. fin. *de C. E. V.* modus contrahendi, rerum proventus v. l. 92. *pr. de Legat. 1.* l. 16. *de rescind. vendit.* add. LAUTERB. C.J. *de C. E. V. lit. O.* & similia, in mutando pretio, magnas habere solent partes, nam omnia diversum usum arguunt.

§. 9. Aliquando plurium rerum pretia, in unam rem velut influunt, ejusque pretium augent, sic mercatores in mercibus vendendis, labores & expensas quoque æstimant: artifices in rebus artificialibus, ope-

operarum rationem habent: Mercenariorum operæ crescunt, si rerum ad victum pertinentium, pretium intendatur; Illa omnia tamen saltem procedunt, si rerum illarum aliquis usus & raritas sit. Aliquando res aliqua uni saltem rara & magni usus videtur, ex quo oritur *pretium affectionis*, quod in res fungibiles non cadere manifestum est *v. l. 3. de in lit. jur.*

§. 10. Superest ipsa impositio *v. §. 3.* Hæc inter eos, qui in naturali libertate vivunt, fit *sola conventione*. In statu autem civili *pactis & lege positiva*, pretia definiuntur. Utraque tamen impositio fit, juxta fundamenta ante laudata, adeoque communi hominum æstimatione, non privato alicujus affectu *v. l. 63. ad L. Falcid. l. 33. ad L. Aquil. add. l. 18. §. f. de m. c. donat. l. 1. §. 16. ad Sc. Trebell. l. 52. §. 29. de furt. l. 2. §. 4. ad L. Rhod. de jact. l. 114. §. 5. de Legat. 1. l. 8. pr. de condit. furt.* Exinde autem oritur *pretium legale & conventionale*, inter quæ differentia aliqua, ratione *usûs, durationis & certitudinis*, deprehenditur

§. 11. Pretium legale semper locum non invenit, utiliter tamen quarundam rerum pretia lege determinantur *v. l. 1. §. 11. de offic. præf. urb. l. 1. C. de episcop. aud. c. un. §. 4. II. f. 27.* conventionale vero frequentioris est usus. Legale est constans, sed conventionale sæpe mutatur *v. l. 63. §. f. ad L. Falcid.* quod si fundamenta pretii ita mutantur, ut ad pristinum statum non facile sint reditura, etiam legalia pretia intendi soleat, modo operarum aut rerum, quibus ea imposita sunt, aliquis censeatur esse usus, nec magna illarum sit copia, nam alias pretium non augebitur: Sic munera salariis, in summa rerum vilitate constitutis, hodie quoque plerumque æstimari solent.

§. 12. Denique inprimis pretium legale & conventionale, ratione certitudinis differunt; nam illud velut in puncto consistit, adeoque minimus excessus invitum lædit *v. l. 29. de usur. c. un. §. 4. II. f. 27.* Hoc vero aliquam habet latitudinem, sive diversos gradus, adeo ut, manentibus licet iisdem circumstantiis, tamen aliqua pretii inæqualitate, licite, in foro civili, contrahi possit & soleat, quod ita expresserunt Jcti Romani: *in pretio emtionis & venditionis, naturaliter licere contrahentibus se circumvenire l. 16. §. 4. de minor. l. 22. §. f. locat. add. l. 8. C. de rescind. vendit. Nov. 97. c. 1.*

§. 13. Uti tamen, stante ista latitudine, conscientia semper verum pretium, in contractibus onerosis, ratione ejus, qui non consentit, exigit *v. l. 49. §. 8. de Legat. 1. l. 31. §. 4. de donat. inter V. & U. l. 7. §. 12. Comm. divid. l. 50. pr. de furt.* ita, in foro externo, modica pretii inæqualitas non attenditur, modo fraus abiit §. 13. §. 4. §. 4. *de A. E. V. l. 13. §. f. de C. E. V.* quousque ramen hoc admittendum sit, id, seposita sanctione positiva, ex circumstantiis, juxta æquitatem, æstimari debet, sed jure civili inæqualitas, usque ad justii pretii dimidium, admittitur *l. 2. C. de R. Vendit.* In hujus generis quæstionibus, id quoque considerandum, an non pretium sit omnino mutatum, nam, hoc factolæsis plane cessat; ad tempus igitur & locum contractus, in primis respiciendum erit *v. l. 3. §. 5. de jur. fisci. l. 8. in fin. C. de rescind. vendit. l. fin. §. f. C. de admin. tutor. add. LAUTERB. C. J. de C. E. V. lit. O.*

§. 14. Cæterum, ad commercia facile instituenda, non sufficit, si cuius rei pretium impositum sit, vel imponi queat, nam ideo non statim possidemus tales res, quas alter cum suis permutare velit, aut quas rebus alienis æquivalent. In usum ergo commerciorum, res aliquæ ita fuit præparanda, ut ejus pretium, omnium rerum, maximarum & minimarum, pretiis æquale fieri posset, cujus rei ita præparatæ pretium, Scriptores *eminens* dixere, quia cæterorum pretiorum norma & mensura est.

§. 15. Qualia autem requisita res, in usum commerciorum præparanda, habere debeat, ex fine facile liquet. Intendimus hoc, ut *res illa omnium rerum pretiis, æqualis fieri queat.* Ergo debet (1.) habere *pretium virtuale*, si cum aliis comparatur, nam alias, cum suis rebus, nemo eam permutabit (2.) debet *substantiæ valde compatiæ*, quo durare possit (3.) *divisioni*, quo exiguis etiam pretiis fiat æqualis, & (4.) *translationi custodiæque habilis* esse, nam & hunc usum commerciorum postulant.

§. 16. Hæc requisita in metallis nobilioribus reperiuntur, hinc à Gentibus, ad hunc usum, passim adhiberi illa solent. Quod si rebus, vel nullo vel exiguo pretio virtuali gaudentibus, pretium *eminens*, ex necessitate, imponatur *v. PUFEND. de J. N. G. l. 5. c. 1. §. 13. 14.* tum quæ valor unice ab impositione dependet, justitia exigit, ne pretium antea tollatur, quam aliis rebus, pretio vero instructis, illæ redemptæ sint.

sint hinc in iis saltem civitatibus in quibus publica fides, integra est, iste modus secure adhiberi & admitti potest.

§. 17. Cum porro valor nummi, secundum virtuale metallorum pretium, quod, in ordine ad alias res, hæc habent, imponi debeat, hinc fide publica opus est, qua, de nummorum quantitate & qualitate, homines certi reddantur. Hinc facile liquet, curam monetæ cudendæ, ad Rempublicam & Imperantem pertinere, qui vel juxta certum pondus, vel, quod commodius est, certas partes formatas signoque publico instructas, valorem imponit. Quod si fides illa publica vacillet, tum Rempublicam morbidam agnoscere debemus.

§. 18. Licet vero nummis ipsis valorem imponat Imperans, quantam tamen pecunia, pro hac vel illa re dari debeat, id plerumque contrahentium conventionem determinatur, adeoque, eo sensu, nummi pretium, conventionale est; Quemadmodum igitur aliarum rerum pretia, pro ratione raritatis & usus, mutantur, ita idem accidit quoque pecuniæ, hinc non tantum ejus valor decrescit, si major copia existat, sed & si aliarum rerum usus augeatur, vel raritas eveniat.

§. 19. Quod si porro pecuniam, cum aliis rebus comparemus, tum juxta illam, harum pretia definiri quidem solent, ut hætenus pecuniæ pretium eminens, cæterorum pretiorum vulgare, norma & mensura sit, ceu dixi §. 2. 14. Nihilominus tamen, vice versa, res juxta pecuniæ valorem, in genere, taxata, est norma pecuniæ, pro ea exsolvendæ, nam rebus vendendis, nummorum quantitas attemperari solet, hinc etiam, in æstimanda læsione, rei pretium, fundamenti loco, est supponendum, ex eoque de læsione vel venditoris, vel emtoris judicandum v. OBSERV. LAUTERB. *Obs.* § 42.

§. 20. Officia, circa pretii impositionem, non alia sunt, quam quæ circa contractus occurrunt. Exigit scilicet lex naturalis, ne erga proximum inhumani simus, aut, quod gravius est, illum positive lædamus. Hinc hæc regulæ fere observandæ (1.) rebus, quibus alii indigent ad necessitatem, nimis magnum pretium haud est statuendum (2.) materiæ quantitas & qualitas, cujus intuitu, illa pretium habet, non est mutanda (3.) rerum quotidiani usus raritas, cœmendo aut retinendo non debet effici *add.* OBSERV. PUFENDORF. *Obs.* 327. *scqq.*

§. 21. Ex quibus ultro liquet, quam varie in regulas socialitatis, hic

hic peccari queat. Nulla tamen læsio magis erubescenda videtur, quam quæ depravatione monetæ inferri solet. Equidem, si materia nummi, aperte ac universaliter, non rite temperetur, aut alia ratione vilior moneta cudatur, nemini nocetur, cum cæterarum rerum pretium crescat: si vero tale quid particulariter, subdole & clam fiat, tum subditi non sentientes, opibusemuntur, cum exteris vero, rerum suarum satagentibus, commercia sufflaminantur.

§. 22. Idem fere dicendum de mutatione valoris, qua scilicet hic, manente materia monetæ, intenditur, nam & illa innoxia est, si aperte & universaliter fiat, ac unicuique relinquatur libertas, res vel operas suas, vero pretio æstimandi: At si eo fine suscipiatur, ut viliori monetâ debita exsolvantur, aut non attendentibus vel invitis res auferantur, tum, imposturam subesse, facile intelligitur. Sed omnia fallendi genera recensere, nec volo, nec possum, hinc, ista paucissimis delibasse, sufficiat.

§. 23. Contra istum abusum, varia legibus Germanicis constituta sunt, nam juris monetandi venditio vel locatio prohibita *R. I. 1551. §. so haben wir 46. R. I. 1559. §. ferner als sich. 174. R. I. 1570. §. alsdann auch. 132.* certus pes, quem vocant, præscriptus est *Ord. monet. 1559. §. ferner die guldene münztz 64. R. I. 1566. 8. demnach haben wir 150. Ord. monet. 1559. §. 3. seqq.* circulus cura monetæ injuncta *Ord. monet. 1559. §. und damit 157. seqq.* ac inabutentes pœna constituta est *v. d. Ord. 1559. §. hierauff setzen 31. R. I. 1594. §. wir ordnen 103.* Cæterum uti nonnulla, ab usu Territoriorum, abludunt, ita ea, quæ servari poterant, sæpe tamen non servantur *v. SCHWED. introd. ad Jus publ. part. spec. Sect. 1. c. 25. §. 7. seqq.*

§. 24. Interim boni & prudentis Imperantis est, non tantum monetæ depravationem omittere, sed & impedire, ne moneta reprobata aliunde invehatur, quod quidem commodissime fieri poterit, si monetæ suspectæ valor abrogetur *add. R. I. 1594. §. daneben 105.* Quod si autem malo illo jam prematur Territorium, tum hoc ad officium Imperantis pertinere existimatur, ne statim monetam pravam prohibeat, sed potius, dilata, in tempus aliquod, prohibitionem, subditis ansam præbeat, viliores illam monetam, utili commercio, ad externos amandandi *add. R. I. 1566. §. nachdem dann 165. SCHWED. d. l. §. 10.*

§. 25. Cæ-

§. 25. Cæterum uti hoc remedium subditos, ab omni incommodo, liberare non solet, ita si moneta adulterina aliunde inuenta sit, hætenus quidem non inique adhiberi posse videtur, maxime si ad corruptionis autores illa remitti queat. Quod si autem depravatio, ex ipso Territorio, habeat originem, tum illud iuste non adhibebitur, imo vix locum inveniet, cum exteri rerum suarum satagere, nec adulterinos ejusmodi fœtus admittere soleant. In genere justius remedium videtur; si Imperans pravam monetam proba redimat, ac damni quod sentit, emendationem, à corruptionis autore, si fieri id possit, exigat, vel subditis tributum æquabile eo nomine imponat.

§. 26. Ex hætenus dictis etiam rerum æqualitas, & inæqualitas de qua, circa contractus onerosos, ancipites sæpe existunt quæstiones, judicari poterit. Non est illa ex *valore* seu *pretio*, sed *primario*, ex *materiae qualitate* & *quantitate*, secundario vero ex *genere* & *forma* æstimanda. Sed ut de applicatione magis constet, tres casus distingvendi videntur, vel enim (1.) res, quæ deberur, plane amplius haberi nequit vel (2.) difficulter præstari potest vel (3.) ejus copia suppetit.

§ 27. Primo casu, ea æstimatio præstari debet, quæ fuit tempore debiti contracti, cum enim res ipsa amplius haberi nequeat, ad aliud tempus æstimatio referri non posse videtur v. RICHTER *Decis.* 72. n. 19. Secundo autem casu, vel ipsa res, vel præsentis temporis æstimatio præstanda est v. l. 22. de R. C. nam hanc recte exigit, aut etiam eadem contentus esse debet Creditor, cum, re ipsa præstita, tantundem consequeretur. Denique tertio casu, secundum quantitatem & qualitatem, ut & genus & formam, quæ fuerunt tempore debiti contracti, res præstari debet, nam nisi hoc fieret, Creditor tantum, quantum dedit, non reciperet.

§. 28. Sive igitur monetæ bonitas intrinseca, sive valor vel pretium, mutata sint, non præsentis, sed præteriti temporis, ratio habenda est. Neque etiam, alio in genere aut forma, res debita præstari potest, nam & in his insigne Creditoris commodum consistit, licet vulgo aliter sentiant, ideo quod, quoad diversum genus & formam, idem valor nihilominus occurrat v. STRUV. S. J. C. exerc. 16. §. 27. HUBER in *Posit. I quib. mod. re contr. obl.* quæ tamen ratio non satis concludit. Cæterum hætenus dicta obtinent, nisi lege positiva, vel conventionē aliud

cautum sit, nam, hoc facto, de exacta rerum æqualitate, non adeo laborandum est, sed juxta normam magis expeditam recte pronuntiatur.

CAPUT XI. DE DOMINIO MINUS PLENO.

SUMMARIA.

In res dominio subjectas, aliis varia jura acqui-
runtur §. 1.

Dominium directum & utile §. 2.

Utriusque comparatio §. 3.

Species domini utilitatis §. 4.

Ad eas pertinet emphyteusis §. 5.

Ejus constitutio §. 6. 7. Objectum §. 8.

Effectus promissæ §. 9.

Et constitutæ ratione domini §. 10.

Et emphyteutæ §. 11.

Huic competit libertas alienandi §. 12. 13.

Emphyteusos contraria §. 14. 15.

Species domini utilitatis, est etiam superficies §. 16.

Ejus constitutio §. 17. Objectum §. 18.

Effectus quoad dominum §. 19.

Et superficiarium §. 20. 21. 22.

Contraria §. 23.

Vestigium artis legulejæ circa superficiem & em-
phyteusis §. 24.

Utriusque cognata §. 25.

§. 1.



Arca res nostras alii, varia ratione, jus acquirunt, aut earum intuitu, obligantur: Nam aliquando in partem domini admittuntur, ex qua divisione oritur *dominium minus plenum*: Aliquando facultatem, ali-
quod emolumentum inde percipiendi, consequuntur, ex quo *Servitutes* existunt: Aliquando ratione crediti, securitatem quærunt, inde innotuerunt *pignora*: Denique ex contractibus & delictis, res nostras respicientibus, varii generis *jura personalia* & *obligationes* resultant, de quibus omnibus deinde explicatius agendum est.

§. 2. Et primo quidem, de dominio minus pleno, dispiciendum est. Hoc in *directum* & *utile* distingvi c. r. §. 2. jam admonui. *Dominium directum* est *Jus*, vi cuius, *res*, ad *dominium directum*, aliquo modo, adhuc pertinet, illeque *dominium utilem*, ad certas *prestationes* habet obligatum, ac, certis in casibus, *plenum rei dominium recipit*. *Dominium utile* autem est *Jus reale*, ob quod *res*, sub *conditione* certarum *prestationum*, domino *directo faciendarum*, ad *dominium utilem*, pertinet, ac is omnia *emolumenta* inde percipit, eamque à quovis possessore vindicat.

§. 3. Quod-

§. 3. Quodsi adeo calculum recte subducamus, facile liquet, non æquale, in hisce speciebus, dominii occurrere divisionem, sed dominium utile, plus juris utique involvere, quam directum, adeo ut hoc, de dominio fere nihil, nisi nomen, participet, ac potius jus personale, quam reale sit, ceu jam in JUR. FEUD. GERM. c. 4. §. 10. 11. quoad aliquam ejus speciem, existimavi: In specie domino directo, rei possessio, & jus vindicandi, non recte adscribi videtur, id quod itidem supra c. 7. §. 5. & in JUR. FEUD. GERM. c. 14. §. 3. jam asserui.

§. 4. Uti autem, dubio procul, arbitrio hominum, variæ dominii directi & utilis species effici possunt, ita notissimæ sunt, quæ circa feudum, emphyteusim & superficiem occurrunt. Sed cum feudi qualitas, non tantum, quoad dominium, sed alia etiam jura, reperiatur, ideo feudum alio loco considerabimus, hic vero, illustrando dominio directo & utili, emphyteusim & superficiem tantum expendemus.

§. 5. Emphyteusis sumitur vel pro contractu, vel pro re, vel pro jure v. l. 1. 2. C. de jur. emphyt. N. 7. c. 3. juxta secundum respectum dicitur quoque *ager vectigalis tot. tit. ff. si ag. vectig. l. 15. §. 1. qui satisd. cog.* Hic ad ultimum significatum, in quem duo reliqui etiam influunt, respicimus. Est ergo Emphyteusis, dominium utile, sub conditione annuæ pensionis, in recognitionem dominii directi, solvendæ, ac plerumque etiam, sub lege meliorationis, in re immobili, constitutum v. l. 71. §. p. f. de Legat. 1. l. 1. si ager vectig. l. 1. seqq. C. de jur. emphyt. l. 3. §. 4. de reb. cor. qui sub tut.

§. 6. Constituitur emphyteusis vel voluntate partium, vel auctoritate legis positivæ, vel prescriptionem. Prius iterum fieri potest vel in eventum mortis, per ultimam voluntatem, nam sicut totum jus hoc modo quis alienare potest, ita, dubio procul, partem quoque transferre, ei integrum erit v. §. 1. I. de usufr. neque hoc casu traditio requiritur l. 1. 2. de public. in rem action. Vel inter vivos, per pacta & traditiones l. 20. C. de pact. Vulgo autem peculiaris contractus emphyteuticarius, mediante quo dominium utile producat, asseri solet, sed non opus est, cum emtione vel donatione hoc omne peragatur vid. OBSERV. LAUTERB. Obs. 209.

§. 7. Glossatores scripturam præcise, ad hosce contractus, requirunt v. CARPZ. p. 2. C. 39. D. 7. n. 4. sed cum illa regulariter ad

probationem saltem pertineat, ideo hic quoque, eodem sensu, intervenire existimanda est, cum contrarium probari nequeat v. LAUTERB. C. J. si ag. veltig. lit. C. Præscriptio emphyteuseos, ex veriori sententia, saltem requirit *rem habilem, possessionem & lapsum temporis*, etsi vulgo *bona fides* etiam necessaria existimetur, imo nonnulli quoque *titulum* exigant v. c. 5. §. 24. add. OBSERV. LAUTERB. Obs. 210.

§. 8 Constituitur emphyteusis in rebus immobilibus; Et ab initio quidem, saltem in prædiis rusticis sterilibus illa constituta est l. 1. si ager veltig. CARPZ. p. 2. C. 39. D. 7. postea vero etiam prædia exculca ac urbana, sunt admissa N. 7. c. 3. N. 120. c. 1. FRANSK de Laudem. c. 9. n. 21. seqq. Fit autem constitutio tam in rebus ecclesiasticis, quam secularibus, publicis & privatis, & regulariter quidem in perpetuum, ea lege, ut Canon annuus præstetur, & res melior reddatur, vel integra minimum conservetur. Ex quo varietas emphyteuseos oritur, est enim vel *ecclesiastica* vel *secularis*: *publica* vel *privata*: *perpetua* vel *temporalis* add. LAUTERB. C. J. d. t. lit. O. A.

§. 9. Emphyteusi *promissa*, tam dominus directus, quam emphyteuta futurus, *jus & actionem personalem* habet, & ille quidem pretium, si aliquid promissum, hic vero rem exigit v. l. 12. C. de fund. patrim. Vulgo, ex hypothesi peculiaris contractus, dicitur *actio emphyteuticaria* v. LAUTERB. d. l. lit. E. sed in rei veritate, est *actio emti venditi*, vel, si gratis promissa res sit, *condictio ex lege*, vel *moribus*. Non intercedo tamen, quo minus superstitiosi peculiarem contractum & actionem hic asserant, summa enim rei in hoc non vertitur.

§. 10. Quando autem emphyteusis *constituta* est (id quod factum, si ex titulo habili, inter vivos, res sit tradita, aut per ultimam voluntatem, etiam sine traditione, concessa, vel præscriptione quæsitæ, per ea, quæ §. 6. 7. diximus) tum, ratione domini directi, is est effectus, ut ab emphyteuta, debitam rei curam, ac insuper canonem annuum exigere queat l. 2. C. de jur. emphyt. CARPZ. p. 2. C. 38. D. 17. à cujus præstatione etiam emphyteuta non liberatur ob sterilitatem vel partialem rei interitum l. 1. C. de jur. emphyt. CARPZ. p. 2. C. 38. D. 19. nisi hostium incursus omnem usum impediat CARPZ. d. D. 19. nam ex fructibus canon promissus: aut pensio promissa fructuum quantitati fere respondeat, tum enim, ex regulis locationis conductionis, hæc

res

res aestimari debet: vel pensionis loco, certa fructuum portio præstanda, nam tum periculi inita est societas *add. LAUTERB. d. l. lit. E.*

§. 11. Ratione autem emphyteutæ, illi adfunt effectus, qui alias ex dominio oriuntur *v. l. 12. in fin. C. de fund. patrimon.* hinc liberatur à satisfatione *l. 15. §. 1. qui satisf. cog.* omnia commoda, ex re, vel ejus occasione, provenientia percipit *l. 1. pr. si ag. vel fig.* ut & omnia onera ordinaria & extraordinaria fert *l. 2. C. de jur. emphyt. l. 2. C. de ann. & tribut. l. 7. §. 2. de usuf.* CARPZ. p. 2. C. 38. D. 18. apochas tamen domino tradere tenetur *l. 2. C. de jur. emphyt.* quod forte hodie nullus est usus. Habet interdicta domino competentia *l. 1. §. 8. uti possid. l. 1. §. 9. de vi & vi armat.* nec non Rei vindicationem, qua rem à quovis possessore, ipso etiam domino directo, vindicat, quem etiam, forsitan agentem, exceptione dominii utilis, repellit *l. 1. §. 1. si ag. vel fig.* utrum vero actionem illam, prætoriam dicas *v. l. 74. 75. de R. V.* nec ne, id hodie perinde est.

§. 12. Sicut etiam dominium, alias comitatur libertas alienandi, ita quoque emphyteutæ emphyteusin alienare licet. Hinc eam ille in omnes hæredes legitimos & testamentarios transmittit, sive sit emphyteusis ecclesiastica, sive civilis, nisi aliud conventum §. 3. *l. de locat. l. 1. pr. si ag. vel fig. Nov. 7. c. 3. N. 120. c. 1. LAUTERB. d. l. lit. S. conf. BRUNNEM. J. E. l. 2. c. 15. §. 12.* Potest quoque eandem legare *l. 71. §. p. f. de Legat. 1.* vel inter vivos alienare §. 3. *l. de locat.* sed ita, ut si eam vendere velit, domino hoc denunciare, eique idem pretium offerenti, illam concedere debeat, qua denunciatione ommissa, emphyteuta jure suo cadit *l. 3. C. de jur. emphyt.*

§. 13. Quod si dominus, intra duos menses, sententiam non declaret, etiam, contra ejus consensum, res vendi potest *d. l. 3.* Quoad cæteras alienationes inter vivos, sine onerosas sive gratuitas, ne quidem scientia domini necessaria est, hinc in specie hypotheca, domino ignorante, constitui potest *l. 31. de pignor. add. OBSERV. LAUTERB. Obs. 211.* Sive autem, domino volente, sive invito, res alienetur, à novo emphyteuta is accipit *laudemium*, sive quinquagesimam pretii vel rei partem *l. 3. C. de jur. emphyt.* Sed moribus Germaniæ, quantitas laudemii, ut & solvendi necessitas, varia est, de quo FRANSK *de laudem. add. CARPZ. p. 2. C. 39. D. 11. seqq. LAUTERB. d. l.*

§. 14. Amittitur emphyteusis vel *naturaliter*, ob *consensum*, vel ex *dispositione juris civilis*, ob *negligentiam & delictum*. Prius contingit (1.) ob rei interitum totalem, nam re sublata, jus amplius durare nequit §. 3. *l. de locat. l. 1. C. de jur. emphyt.* (2.) cessionem *v. l. 71. §. p. de Legat. 1. §. 3. l. de usufr.* (3.) temporis, ad quod fuit contracta, lapsum *l. 3. ff. si ag. vel dig.* (4.) successorum defectum, nam in omnibus hisce casibus, ob consensum emphyteusis tollitur.

§. 15. Posterius accidit (1.) per præscriptionem, qua velemphyteuta dominium directum, vel dominus directus, utile præscribit. Ad eam vero requiritur *possessio*, qua quis plenum dominium, sibi asserit, *lapsus temporis &*, ex communi sententia, *bona fides. v. c. 5. §. 24. CARPZ. p. 2. C. 3. D. 17.* (2.) ob rei notabilem deteriorationem *auth.* qui rem hujusmodi *C. de SS. Eccles. CARPZ. p. 2. C. 38. D. 23. 24.* (4.) ob venditionem, sine domini scientia factam *l. 3. C. de jur. emphyt.* ac plene consummatam *arg. II. f. 55.* quæ pœna vix in Saxonia obrinet, cum dominus directus plerumque etiam habeat jurisdictionem, adeoque traditionem judicalem sciat *CARPZ. p. 2. C. 38. D. 13.* (4.) ob canonem non solum, intra biennium, in ecclesiastica, triennium, seculari emphyteusi *l. 2. C. de jur. emphyt. auth.* qui rem *C. de SS. Eccles.* circa quam privationis pœnam, solennes quæstiones, passim explicatæ, occurrunt *v. LAUTERB. d. l. lit. C. add. OBSERV. LAUTERB. Obs. 212.*

§. 16. Superficies accipitur vel pro *re*, quæ in solo vel ædificio alieno posita est *l. 1. §. 1. 2. 3. l. 2. de superfic. l. 9. §. 4. de damn. inf. l. 3. §. 7. Uti possid. l. 15. qui potior in pign. l. 98. §. f. de solut. l. 39. de Legat. 2. ac cum illo cohæret v. l. 20. de S. P. U. l. 60. de A. R. D. l. 10. quod vi aut clam.* Vel pro *jure*, quo sensu est dominium utile, in re immobili, sub conditione solarium, in recognitionem domini directi, singulis annis solvendi, constitutum *l. 73. 74. 75. de R. V. l. 1. §. 1. 6. de superfic. l. 3. §. 7. uti possid.* Pro servitute superficies non recte habetur, nec obest *l. 86. §. f. de Legat. 1.* nam ibi per servitutem, generaliter ali-quod onus intelligitur.

§. 17. Quæ de constitutione emphyteuseos diximus §. 6. 7. illa ad superficiem etiam applicari possunt. Constituitur ergo, à personis habilibus *v. l. fin. C. de reb. alien. non alienand. l. 12. §. 3. de public.*

in rem action. ultima voluntate l. 81. §. 3. de Legat. 1. l. 1. §. 7. de superfic. & inter vivos, titulo habili & traditione l. 31. de A. R. D. talis titulus non est locatio l. 39. locat. l. 65. de C. E. V. nisi sit irregularis, quæ dominii translationem comprehendat l. 74. de R. V. l. 1. pr. §. 1. l. 2. de superfic. id quod ex tempore etiam quandoque colligitur l. 1. §. 3. de superfic. v. CARPZ. p. 2. C. 37. D. 22. Constituitur quoque superficies præscriptione, juxta requisita antea notata.

§. 18. Constituitur in rebus immobilibus, ecclesiasticis & secularibus, & regulariter quidem in perpetuum, ea lege ut solarium superficiarius præstet, hinc etiam superficies in ecclesiasticam & secularem, perpetuam vel temporariam distingui potest, de cætero potissimum, ad habitationis usum, pertinere videtur, quamquam alia etiam res, velut superficies, in solo alieno haberi queat.

§. 19. Superficie promissa, tam domino directo, quam superficiario futuro, actio personalis, ex contractu inito, competit ad promissum consummandum v. §. 9. h. ea vero constituta v. §. 10. dominus actione personali solarium suo tempore petit v. l. 1. §. 1. de superfic. cujus intuitu etiam habet pignus l. 15. qui pot. in pign. ac insuper dominio, sed, quamdiu superficiarii jus durat, inefficaci fruitur. l. 1. §. 4. l. 2. de superfic. quo sensu etiam possessio superficiei ei tribui solet: in sua vero re, cui illa cohæret, dubio procul dominum & possessionem efficacem habet l. 3. §. 7. uti possid.

§. 20. Superficiarius vero habet dominium utile d. l. 3. §. 7. uti possid. l. 49. de V. S. hinc ea omnia, quæ domino alias, tam quoad emolumentorum perceptionem, quam rei alienationem licent, facere potest v. l. 1. pr. §. f. de superf. l. 81. §. 3. de Legat. 1. l. 3. §. 3. de nov. oper. nunciat. l. 16. §. 2. de pign. action. l. 12. §. 3. de public. in rem action. possidet quoque superficiem civiliter l. 1. §. 2. de superfic. l. 1. §. 5. de vi & vi arm. nam comparatio superficiarii & conductoris in l. 3. §. 7. uti possid. non absolute, sed saltem quoad pensionem solvendam, procedit, quemadmodum etiam possessio superficiei, ad effectum securitatis, contra damnum imminens, obtinendæ, saltem in l. 15. §. 12. de damn. inf. negatur.

§. 21. Vice versa, perinde ut alius dominus, tributa aliaque onera ferre debet superficiarius v. l. 13. de impens. in res dot. fact. l. 7. de publi-

§. 6. Sicut autem, ob illas causas, pretium *imponitur*, ita ob easdem quoque *intenditur* & *remittitur*, quod quibusdam non videtur, qui peculiares ejus rei causas asserunt, sed, re recte expensa, omnes ultimato in *aptitudinem præstandi usum*, & *insufficientiam raritatemque* resolvuntur, videbimus specialius. Ad intensionem igitur pretii facere censetur (1.) *raritas*, sed nisi aptitudo præstandi usum concurrat, res, licet rarissima, nullum habebit pretium; Rerum quotidiani usus, pretia (2.) intenduntur, quando *raritas* earundem conjungitur, cum *necessitate seu indigentia*, hic ergo causæ, à me laudatæ, aperte satis occurrunt.

§. 7. Ulterius (3.) pretia rerum artificialium, præter *raritatem*, maxime solent intendere *subtilitas* & *elegantia artis*, quandoque & *fama artificis*, nec non *operis difficultas*, *artificum* & *operatorum raritas*. Sed & hæc fundamenta raritatem & usum ostendunt, quodsi hic non adsit, sola raritas pretium non operabitur. Denique (4.) operarum & actionum pretia intendit, earundem *difficultas*, *dexteritas*, *utilitas*, *necessitas*, *agentium raritas*, *dignitas*, *libertas* & denique ipsa *artis opinio*, quæ omnia, in duo illa fundamenta, antea laudata resolvi, manifestum est.

§. 8. Alii pretii incrementum vel decrementum, philosophia generaliori, à *circumstantiis* repetunt, sed & hæc, fundamenta indicata, præsupponunt, ex iisque efficaciam sortiuntur. Sic fructus pendentes augent pretium fundi v. l. fin. §. 6. *quæ in fraud. creditor.* locus rei sitæ periculosus v. l. 7. §. 8. l. 11. §. 5. *de minor.* fundi qualitas l. 13. *de reb. cor. qui sub tutel.* tempus belli & pacis, pactum adjectum l. 79. *de C. E. V.* securitas pretii l. 4. §. 6. *de addit. in diem* aut futuræ evictionis, dilata vel anticipata solutio d. l. 4. §. 6. l. 15. §. 1. *in fin. de in diem addit.* cultura prædiorum l. 3. §. 5. *de jur. fisci.* conditio vicini l. 31. §. fin. *de C. E. V.* modus contrahendi, rerum proventus v. l. 92. *pr. de Legat. 1.* l. 16. *de rescind. vendit.* add. LAUTERB. C. J. *de C. E. V. lit. O.* & similia, in mutando pretio, magnas habere solent partes, nam omnia diversum usum arguunt.

§. 9. Aliquando plurium rerum pretia, in unam rem velut influunt, ejusque pretium augent, sic mercatores in mercibus vendendis, labores & expensas quoque æstimant: artifices in rebus artificialibus,
ope-

operarum rationem habent: Mercenariorum operæ crescunt, si rerum ad victum pertinentium, pretium intendatur; Illa omnia tamen saltem procedunt, si rerum illarum aliquis usus & raritas sit. Aliquando res aliqua uni saltem rara & magni usus videtur, ex quo oritur *pretium affectionis*, quod in res fungibiles non cadere manifestum est *v. l. 3. de in lit. jur.*

§. 10. Superest ipsa impositio *v. §. 3.* Hæc inter eos, qui in naturali libertate vivunt, fit *sola conventione*. In statu autem civili *pactis & lege positiva*, pretia definiuntur. Utraque tamen impositio fit, juxta fundamenta antelaudata, adeoque communi hominum æstimatione, non privato alicujus affectu *v. l. 63. ad L. Falcid. l. 33. ad L. Aquil. add. l. 18. §. f. de m. c. donat. l. 1. §. 16. ad Scit. Trebell. l. 52. §. 29. de furt. l. 2. §. 4. ad L. Rhod. de jact. l. 114. §. 5. de Legat. 1. l. 8. pr. de condit. furt.* Exinde autem oritur pretium *legale & conventionale*, inter quæ differentia aliqua, ratione *usûs, durationis & certitudinis*, deprehenditur

§. 11. Pretium legale semper locum non invenit, utiliter tamen quarundam rerum pretia lege determinantur *v. l. 1. §. 11. de offic. præf. urb. l. 1. c. de episcop. aud. c. un. §. 4. II. f. 27.* conventionale vero frequentioris est usus. Legale est constans, sed conventionale sæpe mutatur *v. l. 63. §. f. ad L. Falcid.* quod si fundamenta pretii ita mutantur, ut ad pristinum statum non facile sint reditura, etiam legalia pretia intendi solent, modo operarum aut rerum, quibus ea imposita sunt, aliquis censeatur esse usus, nec magna illarum sit copia, nam alias pretium non augebitur: Sic munera salariis, in summa rerum vilitate constitutis, hodie quoque plerumque æstimari solent.

§. 12. Denique inprimis pretium legale & conventionale, ratione certitudinis differunt; nam illud velut in puncto consistit, adeoque minimus excessus invitum lædit *v. l. 29. de usur. c. un. §. 4. II. f. 27.* Hoc vero aliquam habet latitudinem, sive diversos gradus, adeo ut, manentibus licet iisdem circumstantiis, tamen aliqua pretii inæqualitate, licite, in foro civili, contrahi possit & soleat, quod ita expresserunt Jcti Romani: *in pretio emtionis & venditionis, naturaliter licere contrahentibus se circumvenire l. 16. §. 4. de minor. l. 22. §. f. locat. add. l. 8. C. de rescind. vendit. Nov. 97. c. 1.*

§. 13. Uti tamen, stante ista latitudine, conscientia semper verum pretium, in contractibus onerosis, ratione ejus, qui non consensit, exigit *v. l. 49. §. 8. de Legat. 1. l. 31. §. 4. de donat. inter V. & U. l. 7. §. 12. Comm. divid. l. 50. pr. de furt.* ita, in foro externo, modica pretii inæqualitas non attenditur, modo fraus absit §. 13. §. 4. 5. de A. E. V. l. 43. §. f. de C. E. V. quousque ramen hoc admittendum sit, id, seposita sanctione positiva, ex circumstantiis, juxta æquitatem, æstimari debet, sed jure civili inæqualitas, usque ad justii pretii dimidium, admittitur *l. 2. C. de R. Vendit.* In hujus generis quæstionibus, id quoque considerandum, an non pretium sit omnino mutatum, nam, hoc facto, læsio plane cessat; ad tempus igitur & locum contractus, inprimis respiciendum erit *v. l. 3. §. 5. de jur. fisc. l. 8. in fin. C. de rescind. vendit. l. fin. §. f. C. de admin. tutor. add. LAUTERB. C. J. de C. E. V. lit. O.*

§. 14. Cæterum, ad commercia facile instituenda, non sufficit, si cuius rei pretium impositum sit, vel imponi queat, nam ideo non statim possidemus tales res, quas alter cum suis permutare velit, aut quæ rebus alienis æquivalent. In usum ergo commerciorum, res aliqua ita fuit præparanda, ut ejus pretium, omnium rerum, maximarum & minimarum, pretiis æquale fieri posset, cujus rei ita præparatæ pretium, Scriptores *eminens* dixere, quia cæterorum pretiorum norma & mensura est.

§. 15. Qualia autem requisita res, in usum commerciorum præparanda, habere debeat, ex fine facile liquet. Intendimus hoc, ut *res illa omnium rerum pretiis, æqualis fieri queat.* Ergo debet (1.) habere *pretium virtuale*, si cum aliis compareretur, nam alias, cum suis rebus, nemo eam permutabit (2.) debet *substantiæ valde compactæ*, quo durare possit (3.) *divisioni*, quo exiguis etiam pretiis fiat æqualis, & (4.) *traditioni custodiæque habilis* esse, nam & hunc usum commercia postulant.

§. 16. Hæc requisita in metallis nobilioribus reperiuntur, hinc à Gentibus, ad hunc usum, passim adhiberi illa solent. Quod si rebus, vel nullo vel exiguo pretio virtuali gaudentibus, pretium *eminens*, ex necessitate, imponatur *v. PUFEND. de J. N. G. l. 5. c. 1. §. 13. 14.* tum, quia valor unice ab impositione dependet, justitia exigit, ne pretium antea tollatur, quam aliis rebus, pretio vero instructis, illæ redemptæ sint,

sint hinc in iis saltem civitatibus in quibus publica fides, integra est, iste modus secure adhiberi & admitti potest.

§. 17. Cum porro valor nummi, secundum virtuale metallorum pretium, quod, in ordine ad alias res, hæc habent, imponi debeat, hinc fide publica opus est, qua, de nummorum quantitate & qualitate, homines certi reddantur. Hinc facile liquet, curam monetæ cudendæ, ad Rempublicam & Imperantem pertinere, qui vel juxta certum pondus, vel, quod commodius est, certas partes formatas signoque publico instructas, valorem imponit. Quod si fides illa publica vacillet, tum Rempublicam morbidam agnoscere debemus.

§. 18. Licet vero nummis ipsis valorem imponat Imperans, quanta tamen pecunia, pro hac vel illa re dari debeat, id plerumque contrahentium conventionione determinatur, adeoque, eo sensu, nummi pretium, conventionale est; Quemadmodum igitur aliarum rerum pretia, prout ratione raritatis & usus, mutantur, ita idem accidit quoque pecuniæ, hinc non tantum ejus valor decrescit, si major copia existat, sed & si aliarum rerum usus augeatur, vel raritas eveniat.

§. 19. Quod si porro pecuniam, cum aliis rebus comparemus, tum juxta illam, harum pretia definiri quidem solent, ut hætenus pecuniæ pretium eminens, cæterorum pretiorum vulgarium, norma & mensura sit, ceu dixi §. 2.14. Nihilominus tamen, vice versâ, res juxta pecuniæ valorem, in genere, taxata, est norma pecuniæ, pro ea exsolvendæ, nam rebus vendendis, nummorum quantitas attemperari solet, hinc etiam, in æstimanda læsione, rei pretium, fundamenti loco, est supponendum, ex eoque de læsione vel venditoris, vel emtoris judicandum v. OBSERV. LAUTERB. *Obs.* 542.

§. 20. Officia, circa pretii impositionem, non alia sunt, quam quæ circa contractus occurrunt. Exigit scilicet lex naturalis, ne erga proximum inhumani simus, aut, quod gravius est, illum positive lædamus. Hinc hæc regulæ fere observandæ (1.) rebus, quibus alii indigent ad necessitatem, nimis magnum pretium haud est statuendum (2.) materiæ quantitas & qualitas, cujus intuitu, illa pretium habet, non est mutanda (3.) rerum quotidiani usus raritas, cœmendo aut retinendo non debet effici *add.* OBSERV. PUFENDORF. *Obs.* 327. *seqq.*

§. 21. Ex quibus ultro liquet, quam varie in regulas socialitatis, hic

hic peccari queat. Nulla tamen læsio magis erubescenda videtur, quam quæ depravatione monetæ inferri solet. Equidem, si materia nummi, aperte ac universaliter, non rite temperetur, aut alia ratione vilior moneta cudatur, nemini nocetur, cum cæterarum rerum pretium crescat: si vero tale quid particulariter, subdole & clam fiat, tum subditi non sentientes, opibusemunguntur, cum exteris vero, rerum suarum satagentibus, commercia sufflaminantur.

§. 22. Idem fere dicendum de mutatione valoris, qua scilicet hic, manente materia monetæ, intenditur, nam & illa innoxia est, si aperte & universaliter fiat, ac unicuique relinquatur libertas, res vel operas suas, vero pretio æstimandi: Alit si eo fine suscipiatur, ut viliori monetâ debita exsolvantur, aut non attendentibus vel invitis res auferrantur, tum, imposturam subesse, facile intelligitur. Sed omnia fallendi genera recensere, nec volo, nec possum, hinc, ista paucissimis delibasse, sufficiat.

§. 23. Contra istum abusum, varia legibus Germanicis constituta sunt, nam juris monetandi venditio vel locatio prohibita *R. I. 1551. §. so haben wir 46. R. I. 1559. §. ferner als sich. 174. R. I. 1570. §. alsdann auch. 132.* certus pes, quem vocant, præscriptus est *Ord. monet. 1559. §. ferner die guldene mintz 64. R. I. 1566. 8. demnach haben wir 150. Ord. monet. 1559. §. 3. seqq.* circulis cura monetæ injuncta *d. Ord. monet. 1559. §. und damit 157. seqq.* ac in abutentes pœna constituta est *v. d. Ord. 1559. §. hierauff setzen 31. R. I. 1594. §. wir ordnen 103.* Cæterum uti nonnulla, ab usu Territoriorum, abludunt, ita ea, quæ servari poterant, sæpe tamen non servantur *v. SCHWED. introd. ad Jus publ. part. spec. Sect. 1. c. 25. §. 7. seqq.*

§. 24. Interim boni & prudentis Imperantis est, non tantum monetæ depravationem omittere, sed & impedire, ne moneta reprobata aliunde invehatur, quod quidem commodissime fieri poterit, si monetæ suspectæ valor abrogetur *add. R. I. 1594. §. daneben 105.* Quod si autem malo illo jam prematur Territorium, tum hoc ad officium Imperantis pertinere existimatur, ne statim monetam pravam prohibeat, sed potius, dilata, in tempus aliquod, prohibitione, subditi ansam præbeat, viliozem illam monetam, utili commercio, ad externos amandandi *add. R. I. 1566. §. nachdem dann 165. SCHWED. d. I. §. 10.*

§. 25. Cæ-

§. 25. Cæterum uti hoc remedium subditos, ab omni incommodo, liberare non solet, ita si moneta adulterina aliunde invec̃ta sit, hætenus quidem non inique adhiberi posse videtur, maxime si ad corruptionis autores illa remitti queat. Quod si autem depravatio, ex ipso Territorio, habeat originem, tum illud iuste non adhibebitur, imo vix locum inveniet, cum exteri rerum suarum satagere, nec adulterinos ejusmodi fœtus admittere soleant. In genere justius remedium videtur; si Imperans pravam monetam proba redimat, ac damni quod sentit, emendationem, à corruptionis autore, si fieri id possit, exigat, vel subditis tributum æquabile eo nomine imponat.

§. 26. Ex hætenus dictis etiam rerum æqualitas, & inæqualitas de qua, circa contractus onerosos, ancipites sæpe existunt quæstiones, judicari poterit. Non est illa ex *valore seu pretio*, sed *primario, ex materię qualitate & quantitate*, secundario vero ex *genere & forma* æstima-
manda. Sed ut de applicatione magis constet, tres casus distingvendi videntur, vel enim (1.) res, quæ debetur, plane amplius haberi nequit vel (2.) difficulter præstari potest vel (3.) ejus copia suppetit.

§. 27. Primo casu, ea æstimatio præstari debet, quæ fuit tempore debiti contracti, cum enim res ipsa amplius haberi nequeat, ad aliud tempus æstimatio referri non posse videtur *v. RICHTER Decis. 72. n. 19.* Secundo autem casu, vel ipsa res, vel præsentis temporis æstimatio præstanda est *v. l. 22. de R. C.* nam hanc recte exigit, aut etiam eadem contentus esse debet Creditor, cum, re ipsa præstita, tantundem consequeretur. Denique tertio casu, secundum quantitatem & qualitatem, ut & genus & formam, quæ fuerunt tempore debiti contracti, res præstari debet, nam nisi hoc fieret, Creditor tantum, quantum dedit, non reciperet.

§. 28. Sive igitur monetæ bonitas intrinseca, sive valor vel pretium, mutata sint, non præsentis, sed præteriti temporis, ratio habenda est. Neque etiam, alio in genere aut forma, res debita præstari potest, nam & in his insigne Creditoris commodum consistit, licet vulgo aliter sentiant, ideo quod, quoad diversum genus & formam, idem valor nihilominus occurrat *v. STRUV. S. J. C. exerc. 16. §. 27. HUBER in Posit. I. quib. mod. re contr. obl.* quæ tamen ratio non satis concludit. Cæterum hætenus dicta obtinent, nisi lege positiva, vel conventionē aliud

cautum sit, nam, hoc facto, de exacta rerum æqualitate, non adeo laborandum est, sed juxta normam magis expeditam recte pronuntiatur.

CAPUT XI. DE DOMINIO MINUS PLENO.

SUMMARIÆ.

In res dominio subjectas, aliis varia jura acquiruntur §. 1.

Dominium directum & utile §. 2.

Utriusque comparatio §. 3.

Species domini utilitatis §. 4.

Ad eas pertinet emphyteusis §. 5.

Ejus constitutio §. 6. 7. Objectum §. 8.

Effectus promissæ §. 9.

Et constituitur ratione domini §. 10.

Et emphyteusis §. 11.

Huic competit libertas alienandi §. 12. 13.

Emphyteusis contraria §. 14. 15.

Species domini utilitatis, est etiam superficies §. 16.

Ejus constitutio §. 17. Objectum §. 18.

Effectus quoad dominum §. 19.

Et superficies §. 20. 21. 22.

Contraria §. 23.

Vestigium artis legulejæ circa superficiem & emphyteusis §. 24.

Utriusque cognata §. 25.

§. 1.



Circa res nostras alii, varia ratione, jus acquirunt, aut earum intuitu, obligantur: Nam aliquando in partem domini admittuntur, ex qua divisione oritur *dominium minus plenum*: Aliquando facultatem, aliquod emolumentum inde percipiendi, consequuntur, ex quo *Servitutes* existunt: Aliquando ratione crediti, securitatem quærunt, inde innotuerunt *pignora*: Denique ex contractibus & delictis, res nostras respicientibus, varii generis *jura personalia & obligationes* resultant, de quibus omnibus deinde explicatius agendum est.

§. 2. Et primo quidem, de dominio minus pleno, dispiciendum est. Hoc in *directum & utile* distingvi c. r. §. 2. jam admonui. *Dominium directum* est *Jus, vi cujus, res, ad dominum directum, aliquo modo, adhuc pertinet, illeque dominum utilem, ad certas præstationes habet obligatum, ac, certis in casibus, plenum rei dominium recipit.* *Dominium utile* autem est *Jus reale, ob quod res, sub conditione certarum præstationum, domino directo faciendarum, ad dominum utilem, pertinet, ac is omnia emolumenta inde percipit, eamque à quovis possessore vindicat.*

§. 3. Quod-

§. 3. Quodsi adeo calculum recte subducamus, facile liquet, non æqualem, in hisce speciebus, dominii occurrere divisionem, sed dominium utile, plus juris utique involvere, quam directum, adeo ut hoc, de dominio fere nihil, nisi nomen, participet, ac potius jus personale, quam reale sit, ceu jam in JUR. FEUD. GERM. c. 4. §. 10. 11. quoad aliquam ejus speciem, existimavi: In specie domino directo, rei possessio, & jus vindicandi, non recte adscribi videtur, id quod itidem supra c. 7. §. 5. & in JUR. FEUD. GERM. c. 14. §. 3. jam asserui.

§. 4. Uti autem, dubio procul, arbitrio hominum, variae domini directi & utilis species effici possunt, ita notissimæ sunt, quæ circa *feudum*, *emphyteusim* & *superficiem* occurrunt. Sed cum feudi qualitas, non tantum, quoad dominium, sed alia etiam jura, reperiatur, ideo feudum alio loco considerabimus, hic vero, illustrando dominio directo & utili, *emphyteusim* & *superficiem* tantum expendemus.

§. 5. *Emphyteusis* sumitur vel pro *contractu*, vel pro *re*, vel pro *jure* v. l. 1. 2. C. de jur. emphyt. N. 7. c. 3. juxta secundum respectum dicitur quoque *ager vectigalis tot. tit. ff. si ag. vectig. l. 15. §. 1. qui satisd. cog.* Hic ad ultimum significatum, in quem duo reliqui etiam influunt, respicimus. Est ergo *Emphyteusis*, *dominium utile*, *sub conditione annuæ pensionis*, in recognitionem domini directi, solvendæ, ac plerumque etiam, sub lege meliorationis, in re immobili, constitutum v. l. 71. §. p. f. de Legat. 1. l. 1. si ager vectig. l. 1. seqq. C. de jur. emphyt. l. 3. §. 4. de reb. cor. qui sub tut.

§. 6. Constituitur *emphyteusis* vel *voluntate partium*, vel *autoritate legis positivæ*, vel *prescriptionem*. Prius iterum fieri potest vel in *eventum mortis*, per *ultimam voluntatem*, nam sicut totum jus hoc modo quis alienare potest, ita, dubio procul, partem quoque transferre, ei integrum erit v. §. 1. l. de usufr. neque hoc casu traditio requiritur l. 1. 2. de public. in rem action. Vel *inter vivos*, per *pacta & traditiones* l. 20. C. de pact. Vulgo autem peculiaris *contractus emphyteuticarius*, mediante quo dominium utile producat, asseri solet, sed non opus est, cum emtione vel donatione hoc omne peragatur vid. OBSERV. LAUTERB. Obs. 209.

§. 7. Glossatores scripturam præcise, ad hosce contractus, requirunt v. CARPZ. p. 2. C. 39. D. 7. n. 4. sed cum illa regulariter ad

probationem saltem pertineat, ideo hic quoque, eodem sensu, intervenire existimanda est, cum contrarium probari nequeat v. LAUTERB. C. J. si ag. vectig. lit. C. Præscriptio emphyteuseos, ex veriori sententia, saltem requirit rem habilem, possessionem & lapsum temporis, etsi vulgo bona fides etiam necessaria existimetur, imo nonnulli quoque titulum exigant v. c. §. 24. add. OBSERV. LAUTERB. Obs. 210.

§. 8 Constituitur emphyteusis in rebus immobilibus; Et ab initio quidem, saltem in prædiis rusticis sterilibus illa constituta est l. 1. si ager vectig. CARPZ. p. 2. C. 39. D. 7. postea vero etiam prædia ex-culta ac urbana, sunt admissa N. 7. c. 3. N. 120. c. 1. FRANSK de Laudem. c. 9. n. 21. seqq. Fit autem constitutio tam in rebus ecclesiasticis, quam secularibus, publicis & privatis, & regulariter quidem in perpetuum, ea lege, ut Canon annuus præstetur, & res melior reddatur, vel integra minimum conservetur. Ex quo varietas emphyteuseos oritur, est enim vel ecclesiastica vel secularis: publica vel privata: perpetua vel temporalis add. LAUTERB. C. J. d. 1. lit. O. A.

§. 9. Emphyteusi promissa, tam dominus directus, quam emphyteuta futurus, ius & actionem personalem habet, & ille quidem pretium, si aliquod promissum, hic vero rem exigit v. l. 12. C. de fund. patrim. Vulgo, ex hypothese peculiaris contractus, dicitur actio emphyteuticaria v. LAUTERB. d. l. lit. E. sed in rei veritate, est actio emti venditi, vel, si gratis promissa res sit, conditio ex lege, vel moribus. Non intercedo tamen, quo minus superstitiosi peculiarem contractum & actionem hic asserant, summa enim rei in hoc non vertitur.

§. 10. Quando autem emphyteusis constituta est (id quod factum, si ex titulo habili, inter vivos, res sit tradita, aut per ultimam voluntatem, etiam sine traditione, concessa, vel præscriptione quaesita, per ea, quæ §. 6. 7. diximus) tum, ratione domini directi, is est effectus, ut ab emphyteuta, debitam rei curam, ac insuper canonem annuum exigere queat l. 2. C. de jur. emphyt. CARPZ. p. 2. C. 38. D. 17. à cujus præstatione etiam emphyteuta non liberatur ob sterilitatem vel partialem rei interitum l. 1. C. de jur. emphyt. CARPZ. p. 2. C. 38. D. 19. nisi hostium incursum omnem usum impediat CARPZ. d. D. 19. nam ex fructibus canon promissus: aut pensio promissa fructuum quantitati fere respondeat, tum enim, ex regulis locationis conductionis, hæc res

res aestimari debet: vel pensionis loco, certa fructuum portio præstanda, nam tum periculi inita est societas *add. LAUTERB. d. l. lit. E.*

§. 11. Ratione autem emphyteutæ, illi adfunt effectus, qui alias ex dominio oriuntur *v. l. 12. in fin. C. de fund. patrimon.* hinc liberatur à satisfactione *l. 15. §. 1. qui satisd. cog.* omnia commoda, ex re, vel ejus occasione, provenientia percipit *l. 1. pr. si ag. vectig.* ut & omnia onera ordinaria & extraordinaria fert *l. 2. C. de jur. emphyt. l. 2. C. de ann. & tribut. l. 7. §. 2. de usuf.* CARPZ. p. 2. C. 38. D. 18. apochas tamen domino tradere tenetur *l. 2. C. de jur. emphyt.* quod forte hodie nullius est usus. Habet interdicta domino competentia *l. 1. §. 8. uti possid. l. 1. §. 9. de vi & vi armat.* nec non Rei vindicationem, qua rem à quovis possessore, ipso etiam domino directo, vindicat, quem etiam, forsitan agentem, exceptione dominii utilis, repellit *l. 1. §. 1. si ag. vectig.* utrum vero actionem illam, prætoriam dicas *v. l. 74. 75. de R. V.* nec ne, id hodie perinde est.

§. 12. Sicut etiam dominium, alias comitatur libertas alienandi, ita quoque emphyteutæ emphyteusin alienare licet. Hinc eam ille in omnes hæredes legitimos & testamentarios transmittit, siue sit emphyteusis ecclesiastica, siue civilis, nisi aliud conventum §. 3. *I. de locat. l. 1. pr. si ag. vectig. Nov. 7. c. 3. N. 120. c. 1. LAUTERB. d. l. lit. S. conf. BRUNNEM. J. E. l. 2. c. 15. §. 12.* Potest quoque eandem legare *l. 71. §. p. f. de Legat. 1.* vel inter vivos alienare §. 3. *I. de locat.* sed ita, ut si eam vendere velit, domino hoc denunciare, eique idem pretium offerenti, illam concedere debeat, qua denunciatione ommissa, emphyteuta jure suo cadit *l. 3. C. de jur. emphyt.*

§. 13. Quodsi dominus, intra duos menses, sententiam non declaret, etiam, contra ejus consensum, res vendi potest *d. l. 3.* Quoad cæteras alienationes inter vivos, sine onerosas siue gratuitas, ne quidem scientia domini necessaria est, hinc in specie hypotheca, domino ignorante, constitui potest *l. 31. de pignor. add. OBSERV. LAUTERB. Obs. 211.* Siue autem, domino volente, siue invito, res alienetur, à novo emphyteuta is accipit *laudemium*, siue quinquagesimam pretii vel rei partem *l. 3. C. de jur. emphyt.* Sed moribus Germaniæ, quantitas laudemii, ut & solvendi necessitas, varia est, de quo FRANSK *de laudem. add. CARPZ. p. 2. C. 39. D. II. seqq. LAUTERB. d. l.*

in rem action, ultima voluntate l. 81. §. 3. de Legat. 1. l. 1. §. 7. de superfic. & inter vivos, titulo habili & traditione l. 31. de A. R. D. talis titulus non est locatio l. 39. locat. l. 65. de C. E. V. nisi sit irregularis, quæ dominii translationem comprehendat l. 74. de R. V. l. 1. pr. §. 1. l. 2. de superfic. id quod ex tempore etiam quandoque colligitur l. 1. §. 3. de superfic. v. CARPZ. p. 2. C. 37. D. 22. Constituitur quoque superficies præscriptione, juxta requisita antea notata.

§. 18. Constituitur in rebus immobilibus, ecclesiasticis & secularibus, & regulariter quidem in perpetuum, ea lege ut solarium superficiarius præstet, hinc etiam superficies in ecclesiasticam & secularem, perpetuam vel temporariam distingui potest, de cætero potissimum, ad habitationis usum, pertinere videtur, quanquam alia etiam res, velut superficies, in solo alieno haberi queat.

§. 19. Superficie promissa, tam domino directo, quam superficiario futuro, actio personalis, ex contractu inito, competit ad promissum consummandum v. §. 9. h. ea vero constituta v. §. 10. dominus actione personali solarium suo tempore petit v. l. 1. §. 1. de superfic. cujus intuitu etiam habet pignus l. 15. qui pot. in pign. ac insuper dominio, sed, quamdiu superficiarii jus durat, inefficaci fruitur. l. 1. §. 4. l. 2. de superfic. quo sensu etiam possessio superficiei ei tribui solet: in sua vero re, cui illa cohæret, dubio procul dominum & possessionem efficacem habet l. 3. §. 7. uti possid.

§. 20. Superficiarius vero habet dominium utile d. l. 3. §. 7. uti possid. l. 49. de V. S. hinc ea omnia, quæ domino alias, tam quoad emolumentorum perceptionem, quam rei alienationem licent, facere potest v. l. 1. pr. §. f. de superf. l. 81. §. 3. de Legat. 1. l. 3. §. 3. de nov. oper. nunciat. l. 16. §. 2. de pign. action. l. 12. §. 3. de public. in rem action. possidet quoque superficiem civiliter l. 1. §. 2. de superfic. l. 1. §. 5. de vi & vi arm. nam comparatio superficiarii & conductoris in l. 3. §. 7. uti possid. non absolute, sed saltem quoad pensionem solvendam, procedit, quemadmodum etiam possessio superficiei, ad effectum securitatis, contra damnum imminens, obtinendæ, saltem in l. 15. §. 12. de damn. inf. negatur.

§. 21. Vice versa, perinde ut alius dominus, tributa aliaque onera ferre debet superficiarius v. l. 13. de impens. in res dot. fact. l. 7. de publi-

blican. l. 2. C. de annon. & tribut. l. 27. §. 3. de usufr. quemadmodum etiam non tantum superficiem factam tectam conservare, quod alias ad usufructuarii officium tantum pertinet *l. 7. §. 2. de usufr.* sed & omnes impensas ferre tenetur, nam dominus est: denique in specie ad solarium solvendum est obligatus *l. 2. §. 17. ne quid in loc. publ. l. 15. qui potior in pign.*

§. 22. Habet itaque porro superficiarius interdictum uti possidetis *l. 1. pr. §. 2. de superf.* contra quosvis turbantes, etiam ipsum dominum, nec non interdictum unde vi contra dejicientes *l. 1. §. 5. de vi.* Ex suo quoque dominio excipit *l. 1. §. 4. de superf.* & rem vindicat *l. 1. pr. §. 3. de superf. l. 3. §. 7. uti possid. l. 3. §. 3. de oper. nov. nunc. l. 16. §. 2. de pign. action. l. 73. seqq. de R.V.* nihilque refert hodie, actionem illam civilem vel prætoriam dicas. Competunt quoque ei, in certis casibus, actio familiæ erciscundæ *l. 10. fam. ercisc.* communi dividundo *l. 1. §. 8. de superf. publiciana l. 12. §. 3. de public. in rem. & confessoria l. 3. §. 3. de nov. oper. nunciat.*

§. 23. Tollitur superficies consensu (1.) ob totalem rei interitum *v. l. 39. §. 2. de damn. inf.* reviviscit tamen, si alia superficies ædificata sit, nam jus ædificandi superficiario negari nequit, nisi forte, actu benefico, illa restrictè concessa sit (2.) per consolidationem *l. 86. §. f. de Legat. 1. (3.)* lapsum temporis, ad quod constituta erat *l. 1. §. 3. de superf.* deinde auctoritate legis positivæ (1.) per præscriptionem extinctivam *v. §. 15. h.* non etiam (2.) ob solarium non solutum, nam à conductore *l. 54. §. 1. ff. l. 3. C. locat.* aut emphyteuta *l. 2. C. de jur. emphyt.* ad superficiarium inferre non licet *add. LAUTERB. C. J. de superfic.*

§. 24. Illud obiter admonere liceat: Circa constitutionem emphyteuseos, peculiarem contractum emphyteuticarium vulgo asserunt, sed, quoad superficiem, consuetistitulis dominii translativis sunt contenti. Vice versâ, circa hanc, peculiare interdictum de superficiebus, adstruitur, sed quoad illam, ordinaria interdicta retinendæ & recuperandæ possessionis, sufficere existimantur. Ex quo superstitionis legalis, verba vel dogmata parum solida captantis, contumacia apparet.

§. 25. Cum jure emphyteutico & superficiario, omnia jura, restri-

restricte concessa, aliquam habent convenientiam, ut (1.) jus feudale (2.) censiticum *v. Constit. Saxon. 39. p. 2.* (3.) libellarium *l. 24. C. de SS. Eccles. Nov. 7. pr.* (4.) precarium *c. 1. 2. X. de precar. v. LEHM. Chron. Spir. l. 2. c. 43.* (5.) jus affectus *c. fin. X. de restit. spoliat.* similiaque add. LAUTERB. *C. J. si ag. veſtig. in fin.* OBSERV. LAUTERB. *Obs. 213.* Jus FEUD. GERMAN. *c. 4. §. 16. seqq.*

CAPUT XII. DE SERVITUTIBUS PER- SONALIBUS.

SUMMARI A.

Servitutis indoles & varietas §. 1.

Servitus personalis §. 2.

Uususfructus variz acceptio §. 3.

Veri natura & constitutio §. 4. 5.

Subjectum §. 6. 7. Objectum §. 8.

Effectus promissi & constituti §. 9.

Jurium usufructuarii specialior recensio §. 10. 11.

Actiones ei competentes §. 12.

Ejus obligatio §. 13. 14.

In specie obligatur ad præstandam cautionem §.

15.

Quæ tamen ad essentiam usufructus non pertinet

§. 16. Ejus subjectum §. 17.

Argumentum & modus §. 18.

Effectus & contraria §. 19.

Uususfructus tollitur consensu §. 20.

Et lege positiva §. 21.

Eo finito res ad proprietarium redit cum fructibus §. 22.

Quasi usufructus definitio §. 23.

Est juris gentium §. 24.

Constituitur lege & voluntate privatorum §. 25.

Ejus objectum ordinarium & extraordinarium §. 26. Effectus §. 27.

Et contraria §. 28.

Uusus natura & ab usufructu discrimen §. 29.

Utriusque convenientia §. 30.

Habitationis indoles §. 31.

§. 1.

Uuxta *c. præc. §. 1.* partitionem, ad *servitutes* accedendum est. Accipitur autem servitus, vel pro *jure* vel pro *obligatione*, illo respectu, est *jus reale ex re alterius aliquam utilitatem percipiendi*, hoc vero est *obligatio utilitatem illam alteri præstandi*: Licet vero servitutis nomen, ad hanc tantum pertinere videatur, usu tamen communi, ac præcipue juris Romani, ad illud quoque translatus est, hinc etiam utrumque eodem conjunctim significatur. Hoc sensu servitus est *personalis*, quæ personæ, vel *realis*, quæ rei, aut rectius, rei possessoribus debetur *v. l. 1. de servit. l. 20. §. 1.*

Bbb

de

de A. R. D. quæ tamen aliquando, ex voluntate eorum quorum interest, etiam personalis est v. l. 4. de S. P. R. l. 6. de servit. legat. l. 14. §. f. de aliment. legat.

§. 2. Servitus igitur personalis, est *jus reale, in re aliena, personæ, ad utilitatem aliquam percipiendam, constitutum*. Quoad essentiam & effectum, est *jus reale*, quoad durationem, *personale*, quæ diversitas nonnunquam etiam circa dominium occurrit. Species ejus notissimæ sunt *Ufusfructus, Usus & Habitatio*, quas breviter nunc expendemus.

§. 3. Ufusfructus aliquando accipitur pro *dominio utili* II. f. 23. in fin. aliquando pro *dominii effectu*, qui *causalis* dici solet v. l. 21. §. 3. de except. rei jud. l. 18. 126. §. 1. de V. O. l. 6. de usufr. ear. rer. aliquando vero proprie, pro *servitute*, quo sensu iterum est vel *verus* vel *quasi usufructus*, licet enim hic dominium involvat, adeoque cum illo, sub eodem genere comprehendi non posse videatur, attamen accedente restrictione, quæ dominium limitat, servitutis indolem quoque habet.

§. 4. Ufusfructus verus, est *jus alienis rebus utendi fruendi, salva earum substantia pr. I. de usufr.* Constituitur vel *autoritate legis positivæ*, vel *consensu partium*. Prius fit vel immediate v. l. 4. 6. pr. §. 3. C. de bon. quæ lib. §. 2. I. per quas person. cuique acquir. CARPZ. p. 2. C. 10. D. 3. l. 3. seqq. C. de secund. nupt. vel mediante præscriptione constitutiva, quæ nihil nisi *possessionem & lapsum longi temporis* de jure civili requirit l. 10. si serv. vind. l. 1. §. f. de aqu. & aqu. plur. ex communi tamen sententia etiam *bona fides* accedere debet v. OBSERV. LAUTERB. Obs. 214. 215. 216.

§. 5. Posterius fit vel *autoritate judicis* v. l. 6. §. 1. de usufr. l. 16. §. 1. fam. ercif. l. 6. §. 10. comm. divid. vel *sola partium voluntate*, & quidem vel *inter vivos*, per justum titulum & veram traditionem l. 11. §. 1. de public. in rem l. 3. 25. §. 7. de usufr. l. f. de servit. l. 7. usufruct. quemadm. cav. vel in *eventum mortis*, v. gr. per legatum l. 3. de usufr. quo casu, sine traditione, ipso jure usufructus legatario acquiritur l. 1. §. 2. l. 2. de public. in rem. l. 25. §. f. de usufr. l. 10. 29. de usufr. leg. l. 19. §. 1. quemadm. servit. amit. l. f. de servit. legat. l. 80. de Legat. 2. l. 64. in fin. de furt. & quidem a tempore aditæ hæreditatis, vel existentis diei

diei aut conditionis, pro legati diversitate *L. un. quand. dies usufr. legat. ced. l. 2. 3. quand. dies legat.* possessio tamen ab hærede debet præstari *l. 3. de usufr. l. 1. §. 2. l. 2. si usufr. petat.*

§. 6. Constituunt usumfructum domini, qui liberam rerum suarum habet administrationem *v. l. 63. de usufr.* plenum vero & irrevocabile dominium haud requiritur, & nihil interest, si usumfructum à domino minus pleno constitutum, ipso jure, sive ex tuitione Prætoris *v. l. 1. pr. quib. mod. usufr. amit. l. 9. §. 1. usufr. quemad. cav.* valere dicas, jure tamen constituentis cessante, & usumfructum desinere, manifestum *l. 31. de pign. II. f. 8. §. rei autem.* Poterit etiam non dominus, ad effectum præscriptionis, usumfructum alicui concedere, quod tamen forte non adeo frequenter accidit.

§. 7. Acquirere usumfructum regulariter omnes possunt, etiam personæ morales compositæ *l. 56. de usufr. l. 8. de usufr. legat.* si quis filiosam usumfructum det, etiam patri dedisse censeatur, adeo, ut quoad ejus durationem, utriusque personæ ratio habeatur *l. f. C. de usufr. si pluribus conjunctim v. l. 89. de Legat. 3. l. 16. §. 2. de Legat. 1. l. 142. de V. S. legetur usufructus, tum obtinet jus accrescendi, si unus, etiam post consummum realem, deficiat l. 1. pr. §. 3. de usufr. accresc. l. 80. de Legat. 3. v. l. 3. §. f. l. 10. de usufr. accresc. l. 33. §. 1. de usufr. l. 57. §. 1. eod. qui autem conjuncti non sunt, iis non accrescit l. 1. pr. §. f. l. p. de usufr. accresc.*

§. 8. Constituitur verus usufructus in omnibus rebus, quæ sunt in commercio, & usum præstare possunt *v. l. 28. 41. de usufr.* ac utendo non consumuntur *l. 3. §. 1. ff. §. 2. l. de usufr.* sive sint mobiles sive immobiles & singulares vel universales *l. 34. §. f. de usufr.* etiam pecuniæ aliarumque rerum fungibilium, verus est usufructus, si ut fors, apud alium existens, adeoque ut res perpetuo durans, spectentur *l. 3. de usufr. ear. rer. potest pro parte divisa, & indivisa idem etiam constitui l. 5. de usufr. l. 25. §. 1. de V. S. Rerum vero incorporalium usufructus, velut peculiaris species, frustra asseritur, nam omni casu res corporalis & incorporalis concurrat, id quod etiam circa annuos redditus, jurisdictionem & similia, contingit *v. OBSERV. LAUTERB. Ohf. 217. 218.**

§. 9. Usufructu *promisso*, actiones personales, inter proprietarium & usufructuarium, ad promissa consummanda, obtinent; in casu usus-

fructus legati, datur actio ex testamento *l. 1. §. 2. l. 2. si usufr. pct.* quamvis etiam ille vindicari queat *v. §. 5.* Eo autem per traditionem *constituto*, proprietarius hactenus habet sterilem proprietatem nec debet molestus esse usufructuario *l. 15. §. 6. l. 19. §. 1. de usufr.* usufructuarius vero rem ex suo jure possidet *l. 49. pr. de A. A. P.* non vero ut dominus *l. 15. §. 1. qui satisd. cog. l. 10. §. f. de A. R. D.* præterea plenum jus in fructus, non rei substantiam, habet *v. l. 30. de usufr. l. 1. §. 1. si usufr. pct. l. 44. §. 9. de Legat. 1.*

§. 10. Exinde, pro ratione rerum concessarum, specialia fluunt jura. Sic casam custodiæ causa recte ædificat *l. 73. de usufr.* alia vero fructuere vel tollere non potest *l. 13. §. 7. l. 15. pr. l. 44. 61. cod. ex agris novalibus v. l. 30. §. 2. de V. S.* non potest facere restibiles *v. dissert. D. SVEVII de noval. hab. Jen. 1634. §. 95.* usumfructum alii cedere nequit *§. 3. l. de usufr.* nec rem alienare *l. 9. de usufr.* Accessionibus rei plene utitur *l. 9. §. 4. de usufr. CARPZ. p. 3. C. 13. D. 17.* fructus naturales & civiles acquirit *l. 13. quib. mod. usufr. amitt. l. 25. §. 1. de usur. l. 12. §. f. l. 7. pr. §. 1. l. 9. pr. l. 10. §. 9. §. 1. de usufr.* nec putem tricas illas, utrum ipse, an alius eos perceperit, hodie attendi.

§. 11. Proventus quoque metallicos lucratur *l. 9. §. 2. 3. l. 13. §. 5. de usufr.* modo hi renascantur *l. 7. §. 13. solut. matrim.* sed hoc forte in nulla regione accidit, licet id Jcto sit pervasum. Hodie id saltem procedit in metallifodinis jam institutis, ubi quidem proventus, nonnullis in regionibus, pro fructibus habentur, adeoque usufructuario simpliciter cedunt, alibi vero sunt loco substantiæ, ex qua fructus saltem ille percipit *v. Const. Saxon. 25. p. 3.* Quodsi usufructuarius de novo metallifodinas aperiat, tum earum dominium acquirit, de quo alibi pluribus dispiciendum erit *v. OBSERV. LAUTERB. Obs. 220.* Potest etiam usufructuarius venari *l. 9. §. 5. de usufr.* ac jurium suorum exercitium aliis concedere *l. 12. §. 2. l. 38. seqq. l. 67. de usufr. l. fin. de usur.* nisi rei conditio aliud exigit *l. 15. §. 2. de usufr.*

§. 12. Ex jure suo Usufructuarius varias quoque, pro casuum varietate, habet actiones: remedia possessoria *l. fin. uti possid. l. 12. quod vi & clam. l. 3. §. 13. 14. 17. de vi & petitoria*, actionem confessoriam, quam postea in genere considerabimus; communi dividundo *l. 13. §. 3. de usufr. l. 7. §. 7. comm. divid. finium regundorum l. 4. §. 9. fin. reg. legis*

legis Aquilæ l. 11. §. f. l. 12. ad L. Aquil. injuriarum l. 66. de usufr. furti l. 12. §. f. eod. quæ tamen hodie nullius usus; conditionem furtivam arg. l. 12. §. 2. de cond. furt. l. 22. de pign. action. actionem confessoriâ pro vindicandis servitutibus l. un. §. 4. de remission. nec subtilitas, quæ in l. 1. l. 5. §. 1. si usufr. pet. occurrit, hodie alicujus videtur usus, novi operis nunciationem d. l. un. §. 3. de remission. l. 1. §. f. de nov. oper. nunc. cautionem de damno infecto l. 13. §. 8. de damn. infect. similiaque remedia alia.

§. 13. Tenetur quoque Usufructuarius, instar boni Patrisfam. re uti l. 9 §. 2. l. 65. de usufr. l. 1. §. 3. f. usufruct. quemad. cav. hinc modicis etiam sumptibus, aut ex fructu, rem sãrtam rectam conservare debet l. 7. §. 2. 3 l. 64. 15. §. 2. l. 45. 68. §. f. l. 18. 59. de usufr. v. CARPZ. p. 2. C. 26. D. 9. quodsi, in perpetuam rei utilitatem, aliquid impenderit, hoc à proprietario repetit l. 7. C. de usufr. Ad exsolvenda quoque omnia onera publica obligatus est l. 7. §. 2. l. 27. §. 3. de usufr. l. 7. de public. & veſtig. l. 2. C. de ann. & tribut. CARPZOV. p. 3. C. 16. D. ult. nisi fructuum quantitatem excedant, hunc enim excessum ferre debet proprietas CARPZOV. l. 1. Rſp. 105. n. 11. RICHTER p. 1. Dec. 20. p. 2. D 70. n. 26.

§. 14. Æs alienum nec usufructuarius omnium bonorum exsolvere debet v. l. fin. de usufr. Legat. CARPZ. I. Rſp. 194. LAUTERB. C. J. de usufr. in fin. sed, antequam usufructus præstetur, deducitur v. STRYK in not. ad LAUTERB. d. l. sic vero res eodem recidit, & utique usufructuarius incommodum æris alieni sentit v. OBSERV. LAUTERB. Obſ. 221. Poterit hæc res habere effectum, si testator ea intentione hæredem instituat, alique usumfructum omnium bonorum concedat, ut ille solus, quantitate hæreditatis non imminuta, æs alienum exsolvat, nam hanc conditionem hæres subire non detrectabit, si hæreditas opima, ac æs alienum non adeo magnum sit.

§. 15. In specie Usufructuarius debet præstare cautionem, quæ est promissio, qua proprietarius alique, ad quos res usufructuaria pertinet, de ea securi redduntur l. 1. pr. §. 3. usufr. quemad. cav. l. 13. pr. de usufr. Est illa, ex communibus æquitatis & prudentiæ regulis, necessaria, quod lex civilis confirmat l. 8. §. 4. qui satisd. cog. l. 1. §. 1. 3. l. 8. usufr. quemad. cav. Exigitur v. l. 2. §. 1. quod legat. ante rei fructuariæ traditionem

l. 13. de usufr. l. 6. ut in possess. legat. re vero forte jam tradita, petitur propria actione l. 7. pr. usufr. quemad. cav. quo tamen casu fructuarius, fructus jam perceptos, reddere non tenetur, quia suo jure eos percipit, neque enim cautio, ad *jus percipiendi*, sed *securitatem proprietarii* pertinet *v. l. 5. §. 1. de usufr. car. rer.* Quod si in casu converso, proprietarius rem teneat, ac usufructuarius, in præstanda cautione, moras necet, ille fructus, ob hujus consensum, lucratur *l. 24. de usufr. legat. v. OBSERV. LAUTERB. Obs. 238.*

§. 16. Ad *essentiam* usufructus, non pertinere cautionem illam manifestum est, nam *obligatio ad rem integram reddendam, vel equi-pollens præstandum*, usufructui quidem essentialis est, nec potest hic sine illa, esse, sed *peculiarem obligationis illius confirmationem*, idem haud desiderat, sed ex regulis prudentiæ hæc fluit, quo loco obiter observandum, sollicitudinem illam, quo cautio in *Prætoriam & civilem* discernitur *l. 1. pr. l. fin. usufr. quemadm. cav. §. 2. l. de usufr. hodie* esse otiosam.

§. 17. Præstatur hæc cautio proprietario *l. 13. de usufr. l. 3. §. f. l. 8. 9. §. f. usufr. quemadm. cav. & usufructuario socio d. l. 8.* Præstant eam usufructuarii omnes *l. 1. pr. §. 1. 2. l. 9. §. 1. usufr. quemadm. cav. excipitur tamen (1.) Pater l. 6. §. 2. l. 8. §. 4. in f. C. de bon. que liber CARPZ. p. 2. C. 10. D 9. (2.) fiscus l. 1. §. 18. ut legator. l. 2. §. 1. de fund. dot. (3.) donator, qui sibi usumfructum reservavit, nam ea lege donatio facta censi debet *v. l. 62. de adil. edit. l. 28. de R. J. (4.)* Usufructuarius, cui proprietas sub die legata est *l. 9. §. 2. usufr. quemadm. cav.**

§. 18. Promittere autem debet usufructuarius, quod velit re ut boni viri arbitrio, eamque, usufructu finito, restituere *l. 1. pr. §. 3. 6. 7. l. 9. §. 3. usufr. quemadm. cav. l. 65. de usufr. id quod, ex natura usufructus, facile intelligitur.* Est cavendum fidejussoribus *l. 7. pr. usufr. quemadm. cav. l. 13. ff. l. 4. C. de usufr. l. 1. qui satisd. cog. l. 7. de prætor. stipul.* sed hodie pignora etiam sufficiunt. Aliquando cautio juratoria quoque admitti potest. Deficiente vero cautione idonea, ex usufructu fit redditus *v. LAUTERB. C. J. usufr. quemadm. cav. lit. Q.*

§. 19. Ex promissione agi potest, ob abusum, ad interesse præstandum *l. 1. §. 5. 6. usufr. quemadm. cav. ac, usufructu finito, ad rem rest*

restituendam *d. l. 1. §. 4. 6.* de jure civili, ob verborum solennia, dicitur *actio ex stipulatu*, de quo hodie parum laborandum. Aliquando cautio cessat, ob remissionem legis *v. §. 17. h.* proprietarii *l. 29. C. de pact.* non etiam testatoris *l. 6. ut in possess. legat. serv. l. 7. C. eod. l. 1. C. de usufr.* CARPZ. p. 3. C. 13. D. 12. quod singulare est. His autem casibus, ob deteriorationem, datur actio *L. Aquilæ l. 13. §. 2. de usufr. & usufructu finito, res vindicatur l. 3. §. f. l. 12. usufr. quemad. cav.* sed minor hic est securitas, cum usufructuarius tantum vel ejus hæredes, non fidejussor aliquis, obligentur, restamen existens à quovis peti potest *add. OBSERV. LAUTERB. Obs. 239. seqq.*

§. 20. Tollitur usufructus vel modis *naturalibus*, qui ex consensu, vel *civilibus*, qui ex lege positiva vim sortiuntur. Ad illos pertinent (1.) mors usufructuarii *l. 3. §. f. l. 21. quib. mod. usufr. amitt. l. 14. 16. pr. §. 1. C. de usufruct. v. OBSERV. LAUTERB. Obs. 224. 225.* non etiam proprietarii *l. 3. §. 1. C. de usufr.* (2.) diei vel conditionis resolutivæ existentia *l. 15. quib. mod. usufr. amitt. l. 5. 12. C. de usufr.* (3.) totalis rei interitus *l. p. §. 1. C. de usufr. l. 2. ff. eod.* in parte homogenea usufructus retineri dicitur *l. 53. de usufr.* non in heterogenea *l. 5. §. 2. l. 10. §. 7. quib. mod. usufr.* quod tamen ad usumfructum titulo lucrativo concessum, saltem pertinere videtur (4.) resolutum jus constituentis, quod revocabile fuit *v. l. 16. 19. d. t. (5.) Consolidatio §. 3. l. de usufr. l. 27. quib. mod. usufr. amitt.*

§. 21. Ad hos spectat (1.) lapsus 100. annorum, quoad personas morales compositas *l. 16. de usufr. l. 8. de usufr. legat.* (2.) capitis diminutio *l. p. §. 2. C. de usufr.* quæ hodie cessat, cessat, nec bannum imperii, quod ei surrogari solet *v. CARPZ. p. 3. qu. 140. n. 26.* frequentis est usus (3.) rei deterioratio insignis *v. l. 9. §. f. de damn. inf.* (4.) præscriptio extinctiva, quæ ex non usu, & hinc orta libertatis possessione *v. l. 38. 39. 40. de usufr. l. 20. quib. mod. usufruct. amitt. l. 10. 11. pr. quemad. servit. amitt. l. 2. de aqu. quotid. l. 14. 25. quib. mod. usufr. amitt.* oritur, ac jure civili decem vel viginti annis, etiam quoad rem mobilem *l. p. §. 1. C. de usufr. l. p. C. de servitut.* absolvitur: Quod si usufructus alternis annis constituatur, non urendo, in solidum, nunquam amittitur, quia sunt plures usufructus, qui successive nascuntur, adeoque singuli, peculiari præscriptione, tolli debent *l. 28. quib. mod. usufr. amittit.* semper
igi-

igitur aliquid superest, quod nondum sit præscriptum. *Bona fides* hic frustra requiri videtur. Non etiam (§.) cessio extraneo facta, nam hæc in concessionem degenerat ac innoxia est v. OBSERV. LAUTERB. *Obs.* 226.

§. 22. Usufructu finito, res cum fructibus nondum perceptis, proprietario expensas refundenti, est restituenda §. 36. *I. de R. D. l. 13. quib. mod. usufr. amitt. l. 8. de annuis legat.* sed in Saxonia, fructus industriales sequuntur hæredem usufructuarii, si omnis labor peractus sit v. CARPZ. p. 3. C. 32. *D. 5. seqq.* Fructuum civilium acquisitio, ex iisdem principiis, judicanda: si percepti sint, aut minimum dies cessarit, sequuntur usufructuarium v. l. 26. § 8. *de usufr.* si pendeant, sequuntur proprietarium, sed in Saxonia, pro industrialibus solvendi, ad usufructuarium vel ejus hæredes pertinent, si usufructus, labore peracto, finiatur add. OBSERV. LAUTERB. *Obs.* 227.

§. 23. Quasi usufructus est dominium, in rebus fungibilibus, vel æstimatis, ea conditione alicui datum, ut morte, capitis diminutione, vel accipientis cessione interveniente, res ejusdem generis, vel ejus æstimatio restituantur l. 5. §. 1. 2. l. 7. *de usufr. ear. rer.* §. 2. *I. de usufr.* Rei datæ dominium igitur penitus, in accipientem, transfertur, & hæctenus quasi usufructus, à vero, plane differt, sed jus personale, cujus vi concedens, suo tempore, tantundem exigere potest, est ipsi, loco proprietatis, atque hinc similitudo, cum vero usufructu, exoritur.

§. 24. Censetur introductus SCto Romano, utilitatis gratia l. 1. *de usufr. ear. rer.* sed ex allata definitione liquet, quod quasi usufructus sit juris gentium, nam naturam rerum fungibilium, juxta conditiones memoratas, eum admittere, adeoque ab omnibus hominibus illum posse constitui, satis manifestum est. SCrum itaque Romanum, nihil novi constituit, sed id, quod, ex communi sensu, omnes intelligunt, solum adstruxit & confirmavit, cavendi necessitate etiam probata.

§. 25. Constituitur aliquando immediate à lege positiva, Patri in bonis liberorum adventitiis l. 4. 6. *C. de bon. qua lib. Nov. 22. c. 34. j. l. 69. ad L. Falcid.* aliquando à domino, per ultimam voluntatem l. 1. *seqq. de usufr. ear. rer.* & conventionem nam hoc, ex libertate fluit, utroque tamen casu, ad transferendum dominium, quoad res fungibiles, opus

opus est traditione. A Judice non est constituendus, cum, per divisionem, rectius litem dirimat.

§. 26. Regulariter constituitur quasi ususfructus in rebus fungibilibus seu consumptibilibus *l. 5. §. 1. 2. l. 11. de usufr. ear. rer.* Possunt tamen etiam res non fungibiles, mediante æstimatione, in quasi usumfructum concedi, quod in primis, quoad res immobiles, quæ non diu durant, sed usu deteruntur ac pereunt, fieri potest, cujus etiam quasi ususfructus sua est utilitas, quamvis satius sit, si fieri queat, eas res in verum usumfructum accipere. Atque hoc sensu, etiam vestimentorum est quasi ususfructus §. 2. *l. de usufr. v. OBSERV. LAUTERB. Obs. 231.*

§. 27. Quasi usufructu promisso, datur actio personalis, vel ex contractu, vel testamento, ad rem promissam exigendam, quod si tamen res non fungibilis, sub conditione restituendæ æstimationis, legata sit, illa etiam rei vindicatione poterit peti *add. OBSERV. LAUT. Obs. 232.* Per traditionem vero *constituto*, concedens habet jus personale exigendi tantundem, quod est instar proprietatis: Quasi usufructuarius autem rei acceptæ plenum consequitur dominium *l. 7. de usufr. ear. rer.* ejusque omne periculum sustinet *v. l. 11. C. si cert. pet.* Debet etiam cavere de re ejusdem generis, vel ejus æstimatione restituenda *l. 7. de usufr. ear. rer.* quæ tamen cautio non ad *essentiam*, sed *securitatem* saltem pertinet.

§. 28. Extingvitur quasi ususfructus morte, capitis diminutione *l. 9. 10. de usufr. ear. rer.* lapsu temporis aut conditionis existentia, denique etiam cessione, qua vel proprietarius jus suum usufructuario remittit, vel hic in illum, jus suum transfert *v. OBSERV. LAUTERB. Obs. 233.* Finito usufructu, res repetitur vel actione ex stipulatu, si cautio interposita, vel, ea cessante, conditione sine causa *l. 5. §. 1. de usufr. ear. rer. v. l. fin. usufr. quemad. cav.* Hodie quasi ususfructus, si legalem *v. §. 25.* excipias, non magnus videtur usus.

§. 29. Usus est *jus alienis rebus utendi, salva illarum substantia.* Est ergo inter usum & usumfructum quoad *quantitatem*, differentia, cum enim ille, ad quotidianum & necessarium usum, repertus credatur, hinc fluit necessitas immediatæ & parioris perceptionis, sed in usufructu, hæc largior est. Pro ratione tamen *personarum & rerum*, discrimen illud nunc intenditur, nunc remittitur, imo aliquando plane

evanescit, adeo ut sæpe etiam non satis liqueat, quousque jus usus extendi debeat *v. l. 2. seqq. l. 12. §. 1. l. 15. 18. 22. de usu & habit. CARP. Z. p. 3. C. 13. D. 4. p. 1. Decis. 69.*

§. 30. Quoad modum constituendi, personas, materiam, effectum & durationem, usus cum usufructu fere convenit, quamvis ex asse illi omnia applicari nequeant. Sic usufruiarius, ad rem reddendam, non semper erit obligatus, cum proprietarius sæpe illam retineat *v. §. 1. l. de usu & habit.* ita, ad tributa solvenda, non tenetur, nisi usus etiam fructum absumat *l. 18. de usu & habit. l. 13. de expens. in res dot. fact.* Cum usus adeo lubricæ & incertæ sit indolis, ejus non magnum esse usum crediderim. In specie subtilitatis illius, quod usui pro parte constitui nequeat *l. 19. de usu & habit.* forte nunquam aliquis fuit effectus.

§. 31. Habitatio est *Jus alienas aedes inhabitandi, & omne emolumentum, quod habitando percipi potest, immediate vel mediate percipiendi.* Plus involvit quam usus ædium, dum aedes aliis in solidum locari possunt *l. 13. C. de usufr.* minus tamen juris est in habitatione, quam in usufructu, quia hic ad alia quoque emolumenta, quam quæ habitando percipiuntur, extenditur *add. OBSERV. LAUTERB. Obs. 236. 237.* In cæteris capitibus, habitatio, cum usufructu & usu, fere convenit, ab utroque tamen in eo differre censetur, quod neque capitis diminutione, neque non utendo amittatur *l. 10. de cap. min. l. 10. de usu & habit.* sed prior differentia est sublata per *l. 16. §. 2. C. de usufr.* posterior vero solida aliqua ratione non nimitur, nec adeo attendenda esse videtur *add. LAUTERB. C. J. de usufr. seqq.*

CAPUT XIII. DE SERVITUTIBUS REALIBUS.

SUMMARI A.

Occasione vicinatis invalere servitutes reales
§. 1.
Causa subtilitatum inanum, circa eas occurrentium §. 2.
Servitutum illarum varietas §. 3.

Constituuntur lege positiva §. 4.
Et consensu privato §. 5.
Tempus & conditionem non recipiunt §. 6.
Servitutem quinam constituent §. 7.
Et acquirant §. 8.

Ad

Ad ejus constitutionem requiruntur duo prædia §. 9.
 In exactione causæ perpetuæ §. 10.
 Fluctuarunt Romani §. 11.
 Servitutum finis est aliqua utilitas §. 12.
 Voluptatis causa recte constituuntur §. 13. 14.
 Possunt egredi usum prædii dominantis §. 15.
 Ac in faciendo consistere §. 16.
 Quod exemplis declaratur §. 17. 18.
 Obligatio faciendi, vel ex ordinaria servitutum natura §. 19. 20.
 Vel conventionem speciali dependet §. 21.

Servitutis promissæ & constitutæ effectus §. 22.
 Et qualitas §. 23.
 Omnibus fundi partibus non inhzret §. 24.
 Circa ejus usum modus observandus §. 25.
 Amittitur servitus consensu §. 26.
 Et præscriptione §. 27. 28.
 Quæ aliquando duplicatum tempus requirit §. 29.
 Differentia usufructus & servitutis realis, alter-
 nis annis constitutæ §. 30.
 Ipso jure an ope exceptionis tollatur servitus,
 nihil interest §. 31.

§. 1.



Occasione vicinitatis, inter homines invalere *servitu-
 tes reales* sive *prædiales*, quæ, juxta communes utili-
 tatis humanæ regulas, sunt *jura realia*, quibus *prædii
 alicujus possessor, ex prædio vicino, utilitatem aliquam
 percipit*. Romani hoc quidem agnoverunt, sed variis
 insuper subtilitatibus servitutes magis circumscripse-
 runt. Verum eæ ab usu vitæ civilis abhorrent, ac in Germania nul-
 lius usus sunt, ceu ex sequentibus apparebit.

§. 2. Videntur autem otiosæ illæ subtilitates, si non omnes, certe
 pleræque, ex eo habere originem, quod *res rei servire* fuerit credita.
 Sed quam falsum sit illud præsuppositum, ex indole rerum moralium
 facile liquet: Bruta jurium & obligationum merito censentur esse in-
 capacia, quis ergo credat, res inanimatas, recipiendis juribus & obli-
 gationibus, esse aptas? Ut per compendium ita loquamur, non inter-
 cedo, sed locutio illa, ad falsas hypothesès & confectaria, deducere non
 debet. Nihil ergo definitioni allatæ, ex usu Germaniæ, addendum
 esse arbitror.

§. 3. Dividuntur servitutes reales, (1.) à *diversitate prædiorum*,
 in *urbanas*, quæ ædificiis seu prædiis urbanis, & *rusticas*, quæ agris lo-
 cive vacuis, sive prædiis rusticis, inhærent l. 1. de S. P. R. l. 1. Comm.
prædior. l. 198. de V. S. §. 1. l. de Servit. rustic. Potest etiam totum illud
 discrimen, sine aliquo damno, negligi, quia nullus ejus est effectus
 v. OBSERV. LAUTERB. Obs. 243. (1.) ab *utilitate præstanda*, in *negativas*,
 ubi quis non faciendo, & *affirmativas*, ubi patiendo utilitatem præstat.

Cc c 2

potest

potest tamen cum patientia factum possessoris concurrere, licet vulgo id haud credant, de quo postea. (3.) ab *exercitio*, in *continuas*, quæ sine interruptione exercentur, & *discontinuas*, quarum exercitium intervallis distingvitur.

§. 4. Constituitur Servitus vel *autoritate legis positivæ*, vel *consensu eorum, quorum interest*. Prius fit vel immediate v. l. f. §. f. C. de *servit.* vel mediate, per judicem l. 22. §. 3. *fam. ercisc.* l. 18. *comm. divid.* & præscriptionem constitutivam l. f. in fin. C. de *prescript. long. temp.* Ad eam requiritur (1.) *possessio*, qua quis jus sibi asserit, hinc qui precario re alterius utitur, nunquam præscribit v. CARPZ. p. 2. C. 4. D. 2. acquiritur autem illa, quoad affirmativas, usu, negativas, prohibitione & alterius acquiescentia seu assensu CARPZ. d. l. D. 13. (2.) *lapsus temporis*, de jure civili decennii vel vicennii l. fin. C. de *long. temp. prescript.* sed jure Saxonico, 30. annorum, anni & diei Saxonici CARPZOV. p. 2. C. 4. D. 8. (3.) ex communi sententia, *bona fides* vid. OBSERV. LAUTERB. Obs. 248.

§. 5. Posterius fit vel in *ultima voluntate*, ubi ipso jure, sine traditione, servitus constituitur l. 19. §. 1. *quemad. serv. amitt.* l. f. de *serv. legat.* vel *inter vivos*, quo casu, servitutes *negativæ*, sola conventionione constituuntur, quia nihil tradi potest, de jure tamen civili, *cessio* videtur necessaria fuisse l. 39. de *S. U. P.* l. f. *comm. præd.* HUBER in *posit. I. de servit.* n. 28. 29. sed *affirmativæ*, præter conventionem, etiam requirunt traditionem l. 3. de *O. & A.* l. 11. §. 1. de *public. in rem action.* Peragitur autem traditio, usu & patientia l. fin. de *serv.* ac frustra pro *quasi traditione* habetur, nam non *servitus*, sed *res serviens* traditur v. OBSERV. LAUTERB. Obs. 247.

§. 6. Servitutes ipso jure, neque ex tempore, neque ad tempus, neque sub conditione, neque ad conditionem, constitui possunt, ex æquitate tamen istæ adjectiones servantur l. 4. de *servit.* quam doctrinam, de sola *cessione*, intelligendam esse censet HUBER *digress.* l. 4. c. 7. *posit. ad ff. de servit.* n. 7. *seqq.* sed magis probabile videtur, quod, illas adjectiones, servitutum naturæ repugnare, crediderint Jcti, adeoque omnem constitutionem temperatam, stricto jure, improbaverint; Quicquid tamen sit, hodie tricarum Romanarum nullus est usus.

§. 7. Constituunt servitutem domini l. 6. *pr. l. 8. comm. prædior.* l. 2.
de

de *servit.* qui liberam administrationem habent *l. f. C. de reb. alien. non alienand.* pleni & minus pleni *l. 11. §. 1. quemad. serv. amitt. II. f. 8.* resolutio tamen horum jure, servitus evanescit. Constituit etiam propriarius, cum consensu usufructuarii, servitutem, nam penes hos omne hujus rei est arbitrium, nec obest *l. 15. §. f. de usufr.* nam de ejus sententia & lectione adhuc disputatur, præterea, admissa lectione vulgari, illa, velut rationi repugnans, recepta non est *v. OBSERV. LAUTERB. Obsf. 246.*

§. 8. Acquirunt servitutem domini prædii dominantis *l. 6. 8. comm. præd.* etiam nudi proprietarii *l. 15. §. f. de usufr.* ut &, qui revocabile *l. 11. §. 1. quemad. serv. amitt.* & minus plenum habent dominium *II. f. 8. l. 1. §. 9. de superf. per procuratorem quoque l. 20. §. f. de A. R. D. l. 11. §. 6. de pign. action.* & patrem, ratione castrensis fundi *l. 18. §. 3. de cast. pec.* de quibus omnibus, juxta æquitatem & usum Germaniæ, dubitandum non est, cum dubia, quæ subsunt, ex tricis Romanis oriantur, adeoque hodie cessent. Poterit etiam servitus, per tertium, hodie acquiri, modo alterius rati habitio sequatur, hinc etiam per usufructuarium, socium & vicinum, illa alteri acquiritur, nec obtinent *l. 15. §. f. de usufr. l. 19. de S. P. R. l. 5. comm. prædior. vid. OBSERV. LAUTERB. Obsf. 245.*

§. 9. Ad constituendam servitutem, requiruntur duo prædia *l. 5. §. 1. de S. P. R. diversorum dominorum l. 26. de S. U. P. l. 33. in fin. de S. R. P.* quorum alterum, *dominans*, alterum, *serviens* dicitur, nam si jura & obligationes, intuitu rerum, sunt constituendæ, hæ utique adesse debent. Requiruntur autem prædia (1.) *præsentia l. 1. §. 1. comm. præd. §. 3. I. de servit.* intuitu tamen futurorum servitus promitti potest *l. 23. §. f. de S. P. U. l. 25. §. 10. fam. ercisc. l. 10. de S. P. R. (2.) vicina*, quæ vicinitas, ex aptitudine præstandi utilitatem, æstimari debet *l. 7. §. 1. comm. præd. l. 1. pr. l. 38. 39. de S. P. U. l. 7. §. 1. l. f. de S. P. R. l. 1. c. 6. si serv. vindic. (3.) perpetuam servitutis causam habentia*, licet exercitium quandoque suspendatur *v. l. 28. de S. P. U. l. 4. §. f. l. 5. §. 1. de servit.*

§. 10. Hoc ultimum requisitum, mere Romanum est, & videtur *causa perpetua*, modo ad prædium dominans, modo serviens referri. Illo respectu, per *causam*, intellexere Romani incommodum, quod in
Ccc3
ali-

aliud prædium avertere cupimus, *perpetuitatem* vero *causæ*, ex eo æstimarunt, si quid naturaliter, licet non assidue, fiat *l. 28. de S. P. U.* Hæc autem, per *causam* intelligunt commodum, quod aliunde accipimus, *perpetuitatem* vero, hic non simpliciter ex eo, quod naturaliter quid fiat, judicant, sed potius, ut *naturale & continuum* sit, simul exigere videntur *d. l. 28. & l. un. §. 4. de font.*

§. 11. Sed subtilitatum suarum parum hic fuere vel memores vel tenaces Romani, nam in applicatione doctrinæ, quoad prædia dominantia, sibi non satis constiterunt, quoad servientia autem, usus fori eam improbavit. Sic in *l. 28. de S. P. U.* servitus, pavimenti proluendi causa, constitui posse negatur, quod causa illa non sit perpetua seu naturalis, & tamen servitus fumi *l. 8. §. 5. si serv. vind. cloacæ l. 7. de servit.* admittitur, sed & hæc incommoda, non naturaliter existunt, sed manu fiunt. Porro ex cisterna servitus concedi posse negatur *l. un. §. 4. de font.* quia non habet causam perpetuam, seu aquam vivam, sed hodie, ex quocunque loco, constitui solet *l. 9. de S. P. R.* Ex quibus facile liquet, in Germania, inanes illas subtilitates, nullius esse usus, sed, constituendis servitutibus, quævis commoda vel incommoda, quæ circa prædia occurrere solent, sufficere v. OBSERV. LAUTERB. *Obsf. 244.*

§. 12. Finis constituendarum servitutum est, ut *aliquam utilitatem ex re vicini* percipiamus v. *l. 19. de servit.* Hæc autem summam vel in eo consistit, ut id, *quod nobis molestum est, in aliud prædium avertamus*, vel ut id, *quod utile & acceptum videtur, inde consequamur.* Pro certo autem supponendum est, quod hoc omne respiciat *homines*, non *res*, licet hæc hactenus considerentur, ut sine his, jura & obligationes, illis non inhæreant, quod præsuppositum, ad convellendas ineptas Romanorum subtilitates, utile est, quas nunc breviter explo-
demus.

§. 13. Scilicet, voluptatis causa servitus non est. Ut pomum decerpere liceat, ut spatari, ut cœnare in alieno possimus, servitus imponi non potest *l. 8. de servit.* sed tamen, *amœnitatis causa*, etiam aqua duci potest *l. 3. de aqu. quotid.* & cui ignota est servitus *prospectus*, quæ sine dubio, ad voluptatem pertinet? Si dicas, hæc etiam prædio utilia esse, cum ejus pretium augeant, tantundem etiam pro cæteris exem-

exemplis responderi potest. Sed non est, ut eo deveniamus, hoc unicuique sufficit, quod in arbitrio hominum sit, etiam voluptatis causa, servitutes efficere.

§. 14. Neque existimari debet, quod ex ejusmodi conventione, non *servitus*, sed *jus & obligatio personalis* saltem oriatur, quod itidem JCtis perivsum videtur *v. l. 13. pr. comm. præd.* nam quibus rationibus *jus reale*, in aliis exemplis, ostenditur, iisdem etiam illud, in præsentis exemplo, adstrui potest. Constituitur v. gr. *jus itineris*; hoc ad omnes transit, quia scilicet, intuitu prædiorum, generaliter constitutum est, adeoque nullus possessor alia conditione, rem comparare solet aut potest: Sed iisdem quoque conditionibus, *servitus*, voluptatis causa, constitui, adeoque ad omnes possessores transmitti poterit!

§. 15. Porro utilitas præstanda, non debet egredi usum prædii dominantis, & commercii causa, non valet *servitus l. 5. in fin. de S. P. R.* sed si tamen hoc agant vicini, nonne valebit conventio? Valebit, inquis, sed ad effectum juris & actionis personalis *v. HUBER in posit. ad l. de servit. n. 6. seqq.* Fateor, tale constitui posse, sed si plus intendat, & *jus reale* constituere velint, nonne & hoc valebit? nihil sane prohibet; Jura propter homines sunt reperta, & licet propter prædium, *jus* possessori concedatur, attamen nullaratio postulat, ut illud, usu prædii, circumscribamus, sed hæc circumscriptio otiosis speculationibus est introducta, ac ab usu vitæ civilis abhorret.

§. 16. Ulterius servitutum non ea natura esse censetur, ut aliquid faciat quis, veluti viridaria tollat, aut amœniorem prospectum præstet, aut in suo pingat: Sed ut aliquid patiatur, aut non faciat *l. 15. §. 1. de servit. l. 6. §. 2. si serv. vindic.* Verum & hoc ad inanes subtilitates referri debet: Si possessori prædii servientis obligatio, ad patiendum & non faciendum, imponi, eaque ad omnes futuros possessores transmitti potest, etiam obligationem, ad faciendum, eadem ratione, constituere licet, nam quæ transmissionis ratio, quoad illam allegari potest, eadem quoque, quoad hanc, obtinet; transit nimirum obligatio in futuros possessores, quia hi rem sine onere comparare non possunt, adeoque, hanc comparando, in onus illud consentiunt.

§. 17. Hodie igitur omnino servitutes, in faciendo consistentes, constitui possunt. Sic dantur furni & molendina bannalia, in quibus
VICI.

vicini aliquid facere, panem scilicet coquere, & moleretentur, illa autem jura bannaria, cum servitutibus, convenire censet D^N. STRYK *in continuat. usus moder. Pand. l. 8. tit. 1.* Neque vero hujus rei ratio specialis est, quasi non cum personis singularibus, sed integra universitate, quæ non moriatur, pacta incantur, quæ adeo futura etiam universitatis membra obligent; Nam causa transmissæ obligationis, non alia est, quam quod successores in onus, quod deprecari nequeunt, consentiant, quæ ratio, in singularibus etiam prædiorum possessoribus, obtinet.

§. 18. Non minus Rustici, operas suas, prædio vicini præstare tenentur, quo ipso servitus, in faciendo consistens, iterum apparet, cujus etiam nulla specialis est ratio, quasi non persona, sed prædium serviat, *das gut sey dienstpflichtig*, nam qua facilitate id, hoc casu, asseritur, eadem, in omnibus illud asseri potest, deinde falsum est, quod obligetur prædium; obligatio afficit personas, sed cum respectu ad prædium, cum vero, in hoc exemplo, obligatio transmissibilis, consensu hominum, effici queat, idem in aliis quoque fieri poterit.

§. 19. Et ut explicatius, de obligatione faciendi, circa res servientes, constet, arbitror, eam vel ex *ordinaria servitutum natura*, vel ex *conventionione speciali*, dependere. Primum quod attinet, distinguendum est, utrum *res serviens, soli prædii dominantis domino utilitatem afferat*, an *servientis domino quoque simul utilis sit*. Illo casu verum est, quod dominus prædii servientis, saltem aliquid pati, vel non facere teneatur: Hoc vero onus commune, ac, pro ratione utilitatis acceptæ, inter utrumque, distribuendum erit.

§. 20. Sic si quis servitutem viæ vel rivi, in meo agro, suæ saltem utilitatis gratia, habeat, is utique à me, ejus refectionem & purgationem frustra exiger, sed suis sumptibus eam peragere debet. Verum si alicui servitutem aquæ superfluæ, *des abfals*, concessero, quod in nonnullis urbibus non raro fieri solet, an dominus prædii dominantis, aquarium meum, *den Wassertrog*, aliaque instrumenta, quibus, ex hydraulo, aqua adducitur, facta recta conservare tenebitur? nemo hoc dixerit, sed hoc onus aut faciendi necessitas, ad dominum prædii servientis pertinet: Verum tamen est, quod ille tubos, aquæ in prædium suum derivandæ gratia, positos, suis sumptibus, debeat conservare integros, si servitute frui velit.

§. 21. Ita,

§. 21. Ita juxta ordinariam servitutum naturam pronunciandum putamus: Sed conventionem speciali, faciendi necessitas magis intendi potest. Sic poterit vicinus promittere, quod in usum prædii nostri certam ligni quantitatem equis suis advehere velit, nam ex hoc pacto, accedente possessione, non tantum jus, in omnes prædii dominantis possessores, transiturum, sed & obligatio, quemvis prædii servientis dominum, obstrictura, oritur, nec valet exceptio: *pactum non rem, sed personam afficere, adeoque promissorem, sua promissione, tertium obstringere non posse*, nam efficere tamen potest, ut tertius, si prædium habere velit, obligationem constitutam, in se debeat suscipere, quæ etiam unica, in omnibus servitutibus, transmissionis est ratio.

§. 22. Servitute *promissa*, oritur jus & actio personalis, qua tam ejus constitutio, quam id, quod pro ea promissum est, exigi potest: Quodsi, ante constitutionem, res servituta alienetur, sperata servitus intercidit, nec potest contra novum possessorem agi, sed alienatio, à futuri dominantis prædii domino, si rerum suarum satagat, facile impediri potest. *Constituta* autem servitute *v. §. 4. f.* oritur jus reale, quo, à quovis prædii servientis domino, intenta utilitas exigi potest.

§. 23. Hoc jus reale, eique respondens obligatio, ad quoscunque possessores transmittitur *l. 12. comm. præd. l. 23. §. 2. de S. R. P. l. 20. §. 1. de A. R. D.* est quoque individuum *l. 17. de servit. l. 72. de V. O. l. 1. §. 9. ad L. Falcid. VINN. §. 2. l. 1. c. 28.* quia scilicet objectum divisionem non recipit. Nonnullæ tamen servitutes, non tam *individue*, quam saltem *indivise* sunt, quas adeo dividere licet: Sic nihil vetat, quo minus jus pascendi, ex numero pecorum pascendorum, vel locis pastui destinatis, dividatur *v. l. 23. §. f. de S. R. P.*

§. 24. Censetur etiam servitus omnibus fundi partibus inhærere *l. 9. de servit. l. 13. §. 1. l. 21. 23. §. 3. de S. R. P.* ex quo deducunt, quod is, qui iter habet, per quamlibet fundi partem ire possit, sed ita, ut, certa parte electa, reliquæ liberæ sint, vel locus exercendæ servitutis, ex æquitatis præscripto, definiri debeat *l. 9. de servit. l. 13. §. 1. l. 26. de S. R. P.* Cæterum uti illimitata illa licentia, ad servitutes traditione constitutas, non pertinet, cum ipsa constitutio restrictionem necessario involvat, ita, ex veris hypothesibus, plane asserti non potest: obligatio serviendi, non Rei, sed Possessori inhæret, hinc, eam civiliter esse intelli-

telligendam de loco, in quo servitus exerceri solet, ultro liquet; Hoc factum, etiam cessant ambages, quæ licentiam illam, ex doctrina Romana, sequuntur.

§. 25. De cætero jus illud reale, varium est, pro diversa, quam intendimus, utilitate, eoque dominus prædii dominantis utitur, secundum ipsius naturam vel modum conventum *l. 10. §. 1. quemadm. serv. amitt. l. 24. de S. R. P. l. 11. commun. præd. l. 20. §. 1. de S. P. U. v. CARPZ. p. 2. Dec. 106.* Aliis ejus usum non concedit, nisi conventio id ei permittat *l. 24. 33 §. 1. de S. P. R.* aucto fundo, servitus quoque, in casibus habilibus, augetur *l. 3. §. 2. de aqu. quotid. & æstiv. l. 18. §. 1. de pign. act. l. 16. de pign. CARPZ. L. 1. Rsp. 45.* Ob jus suum, dominus prædii dominantis rem servientem quoque possidet *l. 32. §. 1. de S. P. U.* eamque à quovis possessore vindicat *tot. tit. si serv. vindic.* Dominus prædii servientis, servitutis usum impedire non debet *l. 13. §. 1. de S. P. R.* & nihil facere cogitur *l. 15. §. 1. de servit.* sed hoc ultimum servitutis natura non exigit *v. §. 16. seqq.*

§. 26. Amittitur servitus vel naturaliter ob consensum, vel civiliter, per præscriptionem. Prius contingit (1.) lapsu temporis *l. 4. de servit. l. 13. de S. R. P.* (2.) resolutio jure constituentis, qui revocabile dominium habuit *l. 11. §. 1. quemadm. serv. amitt. l. f. 8.* (3.) confusione, si quis utriusque prædii irrevocabiler & in solidum fiat dominus *l. 1. 15. quemadm. serv. amitt. l. 10. comm. prædior. l. 30. de S. P. U. vid. l. 8. §. 1. de serv. l. 30. §. 1. de S. P. U. l. 34. de S. P. R.* confusione temporaria intercedente, servitus, ea sublata, restituitur *l. 7. de fund. dot. l. 18. de serv. l. 9. comm. præd. l. 2. §. 18. de hered. & act. vend.* (4.) rei interitu *l. 8. §. 1. de serv. l. 13. de S. R. P. l. 20. §. 2. l. 31. de S. P. U. l. 14. quemadm. serv. amitt. l. 23. 24. quib. mod. usufr.* (5.) remissione expressa *l. 6. 14. §. 1. de serv. l. 17. in fin. comm. præd. & tacita l. 8. quemadm. serv. amitt. v. l. 21. de S. P. U. l. 20. præd. de S. P. R.* ejus qui plenum, irrevocabile & liberum habet dominium *v. l. 5. 7. de fund. dot.*

§. 27. Præscriptio extinctiva servitutum requirit (1.) possessionem libertatis, in hac constituitur dominus prædii servientis, quoad servitutes negativas, si actum servituti contrarium suscipiat, ac dominus prædii dominantis non contradicat *l. 6. 7. 32. §. 1. de S. P. U. l. 18. §. 2. quemadm. serv. amitt.* quoad affirmativas vero, si prædii dominantis dominus usum

usum penitus omittat *l. 10. 18. quemad. serv. amitt.* quodsi usus ex parte maneat v. gr. exemto tigno, foramen non obturaretur, tum possessio & præscriptio cessat. Hunc effectum cum incommode, à qualitate urbana, deduxerit Jctus in *l. 6. de S. P. U.* inde vulgaris error enatus est, quasi inter servitudes rusticas & urbanas, quoad præscriptionem, discrimen sit. OBSERV. LAUTERB. Obs. 260. conf. *l. 2. §. 1. l. 9. 11. pr. quemad. serv. amitt. l. 9. §. 1. si serv. vindic. l. 20. quib. mod. ususfr. amitt. l. 20. seqq. l. 19. §. 1. l. 10. pr. quemad. serv. amitt.*

§. 28. Postea requirit ex communi sententia (2.) *bonam fidem*, quæ tamen solum, quoad servitudes negativas & affirmativas, in quibus, ex facto domini prædii servientis, possessio libertatis oritur, necessaria videtur, nam quoad affirmativas, quæ solo non usu pereunt, incongrue eadem exigitur (3.) *lapsum temporis*. Requiritur longum tempus *l. p. C. de serv.* quodsi servitutis usus, per intervalla longiora, v. gr. mensium vel annorum, sit distinctus, duplicato tempore opus est *l. 7. quemad. serv. amitt. l. f. C. de servit.*

§. 29. Est quidem servitus realis, intervallis ejusmodi distincta, *servitus una*, quoad *essentiam*, eoque nomine differt ab usufructu alternis annis dato, ubi plures sunt usufructus *l. 13. de usufr. leg. l. 28. quib. mod. usufr. amitt.* nihilominus tamen est *servitus* quodammodo *duplex*, quoad *exercitium*, hinc ejus præscriptio duplicatum tempus exigit. Minora intervalla, dierum vel horarum, haud attenduntur, sed servitus, illis distincta, consveto tempore amittitur *d. l. 7. quemad. serv. amitt.* Jure Saxonico, dubio procul 30. anni, annus & dies, ad præscriptionem extinctivam regulariter requiruntur, quod tempus, in casibus memoratis, forte duplicandum non est.

§. 30. Illud obiter explicandum, cur usufructus alternis annis datus, plures involvat usufructus, servitus vero realis, ita constituta, una sit? Paulus in *l. 13. de usufr. legat.* ait, *vix servitus una est, quia natura sui habet intermissionem*, quæ tamen ratio nihil explicat. Videtur itaque potius differentię ratio inde dependere, quod usufructus *certe personæ*, servitus realis vero, *personæ in genere ac velut immortalis*, constitutatur, nam hoc posito, conditio: *si vivendo annum attigerit*, recte, illo casu, adjicitur, atque ita usufructus multiplicatur, sed, hoc casu, frustra eadem exigitur, hinc una est servitus.

§. 31. Illud hodie nihil refert, siue *ipso jure*, siue *ope exceptionis*, servitutem extingvi dicas, ut frustra omnino discrimen illud adhuc inculcent interpretes. Equidem EBERTUS *de eo quod sit ipf. jur. memb. 2. Sect. 1. n. 4. p. 257.* censet, *exceptionem pacti, ei non prodesse, qui prædium serviens usufruxerit, quia neque modo singulari neque universali, paciscenti, ex ejusdem voluntate, successerit; cum vero tutum esse futurum, si ipso jure prædium quæsitæ esset libertas.* Sed illa gratis finguntur: usufructus tantum operatur, quantum voluntaria translatio, hinc libertas pacto quæsitæ, usufructuanti omnino etiam prodest.

CAPUT XIV. DE VARIIS SERVITUTUM SPECIEBUS.

SUMMARIA.

Inter servitutes urbanas, est servitus oneris ferendi §. 1. Tigni immittendi & projiciendi §. 2. Altius tollendi & non tollendi §. 3. Luminum §. 4. Prospectus & alix §. 5. Ad rusticas pertinet iter actus & via §. 6.	Aquæ ductus & haustus nec non pecoris ad aquam appulsus §. 7. Servitus pascendi §. 8. A qua differt jus compascui §. 9. Jus calcis coquendæ & jura similia §. 10. Aliæ servitutes, Romanis incognitæ, etiam dantur §. 11. Jura prædiorum à servitutibus distinctæ §. 12.
--	---

§. 1.

Servitutes reales, distingvi in *Urbanas & Rusticas*, diximus *c. præc. §. 3.* Tam illarum, quam harum plures occurrunt species, quas tamen, sine illo discrimine, etiam recensere licet. Interim observato illo, potiores breviter commemorabo. Inter urbanas igitur occurrit (1.) *servitus oneris ferendi*, qua paries onus vicini sustinere cogitur *l. 33. de S. P. U.* ita ut res serviens, à domino sit reficienda *l. 6. §. 2. l. 8. si serv. vind.* quod hic singulare est, juxta hypothesin Romanas, ut frustra hoc neget STRAUCH. *dissert. 7. §. 11.* STRUV. *S. J. C. exerc. 13. §. 9. 34.* Hodie tamen nihil singulare est, cum necessitas faciendi, omnibus servitutibus, positis terminis habilibus, conveniat *c. præc. §. 16. seqq.*

§. 2. Por-

§. 2. Porro (2.) *servitus tigni immittendi*, qua vicino licet trabem vel simile quid immittere in vicini parietem *l. 20. 25. de S. P. U. l. 8. §. 1. si serv. vind. l. 242. §. 1. de V. S.* serviens parietem non reficit *l. 8. §. 2. si serv. vind.* quod hactenus admitti potest, si paries soli prædio dominantis serviat, sed si servienti quoque utilitatem & quidem, quod plerumque fieri solet, præcipuam exhibeat, ad hujus dominum quoque refectio pertinebit (3.) *Projiciendi protegendive*, qua quis, ex ædificio suo, aliquid, supra vicini aream, ita porrectum habet, ut in vicini re non requiescat *l. 2. 20. de S. P. U. l. 80. §. 1. de C. E. V. l. 242. §. 1. de V. S.*

§. 3. Servitus (4.) *altius tollendi & non tollendi*, qua quis ædes suas altius tollere prohibetur, adeoque hoc jus soli vicino relinquere cogitur *l. 2. 9. 12. 14. 24. de S. P. U. l. 8. C. de servit.* nam una servitus est: prior denominatio, *jus*, posterior, *obligationem* exprimit. Vulgaris explicatio, quæ jus altius tollendi, in casu statuti, libertatem ædificandi restringentis, locum habere censet, parum probabilis est, nam ejusmodi statuta, quibus conventionione privata derogari queat, non dantur, præterea, iis admissis, non servitus altius tollendi conventionione introducit, sed libertas saltem restituitur. Sententia CARPZOVII p. 2. C. 41. D. 13. qua servitutem altius tollendi ex eo æstimat, si vicinus in usum nostrum, ædes suas altius tollere teneatur, moribus nostris etiam admitti potest.

§. 4. Servitus (4.) *Luminum & ne luminibus officiat*, qua vicinus luminis alterius officere prohibetur, nam & hic una servitus est, cuius altera denominatio, prædium dominans, altera serviens respicit, in quem sensum accipienda *l. 4. 15. 16. 17. pr. §. 1. 2. l. 23. de S. P. U.* De cætero illa servitus vel respicit parietem *alienum* aut *commune*, ubi quidem ejus necessitas facile apparet *l. 40. de S. P. U. l. 8. C. de servit.* vel *proprium*, hujus intuitu, illa quidem necessaria non videtur, cum, jure libertatis, proprium parietem quis aperire queat *v. l. 8. §. 5. si serv. vind. CARPZ. p. 2. C. 41. D. 12.* verum si nolit, ut vicinus contra ædificet *v. l. 9. 10. de S. P. U.* servitute omnino opus est.

§. 5. Ulterius servitus (6.) *prospectus & ne prospectui officiat*, qui termini quoque eandem rem norant, sed cum relatione antea notata *v. l. 15. 16. de S. P. U.* (7.) *servitus fumi* *l. 8. §. 5. si serv. vindic.* (8.) *positum non habendi* *l. 17. §. 1. eod.* quæ omnes, ex solo fere nomine

intelliguntur (9.) *servitus cloacæ immittendæ*, qua quis colluviem, per fossam, vel incile, in vicini aream derivare potest l. 7. de *servit. l. un. §. 4. 6. de cloac.* (10.) *stillicidii aut fluminis avertendi*, qua aquam, in aream vicini avertere possumus, eo casu, quo per libertatem hoc non licebat, aut, cum liceret, facultatem mutandi rem suam, vicino auferimus v. l. 20. §. 3. de *S. P. U.* (11.) *stillicidii aut fluminis non avertendi*, ob quam stillicidium, quod tamen libertas permittebat, in vicini fundum avertere non possumus vid. STRAUCH. *dissert. 7. §. 13.*

§. 6. Ad servitutes rusticas pertinet (1.) *iter* quod est jus eundi, ambulandi per prædium vicinum l. 1. 7. 12. de *S. P. R. l. 20. quemad. serv. amitt. l. 1. §. p. de itin. actuque priv.* (2.) *actus* i. e. jus agendi jumentum vel vehiculum, per prædium alienum l. 1. pr. l. 7. 12. 13. §. 2. de *S. P. R. l. 13. de servit. l. 58. de V. O. l. 9. §. 2. de novat. l. 4. §. 1 si serv. vindic.* (3.) *Via*, quæ est servitus eundi, ambulandi, agendi, lapidem ad tignum trahendi & hastam rectam ferendi l. 1. pr. l. 7. pr. l. 8. l. 13. §. 2. l. 23. de *S. P. R. Weichbild art. 130.* quod ultimum nonnulli de militibus Romanis, qui hastas ita gestaverint, exaudiunt v. STRAUCH. *dissert. 7. §. 7.* alii vehicula, ad hastæ altitudinem, onerata per viam duci posse censent v. STRYK in *contin. usus modern. ff. l. 8. tit. 3. §. 5. de cætero possunt illæ servitutes, pluribus per eundem locum concedi l. 15. comm. prædior.*

§. 7. Servitus (4.) *aqueductus*, qua per vicini prædium aquam ducimus l. 1. pr. l. 9. de *S. P. R. l. 1. §. 5. de aqu. quotid. v. l. 24. 29. de S. P. R.* cæterum id accipiendum est de eo casu, ubi per rivos aqua ducitur, si autem, intuitu ædificiorum, aqua per tubos ducatur, tum aqueductus servitutibus urbanis potius accenseri debet (§.) *aquæ hauritus*, qua ex alieno fundo, aquam haurire licet l. 1. §. 1. l. 9. l. 3. §. 3. de *S. P. R. l. 17. quemad. servit. amitt. CARPZ. p. 2. C. 41. D. 16.* (6.) *pecoris ad aquam appulsus*, qua pecora ad fontem vel flumen vicini agere possumus l. 1. §. 1. l. 2. §. 1. 2. l. 45. de *S. P. R. l. 1. §. 18. de aqu. quotid.*

§. 8. Servitus (7.) *pascendi*, qua pecora, in alieno fundo pascere licet l. 4. l. 13. §. 1. de *S. P. R. CARPZ. p. 2. C. 41. D. 1.* in locis publicis, auf der *gememen Weyde*, non jure servitutis, sed universitatis, pecora pascuntur v. CARPZ. d. p. 2. C. 41. D. 7. Dominus prædii servientis, peco-

pecora quoque sua, in loco concessio, pascere potest v. BERLICH *De-cif.* 201. CARPZ. d. l. D. 8. dominus vero prædii dominantis, in exercitio hujusjuris, locum & tempus pastui destinatum, ut & speciem & numerum animalium pascendorum observare renetur v. CARPZ. p. 2. Dec. 106. DN. BARTH. *dissert.* de jure pascendi *hab.* Lips. 1693.

§. 9. A jure pascendi, distingvi solet jus compascui *die Kuppel-Weide*, quod mutuum precarium esse censetur, adeoque nullo tempore præscribitur, ac semper ei renunciari potest CARPZ. p. 2. C. 41. D. 9. quod hætenus admitti potest, quatenus, in nudæ familiaritatis & benevolæ concessionis terminis, res illa consistit. Sed uti dubitandum non est, quin aliquando possessio mutari, atque ita constans jus acquiri queat, ita si cohabitantium utilitas, communionem pascendi exigat, consuetudine illa sic confirmari potest, ut ei renunciare non liceat v. MEY. p. 5. D. 252.

§. 10. Præterea servitutibus rusticis annumeratur (8.) jus calcis coquendæ (9.) arenæ (10.) cretæ fodiendæ (11.) lapides eximendi l. 1. §. 1. l. 5. 6. §. 1. de S. P. R. (12.) fructus in vicina villa cogendi (13.) pedamenta ad vineam, ex vicini prædio, sumendi l. 3. §. 1. *cod.* (14.) navigandi per lacum in alterius fundum l. 23. §. 1. *cod.* & similia, quæ solo fere nomine satis explicantur, ut definitiones addere, operæ pretium non sit.

§. 11. Sed illa, exemplorum loco, haberi debent, nam plures alias servitutes, pro ratione variorum commodorum & incommodorum, constitui posse, certum est, inprimis si suspectas Romanorum hypothefes removeas. Sic jus venandi, in agris & sylvis alienis, aut in specie, jus capiendi alaudas, *das lerchen streichen* servitutibus hodie recte annumerabitur, licet, ex principiis Romanis, sit incognitum. Potest etiam talis servitus constitui, ut vicinus aquam, ex tecto nostro manantem, canali suo excipere cogatur, qualis inprimis locum invenire potest, si ædes pinnaculo conspicuæ, ædificiis frontem exhibentibus, sint permixtæ.

§. 12. Dantur alias jura quoque alia, quæ prædiis velut inhærent, ut jurisdictio, jus Patronatus, metallifodinarum similiaque, nec non jus coquendi vel vendendi cerevisiam, quæ pro servitutibus haberi non posse videntur. Discrimen forte ita generaliter constituendum est, ut
toties

toties servitutem adesse dicamus, quoties, ex prædio vicini, utilitas percipitur, aliud jus vero, servituti contradistingvendum, asseramus quoties indefinite ex aliis utilitas aliqua nobis obvenit. Sæpe etiam jura ejusmodi nihil aliud sunt, quam partes aut effectus domini, cer- jus braxandi seu coquendi cerevisiam, tale est, quamdiu lex positivum dominium non restrinxit.

CAPUT XV. DE ACTIONE CONFESSORIA ET NEGATORIA.

SUMMARIUM.

Actionis confessoriæ natura & varietas §. 1.

Fundamentum §. 2.

Datur ei, cui servitus est constituta §. 3.

Dominium prædii dominantis non est probandum §. 4.

In specie competit actio hæc emphyteutæ similibusque §. 5.

Actionis hujus objectum §. 6.

Extensio §. 7.

Actio negatoria est species rei vindicationis §. 8.

Oritur ex dominio libero §. 9.

Ejus subjectum §. 10. Et objectum §. 11.

Controversiæ de dominio, rerum corporalium & de servitute, incorporalium non recte dicuntur §. 12.

Circa servitutes, datur actio negativa petitoria & possessoria, circa dominium, tantum possessoria §. 13. 14.

§. 1.



Servitutibus personalibus & realibus commune est, quod certis quibusdam actionibus defendi aut oppugnari queant. Eo pertinent remedia possessoria l. 1. §. 9. l. 3. §. 13. 14. 17. de vi & vi arm. l. fin. uti possidetis tit. de itin. actuque priv. & seqq. & petitoria, nempe Actio Confessoria & Negatoria. Illa est actio realis, ex servitute constituta descendens, qua res serviens à quovis possessore, ad effectum percipiendæ utilitatis concessæ, repetitur v. l. 2. pr. l. 6. §. 3. l. 8. §. 3. 4. si serv. vind. l. 5. pr. §. 1. si ususfr. petat. Distinguitur in directam & utilem l. 16. de servit. sed illis tricis non utimur.

§. 2. Descendit ex servitute constituta, reali vel personali, quam probanda l. 9. C. de serv. Ex regulis tamen prudentiæ, tum demum actio confessoria institui debet, si adversarius sit in possessione libertatis, nam alias, si quis rem servantem possideat, eum, qui ad libertatem

adsp.

adspirat, seque in exercitio servitutis turbat, interdicto retinendæ possessionis potius repellit, ac possessione tamdiu fruitur, donec actio negatoria, ab adversario instituenda, ad finem fuerit perducta.

§. 3. Competit confessoria illi, cui, vel cujus prædio servitus est constituta *l. 5. pr. si ususfr. petat. l. 2. §. 1. l. 6. §. 3. si serv. vindic.* etiam ei, qui rei dominantis in solidum dominus non est *l. 4. §. 3. l. 6. §. 4. si serv. vind.* licet servitutem quasi possideat, quod velut singulare ex *l. 6. §. 1. si serv. vind.* notare solent v. LAUTERB. C. J. d. t. lit. S. sed nihil singulare est; dominus etiam, qui Rei vindicatione utitur, dominium possidet, rem tamen non habet, hinc vindicatione opus est: Ita is, cui servitus constituta, jus quidem habet, sed res serviens ei est ablata, quam adeo actione repetit: Fluunt hoc, aliaque ejus generis singularia, ex quasi possessione & vindicatione rerum incorporalium, quam frustra sibi hic imaginantur interpretes.

§. 4. Licet vero domino dominantis prædii confessoria detur, attamen, si in possessione prædii sit, ejus dominium probare non tenetur, nam de hoc regulariter non est controversia, sed de servitutis jure quæritur; præterea si dominus prædii serviensis, actoris dominium, in dubium etiam vocare velit, contra ipsum sufficit sola possessio, nisi forte, sibi dominium competere, ostendere nitatur. Quod si autem quis servitutem fundo, quem non possidet, vindicare velit, tum ei quæstio præjudicialis de dominio, recte movebitur, hinc etiam cum effectu confessoriam instituere non poterit, nisi dominio prædii dominantis probato *l. 16. 17. de except.*

§. 5. Datur etiam confessoria Emphyteutæ *l. 16. de servit. super. ficiario l. 1. §. f. de superfic. l. 3. §. 3. de nov. oper. nunc. vasallo II. f. 8.* creditori cui fundus oppignoratus *l. 16. de serv. l. 9. de nov. oper. nunc. usufructuario, ad vindicandas servitutes, fundo fructuario debitas l. un. §. 4. de remiss.* Uti autem, hisce casibus, nomen actionis utilis gerit, ita in primis circa usufructuarium, Romani tricantur, ceu liquet ex *l. 1. pr. l. 5. §. 1. si ususfr. pet. l. 1. §. fin. de nov. oper. nunc. l. un. §. 3. 4. de remiss.* quarum tricarum hodie nulla est utilitas.

§. 6. Datur hæc actio contra dominum prædii serviendis *l. 6. §. 3. l. 4. §. 4. si serv. vind.* & quemvis impedientem *l. 10. §. 1. cod. l. 5. §. 1. si ususfr. pet.* ad vindicandam rem serviensem, non servitutem con-

Eec

stitu-

stitutam, ut vulgo dicunt v. LAUTERB. C. J. si serv. vind. lit. O. nam eadem res non poterit simul esse actionis *fundamentum & objectum*, adeoque eodem tempore, penes actorem existere & non existere v. OBSERV. LAUTERB. Obs. 254. præter rem servientem, exiguntur etiam fructus intercepti l. 4. §. 2. l. 6. §. 6. si serv. vind. l. 5. §. 3. fin. si usufr. pet. ut & cautio l. 7. si serv. vind. l. 3. C. de V. & R. S. CARPZ. 1. Rsp. 20. 69. contra contumacem juratur in litem d. l. 7. quæ tamen coercendi ratio, hodie non videtur usitata

§. 7. Solet usus actionis confessoria, ad defensionem aliorum iurium, ut jurisdictionis patrimonialis, juris Patronatus, decimarum, operarum, juris venandi & similibus, ab interpretibus extendi, nam *utilis confessoria*, eorum intuitu locum habere censetur, id quod hætenus admitti potest, quatenus jura illa, in fundo alieno, exercentur, aut si proprium respiciant, quod, circa jurisdictionem & jus venandi, non raro contingere potest, tum potius *Rei vindicatio* asserenda videtur. Sed nolim de his contendere, nam de solo nomine quæstio est, quin enim jura illa, actionem, naturæ suæ convenientem, producant, dubitari non debet.

§. 8. Actioni Confessoria opponuntur *Negatoria*, quæ est *ipsa rei vindicatio, qua dominus prædii liberi, rem suam, ab alio, ex prætenfa servitute, possessam, cum fructibus vindicat v. l. 2. pr. l. 4. §. 7. si serv. vind. l. 5. si usufr. pet.* Est revera species rei vindicationis, quod nonnullis forte paradoxon videbitur, differt tamen à consveta rei vindicatione in eo, quod hæc detur contra eum, qui rem nostram ut dominus possidet, hinc etiam actor dominium probare debet, sed Negatoria contra illum, qui rem nostram ex prætenfa servitute, adeoque particulariter saltem, tenet, hinc etiam non de *dominio* (utpote cujus respectu, actor in possessione non controversa est, adeoque eadem secure hætenus nititur) sed de *ejus libertate*, ac *opposita servitute* solum quæritur, ad quam omnis etiam probatio dirigenda.

§. 9. Descendit hæc actio ex *dominio libero*, cumque libertas præsumatur, constitutio vero servitutis, sit facti, ac ejus negatio, morali æstimatione, probari nequeat, hinc, ex veriori sententia, actor non debet probare dominii libertatem, sed possessor potius & reus, tenetur probare servitutem CARPZ. l. 1. Rsp. 67. RICHTER Decis. 18. n. 63.

v. OBSERV. LAUTERB. *Obs.* 256. quin tamen actor probationem elisivam, qua scilicet Rei probationem elidere conatur, suscipere debeat, dubitandum non est.

§. 10. Datur actio negatoria domino prædii liberi v. l. 2. pr. l. 4. §. 7. *si serv. vind. l. 5. si ususfr. pet.* contra illum, qui, ex prætenfa servitute, rem ejus possidet. Quando autem possessionem, à parte adversarii, requirimus, hoc non, in eam partem, accipiendum est, quasi actio negatoria non etiam possit institui contra eum, qui prima vice servitutem sibi asserit, adeoque hætenus in ejus possessione nondum est. Potest sane hic etiam actione negatoria conveniri v. l. 8. §. 5. l. 17. pr. *si serv. vind.* sed consultum non est, rectius ille, interdicto retinendæ possessionis, repellitur: Verum ubi adversarius in possessorio vel obtinuit, vel victurus præsumitur, tum actio negatoria, in subsidium vocanda est.

§. 11. Vindicatur res nostra, ab altero, ex prætenfa servitute, de-tenta: Actor quidem rem possidet civiliter, ut dominus, sed adversarius eam quoque tenet naturaliter, ex jactato servitutis jure; hac igitur possessione ut ille abscedat, & rem liberam nobis reddat, ac imposterum relinquat, actione negatoria exigimus v. l. 6. §. f. *arb. furt. cæs. l. f. de arbor. cæd. l. 9. §. 2. in fin. de damn. inf.* Cautio quoque l. 7. 12. *si serv. vind.* & fructus l. 5. §. f. *si ususfr. pet. l. 4. §. 2. si serv. vind.* hac actione petuntur, quemadmodum etiam certum est, quod illi, qui in rebus nostris, alia jura, quæ, ex hypothesibus præcipue Romanis, pro servitutibus haberi nequeunt, sibi asserunt; actione negatoria repelliqueant add. LAUTERB. C. J. *de servit. seqq.*

§. 12. Inolitum valde præjudicium est, quo controversiæ de dominio, rerum corporalium, de servitute, rerum incorporalium esse existimantur, quod nullo niti fundamento, ex hætenus dictis satis liquet. Sunt controversiæ illæ, ejusdem plane indolis: dominus nititur dominio, & petit rem corporalem propriam; quando servitus vel asseritur, vel negatur, actor quoque se fundat vel in jure servitutis, vel domini liberi, ac petit rem corporalem servientem vel liberam. Hoc unicum ergo errori ansam præbuisse videtur, quod, illo casu, res tota, hoc vero, ex parte, quatenus servit, aut libera est, petatur. Ipsi Romani illo præjudicio laborant v. l. 14. 20. *de servit.* & Justinianus §. 2.

I. de action. ait: *actionem negatoriam, in controversus rerum corporalium, non esse proditam, quæ adeo locutio parum apta censeretur.*

§ 13. Interim verum est, quod non eadem agendi ratio occurrat circa servitutem & dominium: *Illa* asseri & negari potest, adeoque, circa eam, occurrit actio confessoria & negatoria. *Hoc* tantum asseri debet, ejus vero negatio vel inutilis, vel non necessaria est, nam si alius rem teneas, & alius se jactet dominum, non opus est, ut illum actione negativa repellas, cum possessione secure niti, & jactatoris actionem expectare tibi liceat, hinc, circa dominium, tantum actio affirmativa non negativa datur.

§ 14. Quodsi tamen, te possidente, alius non tantum se jactet dominum, sed & à verbis ad facta procedat, ac possessionem arripiat, tum interdicto retinendæ possessionis repelli potest, quod etiam actio negatoria est, eo præcipue casu, quo alterius possessio, est recens, nam tum sufficit eam negasse, atque ita usus actionis negatorię, circa dominium, quoque conspicitur. Breviter: circa servitutem datur actio *negativa, petitoria & possessoria*, sed, circa dominium, tantum *possessoria*. Atque hic forte est ille *unus casus*, quo possessorem actione negatoria agere, dixit Justinianus §. 2. *I. de action.* id quod, ex collatione *l. 1. §. 6. uti possid.* etiam probabile fit, de qua controversia joculari pluscula dixi in OBSERV. LAUTERB. *Obj.* 257. & in DISSERTAT. EPISTOL. ad D. Jauchium.

CAPUT XVI. DE PIGNORIBUS.

S U M M A R I A.

Pignoris diversa acceptio §. 1.
Sumitur id imprimis pro jure reali §. 2.
Ejus varietas §. 3. 4.
Pignus privatum constituit dominus liber §. 5. 6.
Ultima voluntate vel conventionem §. 7.
In omnis generis rebus §. 8.
Effectus pignoris constituti §. 9.
Petitur res oppignorata interdicto Salviano §. 9.
10. 11.
Et actione hypothecaria §. 12.

Ejus fundamentum §. 13.
Datur creditori §. 14.
Contra quemvis possessorem §. 15.
Ad consequendam rem oppignoratam §. 16.
Actionis hypothecarię præscriptio §. 17.
Comparatio cum interdicto Salviano §. 18.
Pignus operatur retentionem §. 19.
Et prælationem §. 20.
Quæ ex modo constituendi & tempore aestimantur §. 21. 22. 23.

Ac in omnis generis pignoribus locum habet §. 24.

Pignus alienare potest debitor §. 25.

Et creditor §. 26. 27.

Modus & effectus distractionis legitimæ §. 28.

Et illegitimæ §. 29.

Aliquando pignora publica autoritate distrahuntur §. 30.

Pignus tollitur cum obligatione principali §. 31.

Et seorsum variis modis §. 32. 33.

§. 1.



Discipendum nunc est de *Pignoribus*, quæ, ob securitatem crediti, in re aliena acquiruntur v. c. 11. §. 1. Pignus accipitur vel pro re, in securitatem crediti, obligata §. f. l. quib. mod. de contrah. l. 1. §. 6. de O. & A. t. t. ff. & C. de distract. pign. vel pro contractu, quo nexus pigneratitius producitur l. 1. §. 4. de pact. l. 1. §. 2. commod. vel pro jure reali, securitatis gratia constituto l. 26. de pign. action. t. t. in quib. caus. pign. tac. contrah. t. t. quib. mod. pign. solv.

§. 2. Ultimus significatus huc pertinet, est ergo Pignus, *jus reale*, Creditori, ad crediti securitatem, in re debitoris, legitime constitutum v. l. 30. de noxal. action. l. 19. de damm. infect. l. 18. §. 2. de pignor. action. l. 12. C. de distract. pign. l. 15. C. de pignor. Quodsi res Creditori tradatur, tum oritur pignus in specie, si autem debitor in possessione rei suæ maneat, Hypotheca existit, quibus nominibus, tam res ipsa, quam jus circa eam, significatur v. §. 7. l. de action. l. 9. §. 2. de pign. act. l. 238. §. 2. de V. S. Manet tamen etiam pignoris significatus generalis, eoque nomine sæpe hypotheca comprehenditur t. t. in quib. caus. pign. vel hypoth. t. t. quib. mod. pign. solv.

§. 3. Dividitur pignus (1.) à modo constituendi, in publicum, quod autoritate publica, & privatum, quod privatorum consensu constituitur. Illud iterum est vel legale, quod à lege, sine facto aliquo, ad hoc directo l. 1. C. comm. de Legat. l. 4. de pact. l. 4. 6. in quib. caus. pign. tac. vel judiciale, quod à judice introducitur, hoc iterum est vel judiciale in specie, quod ex causa judicati capitur l. 23. C. si in caus. judic. vel prætorium, quod ob contumaciam, per missionem ex primo decreto factam introducitur l. 26. de pign. action. t. t. quib. ex caus. in possess. quod ultimum hodie non adeo usitatum est, cum contumacia debitoris alio modo coerceri soleat v. CARPZ. p. 1. C. 9. D. 14. seqq. Hoc (privatum)

est vel testamentarium, quod ex testamento v. l. 26. de pign. act. l. 12. de aliment. leg. l. 1. C. comm. de legat. vel conventionale, quod ex conventionne, vel nuda l. 1. de pign. act. l. 4. de pign. l. 17. §. 2. de pact. vel traditione munita l. 1. §. 6. de O. & A. dependet.

§. 4. Deinde (2.) ab *objecto*, distinguitur in *speciale*, quod certas res afficit l. 16. l. 29. §. 1. de pign. l. 18. §. 2. de pign. action. & *generale*, quod ad omnes res, præsentis & futuras, corporales & incorporales, juxta stilum vulgarem, seu rectius, apud debitorem, vel alios, existentes, pertinet l. f. C. quæ res pign. oblig. poss. Uti vero ex merito excipiuntur, quas quis verosimiliter non est oppignoraturus l. 6. 7. 8. de pignor. ita, quoad res oppignorari solitas, non infrequentes sunt voluntatis quæstiones, mentio tamen mobilium & immobilium, nomina non excludit v. CARPZ. p. 2. C. 23. D. 7. quod eo facilius admitti potest, quod certius est, quod nominum objecta, necessario vel ad mobilia vel immobilia spectent.

§. 5. Pignus privatum constituit dominus liber l. f. C. de reb. alien. non alienand. etiam in parte indivisa l. un. C. si comm. res pign. det. per procuratorem quoque sufficienti mandato instructum l. 1. C. si alien. res pign. l. 11. §. f. l. 12. de pign. action. Valet etiam pignus sine domini voluntate constitutum, si vel in ejus utilitatem contractum sit l. 1. C. si res alien. pign. vel rati habitio sequatur l. 20. de pign. action. bonæ fidei possessor est instar domini l. 18. de pignor. Tutor & curator pignus valide constituit l. 11. §. f. l. 16. de pign. action. si hoc re pupilli vel adulti sit l. 3. C. si res alien. pign. l. 10. §. 1. de curat. furios. accedente quandoque judicis decreto t. 1. de reb. cor. qui sub tutel. t. 1. C. de præd. minor.

§. 6. Quod si igitur domino libertas alienandi sit adempta, is rem suam oppignorare nequit; exempla sunt in milite, vasallo & marito, qui arma l. 14. §. 1. de re milit. feudum II. f. 55. & fundum dotalem t. 1. de fund. dotal. oppignorare prohibentur. Multo minus is, qui dominium non habet, pignus constituere potest l. 5. 6. C. si alien. res pign. dat. convalescit tamen pignus, si non domino constituenti, verus dominus succedat l. 22. de pignor. nec oberit contraditio Pauli in l. 41. de pign. act. cum enim, in applicatione juris constituti, ille erraverit, ejus sententia non tantum potest, sed & debet rejici v. OBSERV. LAUTERB. Obs. 54. 655.

§. 7. Con-

§. 7. Constituitur pignus privatum vel in ultima voluntate *l. 26. de pign. action. l. 12. de alim.* vel per conventionem, & quidem vel ita, ut res penes debitorem maneat, quæ *conventio nuda* dicitur, vel ut creditori sit tradenda *v. §. 3. infin.* quo casu, *contractus pignoratitius realis*, jure civili, adest, sed hodie, non obstante tradendi necessitate, illum esse consensualem, suo loco ostendam *v. OBSERV. LAUTERB. Obs. 656.* Scriptura regulariter pertinet ad probationem *l. 4. de pignor.* publica insuper tribuit prælationem *l. 11. C. qui potior in pign.* sed hic effectus hodie, quoad res immobiles, à constitutione judiciali, in nonnullis regionibus, dependet *v. CARPZ. p. 2. C. 23. D. 1. seqq. Decis. Saxon. 38.*

§. 8. Pignus constituitur in omnibus rebus propriis *l. 4. que res pign. dat. l. 6. C. si alien. res pign. l. 11. §. 2. de pign.* quæ alienari possunt *l. 9. §. 1. de pign.* quæque oppignorari solent, hinc res alienæ, vel alienari prohibita *v. §. 6. aut quotidiani usus v. l. 7. 8. C. que res pign. oblig.* vel in quas cadit singularis affectio, aliaque exceptionis ratio, pignoris nexu non constringuntur. In specie nomina recte oppignorantur *l. 4. C. que res pign. oblig.* quo casu pignus, saltem *jus personale* est. Poterit etiam servitus pignoris causa constitui, vel constituta alteri oppignorari, aut pignoris nomine, domino prædii servientis, remitti *v. OBSERV. LAUTERB. Obs. 667. 668.*

§. 9. Effectus pignoris constituti, consistit in jure *persecutionis, retentionis, prælationis & distractionis.* Ad persequendum pignus, competunt remedia *possessoria & petitoria.* Illa quod attinet, dubitandum non est, quin Creditor possessionem pignoris semel obtentam, interdicto recuperandæ *l. 1. §. 9. de vi & retinendæ possessionis l. 1. §. 8. l. 3. §. 8. l. 4. uti possid.* pro casuum diversitate, defendere queat. Quod si autem possessionem nondum habuerit, tum competit ei *Interdictum Salvianum*, quod est *actio realis, qua Creditor pignoris, quod nondum tenuit, possessionem à debitore, ac tertio, qui ab illo causam habet, & valida aliqua præsumptione non munitur, postulat.*

§. 10. Est interdictum adipiscendæ possessionis, ac solet in *directum & utile* distingui, quæ sollicitudo hodie supervacanea est. Fundamentum ejus est, *jus pignoris, ex oppignoratione præsumtum*, hinc Creditor nihil nisi oppignorationem probare debet, nam, hac probata, *jus pignoris, contra ipsum debitorem, & eum, qui ab illo causam habet,*

habet, præsumitur, adeo ut, nulla honesta ratione, rei præstationem deprecari queant, sed, ad eam faciendam, processu summario merito adigantur.

§. 11. Datur hoc interdictum Creditori & hæredibus, nam jus pignoris est transmissibile; contra debitorem & hæredes, qui pignus possident, etiam contra tertium possessorem, qui ab illis causam habet, nec propria aliqua præsumptione munitur *l. 1. de Salv. interd.* quod si autem vel ab iis rem non acceperit, aut jure aliquo proprio sit tutus, ut si oppignoratio liquido satis probari nequeat *v. l. 2. de Salv. interd.* aut possessor statim ostendat, oppignorantem & alienantem, non fuisse dominum, tunc interdictum inefficax est, quo referenda *l. 1. C. de precar.* Petitur autem hoc interdicto rei possessio & consequenter res ipsa.

§. 12. Remedium petitorium est Actio *Hypothecaria v. l. 17. ff. l. 18. C. de pign.* quæ aliquando etiam *Pigneratitia* dicitur *l. 22. de pign. l. 41. de pign. action.* Est autem actio realis, qua rem oppignoratam Creditor, à quovis possessore vindicat. *l. 66. de evict.* Vocatur Prætoria *l. 17. §. 2. de pact.* §. 7. *l. de action.* arbitraria §. 31. *l. de act.* dividitur quoque in *Servianam* & *quasi Servianam d. §. 7. l. de action.* sed ista fori Romani stribligine hodie necessario non utimur *v. OBSERV. LAUTERB. Obs. 657.*

§. 13. Oritur ex jure pignoris taciti vel expressi §. 7. *l. de action.* *l. 1. C. comm. de legat. l. 2. C. de pign. prætor.* hinc actor rem in bonis debitoris *v. l. 18. de pign.* & pignus legitime constitutum fuisse *l. 15. §. 1. de pign. l. 6. C. si alien. res pign.* nec non adversarii possessionem *l. 16. §. 3. de pign.* probare debet, quamvis hæc quoad immobilia, sæpe sit notoria, ut probatione aliqua tum opus non sit.

§. 14. Datur hypothecaria Creditoribus & hæredibus, singulis in solidum *l. 1. C. si un. ex plurib.* etiam cessionario *l. fin. C. de H. & A. vend.* adversus debitorem & hæredes quatenus possident, ad effectum solidi debiti consequendi *l. 2. C. si un. ex plurib.* & est in arbitrio creditoris, num contra hos actione personali, an hypothecaria agere velit, poterit etiam utraque actio cumulari eodem libello, ac vel debitum, vel, eo non soluto, pignus peti.

§. 15. Competit etiam contra tertium possessorem *l. 16. §. 3. de pign.* &

& olim in arbitrio Creditoriserat, vel contra debitorem, actione personali, vel tertium possessorem, hypothecaria agere *l. 10. 24. C. de pignor. l. f. C. de O. & A.* sed novo jure huic competit beneficium excussionis *Nov. 4. c. 2. auth.* sed hodie *C. de O. & A. auth.* hoc si *C. de pign.* etiam in speciali hypotheca *v. OBSERV. LAUTERB. Obsf. 658.* aut si nomen oppignoratium ac, post oppignorationem, alteri cessum sit, nam cessionario laudatum beneficium quoque tribuendum *v. OBSERV. LAUTERB. Obsf. 668. n. 2.* Cum porro pignoris persecutio, saltem ob debitum personale competat, hinc tertius etiam possessor admoneri potest, ut vel solvat, vel pignore abscedat, ut rectius omnino libellus, in hypothecaria, alternative quam pure concipiatur *v. OBSERV. LAUTERB. Obsf. 54.*

§. 16. Petuntur res oppignoratæ *l. 1. §. 1. l. 16. §. 2. l. 29. §. 2. de pignor. l. 4. 7. in quib. causf. pign. tac.* & nihil refert, siue creditor eas antea possederit, siue nunc demum possessionem consequi laboret, ad prudentiam tamen actoris pertinet, ut, quoties fieri potest, interdicto potius, quam hac actione rem persequatur. Aliquando etiam petuntur fructus *l. 16. §. 4. de pignor.* sicut vice versa, impensæ nonnunquam possessori præstandæ sunt *l. 29. §. 2. de pignor.* contra contumaces juratur in litem *l. 16. §. 3. de pign.* quod hodie eo saltem casu obtinere puto, quo res dolo possessoris periit. Potest etiam Creditor res oppignoras, propria autoritate occupare, si ita conventum sit, nec possessor resistat *l. pen. C. de pign. action. l. 3. C. de pignor. STRUV. S. J. C. exerc. 26. §. 41.*

§. 17. Præscribitur actio hypothecaria, extraneo b. f. possidente, longo tempore *l. 1. 2. si adversf. cred. præscript. opp. l. fin. C. de O & A.* mala fide, triginta, debitore ipso & hæredibus possidentibus, quadraginta annis *l. 7. pr. §. 1. C. de præscript. 30. vel 40. annor.* quæ sanctio specialis tum usum habet, si obligatio & actio principalis, per interpellationem, ultra triginta annos conservetur, nam, eadem, per præscriptionem triennalem, sublata, hypothecaria necessario quoque evanescit *v. OBSERV. LAUTERB. Obsf. 659.*

§. 18. Cum autem actio hypothecaria & interdictum Salvianum, quoad scopum principalem, conveniant, poterant plane eadem actiones videri, sed discrimen illorum, à *diverso juris pignoratitii statu* de-

pendet; si enim sit evidens, id quod, ex conditione adversarii, plerumque cognoscitur, tum instituitur interdictum Salvianum, si vero sit obscurum, actio hypothecaria est movenda. Hinc illud, est remedium possessorium, levem saltem requirit probationem, breviori absolvitur processu ac contra nonnullos solum est efficax: Hæc vero est remedium petitorium, probationem exigit operosior, processu longiori peragitur & erga omnes habet effectum.

§. 19. Porro effectus pignoris constituti est, ut Creditor rem, quam tenet, tamdiu retinere queat, donec ei debitum solvatur, quæ retentio etiam præscriptionem, ratione debiti principalis, impedit. Potest quoque pignus, ob debitum chirographarium retineri *L. un. C. etiam ob chirogr. deb. CARPZ. p. 2. C. 25. D. 25.* nisi juri retinendi expresse vel tacite fuerit renunciatum *L. 11. §. 3. de pign. action.* Oritur tamen illa retentio non ex jure pignoris, sed communi defensionis jure, hinc nec obstat, concurrentibus aliis Creditoribus hypothecariis, nec præscriptionem, quoad debita chirographaria, impedit *v. OBSERV. LAUTERB. Obs. 660. 661.*

§. 20. Tertio pignus tribuit prælationem non tantum contra eos, qui jure reali, vel speciali privilegio destituuntur, sed & quoad ipsos creditores hypothecarios. In universum autem illa prælatio vel a modo, vel tempore constitutionis dependet, nam pignus publicum *L. 11. C. qui potior in pign.* & hodie, in Saxonia, quoad immobilia, judiciale *v. CARPZ. p. 2. C. 23. D. 9. Decis. Saxon. 60.* præfertur privato, si autem eodem modo pignora constituta sint, tum ex tempore æqualitas vel prærogativa æstimanda est.

§. 21. Si ergo pignus, in eadem re, pluribus eodem tempore constitutum sit separatim, singulis in solidum illa est obligata *L. 16. §. 8. de pignor.* hinc præventioni locus est, sive inter ipsos creditores quæstio vertatur, sive contra tertium possessorem agendum sit *arg. L. 10. de pignor.* Caterum ille casus videtur esse rarissimus, nec aliter locum habere, quam si vel, ex statuto, tempus constituendi pignoris, habeat aliquam laxitatem, vel si, post elapsum longius tempus, horæ pignoris constituti ignorentur *v. CARPZ. p. 1. C. 28. D. 136.*

§. 22. Si autem pignus pluribus conjunctim sit constitutum, modus constituendi attendi debet, nam si hoc actum, ut singulis in solidum sit

fit res obligata, tum itidem præventioni locus est, nec videntur creditores, quoad extraneum possessorem, concurrentes, concursu suo partes facere, pro rata debiti *l. 10. de pignor.* si vero pro parte res sit oppignorata, singuli habent partem dimidiam *d. l. 10. in fin.* denique si nihil dictum, res, pro rata debiti, cuius obligatur *l. 16. §. 8. de pignor.*

§. 23. Si pignus diverso tempore constituatur, prior est potior *l. 2. 7. C. qui potior. in pignor.* licet rei oppignoratae aliqua mutatio accidat, hinc is, cui prædium oppignoratum, etiam in pretio venditionis, in *Kauffgelde*, præfertur novis creditoribus, qui in eodem arrestum impetrarunt *Decis. Saxon. 58.* Ille autem prior est, qui prius contraxit & pignus accepit *l. 11. pr. l. 12. §. 2. ff. l. 8. C. qui potior in pign.* pure, vel sub die, vel sub conditione, quæ invito debitore potest expleri *d. l. 11. §. 1.* non etiam si sub conditione, quæ invito debitore impleri nequit *l. 9. §. 1. qui potior. in pign.* *CARPZ. p. 1. C. 28. D. 120.* nam hoc casu, demum à tempore existentis conditionis, jus nascitur, hinc si quis interim pure pignus acceperit, is alteri præfertur.

§. 24. Prioritas illa, in omni genere pignorum, observatur *l. 8. C. qui potior. in pign. l. 2. C. de privil. fisc.* (salva tamen, quam, à modo constituendi, dependere diximus §. 20. prærogativa) hinc Creditor hypothecarius generalis antiquior, præfertur speciali recentiori, etiam ratione rei, huic specialiter oppignoratae *l. 6. C. qui potior. in pign.* nisi illi pignus speciale, ac in subsidium, etiam generale constitutum sit, tum enim, quamdiu illud sufficit, posteriorem re sua excutere non poterit, imo, ob æquitatem, semper dicendum est, quod hypothecarius generalis, quamdiu ex aliis bonis suum consequi potest, hypothecario speciali, in re, huic speciatim obligata, molestus esse non debeat *l. 2. C. de pignor. l. 9. C. de distract. pignor.* Præfertur quoque antiquior juniore, licet hic pignus possideat *l. 12. pr. §. f. de pignor.*

§. 25. Distractio pignorum generaliter spectata, vel consideratur ratione debitoris, vel creditoris. Ille, velut dominus, rem oppignoratam, etiam specialem, alienare potest *l. 35. §. 1. ff. l. 9. C. de pign. action. l. 7. §. fin. ff. l. 12. C. de distract. pign. Nov. 112. c. 1.* salvo tamen Creditori pignoris, etiam taciti, jure *l. un. C. rem alien. gerent.* cessat tamen facultas alienandi, si pacto illa sit inhibita *l. 7. §. fin. de distract. pignor.* aut si debitor, fraudandi animo, rem mobilem, in incognitum,

& non facile conveniendum alienet, nam tum alienatio est nulla, ac debitor, ratione creditoris, furtum *l. 19. §. 1. l. 66. pr. de furt.* aut saltem hodie dolum, ratione emtoris vero, stellionatum *l. 3. §. 1. de crim. stellion. l. 1. §. fin. de pign. action.* committit v. OBSERV. LAUTERB. *Obs. 671. 672.*

§. 26. Creditor quoque, suo jure, pignus distrahere *l. 1. C. de bitor. vendit. pign. impet. non poss.* dominium vero, velut debitoris procurator, transferre potest *l. 29. in fin. fam. ercisc.* de cætero (1.) distrahendi facultas (2.) modus & (3.) distractionis effectus spectari possunt. Illa oritur vel ex speciali pacto, quo distractio permittitur, quo casu, sine ulteriori interpellatione, ex rigore juris quæsit, ad alienationem procedi potest *l. 4. de pign. act. l. 12. C. de contrah. & committ. stipul.* vel ex natura conventionis pignoratitiae, utique enim, solutione non secuta, pignoris distrahendi facultas, creditori competere debet, licet nihil hoc nomine specialiter actum sit, quo suum tandem consequatur *l. 4. de pign. action. v. l. 12. §. f. qui potior in pign.*

§. 27. Opus tamen est, ut debitor, per interpellationem unicam, in mora constituatur *l. 14. C. de distraç. pign. l. f. §. 1. C. de jur. domin. impetr.* Quodsi intercesserit pactum de pignore non alienando, illud, ob contradictionem, naturaliter quoque, quoad intentionem principalem, est nullum, quia tamen distractionem quodammodo difficiliorum reddit, ideo, ex præscripto juris civilis, trina denunciatio, arbitrariis intervallis distingvenda, est necessaria *l. 4. de pign. action.* Utroque etiam casu, quo vel nullum, vel contrarium pactum interpositum erat, post denunciationem, lapsus biennii est expectandus *l. fin. §. 1. C. de jur. impetr. v. OBSERV. LAUTERB. Obs. 674.*

§. 28. Modus distrahendi in eo consistit, ut distractio fiat bona fide, sine læsione debitoris, adeoque pignus justo pretio vendatur, residuumque debitori conservetur *v. l. 6. §. 1. l. 7. de pigner. action.* hinc bene facit Creditor, si distractioni peritos rerum æstimatores & testes adhibeat. Effectus autem distractionis legitime peractæ est, ut transferatur in emtorem dominium *l. 46. de A.R.D.* vel conditio usucapiendi: Reforte evicta, non creditor, qui vendidit *l. 11. §. 16. de A.E.V. l. 10. de distraç. pignor. l. 1. C. creditor. evict. pign. non deber.* sed debitor evictionem præstare debet *l. 12. §. 1. de distraç. pign. l. 13. C. de evict. l. 28. de evict. l. 13. de distraç. pign.*

§. 29. Quod-

§. 29. Quodsi autem distractio illegitime sit facta, tum, si creditor jus vendendi nondum habuit, venditio est nulla, & debitor rem vindicet *l. 2. C. si vend. pign. agat. l. 65. de R. V. l. 8. C. de distract. pign.* si autem jus quidem habuit, sed non bona fide versatus est, tum creditor convenitur actione pigneratitia ad interesse *l. 4. 7. C. de distract. pign.* imo, ob fraudem, ab ipso etiam emtore, res repeti posse videtur *v. d. l. 4. add. OBSERV. LAUTERB. Obs. 673.*

§. 30. Aliquando etiam pignora, publica autoritate, distrahuntur, qui modus obtinet quoad pignora judicialia, quæ, post rem judicatam capiuntur, ut & quoad hypothecas, consensu partium constitutas, cum enim has debitor possideat, nec, sine lite, iis abscedat, hinc eo modo distrahendæ erunt, qui circa executiones aliàs obtinet. Jure civili condemnatis quatuor menses conceduntur *l. 2. 3. §. 1. C. de usur. rei jud.* quibus elapsis & solutione non secuta, pignora capiuntur, vel jam accepta servantur ac, post lapsum duorum mensium, ad venditionem proceditur *l. 31. de re jud. l. 1. C. si in caus. judic.* emtore non existente, creditor amittitur *l. 2. C. si in caus. jud.* vel si emere nolit, possessio *l. 3. C. de execut. rei judic.* ac tandem dominium ei addicitur *l. f. C. si in caus. judic.* superfluo pretio debitori servato *l. fin. §. 4. C. de jur. dom. impetr.*

§. 31. Solvitur pignus sublata obligatione principali *l. 6. quib. mod. pign. solv.* ob aliud tamen debitum, illud retineri potest *l. 2. C. de lution. pignor. add. ZOES ad ff. quib. mod. pign. solv. n. 3. seqq.* Nihil autem refert, quomodo obligatio principalis tollatur, solutione *l. 6. C. de distr. pign. l. 9. §. 3. de pign. action.* confusione, novatione *l. 6. quib. mod. pign. solv. l. 18. de novat. v. l. 3. qui potior. in pign. l. 86. seqq. de R. J. ZOES ad ff. quib. mod. pign. solv. n. 2.* compensatione *l. 4. qui potior. in pign.* remissione expressa *l. 17. §. 2. de pact.* vel tacita *l. 7. C. de reiniss. pign.* sententia judicis *l. 13. quib. mod. pign. solv.* aut prescriptione *v. §. 17. h.*

§. 32. Aliquando etiam tollitur, salva obligatione principali (1.) lapsu temporis *l. 6. quib. mod. pign. solv.* (2.) resoluto jure constituentis revocabili *l. 31. de pign. l. 4. §. 3. de in diem addict.* non etiam irrevocabili *l. 15. C. de pign. l. 12. de distract. pign. l. un. C. rem alien. gerent.* (3.) rei interitu totali *l. 8. quib. mod. pign. solv. l. 16. §. 2. l. 29. §. p. de pignor.*

pignor. l. 21. de pign. action. CARPZ. Dec. 12. (4.) remissione expressa l. 8. §. 1. 2. quib. mod. pign. solv. l. 23. C. de pignor. & tacita.

§. 33. Hæc colligitur ex eo, si Creditor pignus simpliciter reddat *l. 3. de pact.* aut in pignoris alienationem consentiat *l. 4. §. 1. l. 7. 8. §. 11. quib. mod. pign. solv.* sola alienationis scientia, remissionem regulariter non involvit *l. 8. §. 15. quib. mod. pign. solv.* nisi peculiares causæ aliam interpretationem exigant *v. l. 1. 6. 8. C. de remiss. pign. l. 5. C. ad Sc. Vellejan. ZOES. ad ff. quib. mod. pign. solv. n. 9. seqq.* Quodsi creditor in oppignorationem novam consentiat, tum pignus remittere censetur, si id omnibus non sufficiat, sed tantum ratione creditoris novi, non debitoris *l. 9. §. 1. l. 12. quib. mod. pign. solv. l. 12. §. 4. qui potior. in pign. v. OBSERV. LAUTERB. Obs. 675. 676.* Denique solvitur etiam pignus (5.) præscriptione *v. §. 17. h.*

CAPUT XVII. DE PIGNORE TACITO SIVE LEGALI.

SUMMARIA.

Pignoris taciti natura & diversitas §. 1.
Competit illud pupillis, in bonis tutorum §. 2.
Rebus ipsorum pecunia emtis §. 3.
Bonis vitrici, liberis in bonis patris, & fisco ob
varias causas §. 4.

Gaudet quoque tacito pignore uxor §. 5.
Maritus, legatarius, is qui in ædium refectionem
credidit §. 6.
Locator prædii rustici & urbani §. 7.

§. I.



Ignustacitum est, quod à lege, sine facto privatorum directo, constituitur *l. 1. C. comm. de legat. l. 6. §. f. C. de bon. quæ liber. v. §. 3. c. 16.* non ergo ultra casus lege expressos, extendi debet, nisi vel prægnans ratio subsit, vel constans fori usus hoc velit *v. CARPZ. p. 1. C. 28. D. 113. p. 2. C. 24. D. 15. 16.* Solet distingvi in *purum*, quod sine ullo hominis facto, & *mixtum*, quod facto aliquo indirecto interveniente, à lege constituatur. Sed, si calculus recte subducatur, semper aliquod factum indirectum subesse videtur, hinc divisio illa non adeo necessaria est, quare, ea neglecta, potiora exempla, illustrandæ doctrinæ, simpliciter recensebimus.

§. 2. Com-

§. 2. Competit igitur tacitum pignus (1.) pupillis ac minoribus eorumque hæredibus *l. 20. C. de admin. tutor.* BRUNNEM. *ad d. l. 20. CARPZ. p. 2. C. 24. D. 12. 13. OBSERV. LAUTERB. Obf. 663.* in bonis tutorum & curatorum, ex tempore suscipiendæ administrationis *l. 6. §. f. C. de bon. quæ lib. CARPZ. p. 1. C. 28. D. 114. ut & Protutorum à suscepta administratione CARPZ. p. 2. C. 24. D. 14. v. l. 19. §. 1. de reb. autorit. judic. possid.* idem juris est, quoad curatorem furiosi similiumque *l. 5. §. 1. 6. C. de curat. fur.* Non etiam pignus tacitum competit foeminae, in bonis curatoris ad litem, neque Creditoribus, in bonis curatoris bonorum *l. 22. §. 1. de reb. autor. judic. possid. CARPZ. p. 2. C. 24. D. 15. p. 2. Dec. 135. BERLICH p. 1. C. 67. n. 25. seqq.*

§. 3. Speciali ratione (2.) Pupillis pignus competit in rebus, ipsorum pecunia emtis, quo casu etiam singulare prælationis habent privilegium *l. 7. qui potior. in pign.* hinc, si malint, rem illam, velut propriam, quoque vindicare possunt *l. 2. quand. ex fact. tutor. v. CARPZ. p. 1. C. 28. D. 109. p. 2. C. 11. D. 21.* sed hoc omne videtur intelligendum, ratione creditorum concurrentium, ut iis omnibus, quoad istam rem, pupilli sint potiores, nam à tutore ipso, si pecuniam cum usuris præstare paratus sit, rem vindicare non poterit.

§. 4. Non minus (3.) pupillis pignus tribuitur, in bonis Vitrici, cui mater tutrix nupsit *l. 6. C. in quib. caus. pign.* (4.) liberis in bonis Patris, ratione bonorum maternorum *l. 6. §. f. C. de bon. quæ lib.* non etiam ratione reliquorum bonorum adventitiorum *l. 6. §. 2. C. de bon. quæ lib.* in Saxonia tamen Electorali generale pignus ipsis competere videtur *O. P. S. tit. 45. §. 2. CARPZ. p. 1. C. 28. D. 113. p. 2. C. 24. D. 17. 18.* (5.) fisco, ob onus publicum, administrationem & contractum *l. 1. 2. C. de privil. fisc. l. 28. 46. §. 3. de jur. fisc.* non etiam ob delicta *l. 17. 37. de jur. fisc.*

§. 5. Competit (6.) pignus tacitum uxori, aliquando etiam putativæ *v. OBSERV. LAUTERB. Obf. 664.* non etiam sponsæ, cui tamen personale privilegium, post hypothecarios, non negandum *l. 74. de jur. dot. l. 17. de reb. autor. judic. poss. CARPZ. p. 2. C. 24. D. 5.* Datur vero, in bonis mariti, pro dote repetenda *l. un. §. 1. C. de R. U. A. §. 39. l. de action.* à tempore contracti matrimonii *l. 1. qui potior. in pign.* hodie, benedictionis Sacerdotalis *CARPZ. d. l. D. 1. pro*

pro dotis augmento *Nov. 97. c. 2. à die incrementi l. 19. C. de donat. ante nupt. v. OBSERV. LAUTERB. Obs. 665. pro donatione propter nuptias l. 29. C. de jur. dot. non tamen in Saxonia CARPZ. p. 1. C. 28. D. 91. quoad bona paraphernalia, non etiam recepticia v. l. fin. C. de pact. conv. tam sup. dot. quæ sententia inprimis, in illis locis, admittenda, ubi marito in bonis uxoris ususfructus competit v. CARPZ. p. 1. C. 28. D. 86. Denique propter alimenta, à marito præstanda v. STRUV. S. J. C. exerc. 26. §. 14. BERLICH p. 1. C. 67. n. 7.*

§. 6. Porro datur (7.) pignus marito, pro dote præstanda, in bonis ejus, qui eam promisit *l. un. §. 1. C. de R. U. A. (8.) legatariis & fideicommissariis l. 1. C. comm. de legat. in bonis defuncti non legatis v. l. 18. de Legat. 2. l. 64. de furt. (9.) illi, qui in refectionem ædium credidit pecuniam, refectione secuta l. 1. in quib. caus. pign. Nov. 97. c. 3. qui etiam privilegio prælationis gaudet v. CARPZ. p. 1. C. 28. D. 5. 6. Si quis in refectionem alius rei crediderit, ille solum habet privilegium prælationis personale, post hypothecarios l. 26. 34. de reb. autor. jud. possid. nisi sibi expresse, de hypotheca, prospexerit l. 1. 6. qui potior. in pign.*

§. 7. Competit quoque (10.) locatori prædii rustici, in fructibus, in fundo locato natis, quoad pensionem *l. 7. in quib. caus. pign. & (11.) eodem respectu, locatori prædii urbani, in rebus inquilini illatis l. 2. 4. 7. eod. l. 32. 34. de pignor. STRUV. Exerc. 26. §. 16. etiam in rebus subconductoris, sed saltem in subsidium, si conductore non solvente, dominus contra subconductorem agere queat v. OBSERV. LAUTERB. Obs. 592. Discrimen autem prædiorum, in hac materia, est desumendum ab aptitudine ferendi fructus *v. l. 4. §. 1. in quib. caus. pign. l. 198. in fin. de V. S. sed uti nulla prægnans ratio subest, prædia, quoad pignus tacitum, separandi, ita hodie, nonnullis in locis, etiam illata, in prædium rusticum, tacite obligantur v. MEV. p. 4. Dec. 127. OBSERV.**

LAUTERB. Obs. 666. conf. LAUTERB. C. J. de pignor. seqq.

CAPUT XVIII. DE ACTIONE PUBLICIANA.

SUMMARI A.

Ex dominio, servitute & pignore, ob defectum plenæ probationis, instituitur actio Publiciana §. 1.	Titulus & bona fides §. 6.
Ejus definitio & fundamentum remotum §. 2.	Dubia auctoris conditio, ac defectus vitii aperta §. 7.
Oritur ex dominio §. 3.	Actionis Publicianæ subjectum §. 8.
Servitute & pignore præsumto §. 4.	Objectum, ac iudicis circa eam officium §. 9.
Ad eam requiritur regulariter traditio §. 5.	Hodie actionis illius usus non est necessarius, sed voluntarius §. 10.

§. 1.



Quando dominium, servitus aut ius pignoris plene probari potest, tum actio, ex illis iuribus movenda, dicitur *Rei Vindicatio*, *Confessoria* aut *Hypothecaria*. Quod si autem probabiliter & præsumtive saltem iura illa probari queant, tum, juxta æquitatem quidem naturalem, actiones etiam competunt contra eum, qui æquali vel meliori jure destituitur, nam æquitas ius præstantius semper præferri jubet: nihil etiam vetat, quo minus consvetis nominibus actiones illas insigniamus. Sed Romani, hoc posteriori casu, nullam actionem competere existimarunt *l. 23. de R. V. §. 4. l. de action.* Prætor tamen Publicius aliquam asseruit, unde nomen *actionis Publicianæ* exortum *d. §. 4. l. 1. de public. in rem. action.* de qua nullibi re-ctius quam hoc loco agitur.

§. 2. Est ergo Actio Publiciana, *actio realis, ex præsumto dominio, servitute & pignore descendens, qua res propria, serviens & oppignorata ab eo, qui eam infirmiori jure possidet, vindicatur.* Censetur eam introduxisse Prætor Publicius, propter æquitatem & necessitatem v. LAUTERB. C. J. *de public. in rem. act. lit. C.* Sed Prætor id, quod æquitas suggerebat, saltem agnovit & confirmavit, habituque externo actionem induit, quæ confirmatio erat necessaria, ex hypothesi, quâ, perversa fori Romani praxis, actionem negabat.

§. 3. Descendit actio Publiciana ex dominio præsumto *l. 1. §. 2.*

Ggg

l. 2. l. 7.

l. 2. l. 7. §. 6. l. 12. §. 4. de public. in rem action. quod fundamentum uti vulgo non negant, adeo ut, ad solum fere dominium, Publicianam pertinere existiment, ita, circa illud, nonnunquam falsa inspergunt, quale est *dominium fictum*; non fingitur dominium, sed præsumitur, ac præsumptioni sæpe veritas respondere potest: Tale etiam est, quod actor in libello *mentiri* debeat *v. BACHOV. de action. disput. 3. §. 16.* nam actor solum ea exprimit, ex quibus dominium probabiliter præsumitur, an autem, in rei veritate, dominus sit, id neque affirmat, neque negat, sed in medio relinquit.

§. 4. Porro oritur quoque Publiciana ex *servitute præsumta l. 11. §. 1. de public. in rem action.* Ex vulgari quidem præjudicio, servitus habetur pro *objecto* Publicianæ *v. LAUTERB. C. J. d. t. lit. O.* sed ratio satis ostendit, eam esse actionis illius *fundamentum*, quod etiam in *d. l. 11. §. 1.* manifeste docetur. Hinc amplius etiam dicendum, quod illa aliquando ex *pignore præsumto* descendat, nam si bonæ fidei possessor pignus recte constituit *l. 18. de pignor.* etiam Creditor nihil amplius probare cogitur, quam pignus à bonæ fidei possessore, esse constitutum, quo ipso adeo, ex rationibus fori Romani, actioni hypothecariæ Publiciana surrogatur, id quod argumento *d. l. 11. §. 1. de public. in rem action.* satis quoque confirmatur, nec obest *l. 13. §. 1. cod.* nam creditori, ut domino, Publiciana saltem negatur.

§. 5. Publiciana igitur usus, ea probare debet, ex quibus dominium, servitus aut pignus probabiliter præsumitur. In specie itaque debet (1.) *traditio* probari *l. 1. pr. l. 7. §. f. l. 9. §. 1. l. 11. §. 1. de public. in rem action. l. 25. de usurp. l. 1. C. de donat.* quod si vero certis in casibus, jura realia sine traditione constituentur, tum, traditionem probare, non est opus *l. 1. §. f. l. 2. l. 12. §. 1. de public. in rem action.* nec opus est, ut inter jus strictum & æquitatem distinguamus: Qui aliter sentiunt, sententiam Prætoris, aut rationes, ex quibus universa illa dispositio Prætoris fluit, non assequuntur *v. OBSERV. LAUTERB. Obs. 205. 206.*

§. 6. Non minus (2.) *titulus habilis* probandus est *l. 3. seqq. l. 13. de public. in rem action.* & sufficit etiam, ob justam causam, erroneus *l. 5. 7. §. 2. 4. cod. l. 2. §. 16. l. 11. pro emptor.* Debet etiam (3.) *bona fides ab initio* adesse *l. 7. §. 11. seqq. l. 13. §. 1. in fin. de public. in rem action.* quam-

quamvis hæc non videatur esse probanda ab actore, sed potius tamdiu præsumatur, donec adversarius malam fidem probet v. OBSERV. LAUTERB. *Obs.* 1128. mala fides superveniens actori non obest l. 7. §. 2. 14. l. fin. de public. in rem action. etiam de jure Canonico, nam perpetua bona fides, eodem saltem requiritur, ratione domini, præscriptione excludendi c. fin. X. de præscript. non tertii possessoris, utpote qui nulum meretur favorem.

§. 7. Effectus autem illius rei is est, ut actor, ad oppositam malæ fidei superveniens exceptionem, respondere non cogatur, imo mala fides superveniens, ab adversario etiam probata, illi non noceat, modo dominus ipse non intercedat. Illud nihil refert, ad instituendam Publicianam, utrum (4.) à domino, an à non domino, res sit comparata, modo res dubia sit, in quem sensum accipienda l. 1. pr. de public. in rem action. nam si acturus probare queat, se, à vero domino, jus suum obtinuisse, tum non indiget Publiciana, si vero adversarius ostendat, actorem, à non domino, rem accepisse, suumque jus, esse potius, tum Publiciana est sine effectû, hinc, ad casum dubium ejus usus pertinet. Illud quoque nihil refert, si (5.) res ad usucapiendum habilis, sive vitiosa sit, dummodo de vitio non constet, quo pertinet l. 9. §. 5. l. 12. §. 4. de public. in rem action. conf. l. 12. §. 2. cod. l. 15. §. 27. de damn. infect.

§. 8. Datur Publiciana b. f. possessori, qui vel dominium plenum aut minus plenum l. 12. §. 2. 3. de public. in rem action. vel servitutem l. 11. §. 1. cod. vel pignus, ex justa causa, sibi asserit, & hæredi l. 7. §. 9. 12. cod. Datur quoque vero domino, si de dominio non satis constet, si vero hoc probari queat, Publiciana ille non indiget l. 1. §. 1. cod. Si duo, vel ab eodem, vel à diversis non dominis, rem justo titulo & bona fide acceperint, is in vindicando præfertur, cui primum res tradita l. 31. §. f. de A. E. V. nisi interim verus dominus appareat, tum enim possidentis melior est conditio l. 9. §. 4. de public. in rem act. v. OBSERV. LAUTERB. *Observ.* 207.

§. 9. Competit Publiciana contra eum, qui infirmiori jure rem possidet, vel possidere desit l. 7. §. 6. 8. l. 12. fin. de public. in rem action. non etiam contra eum, qui æquale vel melius jus habet l. 9. §. 4. cod. l. 31. §. f. de A. E. V. hinc in specie non datur contra dominum

verum *l. pen. l. fin. de public. in rem action.* quodsi vero dominus, in amissionem domini, consenserit *l. 72. de R. V. l. 4. §. 32. de dol. mal. except.* vel, ob contumaciam, eodem privandus sit *l. 18. §. 15. de damn. infect.* vel præstationem necessariam, ratione rei suæ, facere nolit *l. 28. de noxal. action.* tum etiam contra ipsum actio efficax est. Peruntur Publicana tantum res corporales, propriæ, servientes & oppignoratæ, modo nullum vitium, quod jus actoris destruat, in iis appareat *l. 9. §. 5. l. 11. §. 2. l. 12. §. 4. de public. in rem action.* & officium judicis hic idem est, quod in rei vindicatione, confessoria & hypothecaria *l. 7. §. 8. l. 11. §. 1. cod.*

§. 10. Cum autem nomen actionis Publicianæ, ob Romanorum jus strictum, & processum formularium, invaluerit, illud vero & hic, ab æquitate abhorreant, nec in Germania observentur, ideo nec actio Publiciana amplius necessaria erit, sed potius Rei vindicatione, similisque actio realis, utroque casu, & ubi jus *plene*, & ubi saltem *presuntive* probari potest, recte instituetur: Hinc etiam cautela, de *cumulanda rei vindicatione, & Publiciana*, quam vulgo inculcant *v. LAUTERB. C.J. de public. in rem action. lit. S. hypothefibus juris Germanici non adeo est consentanea.* Licet vero nomen actionis Publicianæ, hodie non sit necessarium, ultro tamen illud adhiberi potest, imo nonnunquam prudenter ager Advocatus, si cautela memorata utatur, ne forte, ea neglecta, à Judice Seculi Flaviani, parum gratam alias audiat sententiam.

CAPUT XIX. DE LÆSIONE IMMINENTE.

SUMMARIUM.

Damnum imminens avertere licet §. 1.
Eo pertinet novi operis nunciatio §. 2..
Ejus fundamentum §. 3..
Subiectum §. 4.
Objectum personale §. 5..
Reale §. 6.
Fini & effectus §. 7. 8..
Extinguitur morte nunciantis & rei alienatione §. 9.
Cujus rei hodie exiguus usus §. 10..

Morte nunciari vel alienatione rei prohibite non tollitur §. 11..
Bene vero remissione §. 12..
Obligatio domini quoad res ruinofas §. 13..
Ex ea fluit cautio de damno infecto §. 14..
Quando exigatur §. 15..
Injungit eam Magistratus ad instantiam partis §. 16..
Rei vitiose possessoribus, in commodum eorum, qui damnum metuant §. 17..
Cautio-

Cautionis objectum, modus & effectus §. 18.
 Cavere recusans missione in rem coercetur §. 19.
 Vel damnum eveniens rescire cogitur §. 20.
 Noxæ deditio circa res inanimatas, non recte
 asseritur §. 21.
 Ad remedia damni avertendi etiam spectat actio

aquæ pluvie arcendæ §. 22.
 Ejus requisita §. 23.
 Subjectum §. 24.
 Finis & effectus §. 25.
 Quousque damnum accessorium in hanc actio-
 nem veniat §. 26.

§. 1.



icut homines, ex legibus socialitatis, à læsione proximi, abstinere debent, ita dominis, aliisque, qui jure reali gaudent, fas est, non tantum damni, rebus suis illati, pensationem exigere, sed & læsionem, iis imminentem, avertere. Hujus læsionis, mediiorumque illi oppositorum, varia, in vita civili, occurrere possunt exempla, sed notissima, ex jure Romano, sunt (1.) *Nunciatio novi operis* (2.) *cautio damni infecti* & (3.) *actio aquæ pluvie arcendæ*, quæ, ex fundamentis naturalibus, oriuntur, eorumque consideratio, ad hunc locum, omnino pertinere videtur.

§. 2. Novi operis nunciatio est *Prohibitio, novum opus, in alterius præjudicium, probabiliter paranti, eo sine facta, ne in eo pergat, donec de ejus jure constet.* Est veli *publica*, quæ fit autoritate Magistratus l. 5. §. 10. l. 16. de O. N. nunc. vel *privata*, quæ à privatis suscipitur, nam hujus, ex permissione Imperantis, eadem, quæ illius, vis est, de cætero fit vel nudis verbis, vel interveniente facto, hinc in *verbalem* & *realem* discernitur l. 5. §. 10. de O. N. nunc. l. 20. §. 1. quod vi aut clam, utriusque idem hodie videtur esse effectus v. OBSERV. LAUTERB. Obs. 981. 982. quo vero privata nunciatio probari queat, testes adhibendi sunt v. l. 8. §. 1. de op. nov. nunc.

§. 3. Nunciationem censetur introduxisse Prætor l. 1. pr. de O. N. nunc. sed ille potius id, quod naturale est, confirmavit, modus tamen & effectus nunciationis legi positivæ, ex parte, tribuendus est. Potest eam aliquando Magistratus, ex officio facere, sed plerumque ii, quorum interest, illam vel faciunt, vel fieri curant. In locis publicis omnes cives nunciare possunt l. 3. §. f. l. 4. de O. N. nunc. modo habiles, sint l. 5. eod. sed hoc rarioris est usus. In privatis nunciant illi, qui jus in re habent l. 1. §. 19. eod.

§. 4. Adeoque (1.) dominus l. un. §. 3. de remiss. etiam utilis:
 Ggg 3. l. 3. §. 3.

l. 3. §. 3. de op. nov. nunc. præsumtus *l. 1. §. 19. cod. l. 136. de R. J.* & partialis *l. 3. §. 1. 2 l. 5. §. 6. de O. N. nunc.* (2.) Creditor hypothecarius *l. 9. cod.* (3.) is qui servitutem realem vel personalem habet *l. un. §. 3. 4. de remiss. l. 1. §. f. quemad. usufr. cav.* interim Romani, non tam de re, quam de nomine, hic litigasse videntur *l. 1. §. f. l. 2. l. 14. de O. N. nunc. v. OBSERV. LAUTERB. Obs. 983.* Potest etiam nunciari mediate per alios *l. 7. §. 1. l. 5. §. 18. l. 13. cod. j. l. 1. C. de procur.* habilitas vero in nunciante semper requiritur *l. 5. de O. N. nunc.* Qui jus ad rem saltem habent, nunciare non possunt *l. 3. §. 3. cod.* nisi domino absente *l. 1. C. si per vim. CARPZ. 1. Resp. 6.*

§. 5. Nunciatio fit illis, qui novum opus in alterius præjudicium parant, aut qui eorum nomine ibi præsentem sunt *l. 5. §. 3. l. 10. 11. de O. N. nunciat.* sufficit uni, ex pluribus, nunciatum esse, non tamen ad effectum pœnalem *l. 5. §. 5. cod.* non tantum vicino proximo, sed & remotiori potest novum opus nunciari *l. 8. cod.* semper tamen, in re præsentem, fieri debet nunciatio *l. 5. §. 2. 4. cod.* causa necessario non est exprimenda *l. 1. pr. cod.* nec tempus feriatum attendendum *arg. l. fin. C. de fer.*

§. 6. Fit nunciatio ratione novi operis, ex quo probabiliter alteri damnum imminet. In operibus ergo publicis, ad publicam utilitatem susceptis *l. 1. §. 11. 12. de op. nov. nunc. l. 1. §. 2. de Cloac.* nunciatio cessat, quia contra illam est præsumtio. Extra has circumstantias, illa admittitur, si (1.) opus inchoatum *l. 1. §. 12. l. 5. §. 2. l. 8. §. 1. de oper. nov. nunc.* (2.) novum *l. 1. §. 1. cod.* (3.) quo pristina rei forma mutatur *l. 1. §. 11. 13. cod.* nam ex his circumstantiis jus nunciantis probabiliter apparet, sicut contrariæ illud destruunt. Qualitas loci non attenditur *l. 1. §. 14. 17. cod.* modo opus futurum sit, nam quoad præterita, interdictum seu actio possessoria obtinet *l. 1. §. 1. cod.*

§. 7. Nunciationis legitimæ intentio est, ut nunciatus ab opere desistat *l. 8. §. fin. l. 10. l. 23. cod.* quodsi adeo hic nunciationi pareat, tum nuncians scopum suum est consecutus; disputandum vero deinde erit de jure partium, quo facto, vel opus plane intermitteretur, vel continuabitur. Quodsi autem nunciatus, nunciatione neglecta, in opere pergar, & quidem *injuste*, tum naturaliter, ad ejus destructionem, propriis sumtibus faciendam, vel aliam satisfactionem, volenti

læso præstandam, tam ipse, quam ejus hæres tenentur, qui effectus etiam locum habet, licet nulla nuntiatio præcesserit.

§. 8. Si vero *juste* pergat, tum, ex jure positivo, opus quoque destruere tenetur *l. 20. §. 3. de oper. nov. nunc.* successor autem pati debet, quo à nunciante destruatur *l. 22. 23. cod.* Sed uti illa pœna, opere inprimis longius progresso, & dura, & decori publico molesta est, ita, eam hodie observari, vix crediderim, cum spretam Magistratus prohibitionem, alia pœna, facto attemperata, vindicare liceat. Quodsi nuntiatio aperte frivola & illegitima sit *v. l. 1. §. 11. 12. l. 5. §. 2. 3. cod.* tum impune negligi potest.

§. 9. Extingvitur nuntiatio morte nunciantis, & rei alienatione *l. 8. §. 6. h. t.* modo res adhuc fuerit integra, i. e. post nuntiationem acquieverit nunciatus, ac postea nuncians vel mortuus sit, vel rem alienaverit, tum enim impune pergere poterit nunciatus, nec sequitur necessitas destruendi, quia nuntiatio, actus personalis censetur, adeoque ejus effectus, morte vel alienatione superveniente, tollitur. Quodsi autem, post nuntiationem, nunciatus perrexerit, deinde vero nuncians mortuus sit, vel rem alienaverit, tum jus exigendi destructionem, ad successores transmittitur *l. 20. §. 6. h. t.*

§. 10. Hodie ista res exiguum usum habere videtur, nam si quis injuste pergat, tum etiam primo casu, læsionis illatæ emendatio, quæ non aliter, læso non consentiente, quam per operis destructionem, fieri potest, à nunciantis successore exigi potest, nam licet, per mortem vel alienationem nunciantis, nuntiatio exspirasse censeatur, ex ipsa tamen læsione, destruendi necessitas resultat. Si autem nunciatus juste, post nuntiationem, opus continuat, tum pœna destructionis, ne quidem posteriore casu, locum habet, secundum notata §. 8.

§. 11. Morte nunciati, vel alienatione rei, in quam prohibitio facta, nuntiatio non extingvitur *l. 8. §. fin. l. 23. h. t.* sed ejus effectus, tam contra hæredem, quam alium successorem, durat, hinc si in opere pergant, propriis sumtibus illud demoliri coguntur *d. l. 8. §. f.* si vero ipse nunciatus jam perrexerit, ac postea mortuus sit, vel rem alienaverit, tum successor saltem opus destrui patitur *l. 20. §. 8. l. 22. 23. h. t.* Verum hodie nec hujus doctrinæ magnus usus esse videtur, nam hoc unice spectandum est, utrum *juste*, an *injuste*, opus novum continuatum sit.

fit. illo casu destruendi necessitas, tam quoad nunciatum, quam successores cessat, hoc vero destructio fieri debet, licet nulla nunciatio intervenerit. quo casu etiam nunciati hæres, destructionis sumtus ferre debet v. §. 7. 8.

§. 12. Plerumque nunciatio tollitur remissione privata l. 1. §. 10. h. t. & satisfatione nunciati, qua is promittit, se opus esse destructurum, si appareat, quod jus ædificandi non habuerit l. 8. §. 3. l. 20. §. 9. de op. nov. nunc. sed jure novo, demum post lapsum trium mensium, hæc satisfatio admittitur l. un. C. de nov. oper. nunc. verum illa sanctio, ex rationibus æquitatis & utilitatis publicæ, explicanda est, hinc iudex cognoscere debet, quando illa admittenda sit v. l. 12. §. 7. de edific. privat. CARPZ. 1. Rsp. 7. STRUV. §. J. C. exerc. 39. §. 12.

§. 13. Fieri etiam potest, ut a rebus vicini jam factis, sed ruinosis, damnum nobis immincat, illudque, licet hætenus infectum sit, tanquam futurum probabiliter metuatur. Hoc casu dominus obligatur naturaliter ad damnum, rei sublatione, vel emendatione, avertendum, aut, si hoc ejus rationes non admittant, manente periculo, ad alterum probabiliter medio securum reddendum, & denique, damno præter votum secuto, ad illud refarciendum.

§. 14. Ex his principiis fluxit apud Romanos cautio de danno infecto, quæ est promissio, qua alterum, de danno infecto, securum reddimus, ejusque, si vitio operis sit eventurum, restitutionem pollicemur. Eam adeo Prætor Romanus non introduxit, sed, ex æquitate naturali, saltem elicuit, nonnulla tamen circa illam occurrunt, quæ tricas fori Romani redolent, nec hodie magni usus sunt.

§. 15. Dicitur illa cautio, subsidiaria, adeoque non aliter exigitur, quam si alii contractus ac inde ortæ actionis deficiant l. 13. §. 6. l. 18. §. 2. 4. l. 32. in fin. l. 33. de damn. inf. in qua doctrina id latet præjudicium, quasi omnes actiones, conventionem aliquam præsupponant, præterea conventio prævia, excludendæ cautioni, non semper sufficere videtur, cum in hac, plus securitatis, quam in illa esse queat. Plane illud rationem habet, ut cautio negetur, si is, qui damnum metuit, rei emendandæ facultatem habeat l. 18. §. 2. h. t.

§. 16. Exigitur cautio per Magistratum competentem, id quod ex natura imperii resultat, ac, ex statu cujusvis Reipublicæ, specialius diju-

dijudicari debet; sanctiones Romanæ *l. 1. §. 2. 3. l. 7. l. 19. §. 1. h. t.* hodie nullum habent usum. Conceditur vero cautio, ad instantiam partis *l. 4. §. 8. h. t.* non calumnioseam petentis, hinc iusjurandum calumniæ aliquando præstari debet *l. 7. pr. l. 13. §. 3. 13. 14. h. t.* utrum autem medium petendi, *persecutionem extraordinariam*, an *actionem* dicere velis, hodie nihil refert, ut, vitilitigia, ex *l. 7. §. 1. l. 33. h. t.* instrui, necesse non sit.

§. 17. Præstant cautionem, qui in re vitiosa jus habent *l. 9. pr. l. 13. pr. §. 1. l. 19. pr. h. t.* ut dominus, etiam minus plenus *l. 9. §. 4. l. 10. h. t.* usufructuarius *l. 9. §. f. h. t.* Creditor pignoratitius *l. 19. pr. l. 15. §. 25. h. t.* qui servitutem habet *l. 13. §. 1.* quandoque etiam dominus rei integræ, si hæc, ob alterius ruinam, nocere queat *l. 13. §. 2. h. t.* Præstatur cautio iis, quorum periculo res est *l. 18. pr.* ut domino, usufructuario *l. 13. §. 8.* creditori hypothecario *l. 11. h. t.* & omnibus, quorum interest *l. 13. §. 3. seqq.* modo, ex scitis juris Romani, aliud remedium non habeant: sic inquilino, qua tali, non cavetur *l. 13. §. 6. l. 33.* bene tamen qua vicino vel domino *l. 13. §. 4. l. 18. §. 3. h. t. v. §. 15. h.*

§. 18. Cavendum est ratione damni, quod ex vitio rei metuitur, non quod aliunde evenit *l. 24. §. 9. seqq. l. 43. pr. h. t.* & nihil refert qualis sit illa res *l. 18. §. 1. l. 24. §. 9. 10. l. 19. §. 1. l. 15. §. 10. l. 24. pr. h. t.* Domini autem vel veri *l. 13. §. 1. l. 9. §. f.* vel præsumti *l. 13. pr.* nude repromittunt, cæteri, qui vel dominium utile *l. 9. §. 4.* vel jus in re habent, satisdant *l. 9. §. f. l. 15. §. 25. l. 22. §. 1. l. 31. §. 1. h. t.* is tamen qui servitutem realem habet, saltem repromittit *l. 13. §. 1. l. 30. §. 1. h. t.* Sed satius erat, semper exigere satisdationem, nam, in nuda repromissione, nulla est securitas & utilitas, nisi quod quis actionem nominatam inde consequatur, quæ satis exigua censi debet. Adjicitur cautioni plerumque dies *l. 13. §. f. l. 15. §. 1. 2. h. t.* Ex cautione præstita, oritur actio ex stipulatu *l. 28. l. 39. §. f. l. 40. h. t.*

§. 19. Quodsi quis cavere nolit, petens, custodiæ causâ, in rem vitiosam, à Magistratu competente, mittitur *l. 5. §. 1. l. 15. §. 11. 12. 15. 18. l. 38. §. 1.* ac cum domino simul est in possessione *l. 15. §. 20. h. t.* Continuata contumacia, post aliquod intervallum *l. 15. §. 21. h. t.* misso dominium vel verum vel præsumtum adjudicatur *l. 15. §. 16. 17. 33. h. t.*

H h h

l. 1. de

l. 1. de fund. dotat. qui adeo pristinum dominum expellere *l. 15. §. 33. h. t.* ac rem à quovis vindicare potest *l. 15. §. 18. h. t. l. 7. §. 9. comm. divid.* Quæ contumaciam coercendi ratio, ex communibus æquitatis & prudentiæ principiis, resultat nec adeo Romanis propria est.

§. 20. Si dominus rei vitiosæ neque caveat, neque missum admittat, ac interea res damnum det, tum naturaliter ad illud resarciendum tenetur, quò nomine actio in factum, contra ipsum comparata est *l. 15. §. fin. l. 16. l. 17. §. 3. de damn. inf.* Si vero alter, qui damnum metuit, in exigenda cautione, moram committat, ac res vitiosa interim noceat, damni restitutio cessat, quia læsus in illud consensisse censetur *l. 8. §. 9. l. 44. h. t.* quæ tamen explicatio nimis larga est, ac ex falsa hypothese, quasi ex sola cautione restitutionis necessitas dependeat, oriri videtur.

§. 21. Quando res aliqua nocet, antequam de cautione præstanda actum fuit, tum videtur JCti Romani aliquam velut noxæ deditio- nem asserere *l. 6. 7. §. 1. 2. de damn. inf.* sed hæc non satis congrue ad- struitur, cum res inanimatæ nunquam *motu proprio* noceant. Qua- re distingvendum putem, utrum *res nostra, vi majori impulsæ da- mnum det*, hoc casu fortuitum est, ejusque restitutio non est facien- da *v. l. 9. §. 1. l. 24. §. 3. de damn. inf.* an *vitio suo noceat v. l. 24. §. 10. cod.* tum ad solidam æstimationem dominus tenebitur, nec poterit rei derelictione defungi, si illa, resarciendo damno, non sufficiat. Quodsi læsus in damnum consenserit, nihil præstandum erit, sed, in asserendo illius consensu, Romani plus justo fuerunt liberales, ceu §. præc. dictum.

§. 22. Aliquando ex opere, injuste factò, damnum metuitur, contra quod nobis etiam prospicere possumus. Sed non solet hoc casu exigi cautio, verum operis destructio potius petitur, quæ etiam, ex æquitatis præscripto, fieri debet. Pertinet eo *actio aque pluvie arcendæ*, quæ est *actio personalis, in rem scripta, qua agitur ad opus, ex quo damnum, per aquam pluviam, inferri potest, destruendum & damnum si quod datum est, resarciendum.* Dicitur *actio perso- nalis*, quia ob factum ejus, qui opus exstruxit, datur: Est tamen *in rem scripta*, quia contra alios quoque, qui opus non fecerunt, effi-

efficax est. De cætero manifestum est, quod, ex ipsa æquitate naturali, quam LL. XII. tab. confirmarunt *l. 22. §. fin. de aqu. & aqu. pluv. l. 21. pr. de statu lib.* illa oriatur.

§. 23. Requiritur ergo (1.) ut opus sit factum *l. 1. §. 1. 10. 15. l. 2. §. 6. h. t.* vel etiam destructum *l. 1. §. 22. h. t.* (2.) sine jure, hinc quod agri colendi causa sit, licitum est *l. 1. §. 3. 15. h. t. v. l. 1. §. 23. l. 2. §. f.* (3.) privata autoritate, nam quod publico nomine suscipitur, justum censetur *l. 2. §. 3. l. 23. h. t.* (4.) sine consensu vicini *l. 9. §. 1. l. 19. 20. h. t.* (5.) nociturum *l. 1. §. 1. h. t. l. 8. §. 5. si serv. vind.* Hæc requisita naturalia sunt, iisque deficientibus, nulla actio competit. Præterea requiritur, ut opus sit factum (6.) in loco privato *l. 18. h. t.* (7.) rustico *l. 1. §. 19.* ut sit nociturum (8.) agro *l. 1. §. 17.* (9.) per influxum *l. 1. §. 22. l. 2. §. 9. h. t.* Sed hæc requisita determinant saltem læsionem specialem, adeoque, iis deficientibus, non cessat omnis actio, sed illa solum nomen actionis aquæ pluviae arcendæ gerere non potest.

§. 24. Competit actio aquæ pluviae arcendæ domino *l. 6. §. 4. h. t.* & illis qui jus in re habent *l. 3. §. f. l. 22. pr.* adversus dominum *l. 4. §. 2. l. 5. 6. 18.* vel eos, qui jure reali opus noxium possident *l. 22. §. 2. h. t.* quodsi res fuerit alienata, novus possessor conveniri potest, nam licet opus non fecerit, attamen æquitas exigit, ne rem, aliis nocituram, possideat *l. 12. 16. h. t.* potest tamen, etiam contra alienantem agi, si judicii mutandi causa *l. 16. in fin.* vel, post litem contestatam, rem alienaverit *l. 4. §. 1. h. t.* sed satius erit, à novo possessore, destructionem operis, quam ab alienante, id, quod interest, exigere.

§. 25. Tendit actio aquæ pluviae arcendæ, ad operis noxii destructionem *l. 14. §. 2. h. t.* quam quidem ejus Autor propriis sumptibus facere *l. 4. §. 2. l. 6. §. 6. l. 11. §. f.* cæteri vero possessores saltem patientiam præstare debent, quo tamen casu, impensas destructionis, actor ab autore recuperare potest *l. 4. §. 2. 3. l. 5. l. 6. §. 7. l. 11. §. f. l. 12. 13. h. t.* quæ omnia naturalia sunt *v. OBSERV. LAUTERB. Obs. 997.* qui destructioni resistunt, ad interessè, aut forte, operis nocituri deditionem, condemnantur *l. 24. §. 2. h. t.*

§. 26. Si, lite cœpta, damnum superveniat, ejus quoque in hac actione habetur ratio, sed si, ante litem motam, opus nocuerit, damni restitutio non hac actione, sed interdicto quod vi aut clam *l. 4. §. 2. 3. l. 5. 6. §. 6. h. t.* vel actione *L. Aquilæ v. l. 49. §. 1. ad L. Aquil. l. 7. §. 4. l. 13. pr. quod vi aut clam.* petitur, quia scilicet huic petitioni, nomen actionis aquæ pluvix arcendæ, non satis convenire fuit existimatum. Sed, istas minutias consectari, vix operæ est pretium, nam cerrum est, quod & damni, antea dati, restitutio, & operis destructio, eodem libello peti queant, ut res eodem recidat, sive, unam actionem proponi, sive duas cumulari, existimes *add. LAUTERB. C. J. de op. nov. nunc. seqq.*





LIBER QUARTUS.

CAPUT I. DE PERMUTATIONE.

SUMMARIA.

Transitus ad contractus, qui hodie tantum sunt consensuales §. 1.

Quod in specie de realibus etiam verum §. 2.

Partitio sequentium §. 3.

Permutationis indoles §. 4.

Intendit mutuum dominii translationem §. 5.

Ejus subjectum & materia §. 6. 7.

Res permutandæ, ut species & res æquales spectantur §. 8.

Solus consensus hodie parit actionem §. 9.

Ac periculum rei permutandæ transfert §. 10.

Quod utrumque secus est jure civili §. 11.

Facta unius præstatione, res promissa valide existitur §. 12.

Etiam jure civili, sed cum aliquo discrimine §. 13.

Rei promissæ periculum, hodierno & Romano jure, ad dantem, hoc casu, pertinet §. 14.

Permutatione plane consummata, cessat poenitentia, tam jure civili, quam moribus §. 15.

§. 1.



Rogrediendum nunc est ad *contractus & delicta*, quæ res aliorum respiciunt, &, ex quibus, varia *jura personalia*, iisque respondentes, *obligationes* oriuntur *v. lib. præc. c. 11. §. 1.* Primo de Contractibus agendum erit: De pactis obligatoriis in genere, eorumque varietate *l. 2. c. 4. f. dixi*, ac probavi, quod, ex usu Germaniæ, pacta, conventiones & contractus coincidunt, quodque

hodie omnes contractus, tantum sint consensuales, juxta quam hypothesein, tractatio specialis nunc erit instituenda.

§. 2. Equidem, circa contractus reales, præcipua est dubitatio,

Hh h 3

nam

nam hos plerique adhuc asserunt, ab iisque pacta præparatoria discerni jubent: Licet vero, si hæc, obligatoria dicas (quod tamen non omnes faciunt) in effectu nihil intersit, sive duo negotia, sive unum contractum consensualem asseras, attamen cum illa negotiorum separatio, ex nudis Romanorum pactis, manifeste satis habeat originem, hæc vero admissa non sint, ideo hoc quoque confectarium rejiciendum, ac doctrina contractuum, principiis æquitatis, in Germania probatis, attemperanda erit.

§. 3. Quo autem futuræ tractationi ordo constet, considerabimus contractus *Principales & Accessorios*, qui scilicet aliis firmandis, ineuntur *v. l. 2 c. 5. §. 6.* Illi sunt vel *consulti*, vel *fortuiti d. l. 2 c. 5. §. 4.* quorum priores, iterum in *onerosos & gratuitos* discernere licet. De singulis sigillatim agendum erit, ubi quidem cætera discrimina *d. l. 2 c. 5.* memorata, intercurrent, ea tamen fundamenti loco secuturæ tractationi non substernimus. Explicatis singulorum contractuum speciebus, generalia quædam, quæ variis contractibus communia sunt, adjiciemus. Equidem multis, qui præjudiciis Romani juris laborant, ordo noster parum accuratus & juridicus videbitur, sed, vel ad præjudicia illa oppugnanda, ordinem, sic instruere, visum fuit.

§. 4. Inter contractus onerosos, primo loco merito consideranda *Permutatio*, est enim antiquissimus contractus, eoque, ante inventum nummum, commercia fere expedita fuerunt. Sumitur illa vel late, pro quovis contractu oneroso, vel stricte, pro aliqua ejus specie, hoc sensu est *contractus consensualis de rebus aequalibus, earumque dominio, sinitive jure reali, permutandis.* Perficitur igitur *solo consensu*, perinde ut emtio venditio, *traditio* vero ad *consummationem* pertinet. Jure quidem civili, traditio, est pars essentialis permutationis, sed id hodie non obtinet *v. OBSERV. LAUTERB. Observ. 620.*

§. 5. Ea permutationis intentio est, ut dominium vel simile jus reale transferatur, nam hoc, ex ejus indole, satis liquet *v. l. 75. §. f. de V. O. l. 167. pr. de R. J.* non tamen hoc præcise de rei *veritate*, sed saltem de *opinione contrahentium* exaudiendum est, hinc sufficit, si illa jura præsumtive transferantur. Ea porro conditione jus suum alter alteri concedit, ut hic vice versa suum, in alterum, transferat, quare, si alter rem suam alteri det, nec fidem de re, rursus danda, habeat, dominium rei datae

datæ non est translatum, quamdiu accipiens rem suam non præstitit, hoc enim defendi potest, sive, ex mero jure naturali, sive civili, hanc rem æstimes *arg. §. 41. l. de R. D. v. OBSERV. LAUTERB. Obs. 634. 635.*

§. 6. Permutare possunt omnes, qui liberam rerum suarum habent administrationem *v. l. 4. C. de præd. minor. & nihil, quoad hoc caput, interest, sive permutationem, juxta jus Romanum, pro contractu innominato, sive mores Germaniæ, consensuali, habeas. Idem dicendum de materia, nam permutari possunt omnes res, quæ sunt in commercio & alienari non prohibentur, etiam alienæ, ad eos scilicet effectus, ad quos vendi possunt l. 1. C. de rer. perm. l. 29. C. de evict. l. 1. §. 1. de rer. perm. l. 4. §. 17. de usurp. l. 7. §. 5. de public. in rem act. v. OBSERV. LAUTERB. Obs. 638.*

§. 7. In specie nihil interest, sive (1.) sint res corporales, sive incorporales, quod tamen non ita accipiendum quasi duæ permutationis sint species, sed dicendum potius, quod in omni permutatione, res corporalis, cum incorporali, seu jure aliquo, transferatur (2.) mobiles vel immobiles, etiam pecunia numerata, tanquam corpus *l. 51. de Legat. 1. l. fin. de condit. caus. dat.* (3.) species vel quantitates, ejusdem vel diversi generis *v. l. 7. C. de rer. perm.* Illud etiam nihil refert, sive (4.) res æstimatæ aut venales fuerint, sive non, nam non infrequens est in vita civili, ut propositum contrahendi, ex aliqua necessitate, mutandum sit *v. l. 1. C. de rer. perm. v. OBSERV. LAUTERB. Obs. 637.*

§. 8. Semper tamen res permutandæ, spectantur ut species vel corpora, & ut res æquales *v. l. 1. pr. §. 1. de C. E. V. l. 5. §. 1. de P. V. l. 5. 7. C. de rer. perm. l. 58. de procur.* hinc differt permutatio (1.) ab *emtionē venditione*, in qua pecunia numerata requiritur (2.) à *donatione reciproca*, quæ æqualitatem non desiderat; interim Romani sæpe donationi, permutationis schema, circumposuerunt, quo actionem aliquam asserere possent *v. l. fin. C. de rer. perm. l. 9. 22. C. de donat. conf. l. 38. de C. E. V.* qua sollicitudine, nec de jure civili recentiori *l. 35. §. 5. C. de donat.* nec moribus nostris, amplius opus est, cum in quovis negotio, ad producendam actionem, solus consensus sufficiat (3.) à *mutuo*, nam in hoc, de eadem quantitate, successive præstanda, agitur, sed in permutatione, etiam res fungibiles, ut duæ species permutandæ, considerantur *add. OBSERV. LAUTERB. Obs. 640.*

§. 9. Effe.

§. 9. Effectus permutationis ut recte intelligatur, ac simul discrimen juris Germanici & Romani appareat, triplex ejus status est distinguendus, velenim (1.) *conventio, de rebus permutandis, tantum intercessit.* Hoc casu, hodie, exclusa omni pœnitentia, uterque, ad rem promissam præstandam, efficaciter obligatur, perinde sicut se res habet in emtione venditione. Contra invitum datur actio, quam *Conditionem ex moribus* dicere licebit, cum effectû tamen illa institui nequit, nisi actor, à sua parte, contractum implere paratus sit, nam alias ei obstat exceptio rei non traditæ, vel non impleti contractus, quo loco observandum, eum, qui causam dedit contractui, regulariter quoque executionis initium facere debere.

§. 10. Porro, conventionem inita, res promissæ, sunt mutuo contrahentium seu creditorum periculo, hinc is, qui rem suam casu amisit, sibi promissam tamen recte exigit: Qua in parte, ob diversitatem objecti, aliqua, inter emtionem & permutationem, est differentia: in illa enim, rei venditæ periculum, spectat quidem ad emtorem, sed periculum pretii, vice versa non sustinet venditor, quia scilicet quantitas debetur, quæ perire nequit: ast in hac, par utriusque, in sustinendo periculo, est conditio, quia, ab utraque parte, certa debetur species. Quodsi vero, de rebus fungibilibus, in genere permutandis, non habito, ad certa corpora, respectu, fuerit actum, tum quisque rei suæ periculum, usque ad traditionem, sustinet.

§. 11. Jure civili, ex placito permutationis, nulla datur actio, sed pœnitentia, ab utraque parte, locum habet, nisi stipulatione, seu verbis solennibus, illud fuerit celebratum *l. 3. 7. C. de rer. permut.* hinc etiam dubio procul quisque rei suæ periculum sustinet, nec illud, ad alterum contrahentem, spectat. Verum hodie illa cessant, licet, invitis juris Germanici principiis, nonnunquam inculcari soleant *v. CARPZ. p. 2. C. 33. D. 23.*

§. 12. Quodsi (2.) *conventioni præstatio aut traditio unius accesserit*, tum is, qui suum præstitit, conditione ex moribus, rem promissam ab altero, valide exigit, res vero data nec à dante potest repeti, si sine fraude contractum sit, ac is fidem de pretio, seu re promissa, habuerit *v. §. 5. h.* nec accipiens eam invito danti potest reddere, sed idem juris est, quod in emtione venditione *l. 8. C. de C. E. V. l. 14. C. de rescind.*

rendit. multo minus dans rem datam à tertio potest repetere *conf.* OBSERV. LAUTERB. *Obs.* 347. Si res data perierit, accipiens nihilominus, ad rem promissam præstandam, obligatur, sicut vice versa rem acceptam retinet, licet rem promissam, casu sublata, non præstet, modo ejus dolus, culpa aut pactum non intercesserit, & certa species fuerit debita.

§. 13. Jure Romano, dans itidem rem promissam *l. 4. §. 7. 8. C. de rer. permut. l. 26. de P. V.* vel id, quod interest, actione præscriptis verbis exigit *l. 5. §. 1. de P. V.* sed id discriminis subest, quod, moribus nostris, datio sit saltem *condictio sine qua non*, sed jure civili, est *pars essentialis* contractus. Præterea jure Romano dans, vel, ob cessationem accipientis, vel propriam pœnitentiam, rem datam, si eam malit, condictione causa data causa non secuta, potest repetere *l. 5. §. 1. l. 7. de P. V. l. 4. §. 7. C. de rer. perm. v. OBSERV. LAUTERB. Obs.* 645. sed saltem ab accipiente, non tertio *l. 4. C. de rer. permut. CARPZ. p. 2. C. 33. D. 24.* dantis ergo, non accipientis, est electio, quod frustra ex *l. 1. §. fin. ff. l. 1. 7. C. de rer. perm.* à nonnullis asseritur *v. CARPZ. p. 2. C. 33. D. 23. n. 4. seqq. PERETZ ad C. de rer. permut. n. 2.*

§. 14. Cæterum uti, repetitionem rei datæ hodie plane cessare, jam dixi §. 12. ita in eo jus Romanum, cum moribus nostris, iterum convenit, quod rei promissæ periculum casuale, ad dantem pertineat, hinc, ea per casum sublata, accipiens rem acceptam retinet *l. 5. §. 1. de P. V. l. fin. ff. l. 2. C. de rer. permut.* perinde sicut venditor pretium servat, licet rem venditam, ob casum, præstare nequeat; quare etiam dans, neque ex pœnitentia, rem datam repetere potest *l. pen. C. de condict. ob caus. dator.* Aliud est, si sine conventionione, per anticipatio-nem, res data sit, tum enim rei speratæ periculum, dantis nondum est, sed, hac pereunte, illa potest repeti *l. fin. de condict. caus. dat. v. OBSERV. LAUTERB. Obs.* 644.

§. 15. Quodsi denique (3.) *ab utraque parte sit facta traditio*, tum, sine dubio, permutatio est valida, & neuter pœnitere potest, qua in re, jus civile & mores conspirant, modo dolus, coactio, error similisve causa impediens non intervenerit, nam alias, pro casuum diversitate, vel permutatio erit nulla, vel minimum læsionis emendatio peti poterit. Quodsi in specie enormis læsio intercesserit, tum læso ele-

Emtionem concedunt, utrum à contractu plane recedere, an damni restitutionem exigere velit, eoque nomine, vel exceptionem vel actionem ei tribuunt v. LAUTERB. C. J. de rer. permut. in fin. sed hodie, ad exemplum emtionis venditionis, lædenti electio competit, de quo alibi in genere dicendum erit.

CAPUT II. DE EMTIONE VENDITIONE.

SUMMARIA.

Emtionis venditionis natura & varietas §. 1.
 Perficitur illa solo consensu §. 2.
 Emzione imperfecta, locus est poenitentix §. 3.
 Regulariter quisvis hunc contractum inire potest §. 4.
 Materia ejus, à parte venditoris, est res existens §. 5.
 Potentia §. 6.
 Vel actus, ex quo oritur emtio spei §. 7.
 Et rei, quæ debet esse certa §. 8. 9.
 Ac in commercio §. 10.
 A quo nonnullæ excluduntur §. 11.
 Vendi possunt res propriæ & alienæ §. 12.
 Emtio rei suæ non valet §. 13.
 Pretium debet consistere in pecunia numerata §. 14.
 Esse verum §. 15.
 Ac certum §. 16.
 In arbitrium alterius contrahentis, vel tertii incerti, ejus determinatio conferri nequit §. 17.
 Bene vero in tertii certi §. 18.
 Pretium quatenus justum esse debeat §. 19.

Emtioni aliquando adjicitur dies conditio resolutive & suspensiva §. 20.
 Ut & modus §. 21.
 Emtionis initæ indicium & effectus §. 22.
 Emzione perfecta, periculum & commodum est emtoris §. 23.
 Aliquando venditoris §. 24.
 Ante conditionis suspensivæ existentiam, damnum ad venditorem pertinet §. 25.
 Talis conditio occurrit circa res ad mensuram, pondus, numerum aut gustum vendi solitas §. 26. 27. 28.
 Rei alienæ venditæ periculum spectat ad dominum §. 29.
 Emtio perfecta solvitur dissensu §. 30.
 Impeditur vero dolo & vi §. 31.
 Nec non errore §. 32.
 Cujus effectus specialius declaratur §. 33. 34. 35. 36.
 Impeditur etiã emtio simulatione §. 37.
 Et obscuritate inexplicabili §. 38.
 Emtionis substantialia, naturalia & accidentalia §. 39.

§. 1.



Emtio venditio, est *contractus consensualis de re, pro certo pretio, tradenda* v. l. 1. §. fin. l. 2. §. 1. de C. E. V. Distinguitur (1.) ab *objecto*, in *rerum corporalium*, quando res præsens, cum suo jure, & *incorporalium*, quando res absens, cum jure exigendi, venditur. Non igitur ibi tantum res corporalis, hic incorporalis

lis occurrit, sed à potiori saltem fit denominatio (2.) à *modo exercendi*, in *naturalem* sive *æconomicam*, quam quivis pro ratione status sui, aliquando suscipit, & *artificialem* seu *negotiatoriam*, quæ à mercatoribus, juxta regulas artis, instituitur v. c. 11. *Dist.* 88. (3.) ab *adjuncto*, in *Non scriptam*, quæ solo consensu perficitur, & *Scriptam*, quæ scripturam ad sui perfectionem desiderat pr. *I. de Emt. vendit.* l. 17. *C. de fid. instrum.* regulariter scriptura saltem ad probationem pertinet l. 1. §. 2. *de rer. perm.* l. 4. *de pignor.* l. 4. *de fid. instrum.* CARPZ. p. 2. C. 33. D. 12. 13.

§. 2. Perficitur regulariter emtio-venditio consensu vero, puro, mutuo, de re l. 8. *de C. E. V.* pro certo pretio l. 9. *cod.* l. 1. §. 2. *de rer. perm.* l. 2. *de O. & A.* cum effectu tamen neuter contrahentium agere potest, quam si contractum, à sua parte, impleverit, vel implere paratus sit l. 13. §. 8. *de A. E. V.* quod si conditio suspensiva adjecta sit, hujus existentia demum emtio perficitur l. 2. *C. de peric. & commod. rei vend.* Verus etiam consensus is demum esse censetur, qui liber est à coactione injusta l. 11. *C. de C. E. V.* l. 16. *C. de jur. delib.* juxta tamen quis, ad hunc contractum, quandoque recte cogitur v. l. 1. §. 11. *de offic. pref. urb.* l. 14. §. 1. *quemad. serv. amitt.* l. 12. *de religiof.* §. 2. *I. de his qui sui vel alien. jur.* LAUTERB. C. J. *de C. E. V.* lit. C. Aliquando, ex conventionne speciali, scriptura ad perfectionem emtionis, requiritur pr. *I. de emt. vend.* l. 17. *C. de fid. instrum.*

§. 3. Sive autem solo consensu, sive in scriptis emtio venditio celebranda sit, quamdiu consensus perfecte non est datus, tamdiu locus est pœnitentiæ, sed cum dispendio arrhæ, si quæ data sit pr. *I. de emt. vendit.* l. 17. *C. de fid. instrum.* nam anticipata arrhæ datio, involvit pactum de emendo, cujus adeo violatio, illius dispendio multatur: Quod si emtio perfecta sit, pœnitentiæ locus non est, licet quis arrharum damnum subire velit, nisi alter consentiat, quod non raro fieri solet v. OBSERV. LAUTERB. *Obs.* 497. 498.

§. 4. Emere & vendere possunt, qui alios contractus ineunt, nec specialiter prohibentur, qualis prohibitio occurrit (1) quoad tutores similesque administratores l. 34. §. *fin.* l. 46. *de C. E. V.* l. 5. §. 2. 3. *de tutor. tutor.* v. CARPZ. l. 5. *Rsp.* 68. provinciarum præfectos l. 62. *de C. E. V.* l. 46. §. 2. *de jur. fisci.* l. 1. un. §. 2. *C. de contrah. judic.* (3.) Nobiles

l. 3. C. de commerc. & mercat. CARPZ. p. 2. C. 6. D. 4. (3.) Clericos c. 15. 16. X. de vit. & honest. Cleric. (5.) Hostes l. 2. C. que res export. non deb. (6.) Exteros, cum quibus, prout utilitas Reipublicæ exigit, commercia prohiberi solent v. LAUTERB. C. J. de C. E. V. lit. S.

§. 5. Materia emtionis venditionis, à parte venditoris, est *res sive merx*, à parte emtoris, *pretium v. l. 1. §. 1. l. 8. de C. E. V. l. 1. de rer. permut. l. 66. 207. de V. S. l. 1. §. 1. de tribut. action. Res debet (1.) *existere l. 15. de C. E. V.* alias contractus est nullus *v. l. 69. de V. O.* quodsi pro parte, ante contractum, perierit, is itidem nullus est, si res ut individua fuerit considerata, si deceptio intervenerit, interesse quandoque præstandum est, quemadmodum aliquando, ob consensum, pretium solvi debet, re licet extincta *v. l. 57. de C. E. V.**

§. 6. In interest porro, utrum res *potentia* tantum, an etiam *actu* existat. Illo casu emtio est conditionalis, adeo, ut si res sperata plane non producat, nihil etiam ab emtore solvendum sit *l. 8. de C. E. V.* Quodsi autem aliquo modo, tempore contractus, præsens, sed adhuc imperfecta sit, ut si quis fructus in herbis emat, tum emtio pura est, & emtor periculum sustinet, adeo, ut licet casus fructus interceperit, tamen omne pretium exsolvere debeat, nisi aliud actum sit *l. 39. §. 1. l. 78. §. fin. de C. E. V. l. 21. pr. l. 25. de A. E. V.* Quia vero ejusmodi venditiones sæpe satis voluntariæ non sunt, ideo legibus positivis quandoque prohibentur *v. SAND. l. 3. Dec. 3. t. 4. Def. 7.* quod tamen non factum in *Ordin. Polit. imper. de anno 1577. tit. 19.*

§. 7. Si vero res actu existat, tum rursus interest, utrum contrahentes eam in sua potestate non habeant, an habeant. Illo casu, occurrit emtio spei *l. 8. §. 1. de C. E. V.* ac videndum est, num ipsa spes, seu *actus percipiendi v. gr. venatio, piscatio aut aucupium, emta sint*, tum est pura emtio, & pretium exsolvendum, licet nihil captum sit, modo venditor bona fide operas præstiterit *l. 8. §. 1. de C. E. V. l. 12. de A. E. V.* an vero *res ipsa v. gr. pisces*, tum est emtio conditionalis, adeo ut, si nihil omnino captum sit, pretium exsolvi non debeat *d. l. 8. pr. de C. E. V.* nam diversa illa voluntas, ex diverso contrahendi modo, probabiliter colligitur.

§. 8. Altero casu, quando res potestati contrahentium subest, requiritur, ut sit (2.) *certa*, nam alias consensus necessarius nondum adest.

Deter-

Determinatur autem res vel *per averfionem*, quando sine consideratione quantitatis, aut numeri, vel rerum singularum, emptio initur, vel *per menfuram pondus aut numerum*, quando secundum hæc contractus celebratur. Illo casu emptio valet, licet in quantitate erratum sit, nam aliquid aleæ admixtum est, hoc vero, pretium quantitati, ponderi vel numero attemperandum est *l. 40. §. 2. de C. E. V. l. 2. pr. l. 4. §. 1. l. 6. pr. l. 42. de A. E. V. l. 69. §. fin. de evict.* CARPZ. *l. 5. R. §. 25.* RAUCHBAR. *l. 1. qu. 21.*

§. 9. In dubio autem, posteriori casu, spectatur mensura loci rei sitæ, non contractus, & potest ad mensuratio etiam, post sexaginta dies, exigi, nam terminum, qui, restringendæ contractus dissolutioni in *l. 31. §. 22. de adilit. edict.* statutus est, huc non pertinere, facile liquet, *add. l. 40. de C. E. V.* Est etiam emptio ad mensuram facta, conditionalis ac ad mensurationem demum perficitur, hinc, ante eam, periculum est venditoris *l. 10. ff. l. 2. C. de peric. & comm. rei vend.*

§. 10. Debet porro res esse (3.) *in commercio*, alias contractus est nullus *l. 6. pr. l. 22. 23. 34. §. 1. l. 70. de C. E. V.* Obligatio tamen secundaria ad interesse quandoque nascitur; Nimirum si uterque qualitatem rei ignoraverit, contractus simpliciter est invalidus, si vero venditor eam sciverit vel supine ignoraverit, emptori ignoranti id, quod interest, præstat *l. 4. 34. §. 3. in fin. l. 62. §. 1. l. 70. de C. E. V. l. 19. §. 1. l. 33. locat. v. OBSERV. LAUTERB. Obs. 499.* Si autem solus emptor sciverit, emptio itidem nulla est, pretium tamen ultro solutum repeti non posse videtur *l. 34. §. 3. l. 70. de C. E. V.*

§. 11. In censum autem rerum, vel simpliciter, vel certo respectu, commercio exemptarum, referri solent homoliber *l. 34. §. 2. de C. E. V. l. 1. §. 9. de O. & A. l. 103. de V. O.* res religiosæ, sacræ & sanctæ *l. 6. pr. l. 22. 73. de C. E. V.* publicæ *l. 6. pr. l. 72. §. 1. de C. E. V. §. fin. l. de emt. & vendit.* venena mala *l. 35. §. 2. de C. E. V.* libri reprobata lectionis *l. 4. §. 1. fam. ercisc.* Officia Nov. 6. c. 1. §. 9. Nov. 8. c. 7. res litigiosæ *l. 2. 4. C. de litig. furtivæ l. 34. §. 3. de C. E. V.* purpura & sericum ratione privatorum *l. 1. 2. C. que res ven. non poss. v. LAUTERB. C. J. de C. E. V. lit. O. n. 3.* circa quæ, aliaque ejus generis exempla, observandum, quod à negatione commercii, ad negationem dominii, semper

inferre non liceat, potest enim res esse in dominio, cujus tamen commercium sit interdictum.

§. 12. De cætero possunt vendi res propriæ *l. 34. §. 1. de C. E. V. usufructuariæ l. 12. §. 2. l. 38. seqq. l. 67. de usufr. de bitæ l. 2. C. de O. & A. communes l. 68. pro soc. l. 13. §. 17. de A. E. V. l. 2. 3. C. de comm. rer. alien. & nihil refert sine sint mobiles sive immobiles, ipsa etiam pecunia, ut corpus spectata, vendi poterit. Res etiam alienæ, non quidem in præjudicium domini, sed ad effectum usucapionis ac præstandæ evictionis similemque, possunt vendi *l. 28. de C. E. V. l. 11. §. 8. l. 30. §. 1. de A. E. V. l. 3. C. de Evict. v. l. 15. 16. commod. l. 31. deposit. l. 7. locat. l. 9. pr. l. 22. §. 2. de pign. action. & videtur contractus valere inter contrahentes, licet uterque sciverit, rem esse alienam *l. 28. de C. E. V. l. 30. §. fin. de A. E. V.* nam scientia illa rem furtivam, cujus alioquin commercium non est *l. 34. §. 3. de C. E. V.* non statim efficit.**

§. 13. Si quis rem suam emat, tum emtio ne quidem, quoad obligationem secundariam, ad pretium, ignorantem emtori restituendum, valere, sed obligatio illa, extra contractum, nasci creditur, ut condictione indebiti illud repetendum sit *l. 16. de C. E. V. l. 4. C. cod. l. 45. de R. J. l. 3. §. 4. de A. A. P.* cujus subtilitatis nulla hodie est utilitas, cum non de obligatione & actione ipsa, sed ejus saltem nomine disputetur *vid. OBSERV. LAUTERB. Obs. 500.* Plane si res nostra, certo respectu, etiam sit aliena, emtio suo modo valet *l. 16. §. 1. l. 17. 18. 34. §. 4. l. 61. de C. E. V. l. 4. C. cod. l. 31. 98. de V. O. l. 25. de V. S.*

§. 14. Pro re emtor solvere debet *pretium v. l. 72. pr. de C. E. V. l. 16. §. fin. de pignor. l. 21. C. de jur. dot.* Hoc debet consistere (1.) in pecunia numerata *l. 1. §. 1. de C. E. V. l. 9. C. cod. l. 24. §. 1. de pign. action.* quod si cum pretio alia res promittatur, tum est negotiorum mixtum, nec laborandum est hodie, cum interpretibus, ut vel ad emtionem vel permutationem illud reducatur *v. LAUTERB. C. J. de C. E. V. lit. O. a. n. 1.* nam permutationis & emtionis jura, hodie sunt æqualia.

§. 15. Porro debet esse (2.) *verum l. 55. de C. E. V. l. 16. de R. J. l. 54. de O. & A.* si minus justo sit, oritur emtio donatione temperata *l. 38. de C. E. V.* si nullum plane interveniat, sub specie emtionis, celebratur donatio, quæ hodie non tantum valet, si res sit tradita *v. l. 36. ff.*

l. 3. 9. C. de C. E. V. sed & si tradita non sit, adeo ut conditione ex lege vel moribus, recte illa exigatur v. OBSERV. LAUTERB. *Obs. 502.*

§. 16. Non minus etiam debet esse (3.) *certum v. §. 1. I. de Empt. vend. l. 35. §. 1. de C. E. V.* nam alias consensus, hic necessarius, nondum adest v. *l. 16. §. f. de pignor.* incertum tamen augmentum accedere potest *l. 7. §. fin. de C. E. V.* Definitur autem pretium plerumque puro contrahentium consensu, poterit definitio quoque per relationem fieri v. *l. 6. de R. C.* dum vel ad determinationem Magistratus, vel præcedentis contractus, vel ad quantitatem, alicubi existentem, partes se referunt v. *l. 7. §. 1. l. 37. de C. E. V.* quodsi relatio respiciat tempus futurum v. gr. *vendo eo pretio, quo, illo die, in foro vendetur*, tum est emptio conditionalis, quæ, deficiente conditione, deficit.

§. 17. In arbitrium unius, ex contrahentibus, pretii determinatio conferri nequit *l. 35. §. 1. l. 7. pr. ff. l. 13. C. de C. E. V.* quanquam ea, quæ ad accidentia contractuum pertinent, contrahentis alicujus arbitrio subjici possint *l. 7. de C. E. V. l. 24. locat. l. 6. pro soc.* Videtur tamen illa dispositio, saltem positiva esse, hinc inter eos, qui legibus civilibus non subsunt, haut obtinebit. Si in arbitrium tertii incerti definitio pretii conferatur, emptio nulla est *l. 25. locat. l. fin. C. de C. E. V.* quod idem est mere positivum, nec ubique obtinet v. VINN. ad §. 1. *I. de empt. vendit. in fin.*

§. 18. Quodsi arbitrio hominis certi, pretii determinatio committatur, tum emptio conditionalis est, si igitur tertius ille vel nolit vel nequeat pretium definire, venditio corrumpitur, nec recurritur ad arbitrium boni viri *l. fin. C. de C. E. V. l. 75. pro soc. l. 43. de V. O.* quæ sanctio mere positiva est, nec in ultimis voluntatibus observatur *l. 3. §. 1. C. comm. de legat. v. l. 12. de R. J.* si vero pretium inique definiat, iudex æstimationem emendat *l. 76. seqq. pro soc. l. 30. de oper. libert.* licet læsio dimidium non excedat, nam specialis illa *l. 2. C. de rescind. vend.* sanctio, videtur referenda ad emptionem plane absolutam, sed perficienda, ex mero jure naturali, non immerito æstimatur. In genere putem, istam pretii definiendi rationem, quæ per relationem fit, rarioris, in vita civili, esse usus.

§. 19. Denique pretium debet quoque esse (4.) *justum i. e. rei ven-*

vendendæ æquale, & hoc quidem simpliciter requiritur, si pretia rerum lege sint definita, si vero arbitrio contrahentium definienda sint, tum, in foro quidem conscientiæ, exacta etiam æqualitas est necessaria, adeo ut quævis inæqualitas, cujus alter est conscius, peccatum involvat *v. l. 19. §. 8. de legat. 1. l. 31. §. 4. de donat. inter V. & U. l. 7. §. 12. comm. divid.* sed in foro externo, uti, ob pretii incertitudinem, sæpe læsio probari nequit, ita probatæ etiam nulla haberi solet ratio *v. l. 16. §. 4. de minor. l. 22. §. fin. locat.* nisi sit enormis *l. 2. C. de rescind. vend.*

§. 20. Initur emtio vel *pure*, vel cum *adjectione diei, conditionis aut modi.* Dies adjicitur vel tanquam terminus à quo, vel ad quem *v. l. 82. §. 2. de C. E. V.* & vel consummationem differt, vel emtionem resolvit. *Conditio* resolutiva itidem contractum purum sua existentia destruit, si autem suspensiva adjiciatur, ea pendente, ipsa quoque emtio est in pendenti *v. l. 7. l. 41. de C. E. V. l. 43. §. 9. de edilit. edict. nec per pretii solutionem aut rei traditionem perficitur l. 8. de peric. & commod. rei vend. l. 31. de A. R. D.* hinc dominium vel conditio usucapiendi in suspenso est *l. 4. de in diem addict. l. 2. §. 2. pro emt. l. 2. pro dot. l. 10. §. 5. de jur. dot. vid. l. 34. pr. in fin. l. 38. §. 1. de A. A. P.* OBSERV. LAUTERB. *Obf. 506. 507.*

§. 21. Quod si conditio existat, tum emtio retro perficitur *v. l. 50. de C. E. V. l. 8. de peric. & comm. rei vend.* si autem deficiat, ejus perficiendæ spes perit actorum negotium in nihilum resolvitur *l. 37. in f. de C. E. V. l. 8. de P. & C. rei vend.* Modus emtionis adjectus, eam non suspendit *l. 41. de C. E. V.* non impletus tamen, velut conditio resolutiva, illam resolvit, de quo generaliter prolixiusque actum *l. 2. c. 4. §. 18. seqq.*

§. 22. Emtione venditione perfecta, aliquando datur *arra*, in signum conventionis initæ, quæ tamen nonnunquam etiam contractum antecedit, dum pactum de emendo vendendo comitatur *l. 17. C. de fid. instrum. pr. l. de E. V.* Porro, emtione inita, utriusque contrahentis officium est, id, quod promissum est, præstare, de quo *capite sequenti* agemus. Denique de periculo rei venditæ, ad quem illud pertineat, non raro quæritur, de quo sic breviter dicendum.

§. 23. Emtione perfecta, i. e. pure conclusa, periculum super-
veni-

veniens casuale, ut & commodum, ad emptorem pertinet, habet enim potius jus, ac dominium, quod venditori adhuc asseritur, est saltem precarium ac nullius effectus *l. 7. §. 8. de peric. & comm. rei vend. l. 1. §. 5. C. cod. l. 35. §. 4. de C. E. V. l. 11. §. 9. 10. quod vi & clam. l. 8. de evict. l. 13. §. 18. de A. E. V.* hinc venditor pretium retinet vel exigit, perinde ac si rem tradidisset *l. 6. C. de per. & comm. rei vend. l. 5. §. fin. de rescind. vendit. CARPZ. p. 2. C. 26. D. 20.* Quod si tamen damnum, à facto tertii, dependeat, tum venditor, contra hunc, actiones emptori cedere debet *l. 35. §. 4. de C. E. V. l. 14. §. 80. de furt.* sed istis ambagibus hodie opus non videtur, verum emptor suo jure contra tertium agere poterit *v. OBSERV. LAUTERB. §§. 558. 559. 560. 561.*

§. 24. Multo magis damnum ad emptorem pertinet, si rem multis casibus obnoxiam, v. gr. fructus immaturos aut pendentes, emerit *v. l. 78. §. fin. de C. E. V.* Quod si vero venditoris (1.) dolus vel culpa *v. l. 35. §. 4. de C. E. V. l. 36. de A. E. V. l. 3. §. 5. 12. 15. 17. de peric. & comm. rei vend. l. 33. locat. CARPZ. p. 2. C. 26. D. 24.* aut (2.) mora efficax *l. 4. 6. C. de peric. & comm. rei vend. CARPZ. d. l. D. 25.* intercesserit *v. OBSERV. LAUTERB. Obs. 560.* vel is (3.) pacto periculum in se receperit *l. 78. §. f. de C. E. V. l. 1. de peric. & comm. rei vend.* tum dubio procul damnum ad ipsum pertinet. Idem dicendum, si (4.) res ex præcedente vitio perierit *l. 1. 6. C. de peric. & comm. rei vend.* aut (5.) in venditione alternativa, una saltem res sublata sit *l. 34. §. 6. de C. E. V.*

§. 25. Si emptio sit imperfecta, tum regulariter periculum est venditoris, velut domini; Est autem, quoad periculum, imperfecta, quæ sub conditione expressa vel tacita initur, hinc damnum ad venditorem pertinet (1.) quod, adjecta conditione, ante hujus existentiam, toti rei accidit *l. 10. §. 8. de jur. dot. l. 8. de peric. & comm. rei vend. l. 5. C. cod.* particulare vero damnum, conditione secuta, sequitur emptorem *d. l. 8. de peric. & comm. rei vend. CARPZ. p. 2. C. 26. D. 21. 21.* In specie igitur illa obtinent, si (2.) emptio in scriptis celebretur, & ante hujus confessionem, damnum eveniat *l. 4. C. de peric. & comm. rei vend. pr. l. de E. V. l. 17. C. de fid. instrum.* & putem hoc casu, particulare etiam damnum, venditoris esse futurum, emptor enim non facile consentiet, ut conditio, ab ejus arbitrio quoque dependens, post damnum eveniens, impleatur.

§. 26. In specie circa res, quæ ad mensuram, pondus, gustum ac numerum vendi solent, tacitæ conditiones intercedere solent, hinc modus contrahendi probe attendi debet. Equidem si (1.) *per aversionem*, res illæ emantur, tum emtio, consensu pure dato, perfecta est, ac periculum ad emptorem pertinet *v. l. 1. pr. de peric. & comm. rei vend.* si vero (2.) ad *mensuram vel pondus* emtio facta, tum, antequam admensio vel appensio accesserit, illa imperfecta est, & periculum spectat ad venditorem *l. 34. §. 5. l. 35. §. 5. seqq. l. 40. §. 2. de C. E. V. l. 1. §. 1. l. 5. l. 10. §. 1. de peric. & comm. rei vend. l. 2. C. cod. CARPZ. p. 2. C. 26. D. 23.* fitamen emptor sit in mora, casus ad ipsum pertinet *v. l. 1. §. 3. seqq. l. 2. §. 1. l. 4. §. 5. de peric. & comm. rei vend.*

§. 27. Si (3.) ad *gustum* res sit vendita, quod quidem regulariter fieri solet, in rebus quæ sine degustatione non emuntur *l. 4. §. 1. de peric. & comm. rei vend.* tum emtio itidem est conditionalis, adeoque periculum ad venditorem, ante degustationem, pertinet *d. l. 4. §. 1. add. l. 1. §. 2. l. 4. pr. l. 15. cod.* imo cum conditio, ab arbitrio emptoris, dependeat, ideo post degustationem, etiam emtio improbari potest *l. 34. §. 5. de C. E. V.* si enim res non sapiat, censetur conditio defecisse. Cæterum raro forsitan, sub conditione degustandi, emtio initur, sed degustatio potius ad præparatoria pertinet, & quamdiu illa nondum intercessit, res, in terminis nudi tractatus, consistit, quo casu eo minns dubitandum est, quin periculum ad venditorem spectet. Quodsi degustatio, sed nondum admensio facta sit, periculum qualitatis, ad emptorem, sed quantitatis, ad venditorem pertinet. *v. l. 4. de peric. & comm. rei vend.*

§. 28. Denique si res (4.) ad *numerum*, vel *individua*, sit vendita, periculum quoque, ante traditionem, sustinet venditor *l. 14. §. 1. de peric. & comm. rei vend. arg. l. 11. C. si cert. petat.* hinc si v. gr. decem oves, è grege, venditæ fuerint, & ante traditionem, universus grex perierit, periculum est venditoris, quod secus est in obligatione alternativa, ubi, utraque re sublata, damnum quoque est emptoris *l. 34. §. 6. de C. E. V.* nam hoc casu, de certis rebus, sine conditione ad numerationis, conventio est inita *v. OBSERV. LAUTERB. Obs. 563. 564. 565.* Quodsi autem in emtione, ad numerum facta, certæ species signatæ sint, ista signatio pro traditione habetur, & periculum in emptorem trans-

transfert *l. 14. §. 1. de peric. & comm. rei vend.* quod in rebus, ad mensuram vel gustum emi solitis, secus est *l. 1. §. 2. cod. conf.* LAUTERB. *C. J. de peric. & comm. rei vend.*

§. 29. Hactenus dicta pertinent ad casum rei propriæ venditæ: Si vero res aliena sit vendita, ac de ejus qualitate nunc satis constet, ejus periculum, ad dominum spectare putem, si mala fides venditoris aut emtoris aliaque culpa non interveniat, nam res perit suo domino: Cujus rei is erit effectus, ut emtor pretium solvere non debeat, vel solutam repetere possit, nihilque interesse videtur, ante an post traditionem, emtori factam, res perierit. Quodsi vero venditoris, aut emtoris, vel utriusque aliqua subsit culpa, tum, illos ad damni restitutionem teneri, ex generalibus æquitatis principiis patet.

§. 30. Venditio perfecta rescinditur (1.) *mutuo dissensu*, & nihil refert, sive res adhuc sit integra, sive ab uno, aut ab utroque promissio impleta, nam omni casu, consensus serio datus, efficax est, hinc sollicitudo Romana, qua ad rem integram, mutuos dissensus restringitur *l. 3. §. fin. de rescind. vend. l. 7. §. 6. l. 58. de pact. l. 1. 2. C. quand. lic. ab eint. reced. §. fin. l. quib. mod. toll. oblig.* hodie cessat, licet verum sit, quod, re non amplius integra, consensus non sit mere liberatorius, sed etiam obligatorius. Quodsi uni contrahentium obligatio remittatur totus contractus regulariter sublatus censetur *l. 1. §. de rescind. vend. v. l. 56. de pact.*

§. 31. Aliquando emtionis perfectio ab initio impeditur. Eo pertinet (2.) *dolus*, qui, si causam dedit contractui, eum facit, volente læso, plane nullum *l. 5. C. de rescind. vend. l. 7. de dol. l. 16. §. 1. de minor.* si vero in eum incidat, tum læso regulariter saltem competit jus ad interesse *l. 13. §. 4. §. de A. E. V. CARPZ. p. 2. C. 34. D. 9.* (3.) *vis injusta*, ob hanc læsus à contractu etiam recedere potest, & nihil hodie refert, sive eum ipso jure nullum, sive rescindendum dicas *v. l. 2. c. 4. §. 45. seqq. add. OBSERV. LAUTERB. Obs. 510.*

§. 32. Porro eo pertinet (4.) *Error v. l. 15. de juried. l. 2. pr. de jud. l. 57. de O. & A. l. 116. §. 2. de R. J.* distingvendum autem est inter errorem *concomitantem*, qui nullius effectus est, cum consensum necessarium non excludat, & *efficacem*, hic, si involuntarius sit, quod regulariter dicendum, contractum facit vel plane nullū, vel minimum læso dat jus

ad interesse, prout scilicet id, in quo erratum est, errans principaliter aut minus principaliter respexit *v. OBSERV. LAUTERB. Obs. 511.*

§. 33. Ex his speciales quæstiones facile explicantur. Error circa contractum, efficax est, ac facit, ut emptio haud contrahatur *l. 9. de C. E. V.* dominii tamen translationem, talis error non semper impedit *vid. OBSERV. LAUTERB. Obs. 512.* Sic circa personam, vel causam impellentem erretur, error concomitans regulariter est, nec emptioni officit *v. OBSERV. LAUTERB. Obs. 513.* multo minus ergo error, circa qualitatem personæ, nocebit *v. gr. si venditorem, Italum putes cum esset Gallus; quod si vero persona ad contrahendum sit inhabilis, tum non error, sed ipsa qualitas, illo licet remoto, emptioni obest l. 2. §. 16. pro emptor.* Errorem in nomine esse quoque innoxium, facile patet, modo is nullam, quoad ipsam rem, involvat incertitudinem *l. 9. §. 1. de C. E. V. v. l. 80. de jud. l. 5. §. 4. de R. V. l. 4. de Legat. 1. l. 17. de condit. & demon. l. 32. de V. O.*

§. 34. Si circa pretium erretur, ita ut venditor majus, emptor minus intelligat, error quoque efficax est, ac impedit contractum *l. 9. pr. de C. E. V.* si emptor majus intelligat, minori pretio emptio conclusa est *l. 52. locat. in negotiis gratuitis.* error quoad pretium, indistincte innocuus est *l. 1. §. 4. de V. O.* Quod si error circa corpus *l. 9. pr. de C. E. V.* vel circa materiæ substantiam, aut maximam ejus partem interveniat *l. 9. §. 2. l. 10. 14. 41. §. 1. eod.* emptio etiam non valebit, adeo ut læsus ab ea discedere possit, illo tamen & isto casu, Romani conditionem indebiti, hoc vero actionem ex contractu læso tribuere videntur *v. l. 41. §. 1. l. 23. 24. 45. 62. §. 1. de C. E. V.* quarum subtilitatum nullus, ut puto, est usus.

§. 35. Si circa rei qualitates erretur, tum emptio valida pronuntiatur, ac erranti saltem jus asseritur, ut vel læsionis emendationem, vel aliquando interesse exigat *l. 45. de C. E. V. l. 21. §. 2. de A. E. V.* licet vero isti doctrinæ haud obsit *l. 16. de C. E. V.* cum in ea, non error, sed ipsa rei qualitas, emtionem vitiet, attamen illa universaliter non est admittenda, sed dicendum potius, quod error qualitati, emtionem quoque nullam reddat, si emptor illam præcipue respexerit *v. l. 11. §. 5. de A. E. V. l. 11. §. 1. de C. E. V. OBSERV. LAUTERB. Obs. 514.*

§. 36. Error circa accessoria, emtionem non vitiat, cum consensum

sum necessarium nec attingat, nec imminuat *l. 34. pr. de C. E. V.* ac debetur illud, de quo venditor sensit *d. l. 34.* quod tamen saltem verum est eo casu, quo emtor legem contractui dixit; aut si, vice versa, venditor conventioni ansam dederit, tum contra ipsum fit interpretatio *l. 39. de pact. v. OBSERV. LAUTERB. Obs. 515. 517.*

§. 37. Impeditur quoque emtio (§.) *simulatione*, quando vel nihil omnino agitur *v. l. 55. de C. E. V. l. 16. de R. J. l. 30. de R. N. l. 21. C. de transact. l. 6. C. sicert. petat.* vel sub emtionis specie aliud negotium geritur *v. l. 36. 38. ff. l. 3. 9. C. de C. E. V.* quod cum habet effectum, quem haberet, si aperte initum fuisset: Quod si autem non simulatio voluntaria intercesserit, sed potius dolo alterius, alius plane contractus sit substitutus, tum hic non valet *l. fin. C. plus valer. quod agit. vid. OBSERV. LAUTERB. Obs. 516.* De cætero simulatio ab allegante probanda est *v. CARPZ. p. 2. C. 1. D. 2. &*, si in continenti probari queat, exceptio simulationis, etiam instrumento grarentigiatu potest opponi *CARPZ. Pr. tit. 22. art. 3. n. 26.* frustra dissentiente FINCKELTHUSIO *Obs. 119. n. 16.*

§. 38. Denique emtionem quoque impedit (6.) *Obscuritas*, si non constet, quid actum sit, neque tamen obscuritati statim cedendum, sed tentandum potius est, annon per conjecturas probabiles, contrahentium sententia possit erui. Hinc verba *l. 7. §. 2. de supell. legat. l. 66. de Legat. 3. l. 126. §. 2. in fin. de V. O.* natura negotii *l. 4. pr. de usur.* consuetudo loci vel personæ *l. 34. de R. J. l. 6. de evict.* similesque circumstantiæ, spectandæ sunt, atque inde, quid actum sit, ostendendum est *v. l. fin. C. que res pign. oblig. l. 6. §. 1. l. 33. de C. E. V.* In dubio interpretatio est facienda contra illum, qui legem contractui dixit *l. 39. de pact. l. 21. 33. de C. E. V. l. 172. de R. J. l. 38. §. 18. l. 99. de V. O.* de quibus interpretandi regulis supra *l. 1. c. 17.* plenius actum est.

§. 39. Ex his constare potest, quod, circa emtionem venditionem, occurrant *substantialia*, quæ ad perfectionem hujus contractus necessario requiruntur, qualia sunt consensus, pretium, merx &, quæ ex hac oritur, evictionis præstatio *v. l. 72. de C. E. V.* vel *accidentalialia*, quæ, salvo contractu, abesse possunt, hæc sunt vel *talia in specie*, quæ modo adsunt, modo absunt, ut conditio, modus similiaque, vel *naturalia*,

quæ regulariter emtionem comitantur, ut scriptura *v. l. 31. §. 20. de edilit. edit. add.* OBSERV. LAUTERB. *Obs. 504.* Atque ista partium distinctio, in omnibus contractibus, occurrit *add. LAUTERB. C. j. de C. E. V.*

CAPUT III. DE ACTIONIBUS EMTI ET VENDITI.

SUMMARI.

Obligatio venditoris & emptoris §. 1.
Contra illum datur actio emti §. 2.
Quando cum effectu instiui queat §. 3.
Datur emptori adversus venditorem §. 4.
Ad consequendam rem venditam §. 5.
Tradenda est res vacua §. 6.
Traditione transfertur dominium vel conditio
usucapiendi §. 7.
Modo emptor suæ quoque obligationi satisfacere
rit §. 8.
Tradi debet res cum suis requisitis §. 9.
In specie, libera à servitutibus §. 10.
A pensatione §. 11. 12.
Et pignore §. 13. 14.
Porro tradi debet suis accessionibus §. 15.
Quæ, pro rerum diversitate, diversæ §. 16. 17. 18.
Quæ pertinentiarum rationem non habent, em-
ptorem non sequuntur §. 19. 20.
Instrumenta authentica ei quoque cedunt §. 21.
Ut & fructus pendentes §. 22.
Etiam civiles §. 23.

De quo, ex tempore venditionis, judicandum §. 24.
In fructibus civilibus non surrogatis, tempus so-
lutionis attendendum §. 25.
Venditoris obligatio ex pacto §. 26.
Actio venditi §. 27.
Cum effectu instiui potest, si venditor officium
impleat §. 28. 29.
Datur venditori adversus emptorem, ad pretium,
consequendum §. 30.
Cum usuris §. 31.
Ob pactum §. 32.
Moram §. 33.
Vel fructum perceptionem §. 34.
Potest etiam venditor id, quod interest, non vero
penam exigere §. 35.
Licet ipse ad hanc obligari queat §. 36.
Comparatio pacti & moræ quoad usuras §. 37.
Datur etiam actio venditi ad repetitionem sum-
tum §. 38.
Ac aliquando revocandam rem venditam §. 39.
40. 41.

§. I.



Emtione venditione perfecta uterque contrahentium
id, quod promissum est, præstare *v. cap. prac. §. 22.* ac
insuper damnum voluntarium relascire cogitur,
quæ officia naturalia sunt, ac plures præstationes spe-
ciales sub se complectuntur *add. OBSERV. LAU-
TERB. Obs. 566.* Inviti actionibus, in foro civili,
ad

ad implendas obligationes, adiguntur, harum ergo consideratio, illa emtorum venditorumque officia, in se continet.

§. 2. Actio emti v. l. 13. §. 25. de A. E. V. est actio personalis, competens emtori & heredibus, adversus venditorem & heredes, ad rem venditam tradendam, & omne id, quod ex hoc contractu idem debet, præstandum v. l. 1. pr. §. 1. de A. E. V. Est rei persecutoria §. 17. l. de action. pro re quoque habetur poena conventionalis l. 47. de A. E. V. & perpetua l. 21. C. de evict. l. 5. C. quib. non objic. long. temp. præscript. Distinguitur in directam & utilem l. 13. §. 25. de A. E. V. quæ divisio hodie non necessaria.

§. 3. Jus agendi statim adest contractu perfecto, cum effectu tamen emtor agere nequit, nisi pretium integrum solverit aut obtulerit l. 13. §. 8. de A. E. V. vel venditori alio modo satisfecerit l. 5. §. 18. de tribut. action. l. 53. de C. E. V. aut hic fidem de pretio habuerit §. 41. l. de R. D. l. 19. de C. E. V. quod etiam factum censetur, tempore, licet brevi, solutioni præstituto l. 3. C. de pact. inter emtor. & vend. non etiam re simpliciter tradita d. l. 19. de C. E. V. v. MOLLER l. 4. Semest. c. 28. ZOES. ad ff. de A. E. V. n. 7. Quodsi nihil horum intervenerit, venditor conventus rem, velut pignus, retinet, ac exceptionem pretii non soluti, in ipsa etiam executione, opponit, imo iudex, ex officio, eam supplere potest v. LAUTERB. C. J. de A. E. V. lit. N.

§. 4. Competit actio emti, emtori & heredibus l. 10. 11. pr. de A. E. V. adversus venditorem & heredes l. 47. §. 2. §. 1. de A. E. V. l. 49. de O. & A. sed non contra tertium possessorem l. 15. C. de R. V. Quodsi per procuratorem contractus celebratus sit, tum domino vel adversus dominum, utilis actio datur l. 13. §. 25. de A. E. V. quod secus est, si nuncius saltem intervenerit, tum enim directa actio locum habet l. 14. §. f. l. 15. de conflit. pecun. sed harum tricarum nulla hodie est necessitas: dominus agere & conveniri poterit, modo probetur, quod, ejus nomine, contractus sit initus. v. OBSERV. LAUTERB. Obs. 567.

§. 5. Petitur hac actione res vendita, quam etiam venditor præcise præstare tenetur, hoc enim & æquitas & lex civilis exigit §. 1. l. de emt. vendit. §. 2. l. de donat. l. 11. §. 2. l. 46. de A. E. V. l. 6. C. de rescind. vendit. v. CARPZ. p. 2. C. 1. D. 15. qui dissentiant, præjudiciis, ex jure Romano male formati, laborant. Quodsi autem venditor in mora sit,

fit, adeo ut emtoris amplius non interfit, rem præstari, vel ille etiam rei tradendæ facultatem, sua culpa, plane amiserit, tum interesse petit emtor *l. 1. 11. §. 9. l. 12. ff. l. 4. 10. C. de A. E. V. l. 17. C. de fid. instrum.* quod quidem omne verum damnum, vel lucrum interceptum, sub se continet *l. 21. §. 3. de A. E. V. v. OBSERV. LAUTERB. Obs. 568.*

§. 6. Sed traditio rei plures speciales præstationes sub se continet. Tradenda igitur res est ita, ut sit vacua à possessore civili *l. 8. pr. l. 11. §. 13. de A. E. V.* quod secus est, si rei vindicatio vendatur, nam tum emtor possessorem per hanc expellere debet *l. 16. de fund. dotal.* porro res etiam libera esse debet ab alio possessore naturali *l. 1. §. 1. l. 2. §. 1. l. 3. pr. §. 1. l. 8. §. 1. de A. E. V.* si hoc actum sit, quod quidem regulariter dicendum.

§. 7. Transfertur autem per traditionem, dominium non quidem præcise verum sed præsumtum *l. 25. §. 1. de C. E. V. l. 11. §. 2. l. 30. §. f. de A. E. V.* adeoque emtor saltem, in conditione usucapiendi, nonnunquam constituitur, ac venditorem, evictionis nomine, habet obligatum *l. 11. §. 8. 18. de A. E. V. l. 66. de C. E. V.* Sufficit etiam, si rerum fungibilium dominium præsumtive transferatur, licet vulgo aliter sentiant *v. OBSERV. LAUTERB. Obs. 576.* Aliquando ad transferendum dominium requiritur judicialis resignatio, ut in Saxonia, quoad immobilia *v. OBSERV. LAUTERB. Obs. 569.*

§. 8. Quod autem venditor tradens transferat dominium, id solum eo casu verum est, quando vel pretium ei solutum, vel ipse fidem de eo habuit, nam si neutrum horum intervenerit, traditio dominium non transfert *§. 41. I. de R. D. l. 19. de C. E. V.* quod vulgo quidem hic singulare credunt *v. LAUTERB. C. J. de A. E. V. lit. N.* sed revera id singulare non est, verum in omnibus contractibus bilateralibus, domini translativis obtinet *v. c. 1. §. 5. h.* Aliquando tamen fide licet de pretio habita, dominium in emtorem non transit, si scilicet dolo contraxerit *CARPZ. p. 1. C. 28. D. 17. 18. 19.*

§. 9. Debet etiam restradi, cum omnibus suis requisitis; quod si adeo, in nonnullis, error vel simplex, vel alterius dolo elicitus, intervenierit, tum vel à contractu disceditur, vel læsionis emendatio exigitur, de quo actum *cap. præc. §. 31. seqq.* In specie error obrepere potest, circa servorum vel jumentorum sanitatem, cujus læsionis emendandæ cura,

cura, apud Romanos, ad *Ædiles*, pertinebat, non minus quoque circa pretium errari, atque ita læsio oriri potest, de utraque illa læsione alibi dispicimus.

§. 10. Inprimis res libera tradenda est (1.) à *servitutibus* l. 15. §. 1. l. 75. de *eviç.* l. 61. de *adilit. ediç.* interest autem, utrum venditor rem liberam dixerit, hoc casu indistinçte ad interesse tenetur, si talis non sit v. l. 90. 169. de *V. S. l. 35. de A. E. V. l. pen. de eviç.* an vero nihil dixerit, tum rursus videndum, utrum venditor sciens, emtorem ignorantem onus celaverit, & ad interesse præstandum etiam obligatur l. 1. §. 1. l. 13. pr. l. 39. de *A. E. V.* an ipse quoque servitutem ignoraverit, hoc casu saltem præstat, quanti minoris emtor, si onus ei cognitum fuisset, emisset l. 13. de *A. E. V. l. 61. de adilit. ediç.* l. 15. §. 1. de *eviç.* nisi pacto sibi prospexerit l. 1. §. 1. de *A. E. V. l. 10. 11. de H. vel A. vend.* vel etiam servitutes usitatæ sint l. 59. de *C. E. V. l. pen. de eviç.* nam tum ad nihil tenetur, quemadmodum etiam, in negotiis gratuitis, obligatio cessat l. 69. §. 3. de *Legat. 1.*

§. 11. Tradi quoque debet libera (2.) à *pensitatione*, alias eodem modo venditor obligatur, sicut in casu præcedente. Si igitur liberam dixerit, vel emtorem ignorantem onus celaverit, ad interesse tenetur, illo casu, ex pacto, hoc, ex dolo l. 13. pr. §. 6. l. 21. §. 1. de *A. E. V.* si vero onus ignoraverit, condemnatur saltem quanti minoris emtor emisset l. 41. ff. l. 9. de *A. E. V.* eodem modo quoque obligatur, si non retinuit onus, sed oneris saltem quantitatem d. l. 9.

§. 12. Quodsi post venditionem nova onera imponantur, illorum nomine venditorem non teneri, manifestum est v. l. 11. pr. de *eviç.* CARPZ. p. 2. C. 34. D. 19. quemadmodum etiam ille non tenetur de antiquis sed usitatis, licet libertatem rei amplissime promiserit CARPZ. d. l. D. 20. l. 4. Rsp. 79. imo venditor ne quidem pacto expresso tributa recipere potest, hoc enim tam ratione fisci, quam contrahentium nullum est l. 2. 3. C. sine cens. & reliq. l. 42. de *paç.* licet in contrariam partem pronunciatum sit apud CARPZ. p. 2. C. 31. D. 21. v. *Decis. Saxon. 65.* OBSERV. LAUTERB. Obs. 571. Præterita etiam tributa ab emtore fiscus recte exigit, qui tamen eadem à venditore repetit, nisi aliud actum l. 7. de *public. & veç.*

§. 13. Non minus etiam (3.) à *pignoris nexu*, res debet esse libera.

Si secus sit, emptio quidem non est nulla, nec etiam rescinditur, nam in re principali consensus est, ac pignoris onus temporarium facile tolli potest v. CARPZ. p. 2. C. 34. D. 21. attamen emptori eo nomine satisfieri debet, id quod, ex regulis æquitatis, pro diverso pignoris statu, judicandum est.

§. 14. Quodsi igitur pignus sit valde *dubium & incertum*, tum venditor officio suo satisfacit, si rem simpliciter tradat, ac emptor pretium debet solvere, vel solum non potest repetere, nec aliud à venditore exigere, quo pertinet l. 3. C. de evict. si vero pignus sit *certum & evidens*, tum venditor ab illo onere liberare rem debet, alias, si pretium exigat, objicitur ei exceptio doli l. 5. C. de evict. vel compensationis, si ipse emptor eam liberaverit l. 10. C. de Compens. quodsi pretium jam solum sit, tum emptor agit, ut venditor rem liberet l. 52. §. 1. de A. E. V. CARPZ. p. 2. C. 34. D. 21. vel pecuniam, qua liberata est, emptori reddat, ac insuper, si rem liberam dixerit, vel sciens obligatam ignoranti vendiderit, interesse præstet l. 13. §. fin. de V. O. l. 6. §. f. l. 30. §. f. de A. E. V. quo casu etiam, ob scientiam, in stellionatum incidit l. 3. §. 1. de crim. stellion.

§. 15. Tradi quoque res debet cum *accessionibus* sive *pertinentiis*, quæ tempore contractus adfuerunt. Pertinentiæ autem censentur esse, quæ ad perpetuum rei venditiæ usum destinata, & in illa collocata sunt v. l. 17. §. 7. de A. E. V. l. 242. §. f. de V. S. l. 69. de C. E. V. quæ destinatio, ex insertione & inclusione l. 17. §. 3. l. 38. §. 2. de A. E. V. infossione l. 18. cod. affixione l. 12. §. 23. l. 21. de instrum. & instrum. leg. ac ex lege vel consuetudine, nec non voluntate Patrisfamilias v. l. 24. §. 2. de Legat. 1. l. 60. de V. S. in actum deducta l. 17. §. 5. 10. 11. l. 18. §. 1. de A. E. V. l. 12. §. 25. de instr. & instrum. leg. l. 242. §. f. de V. S. colligitur; Debentur autem pertinentiæ, licet earum in contractu non sit facta mentio CARPZ. p. 2. C. 33. D. 20.

§. 16. Pro diversitate autem rerum venditarum, diversæ quoque pertinentiæ occurrunt. Sic, ædibus venditis, debentur seræ, claustra l. 17. pr. de A. E. V. specularia l. 12. §. 25. de instrum. legat. similiaque v. l. 13. §. fin. l. 14. 15. 17. pr. §. 3. 7. 8. 9. l. 18. l. 38. §. 2. de A. E. V. l. 40. §. f. l. 47. 48. 49. de C. E. V. l. 242. §. 2. 4. l. 245. de V. S. Hortus ædibus contiguus, vel illarum gratia comparatus l. 91. §. 5. de Legat. 3. Di-
ver-

verforio vendito, mobilia ad illud instruendum adhiberi solita, præstari debent. Diverforium tamen non ex solo usu æstimandum est, cum ille, pro arbitrio dominorum, sit valde mutabilis, sed tum demum pro tali haberi debet, si expresse hoc dictum sit, hinc non improbabilis est sententia CARPZOVII p. 3. C. 24. D. 10. in successione ab intestato, mobilia ab ædibus, pro diverforio hæcenus habitis, separanda esse, existimantis.

§. 17. Prædio vendito, cui jus patronatus, jurisdictio, servitutes similiaque jura adhærent, hæc quoque emtorem sequuntur l. 12. *comm. præd.* l. 20. §. 1. de A. R. D. l. 66. §. 1. de C. E. V. l. 75. de *evict.* l. 99. 169. de V. S. stramenta etiam & sterculinum l. 17. §. 2. de A. E. V. CARPZ. p. 2. C. 33. D. 19. item inventarium l. 12. §. 37. de *instruct. vel instrum. leg.* l. 7. C. de *agric. & cens.* CARPZ. 5. Rsp. 26. Stagno & vivario vendito, pisces, qui, propagationis causa, in illo habentur, ejusdem pars censentur adeoque ad emtorem pertinent.

§. 18. Non minus etiam tradendæ sunt accessiones, quæ, post contractum, rei venditæ accesserunt l. 13. §. 13. 17. 18. de A. E. V. & quas accessuras dixit venditor l. 6. §. 6. l. 11. §. 17. l. 26. 27. *cod.* l. 33. de *edilit. edit.* Quod si, facta venditione, venditor ante traditionem, thesaurum in re vendita inveniat, tum vulgo illi hunc adjudicant, ob dominium, quod adhuc ei superesse censetur, sed cum dominium illud sit saltem precarium, ideo potius secundum jura thesaurorum, in re aliena, repertorum, hic pronuntiandum videtur v. OBSERV. LAUTERB. *Obs.* 575.

§. 19. Ea vero, quæ, in re vendita, ornatus aliusve usus, vel custodiæ gratia habentur, aut per se velut subsistunt, pertinentiarum rationem non habent, nec emtorem sequuntur l. 17. §. 7. de A. E. V. l. 245. de V. S. Igitur pharmacopolium, taberna mercatoria vel tonstrina non cedunt emtori ædium, in quibus illa fuerunt v. OBSERV. LAUTERB. *Obs.* 573. *add.* BERGER in *resolut. ad LAUTERB. C. J de A. E. V. qu.* 10. Equo vendito, ephippium aliaque regulariter venditori non debentur v. l. 38. §. 11. de *edilit. edit.* CARPZ. 1. Rsp. 60. BERGER d. l.

§. 20. Pisces, qui in stagno vel vivario, custodiæ causa, vel ut ibi crescant, habentur, ad illius emtorem non pertinent *vid.* OBSERV.

LAUTERB. *Obf.* 574. quemadmodum etiam pulli cæteraque animalia emptorem prædii non sequuntur *l. 15. 16. de A. E. V. Rura cæsa l. 17. §. 6. cod. l. 5. §. 2. ad exhib. l. 241. de V. S. l. 66. §. f. de C. E. V. ligna l. 17. §. 2. de A. E. V. Pecunia in re vendita abscondita l. 67. de R. V. vasa vinaria, torcularia l. 17. pr. de A. E. V. similiaque utensilia d. l. 17. l. 245. de V. S. penes venditorem quoque manent, nisi arctior conjunctio, ad pertinentiarum classem illa redigat *l. 17. §. 3. l. 7. 21. 26. de instrum. & instrum. leg. l. 3. §. 1. de trit. vin. oleo leg. CARPZ. p. 2. C. 33. D. 20.* In dubio, affirmanti pertinens esse, incumbit probatio, ceu ex generalibus principiis facile intelligitur v. KLOCK tom. 3. *Conf.* 157. n. 44. *seqq.**

§. 21. Instrumenta authentica, ad rem venditam unice pertinentia, emptori quoque tradenda sunt, hoc enim, ex natura negotii manifeste satis fuit v. l. 26. *C. de liberal. caus.* quodsi vero venditori aliquid juris, circarem venditam, remaneat, tum satis est, si exempla det, & de originalibus, ubi opus fuerit, exhibendis, emptori quandoque caveat v. l. 48. §. 2. *de A. E. V. l. 4. §. 3. fam. ercisc. l. 24. C. de fideicom.* Illa vero causa, quod venditor, evictionis nomine, sit obligatus, retinendis instrumentis authenticis, sufficere non videtur, licet vulgo ita putent v. COLER p. 2. *Dec.* 224. n. 3. CARPZ. p. 2. C. 33. D. 18. LAUTERB. C. J. *de A. E. V. lit. O. in fin.*

§. 22. Porro uti fructus percepti, penes venditorem manent, nisi aliud actum sit v. l. 2. *in fin. C. de A. E. V. l. 65. §. f. de Legat. 3.* ita pendentes, cum ipsa re, emptori tradi debent *l. 13. 16. C. de A. E. V. l. 38. §. 8. de usur. l. 13. §. 10. de A. E. V.* quodsi venditor, ante traditionem, eos perceperit, seorsim illos præstare tenetur, licet moram in tradendo non commiserit *l. 13. §. 18. ff. l. 16. C. de A. E. V.* post moram, de percipiendis quoque obligatur *l. 21. §. 3. de A. E. V. v. LAUTERB. C. J. d. tit. lit. O.*

§. 23. Eadem est ratio fructuum civilium, nam & hi, quando ut pendentes considerari possunt, vel post venditionem percipiuntur, emptorem sequuntur. Hinc merces rei venditæ, post venditionem a venditore locatæ, ad illum pertinet *l. 13. §. 13. de A. E. V.* Pensiones ædium locatarum, si emptor locationi stare velit, pro rata temporis, per quod, post venditionem, locatio adhuc continuanda est, eidem quoque præstari debent, etiam si forte venditori jam per anticipationem solutæ sint v. l. 26. *de usifr.* nam hætenus pro fructibus pendentibus habeatur, cum usum secuturi temporis nondum perceperit inquilinus.

§. 24. Quodsi

§. 24. Quodsi certis temporibus fructus percipiantur, ut in vineis aliisque prædiis rusticis, tum, si ante vindemiam vel messem, res locata vendatur, pensio sequitur emtorem; acciperet enim ille fructus naturales, si nulla esset locatio, ergo, hac facta, civiles in illorum locum surrogatos, quoque lucrari debet: Si vero post vindemiam vel messis tempus res vendita, pensio manet penes venditorem, est enim fructus perceptus l. 58. de usufr. l. 13. §. 11. de A. E. V. nisi, pensioni solvendæ, certus sit præstitutus dies, & ante hujus lapsum venditio celebrata, nam tum sequitur emtorem l. fin. de jur. fisc. quia hoc casu non ex perceptione fructuum naturalium; sed die, per conventionem statuto, pensio æstimari, adeoque pro fructu pendente haberi debet v. OBSERV. LAUTERB. Observ. 572.

§. 25. Ita juris est in fructibus civilibus, in naturalium locum surrogatis: Quodsi autem principales sint, qui, ex rebus alienis, separatim percipiuntur, ut sunt census, decimæ similesque redditus, tum, seposita conventionem speciali, eorum acquisitio unice ex die, eorum solutioni, præstituto, æstimari debet, ea ratione, ut venditione, post diem cedentem, facta, fructus illi mancant penes venditorem, ante illius lapsum vero suscepta, emtorem sequantur, illo enim casu, sunt fructus percepti, hoc autem, pendentes.

§. 26. Hactenus enumeratas præstationes, juxta consuetam contractus hujus indolem, facere debet venditor. Præterea, ex pacto, nonnunquam ad alia quoque tenetur, dolum etiam & culpam, pro ratione circumstantiarum, diversam, præstare debet l. 35. §. 4. l. 68. de C. E. V. l. 36. de A. E. V. l. 5. 17. de peric. & comm. rei vend. Aliquando etiam, ad dissolutionem contractus agitur l. 11. §. 5. l. 13. §. 27. de A. E. V.

§. 27. Actio venditi v. l. 13. §. 25. de A. E. V. est actio personalis competens venditori & hæredibus, adversus emtorem & hæredes, ad pretium ac alia, quæ ipsis debentur, consequenda l. 13. §. 19. ff. l. 1. C. de A. E. V. Est rei persecutoria & perpetua, ac in directam & utilem discernitur, cujus distinctionis, ut alibi, ita nec hic, aliquis est usus v. §. 2. h.

§. 28. Oritur hæc actio, emtione perfecta §. 1. l. de E. V. cum effectu vero demum institui potest, si venditor rem venditam tradiderit

l. 25. de A. E. V. l. 34. de adilit. edit. *l. 5. C. de evict.* vel hæc casu perierit *l. 5. §. fin. de rescind. vendit. l. fin. C. de peric. & comm. rei vend.* aut venditor minimum rem tradere paratus sit, nam hoc utique sufficere videtur, cum emtoris sit, primum implere contractum, nam ejus celebrandi regulariter autor est. Quodsi nihil horum factum sit, tum obstat venditori exceptio non impleti contractus *l. 25. de A. E. V. l. 5. §. 4. de dol. mal. except.* qui adeo implementum probare debet *v. CARPZ. p. 1. C. 10. D. 18. PISTOR. l. 1. qu. 22.*

§. 29. Si res aliena tradita sit à sciente, emtor, eam reddendo, à contractu discedere potest *l. 11. §. 5. l. 30. §. f. de A. E. V. j. l. 1. §. 4. de superfic.* si vero ab ignorante, tum, periculo evictionis imminente, emtor venditorem tamdiu exceptione repellit, donec ipsi de evictione satisfactum sit *l. 18. §. 1. de peric. & comm. rei vend. l. fin. §. 2. de dol. except. l. 24. C. de evict.* imo, si periculum evictionis nimis sit evidens, à contractu plane abire potest *v. l. 66. §. 1. ad Sc. Trebell.* Si autem evictio non immineat, exceptio rei alienæ emtorem non juvat, sed pretium ille solvere cogitur *l. 3. C. de evict. vid. CARPZ. p. 2. C. 34. D. 31. seqq.*

§. 30. Datur hæc actio venditori & hæredibus *l. 13. §. 19. l. 10. in f. de A. E. V.* adversus emtorem & hæredes *l. 1. C. de A. E. V. l. 2. C. de pact. inter emtor. & vend. v. §. 4. b. ad pretium consequendum v. l. 13. §. 20. ff. l. 2. C. de A. E. V. l. 2. §. 1. in fin. de R. C.* Satisfacit autem emtor suo officio, si nummorum dominium præsumtive in venditorem transferat *v. OBSERVAT. LAUTERB. Obs 578.* si autem appareat, nummos alienos esse solutos, emtor non liberatur *l. 7. C. de A. E. V.* ac dominus exstantes vindicat *l. 11. §. f. de R. C.* Quodsi à venditore consumpti sint, dominus eo nomine emtorem convenire debet, rem emtam vero vindicare nequit *l. 6. C. de R. V. l. 1. 8. 9. C. si quis alteri vel sibi nisi certis in casibus l. 2. quand. ex fact. tutor. l. 8. C. de R. V.*

§. 31. Aliquando etiam competit actio ad usuras, non quidem secundum quantitatem fructuum, sed ex more regionis ubi contractum est, sive, juxta legis civilis definitionem, solvendas *l. 1. 37. de usur.* nam prior æstimandi modus nimis lubricus, ac fraudibus quoque obnoxius videtur, ut merito leges civiles alium furrogarint. In Germania igitur regu-

regulariter quincunces usuræ solvendæ sunt Reform. Polit. 1530. tit. 26. 1548. tit. 17. Ordin. Polit. 1577. tit. 17. Rec. deput. 1600. fo. vii. nun. 139. R. I. 1654. §. *anreichend* 174. Debentur autem usuræ vel (1.) ex pacto vel (2.) ob moram, vel (3.) ob solam fructuum perceptionem.

§. 32. Usuræ promissæ merito exiguntur *l. 5. C. de pact. int. emtor. & vend.* & nihil hodie interest, siue incontinenti, siue ex intervallo, verbis solennibus, an sine illis, conventio ineatur, nam omni casu, à tempore pacti interpositi, usuræ debentur, licet nulla mora intervenierit. Ommissa autem conventionione, ob moram usurasolvere debet emtor, etiamsi nullos ex re tradita perceperit fructus, nam hoc damnum ad ipsum, velut dominum, pertinet, & ei obligando, sufficit mora injusta *v. l. 33. pr. de usur.*

§. 33. Est autem emtor in mora, si ei res tradita *l. 13. §. 21. de A. E. V. l. 16. §. 1. de usur.* fides vero de pretio habita non sit *l. 13. §. 20. de A. E. V. l. 18. §. fin. ff. l. 2. C. de usur.* ac ille nullam retinendi pretii causam justam habeat, nam ipsa traditio interpellat *v. OBSERV. LAUTERB. Obs. 580.* si vero fides de pretio sit habita *simpliciter*, per interpellationem demum in mora constituitur *l. 88. de R. J. l. 40. de R. C.* nam hætenus venditor in dilationem consensit, si autem usque ad certum tempus fides sit habita, tum eo elapso, mora contrahitur *l. 12. C. de contrah. & comm. stipul.* nisi prorogatio solutionis fuerit obtenta.

§. 34. Quodsi emtor, ob justam causam, v. gr. imminens eversionis periculum, pretium retineat, donec satisfactio præstetur, tum in mora quidem non est, attamen, ob perceptionem fructuum, ex sententia æquiori, usurasolvere debet *v. l. 13. §. 20. ff. l. 5. C. de A. E. V. l. 16. §. 1. de usur. CARPZ. p. 2. C. 34. D. 38.* licet enim emtor jure domini fructus percipiat, eoque nomine nemini obligari videatur *§. 3. l. de E. V. l. 1. C. de peric. & comm. rei vend.* attamen dominus est sub conditione solvendi pretii, adeoque, hoc nondum soluto, fructus, sine onere solvendarum usurarum, lucrari non potest, ex quo etiam liquet, emtorem à socio, ob solum usum rei, ad solvendas usuras, obligato *l. 1. §. 1. de usur. l. 60. pr. pro soc.* hac in parte, vix differre *v. OBSERV. LAUTERB. Obs. 579. 581.*

§. 35. Si ob moram emtoris, gravius aliquod incommodum senserit venditor, tum in ejus arbitrio est, vel usuras consuetas exigere, vel id,

id, quod interest, probare ac petere *l. 2. §. fin. de eo quod. cert. loc. Rec. Deputat. 1600. §. sō viel nun 139. v. CARPZ. p. 2. C. 30. D. 9. 10. 11. ast pœnam, in eventum moræ commissæ, licet nullum interesse subfit, solvendam, stipulari nequit, nam, hoc admissō, leges usurariæ facile eluderentur *l. 13. §. 25. de A. E. V. l. 44. ff. l. 15. 16. C. de usur.* Si ad factum aliquod emtor sit obligatus *v. l. 79. de C. E. V.* ob ejus omisionem vel interesse, vel, ejus loco, pœnam promissam exigere licet *l. 28. de A. E. V. v. OBSERV. LAUTERB. Obs. 582. 584.**

§. 36. Licet vero mora emtoris, stipulatione pœnali coerceri nequeat, attamen a venditore, in casum evictionis, duplum stipulari licet *l. 31. §. 20. de ædilit. edict. l. 37. pr. de evict.* hujus enim gravior culpa est, hinc eam etiam rigidiori modo coerceri, jura permittunt *v. OBSERV. LAUTERB. Obs. 583.* Ob similem rationem, in casum pœnitentiæ, pœna conventionalis, tam a venditore, quam emtore valide promittitur, licet modum usurarum excedat *v. BERLICH p. 1. D. 43. 44. cum enim quis illum casum semper evitare queat, hinc, si contrarium malit, pœnam promissam merito exsolvit v. l. 13. §. 26. in f. de C. E. V.*

§. 37. Est autem inter usuras, ex pacto, & mora solvendas, ea, de jure civili, differentia, quod illæ *jure obligationis*, hæ vero saltem *officio judicis* debeantur, adeoque, soluta forte, seorsim, peti nequeant *l. 49. §. 1. ff. l. 13. C. de A. E. V. l. 54. loc. l. 13. C. de usur. l. 4. C. de pos.* sed uti illa antiquum processum formularium, judicesque pedaneos non obscure redolet, ac ab æquitate quodammodo abhorret, ita eam, in Germana, nullum habere usum, sed usuras, ex mora debitas, etiam, soluta forte, seorsim posse exigi, plane existimo.

§. 38. Aliquando etiam comperit actio venditi, ad repetendos sumtus, in rem venditam, a venditore, bona fide factos, necessarios, ac ex præsumta emtoris voluntate, etiam utiles *l. 13. §. 22. ff. l. pen. C. de A. E. V.* quæ obligatio emtoris manet, licet res vendita casu apud venditorem perierit. Denique dubitandum non est, quin illa quoque, quæ pacto promissæ sunt, peti queant *v. l. 13. §. 19. 23. 24. de A. E. V. l. 2. C. de pact. inter. emtor. & vend. conf. LAUTERB. C. J. de A. E. V.*

§. 39. Ob moram emtoris, vel aliam causam supervenientem, quandoque res ipsa repetitur, licet forte, juxta subtilitates juris Ro-

mani, actio venditi, eo nomine, non semper instituat. Contingit illud, si quis in certum eventum dominium sibi pacto habili reservaverit, tum enim, resoluta, per conditionem adjectam, contractu, rem cum fructibus recipit venditor *v. l. 4. §. 4. infn. l. 14. §. 1. de in diem addit. l. 11. §. 10. quod vi aut clam. l. 41. pr. de R. V. l. 4. C. de pact. inter emtor. l. 4. pr. §. 2. de leg. commissor. l. 6. §. 1. de C. E. V.*

§. 40. Si pactum nullum intercesserit, tum interest, utrum *fides de pretio non sit habita*, hoc casu, quia traditio, sub conditione pretii solvendi, est facta, urgendus est emtor, quo conditionem impleat, adeoque rei repetitio statim non obtinet: Quod si vero ad incitas redigatur, ut nulla implendæ conditionis spes sit, tum, ob ejus defectum, res, repeti potest *l. 5. §. 18. de tributor. action. an habita sit*, hic videndum, num *fraus emtoris intervenerit*, & idem obtinet quod in casu præcedente *v. §. 8. h. an bona fide contractum sit*, tum rem ipsam venditor repetere nequit, sed pretium saltem exigere debet *l. 8. C. de C. E. V. l. 14. C. de rescind. vendit.*

§. 41. Sed hoc ultimum, non satis recte constitutum videri potest, si enim, fide de pretio non habita, res ideo non emtore obærato repetitur, quod conditionem non impleat, adeoque traditio nullius momenti sit; in casu fidei de pretio habitæ, solutio pretii, velut modus, considerata, adeoque ejus defectus traditionem resolvere videtur, hinc rei repetitio itidem locum habebit. Verum est aliqua hic disparitas: In primo casu, dominium plane non est translatum, hinc, deficiente conditione, penes venditorem manet, sed secundo, pure contractus celebratus, & translatio domini facta est, hinc defectus modi, dominium non restituit, nec jus personale ad rem repetendam, sed saltem, ad promissum exigendum, largitur

v. c. 18. §. 4.

CAPUT IV. DE EMTIONE ET VENDI- TIONE NOMINUM.

SUMMARIA.

Nomina vendi §. 1.

Et aliis modis alienari possunt §. 2.

Titulus & modus hic non videntur distingendi §. 3.

Venditio nominum requirit solum venditoris & emtoris consensum §. 4.

Nonnulli nomina emere prohibentur §. 5.

Cessionis materia est jus proprium, cujus obiectum alienari potest §. 6.

Regulariter omnes actiones cedi possunt §. 7.

Quædam vero excipiuntur §. 8.

Cum jure principali, etiam accessoria & privilegia transeunt §. 9.

Debet præstari nomina vera, non bona §. 10.

Nisi dolus aut contrahendi modus hoc exigat §. 11.

Venditione facta, venditor emtorem probatione instruere debet §. 12.

Ac nihil juris retinet §. 13.

Emtor, ex emtione, omne jus nominis consequitur §. 14.

Ex eoque vel cedentis, vel suo nomine agit etiam per procuratorem §. 15.

Plus autem juris, quam venditor habuit, ei non competit §. 16.

Venditio nominum lege Anastasiana limitatur §. 17.

Semel facta revocari nequit §. 18.

Nec morte alterutrius extinguitur §. 19.

A cessione nominum differt assignatio, obligationis translatio §. 20.

Quæ sine consensu creditoris regulariter fieri nequit §. 21. Et delegatio §. 22.

§. 1.



Endi aliquando res præsentibus cum suo jure, aliquando absentes, cum jure exigendi c. 2. §. 1. b. diximus. Hæc posterior venditio, vulgo rerum incorporalium, rectius vero *Nominum* dicitur, de qua nunc aliqua dicenda veniunt: Est *contractus consensualis*, quo *nomen*, i. e. *jus rem aliquam exigendi, certo aliquo pretio comparatur v. l. §. 2. quib. mod. pign. solv. l. 36. de fidejuss. l. 4. ff. l. 3. f. C. de H. vel A. V. l. 23. C. de donat.*

§. 2. Quo loco statim observandum, non venditione tantum, sed & aliis titulis habilibus, tam onerosis, quam lucrativis, nomina alienari posse. Porro sicut, in alienatione rerum præsentium, titulus & modus sive traditio concurrere solent, ita, circa nominum translationem, præter *titulum*, etiam *modum* intervenire, huncque in *cessionem*, *præstationem* vel *mandato*, quæ synonymice accipiantur l. 14. pr. l. 23. ff. l. 3. 4. C. de H. vel A. V. l. 1.

A. V. l. 1. C. de novat. l. 76. de solut. l. 11. 14. 21. C. de fidejuss. l. 1. §. 18. l. 20. §. 1. l. 21. de tutel. & ration. distrab. l. 2. C. de divid. tutel. l. 2. C. de contrar. judic. l. 44. §. 6. l. 75. §. 2. de Legat. 1. l. 18. C. de leg. l. 4. C. de procur. l. 8. in fin. mand. consistere censent v. LAUTERB. C. J. de H. vel A. V. lit. E. quamvis alii, cessionem & mandatum distingvenda esse putent STRAUCH. exercit. 17. §. 16.

§. 3. Sed vix est, ut, circa alienationem nominum, etiam jure civili, titulum & modum recte distingvas, nam cessio vel mandatum, non tam ad juris translationem, quam ejus potius probationem pertinuit. Hodie solis titulis nomina alienari, cætera vero ad factæ alienationis probationem saltem spectare, plane arbitror, nisi forte actio judicialiter sit cedenda v. CARPZ. §. Rsp. 33. FRANSK l. 1. Resol. 9. in fin. nam ille actus judicialis, instar traditioniserit. Hinc hodie venditio & cessio nominum synonymice regulariter accipiuntur, quamvis sub hac, donatio similisve titulus, vel debiti translati probatio, etiam comprehendatur, & is, qui actionem alienat, Cedens, in quem alienatio fit, Cessionarius, contra quem actio alienatur, debitor cessus dicitur v. OBSERV. LAUTERB. Obs. 530. 531.

§. 4. His præsuppositis, ut ad Venditionem revertamur, perficitur illa solo venditoris & emtoris consensu l. 3. C. de H. vel A. V. l. 1. C. de novat. debitoris cessi scientia & consensus haud requiritur, quamvis illa, ad impediendam venditoris exactionem, sit utilis. Quoad personas contrahentes, generales observandæ sunt regulæ; quemlibet, qui liberam rerum suarum habet administrationem, etiam nomina emere & vendere posse, nisi prohibitio specialis adsit.

§. 5. Talis occurrit (1.) quoad potentiores, in quos acturi, actiones suas, sub earum jactura, transferre, illique, sub pœna arbitraria, illas recipere prohibentur l. 2. C. ne lic. potent. FRANSK l. 1. Resol. 10. sed illa sanctio otiosis, & quibus, in vita civili non facile locus esse potest, merito annumeratur (2.) quoad tutores & curatores, qui contra pupillos & minores suos, actiones comparare prohibentur Nov. 72 c. 5. v. l. 12. de reb. eor. qui sub tut. (3.) quoad Judæos, qui actionem, contra christianum competentem, christiano vendere non possunt, ex sententia nonnullorum per R. I. 1551. §. 79. O. I. P. 1577. tit. 20. §. 4. sed verius est, quod illa solum cessio, quæ, velandæ usurariæ pravitati, adhibetur,

fit interdicta v. CARPZ. p. 2. C. 30. D. 45. l. 5. Rsp. 38. RICHT. p. 1. Dec. 36. n. 12.

§. 6. Quoad materiam fluctuant nonnunquam interpretes, dum sæpe actionem aliquam, cessibilem esse negant, quæ tamen omnino cedi potest. Videtur ita dicendum: Primo præsupponi debet *jus proprium*, nam si jus aliquod in medio velut sit expositum, ut à quovis occupari queat, tum cessio est frustranea, hinc accusationes criminales & actiones populares frustra ceduntur: Postea huic regulæ standum erit: *Quoties res exacta in alium potest transferri, toties etiam jus eam exigendi potest cedi, nisi lex specialiter cessionem prohibeat*, quæ limitatio exemplo tutorum, de quibus §. præc. n. 2. potest intelligi.

§. 7. Juxta hæc igitur omnes actiones, reales & personales l. fin. C. de H. vel A. V. petitoria & possessoria l. 16. §. 4. de hered. petit. rei persecutoria & pœnales l. 31. pr. de A. E. V. l. 14. pr. de furt. ordinaria & extraordinaria l. 24. pr. de minor. l. 25. de admin. tutor. præsentis & futura l. 17. 19. de H. vel A. V. l. 3. C. de donat. regulariter vendi possunt. In specie cedi potest actio injuriarum æstimatoria v. l. 11. §. 2. l. 17. §. 19. de injur. l. 42. §. 1. de procurat. LAUTERB. C. J. de H. vel A. V. lit. O. ut & jus luendi, quod in Saxonia, eo casu, quo facta subhastatione, & emtore non existente, creditori, qua tali, res adjudicata est, debitori intra annum competit.

§. 8. E contrario actio personalis & confessoria, ad Usum petendum & vindicandum §. 1. l. de us. & habit. ut & jus retractus, ob confangvinitatem competens, extraneo cedi nequit CARPZ. p. 2. C. 31. D. 19. quod secus est in retractu conventionali I D. p. 2. C. 32. D. 20. Actio pro socio, ratione societatis futura vel continuanda, in alium transferri non potest l. 65. §. 11. pro soc. quod etiam dicendum arbitror de actione locati, quam locator successor singulari, quoad locationem continuandam, cedere non potest, nam & hic aliqua velut societas subest v. OBSERV. LAUTERB. Obs. 601. Jura quoque aliis conjuncta, separatim cedi nequeunt, hinc retractus emphyteuticarius non aliter, quam cum dominio directo, in alium potest transferri vid. CARPZ. p. 2. C. 39. D. 10.

§. 9. Vendita actione principali, jura accessoria quoque emtorem sequuntur, etiamsi nihil de his dictum sit l. 6. 23. de H. vel A. V. l. 6. 7. C. de

C. de O. & A. & frustra omnino peculiaris cessio, quoad hæc, ex *l. 11. 14. C. de fidejuss. l. 73. pr. ad Sc. Trebell.* requiritur *add. Decis. Saxon. 40.* Transeunt quoque in emtorem privilegia, causæ vel actioni cohærentia *l. 6. ff. l. 5. C. de H. vel A. V. l. 63. 156. §. 3. de R. J. v. gr. rei judicatæ, instrumenti gvarentigiati & hypothecæ tacitæ, v. FRANSK lib. 1. Resol. 14. n. 2. 3.* imo vi regulæ *§. 6. datæ etiam privilegia personalia, licet vulgo aliter sentiant v. LAUTERB. C. J. de H. vel A. V. lit. E. OBSERV. LAUTERB. Observ. 537. 538.*

§. 10. Debent autem vendi nomina vera, hoc enim ex natura contractus hujus facile liquet *v. l. 4. de H. vel A. V.* sufficit tamen, si *presumptive* vera sint *v. cap. præc. §. 7.* si appareat, nomen nullum esse, venditor evictionem præstare debet *d. l. 4. nisi emtor sciens illud comparaverit l. 27. C. de evict.* Nomina autem bona venditor præstare non tenetur *d. l. 4. l. 74. §. f. de evict. l. 96. §. 2. de solut. CARPZOV. p. 2. C. 34. D. 26.* nec officit, periculum jam tempore venditionis adfuisse, aut evictionem promissam esse, nam hæc promissio, juxta indolem contractus, de veritate, non bonitate nominis accipienda est, aut emtorem ignorasse debitoris cessi inidoneitatem, nam imputet sibi, quod non cautius fuerit mercatus *v. l. 19. de R. J. l. 3. §. 2. in fin. ut in poss. legat.*

§. 11. Aliquando tamen, etiam de bonitate actionis, venditor tenetur, si (1.) conditionem debitoris sciverit ac dissimulaverit *l. 74. §. fin. de evict.* (2.) bonum nomen promiserit *l. 4. de H. vel A. V.* quæ promissio, in debito puro, saltem ad tempus contractus pertinet. in conditionali vero, ac in diem contracto, vis ejuseousque extenditor, donec, existente conditione vel die, debitum sit purificatum (3.) si nomen purum, sub conditione, venditum sit, tum enim usque ad conditionem, periculum est venditoris, quia venditio imperfecta, nisi emtor sciens nomen inidoneum comparaverit *l. 41. §. 3. de jur. dot. add. LAUTERB. C. J. de H. vel A. V. lit. E.*

§. 12. Venditione perfecta, venditor consequitur jus petendi pretium, secundum ea, quæ *cap. præc. §. 30. seqq.* diximus, ac obligatur, non quidem ad rem tradendam, nec etiam regulariter ad alium actum, juris transferendi causa, suscipiendum *v. §. 3. h.* sed ad emtorem instruendum, quo jure emto uti queat. Hinc documenta, in quibus nomen

continetur, venditionis factæ *instrumentum*, ut & *mandatum* ei præstare renetur, quo, prout visum fuerit, vel nomine cedentis, vel proprio, debitum exigere possit.

§. 13. Ipse venditor, in nomine vendito, nihil juris retinet, & licet ab ignorante debitore, debitum exigere *l. 23. §. 1. de H. vel A. V. l. 3. C. de novat.* vel cum illo, hujus intuitu, transigere queat *l. fin. de transact.* attamen hoc non arguit aliquod venditoris jus, sed ostendit saltem, debitorem, ob justam ignorantiam, esse excusatum: Quare etiam venditor id, quod exigit, cum omni interesse, emtori restituere tenetur *l. 23. §. 1. ff. l. 6. C. de H. vel A. V.* quemadmodum etiam solvæ, tempestiva denunciatione, inhibere potest, ne debitor venditori solvere, vel quid aliud, in debiti præjudicium, facere possit *l. fin. de transact. l. 1. in fin. de A. E. V. l. 27. §. 7. ad Scit. Trebell.* dominium ergo actionis, quod vendita actione, venditori adhuc ex *l. 3. C. de novat. l. 9. C. de procur. l. f. C. quand. fisc. vel priv. l. 8. C. de H. vel A. V.* asserti solet *vid. LAUTERB. d. l. inane commentum est.*

§. 14. Emtor, rerum ipsarum quidem dominium, post exactiorem demum *l. 8. C. de H. vel A. V.* jus nominis vero regulariter, sola emtione, plene consequitur, & inanes utique tricæ sunt, quibus dominium actionis, i. e. plenum jus, ipsi negatur: res eodem recidit, siue illum, *dominum actionis*, siue *cessionarium*, siue *procuratorem in rem suam*, dicamus. Vi juris acquisiti debitum exigit *l. 55. de procurat.* compensat *l. 18. de compens.* pure vel sub conditione remittit *l. 17. in fin. de jurejur. l. 13. §. 1. l. 6. de pact.* ac cedenti concurrenti, in exigendo præfertur *l. 55. de procur.* licet pro illo jam sit sententia lata *l. 3. C. de novat. l. 4. C. que res pign. oblig.* ac cessionarius pretium nondum solverit, nam hoc cedens exigere debet *l. 14. C. de rescind. vendit.*

§. 15. Potest etiam, si opus fuerit, emtor ex jure cesso agere, & quidem vel nomine cedentis, vel proprio, illo casu actio *directa*, hoc, *utilis* institui dicitur *l. 5. 7. 8. 9. C. de H. vel A. V.* quæ denominationes licet hic diversum quid notent, attamen rei significandæ non satis conveniunt. Procuratorem quoque dare *v. l. 33. C. de donat. c. 1. de procur. in glo.* ac cætera processus capita peragere potest *v. OBSERV. LAUTERB. Obs. 36.* Utitur privilegiis realibus & personalibus vendito-

ditoris *v. §. 9. h.* non vero propriis, hæc enim, ad jus aliunde comparatum, in præjudicium vel debitoris, vel Creditorum aliorum, non posse extendi, manifestum est *v. l. 5. C. de H. vel A. V. l. 2. pr. cod. l. 2. C. si adv. vendit. pign. l. 19. pr. de judic. l. 38. pr. de minor.*

§. 16. Plus juris autem, quam venditor habuit, habere nequit, hinc usuras usurarum petere non potest *v. l. 12. §. 6. qui potior. in pign. l. 22. C. de usur. l. 5. C. de H. vel A. V.* usuræ enim, mutato creditore, naturam suam retinent, quod secus est, si debitor mutetur *l. 7. §. 12. l. 58. §. 1. de administrat. tutor. l. 19. §. 4. ff. l. 18. C. de N. G.* Quod si venditor nullum jus habuerit, tum exceptiones, quæ ipsi opponi poterant, emtorem quoque excludunt. *v. l. 143. 156. §. 3. l. 160. §. f. de R. J.* quod etiam de exceptionibus personalibus, quas vocant, ut doli & excommunicationis, circa quas vulgò tritari solent, dicendum *v. OBSERV. LAUTERB. Obs. 32.*

§. 17. Si quis fraudulentis perversationibus, ad venditionem nominis, inducatur, tum etiam mero jure naturali, illa est invalida, sed cum ea res lubricæ sit æstimationis, magis illam definire voluit *lex Anastasiana.* Quod si adeo venditio facta sit (1) *pretio nimis vili,* de quo Judex, pro ratione temporum & locorum, ut & debitoris cessi, judicare debet, ac (2.) *emtore venditorem ad contrahendum induxerit,* tum venditio nominis, quoad excessum, est invalida *l. 22. 23. C. mand.* ac venditor ipse à debitore regulariter residuum exigere potest. Si vero cum emtore colluserit, debitori id quod pretium datum excedit, acquiritur *v. l. 12. C. ne lic. potent. l. fin. de litig. Nov. 72. c. 5. l. 7. C. unde vi l. 10. de jur. vjfe. LAUTERB. C. J. de H. vel A. V. lit. E. conf. Decis. Saxom. 28.*

§. 18. Venditio semel facta à venditore revocari nequit, quod ex generalibus principiis intelligitur *v. l. 5. C. de O. & A. l. 25. de procur. nec obest, quod tamen, ab ignorante debitore, rem exigere possit l. 3. C. de Novat.* nam exactio illa venditionem non destruit, cum rem exactam emtori præstare debeat. Quod si post venditionem, alii nomen vendatur, tum re integra, i. e. debito, ab ignorante debitore, nondum exacto, primus emtor secundo præfertur, habet enim jus potius *v. l. 55. de procur. l. 5. C. de H. vel A. V.* idem dicendum si debitor cessus primam venditionem certo sciat; Quod si vero posterior emtor rem ab ignorante debitore exegerit, tum rem exactam sibi quidem servat

arg. l. 15. C. de R. V. venditor tamen primo emtori, ad interesse, tenetur.

§. 19. Morte emtoris venditionem nominum non extingui, sed hæc in hæredes transire, ex generalibus principiis itidem manifestum est *v. l. 33. C. de donat.* & hoc verum est, licet actiones cessæ alias in hæredes non transeant, dummodo cedens adhuc vivat, nam ex ejus persona, duratio earum æstimatur *v. l. 8. §. 2. de peric. & comm. rei vend.* Venditoris morte regulariter quoque venditio non tollitur, nam ex regulis nudimandati *v. l. 8. C. de O. & A.* hæc res non est æstimanda, nisi actio cessa, ad cedentis personam, sit restricta, quamvis hæc etiam, per litrem, vivo venditore, motam, aliquando fiat perpetua *v. l. 13. 28. de injur. LAUTERB. C. J. d. 1.*

§. 20. A venditione vel cessione actionum differt (1.) *assignatio*, qua exactio debiti alteri saltem conceditur *v. l. 27. §. f. de Legat. 3.* in hac poriculum est penes assignantem, hinc si executor, à debitore, nihil consequatur, assignans solvere debet, nisi forte executor moram commiserit, ac debitor interim bonis sit lapsus, hoc enim executori merito nocere debet *v. Decis. Saxon. 66.* (2.) *obligationis translatio*, nam in cessione mutatur creditor, in hac vero debitor, in illa cessionarius sæpe dat pecuniam, quo jus consequatur, in hac vero pecunia ut plurimum solvenda est illi, qui obligationem suscipit, hinc si etiam à creditoribus remissionem gratuitam obtinuerit, tamen, ob pretium à debitore acceptum, non habet locum lex Anastasiana *v. CARPZ. p. 1. Dec. 67.*

§. 21. Porro sicut certum est, quod cessio nominis possit fieri, sine consensu debitoris cessi, ita quæri potest, an translatio obligationis fieri queat, sine consensu creditoris? Negandum hoc erit, si sit obligatio separata & per se subsistens, si vero rei, debitoris arbitrio subiectæ, cohæreat, tum etiam sine consensu Creditoris, poterit transferri, hinc debitor annuorum reddituum, cum ipsa re, obligationem & jus, illos redimendi, in viro Creditore, transferre potest, idem est in servitutibus, quæ, cum ipsa re, ad alios transeunt.

§. 22. A nominum venditione quoque differt (3.) *delegatio*, qua jus prius eique respondens obligatio penitus tollitur, ac novum jus & vinculum, à creditore & novo debitore constituitur *v. OBSERV.*

LAV-

LAUTERB. *Obs. 1173.* Solet tamen illa cessionem aliquando sequi *l. 3. C. de novat.* nec inutilis est, si à debitore cesso, obtineri queat. Differt quoque delegatio, ab obligationis translatione, de qua proxime egimus, hæc enim jus & obligationem pristinam non immutat. In summa sic dicendum: Cessio mutat creditorem, obligationis translatio, debitorem, delegatio, jus & obligationem ipsam, mutato aliquando creditore, aliquando debitore.

CAPUT V.

DE PACTIS EMTIONI VENDITIONI ADJICI SOLITIS.

SUMMARIÆ.

Pacta contractus mutantia, pro adjectis non recte habentur *§. 1.*

Pacta adjecta hodie ob consensum sunt obligatoria *§. 2.*

Eo pertinet pactum de retrovendendo *§. 3.*

De jure protimiseos *§. 4.*

Additio in diem *§. 5.*

Quæ dupliciter initur *§. 6.*

Aliquando adjicitur emtioni pure, ut conditio resolutive *§. 7.*

Quæ pendente, emtio valet, existente, resolvitur *§. 8.*

Quando conditio existere censeatur *§. 9. 10.*

Effectus contractus resoluti ratione venditoris *§. 11.* Et emtoris *§. 12.*

Requisita hujus conventionis ex sententia communi *§. 13.* Et propria *§. 14.*

Deficiente conditione resolutive, emtio manet firma *§. 15.*

Aliquando, per modum conditionis suspensivæ, additio adjicitur *§. 16.*

Utriusque contrahendi modi comparatio *§. 17.*

Additio differt ab autione & subhastatione *§. 18.*

Ad pacta adjecta etiam spectat lex commissoria *§. 19.*

Effectus conditionis pendens & existens *§. 20.*

Quando conditio existat *§. 21.*

Ejus effectum impedire potest venditor *§. 22.*

Et emtor *§. 23.*

Non impedita vero venditionem resolvit *§. 24.*

Conditioe deficiente vel abjecta, contractus manet firmus *§. 25.*

Pacta affinia additioni & legi commissoriae *§. 26. 27.*

§. I.



X doctrina Romani juris ejusque interpretum, illa etiam pacta, dicuntur adjecta, quæ contractus pure mutant, adeoque vel novum plane, specie aut numero, contractum produciunt, vel irregularem efficiunt *v. l. 7. §. 6. l. 27. §. 3. de pact. l. 72. de C. E. V. l. 2. de rescind. vendit. l. 24. 26. de pos. l. 31. locat.*

Nnn

LAU-

LAUTERB. C.J. de C.E.V. verb. *pacta adjecta*. Sed planior est doctrina, si conventiones illas non *pacta adjecta*, sed *peculiares contractus* dicamus, quamvis, si conditionaliter mutetur contractus, ut si in eventum evictionis, ejus præstandæ necessitas venditori remittatur, conventio illa nomen pacti adjecti sustinere queat, cum hætenus emptio subsistat, ac incertum sit, utrum illa in donationem sit degeneratura.

§. 2. Proprie igitur illa pacta tantum adjecta sunt, quæ vel contractibus aliquid *adjiciunt*, ut stipulatio dupli, in casum evictionis, vel eos *finiunt*, ut pactum de retrovendendo, aut pœnitentiale, vel illos *sub conditione resolvunt*, ut additio in diem & lex commissoria. Circa ea autem, jure Romano, generaliter interest, utrum *in continenti*, an *ex intervallo* adjiciantur, illo casu tam ad excipiendum, quam agendum, hoc vero tantum ad excipiendum profunt *l. 72. pr. de C.E.V.* Verum hodie illud etiam pactorum nudorum consuetarium cessat, ac omnia pacta, serio inita, actionem & exceptionem pariunt.

§. 3. Hac vice nonnulla exempla famosiora, emptioni venditioni adjici solita, breviter persequemur. Eo pertinet *pactum de retrovendendo*, quo id agitur, ut emptor rem emptam venditori, pretium restituenti, vel quandocunque illi placuerit, vel intra certum tempus, vel ex certo tempore, iterum vendat & restituat *l. 2 C. de pact. inter emptor. & venditor. l. 12. de P.V.* Hoc pactum neque impedit dominii translationem, neque contractum retro resolvit, sed tantum parit jus personale, vi cuius venditor ejusque hæres, aut successor singularis, ab emptore, ejusque hærede, licet minore *l. 1. C. quand. decret. op. non est* non etiam tertio possessore, rem olim venditam, juxta initæ conventionis tenorem, recipit *v. CARPZ. p. 2. C. 1. D. 8. seqq. ZOES. ad ff. de Leg. commiss. tit. de retract. convent. STRUV. S.J. C. exercit. 23. §. 40. seqq.*

§. 4. Simile fere est *pactum de jure protimiseos*, quod eo tendit, ut venditor, emptore rem ultro iterum vendente, aliis temporibus, si idem solvere velit, præferatur. Parit etiam solum jus personale, hinc, re adhuc integra, aliis præponitur, sed re jam alii tradita, interesse saltem ab emptore petit venditor *v. l. 75. de C.E.V. STRUV. d. l. §. 47. seqq.* Conceditur aliquando, ob varias causas, jus protimiseos quoque à lege vel consuetudine, quod tamen conventionali plenius & reale est, adeo ut res tradita à tertio possit repeti, hinc etiam *jus retractus* dici solet *v. ZOES.*

v. ZOES. d. l. tit. de retract. legal. STRUV. d. l. §. 50. seqq. CARPZ. p. 2. C. 31. seqq.

§. 5. Inprimis celebris est *additio in diem*, quæ est pactum, quo id agitur, ut venditori, rem venditam, alii emtori, plus offerenti, addicere liceat, nisi primus emtor idem præstare velit v. l. 1. de in diem addit. l. 2. §. 4. pro emtor. Scopus igitur hujus conventionis, nisi fallor, non est, ut emtio præcisè resolvatur vel impediatur, sed ut venditor, qui viliori pretio contractum celebravit, augmentum pretii, certo casu, accipiat, cui obtinendo, facultas resolvendi vel impediendi contractum surrogatur.

§. 6. Dupli autem modo conventio iniri potest, vel ut *emtio pura*, meliori conditione allata, & primo emtore pretium suum non supplente, resolvatur, vel ut *emtio in illum eventum suspendatur*, donec constiterit, an alius plus sit daturus v. l. 2. pr. de in diem addit. Prior paciscendi ratio ut plurimum tempus habet adjectum, potest tamen etiam sine illo iniri v. l. 41. de R. V. sed vix in tam molestam conventionem emtor consentiet: Posterior autem, sine adjectione temporis, omnino iniri non posse, moralæ estimatione, videtur. v. OBSERV. LAUTERB. Obs. 518.

§. 7. Adjicitur ergo puræ emtioni aliquando *additio*, & quidem vel *tacite*, in venditionibus fiscalibus l. fin. de jur. fisc. l. 21. §. fin. ad municip. l. 4. C. de fid. & jur. hast. fisc. l. 1. C. de vend. reb. civit. vel *expresse*, quando id nominatim agitur d. l. 1. C. de vend. reb. civit. circa quod mihi certum videtur, emtionem puram, conventionem resolutoria eventuali munitam, plane differre ab ea emtionis specie, quæ *auctionis* & *subhastationis* nomine venit. Ibi enim perfecta emtio est, qua uni emtori, pretio non plane inæquali, voto tamen venditoris non penitus satisfaciente, res est vendita & tradita, quæque, superveniente conditione, resolvitur: Hic vero res, in plures licitatores distrahenda, proponitur, hinc singulorum licitatio perfectam emtionem, nova licitatione resolvendam, non efficit, sed, per varia licitantium certamina, venditio demum perficitur v. OBSERV. LAUTERB. Obs. 519.

§. 8. Quando igitur, facta venditione, conditio resolutiva pendet, emtio interim perfecta est l. 2. de addit. in diem l. 3. de C. E. V. l. 2. §. 4. §. pro emt. hinc per traditionem secutam transfertur dominium

l. 4. §. 3. de in diem addit. *l. 41. de R. V.* vel conditio usucapiendi *l. 2. §. 1. de in diem addit.* *l. 2. §. 4. pro emtor.* cum consuetis affectibus *l. 4. §. 1. seq. l. 6. pr. l. 2. §. f. l. 17. de in diem addit.* *l. 11. §. 10. 13. quod vi aut clam. l. 3. quib. mod. pign. solv. l. 72. de R. J. l. 41. 66. de R. V. add. LAUTERB. C. J. de in diem addit.* Quodsi autem conditio existat, emtio in eo statu est, ut resolvi queat. Sed hic tria specialius consideranda (1.) quando conditio existat (2.) quomodo, ea existente, resolutio contractus impediri queat, & (3.) ea non impedita, emtio resolvetur.

§. 9. Conditio existit, si alius, intratempus definitum *v. l. 15. de in diem addit.* vere & bona fide *l. 4. §. 5. l. 14. pr. cod.* plus utilitatis venditori offerat *d. l. 4. §. 5. 6. l. 5. l. 14. §. fin. cod.* licet si unus ex ipsis venditoribus vel emtoribus *l. 13. §. 1. l. 18. cod.* aut pupillus, sine tuoris autoritate, vel is, qui solvendo non est, nam idoneitas novi debitoris, arbitrio venditoris definitur *l. 14. §. 2. 3. cod.* Requiritur tamen, omnibus illis casibus, ut res vendita vel ejus pars adhuc existat, nam, ea sublata, quoad accessiones & fructus, aliam litationem admittit non tenetur primus emtor, quia id non actum est *l. 4. §. 1. 2. l. 17. cod.*

§. 10. Existente conditione, resolutio contractus impeditur, si venditores oblationem non acceperint *v. l. 9. 11. §. 1. l. 12. 13. pr. l. 14. §. 2. in fin. cod. l. 41. de minor.* vel primus emtor, idem, quod secundus offert, præstet *l. 6 §. 1. l. 7. 8. de addit. in diem l. 35. de minor.* nam hoc ultimo etiam casu, emtio in suo statu perdurat, nec emtor fructus aliaque commoda venditori præstare tenetur, scopus enim conventionis resolutoriæ non alius est, quam ut, ejus metu, emtor ad augendum pretium adigatur *v. §. 5. h.* Dispositio *l. 6. §. 1. de in diem addit. l. fin. de jur. fisci.* ad casum exceptum, ubi aliud actum erat, debet referri, alias ab indole præsentis negotii plane abludit.

§. 11. Quodsi neutrum horum intercedat, emtio retro & penitus resolvitur *l. 2. §. 17. de in diem addit. l. 19. de usurpat. l. 6. §. 1. de divers. tempor. præscript.* hinc emtor amittit dominium *l. 1. in fin. de in diem addit. l. 41. de R. V.* pignus interim constitutum evanescit *l. 4. §. 3. de in diem addit. l. 3. quib. mod. pign. solv.* fructus aliaque commoda venditori debent restitui *l. 4. §. 4. l. 6. pr. l. 14. §. 4. l. 16. de in*

in diem addit. l. 11. §. 10. quod vi aut clam. & competit ei, quoad rem ipsam, rei vindicatio l. 41. de R. V. l. 4. C. de pact. inter emtor. ratione autem præstationum personalium actio venditi l. 4. §. 4. l. 14. §. 1. de in diem addit. l. 11. §. 10. quod vi & clam.

§. 12. Vice versa emtor recipit pretium cum usuris l. 29. §. 2. de adilit. edit. ut & impensas in rem emtam bona fide factas, eoque nomine, retentione, compensatione & actione emri uti potest l. 16. de in diem addit. De cætero raro forsitan eo devenitur, nam resolutio contractus, terriculamentum est, quo emtor primus, ad augendum pretium, compellatur, is igitur potius, eveniente casu, pretium supplebit, quam ut in dissolutionem, sibi adeo molestam, consentiat.

§. 13. Quo vero conventio resolutoria, venditori dominium reddere queat, requirunt vulgo v. LAUTERB. C. J. de addit. in diem (1.) ut verbis directis, quæ resolutionem contractus involvant, sit concepta. Sed de hoc non adeo laborandum videtur: non debent verba captari, sed mens paciscentium inspicere v. l. 41. de R. V. (2.) ut eadem incontinenti adjiciatur, verum hoc pactorum nudorum confectarium, hodie cessat, & conventio ejusdem effectus est, sive incontinenti, sive ex intervallo ineatur (3.) ut illa, re integra, seu ante traditionem celebretur.

§. 14. Hoc requisitum unice hodie est necessarium, cum enim regulariter, ad acquirendum dominium, requiratur titulus & modus l. 20. C. de pact. l. 3. pr. de O. & A. ideo, dominio in emtorem, per traditionem, translato, solo pacto effici non potest, ut illud, ipso jure, seu sine traditione, ad venditorem revertatur; Ast si pactum interponatur re integra, ubi dominium à venditore nondum abiit, tum exceptio admissa, ac conventioni ea vis tributa est, ut dominium eventualiter vel conservare vel reddere queat v. l. 32. de usufr. l. 19. de servit. l. 7. pr. comm. prædior. l. 20. §. 1. de pact. dotal. l. fin. C. de pact. inter emtor. l. 33. pr. de S. P. R. l. 41. de R. V. l. 9. de manumiss. l. 5. C. si mancip. ita fuerit CARPZ. p. 1. C. 28. D. 20. 21. Quod si, re tradita, pactum ineatur, jure quidem civili, invalidum videtur v. l. 58. de pact. hodie tamen jus personale operabitur add. OBSERV. LAUTERB. Obs. 520-521.

§. 15. Si denique conditio resolutoria deficiat, dum scilicet nemo plus offert vel venditor factam oblationem non admittit, emptio antiquo

pretio conclusa manet, ac emtor dominium omniaque commoda irrevocabiliter acquirit, nisi forte adhuc alia conditio supersit *v. l. 11. pr. de in diem addit.* Quodsi autem oblata melior conditio excludatur, per adjectionem primi emtoris, tum emtio novo pretio irrevocabiliter concluditur, de quo jam dictum §. 10.

§. 16. Quando venditio fit sub conditione suspensiva *v. §. 6.* ut scilicet perficiatur, nisi melior conditio afferatur *l. 2. de in diem addit.* tum *pendente* conditione, emtio est imperfecta *l. 7. de C. E. V.* hinc, si restradatur, dominium tamen vel conditio usucapiendi, est in suspenso *l. 4. pr. de in diem addit.* Est autem *existente*, dum scilicet nemo plus offert, vel oblatio rejicitur, vel emtor primus pretium augeat, emtio retro perficitur, & quidem vel antiquo, vel novo pretio, hinc emtori dominium, cum consuetis effectibus, à tempore contractus, acquisitum est *l. 9. §. 1. l. 11. §. 1. qui potior. in pign. l. 8. pr. de C. E. V.* Conditione denique *deficiente*, si nempe alius plus offerat, illudque venditor acceptet, nec primus emtor idem præstare velit, spes perficiendæ emtionis perit, adeoque contractus plane deficit *l. 37. de C. E. V. l. 8. de peric. & commod. rei vend.*

§. 17. Utrum autem venditio pure, sub conditione resolutive, vel conditionaliter, sub suspensiva, facta sit, id ex mente paciscentium intelligendum *l. 2. pr. de in diem addit.* In dubio, si res emtori tradita sit, prius *v. l. 2. §. 4. pro emtor. l. 3. quib. mod. pign. solv.* si non sit, posterius præsumendum videtur, traditio enim facta, negotium perfectum, omissa vero, imperfectum plerumque arguit. Prior contrahendi ratio, utilis est venditori, posterior, emtori *v. OBSERV. LAUTERB. Obs. § 23.*

§. 18. Additionem in diem, differre ab Auctione & Subhastatione §. 7. jam admonui. Interim jam dudum illæ species videntur fuisse confusæ, ex qua confusione, *jus primæ licitationis*, in Subhastationibus Saxonis, etiam originem forte habet, de quo tamen uti certi quid pronunciare nolo, ita, jus illud subhastationibus moram afferre, adeoque rectius aboleri quam conservari, plane arbitror *add. Decis. Saxon. 71.* OBSERV. LAUTERB. *Obs. § 22.*

§. 19. Celebris etiam est, circa emtionem venditionem, *lex commissoria*, quæ est conventio, inter emtorem & venditorem inita, ut, pre-

pretio non soluto, res sit inempta *l. 1. seqq. de leg. commiss.* scopus igitur hujus pacti non is est, ut emptio præcisè resolvatur, sed ut, metu resolvendi contractus, emptor ad pretium solvendum adigatur, ac, eo non soluto, venditor rem recipiat, atque in damnum avertat. De cætero lex commissoria non inest naturaliter emptioni venditioni *v. c. 3. §. 40. 41.* sed jure permittente, adjicitur *v. l. 13. §. 26. de A. E. V.* quo autem optatum habeat effectum, *re integra*, adjicienda est, secundum notata *§. 13. 14. h. add. OBSERV. LAUTERB. Obs. 524.*

§. 20. Conditione resoluta *pendente*, venditio valida est, hinc emptor rei traditæ dominus verus vel præsumtus est *v. l. 74. de C. E. V.* fructus acquirit *l. 5. de leg. comm.* ac periculum sustinet *l. 2. in fin. eod.* Ea autem *existente* emptio resolvi potest, circa quod tria itidem spectari possunt (1.) quando conditio existat (2.) quomodo, ea superveniente, resolutio contractus possit impediri, & (3.) illa non impedita, emptio resolvatur.

§. 21. Conditio resolutoria existit, si post diem elapsum *l. 38. de minor. l. 41. §. 1. l. 42. de V. O. l. 4. in fin. de leg. comm.* aut, si tempus adjectum non sit, post interpellationem venditoris *l. 23. de V. O.* emptor pretium, juxta legem contractus, non solvat *v. l. 4. qui pot. in pign. ac per eum stet, quo minus hoc fiat l. 4. §. fin. l. 6. pr. l. fin. de leg. comm. l. fin. de rescind. vendit. l. 39. 72. pr. de solut.* Quando ita emptor promissum non implet, tum est in arbitrio venditoris, utrum lege commissoria uti, ac emptionemolvere, an pretium exigere velit *l. 23. de leg. commiss. l. 41. de minor. l. p. C. de pact. l. 6. C. de LL. l. 1. §. 10. de oper. nov. nunc.*

§. 22. Quod si adeo conditionem allatam abjiciat, resolutio contractus cessat; Potest autem id facere vel expresse, vel tacite, dum vel emptorem, de solvendo pretio, interpellat *l. 38. de minor. l. 7. de leg. commiss.* vel partem pretii oblatis acceptat *v. l. 6. §. 2. eod. l. 4. C. de pact. inter emptor. CARPZ. p. 2. C. 33. D. 22.* nec potest, alterutro horum intercedente, ad legem commissoriam redire *l. 4. §. 2. l. 7. de leg. commiss. l. 20. de opt. leg.* hinc humanitas venditori noxia videtur, quamvis existimem, illa omnia, salva lege commissoria, fieri posse, si e nomine venditor protestetur.

§. 23. Ipsum etiam emptorem, conditione resolutoria existente, offe-

offerendo pretium, moram, invito venditore, purgare, adeoque resolutionem contractus impedire posse, aliqui censent, sed perperam: nam *l. 4. C. de pact. inter. emtor.* agit de venditore consentiente, in *l. 38. pr. de minor.* autem, casus plane specialis continetur, ubi, favore ætatis minoris, lex commissoria improbat. Hinc nec eorum sententia admit-tenda est, qui, certa die pacto commissorio non præstituta, emtorem, usque ad litis contestationem, moram purgare posse existimant *v. LAUTERB. C. J. de Leg. commit. lit. E. OBSERV. LAUTERB. Obs. § 26.*

§. 24. Si vero, conditione allata, venditor suo jure uti velit, emtio retro resolvitur *l. 1. 2. de leg. commiss.* hinc ipso jure recipit domini-um *l. fin. cod. l. 4. C. de pact. inter. emtor. l. 41. de R. V.* emtor fructus aliasque accessiónis reddere debet *l. 6. §. 1. de leg. commiss.* licet nihil specialiter conventum sit *v. l. 6. §. 1. de C. E. V. l. 56. pr. mand.* partem vero pretii vel arrhas, quas dedit, ex benigniori sententia, non aliter perdit, quam si, earum loco, vel fructus lucretur *l. 4. §. 1. de leg. commiss.* vel hoc inter partes actum sit *l. fin. cod. l. 6. §. 1. de C. E. V. l. 1. C. de pact. inter. emtor.* juxta quæ, temperanda *l. 6. pr. de leg. comm. v. OBSERV. LAUTERB. Obs. § 25.* Competit ergo venditori Rei vindicatio *l. fin. de leg. comm. l. 4. C. de pact. inter. emtor.* contra quemvis pos-sessorem, ex habili licet titulo, rem tenentem *v. §. 11. h. ut & actio ex vendito l. 6. §. 1. de C. E. V. l. 4. pr. de leg. comm.* Emtori quoque, ratione pretii, actio asserenda est, secundum doctrinam proxime al-latam.

§. 25. Conditione denique deficiente vel abjecta, emtio valida manet, ac emtor irrevocabiler dominium acquirit, nisi forte lex com-missoria, per intervalla temporum sit distincta, ac nondum omne tem-pus elapsum *v. l. 38. de minor.* Alias legi commissoriæ aliæ etiam clau-sulæ addi possunt *v. l. 4. §. 3. de leg. comm. l. 6. §. 1. de C. E. V.* quemad-modum illa etiam in aliis negotiis, ut locatione & permutatione, locum invenit, in pignoribus vero aliam assumit formam, adeoque, ob inhu-manitatem, improbat, de quo suo loco dicemus.

§. 26. Simile legi commissoriæ est Pactum, quo venditor, re in-tegra, rei venditæ & traditæ dominium tamdiu sibi reservat, donec omne pretium fuerit solutum *v. CARPZ. p. 1. C. 28. D. 21. lib. 1. Rsp. 108.* Pertinet illud tantum, ad securitatem pretii, adeo ut, in concursu Cre-

Creditorum, dominus rem suam vindicare queat; quamdiu autem emtor solvendo est, tamdiu venditor rem repetere nequit, hinc etiam debiti exactio, vel partis acceptio, pactum hoc non excludit, quo respectu, à lege commissoria idem differt; Periculum rei est quoque penes emtorem, nam venditor dominium saltem, quoad pretii securitatem, sibi reservavit *v. OBSERV. LAUTERB. Obs. § 27.*

§. 27. De eo dubitandum non est, quin alia etiam pacta, eodem cum effectu, quo addictio in diem & lex commissoria, iniri queant, licet hoc nonnulli negent *v. ZOES. ad ff. de leg. comm. tit. de retract. convent. n. 21. seqq.* valor enim non dependet ab eventu, quem addictio & lex commissoria respiciunt, sed à *paciscendi modo*, qui in aliis etiam pactis observari, adeoque eundem effectum producere potest *v. l. 19. de usurp. l. 11. §. 13. quod vi & clam. l. 3. de C. E. V. l. 13. de pign. action. l. 10. §. 1. quib. mod. pign. solv. l. 7. C. de pact. inter emtor. LAUTERB. C. J. de in diem addit. verbis idem faciunt.* Nec obstat, quod ex ejusmodi pactis, detur actio personalis *v. l. 4. C. de adilit. edit.* nam talis etiam, circa additionem in diem & legem commissoriam, occurrit *v. §. 11. 24. b.* scilicet actio personalis, dominium & actionem realem non excludit.

CAPUT VI. DE LOCATIONE CON- DUCTIONE.

SUMMARI A.

Locationis natura & varietas §. 1.

Fir consensu expresso §. 2.

Sæpe tamen tacito renovatur §. 3. 4.

Locationis subjectum §. 5.

A parte locatoris, in hunc contractum deducuntur omnis generis res §. 6. 7. 8.

Et operæ licite §. 9.

A parte conductoris, merces §. 10. 11.

Locationis accidentia §. 12.

Et effectus §. 13.

Actio conducti §. 14.

Exigit operarum exhibitionem §. 15.

Operis confectionem §. 16.

Rei præstationem §. 17.

Damna & impensas §. 18.

Tributa similesque præstationes §. 19.

Quoad hæc præstationes, obtinet etiam compensatio & retentio §. 20.

Actio locati §. 21.

Datur ad exigendam mercedem §. 22.

Modo ipse locator, à sua parte, contractui satisfaciat §. 23. 24. 25.

In specie merces aliquando non solvitur, si casus rem auferat §. 26.

Vel fructus intercipiat §. 27. 28.

Non iniquum tamen est, si, fructibus licet interceptis, merces solvenda sit §. 29.

Quæ sententia, quibusdam in casibus, certa est §. 30. 31.

Actione locati repetitur res locata, ac damni voluntarii præstatio exigitur §. 32.

Non vero fortuiti §. 33.

Probatio culpæ & casus fortuiti ab allegante fieri debet §. 34.

Locationis contraria §. 35.

In specie illa solvitur dissensus & lapsu temporis

(§. 36.

Ante tempus aliquando recte discedit locator & conductor §. 37. 38.

Finitur locatio quandoque morte §. 39.

Et successione singulari §. 40.

Sive jure proprio §. 41.

Sive voluntate locantis alius succedat §. 42.

Conductor expulso nonnunquam interesse præstandum §. 43.

Aliquando successor stare debet locationi §. 44.

Re alienata, conductor quoque discedere potest §. 45.

§. 1.



Locatio Conductio est *contractus consensualis, de usu rei vel operæ, pro certa mercede, concedendo & præstando* l. 1. 2. 4. locat. l. 19. 20. de A. E. V. Dividitur (1.) in locationem rerum & operarum, hæc est vel *alis in specie*, ubi operæ indefinite, vel *operis*, ubi, operis certi intuitu, locantur v. l. 22. §. 2. l. 51. §. 1. l. 60. §. 3. locat. l. 39. de R. V. (2.) in *regularem & irregularem* v. l. 31. locat. add. OBSERV. LAUTERB. Obs. 587.

§. 2. Perficitur solo consensu l. 1. 14. ff. l. 24. C. locat. qui quidem habilis esse debet, hinc vis injusta eam vitiat l. 11. 32. C. cod. l. 9. §. 1. de public. & vectigal. quando autem, ad faciendam locationem, quis est obligatus, tum vi justa, ad explendam obligationem recte adigitur v. l. 21. C. mand. l. 14. C. de C. E. V. *Sechßliche Gesinde Ordnung* tit. 3. CARPZ. p. 2. C. 51. D. 9. l. 1. Rsp. 58. 59. OBSERV. LAUTERB. Obs. 586. 587. Requiritur vero consensus expressus, nam tacito vix iniri locatio potest v. OBSERV. LAUTERB. Obs. 588.

§. 3. Semel tamen inita, sæpe tacite renovatur, ubi videndum, tum *quando*, tum *ad quod tempus* locatio renovata censeatur. In rebus mobilibus, v. gr. equis, locatio tacite renovatur, quando quis rem, tempore finito retinet, actamdiu facta videtur, quamdiu quis re utitur; sed in immobilibus, quarum conductores omni tempore haberi non possunt, aliter omnino dicendum, nam in iis, non tantum locatio renovata censeferi debet, si, tempore primæ locationis elapso, quis in re maneat l. 13. §. f. l. 14. ff. l. 16. C. locat. sed & si contrahentes tempestive ei non renunciant, quod sane hodie observatur.

§. 4. In

§. 4. In prædiis autem rusticis, ad annum, in urbanis, ad id tempus, quo quis, finita prima locatione, habitavit, locatio renovari creditur, nisi in scriptis certum tempus comprehensum sit, tum enim ad id contractus renovatus censetur *l. 13. §. fin. locat. v. LAUTERB. C. j. locat. lit. C. ibique BERGER in resolut.* Sed hodie definitionem illam, per omnia sequi forte non licet, verum ex consuetudine potius regionum ista res decidenda erit. Id certum, quod facta renovatione, etiam pignora renouentur, non vero fidejussio, nisi fidejussor consentiat *l. 13. §. f. ff. l. 7. 16. C. locat.*

§. 5. Locare & conducere possunt, qui alios contractus celebrant, nisi lex impedimentum ponat. Quidam ergo vi regulæ excluduntur, alios specialis sanctio, ab hoc contractu, certo modo, remouet, ut milites *l. 31. C. l. 50. ff. locat. l. 15, 16. C. de re milit.* Decuriones *l. 30. C. locat. l. 4. de decurion.* Clericos *Nov. 123. c. 6.* Tuores & curatores *l. 49. pr. §. 1. locat. l. un. C. ne tut. vel curat. vetig. cond. v. LAUTERB. C. j. locat. lit. §.* quorum omnium hodie non adeo magnus usus esse videtur. Ex communi etiam sententia, opifices, opificium suum cum strepitu exercentes, officinam, prope literatorum ædes, conducere, his invitis, non possunt *v. l. un. C. de stud. liberal. CARPZ. p. 2. C. 37. D. 23.*

§. 6. Qui operas suas alicui locavit, eas alii locare nequit, sed priori præstare cogitur *l. 26. locat.* nam prior solus jus habet. Si vero usus rei duobus sit locatus, & posteriori res tradita, hic præfertur, primus autem interesse solum à locatore petere potest, quia, per traditionem, potius jus posteriori censetur consecutus *arg. l. 15. C. de R. V. ZOES. ad ff. locat. n. 6.* cum enim traditio titulo prior sit, quando de translatione dominii agitur, idem omnino, ex rationibus juris civilis, dici potest, si de transferendo usu sermo sit.

§. 7. A parte locatoris, in hunc contractum, deducuntur omnis generis res, mobiles & immobiles, quæ usu non consumuntur *v. l. 31. locat. l. 3. §. f. commod.* Et quidem propriæ *v. l. 1. §. C. locat.* servientes *§. 1. l. de usu & habit. l. 18. C. de jur. dot. l. 9. §. 1. locat. l. 15. §. 4. ff. l. 13. C. de usufr. condu. & l. 7. ff. l. 6. C. locat.* alienæ, ut inter contrahentes, suo modo, valeat contractus *l. 7. §. 9. pr. §. f. locat.* non vero usufructuæ *§. 1. l. de usu & habit. v. l. 12. §. 4. de usu & habit. CARPZ. p. 1. Dec. 69.* inita tamen locatio, in vim locationis rei alienæ, inter contrahentes, valere videtur.

§. 8. Locantur etiam jura cum suis objectis, quæ ex imperio resultant, ut Jurisdictio, jus Patronatus v. CARPZ. l. 5. Rsp. 15. p. 2. C. 37. D. 22. FINCKELTH. Obs. 3. nontamen jus monetæ cudendæ Ord. monet. 1599. §. *ferner als* 174. CARPZ. l. 5. Rsp. 18. Poterit etiam jurium rerumque universitas locari CARPZ. d. Rsp. 15. STRUV. *Jurisp. forens.* l. 3. tit. 12. §. 6. quo casus res mobiles accessoriæ, aliquando conductori, pro certa æstimatione, venduntur v. l. 3. l. 54. §. f. locat. utut alias æstimatio, taxationis gratia saltem fieri soleat v. CARPZ. p. 2. C. 37. D. 16. RAUCHEAR p. 2. qu. 29.

§. 9. In locationem quoque deducuntur opera licita & mercede æstimari solite v. l. 5. §. 2. 5. l. 19. §. 1. de P. V. l. 13. §. 1. locat. l. 1. §. 9. depos. si prius requisitum deficiat, negotium, in delictum, si posterius, in alium contractum incidit v. l. 5. §. 2. de P. V. l. 1. pr. si mens. falsum. mod. de quo posteriori tamen, hodie non valde laborandum videtur. Qui ex sua materia, speciem alteri, pro certa pecunia, promittit, non tam operas locat, quam potius rem suam vendit l. 2. locat. l. 20. 65. de C. E. V. nisi forte res principalis, in qua alter, suis operis, ex rebus propriis, aliquid se facturum promissit, ad alterum pertineat, tum enim negotium mixtum adest l. 22. §. 2. locat. Possunt etiam operæ alienæ locari, si quis in illum vel imperium habeat, vel conventio hoc permittat v. l. 9. §. 1. l. 25. 27. de oper. libert. l. 3. de usu. & usufr. leg.

§. 10. A parte Conductoris, requiritur merces l. 23. in fin. comm. divid. sive pretium l. 28. §. 2. l. 51. §. 1. l. 58. pr. locat. l. fin. §. f. de L. Rhod. hinc, cum colono partiario, non locatio, sed societas initur l. 25. §. 6. locat. Debet autem merces (1.) esse vera v. l. 5. 20. §. 1. l. 46. locat. l. 10. §. f. de A. A. P. l. 36. 38. de C. E. V. (2.) certa, ex determinatione contrahentium, vel per relationem l. 25. pr. ff. l. 18. C. locat. v. c. 2. §. 16. seqq. nam alias consensus, hic necessarius, nondum adest. Illud tamen mere Romanum est, quod pretium statim ab initio certum esse debeat, ac alias negotium, in contractum innominatum, incidat §. 1. l. de locat. l. 22. de P. V. cujus sanctionis hodie nulla est utilitas, cum etiam contractus innominati, ex solo consensu, valeant.

§. 11. Porro requiritur (3.) ut merces in pecunia numerata consistat, alias iterum contractus innominatus adest pr. l. de locat. l. 5. §. 2. de P. V. l. 1. §. 9. depos. l. 25. §. 6. locat. l. 26. §. 1. de furt. Uti autem,
ab

ab ista sententia, paulatim ipsi Romani videntur discessisse *l. 8. 21. C. locat.* ita, ob rationem modo datam, ejus in genere hodie nulla est utilitas. Ut autem (4.) merces sit *justa*, i. e. ului rei vel operæ exacte respondens, id, in foro externo, præcise non requiritur *l. 22. §. f. l. 23. locat. v. c. 2. §. 19.*

§. 12. De eo dubitandum non est, quin huic etiam contractui pacta, arrha, scriptura, conditio, pignus, fidejussio, tempus modicum & longum, imo perpetuum, accedere queant *v. l. 13. §. f. l. 20. pr. ff. l. 7. 10. C. locat.* In specie licitum est, perpetuas operas alicui addicere, neque enim talis promissio veram involvit servitutem, quæ illicita est *v. l. 37. de liber. caus. l. 6. 24. C. cod.* etsi illa serviendi conditio, servituri aliquo modo sit similis *v. l. 2. de hom. lib. exhib.* Porro nec id promissioni illi obest, quod modus, libertati valde molestus, in ultimis voluntatibus, aliquando improbetur *v. l. 71. §. 2. de condit. & demonstr.* nam & talis modi, ac perpetuarum operarum; & ultimarum voluntatum ac contractuum, est dispar ratio. Interim nec consultum, nec valde usitatum est, locationem in perpetuum inire.

§. 13. Inita locatione conductione, contrahentes, ad fidem servandam, ac damnum voluntarium refarciendum obligantur. Contra invitos actiones competunt, sub quarum consideratione, jura & obligationes contrahentium, stilo recepto, explicantur. Tota autem illa tractatio fere naturalis est, ac sæpe non tam juris, quam facti questionibus occurrunt, add. OBSERV. L. AUTERB. Obs. 602.

§. 14. Primo de officio Locatoris dispiendum, contra quem comparata est Actio conducti, quæ est actio personalis, rei persecutoria, quæ datur conductori & heredibus *l. 15. pr. l. 19. §. 8. locat. contra locatorem & heredes l. 49. de O. & A. ad omne id, quod ex contractu vel pacto debetur l. 15. §. 1. l. 21. locat.* De jure civili est bonæ fidei *l. 432. C. de locat.* quod hodie frustra inculcatur.

§. 15. In locatione operarum, datur ad operas præstandas, quas si non præstet locator, id quod interest, conductori exsolvere debet *v. §. 7. l. de V. O.* Quodsi vero casu fortuito, vel voluntate conductoris operas præstare impediatur, tum, eum ad interesse non teneri, facile liquet, an vero mercedem exigere possit, alia quaestio est, quæ ad officium conductoris pertinet, de quo postea add. OBSERV. L. AUTERB. Obs. 603.

De damno culpa dato, locator operarum quoque tenebitur *v. l. 9. §. 5. l. 25. §. 7. l. 40. locat.*

§. 16. In locatione *Operis faciendi*, tenetur locator, intra præfixitum tempus, opus perficere, aut, si id factum non sit, interesse præstare. De casu fortuito, qui vel circa materiam, vel opus ipsum evenire potest, summarim dicendum, quod ejus periculum regulariter, ad dominum operis, pertineat, nisi pacto aut culpa in locatorem transferatur, quamvis aliquando & culpam impune hic committat, si dominus in eam consentiat. Ex quibus fundamentis, omnes distinctiones, quibus hic uti solent *v. l. 13. §. 5. l. 31. 36. 51. §. 1. locat. STRUV. §. J. C. exerc. 24. §. 3. LAUTERB. C. J. locat. verb. actio conducti lit. O. resultant.*

§. 17. Denique in locatione *Rerum*, locator debet præstare (1.) rem usuiabilem, quaque conductor, ejus facto, uti non impediatur, alias iterum ad interesse tenetur *v. l. 9. pr. l. 15. §. 1. 2. in fin. §. 8. l. 25. §. 1. 2. l. 30. l. 33. in fin. locat.* quod si autem conductor usum vel, ob casum fortuitum, vel sua voluntate non percipiat, tum locator nihil præstare debet, sed nec mercedem indistincte exigere potest, de quo postea videbimus. De cætero, per rei traditionem, neque dominium aut aliud jus in re *v. l. 39. locat. l. 80. §. f. de C. E. V.* neque veram possessionem *v. l. 60. §. 1. locat. l. 32. §. 1. de A. A. P. l. 31. §. 3. de usu. p. l. 1. §. 9. 10. de vi l. 2. C. de 30. & 40. annor. præscript.* sed saltem jus personale & nudam detentionem regulariter transferri, ex natura hujus contractus, facile liquet. *vid. LAUTERB. C. J. d. l.*

§. 18. Tenetur quoque locator (2.) resarcire damnum, quod ejus culpa conductor, in re conducta, accepit *v. l. 19. §. 1. locat. OBSERV. LAUTERB. Obs. 614.* de damnis autem fortuitis non obligatur, nisi ejus culpa vel pactum accesserit *v. l. 45. 55. ff. l. 4. C. locat. l. 23. de R. J. CARPZ. p. 2. C. 37. D. 21. BERLICH p. 2. D. 202.* Non minus quoque (3.) expensas necessarias & utiles, in perpetuam rei utilitatem factas, conductori refundere debet *v. l. 55. §. 1. l. 61. pr. locat.* sed, ante moram, sine usuris *v. CARPZ. p. 2. C. 37. D. 26. 27.* nam conductor hætenus ipsarum impensarum utilitatem sensit. Quod si conductor sua culpa causam dederit impensis, vel pacto eas in se susceperit, tum obligatio locatoris plane cessat.

§. 19. De-

§. 19. Denique locator (4.) reddere debet tributa & collectas à conductore solutas l. 7. *de public. & veſtig.* v. OBSERV. LAUTERB. *Obſ.* 615. ut & ſimiles præſtationes, quæ intuitu ſubjectionis, ex re locata fiunt, ut ſumtus metatorum v. l. 38. 39. *de uſufr.* l. 36. *de uſur.* l. 13. *de impenſ. in res dot.* l. 2. *C. de annon. & trib. l. un.* §. 3. *de via publ.* CARPZ. p. 2. C. 37. D. 15. TABOR *de metat.* p. 2. c. 3. §. 17. 19. Ea vero onera, quæ ex fructibus ſimpliciter præſtanda ſunt, ut decimæ, in ſe videtur recepiſſe conductor v. c. 24. 26. *X. de decim.* qui etiam dubio procul impenſas ad agrum colendum l. 15. §. 2. 7. *locat.* & fructuum collectionem neceſſarias, ferre tenetur, hoc enim natura contractus ſatis indicat v. l. 7. §. 16. *ſolut. matrim.*

§. 20. De cætero præſtationes illas conductor non tantum actione exigit, ſed & mercede nondum ſoluta, earum intuitu, compenſatione utitur v. l. 61. *pr. locat.* aut etiam rem locatam tamdiu retinet, donec, eo nomine, ipſi fuerit ſatiſfactum v. l. 14. *de dol. except.* l. 5. *pr. de impenſ. in rem dot.* l. 15. §. 2. *de furt.* & cenſetur in ipſa executione, eo fine, exceptio objici poſſe v. LAUTERB. C. J. *locat. lit. O.* de quoramen, ex diverſitate proceſſus, ac exceptionis obſcuritate veſevidentia, amplius hodie judicandum erit.

§. 21. Actio locati eſt actio *personalis, competens locatori & heredi-* bus, *adverſus conductorem & heredes* v. l. 24. 29. *C. de locat. ad omne id,* quod ipſis, *ex contractu vel pacto, debetur.* Si plures ſint conductores, regulariter ſinguli pro rata tenentur, niſi vel conventionem, vel delicto, ad conditionem correorum, redigantur, quo caſu adeo conſeſveta jura obtinent v. l. 47. ff. l. 13. *C. locat.*

§. 22. Datur hæc actio (1.) ad exigendam mercedem cum uſuris, ſi mora intervenerit l. 2. 17. *C. locat.* eo tempore, quod vel conventio partium v. l. 30. §. *pen. locat.* vel mos regionis l. 34. *de R. J.* l. 8. *C. locat.* determinat, de quo ſi nihil conſtet, competit demum, locatione finita, ex nonnullorum ſententia v. LAUTERB. C. J. *locat.* verb. *actio locat.* ſed verius eſt, quod, eximia uſus rei vel operarum parte præſtita, merces uſui reſpondens, exigi queat v. OBSERV. LAUTERB. *Obſ.* 616. 617.

§. 23. Enimvero uti obligatio conductoris, de ſolvenda mercede, ſatis certa eſt, ſi ſiſ operarum vel rei uſum revera acceperit, ita ſpecialius paulo

paulo tradendum, an idem solvere eandem teneatur, si emolumentum nullum senserit. Quod si igitur in locatione *Operarum*, locator operas, casu fortuito, præstare impediatur, ex natura contractus, nulla merces ei debetur, licet regulæ humanitatis sæpe aliud svadeant *v. l. 15. §. 6. locat.*

§. 24. Si vero conductor, ob casum, operas acceptare nequeat, integram nihilominus mercedem debet *v. OBSERV. LAUTERB. Obf. 604.* quod multo magis dicendum, si per eum stet, quo minus locator operas præstare queat, nisi forte hic, operas suas alii addicendo, obligationem illam remittat *l. 19. §. 9. l. 38. pr. locat. l. 24. de condit. & demonstr. l. 161. de R. J.* Quod si operarum præstatarum emolumentum casus intercepti, merces, pro Viri boni arbitrio, erit præstanda *v. LAUTERB. C. J. locat. verb. actio conducti add. OBSERV. LAUTERB. Obf. 605.*

§. 25. In locatione *Operis*, merces quoque est exsolvenda, licet casus superveniens, operarum præstatarum utilitatem conductori auferat *v. l. 33. locat.* Denique in locatione *Rei*, si locator, ob justam causam, usum impediat, conductor imposterum nihil amplius solvit *l. 30. 35. pr. locat.* si autem usus, ad breve saltem tempus, imminuatur, integra nihilominus merces præstanda erit *l. 27. cod.*

§. 26. Si casus rem totam auferat, obligatio solvendi mercedem quoque definit *l. 9. §. 1. l. 15. §. 2. in fin. l. 19. §. 6. l. 33. locat.* ob culpam accedentem, locator etiam interesse præstare debet, v. gr. si tertius, à locatore sine causa irritatus, damnum dederit *v. l. 33. in fin. l. 35. p. l. 41. locat.* de quo dictum §. 17. si casus à parte conductoris accidat, merces solvenda est, nam locator contractum, à sua parte, implere paratus est. Quod si facto conductoris res pereat, non tantum ad pensionem, sed & damnum resarciendum, idem tenebitur.

§. 27. Porro Conductor ad solvendam mercedem non obligatur, si casus circa fructus acciderit *v. l. 15. §. 2. l. 25. §. 6. ff. l. 8. C. locat. c. 3. X. cod.* Requiritur tamen, ut calamitas inconsueta & non prævisa *d. l. 15. §. 2. l. 9. §. 1. locat. l. 13. §. 6. de damn. inf. extrinsecus d. l. 15. §. 2. s. locat.* circa fructus nondum perceptos i. e. à solo separatos *l. 13. quib. mod. usus fr. fin. l. 48. de A. R. D. l. 78. de R. V. l. 25. §. 1. de usur. CARPZ. p. 2. C. 37. D. 20. OBSERV. LAUTERB. Obf. 608.* sine conductoris

etoris culpa efficaci *v. l. fin. §. 1. ad L. Rhod. de jact.* OBSERV. LAUTERB. *Obs. 609.* evenerit, eaque damnum satis grave conductori inferat *l. 25. §. 6. locat. c. 3. X. cod.* OBSERV. LAUTERB. *Obs. 610.*

§. 28. De hoc ergo ut constet, omnium annorum redditus prudenter æstimari debent, hinc ob præcedentis anni ubertatem, remissio pensionis denegatur, ob secutam, facta resolvitur *l. 8. C. l. 15. §. 4. locat. CARPZ. p. 2. C. 37. D. 12. 13.* sicut etiam sterilitas, in altera re contingens, ubertate, circa aliam, eodem contractu locatam, eveniente, pensatur. In æstimanda autem læsione, non præcise respiciendum est ad sanctionem *l. 2. C. de rescind. vendit.* ceu nonnullis videtur *v. CARPZ. d. l. D. 11.* sed potius, ex æquitatis præscripto, hæc res dirimenda, nam *d. l. 2.* pertinet ad læsionem, quæ, circa contractus constitutionem, ex sola pretii inæqualitate, oritur, adeoque ad præsentem quæstionem referri non debet.

§. 29. Licet vero præcedens sententia, ab indole hujus contractus, non plane abludat, ac in foro etiam fere observetur, attamen nec contraria, quæ remissionem pensionis conductori simpliciter denegat, ratione destituitur, utut aliquando contrarium mihi placuerit *v. OBSERV. LAUTERB. Obs. 612.* nam si rem recte expendamus, in locatione rei non hoc agitur, ut *locator fructus præstet*, hoc enim in ejus potestate positum non est, adeoque etiam id promississe censi non potest, sed *ut rem, ferendis fructibus, aptam concedat*, hoc igitur facto, jus exigendi mercedem consecutus videtur, utcumque deinceps res ceciderit *v. PUFENDORF de J. N. G. l. §. c. 6. §. 2.*

§. 30. Quicquid sit, illud certum, quod, si quis fructus alicujus anni pendentes, ac in specie gramen emat, ad emtorem pertineat periculum *v. l. 78. §. fin. de C. E. V. l. 25. de A. E. V. STRUV. §. J. C. exercit. 23. §. 26.* quemadmodum etiam, colonus partiarius remissionem mercedis petere nequit, cum nullam solvat, sed damnum, lege societatis, ad ipsum & locatorem, æqualiter pertineat *l. 25. §. 6. locat.* Neque emtori, qui rem, donec pretium solvatur, conduxit *v. l. 20. 21. locat.* merces, ob casum fortuitum, remittenda videtur, nam, emtione perfecta, periculum est emtoris, ac merces, loco usurarum, hic solvitur.

§. 31. Quod si conductor pacto casus fortuitos in se receperit, tum itidem mercedis remissionem petere nequit, circa pacti tamen hu-

Ppp

jus-

jusmodi interpretationem interpretes non adeo consentiunt v. CARPZ. p. 2. C. 37. D. 17. VINN. §. 2. l. 2. l. 1. sed rationis est, ne verba nimium captemus, sed aliarum etiam circumstantiarum, in pacto interpretando, habeamus rationem. Ob contingentem majorem ubertatem, pensio non augetur l. 25. §. 6. locat. censetur enim in hoc lucrura locator consensisse v. OBSERV. LAUTERB. Obs. 613. id quod, admissa sententia, de qua §. 29. indubium est.

§. 32. Porro datur actio locati (2.) ad hoc, ut conductor rem, finita locatione, in specie restituat v. l. 25. 34. C. de locat. v. OBSERV. LAUTERB. Obs. 618. (3.) ut damnum dolo & culpa datum resarciat v. l. 9. §. 3. l. 11. §. 2. 3. l. 13. §. 1. 6. 7. 8. l. 25. §. 3. 4. l. 31. in fin. l. 41. locat. Censetur autem conductor regulariter de culpa levi saltem esse obligatus, cui defendendo, in variis textibus, qui assertionem turbare videntur v. l. 28. C. locat. §. pen. l. de locat. junct. l. 14. §. 10. de furt. l. 25. §. pen. l. 13. §. 6. locat. l. 13. §. 1. de liberal. caus. explicandis, vulgò occupantur. Sed exiguæ sollicitudo illa videtur esse utilitatis, cum raro, ex natura contractus, præstatio culpæ sit definienda v. l. 2. c. 3. §. 14. 15.

§. 33. Casum fortuitum non præstat conductor, nisi culpa accesserit vel pactum l. 9. §. 2. l. 11. §. 1. 4. locat. solatamen rei locatæ æstimatio, pactum tale regulariter non continet v. CARPZ. p. 2. C. 37. D. 16. RICHTER Dec. 81. n. 13. seqq. Hinc nec de facto famulorum conductor tenetur, nisi culpa ejus interveniat, dum, in iis eligendis, debitam circumspectionem non adhibuit, ac hi in officio deliquerunt l. 11. pr. locat. l. 27. §. 9. 11. ad L. Aquil. l. 3. pr. de public. Decis. Saxon. 79. OBSERV. LAUTERB. Obs. 619.

§. 34. Cum igitur conductor damni restitutionem, casus fortuiti obtentu, deprecari, contra vero locator, illi obligando, culpam allegare soleat, ideo uterque, ex generali principio, quo affirmanti incumbit probatio, assertum suum probare debet v. l. 5. C. de pign. action. CARPZ. p. 2. C. 26. D. 17. 19. id quod etiam de culpa levissima dicendum, nam non magis hæc, quam levis aut lata, præsumitur v. OBSERV. LAUTERB. Obs. 620. add. CARPZOV. d. l. D. 18. LAUTERB. C. J. locat.

§. 35. Locatio conductio aliquando ab initio statim invalida est, ob dolum, metum, errorem similemque causam, fere juxta doctrinam c. 2. §. 31. seqq. c. 3. §. 9. aliquando legitime inita, ex postfacto desinit,
id

id quod generaliter ex *consensu*, quo vel contractus formatur, vel qui postea supervenit, dependet, adeoque naturale est, in explicando tamen magisque determinando contrahentium consensu, magnas partes habere solent leges positivæ.

§. 36. Finitur ergo locatio (1.) *mutuo dissensu*, quod indubium; (2.) *elapsa tempore*, ad quod expresse vel tacite fuit contracta *l. 13. §. f. l. 14. ff. l. 11. 37. C. locat. l. 9. §. 1. de public. l. 3. §. 6. de jur. fisci. vid. l. 11. §. fin. de public. l. 4. §. C. de locat. præd. civil. lib. 11. tit. 70.* Ante tempus vero finitum, neuter à contractu discedere potest *l. 24. §. 2. l. 27. §. 1. l. 55. §. f. ff. l. 3. 15. 21. C. locat.* sive quis ipsemet contraxerit, sive ejus nomine, alius, ut tutor, curator vel procurator *v. CARPZ. l. 5. Rsp. 78. ZOES. ad ff. locat. n. 50.*

§. 37. Aliquando tamen locator ante tempus, recte discedit ob justam causam, nempe si merces non solvatur *l. 3. C. l. 54. §. 1. l. 56. ff. c. 3. X. locat.* indigentia propria superveniat *CARPZ. p. 2. C. 37. D. 6. 7. p. 2 Dec. 137.* res locata necessario sit reficienda *l. 30. pr. l. 27. locat. c. 3. X. cod.* conductor re locata physice vel moraliter abutatur *l. 3. C. locat.* quo casu ad interesse quoque tenetur, sed in præcedentibus saltem, pro rata temporis, mercedem solvit; denique si hæres conductoris non appareat *l. 15. §. f. l. 16. locat. v. LAUTERB. C. J. locat. lit. 3. add. OBSERV. LAUTERB. Obs. 594. 595. 596.*

§. 38. In locatione operarum, ob duritiem dominorum, locatores quandoque recte etiam, ante tempus, discedunt *v. §. f. l. de his qui sui vel alieni. jur.* Non minus quoque conductores rem, ante præfinitum tempus, relinquere aliquando possunt, si scilicet res ad usum minus idonea reddatur *l. 25. §. 2. locat. l. 13. §. 6. l. 28. 33. de damn. inf.* in specie illam deferere possunt, ob merum hostium, quo tamen casu, discessum, si fieri queat, domino denunciare debent *l. 13. §. 7. l. 34. locat.* item ob metum pestis vel spectrorum *l. 27. §. 1. l. 28. cod.* cessante vero meru, locationem continuare tenentur, facta, pro ratione temporis, quo uti non potuerunt, mercedis remissione *l. 27. §. 1. l. 55. §. 2. locat. CARPZ. p. 2. C. 37. D. 10. LAUTERB. C. J. d. l.*

§. 39. Finitur quoque locatio aliquando (3.) *morte*, si scilicet contractus, ad personas contrahentium, sit restrictus, ut si tale quid conductum sit, quod per alium expediri nequeat *l. 13. C. de contrah. stipul.*

aut aliter fieri nolit *v. l. 38. pr. de solut.* vel si contractus initus sit, quoad contrahentes voluerint *l. 4. locat.* aut si locatoris jus, quod in re habet, ejus morte exspiraverit *v. l. 4. §. 3. de in diem addit.* *l. 31. de pignor.* Alias regulariter hæredes stare debent locationi *§. f. l. de locat. l. 10. C. l. 60. §. 1. ff. eod.* CARPZ. *p. 2. C. 37. D. 1.* quod etiam de fisco, in bona vacantia, vel ob delictum, generaliter succedente, dicendum *l. 51. §. f. de fidejussor. l. 2. C. de vi publ.* Locatio tamen ab hærede fiduciario facta, fideicommissarium non obligat *l. 41. §. 3. de vulg. & pupill. subst.* licet enim hic in effectu hæres sit *l. 5. §. 1. quod cum eo qui l. 44. §. 1. ad Sc. Trebell.* attamen non est hæres fiduciarii *add. LAUTERB. C. J. d. l.*

§. 40. Denique finitur locatio (4.) *successione singulari*, est autem hæc duplex, vel enim quis succedit *jure proprio*, dum jus locatoris temporarium exspiravit, hoc casu evidens ratio est, quare successor locationi stare non debeat, nam locator durabiliorem locationem promittere non poruit, quam ejus jus permisit, vel *voluntate locantis*, hoc quoque casu successor conductorem expellere poterit, censetur enim facta locatio, salvo jure alienandi *v. OBSERV. LAUTERB. Obs. 197.* quæ ratio, etiam in locatione, ad longum tempus, facta, & quoad successorrem gratuitum, ac contra colonum partiarium obtinet.

§. 41. Primi generis successores sunt (1.) proprietarius, qui, finito usufructu, rem recipit *l. 9. §. 1. locat.* (2.) fiscus, rem singularem publicatam occupans *l. 33. eod.* (3.) successor feudi, causam succedendi ab antecessore non habens *v. RICHT. Dec. 81. n. 11.* (4.) Mulier, rem dotalem, soluto matrimonio, recipiens *l. 25. §. f. sol. matrimon.* (5.) successor Majoratus MOLIN *de primog. l. 1. c. 21. n. 3.* qualis successio, in Germania, non valde usitata est: Non vero (6.) Status imperii Germanici, hic enim contractus antecessoris regulariter servare tenetur *v. SPECIM. JUR. PUBLIC. l. 4. c. 5.*

§. 42. Secundi generis sunt (1.) emtor *l. 25. §. 1. ff. l. 9. C. locat. CARPZ. p. 2. C. 37. D. 4.* (2.) Legatarius *l. 32. locat. l. 120. §. 2. de Legat. 1.* (3.) usufructuarius *l. 59. §. 1. de usufr.* (4.) maritus rem locatam, in dotem accipiens CARPZ. *p. 2. C. 37. D. 2. n. 8.* (5.) donatarius similesque, qui ex titulo habili, sive oneroso sive lucrativo, rem à locatore accipiunt. De cætero jus expellendi his successoribus adeo competere censetur, ut
neque

neque locatoris promissione, licet jurata, de contractu servando, neque nuda rei locatæ oppignoratione, sed promissione & oppignoratione simul, demum contra illud, conductor sibi prospicere queat *l. 7. de distract. pign.* LAUTERB. *C. locat. lit. C.* licet, de priori assertione, non immerito dubitari possit *v. OBSERV. LAUTERB. Obs. 598. 599.*

§. 43. Conductor à primigenis successore expulsus, à locatore vel ejus hærede, nihil nisi pensionis remissionem exigere potest, nisi locator ignorantem conductorem, rei qualitatem celaverit, vel resolutionem aut amissionem juris procuraverit, ut si jus dotale, divortio, vel usufructus, cessione solvatur, aut ob delictum res amittatur, nam tum id, quod interest, conductori præstare tenetur *l. 9. §. 1. l. 33. locat. l. 25. §. f. solut. matrim.* Quod si autem à secundi generis successore expellatur, à locatore vel ejus hærede regulariter interesse postulat *l. 24. §. 4. l. 32. locat. l. 120. §. 2. de legat. 1. add.* OBSERV. LAUTERB. *Obs. 600.*

§. 44. Aliquando successor singularis conductorem expellere nequit, si rem fiscalem emerit *l. fin. de jur. fisci. l. 3. C. de mancip. & colon. patrim. lib. 11. tit. 62.* aut in pactionem consenserit *l. 9. C. locat. l. 59. §. 1. de usufr.* ex sola tamen locationis scientia, consensus colligi nequit *l. 8. §. 15. quib. mod. pign. solv.* Creditores quoque ex primo decreto, vel saltem, ad effectum percipiendorum fructuum, missi, conductorem expellere nequeunt *l. 8. §. 1. de reb. autor. judic. possid.* sed si iis dominium adjudicetur, aut si quis, sub hasta rem debitoris eruat, hi omnes jus expellendi habent, licet cum aliis dissentiat CARPZ. *p. 2. C. 37. D. 4. n. 6.* LAUTERB. *d. l.* nec videntur conductores expulsi, ab obærato debitore, interesse petere posse, cum rei locatæ conditionem sciverint.

§. 45. Sicut autem conductor regulariter à successore singulari potest expelli, ita & ille à locatione potest discedere, licet hic eam continuari velit *l. 32. locat.* nec potest locator jus suum successori cedere, aut alio modo efficere, ut invitus conductor in locatione manere debeat, nam in ea, perinde ac in societate, ad personam habetur respectus, & iniquum esset, si, facta alienatione, locatori quidem integrum foret, à contractu discedere, conductori vero tantundem non liceret.

v. OBSERV. LAUTERB. Obs. 601. de quo c. 4. §. 8.

jam dictum.

CAPUT VII. DE SOCIETATE.

SUMMARIA.

Societatis definitio & divisio §. 1.

Exinde oritur communio §. 2.

Perficitur illa solo consensu §. 3.

Ejus subiectum & materia §. 4.

Effectus societatis, juxta diversos respectus, diversus est §. 5.

Inita societate universali, jus reale & personale, diverso respectu, oritur §. 6.

Sed, particulari, tantum jus personale §. 7.

In societate universali omnia sunt communia §. 8.

In particulari lucrum & damnum dividendum §. 9.

Soluta societate, lucri & rerum fit divisio §. 10.

Solvitur societas consensu, qui ex variis circumstantiis colligitur §. 11. 12.

Accessoria societatis §. 13.

Actio pro socio §. 14.

Datur loci ad diversas prestationes §. 15.

Quod specialius declaratur §. 16. 17.

Socii cum exteris contrahentes, pro correis credendi & debendi regulariter recte habentur §. 18. 19. 20.

§. 1.



Societas est *contractus consensualis de rebus vel operis, communis negotiationis aut œconomiae causa, conferendis v. l. 5. §. f. pro soc. l. 32. §. 24. de donat. inter V. & U. l. 35. §. 5. de m. c. donat.* Distinguitur in *societatem omnium bonorum*, ex qua communis œconomia oritur *l. 3. §. 1. l. 7. pro soc.* hinc omnia sunt communia, & sumtus quoque, quibus quisque sociorum indiget, promiscue ex rebus communibus sumuntur *l. 1. §. 1. l. 3. §. 1. l. 52. §. 16. l. 73. pro soc. l. 39. §. 3. fam. ercisc.* licet magna inde oriatur inæqualitas; *bonorum simpliciter & particularem*, ex qua negotiatio communis, gradibus suis iterum distincta, existit *v. l. 7. seqq. l. 5. pr. l. 52. §. 5. 6. l. 67. §. 1. pro soc. l. 39. §. 3. fam. erc. l. 4. C. comm. utri. judic. l. 8. C. si quis sibi vel alt.*

§. 2. Ex societate oritur *communio*, quæ tamen aliquando, sine speciali societatis contractu, quoque existit *l. 2. comm. divid. l. 31. pro soc. l. 25. §. 16. fam. ercisc.* imo nihil vetat, quominus ipsam etiam communionem, societatis nomine exprimamus, nam nihil frequentius est, quam ut, *statum juris communis*, societatem dicamus, in specie frequentissimæ illæ locutiones: *socius omnium bonorum*, vel *particularis*, significatum illum exhibent.

§. 3. Per-

§. 3. Perficitur contractus societatis, solo consensu *l. 19. pro soc.* verbis vel factis declarato *l. 4. 31. 44. pro soc. l. 2. C. cod.* hinc inter eos quoque, qui rem communiter legatam acceptant, tacita Societas potest, asseri, quatenus tamen, ratione temporis futuri, affectum societatis habendæ, non declarant, eatenus societas adesse negatur, in quem sensum accipienda *l. 31. pro soc. l. 25. §. 16. fam. erisc.* Possunt etiam quidam esse socii, inter se, non ratione exterorum *v. OBSERV. LAUTERB. Obs. 481.* quemadmodum etiam quis, cum pluribus, diversas societates inire potest, hinc socii mei socius, mihi statim socius non est *l. 19. 20. 31. pro soc.*

§. 4. Possunt inire societatem omnes, qui contrahendo se obligare valent. *v. l. 16. §. fin. de alim. leg.* quæ disquisitio incidit in locum communem de pactis. Initur societas quoad res in commercio existentes *l. 67. §. fin. pro soc.* & operas licitas *l. 5. §. 1. l. 71. cod.* societas, intuitu factorum turpium, inita, non valet in vim contractus, sed delicti *l. 52. §. 17. l. 53. seqq. pro soc. l. 1. §. 14. de vi & vi arm.*

§. 5. Ad societatis effectum, seu jura & obligationes sociorum intelligenda, observandum est, quod socii, vel *inter se*, vel *intuitu exterorum*, considerari possint. Primo respectu, intelligendis juribus & obligationibus, triplex societatis status distingvendus est, *initæ*, quando consensus plene datus est, *consummatæ*, ubi rerum vel operarum collatio accessit, & *solutæ*, quando affectus continuandi societatem desinit.

§. 6. Societate *initæ*, & quidem omnium bonorum, jura realia & res præsentis, ipso jure, sine interveniente traditione, communicantur *l. 1. §. 1. l. 2. pro soc.* cum enim nimis molestum foret, omnium rerum reciprocam suscipere traditionem, ideo, à regula sua, hic discessit jus Romanum: Nomina vero cedi debent *l. 3. cod.* nam respiciunt exeros, quibus societas inita, non est satis cognita, hinc, quo socius in hos agere valeat, cessione socii opus est. Postea acquisita socio itidem, ipso jure, non acquiruntur, sed demum per traditionem *l. 74. pro soc.* nam hic manet regula, cum faciendæ exceptionis nulla subsit ratio.

§. 7. In societate vero particulari, consensu dato, sociis, juxta regulam, sâtem acquiritur jus personale, cujus vi, rerum collationem, vel operarum præstationem exigere possunt *l. 1. §. 1. l. 58. §. 1. pro soc.*

De

De cætero vel hoc intenditur, ut per collationem, *dominium fiat commune*, vel ut saltem, quoad *fructus* introducatur *communio*, quo casu res collatæ salvæ sunt aut pereunt domino, qui eas contulit. Prior contrahendi ratio in dubio præsumitur, quando ab utroque, res; posterior vero, quando ab uno, res, ab altero, opera confertur v. l. 44. § 2. §. 2. l. 58. *pr. §. 1. pro soc. l. 13. §. 1. de P. V. VINN. §. 2. l. 1. qu. 54. LAUTERB. C. J. pro soc.*

§. 8. Societate *consummata* & constante, Socii omnium bonorum ex communi massa vivunt, ac quisque, pro ratione indigentiae suæ, rebus communibus utitur: Lucrum & damnum est commune, nec divisioni locus est, cum nemo proprii quid habeat, nisi quod in usus suos statim consumit. Quæ tamen socius, ob delictum, præstare debet, ex communi non consequitur l. 52. §. 18. *pro soc.* quod ita intelligendum videtur, ut, soluta societate, socio id deducatur, nisi cæterorum condonatio accesserit v. OBSERV. LAUTERB. *Obs. 482.*

§. 9. Socii autem particulares lucrum & damnum fortuitum, vel utriusque culpa eveniens, dividere, voluntarium vero damnum resarcire, ac collatam utilitatem rependere debent. Divisio lucri & damni, fit vel juxta *naturam contractus*, habita rerum & operarum collatarum ratione l. 6. 80. 83. *pro soc.* adeoque aliquando æqualiter l. 29. *pr. eod.* vel juxta *specialem conventionem*, quæ diversi generis est §. 1. 2. l. de societ. l. 29. §. 1. *pro soc. l. 38. de C. E. V.* societas tamen leonina, ob contradictionem, invalida videtur d. l. 29. §. 2. *pro soc.* nisi forte conditio personarum aliud svadeat *add. OBSERV. LAUTERB. Obs. 485. 486.* Possunt etiam partes lucri & damni, ex postfacto, socii vel tertii arbitrio, determinari l. 6. 76. *seqq. pro soc.*

§. 10. Denique, *soluta* societate, præstationes modo memoratæ recurrunt, ac insuper rerum communium separatio ac restitutio fieri debet. Censetur autem, in societate omnium bonorum, divisio lucri & damni, æqualiter esse facienda, licet res inæquales sint collatæ LAUTERB. *C. J. pro soc.* hinc nec, ex cujus rebus emolumentum proveniret, aut, quis lucri vel damni causa sit, considerandum erit, quæ interpretatio, ex rationibus amicitiae singularis, quibus societas omnium bonorum coalescere solet, repeti debet. Delictum tamen dolum, autorem suum tenet. §. 8. h.

§. 11. Sol-

§. 11. Solvitur autem societas *consensu*, quem contractus hujus natura, vel communis vel propria admittit. Solvitur ergo (1.) mutuo consensu *L. 64. §. 3. pro soc.* (2.) unius renunciatione *L. 4. §. 1. cod.* nam renunciandi facultas contractui huic, ob communem mortalium affectum, inesse debet *L. 65. §. 11. cod.* declaratur autem voluntas verbis vel factis *L. 65. pr. cod.* requiritur tamen justa causa, si ad certum tempus societas inita sit *L. 14. l. 65. §. 6. cod.* si vero tempus non sit additum, renuntiatio semper quidem, sed tamen sine dolo, fieri potest, alias renuncians socio obligatus manet *L. 65. §. 3. 4. 5. 6. l. 17. §. 1. pro soc.*

§. 12. Porro solvitur (3.) morte *L. 4. §. 1. l. 63. §. f. l. 52. §. 9. l. 19. pr. l. 65. §. 9. pro soc.* etiam civili *L. 4. §. 1. l. 63. §. f. cod.* quæ hodie raro occurrit *add. l. 58. §. 2. l. 65. §. 11. cod.* ratione tamen societatis præteritæ, jura & actiones inaneant *L. 63. §. 8. l. 65. §. 9. cod.* imo, ob æ ortis ignorantiam probabilem *L. 65. §. 10.* vel negotiorum cohærentiam *L. 40. cod.* in futurum quoque extenduntur (4.) negotio finito *L. 65. §. 10. pro soc.* (5.) rerum, quarum intuitu societas contracta est, amissione *L. 63. §. f. l. 65. §. 1. 12. cod.* (6.) elapso tempore *L. 65. §. 6. cod. conf.* OBSERV. LAUTERB. *Obsf. 491. 492. 493.*

§. 13. Poterit societas pure & sub conditione contrahi *L. 6. C. pro soc.* extempore etiam, vel ad tempus, & in perpetuum ad dies vitæ *L. 1. pro soc.* quod ultimum tamen de *affectu*, non *effectu* accipiendum est *L. 14. 70. cod. l. 77. §. 20. de Legat. 2.* Quantacunque etiam pœna, ratione *facti*, à socio præstandi, adjici posse censetur, sed ratione *quantitatis*, non alia, quam quæ legitimas usuras non excedat *L. 15. C. de usur.* STRYK *in not. ad LAUTERB. pro soc.*

§. 14. Contra socios, officia sponte non implentes, comparata est actio pro socio, quæ est *actio personalis*, *competens inter socios*, ad id, quod illi sibi invicem, ratione societatis, præstare tenentur. Est utrinque directa *§. 2. l. de pœn. tem. litig. rei persecutoria §. 17. l. de action.* ac interdum generalis *L. 38. pro soc.* famosa *L. 1. de his qui not. infam. §. 2. l. de pœn. tem. litig.* & non in solidum comparata *L. 63. pr. pro soc.* Potest illa institui quidem, societate inita, consummata & soluta, sed, si hominum affectum spectemus, vix aliter, quam ultimo casu, locum habet *v. l. 65. §. 15. pro soc.* OBSERV. LAUTERB. *Obsf. 487.*

§. 15. Competit actio inter socios & hæredes *l. 35. §. 8. pro soc. v. §. 12. n. 3. h.* & potest quidem ad omne illud agi, ad quod socii, sibi invicem obligantur, adeoque in specie etiam, ad res conferendas *l. 73. 74. pro soc.* sed tamen, ob quasvis præstationes, actio institui non solet, cen modo dixi. Fere igitur ad eas tantum illa referenda erit, de quibus, finita societate quæri solet.

§. 16. Hinc pertinet actio (1.) ad lucrum communicandum (2.) rationem administrationis reddendam, adeoque aliquando ad inventarium vel juratam specificationem edendam *v. RICHTER p. 1. Dec. 58. n. 13.* (3.) ad damnum dolo vel culpa, ex personæ conditione potissimum æstimanda *l. 72. pro soc. §. fin. l. eod. datum, refarciendum l. 52. §. 2. eod. nec poterit lucrum cum damno compensari l. 23. §. 1. l. 25. seqq. pro soc. v. OBSERV. LAUTERB. Obs. 488.* (4.) ad expensas, societatis nomine factas, recuperandas *l. 38. §. 1. l. 52. §. 15. l. 67. §. 2. pro soc.* & si quæ ejus generis adhuc aliæ sunt præstationis.

§. 17. Damni fortuiti restitutio, in hanc actionem, non venit, sed si contingat illud, in re communi, ad socios simul pertinet, si in re unius socii propria, nec propter causam societatis, ille solus id ferre cogitur, hinc hætenus saltem aliquando agi potest, ut socius partem damni ferat *v. l. 52. §. 3. 4. l. 58. pr. §. 1. l. 60. §. 1. l. 61. pro soc.* Divisio quoque rerum communium, non hac, sed actione communi dividundo, peti debet *l. 1. comm. div. l. 41. pro soc.* quæ misera & nullius usus est subtilitas *v. OBSERV. LAUTERB. Obs. 489.* Socio condemnando competit beneficium competentiae *l. 63. pr. pro soc.* OBSERV. LAUTERB. *Obs. 490.* modo is dolum non admiserit *d. l. 63. 67. §. f. pro soc. l. 22. §. 1. de re judic.*

§. 18. Quod si Socii intuitu *Exteriorum* considerentur *v. §. 5. h.* rum illud quidem satis certum est, quod ex contractibus, socii aliis, & hi illis, naturaliter obligari queant, sed *an & quando* omnes & singuli, inde obligentur, illud non adeo expeditum est *v. LAUTERB. C. f. pro soc. in fin.* Mihi probabile videtur, quod, si omnes socii singulis contrabant, pro correis credendi & debendi, illi haberi debeant, nam contractus societatis præcedens efficit, ut omnes unius personæ vice velut fungantur.

§. 19. Si vero unus ex sociis contrahat nomine proprio, intuitu tamen

tamen societatis, tum contractus ad ipsum solum pertinet, reliqui vero exinde neque agere, neque conveniri possunt, nam contrahens solum socium contrahentem, non reliquos, respexit *v. l. 13. seqq. C. si cert. petat.* si tamen res, in utilitatem societatis, versa sit, tum, ob acceptam utilitatem, reliqui etiam conveniri possunt *l. 82. pro soc.*

§. 20. Denique si *unus contrahat, nomine societatis*, quod quidem non ex eo solum æstimandum est, si nomen societatis prætexatur, sed potius, si secundum societatis legem, de rebus, ad eam pertinentibus, contrahatur, tum contractus ad omnes socios, velut correos, pertinet, adeo ut singuli in solidum agere & conveniri queant, ob rationem §. 18. datam *v. CARPZ. p. 2. C. 17. D. 12. PERETZ. ad C. de duob. reis. n. 17. OBSERV. LAUTERB. Obs. 494. seqq.*

CAPUT IIX. DE MUTUO.

SUMMARIA.

Mutuum hodie est contractus consensualis §. 1.

Gratuitum & fœneraticium §. 2.

Perficitur solo consensu §. 3.

Quinam mutuum dare possint, nec ne §. 4.

Quinam illud accipere §. 5.

Filiisfam. ob Sctum Macedonianum, ex mutuo non obligantur, ejus tamen vis aliquando cessat §. 6. 7.

Hodie illius, quoad Patres, nullus vel exiguus usus §. 8.

Mutuum etiam per procuratorem contrahi potest §. 9.

Ejus materia §. 10.

Ex mutuo obligatur mutuans ad rei traditionem §. 11.

Qua dominium transfertur §. 12.

Mutuatarius tantundem reddere tenetur §. 13.

Et quidem in genere §. 14.

Cum usuris §. 15.

Contra invitos datur actio §. 16.

§. 1.



Mutuum hodie est *contractus consensualis, de re fungibili danda, eademque, ex eodem genere, suo tempore, vel cum, vel sine usuris, restituenda.* De jure quidem civili, præter consensum, rei traditio, ad perfectionem mutui requiritur *pr. l. quib. mod. re contr. oblig.* hinc *pañum preparatorium*, quo quis pecuniam mutuo dare rogatur, à mutuo distingvi, & hoc, pro contractu *reali & unilaterali*, haberi debet. Sed illa, pactorum nudorum consecrari hodie

explodenda sunt, ac totum negotium, quod inter mutuantem & mutuatarium intercedit, pro uno, eoque *consensuali & bilaterali* contractu, est habendum *v. c. 1. §. 2. h. add. OBSERV. LAUTERB. Obs. 305.*

§. 2. De jure civili, omne mutuum quoque est gratuitum, sed & hoc, ex priori hypothese, fluit; Igitur hodie nihil vetat, quo minus mutuum, in *gratuitum*, quod, sine necessitate solvendi usuras, habetur, & *foeneratitium*, in quo, & obusum, & ob moram, usuræ solvi debent, discernatur. Cum etiam, usu hominum, contractus formentur, & plerumque mutuum, sub lege solvendarum usurarum, detur, ideo, in dubio, foeneratitium præsumendum erit.

§. 3. Perficitur Mutuum hodie, *solo consensu*, quo quis rem fungibilem dare, ac alter ejusdem generis, quantitatis, & qualitatis restituere promittit: Traditio & restitutio, ad executionem pertinent, quæ quidem, juxta naturam hujus contractus, successive fieri debet, hinc etiam mutuum, perinde ac locatio & conductio, est contractus successivus, non simultaneus. De cætero requiritur consensus verus, nam si error interveniat circa ipsam dominii translationem, mutuum non contrahitur *v. l. 18. de R. C. l. 36. de A. R. D. v. OBSERV. LAUTERB. Obs. 306.*

§. 4. Mutuum dare possunt, qui liberam rerum suarum habent administrationem, nec specialiter prohibentur. Nonnulli igitur vi regulæ excluduntur, ut mente capti *l. 12. de R. C. pupilli l. 19. §. 1. cod. l. 9. pr. de autor. tutor. minores l. 3. C. de in integr. restit. prodigi l. 6. de V. O.* contractus tamen, de facto initus, ex postfacto aliquando convalescit *l. 11. §. f. l. 12. 19. §. 1. de R. C. l. 24. de O. & A. §. 2. l. quib. alien. lic. v. l. 15. de reb. dub.* Alii specialiter excipiuntur, ut Præsides provinciarum *l. 33. de R. C.* quod hodie nullius usus.

§. 5. Mutuum accipere possunt omnes, qui contrahendo se obligare valent, nec specialiter ab hoc contractu remouentur, personæ singulares & integra collegia *l. 15. ad Sc. Maced. l. 16. de V. S. modo, eorum nomine & voluntate, mutuum accipiarur, alias inde illa non obligantur, nisi versio in eorum utilitatem probetur l. 27. de R. C. Dec. Saxxon. 16. CARPZ p. 2. C. 6. D. 18. 19. RICHTER Dec. 71.* Quidam ergo excluduntur vi regulæ, de quibus *§. præc.* quo etiam pertinent luxuriosi *l. 12. §. 11. mand. l. 24. §. 4. de minor.* alii specialiter excipiuntur, ut filiosam.

§. 6. Hi

§. 6. Hi enim, ob dispositionem SCti Macedoniani, mutuam pecuniam valide accipere nequeunt *l. 1. §. pen. de SCti. Maced. l. 40. de condict. indeb.* hinc si ob datam pecuniam agatur, tam ipsi filiosfam. quam eorum Patres, exceptione SCti Macedoniani se tventur *l. 7. pr. §. 4. 10. l. 9. §. 3. ff. l. 6. C. de SCti. Maced. CARPZ. p. 2. C. 10. D. 16.* Aliquando tamen SCtum cessat, si filiosfam. miles sit *l. fin. §. 1. C. de SCti. Maced.* aut sui juris factus debitum agnoscat *l. 2. C. eod.* vel si Creditor conditionem filiosfam. probabiliter ignoraverit *l. 1. C. eod.* aut mutuum, extinguendo debito efficaciter, sit acceptum *l. 7. §. 14. ff. eod.*

§. 7. Inprimis cessat, si Pater *v. l. 14. de SCto Maced.* in mutuum filii, expresse vel tacite, ab initio vel ex postfacto, consenserit *l. 7. §. 11. 15. l. 12. l. 16. 18. ff. l. 2. 7. C. de SCti. Maced. l. fin. quod cum eo qui in alien. CARPZ. d. p. 2. C. 10. D. 16.* vel pecunia, in patris utilitatem, versa sit *l. 7. §. 12. 13. l. 17. ff. l. 2. 5. C. de SCto Maced. l. 3. §. 1. 3. l. 7. §. f. de in rem vers.* Hinc si quis filio, studiorum gratia, ad Academiam misso, intra probabilem modum, ad promovenda studia, pecuniam dederit, Pater inde tenetur, licet pecunia male consumpta sit, nam Pater in creditum consensit *v. l. 7. §. 11. ff. l. 2. 5. C. de SCti. Maced. l. 1. §. 9. l. fin. de exerc. action. l. 5. pr. de tributor. action.* Si vero filio, contra voluntatem Patris, studiis Academicis vacanti, à sciente credita pecunia sit, tum repetitio non aliter locum habet, quam si in utilitatem Patris versa sit *vid. LAUTERB. C. J. de SCto Maced.*

§. 8. Hodie SCti Macedoniani, quoad Patres, nullus vel exiguus est usus, nam apud Romanos, ob concessum peculium profectitium, ex contractibus filiorumfam. regulariter Patres obligabantur, sed quoad mutuum pecuniæ, ipsis succurrebat SCtum Macedonianum, cujus adeo, ex hypothefibus Romanis, magna erat utilitas: Hodie vero liberis, prolixiora peculia profectitia, non conceduntur, hinc, cessante imputationis fundamento, neque ex mutuo, neque ex ullo alio contractu, Patres, jure communi, tenentur, nisi vel consensus, vel versio in utilitatem accesserit. Quoad ipsos autem filiosfam. SCti adhuc usus est, quanquam illi, sui juris facti, eodem, ex generositate, sæpe non utantur *conf. OBSERV. LAUTERB. Obs. 428. seqq.*

§. 9. De cætero mutuum, etiã per procuratorem, dari *l. 9. §. 8. de R. C. & accipi potest l. 6. §. 1. de N. G.* ubi quidem id singulare est,

quod procurator sit solum instar nuncii, adeoque omnis actio, ei vel in eum, cujus nomine data aut accepta pecunia est, competat; cum alias procuratoribus actiones directæ acquirantur *l. 13. §. 25. de A.E.V.* quæ singularitas ex eo forte originem habet, quod obligatio re contrahatur *v. l. 53. de A.R.D.* quæ ratio cum hodie cesset, ideo mutuuum, ab aliis contractibus consensualibus, hac in parte, non amplius separandum videtur. Sed qui vis hic suo sensu abundet, cum fabula actionis directæ & utilis hodie in genere nullum habeat usum.

§. 10. Materia mutui sunt res fungibiles, creditoris propriæ, vel illius nomine, domini consensu, solutæ *l. 2. §. 1. 4. l. 9. §. 8. de R.C. l. 35. §. 5. de C.E.V. l. 2. C. per quas pers.* si nummi alieni soluti sint, mutuuum non valet, si tamen consumptio accesserit, domino quiescente, Creditori datur condictio *l. 11. in f. l. 12. in fin. l. 13. pr. de R.C. l. 2. 7. C. si cert. pet.* dominus vero, si suo jure uti velit, extantes vindicat, consumptos vel conditione sine causa *l. 32. de R.C.* vel actione, à creditore cessa, reperit *l. 11. §. ff. l. 2. C. eod.*

§. 11. Mutuo inito, mutuans, ad exsolvendam pecuniam promissam obligatur, quæ obligatio jure civili cessat, nisi pactum præparatorium, verbis solennibus seu stipulatione sit celebratum, tum enim promissor, ex peculiari contractu verbali, tenetur. Sed hodie de verbis solennibus non laborandum, verum obligatio mutuantis, ex ipso mutuo, velut contractu consensuali, repetenda est, eaque, consensu serio interposito, semper obtinet.

§. 12. Transfertur autem, per traditionem, dominium *l. 2. §. 2. de R.C. l. 9. pr. de autor. tutor. l. 26. §. 2. de aur. & arg. leg.* & nihil refert, si ipse Creditor rem tradat, sive alius ejus nomine; sive tradatur pecunia, sive alia res, ex cujus venditione pecuniam redactam accipiens, mutui loco, habeat; sive traditio contractum sequatur, sive antecedit, dum quis pecuniam, quam, ex alia causa, jam penes se habet, crediti nomine retinet *v. l. 11. 15. de R.C. l. 8. C. si cert. petat. l. 19. de P.V. l. 43. §. 1. de jur. dot. l. 3. §. p. de donat. inter V. & U.* quæ omnia hodie, ubi traditio, ad consummationem, saltem pertinet, sine dubi procedunt, utur, juxta hypothesin juris civilis, nonnulli tricati sint *v. l. 34. mand. VINN. §. Q. l. 1. c. 40.* quæ tricæ ultro evanescunt.

§. 13. Porro, post rem acceptam, obligatur mutuatarius, ad tantumdem

dem suo tempore reddendum, de qua obligatione vulgo saltem agunt, Ultra datum obligatio non contrahitur, adeo ut superfluum, nec jure donationis nec usurarum subsistat. Quæ assertio licet, de jure civili, ex eo deducatur, quod obligatio, in mutuo, re contrahatur, ac usuræ, non nisi ex stipulatu, debeantur *v. l. 11. §. 1. de R. C. l. 17. de pact. l. 9. C. de non num. pecun. l. 3. C. de usur. l. 24. de P. V.* attamen hodie quoque, cessantibus licet illis rationibus, obtinet, nam contradictionem involvit, ex mutuo obligari, & tamen ultra quantitatem acceptam, præterea talis conventio incidit in usurariam pravitatem *R. I. de anno 1577. tit. 17. §. 1. v. CARPZ. p. 2. Dec. 146. lib. 5. Resp. 9.*

§. 14. Regulariter autem mutuatarius non reddit eandem rem in specie, quam accepit *v. l. 2. §. 1. de R. C. CARPZ. l. 5. Resp. 8.* sed aliam ejusdem generis, quantitatis & qualitatis. Quod si aliqua mutatio rebus mutuo datis acciderit, quod quidem circa pecuniam numeratam frequenter contingere potest, tum, ad ineundam æqualitatem, tempus contractus debet observari *v. CARPZ. p. 2. C. 28. D. 5.* si vero res olim accepta ex suo genere, restitui nequeat ob raritatem, tum æstimatio præsentis temporis debet præstari *l. 22. de R. C.* nam si res ipsa restituta esset, præsentis æstimationis commodum vel incommodum Creditor sentiret.

§. 15. Sed ista procedunt, si secundum naturam contractus pronunciandum sit, quod si autem specialis conventio intercesserit, tum, illam observare, par est; Talis etiam occurrit, si conventum sit, ut fors, in moneta corrente, seu usitata, reddatur, tum enim non ad tempus contractus, sed solutionis respicitur. Usuras quoque præstare debet mutuatarius, non tantum ob pactum & moram *R. I. 1654. §. anreichend die künstliche Zins. 174.* sed &, ut arbitror, ex natura contractus, adeo ut, quoties remissio expressa vel tacita non intervenerit, usuræ semper solvendæ sint *v. §. 2. h. OBSERV. LAUTERB. Obs. 311. 312.*

§. 16. Contra invito comparata est actio, quæ, stilo juris Romani, *conditio certi ex mutuo*, dicitur, quæque, ex usu nostro, est actio personalis, competens inter mutuantem & mutuatarium, ad rem promissam, præstandam, eandemque in genere eodem restituendam. Mutuatarius, ab obligatione reddendi, non liberatur per casum fortuitum *l. 11. C. si cert. pct.* quia hic rem debitam non afficit.

Quod

Quod si tamen nummi alieni dati sint, & perierint, putem periculum hoc ad dominum pertinere, si nulla mutuantis aut mutuatarii culpa interveniat *v. c. 2. §. 29. conf. LAUTERB. C. j. de reb. cred.*

CAPUT IX. DE DONATIONIBUS INTER VIVOS.

SUMMARIA.

Inter contractus gratuitos primo occurrit donatio §. 1.

Quæ est contractus consensualis §. 2.

Ejus diversitas §. 3.

Fit mutuo consensu §. 4.

Regulariter probari debet §. 5.

Ac aliquando judici insinuanda est §. 6.

Quæ tamen insinuandi necessitas aliquando cessat §. 7. 8.

Donationis subjectum §. 9. 10. 11.

Materia §. 12. 13.

Effectus §. 14.

Et contraria §. 15. 16. 17.

§. 1.



Ecen sui hactenus famosiores contractuum onerosorum species. De aliis, v. gr. divisione hæreditatis & dotis promissione, quarum usus non æque late patet, alio loco dicendum erit; quare autem, de contractu emphyteutico, peculiariter agendum non sit, ejus ratio jam *l. 3. c. 11. §. 6.* reddita est. Progrediendum igitur nunc erit ad contractus gratuitos *v. c. 1. §. 3.* inter quos, sepositis præjudiciis, merito primo loco collocatur donatio inter vivos *v. OBSERV. LAUTERB. Obs. 999.*

§. 2. Hæc est contractus consensualis, quo quis, liberalitatis vel gratitudinis exercendæ gratia, alteri acceptanti quid promittit, ac, ad promissum implendum, inde valide obligatur. Huc igitur non pertinet donatio mortis causa, quæ revocationi subjacet, ac cum legatis, maximam partem, convenit: Excluditur quoque illa inter vivos donatio, qua debitum alteri remittitur, hæc enim pactum liberatorium est, de utraque suo loco dicetur.

§. 3. Fit donatio vel liberalitatis, vel gratitudinis causa, illa gratitudinem provocat, hæc ex ea procedit, & remuneratoria dicitur *v. l. 25. §. 11. de hæred. pct.* Posterior, si species præstationes ipsas, ad nego-

negotia onerosa quodammodo accedit *d. l. 25. §. 11.* Prior vero, vel ex mera liberalitate fit, vel ob causam, illa est donatio propria *l. 20. §. 3. fam. ere. l. 20. pr. C. de donat. ante nupt.* vera & absoluta *l. 25. §. 2. de in. c. donat.* hæc vero impropria *l. 1. de donat.* & donatio sub modo *tot. tit. C. de donat. quæ sub mod.* ac non tantum, quoad præstationes ipsas, sed & necessitatem præstandi, negotiis onerosis, similis est.

§. 4. Fit donatio voluntate donantis, quomocunque declarata *§. 2. l. de donat. l. 6. C. cod.* etiam facto *l. 53. 82. de R. J. l. 34. ff. l. 11. C. de N. G. l. 13. §. 2. de donat. inter V. & U. l. 26. de probat.* & acceptatione donatarii *l. 10. l. 19. §. 2. de donat. l. 69. de R. J.* nihil tamen refert hodie, sive immediate, sive mediate per alium voluntate donatarii satis instructum, donatio acceptetur, sive ab initio statim adsit consensus, sive ex postfacto sequatur, hinc donatio, per alium acceptata, secuta ratiabitione donatarii, omnino convalescit *v. CARPZ. p. 2. C. 12. D. 20. l. 5. Rsp. 62.*

§. 5. Donatio non præsumitur, sed probari debet, id quod illa, cum omnibus aliis factis, habet commune. Quodsi autem factum aliquod voluntarium & unilaterale adsit, tum, si circumstantiæ contrarium non svadeant, animus donandi inde præsumitur, licet enim nemo suum jactare alias præsumatur *l. 25. pr. de probat. l. 7. pr. de donat.* hic tamen affectui prævalet factum *l. 53. 82. de R. J. l. 26. de probat. l. 2. §. 1. l. 40. de pact.* si vero factum sit ambigui sensus, tum ex circumstantiis, conjectura magis probabilis formanda est: Sic homo diligens potius debitum, quam indebitum solvisse creditur *l. 25. pr. de probat.* qui in utilitatem alterius quid impendit, regulariter repetitionem habet *v. l. 4. de N. G.* sed ex conditione personarum dantium vel accipientium, aliquando animus donandi præsumitur *l. 27. §. 1. l. 34. ff. l. 11. C. de N. G. l. 13. §. 2. de donat. inter V. & U.*

§. 6. Donatio 500. solidos excedens actis est insinuanda *§. 2. l. de donat. l. 36. §. 3. C. cod. v. CARPZ. p. 2. C. 12. D. 12. RICHTER Dec. 22. n. 59. ECK differt. de Quot. lit. hab. Trajecz. 1698. §. 5.* alias, ratione summae excedentis, non valet *d. l. 36. §. 3.* Censetur autem illa insinuatio, etiam coram incompetente iudice fieri posse *l. 27. 30. C. de donat.* etsi in urbe Constantinopolitana certus Magistratus, huic negotio fuerit destinatus *l. 32. C. cod. v. CARPZ. p. 2. C. 12. D. 16. l. 5. Rsp. 57. 58.*

§. 7. Ista insinuandi necessitas non pertinet ad diversas donatio-

Rrr

tio-

tiones, uni factas, & summam istam excedentes *l. 34. §. 3. C. de donat. nec ad donationes Principum d. l. 34. pr. aliasque v. l. 36. pr. §. 1. 2. C. de donat.* Eo quoque referunt donationes remuneratorias *l. 27. de donat. CARPZ. p. 2. C. 12. D. 15. 16.* donationes tamen, piis causis factæ, insinuatione indigent *l. 36. §. 3. C. de donat. l. 15. 19. C. de SS. Eccles. CARPZ. d. l. D. 13.* Quod si donatio juramento confirmata sit, vel insinuationi renunciatum, ex veriori sententia, illa valida erit, nam nullitas hic non dependet ex aliqua prohibitione, sed ex concessa facultate pœnitendi, hæc vero juramento & renunciatione tollitur.

§. 8. Vulgo tamen, dum hypotheses parum certas sequuntur, fluctuant. Juramento donationem confirmari, communior est sententia *v. GAIL. l. 2. O. 39. FINCKELTH. Obs. 116. n. 21.* eam tamen improbat *CARPZ. p. 2. C. 12. D. 14.* Cujus sententia, in Electoratu Saxonæ, prævaluit *Decis. Saxon. 26.* Renunciationem *IDEM* quoque *d. l. n. 12. 13.* rejicit, quod probat *LAUTERB. C. J. de donat. lit. C.* licet, quoad juramentum, communem sequatur opinionem. Enimvero uti jusjurandum & renunciatio hic pari passu ambulant, ita ratio, qua hanc invalidam putant, quod scilicet *jus publicum pactis privatorum nequeat mutari l. 38. de pact.* male applicatur, non enim hic occurrit *jus obligans*, sed *permittens*, circa quod obtrinet regula, in *l. 29. C. de pact.* tradita.

§. 9. Donant, qui liberam habent rerum suarum administratio- nem: Non igitur impuberes & minores, licet judicis decretum accedat *l. f. C. si maj. fact.* quod tamen aliquando aliter se habere potest *v. CARPZ. l. 5. Rsp. 59.* Fœminæ sine curatore non donant, & liberi in potestate existentes, patri alicubi donare nequeunt *v. Decis. Saxon. 22. 23.* Donari potest regulariter omnibus, qui liberalitatem acceptare possunt, inhabilium vices supplent tutores, similesque personæ *v. l. 18. C. de Jur. delib. l. 3. C. de A.R. Possess.*

§. 10. Aliquando tamen, ob certas rationes, certis personis facultas pœnitendi conceditur, inter quas adeo donatio valida non est. Talis occurrit (1.) *inter conjuges*, de qua alibi (2.) *Patrem & liberos in potestate*, nam quicquid Pater in liberos confert, revocare regulariter potest *l. fin. in fin. C. de impub. & aliis subdit. l. 11. 17. C. de donat.* nisi intuitu militiæ *l. 1. C. de castr. pec. l. 4. C. de Advoc. 1.* aut propter bene me- rita donatum sit *GAIL. 2. O. 38.*

§. 11. Donatio etiam invalida, morte & silentio Patris confirmatur *l. 25. C. de donat. inter V. & U.* ut &, si pater in emancipatione res donatas non auferat *l. 31. §. 2. ff. l. 17. pr. C. de donat.* vel si juramento donationem confirmaverit, quod etiam de jure civili defendi potest, per ea, quæ §. 7. diximus. Donationes in emancipatos *l. 17. C. de donat.* vel à matre, in quosvis liberos, collatæ, validæ sunt *l. 3. C. de revoc. donat.* modo alias de seria donantium voluntate constet *add. LAUTERB. C. J. de donat. lit. S. P. CARPZ. p. 2. C. 12. D. 22. 23.*

§. 12. Per donationem obligationes remittuntur *l. 17. de donat.* sed illa consideratio huc non pertinet *v. §. 2. in fin. h.* Deinde omnis generis jura, realia & personalia, cum suis objectis, transferuntur *l. 9. 27. de donat.* Possunt etiam donari res alienæ, ad effectum usufructuandi *l. 9. §. f. cod. j. pr. l. de usucap.* omnium bonorum donatio quoque valida censetur *l. 35. §. 4. 5. C. de donat. CARPZ. p. 2. C. 12. D. 26.* PERETZ *ad C. de donat. n. 19.* sed vix hoc cum hypothese, qua pacta de viventis hæreditate, improbantur, conciliari potest *vid. OBSERV. LAUTERB. Obs. 1000.*

§. 13. Interim si omnia bona in genere donata sint, futura non continentur, quod ex affectu hominum repetere licet; Nomina tamen præsentia, sub ejusmodi donatione comprehendendi possunt *v. l. 49. de V. S.* licet aliter videatur *CARPZ. p. 3. C. 2. D. 2.* Ut igitur donatio vere generalis censi queat, requirunt, ut expresse addatur: bona præsentia & futura, mobilia & immobilia, nomina & actiones donari *v. CARPZ. p. 2. C. 12. D. 27. STRUV. S. J. C. exerc. 40. §. 9. LAUTERB. C. J. d. l. lit. O.* quarum observationum omnium exiguus, in vita civili, videtur esse usus.

§. 14. Donatione consensu perfecta, obligatur valide donator, ad rem promissam præstandam, quæ validitas, ex speciali legis assistentia de jure civili, repetitur *l. 35. C. de donat. §. 2. l. cod. Nov. 162. c. 1. §. 1.* quod hodie supervacuum, cum, juxta æquitatis principium, ex consensu, obligatio veniat. Contra invitum datur *condictio ex lege*, vel *moribus*, quæ est *actio personalis*, competens donatario & hæredibus, adversus donantem & hæreses, ad rem donatam præstandam. Usuras non esse præstandas, ex natura negotii, facile liquet *l. 22. de donat.* quod de fructibus etiam dicendum, nisi donator rem semel traditam

tam receperit, in eaque reddenda moram committat *l. 41. §. 1. de re judic.*

§. 15. Illud quoque, ex generalibus pactorum principiis, liquet, donationem vel initam, vel consummatam, regulariter non posse revocari *v. l. 3. 4. 5. C. de revoc. donat.* Revocatur tamen illa aliquando *ex parte*, si sit inofficiosa *l. 1. seqq. C. de inoff. donat.* STRUV. *S. J. C. exerc. 40. §. 14.* VINN. *S. 2. l. 2. c. 33.* Aliquando vero *in solidum* (1.) ob ingratitudinem *l. fin. C. de revoc. donat.* competit tamen jus revocandi soli donatori *l. 1. 7. f. C. de rev. donat. c. fin. X. de donat.* contra solum donatarium *l. fin. C. de rev. donat. l. 22. C. de pæn. & reperuntur quidem res, tempore quæstionis motæ, existentes l. 7. C. de rev. donat. v. STRUV. d. l. §. 15. CARPZ. p. 2. C. 12. D. 31.*

§. 16. Revocatur (2.) ob supervenientiam liberorum *l. 8. C. de rev. donat.* censetur enim Pater, sub conditione deficientium liberorum, donasse CARPZ. *p. 2. C. 12. D. 32.* STRUV. *d. l. §. 16.* Potest tamen Pater isti revocationi renunciare, sed sine præjudicio legitimæ, liberis debitæ LAUTERB. *C. J. de donat. in fin. CARPZ. d. l. D. 33.* Jus revocandi transit quoque ad ipsos liberos CARPZ. *d. l. D. 40.* Censetur etiam donatio, ob supervenientiam liberorum, ipso jure resolvi, hinc fructus, à tempore natiuitatis perceptos, donatarius reddere debet, nisi ignarus natiuitatis, eos consumserit STRUV. *d. l.* imo revocatio liberis competens, ex illa resolutione legali, repetitur CARPZ. *d. D. 40.*

§. 17. Enimvero sicut, ad revocationem liberis asserendam, neutiquam opus est, ut donationem ipso jure resolvi dicamus, cum satis sit, quod, ex affectu defuncti, jus revocandi ad eos transmittatur, ita in genere, resolutio illa legalis nullo nititur fundamento, cum enim ab arbitrio donatoris dependeat, utrum valere debeat donatio, nec ne, ideo non aliter illa, invalida dicenda erit, quam si hoc donator voluerit. Quare, à tempore factæ revocationis, demum irrita erit liberalitas, & fructus antea perceptos, omnino donatarius lucrabitur *add.*

OBSERV. LAUTERB. *Obsf. 1001. 1002.*

CAPUT X. DE MANDATO.

SUMMARIA.

Mandati natura & varietas §. 1. 2.

Est negotium gratuitum §. 3.

Persona huius contractus §. 4.

Et materia §. 5.

Actio mandati directa §. 6.

Datur mandanti, adversus mandatarium §. 7.

Ad mandati executionem legitimam §. 8. 9. 10.

Damni voluntarii præstationem, acceptorum re-
stitutionem & usuras §. 11.

Actio contraria §. 12.

Datur ad indemnitatem consequendam §. 13.

Mandati contraria §. 14. Et affinitas §. 15.

§. I.



Mandatum est contractus consensualis, de negotio aliquo li-
cito, gratis expediendo v. l. 15. l. 22. §. 11. mand. Di-
stinguitur (1.) à consensu, in expressum & tacitum l. 6.
§. 2. l. 18. §. 3. mand. Clem. 1. de procur. (2.) ab objecto, in
speciale & generale l. 1. §. 1. de procur. conf. c. 4. de pro-
cur. in 610 l. 12. de pact. l. 17. §. f. de iurejur. l. 12. de pign.
act. l. 20. §. 1. de novat. l. 87. de solut. Porro eodem respectu, in judicia-
le & extrajudiciale v. l. 8. 33. 43. de procur.

§. 2. Ulterius (3.) ab autore, in principale, quod à domino, &
accessorium, quod à primo procuratore dependet l. 8. §. 3. mand. c. 1. 9.
de procurat. in 6. (4.) à fine, in id quod utilitatem mandantis, manda-
tarii vel tertii respicit, ac in varias formas magis speciales se componit
l. 2. 8. §. 4. mand. pr. §. seqq. l. eod. & videtur etiam hodie mandatum,
utilitatem tertii respiciens, valere, licet mandantis nihil plane interfit,
nec adeo l. 8. §. 6. mand. obtinet v. OBSERV. LAUTERB. Obs. 473. 1153.
(5.) ab objecto in mandatum rei alienæ l. 1. pr. de procur. & propriæ, quan-
do vel actor l. 4. 9. C. de procur. l. 33. §. f. l. 34. l. 25. ff. eod. l. 2. §. f. fam.
ercisc. l. 13. §. 1. de pact. l. 8. §. f. mand. vel reus aliquem procuratorem,
in rem suam constituit l. 66. §. 2. de evict. sed hæc posterior species,
proprie mandatum non est.

§. 3. Perficitur mandatum consensu quomocunque declara-
to l. 1. mand. verba tamen congrua requiruntur v. l. 12. §. 12. mand.
l. 1. §. 14. de pos. l. 20. de his qui not. infam. Debet fieri gratis l. 1. §. f.

l. 36. §. 1. mand. l. 22. de præscript. verb. honorarium tamen accedere potest *l. 6. pr. l. 7. ff. l. 1. C. mand.* adeo ut, si certum quid promissum sit, vel, ex conditione mandatarii, hoc appareat, actione etiam illud exigi queat *v. l. 7. § 6. §. p. ff. l. 1. 17. C. mand. l. 1. §. 10. l. 4. de extraord. cognit. v. LAUTERB. C. J. mand. lit. R.* sed tale mandatum, irregulare est, ac ad locationem accedit.

§. 4. Mandare & mandatum suscipere possunt omnes, qui contrahendo se obligare valent, nec specialiter ab hoc contractu remouentur. Mandatariis extrajudicialibus quoque facultas mandandi asseritur *l. 8. §. 3. mand. c. 1. fin. de procur. in 6.* nisi vel dominus expresse hoc prohibuerit, vel ex qualitate negotii, libertatis restrictio intelligatur *v. l. un. §. 9. vers. sin. vero C. de caduc. toll. l. 31. de solut. c. 12. de offic. & potest. deleg. in 6. c. fin. de procur. in 6.* Mandatarius vero ad litem, mandare non potest, nisi dominus facultatem substituendi concesserit, vel, per litis contestationem, dominus litis factus sit *l. 8. §. 3. ff. mand. l. 8. 11. 23. C. de procur. c. 1. de procur. in 6. LAUTERB. d. l. lit. S. P.* quod ultimum hodie nullius usus.

§. 5. Materia mandati sunt negotia (1.) gerenda & futura *l. 12. §. 14. mand. vel cæpta & absolvenda l. 60. de R. J. l. fin. C. ad Sc. Maced.* in totum absoluta rati habentur, nec datur actio mandati, sed negotiorum gestorum *l. 9. ff. l. 9. C. de N. G.* cujus discriminis hodie non magnus forte effectus *v. STRYK in not. ad LAUTERB. de N. G. p. 142.* (2.) certa, nam alias consensus sufficiens non adest *v. l. 69. §. 4. de jur. dot. l. 115. de V. O. l. 60. de V. S.* (3.) licita *l. 6. §. 3. mand. l. 26. 27. 123. de V. O.* mandatum rei turpis, non valet in vim contractus *§. 7. l. mand.* bene tamen delicti *l. 11. §. 3. de injur. l. 15. §. 1. ad L. Cornel. de sicar. l. 15. C. de accus. CARPZ. p. 1. qu. 4. LAUTERB. C. J. mand. lit. O.*

§. 6. Inito mandato, mandatarius & mandans ea facere debent, quæ natura negotii & licita conventio requirunt, quo nomine contra invitos, actio mandati directa & contraria, in jure civili, prodita est. Actio directa est actio personalis competens mandanti, & certo modo, hæredibus, contra mandatarium, &, suo modo, hæredes, ad ea prestanda, quæ indoles negotii exigit. Est rei persecutoria, & aliquando famosa *l. 1. 6. §. 5. seqq. de his qui not. infam. l. 21. C. mand.*

§. 7. Datur mandatori & hæredibus *l. 12. §. 16. l. 26. mand.* contra man-

mandatarium & hæredes *l. 12. §. 49. de O. & A.* Plures, velut correi, obligantur *l. 60. §. 2. mand.* si hoc vel expresse actum sit, vel, ex conditione objecti, appareat, hinc etiam pro casuum diversitate, exceptio divisionis *v. CARPZ. p. 2. C. 17. D. 13. vel excussionis l. fin. C. de divid. tutel. iis quoque comperit.*

§. 8. Datur ad omne id, quod, ex hoc contractu, præstandum est, sub quo hæc fere continentur (1.) ut mandatarius mandatum legitime perficiat. Si plane illud neglexerit, id quod interest, præstare debet *l. 5. §. 1. l. 6. §. 1. l. 8. §. 6. l. 22. §. 11. l. 27. §. 2. ff. l. 16. C. mand. l. 13. §. f. de re judic.* si vero fines mandati excesserit ac v. gr. rem vilius vendiderit, tum negotium, ratione mandantis, est nullum *l. 5. pr. §. 3. 4. ff. l. 12. C. mand. l. 10. C. de procur.* mandatarius vero illi, cum quo contraxit *v. CARPZ. p. 2. C. 20. D. 12.* & mandanti, si forte factum infectum fieri nequeat *CARPZ. d. l. D. 11. ad interesse tenetur l. 41. mand.*

§. 9. Si autem mandatarius rem aliquam carius emerit, tum, si id, quod excedit, paratus sit remittere, mandatum legitime est impletum *l. 3. §. 2. l. 4. mand. §. 8. l. cod. si vero remittere nolit, ipse, ratione excessus, nullam, ne quidem negotiorum gestorum, habet actionem l. 22. pr. l. 41. mand. §. 8. l. cod. l. f. C. de N. G.* sed nec vice versa, mandans, pro vili pretio, rem exigere potest *l. 3. §. 2. mand. OBSERV. LAUTERB. Obs. 475.* verum perinde est, ac si mandatum mandatarius plane non impleverit, hinc, si aliqua ejus culpa subsit, ad interesse tenebitur.

§. 10. Non excedit fines mandati, qui minoris emit *§. 8. l. l. 5. in fin. mand. l. 1. §. 4. de V. O.* aut facit æquipollens *l. 45. §. 4. l. fin. §. fin. mand.* aut id, sine quo mandatum impleri nequit *l. 6. 62. de procur. l. 2. de jurisd.* vel mandatum indefinitum, juxta boni viri arbitrium, exequitur *l. 35. in fin. l. 46. 60. §. f. mand.* Qui vero per negligentiam aliquid omittit, is quidem fines mandati excedit, quia tamen negligentia potius domino, quam ejus adversario, vel alteri parti, nocere debet, hinc id, quod negligenter actum vel omissum est, valet ratione adversarii, procurator vero damnum resarcire domino tenetur *l. 10. C. de procur. l. 13. §. f. C. de judic. CARPZ. p. 1. C. 1. D. 22. 23. OBSERV. LAUTERB. Obs. 91.*

§. 11. Porro (2.) ut culpam, in re mandata commissam præstet, & re-

& regulariter quidem levissima etiam culpa, à mandatario, præstanda esse existimatur *l. 13. 21. C. mand. VINN. §. 2. l. 1. c. 52.* sed hac de re primario, ex modo contrahendi, & persona mandatarii erit judicandum *v. l. 72. pro soc. §. fin. l. eod. (3.)* ut ea, quæ occasione mandati, accepit, domino exhibeat *l. 8. 10. §. 2. 3. l. 20. pr. mand.* adeoque in specie actiones acquisitas ei cedat *l. 8. §. 10. l. 43. 45. pr. §. 5. mand.* quæ cessio hodie, in sola instrumentorum necessariorum præstatione, consistere videtur *v. c. 4. §. 3. (4.)* ut usuras præstet, vel ob moram *l. 32. §. 2. de usur. vel culpam l. 13. §. 1. de usur. vel fœnerationem l. 10. §. 3. mand. vel usum d. l. 10. §. 3. l. 38. de N. G. v. OBSERV. LAUTERB. Obs. 476.*

§. 12. Actio contraria, est actio personalis, competens mandatario & heredibus *l. 12. §. 7. l. 14. adversus mandantem & heredes l. 58. pr. mand. ad indemnitate, mandati ratione, obtinendam l. 15. 20. eod.* Est aliquando etiam famosa *l. 6. §. 1. de his qui not. infam.* Hæredibus vero, & in hæredes ideo competit, quia non respicit futurum, sed datur de antegesto.

§. 13. Sub indemnitate continetur (1.) restitutio sumptuum bona fide factorum *l. 12. §. 9. l. 17. l. 10. §. 9. l. 27. §. 4. l. 56. §. f. mand. (2.)* restitutio damni, quod culpa mandantis, mandatario accidit *l. 61. §. 5. de furt.* ut & quod à facto servi dependet, modo mandatarii culpa non concurrat *l. 26. §. 7. mand. CARPZOV. p. 2. C. 20. D. 13.* non etiam damni fortuiti *l. 26. §. 6. mand. OBSERV. LAUTERB. Obs. 477.* nisi mandans sciverit periculum, tum enim tenetur ex dolo, aut mandatarius, v. gr. legatus, ad mandatum potuerit compelli, nam tum in damnum fatale non consensit (3.) præstatio usurarum ob moram *l. 32. §. 2. de usur. vel collatam utilitatem l. 12. §. 9. mand. (4.)* susceptio obligationis à mandatario contractæ *l. 45. pr. §. 5. mand. v. LAUTERB. C. J. mand.*

§. 14. Solvitur mandatum (1.) consensu mutuo *§. f. l. quib. mod. toll. oblig. (2.)* revocatione mandantis *l. 12. §. 16. mand.* nam ipse ex mandato non obligatur, etiam tacita, quæ ex mutata conditione, aliisque circumstantiis colligitur *v. §. 10. in fin. l. de mand. l. 38. pr. de solut. c. 8. de procur. in 6. modo res sit integra §. 9. l. de mand. & mandatarius revocationem sciat, nam alias mandans, ex mandato, erit, ad indemnitate præstandam, obligatus *l. 15. mand. (3.)* renunciatione mandatarii*

tem-

tempeſtiva, veletiam, ob juſtam cauſam, intempeſtiva *l. 22. §. f. l. 23. 27. §. 2. mand. (4.)* morte mandantis, ſi res adhuc ſit integra & mandatarius hoc ſciat *l. 19. §. 3. de donat. l. 27. §. 3. l. 26. pr. l. 58. pr. l. 15. C. mand. l. 33. de A. A. P.* ſi res non ſit integra, mandatarius inchoata & connexa poteſt & debet implere *l. 15. ff. l. 23. C. de procur. (5.)* morte mandatorii re integra *l. 27. §. 3. l. 57. mand.* imo etiam, re non amplius integra, ſi ab hæredibus mandatum impleri nequeat, aut perſona ſpecialiter electa ſit *v. l. 13. C. de contrah. & comm. ſtipul. R. I. de anno 1654. §. 100. add. OBSERV. LAUTERB. Obſ. 478. 479.*

§. 15. Cum mandato quodammodo convenit (1.) *Commendatio*, qua quis, addita laudatione nonnunquam, alterius benevolentia commendatur *v. l. 12. §. 12. mand. l. 19. pr. de edil. edit. l. 11. §. 2. de Legat. 3.* hæc regulariter non eſt obligatoria, niſi vel fraudulenter, vel animo obligandi facta ſit, quod ex circumſtantiis judicandum *d. l. 12. §. 12. l. 37. de dol. l. fin. C. quod cum eo CARPZ. p. 2. D. 126. FINCKELTH. Obſ. 16. Decif. Saxon. 42. (2.) Conſilium*, quo quis, quid, in re dubia, ſibi faciendum eſſe videatur, ſine intentione obligandi, tantum offendit *l. 2. §. f. mand.* Hoc itidem non eſt obligatorium, niſi fraus vel animus obligandi, qui ex circumſtantiis colligendus, accedat *v. l. 1. §. 14. de poſ. l. 47. de R. J. c. 62. de R. J. in 6. l. 2. §. f. l. 6. §. 5. l. 10. §. 7. mand. §. 6. l. eod. l. fin. C. que res pign. oblig. LAUTERB. C. J. mand. lit. SS. OBSERV. LAUTERB. Obſ. 474.*

CAPUT XI. DE COMMODATO ET PRECARIO.

SUMMARIA.

Commodatum eſt contractus conſenſualis §. 1.

Ejus forma §. 2.

Subiectum & materia §. 3.

Ex commodato obligatur commodans ad rei traditionem §. 4.

Aliasque præſtationes §. 5.

Commodatarius re accepta recte uti, eamque ſuo tempore reddere, ac damnum voluntarium

præſtare tenetur §. 6. 7.

In communi periculo quid eum facere oporteat §. 8.

Obligatio plurium commodatariorum §. 9.

Actio commodati hodie utrinque eſt directa, communis tamen denominatio retineri poteſt §. 10.

Utriusque definitio §. 11.

Precarium eſt contractus conſenſualis §. 12.

Ejus forma §. 13.

Subjectum & materia §. 14.

Ex eo oriatur jus diversum §. 15.

Precario accipientis obligatio §. 16.

Invitus actione convenitur §. 17. 18.

Precarii contraria §. 19.

§. I.



Commodatum est *Contractus consensualis de re, in usum gratuitum, concedenda, eademque, finito tempore, restituenda.* Circa quam definitionem repetenda sunt, quæ dixi c. 8. §. 1. *add. OBSERV. LAUTERB. Obs. 390.* Est contractus bilateralis, non tantum sensu juris civilis, sed & eo, quod commodans, perinde ac locator, ab initio etiam statim obligetur.

§. 2. Perficitur Commodatum hodie *solo consensu*, quo quis rei usum gratuitum, alter vero acceptæ restitutionem serio promittit. Traditio & restitutio, ad executionem sive consummationem pertinet v. c. 8. §. 3. Respicit autem commodatum plerumque utilitatem commodatarii l. 5. §. 2. *comm. conf. l. 5. §. 10. l. 18. eod.* & ad ejus formam pertinet, ut usus rei gratuitus, certus, ac ad aliquod tempus duraturus, concedatur l. 5. §. 8. 12. l. 17. §. 3. *commod.* honorarium tamen accedere potest v. l. 2. §. 24. *de vi bon. rapt. l. 6. pr. mand.* licet illud, in obligationem efficacem, raro deduci soleat.

§. 3. Initur à personis, ad contrahendum habilibus v. l. 1. §. 2. l. 2. 3. *commod.* de rebus non consumptibilibus, mobilibus & immobilibus l. 1. §. 1. *commod. §. 1. l. de usu & habit. propriis & alienis l. 15. 16. comm.* non tamen in præjudicium domini l. 31. §. 1. *de pos. l. 54. §. 1. de furt.* nisi ejus consensus concurrat v. l. 12. §. 2. *de usufr.* Potest etiam res fungibilis ad pompam commodari l. 3. §. f. l. 4. *comm.* nam isto respectu, rebus non consumptibilibus similis est.

§. 4. Inito commodato, obligatur commodans ad rem promissam tradendam, quæ obligatio, juxta hypothèses juris civilis, vulgo negligitur v. c. 8. §. 11. Per illam verò traditionem, neque dominium, neque vera possessio, in accipientem transfertur l. 8. 9. *comm.* quod ex indole negotii ultro apparet, unde commodans etiam rem suam, à quocunque possessore, vindicat, quod tamen jure Saxonico Landr. l. 2. art. 60. CARPZ. p. 2. C. 26. D. 5. COLER p. 1. Dec. 7. & Lubecensi MEY. ad jus Lub. l. 3. tit. 2. art. 1. n. 18. *seqq.* non obtinet.

§. 5. Re

§. 5. Re tradita, ejus usum intempestive auferre non debet commodans *l. 17. §. 3. comm. l. 75. de R. J. c. un. X. commod.* nisi, ex nova & inopinata causa, propriis usibus, eam necessariam esse probaverit, nam hic casus, ex communi mortalium affectu, exceptus censetur *v. l. 3. C. locat.* Quod si commodans sua voluntate damnum det commodatario *v. l. 17. §. 3. l. 18. §. 3. commod.* aut hic utilitatem illi conferat *d. l. 18. §. 2. l. 35. de pign. actiō.* tum commodatarius indemnis est servandus. Aliquando etiam commodans vel rem commodatam, vel ejus pretium, commodatario reddere tenetur *v. l. 17. §. f. l. 21. commod. l. 10. §. f. de jur. dot.*

§. 6. Commodatarius, re accepta, juxta præscriptum modum, uti debet, alias non tantum commodati, sed & quandoque furti tenetur *l. 5. §. 8. comm. l. 54. §. 1. de furt. §. 6. l. de oblig. quæ ex delict.* verum hodie, abusus rei commodatæ, furtum non involvit *Land. l. 3. art. 22. COLER p. 1. D. 7.* Tempore elapso, rem commodatam, integram & illæsam, cum accessionibus & fructibus, reddere tenetur *l. 5. §. 9. l. 13. §. 1. comm. l. 38. §. 10. de usur.* & suis quidem sumptibus *l. 5. §. 12. in fin. commod.* deterioratæ damnum refarcit *l. 3. §. 1. commod.* plane vero inutilis factæ, aut deperditæ solidam æstimationem præstat *l. 17. §. fin. comm.* nec potest invito commodanti alia res obtrudi, nam inter species non est exacta functio, licet quoad debitores, talis esse queat *l. 14. §. 2. de constit. pecun.*

§. 7. Ad hæc vero saltem tenetur commodatarius, si ejus voluntate damnum acciderit *l. 10. seqq. commodat.* Debet enim præstare dolum & culpam, etiam levissimam *l. 5. §. 2. l. 18. pr. comm.* nisi vel modus contrahendi, vel personæ, cum qua contrahitur, conditio, similesque circumstantiæ aliud svadeant *l. 18. pr. in fin. l. 5. §. 10. commod.* De casu autem fortuito commodatarius non tenetur *l. 5. §. 4. l. 18. pr. ff. l. 1. C. commod. CARPZ. p. 2. C. 26. D. 6.* nisi ejus culpa *l. 5. §. 4. 7. l. 18. pr. comm. mora c. un. X. comm.* vel pactum intervenerit *l. 1. C. de commod. c. un. X. eod. v. CARPZ. p. 2. C. 26. D. 8.* talis tamen conventio, in æstimatione, taxationis gratia, facta non latet *v. OBSERV. LAUTERB. Obs. 401.*

§. 8. In communi periculo, rem commodatam propriæ præferre tenetur commodatarius *l. 5. §. 4. comm.* nisi res commodata, vilior, propria vero, pretiosior sit, tum enim non tantum hanc illi impune præ-

præferre, sed &, ordine forte inverso, rei propriæ amissæ pretium, à commodante repetere potest; ita vulgo! v. LAUTERB. C. J. *commod.* sed uti posterius plane absurdum est, cum, ex nullo fundamento, molestia illa commodantis obligatio repeti queat, ita nec prius admitendum, sed dicendum potius erit, quod commodans rem propriam commodatæ regulariter præferre possit, ut nulla in ipsa prælatione, licet consultâ, sit culpa, adeoque is commodanti non aliter teneatur, quam si, circa rem commodatam, alia ratione culpam commiserit v. OBSERV. LAUTERB. *Obs.* 392.

§. 9. Si plures sint commodatarii, regulariter pro rata singuli sunt obligati L. 21. §. *fin. commod.* nisi aliud actum sit, tum enim singuli in solidum tenentur L. 5. §. *fin. comm. l. 3. §. 1. l. 9. pr. de duob. reis l. 47. locat.* quod tamen ad præstationem doli & culpæ, videtur referendum, nam, quoad obligationem primitivam & rei restitutionem, vix opus est qualitate correali, cum objecti individuitas per se hoc opereatur, ut actio, contra eum, tantum instituatur, qui rei restituendæ facultatem habet v. CARPZ. p. 2. C. 26. D. 14. Plane dolus etiam facit correos, licet conventio non præcesserit v. l. 1. §. 4. *de eo per quem fact.* Unius commodatarii plures hæredes tenentur pro rata, nisi unus rem possideat L. 3. §. 3. *comm.* aut ex suo facto conveniatur L. 17. §. 2. *cod.*

§. 10. Contra invitos datur actio commodati, quæ, in directam & contrariam, distinguitur: illa contra commodatarium, hæc, commodantem instituitur L. 18. §. 4. *commod.* Sed cum, juxta hypothesin hactenus substratam, commodans ab initio quoque obligetur, hinc potius actio hodie utrinque directa, aut simpliciter actio commodati, dicenda erit. Verum cum nominibus facile transigere licet, hinc usitatos terminos retinebimus.

§. 11. Actio directa, est actio personalis, competens commodanti & hæredibus, adversus commodatarium & hæredes, ad ea, quæ natura contractus, vel licita conventio exigunt, præstanda. Quatenus ad rem ipsam repetendam tendit, eatenus est perpetua, ut nullo tempore præscribatur v. OBSERV. LAUTERB. *Obs.* 408. Actio contraria est actio personalis, competens commodatario & hæredibus, adversus commodantem & hæredes, ad rem promissam exigendam, & indemnitatem ejus nomine consequendam. Potest etiam commodatarius compensatione & re-

& retentione indemnitate consequi *l. 18. §. f. comm. l. 15. §. f. l. 59. de furt. l. fin. C. de compens. add. LAUTERB. C. f. commod.*

§. 12. Precarium est *contractus consensualis*, quo is, cui rei usus, ex liberalitate, conceditur, vel aliud quid indulgetur, quandocunque concedenti aut permittenti placuerit, rem reddere, vel id, quod indultum est, omittere tenetur. Jure quidem civili precarium, est magis pactum legitimum prætorium, quam contractus *v. l. 2. §. 2. l. 14. de precar. l. 14. §. 11. de furt.* sed hodie illa coincidunt. Id quoque sententiæ nostræ haud obest, quod precario promittens & concedens, ex ipso negotio non obligetur, nam idem quoque obrinet in mandato & deposito; sufficit, quod accipiens valide obligetur.

§. 13. Perficitur precarium consensu mutuo *l. 1. pr. §. 2. l. 2. §. 3. l. 6. §. 1. l. 13. l. 15. pr. de precar.* quia tamen hoc saltem agitur, ut obligetur accipiens, ideo traditio, velut conditio sine qua non, quoque requiritur *l. 1. §. 2. 3. l. fin. pr. de precar.* Renovatur & prorogatur tacito consensu *l. 4. §. f. l. 5. 6. de precar.* De cætero ejus forma in eo consistit, ut accipiens re gratis utatur, quamdiu concedenti visum fuerit *l. 1. pr. §. 2. l. 2. §. 2. 3. l. 8. §. 3. l. 12. de precar.* hinc pactum, quo ejus libertas restringitur, ob contradictionem, nullum est *l. 12. de precar.* tempus tamen, declarationis causa, adjici potest *l. 4. §. f. l. r. eod.* ex quo differentia precarii, donationis & commodati facile apparet *v. l. 1. §. 2. 3. de precar. OBSERV. LAUTERB. Obs. 1099. 1100.*

§. 14. Precarium concedere possunt, qui usu rationis gaudent *v. l. 6. pr. de prec.* etiam ad contrahendum inhabiles, ut pupilli, nam inde non obligantur, adeoque nullum subest præjudicium. In accipientibus vero, habilitas ad contrahendum, videtur necessaria, nisi quatenus ex ipsa re obligantur *v. l. fin. §. 1. de precar.* Possunt autem omnis generis res, mobiles & immobiles, precario concedi, modo usu non consumantur *l. 2. §. 3. l. 4. l. 6. §. 4. l. 7. 11. de precar.* nec sint petentis propriæ pleno jure *l. 45. de R. J.* Non raro etiam jus re nostra utendi, ut servitus *l. 3. l. 15. §. 2. de precar.* vel jus coquendi vendendique cerevisiam similiaque precario conceduntur.

§. 15. Ex quo liquet, jus precario accipientis, diversum esse, pro diversa concedentis liberalitate. In specie aliquando saltem, in possessione esse, aliquando vero possidere, is dicitur *v. l. 2. §. 3. l. 4. §. 1. l.*

6. §. 2. 3. l. 9. 12. 15. §. 4. l. 16. 17. de precar. l. 13. §. 1. de public. in rem l. 22. §. 1. de noxal. act. l. 7. §. 4. comm. divid. l. 10. §. 1. de A. A. P. Hinc re & jure concessio utitur l. 1. pr. l. 12. de precar. ejusque possessio justa est, quamdiu dominus non revocat l. 22. §. 1. de noxal. action. l. 13. §. 1. de publ. in rem. l. 7. §. 4. comm. divid. quare etiam possidenti datur interdictum uti possidetis, contra tertium, non concedentem l. 17. de precar. l. 1. §. f. l. 2. uti possid. si tamen hic precario possidentem dejiciat, possessionem ei, in pœnam, reddere tenetur §. 6. l. de interdict. quod tamen præcisè non observandum videtur.

§. 16. Concedens rem concessam nihilominus possidet l. 6. §. 2. l. 15. §. 4. de precar. eique, licet dominus non sit l. 7. 8. 11. cod. accipiens rem reddere tenetur l. 2. §. 2. cod. quod si concedenti alius successerit, is non tam ex jure transmissio, quam proprio jus revocandi habet v. l. 8. §. 2. l. 12. §. 1. cod. si accipiens dolo possidere desierit, ad interesse tenebitur d. l. 8. §. 3. hæredes quoque accipientis obligantur, sed, ex dolo defuncti, saltem quatenus ad eos pervenit l. 8. §. fin. de precar. quod ultimum tamen, neque æquitati, nec principiis juris civilis l. 12. 19. de O. & A. l. 15. §. 3. de R. J. satis convenit. Dolus quoque & lara culpa præstari debet l. 8. §. 3. de precar. post moram fructus etiam sunt præstandi d. l. 8. §. 4. nec dubitem, quin precarius possessor, impensas necessarias & utiles, recuperare queat, nisi animo donandi factæ sint v. l. 18. §. 2. commod. l. 25. de pign. action.

§. 17. Contra invitum datur actio, & quidem civilis, si sibi concedens de restitutione prospexerit l. 15. §. 3. de precar. alias, ex provisione Prætoris, interdictum de precario l. 2. pr. §. 2. l. 14. 15. cod. quod, nisi fallor, est, in effectu, species interdicti unde vi arg. l. 12. 18. de vi & vi arm. imo aliquando, v. gr. quando servitus precario concessa, species interdicti uti possidetis v. OBSERV. LAUTERB. Obs. 1102. Ex interpretatione JCtorum, ut aliqui censent, concessa etiam est actio præscriptis verbis, sed anomola & irregularis l. 2. §. 2. l. 19. §. f. de precar. v. LAUTERB. C. J. de precar. Hodie etiam conditio ex moribus, dici potest.

§. 18. Sed de nominibus parum laborandum. Rem ipsam quod attinet, est actio personalis competens precario concedenti & successoribus, adversus accipientem & hæredes, ad ea, quæ natura negotii requirit, præstanda. Nihil etiam vetat, quo minus precario accipienti actio-

actionem similem, ratione indemnitis, concedamus. Quodsi qualitas precarii, ob temporis forte diuturnitatem, obscura sit, dubitandum non videtur, quin ad *Rei Vindicationem & Negatoriam*, aliquando recurrendum sit.

§. 19. Tollitur precarium (1.) revocatione, quæ pro lubitu fieri potest *l. 1. pr. §. 2. l. 2. §. 2. l. 12. de prec.* hinc etiam statim res est reddenda, ex humanitate tamen, aliqua dilatio concedi debet, ne accipiens damno afficiatur *l. 17. §. 3. commod. c. un. X. cod.* (2.) solutione debiti, in casu *l. 6. §. f. l. 11. de precar.* (3.) consolidatione, si precario accipiens dominium acquirat *l. 4. §. 3. cod.* Non etiam (4.) morte accipientis vel concedentis *v. l. 12. §. 1. de precar. c. 3. X. cod.* nec (5.) lapsu temporis *l. 4. §. f. l. 5. de precar.* nec (6.) rei concessæ alienatione *l. 8. §. 2. cod.* nisi revocatio illis circumstantiis sit innexa *d. ll.* Cum Precario habet convenientiam donatio, Commodatum *v. l. 1. §. 2. 3. de precar.* & Precaria juris Canonici *tit. X. de precar. v. LEHMAN Chr. Spir. l. 2. c. 43.*

CAPUT XII. DE DEPOSITO.

SUMMARIA.

Depositum est contractus consensualis §. 1.

Ejus varietas §. 2.

Depositum irregulare §. 3.

Perficitur solo consensu §. 4.

Ejus subjectum & obiectum §. 5. 6.

Ex deposito obligatur depositarius ad rem accipendam, custodiendam §. 7.

Et reddendam §. 8.

Actio depositi directa §. 9.

Datur deponenti & heredibus pro rata §. 10. 11.

Adversus depositarium §. 12.

Ad rem cum omni causa, aliquando etiam cum usuris recipiendam §. 13.

Culpa & dolus, non vero casus fortuitus, præstat §. 14. 15.

Compensatio & retentio in deposito aliquando locum habens §. 16.

Non vero exceptio rei non tradite privilegiata, jus deponentis in concursu creditorum §. 17.

Actio depositi contraria datur ad indemnitatem Sequestri varietas §. 19. (s. 18.)

Officium sequestri & victoris §. 20.

§. 1.

Depositum est contractus consensualis de re gratis custodienda, eademque, ad libitum deponentis, restituenda, ac indemnitate eo nomine præstanda. Recurrit hic observatio, quam circa mutuum c. 8. §. 1. & commodatum c. 11. §. 1. dedi add. OBSERV. LAUTERB. Obs. 465. In eo tamen depositum ab illis

illis abit, quod deponens ab initio non obligetur. Alias etiam *Commendatum* vel *Commendatio* dicitur l. 24. ff. l. 6. 9. C. de pos.

§. 2. Dividitur in *depositum in specie*, quando res non litigiosa, vel litigiosa, ab uno litigante, deponitur, & *Sequestrium*, quando res litigiosa, vel auctoritate judicis, vel litigantium consensu, alicui custodienda datur l. 6. 17. de pos. l. 9. §. 3. de dol. l. 110. de V. S. Prius est vel *necessarium* sive *miserabile*, quod, ob imminens aliquod periculum, ipsa facto contrahitur l. 1. §. 1. 2. 3. de pos. vel *voluntarium*, quod libera voluntate initur, hoc iterum in *regulare*, in quo, in specie, res reddenda est, & *irregulare*, ubi ex eodem genere, tantundem restituitur l. 24. 25. §. 1. l. 26. §. 1. de pos. dipeſci solet.

§. 3. Receditur autem ob ordinaria depositi natura vel *tacite*, quando pecunia numerata, & non obſignata simpliciter deponitur l. 31. locat. verb. nam si quis, vel *expresse*, & quidem vel *ab initio*, ut accipiens, si velit, pecunia deposita uti possit, vel *ex postfacto*, quando, inito deposito, facultas illa ei indulgetur: Illo casu, ex tempore usus, hoc vero, statim dominium & periculum rei in accipientem transfertur l. 1. §. 34. de pos. l. 9. §. f. l. 10. de R. C. nam illo casu, usus ei offertur, hoc autem, eundem ille rogat. Hodie vero nihil refert, utrum, negotium illud, depositum manere l. 24. l. 26. §. 1. de pos. an in mutuum converti d. l. 9. §. f. l. 10. de R. C. l. 1. §. 34. de pos. dicas, cum ex hoc etiam debeantur usuræ. add. LAUTERB. C. J. de pos.

§. 4. Perficitur depositum *solo consensu*, traditio ad consummationem pertinet, imo aliquando est etiam medium declarandi consensum, adeo ut contractus perfectio & consummatio, in ea contineatur v. l. 25. pr. de pos. l. 9. §. 3. de jur. dot. Respicit autem *rei custodiam gratuitam* l. 1. pr. §. 8. 9. de pos. honorario tamen etiam hic locus est v. l. fin. eod. Quod si plus, quam custodia, exigatur, tum negotium, in alium contractum incidit l. 1. §. 12. seqq. de pos. l. 5. §. 4. de P. V. si autem per custodiam intelligamus, diligentiam quamdam exactiorem, illa ad depositum non spectat §. 17. l. de oblig. quæ ex delict. nasc.

§. 5. Deponere posse videntur etiam ad contrahendum inhabiles, nam vel omnino non obligantur, vel obligatio, ex collata utilitate, oritur, quæ in inhabiles etiam cadit v. l. 3. §. 45. de N. G. sed accipere depositum illi saltem possunt, qui valide alias contrahunt v. l. 1. §. 15. de pos. Depo-

Deponi possunt res non tantum in commercio existentes, sed & quæ sunt extra commercium *v. l. 3. §. 6. de liber. exh. c. 14. X. de spons. c. 8. X. de restit. spoliat.* & plerumque quidem mobiles, propriæ & alienæ *l. 1. pr. §. 39. l. 16. 31. §. 1. de pos.* sed nec immobiles hic plane excludendæ videntur, cum & illæ custodiam recipiant *l. 11. de peric. & comm. rei vend. l. 3. §. f. de A. A. P.*

§. 6. Res depositarii propria, deponi nequit *l. 15. 31. in fin. de pos. l. 45. de R. J.* ne quidem ad effectum obligationis secundariæ *d. l. 31.* quod hodie nullius usus videtur. Deposito accedentia, non censentur deposita *l. 1. §. 5. de pos.* in restitutione tamen illorum habetur ratio *l. 1. §. 24. cod. v. l. 5. §. 9. commod.* hinc iterum sterilis aliqua subtilitas subesse videtur. Illius vero disquisitionis, utrum depositum, vel aliud negotium, ac in specie mandatum contrahatur, utilitas ad præstationem usurarum & culpæ pertinet *v. STRYK in not. ad LAUTERB. C. J. de N. G. p. 142. de pos. 470.* etsi nec illa adeo magna hodie videatur, cum præstatio usurarum sit uniformis *v. §. 3. de culpa vero, non tam ex natura contractus, quam modo contrahendi, & personis contrahentibus, judicari soleat.*

§. 7. Inito deposito, deponens quidem non obligatur, nec enim hoc agitur, depositarius vero ad rem, in custodiam, recipiendam obstringitur, quæ obligatio, juxta hypothesin juris civilis, omittitur, de cætero non dubitem, quin depositarius, ad exemplum mandatarii *l. 22. §. 11. mand.* tempestiva renunciatione, se ab hac obligatione, liberare queat. Post rem acceptam, obligatur ad ejus custodiam, si re, invito deponente, uratur, furtum committit *l. 29. ff. l. 3. C. de pos.* quod tamen hodie non ita simpliciter obtinet *v. O. C. art. 170. CARPZ. p. 2. qu. 85. n. 66. seqq.* Ex cistæ depositæ apertura, dolus præsumitur, adeo ut jusjurandum in litem, locum inveniat *v. l. 1. §. 26. 41. de pos. CARPZ. 2. R/ p. 69.*

§. 8. Porro tenetur depositarius rem restituere deponenti, nisi dominus concurrat *l. 31. §. 1. de pos.* vel illius bona sint publicata *d. l. 31. pr.* aut ille inciderit in eam conditionem, ut, ei rem præstare, non expediat *c. 14. C. 22. qu. 2.* quæ omnia ex natura contractus fluunt, & naturalia sunt. Debet autem rem regulariter in specie reddere, & quidem pro lubitu deponentis, etiam ante diem vel conditionem adjectam

l. 1. §. 45. depos. moras tamen hoc casu nectens, quandoque à dolo excusatur *d. l. 1. §. 22. v. OBSERV. LAUTERB. Obs. 468.*

§. 9. Contra invitum datur *actio depositi directa*, cujus explicatio magis specialem officii considerationem involvit. Est *actio personalis, competens deponenti, adversus depositarium, ad rem depositam, in custodiam recipiendam & restituendam.* Est rei persecutoria §. 17. *l. de action.* & perpetua *l. 18. depos.* quod, quoad ipsam rei repetitionem, eo pertinet, ut actio nullo tempore præscribatur *v. OBSERV. LAUTERB. Obs. 408.* Est etiam aliquando famosa *l. 10. C. depos. v. CARPZ. p. 4. C. 45. D. 10.* & pœnalis mixta *l. 1. §. 1. l. 18. depos.* quod hodie nullius vel exigui usus.

§. 10. Datur deponenti; Plures habentur pro correis credendi, si id actum sit *l. 1. §. 44. l. 17. depos.* Datur etiam hæredibus, & quidem pro portione hæreditaria *l. 1. §. 36. depos.* res tamen individua, uni præstari potest, modo depositario, hoc nomine, caveat, quod etiam dicendum, de re dividua, si is petat, qui, ex maxima parte, hæres est *d. l. 1. §. 36. l. 14. cod.* depositarius vero, hisce casibus, cæteris hæredibus manet obligatus, ab eo tamen, qui rem accepit, indemnus est conservandus *d. l. 1. §. 36. CARPZ. l. 5. Rsp. 14.*

§. 11. Si quis, ex re dividua, partem acceperit, cohæredibus nihil præstare debet, si residuum, apud depositarium, perierit *l. 24. que in fraud. credit. l. fin. C. depos.* quod secus est, si quis, ex pluribus speciebus depositis, unam receperit *l. 29. de solut.* vel si socius partem exegerit *l. 63. §. 5. pro soc.* nam hisce casibus, non res propria, sed communis recipitur. Illi quoque actio depositi competit, cujus rem alius deposuit, cum pacto, ut illa domino restituatur *l. 8. C. ad exhib.* de quo, juxta æquitatis principia, non dubitandum.

§. 12. Competit contra depositarium; Plures in solidum, si hoc actum sit *l. 1. §. 43. depos.* aut si omnes dolum admiserint *v. c. 11. §. 10.* Contra hæredes datur in solidum, etiam ob dolum defuncti *l. 12. 49. de O. & A. l. 7. §. 1. depos.* plures tamen, pro portione hæreditaria, saltem obligantur *d. l. 7. §. 1.* nisi vel rei individuitas *l. 3. §. 3. commod.* vel dolum, plenius illos obstringat *l. 9. 10. 22. depos.* si hæres ignorans rem depositam distraxerit, tenetur tantum ad id, quod ad eum exinde pervenit *l. 1. §. f. depos.* Non datur hæc actio contra successores singulares *l. 16. ff. l. 8. C. depos.*

§. 13. Ve-

§. 13. Venit in hanc actionem res deposita, cum fructibus & omni causa l. 1. §. 24. *depos.* l. 38. §. 10. *de usur.* etiam, certis in casibus, cum usuris, ex mora l. 32. §. 2. *de usur.* l. 24. 25. §. 1. l. 29. §. 1. ff. l. 2. 3. *C. depos.* vel pacto l. 24. *in fin.* l. 26. §. 1. l. 28. *depos.* quod utrumque hodie minus dubii habet: Non vero ob solum rei depositæ usum, à deponente concessum l. 24. *in fin.* l. 25. §. 1. l. 26. §. 1. *depos.* Hodie tamen, si admittas, quod mutuum regulariter sit fœneratitium v. c. 8. §. 2. etiam solus usus, producendis usuris, hic sufficere videtur v. CARPZ. l. 4. *Rsp.* 55. Res, pecuniâ depositâ, emta, hac actione regulariter peti nequit l. 6. 8. *C. de R. V.*

§. 14. Si res perierit, vel deterior facta sit, ad æstimationem vel damni, vel totius rei, depositarius tenetur l. 1. §. 16. 26. *depos.* modo dolus vellata culpa intervenerit l. 5. §. 2. *commod.* l. 23. *de R. J.* l. 1. *C. depos.* Sæpe tamen vel conditio personæ v. l. 32. *depos.* vel conventio specialis l. 1. §. 6. *cod.* vel modus contrahendi l. 5. §. 2. *commod.* l. 1. §. 35. *depos.* c. 2. *X. cod.* l. 4. *de R. C.* præstationem culpæ specialius definiunt. Casum fortuitum non præstat l. 1. *C. depos.* nisi in deposito irregulari v. c. 8. §. 16. aut si dolus vel culpa, ab ipso præstanda, concurrat c. 2. *X. depos.* l. 14. §. 1. *cod.* aut eo nomine conventio sit inita l. 1. *C. depos.*

§. 15. Si in periculo communi rem suam, licet viliorē, depositæ præferat depositarius, culpæ reus non est, hinc ad nihil deponenti tenetur, nisi alia ratione culpæ convincatur, quemadmodum etiam à deponente nihil repetit, si, dum depositas in tutum subduxit, proprias amisit, sed hoc damnum, velut fatale, ferre debet v. OBSERV. LAUTERB. *Obs.* 459. Si ob justam causam, rem depositam alii dederit, ex hujusdolo hætenus saltem obligatur, ut actiones contra illum cedat l. 16. *depos.* OBSERV. LAUTERB. *Obs.* 470. Depositarius casum l. 2. 19. *de probat.* l. 5. *C. de pign. action.* deponens vero culpam, quam allegat, probare debet l. 18. §. 1. *de probat.* l. 6. *C. de dol.* CARPZ. p. 2. *C. 26. D. 17. seqq.* l. 5. *Rsp.* 13. v. *supr.* c. 6. §. 34.

§. 16. Si res ipsa sit restituenda, tum retentio & compensatio, ob debitum extraneum, cessant l. 11. *C. depos.* l. *fin.* §. 1. *C. de compens.* sed, ob expensas necessarias, utraque locum habet, nam nullibi restrictio posita est. Si vero æstimatio rei depositæ præstanda sit, tum compensatio perpetua, non tantum ob expensas necessarias, sed & debitum ex-

traneum, adhiberi potest, quia itidem nulla restrictio hic occurrat
v. OBSERV. LAUTERB. *Obs.* 457. 471.

§. 17. Exceptio rei non traditæ privilegiata, instrumento depositi
opponi nequit l. 14. §. 1. C. de non num. pecun. nihil enim est, quod de-
positarium, ad præcipitem confessionem, moveat. Si res deposita ex-
stet, licet quantitas sit, deponenseam, in concursu Creditorem, ante
omnes vindicat l. 17. §. 1. ff. l. 8. C. de pos. l. 24. §. 2. de reb. autor. jud. possid.
si vero depositum sit irregulare, ac deponens usuras acceperit, à cæ-
teris creditoribus chirographariis non separatur l. 7. §. 2. de pos. l. 24.
§. 2. de reb. autor. judic. possid. si autem nullas acceperit, nec usum rei
consumtæ concesserit, tum inter creditores privilegiatos, primo, si
vero permiserit, ultimo loco collocatur l. 7. §. 2. l. 8. de pos. l. 24. §. 2.
de reb. autor. judic. possid. v. LAUTERB. C. J. de pos. CARPZ. p. 1. C. 28.
D. 15. 150.

§. 18. Deponens secundo obligatur ad indemnitate. Con-
tra invitum datur actio depositi contraria, quæ etiam hodie recte sic di-
citur, cum ab initio deponens non obligetur §. 7. h. v. c. 11. §. 11. Est
actio personalis competens depositario & heredibus, adversus deponen-
tem & heredes l. 49. de O. & A. ad indemnitate, depositi nomine, con-
sequendam l. 5. 12. 23. de pos. l. 31. de pign. act. l. 61. §. 5. de furt. Regu-
lariter non est famosa l. 6. §. fin. de his qui not. infam. si tamen dolus
deponentis interveniat v. l. 61. §. 5. de furt. existimationis quoque pe-
riculum habet.

§. 19. Sequestrum v. §. 2. h. est vel necessarium, quod sit auto-
ritate judicis, etiam partibus invitis, ob justam causam l. 7. §. f. qui
satisd. cog. nam regulariter, velut species executionis præpostera, est
prohibitum l. 11. C. de prob. sequest. c. 1. X. de sequestrat. possess. vel vo-
luntarium, quod consensu litigantium eo fine initur, ut sequester
rem victori restituat l. 17. de pos. l. 18. de P. V. l. 110. de V. S. hoc licitum
esse, facile liquet l. 5. §. f. l. 6. de pos.

§. 20. Officium sequestris est, ut rem custodiat l. 6. de pos. sed uti ille
aliquando plus juris in re concessa habet, quam simplex depositarius v.
l. 17. §. 1. de pos. l. 39. de A. A. P. ita, ex vulgaribus depositi regulis, ejus officium
per omnia æstimari nequit, sed, si rei conditio id exigat, plura præstare
debet quam alii depositarii; In primis jura rei sequestrata coherentia,

exercere debet. Ad rem recipiendam, victori datur, adversus seque-
strem, actio sequestraria directa l. 5. §. 1. l. 12. §. 2. de pos. l. 8. C. ad exhib.
Sequestri vero, contra victorem actio sequestraria contraria ad conse-
quendam indemnitate, per ea quæ antea diximus add. LAUTERB.
C. J. de pos. in fin. OBSERV. LAUTERB. Obs. 472.

CAPUT XIII.

DE POLLICITATIONE ET
VOTO.

SUMMARI.

- | | |
|--|---|
| Pollicitatio diversimode accipi solet §. 1. | Materia §. 9. |
| Est species donationis §. 2. | Finis §. 10. |
| Perficitur solo consensu §. 3. | Et effectus §. 11. |
| Ejus subjectum, materia & effectus §. 4. | Transmissio in hæredes §. 12. 13. |
| Voti natura & diversitas §. 5. | Contraria §. 14. |
| Fit consensu mutuo §. 6. | Sententia Canonistarum, quoad dispensationem
Superioris §. 15. |
| Propositum revocandi, obligationem non operatur
§. 7. | Doctrina verior §. 16. 17. |
| Votorum subjectum §. 8. | Vota hominum sæpe sunt vitiosa §. 18. |

§. 1.



Ntequam à contráctibus gratuitis abeamus, facienda
est mentio Pollicitationis & Voti. Illa non eodem
modo supponitur; Ex sententia GROTII de J.B.P.
l. 2. c. 11. §. 3. est *promissio obligationem quidem, sed
non ius exigendi producens*. Ex doctrina vero juris
Romani, est *solius offerentis promissum*, adeoque etiam
pactis, velut peculiaris obligationis causa, opponi solet l. 3. de pollicit.
sed illud utique falsum est, quod quis, ex sola sua oblatione sine alte-
rius acceptance, obligari queat, ceu ipsi Romani alias agnoscunt
l. 15. de O. & A.

§. 2. Positis ergo præjudiciis, Pollicitatio est *species donationis
sub modo vel ob causam* v. l. 9. de pollicit. Romani ejus doctrinam, ex
hypothesi de pactis nudis, instruunt, quæ confectaria, illa cessante, ho-
die necessario deficiunt. Sic distinguitur Pollicitatio in *nudam*, quæ
privatis fit & efficaciter non obligat, & *legitimam*, quæ Reipublicæ vel
simili corpori, ob aliquam causam, fit, & ex speciali legis approbatione,

obligationem efficacem producit *l. 1. de pollicit.* sed hodie quævis pollicitatio, ob consensum serium, valet.

§. 3. Perficitur ergo hodie pollicitatio consensu serio promittentis & acceptantis *l. 6. §. 3. de pollicit.* & nihil refert, siue præsens siue absens voluntatem declaret, nec obtinet dispositio *l. 5. eod.* quemadmodum etiam specialis legis confirmatio *v. l. 1. §. 1. 2. eod.* frustra requiritur. Fit autem pollicitatio ob causam aut modum, v. gr. ob honorem à Republica consequendum *v. l. 1. §. 1. seq. l. 4. 6. 7. 8. 9. 11. 14. de pollicit.* & illa causa valorem etiam, jure civili, negotio conciliat, sed hodie non firmandæ, sed formandæ saltem pollicitationi, illa requiritur.

§. 4. Promittere possunt, qui liberam administrationem rerum suarum habent *v. l. 6. §. 2. de pollicit.* & quidem promittuntur Reipublicæ, civitati municipali *l. 3. §. 1. l. 8. 14. eod.* & cuivis alii corpori licito *v. l. 19. l. fin. C. de SS. Eccles.* omnis generis res & facta licita *v. l. 6. §. 1. f. l. 8. 13. de pollic.* Facta pollicitatione, promissor valide obligatur ad promissum exsolvendum *l. 1. pr. l. 2. pr. l. 3. pr. l. 6. 9. 13. de pollic.* jus vero reale creditor non consequitur, nisi post traditionem *v. l. 2. pr. §. fin. l. 3. §. 1. de pollicit.* Quod si promissor ad paupertatem redigatur, humanitas ei, ejusve hæredi succurri jubet, determinatio tamen juris civilis *v. l. 3. 6. 9. 11. 14. de pollic.* hodie obtinere non videtur, cum & illa, factorum nudorum videatur esse consuetarium *add. LAUTERB. C. J. de pollicit.* OBSERV. LAUTERB. Obs. 1494. 1495.

§. 5. Vorum est *deliberata promissio, Deo, vel, ob Deum, siue ex pietate, Ecclesie similive societati, facta.* Est ergo votum duplicis generis, vel enim fit *immediate Deo*, ut si quis certo tempore, jejunia vel preces voveat; Aliquando tamen executio hujusmodi voti, homines respicit, ut si quis, in pauperes, se quid erogaturum promiserit, qui exinde nullum jus consequuntur, vel *propter Deum, fit Ecclesie similive societati*, hæc vota sunt satis frequentia, dum quis, v. gr. ob malum, ex quo liberatus est, vel bonum, quod obtinuit, piis locis aliquid promittit *v. l. 2. de pollic.*

§. 6. Perficitur votum, consensu voventis & acceptantis, & acceptatio quidem Dei, tam ex lumine rationis quam revelationis, præsumitur, sed Ecclesiæ acceptatio est expressa, ac fieri solet ab iis, qui Ecclesiam repræsentant, accedentibus etiam quandoque testibus, instru-

men-

mento & juramento v. BRUNNEM. *J. E. l. 2. c. 7. §. 6.* Requiritur autem in vovente, consensus *verus*, qui facultatem consentiendi physicam & moralem præsupponit, *serius*, qui propositum vovendi continet, nec errore, dolo vel vi injusta impeditur, ac *declaratus*, qui scilicet promissionem plene continet.

§. 7. Hinc, ex communi etiam Canonistarum sententia, nullum propositum, quantumvis firmum, aliquam voti obligationem inducit, nisi promissione firmetur v. BRUNNEM. *d. l. §. 1. ibique STRYK in not.* id quod uti quoad vota, Ecclesiam respicientia, est certissimum, ita idem dicendum de votis, Deum concernentibus, licet enim Deus plane intelligat propositum, quo quis, hoc vel illud se vovere velle, decrevit, at tamen conscientia vinculum nondum est injectum, cum, Deum vota non captare, sed plene oblata demum acceptare, ex ratione pariter ac revelatione liquere videatur. Plane, ad valorem voti hujusmodi, non requiri declarationem expressam aut publicam, forte etiam, Clero præfente, faciendam, certum est, quo, nescio, an tendat Canonistarum doctrina.

§. 8. In voventibus requiritur usus rationis & facultas vovendi moralis, quæ tam ex ipsorum statu, quam materia, quæ vovetur, ac votorum fine æstimanda est. Illi igitur, qui aliorum imperio subsunt, in horum præjudicium, nihil vovere possunt v. l. 2. §. 1. *de pollic.* quemadmodum etiam vota de rebus turpibus vel alienis, non valent. Interim facilius vota Deo, quam Ecclesiæ similive societati, fieri posse videntur v. BRUNNEM. *d. l. §. 7. & STRYK in not.*

§. 9. Votorum, quæ Deo nuncupantur, materia, sunt *res necessariæ*, nec non *possibiles & licitæ*: Nam ad ea, quæ legibus divinis præcipiuntur aut prohibentur, facienda vel omittenda, voto quis se omnino obstringere potest, non minus etiam ea, quæ legibus illis non definita, sed *possibilia & licita* sunt, in votum recte deducuntur, ut si quis jejunium, vel certam liberalitatis speciem sibi imperet. Illorum vero votorum, quæ Ecclesiæ similive societati fiunt, materia, tantum *res possibiles & licitæ* sunt, nam, necessaria vovere, superfluum est, impossibilia & prohibita, stultum, injustum & impium v. c. 15. C. 22. *qu. 4. l. 2. C. ad L. Jul. Majest.*

§. 10. Licet vero in voventibus jus vovendi præsupponas, ac materia

tertia etiam, quæ vovetur, recte se habeat, vota tamen legitima non sunt, nisi etiam bona intentione, ex vero scilicet Dei amore, suscipiantur, hinc si superstitio, hypocrisis, opinio necessitatis, cultus perfectioris, meriti aut satisfactionis interveniat, vota vitiantur, quemadmodum etiam certum est, quod vota coacta & dolo elicita, Deo ingrata sint *add. STRYK ad BRUNNEM. J. E. l. 2. c. 7. §. 1.*

§. 11. Ex voto legitimo, oritur obligatio, ad ejus impletionem, si tamen illud Deo factum sit, tum actionem aliquam locum non habere, manifestum est, quod vero Ecclesiæ promissum est, actione exigere potest *v. l. 2. de pollicit.* Ex posterioris generis voto etiam hæredes obligantur *d. l. 2.* licet enim & hoc votum ex pietate proficisci debeat, attamen ob jus, creditori quæsitum, res promissa exigere potest, licet causa impellens in hærede cesset, nisi forte personale quid, v. gr. ministerium Ecclesiæ præstandum, contineat. Sed prioris generis vota hæredem non obligant, licet executio homines respiciat, v. gr. de eleemosynis, in pauperes erogandis, concepta sint, pietas enim (cujus continuatio hic utique est necessaria) coacta seu lucri repræsentatione elicita, Deo displicet.

§. 12. Putant quidem nonnulli, voti etiam personalis obligationem hæredi imponi posse, si expresse sub conditione voti continuandi, v. gr. *hæres esto, si singulis septimanis jejunium celebraverit*, instituitur, tum enim illum, hæreditatem adeundo, se, ad votum implendum, obligare *v. STRYK d. l. §. 6.* Sed licet ista, à sententia juris Canonici, non abeant *v. c. 6. X. de vot.* putem tamen, ex veris principiis talem conditionem perinde nullam esse, ac eam, qua quis, sub conditione certæ alicujus religionis amplectendæ, hæres instituitur *v. CARPZ. Dec. 89. PHILIPP. Us. Pr. Instit. l. 2. Eclog. 93.* quid enim interest, si quis ad totam religionem, siue præcipuam ejus partem, pietatem scilicet, lucri repræsentatione, alliciatur?

§. 13. Hinc nec, sub conditione continuandi voti realis, seu cujus executio homines respicit, hæres institui recte poterit *v. gr. hæres esto si votum meum, de solvendis eleemosynis, continuabit*, nam simulata pietas votum vitiat. Plane, si testator continuationem serio velit, votum, in legatum, potest convertere, quo facto, dubio procul, hæres, ad id exsolvendum, tenebitur, sicut etiam id certum est, quod hæres ultro, ejusmodi vota, qualia fecerat defunctus, possit inire.

§. 14. Quem-

§. 14. Quemadmodum vero vota aliquando ab initio sunt nulla, ita ex postfacto nonnunquam etiam desinunt, si scilicet circumstantiæ, quas vota legitima præsupponunt, mutantur. v. gr. si pecunia, quam quis Ecclesiæ singulis annis voverat, in luxum & voluptates consumatur, cur non, voti obligationem desinere, existimemus? Poterit etiam voti vinculum tolli ab iis, quorum consensu est contractum, ut & per dispensationem Superioris, de qua tamen distinctius nonnihil videndum.

§. 15. Ex sententia Canonistarum, per Superiorem intelligitur Clerus *v. c. 1. 2. §. X. de vot.* ac ad dispensationem requiritur iusta causa, quæ varia esse perhibetur *v. BRUNNEM. J. E. l. 2. c. 7. §. 8.* sed hoc omne, ex rationibus status clericalis, æstimandum est, hinc ea causa, iusta existimari debet, quæ utilitatibus Cleri quam maxime velificatur, etsi, in speciem, aliud prætexi soleat *v. c. 1. 4. 7. X. de vot.* De eo quoque disputant, utrum vera dispensatio seu voti relaxatio, an simplex saltem declaratio, qua, votum certo aliquo in casu non valere ostendatur, hic interveniat *v. STRYK ad BRUNNEM. J. E. d. l. §. 8.* sed & ista, in speciem, disputari arbitrer, cum, à libidine Cleri, votorum valor regulariter suspensus sit.

§. 16. Juxta saniora principia, Cleri, in relaxandis votis, nulla est autoritas; De cætero distingvi debet inter vota, quæ *societati humane*, & quæ *Deo* fiunt. Illa solum arbitrio Creditoris, cui jus quæsitum est, remitti possunt *v. STRYK d. l. §. 9.* ob justam tamen causam, relaxatio, à Republica & Imperante, quoque potest fieri, jura enim privata iis subsunt. Hæc autem à solo Deo remitti posse censentur, cum, ubi valida, quoad Deum, obligatio inducta est, non sit humana potestatis, vinculum hoc tollere *STRYK d. l. §. 8.*

§. 17. Hoc ultimum recte quidem dicitur, sed observandum tamen est, quod, uti Dei acceptatio, in votis, est præsumpta *v. §. 6. b.* ita ejus dispensatio seu relaxatio, ob justas causas, quæ tamen per se, tollendæ votorum obligationi, non sufficiunt, non male præsumatur, adeo ut ipse vovens, vi dispensationis præsumtæ, se à voto immunem pronunciare queat, quod quidem eo promptius dici potest, quo minus Deo officia coacta, aut cum tædio suscepta, placent. Hinc si quis v. gr. jejunium voto sibi imposuerit, aut, ad elemosynas pauperibus præstan-

Uuu

das,

das, se obstrinxerit, postea vero illud cum sanitatis incommodo conjunctum, hoc vero rei familiari quodammodo molestum deprehendat, utrumque, salva conscientia, illum omittere posse putem.

§. 18. Quod si ad vota, quæ inter homines occurrere solent, respiciamus, pauca fortassis omnibus constabunt requisitis, sed nunc, in votibus, facultas aut, in materia,abilitas deerit, nunc superstitio, vel prava intentio, aut dolus vel vis eadem viriabit. In primis quem non erraturum putem, si vota, in papatu fieri solita, si non omnia, certe pleraque, societatum male contractarum coagula, stabiliendi Clericalis dominatus instrumenta, superstitiosa, injusta, impia, atque adeo irrita pronunciet.

CAPUT XIV. DE CONTRACTIBUS IN- NOMINATIS.

SUMMARIA.

Contractus innominati quo sensu in Germania
occurrant §. 1.

Permutatio & contractus æstimatorius huc non
pertinent §. 2.

Hoc ultimo nomine mandatum, locatio vel ven-
ditio comprehenditur §. 3. 4.

In hunc censum referendus contractus do ut fa-
cias, qui est consensualis §. 5.

Ejus subjectum & materia §. 6.

Ad hanc quoque spectat res aliena §. 7.

Ex consensu oritur actio §. 8.

Quæ, re data, cum effectu instituitur §. 9.

Quando res data repeti queat §. 10. 11.

Contractus facio ut des, est consensualis §. 12.

Singularia circa ejus effectum §. 13.

Contractus facio ut facias, est itidem consensualis

§. 14.

Ejus effectus §. 15.

Alia contractuum innominatorum exempla §.
16. 17.

§. 1.



Ost explicatas præcipuas Contractuum onerosorum & gratuitorum species, de contractibus innominatis, qui nunc illis, nunc his accedunt, non incongrue age-
tur. Equidem contractus innominatos, sensu juris
civilis acceptos, non admitto, quin tamen tales, sensu
juris Gentium, i. e. *contractus consensuales, speciali*
nomine carentes, occurrant, dubitandum non est, plura enim sunt ne-
gotia, quam nomina *v. l. 2. c. 5. §. fin.* Exactum autem horum con-
tra-

tractuum inire numerum, animus non est, exemplis saltem, in jure Romano occurrentibus, sed doctrina hypothesibus hactenus suppositis accommodata, eos illustrabo.

§. 2. De *permutatione* quidem, quæ jure civili contractibus innominatis accensetur, agendum non est, nam illa potius hodie ad nominatos pertinet, hinc ei primum locum, inter eos, etiam dedi *c. 1. h.* Sed nec *contractus æstimatorius*, quem vocant, hic considerandus est, nam revera talis non occurrit, per eum enim vel tale negotium intelligitur, quo res vendenda alteri, gratis aut interveniente mercede, datur, vel quo non tantum id agitur, sed & eventualiter res accipienti venditur, adeoque hic emptore non existente, ad pretium solvendum, vel, si contrahentibus ita placuerit, ad rem reddendam obligatur *v. l. 1. pr. §. 1. de æstimat. action.*

§. 3. Primo casu vel mandatum, vel locatio subest, prout vel gratis, vel interveniente mercede, negotium expediendum, susceptum est, adeoque accipiens vel pretium, pro re, alteri vendita, solvit, vel emptore non existente, rem danti restituit, cujus etiam periculo res semper fuit. Secundo vero casu, si idem contractus memorati, ab initio, ad sunt, adeoque si res tertio vendatur, danti pretium solvitur; Si vero extraneus emptor non adsit, tum ipse accipiens pretium solvere debet, ad quem etiam rei periculum spectat. Potest tamen res ipsa restitui, si contrahentibus ita visum fuerit, quo facto, à toto negotio abitur.

§. 4. Ex quibus liquet, quod in casibus, in quibus contractus æstimatorius vulgo asseritur, mandatum, locatio vel venditio occurrat. Neque etiam Jcti Romani contractum æstimatorium, sed saltem, dubitationis tollendæ gratia, actionem æstimatoriam asseruerunt *l. 1. de æstim.* quæ erat fori Romani sollicitudo & scrupulositas, qua tamen, nisi fallor, hodie etiam non utimur, cum nulla nominum sit necessitas *v. OBSERV. LAUTERB. Obs. 625. seqq.*

§. 5. Porro de contractu *do ut des*, peculiariter agendum non est, cum permutatione enim is, ex veriori sententia, coincidit *v. OBSERV. LAUTERB. Obs. 647.* Ergo ex exemplis, vulgo commemorari solitis, huc pertinet (1.) contractus *Do ut facias*, qui hodie est *contractus consensualis*, quo aliquid, pro facto præstando, promittitur. Perficitur adeo solo consensu, sicut locatio & conductio, traditio rei, & exhibitio facti

Uuu 2

saltem

saltem ad *consummationem* pertinet, secus ac de jure civili, quo rei traditio est pars essentialis contractûs *l. f. §. 2. de P. V.*

§. 6. Quoad *personas contrahentes* nihil interest, siue contractum innominatum juris civilis, siue gentium supponas, sicut etiam *materia*, juxta utramque hypothesein, erit eadem. Nimirum, à parte dantis, omnis generis res, quæ sunt in commercio, à parte vero accipientis, quævis facta, possibilia & licita, in hunc contractum deduci possunt. Quo tamen discrimen à locatione, maneat, pecunia numerata, cum factis locari solitis, simul ad hunc contractum referri nequit, si vero pecunia cum factis locari non solitis, vel res alia, cum factis locari solitis aut non solitis, concurrat, tum hic contractus adest *l. f. §. 2. de P. V.*

§. 7. Hoc autem, ex intentione contrahentium, facile liquet, hunc contractum, quoad rem dandam, esse dominii translativum: Hinc res propria promitti & dari debet, si autem res aliena detur, ejusque qualitas sit cognita, tum nihil agitur, si vero de ea non constet, hactenus utrique, ad exemplum venditionis, contractus valet, & quidem non tantum ratione accipientis, ut is, qualitate cognita, aut re evicta, ad interesse agere queat *l. f. §. 2. de P. V. l. 7. §. 2. de pact.* sed & ratione dantis, ut is, quamdiu qualitas rei non apparet, accipientem, ad factum implendum, adigere possit v. OBSERV. LAUTERB. *Obs. 648.* quod vulgo frustranegatur v. LAUTERB. *C. J. de P. V.*

§. 8. Effectus hujus contractus, ut eo rectius appareat, triplex ejus status est distingvendus, vel enim (1.) *nuda conventio est inita*, & jure civili nulla datur actio, quia est pactum nudum, sed hodie, ab utraque parte, valide agi poterit, ad implendum contractum & actio recte dicetur *conditio ex moribus*, requiritur tamen, velut conditio sine qua non, ut agens, à sua parte, contractum impleat, vel implere paratus sit, alias ei, exceptio contractus non impleti, obstat.

§. 9. Vel (2.) *alter rem dedit.* Hoc casu jure civili instituitur actio *præscriptis verbis l. f. §. 2. l. 6. 7. de P. V.* hodie vero potius dicenda erit *conditio ex moribus*, de quo tamen non valde contendendum. Eo autem, de jure civili, actio tendere censetur, ut accipiens vel factum exhibeat, vel interesse præstet v. LAUTERB. *C. J. d. l.* sed uti hoc, etiam de jure civili, dubium, ita hodie accipiens, ad factum præ-

præ-

præcise exhibendum, vel, ob moram, ex voluntate Creditoris, ad interessè solvendum, adigi poterit.

§. 10. Quod si factum exhibendum respiciat *certum objectum* v. gr. ut servus manumittatur, tum objecto, sine accipientis culpa, sublato, hic nihil præstat, & tamen rem acceptam retinet, nam res debita jacet periculo Creditoris; si vero *indefinitum sit ac in opera aliqua utili consistat*, v. gr. ut opus aliquod efficiatur, tum, si accipiens casu, v. gr. adversa valetudine, impediatur, quo minus factum exhibeat, rem acceptam reddere tenetur, id quod, exemplo locatoris operarum, intelligitur.

§. 11. Quod si res adhuc integra, i. e. factum nondum quidem exhibitum, in eo tamen statu sit, ut exhiberi adhuc possit, dans, vel ob pœnitentiam propriam, vel accipientis cunctationem, rem datam, *condictione causa data, causa non secuta*, repetere potest l. 5. §. 2. l. 7. de P. V. quod hodie cessat, de quo, in genere, suo loco disquiram. Vel denique (3.) *utriusque præstatio facta est*, hoc casu negotium plane est consummatum, adeoque & pœnitentia cessat, & periculum casuale, ad accipientem, velut dominum, pertinet, qua in re, jus Romanum & mores nostri conspirant v. OBSERV. LAUTERB. Obs. 649.

§. 12. Porro huc referendus (II.) Contractus *Facio ut des*, qui est *contractus consensualis*, quo factum pro aliqua re promittitur; perficitur solo consensu juxta doctrinam §. 5. h. Quoad personas & materiam repetenda etiam dicta §. 6. h. Est quoque hic contractus, quoad rem dandam, dominii translativus, non tamen dominium præcise verum requiritur, sed *presumptum* sufficit, juxta notata §. 7. h. Denique *effectus*, secundum triplicem negotii statum, judicandus est, ex doctrina §. 8. seqq.

§. 13. Circa medium tamen casum, de quo §. 9. seqq. in nonnullis, hic contractus à præcedente abít. Nam (1.) de jure civili disputatur, utrum, ad rem exigendam, detur actio præscriptis verbis l. 15. 22. de P. V. an actio doli l. 5. §. 3. cod. sed est controversia hodie otiosa, cum potius, *condictio ex moribus*, obtineat (2.) de jure etiam civili, res præcise erit præstanda, cum, in contractu præcedente, ex communi sententia, interessè præstari queat, de quo dixi §. 9. h. (3.) periculum rei dandæ hic semper est creditoris, nec obtinet distinctio, §. 10. data

Uuu 3

(4.) ob

(4.) ob pœnitentiam, vel alterius cessationem, factum exhibitum, nec de jure civili, repeti potest v. VINN. §. 2. l. 1. qu. 46. nisi forte rem continet l. 4. de condit. c. d. c. n. f. l. 115. de R. J. hinc dicta §. 11. h. regulariter huc non pertinent v. OBSERV. LAUTERB. Obs. 650. 651.

§. 14. Denique (III.) huc pertinet Contractus *Facio ut facias*, qui est *contractus consensualis, de facto aliquo reciproce exhibendo, initus*. Perficitur *solo consensu*, & recurrit hic doctrina §. 5. h. Quoad personas quoque obtinent dicta §. 6. Ejus materiam constituunt omnis generis facta, possibilia & licita, locari solita & insolita, ad certum objectum restricta, ut *usum rei sue concedere*, & indefinita, ut *negotia alterius expedire* v. l. 5. §. 4. §. l. 17. §. 3. de P. V.

§. 15. Inito contractu, ab utraque parte, habet locum actio, secundum tradita §. 8. h. si unus factum exhibuerit, alter quoque ad ejus exhibitionem cogi potest, juxta §. 9. h. Quoad periculum facti exhibendi, observanda etiam videtur distinctio §. 10. h. modo id, quod alter præstitit, repeti queat v. l. 4. de condit. c. d. c. n. f. alias periculum indistincte erit creditoris. Regulariter quoque ob pœnitentiam facientis, vel cunctationem debitoris, nec jure civili, repetitio obtinebit, juxta doctrinam §. 13. n. 4. Denique si uterque contractum impleverit, dubio procul, res in eodem statu manet, cum facta regulariter infecta fieri nequeant.

§. 16. De eo dubitandum non est, quin plura contractuum innominatorum exempla occurrere & vel ex commixtione specierum adductarum, existere possint v. l. 13. §. 1. de P. V. VOET. in comment. ad ff. de P. V. n. 1. OBSERV. LAUTERB. Obs. 646. sed eorum jura, ex hæcenus dictis facile intelligi possunt, ut illa quidem persequi non attineat. Alias interpretes varia negotia, juri Romano non adeo cognita, contractibus innominatis accensere solent v. STRUV. Jurispr. for. l. 3. tit. 17. §. 11. 15. quod facile admitti posset, modo, ex principiis æquitatis, non juris Romani eorum valor æstimaretur.

§. 17. In specie quæri potest (1.) de *concessione metalli fodinarum*. Pro *contractu emphyteutico* illam nonnulli habent v. HORN. Jurispr. feud. c. 9. §. 22. seqq. Sed videtur esse *donatio sub modo*, vel etiam poterit referri ad *contractus innominatos*, sed juris Gentium (2.) de *concessione fundi*, quam dominus, pro portione hæreditaria, *en*
Erb.

Erbkukkus, facere debet? Putat D^N. HORN. d. l. §. 30. oriri hic obligationem ex *facto extraordinario*, & dari *actionem in factum*. Videtur negotium illud esse species *permutationis*, hoc tamen singulare est, quod dominus, ad rem permutandam, sit obstrictus. De utroque negotio alibi dicendi erit occasio, hic enim, illustrandæ præsentis materiæ gratia, utrumque saltem duobus verbis fuit attingendum.

CAPUT XV. DE CONTRACTIBUS FORTUITIS.

SUMMARI A.

Contractuum fortuitorum natura §. 1.

Ad illos pertinet ludus §. 2.

Ejus varietas §. 3.

Moralitas §. 4.

Abusus §. 5.

Et effectus §. 6.

Jure civili ludi prohibentur §. 7. 8.

Quid moribus obtineat §. 9. 10. 11.

Prohibitiones exigui solent esse effectus §. 12.

Huc etiam pertinet sponso §. 13.

Ejus causa efficiens, subjectum, materia & effectus §. 14. 15.

In hunc censum referenda emtio spei §. 16.

Sors deciforia §. 17.

Olla fortunæ §. 18. 19. 20.

Lotaria §. 21.

Assuratio §. 22.

Et auctio §. 23.

§. 1.

Expositis contractibus consultis, deinde fortuitu spectandi sunt v. c. l. §. 3. h. In genere sunt *conventiones, vario, in diversum scilicet eventum, lucrativum & onerosum, directo consensu, constantes*. Prout igitur eventus ceciderit, ita lucrum vel damnum asserunt, aut etiam utrumque contrahentem, aliquando indemnem præstant, semper vero causam querendi excludunt, modo dolus absit. Exemplis nonnullis breviter illos illustrabimus.

§. 2. Huc pertinet (1.) *Ludus*, qui est *contractus consensualis vel conventio, qua duo pluresve, adhibitis certis instrumentis, eventum, à fortuna vel ingenio dependentem, procurant, ac, prout ille ex compaço ceciderit, ita aliquid lucrantur vel perdunt, aut etiam indemnes à contractu discedunt*. Vel brevius: Est *conventio, qua duo pluresve, sub con-*

conditione eventus incerti, fortuna vel licita arte procurandi, sibi aliquid donant.

§. 3. Distinguitur in ludum *artis*, cujus eventus, ingenio & dexteritate corporis, procuratur, *fortuna*, ubi eventus à casu fortuito, & *mixtum*, ubi ille tam à casu quam arte dependet; iste & hic, *aleæ* nomine venire solet. Ille vero iterum distingui potest in ludum *artis utilis*, quo, ad usum vitæ civilis, se præparant ludentes, eo referas exercitia bellica, & *jucunde*, aut si mavis, *otiosa*, qui recreationis, aut fallendi otii causa, suscipitur, quo plerosque ludos artis, ut latrunculorum v. OBSERV. LAUTERB. *Obs.* 290. torneamenta, similesque in *l. 1. C. de aleator.* etiam relatos v. STRYK *continuat.* *Ufus modern.* *Pandect.* *l. 11. tit. 5.* si præsentia tempora spectes, non male retuleris *conf.* SPECIM. JUR. PUBLIC. *l. 4. c. 9. §. 24.*

§. 4. Ludos artis, licitos vulgo pronunciant v. *l. 2. §. 1. ff. l. fin. C. de aleat.* adeo ut casus fortuitus superveniens sit extra pœnam v. RAUCHBAR *p. 2. qu. 25. n. 11.* LAUTERB. *C. J. de aleat.* sed hoc saltem accipiendum est de ludis artis utilis, ludi vero artis jucundæ, ab alea, quoad moralitatem, separari non debent. Hos igitur ludos quod attinet, solent quidem à nonnullis, pro negotiis illicitis haberi v. RAUCHBAR. *d. qu. 25.* CARPZ. *Pr. Crim. p. 3. qu. 134.* BECMAN *lin. doctr. mor. c. 8. §. 12.* Sed cum sint conventiones, ac eorum materia pacificentium subsit arbitrio, ideo regulariter illi liciti dicendi sunt v. PUFENDORF *de J. N. G. l. 5. c. 9. §. 5.*

§. 5. Qui tamen ludos in consuetudinem vertunt, acopes profundunt, illi dubio procul peccant, ac tam in Deum, quam se ipsos & proximum sunt injurii, quamdiu tamen prohibitio legis positivæ non accedit, excessus ille, peculiare saltem peccatum est, in ludos vero non influit, nec eos, in foro externo, illicitos facit, hinc casus fortuitus superveniens, hic quoque extra pœnam erit. Quod si vis aut fraus interveniat, tum, ex generalibus pactorum principiis, ludi sunt invalidi. Denique si dejerationes similesque excessus ludum comitentur, illi etiam pro peculiaribus delictis haberi debent, ludo vero non sunt imputandi.

§. 6. Seposita igitur legis positivæ prohibitione, ac remota vi & fraude, in vita civili, licite luditur, & sunt etiam ad exemplum aliarum con-

conventionum, ludi obligatorii, adeo ut, ad exigendum promissum, actio quoque possit institui, quam *conditionem ex moribus* dicere licebit, obligationem tamen non antea se exserere, quam conditio, sub qua conventio est inita, sit impleta, ex natura negotii ultro intelligitur. Sed de hoc, in foro, non facile disputatur, ludi enim legitimi inter amicos saltem instituantur, qui promissum statim præstant, aut amico debitum remittunt. Quodsi in terminis licitæ recreationis res consistat, & modico pretio certetur, aliique excessus caveantur, etiam sine peccato luditur.

§. 7. Cæterum cum ludorum abusus sint frequentissimi, ideo alea legibus positivis prohiberi solet, qualis prohibitio, ob paritatem rationis, ad ludos artis jucundæ vel ludicræ, merito extendenda esset. Jure Romano alea prohibita est *l. fin. C. de aleator. auth.* interdicimus *C. de Episcop. & Cler.* hinc perditum repeti potest, vel nondum solum retinetur *l. 1. l. fin. C. de aleator.* Si collusor pecuniam creditam, favente ludo, recuperaverit, eam amplius exigere nequit, si vero illa penes mutuatarium adhuc existat, repetitio ejus non deneganda videtur, pœna enim non temere asserenda erit.

§. 8. Si tertius pecuniam crediderit, eandem quoque repetet, si penes debitorem adhuc salva existat, si vero perditæ sit, tum repetitionem itidem nonnulli concedunt *v. CARPZOV. qu. 134. n. 27. BERLICH p. 1. Dec. 66. n. 5. 6. LAUTERB. C. J. de aleator. lit. E.* sed creditor eam a victore potius repetere debet. Aleatorum receptator pecuniam creditam non recipit neque damnum aut injuriam illatam vindicat *l. 1. pr. §. seq. de aleat.* ac insuper arbitrarie punitur *BERLICH d. Dec. 66. n. 12.* quæ pœna etiam aleatores manet *CARPZ. d. qu. 134. n. 8. conf. STRYK Contin. n. s. mod. Pand. l. 11. tit. 5.*

§. 9. Moribus Germaniæ, alea quoque prohiberi, ac aleatores arbitrarie puniri solent *v. Ordin. Polit. Saxon. de anno 1612. tit. vom Spiel Ordin. Provin. de anno 1555. tit. Topler und Spieler CARPZ. d. qu. 134. n. 18. seqq.* Pecuniæ etiam in ludo perditæ exactionem cessare putant *v. Landr. l. 1. art. 6. Weichb. art. 101. CARPZ. d. l. n. 26.* adeo ut, licet lusores in creditum iverint, tamen exceptio aleæ, aut si hanc natura processus non admittat, sed celerem solutionem exigit, reconventio minimum habeat locum *v. STRYK d. l.*

XXX

§. 10. Si

§. 10. Si de pecunia perditā transactum sit, transactionem quidam invalidam putant v. HEIG. p. 2. qu. 10. n. 46. CARPZ. d. l. n. 24. alii vero eam valere arbitrantur, cum super dolo commissio aliisque delictis transigi queat, adeoque & debitum, ex ludo ortum, transactione quoque confirmari posse videatur v. STRYK d. l. circa quod tamen non immerito quis excipere, aliud esse: *obligationem ex delictis ortam transactione remittere*, & aliud: *obligationem invalidam confirmare sive, delictum, in negotium licitum convertere*.

§. 11. Pecuniæ autem perditæ & solutæ, nullam esse repetitionem, communiter volunt RAUCHB. p. 2. qu. 25. n. 94. CARPZ. d. l. n. 10. seqq. sed rigori potius juris civilis hic quoque esse inhærendum censet DN. STRYK d. l. cum consuetudo contraria, nondum satis sit probata, & mores illi, magis sint aulici quam forenses. Plane illud ridiculum non minus quam impium est, quod, ex ore Glossatorum, pronunciat BERLICH d. Decis. 66. n. 13. tempore pestis, ad effugiendas melancholicas cogitationes, quemvis ludum permitti, eoque tempore, inter Deum & homines, esse bellum, ac omnes leges cessare.

§. 12. Sicut autem prohibitiones legum, non pertinent ad ludos, recreationis causa, modico pretio, institutos v. CARPZ. d. qu. 134. n. 33. seqq. ita experientia testatur, quod illæ in genere, nullius ferè sint autoritatis, sed maximus ludorum abusus ubique fere dominetur add. OBSERV. LAUTERB. Obs. 292. Nonnullæ nationes contrario utuntur remedio, dum pecuniæ ludo perditæ rigidam concedunt exactiorem, quo ita lutores à ludis deterreantur, sed & illud inefficax esse, experientia docet. Nimirum, manente causa, effectus quidem utrunque reprimi, sed penitus tolli non potest. Tolle otium, &, cum aliis malis, etiam cessabit ludorum abusus.

§. 13. In hunc censum (II.) referenda *Sponsio*, quæ est conventio, qua, occasione contradictionis, in conversatione civili occurrentis, duo pluresve, sententiæ suæ fiducia sibi mutuo ita aliquid promittunt, ut n. cuius assertio sefellit, alteri quid prestare debeat. Cujus generis conventionem, in se esse licitam, ex communi pactorum doctrina, intelligitur v. l. 21. C. mand. l. 17. §. f. de P. V. l. 3. de aleator. FINCKELTH. Obs. 33. CARPZ. p. 2. C. 19. D. 18. LAUTERB. C. J. de aleator. Cum tamen ejusmodi conventiones haud sint necessariae, ideo lege positiva prohiberi, vel saltem restringi possunt.

§. 14. Per-

§. 14. Perficiuntur *solo consensu*, ac requirunt *personas habiles*, ut & negotia *possibilia* ac *licita*. De cætero fiunt vel de rebus præteritis, vel futuris, & ut plurimum quidem, utrique contrahenti incognitis, recte tamen sponsio etiam initur de re, alteri certo cognita, modo dolus absit, hic enim tam hoc, quam alio respectu, sponsionem vitiat. Sæpe etiam quæstiones voluntatis interveniunt v. LAUTERB. *dl. lit. O.* quæ ex consuetis principiis interpretandæ sunt, adeo ut in primis sensus inusitati, captiositatis vel reservationis mentalis nulla habeatur ratio v. OBSERV. LAUTERB. *Obsf. 293. seqq.*

§. 15. De rebus autem prohibitis sponsio frustra initur l. 3. de *aleator.* hinc, libidinis similisve rei gratia, fieri nequit, sicut etiam improba sponsio est, qua crimen ambitus velatur v. l. 61. de *V. O.* Ex sponsione autem legitime inita, contra invitum, valide agi potest, & perinde erit, si ve actionem illam, *ex stipulatu*, si ve conditionem *ex moribus* dicas.

§. 16. Spectet etiam huc (III.) *Emtio speci*, quæ est *emtio animum donandi*, ob *objecti incertitudinem*, *habens adjectum*, de qua jam dixi c. 2. §. 7. h. Prout igitur eventus ceciderit, ita aliquando est pura emtio, aliquando pura donatio, aliquando negotium ex utraque mixtum. Sicut etiam in aliis conventionibus, ita in hac quoque, quæstiones voluntatis occurrunt, in quibus decidendis, *diversus contrahendi modus d. c. 2. §. 7.* jam notatus, & *materia substrata* præcipue attendi debent v. PUFENDORF de *J. N. G. l. 5. c. 5. §. 6. 7.* LAUTERB. *C. J. de C. E. V. lit. O.* Ex hoc autem negotio, *actio emti venditi*, etiam juxta jus Romanum asseri posse videtur v. l. 21. *pr. de A. E. V.*

§. 17. Pertinet quoque ad hanc classem suo modo (IV.) *Sors decisoria*, quæ vel pro *eventu aliquo*, vel pro *toto negotio*, in *eventum aliquem conceptu*, sumitur. Hoc sensu, in genere est *actus*, quo id, quod *voluntate humana*, pure *expediri poterat*, sub *conditione incerti eventus deciditur*. Sub ejusmodi conditione Imperans quandoque milites pericula adire jubet, vel in delictis dispensat: Privati hæreditates dividunt, vel rem, aut obligationem communem, uni adjudicant, aut imponunt. Ex quo liquet, quod diversi generis negotia, mandata scilicet, dispensationes, conventiones, consilia similiaque, sub sorte decisoria, continentur v. OBSERV. PUFENDORF *Obsf. 384.*

LIBER QUARTUS CAPUT XV.

§. 18. Huc etiam referenda est (V.) *Olla fortunæ*, quæ est *conventio*, qua quis spe lucri, certum pretium promittit, ea lege, ut, prout fors tulerit, vel rem æqualem, vel majorem, vel nihil accipiat. Est igitur in effectum spei ejusque generalis lex est, ut ea, quæ ollæ inesse dicuntur, revera etiam in illa reperiantur, nec per fraudem aliquid eximatur, quo fine nonnunquam custodes publici apponuntur.

§. 19. Conventionem hanc, in se esse licitam, negari quidem nequit, quia tamen ejus, quoad privatos, nulla est necessitas, ac illa non raro eos in periculum rei familiaris adducit, præterea etiam variis fraudibus subjacet, ideo legibus positivis prohiberi, vel restringi potest: Hoc minimum cavendum, ne ejus exercendæ omni die sit occasio, id enim cum certissimo multorum damno conjunctum est, qui, dum lucrum aucupantur, temporis & bonorum jacturam faciunt, id quod *ludus Regius*, quem vocant, quique conventionis hujus species, ac ut alibi, ita Lipsiæ etiam satis notus est, inprimis comprobatur.

§. 20. Aliquando autoritate publica, in usum Reipublicæ vel pauperum, ejusmodi Ollæ instituuntur, sive homines, ad hæc conventiones, invitantur, quibus communis loquendi usus *Lotteriarum* nomen dedit. Quod institutum omnino probandum est, si pecunia in legitimum finem impendatur, nam nimis scrupulosi sunt, qui, pauperibus hac ratione non recte succurri, existimant, cum enim obligatio, ad exercendam liberalitatem, sit satis laxa, nec præcise obliget, ideo modus eam exercendi, arbitrio humano subjacet.

§. 21. Contractibus fortuitis etiam annumeranda (VI.) *Lotaria* seu *Riffa*, quæ est *conventio*, qua plures de re, quam collatitia pecunia emunt, post sorte decernunt, cui soli ea tota debeat cedere v. PUFEND. de J. N. G. l. 5. c. 9. §. 6. BECMAN *lin doct. moral.* c. 8. §. 13. Est contractus ex emtione & sorte deciforia mixtus. De cætero dubium non est, quin ex conventionibus §. 17. seqq. memoratis; etiam detur actio, quamdiu legis prohibitio non accessit, aut dolus similisque causa impediens non intervenit, potestque illa, *actio in factum* vel *condictio ex moribus* dici. Sed de hac non adeo frequenter quid audirur, cum plerumque executio ipsi conventioni sit implicita.

§. 22. Non minus huc referri debet (VII.) *Affecuratio*, quæ est *conventio*, qua quis mercium transportandarum vel advehendarum securi-

curitatem asserit, ac, si assertioni eventus respondeat, certam mercedem, à domino earum, sibi stipulatur, sin minus, illarum aestimationem promittit. Sæpe hic contractus, cum temeritate vel injustitia, est conjunctus, quamdiutamen legis prohibitio non accedit, aut dolus probari nequit, tamdiu utique validus est, ex eoque agi poterit. Debet, ut alibi, ita hic etiam, justa interpretatio observari, hinc, si v. gr. merx in portu, aliquo casu pereat, asscuranti merces nihilominus est exsolvenda add. PUFENDORF de J. N. G. l. 5. c. 9. ZIEGLER de J. M. l. 1. c. 41. n. 26. seqq.

§. 23. Denique huc referri potest (VIII.) *Auſio*, quæ est venditio, ea lege, in plures licitantes, facta, ut ei res cedat, qui maximum pretium obtulerit. In eo igitur, hæc conventio, alæ quid continet, quod pretium, non speciali tractatu, seu certo consensu, sed per fortuita licitantium certamina, determinetur. Generalis ejus lex, à parte emtorum, est, ne in perniciem venditoris colludant, à parte vero venditoris, quo mutua illa licitantium certamina, libera relinquat, nec, artibus clanculariis, eadem intendat, aut res, venum expostas, ad se iterum trahat, hoc ramen officium, seposita lege civili, non adeo certum est. Cætera, ex consvets emtionis venditionis regulis, fere dijudicanda sunt conf. c. 5. §. 7. h. l.

CAPUT XVI. DE FIDEJUSSIONE.

SUMMARIA.

Transitus ad fidejussionem §. 1.

Ejus divisio §. 2.

Pertinetur solo consensu §. 3.

Cum constituto & mandato fere convenit §. 4.

Fidejussionis subjectum §. 5. Materia §. 6.

Accedit etiam obligationi naturali §. 7.

Quod exemplo pupilli §. 8.

Et mulieris declaratur §. 9.

Jure novo illud cessat §. 10.

Fidejussor ultra quantitatem obligationis principalis non tenetur §. 11.

Nec ante debitorem principalem §. 12.

Inter plures obligatio dividi solet §. 13.

Beneficium ordinis & divisionis aliquando cessat

§. 14.

Fidejussori competit beneficium cessionis §. 15.

Obligatio ejus, pro conventionis diversitate, est

diversa §. 16.

In hæredes transit §. 17.

Contra fidejussorem datur actio personalis §. 18.

Remedio ex L. si contendat, exceptio divisionis confirmatur §. 19.

Xxx 3

Cen-

Censetur illud etiam per modum actionis aliquando proponi §. 20.

Creditor, confirmandæ ordinis exceptioni, quoque provocari potest §. 21.

Fidejussor solum repetit à debitore §. 22. 23.

Et confidejussoribus §. 24.

Fidejussionis contraria §. 25.

§. 1.



Contractibus principalibus, addendæ sunt conventiones accessorix *v. c. l. §. 3.* Adjiciuntur autem, ut vel contractus principales varia ratione temperent, de quibus dictum *c. r. h.* vel ut firmiores reddant, quo pertinet *Fidejussio & contractus Pignoratitius*, de quibus nunc agendum. *Fidejussio* est *contractus consensualis*, quoquis alterius obligationem, in majorem Creditoris securitatem, ita in se suscipit, ut principalis debitor quoque maneat obligatus *l. 5. §. 2. de V. O. l. 1. §. 8. de O. & A. l. 65. ff. l. r. C. de fidejuss.* dicitur etiam ad promissio *d. l. 2. §. 2. de V. O.*

§. 2. Dividitur (2.) à *causa movente*, in *necessariam*, quæ ex obligatione fieri debet, & *voluntariam*, quæ ex libertate & rationibus æconomicis fieri solet *l. 7. §. 1. qui satisd. cog. l. 13. de usufr.* (2.) à *diverso constitutiendi modo*, in *judicialem*, quæ in judicio, & *extrajudicialem*, quæ extra illud contrahitur (3.) ob *objecto*, in *principalem*, quæ pro debitore principali, & *subsidiarium*, quæ pro fidejussore, apud creditorem *l. 8. §. f. l. 27. §. 2. 4. de fidejussor.* vel etiam quæ pro debitore, apud fidejussorem fit *l. 4. de fidejuss.* (4.) à *fine* in *absolutam*, qua quis pro debito simpliciter, & *restrictam* seu *indemnitate*, qua pro residuo debito se obligat *l. 16. §. f. de fidejuss. l. 21. de solut. l. 116. de V. O.*

§. 3. Perficitur fidejussio *nudo consensu*, quomocunque declarato, *v. gr.* manu stipulata, vel subscriptione chirographi, in quo scriptum est, subscribentem, fidejussorem esse datum *v. CARPZ. p. 2. C. 19. D. 17. C. 20. D. 9. HERING de fidejussor. c. 11. n. 41. 165.* Debet tamen consensus esse habilis, ac adeo in specie liber; libertati vero non obest necessitas moralis, qua quis fidejubere nonnunquam tenetur *v. Nov. 115. c. 3. §. 8. FINCKELTH. Obs. 99.* De cætero instrumento, de fidejussione restanti, tamdiu fidem esse habendam, donec contrarium fuerit probatum, ex communibus etiam principiis patet *v. l. 30. de V. O. l. 1. 14. C. de C. & C. stipul.*

§. 4. Jure Romano, præter consensum, etiam verba inter præfens-

sententia prolata requiruntur *l. 8. ff. l. 12. C. de fidejuss.* consensus tamen quomodocunque declaratus valuit etiam jure prætorio, in vim *constituti l. 1. §. 1. l. 5. §. 2. ff. l. fin. C. de constit. pecun. §. 9. l. de action.* modo ea intentione fuerit datus *l. 1. §. 4. de constit. pecun.* Sed hodie fidejussio & constitutum, pro alio factum, coincidunt, hinc *d. l. 1. §. 4. nullus amplius est usus.* Quod si quis aliquem cum alio contrahere jussit, tum *mandatum* subest *§. 6. in fin. l. de mand. l. fin. §. 1. mand.* quod tamen in effectu, cum fidejussione, hæcenus coincidit *v. l. 41. §. 1. de fidejussor.*

§. 5. Fidejussores accipere possunt omnes creditores, etiam inhabiles, ut pupilli, nam faciunt conditionem meliorem; nisi in specie prohibeantur, ut uxor ratione dotis, à marito repetenda *l. 1. C. ne fidejuss. dot. dent.* HERING. *de fidejuss. c. 6. n. 98. seqq.* etsi alii fidejussionem inter volentes factam, validam putent *v. CARPZ. p. 2. C. 42. D. 17.* Fidejubere autem possunt omnes, qui usu rationis gaudent, liberam rerum suarum habent administrationem nec specialiter prohibentur. Quidam ergo excluduntur per regulam, ut furiosi, pupilli prodigi similesque, alii per exceptionem, ut milites *l. 31. C. de locat. Clerici c. 1. X. de fidejussor. can. 29. c. 11. qu. 1. Nov. 123. c. 6. Curiales l. 30. C. de locat.* (quarum tamen sanctionum hodie nullus videtur esse usus) & fœminæ, ob Scutum Vellejanum *v. HERING de fidejussor c. 7.*

§. 6. Respicit fidejussio obligationem alienam, vel constitutam vel constituendam *l. 6. §. fin. l. 16. pr. de fidejussor.* & nihil refert, si obligatio sit ex contractu *l. 1. 2. §. 1. cod.* siue ex delicto *l. 8. §. 5. cod.* Etiam in criminibus fidejussor intervenire potest, non quidem ad hoc, ut ipse pœnam corporis afflictivam subeat, sed ut, rem in judicio, sisti, caveat ac, eo non comparente, pecuniam promissam exsolvat *l. 1. de custod. reor.* judex tamen non in omnibus criminibus fidejussorem indistincte recipere debet *v. CARPZ. Pr. Crim. p. 3. qu. 112. n. 30. seqq.*

§. 7. Nihil etiam refert, siue sit obligatio mixta, siue naturalis tantum *l. 6. §. f. l. 16. §. 3. de fidejuss.* modo sit plena *l. 7. cod.* nec jure civili reprobata, ut filiisfam. mutuum accipientis *l. 9. §. 3. de Scro Maced.* aut fœminæ intercedentis *l. 16. §. 1. ad Sc. Vellej.* nam his casibus fidejussori exceptio competit, adeoque fidejussio invalida est.

Ejus-

Ejusdem generis est etiam obligatio mere civilis, quam vocant, nam huic etiam fidejussor accedens, valide non obligatur, sed exceptione gaudet *v. l. 14. §. 6. quod met. caus. l. 12. C. de non num. pecun.*

§. 8. Juxta hæc igitur ei, quod ex pacto nudo debetur, poterit accedere fidejussor *l. 6. §. 2. de fidejussor. junct. l. 1. §. 2. de solut.* hoc tamen exemplum hodie cessat. Non minus pro pupillo, sine tutore, contrahente, & locupletiore non facto, fidejussor valide se obligat, nam, ad hunc effectum, ille, ex sententia juris Romani, naturaliter omnino obligatur *l. 127. de V. O.* hinc etiam, in expromissione, pupillus eodem modo obstringitur, ut prior debitor obligationi eximi queat *l. 1. de novat. §. 3. l. quib. mod. toll. oblig.* Illud tamen palam est, quod talis sponzor, proprie non sit fidejussor *l. 6. de V. O.* sed expromissor *l. 25. de fidejuss.* sic textus hos, in quibus componendis alias valde defudant, rectissime forsitan composueris.

§. 9. Ex dictis quoque inferendum, quod pro muliere, sine curatoris consensu, ex legibus provincialibus necessario, contrahente, fidejussor obligetur *CARPZ. p. 2. C. 15. D. 7.* cum enim ejusmodi mulierum contractus, ex rationibus juris civilis, æstimari liceat, argumentum à pupillo desumptum, validum omnino videtur; accedit, quod fidejussio tum demum inefficax sit, si mulieris obligatio plane improbetur *l. 16. §. 1. ad Sc. Vellej.* quod hic factum non est, ubi potius ejus validitas, in præjudicium tertii, ideo quoque admissa videtur, ne alii hujus generis contractibus temere se immisceant, nisi imprudentiæ suæ poenas velint luere. Interim alii aliter sentiunt, ac fidejussionem, pro muliere factam, invalidam pronunciant. *v. D. N. D. GRIBNER. dissert. de fidejussor. mulier. apud Saxon. sine curator. contrah. hab. Lips. 1703.*

§. 10. Cæterum hætenus dicta pertinent ad jus antiquum, juxta quod in arbitrio creditoris erat, fidejussores, etiam ante debitorem, convenire. Sed, postquam beneficium ordinis ipsis fuit datum, illa, nisi me omnia fallunt, sunt sublata, nam debitor naturalis solvere non teneretur, ante eum vero fidejussor conveniri nequit, hinc necessario Creditor nihil accipiet ac omnis fidejussio, obligationi naturali accedens, jure novo, invalida erit, nisi ordinis beneficio fuerit renunciarum. Nec obest, si, *tali fidejussioni renunciationem tacite inesse*, dicas, nam hoc

hoc probari nequit, aut si contendas, *fidejussorem solvere debere, quando debitor nihil prestat*, fidejussoris enim obligatio se saltem exlerit, si debitor non possit, non vero, si non *debeat* solvere.

§. 11. Obligatur fidejussor *accessorie*, hinc non potest obligari in summam majorem l. 8. §. 7. *de fidejussor.* quoad quantitatem tamen concurrentem hodie tenetur CARPZ. p. 2. C. 19. D. 9. arctius vero obstringi potest v. gr. juramento, aut naturaliter & civiliter, sed hoc ultimum exemplum, quod vulgo affertur, incongruum est, nam jure antiquo tenetur ut expromissor, novo vero, plane non est obligatus, ut modo dixi, hinc neutro respectu obligatio fidejussoria adest.

§. 12. Porro exinde sequi videtur, quod fidejussor non obligetur ante debitorem principalem. Sed hoc dubiæ est æstimationis, nec improbabilis est sententia juris antiqui, electionem Creditori concedentis l. 2. §. 5. 17. 23. C. *de fidejussor.* sed prior sententia jure novo Nov. 4. c. 1. confirmata est, hinc fidejussori, ante debitorem principalem convento, datur exceptio *Ordinis* sive *Excussionis*, quæ dilatoria est, si eo tempore, quo excipitur, debitor jam non sit solvendo, peremptoria vero, si tempore objectæ exceptionis, idoneus existat arg. l. 51. §. 1. *de fidejussor.*

§. 13. Plures fidejussores obligantur ut correi debendi l. 3. C. *de fidejuss.* quod hic singulare est, cum alias illa obligandi ratio non adsit, nisi expresse hoc actum sit l. 9. C. *si cert. pet.* l. 9. ff. *auth.* hoc ita C. *de duob. reis.* Datur tamen ipsis exceptio *divisionis* seu ex *epistola D. Hadriani* ut actio dividatur, & à singulis portio virilis exigatur l. 26. *de fidejussor.* l. 3. C. *cod.* quæ itidem dilatoria & peremptoria est, pro diverso confidejussoris statu §. 4. l. *de fidejussor.* l. 51. §. 1. *cod.* Non dividitur autem obligatio ipso jure, sed objecta demum exceptione l. 26. ff. l. 3. C. *de fidejussor.* hinc si unus creditori solidum solvat, ab eo nihil repetit l. 49. §. 1. *in fin. cod. v. l. 1. c. 8. §. 29.*

§. 14. Cessat utrumque beneficium, ordinis & divisionis, si ei renunciatum sit l. p. C. *de pact. v.* CARPZ. p. 2. C. 17. D. 1. *segg.* Præterea posterius etiam deficit ob confidejussoris inidoneitatem l. 26. ff. l. 3. C. *de fidejussor.* quam probare debet creditor, in ea enim se fundat l. 2. *de probat.* quamvis, ante concessum divisionis beneficium, fidejussor idoneitatem confidejussoris probare debuerit, admissa ultro, à

creditore, divisione *l. 10. pr. de fidejuss. v. l. 2. c. 6. §. 15.* Porro cessat obmendacium rei *l. 10. §. 1. de fidejuss.* favorem creditoris *l. 12. in fin. rem pup. salu. for. & qualitatem alterius fidejussoris l. 27. §. f. l. 48. pr. §. 1. de fidejuss.*

§. 15. Fidejussori, integrum soluturo, datur Exceptio *cessionis* sive *cedendarum actionum*, vi cujus exigit à creditore, ut actiones personales & reales, contra debitorem & ceteros fidejussores, competentes, sibi cedat *l. 2. 11. 14. 21. de fidejussor. CARPZ. p. 2. C. 17. D. 22.* Non obstat etiam huic exceptioni renunciatio *CARPZ. d. l. D. 17.* cum enim Creditoris nihil plane interfit, actionesque ei impofterum non amplius pro sint, hinc renunciatio haud seria fuisse censetur *v. l. 2. §. 5. in fin. de aqu. plu. arc.* Est quidem illa exceptio saltem dilatoria, potest tamen in ipso executionis termino opponi, cum antea nondum sit nata *l. 41. §. 1. de fidejussor.* juxta jus strictum, ante solutionem, cessio peti debet *l. 76. de solut.* sed juxta rationem, æquitatem & praxin, etiam post illam recte exigitur, imo, ipsa solutione, actio est emta, & nihil, nisi instrumentorum editio, restat *l. 36. de fidejuss. CARPZ. p. 2. C. 17. D. 16. v. OBSERV. LAUTERB. Obs. 1168. v. suprac. 4. §. 3. 12.*

§. 16. Sicut autem obligatio fidejussoris, ab ejus voluntate, dependet, ita, juxta hujus mensuram, illa est judicanda. Hinc si ad certam summam se obligaverit, ultra illam nihil, nec adeo usuras, debet *l. 68. §. 1. l. 8. §. 7. de fidejussor. CARPZ. p. 2. C. 19. D. 2. OBSERV. LAUTERB. Obs. 1166.* Si autem simpliciter pro aliquo fidejusserit, tum omne id, quod ex natura negotii principalis profluit, tenetur præstare *l. 56. §. 2. de fidejussor. l. 32. §. 2. de usur. CARPZ. p. 2. C. 19. D. 8.* si denique, in omnem causam, se obligaverit, tum ea etiam præstat, quæ ex novis factis dependent *l. 54. pr. locat. l. 5. C. de pact. inter antor.*

§. 17. Hæredes quoque fidejussoris obligantur *l. 4. §. 1. ff. l. 24. C. de fidejussor. l. 12. 49. de O. & A.* licet fidejussor dixerit, se tantum teneri velle *l. 38. pr. de V. O. l. 8. §. 4. de pign. action. l. 7. §. 8. de pact.* modo hæredes expresse non exceperit *v. CARPZ. p. 2. C. 20. D. 1. seqq.* Plures tenentur pro portione hæreditaria *l. 1. C. de heredit. action. l. 1. C. si cert. pet. l. 6. C. fam. ercisc.* hinc si unus, per errorem, solidum solvat, partem à creditore repetere potest *l. 49. §. 1. de fidejussor.*

Cum

Cum igitur nimis molestum sit Creditori, in plures distringi, consilium erit, si à Magistratu divisionem hæreditatis, donec sibi satisfactum sit, inhiberi curet.

§. 18. Ad istas præstationes obtinendas, datur *actio personalis*, creditoribus & hæredibus, adversus fidejussores & hæredes, quæ, *actio ex stipulatu*, vel *condictio certi* dicitur *pr. I. de V. O. l. 24. de R. C. l. 74. 75. de V. O.* hodie *condictio ex moribus* quoque dici poterit. Fidejussori vero, adversus creditorem, ex contractu, nulla datur actio, ne tamen, ex mora Creditoris, damnum sentiat, prospicere, eoque nomine creditorem provocare potest, quo pertinet *Remedium ex l. si contendat 28. de fidejuss.* quod adeo meri juris Romani censi non debet.

§. 19. Spectat autem illud remedium, ad confirmandam divisionis exceptionem, hinc etiam per *modum Exceptionis* proponi dicitur. Nimirum cum fidejussoribus competat beneficium divisionis, quando confidejussores solvendo sunt, ideo, si, isto rerum statu, Creditor neque contra debitorem, neque fidejussores agat, poterit unus, cujus interest exceptionem divisionis sibi conservari, petere, quo Creditor ad exceptionem, sibi jam competentem, respondeat, eoque secuto, exceptio illa ita confirmetur, ut, ejus virtute, contra actionem creditoris, fidejussor imposterum semper tutus sit. Hoc facto Creditor provocatus, vel replicando respondet, vel actionem sibi competentem instituit.

§. 20. Aliquando fidejussor ratam partem solvere paratus est, sed Creditor eam, ex voto illius, acceptare non vult, nec tamen etiam tempestive contra debitorem vel fidejussores agit. Hoc casu peti potest, ut creditor oblatam partem acceptare, actionesque, pro ejus quantitate, cedere, provocantem ex obligatione dimittere, ac, confirmata Divisionis exceptione, residuum vel à debitore, vel cæteris fidejussoribus, petere debeat, quo casu Remedium hoc, per *modum actionis* proponi creditur *v. D. N. D. BARTH. disputat. de negat. contract. unilateral.*

§. 21. Sed forte discrimine illo non opus est, cum provocans exceptionem solutionis consequi, divisionis vero confirmari, intendat, adeoque desiderium suum, etiam hoc casu, per modum exceptionis, proponere videatur.

§. 21. De eo etiam dubitandum non est, quin fidejussor, confirmandæ Ordinis exceptioni, Creditorem provocare queat, cum enim,

debitore idoneo existente ad solvendum non teneatur, ideo, si, hoc casu, creditor moras nectat, provocari omnino potest, quo ad exceptionem respondeat, eoque secuto, exceptio, in securitatem fidejussoris, confirmetur, subest enim eadem æquitatis ratio, ne scilicet ex mora alterius, alter damnum sentiat, & licet tale remedium provocatorium à veteribus JCtis, traditum non sit, attamen hoc æquitati obesse non debet, maximè cum illi, non aliam ob causam siluerint, quam quod olim fidejussoribus beneficium ordinis non competere.

§. 22. Quod fidejussor solvit, id à debitore principali repetere potest, actione mandati, si pro sciente & volente *l. 4. pr. de fidejuss. l. 6. §. 2. l. 18. 10. §. 11. mand.* vel negotiorum gestorum, si pro ignorante solverit *d. l. 4. de fidejuss. l. 20. §. 1. mand.* si vero pro invito fidejussorit & solverit, nullam habet actionem, cum donaverit *l. 40. mand. l. 24. C. de N. G.* Potest etiam actionibus, à creditore cessis, contra debitorem uti *l. 2. C. de fidejuss.* quæ etiam eo casu, quo, pro invito, fidejusserat, efficaces sunt, agit enim ex jure creditoris.

§. 23. Potest autem fidejussor ex suo jure, demum agere, postquam solvit, & quidem sine culpa *l. 10. §. 12. ff. l. 10. C. mand.* quo casu omne id, quod fidejussionis nomine ei abest, adeoque etiam expensas & usuras repetit *l. 32. §. 2. de usur. l. 12. §. 9. mand. l. 19. §. 4. de N. G. c. 2. 3. X. de fidejuss.* non tamen usuras maximas, licet pecuniam solutam, sub maximis usuris, ab alio mutuatus sit, hoc enim damnum suæ imprudentiæ imputet *l. 10. §. 12. l. 29. mand. CARPZ. p. 2. C. 30. D. 16. FRANSK 2. Resol. 10. n. 96. seqq.* Aliquando etiam fidejussor agit, licet nihil solverit *l. 10. §. 13. l. 38. §. 1. ff. l. 10. C. mand. c. f. X. de fidejuss.*

§. 24. A confidejussoribus etiam, ratam partem, actionibus cessis, repetere potest fidejussor solvens *l. 17. 39. ff. l. 11. C. de fidejuss.* quo tamen casu expensas, ante cessionem, factas non consequitur, quia hoc nomine actio Creditori cedenti non competiit *CARPZ. p. 2. C. 17. D. 23.* Ex jure proprio autem, adversus confidejussorem, agere nequit *d. l. 17. 39. ff. l. 11. C. de fidejuss. CARPZ. d. l. D. 15.* Sed hoc ex falsa fuit hypothesi, quam *l. 2. c. 6.* in genere refutavi, hinc, si rationem valere patiamur, omnino etiam propria actione experiri ac expensas quoque cum ratione factas, pro rata recuperare poterit fidejussor *add. OBSERV. LAUTERB. Obs. 1169.*

§. 25. Fidejussio extinguitur (1.) sublata obligatione principali *l. 43. de solut.* non vero subjecto ejus saltem mutato *l. fin. de duob. reis*, si minor obligationi eximatur, fidejussor quoque manet obligatus *l. 13. pr. de minor.* quod tamen hodie non obtinere puto *v. §. 10. h.* (2.) elapso tempore *l. 44. §. 1. de O. & A.* & nihil refert, si simpliciter se obligaverit fidejussor, siue insuper protestatus sit, quod ultra tempus teneri nolit, eadem enim utrobique est ratio, si vero quis ratione summa, per tempus determinandæ, se obstrinxerit, tum semper tenetur *l. 7. locat.* quia pura est fidejussio *v. OBSERV. LAUTERB. Observ. 1170.* (3.) remissione, solutione cæterisque modis usitatis *conf. LAUTERB. C. J. de fidejuss.*

CAPUT XVII. DE CONTRACTU PIGNE- RATITIO.

SUMMARIA.

Pignus constituitur nuda conventionione §. 1.

Et contractus pignoratitio consensuali §. 2.

Hujus causa efficiens, subjectum & materia §. 3. 4.

Obligatio debitoris & creditoris §. 5.

Actio directa §. 6.

Datur debitori adversus creditorem §. 7.

Ad rem cum fructibus recuperandam §. 8.

Ad dolum & culpam præstandam §. 9.

Aliasque præstationes faciendas §. 10. 11.

Actio contraria §. 12.

Datur ad rem tradendam & consequendam indemnitatem §. 13.

Differentia actionis pignoratitiæ & hypothecariæ §. 14.

Contractui pignoratitio accedit pactum antichreticum §. 15.

Et commissorium §. 16.

§. 1.

Pignus varia ratione constitui *l. 3. c. 16. §. 3. 7.* ostensum est. Inprimis, firmandis aliis obligationibus, inter vivos, pignus constituitur, & quidem, pro diversitate rerum oppignorandarum, vel nuda conventionione, vel contractu pignoratitio. Illa est conventio, qua debitor in re, à se possessa, creditori pignus siue hypothecam constituit *l. 17. §. 2. de pact. l. 1. de pigner. action.* De re vel tradenda, vel restituenda, hic nulla est questio, hinc etiam hæc conventio, inter contractus, non consideratur, sed ad jus reale, quod inde

oritur, quodque *l. 3. c. 16.* explicatum est, saltem respicitur. Quod si tamen ex postfacto, Creditor rem in suam recipiat possessionem, tum eadem obtinent, quæ circa contractum pigneratitium.

§. 2. Contractus pigneratius, hodie est *contractus consensualis, de re, in securitatem creditoris, tradenda & oppignoranda, eademque sublato debito, illæso reddenda.* Convenit adeo, cum conventione hypothecæ, quod utrobique solo consensu, negotium perficiatur, sed in eo differt, quod, in conventionem, nulla sit rem tradendi reddendique intentio, sed, in contractu pigneratitio, de utroque agitur: ibi jus pignoris reale, sola conventionem, hic, per traditionem demum, produci-
tur, ibi solum jus reale spectatur, hic vero, præter illud, jus personale, quoad rei restitutionem & traditionem, occurrit, quo respectu, contractus pigneratitius, inter cæteros, etiam locum meretur add.
OBSERVAT. LAUTERB. *Obs. 302. 656.*

§. 3. Perficitur contractus pigneratitius *solo consensu*, rei tamen traditio, ad consummationem, est necessaria, secus ac de jure civili, quo, ad perfectionem, requiritur *l. 1. §. 6. de O. & A. §. fin. l. quib. mod. re contrah. oblig.* de cætero ea est traditionis intentio, ut jus pignoris & possessio naturalis, in accipientem, transferatur *l. 35. §. 1. de pign. act. l. 13. 16. de usurp.* Requirit etiam hic contractus *personas idoneas*, quæ valide se obligare possunt *l. 38. de pign. action. add. l. 11. §. 6. seqq. cod. & materiam habilem l. 9. §. 1. de pign. action. l. 1. §. 2. que res pign. dar.* res tamen inhabilis, quamdiu ejus conditio incognita est, pro habili quoque habetur *arg. l. 10. §. 4. l. 19. de A. R. D.*

§. 4. In specie res mobiles & immobiles huc pertinent, de his tamen frequentius nuda conventio saltem initur *§. 7. l. de action. l. 9. §. 2. de pign. action. l. 238. §. 2. de V. S.* Res quoque usufructuaria potest oppignorari *l. 11. §. 2. de pign. ut & nomen l. 4. C. quis res pign.* si scilicet ejus instrumentum Creditori tradatur, nam aliàs erit nuda conventio. Rem etiam alienam admittit hic contractus quoad certos effectus, tam ratione debitoris *l. 9. §. 4. l. 22. §. 2. de pign. action.* quam creditoris *l. 9. pr. l. 16. §. 1. l. 32. cod. l. 6. C. si alien. res pign. dat.*

§. 5. Inito contractu, debitor ad rem tradendam tenetur, quæ obligatio, juxta hypothesin juris civilis, est incognita. Re tradita, creditor jus reale pignoris consequitur, ex quo *actio hypothecaria* descendit,

dit, quæ pignore, nuda conventione, vel alio actu, constituto, itidem obrinet, de quo *l. 3. c. 16. in genere actum.* Præterea creditor, ad rem reddendam, ac debitor, indemnitate præstandam tenetur, quo respectu, *actio pigneratitia* locum habet, quæ in directam *l. 9. §. 3. 4. 5. de pign. action.* & contrariam *l. 1. §. 2. l. 8. pr. l. 9. pr. l. 16. §. 1. cod.* distinguitur, sed cum hæc hodie, ad pignus etiam consequendum, pertineat, rectius utraque, directa dicitur *v. c. 11. §. 11.*

§. 6. Actio pigneratitia directa, est *personalis, competens debitori & hæredibus, adversus creditorem & hæredes, ad rem oppignoratam, soluto pignoris vinculo, recuperandam.* Oritur ex contractu *§. f. l. quib. mod. re contrah. obl. l. 1. §. 6. de O. & A.* sed non antea vim suam exferit, quam sublato pignoris vinculo *l. 9. §. 3. de pign. action.* Si creditor possessionem hypothecæ ex postfacto consequatur, actio pigneratitia itidem locum habet *v. l. 13. de pign. action. l. 7. de distract. pign. l. 34. de damn. inf.*

§. 7. Datur debitori & hæredibus, adversus creditorem & hæredes *l. 49. de O. & A. l. fin. C. si vend. pign. agat.* non etiam contra tertium possessorem *d. l. fin.* quia est personalis, adeoque nec contra fideiussorem *l. 2. 26. de pignor.* aut creditoris creditorem, cui ille pignus pignori dedit *l. 27. de pign. action.* Potest tamen ab his, res vindicari, vel actionibus cessis *c. 6. X. de pign. l. 40. §. f. de pign. action.* aut aliquando ex proprio contractu descendentes *l. 2. de pign. repeti.*

§. 8. Competit actio, ad res oppignoratas recuperandas *§. f. l. quib. mod. re contr.* licet alienæ fuerint *l. 22. §. 2. de pign. action.* nec potest creditor exceptionem dominii alieni opponere *l. 9. §. 4. de pign. action. l. 12. §. 1. de distr. pign. l. 11. sol. matrim.* bene tamen proprii, si illa evidens sit *l. 31. §. 1. de pos.* Competit etiam, ad fructus perceptos & percipiendos *l. 1. 2. 3. C. de pign. action.* si scilicet res cum pacto antichretico creditori fuerit concessa *v. OBSERV. LAUTERB. Obs. 407.* poterit tamen creditor, ab hoc onere, se liberare, si rem, sub pacto retractus sibi vendi, vel, pro certa pensione, locari curet *v. STRYK in not. ad LAUTERB. de pign. act. lit. O.*

§. 9. Præterea debet etiam Creditor in re oppignorata, dolum & culpam præstare *l. 14. 22. §. f. l. 30. de pign. act. l. 5. 7. C. cod. l. 19. C. de pignor. l. 9. §. 5. de reb. autor. jud. poss. l. 5. §. 2. l. 18. pr. in fin. comm.*

non tamen levissimam l. 13. §. 1. *de pign. action.* ubi pro: *ut legendum, at ex conjectura* NODTII v. HUBER *posuit ad l. quib. mod. re contrah. oblig. n. 50.* nisi aliter conventum sit l. 6. *C. de pign. action.* aut creditor propria autoritate rem occupaverit l. 30. *ff. eod.* De casu fortuito non tenetur creditor l. 5. 6. *C. de pign. action.* l. 13. §. 1. *ff. eod.* l. 19. *C. de pignor.* nisi conventio l. 6. *C. de pign. act.* vel culpa accesserit l. 30. *ff. eod.* quo nomine aliquando repromittendum est l. 15. *eod.*

§. 10. Tenetur autem Creditor, si possit, rem præcisè præstare l. 40. §. f. *de pign. act.* l. 68. *de R. V.* quod hodie inprimis verum est, modo pignus sit solutum v. l. 9. §. 3. l. 24. §. f. *de pign. action.* aliquando etiam, durante pignore, ratione ejus, quod interest, valide agi potest l. fin. *eod.* Quodsi comoda quædam, occasione pignoris, sit consecutus, illa etiam præstare debet l. 13. *pr. l. 22. pr. §. 1. de pign. act.* l. 12. §. 1. *de distract. pign.* Si pignus legitime distractum, & pecunia creditori soluta sit, residuum cum usuris, ob moram vel usum, debitori præstandum l. 6. §. 1. l. 7. *de pign. action.* quæ præstationes, pignore adhuc existente, cessant l. 40. §. fin. *eod.*

§. 11. Si creditor, ex distractione, pecuniam nondum acceperit, nihilominus debitori, ad residuum exsolvendum, obligatus videtur l. fin. *C. de distr. pign.* l. fin. *C. si vend. pign. agat.* nisi hic moræ nimis sit impatiens, tum enim actionis cessionem admittere tenetur l. 24. §. 2. *de pign. act. conf. l. 9. de distr. pign.* Quodsi vero Creditor, in distrahendo pignore, bona fide versatus non sit, tum ad omne interesse tenetur l. 7. *C. de distr. pign.* l. 1. 4. *C. si vend. pign. ag.* quod aliquando etiam cum ipsa re exigitur l. 9. §. fin. *de pign. action.* De cætero actio pigneratitia directa, nullo tempore præscribitur, cum enim debitori supersit dominium, præscriptio juris personalis est inefficax v. OBSERV. LAUTERB. *Obs. 408.*

§. 12. Actio pigneratitia contraria, est *personalis, competens Creditori & hæredibus, adversus debitorem & hæredes, ad rem pignori dandam, ac indemnitatem, ejus nomine, præstandam.* Oritur adeo, sine dubio, etiam ex contractu pigneratitio, præstationes tamen fieri debent, prout indoles negotii successivi id exigit. Quodsi hypothecæ possessio, ex postfacto, ad creditorem pervenerit, ratione indemnitatis, ei quoque hæc actio competit.

§. 13. Da-

§. 13. Datur hæc actio (1.) ad rem pignori dandam, quæ præstatio jure civili incognita est, hodie vero omnino asseri debet v. §. 5. interim non facile actio hoc nomine instituetur (2.) ad indemnitatem consequendam, ob rei qualitatem l. 1. §. 2. l. 9. pr. l. 16. §. 1. l. 32. l. 36. pr. §. 1. de pign. action. damnum, ex re oppignorata, acceptum l. 31. cod. l. 61. §. 1. 3. de furt. ob impensas in eam factas l. 8. pr. §. 1. l. 22. §. f. l. 25. ff. l. 7. C. de pign. action. Præscribitur hæc actio 30. annis, nulla enim ratio adest, ob quam à regula l. 3. C. de præscript. 30. vel 40. ann. discedendum sit.

§. 14. Ex his liquet, actionem pigneratitiam & hypothecariam penitus differre, illa (1.) oritur ex contractu & jure personali, hæc ex jure pignoris reali, per contractum, vel alium modum, constituto (2.) illa versatur circa pignus promissum & solutum, hæc constitutum præsupponit (3.) illa datur debitori & creditori, hæc tantum creditori (4.) illa competit contra creditorem & debitorem, hæc contra quemvis possessorem (5.) illa rem in pignus promissam exigit, ac à nexu pignoris liberatam repetit, præstationesque personales persequitur, hæc rem adhuc oppignoratam vindicat. Aliquando tamen actio hypothecaria, etiam pigneratitia dicitur v. l. 3. §. 3. ad exhib. l. 9. pr. in fin. quib. mod. pign. solv. l. 41. de pign. action. l. 22. de pign. l. 13. pr. de condict. indeb.

§. 15. Pro diversitate rerum oppignorandarum, contractui pigneratitio, duplicis generis pacta adjici solent, vel ut Creditor pignore utatur, vel ut pignus ei cedat, hinc innotuit Pactum antichreticum & commissorium. Illud est conventio, qua, in compensationem usurarum, creditori jus, ex re oppignorata, fructus percipiendi conceditur. Circa quod leges positivæ id observari præcipiunt, ne legitimus usurarum modus facile excedatur, hinc, si rite pactum ineatur, modus ille observandus l. 8. in quib. caus. pign. tac. idem obtinet in conventionem expressa, si fructus sint certi, si vero incerti, modus usurarum exacte non observatur l. 17. C. de usur. BERLICH Dec. 170. CARPZ. p. 2. C. 30. D. 40. 41. BERGER in resolut. ad LAUTERB. C. J. de pign. action.

§. 16. Pactum commissorium est conventio, qua creditori dominium pignoris, pro pecunia debita, si hæc, statuto tempore, non solvatur, conceditur. Quod cum regulis humanitatis adverfetur, nec satis liberum

berum sit, ideo merito illud improbavit lex positiva *l. fin. C. de pact. pign.* De cætero hoc pactum distingvi debet à venditione pignoris, iusto pretio, ex postfacto suscepta *l. 34. de pign. action.* nec non à venditione conditionali seu eventuali, iusto itidem pretio facta *l. fin. de C. E. V. l. 16. §. f. de pignor.* denique à pacto, de re oppignorata, creditori æquo pretio vendenda *l. 1. C. de pact. pign.* nam, omnia hæc negotia valida esse, manifestum est *add. LAUTERB. C. J. de pign. action.*

CAPUT XVIII. DE CONTRACTIBUS EX UNA PARTE IMPLETIS.

SUMMARIA.

- | | |
|---|--|
| <p>Ufus conditionis causa data, causa non secuta §. 1.
Ejus indoles & requisita §. 2.
Datur ob causam non secutam §. 3.
In contractibus nominatis quando repetitio locum habeat §. 4.
In innominatis res repetitur ob præsentiam dantis §. 5.
Et cessationem accipientis §. 6. 7. 8.
Quod hodie non indistincte obtinet §. 9.</p> | <p>Deficiente modo specialiter adjecto, res iure civili & hodierno repeti potest §. 10.
Conditionis huius subjectum §. 11.
Et objectum §. 12.
Oritur illa ex quasi, vel innominato contractu, juxta quorundam sententiam §. 13.
Sed est ipsa actio, quæ ex negotio gesto descendit §. 14.
Concurrit aliquando cum ea, rei vindictio §. 15.</p> |
|---|--|

§. 1.



Ductis, pro instituti ratione, variis contractuum speciebus, superest, ut ea, quæ diversis conventionibus communia sunt, etiam persequamur. Pertinet eo disquisitio de *contractibus aliisque negotiis* (nam hæc conjungere liceat) *ex una parte impletis.* Ex his, sine dubio, ille, qui suum præstitit, alterum quoque, ad implendam fidem, adigere potest, quod, in præcedentibus, hinc inde, satis ostensum est. Præterea verò, de re data, repetenda aliquando quæritur, quo nomine, in jure Romano, prodita est *Condictio causa data, causa non secuta*, de quo nunc in genere dispiciendum.

§. 2. Condictio causa data, causa non secuta, sive ob causam datorum

torum est actio personalis, quæ id, quod ob causam futuram licitam, datum est, causa illa non secuta, repetitur, quæ actio civilis dicitur, & perpetua est arg. l. 3. C. de præscript. 30. vel 40. annor. Quo autem locum habeat, requiritur (1.) ut aliquid datum sit l. 1. 3. 16. ff. de condict. c. d. c. n. f. etiam civiliter l. 4. 10. cod. l. 4. C. de condict. ob caus. dator. l. 24. in fin. de A. A. H. l. 115. de R. J. facta autem exhibita repeti non possunt, hinc ad hæc conditio non pertinet v. VINN. S. Q. l. 1. c. 46. (2.) ob causam futuram l. 52. 65. §. 4. de condict. indeb. l. 17. §. 4. de condit. & demonstr. quæ vel expresse addita est l. 7. C. de condict. ob caus. dat. l. 3. §. 7. in fin. ff. cod. l. 25. C. de transact. vel ex natura negotii intelligitur l. 6. pr. ff. l. 1. C. de condict. ob caus. dat. l. 3. 21. de jur. dot. (3.) licitam l. 1. pr. de condict. c. d. c. n. f. l. 1. §. 1. de condict. ob turp. caus. & (4.) non impletam l. 1. pr. l. 3. §. 2. ff. l. 6. 8. C. de condict. ob c. d. l. 52. de condict. indeb.

§. 3. Causa autem non impletur vel ob cessationem accipientis, vel ob pœnitentiam dantis. Ita vulgo conditionis usum repræsentare solent v. LAUTERB. C. J. de condict. c. d. c. n. f. sed illa docendi ratio inadæquata est, pertinerque tantum ad contractus Romanorum innominatos, cum tamen, etiam intuitu aliorum negotiorum, de usu conditionis nostræ, quæri possit; Quare ut magis adæquate hæc res proponatur, forte non incongrue distinguitur, utrum causa futura, consideretur ut ordinaria contractus præstatio, an ut modus vel conditio, specialiter adjecta.

§. 4. Quoad prius, rursus sunt distingvendi contractus nominati & innominati. Circa illos in genere, ob pœnitentiam dantis, cessat conditio, quoad cessationem verò accipientis, iterum interest, an sint dominii translativi, nec ne. In illis, v. gr. emtione, conditio cessat, licet accipiens promissum non præstet l. 8. C. de C. E. V. l. 14. C. de rescind. vendit. nisi vel specialiter hoc conventum, vel sub conditione res data sit, vel fraus emtoris intervenerit v. c. 3. §. 39. seqq. aut in subsidium, ob inopiam debitoris, res repetenda sit, modo aliorum creditorum jus non obstet. In his vero, v. gr. locatione, repetitio locum habet, si accipiens promissum implere vel nolit, vel non possit l. 15. §. 6. locat. v. c. 6. §. 23.

§. 5. Circa contractus innominatos largior, de jure civili, conditionis nostræ est usus: Habet enim locum ob pœnitentiam dantis l. 3.

creditore, divisione *l. 10. pr. de fidejuss. v. l. 2. c. 6. §. 15.* Porro cessat obmendacium rei *l. 10. §. 1. de fidejuss.* favorem creditoris *l. 12. in fin. rem pup. salv. for. & qualitatem alterius fidejussoris l. 27. §. f. l. 48. pr. §. 1. de fidejuss.*

§. 15. Fidejussori, integrum soluturo, datur Exceptio *cessionis* sive *cedendarum actionum*, vi cujus exigit à creditore, ut actiones personales & reales, contra debitorem & cæteros fidejussores, competentes, sibi cedat *l. 2. 11. 14. 21. de fidejussor. CARPZ. p. 2. C. 17. D. 22.* Non obstat etiam huic exceptioni renunciatio *CARPZ. d. l. D. 17.* cum enim Creditoris nihil plane intersit, actionesque ei imposterum non amplius pro sint, hinc renunciatio haud seria fuisse censetur *v. l. 2. §. 5. in fin. de aqu. plu. arc.* Est quidem illa exceptio saltem dilatoria, potest tamen in ipso executionis termino opponi, cum antea nondum sit nata *l. 41. §. 1. de fidejussor.* juxta jus strictum, ante solutionem, cessio peri debet *l. 76. de solut.* sed juxta rationem, æquitatem & praxin, etiam post illam recte exigitur, imo, ipsa solutione, actio est emta, & nihil, nisi instrumentorum editio, restat *l. 36. de fidejuss. CARPZ. p. 2. C. 17. D. 16. v. OBSERV. LAUTERB. Obs. 1168. v. suprac. 4. §. 3. 12.*

§. 16. Sicut autem obligatio fidejussoris, ab ejus voluntate, dependet, ita, juxta hujus mensuram, illa est judicanda. Hinc si ad certam summam se obligaverit, ultra illam nihil, nec adeo usuras, debet *l. 68. §. 1. l. 8. §. 7. de fidejussor. CARPZ. p. 2. C. 19. D. 2. OBSERV. LAUTERB. Obs. 1166.* Si autem simpliciter pro aliquo fidejusserit, tum omne id, quod ex natura negotii principalis profluit, tenetur præstare *l. 56. §. 2. de fidejussor. l. 32. §. 2. de usur. CARPZ. p. 2. C. 19. D. 8.* si denique, in omnem causam, se obligaverit, tum ea etiam præstat, quæ ex novis factis dependent *l. 54. pr. locat. l. 5. C. de pact. inter emptor.*

§. 17. Hæredes quoque fidejussoris obligantur *l. 4. §. 1. ff. l. 24. C. de fidejussor. l. 12. 49. de O. & A.* licet fidejussor dixerit, se tantum teneri velle *l. 38. pr. de V. O. l. 8. §. 4. de pign. action. l. 7. §. 8. de pact. modo hæredes expresse non exceperit v. CARPZ. p. 2. C. 20. D. 1. seqq.* Plures tenentur pro portione hæreditaria *l. 1. C. de hæredit. action. l. 1. C. si cert. pet. l. 6. C. fam. erisc.* hinc si unus, per errorem, solidum solvat, partem à creditore repetere potest *l. 49. §. 1. de fidejussor.*

Cum

Cum igitur nimis molestum sit Creditori, in plures distringi, consultum erit, si à Magistratu divisionem hæreditatis, donec sibi satisfactum sit, inhiberi curet.

§. 18. Ad istas præstationes obtinendas, datur *actio personalis*, creditori & hæredibus, adversus fidejussōres & hæredes, quæ, *actio ex stipulatu*, vel *conditio certi* dicitur *pr. I. de V. O. l. 24. de R. C. l. 74. 75. de V. O. hodie conditio ex moribus* quoque dici poterit. Fidejussori vero, adversus creditorem, ex contractu, nulla datur actio, ne tamen, ex mora Creditoris, damnum sentiat, prospicere, eoque nomine creditorem provocare potest, quo pertinet *Remedium ex l. si contendat 28. de fidejuss.* quod adeo meri juris Romani censi non debet.

§. 19. Spectat autem illud remedium, ad confirmandam divisionis exceptionem, hinc etiam per *modum Exceptionis* proponi dicitur. Nimirum cum fidejussoribus competat beneficium divisionis, quando confidejussores solvendo sunt, ideo, si, isto rerum statu, Creditor neque contra debitorem, neque fidejussōres agat, poterit unus, cujus interest exceptionem divisionis sibi conservari, petere, quo Creditor ad exceptionem, sibi jam competentem, respondeat, eoque secuto, exceptio illa ita confirmetur, ut, ejus virtute, contra actionem creditoris, fidejussor imposterum semper tutus sit. Hoc facto Creditor provocatus, vel replicando respondet, vel actionem sibi competentem instituit.

§. 20. Aliquando fidejussor ratam partem solvere paratus est, sed Creditor eam, ex voto illius, acceptare non vult, nec tamen etiam tempestive contra debitorem vel fidejussōres agit. Hoc casu peti potest, ut creditor oblatam partem acceptare, actionesque, pro ejus quantitate, cedere, provocantem ex obligatione dimittere, ac, confirmata Divisionis exceptione, residuum vel à debitore, vel cæteris fidejussoribus, petere debeat, quo casu Remedium hoc, per *modum actionis* proponi creditur *v. DN. D. BARTH. disputat. de negat. contract. unilateral.* §. 5. Sed forte discrimine illo non opus est, cum provocans exceptionem solutionis consequi, divisionis vero confirmari, intendat, adeoque desiderium suum, etiam hoc casu, per modum exceptionis, proponere videatur.

§. 21. De eo etiam dubitandum non est, quin fidejussor, confirmandæ Ordinis exceptioni, Creditorem provocare queat, cum enim, debi-

debitore idoneo existente ad solvendum non teneatur, ideo, si, hoc casu, creditor moras neccat, provocari omnino potest, quo ad exceptionem respondeat, eoque secuto, exceptio, in securitatem fidejussoris, confirmetur, subest enim eadem æquitatis ratio, ne scilicet ex mora alterius, alter damnum sentiat, & licet tale remedium provocatorum à veteribus Jctis, traditum non sit, attamen hoc æquitati obesse non debet, maximè cum illi, non aliam ob causam siluerint, quam quod olim fidejussoribus beneficium ordinis non competeret.

§. 22. Quod fidejussor solvit, id à debitore principali repetere potest, actione mandati, si pro sciente & volente *l. 4. pr. de fidejuss. l. 6. §. 2. l. 18. 10. §. 11. mand.* vel negotiorum gestorum, si pro ignorante solverit *d. l. 4. de fidejuss. l. 20. §. 1. mand.* si vero pro invito fidejussor sit & solverit, nullam habet actionem, cum donaverit *l. 40. mand. l. 24. C. de N. G.* Potest etiam actionibus, à creditore cessis, contra debitorem uti *l. 2. C. de fidejuss.* quæ etiam eo casu, quo, pro invito, fidejussor erat, efficaces sunt, agit enim ex jure creditoris.

§. 23. Potest autem fidejussor ex suo jure, demum agere, postquam solvit, & quidem sine culpa *l. 10. §. 12. ff. l. 10. C. mand.* quo casu omne id, quod fidejussionis nomine ei abest, adeoque etiam expensas & usuras repetit *l. 32. §. 2. de usur. l. 12. §. 9. mand. l. 19. §. 4. de N. G. c. 2. 3. X. de fidejuss.* non tamen usuras maximas, licet pecuniam solutam, sub maximis usuris, ab alio mutuatus sit, hoc enim damnum suæ imprudentiæ imputet *l. 10. §. 12. l. 29. mand. CARPZ. p. 2. C. 30. D. 16. FRANSK 2. Resol. 10. n. 96. seqq.* Aliquando etiam fidejussor agit, licet nihil solverit *l. 10. §. 13. l. 38. §. 1. ff. l. 10. C. mand. c. f. X. de fidejuss.*

§. 24. A confidejussoribus etiam, ratam partem, actionibus cessis, repetere potest fidejussor solvens *l. 17. 39. ff. l. 11. C. de fidejuss.* quo tamen casu expensas, ante cessionem, factas non consequitur, quia hoc nomine actio Creditori cedenti non competit *CARPZ. p. 2. C. 17. D. 23.* Ex jure proprio autem, adversus confidejussorem, agere nequit *d. l. 17. 39. ff. l. 11. C. de fidejuss. CARPZ. d. l. D. 15.* Sed hoc ex falsa fuit hypothesi, quam *l. 2. c. 6.* in genere refutavi, hinc, si rationem valere patiamur, omnino etiam propria actione experiri ac expensas quoque cum ratione factas, pro rata recuperare poterit fidejussor *add. OBSERV. LAUTERB. Obs. 1169.*

§. 25. Fidejussio extinguitur (1.) sublata obligatione principali *l. 43. de solut.* non vero subiecto ejus saltem mutato *l. fin. de duob. reis*, si minor obligationi eximatur, fidejussor quoque manet obligatus *l. 13. pr. de minor.* quod tamen hodie non obtinere puto *v. §. 10. h.* (2.) elapso tempore *l. 44. §. 1. de O. & A.* & nihil refert, si simpliciter se obligaverit fidejussor, si ve in super protestatus sit, quod ultra tempus teneri nolit, eadem enim utrobique est ratio, si vero quis ratione summæ, per tempus determinandæ, se obstrinxerit, tum semper tenetur *l. 7. locat.* quia pura est fidejussio *v. OBSERV. LAUTERB. Observ. 1170.* (3.) remissione, solutione cæterisque modis usitatis *conf. LAUTERB. C. J. de fidejuss.*

CAPUT XVII. DE CONTRACTU PIGNE- RATITIO.

SUMMARIA.

Pignus constituitur nuda conventionione §. 1.

Et contractus pignoratitio consensuali §. 2.

Hujus causa efficiens, subiectum & materia §. 3-4.

Obligatio debitoris & creditoris §. 5.

Actio directa §. 6.

Datur debitori adversus creditorem §. 7.

Ad rem cum fructibus recuperandam §. 8.

Ac dolum & culpam præstandam §. 9.

Aliasque præstationes faciendas §. 10-11.

Actio contraria §. 12.

Datur ad rem tradendam & consequendam indemnitatem §. 13.

Differentia actionis pignoratitiæ & hypothecariæ §. 14.

Contractui pignoratitio accedit pactum antichreticum §. 15.

Et commissorium §. 16.

§. 1.



Pignus varia ratione constitui *l. 3. c. 16. §. 3. 7.* ostensum est. Inprimis, firmandis aliis obligationibus, inter vivos, pignus constituitur, & quidem, pro diversitate rerum oppignorandarum, vel nuda conventionione, vel contractui pignoratitio. Illa est conventio, qua debitor in re, à se possessa, creditori pignus sive hypothecam constituit *l. 17. §. 2. de pact. l. 1. de pignor. action.* De re vel tradenda, vel restituenda, hic nulla est quæstio, hinc etiam hæc conventio, inter contractus, non consideratur, sed ad jus reale, quod inde

Yyy 3

ori-

oritur, quodque l. 3. c. 16. explicatum est, saltem respicitur. Quod si tamen ex postfacto, Creditor rem in suam recipiat possessionem, cum eadem obtinent, quæ circa contractum pigneratitium.

§. 2. Contractus pigneratius, hodie est *contractus consensualis, de re, in securitatem creditoris, tradenda & oppignoranda, eademque sublato debito, illesa reddenda*. Convenit adeo, cum conventione hypothecæ, quod utrobique solo consensu, negotium perficiatur, sed in eo differt, quod, in conventionem, nulla sit rem tradendi reddendique intentio, sed, in contractu pigneratitio, de utroque agitur: ibi jus pignoris reale, sola conventionem, hic, per traditionem demum, produci-
tur, ibi solum jus reale spectatur, hic vero, præter illud, jus personale, quoad rei restitutionem & traditionem, occurrit, quo respectu, contractus pigneratitius, inter cæteros, etiam locum meretur add.
OBSERVAT. LAUTERB. Obs. 302. 656.

§. 3. Perficitur contractus pigneratitius *solo consensu*, rei tamen traditio, ad consummationem, est necessaria, secus ac de jure civili, quo, ad perfectionem, requiritur l. 1. §. 6. de O. & A. §. fin. I. quib. mod. re contrah. oblig. de cætero ea est traditionis intentio, ut jus pignoris & possessio naturalis, in accipientem, transferatur l. 35. §. 1. de pign. act. l. 13. 16. de usurp. Requirit etiam hic contractus *personas idoneas*, quæ valide se obligare possunt l. 38. de pign. action. add. l. 11. §. 6. seqq. cod. & materiam habilem l. 9. §. 1. de pign. action. l. 1. §. 2. que res pign. dar. res tamen inhabilis, quamdiu ejus conditio incognita est, pro habili quoque habetur arg. l. 10. §. 4. l. 19. de A. R. D.

§. 4. In specie res mobiles & immobiles huc pertinent, de his tamen frequentius nuda conventio saltem initur §. 7. I. de action. l. 9. §. 2. de pign. action. l. 238. §. 2. de V. S. Res quoque usufructuaria potest oppignorari l. 11. §. 2. de pign. ut & nomen l. 4. C. quis res pign. si scilicet ejus instrumentum Creditori tradatur, nam aliàs erit nuda conventio. Rem etiam alienam admittit hic contractus quoad certos effectus, tam ratione debitoris l. 9. §. 4. l. 22. §. 2. de pign. action. quam creditoris l. 9. pr. l. 16. §. 1. l. 32. cod. l. 6. C. si alien. res pign. dat.

§. 5. Initio contractus, debitor ad rem tradendam tenetur, quæ obligatio, juxta hypothesein juris civilis, est incognita. Re tradita, creditor jus reale pignoris consequitur, ex quo actio hypothecaria descendit,

dit, quæ pignore, nuda conventionē, vel alio actū, constituto, itidem obrinet, de quo *l. 3. c. 16. in genere actum*. Præterea creditor, ad rem reddendam, ac debitor, indemnitatē præstandam tenetur, quo respectu, *actio pigneratitia* locum habet, quæ in directam *l. 9. §. 3. 4. 5. de pign. action.* & contrariam *l. 1. §. 2. l. 8. pr. l. 9. pr. l. 16. §. 1. cod.* distingvitur, sed cum hæc hodie, ad pignus etiam consequendum, pertineat, rectius utraque, directā dicitur *v. c. 11. §. 11.*

§. 6. Actio pigneratitia directā, est *personalis, competens debitori & hæredibus, adversus creditorem & hæredes, ad rem oppignoratā, soluto pignoris vinculo, recuperandā*. Oritur ex contractu *§. f. l. quib. mod. re contrah. obl. l. 1. §. 6. de O. & A.* sed non antea vim suam exferit, quam sublato pignoris vinculo *l. 9. §. 3. de pign. action.* Si creditor possessionem hypothecæ ex postfacto consequatur, actio pigneratitia itidem locum habet *v. l. 13. de pign. action. l. 7. de distract. pign. l. 34. de damn. inf.*

§. 7. Datur debitori & hæredibus, adversus creditorem & hæredes *l. 49. de O. & A. l. fin. C. si vend. pign. agat.* non etiam contra tertium possessorem *d. l. fin.* quia est personalis, adeoque nec contra fideiussorem *l. 2. 26. de pignor.* aut creditoris creditorem, cui ille pignus pignori dedit *l. 27. de pign. action.* Potest tamen ab his, res vindicari, vel actionibus cessare *c. 6. X. de pign. l. 40. §. f. de pign. action.* aut aliquando ex proprio contractu descendantibus *l. 2. de pign. repeti.*

§. 8. Competit actio, ad res oppignoratas recuperandas *§. f. l. quib. mod. re contr.* licet alienæ fuerint *l. 22. §. 2. de pign. action.* nec potest creditor exceptionem dominii alieni opponere *l. 9. §. 4. de pign. action. l. 12. §. 1. de distr. pign. l. 11. sol. matrim.* bene tamen proprii, si illa evidens sit *l. 31. §. 1. de pos.* Competit etiam ad fructus perceptos & percipiendos *l. 1. 2. 3. C. de pign. action.* si scilicet res cum pacto antichretico creditori fuerit concessa *v. OBSERV. LAUTERB. Obs. 407.* poterit tamen creditor, ab hoc onere, se liberare, si rem, sub pacto retractus sibi vendi, vel, pro certa pensione, locari curet *v. STRYK in not. ad LAUTERB. de pign. act. lit. O.*

§. 9. Præterea debet etiam Creditor in re oppignorata, dolum & culpam præstare *l. 14. 22. §. f. l. 30. de pign. act. l. 5. 7. C. cod. l. 19. C. de pignor. l. 9. §. 5. de reb. autor. jud. poss. l. 5. §. 2. l. 18. pr. in fin. comm.*
non

non tamen levissimam *l. 13. §. 1. de pign. action.* ubi pro: ut legendum, at ex conjectura NODTII v. HUBER positi ad *l. quib. mod. re contrah. oblig. n. 50.* nisi aliter conventum sit *l. 6. C. de pign. action.* aut creditor propria autoritate rem occupaverit *l. 30. ff. cod.* De casu fortuito non tenetur creditor *l. 5. 6. C. de pign. action. l. 13. §. 1. ff. cod. l. 19. C. de pignor.* nisi conventio *l. 6. C. de pign. act.* vel culpa accesserit *l. 30. ff. cod.* quo nomine aliquando repromittendum est *l. 15. cod.*

§. 10. Tenetur autem Creditor, si possit, rem præcise præstare *l. 40. §. f. de pign. act. l. 68. de R. V.* quod hodie inprimis verum est, modo pignus sit solutum v. *l. 9. §. 3. l. 24. §. f. de pign. action.* aliquando etiam, durante pignore, ratione ejus, quod interest, valide agi potest *l. fin. cod.* Quodsi commoda quædam, occasione pignoris, sit consecutus, illa etiam præstare debet *l. 13. pr. l. 22. pr. §. 1. de pign. act. l. 12. §. 1. de distract. pign.* Si pignus legitime distractum, & pecunia creditori soluta sit, residuum cum usuris, ob moram vel usum, debitori præstandum *l. 6. §. 1. l. 7. de pign. action.* quæ præstationes, pignore adhuc existente, cessant *l. 40. §. fin. cod.*

§. 11. Si creditor, ex distractione, pecuniam nondum acceperit, nihilominus debitori, ad residuum exsolvendum, obligatus videtur *l. fin. C. de distr. pign. l. fin. C. si vend. pign. agat.* nisi hic moræ nimis sit impatiens, tum enim actionis cessionem admittere tenetur *l. 24. §. 2. de pign. act. conf. l. 9. de distr. pign.* Quodsi vero Creditor, in distrahendo pignore, bona fide versatus non sit, tum ad omne interesse tenetur *l. 7. C. de distr. pign. l. 1. 4. C. si vend. pign. ag.* quod aliquando etiam cum ipsa re exigitur *l. 9. §. fin. de pign. action.* De cætero actio pigneratitia directa, nullo tempore præscribitur, cum enim debitori supersit dominium, præscriptio juris personalis est inefficax v. OBSERV. LAUTERB. Obs. 408.

§. 12. Actio pigneratitia contraria, est *personalis, competens Creditori & hæredibus, adversus debitorem & hæredes, ad rem pignori dandam, ac indemnitatem, ejus nomine, præstandam.* Oritur adeo, sine dubio, etiam ex contractu pigneratitio, præstationes tamen fieri debent, prout indoles negotii successivi id exigit. Quodsi hypothecæ possessio, ex postfacto, ad creditorem pervenerit, ratione indemnitis, ei quoque hæc actio competit.

§. 13. Datur hæc actio (1.) ad rem pignori dandam, quæ præstatio jure civili incognita est, hodie vero omnino asserti debet v. §. 5. interim non facile actio hoc nomine instituetur (2.) ad indemnitatem consequendam, ob rei qualitatem l. 1. §. 2. l. 9. pr. l. 16. §. 1. l. 32. l. 36. pr. §. 1. de pign. action. damnum, ex re oppignorata, acceptum l. 31. cod. l. 61. §. 1. 3. de furt. ob impensas in eam factas l. 8. pr. §. 1. l. 22. §. f. l. 25. ff. l. 7. C. de pign. action. Præscribitur hæc actio 30. annis, nulla enim ratio adest, ob quam à regula l. 3. C. de præscript. 30. vel 40. ann. discedendum sit.

§. 14. Ex his liquet, actionem pigneratitiam & hypothecariam penitus differre, illa (1.) oritur ex contractu & jure personali, hæc ex jure pignoris reali, per contractum, vel alium modum, constituto (2.) illa versatur circa pignus promissum & solutum, hæc constitutum præsupponit (3.) illa datur debitori & creditori, hæc tantum creditori (4.) illa competit contra creditorem & debitorem, hæc contra quemvis possessorem (5.) illa resti in pignus promissam exigit, ac à nexu pignoris liberatam repetit, præstationesque personales persequitur, hæc rem adhuc oppignoratam vindicat. Aliquando tamen actio hypothecaria, etiam pigneratitia dicitur v. l. 3. §. 3. ad exhib. l. 9. pr. in fin. quib. mod. pign. solv. l. 41. de pign. action. l. 22. de pign. l. 13. pr. de condict. indeb.

§. 15. Pro diversitate rerum oppignorandarum, contractui pigneratitio, duplicis generis pacta adjici solent, vel ut Creditor pignore utatur, vel ut pignus ei cedat, hinc innotuit Pactum *antichreticum* & *commissorium*. Illud est conventio, qua, in compensationem usurarium, creditori jus, ex re oppignorata, fructus percipiendi conceditur. Circa quod leges positivæ id observari præcipiunt, ne legitimus usurarum modus facile excedatur, hinc, si tacite pactum ineatur, modus ille observandus l. 8. in quib. caus. pign. tac. idem obtinet in conventionem expressa, si fructus sint certi, si vero incerti, modus usurarum exacte non observatur l. 17. C. de usur. BERLICH Dec. 170. CARPZ. p. 2. C. 30. D. 40. 41. BERGER in resolut. ad LAUTERB. C. J. de pign. action.

§. 16. Pactum commissorium est conventio, qua creditori dominium pignoris, pro pecunia debita, si hæc, statuto tempore, non solvatur, conceditur. Quod cum regulis humanitatis adverfetur, nec satis li-

berum sit, ideo merito illud improbavit lex positiva *l. fin. C. de pact. pign.* De cetero hoc pactum distingvi debet à venditione pignoris, iusto pretio, ex postfacto suscepta *l. 34. de pign. action.* nec non à venditione condicionali seu eventuali, iusto itidem pretio facta *l. fin. de C. E. V. l. 16. §. f. de pignor.* denique à pacto, de re oppignorata, creditori æquo pretio vendenda *l. 1. C. de pact. pign.* nam, omnia hæc negotia valida esse, manifestum est *add. LAUTERB. C. J. de pign. action.*

CAPUT XVIII. DE CONTRACTIBUS EX UNA PARTE IMPLETIS.

SUMMARIA.

<p>¶ <i>ius conditionis causa data, causa non secuta</i> §. 1. <i>Ejus indoles & requisita</i> §. 2. <i>Datur ob causam non secutam</i> §. 3. <i>In contractibus nominatis quando repetitio locum habeat</i> §. 4. <i>In innominatis res repetitur ob penitentiam dantis</i> §. 5. <i>Et cessationem accipientis</i> §. 6. 7. 8. <i>Quod hodie non indistincte obtinet</i> §. 9.</p>	<p>Deficiente modo specialiter adjecto, res iure civili & hodierno repeti potest §. 10. <i>Conditionis huius subiectum</i> §. 11. <i>Et obiectum</i> §. 12. <i>Oritur illa ex quasi, vel innominato contractu, juxta quorundam sententiam</i> §. 13. <i>Sed est ipsa actio, quæ ex negotio gesto descendit</i> §. 14. <i>Concurrit aliquando cum ea, rei vindicatio</i> §. 15.</p>
--	---

§. 1.



Deductis, pro instituti ratione, variis contractuum speciebus, superest, ut ea, quæ diversis conventionibus communia sunt, etiam persequamur. Pertinet eo disquisitio de *contractibus aliisque negotiis* (nam hæc conjungere liceat) *ex una parte impletis.* Ex his, sine dubio, ille, qui suum præstitit, alterum quoque, ad implendam fidem, adigere potest, quod, in præcedentibus, hinc inde, satis ostensum est. Præterea verò, de re data, repetenda aliquando quæritur, quo nomine, in jure Romano, prodita est *Condictio causa data, causa non secuta*, de quo nunc in genere dispiciendum.

§. 2. *Condictio causa data, causa non secuta, sive ob causam datorum*

torum est actio personalis, quæ id, quod ob causam futuram licitam, datum est, causa illa non secuta, repetitur, quæ actio civilis dicitur, & perpetua est arg. l. 3. C. de præscript. 30. vel 40. annor. Quo autem locum habeat, requiritur (1.) ut aliquid datum sit l. 1. 3. 16. ff. de condit. c. d. c. n. f. etiam civiliter l. 4. 10. eod. l. 4. C. de condit. ob caus. dator. l. 24. in fin. de A. A. H. l. 115. de R. J. facta autem exhibita repeti non possunt. hinc ad hæc conditio non pertinet v. VINN. S. Q. l. 1. c. 46. (2.) ob causam futuram l. 52. 65. §. 4. de condit. indeb. l. 17. §. 4. de condit. & demonstr. quæ vel expresse addita est l. 7. C. de condit. ob caus. dat. l. 3. §. 7. in fin. ff. eod. l. 25. C. de transact. vel ex natura negotii intelligitur l. 6. pr. ff. l. 1. C. de condit. ob caus. dat. l. 3. 21. de jur. dot. (3.) licitam l. 1. pr. de condit. c. d. c. n. f. l. 1. §. 1. de condit. ob turp. caus. & (4.) non impletam l. 1. pr. l. 3. §. 2. ff. l. 6. 8. C. de condit. ob c. d. l. 52. de condit. indeb.

§. 3. Causa autem non impletur vel ob cessationem accipientis, vel ob pœnitentiam dantis. Ita vulgo conditionis usum repræsentare solent v. LAUTERB. C. J. de condit. c. d. c. n. f. sed illa docendi ratio inadæquata est, pertinetque tantum ad contractus Romanorum innominatos, cum tamen, etiam intuitu aliorum negotiorum, de usu conditionis nostræ, quæri possit; Quare ut magis adæquate hæc res proponatur, forte non incongrue distinguitur, utrum causa futura, consideretur ut ordinaria contractus præstatio, an ut modus vel conditio, specialiter adjecta.

§. 4. Quoad prius, rursus sunt distinguendi contractus nominati & innominati. Circa illos in genere, ob pœnitentiam dantis, cessat conditio, quoad cessationem verò accipientis, iterum interest, an sint domini translativi, nec ne. In illis, v. gr. emtione, conditio cessat, licet accipiens promissum non præstet l. 8. C. de C. E. V. l. 14. C. de rescind. vendit. nisi vel specialiter hoc conventum, vel sub conditione res data sit, vel fraus emtoris intervenerit v. c. 3. §. 39. seqq. aut in subsidium, ob inopiam debitoris, res repetenda sit, modo aliorum creditorum jus non obstet. In his vero, v. gr. locatione, repetitio locum habet, si accipiens promissum implere vel nolit, vel non possit l. 15. §. 6. locat. v. c. 6. §. 23.

§. 5. Circa contractus innominatos largior, de jure civili, condictionis nostræ est usus: Habet enim locum ob pœnitentiam dantis l. 3.

§. 2. 3. *l. 5. pr. §. seqq. de condit. c. d. c. n. f. l. 5. §. 1. de P. V.* licet accipiens promissum implere paratus sit *d. ll.* Cessat tamen pœnitentia, si, litis tollendæ causa, aliquid datum sit *l. 39. C. de transact.* vel res promissa, sine culpa accipientis, perierit *l. 5. §. 1. in fin. de P. V. l. 10. C. de condit. ob caus. dator. v. OBSERV. LAUTERB. Obs. 644.* aut negotium pro contractu innominato haberi non possit *l. 8. de condit. c. d. c. n. f.*

§. 6. Porro datur etiam conditio ob *cessationem accipientis*, circa hoc tamen varie distingvendum est. Si (1.) promissum implere nolit, locum habet conditio *l. 3. §. 2. de condit. c. d. c. n. f.* si vero (2.) non possit, ob legis, actum alias licitum annullantis, prohibitionem, tum itidem obtinet *l. 1. r. C. eod.* si (3.) ob impossibilitatem, quæ ab initio idem, etiam repetitio fieri potest *l. 3. §. 5. ff. eod.* nisi danseam sciverit, tum enim rem censetur donasse *l. 8. C. eod.* quæ duplex decisio proxime relata, etiam ad contractus nominatos pertinet, nam negotium, duobus istis casibus, est nullum, adeoque repetitio merito obtinet, nisi donatio accesserit.

§. 7. Ulterius si (4.) ex post facto causa fiat impossibilis, & quidem voluntate dantis, repetitio cessat *v. l. 2. ff. de condit. c. d. c. n. f. l. 15. C. de donat. ant. nupt.* nam si ille censetur donare, qui impossibilitatem scit, multo magis donatio asserenda videtur in eo, qui eam procurat. Si vero (5.) voluntate & culpa accipientis, repetitio locum habet *l. 3. §. 3. l. 5. §. fin. de condit. c. d. c. n. f. l. 10. 11. C. eod.* si denique (6.) casu fortuito impossibilitas superveniat, & causa consistat in dando, repetitio cessat *l. 5. §. 1. de P. V. l. p. C. de condit. ob caus. dat.* nam res promissa, jacet periculo dantis *v. §. 5. b.* quod si autem, spe futuræ conventionis, per anticipationem, res data sit, ac res sperata casu perierit, illa repeti potest *l. fin. de condit. c. d. c. n. f.* res enim periit suo domino *v. OBSERV. LAUTERB. Obs. 349.*

§. 8. Quod si (7.) causa consistat in faciendo, tum interest, utrum factum respiciat certum objectum v. gr. servum manumittere, an indefinitum sit, v. gr. Capuam ire: Illo casu, objecto, sine promissoris culpa, sublato, repetitio cessat *l. 3. §. 3. 4. l. 5. §. 2. de condit. c. d. c. n. f. l. pen. C. eod.* nam hic etiam res periculo dantis & creditoris jacuit, perinde ut in casu præcedente, de quo n. 6. Hoc vero, repetitio locum

locum habet, si promissor, casu impeditus, factum præstare nequeat *l. 5. pr. cod.* nam eadem hic est ratio, quæ in locatione & conductione, de qua *§. 4. in fin.* dictum v. OBSERV. LAUTERB. *Obs. 350.*

§. 9. In hunc fere modum, de contractibus innominatis, jure Romano, pronunciandum est. Verum cum illi hodie etiam consensualis sint, ut alibi ostensum, igitur, quoad repetitionem rei datæ, idem jus erit, quod in contractibus nominatis consensualibus. Quare, ob pœnitentiam, repetitio cessat, nec obtrinent dicta *§. 5.* quatenus facultatem pœnitendi asserunt. Porro cessat regulariter repetitio, in casu *§. 6. n. 1.* ut & *§. 7. n. 5.* Cætera manent, cum in contractibus nominatis, illa etiam locum inveniant v. *c. 1. §. 12. seqq. c. 14. §. 10. 11. 13. 15.*

§. 10. Quod si causa, ut modus, vel conditio, specialiter adjecta, spectetur v. *§. 3.* E. gr. si, certæ rei contemplatione, fundus exiguo pretio alteri vendatur *l. 6. C. de pact. inter emtor. & vendit.* aut dos, spe futuri matrimonii, numeretur *l. 6. pr. ff. l. 1. C. de condict. c. d. c. n. f.* vel pecunia falso procuratori, ut ratihabitionem domini impetret, solvatur *l. 14. ff. cod.* aut sub modo aliquid donetur *l. 1. C. de donat. que sub mod.* vel legeretur *l. 17. §. 4. de condit. & demonstr. l. 19. de Legat. 3.* Hisce casibus ne quidem de jure civili, ob pœnitentiam res repeti poterit, bene tamen ob cessationem accipientis *l. 8. C. de condict. ob caus. dat.* nisi modus pro impleto habeatur *l. 1. C. de donat. que sub mod.* quæ hodie quoque obtinere videntur add. OBSERV. LAUTERB. *Obs. 557.*

§. 11. Datur autem conditio causa data, causa non secuta, in casibus habilibus danti & hæredibus *l. 2. 3. C. de condict. ob caus. dat.* Hi tamen ex propria pœnitentia rem repetere nequeunt *l. 3. de serv. export. l. 32. §. 2. de donat. inter V. & U. l. 4. locat.* quæ quæstio hodie supervacua est v. *§. 9. h.* Competit contra illos, qui rem acceperunt, & hæredes *l. 8. C. de condict. ob caus. dator.* sed non contra successores singulares *l. 4. C. de rer. permut.* hinc nec in concursu Creditorum repetitioni locus est.

§. 12. Persequitur hæc actio omnis generis res, mobiles & immobiles *l. 1. §. 1. l. 7. §. 1. de condict. c. d. c. n. f.* naturaliter vel civiliter datas *l. 4. 10. ff. l. 4. C. cod.* ut & fructus *l. 7. §. 1. l. 12. cod.* etiam ante litem contestatam perceptos *l. 38. §. 1. 7. de usur. l. 31. pr. de R. C.* quod

hodie inprimis verum erit, exceptis tamen fructibus, bona fide consummatis: sed non usuras *l. 24. de P.V. l. 3. C. de usur. l. 1. C. de condit. indeb. l. 4. C. de condit. ob. turp. caus.* Cæterum uti hoc ultimum ex eo deducitur, quod conditio hæc, sit actio stricti juris, quod tamen non satis liquidum, ita hodie, usuras ob moram quoque esse solvendas, plane arbitror *v. R. I. 1600. §. so viel nun 139. R. I. 1654. §. anreichend 174. v. STRYK in not. ad LAUTERB. de condit. ob turp. caus. OBSERV. LAUTERB. Obs. 312. 357.*

§. 13. Ex his intelligi poterit, ex quo fundamento, conditio causa data, causa non secuta, oriatur. Vulgo eam, ex quasi contractu, qui contractus innominatos comitetur, ac ex æquitate præsumendus sic *l. 3. §. 7. de condit. c. d. c. n. f. l. 65. §. 4. de condit. indeb. l. 13. §. f. commod. repetunt v. STRUV. S. J. C. exerc. 18. §. 4. LAUTERB. C. J. de condit. caus. dat. lit. C.* Sed uti doctrina illa particularis est, ita alii, ne quidem intuitu contractum innominatorum, quasi contractum admittunt, sed ex ipso potius contractu innominato, conditionem deducunt *HUBER in posit. ad ff. de condit. caus. dat. n. 4.*

§. 14. Ego, ut alibi, ita ne hic, figmento quasi contractus opus esse arbitror, cum ex ipso negotio, intuitu cujus, de repetitione queritur, conditio nostra descendat. Imo, si rem recte expendamus, illa nihil aliud est, quam ipsa actio, quæ ex contractu similive negotio oritur, *v. gr. venditi l. 6. C. de pact. inter emtor. conducti l. 15. §. 6. locat. præscriptis verbis l. 4. C. de rer. permut.* nam hæc vera illius textus videtur esse sententia *conf. OBSERV. LAUTERB. Obs. 655.* Interim cum specialem præstationem illa persequatur, ex scrupulositate fore Romani, peculiare accepit nomen, quod in aliis quoque exemplis contingit, ex quo admiratores juris Romani, novas actiones exsculpunt *add. OBSERV. LAUTERB. Obs. 343. seqq.*

§. 15. Aliquando res data, non tantum actione personali repeti, sed & à quovis possessore vindicari potest. Contingit hoc (1.) si dominium pacto habili fuerit reservatum (2.) si dominium sub conditione sit translatum, adeoque, deficiente conditione, actus sit imperfectus *v. c. 3. §. 39. 40.* cujus rei exemplum, est etiam in mortis causa donatione *l. 29. 30. 37. §. 1. l. 39. de mort. caus. donat. (3.)* si sub modo quidem res tradita, singularis tamen favor dantis causam tuea-

tueatur *l. 1. C. de donat. que sub mod. l. 15. C. de donat. ante nupt.* nam in hujusmodi actibus interpretandis & formandis, magnas partes habet lex positiva *add. LAUTERB. C. J. de condit. caus. dat.*

CAPUT XIX.

DE IMPUTATIONE CONTRACTUUM ALIENORUM.

SUMMARIA.

Sex præcipue casibus, contractus aliorum, aliis imputantur §. 1.

Imputationis causa est consensus vel utilitas collata §. 2.

Institoris definitio & divisio §. 3.

Constitutio §. 4.

Quinam institorem constituent §. 5.

Aut hoc munus recipiant §. 6.

Ex negotio juxta certa requisita, gesto §. 7. 8.

Institor agere & conveniri potest §. 9.

Non tamen finito officio §. 10.

Præponens etiam ex contractu institoris convenitur §. 11.

Et agit §. 12.

Negotiationi maritimæ præponitur magister navis §. 13.

Quoad rationem constituendi & personas conveniri hæc negotiatio cum terrestri §. 14.

Contractus juxta voluntatem exercitoris sunt ineundi §. 15.

Ex quibus tam magister navis, quam exercitor conveniri & agere possunt §. 16.

In contractu alterius alius quandoque specialiter consentit §. 17. 18. 19.

Hinc consentiens in solidum obligatur §. 20.

Ob concessionem peculii pater & dominus peculii §. 1.

Institus tenentur, salvo tamen deductionis beneficio §. 21.

Sed accedente negotiationis scientia, deductio cessat §. 22.

Solum tamen quoad merces, in quibus negotiatio exercita §. 23.

Hodie casus peculii concessi fere non amplius occurrunt §. 24.

Ob versionem in utilitatem, alius, ex contractu alterius, quoque tenetur §. 25.

Licet casus collatam utilitatem intercepisset §. 26.

Actio ex ipso contractu descendens, eo nomine instituitur §. 27.

Quæ differt ab actione negotiorum gestorum §. 28.

Aliquando plura imputandi fundamenta concurrunt ac electioni creditoris locum faciunt §. 29.

Nonnunquam diversa fundamenta cumulantur §. 30.

Quomodo filisfam. ex contractibus suis obligentur §. 31.

Datur ipsis aliquando beneficium competentie §. 32.

In sex casus hæcenus expositos pecuniaria actionum nomina, jure Romano sunt constituta §. 33.

Quæ rectius exploduntur quam retinentur §. 34.



Epe, in vita civili, contractus aliis, qui immediate non contraxerunt, imputantur, quo nomine, sex casus satis celebres, in jure Romano, memorantur (1.) si quis aliquem negotiationi terrestri (2.) maritimæ præposuerit, (3.) in contractum alterius specialiter consenserit (4.) Pater aut dominus filio vel servo pecu-

peculium simpliciter concefferit, (5.) in eo illos negotiari permiferit, ac denique (6.) fi in alterius utilitatem contractus fit celebratus.

§. 2. Summatim autem dux ſunt imputationis cauſæ, *conſenſus* & *collata utilitas*; Ille in prioribus quinque caſibus occurrit, ac, in di- verſas formas, ſe iterum componit, dum vel ſpecialis, vel generalis eſt, & vel præpoſitione vel peculii conceſſione, eaque vel ſimplici, vel, cum negotiationis ſcientia, conjuncta, ſe exſerit: Hæc vero, in caſu ultimo adest. De cætero tota hæc diſquiſitio, ex fundamentis naturalibus, reſultat, nec adeo difficilis eſt, quæ verò Romani adjecerunt, ea fere in inutileſtricas reſolvuntur, ac materiam hanc magis involvunt, quam explanant. *add. OBSERV. LAUTERB. Obſ. 423.*

§. 3. Fit igitur (1.) *ut quis alium negotiationi terreſtri præponat*, circa quem caſum, ſummatim tria ſpectari poſſunt (1.) *præpoſitio* (2.) *præpoſiti contractus* (3.) *contractuum*, à *præpoſito initorum*, effectus. Is qui præponitur, *Inſtitor* audit *v. l. 3. de inſtit. action.* & eſt *perſona moralis*, à domino, negotiationi quaſtuaria adminiſtrande, univerſaliter præpoſita *l. 5. de inſtit. action.* Habet tamen illa præpoſitio ſuos gra- dus, hinc inſtitor *generalis*, omnium negotiationum, & *ſpecialis*, certæ alicujus, eſſe poteſt.

§. 4. Conſtituitur Inſtitor mutuo conſenſu, qui quidem, quoad Patrem & filiumſam. dominum & ſervum, generale nomen retinet *l. 1. de inſtit. action.* §. 4. *I. de inutil. ſtipul.* §. 2. *I. quod cum eo qui.* ſed hic caſus hodie vel plane non occurrit, vel rariffimus eſt: Quoad perſonam vero liberam, in peculiarem contractum abit, nempe man- datum vel locationem *l. 1. §. 18. de exerc. action. l. 1. de inſtit. action.* ali- quando etiam tacito conſenſu præpoſitio fit *l. 1. §. 5. de exerc. action. l. 7. §. 11. de SCro Maced.* Quodſi quis, ſine conſenſu, alterius negotiatio- nem adminiſtret, hætenus quidem pro inſtitore haberi poteſt, ut domino rationem reddere teneatur, aut ab eo indemnitate petere poſſit *l. 1. de inſtit. action.* non verò ut contractus, cum aliis celebrati, domino imputentur *v. OBSERV. LAUTERB. Obſ. 422.* Affirmans ergo, aliquem eſſe inſtitorem, præpoſitionem probare debet, eſt enim facti *v. l. 5. pr. l. 11. §. 2. l. 18. de inſtit. action.*

§. 5. Præponunt inſtitores, qui negotiationes quaſtuarias exer- cent *l. 5. cod. l. 13. de inſtrum. leg.* etiam ſcæminæ *l. 7. §. 1. ff. l. 4. C. de inſtit.*

instit. action. pupilli, minores *l. 9. seqq.* tutores, curatores, procuratores *l. 5. §. fin. cod.* institores, modo præponens hoc non prohibuerit *l. 5. §. 17. cod. l. 1. §. 5. de exerc. action. l. 8. §. 3. mand.* Si quis autem negotiationem quæstuariam exercere prohibeatur eum nec institorem constituere posse, manifestum est, *v. l. 2. §. 1. de admin. rer. ad circuit. pertin.*

§. 6. Præponuntur illi, qui usu rationis gaudent, etiamsi iudicio satis firmo non utantur *l. 7. 8. de instit. action. l. 7. §. 11. de Scto Maced.* imputet enim sibi præponens, si, ex eorum administratione, damnum sentiat. Fit præpositio intuitu negotiationum quæstuariorum, quales inter mercatores occurrunt *l. 3. 4. 16. 18. de instit. action.* Pecuniis tamen scenerandis, jure civili institor non fuit præpositus, ut quidam censent ex *l. 19. pr. de instit. action. §. 5. in fin. l. quod cum eo qui.* sed uti ista observatio saltem ad nomen præpositi, non effectum juris, spectat *v. l. 5. §. 2. cod.* ita hodie nomen quoque adhiberi potest. Ad negotia æconomica itidem non pertinet institor *l. 5. §. 10. cod. l. 13. §. 25. de A. E. V.* sed & hoc saltem ad nomen spectat, nam, dominum, etiam ex gestis procuratoris, teneri, quatenus consensit, manifestum est *v. l. 16. de instit. action.*

§. 7. Postea considerandi contractus ab institore celebrati *v. §. 3.* Hic uti varia gerere potest, ita, in genere, circa ea, requirendum est, ut juxta legem præpositionis sint suscepta. Requiritur igitur (1.) contractus *l. 1. de instit. act.* delicta institoris, hætenus ad dominum non pertinent, quamvis ob ea, ex alia causa, nonnunquam conveniri queat (2.) cum institore *l. 5. §. 17. l. 11. pr. l. 17. §. 2. 3. cod.* (3.) de rebus, quibus est præpositus, secundum legem præpositionis, initus *l. 5. §. 11. l. 11. §. 5. ff. l. 3. C. cod.* & nihil refert, siue domini, siue suo nomine, verbis in suam personam conceptis, institor contrahat *l. 1. ff. cod.*

§. 8. Non tantum autem ea, de quibus expresse dictum, sed & illa, quæ ad executionem eorum, necessaria & utilia sunt, commissa censentur. Hinc si v. gr. institor, ad tabernam reficiendam, pecuniam intra probabilem modum, mutuatus sit, & taberna refectione indigeat, in eamque causam pecunia sit data, dominus inde obligatur, licet institor pecuniam male consumserit *l. 1. §. 8. 9. l. fin. de exerc. action.* dominus enim hic non ex versione, sed consensu tenetur, ac impuret sibi,

Aaa a

quod

quod opera hominis improbi utatur v. OBSERV. LAUTERB. *Obsf.* 411. Quodsi conditio vel lex præpositionis captiose concepta sit, tum illa negligitur l. 11. §. 5. de instit. action.

§. 9. His positis, tertio quæritur de effectu contractuum ab institore celebratorum v. §. 3. potest autem effectus ille considerari, vel ratione institoris, vel præponentis. Institor, si sit persona libera, nec in potestate præponendis, qualis hodie plerumque esse solet, durante officio, ex contractibus suis, contra debitores agere, & debitum exigere potest l. 1. de instit. action. l. 1. §. 18. de exerc. action. Non minus etiam à creditoribus potest conveniri l. 7. §. 1. de instit. action. l. 7. §. 11. ad SCt. Maced. CARPZ. p. 2. C. 20. D. 14. n. 2. non ut de suo, sed ut ex rebus, quibus præest, solvat v. l. 43. §. 1. de admin. tutor. l. 1. C. quand. ex fact. tutor. l. 5. 7. ff. cod. l. 1. §. f. quod juss. l. 4. de re jud. hinc executio in bona institoris fieri, vel ipse arrestari nequit v. CARPZ. p. 1. C. 32. D. 14. C. 30. D. 11.

§. 10. Sed, officio finito, neque ipse amplius agere, neque conveniri potest l. fin. de instit. action. nisi proprio nomine contraxerit, quod in primis ex objecto, cujus intuitu contractus celebratus est, judicandum videtur v. CARPZ. p. 1. Dec. 10. l. 4. Rsp. 80. aut in specie fidem suam adstrinxerit l. 67. de procur. l. 3. §. 2. de admin. rer. ad civit. pertin. l. 5. quand. ex fact. tut. l. 15. C. de admin. tutor. vel fines præpositionis excesserit l. 43. §. 1. de admin. tutor. nam omnibus hisce casibus non ut institor, sed ut suo nomine contrahens, consideratur. Quodsi institor, sive durante, sive finito officio, de suo solverit, non à Creditore id repetere potest, sed dominum reposcere debet l. 6. 44. de condict. indebit.

§. 11. Ulterius ex contractu institoris, ipse præponens etiam conveniri potest ob consensum, nam hoc æquitas exigit, quam contra summi juris injustitiam v. §. 10. l. de action. l. 3. C. ne ux. pro mar. in fin. apud Romanos asseruit Prætor l. 1. §. 12. l. 14. 15. 17. pr. de instit. action. Est autem actio, quæ contra præponentem instituitur, illa ipsa, quæ ex contractu institoris descendit, emti, locati, ex mutuo &c. & datur in solidum, quia in solidum præponens consensit: Si plures præposuerint, ut correi debendi obligantur l. 13. §. f. l. 14. de instit. action. quod tamen non ubique observatur v. VINN. ad §. 2. l. quod cum co quin. 2. OBSERV. LAUTERB. *Obsf.* 412.

§. 12. Non

§. 12. Non minus etiam præponens, ex contractu institutoris, contra debitores, agere potest, nam non tantum ratione oneris, sed & commodi, in ejus contractus, consensit. Jure Romano quidem actio ei negari videtur *l. 1. de instit. act.* sed cum domino ex contractu Procuratoris, detur actio *l. 13. §. 25. de A. E. V.* ideo præponenti non tam actionem negasse, quam potius de nomine actionis disputasse, aut per otiosas ambages incessisse censendi sunt Romani. Imo nonnulli actionem diserte concedunt *l. 1. in fin. l. 2. de instit. action.* Non putem igitur, tricarum, ab æquitate abeuntium, aliquam habendam esse rationem *conf. LAUTERB. C. J. de instit. action.*

§. 13. Porro contingit (II.) ut quis alium negotiationi maritime præponat, circa quem casum, tria illa §. 3. laudata, etiam spectari possunt, & sunt ejus eadem fere jura, quæ præcedentis, hinc in plerisque, nuda remissione nobis defungi licebit. Is qui præponit, *Exercitor* dicitur, ad quem obventiones & reditus pertinent *l. 1. §. 15. de exerc. action.* ille vero, qui præponitur, *magister navis* audit, cui totius navis cura commissa est *l. 1. pr. §. 1. cod.*

§. 14. Constituitur Magister navis mutuo consensu, & obtinent dicta §. 4. Quoad præponentes etiam repetenda, quæ §. 5. diximus *v. l. 1. §. 16. de exerc. action.* hoc tamen singulare est, quod magister navis alium substituere possit, licet exercitor prohibuerit *l. 1. §. 5. cod.* quod ubique forte non observatur. Circa personas præponendas itidem doctrina §. 6. recurrit *v. l. 1. §. 4. de exerc. action.* Constituuntur magistri navium, intuitu negationum maritimarum, quo nomine, hic casus à præcedente distingvitur *v. l. 1. pr. cod.*

§. 15. Circa contractus magistri navis requiritur, ut, juxta voluntatem exercitoris, sint celebrati, & obtinent ea, quæ §. 7. 8. diximus. Debet scilicet (1.) esse contractum (2.) cum magistro navis *l. 1. §. 2. de exerc. action.* (3.) de rebus, quibus præpositus est, & secundum præpositionis legem *l. 1. §. 7. 12. 13. 14. cod.* commissa tamen etiam illa censentur, quæ ad executionem negotiationis necessaria & utilia sunt *l. 1. §. 8. 9. 11. l. fin. de exerc. action. v. l. 2. de jurisdict. l. 56. 62. de procur.*

§. 16. Ex contractibus initis, magister navis, agere & conveniri potest, ad effectus §. 9. 10. memoratos *v. l. 1. §. 17. 24. de exerc. act.*

Non minus etiam exercitor ex illis obligatur, secundum dicta §. 11. plures exercitores, ut correi debendi, tenentur *l. 1. §. f. l. 4. §. 1. 4. cod.* Sed uti actus humani non semper eodem modo explicantur *v. d. l. 4. pr.* ita, apud nonnullas gentes, exercitores saltem pro rata, nec ultra pretium navis, & eorum, quæ in ea continentur, obligantur *v. GROT. de J. B. P. l. 2. c. 11. n. 13.* Denique exercitor, ex contractu Magistri navis, etiam agere potest, juxta §. 12. doctrinam *v. l. 1. §. 18. de exerc. act. junct. l. 1. §. 11 de offic. pref. urb. conf. LAUTERB. C. J. de exerc. act. DN. D. BARTH. dissert. de Magistr. nav. hab. Lips. 1694.*

§. 17. Accidit in vita civili (III.) ut quis in alterius contractum specialiter consentiat. Hoc ut penitus intelligatur, quadruplex consensus forma notari debet. Nam aliquando quis (1.) *alterius saltem ministerio utitur*; hoc casu non datur consensus in alienum contractum, sed mandans salus, per alium, simpliciter contrahit, hinc ad ipsum etiam unice contractus pertinet, illeque solus exinde agere & conveniri potest *l. fin. quod juss. l. 4. C. quod cum eo qui l. 15. de consil. pecun.* Aliquando quis (2.) *ei, cum quo alius, nomine ejus, contrahitur est, mandat, ut contractum incat*; hoc casu consensus involvit proprium contractum mandati, cum extraneo celebratum *l. 8. C. mand. & approbationem contractus alieni l. 1. §. 1. 3. l. 3. quod juss. l. 8. C. quod cum eo* hinc contrahens, prout visum est contra mandantem, vel ex ejus proprio, vel alieno contractu, agere potest.

§. 18. Aliquando (3.) *quis, animo contrahendi, mandat alicui, ut ipse nomine, cum alio contrahat*; Hoc casu, consensus involvit proprium contractum mandati, cum procuratore initum, & approbationem contractus alieni: Hinc non tantum inter mandantem & mandatarium mutua nascitur obligatio, sed & mandans, ex contractu alieno, agere & conveniri potest *l. 13. §. 25. de A. E. V.* Denique aliquando quis (4.) *sine animo contrahendi, aliquem jubet, suo nomine, cum alio contrahere*; hoc casu, consensus saltem involvit approbationem contractus alieni, illeque præcipue, quoad dominos & servos, Patres & filiosfam. inter quos contractus regulariter non est, apud Romanos occurrebat, quod liberam personam verò tum occurrere videtur, quando ejus contractus ratihabentur *v. l. 7. §. 1. C. quod cum eo.*

§. 19. Huc pertinet triplex posterior, in primis vero ultima consensus.

sentiendi ratio, & nihil refert, siue consensus antecedit negotium suscipiendum *v. l. 25. §. 4. de A. O. H.* siue illud concomitetur, aut sequatur *l. 1. §. 1. 6. quod iuss.* nihil quoque interest, siue expresse, siue tacite consentiatur *d. l. 1. §. 1.* hinc si chirographo filii Pater subscribat, in contractum ejus censetur consensisse. Nuda tamen scientia Patris *l. 8. §. 15. quib. mod. pign. solv.* vel commendatio filii, consensum non infert *l. fin. C. quod cum eo nec fidejussio pro eo facta l. 1. §. 5. quod iuss.* cujus tamen observationis exiguus hodie videtur esse usus. Denique nihil interest, siue ipse dominus, siue is, qui ejus vices sustinet, ut tutor vel curator, consentiat *l. 1. §. f. l. 2. quod iuss.*

§. 20. Posito igitur consensu, consentiens, ex contractu inito, obligatur in solidum, modo contrahens mandatum non excesserit *l. 3. quod iuss.* Instituitur igitur, illa ipsa actio, quæ ex contractu descendit, puta emti, locati, ex mutuo &c. contra consentientem, quam hæredibus & contra hæredes etiam dari, ex generalibus principiis, manifestum est. Quodsi tamen mandatum, re integra, revocetur *l. 1. §. 2. quod iuss.* aut jubens moriatur *v. l. 50. de A. O. H.* & is, cum quo contractus celebrandus est, id sciat, tum mandans amplius conveniri nequit. Poterit etiam consentiens, ex contractu, suo consensu, inito, contra extraneum agere *l. 13. §. 25. de A. E. V.* de quo tamen non adeo quæritur, cum ut plurimum hic contractum à sua parte statim impleat. *conf. LAUTERB. C. J. quod iuss.*

§. 21. Apud Romanos (IV.) Domini & patres, servis & filiisfam. peculium aliquod concedebant *v. l. 4. pr. l. 5. §. f. l. 8. l. 46. de pecul. l. 7. pr. de donat.* quo ipso, in eorum contractus, pro ratione quantitatis concessæ, consensiebant, sed ita, ut, quod postea personis, suæ potestati subiectis, credidissent, prius possent deducere *l. 5. §. fin. l. 2. §. 2. seqq. de pecul. §. 4. in fin. l. quod cum eo qui.* Ex contractibus ergo servorum & filiorumfam. domini & Patres conveniebantur illis ipsis actionibus, quæ ex contractibus descendebant, quæ tamen aliquando in solidum competeabant, aliquando minus solido persequabantur, pro diverso scilicet peculii habitu *§. 38. l. de actio.* Quodsi soluta esset dominica vel patria potestas, fundamentum imputationis cessabat, non tamen statim; sed intra annum agi poterat *l. 1. 2. 3. quand. de pecul. ad. annal. add. OBSERV. LAUTERB. Obs. 435. seqq.*

berum sit, ideo merito illud improbavit lex positiva *l. fin. C. de pact. pign.* De cetero hoc pactum distingvi debet à venditione pignoris, iusto pretio, ex postfacto suscepta *l. 34. de pign. action.* nec non à venditione condicionali seu eventuali, iusto itidem pretio facta *l. fin. de C. E. V. l. 16. §. f. de pignor.* denique à pacto, de re oppignorata, creditori æquo pretio vendenda *l. 1. C. de pact. pign.* nam, omnia hæc negotia valida esse, manifestum est *add. LAUTERB. C. J. de pign. action.*

CAPUT XVIII. DE CONTRACTIBUS EX UNA PARTE IMPLETIS.

SUMMARIA.

¶ *Ius conditionis causa data, causa non secuta* §. 1.

Ejus indoles & requisita §. 2.

Datur ob causam non secutam §. 3.

In contractibus nominatis quando repetitio locum habeat §. 4.

In innominatis res repetitur ob pœnitentiam dantis §. 5.

Et cessationem accipientis §. 6. 7. 8.

Quod hodie non indistincte obinet §. 9.

Deficiente modo specialiter adjecto, res iure civili & hodierno repeti potest §. 10.

Conditionis huius subiectum §. 11.

Et objectum §. 12.

Oritur illa ex quasi, vel innominato contractu, juxta quorundam sententiam §. 13.

Sed est ipsa actio, quæ ex negotio gesto descendit §. 14.

Concurrit aliquando cum ea, rei vindicatio §. 15.

§. 1.



Deductis, pro instituti ratione, variis contractuum speciebus, superest, ut ea, quæ diversis conventionibus communia sunt, etiam persequamur. Pertinet eo disquisitio de *contractibus aliisque negotiis* (nam hæc conjungere liceat) *ex una parte impletis.* Ex his, sine dubio, ille, qui suum præstitit, alterum quoque, ad implendam fidem, adigere potest, quod, in præcedentibus, hinc inde, satis ostensum est. Præterea verò, de re data, repetenda aliquando quæritur, quo nomine, in jure Romano, prodita est *Condictio causa data, causa non secuta*, de quo nunc in genere dispiciendum.

§. 2. *Condictio causa data, causa non secuta, sive ob causam datorum*

torum est actio personalis, quæ id, quod ob causam futuram licitam, datum est, causa illa non secuta, repetitur, quæ actio civilis dicitur, & perpetua est arg. l. 3. C. de præscript. 30. vel 40. annor. Quo autem locum habeat, requiritur (1.) ut aliquid datum sit l. 1. 3. 16. ff. de condit. c. d. c. n. f. etiam civiliter l. 4. 10. cod. l. 4. C. de condit. ob caus. dator. l. 24. in fin. de A. A. H. l. 115. de R. J. facta autem exhibita repeti non possunt, hinc ad hæc conditio non pertinet v. VINN. S. 2. l. 1. c. 46. (2.) ob causam futuram l. 52. 65. §. 4. de condit. indeb. l. 17. §. 4. de condit. & demonstr. quæ vel expresse addita est l. 7. C. de condit. ob caus. dat. l. 3. §. 7. in fin. ff. cod. l. 25. C. de transact. vel ex natura negotii intelligitur l. 6. pr. ff. l. 1. C. de condit. ob caus. dat. l. 3. 21. de jur. dot. (3.) licitam l. 1. pr. de condit. c. d. c. n. f. l. 1. §. 1. de condit. ob turp. caus. & (4.) non impletam l. 1. pr. l. 3. §. 2. ff. l. 6. 8. C. de condit. ob c. d. l. 52. de condit. indeb.

§. 3. Causa autem non impletur vel ob cessationem accipientis, vel ob pœnitentiam dantis. Ita vulgo conditionis usum repræsentare solent v. LAUTERB. C. J. de condit. c. d. c. n. f. sed illa docendi ratio inadæquata est, pertinetque tantum ad contractus Romanorum innominatos, cum tamen, etiam intuitu aliorum negotiorum, de usu conditionis nostræ, quæri possit; Quare ut magis adæquate hæc res proponatur, forte non incongrue distinguitur, utrum causa futura, consideretur ut ordinaria contractus præstatio, an ut modus vel conditio, specialiter adjecta.

§. 4. Quoad prius, rursus sunt distingvendi contractus nominati & innominati. Circa illos in genere, ob pœnitentiam dantis, cessat conditio, quoad cessationem verò accipientis, iterum interest, an sint domini translativi, nec ne. In illis, v. gr. emtione, conditio cessat, licet accipiens promissum non præstet l. 8. C. de C. E. V. l. 14. C. de rescind. vendit. nisi vel specialiter hoc conventum, vel sub conditione res data sit, vel fraus emtoris intervenerit v. c. 3. §. 39. seqq. aut in subsidium, ob inopiam debitoris, res repetenda sit, modo aliorum creditorum jus non obstet. In his vero, v. gr. locatione, repetitio locum habet, si accipiens promissum implere vel nolit, vel non possit l. 15. §. 6. locat. v. c. 6. §. 23.

§. 5. Circa contractus innominatos largior, de jure civili, condictionis nostræ est usus: Habet enim locum ob pœnitentiam dantis l. 2.

§. 2. 3. *l. 5. pr. §. seqq. de condit. c. d. c. n. §. l. 5. §. 1. de P. V.* licet accipiens promissum implere paratus sit *d. ll.* Cessat tamen poenitentia, si, litis tollendæ causa, aliquid datum sit *l. 39. C. de transact.* vel res promissa, sine culpa accipientis, perierit *l. 5. §. 1. in fin. de P. V. l. 10. C. de condit. ob caus. dator. v. OBSERV. LAUTERB. Obs. 644.* aut negotium pro contractu innominato haberi non possit *l. 8. de condit. c. d. c. n. §.*

§. 6. Porro datur etiam conditio ob *cessationem accipientis*, circa hoc tamen varie distingvendum est. Si (1.) promissum implere nolit, locum habet conditio *l. 3. §. 2. de condit. c. d. c. n. §.* si vero (2.) non possit, ob legis, actum aliàs licitum annullantis, prohibitionem, tum itidem obtinet *l. 1. r. C. eod.* si (3.) ob impossibilitatem, quæ ab initio adfuit, etiam repetitio fieri potest *l. 3. §. 5. ff. eod.* nisi danseam sciverit, tum enim rem censetur donasse *l. 8. C. eod.* quæ duplex decisio proxime relata, etiam ad contractus nominatos pertinet, nam negotium, duobus istis casibus, est nullum, adeoque repetitio merito obtinet, nisi donatio accesserit.

§. 7. Ulterius si (4.) ex post facto causa fiat impossibilis, & quidem voluntate dantis, repetitio cessat *v. l. 2. ff. de condit. c. d. c. n. §. l. 15. C. de donat. ant. nupt.* nam si ille censetur donare, qui impossibilitatem scit, multo magis donatio asserenda videtur in eo, qui eam procurat. Si vero (5.) voluntate & culpa accipientis, repetitio locum habet *l. 3. §. 3. l. 5. §. fin. de condit. c. d. c. n. §. l. 10. 11. C. eod.* si denique (6.) casu fortuito impossibilitas superveniat, & causa consistat in dando, repetitio cessat *l. 5. §. 1. de P. V. l. p. C. de condit. ob caus. dat.* nam res promissa, jacet periculo dantis *v. §. 5. b.* quod si autem, spe futurae conventionis, per anticipationem, res data sit, ac res sperata casu perierit, illa repeti potest *l. fin. de condit. c. d. c. n. §.* res enim perit suo domino *v. OBSERV. LAUTERB. Obs. 349.*

§. 8. Quod si (7.) causa consistat in faciendo, tum interest, utrum factum respiciat certum objectum v. gr. servum manumittere, an indefinitum sit, v. gr. Capuam ire: Illo casu, objecto, sine promissoris culpa, sublato, repetitio cessat *l. 3. §. 3. 4. l. 5. §. 2. de condit. c. d. c. n. §. l. pen. C. eod.* nam hic etiam res periculo dantis & creditoris jacuit, perinde ut in casu præcedente, *de quo n. 6.* Hoc vero, repetitio locum

locum habet, si promissor, casu impeditus, factum præstare nequeat *l. 5. pr. cod.* nam eadem hic est ratio, quæ in locatione & conductione, de qua *§. 4. in fin.* dictum v. OBSERV. LAUTERB. *Obs. 350.*

§. 9. In hunc fere modum, de contractibus innominatis, jure Romano, pronunciandum est. Verum cum illi hodie etiam consensuales sint, ut alibi ostensum, igitur, quoad repetitionem rei datæ, idem juserit, quod in contractibus nominatis consensualibus. Quare, ob pœnitentiam, repetitio cessat, nec obtrinent dicta *§. 5.* quatenus facultatem pœnitendi asserunt. Porro cessat regulariter repetitio, in casu *§. 6. n. 1.* ut & *§. 7. n. 5.* Cætera manent, cum in contractibus nominatis, illa etiam locum inveniant v. *c. 1. §. 12. seqq. c. 14. §. 10. 11. 13. 15.*

§. 10. Quodsi causæ, ut modus, vel conditio, specialiter adjecta, spectetur v. *§. 3.* E. gr. si, certæ rei contemplatione, fundus exiguo pretio alteri vendatur *l. 6. C. de pact. inter emtor. & vendit.* aut dos, spe futuri matrimonii, numeretur *l. 6. pr. ff. l. 1. C. de condit. c. d. c. n. f.* vel pecunia falso procuratori, ut ratihabitionem domini impetret, solvatur *l. 14. ff. cod.* aut sub modo aliquid donetur *l. 1. C. de donat. quæ sub mod.* vel legeretur *l. 17. §. 4. de condit. & demonstr. l. 19. de Legat. 3.* Hisce casibus ne quidem de jure civili, ob pœnitentiam res reperi poterit, bene tamen ob cessationem accipientis *l. 8. C. de condit. ob caus. dat.* nisi modus pro impleto habeatur *l. 1. C. de donat. quæ sub mod.* quæ hodie quoque obtinere videntur add. OBSERV. LAUTERB. *Obs. 557.*

§. 11. Datur autem conditio causa data, causa non secuta, in casibus habilibus danti & hæredibus *l. 2. 3. C. de condit. ob caus. dat.* Hi tamen ex propria pœnitentia rem repetere nequeunt *l. 3. de serv. export. l. 32. §. 2. de donat. inter V. & U. l. 4. locat.* quæ quæstio hodie supervacua est v. *§. 9. b.* Competit contra illos, qui rem acceperunt, & hæredes *l. 8. C. de condit. ob caus. dator.* sed non contra successores singulares *l. 4. C. de rer. permut.* hinc nec in concursu Creditorum repetitioni locus est.

§. 12. Persequitur hæc actio omnis generis res, mobiles & immobiles *l. 1. §. 1. l. 7. §. 1. de condit. c. d. c. n. f.* naturaliter vel civiliter datas *l. 4. 10. ff. l. 4. C. cod.* ut & fructus *l. 7. §. 1. l. 12. cod.* etiam ante litem contestatam perceptos *l. 38. §. 1. 7. de usur. l. 31. pr. de R. C.* quod

hodie inprimis verum erit, exceptis tamen fructibus, bona fide consummatis : sed non usuras *l. 24. de P.V. l. 3. C. de usur. l. 1. C. de condic. indeb. l. 4. C. de condic. ob. turp. caus.* Cæterum uti hoc ultimum ex eo deducitur, quod conditio hæc, sit actio stricti juris, quod tamen non satis liquidum, ita hodie, usuras ob moram quoque esse solvendas, plane arbitror *v. R. I. 1600. §. so viel nun 139. R. I. 1654. §. anreichend 174. v. STRYK in not. ad LAUTERB. de condic. ob. turp. caus. OBSERV. LAUTERB. Obs. 312. 357.*

§. 13. Ex his intelligi poterit, ex quo fundamento, conditio causa data, causa non secuta, oriatur. Vulgo eam, ex quasi contractu, qui contractus innominatos comitetur, ac ex æquitate præsumendus sit *l. 3. §. 7. de condic. c. d. c. n. f. l. 65. §. 4. de condic. indeb. l. 13. §. f. commod. repetunt v. STRUV. S. J. C. exerc. 18. §. 4. LAUTERB. C. J. de condic. caus. dat. lit. C.* Sed uti doctrina illa particularis est, ita alii, ne quidem intuitu contractum innominatorum, quasi contractum admittunt, sed ex ipso potius contractu innominato, conditionem deducunt *HUBER in posit. ad ff. de condic. caus. dat. n. 4.*

§. 14. Ego, ut alibi, ita ne hic, figmento quasi contractus opus esse arbitror, cum ex ipso negotio, intuitu cujus, de repetitione quaeritur, conditio nostra descendat. Imo, si rem recte expendamus, illa nihil aliud est, quam ipsa actio, quæ ex contractu similive negotio oritur, *v. gr. venditi l. 6. C. de pact. inter emtor. conducti l. 15. §. 6. locat. præscriptis verbis l. 4. C. de rer. permut.* nam hæc vera illius textus videtur esse sententia *conf. OBSERV. LAUTERB. Obs. 65.* Interim cum specialem præstationem illa persequatur, ex scrupulositate fore Romani, peculiare accepit nomen, quod in aliis quoque exemplis contingit, ex quo admiratores juris Romani, novas actiones exsculpunt *add. OBSERV. LAUTERB. Obs. 343. seqq.*

§. 15. Aliquando res data, non tantum actione personali repeti, sed & à quovis possessore vindicari potest. Contingit hoc (1.) si dominium pacto habili fuerit reservatum (2.) si dominium sub conditione sit translatum, adeoque, deficiente conditione, actus sit imperfectus *v. c. 3. §. 39. 40. cujus rei exemplum, est etiam in mortis causa donatione l. 29. 30. 37. §. 1. l. 39. de mort. caus. donat. (3.) si sub modo quidem res tradita, singularis tamen favor dantis causam*

tueatur *l. 1. C. de donat. quæ sub mod. l. 15. C. de donat. ante nupt.* nam in hujusmodi actibus interpretandis & formandis, magnas partes habet lex positiva *add. LAUTERB. C. J. de condit. caus. dat.*

CAPUT XIX.

DE IMPUTATIONE CONTRACTUUM ALIENORUM.

SUMMARIA.

Sex præcipue casibus, contractus alienorum, aliis imputantur §. 1.

Imputationis causa est consensus vel utilitas collata §. 2.

Infitoris definitio & divisio §. 3.

Constitutio §. 4.

Quinam infitorem constituent §. 5.

Aut hoc munus recipiant §. 6.

Ex negotio juxta certa requisita, gesto §. 7. 8.

Infitor agere & conveniri potest §. 9.

Non tamen finito officio §. 10.

Præponens etiam ex contractu infitoris conveniatur §. 11.

Et agit §. 12.

Negotiationi maritimæ præponitur magister navis §. 13.

Quoad rationem constituendi & personas conveniunt hæc negotiatio cum terrestri §. 14.

Contractus juxta voluntatem exercitoris sunt incundi §. 15.

Ex quibus tam magister navis, quam exercitor conveniri & agere possunt §. 16.

In contractum alterius alius quandoque specialiter consentit §. 17. 18. 19.

Hinc consentiens in solidum obligatur §. 20.

Ob concessionem peculii pater & dominus pecu-

liotenus tenentur, salvo tamen deductionis beneficio §. 21.

Sed accedente negotiationis scientia, deductio cessat §. 22.

Solum tamen quoad merces, in quibus negotiatio exercita §. 23.

Hodie casus peculii concessi fere non amplius occurrunt §. 24.

Ob versionem in utilitatem, alius, ex contractu alterius, quoque tenetur §. 25.

Licet casus collatam utilitatem interceperit §. 26.

Actio ex ipso contractu descendens, eo nomine instituitur §. 27.

Quæ differt ab actione negotiorum gestorum §. 28.

Aliquando plura imputandi fundamenta concurrunt ac electioni creditoris locum faciunt §. 29.

Nonnunquam diversa fundamenta cumulantur §. 30.

Quomodo filii fam. ex contractibus suis obligentur §. 31.

Datur ipsis aliquando beneficium competentie §. 32.

In sex casus hæcenus expositos pecuniaria actionum nomina, jure Romano sunt constituta §. 33.

Quæ rectius exploduntur quam retineantur §. 34.

§. 1.



SEPE, in vita civili, contractus aliis, qui immediate non contraxerunt, imputantur, quo nomine, sex casus satis celebres, in jure Romano, memorantur (1.) si quis aliquem negotiationi terrestri (2.) maritimæ præposuerit, (3.) in contractum alterius specialiter consenserit (4.) Pater aut dominus filio vel servo pecu-

peculium simpliciter concefferit. (5.) in eo illos negotiari permiferit, ac denique (6.) fi in alterius utilitatem contractus fit celebratus.

§. 2. Summatim autem duæ funt imputationis cauſæ, *conſenſus* & *collata utilitas*; Ille in prioribus quinque caſibus occurrit, ac, in diverſas formas, ſe iterum componit, dum vel ſpecialis, vel generalis eſt, & vel præpoſitione vel peculii conceſſione, eaque vel ſimplici, vel, cum negotiationis ſcienſia, conjuncta, ſe exſerit: Hæc vero, in caſu ultimo adest. De cætero tota hæc diſquiſitio, ex fundamentis naturalibus, reſultat, nec adeo difficilis eſt, quæ verò Romani adjecerunt, ea fere in inutileſtricas reſolvuntur, ac materiam hanc magis involvunt, quam explanant. *add. OBSERV. LAUTERB. Obſ. 423.*

§. 3. Fit igitur (1.) *ut quis alium negotiationi terreſtri præponat*, circa quem caſum, ſummatim tria ſpectari poſſunt (1.) *præpoſitio* (2.) *præpoſiti contractus* (3.) *contractuum*, à *præpoſito initorum*, *effectus*. Is qui præponitur, *Inſitor* audit *v. l. 3. de inſtit. action.* & eſt *perſona moralis*, à *domino*, *negotiationi quaſtuaria adminiſtrande*, *uni-verſaliter præpoſita l. 5. de inſtit. action.* Habet tamen illa præpoſitio ſuos gradus, hinc inſitor *generalis*, omnium negotiationum, & *ſpecialis*, certæ alicujus, eſſe poteſt.

§. 4. Conſtituitur Inſitor mutuo conſenſu, qui quidem, quoad Patrem & filium ſam. dominum & ſervum, generale nomen retinet *l. 1. de inſtit. action.* §. 4. *l. de inutil. ſtipul.* §. 2. *l. quod cum eo qui.* ſed hic caſus hodie vel plane non occurrit, vel rariſſimus eſt: Quoad perſonam vero liberam, in peculiarem contractum abit, nempe mandatum vel locationem *l. 1. §. 18. de exerc. action. l. 1. de inſtit. action.* aliquando etiam tacito conſenſu præpoſitio fit *l. 1. §. 5. de exerc. action. l. 7. §. 11. de Scto Maced.* Quodſi quis, ſine conſenſu, alterius negotiationem adminiſtraret, hætenus quidem pro inſtitore haberi poteſt, ut domino rationem reddere teneatur, aut ab eo indemnitate petere poſſit *l. 1. de inſtit. action.* non verò ut contractus, cum aliis celebrari, domino imputentur *v. OBSERV. LAUTERB. Obſ. 422.* Affirmans ergo, aliquem eſſe inſtitorem, præpoſitionem probare debet, eſt enim facti *v. l. 5. pr. l. 11. §. 2. l. 18. de inſtit. action.*

§. 5. Præponunt inſtitores, qui negotiationes quaſtuarias exercent *l. 5. cod. l. 13. de inſtrum. leg. etiam ſceminæ l. 7. §. 1. ff. l. 4. C. de inſtit.*

instit. action. pupilli, minores *l. 9. seqq.* tutores, curatores, procuratores *l. 5. §. fin. cod.* institores, modo præponens hoc non prohibuerit *l. 5. §. 17. cod. l. 1. §. 5. de exerc. action. l. 8. §. 3. mand.* Si quis autem negotiationem quæstuariam exercere prohibeatur eum nec institorem constituere posse, manifestum est, *v. l. 2. §. 1. de admin. rer. ad civit. pertin.*

§. 6. Præponuntur illi, qui usu rationis gaudent, etiam si iudicio satis firmo non utantur *l. 7. 8. de instit. action. l. 7. §. 11. de Scto Maced.* imputet enim sibi præponens, si, ex eorum administratione, damnum sentiat. Fit præpositio intuitu negotiationum quæstuariorum, quales inter mercatores occurrunt *l. 3. 4. 16. 18. de instit. action.* Pecuniis tamen fœnerandis, jure civili institor non fuit præpositus, ut quidam censent ex *l. 19. pr. de instit. action. §. 5. in fin. l. quod cum eo qui.* sed uti ista observatio saltem ad nomen præpositi, non effectum juris, spectat *v. l. 5. §. 2. cod.* ita hodie nomen quoque adhiberi potest. Ad negotia œconomica itidem non pertinet institor *l. 5. §. 10. cod. l. 13. §. 25. de A. E. V.* sed & hoc saltem ad nomen spectat, nam, dominum, etiam ex gestis procuratoris, teneri, quatenus consensit, manifestum est *v. l. 16. de instit. action.*

§. 7. Postea considerandi contractus ab institore celebrati *v. §. 3.* Hic uti varia gerere potest, ita, in genere, circa ea, requirendum est, ut juxta legem præpositionis sint suscepta. Requiritur igitur (1.) contractus *l. 1. de instit. act.* delicta institoris, hæctenus ad dominum non pertinent, quamvis ob ea, ex alia causa, nonnunquam conveniri queat (2.) cum institore *l. 5. §. 17. l. 11. pr. l. 17. §. 2. 3. cod.* (3.) de rebus, quibus est præpositus, secundum legem præpositionis, initus *l. 5. §. 11. l. 11. §. 5. ff. l. 3. C. cod.* & nihil refert, siue domini, siue suo nomine, verbis in suam personam conceptis, institor contrahat *l. 1. ff. cod.*

§. 8. Non tantum autem ea, de quibus expresse dictum, sed & illa, quæ ad executionem eorum, necessaria & utilia sunt, commissa censentur. Hinc si v. gr. institor, ad tabernam reficiendam, pecuniam intra probabilem modum, mutuatus sit, & taberna refectione indigeat, in eamque causam pecunia sit data, dominus inde obligatur, licet institor pecuniam male consumserit *l. 1. §. 8. 9. l. fin. de exerc. action.* dominus enim hic non ex versione, sed consensu tenetur, ac imputet sibi,

A a a

quod

quod opera hominis improbi utatur v. OBSERV. LAUTERB. *Obs.* 411. Quod si conditio vel lex præpositionis captiose concepta sit, tum illa negligitur l. 11. §. 5. de instit. action.

§. 9. His positis, tertio quæritur de effectu contractuum ab institore celebratorum v. §. 3. potest autem effectus ille considerari, vel ratione institutoris, vel præponentis. Institutor, si sit persona libera, nec in potestate præponendis, qualis hodie plerumque esse solet, durante officio, ex contractibus suis, contra debitores agere, & debitum exigere potest l. 1. de instit. action. l. 1. §. 18. de exerc. action. Non minus etiam à creditoribus potest conveniri l. 7. §. 1. de instit. action. l. 7. §. 11. ad SCt. Maced. CARPZ. p. 2. C. 20. D. 14. n. 2. non ut de suo, sed ut ex rebus, quibus præest, solvat v. l. 43. §. 1. de admin. tutor. l. 1. C. quand. ex fact. tutor. l. 5. 7. ff. cod. l. 1. §. f. quod juss. l. 4. de re jud. hinc executio in bona institutoris fieri, vel ipse arrestari nequit v. CARPZ. p. 1. C. 32. D. 14. C. 30. D. 11.

§. 10. Sed, officio finito, neque ipse amplius agere, neque conveniri potest l. fin. de instit. action. nisi proprio nomine contraxerit, quod inprimis ex objecto, cujus intuitu contractus celebratus est, judicandum videtur v. CARPZ. p. 1. Dec. 10. l. 4. Rsp. 80. aut in specie fidem suam adstrinxerit l. 67. de procur. l. 3. §. 2. de admin. rer. ad civit. pertin. l. 5. quand. ex fact. tut. l. 15. C. de admin. tutor. vel fines præpositionis excesserit l. 43. §. 1. de admin. tutor. nam omnibus hisce casibus non ut institutor, sed ut suo nomine contrahens, consideratur. Quod si institutor, sive durante, sive finito officio, de suo solverit, non à Creditore id repetere potest, sed dominum reposcere debet l. 6. 44. de condic. indebit.

§. 11. Ulterius ex contractu institutoris, ipse præponens etiam conveniri potest ob consensum, nam hoc æquitas exigit, quam contra summi juris injustitiam v. §. 10. l. de action. l. 3. C. ne uxor. pro mar. in fin. apud Romanos asseruit Prætor l. 1. §. 12. l. 14. 15. 17. pr. de instit. action. Est autem actio, quæ contra præponentem instituitur, illa ipsa, quæ ex contractu institutoris descendit, emti, locati, ex mutuo &c. & datur in solidum, quia in solidum præponens consensit: Si plures præposuerint, ut correi debendi obligantur l. 13. §. f. l. 14. de instit. action. quod tamen non ubique observatur v. VINN. ad §. 2. l. quodcumque in 2. OBSERV. LAUTERB. *Obs.* 412.

§. 12. Non

§. 12. Non minus etiam præponens, ex contractu institoris, contra debitores, agere potest, nam non tantum ratione oneris, sed & commodi, in ejus contractus, consensit. Jure Romano quidem actio ei negari videtur *l. 1. de instit. act.* sed cum domino ex contractu Procuratoris, detur actio *l. 13. §. 25. de A. E. V.* ideo præponenti non tam actionem negasse, quam potius de nomine actionis disputasse, aut per otiosas ambages incessisse censendi sunt Romani. Imo nonnulli actionem diserte concedunt *l. 1. in fin. l. 2. de instit. action.* Non putem igitur, tricarum, ab æquitate abeuntium, aliquam habendam esse rationem *conf. LAUTERB. C. J. de instit. action.*

§. 13. Porro contingit (II.) *ut quis alium negotiationi maritime præponat*, circa quem casum, tria illa §. 3. laudata, etiam spectari possunt, & sunt ejus eadem fere jura, quæ præcedentis, hinc in plerisque, nuda remissione nobis defungi licebit. Is qui præponit, *Exercitor* dicitur, ad quem obventiones & reditus pertinent *l. 1. §. 15. de exerc. action.* ille vero, qui præponitur, *magister navis* audit, cui totius navis cura commissa est *l. 1. pr. §. 1. eod.*

§. 14. Constituitur Magister navis mutuo consensu, & obtinent dicta §. 4. Quoad præponentes etiam repetenda, quæ §. 5. diximus *v. l. 1. §. 16. de exerc. action.* hoc tamen singulare est, quod magister navis alium substituere possit, licet exercitor prohibuerit *l. 1. §. 5. eod.* quod ubique forte non observatur. Circa personas præponendas itidem doctrina §. 6. recurrit *v. l. 1. §. 4. de exerc. action.* Constituuntur magistri navium, intuitu negationum maritimarum, quo nomine, hic casus à præcedente distinguitur *v. l. 1. pr. eod.*

§. 15. Circa contractus magistri navis requiritur, ut, juxta voluntatem exercitoris, sint celebrati, & obtinent ea, quæ §. 7. 8. diximus. Debet scilicet (1.) esse contractum (2.) cum magistro navis *l. 1. §. 2. de exerc. action.* (3.) de rebus, quibus præpositus est, & secundum præpositionis legem *l. 1. §. 7. 12. 13. 14. eod.* commissa tamen etiam illa censentur, quæ ad executionem negotiationis necessaria & utilia sunt *l. 1. §. 8. 9. 11. l. fin. de exerc. action. v. l. 2. de jurisdict. l. 56. 62. de procur.*

§. 16. Ex contractibus initis, magister navis, agere & conveniri potest, ad effectus §. 9. 10. memoratos *v. l. 1. §. 17. 24. de exerc. act.*

Non minus etiam exercitor ex illis obligatur, secundum dicta §. 11. plures exercitores, ut correi debendi, tenentur *l. 1. §. 1. 4. §. 1. 4. cod.* Sed uti actus humani non semper eodem modo explicantur *v. d. l. 4. pr.* ita, apud nonnullas gentes, exercitores saltem pro rata, nec ultra pretium navis, & eorum, quæ in ea continentur, obligantur *v. GROT. de J. B. P. l. 2. c. 11. n. 13.* Denique exercitor, ex contractu Magistri navis, etiam agere potest, juxta §. 12. doctrinam *v. l. 1. §. 18. de exerc. act. junct. l. 1. §. 11 de offic. pref. urb. conf. LAUTERB. C. J. de exerc. act. DN. D. BARTH. dissert. de Magistr. nav. hab. Lips. 1694.*

§. 17. Accidit in vita civili (III.) ut quis in alterius contractum specialiter consentiat. Hoc ut penitus intelligatur, quadruplex consensus forma notari debet. Nam aliquando quis (1.) alterius saltem ministerio utitur; hoc casu non datur consensus in alienum contractum, sed mandans salus, per alium, simpliciter contrahit, hinc ad ipsum etiam unice contractus pertinet, illeque solus exinde agere & conveniri potest *l. fin. quod juss. l. 4. C. quod cum eo qui l. 15. de conslit. pecun.* Aliquando quis (2.) ei, cum quo alius, nomine ejus, contracturus est, mandat, ut contractum ineat; hoc casu consensus involvit proprium contractum mandati, cum extraneo celebratum *l. 8. C. mand. & approbationem contractus alieni l. 1. §. 1. 3. l. 3. quod juss. l. 8. C. quod cum eo* hinc contrahens, prout visum est, contra mandantem, vel ex ejus proprio, vel alieno contractu, agere potest.

§. 18. Aliquando (3.) quis, animo contrahendi, mandat alicui, ut ipse nomine, cum alio contrahat; Hoc casu, consensus involvit proprium contractum mandati, cum procuratore initum, & approbationem contractus alieni: Hinc non tantum inter mandantem & mandatarium mutua nascitur obligatio, sed & mandans, ex contractu alieno, agere & conveniri potest *l. 13. §. 25. de A. E. V.* Denique aliquando quis (4.) sine animo contrahendi, aliquem jubet, suo nomine, cum alio contrahere; hoc casu, consensus saltem involvit approbationem contractus alieni, illeque præcipue, quoad dominos & servos, Patres & filiosfam. inter quos contractus regulariter non est, apud Romanos occurrebat, quod liberam personam verò tum occurrere videtur, quando ejus contractus rati habentur *v. l. 7. §. 1. C. quod cum eo.*

§. 19. Huc pertinet triplex posterior, in primis verò ultima consensus.

sentiendi ratio, & nihil refert, si consensus antecedit negotium suscipiendum *v. l. 25. §. 4. de A. O. H.* si illud concomitetur, aut sequatur *l. 1. §. 1. 6. quod iuss.* nihil quoque interest, si expresse, si tacite consentiatur *d. l. 1. §. 1.* hinc si chirographo filii Pater subscribat, in contractum ejus censetur consensisse. Nuda tamen scientia Patris *l. 8. §. 15. quib. mod. pign. solv.* vel commendatio filii, consensum non infert *l. fin. C. quod cum eo nec fidejussio pro eo facta l. 1. §. 5. quod iuss.* cujus tamen observationis exiguus hodie videtur esse usus. Denique nihil interest, si ipse dominus, si is, qui ejus vices sustinet, ut tutor vel curator, consentiat *l. 1. §. f. l. 2. quod iuss.*

§. 20. Posito igitur consensu, consentiens, ex contractu inito, obligatur in solidum, modo contrahens mandatum non excesserit *l. 3. quod iuss.* Instituitur igitur, illa ipsa actio, quæ ex contractu descendit, puta emti, locati, ex mutuo &c. contra consentientem, quam hæredibus & contra hæredes etiam dari, ex generalibus principiiis, manifestum est. Quodsi tamen mandatum, re integra, revocetur *l. 1. §. 2. quod iuss.* aut jubens moriatur *v. l. 50. de A. O. H.* & is, cum quo contractus celebrandus est, id sciat, tum mandans amplius conveniri nequit. Poterit etiam consentiens, ex contractu, suo consensu, inito, contra extraneum agere *l. 13. §. 25. de A. E. V.* de quo tamen non adeo quæritur, cum ut plurimum hic contractum à sua parte statim impleat. *conf. LAUTERB. C. J. quod iuss.*

§. 21. Apud Romanos (IV.) Domini & patres, servus & filiusfam. peculium aliquod concedebant *v. l. 4. pr. l. 5. §. f. l. 8. l. 46. de pecul. l. 7. pr. de donat.* quo ipso, in eorum contractus, pro ratione quantitatis concessæ, consentiebant, sed ita, ut, quod postea personis, suæ potestati subiectis, credidissent, prius possent deducere *l. 5. §. fin. l. 2. §. 2. seqq. de pecul. §. 4. in fin. l. quod cum eo qui.* Ex contractibus ergo servorum & filiorumfam. domini & Patres conveniebantur illis ipsis actionibus, quæ ex contractibus descendebant, quæ tamen aliquando in solidum competeabant, aliquando minus solido persequiebantur, pro diverso scilicet peculii habitu *§. 38. l. de action.* Quodsi soluta esset dominica vel patria potestas, fundamentum imputationis cessabat, non tamen statim; sed intra annum agi poterat *l. 1. 2. 3. quand. de pecul. act. annal. add. OBSERV. LAUTERB. Obs. 435. seqq.*

berum sit, ideo merito illud improbavit lex positiva *l. fin. C. de pact. pign.* De cætero hoc pactum distingvi debet à venditione pignoris, iusto pretio, ex postfacto suscepta *l. 34. de pign. action.* nec non à venditione condicionali seu eventuali, iusto itidem pretio facta *l. fin. de C. E. V. l. 16. §. f. de pignor.* denique à pacto, de re oppignorata, creditori æquo pretio vendenda *l. 1. C. de pact. pign.* nam, omnia hæc negotia valida esse, manifestum est *add. LAUTERB. C. J. de pign. action.*

CAPUT XVIII. DE CONTRACTIBUS EX UNA PARTE IMPLETIS.

SUMMARIA.

Ufus conditionis causa data, causa non secuta

§. 1.

Ejus indoles & requisita §. 2.

Datur ob causam non secutam §. 3.

In contractibus nominatis quando repetitio locum habeat §. 4.

In innominatis res repetitur ob poenitentiam dantis §. 5.

Et cessationem accipientis §. 6. 7. 8.

Quod hodie non indistincte obtinet §. 9.

Deficiente modo specialiter adjecto, res iure civili & hodierno repeti potest §. 10.

Conditionis huius subjectum §. 11.

Et objectum §. 12.

Oritur illa ex quasi, vel innominato contractu, juxta quorundam sententiam §. 13.

Sed est ipsa actio, quæ ex negotio gesto descendit §. 14.

Concurrit aliquando cum ea, rei vindicatione §. 15.

§. 1.



Ductis, pro instituti ratione, variis contractuum speciebus, superest, ut ea, quæ diversis conventionibus communia sunt, etiam persequamur. Pertinet eo disquisitio de *contractibus aliisque negotiis* (nam hæc conjungere liceat) *ex una parte impletis.* Ex his, sine dubio, ille, qui suum præstitit, alterum quoque, ad implendam fidem, adigere potest, quod, in præcedentibus, hinc inde, satis ostensum est. Præterea verò, de re data, repetenda aliquando quæritur, quo nomine, in jure Romano, prodita est *Condictio causa data, causa non secuta*, de quo nunc in genere dispiciendum.

§. 2. Condictio causa data, causa non secuta, sive ob causam datorum

torum est actio personalis, quæ id, quod ob causam futuram licitam, datum est, causa illa non secuta, repetitur, quæ actio civilis dicitur, & perpetua est arg. l. 3. C. de præscript. 30. vel 40. annor. Quo autem locum habeat, requiritur (1.) ut aliquid datum sit l. 1. 3. 16. ff. de condit. c. d. c. n. f. etiam civiliter l. 4. 10. eod. l. 4. C. de condit. ob caus. dator. l. 24. in fin. de A. A. H. l. 115. de R. J. facta autem exhibita repeti non possunt, hinc ad hæc conditio non pertinet v. VINN. S. Q. l. 1. c. 46. (2.) ob causam futuram l. 52. 65. §. 4. de condit. indeb. l. 17. §. 4. de condit. & demonstr. quæ vel expresse addita est l. 7. C. de condit. ob caus. dat. l. 3. §. 7. in fin. ff. eod. l. 25. C. de transact. vel ex natura negotii intelligitur l. 6. pr. ff. l. 1. C. de condit. ob caus. dat. l. 3. 21. de jur. dot. (3.) licitam l. 1. pr. de condit. c. d. c. n. f. l. 1. §. 1. de condit. ob turp. caus. & (4.) non impletam l. 1. pr. l. 3. §. 2. ff. l. 6. 8. C. de condit. ob c. d. l. 52. de condit. indeb.

§. 3. Causa autem non impletur vel ob cessationem accipientis, vel ob pœnitentiam dantis. Ita vulgo conditionis usum repræsentare solent v. LAUTERB. C. J. de condit. c. d. c. n. f. sed illa docendi ratio inadæquata est, pertinetque tantum ad contractus Romanorum innominatos, cum tamen, etiam intuitu aliorum negotiorum, de usu conditionis nostræ, quæri possit; Quare ut magis adæquate hæc res proponatur, forte non incongrue distinguitur, utrum causa futura, consideretur ut ordinaria contractus præstatio, an ut modus vel conditio, specialiter adjecta.

§. 4. Quoad prius, rursus sunt distingvendi contractus nominati & innominati. Circa illos in genere, ob pœnitentiam dantis, cessat conditio, quoad cessationem verò accipientis, iterum interest, an sint domini translativi, nec ne. In illis, v. gr. emtione, conditio cessat, licet accipiens promissum non præstet l. 8. C. de C. E. V. l. 14. C. de rescind. vendit. nisi vel specialiter hoc conventum, vel sub conditione res data sit, vel fraus erroris intervenerit v. §. 3. §. 39. seqq. aut in subsidium, ob inopiam debitoris, res reperenda sit, modo aliorum creditorum jus non obstat. In his vero, v. gr. locatione, repetitio locum habet, si accipiens promissum implere vel nolit, vel non possit l. 15. §. 6. locat. v. c. 6. §. 23.

§. 5. Circa contractus innominatos largior, de jure civili, conditionis nostræ est usus: Habet enim locum ob pœnitentiam dantis l. 3.

§. 2. 3. *l. 5. pr. §. seqq. de condit. c. d. c. n. f. l. 5. §. 1. de P. V.* licet accipiens promissum implere paratus sit *d. l.* Cessat tamen pœnitentia, si, litis tollendæ causâ, aliquid datum sit *l. 39. C. de transact.* vel res promissa, sine culpa accipientis, perierit *l. 5. §. 1. in fin. de P. V. l. 10. C. de condit. ob caus. dator. v. OBSERV. LAUTERB. Obs. 644.* aut negotium pro contractu innominato haberi non possit *l. 8. de condit. c. d. c. n. f.*

§. 6. Porro datur etiam conditio ob *cessationem accipientis*, circa hoc tamen varie distingvendum est. Si (1.) promissum implere nolit, locum habet conditio *l. 3. §. 2. de condit. c. d. c. n. f.* si vero (2.) non possit, ob legis, actum alias licitum annullantis, prohibitionem, tum itidem obrinet *l. 1. r. C. cod.* si (3.) ob impossibilitatem, quæ ab initio adfuit, etiam repetitio fieri potest *l. 3. §. 5. ff. cod.* nisi danseam sciverit, tum enim rem censetur donasse *l. 8. C. cod.* quæ duplex decisio proxime relata, etiam ad contractus nominatos pertinet, nam negotium, duobus istis casibus, est nullum, adeoque repetitio merito obtinet, nisi donatio accesserit.

§. 7. Ulterius si (4.) ex postfacto causa fiat impossibilis, & quidem voluntate dantis, repetitio cessat *v. l. 2. ff. de condit. c. d. c. n. f. l. 15. C. de donat. ant. nupt.* nam si ille censetur donare, qui impossibilitatem scit, multo magis donatio asserenda videtur in eo, qui eam procurat. Si vero (5.) voluntate & culpa accipientis, repetitio locum habet *l. 3. §. 3. l. 5. §. fin. de condit. c. d. c. n. f. l. 10. 11. C. cod.* si denique (6.) casu fortuito impossibilitas superveniat, & causâ consistat in dando, repetitio cessat *l. 5. §. 1. de P. V. l. p. C. de condit. ob caus. dat.* nam res promissa, jacet periculo dantis *v. §. 5. h.* quod si autem, spe futuræ conventionis, per anticipationem, res data sit, ac res sperata casu perierit, illa repeti potest *l. fin. de condit. c. d. c. n. f.* res enim periit suo domino *v. OBSERV. LAUTERB. Obs. 349.*

§. 8. Quod si (7.) causâ consistat in faciendo, tum interest, utrum factum respiciat certum objectum v. gr. servum manumittere, an indefinitum sit, v. gr. Capuam ire: illo casu, objecto, sine promissoris culpa, sublato, repetitio cessat *l. 3. §. 3. l. 5. §. 2. de condit. c. d. c. n. f. l. pen. C. cod.* nam hic etiam res periculo dantis & creditoris jacuit, perinde ut in casu præcedente, *de quo n. 6.* Hoc vero, repetitio
locum

locum habet, si promissor, casu impeditus, factum præstare nequeat *l. 5. pr. cod.* nam eadem hic est ratio, quæ in locatione & conductione, de qua *§. 4. in fin.* dictum v. OBSERV. LAUTERB. *Obs. 350.*

§. 9. In hunc fere modum, de contractibus innominatis, jure Romano, pronunciandum est. Verum cum illi hodie etiam consensuales sint, ut alibi ostensum, igitur, quoad repetitionem rei datæ, idem jus erit, quod in contractibus nominatis consensualibus. Quare, ob pœnitentiam, repetitio cessat, nec obtinent dicta *§. 5.* quatenus facultatem pœnitendi asserunt. Porro cessat regulariter repetitio, in casu *§. 6. n. 1.* ut & *§. 7. n. 5.* Cætera manent, cum in contractibus nominatis, illa etiam locum inveniunt v. *c. 1. §. 12. seqq. c. 14. §. 10. 11. 13. 15.*

§. 10. Quod si causa, ut modus, vel conditio, specialiter adjecta, spectetur v. *§. 3.* E. gr. si, certæ rei contemplatione, fundus exiguo pretio alteri vendatur *l. 6. C. de pact. inter emtor. & vendit.* aut dos, spe futuri matrimonii, numeretur *l. 6. pr. ff. l. 1. C. de condit. c. d. c. n. f.* vel pecunia falso procuratori, ut ratihabitionem domini impetret, solvatur *l. 14. ff. cod.* aut sub modo aliquid donetur *l. 1. C. de donat. que sub mod.* vel legeretur *l. 17. §. 4. de condit. & demonstr. l. 19. de Legat. 3.* Hisce casibusne quidem de jure civili, ob pœnitentiam res reperi poterit, bene tamen ob cessationem accipientis *l. 8. C. de condit. ob caus. dat.* nisi modus pro impleto habeatur *l. 1. C. de donat. que sub mod.* quæ hodie quoque obtinere videntur add. OBSERV. LAUTERB. *Obs. 557.*

§. 11. Datur autem conditio causa data, causa non secuta, in casibus habilibus danti & hæredibus *l. 2. 3. C. de condit. ob caus. dat.* Hi tamen ex propria pœnitentia rem repetere nequeunt *l. 3. de serv. export. l. 32. §. 2. de donat. inter V. & U. l. 4. locat.* quæ quæstio hodie supervacua est v. *§. 9. h.* Competit contra illos, qui rem acceperunt, & hæredes *l. 8. C. de condit. ob caus. dator.* sed non contra successores singulares *l. 4. C. de rer. permut.* hinc nec in concursu Creditorum repetitioni locus est.

§. 12. Persequitur hæc actio omnis generis res, mobiles & immobiles *l. 1. §. 1. l. 7. §. 1. de condit. c. d. c. n. f.* naturaliter vel civiliter datas *l. 4. 10. ff. l. 4. C. cod.* ut & fructus *l. 7. §. 1. l. 12. cod.* etiam ante litem contestatam perceptos *l. 38. §. 1. 7. de usur. l. 31. pr. de R. C.* quod

rueatur l. 1. C. de donat. que sub mod. l. 15. C. de donat. ante nupt. nam in hujusmodi actibus interpretandis & formandis, magnas partes habet lex positiva add. LAUTERB. C. J. de condiç. caus. dat.

CAPUT XIX.

DE IMPUTATIONE CONTRACTUUM ALIENORUM.

SUMMARIA.

Lex præcipue casibus, contractus aliorum, aliis imputantur §. 1.

Imputationis causa est consensus vel utilitas collata §. 2.

Institoris definitio & divisio §. 3.

Constitutio §. 4.

Quinam institorem constituent §. 5.

Aut hoc munus recipiant §. 6.

Ex negotio juxta certa requisita, gesto §. 7. 8.

Institor agere & conveniri potest §. 9.

Non tamen finito officio §. 10.

Præponens etiam ex contractu institoris convenitur §. 11.

Et agit §. 12.

Negotiationi maritimæ præponitur magister navis §. 13.

Quoad rationem constituendi & personas convenit hæc negotiatio cum terrestri §. 14.

Contractus juxta voluntatem exercitoris sunt iacundi §. 15.

Ex quibus tam magister navis, quam exercitor conveniri & agere possunt §. 16.

In contractum alterius alius quandoque specialiter consentit §. 17. 18. 19.

Hinc consentiens in solidum obligatur §. 20.

Ob concessionem peculii pater & dominus pecu-

liotenus tenentur, salvo tamen deductionis beneficio §. 21.

Sed accedente negotiationis scientia, deductio cessat §. 22.

Solum tamen quoad merces, in quibus negotiatio exercita §. 23.

Hodie casus peculii concessi fere non amplius occurrunt §. 24.

Ob versionem in utilitatem, alius, ex contractu alterius, quoque tenetur §. 25.

Licet casus collatam utilitatem interceperit §. 26.

Actio ex ipso contractu descendens, eo nomine instituitur §. 27.

Quæ differt ab actione negotiorum gestorum §. 28.

Aliquando plura imputandi fundamenta concurrunt ac electioni creditoris locum faciunt §. 29.

Nonnunquam diversa fundamenta cumulantur §. 30.

Quomodo alii fam. ex contractibus suis obligentur §. 31.

Datur ipsis aliquando beneficium competentie §. 32.

In sex casus hæcenus expositos peculiaria actionum nomina, jure Romano sunt constituta §. 33.

Quæ rectius exploduntur quam retinentur §. 34.

§. 1.



Æpe, in vita civili, contractus aliis, qui immediate non contraxerunt, imputantur, quo nomine, sex casus satis celebres, in jure Romano, memorantur (1.) si quis aliquem negotiationi terrestri (2.) maritimæ præposuerit, (3.) in contractum alterius specialiter consenserit (4.) Pater aut dominus filio vel servo pecu-

peculium simpliciter concefferit, (5.) in eo illos negotiari permiferit, ac denique (6.) fi in alterius utilitatem contractus fit celebratus.

§. 2. Summatim autem duæ sunt imputationis cauſæ, *conſenſus* & *collata utilitas*; Ille in prioribus quinque caſibus occurrit, ac, in diverſas formas, ſe iterum componit, dum vel ſpecialis, vel generalis eſt, & vel præpoſitione vel peculii conceſſione, eaque vel ſimplici, vel, cum negotiationis ſcientia, conjuncta, ſe exſerit: Hæc vero, in caſu ultimo adest. De cætero tota hæc diſquiſitio, ex fundamentis naturalibus, reſultat, nec adeo difficilis eſt, quæ verò Romani adjecerunt, ea fere in inutileſtricas reſolvuntur, ac materiam hanc magis involvunt, quam explanant. *add. OBSERV. LAUTERB. Obſ. 423.*

§. 3. Fit igitur (1.) *ut quis alium negotiationi terreſtri præponat*, circa quem caſum, ſummatim tria ſpectari poſſunt (1.) *præpoſitio* (2.) *præpoſiti contractus* (3.) *contractuum*, à *præpoſito initorum*, effectus. Is qui præponitur, *Inſitor* audit *v. l. 3. de inſtit. action.* & eſt *perſona moralis*, à *domino*, *negotiationi quaſtuariæ adminiſtrande*, univerſaliter *præpoſita l. 5. de inſtit. action.* Habet tamen illa præpoſitio ſuos gradus, hinc inſitor *generalis*, omnium negotiationum, & *ſpecialis*, certæ alicujus, eſſe poteſt.

§. 4. Conſtituitur Inſitor mutuo conſenſu, qui quidem, quoad Patrem & filiumſam, dominum & ſervum, generale nomen retinet *l. 1. de inſtit. action. §. 4. l. de inutil. ſtipul. §. 2. l. quod cum eo qui.* ſed hic caſus hodie vel plane non occurrit, vel rariffimus eſt: Quoad perſonam vero liberam, in peculiarem contractum abit, nempe mandatum vel locationem *l. 1. §. 18. de exerc. action. l. 1. de inſtit. action.* aliquando etiam tacito conſenſu præpoſitio fit *l. 1. §. 5. de exerc. action. l. 7. §. 11. de SCro Maced.* Quodſi quis, ſine conſenſu, alterius negotiationem adminiſtret, hætenus quidem pro inſtitore haberi poteſt, ut domino rationem reddere teneatur, aut ab eo indemnitate petere poſſit *l. 1. de inſtit. action.* non verò ut contractus, cum aliis celebrati, domino imputentur *v. OBSERV. LAUTERB. Obſ. 422.* Affirmans ergo, aliquem eſſe inſtitorem, præpoſitionem probare debet, eſt enim facti *v. l. 5. pr. l. 11. §. 2. l. 18. de inſtit. action.*

§. 5. Præponunt inſtitores, qui negotiationes quaſtuarias exercent *l. 5. cod. l. 13. de inſtrum. leg. etiam ſcæminæ l. 7. §. 1. ff. l. 4. C. de inſtit.*

instit. action. pupilli, minores *l. 9. seqq.* tutores, curatores, procuratores *l. 5. §. fin. cod.* institores, modo præponens hoc non prohibuerit *l. 5. §. 17. cod. l. 1. §. 5. de exerc. action. l. 8. §. 3. mand.* Si quis autem negotiationem quæstuariam exercere prohibeatur eum nec institorum constituere posse, manifestum est, *v. l. 2. §. 1. de admin. rer. ad civit. pertin.*

§. 6. Præponuntur illi, qui usu rationis gaudent, etiamsi iudicio satis firmo non utantur *l. 7. 8. de instit. action. l. 7. §. 11. de SCto Maced.* imputet enim sibi præponens, si, ex eorum administratione, damnum sentiat. Fit præpositio intuitu negotiationum quæstuariorum, quales inter mercatores occurrunt *l. 3. 4. 16. 18. de instit. action.* Pecuniis tamen scænerandis, jure civili institor non fuit præpositus, ut quidam censent ex *l. 19. pr. de instit. action. §. 5. in fin. l. quod cum eo qui.* sed uti ista observatio saltem ad nomen præpositi, non effectum juris, spectat *v. l. 5. §. 2. cod.* ita hodie nomen quoque adhiberi potest. Ad negotia œconomica itidem non pertinet institor *l. 5. §. 10. cod. l. 13. §. 25. de A. E. V.* sed & hoc saltem ad nomen spectat, nam, dominum, etiam ex gestis procuratoris, teneri, quatenus consensit, manifestum est *v. l. 16. de instit. action.*

§. 7. Postea considerandi contractus ab institore celebrati *v. §. 3.* Hic uti varia gerere potest, ita, in genere, circa ea, requirendum est, ut juxta legem præpositionis sint suscepta. Requiritur igitur (1.) contractus *l. 1. de instit. act.* delicta institoris, hæc tamen ad dominum non pertinent, quamvis ob ea, ex alia causa, nonnunquam conveniri queat (2.) cum institore *l. 5. §. 17. l. 11. pr. l. 17. §. 2. 3. cod.* (3.) de rebus, quibus est præpositus, secundum legem præpositionis, initus *l. 5. §. 11. l. 11. §. 5. ff. l. 3. C. cod.* & nihil refert, siue domini, siue suo nomine, verbis in suam personam concepris, institor contrahat *l. 1. ff. cod.*

§. 8. Non tantum autem ea, de quibus expresse dictum, sed & illa, quæ ad executionem eorum, necessaria & utilia sunt, commissa censentur. Hinc si v. gr. institor, ad tabernam reficiendam, pecuniam intra probabilem modum, mutuatus sit, & taberna refectione indigeat, in eamque causam pecunia sit data, dominus inde obligatur, licet institor pecuniam male consumserit *l. 1. §. 8. 9. l. fin. de exerc. action.* dominus enim hic non ex versione, sed consensu tenetur, ac imputet sibi,

Aaa a

quod

quod opera hominis improbi utatur v. OBSERV. LAUTERB. *Obs.* 411. Quodsi conditio vel lex præpositionis captiose concepta sit, tum illa negligitur l. 11. §. 5. de *instit. action.*

§. 9. His positis, tertio quæritur de effectu contractuum ab institore celebratorum v. §. 3. potest autem effectus ille considerari, vel ratione *institoris*, vel *præponentis*. Institutor, si sit persona libera, nec in potestate præponendis, qualis hodie plerumque esse solet, *durante officio*, ex contractibus suis, contra debitores agere, & debitum exigere potest l. 1. de *instit. action.* l. 1. §. 18. de *exerc. action.* Non minus etiam à creditoribus potest conveniri l. 7. §. 1. de *instit. action.* l. 7. §. 11. ad *Scr. Maced.* CARPZ. p. 2. C. 20. D. 14. n. 2. non ut de suo, sed ut ex rebus, quibus præest, solvat v. l. 43. §. 1. de *admin. tutor.* l. 1. C. *quand. ex fact. tutor.* l. 5. 7. ff. *cod. l. 1. §. f. quod iuss.* l. 4. de *re jud.* hinc executio in bona institoris fieri, vel ipse arrestari nequit v. CARPZ. p. 1. C. 32. D. 14. C. 30. D. 11.

§. 10. Sed, *officio finito*, neque ipse amplius agere, neque conveniri potest l. *fin. de instit. action.* nisi proprio nomine contraxerit, quod in primis ex objecto, cujus intuitu contractus celebratus est, judicandum videtur v. CARPZ. p. 1. Dec. 10. l. 4. Rsp. 80. aut in specie fidem suam adstrinxerit l. 67. de *procur. l. 3. §. 2. de admin. ver. ad civit. pertin.* l. 5. *quand. ex fact. tut. l. 15. C. de admin. tutor.* vel fines præpositionis excesserit l. 43. §. 1. de *admin. tutor.* nam omnibus hisce calibus non ut institutor, sed ut suo nomine contrahens, consideratur. Quodsi institutor, sive durante, sive finito officio, de suo solverit, non à Creditore id repetere potest, sed dominum reposcere debet l. 6. 44. de *condict. indebit.*

§. 11. Ulterius ex contractu institoris, ipse præponens etiam conveniri potest ob consensum, nam hoc æquitas exigit, quam contra summi juris injustitiam v. §. 10. l. de *action. l. 3. C. ne ux. prom. in fin.* apud Romanos asseruit Prætor l. 1. §. 12. l. 14. 15. 17. pr. de *instit. action.* Est autem actio, quæ contra præponentem instituitur, illa ipsa, quæ ex contractu institoris descendit, emti, locati, ex mutuo &c. & datur in solidum, quia in solidum præponens consensit: Si plures præposuerint, ut correi debendi obligantur l. 13. §. f. l. 14. de *instit. action.* quod tamen non ubique observatur v. VINN. ad §. 2. l. *quodcumque qui n. 2.* OBSERV. LAUTERB. *Obs.* 412.

§. 12. Non

§. 12. Non minus etiam præponens, ex contractu institutoris, contra debitores, agere potest, nam non tantum ratione oneris, sed & commodi, in ejus contractus, consensus. Jure Romano quidem actio ei negari videtur *l. 1. de instit. act.* sed cum domino ex contractu Procuratoris, detur actio *l. 13. §. 25. de A. E. V.* ideo præponenti non tam actionem negasse, quam potius de nomine actionis disputasse, aut per otiosas ambages incessisse censendi sunt Romani. Imo nonnulli actionem diserte concedunt *l. 1. in fin. l. 2. de instit. action.* Non putem igitur, tricarum, ab æquitate abeuntium, aliquam habendam esse rationem *conf. LAUTERB. C. J. de instit. action.*

§. 13. Porro contingit (II.) ut quis alium negotiationi maritime præponat, circa quem casum, tria illa §. 3. laudata, etiam spectari possunt, & sunt ejus eadem fere jura, quæ præcedentis, hinc in plerisque, nuda remissione nobis defungi licebit. Is qui præponit, *Exercitor* dicitur, ad quem obventiones & redditus pertinent *l. 1. §. 15. de exerc. action.* ille vero, qui præponitur, *magister navis* audit, cui totius navis cura commissæ est *l. 1. pr. §. 1. cod.*

§. 14. Constituitur Magister navis mutuo consensu, & obtinent dicta §. 4. Quoad præponentes etiam repetenda, quæ §. 5. diximus *v. l. 1. §. 16. de exerc. action.* hoc tamen singulare est, quod magister navis alium substituere possit, licet exercitor prohibuerit *l. 1. §. 5. cod.* quod ubique forte non observatur. Circa personas præponendas itidem doctrina §. 6. recurrit *v. l. 1. §. 4. de exerc. action.* Constituuntur magistri navium, intuitu negationum maritimarum, quo nomine, hic casus à præcedente distingvitur *v. l. 1. pr. cod.*

§. 15. Circa contractus magistri navis requiritur, ut, juxta voluntatem exercitoris, sint celebrati, & obtinent ea, quæ §. 7. 8. diximus. Debet scilicet (1.) esse contractum (2.) cum magistro navis *l. 1. §. 2. de exerc. action.* (3.) de rebus, quibus præpositus est, & secundum præpositionis legem *l. 1. §. 7. 12. 13. 14. cod.* commissæ tamen etiam illa censentur, quæ ad executionem negotiationis necessaria & utilia sunt *l. 1. §. 8. 9. 11. l. fin. de exerc. action. v. l. 2. de jurisdict. l. 56. 62. de procur.*

§. 16. Ex contractibus initis, magister navis, agere & conveniri potest, ad effectus §. 9. 10. memoratos *v. l. 1. §. 17. 24. de exerc. act.*

Non minus etiam exercitor ex illis obligatur, secundum dicta §. 11. plures exercitores, ut correi debendi, tenentur *l. 1. §. f. l. 4. §. 1. 4. cod.* Sed uti actus humani non semper eodem modo explicantur *v. d. l. 4. pr.* ita, apud nonnullas gentes, exercitores saltem pro rata, nec ultra pretium navis, & eorum, quæ in ea continentur, obligantur *v. GROT. de J. B. P. l. 2. c. 11. n. 13.* Denique exercitor, ex contractu Magistri navis, etiam agere potest, juxta §. 12. doctrinam *v. l. 1. §. 18. de exerc. act. junct. l. 1. §. 11 de offic. pref. urb. conf. LAUTERB. C. J. de exerc. act. DN. D. BARTH. dissert. de Magistr. nav. hab. Lips. 1694.*

§. 17. Accidit in vita civili (III.) ut quis in alterius contractum specialiter consentiat. Hoc ut penitus intelligatur, quadruplex consensus forma notari debet. Nam aliquando quis (1.) alterius saltem ministerio utitur; hoc casu non datur consensus in alienum contractum, sed mandans salus, per alium, simpliciter contrahit, hinc ad ipsum etiam unice contractus pertinet, illeque solus exinde agere & conveniri potest *l. fin. quod juss. l. 4. C. quod cum eo qui l. 15. de constit. pecun.* Aliquando quis (2.) ei, cum quo alius, nomine ejus, contrahitur est, mandat, ut contractum ineat; hoc casu consensus involvit proprium contractum mandati, cum extraneo celebratum *l. 8. C. mand. & approbationem contractus alieni l. 1. §. 1. 3. l. 3. quod juss. l. 8. C. quod cum eo hinc contrahens, prout visum est, contra mandantem, vel ex ejus proprio, vel alieno contractu, agere potest.*

§. 18. Aliquando (3.) quis, animo contrahendi, mandat alicui, ut ipsius nomine, cum alio contrahat; Hoc casu, consensus involvit proprium contractum mandati, cum procuratore initum, & approbationem contractus alieni: Hinc non tantum inter mandantem & mandatarium mutua nascitur obligatio, sed & mandans, ex contractu alieno, agere & conveniri potest *l. 13. §. 25. de A. E. V.* Denique aliquando quis (4.) sine animo contrahendi, aliquem jubet, suo nomine, cum alio contrahere; hoc casu, consensus saltem involvit approbationem contractus alieni, illeque præcipue, quoad dominos & servos, Patres & filiosfam. inter quos contractus regulariter non est, apud Romanos occurrebat, quod liberam personam verò tum occurrere videtur, quando ejus contractus rati habentur *v. l. 7. §. 1. C. quod cum eo.*

§. 19. Huc pertinet triplex posterior, in primis vero ultima consensus.

sentiendi ratio, & nihil refert, si consensus antecedit negotium suscipiendum *v. l. 25. §. 4. de A. O. H.* si illud concomitetur, aut sequatur *l. 1. §. 1. 6. quod iuss.* nihil quoque interest, si expresse, si tacite consentiatur *d. l. 1. §. 1.* hinc si chirographo filii Pater subscribat, in contractum ejus censetur consensisse. Nuda tamen scientia Patris *l. 8. §. 15. quib. mod. pign. solv.* vel commendatio filii, consensum non infert *l. fin. C. quod cum eo nec fidejussio pro eo facta l. 1. §. 5. quod iuss.* cujus tamen observationis exiguus hodie videtur esse usus. Denique nihil interest, si ipse dominus, si is, qui ejus vices sustinet, ut tutor vel curator, consentiat *l. 1. §. f. l. 2. quod iuss.*

§. 20. Posito igitur consensu, consentiens, ex contractu inito, obligatur in solidum, modo contrahens mandatum non excesserit *l. 3. quod iuss.* Instituitur igitur, illa ipsa actio, quæ ex contractu descendit, puta emti, locati, ex mutuo &c. contra consentientem, quam hæredibus & contra hæredes etiam dari, ex generalibus principiis, manifestum est. Quodsi tamen mandatum, re integra, revocetur *l. 1. §. 2. quod iuss.* aut jubens moriatur *v. l. 50. de A. O. H.* & is, cum quo contractus celebrandus est, id sciat, tum mandans amplius conveniri nequit. Poterit etiam consentiens, ex contractu, suo consensu, inito, contra extraneum agere *l. 13. §. 25. de A. E. V.* de quo tamen non adeo quæritur, cum ut plurimum hic contractum à sua parte statim impleat. *conf. LAUTERB. C. J. quod iuss.*

§. 21. Apud Romanos (IV.) Domini & patres, servis & filiisfam. peculium aliquod concedebant *v. l. 4. pr. l. 5. §. f. l. 8. l. 46. de pecul. l. 7. pr. de donat.* quo ipso, in eorum contractus, pro ratione quantitatis concessæ, consentiebant, sed ita, ut, quod postea personis, suæ potestati subiectis, credidissent, prius possent deducere *l. 5. §. fin. l. 2. §. 2. seqq. de pecul. §. 4. in fin. l. quod cum eo qui.* Ex contractibus ergo servorum & filiorumfam. domini & Patres conveniebantur illis ipsis actionibus, quæ ex contractibus descendebant, quæ tamen aliquando in solidum comperebant, aliquando minus solido persequabantur, pro diverso scilicet peculii habitu *§. 38. l. de action.* Quodsi soluta esset dominica vel patria potestas, fundamentum imputationis cessabat, non tamen statim; sed intra annum agi poterat *l. 1. 2. 3. quand. de pecul. act. annal. add. OBSERV. LAUTERB. Obf. 435. seqq.*

§. 22. Si vero (V.) *domini & Patres peculium non tantum concederent, sed & personas sibi subiectas, in eodem, negotiari scirent, tum eatenus consentiebant, ut id, quod postea crediderant, deducere non possent l. 1. pr. §. 2.3. de tribut. action. §. 5. l. quod cum eo qui.* Poterant igitur ex contractibus conveniri, ut inter se, & creditores, non totum peculium, sed mercem peculiarem, in qua personæ subiectæ erant negotiata, dividerent *l. 11. de tribut. action. ac divisionem inæqualiter factam emendarent l. 7. §. 2. l. fin. cod. v. OBSERV. LAUTERB. Obs. 424. seqq.*

§. 23. Erat igitur hoc casu, dominorum & Patrum consensus in eo largior, quod privilegium deductionis excluderet, at in eo erat restrictus, quod non ad totum peculium, ut in casu §. 21. sed ad mercem saltem peculiarem, in qua negotiatio instituta, pertineret. Debebant igitur Creditores, prout hoc rebus suis expedire videbatur, nunc illum, nunc hunc consensum urgere *l. 11. de tribut. action. §. 5. l. quod cum eo qui.*

§. 24. Licet vero illa omnia, ex principiis naturalibus, resulerent, attamen cum hodie mancipia non habeamus, aut certe illis peculia concedere non soleamus: Liberi vero, seorsum habitantes vel negotiantes, sint sui juris, nec adeo prolixiora peculia profectitia, quoad eos, occurrant, ideo uterque casus, proxime expositus, in foro nostro est incognitus; Quodsi tamen aliquando Patri visum sit, filium in potestate retentum, prolixiori peculio instruere, tum jura memorata, locum adhuc habebunt, sed ille casus erit rarissimus.

§. 25. Denique accidere potest (VI.) *ut quis in alterius utilitatem contrahat, qui casus, intuitu dominorum & servorum, nec non Patrum & filiorumfam. apud Romanos, potissimum quidem expenditur tot. tit. de in rem vers.* attamen quoad personas liberas, res aliorum administrantes, non raro quoque occurrit *v. l. 27. de R. C. l. 1. C. si res alien. pign. dat.* Posita igitur & probata versione *l. 7. C. quod cum eo qui. §. 5. l. cod. auth. hoc jus in fin. C. de SS. Eccles. is, qui utilitatem accepit, ex contractu alterius, eatenus teneretur, quatenus commodum inde sensit l. 3. §. 1. seqq. l. 5. pr. §. 2. l. 10. §. 4. l. 17. §. 1. de in rem vers. l. 51. in fin. de pecul. Decis. Saxon. 16. CARPZ. p. 2. C. 6. D. 19.*

§. 26. Quodsi

§. 26. Quodsi in alterius utilitatem res quidem accepta sit, casus verò actualem versionem impediverit, nihilominus ille tenetur *l. 3. §. 7. 8. l. 17. pr. de in rem vers. vid. l. 3. §. 2. eod. l. 10. §. 1. l. 12. §. 2. de N. G. l. 4. C. mandat.* Si tamen duorum, in alterius utilitatem contrahentium, intentionem casus eludat, is, cui commodum destinabatur, uni saltem obligatur *l. 3. §. f. l. 4. de in rem vers.* Si verò accipiens, pecuniam male consumat, dominus non tenetur *l. 3. §. 9. eod.* Quæ ad voluptatem pertinent, ex rationibus utilitatis peti nequeunt, nisi domini consensus accesserit *l. 3. §. 4. 6. de in rem vers. l. 27. pr. in fin. de N. G.* Si dominus id, quod in ejus utilitatem versum erat, bona fide restituat administratori, amplius non tenetur *l. 10. §. 6. de in rem vers.*

§. 27. De cætero actio, quæ ob versionem instituitur, est illa ipsa, quæ ex contractu, in alterius utilitatem inito, descendit, v. gr. conditio ex mutuo *l. 27. de R. C.* Hinc, eam hæredibus & in hæredes dari, ultro liquet *l. 1. pr. de in rem vers. l. 7. C. quod cum eo.* Fidejussor tamen, qui pro filiofam. in Patris utilitatem contrahente, se obligavit, ac Creditori solvit, ob collatam utilitatem, contra patrem agere non posse censetur *l. 18. de in rem vers. v. OBSERV. LAUTERB. Obs. 438. seqq.*

§. 28. Ex dictis facile intelligi potest, quomodo casus negotiorum gestorum, à præsentē casu, collatæ utilitatis, differat? Nimirum ibi utilitas, sine contractu, immediate alicui confertur, hic vero contractus, cum alio inito, utilitas, in alium redundat; ibi ergo est actio negotiorum gestorum, hic, actio ex contractu descendens, emti, mutui &c. ibi ille solus tenetur, qui utilitatem accepit, hic autem & contrahens, & is, in cujus emolumentum contractus cessit, conveniri potest. *conf. THOMAS. in not. ad HUBER. positi. l. quod cum eo qui n. 24. add. LAUTERB. C. J. de in rem vers.*

§. 29. Quoad imputandi fundamenta, hætenus explicata, id adhuc observandum, quod nonnunquam plura, circa eundem contractum concurrant, adeoque electioni locum faciant. Finge dominum tabernæ suæ præposuisse institorem, eumque jussisse accipere pecuniam mutuam, hancque, in domini utilitatem, esse versam, hic triplex imputandi fundamentum adest, adeoque creditor, conditionem ex mutuo instituens, vel præpositionem, vel jussum specialem, vel versionem allegare poterit. Sed prudentia exigit, ut illud fundamentum urgeat,

geat, quod plenissimum & probatu facillimum est, quo pertinet doctrina §. 5. *l. quod cum eo qui.*

§. 30. Aliquando plura imputandi fundamenta *cumulative* concurrunt, sive iis conjunctim utendum est. E. gr. Pater jussit filium mutuari centum, hic ducenta accepit, Creditor, ex mutuo agens, centum petere potest ob consensum, sed quoad reliqua centum, versio urgenda est, & eatenus aliquid consequitur, quatenus versionem probare potest. In una ergo actione duplex, eaque diversa, est condemnatio, propter diversum imputandi fundamentum, quod recte quidem, sed minus perspicue, docetur §. 4. *l. quod cum eo qui. v. OBSERV. LAUTERB. Obsf. 443.*

§. 31. Quoad contractus, à filiisfam. celebratos, generaliter quoque notandum, quod illi, velut *ministri*, vel ut *prepositi*, vel *suo nomine* contrahant. Illo casu plane non tenentur *l. 4. C. quod cum eo qui; Illo* verò, durante saltem officio, conveniri possunt *v. §. 9. 10. h. ut hæredes tamen Patris, etiam deposito officio, sine dubio obligantur. Hoc denique, simpliciter obstringuntur l. 39. de O. & A. l. 57. de judic. l. 3. §. 4. de minor. & quidem in solidum l. 44. de pecul. executio tamen differenda est, quamdiu in potestate Patris existit filius, & nihil proprii habet l. 5. pr. quod cum eo qui.*

§. 32. Quia verò filius, intuitu hæreditatis paternæ, censetur contraxisse, ideo si exinde nihil aut parum acceperit, convento datur beneficium competentiae *l. 2. l. 4. pr. §. 3. l. 7. quod cum eo qui l. 2. C. cod. v. l. 30. de re jud. l. 173. de R. J.* Excludunt tamen illud (1.) dolus filiisfam. *l. 4. §. 1. 2. l. 6. quod cum eo qui l. 22. §. 1. de re jud. l. 37. in fin. de minor. l. 21. §. fin. de action. rer. amot. l. 52. de re jud. (2.) specialis renunciatio l. 41. de minor. l. pen. C. de pact. (3.) propriæ facultates, quæ vel statim adsunt, vel temporis successu, acquiruntur l. 4. §. 4. quod cum eo qui vid. LAUTERB. C. J. d. t. Quæ jura hodie quoque valere videntur v. OBSERV. LAUTERB. Obsf. 426. seqq.*

§. 33. Jure Romano, quoad singulos casus, hætenus expositos, peculiaria actionum nomina, nempe *institorie, excitorie, quod jussu, de peculio, tributorie & de in rem verso*, laudantur. Quæ etiam retineri possunt, modo id, quod res est, pro certo supponatur, nempe non novas & peculiare actiones, sed nova saltem actionum, ex contractibus media-

mediatis descendunt, nomina proponi. Sed vulgo sane, in alium sensum ista accipiuntur, quasi scilicet novæ & peculiare actiones, sub istis nominibus, lateant, hinc innotuerunt *actiones adjectivæ qualitatis*, de quarum *indole, fundamento & concursu* multa sæviter disputantur.

§. 34. Perinde hoc est, ac si hominem, nova veste indutum, plane alium credere velis, ex quo præjudicio falsa consuetudina non possunt non fluere: Nominibus illis non novas, sed ipsas, quæ ex contractibus mediatis descendunt, actiones signari, in præcedentibus satis probatum est: Cum igitur nominum illorum nulla sit necessitas, præterea illa à solida cognitione abducant, ac mentibus, Tironum præcipue, glaucomata velut objiciant, rectius illa negliguntur quam conservantur *v. l. i. c. 16. §. 24.* maxime cum, ex inepto jure stricto, originem habeant, ac iplis Romanis tandem otiosa fuerint visa. *§. fin. l. quod cum eo l. 29. de R. C. l. 17. §. fin. de instit. action. l. fin. pro soc.*

CAPUT XX.

DE LÆSIONE IN CONTRACTIBUS ONEROSIS EMENDANDA.

SUMMARIUM.

In contractibus onerosis inæqualitas tolli debet §. 1.

Ob læsionem aliquando contractus est nullus, aliquando illa saltem emendanda §. 2.

De vitiis rerum est edictum adilitium §. 3.

Læsis æstimatio ex tempore, quantitate & qualitate vicii §. 4. 5.

Jure Saxonico tria equorum vitia tantum attenduntur §. 6.

Læsis ex conditione rei venditæ aliisque circumstantiis quoque æstimatur §. 7.

Ob læsionem datur actio redhibitoria §. 8. 9.

Et æstimatoria §. 10.

Quæ sunt ipsæ actiones ex contractu oneroso §. 11.

Ob læsionem in pretio datur remedium ex l. 2. C.

restituend. vend. §. 12. 13.

Quod per modum exceptionis & actionis proponitur §. 14.

Successu temporis ad certam læsionem fuit restitutum §. 15.

Epicrisis de moralitate hujus sanctionis §. 16.

Remedium hoc requirit læsionem §. 17.

Quæ cessat in consentiente §. 18. 19.

Et quidem enormem §. 20.

Vel enormissimam §. 21.

Datur querela læso, contra lædentem, non tertium §. 22.

Ac habet locum in omni contractu oneroso §. 23.

Lædenti datur electio ex communi sententia §. 24.

Sed ille potius obligatur ad læsionis emendationem, contractus vero, utriusque voluntate, potest rescindi §. 25. 26.

Emtoris §. 27.

Et venditoris lædenti officium §. 28. 29.

Rescissio contractus magistratui, qui ejus occasione aliquid accepit, non obest §. 30.

Si res restitui nequeat, emtor lædens pretium præcise supplere tenetur §. 31. 32.

Sicut venditor excessum restituere §. 33.

Querelæ hujus forum & contraria §. 34.

Bbb b

§. 1. Con-

§. 1.



Contractus onerosos requirere æqualitatem, ex ipsorum natura manifestum est. Intervenienti igitur inæqualitas læsionem parit, quæ, ex juris naturalis præscripto, emendari debet. Licet vero hujus rigor, in foro civili, non semper observetur, attamen ejus dictamina non plane negliguntur, hinc non infrequens, de emendanda læsione, est quæstio. Tetigimus hac de re nonnulla *c. 2. §. 31. seqq. c. 3. §. 9. seqq.* Hoc loco de læsione, quæ ex vitiis rerum, & pretii inæqualitate oritur, breviter agemus, quod jam admonitum est *d. c. 3. §. 9.*

§. 2. In genere autem, quoad læsionem, observandum, quod vel *contractum nullum faciat, vel saltem obligationem, ad damnum rescindendum operetur.* Ilo casu, in arbitrio læti est, utrum à contractu plane discedere, an læsionis emendationem petere velit. Hoc vero, hæc petenda, & in subsidium contractus rescissio urgenda est, lædentis igitur, re integra, est electio *v. CARPZ. p. 2. C. 34. D. 7.* de cætero ista diversitas, ex diverso contrahendi modo resultat *add. OBSERV. LAUTERB. Obs. 440.* Illud quoque observandum, quod remediorum, quibus vel contractus evertitur, vel læsionis emendatio petitur, diversa sit duratio, id quod omne, in casibus singulis, specialius cognoscendum est.

§. 3. Quod attinet læsionem, quæ ex vitiis rerum oritur, ejus emendandæ cura, apud Romanos, ad Ædiles pertinuit, hinc *Edictum adilitium*, hoc nomine, innotuit, in quo nihil aliud fere, quam decreta naturalia, de omittenda læsione, damno rescindendo, ac fide servanda, Ædiles proposuerunt. Pertinet verò illud Edictum ad mancipia *l. 1. de edil. edict. jumenta l. 38. pr. §. 5. cod.* aliasque res, mobiles & immobiles *l. 1. pr. l. 49. ff. l. 4. C. cod.* principales & accessorias *l. 31. §. f. l. 32. 33. cod.* quatenus illa in contractus onerosos, emtionem *l. 38. pr. §. 5. de edil. edict. add. l. 1. §. 3. 4. cod.* permutationem, dationem in solutum *l. 19. §. 5. cod. junct. l. 9. C. de rescind. vendit.* divisionem *l. 20. §. 3. fam. ercisc. l. 1. C. comm. utri. jud.* deducuntur. Ad donationem regulariter non pertinet edictum *l. 62. de edil. edict.* nec ad locationem *l. 63. cod.* quia hujus cura ad Ædiles non spectavit.

§. 4. Quod-

§. 4. Quodsi adeo, contra æquitatem & edictum, læsio interveniat, læsio *actionibus adilitiis*, quas vocant, succurritur. Æstimatur autem læsio (1.) ex tempore contractus, nam, de supervenientibus vitiis, respondendum non est l. 54. de adilit. edict. l. 3. C. cod. CARPZ. p. 2. C. 34. D. 18. (2.) ex quantitate, hinc exiguæ læsionis nulla habetur ratio l. 48. §. fin. de adilit. edict. l. 54. de C. E. V. v. CUIAC. 16. O. 10. BACHOV. V. 2. D. 2. 11. 12. lit. b. RÆVARD. Conject. l. 1. c. 12. gravior vero læsio emendanda est l. 1. §. 8. l. 4. §. fin. l. 10. §. 2. de adilit. edict.

§. 5. Porro æstimatur (3.) ex qualitate vitii, hinc, in Mancipiis & jumentis, vitia corporis, non animi, regulariter considerantur, hæc enim facile emendari possunt l. 1. §. 8. seqq. l. 4. §. 1. seqq. l. 6. §. 2. l. 7. cod. aliquando tamen etiam vitium animi, læsionem involvit tam quoad Mancipia l. 4. §. 3. cod. quam jumenta l. 43. cod. Vitia quoque latentia huc saltem pertinent, de apertis venditor non tenetur l. 1. §. 6. l. 14. §. fin. l. 55. de adilit. edict. l. 43. de C. E. V. v. COLER Decis. 228. n. 6. CARPZ. p. 2. C. 34. D. 16.

§. 6. Jure Saxonico, in venditione equorum, de tribus vitiis, venditor regulariter saltem tenetur (1.) si equus retrogradus, *wenns fletig* (2.) cæcitate latente laboret, *siaarblind* & (3.) pituitosus sit, *hartschlegig* ist WEICHBILDART. 97. quod ultimum male vulgò pro æquo scabioso, *haarschlechtig*, accipitur v. CARPZ. p. 2. C. 34. D. 17. OBSERV. LAUTERB. Obs. 678. Quodsi tamen venditor alia vitia dolose dissimulaverit, aut plus promiserit, de cæteris quoque tenetur v. STRUV. S. J. C. exerc. 27. §. 5.

§. 7. Non minus etiam læsio æstimatur (4.) ex conditione rei vendite, v. gr. num servus venditus, veterator an novicius sit l. 37. l. fin. §. 2. de adilit. edict. aut hujus vel illius nationis l. 31. §. 21. cod. (5.) ex omiſſa certioratione, quoad ea scilicet, quæ aperta non sunt l. 1. §. 2. l. 14. §. 9. l. 32. 33. 38. cod. (6.) ex fide non impleta, modo serio quid promissum l. 1. §. 1. l. 19. l. 38. pr. §. 10. 11. cod. l. 43. de C. E. V. (7.) ex omiſſa cautione, quam edictum requirit l. 28. de adilit. edict. l. 31. de evict. (8.) ex dissimulata, si hoc actum sit l. 31. §. 22. de adilit. edict.

§. 8. Posita igitur læsione, datur actio redhibitoria, quæ est actio personalis, qua læsi agunt contra lædentes ad rem, restituto pretio, recipiendam. Darur læsis & hæredibus l. 48. §. 5. l. 31. §. 5. de adilit. edict. adversus lædentes & hæredes l. 23. §. 5. l. 31. §. 10. l. 44. §. 1. l. 48. §. 5. cod.

ad hoc, ut lædens pretium cum usuris & sumtibus, ejus voluntate factis, restituat *l. 27. §. 2. cod. ac rem vitiosam cum fructibus & accessionibus recipiat l. 21. 60. 31. §. 19. cod. si sciverit vitium, etiam interesse præstat l. 13. pr. de A. E. V. ob contumaciam solvit duplum l. 45. de ædilit. edict. quod hodie non obrinet, cum ex veteri processu formulario fluat.*

§. 9. Quod si plures res simul venierint, ac una sit vitiosa, tum pro diversitate modi contrahendi aliarumque circumstantiarum, modo omnium, modo unius saltem redhibitio locum habebit *l. 34. 35. 38. §. fin. l. 39. de ædilit. edict. Competit autem actio intra sex menses l. 2. C. de ædilit. action. l. 19. §. fin. de ædilit. edict. ob cautionem verò denegatam, vel ornamenta non præstita, saltem intra duos menses institui potest l. 28. 38. pr. cod. Si res restituta sit, nec pretium redditum, emtor actione in factum id exigit l. 31. §. 17. cod. quæ perpetua est, cum contractum non impugnet, sed de indemnitate solum sit sollicita.*

§. 10. Datur etiam actio æstimatoria seu quanti minoris, quæ est actio personalis, qua emtor agit contra venditorem, ut tantum de pretio restituat, quanti minoris, si scivisset vitium, emisset *l. 61. de ædilit. edict. Præscribitur regulariter anno utili, à die scientiæ, computando l. 19. §. f. ff. l. 2. C. cod. aliquando sex mensibus l. 28. cod. concurrunt actio redhibitoria & æstimatoria elective l. 25. §. 1. de except. rei jud. aliquando etiam hæc in illam d. l. 25. §. 1. l. 43. §. 6. de ædilit. edict. & illa in hanc degenerat l. 31. pr. cod. Ob diversa vitia, actio æstimatoria sæpius potest institui l. 48. §. 7. cod. v. OBSERV. LAUTERB. Obs. 679.*

§. 11. De cætero actiones ædilitiæ, sunt ipsæ actiones, quæ ex contractibus onerosis descendunt, quod ipsis etiam Romanis satis suboluit *v. l. 6. §. 1. de C. E. V. l. 11. §. 5. l. 13. pr. de A. E. V. l. 19. §. 2. l. 51. de ædilit. edict. Idem dicendum puto de actione in factum, de qua in l. 31. §. 17. de ædilit. edict. Nova illa nomina, ex superstitione fori Romani, saltem invaluerunt, iisque vel carere, vel promiscue, cum nominibus actionum consvetis, uti possumus v. OBSERV. LAUTERB. Obs. 677. 680. add. LAUTERB. C. J. de ædilit. edict. v. STRUV. S. J. C. exerc. 27. §. 1. seqq.*

§. 12. Postea consideranda est læsio, quæ ex inæqualitate pretii oritur *v. §. 1. h. Hanc etiam, ex præscripto juris naturalis, esse emendand-*

dandam, certum est, sed ejus rigor in foro civili non observatur, verum emendatione levioris læsionis cujusvis conscientia relicta, ob enormem saltem læsis succurritur, quo pertinet decantatum *Remedium l. 2. C. de rescind. vendit.* quo quis, ob enormem læsionem, ex rei valore contingentem, petit, ut læsio resarciatur, vel, si fieri queat, negotium plane rescindatur.

§. 13. Præsupponit adeo hoc remedium læsionem, ex sola pretii inæqualitate resultantem, remoto dolo, & cæteris requisitis recte se habentibus: nam si dolus interveniat, aut læsio ex alia causa oriatur, ob minorem quoque agi potest, hinc etiam hoc remedium, aliis actionibus, ob deceptionem, aut requisitorum necessariorum defectum, competentibus, haut derogavit, circa quod aliàs dubius fui v. OBSERV. LAUTERB. *Obs.* 680. *in fin.* De cætero casus hujus læsionis rarius fortassis existit, dabilis tamen omnino videtur, aut saltem pro tali, communi sententia, habetur.

§. 14. Proponitur autem hoc remedium, pro casuum diversitate, vel per modum *exceptionis vid. l. 1. §. 4. de superfic. l. 156. §. 1. de R. J. vel actionis*, & est quidem ipsa actio, ex contractu oneroso, v. gr. emiti, descendens, nam præter intentionem principalem, læsionis emendationem, vel etiam contractus rescissionem, recte actionibus consvetis exigimus v. *l. 31. §. 20. de ædil. edict. l. 11. §. 3. §. de A. E. V.* ut non opus sit, de nomine actionis, multa tricare. De cætero læsio, ex pretii inæqualitate, resultans, non facit contractum nullum, nec læso dat facultatem ab eo discedendi, sed saltem ei jus largitur petendi læsionis emendationem, &, in subsidium, contractus rescissionem, nam contractum libera voluntate iniit, adeoque ab eo, sua sponte, discedere nequit v. OBSERV. LAUTERB. *Obs.* 540.

§. 15. Juxta rigorem juris naturalis, quævis læsio, ex pretii inæqualitate, eveniens, emendari debet, sed uti, ob pretiorum incertitudinem, in foro civili minima attendi non possunt v. *l. 16. §. 4. de minor. l. 22. §. f. l. 23. locat. l. 54. de C. E. V.* ita nihilominus jure civili, ista res, ex æquo & bono olim decisa, & læsionis, quæ alicujus momenti fuit, ratio habita fuisse videtur, hoc enim omnia illa persvadent, quæ de læsionis, ex vitiis rerum resultantis emendatione, Romani constituerunt, quæque tum proxime, in §§. præcedentibus, tum c. 2. 3. h. retulimus v. l. 2.

depos. l. 47. de evict. l. 36. de V. O. l. 6. §. 2. l. 12. §. 1. de jur. dot. l. 38. fam. erisc. l. 61. de aedilit. edict. l. 3. C. ex quib. caus. l. 3. C. comm. utri. judic. l. 14. C. de usur. Tandem vero terminus statutus est, ut in læsionibus enormibus saltem læsis succurrendum sit *l. 2. C. de rescind. vendit. c. 3. 6. X. de emt. vendit.*

§. 16. Remedium ita formatum, æquum dici potest *l. 2. C. de rescind. vendit.* quatenus damni restitutionem persequitur; à nonnullis tamen *tyrannicum* vocatur *v. LAUTERB. C. J. de rescind. vendit. lit. C.* quia læsionem infra dimidium subsistentem, plane negligit, & licet hoc prædicatum forte nimis durum sit, ab iniquitate tamen & ineptitudine non plane absolvendum videtur, dum læsionem enormem, in puncto velut consistentem, requirit. Satis igitur esset, juxta meram æquitatem, hujus generis controversias decidere; Nec metuenda erit litium multitudo, cum, propter pretiorum incertitudinem, & probandi difficultatem, non facile quis, ob quamvis læsionem modicam, actionem sit instituturus *v. OBSERV. LAUTERB. Observ. 541.*

§. 17. Quo autem locum habeat hæc querela, requiritur (1.) *læsio.* In hac æstimanda respiciendum est ad commune rerum pretium, non singularem hominum affectum *v. l. 33. pr. ad L. Aquil. l. 63. pr. ad L. Falcid. l. 12. C. de erogat. milit. ann.* præterea considerandus est locus rei venditæ & traditæ *v. l. fin. §. f. C. de admin. tutor.* tempus quoque contractus spectandum *l. 8. C. in fin. de rescind. vendit. l. 3. §. 5. de jur. fisci. l. fin. §. f. C. de admin. tutor. CARPZ. p. 2. C. 34. D. 6.* nam pretia pro ratione temporum & locorum esse diversa, notum est *v. OBSERV. LAUTERB. Obs. 543. 544.*

§. 18. Deinde considerandum est, annon læsus in læsionem consenserit. Cessat igitur querela, si quis donationis causa vendiderit *l. 38. de C. E. V. l. 6. 7. C. de condit. ob caus. dat. v. CARPZ. p. 2. C. 34. D. 3. n. 2. 3. RICHTER Dec. 99. n. 128.* Cujus rei exemplum est in testatore, qui rem aliquam, certo pretio, certæ personæ vendi, vel ab ea emi mandavit. Porro cessat, si sciens verum rei pretium, minoris vel majoris vendat aut emat, nam & hic donat *l. 53. 145. de R. J. l. 1. §. 5. de injur. CARPZ. d. l. n. 4. RICHTER d. l. n. 66.* Scientia tamen probari debet, cum sit facti, ac præsumtio, quæ pro ea militat *l. 15. C. de rescind. vendit.* alia præsumptione, à pretiorum incertitudine, & donandi raritate *v. l. 25. pr. de probat. desumpta, elidatur.*

§. 19. Non minus etiam cessat, si contractus rem incertam respiciat, adeoque alexquid contineat, nam & eo casu consensus in læsionem adest. Locum ergo non habet querela in emtione spei *l. 8. §. 1. de C. E. V.* in partibus metallicis, quæ mox divites proventus ferunt, aut, cum opulentæ essent, desinunt *v. RICHTER d. l. n. 142.* neque propter thesaurum, in fundo emto, repertum *v. l. 3. §. 3. de A. A. P. l. 63. §. 1. de A. R. D.* neque in emtione alimentorum ad dies vitæ, si emtor statim moriatur, vel, præter votum venditoris, diu vivat, & similibus negotiis *conf. LAUTERB. C. J. de rescind. vend. lit. C.*

§. 20. Non sufficit læsio, sed (2.) *enormis* esse debet, ut scilicet quis ultra dimidium veri pretii lædatur. Venditor igitur læsus est, *si ne quidem dimidium pro eo, quod dedit, accipiat* sive, *si nec dimidia pars veri pretii soluta sit* *l. 2. C. de rescind. vend.* E. gr. si pro re centum digna *v. l. 47. de evict.* ne quidem 50. sed 49. vel minus venditor accipiat. Emtor verò læsus est, *si, ultra verum pretium, plus dimidio det.* E. gr. si, in casu allato, det 151. vel etiam plus, quæ verissima est computatio, nam res vendita est norma computandæ læsionis, hinc si venditor est læsus, si ne quidem ejus dimidium accepit, emtor quoque læsus dici debet, si, ultra verum pretium, plus dimidio solvit *v. OBSERV. LAUTERB. Obs. 542.*

§. 21. Læsiō quæ dimidium longe excedit, dicitur enormissima, ea tamen contractum regulariter non facit nullum, sed læso itidem jus saltem dat, petendi damni restitutionem; si tamen quis dolo inductus sit, vel in re, quam principaliter respexit, deceptus sit (quæ duplex tamen consideratio huc non pertinet) tum læso jus, à contractu discedendi, etiam competit *v. CARPZ. p. 2. C. 34. D. 7.* De cætero læsio probanda est *l. 2. 19 de probat. l. 5. C. de in integr. restit.* per probos & peritos rerum æstimatores, testes, instrumenta vel delationem juramenti *v. CARPZ. d. l. D. 6. RICHTER Decif. 99. n. 152. seqq. LAUTERB. C. J. de rescind. vendit. lit. C.* plerumque autem illa probatio ob pretii incertitudinem difficilis est.

§. 22. Competit querela enormis læsionis, læso & hæredibus *l. 2. C. de rescind. vendit.* non etiam tertio, ob alterius læsionem, nisi ei jus sit cessum *v. RICHTER d. l. n. 75. sequ.* Adversus lædentem & hæredes *l. 49. de O. & A.* non etiam adversus tertium possessorem, est

enim

enim obligatio personalis *v. l. 1. §. 16. ad Scum Trebell. l. 10. C. de rescin. vendit. l. 81. §. 1. de C. E. V. l. 15. C. de donat.* licet tertius titulo lucrativo rem acceperit, vel lædens non sit solvendo, aut læsio sit enormissima, nam ubique ratio data obtinet *v. OBSERV. LAUTERB. Obs. 548.* Plane ob collusionem tertius, in subsidium, tenebitur, quemadmodum etiam ejus consensus obligationem transferre potest *v. l. 94. §. 1. de Legat. 1. & jus reale, si adit, contra ipsum efficax est v. l. 13. §. 1. de minor. l. 67. de C. E. V.*

§. 23. Habet locum querela in omnibus contractibus onerosis, quoties læsus, in læsionem, non consensit *v. OBSERV. LAUTERB. Obs. 549.* ut emtione venditione *l. 2. C. de rescind. vendit.* locatione conductione *l. 2. locat. l. 32. pr. ad L. Aquil. CARPZ. p. 2. C. 34. D. 10.* permutatione *l. 2. de rer. permut. l. 19. §. 5. de adil. edict.* datione in solutum *l. fin. ex quib. caus. in possess. l. 4. C. de evict.* hæreditatis divisione *l. 20. §. 3. fam. ercisc. l. 1. C. comm. utri. jud. CARPZ. d. l. D. 11.* dote & dotalitio *l. d. d. l. D. 14.* Non vero in transactione, quia consensus in læsionem continet, aut instar rei judicatae est ex sententia nonnullorum *v. l. 19. 20. 23. C. de transact. l. 56. de re judic. l. 78. §. f. ad Scum Trebell. l. 65. §. 1. de condict. in deb. l. 6. C. de jur. & fact. ignor. l. 4. C. de judic.* quia tamen illæ rationes non sunt satis certæ, ideo aliis contraria placet sententia *v. RICHTER Decis. 99. n. 54. seqq.* quæ in Saxonia approbata *p. 2. Const. 34. v. LAUTERB. C. J. de rescin. vendit. lit. S. O.*

§. 24. Ex communi interpretum sententia, lædens habet electionem, utrum læsionem emendare, an negotium rescindere velit, hinc etiam læsus alternative illa petere, & judex eo modo lædentem condemnare debet, adeo ut huic, in ipsa etiam executione, jus eligendi salvum sit *v. CARPZ. p. 1. C. 2. D. 8. p. 2. C. 34. D. 7. RICHTER Dec. 99. n. 193. seqq. LAUTERB. C. J. d. l. lit. O.* Sed illa nimis secure dicuntur, ac generaliter accepta, falsa sunt, falsasque pariunt consequentias.

§. 25. Contractus utriusque contrahentis voluntate est initus, hinc ejus rescindendi jus non magis competit lædenti, quam læso; In primis absurdum foret, si illi jus rescindendi etiam tribueretur eo casu, quo læsio ex ejus dolo vel culpa provenit. Dicendum igitur potius est, lædentem ad emendationem læsionis esse obligatum, contra-

tractum tamen, si hoc magis visum sit, utriusque voluntate, posse etiam rescindi. Hoc uti ex natura negotii manifeste fuit, ita nec aliud jure civili constitutum est: Nam in *l. 2. C. de rescind. vendit.* nihil aliud dicitur, quam quod emtor lædens possit eligere læsionis emendationem, vel, *venditore pretium restituente, fundum venditum reddere*, ex quo non sequitur, quod negotium voluntate lædentis, sed, quod, utriusque contrahentis consensu, possit rescindi; in quem sensum etiam accipienda decreta juris Canonici *c. 3. 6. X. de E. V.*

§. 26. Hoc posito, distingvendi sunt duo casus, vel enim *contractus in eo sicut est, ut rescindi queat, vel ut non possit.* Illo casu, alteratio vulgo laudata admitti poterit, cum enim rescissio contractus, si fieri queat, nunquam sit displicitura læso, cum per eam controversia expedite terminetur, ideò eam vel statim petet, vel non petitam, sed ultro oblatam lubens acceptabit. Cum igitur læsi consensus hic semper concurrat, vulgo ille haud observatus, sed res ita accepta est, quasi solo lædentis arbitrio contractus rescindi queat.

§. 27. Quando igitur, ex voluntate læsi, emtor læsionem emendare paratus est, integrum rei preteritum supplere *v. CARPZ. p. 2. C. 34. D. 7. n. 9. 10.* si venditor, id quod ultra justum pretium accepit, restituere tenetur, usurarum, in foro civili, neutro casu ratio habetur *v. OBSERV. LAUTERB. Obs. 51.* Quod si autem à contractu discedere velit emtor lædens, tum, recepto pretio, rem reddit, præteriti temporis usuras nec accipit, nec fructus perceptos venditori præstat *v. l. 2. C. de pact. inter emtor.* quod secus esset, si hic jure dominii rem vindicaret *l. 1. C. si maj. fact. alien. rat. l. 173. §. 1. de R. J. l. 38. §. 4. de usur. l. 16. de in diem addict. l. 5. de leg. comm. l. 23. §. 1. de edilit. edict. l. 24. §. 4. de minor. l. 16. §. 1. de inoff. testam.* Juxta rigorem tamen juris naturalis, emolumentum, ex pretio & re perceptum, ad æqualitatem redigendum esset, sed ille, in foro civili, haud attenditur.

§. 28. Si venditor lædens, à contractu discedat, tum, reddito pretio, recipit rem, præteriti temporis neque usuras præstat, neque fructus accipit, nam contractus non retro, sed ex præsentì tempore resolvitur *v. l. 29. §. 2. de edilit. edict.* æquitatis tamen temperamentum, modo adductum, hic etiam inculcari potest. Utroque autem casu, emtor expensas, in perpetuam rei utilitatem, bona fide, factas deducit *v. l. 39.*

§. *fin. de minor.* Utroque etiam casu pignus, ab emtore interim constitutum durat *v. l. 43. §. 8. de edilit. edict.* nam contractus pure initus, in præjudicium creditoris, non potest resolvi: Quodsi adeo creditori non satisfiat, is pignori suo, ubicunque illud existat, incumbit.

§. 29. Si igitur venditor rem, pignore oneratam, nolit recipere, tum emtor illam liberare tenetur *v. l. 43. §. 8. de edilit. edict.* aut rescissio contractus plane non procedit: Potest tamen venditor ipse pignus luere, ac, de pretio reddendo, id, quod solvit, detrahere. Cautionem emtoris invitus venditor admittere non debet, hæc enim solum, quoad dubia, obtinet *l. 21. §. 1. de edilit. edict.* Hæc ita obtinent in casibus præsentibus, aliud verò dicendum, si ex conventionione addita contractus retro resolvatur, tum enim pignus, interim constitutum, evanescit *l. 31. de pignor. l. 4. §. 3. de in diem addict.*

§. 30. Quicquid, ob contractum initum, Magistratui, vel domino directo solum est, v. gr. laudemium, illud læsus, rescisso contractu, neque ab eo, cui solum est, neque à lædente, modo ejus dolus absit, repetere potest, neque enim contractus necessario rescindi debuit, hinc damnum hoc, pro voluntario haberi debet. Idem dicendum de aliis expensis, occasione contractus initii, factis. Quicquid tamen, ob pretium excedens, solum est, id minimum ex æquitate Magistratus vel dominus directus reddere debet *v. LAUTERB. C. J. de rescind. vend. lit. O.* Aliud obtinet, ubi ob rei vitium, contractus rescinditur, ac expensæ, ex voluntate lædantis, sunt factæ, hæc enim læso restitui debent *l. 27. de edilit. edict. add. OBSERV. LAUTERB. Obs. 552.*

§. 31. Quodsi contractus rescindi non possit *v. §. 26.* dum scilicet res vendita vel perit, vel deterior facta, aut iterum alienata est, lædens præcisè læsionem emendare tenetur. Si igitur emtor lædens rem alienaverit, aut hæc apud tertium, vel ipsum emtorem, & quidem ipsius voluntate, perierit, id quod deest justo pretio, ille supplere debet; Ratio verò non inde sumenda est, quod culpa vel mora obligationem perpetuet, sed quod, ex natura contractus, emtor ad solvendum pretium, rei venditæ æquipollens, obligetur; quicquid etiam rei ipsi accidat *v. OBSERV. LAUTERB. Obs. 548.*

§. 32. Re vero casu perempta, multi quidem, emtorem ad nihil tene-

teneri, existimant, sed verissimum est, quod etiam, hoc casu, ille pretium supplere teneatur, nam ejus obligatio non dependet à rei emtæ existentia, sed illa, ex contractu semel inito, resultat, ac semper durat, quicquid rei accadat, cujus periculum est emtoris: Sicur igitur hic, si rem justo pretio comparaverit, totum exsolvere cogitur, licet res emta casu perierit, ita, si viliori pretio rem emerit, ob paritatem rationis, illud quoque supplere tenetur, nec per casum, ab illa obligatione, liberatur v. OBSERV. LAUTERB. *Observ* 546.

§. 33. Porro venditor lædens, re casu amissa, id, quod ultra justum pretium accepit, emtori reddere debet. Idem dicendum, si emtor sua voluntate rem amiserit, nam obligatio venditoris, ad læsionem emendandam, ex ipso contractu resultans, rei interitu, vel casuali vel voluntario, non tollitur. Non obstat, quod, si venditor rem malit recipere ac pretium reddere, emtor vero illam restituere nequeat, culpe sue damnum merito ferat v. LAUTERB. C. J. de rescind. vend. lit. P. nam primo emtoris nulla est culpa, quia sua re potuit abuti, deinde venditor frustra provocabit ad electionem, cum nullam habeat, ceu §. 25. ostensum add. OBSERV. LAUTERB. *Obs.* 547.

§. 34. Instituitur querela enormis læsionis in foro domicilii, ac tractatur processu ordinario RICHTER *Dec.* 99. n. 177. *seqq.* CARPZ. p. 2. C. 34. D. 5. O. L. *Observ.* 553. Tollunt illam (1.) renunciatio l. p. C. de pact. l. 14. §. 9. de edil. edit. CARPZ. d. l. D. 2. RICHTER. d. l. n. 85. *seqq.* O. L. *Obs.* 554. (2.) Præscriptio 30. annorum l. 3. 4. C. de præscript. 30. vel 40. ann. v. O. L. *Obs.* 556. Non etiam (3.) juramentum, quo quis contractum se servaturum juravit v. O. L. *Obs.* 555. In Saxonia tamen, juramentum majoris querelam excludit p. 2.

C35. Nec (4.) consensus reiteratus, nisi intuitu læsionis præsumtæ, repetitio facta sit v. LAUTERB. C. J.

de rescind. vend. lit. U. 3.

CAPUT XXI.

DE EVICTIONIBUS ET USURIS.

S U M M A R I A.

- Ob evictionem §. 1. Autor tenetur §. 2. Ejus faciendæ tempus, modus §. 17.
 Vel ex pacto speciali §. 3. 4. Et effectus §. 18. (§. 19.)
 Vel natura contractus, hinc evictio præstatur Petitur evictio, actione ex pacto vel contractus
 in emptione §. 5. Usuræ indoles & varietas §. 20. 21.
 Nisi ei renunciatum §. 6. Usuræ licitæ sunt ac debentur ex conventionem,
 Datione in solum aliisque negotiis onerosis mora & collata utilitate §. 22. 23. 24.
 §. 7. Usuræ quincunces regulariter solvendæ §. 25.
 Non autem in vere lucrativis §. 8. 9. Non debentur usuræ usurarum §. 26.
 Evictionis subjectum & materia §. 10. 11. Nec ultra alterum tantum currunt §. 27.
 Ejus præstandæ requisitum generale §. 12. Poena usurariæ pravitatis §. 28.
 Ejus applicatio ad ablationem extrajudicalem Jure Romano diversis remediis usuræ petuntur
 §. 13. §. 29.
 Et judicalem §. 14. Quæ hodie non per omnia observantur §. 30.
 Ob culpam possessoris potissimum cessat evictio- Usuræ aliquando desinunt §. 31.
 nis præstatio §. 15. Ac iis similes sunt redditus §. 32.
 Omnia liti denuntiatio culpam non semper Fructus §. 33.
 arguit §. 16. Interesse causa & accessio §. 34.

§. 1.



As duas partes, pluribus contractibus communes, hoc loco expediemus. Evictio est rei, ab aliquo possid.æ, ex meliori jure, facta ablatio. Quia vero illud jus melius esse censetur, quod, sententia judicis, pro tali declaratur, ideo evictio, ablatio judicialis communiter dicitur, sed utur regulariter judicialis sententia evictionem comitetur, absolute tamen ad hanc non requiritur. Coincidit evictio cum vindicatione, qua vel ob dominium, vel aliud jus reale, res alteri aufertur, hæc tamen magis ad actorem, sicut illa ad reum, pertinet, nihilominus utraque utrumque litigantem includit.

§. 2. Re evicta, possessor hoc damnum, velut fatale aut voluntarium, aliquando ferre cogitur, sæpe tamen ejus restitutionem, ab alio, à quo rem accepit, petit, qui evictionem præstare, i. e. damnum, ob rem evictam, eveniens, rescarcire debet. Fluit autem hæc obligatio vel ex speciali pacto, vel ex natura contractus, adeoque dubio procul naturalis est, jure positivo saltem confirmata v. OBSERV. LAUTERB. Obs. 682.

§. 3. Pactum est vel *mere voluntarium*, quo quis sibi quam optime, in casum evictionis, prospicere potest, modo alter in tam molestas conditiones consentiat, v. gr. ut duplum, tripulum aut etiam amplius quid præster *v. l. 56. pr. de evict.* ac eo nomine, pignore aut fidejussoribus, caveat *v. O. L. Obs. 683.* vel *Necessarium*, quod vel ex legis præcepto, vel natura contractus, ineundum est. Sic jure Romano, quoad res pretiosas, duplum, sed nuda cautione, promittendum erat *l. 37. §. 1. l. 56. pr. de evict.* adeo ut cautio actione contractus exigi posset *l. 31. §. 20. de edil. edict.* vel etiam non præstita, ipso jure, facta censeretur *l. 2. de evict.*

§. 4. Sed hodie illa necessitas cessat, hinc regulariter nulla cautio præstari debet. Quodsi vero, in limine contractus, evictio immineat, tum vel plane à contractu disceditur, si periculum sit manifestum *v. l. 66. §. 1. ad Sct. Trebell. l. 8. de dol. except. l. 84. §. 5. de Legat. 1. CARPZ. p. 2. C. 34. D. 37.* vel, retentione pretii, aut, hoc jam soluto, actione contractus, autor, ad idoneam cautionem, compellitur *CARPZ. d. l. D. 30. seqq.* quam necessitatem ex natura negotii dependere, manifestum est.

§. 5. Licet verò nulla promissio intercesserit, tamen, ex natura contractuum onerosorum, evictio est præstanda *l. 6. C. de evict. v. OBSERV. LAUTERB. Obs. 684.* Præstatur ergo (1.) in emtione venditione *l. 60. de evict. l. 11. §. 2. de A. E. V.* licet ipse emtor *l. 9. 41. §. 1. de evict.* vel venditor rem evicerit *l. 17. 18. 19. cod.* sed hic commodius, exceptione rei venditæ & traditæ repellitur *l. 1. seqq. de except. rei vend. & trad.* Venditoris, vel ejus fidejussoris hæredi, eadem exceptio obstat, si ex persona & jure defuncti, rem evincere velit *l. 1. §. 1. cod.* alit si jure proprio utatur, tum, ut tertius, rem evincere potest, ut hæres vero evictionem præstare debet *l. fin. C. de evict. v. OBSERV. LAUTERB. Obs. 692.*

§. 6. Cessat evictionis præstatio, si ei renunciatum sit *v. CARPZ. p. 2. C. 34. D. 22. n. 6. 7.* admittit tamen illa conventio quæstionem voluntatis, hinc probe considerandum, quid actum sit *l. 11. §. fin. de A. E. V. v. OBSERV. LAUTERB. Obs. 685.* Renunciatur etiam evictionis præstationi tacite, si sciens, rem certò alienam, comparaverit *l. 27. C. de evict. l. 7. C. comm. utri. judic. CARPZ. d. l. D. 25.* secus est, si res dubie sit aliena, hanc enim comparans, jus petendi evictionem non amittit *l. f. §. f. C. comm. de Legat. v. O. L. Obs. 686.* Cessat quoque evictionis præstatio, in venditionibus prohibitis *l. 5. C. de leg. ac adeo in specie iis, quæ in alea fiunt l. 2. §. 1. quar. rer. act. non dat.*

§. 7. Præstatur evictio (2.) in datione in solutum *l. 4. C. de evict.* *l. 24. de pign. action. l. 46. de solut. l. 8. C. de sentent. & interloc.* (3.) permutatione *l. 1. C. de rer. perm. l. 29. C. de evict.* (4.) in hæreditatis *l. 66. §. f. l. 7. C. comm. utriusque jud. l. 77. §. 8. de Legat. 2.* (5.) rei singularis divisione *l. 34. §. 1. de evict. l. 10. §. f. comm. divid.* (6.) locatione conductione *l. 9. pr. locat.* (7.) in transactione, ubi aliquid datum *l. 33. C. de transact. secus, si transactionis causa, res controversa sit saltem dimissa CARPZ. p. 1. C. 3. D. 26. Pr. tit. 4. art. 3. n. 13. add. LAUTERB. C. J. de evict. lit. C. nam hoc casu, retinens, ob cognitam satis rei qualitatem, præstationem evictionis censetur remisisse v. OBSERV. LAUTERB. Obs. 687.*

§. 8. In negotiis vere lucrativis, ac à mero alterius beneplacito dependentibus, evictio præstanda non est, nisi in specie promissa sit, aut donantis dolus intercesserit, poterat enim hic nihil dare, adeoque rationem, re evicta, regulariter postulari nequit. Aliter se res habet in negotiis lucrativis, sed quæ ad onerosa quodammodo accedunt, aut quæ ex voluntate donantis, alius exequi debuit, nam, in iis, evictio præstanda est, ut vel æqualitas conservetur, vel executor obligationi suæ satisfaciatur.

§. 9. Non ergo præstatur evictio in donatione simplici, nisi ob dolum vel pactum *l. 18. §. 3. de donat. l. 62. de edil. edict. l. 2. C. de evict. nec in legato certæ speciei vel individui alieni l. 45. §. 2. de Legat. 1. l. 40. de evict. ex jure tamen testatoris, qui rem titulo oneroso comparaverat, contra autorem, recte agit legatarius, ad præstandam evictionem l. 59. cod. E contrario præstanda est evictio in donatione remuneratoria l. 27. l. 34. §. 1. de donat. CARPZ. p. 2. C. 34. D. 24. vel ob causam, si hæc vel jam, sine accepto æquivalente, impleta sit v. l. 1. C. de donat. que sub mod. l. 7. §. 2. de pact. l. 5. §. 2. de P. V. vel impleri debeat, ut in dote l. 1. C. de jur. dot. v. JUS FEUD. GERM. c. 7. §. 23. seqq. c. 9. §. 51. seqq. denique in legato generis, ubi hæres præstitit speciem alienam l. 58. de evict. l. 45. §. 1. de Legat. 1. l. 29. §. 3. de Legat. 3. aut in legato individui, quod testator scivit obligatum l. 57. de Legat. 1. nam illo casu, hæres voluntatem defuncti non recte est executus, hoc autem necessitatem præstandæ evictionis ei testator censetur imposuisse add. O. L. Obs. 688.*

§. 10. Præstant evictionem autores, qui suo nomine, per negotia antea exposita, res in alios transtulerunt l. 8. 9. 10. 16. 17. C. de evict. eorumque hæredes l. 9. 21. 23. C. cod. l. 62. §. 1. ff. cod. l. 4. §. f. l. 85. §. 5. l.

l. 139. de V. O. ut & fidejussores & hæredes l. 4. ff. l. fin. C. de evict. Non igitur præstant evictionem creditores pignora distrahentes *l. 1. 2. C. cred. evict. pign. non deb. l. 11. §. 16. de A. E. V. l. 10. l. 12. §. 1. l. 13. de distrah. pign. l. 38. ff. l. 13. C. de evict. tutores & curatores l. 1. C. quand. ex fact. tutor. judex pignora distrahens l. 50. 74. §. 1. ff. l. 13. C. de evict. procurator arg. l. fin. in fin. de instit. action. In specie cautum est jure Saxónico, ne Judæi Christianis præstent evictionem *Landr. l. 3. art. 7. quod hodie non observatur FRANSK de evict. n. 324. 588. BERGER in resolut. ad LAUTERB. C. J. de evict.**

§. 11. Præstatur evictio omnibus illis, qui, ex causis antea memoratis, res acceperunt eorumque hæredibus *v. FRANSK de evict. n. 48. seqq.* quoad omnis generis res, ex titulis illis acceptas, & postea evictas. Si nomen sit venditum, evictio saltem præstatur, si non sit verum, non autem, si non sit bonum, nisi dolus aut pactum intercesserit *v. l. 4. de H. vel A. V. l. 74. §. fin. de evict. STRUV. S. J. C. exerc. 27. §. 23. v. supra c. 4. §. 10. 11.*

§. 12. Ut autem quis ad evictionem præstandam obligetur, in genere requiritur, *ne sue obligationi satisfecerit, nec jus promissum, in alterum, transtulerit*, nam, hoc posito, manifestum est, quod ille re evicta, teneatur, nihil enim aliud intenditur, quam ut adhuc suæ obligationi satisfaciatur. Quod si autem quis *jus promissum, in alterum, revera transtulit, hic verò vel casu rem, vel culpa sua jus & rem amisit*, tum itidem liquet, quare ille nihil præstare debeat, nam obligationi suæ, ex contractu venienti, jam satisfecit *add. O. L. Obf. 689.*

§. 13. Ut igitur de hoc specialius constet, interest, utrum *re extrajudicialiter an judicialiter* sit evincenda. Extrajudicialis evictio hominibus quidem forensibus, incognita est, imo parum juridica videbitur, sed si tamen tertius, jus suum evidenter doceat, ac possessor, juris alieni evidentia convictus, temerariam injustamque litem omittat remque alteri concedat, tum autorem, ad præstandam evictionem, teneri, omnino arbitror, tutissimum tamen erit, auctori rem hanc denunciare, quo eo magis certus reddatur, omnia bona fide esse acta, nullamque possessoris culpam intervenisse. Sed hic casus, in tanto litigandi pruritu, erit dubio procul rarissimus.

§. 14. Altero casu, evictio est præstanda, si ex jure meliori *v. l. 1. C. de*

ad hoc, ut lædens pretium cum usuris & sumtibus, ejus voluntate factis, restituat *l. 27. 29. §. 2. cod. ac rem vitiosam cum fructibus & accessionibus recipiat l. 21. 60. 31. §. 19. cod. si sciverit vitium, etiam interesse præstat l. 13. pr. de A. E. V. ob contumaciam solvit duplum l. 45. de ædilit. edict. quod hodie non obrinet, cum ex veteri processu formulario fluat.*

§. 9. Quod si plures res simul venierint, ac una sit vitiosa, tum pro diversitate modi contrahendi aliarumque circumstantiarum, modo omnium, modo unius saltem redhibitio locum habebit *l. 34. 35. 38. §. fin. l. 39. de ædilit. edict. Competit autem actio intra sex menses l. 2. C. de ædilit. action. l. 19. §. fin. de ædilit. edict. ob cautionem verò denegatam, vel ornamenta non præstita, saltem intra duos menses institui potest l. 28. 38. pr. cod. Si res restituta sit, nec pretium redditum, emtor actione in factum id exigit *l. 31. §. 17. cod. quæ perpetua est, cum contractum non impugnet, sed de indemnitate solum sit sollicita.**

§. 10. Datur etiam actio æstimatoria seu quanti minoris, quæ est actio personalis, quæ emtor agit contra venditorem, ut tantum de pretio restituat, quanti minoris, si scivisset vitium, emisset *l. 61. de ædilit. edict. Præscribitur regulariter anno utili, à die scientiæ, computando l. 19. §. ff. l. 2. C. cod. aliquando sex mensibus l. 28. cod. concurrunt actio redhibitoria & æstimatoria elective l. 25. §. 1. de except. rei jud. aliquando etiam hæc in illam d. l. 25. §. 1. l. 43. §. 6. de ædilit. edict. & illa in hanc degenerat l. 31. pr. cod. Ob diversa vitia, actio æstimatoria sæpius potest institui l. 48. §. 7. cod. v. OBSERV. LAUTERB. Obs. 679.*

§. 11. De cætero actiones ædilitiæ, sunt ipsæ actiones, quæ ex contractibus onerosis descendunt, quod ipsis etiam Romanis satis suboluit *v. l. 6. §. 1. de C. E. V. l. 11. §. 5. l. 13. pr. de A. E. V. l. 19. §. 2. l. 51. de ædilit. edict. Idem dicendum puto de actione in factum, de qua in l. 31. §. 17. de ædilit. edict. Nova illa nomina, ex superstitione fori Romani, saltem invaluerunt, iisque vel carere, vel promiscue, cum nominibus actionum consvetis, uti possumus v. OBSERV. LAUTERB. Obs. 677. 680. add. LAUTERB. C. J. de ædilit. edict. v. STRUV. S. J. C. exerc. 27. §. 1. seqq.*

§. 12. Postea consideranda est læsio, quæ ex inæqualitate pretii oritur *v. §. 1. h. Hanc etiam, ex præscripto juris naturalis, esse emendan-*

dandam, certum est, sed ejus rigor in foro civili non observatur, verum emendatione levioris læsionis cujusvis conscientia relicta, ob enormem saltem læsis succurritur, quo pertinet decantatum *Remedium l. 2. C. de rescind. vendit.* quo quis, ob enormem læsionem, ex rei valore contingentem, petit, ut læsio resarciatur, vel, si fieri queat, negotium plane rescindatur.

§. 13. Præsupponit adeo hoc remedium læsionem, ex sola pretii inæqualitate resultantem, remoto dolo, & cæteris requisitis recte se habentibus: nam si dolus interveniat, aut læsio ex alia causa oriarur, ob minorem quoque agi potest, hinc etiam hoc remedium, aliis actionibus, ob deceptionem, aut requisitorum necessariorum defectum, competentibus, haut derogavit, circa quod aliàs dubius fui v. OBSERV. LAUTERB. *Obs.* 680. *in fin.* De cætero casus hujus læsionis rarius fortassis existit, dabilis tamen omnino videtur, aut saltem pro tali, communi sententia, habetur.

§. 14. Proponitur autem hoc remedium, pro casuum diversitate, vel per modum *exceptionis vid. l. 1. §. 4. de superfic. l. 156. §. 1. de R. J.* vel *actionis*, & est quidem ipsa actio, ex contractu oneroso, v. gr. emti, descendens, nam præter intentionem principalem, læsionis emendationem, vel etiam contractus rescissionem, recte actionibus consuetis exigimus v. *l. 31. §. 20. de edil. edict. l. 11. §. 3. §. de A. E. V.* ut non opus sit, de nomine actionis, multa tricare. De cætero læsio, ex pretii inæqualitate, resultans, non facit contractum nullum, nec læso dat facultatem ab eo discedendi, sed saltem ei jus largitur petendi læsionis emendationem, &, in subsidium, contractus rescissionem, nam contractum libera voluntate iniit, adeoque ab eo, sua sponte, discedere nequit v. OBSERV. LAUTERB. *Obs.* 540.

§. 15. Juxta rigorem juris naturalis, quævis læsio, ex pretii inæqualitate, eveniens, emendari debet, sed uri, ob pretiorum incertitudinem, in foro civili minima attendi non possunt v. *l. 16. §. 4. de minor. l. 22. §. f. l. 23. locat. l. 54. de C. E. V.* ita nihilominus jure civili, ista res, ex æquo & bono olim decisa, & læsionis, quæ alicujus momenti fuit, ratio habita fuisse videtur, hoc enim omnia illa persvadent, quæ de læsionis, ex vitiis rerum resultantis emendatione, Romani constituerunt, quæquetum proxime, in §§. præcedentibus, tum c. 2. 3. b. retulimus v. l. 2.

depos. l. 47. de evict. l. 36. de V. O. l. 6. §. 2. l. 12. §. 1. de jur. dot. l. 38. fam. erisc. l. 61. de aedilit. edict. l. 3. C. ex quib. caus. l. 3. C. comm. utri. judic. l. 14. C. de usur. Tandem vero terminus statutus est, ut in læsionibus enormibus saltem læsis succurrendum sit *l. 2. C. de rescind. vendit. c. 3. 6. X. de emt. vendit.*

§. 16. Remedium ita formatum, æquum dici potest *l. 2. C. de rescind. vendit.* quatenus damni restitutionem persequitur; à nonnullis tamen *tyrannicum* vocatur v. LAUTERB. C. J. *de rescind. vendit. lit. C.* quia læsionem infra dimidium subsistentem, plane negligit, & licet hoc prædicatum forte nimis durum sit, ab *iniquitate* tamen & *ineptitudine* non plane absolvendum videtur, dum læsionem enormem, in puncto velut consistentem, requirit. Satis igitur esset, juxta meram æquitatem, hujus generis controversias decidere; Nec metuenda erit litium multitudo, cum, propter pretiorum incertitudinem, & probandi difficultatem, non facile quis, ob quamvis læsionem modicam, actionem sit instituturus v. OBSERV. LAUTERB. *Observ. 54.*

§. 17. Quo autem locum habeat hæc querela, requiritur (1.) *læsis*. In hac æstimanda respiciendum est ad commune rerum pretium, non singularem hominum affectum v. *l. 33. pr. ad L. Aquil. l. 63. pr. ad L. Falcid. l. 12. C. de erogat. milit. ann.* præterea considerandus est locus rei venditæ & traditæ v. *l. fin. §. f. C. de admin. tutor.* tempus quoque contractus spectandum *l. 8. C. in fin. de rescind. vendit. l. 3. §. 5. de jur. fisc. l. fin. §. f. C. de admin. tutor.* CARPZ. p. 2. C. 34. D. 6. nam pretia pro ratione temporum & locorum esse diversa, notum est v. OBSERV. LAUTERB. *Obs. 543. 544.*

§. 18. Deinde considerandum est, annon læsus in læsionem consenserit. Cessat igitur querela, si quis donationis causa vendiderit *l. 38. de C. E. V. l. 6. 7. C. de condict. ob caus. dat. v. CARPZ. p. 2. C. 34. D. 3. n. 23. RICHTER Dec. 99. n. 128.* Cujus rei exemplum est in testatore, qui rem aliquam, certo pretio, certæ personæ vendi, vel ab ea emi mandavit. Porro cessat, si sciens verum rei pretium, minoris vel majoris vendat aut emat, nam & hic donat *l. 53. 145. de R. J. l. 1. §. 5. de injur. CARPZ. d. l. n. 4. RICHTER d. l. n. 66.* Scientia tamen probari debet, cum sit facti, ac præsumtio, quæ pro ea militat *l. 15. C. de rescind. vendit.* alia præsumptione, à pretiorum incertitudine, & donandi raritate v. *l. 25. pr. de probat. defuncta, elidatur,*

§. 19. Non minus etiam cessat, si contractus rem incertam respiciat, adeoque alex quid contineat, nam & eo casu consensus in læsionem adest. Locum ergo non habet querela in emtione spei *l. 8. §. 1. de C. E. V.* in partibus metallicis, quæ mox divites proventus ferunt, aut, cum opulentæ essent, desinunt *v. RICHTER d. l. n. 142.* neque propter thesaurum, in fundo emto, repertum *v. l. 3. §. 3. de A. A. P. l. 63. §. 1. de A. R. D.* neque in emtione alimentorum ad dies vitæ, si emtor statim moriatur, vel, præter votum venditoris, diu vivat, & similibus negotiis *conf. LAUTERB. C. J. de rescind. vend. lit. C.*

§. 20. Non sufficit læsio, sed (2.) *enormis* esse debet, ut scilicet quis ultra dimidium veri pretii lædatur. Venditor igitur læsus est, *si ne quidem dimidium pro eo, quod dedit, accipiat* sive, *si nec dimidia pars veri pretii soluta sit* *l. 2. C. de rescind. vend.* E. gr. si pro re centum digna *v. l. 47. de evict.* ne quidem 50. sed 49. vel minus venditor accipiat. Emtor verò læsus est, *si, ultra verum pretium, plus dimidio det.* E. gr. si, in casu allato, det 151. vel etiam plus, quæ verissima est computatio, nam res vendita est norma computandæ læsionis, hinc si venditor est læsus, si ne quidem ejus dimidium accipit, emtor quoque læsus dici debet, si, ultra verum pretium, plus dimidio solvit *v. OBSERV. LAUTERB. Obs. 542.*

§. 21. Læsiō quæ dimidium longe excedit, dicitur enormissima, ea tamen contractum regulariter non facit nullum, sed læso itidem jus saltem dat, petendi damni restitutionem; si tamen quis dolo inductus sit, vel in re, quam principaliter respexit, deceptus sit (quæ duplex tamen consideratio huc non pertinet) tum læso jus, à contractu discedendi, etiam competit *v. CARPZ. p. 2. C. 34. D. 7.* De cætero læsio probanda est *l. 2. 19 de probat. l. 5. C. de in integr. restit.* per probos & peritos rerum æstimatores, testes, instrumenta vel delationem juramenti *v. CARPZ. d. l. D. 6. RICHTER Decis. 99. n. 152. seqq. LAUTERB. C. J. de rescind. vendit. lit. C.* plerumque autem illa probatio ob pretii incertitudinem difficilis est.

§. 22. Competit querela enormis læsionis, læso & hæredibus *l. 2. C. de rescind. vendit.* non etiam tertio, ob alterius læsionem, nisi ei jus sit cessum *v. RICHTER d. l. n. 75. sequ.* Adversus lædentem & hæredes *l. 49. de O. & A.* non etiam adversus tertium possessorem, est enim

tractum tamen, si hoc magis visum sit, utriusque voluntate, posse etiam rescindi. Hoc uti ex natura negotii manifeste fuit, ita nec aliud jure civili constitutum est: Nam in *l. 2. C. de rescind. vendit.* nihil aliud dicitur, quam quod emtor lædens possit eligere læsionis emendationem, vel, *venditore pretium restituente, fundum venditum reddere*, ex quo non sequitur, quod negotium voluntate lædentis, sed, quod, utriusque contrahentis consensu, possit rescindi; in quem sensum etiam accipienda decreta juris Canonici *c. 3. 6. X. de E. V.*

§. 26. Hoc posito, distinguendi sunt duo casus, vel enim *contractus in eo statu est, ut rescindi queat, vel ut non possit*. Illo casu, alteratio vulgo laudata admitti poterit, cum enim rescissio contractus, si fieri queat, nunquam sit displicitura læso, cum per eam controversia expedite terminetur, ideò eam vel statim peter, vel non petitam, sed ultro oblatam lubens acceptabit. Cum igitur læsi consensus hic semper concurrat, vulgo ille haud observatus, sed res ita accepta est, quasi solo lædentis arbitrio contractus rescindi queat.

§. 27. Quando igitur, ex voluntate læsi, emtor læsionem emendare paratus est, integrum rei pretium supplere *v. CARPZ. p. 2. C. 34. D. 7. n. 9. 10.* si venditor, id quod ultra justum pretium accepit, restituere tenetur, usurarum, in foro civili, neutro casu ratio habetur *v. OBSERV. LAUTERB. Obs. 551.* Quod si autem à contractu discedere velit emtor lædens, tum, recepto pretio, rem reddit, præteriti temporis usuras nec accipit, nec fructus perceptos venditori præstat *v. l. 2. C. de pact. inter emtor.* quod secus esset, si hic jure dominii rem vindicaret *l. 1. C. si maj. fact. alien. rat. l. 173. §. 1. de R. J. l. 38. §. 4. de usur. l. 16. de in diem addict. l. 5. de leg. comm. l. 23. §. 1. de edilit. edict. l. 24. §. 4. de minor. l. 16. §. 1. de inoff. testam.* Juxta rigorem tamen juris naturalis, emolumentum, ex pretio & re perceptum, ad æqualitatem redigendum esset, sed ille, in foro civili, haud attenditur.

§. 28. Si venditor lædens, à contractu discedat, tum, reddito pretio, recipit rem, præteriti temporis neque usuras præstat, neque fructus accipit, nam contractus non retro, sed ex præsentì tempore resolvitur *v. l. 29. §. 2. de edilit. edict.* æquitatis tamen temperamenrum, modo adductum, hic etiam inculcari potest. Utroque autem casu, emtor expensas, in perpetuam rei utilitatem, bona fide, factas deducit *v. l. 39.*

Ccc c

§. fin.

§. *fin. de minor.* Utroque etiam casu pignus, ab emtore interim constitutum durat *v. l. 43. §. 8. de edilit. edict.* nam contractus pure initus, in præjudicium creditoris, non potest resolvi: Quodsi adeo creditori non satisfiat, is pignori suo, ubicunque illud existat, incumbit.

§. 29. Si igitur venditor rem, pignore oneratam, nolit recipere, tum emtor illam liberare tenetur *v. l. 43. §. 8. de edilit. edict.* aut rescissio contractus plane non procedit: Potest tamen venditor ipse pignus luere, ac, de pretio reddendo, id, quod solvit, detrahere. Cautionem emtoris invitus venditor admittere non debet, hæc enim solum, quoad dubia, obtinet *l. 21. §. 1. de edilit. edict.* Hæc ita obtinent in casibus præsentibus, aliud verò dicendum, si ex conventionem addita contractus retro resolvatur, tum enim pignus, interim constitutum, evanesceat *l. 31. de pignor. l. 4. §. 3. de in diem addict.*

§. 30. Quicquid, ob contractum initum, Magistratui, vel domino directo solum est, v. gr. laudemium, illud læsus, rescisso contractu, neque ab eo, cui solum est, neque à lædente, modo ejus dolus absit, repetere potest, neque enim contractus necessario rescindi debuit, hinc damnum hoc, pro voluntario haberi debet. Idem dicendum de aliis expensis, occasione contractus initi, factis. Quicquid tamen, ob pretium excedens, solum est, id minimum ex æquitate Magistratus vel dominus directus reddere debet *v. LAUTERB. C. J. de rescind. vend. lit. O.* Aliud obtinet, ubi ob rei vitium, contractus rescinditur, ac expensæ, ex voluntate lædentis, sunt factæ, hæc enim læso restitui debent *l. 27. de edilit. edict. add. OBSERV. LAUTERB. Obs. 552.*

§. 31. Quodsi contractus rescindi non possit *v. §. 26.* dum scilicet res vendita vel periit, vel deterior facta, aut iterum alienata est, lædens præcise læsionem emendare tenetur. Si igitur emtor lædens rem alienaverit, aut hæc apud tertium, vel ipsum emtorem, & quidem ipsius voluntate, perierit, id quod deest justo pretio, ille supplere debet; Ratio verò non inde sumenda est, quod culpa vel mora obligationem perpetuet, sed quod, ex natura contractus, emtor ad solvendum pretium, rei venditæ æquipollens, obligetur, quicquid etiam rei ipsi accidat *v. OBSERV. LAUTERB. Obs. 545.*

§. 32. Re vero casu peremta, multi quidem, emtorem ad nihil tene-

teneri, existimant, sed verissimum est, quod etiam, hoc casu, ille pretium supplere teneatur, nam ejus obligatio non dependet à rei emtæ existentia, sed illa, ex contractu semel inito, resultat, ac semper durat, quicquid rei accadat, cujus periculum est emtoris: Sicut igitur hic, si rem iusto pretio comparaverit, totum exsolvere cogitur, licet res emta casu perierit, ita, si viliori pretio rem emerit, ob paritatem rationis, illud quoque supplere tenetur, nec per casum, ab illa obligatione, liberatur v. OBSERV. LAUTERB. *Observ* 546.

§. 33. Porro venditor lædens, re casu amissa, id, quod ultra justum pretium accepit, emtori reddere debet. Idem dicendum, si emtor sua voluntate rem amiserit, nam obligatio venditoris, ad læsionem emendandam, ex ipso contractu resultans, rei interitu, vel casuali vel voluntario, non tollitur. Non obstat, quod, si venditor rem malit recipere ac pretium reddere, emtor vero illam restituere nequeat, culpe sue damnum merito ferat v. LAUTERB. C. J. de rescind. vend. lit. P. nam primo emtoris nulla est culpa, quia sua re potuit abuti, deinde venditor frustra provocabit ad electionem, cum nullam habeat, ceu §. 25. ostensum add. OBSERV. LAUTERB. *Obs.* 547.

§. 34. Instituitur querela enormis læsionis in foro domicilii, ac tractatur processu ordinario RICHTER *Dec.* 99. n. 177. *seqq.* CARPZ. p. 2. C. 34. D. 5. O. L. *Observ.* 553. Tollunt illam (1.) renunciatio l. p. C. de pact. l. 14. §. 9. de edil. edict. CARPZ. d. l. D. 2. RICHTER. d. l. n. 85. *seqq.* O. L. *Obs.* 554. (2.) Præscriptio 30. annorum l. 3. 4. C. de præscript. 30. vel 40. ann. v. O. L. *Obs.* 556. Non etiam (3.) juramentum, quo quis contractum se servaturum juravit v. O. L. *Obs.* 555. In Saxonia tamen, juramentum majoris querelam excludit p. 2.

C35. Nec (4.) consensus reiteratus, nisi intuitu læsionis præsumtæ, repetitio facta sit v. LAUTERB. C. J.

de rescind. vend. lit. U. 3.

CAPUT XXI.

DE EVICTIONIBUS ET USURIS.

S U M M A R I A.

- Ob evictionem §. 1. Autor tenetur §. 2. Ejus faciendæ tempus, modus §. 17.
 Vel ex pacto speciali §. 3. 4. Et effectus §. 18. (s. 19.)
 Vel natura contractus, hinc evictio præstatur §. 5. Petitur evictio, actione ex pacto vel contractu
 in emptione §. 5. Usuræ indoles & varietas §. 20. 21.
 Nisi ei renunciatum §. 6. Usuræ licitæ sunt ac debentur ex conventionione,
 Datione in solum alisque negotiis onerosis mora & collata utilitate §. 22. 23. 24.
 §. 7. Usuræ quincunces regulariter solvendæ §. 25.
 Non autem in vere lucrativis §. 8. 9. Non debentur usuræ usurarum §. 26.
 Evictionis subjectum & materia §. 10. 11. Nec ultra alterum tantum currunt §. 27.
 Ejus præstandæ requisitum generale §. 12. Poena usurariæ pravitatis §. 28.
 Ejus applicatio ad ablationem extrajudicalem §. 13. Jure Romano diversis remediis usuræ petuntur
 §. 14. Quæ hodie non per omnia observantur §. 30.
 Et judicalem §. 14. Usuræ aliquando desinunt §. 31.
 Ob culpam possessoris potissimum cessat evictio- Ac iis similes sunt redditus §. 32.
 nis præstatio §. 15. Fructus §. 33.
 Omnia litis denunciatio culpam non semper Interesse causa & accessio §. 34.
 arguit §. 16.

§. 1.



As duas partes, pluribus contractibus communes, hoc loco expediemus. Evictio est rei, ab aliquo possesse, ex meliori jure, facta ablatio. Quia vero illud jus melius esse censetur, quod, sententia judicis, pro tali declaratur, ideo evictio, ablatio judicialis communiter dicitur, sed ut regulariter judicialis sententia evictionem comitetur, absolute tamen ad hanc non requiritur. Coincidit evictio cum vindicatione, qua vel ob dominium, vel aliud jus reale, res alteri aufertur, hæc tamen magis ad actorem, sicut illa ad reum, pertinet, nihilominus utraque utrumque litigantem includit.

§. 2. Re evicta, possessor hoc damnum, velut fatale aut voluntarium, aliquando ferre cogitur, sæpe tamen ejus restitutionem, ab alio, à quo rem accepit, petit, qui evictionem præstare, i. e. damnum, ob rem evictam, eveniens, rescire debet. Fluit autem hæc obligatio vel ex speciali pacto, vel ex natura contractus, adeoque dubio procul naturalis est, jure positivo saltem confirmata v. OBSERV. LAUTERB. Obs. 682.

§. 3. Pa-

§. 3. Pactum est vel *mere voluntarium*, quo quis sibi quam optime, in casum evictionis, prospicere potest, modo alter in tam molestas condiciones consentiat, v. gr. ut duplum, triplum aut etiam amplius quid præstet v. *l. 56. pr. de evict.* ac eo nomine, pignore aut fidejussoribus, caveat v. *O. L. Obs. 683.* vel *Necessarium*, quod vel ex legis præcepto, vel natura contractus, ineundum est. Sic jure Romano, quoad res pretiosas, duplum, sed nuda cautione, promittendum erat *l. 37. §. 1. l. 56. pr. de evict.* adeo ut cautio actione contractus exigi posset *l. 31. §. 20. de edil. edict.* vel etiam non præstata, ipso jure, facta censeretur *l. 2. de evict.*

§. 4. Sed hodie illa necessitas cessat, hinc regulariter nulla cautio præstari debet. Quodsi vero, in limine contractus, evictio imminet, tum vel plane à contractu disceditur, si periculum sit manifestum v. *l. 66. §. 1. ad Sc. Trebell. l. 8. de dol. except. l. 84. §. 5. de Legat. 1. CARPZ. p. 2. C. 34. D. 37.* vel, retentione pretii, aut, hoc jam soluto, actione contractus, autor, ad idoneam cautionem, compellitur *CARPZ. d. l. D. 30. seqq.* quam necessitatem ex natura negotii dependere, manifestum est.

§. 5. Licet verò nulla promissio intercesserit, tamen, ex natura contractuum onerosorum, evictio est præstanda *l. 6. C. de evict. v. OBSERV. LAUTERB. Obs. 684.* Præstatur ergo (1.) in emtione venditione *l. 60. de evict. l. 11. §. 2. de A. E. V.* licet ipse emtor *l. 9. 41. §. 1. de evict.* vel venditor rem evicerit *l. 17. 18. 19. cod.* sed hic commodius, exceptione rei venditæ & traditæ repellitur *l. 1. seqq. de except. rei vend. & trad.* Venditoris, vel ejus fidejussoris hæredi, eadem exceptio obstat, si ex persona & jure defuncti, rem evincere velit *l. 1. §. 1. cod.* alit si jure proprio utatur, tum, ut tertius, rem evincere potest, ut hæres vero evictionem præstare debet *l. fin. C. de evict. v. OBSERV. LAUTERB. Obs. 692.*

§. 6. Cessat evictionis præstatio, si ei renunciatum sit v. *CARPZ. p. 2. C. 34. D. 22. n. 6. 7.* admittit tamen illa conventio quæstionem voluntatis, hinc probe considerandum, quid actum sit *l. 11. §. fin. de A. E. V. v. OBSERV. LAUTERB. Obs. 685.* Renunciatur etiam evictionis præstationi tacite, si sciens, rem certò alienam, comparaverit *l. 27. C. de evict. l. 7. C. comm. utri. judic. CARPZ. d. l. D. 25.* secus est, si res dubie sit aliena, hanc enim comparans, jus petendi evictionem non amittit *l. f. §. f. C. comm. de Legat. v. O. L. Obs. 686.* Cessat quoque evictionis præstatio, in venditionibus prohibitis *l. 5. C. de leg. ac adeo in specie iis, quæ in alea fiunt l. 2. §. 1. quar. rer. act. non dat.*

§. 7. Præstatur evictio (2.) in datione in solutum *l. 4. C. de evict.* *l. 24. de pign. action. l. 46. de solut. l. 8. C. de sentent. & interloc.* (3.) per mutationem *l. 1. C. de rer. perm. l. 29. C. de evict.* (4.) in hæreditatis *l. 66. §. f. l. 7. C. comm. utriusque jud. l. 77. §. 8. de Legat. 2.* (5.) rei singularis divisione *l. 34. §. 1. de evict. l. 10. §. f. comm. divid.* (6.) locatione conductione *l. 9. pr. locat.* (7.) in transactione, ubi aliquid datum *l. 33. C. de transact.* secus, si transactionis causa, res controversa sit saltem dimissa *CARPZ. p. 1. C. 3. D. 26. Pr. tit. 4. art. 3. n. 13. add. LAUTERB. C. J. de evict. lit. C.* nam hoc casu, retinens, ob cognitam satis rei qualitatem, præstationem evictionis censetur remisisse *v. OBSERV. LAUTERB. Obs. 687.*

§. 8. In negotiis vere lucrativis, ac à mero alterius beneplacito dependentibus, evictio præstanda non est, nisi in specie promissa sit, aut donantis dolus intercesserit, poterat enim hic nihil dare, adeoque rationem, re evicta, regulariter postulari nequit. Aliter se res habet in negotiis lucrativis, sed quæ ad onerosa quodammodo accedunt, aut quæ ex voluntate donantis, alius exequi debuit, nam, in iis, evictio præstanda est, ut vel æqualitas conservetur, vel executor obligationi suæ satisfaciatur.

§. 9. Non ergo præstatur evictio in donatione simplici, nisi ob dolum vel pactum *l. 18. §. 3. de donat. l. 62. de edil. edict. l. 2. C. de evict.* nec in legato certæ speciei vel individui alieni *l. 45. §. 2. de Legat. 1. l. 40. de evict.* ex jure tamen testatoris, qui rem titulo oneroso comparaverat, contra autorem, recte agit legatarius, ad præstandam evictionem *l. 59. cod. E.* contrario præstanda est evictio in donatione remuneratoria *l. 27. l. 34. §. 1. de donat. CARPZ. p. 2. C. 34. D. 24.* vel ob causam, si hæc vel jam, sine accepto æquivalente, impleta sit *v. l. 1. C. de donat. quæ sub mod. l. 7. §. 2. de pact. l. 5. §. 2. de P. V.* vel impleri debeat, ut in dote *l. 1. C. de jur. dot. v. JUS FEUD. GERM. c. 7. §. 23. seqq. c. 9. §. 51. seqq.* denique in legato generis, ubi hæres præstitit speciem alienam *l. 58. de evict. l. 45. §. 1. de Legat. 1. l. 29. §. 3. de Legat. 3.* aut in legato individui, quod testator scivit obligatum *l. 57. de Legat. 1.* nam illo casu, hæres voluntatem defuncti non recte est executus, hoc autem necessitatem præstandæ evictionis ei testator censetur imposuisse *add. O. L. Obs. 688.*

§. 10. Præstant evictionem autores, qui suo nomine, per negotia antea exposita, res in alios transulerunt *l. 8. 9. 10. 16. 17. C. de evict.* eorumque hæredes *l. 9. 21. 23. C. cod. l. 62. §. 1. ff. cod. l. 4. §. f. l. 85. §. 5. l.*

l. 139. de V. O. ut & fidejussores & hæredes l. 4. ff. l. fin. C. de evict. Non igitur præstant evictionem creditores pignora distrahentes *l. 1.2. C. cred. evict. pign. non deb. l. 11. §. 16. de A. E. V. l. 10. l. 12. §. 1. l. 13. de distract. pign. l. 38. ff. l. 13. C. de evict. tutores & curatores l. 1. C. quand. ex fact. tutor. judex pignora distrahens l. 50. 74. §. 1. ff. l. 13. C. de evict. procurator arg. l. fin. in fin. de instit. action.* In specie cautum est jure Saxónico, ne Judæi Christianis præstent evictionem *Landr. l. 3. art. 7. quod hodie non observatur FRANSK de evict. n. 324. 588. BERGER in resolut. ad LAUTERB. C. J. de evict.*

§. 11. Præstatur evictio omnibus illis, qui, ex causis antea memoratis, res acceperunt eorumque hæredibus *v. FRANSK de evict. n. 545. seqq.* quoad omnis generis res, ex titulis illis acceptas, & postea evictas. Si nomen sit venditum, evictio saltem præstatur, si non sit verum, non autem, si non sit bonum, nisi dolus aut pactum intercesserit *v. l. 4. de H. vel A. V. l. 74. §. fin. de evict. STRUV. S. J. C. exerc. 27. §. 23. v. supra c. 4. §. 10. 11.*

§. 12. Ut autem quis ad evictionem præstandam obligetur, in genere requiritur, *ne suæ obligationi satisfecerit, nec jus promissum, in alterum, transtulerit*, nam, hoc posito, manifestum est, quod ille re evicta, teneatur, nihil enim aliud intenditur, quam ut adhuc suæ obligationi satisfaciatur. Quod si autem quis *jus promissum, in alterum, revera transtulit, hic verò vel casu rem, vel culpa sua jus & rem amisit*, tum item liquet, quare ille nihil præstare debeat, nam obligationi suæ, ex contractu venienti, jam satisfecit *add. O. L. Obs. 689.*

§. 13. Ut igitur de hoc specialius constet, interest, utrum res extrajudicialiter an judicialiter sit evincenda. Extrajudicialis evictio hominibus quidem forensibus, incognita est, imo parum juridica videbitur, sed si tamen tertius, jus suum evidenter doceat, ac possessor, juris alieni evidentiā convictus, temerariam injustamque litem omittat remque alteri concedat, tum autorem, ad præstandam evictionem, teneri, omnino arbitror, tutissimum tamen erit, auctori rem hanc denunciare, quo eo magis certus reddatur, omnia bona fide esse acta, nullamque possessoris culpam intervenisse. Sed hic casus, in tanto litigandi pruritu, erit dubio procul rarissimus.

§. 14. Altero casu, evictio est præstanda, si ex jure meliori *v. l. 1.*

C. de

C. de peric. & comm. rei vend. tertius, per victoriam judicalem, seu sententiam legitimam *l. 17. C. de evict.* possessori, sine ejus culpa, rem actu abstulit *l. 3. C. l. 16. §. 1. l. 57. pr. l. 70. l. 74. §. 2. l. 76. ff. eod.* Cessat igitur evictionis præstatio (1.) si casu res sit amissa *l. 21. ff. l. 26. C. eod. l. fin. C. de A. E. V. CARPZ. p. 2. C. 34. D. 25.* (2.) si propria possessoris voluntate *l. 76. de evict.* (3.) si imprudentia vel malitia judicis *l. 51. ff. l. 8. C. eod.* sed de hac manifeste constare debet, cum pro judice sit præsumtio (4.) si culpa possessoris.

§. 15. Talis adesse censetur (1.) si arbitri judicio rem temere commiserit *l. 56. §. 1. de evict.* (2.) si exceptionem sibi competentem omiserit *d. l. 56. §. 3.* (3.) si in bona causa non appellaverit *v. l. 63. §. fin. eod.* dum tamen, absente autore, condemnatus sit *FRANSK de evict. n. 295.* nam alias, ad hunc potius, istius rei cura pertinuisse (4.) si litem autori non denunciaverit *l. 53. §. 1. l. 62. §. 1. ff. l. 7. 8. 20. 21. 23. 29. C. de evict.* omiſſa ergo denunciatione, possessor evictionem petere nequit, ex sententia nonnullorum *v. HUBER in posit. ad ff. de evict. n. 11. 12. CARPZ. p. 1. C. 3. D. 23.*

§. 16. Sed verius est, omiſſam denunciationem non aliter nocere possessori, quam si per eam, jus auctoris & possessoris neglectum sit *l. 53. §. 1. de evict.* nam denuntiatio non pertinet ad jus aliquod acquirendum, sed ad juris defensionem, circa hanc ergo si nihil neglectum, res tamen, ex tertii jure meliori, evicta sit, & hoc omne legitime probari queat, denuntiatio impune omittitur *CARPZ. p. 1. C. 3. D. 24.* Interim semper tutius est litem auctori denunciare *add. BERGER in resolut. ad LAUTERB. C. J. de evict. qu. 2.*

§. 17. Fieri potest denuntiatio, etiam post litem contestatam, modo adhuc integra sit defensio *l. 29. §. f. de evict. CARPZ. Pr. tit. 4. art. 3. n. 16. v. O. L. Obs. 690.* Debet autem fieri judicialiter, nisi aliter inter partes conventum sit, hinc judex, minimum ex more nonnullorum judiciorum, specialiter rogandus est, quo auctori litem, transmissi libelli copia, aliisque, ad illum instruendum necessariis, denunciatur, eumque ad defensionem rei evocatur *v. l. 20. 21. 29. C. de evict.*

§. 18. Hoc facto, denunciatus, non quidem absolute, tamen ex hypothesi, si jus recte defensum velit, comparere tenetur, etiam si sit persona alias privilegiata *l. 49. de judic. CARPZ. p. 1. C. 3. D. 28. p. 2. C. 34. D. 40.*

& tum Reo assistere *l. 20. 21. 29. C. de evict.* totam vero litem, invito actore, in se transferre non potest *v. l. 66. §. 2. de evict. CARPZ. Pr. tit. 4. art. 4. n. 1. STRUV. S.J.C. Exerc. 27. §. 29.* quod in Electoratu Saxoniæ certum *O. P. S. tit. 14. §. fin.* Quodsi denunciatus nolit Reo assistere, vel etiam plane emanat, tum nihil contra eum, tanquam contumacem, decernendum, sed processus à solo denunciante peragendus est, ratione regressus securo, modo litem propria voluntate non amittat. *O. P. S. d. tit. 14. §. 2. BERGER in resolut. ad LAUTERB. de evict. qu. 2.*

§. 19. Ad obtinendam evictionis præstationem, datur actio ex stipulatu vel conditio ex moribus, si conventio intercesserit, vel actio, ex ipso contractu descendens, cessante pacto *v. l. 56. pr. l. 60. 70. de evict.* Illæ exigunt quantitatem promissam, hæc vero pretium, id quod interest *l. 70. de evict.* ac expensas in litem *l. 17. C. eod.* non etiam regulariter in rem factas, persequitur *vid. FRANSK. de evict. n. 87.* Quamdiu res non evincitur, tamdiu, ob evictionem, agi non potest, hinc etiam actioni, nondum natæ, hæcenus non præscribitur. Re usucapta, evictio, & consequenter ejus præstatio cessat *l. 54. pr. de evict.* Si, post, rem evictam, 30. anni elapsi sint, actio, ad evictionis præstationem competens, præscripta est *l. 3. 4. C. de præscript. 30. vel 40. ann. v. l. 21. C. de evict. v. OBSERV. LAUTERB. Obs. 691.*

§. 20. Usura *v. NOODT de usur. C. 2. 3. conf. OBSERV. LAUTERB. Obs. 707.* est pretium, pro usu sortis, seu quantitatis debitæ, solvendum *v. l. 95. §. 1. ad L. Falcid. l. 24. de us. & usifr. leg. l. 58. §. 6. ad Scit. Trebell. l. 23. 28. C. de usur.* ut plurimum est ejusdem generis cum sorte, sed nihil impedit, quo minus etiam, in re alterius generis, constituatur *v. O. L. Obs. 693.* Dividitur in ordinariam, qua usus sortis tantum, & extraordinariam, quæ tam ille, quam sortis periculum, quod Creditor sustinet, æstimatur, qualis, apud Romanos, erat *fœnus nauticum v. l. 26. §. 1. C. de usur. l. 1. §. 7. ff. l. 1. C. de naut. fœn.* quod hodie, inventis cambiis, non adeo usuratum est *v. O. L. Obs. 708.*

§. 21. Ordinaria rursus distingvi potest in lucrativam seu mordentem, quæ, ultra æquitatis præscriptum, exigitur, & compensatoriam sive non mordentem, quæ æquitatis terminos non excedit, hæc iterum est vel compensatoria in specie, quæ, in præstitæ utilitatis compensationem solvitur *v. l. 1. §. 1. l. 17. §. 3. de usur. l. 60. pr. soc. l. 58. §. 6. ad Scit. Trebell. l. 16. §. 1. de usur.* vel punitoria, quæ ob moram exigitur, ubi morosus

utilitatem revera vel non percepit *v. l. 32. §. 2. de usur. l. 54. locat. vel, ob consensum creditoris, solus usus producendis usuris non sufficit v. l. 24. in fin. l. 25. §. 1. l. 26. §. 1. de pos. O. L. Obs. 694.*

§. 22. Usuræ compensatoriæ jure divino & humano sunt permixtæ, licet sententia juris Canonici, non usque adeo sit liquida *v. c. 11. Dist. 88. de quo tamen parum laborandum v. O. L. Obs. 695.* Quoad jus Germanicum imprimis res certa est *Reform. Polit. 1530. tit. 26. de anno 1548. tit. 17. Ord. Polit. 1577. tit. 17. Recess. deput. 1600. §. so viel nun 139. R. J. 1654. §. anreichend 174. v. CARPZ. p. 2. C. 30. D. 1. seqq.* sicut autem res licitæ, nonnunquam in necessarias convertuntur, ita etiam, ad usuras solvendas, aliquando obligamur. Oritur illa obligatio summam ex *conventionem, mora & collata utilitate.*

§. 23. Quoad *conventionem*, jure Romano, distinguendum est, inter *stipulationem*, ex hac, in quibusvis contractibus, efficax, ad solvendas usuras, nascitur obligatio *l. 3. C. de usur. & pactum nudum*, hoc si contractibus bonæ fidei, in continenti adjiciatur, exinde quoque actio datur *l. 5. C. de pact. inter emt. l. 24. in fin. l. 26. §. 1. de pos.* si autem ex intervallo, actio nulla nascitur *l. 3. 4. 22. C. de usur. l. 8. §. f. de pign. act.* In stricti juris contractibus, ex pacto usuræ regulariter peti nequeunt *l. 3. 4. 7. 22. C. de usur. l. 28. C. de pact. l. 24. de P. V. nisi certis in casibus v. l. 30. de usur. l. 5. §. 1. l. 7. de naut. fœn. l. 12. 23. C. de usur. Nov. 136. c. 4. §. sed hodie, ex quovis pacto licito & serio, usuræ exigi possunt, nec admissum est jus Romanum add. CARPZ. p. 2. C. 30. D. 5. OBSERV. LAUTERB. Obs. 696.*

§. 24. Ob *moram*, jure Romano, saltem in contractibus bonæ fidei, usuræ debentur *l. 32. §. 2. l. 34. de usur.* non verò in contractibus stricti juris *l. 3. C. de usur. l. 24. de P. V. nisi certis in casibus l. 17. §. 3. §. l. 34. de usur. l. 87. §. 1. de Legat. 2. l. 2. C. de usur. rei jud. l. 3. de fidejuss. tutor.* sed hodie hoc etiam cessare, & in omnibus contractibus, usuras, ob *moram*, efficaciter deberi arbitror *v. c. 18. §. 12. b.* Quando autem *mora* contrahatur, id *c. 3. §. 32. 33. b.* ac generalius *l. 2. c. 3. §. 18. seqq.* est ostensum. Denique ob *collatam utilitatem*, usuræ aliquando solvendo sunt, quam æquitatem & jus Romanum *v. l. 10. §. 3. l. 12. §. 9. mand. & mores nostri agnoscunt, circa ejus tamen applicationem Scriptores nonnunquam dissentiunt v. c. 3. §. 34. b. BERGER ad LAUTERB. de usur. qu. 1.*

§. 25. Cum autem avaritia & in humanitas terminos æquitatis, in exigendis usuris, facile transilire queat, ideo leges positivæ usurarum *quantitatem, multiplicationem & durationem* certius definire solent. Jure civili non eadem, omni tempore, usurarum fuit quantitas *v. l. 26. §. 1. C. de usur. v. STRUV. Exerc. 27. §. 49.* Hodie regulariter *quincunces* saltem sunt permixtæ, per ea, quæ §. 22. adduximus. Ultra illam quantitatem, nihil stipulari licet *l. 20. 29. 44. ff. l. 15. 16. 26. §. 1. C. de usur.* id tamen quod revera interest, & quantitatem illam excedit, petere haut prohibemur *CARPZ. p. 2. C. 30. D. 9. 10. 11.*

§. 26. Multiplicationem usurarum quod attinet, usuræ usurarum prohibentur *l. 28. C. de usur.* si quis eas ob moram usurarum, si ob usuras, in sortem redactas, exigere velit, si tamen debitor mutetur, usuræ induunt naturam sortis, cujus usuræ recte exiguntur *l. 7. §. 12. l. 28. §. f. de admin. tutor. FRANSK l. 2. Ref. 10.* Idem dicendum, si fidejussor, pro debitore, usuras solverit, nam hinc ex proprio contractu mandati debere illi incipit *BERLICH p. 2. D. 268. n. 33.* annuorum quoque redituum usuras exigi posse volunt *BERLICH d. l. n. 29. CARPZ. Pr. Cr. p. 2. qu. 92. n. 86.* quod tamen vix admittendum *conf. STRUV. S. J. C. exerc. 27. §. 50. 51. O. L. Obf. 697. 698.*

§. 27. Quoad durationem usurarum illud cautum est, ne ultra alterum tantum illæ currant, hinc si sortem superent, repetuntur aut sorti imputantur *l. 27. §. 1. C. de usur. CARPZ. p. 2. C. 30. D. 26. 27.* licet singulis annis solutæ sint *Nov. 121. c. 1. 2. Nov. 138.* quod olim secus erat *l. 10. C. de usur.* si tamen usuræ tanquam interesse petantur, aut debitor sit morosus, ultra alterum tantum exigi possunt, quod etiam dicendum de annuis redditibus, qui perpetuo currunt *v. STRUV. S. J. C. exerc. 27. §. 52. 53.* Æquum quoque est, ut in emtione usuræ, ultra, quantitatem sortis, admittantur *v. BERGER in animadv. ad LAUTERB. de usur. qu. 1. add. Decif. Saxon. 29.*

§. 28. Quod si leges usurariæ negligentur, contractus, quoad excessum, est nullus, & accipiens immoderatas usuras, amittit quartam partem sortis, incurrit infamiam, ei denegatur testamenti factio & honesta sepultura, ac extraordinaria pœna affici potest *v. CARPZ. p. 2. qu. 92. STRUV. d. l. §. 54.* Pars autem amissa cedit Magistratui inferiori jurisdictionem habenti *Reform. polit. 1530. tit. 26. §. 7.* Sed in Electoratu Saxoniae, Principi *v. BERGER d. l. qu. 2.*

§. 29. Actiones seu remedia, ad exigendas usuras competentia, varia sunt; nam usuræ, quæ ex pacto incontinenti adjecto debentur, *actione contractus* l. 24. in fin. l. 26. §. 1. de pos. l. 5. C. de pact. int. emtor. l. 7. §. 5. de pact. quæ ex stipulatione, *actione ex stipulatu* exiguntur l. 1. C. de judic. Quæ autem ob moram, vel collatam utilitatem solvendæ sunt, *officio judicis* saltem adjudicantur, hinc, sublata obligatione & actione principali, peti nequeunt l. 49. §. 1. de A. E. V. l. 4. C. de pos. l. 7. de N. G. l. 8. de eo quod cert. loc.

§. 30. Sed hodie usuræ, promissæ, indistincte *condiçione ex moribus* vel *actione ex contractu*, petendæ esse videntur. Cæteras *officio judicis* exigi debere, concederem quidem, minime tamen illud, quod, sublata actione principali, illæ seorsim peti nequeant, licet ita videatur CARPZO VIO p. 2. C. 30. D. 12. 13. ea enim, quæ ad judices pedaneos, & antiquum processum formularium pertinuerunt, male utique nostris judiciis applicantur, maxime si ex meris tricis, ab æquitate abeuntibus, habeant originem: Nam alias obligatio, quæ sine promissione ex justis causis oritur, ejusdem omnino est efficaciz, ac illa, quæ ex promisso resultat: Imo nihil vetat, quo minus *actionem in factum* hoc casu asseramus, atque ita fori Romani commentum, pari commento eludamus add. OBSERV. LAUTERB. Obs. 699.

§. 31. Desinunt usuræ (1.) obligatione principali extincta l. 18. de novat. scilicet ratione temporis futuri, non præteriti, de quo §. præc. dictum (2.) purgatione moræ, modo illa juxta legis præscriptum fiat, de quo, inter modos tollendi obligationes, dicendum v. STRUV. Exerc. 27. §. 56. (3.) judicis prohibitione de non solvenda sorte, modo illa usum pecuniæ debitori simul intercipiat CARPZ. p. 2. C. 30. D. 24. hinc in Saxonia non aliter, quam si pecunia judicialiter fuerit obsignata, aut debitor juret se interim pecunia non esse usum Decis. Sax. 47. v. infr. l. 5. c. 12. §. 13. induciæ quoque moratoriz cursum usurarum non sistunt Decis. Saxoni. 30.

§. 32. Cum usuris habent convenientiam (1.) *annui redditus* i. e. emolumentum, ex re aliena, ob pretium solum, singulis annis præstandum. Acquiruntur ergo emtione venditione, ac ad illos exigendos, competit jus reale, & actio confessoria, præterea fors data ab emtore non potest revocari, quo nomine ab usuris, ex mutuo præcipue solvendis, differunt. Quoad *moralitatem* verò, cum iis plane conveniunt, hinc iisdem rationibus & impugnari, & defendi possunt v. STRUV. d. l. §. 8. seqq. add. O. L. Obs. 701.

§. 33. Porro cum usuris (2.) conveniunt *fructus*, de quibus *l. 3. c. 7. §. 9. seqq.* jam fuit actum; illud tamen hic observandum, exigi illos vel *ex re propria*, de quo *d. l. 3. c. 7.* dictum est, vel *debita*, quoad hanc, ex iisdem causis eos deberi, ex quibus usuræ præstandæ sunt, juxta æquitatem & usum Germaniæ, plane arbitror. In specie igitur incivile & inhumanum videtur, à donatore exigere fructus *l. 38. §. 7. de usur.* quod ad usuras quoque applicari poterit, quæ jure Romano, etiam minus favorabiles erant *d. l. 38. §. 7. junct. l. 32. §. 2. ff. l. 3. C. de usur. v. BERGER in resolut. ad LAUTERB. de usur. qu. 1. O. L. Obs. 702. 703.*

§. 34. Pertinet etiam huc (3.) *Id quod interest* i.e. damnum emergens & lucrum cessans *l. 21. §. 3. de A. E. V. l. 13. rem rat. hab. v. O. L. Obs. 568.* quod quantitatem usurarum & fructuum aliquando longe excedit *v. l. 2. §. fin. de eo quod cert. loc.* (4.) *Causa*, quo nomine fructus & usuræ, præterea vero, etiam incrementa fortuita comprehenduntur *l. 238 §. 7. De usur. l. 20. de R. V. l. 35. de V. S.* Denique (5.) *Accessio*, quæ, cum Causa, videtur coincidere *l. 34. de R. V. l. 4. de jur. dot.*

CAPUT XXII.

DE ALIIS CONTRACTUUM
COMMUNIBUS.

SUMMARIÆ.

Contractibus adjicitur tempus §. 1.

Et locus, actio etiam alibi potest institui §. 2.

Modo reus ibi habeat forum §. 3. 4.

Actione alibi instituta, interesse actoris & rei observandum §. 5.

Creditor rem debitam alibi recipiendo, interesse quandoque remittit §. 6. 7.

Constituti indoles §. 8.

Hodie cum fidejussione & novatione coincidit §. 9.

Æstimatio, in contractibus, venditionis & taxationis gratia, fieri solet §. 10. 11. 12.

Contra mentes, falsum modum renunciantes, datur actio in factum §. 13. 14.

Conditio sine causa §. 15. 16.

Ex lege §. 17.

Triticaria §. 18.

Discrimen actionis & officii judicis §. 19.

§. 1.



Nunc hunc locum cætera, quæ pluribus contractibus communia sunt, & jam succurrunt, breviter referemus. Solet igitur non raro *tempus* contractibus adjici, post cujus lapsum, res promissa actione contractus, potest exigi, nam quod quis hac die debet, illud multo magis, post illam, dare obstrictus est, quod etiam,

iam, ex receptiori sententia, de jure civili verum est *v. ZONES ad ff. de eo quod cert. loc. n. 14.* Ejus vero quod interest, rem die statuto non esse solutam, habenda quoque est ratio, quod æquitas præcipit, & jus Romanum agnoscit *l. 4. pr. de eo quod cert. loc. l. 11. 4. de V. O.*

§. 2. Infrequens etiam non est, ut contractibus, certus solutionis locus adjiciatur. Hoc casu uti promissor in loco condicto solvere tenetur, nec etiam, invito creditore, alibi potest *l. 9. de eo quod cert. loc.* ita invitatus, in loco solutioni destinato, actione contractus, ad implendum promissum, potest adigi *l. 3. de reb. autor. jud. possid. l. 21. de O. & A.* Quodsi autem in locum illum non veniat, tum juxta æquitatem naturalem indistincte, i. e. non habita contractus initi ratione, creditor alio in loco debitorem, actione contractus, convenire potest, nam loci adjectio efficit, ne statim, non autem, ne nunquam alibi, reus conveniri possit.

§. 3. Est autem actio instituenda eo in loco, ubi reus forum sortitur, quod ex indole imperii civilis resultat *v. l. 43. de judic. l. 16. §. 1. de constit. pecun.* præcipue igitur in loco domicilii, vel rei sitæ, si, ex regionis consuetudine, vel simpliciter, vel prævio rerum arresto, actio personalis ibi queat institui. Præterea ad prudentiam actoris pertinet, ut libellum apte formet, adeoque in specie loci prioris, Rei que in illum non venientis, ac hinc ortæ, alibi agendi, necessitatis, faciat mentionem.

§. 4. Si duo loca alternative contractui adjecta sint, debitor, antequam conveniatur, eligit, ubi solvere velit, eo vero cunctante, creditor eligit, ubi agat, quod etiam obtinet, si locis illis, res alternative adjunctæ sint *l. 2. §. 3. de eo quod cert. loc.* Quodsi adeo Reus in neutrum locum veniat, Creditor, actione, in tertio loco, instituta, vel utriusque, vel unius loci, prout visum fuerit, mentionem facere potest. Si autem copulative duo loca promissioni adjecta sint, in singulis, pars dimidia saltem peti potest, ac, si in loco tertio agatur, utriusque mentio fieri debet *d. l. 2. §. 4.*

§. 5. Actione in loco tertio instituta, reus aliquando, sub cautione absolvitur, si scilicet, in loco condicto facilius pecuniam solvere possit, nec hætenus tergiversatus sit *l. 4. de eo quod cert. loc.* Ea vero procedente, habenda est ratio ejus quod interest actoris, etiam ultra legitimum usurarum modum *l. 2. pr. §. fin. de eo quod cert. loc.* Non minus tamen interesse quoque Rei attenditur, idque non tantum eo casu, si ob justam causam, in loco adjecto, non comparuerit *l. 1. 2. pr. cod. sed &, si in mora fuerit d. l. 2. pr. §. 8.* nam mora commissa reum quidem obligat ad in-

ter-

teresse aitori præstandum, jure tamen, proprium petendi, eum non privat, cum morâ, per præstationem ejus quod interest, emendatâ, perinde sit, ac si moram plane non commisisset v. OBSERV. LAUTERB. *Obs.* 387.

§. 6. Quodsi creditor debitum, certo in loco, solvendum, in alio sponte recipiat, tum id, quod interest censetur remisisse, modo non alias silentii sui habuerit rationes, quemadmodum etiam in acceptio procuratoris, siue ejus consensu facta, ipsi non obest l. 2. §. 7. de eo quod. cert. loc. Si vero creditor, debitum accipiens, ratione ejus quod interest, protestetur, tum jure quidem Romano, nihilominus jus illud petendi videtur amisisse l. 8. 10. de eo quod. cert. loc. l. 49. §. 1. de A. E. V. sed, juxta æquitatem, id jus salvum erit, quam hodie observandum puto v. OBSERV. LAUTERB. *Obs.* 388. v. cap. præc. §. 30.

§. 7. Hactenus dicta, jure Romano, saltem obtinebant in contractibus bonæ fidei, in his scilicet, actio ex contractu descendens, etiam in loco tertio poterat institui l. 7. de eo quod cert. loc. sed ex contractibus stricti juris, alio loco agi non posse videbatur, cum vero hoc manifeste iniquum esset, Prætor actionem asseruit l. 1. de eo quod cert. loc. §. 34. l. de action. hinc innotuit nomen actionis utilis, vel arbitrariæ de eo quod certo loco, quod non alium habet usum, quam ut logomachias vel inanes pariat doctrinas. Hodie eo non utimur, sed ex quovis contractu actio, sub consueti nomine, ad effectus antea expositos, instituitur v. OBSERV. LAUTERB. *Obs.* 385. 386.

§. 8. Solet aliquando quis obligationem alienam in se suscipere, vel etiam propriam repetere, aut, aliene obligationis occasione, se obstringere. Hoc, jure Romano, fiebat, vel verbis solemnibus, vel nudo consensu, illo casu existebat fidejussio, novatio impropria v. §. 3. l. quibus mod. oblig. toll. vel etiam stipulatio in speciem sic dicta, hoc verò, Constitutum, quod adeo est pactum legitimum, quo quis, sine verbis solemnibus, alienam obligationem suscipit l. 1. §. 1. l. 28. ff. l. f. C. de constit. pecun. vel proprium debitum repetit, aut, occasione obligationis alienæ, se obstringit l. 5. §. 2. cod. §. 9. l. de action. Valebat hoc pactum, ex confirmatione Prætoris l. 1. pr. de constit. pecun. §. 8. l. de action. & eam quidem ob causam, quod obligatio jam præcederet, hinc etiam debitum in ere civile l. 3. §. 1. de constit. pec. vel, ultra debiti veri quantitatem, constitui non poterat l. 11. §. 1. l. 12. cod. v. LAUTERB. C. J. de constit. pecun.

§. 9. Verum cum hodie omnia pacta seria, obligent, ac cum stipulatio-

lationibus coincidunt, ideo Constitutum, est contractus *consensualis*, ac valet non ob præcedens debitum sed consensum. Illud ergo, quo quis obligationi alienæ accedit, est *fidejussio* v. c. 16. §. 4. h. quo quis propriam obligationem repetit, vel, alienæ obligationis occasione, se obstringit, *novatio impropria* aut *peculiaris contractus*, qui etiam ultra debiti præcedentis quantitatem valet. Imo usus constitutum etiam pro *novatione propria*, & *expromissione* fere accipit v. CARPZ. p. 2. C. 16. D. 2. §. C. 18. D. 2. ex quibus apparet, constitutum hodie peculiariter non esse considerandum, cum explicata fidejussione & novatione illud ultro intelligatur *conf.* OBSERV. LAUTERB. Obsf. 389.

§. 10. In contractibus, quæ restitutioni subjacent, aliquando res *æstimantur*, id quod dupliciter fit, *venditionis* & *taxationis* gratia; Illo casu, res æstimata alteri pro certo pretio venditur, adeoque accipiens non debet rem reddere, sed ejus æstimationem præstare, hinc periculum rei quoque ad ipsum pertinet: Hoc vero, æstimatio saltem eo finē fit, ut de pretio rei constet, adeoque, sine ulteriori disputatione, statim intelligatur, quid accipientem præstare oporteat, si ejus culpare perierit, hinc manet accipiens debitor speciei, hujusque periculum casuale ad dantem pertinet, quod etiam verum est in contractibus, in quibus levissima culpa præstatur v. OBSERV. LAUTERB. Obsf. 401.

§. 11. Quo sensu æstimatio, in hoc vel illo contractu, facta sit, id ex verbis expressis optime intelligitur v. l. 50. *sol. matrim.* l. 21. C. de *jur. dot.* In dubio æstimatione in, involvere venditionem, aliqui putant v. MASCARD. de *probat.* V. 2. *Concl.* 663. sed hoc accipiendum est, de negotiis dominii translativis, v. gr. dote l. 10. §. 4. l. 12. §. 1. l. 14. 15. 16. ff. l. 5. 10. C. de *jur. dot.* l. un. §. 9. 15. C. de *R. U. A.* CARPZ. p. 3. C. 23. D. 26. In aliis vero, quæ dominium non transferunt, ut deposito, commodato, pignore, locatione & societate, æstimatio, taxationis gratia, potius facta censi debet v. l. 52. §. 3. *pro soc.* CARPZ. p. 2. C. 37. D. 16. RICHTER Dec. 81. n. 13.

§. 12. Sed ista procedunt in dubio, quod si verò circumstantiæ aliam contrahentium intentionem indicent, aliud quoque dicendum erit. Sic in dote aliquando æstimatio fit saltem taxationis gratia v. CARPZ. p. 3. C. 23. D. 27. in locatione vero, venditionis causa, si conditio objecti hoc favdeat l. 3. §. 4. §. f. *locat.* Quod si in hujus generis contractibus, conventum sit, ut res incorrupta, vel ejus æstimatio restituatur, dubitandū non

non erit, quin periculum omne, ad accipientem, pertineat *v. l. 10. §. f. de jur. dot. add. CARPZ. l. Rsp. 106. LAUTERB. C. f. de estimat. lit. O.*

§. 13. Aliquando quidam contractibus aliorum interveniunt, qui si damnum contrahentibus inferant, illud naturaliter rescarcire tenentur. Pertinet eo exemplum *mensoris, falsum modum dicentis*, contra quem, jure Romano, comparata est *actio in factum*, quæ est *actio Prætoriana, personalis, rei persecutoria, qua læsi, à mensore dolo, damni restitutionem exigant.* Oritur hæc actio ex dolo & culpa lata, & quidem sine prævio contractu, nam olim beneficii loco, mentionis opera saltem fuit exhibitæ, hinc etiam imperitia mensori non nocebat *l. 1. pr. §. 1. si mens. fals. mod.* Sed illæ tamen rationes non impediunt, quo minus *contractum mandati*, inter mensorem & contrahentes, asserere liceat *v. l. 3. §. 1. §. 1. si mensor fals. mod. l. 1. §. 1. 2. l. 2. l. 3. §. 4. l. 5. 6. 7. eod. l. 3. pr. §. 5. eod. j. l. 49. de O. & A. O. L. Obs. 1146.*

§. 14. Exigitur hac actione damni restitutio, sive id quod interest *l. 3. §. 1. si mens. fals. mod.* eaque opus est, si læsus, ab altero contrahente, suum consequi nequeat *l. 3. §. 2. 3. eod.* nec videtur mensor id, quod solvit, ab altero, in cujus emolumentum fraus cessit, repetere posse, ob præsumtam donationem, modo hic fraudis non fuerit conscius. Quod si autem mensor cum altero contrahente, in alterius damnum, colluserit, tum læso, velut correi, videntur obligati, adeo ut hic, ab illo vel isto, solidum exigere queat, quo casu solvens ratam partem ab altero poterit recuperare *v. OBSERV. LAUTERB. Obs. 296. 376.* Præscribitur hæc actio 30. annis *l. 4. si mens. fals. mod.* Hodie ejus exiguus usus esse videtur, cum mensores plerumque locatione conductione assumantur, adeoque, tam ipsi quam hæredes *l. 49. de O. & A.* ex contractu, hoc conveniri queant, ac etiam de imperitia teneantur, cum ut artifices intervenerint *l. 9. §. 5. locat. l. 1. pr. §. 1. si mens. fals. mod.*

§. 15. Facienda quoque est mentio *Conditionis sine causa.* Hæc aliquando *nudum nomen* est, quod actionibus, proprio nomine jam insignitis, etiam applicari potest *l. 1. pr. §. 1. 2. l. 2. l. 4. de condit. sine caus.* aliquando vero, *peculiare remedium forensè*, hoc sensu est *actio personalis, qua quis, rem ad se spectantem, ac ab alio, sine causa, detentam, exigit.* Causa autem vel ab initio statim cessat, hinc res furtivæ, à tertio possessore, hac conditione reperuntur *§. 26. l. de R. D.* vel ex postfacto tollitur: solutæ ergo quantitatis instrumentum, hæc actione exigitur *l. 2. C. de condit. ex leg. & sin. caus. add. l. 3. ff. eod.*

§. 16. Fundamentum est rei detentio, nullo titulo habili sub nixa, nam, hac posita, æquitas manifeste exigit, ut detentor rem alteri reddat, licet, ejus intuitu, nullus contractus vel delictum intercesserit ut non opus sit aliquem quasi contractum hic fingere, ex quo vulgo hanc conditionem deducunt v. LAUTERB. C. J. de condit. sin. caus. Cum autem hæc conditio præsupponat jus actoris quodammodo evidens, hinc dominium vel simile jus operose probandum non est arg. l. 14. §. 3. quod met. caus. quo nomine etiam hodie hæc conditio utilis vid. OBSERV. LAUTERB. Obs. 373.

§. 17. Referri etiam huc potest *Conditio ex lege*, quæ dicitur *actio personalis competens ad id, quod debetur ex obligatione, quam lex nova introduxit, sed de genere actionis, qua experiundum, nihil cavit*. Potissimum ergo datur ex pactis legitimis v. l. 35. §. f. C. de donat. LAUTERB. C. J. de condit. ex leg. Sed cum hodie pacta legitima non amplius occurrant, sed potius omnes conventiones, ex consensu, valeant, præterea sollicitudo fori Romani, circa actionum nomina, occurrens, hodie non fit necessaria, ideo neminem erraturum putem, si nominibus *actionis ex stipulatu, conditionis ex lege & ex moribus* v. l. 2. c. 4. §. 33. promiscue utatur add. OBSERV. LAUTERB. Obs. 382.

§. 18. Verbo quoque memoranda est *Conditio Triticiaria*, quæ dicitur *actio personalis qua quis rerum æstimabilium, ex quacunque causa debitarum, pretium, à debitore moroso exigit* v. LAUTERB. C. J. de condit. tritic. Ex quo liquet, non peculiarem actionem, sed novum saltem nomen, quo diversi generis actiones, suis nominibus jam notatæ, etiam efferrî queant, ista descriptione proponi, eoque hodie nos facile carere posse v. OBSERV. LAUTERB. Obs. 383. 384. Ejus occasione quæritur *cujus temporis æstimatio præstanda sit?* Id quod jure civili incertum, sed hodie, sine discrimine contractuum, ea æstimatio præstanda est, quæ, à tempore moræ usque ad actualem præstationem, est maxima v. d. Obs. 384. n. 2. 3.

§. 19. Sæpe opponuntur *Jus actionis & officium judicis*. Illud est, quod palam inest conventioni & in actione exprimitur; Hoc, quod natura negotii implicite fert & per consequentiam v. l. 7. de N. G. l. fin. de A. E. V. §. 9. l. de legat. HUBER in posit. ad l. de Off. jud. n. 5. Inprimis per officium judicis solet intelligi *jus aliquod accessorium* quod sublato jure actionis, evanescit l. 8. de eo quod cert. loc. l. 49. §. 1. de A. E. V. l. 4. C. de pos. Sed hodie jus, quod ex nuda æquitate descendit, tam constans est, quam illud quod ex verbis contractus oritur v. cap. præc. §. 29. 30.

LIBER QUINTUS.

CAPUT I.

DE FURTO.

SUMMARIA.

In recensendis delictis, aliorum res respicientibus, discrimina Romana attendi non debent §. I.
 Furti definitio, requisita §. 2. 3.
 Et divisio §. 4.
 Ejus causa, subjectum ac materia §. 5. 6.
 Effectus furti imminenti, & facti §. 7.
 Ad exigendam damni restitutionem datur conditio furtiva §. 8.
 Quæ oritur ex ipso furto §. 9.
 Ac compertit domino aliisque quorum interest §. 10. 11.
 Adversus fures §. 12.
 Eorumque hæredes in solidum §. 13.

Non contra successores singulares §. 14.
 Ad rem furtivam cum omni causa recuperandam §. 15.
 Cum conditione concurret rei vindictio §. 16.
 Magistratus in rem furtivam jus nullum competit §. 17.
 Poena furum civilis §. 18.
 Et criminalis §. 19.
 Quæ, pro qualitate delicti, varia est §. 20. 21.
 Suspendii moralitas §. 22.
 An fur, rupto laqueo, iterum suspendendus §. 23.
 Actionis pœnalis & rei persecutorie concursus §. 24.

§. 1.



Eveniendum est ad *delicta*, quæ res aliorum respiciunt, ac inde venientia *jura personalia*, iisque respondentes *obligationes* vid. *lib. præc. c. 1. §. 1.* In iis recensendis haut morabimur discrimen Romanum, quo, *privata, extraordinaria & publica*, illa esse perhibentur, nam illud hodie non obtinere, sed omnia delicta, pro publicis, recte haberi *l. 1. c. 14. §. 13.* jam admonitum est. Illud quoque extra reprehensionem erit, si nonnunquam ejusmodi delicta recensamus, quæ ad res unicè non pertinent, sed ad alia etiam objecta se extendunt, aut quæ alio loco vel jam proposita sunt, vel proponi possunt, nam id delictorum illorum habitus permittit.

§. 2. Initium faciemus ab explicatione furti. Hoc est *fraudulosa rei alienæ contrahatio, invito domino, lucri causa, clam facta l. 1. §. 3. de furt.*

furt. Requiritur ergo ad furtum (1.) *dolus* sive nocendi propositum §. 2. *I. de usucap.* §. 7. *I. de obligat. quæ ex delict.* l. 36. 37. *de usurp.* (2.) *contractatio*, hinc cogitatio, verba aliaque facta furtum non inferunt l. 1. §. 1. l. 52. §. 19. l. 67. l. 21. §. 7. *de furt.* (3.) *domini dissensus*, nam alias dolus committi nequit l. 145. *de R. J. l.* 48. §. 2. l. 46. §. 7. §. 1. l. 76. *pr. de furt.* (4.) *intentio lucrandi*, alias contractatio in aliud delictum degenerat l. 1. §. 3. l. 53. *pr. l.* 39. *pr. l.* 82. §. 2. *de furt.* (5.) *clandestinitas*, quo nomine à rapina, quæ in cæteris cum furto convenit, distinguitur l. 2. §. 23. 24. *de vi bon. rapt.*

§. 3. Contractatio fit (1.) naturali rerum amotione l. 2. §. 1. *de tutel. & ration. l.* 33. l. 52. §. 16. l. 45. ff. l. 7. 8. 19. *C. de furt.* (2.) alienatione rei alienæ, scienter facta §. 2. *I. de usucap. l.* 36. *de usurp. l.* 29. *de pos.* (3.) rei oppignoratæ subtractione vel fraudulenta alienatione, à debitore facta l. 12. §. 2. l. 19. §. 5. 6. l. 66. *de furt.* (4.) rei, ex justa causa detentæ, ad alium usum applicatione l. 54. *pr. §. 1. l.* 67. *pr. eod.* §. 6. *I. de oblig. quæ ex delict.* Sed hodie duplex posterior contractatio ad furtum non sufficit v. l. 2. c. 9. §. 21. l. 4. c. 11. §. 6. c. 12. §. 7. De cætero potest contractatio fieri vel immediate, vel mediate, dum furtum aliorum promovemus, vel inde aliquid participiamus l. 50. §. 1. *seqq. l.* 52. §. 19. 22. 23. l. 54. §. 4. ff. l. 12. 14. *C. de furt. v. CARPZ. Pr. Crim. p. 2. qu. 87.*

§. 4. Dividitur furtum (1.) à *furi deprehensione*, in manifestum & non manifestum l. 2. *seqq. l.* 34. *de furt.* licet autem illa divisio in *Ord. Crim. art.* 157. 158. quoque inculceretur, attamen, in Territoriis Germanicis, vix ejus aliquis est usus *CARPZ. p. 2. qu. 78. n. 8.* (2.) à *quantitate* in magnum & parvum *O. C. art.* 159. 161. *CARPZ. d. l. n. 16. seqq.* (3.) à *qualitate*, in simplex & qualificatum, nec non in primum & reiteratum *O. C. art.* 158. 159. *CARPZ. qu. 78. 79. conf. Idem qu. 82. n. 39. LAUT. C. J. de furt.*

§. 5. Dependet furtum à malitiosa delinquentis voluntate l. 36. 37. *de usurp.* ejus vero moralitas oritur à lege prohibente, tam naturali quam civili v. l. 1. §. 3. *de furt. l.* 42. *de V. S. MATTH. de crim. l.* 47. tit. 1. c. 1. n. 9. Furari ergo possunt omnes, qui usu rationis non destituuntur v. l. 23. 33. ff. l. 3. 11. *C. de furt.* & furtum fit omnibus, qui non consentiunt v. §. 2. n. 3. b. Objectum furti, sunt omnis generis res, in commercio & extra illud positæ §. 9. *I. de obligat. quæ ex delict.* etiam minimæ §. 16. *I. de R. D.* licet harum, in contractibus, ad effectum famosæ actionis concedendæ, nulla habeatur ratio l. 9. 10. *de dol.*

§. 6. Requiritur verò (1.) ut res sit *mobilis*, immobilium non fit furtum *l. 38. de usurpat. §. 2. l. de usucap. l. 25. pr. de furt.* ad effectum tamen damni restituendi, etiam immobiles furto auferri possunt *d. l. 25. §. 1. (2.) aliena*, cuius scilicet dominium ad alium pertinet *v. l. 43. §. 4. seqq. de furt.* Jure tamen Romano dominus quoque furtum committit, si creditori pignus *l. 12. §. 2. l. 19. §. 5. 6. l. 78. eod.* vel usufructuario rem usufructuaria *l. 15. §. 1. eod.* aut bonæ fidei possessori, rem possessam *l. 20. §. 1. eod.* vel etiam commodatario similibusque rem detentam, quæ ob impensas retineri poterat, auferat *l. 15. §. f. l. 53. §. f. eod.* quæ hodie nullius usus esse arbitror *v. §. 3. h. (3.) possessa*, qualis etiam est, quæ ab alio nude detinetur *v. l. 1. §. 15. si is qui testam. lib. 68. 69. 70. de furt.* quod requisitum hodie quoque haut est necessarium *add. OBSERV. LAUTERB. Obsf. 1200. MATTH. de crim. l. 74. tit. 1. c. 1. n. 3.*

§. 7. Si furtum *imminet*, ex naturali defensionis jure, se, contra illud, defendere licet, etiam cum internecone furis, si hic vitæ nostræ simul insidietur, vel res nostras, sine probabili recuperandi spe, sit ablaturus, facilius ergo fures nocturni, quam diurni occidi possunt *v. l. 4. §. 1. ad L. Aquil. l. 54. §. 2. de furt. l. 9. ad L. Cornel. de sicar. v. CARPZOV. p. 2. qu. 32. n. 37. PUFENDORF. de J. N. G. l. 2. c. 5. §. 17.* Si autem furtum *factum sit*, tum læsus jus quidem non amittit *l. 12. C. de furt.* bene vero rem ejusque possessionem *v. l. 5. de A. A. P.* Fur autem, ex jure naturali, obligatur ad *damnum resarciendum* ac ad *pœnam sustinendam*, quam lex positiva definit, ac rei furtivæ usucapionem inhibet *§. 2. l. de usucap. add. OBSERV. LAUTERB. Obsf. 1201. 1202. 1203.*

§. 8. Quo autem effectus illi sequantur, furtum legitime probari debet *l. fin. C. de probat. CARPZ. p. 2. qu. 81. p. 3. qu. 114. 120. 122.* De cætero, ad exigendam damni restitutionem, datur *Condictio furtiva*, quæ est *actio personalis qua à fure ejusque hæredibus, res furtiva vel illius æstimatio repetitur. v. l. 5. l. 7. pr. §. 1. de cond. furt.* Est perpetua *l. 21. §. 5. rer. amot.* dicitur etiam condictio irregularis, quia domino adversus non dominum competit *§. 14. l. de action. l. 12. in fin. usufr. quemadmodum cav. cum cæteræ conditiones domini translationem præsupponant*, quamvis hæc malis rationibus nonnunquam asseratur.

§. 9. Oritur condictio furtiva, ex ipso delicto, nam insolitum non est, ut ex uno facto, duplex obligatio, ad damnum restituendum, & pœnam excipiendam, veniat; Non opus ergo est, ut tricemur, ac illam, im-

mediate à lege, & dativam esse, dicamus. Habet autem locum, licet res furtiva casu perierit *l. 8. pr. §. 1. l. fin. ff. l. 2. C. de condit. furtiv.* nisi mora, in qua fur statim est, per realem oblationem fuerit purgata, vel novatione obligatio in aliam sit translata *l. 17. cod.* tum enim fur ex conventionem obligatur adeoque casum non præstat.

§. 10. Datur conditio domino *l. 1. 11. de condit. furt. l. 14. §. 16. de furt. & hæredi l. 10. §. f. l. 11. de condit. furt.* dominium tamen hic probandum non est, sed sufficit, si possessio, & inde jus probabiliter præsumtum, doceatur *arg. l. 14. §. 3. quod met. caus.* Competit etiam creditori pigneratitio *l. 12. §. f. de condit. furt. l. 22. pr. de pign. action.* aliisque, quorum interest, rem non esse subreptam *l. fin. §. 3. C. de furt.* Circa eos tamen, qui jure reali destituuntur, in genere distingvendum est, utrum *res sine*, an *culpa eorum ablata sit*.

§. 11. Illo casu, solus dominus agit, hoc verò in ejus arbitrio est, utrum contra furem, an contra eos, qui ipsi, ex contractu obligati sunt, actionem velit instituire: Si *illud* fecerit suumque à fure consecutus sit, tum hi, & ratione domini liberantur, quia eorum culpa inefficax est, & contra furem agere nequeunt; si *hoc*, ac hi æstimationem præstiterint, tunc iis merito contra furem est concedenda conditio, quo damni restitutionem, quantum fieri potest, ab eo obtineant, fur enim primario obligatur: Tricarum Romanarum, de condictione certi & incerti, hodie nulla est utilitas *add. OBSERV. LAUTERB. Obs. 374. 375.*

§. 12. Datur conditio furtiva contra furem & raptorem *l. 5. 10. pr. §. 1. de condit. furt. l. 2. §. pen. de vi bon. rapt.* etiam contra auxiliares *l. 53. §. 2. de V. §. non tamen statim l. 6. de cond. furt.* sed in subsidium. Plures, ut correi debendi, obligantur *l. 1. C. de condit. furt. CARPZ. p. 4. C. 34. Ds.* hinc unius præstatio omnium obligationem perimit *d. l. 1. C. de cond. furt.* neque competit uni convento, exceptio divisionis ex sententia interpretum *v. LAUTERB. C. J. de condit. furt. lit. P.* quod, favore domini, hætenus admitti potest, nisi omnium solutio in promptu sit. Qui solidum solvit, à compare, ratam partem repetere potest, licet vulgò dissentiant *v. OBSERV. LAUTERB. Obs. 376.*

§. 13. Competit etiam contra furis hæredes, licet infantes & furiosi sint *l. 2. de condit. furt.* nam quamvis hi, ex proprio facto, non obligentur *l. 23. 24. de furt.* ex transmissa tamen obligatione tenentur. Datur vero contra hæredes in solidum *l. 7. §. 2. l. 9. de condit. furt.* quod æqui-

æquitati est consentaneum, licet à regula juris Romani, de obligationum transmissione, abeat. Si fur laqueo suffocatus sit, adhuc, hæredes in solidum teneri, ex rationibus juris civilis, vulgo volunt *l. 7. §. 1. de condit. furt. l. 45. pro soc. l. un. C. quand. civil. ad. crim.* Sed in Saxonia hoc casu hæredes non tenentur, si res furtiva ad eos non pervenerit *v. Decis. Sax. 86. CARPZ. p. 4. C. 32. D. 23. Pr. Crim. p. 2. qu. 80. n. 104. add. OBSERV. LAUTERB. Obs. 377.*

§. 14. Contra successores singulares conditio furtiva institui nequit, nam furis obligatio in eos non transit *l. 5. de condit. furt.* ob rei furtivæ tamen possessionem conveniri possunt, conditione sine causa *§. 26. I. de R. D. v. l. 4. c. 22. §. 15. 16.* Quod si bonæ fidei possessor rem alienaverit, vel consumserit, eatenus tenetur, quatenus est factus locupletior *v. Decis. Saxon. 87.* quod tamen de eo casu accipiendum videtur, si læsus à fure damni restitutionem obtinere nequeat.

§. 15. Peritur res furtiva cum omni causa, licet in aliam formam mutata sit, nullis refutis expensis *l. 3. l. 8. pr. §. 2. l. 13. de condit. furt. l. 1. C. de infan. expof. l. 2. C. de fruct. & expens. lit.* Si res non extet, petitur æstimatio, quanti res plurimi fuerit à tempore commissi delicti *l. 3. l. 8. pr. §. 1. l. 16. de condit. furt.* seu accipiendi iudicii *l. 2. §. 3. de priv. delict.* licet æstimatio cura & sumtibus furis creverit *l. 13. de condit. furt.* nam in illud damnum consensit, potest etiam æstimatio fieri iurejurando in litem *l. 9. de in lit. jur. add. OBSERV. LAUTERB. Obs. 378. 379.*

§. 16. Concurrit cum conditione furtiva electio Rei vindicationi *l. 7. §. 1. de condit. furt. §. fin. l. de oblig. que ex del. hæc tamen etiam contrarium potest institui v. l. 2. C. de furt. Landrecht. l. 2. art. 36. l. 3. art. 7. ARUMÆ. ad A. B. discurs. 5. §. 6.* Aliquando depositi, commodati, pro socio vel similis actio, cum illa, concurrit *l. 16. de condit. furt. l. 5. §. 8. commod. l. 40. 71. 76. de furt. l. 29. depos. l. 45. pro soc. quod tamen hodie non in distincte obtinere, ex §. 3. h. intelligitur.*

§. 17. Consuetudinem, qua res furtiva Magistratui addicitur, esse irrationabilem, ex communibus æquitatis principiis intelligitur *v. Ord. Crim. art. 207. 218. R. J. de anno 1559. §. und nachdem an etlichen 35. CARPZ. p. 2. qu. 80. n. 10. seqq. MATTH. de crimin. l. 47. tit. 1. c. 4. n. 4.* Ob expensas tamen in rem factas, eam Magistratus tamdiu retinere potest, donec ipsi, eo nomine satisfiat *Ord. Crim. art. 207. 213.* Non idem dicendum de expensis, in inquisitionem & executionem factis, has enim Magistratus à seculo repetere nequit, licet, ad hujus petitionem, processus fue-

fuerint institutus v. DN. LYNCKER *Res Decis. Jenens. p. 1. D. 310.* quamvis alii dissentiant v. RICHTER *Dec. 96. n. 175. seqq. conf. OBSERV. LAUTERB. Obs. 380. 381.* Hodie obligatio ad damnum restituendum dubio procul adhuc obtinet, sed conditio, processu civili tractanda, eo fine non facile instituetur.

§. 18. Pœna furum est vel civilis vel criminalis; Ad illam exigendam datur *actio furti*, quæ est *personalis & pœnalis, competens omnibus, quorum, sine dolo proprio, interest, contra furem, ad pœnam dupli vel quadrupli lèsø adjudicandam §. 5. 13. 19. I. de oblig. quæ ex del. v. LAUTERB. C. J. de furt. lit. E.* Aliquando conditio furtiva, etiam actio furti dicitur *l. 9. de in lit. jur. l. 14. §. 16. l. 71. pr. de furt. l. 3. §. fin. naut. camp. statular.* Cæterum illa actio furti probabiliter in Germaniam non est recepta hinc de ea multa dicere non attinet v. OBSERV. LAUTERB. *Obs. 1204. 1205. CARPZ. p. 2. qu. 77. n. 5. LAUTERB. C. J. de furt. lit. l. n.*

§. 19. Criminaliter puniuntur fures, vel pœna pecuniaria, fisco applicanda, vel corporis afflictiva *l. fin. de furt.* quæ tamen jure civili nunquam ad membri abscissionem, multo minus ad mortem extendebatur *Nov. 134. c. fin. auth.* sed novo jure *C. de serv. fugit.* Verum legibus Germanorum pœna mortis est introducta *II. f. 27. §. 8. Landrecht. l. 2. art. 13. Ord. Crim. art. 157. seqq. CARPZ. p. 2. qu. 77.* quæ tamen non indistincte obtinet, hinc, juxta sanctionem Ordinationis Criminalis Carolinæ, diversitas furti est observanda.

§. 20. Si furtum sit *qualificatum*, in quo scilicet effractio violenta & arma intervenerunt, tum mas suspenditur, fœmina in aquis suffocatur, aut aliquando pœna corporis afflictiva coercetur *Ord. Crim. art. 159. v. CARPZ. p. 2. qu. 79.* Si vero sit furtum *simplex primum & parvum*, quod non continet 5. aureos sive ducatos, tum pro diversitate furti manifesti & non manifesti, imponitur pœna *art. 157. 158.* Sed hodie, neglecto illo discrimine, arbitrarie id furtum punitur *CARPZ. p. 2. qu. 78. n. 97.* Quod si *magnum* sit, ac quinque aureos contineat, vel etiam, in Saxonia, quantitatem illam excedat *CARPZ. d. l. 106.* fur suspenditur, modo circumstantiæ nonnullæ concurrant *art. 160. CARPZ. d. l. n. 13. seqq.*

§. 21. Furti secunda vice facti, pœna, ex quantitate, statuitur, adeoque parvum & magum punitur secundum doctrinam modo datam. Si vero tertia vice fiat, ita ut, propter præcedentia, semel minimum fur sit punitus, tum ob tertium,

rium, indistincte suspenditur *art. 162.* In Saxonia tamen debita quantitas requiritur *CARPZ. p. 2. q. 78. n. 76. seqq.* Cum autem poena capitalis furti, dura sit, ideo, ob minimas circumstantias, judicem, in sententiam mitiorem, jubent esse proclivem *CARPZ. qu. 80. seqq. LAUT. C. J. de furt. in fin. v. l. 65. de furt. CARPZ. p. 4. C. 32. D. 16.*

§. 22. Solet etiam in genere, de moralitate illius poenæ, disputari *v. CARPZ. qu. 77.* & licet illa ita simpliciter improbari nequeat, quin tamen dura illa supplicia morbum Reipublicæ arguant, ac fures rectius erga fultulo, quam morte, puniantur, non dubito. Præterea vero incertitudo hujus Legislationis laudari non potest, hanc enim, pluribus excessibus vel introducendis, vel palliandis, inservire manifestum est, ut sæpe miseri fures mori debeant, non quod utilitas Reipublicæ hoc exigar, sed quo ambitioni nonnullorum satisfiat.

§. 23. Stante interim illa poena, quæri solet, utrum *fur, rupto laqueo, decedens, dimittendus, an suspendendus sit?* Prius asseruit *DN. COCCEJ. in dissertat. de proport. furti ac suspendii rupt. laqu. hab. Francof. 1697.* Verum uti dubitari non debet, quin casus ejusmodi Imperantis clementiam provocare, ac dispensationem operari queat, ita verosimile non est, judicem, qui jurisdictioni criminali præest, furem dimittere posse, ejus enim non est, sententiam latam mutare, sed exequi, hætenus vero sententiæ satisfactum esse, idonea ratione probari nequit *v. Ord. crim. art. 192.*

§. 24. Cum remediis poenalibus, conditio furtiva concurrit cumulative *l. 7. §. 1. de condit. furt. l. un. C. quand. civ. ad. crim. prejud.* hinc etiam fur puniendus, non prius ex carcere dimitti debet, quam rei furtivæ nomine satisfecerit, quo sine etiam pignus tacitum læso tribui solet *v. CARPZ. p. 2. qu. 80. n. 119.* quod tamen dubium *v. IDEM. p. 1. C. 28. D. 118. n. 4. LAUTERB. C. J. de condit. furt. lit. 55.* De cætero uti poena differri non debet, si reus, ob inopiam, damnum rescire nequeat, ita in Saxonia gravior poena, cum damni restitutione, non concurrit *CARPZ. qu. 80. n. 100. seqq. p. 4. C. 32. D. 23.*

CAPUT II.

DE VARIIS FURTI SPECIEBUS.

SUMMARIA.

Sub furto generalius accepto §. 1.

Continetur furtum conjugum §. 2.

Liberorum aliorumque propinquorum §. 3.

Expilatio hereditatis §. 4. 5.

Furtum arborum & eduliorum §. 6.

Spoliatio cadaverum & terminorum amotio §. 7.

Verum ac quasi plagium §. 8.

Furtum ferarum & piscium §. 9.

Crimen residui §. 10.

Abusus & peridia circa rem conceditam, ac rei inventæ dolosa retentio §. 11.

Peculatus §. 12. Sacrilegium §. 13. 14. 15.

Annonæ vexatio §. 16. 17.

Crimen facculariorum, directariorum & furtum balnearium §. 18.

Nec non abigeatus §. 19.

§. 1.



Ure Romano furtum, delictum privatum est, adeoque delicta mox recensenda, pro ejus speciebus, indistincte haberi non possunt. Sed nulla cogit necessitas, ut hodie istas angustias sectemur, cum furtum, sit delictum publicum, hinc recensio nunc instituenda, extra reprehensionem erit. Imo nec de eo valde erimus solliciti, an omnia furti requisita, in singulis exemplis, exacte occurrant, in ista enim minutiarum consecratione, nulla utilitas consistit, hinc, æstimatione magis morali, quam civili, delicta expendere, fas erit.

§. 2. Eo poterit referri (1.) *furtum Conjugum*, circa quod, jure Romano, diverſi casus sunt discernendi. Si enim (1.) res auferantur, matrimonio soluto, in ordinarium furti crimen, illa amotio videtur incidisse, nisi forte administrandi occasio conjugem excuset *l. 33. de N. G. l. 17. C. de furt. l. pen. ff. l. 4. C. expil. hered. v. OBSERV. LAUTERB. Obs. 789.* (2.) matrimonio constante, hoc casu, de damno restituendo solum fuit actum, *l. 25. rer. amot. & recurrunt vulgo, ad conditionem ex l. 32. de R. C.* Si autem (3.) amotio fiat, constante quidem matrimonio, sed ob spem divortii vel mortis, tum, soluto matrimonio, datur actio rerum amotarum, eaque vel directa, vel utilis *l. 17. pr. l. 21. 25. rer. amot. v. LAUTERB. C. j. rer. amot.*

§. 3. Sed ultimus casus, induitu divortii, hodie amplius non occurrat, hinc etiam cessat actio rerum amotarum directa *v. OBSERV.*

LAU.

LAUTERB. *Obs.* 788. In cæteris manet obligatio ad damnum resarciendum, imo conjux auferens puniri quoque potest, pœna tamen corporis afflictiva aut suspendii locum non habet, quod etiam dicendum (II.) de furto liberorum aliorumque propinquorum, qui mitiori pœna quoque affici solent v. CARPZ. p. 2. qu. 82. n. 39. seqq. Jure civili Pater liberos, proprio jure puniebat l. 16. 17. de furt. nisi haberent peculium castrense l. 52. §. 5. cod. l. 4. de judic. sed nec hoc hodie alicujus est usus.

§. 4. Referenda huc (III.) *expilatio hereditatis*, quæ scilicet nondum ab aliquo possidetur, licet adita sit l. 2. §. 1. *expil. hered.* l. 23. de A. A. P. quo nomine hoc delictum a furto differt; defectus autem possessionis, delicti quantitatem intendit l. 12. C. ex quib. caus. infam. adeoque etiam expilatio, pro crimine extraordinario, habetur. Sed hodie, a furto, neque quoad qualitatem, neque quantitatem, differt.

§. 5. Committunt hoc delictum omnes doli capaces, etiam cohæredes & conjuges, v. l. 45. pro soc. quoad hos tamen delictum hoc non facile præsumitur l. 1. pen. ff. l. 4. C. *expil. hered.* l. 17. C. de furt. l. 33. de N. G. l. 51. pro soc. l. 3. C. fam. ercisc. v. CARPZOV. qu. 83. n. 83. OBSERV. LAUTERB. *Obs.* 1272. seqq. Obligatur autem expilator ad damnum restituendum l. 7. §. 1. de condi. furt. l. 2. §. 1. *expil. hered.* v. O. L. *Obs.* 1276. & ad pœnam extraordinariam l. 1. l. 2. §. 1. ff. l. fin. C. *expil. hered.* Hodie pœna furti obtinet, quæ tamen, quoad cognatos & cohæredes, ad mortem aut fustigationem non extenditur Ord. Crim. art. 165. v. STRYK. in not. ad Lauterb. *expil. hered.* OBSERV. LAUTERB. *Obs.* 1275.

§. 6. Huc quoque pertinet (IV.) *furtum arborum, herbarum rerumque similium*, quod consveta furti pœna coerceri solet v. CARPZ. qu. 83. n. 21. seqq. (V.) *furtum eduliorum, ex famis necessitate factum*, in hoc etiam pœna furti obtinet, ut tamen ad mortem non extendatur Ord. crim. art. 166. CARPZ. d. l. n. 38. seqq. nisi quis, in pari calamitate constitutis, alimenta subtrahat v. MATH. de crimin. l. 47. tit. 1. c. 1. n. 7. Sed ea procedunt, ubi vera necessitas non subest, alias, in casu veræ necessitatis, ablatio rei alienæ, nec furtum est, nec puniri potest v. OBSERV. PUFEND. *Obs.* 147.

§. 7. (VI.) *Spoliatio cadaverum*, hæc etiam pœna furti coercetur.

F f f f 2

ut

ut tamen ad suspendium non deveniatur CARPZ. *qu. 83. n. 53. seqq.* OBSERV. LAUTERB. *Obs. 1253.* (VII.) *Terminorum amotio*, hanc etiam furri speciebus annumerari posse, vel ex §. 6. *l. de offic. jud.* patet. Apud veteres, termini sacri erant, hinc superstitione auxit crimen *vid. MATH. de crimin. l. 47. tit. 14. c. 1.* Varie autem delictum hoc punitum fuit *l. 1. seqq. de term. mot. MATH. d. l. c. 2.* Hodie arbitraria pœna coercetur *Ord. crim. art. 114. CARPZ. qu. 83. n. 67. seqq.*

§. 8. (VIII.) *Plagium* i. e. furtum hominum. Punitur hoc ultimo supplicio *Deut. 24. 7. l. fin. C. ad L. fab. de plag. CARPZ. qu. 83. n. 90. seqq.* est tamen illa pœna dispensabilis, cum lege divina universali non sit constituta. (IX.) *Plagium literarium*, quo quis scripta alterius, suppresso auctoris nomine, compilat, eademque pro suis venditat. Potest etiam haberi pro injuria, quæ alteri infertur, cumque hoc delictum sit plerumque incertum ac inefficax, ideo de ejus pœna, in foro civili, nihil fere auditur *add. OBSERV. LAUTERB. Obs. 1361. 1362.*

§. 9. (X.) *Furtum ferarum & piscium.* Hæc animalia, licet adhuc in naturali libertate vagentur, ex veriori tamen sententia, perinde sunt in dominio Reipublicæ, ac resaliæ, in dominio privatorum *vid. SPECIM. JURIS PUBLIC. l. 3. c. 7.* Eorum igitur furtum, juxta ordinarias regulas, puniendum videtur, nisi forte, temperandæ pœnæ, delinquendi occasionem, quam conditio istorum animalium suppeditat, velis allegare. Vulgo sane pœnam suspendii, quoad furtum animalium, in libertate naturali vagantium, negant, nisi expressa lege illa sit introducta, de cujus tamen moralitate, iridem disputari solet *v. CARPZ. p. 2. qu. 84.*

§. 10. (XI.) *Crimen residui* i. e. pecuniæ publicæ, ab administratore, facta interversio *l. 2. 4. §. 3. l. 9. §. 6. ad L. Jul. pecul.* Reus jure civili, amplius tertia parte, quam debet, punitur *l. 4. §. 5. cod.* Hodie pœna arbitraria obtinet, non vero suspendii, nisi lege hoc expresse cautum sit *CARPZ. p. 2. qu. 85.* quod in Saxonia Electorali factum, ubi administratores pecuniarum publicarum, centum florenos Misnicos, in usum proprium, dolose convertentes laqueo puniuntur *p. 4. C. 41. CARPZ. d. l. n. 18. seqq.* facta tamen restitutione, illa pœna merito cessare debet *v. BERGER in resolut. ad Lauterb. ad L. Jul. pec. qu. 2.*

§. 11. (XII.) *Abusus rei depositæ, commodatæ vel oppignoratæ.* Sed hunc

hunc vix pro furto haberi posse, jam admonui c. 1. §. 3. n. 4. hinc remissiori pœna inprimis hic opus erit. Aliud tamen dici potest, si hæres dolose alienentur, aut consumantur, nam tale factum graviores pœnam, non tamen laqueum, meretur CARPZ. d. qu. 85. n. 65. seqq. (XIII.) *Perfidia tabellarii, pecuniam concreditam, dolose intervertentis*, quæ arbitrarie punitur, in Saxonia Electorali, aliquando etiam ultimo supplicio p. 4. C. 41. CARPZ. d. l. n. 74. seqq. (XIV.) *Rei inventæ dolosa retentio*, quæ itidem pœnæ arbitrarie subest CARPZ. p. 2. qu. 86.

§. 12. (XV.) *Peculatus* i. e. furtum rei publicæ ab extraneo, vel ipso administratore commissum l. 4. pr. l. 9. §. 2. ff. l. un. C. ad L. Jul. peculat. §. 9. l. de publ. judic. v. OBSERVAT. LAUTERB. *Observ.* 1356. MATH. de crimin. l. 48. tit. 10. c. 1. Pœna ejus jure civili est quadruplum, quod ab hærede etiam exigitur l. 6. §. f. l. 13. 14. ad L. Jul. pecul. est quoque pœna deportationis l. 3. cod. & ultimi supplicii l. un. C. cod. MATH. d. l. c. 2. præscribitur quinquennio l. 7. cod. Hodie peculatus, a furto, separari amplius non debet, sive factum, sive pœnam spectes v. THEODORIC. *Colleg. crim. c. 9. aph. 3.* hinc nec præscriptio quinquennalis amplius obtinebit, sed peculatus, juxta regulam l. 12. C. de fals. judicandus erit.

§. 13. (XVI.) *Sacrilegium*, quod hodie committitur, si vel res sacra, vel aliquid, ex loco sacro, surripiatur c. 20. C. 17. qu. 4. Ord. Crim. art. 171. quam definitionem redolere papatum, satis quidem manifestum est. Jure civili Sacrilegium est, si quis rem sacram, ex loco sacro surripiat l. 4. pr. §. 1. l. 5. l. 9. §. 1. l. 10. §. 1. ad L. Jul. pecul. l. 16. §. 4. de pœn. Punitur eodem jure arbitrarie, aliquando etiam morte l. 4. §. 2. l. 6. pr. l. 10. §. 1. ad L. Jul. pecul. v. MATH. de crim. l. 48. tit. 10. c. 3. 4. Hodie vero, juxta tres sacrilegii species, pœna statuitur.

§. 14. Si ergo res sacra, ex loco sacro, surripiatur, pœna mortis imponi solet Ord. Crim. art. 172. Jure Saxonico, rotæ supplicium obtinet *Landr. l. 2. art. 13.* licet sine effractione sacrilegium sit factum aut elemosynarum arca reſerata, ac aliquid inde ablatum sit, vel etiam plures sacrilegi fuerint, nam hos omnes rotæ pœna manet. Cessat tamen ille rigor, quoad eos, qui in excubiis stant, aut sacrilegio commissio, opem ferunt, vel si circumstantiæ mitiorem sententiam

exigant, v. gr. si modica res, sine effractione, surrepta sit v. CARPZ. p. 2. qu. 89. hinc ei restitutio pœnam fortassis etiam mitigabit.

§. 15. Si vero res sacra, ex loco profano, vel profana, ex loco sacro, auferatur, tum, pœnam furti obtinere, vulgo volunt, quod etiam, de jure Saxonico, verum putat CARPZ. d. l. n. 71. seqq. Pro diversa igitur rei ablatae quantitate, nunc pœna suspendii, nunc alia arbitraria locum inveniet, hinc rei restitutio sacrilego dubio procul vitam conservare apta est. Si superstitionem tollas, in genere sacrilegium a furto non differt, nam in rebus sacris, nulla qualitas occurrit, quæ delicti quantitatem intendat, præterea dominium earum ad Ecclesiam parochialem pertinet, hinc non major in sacrilegio est atrocitas, quam si collegio alicui vel homini privato, res aliqua auferatur.

§. 16. (XVII.) *Annonæ vexatio*, qua eorum, quæ ad victum sunt necessaria, caritas malitiose introducit l. 2. de L. Jul. de ann. l. 6. de extraord. crimin. l. 1. §. 11. de offic. præf. urb. Apud Romanos tam pro delicto *extraordinario*, quam *publico*, imo aliquando, pro *specie falsæ*, illa videtur fuisse habita l. 6. de extraord. crim. junct. 1. 1. de ann. v. MATH. de crimin. l. 48. tit. 9. c. 1. quæ diversa æstimandi ratio nullius est. Dicitur etiam *Dardanariatus*, quamvis dardanarii, ab annonæ fraudatoribus, quoque differant; hi annonæ saltem, illi vero quarumvis rerum caritatem introducunt l. 6. de extraord. crim. hinc etiam Pantapolæ dicuntur MATH. d. l. OBSERV. LAUTERB. Observ. 1248. STRUV. S. J. C. exerc. 48. th. 80.

§. 17. De cætero annonæ fraudationem tendere ad aliorum, præcipue egenorum, læsionem, ac, morali æstimatione, furti speciem, & jure naturali etiam, prohibitam esse, facile liquet, quia tamen delictum hoc, certam personam non respicit, adeoque læsio, ratione certi subiecti, vix demonstrari potest, ideo, de damno restituendo, nulla soler esse quæstio. Pœna autem ejus est arbitraria: negotiationis interdictio, relegatio, in metallum damnatio l. 6. pr. de extraord. crim. multa l. 2. §. f. de annon. similisque l. 37. de pœn. MATH. d. l. c. 2. Sed cum læsio hic sit subtilior, ac, sub specie recti, delictum hoc exerceatur, ideo pœna quoque raro infligitur.

§. 18. (XIX.) *Crimen Sacculariorum*; hoc nomine Sectores Zonarii, sive Burficopi, quos vocant, ut & præstigiatores intelliguntur l. 7.

l. 7. de extraord. crim. (XIX.) Directoriorum, sive furum in aliena cœnacula, furandi animo, se dirigentium d. l. 7. v. DN. STRYK. dissert. de director. hab. Francofurt. 1667. (XX.) Furtum balnearium, quo vestimenta ex publicis balneis surripiuntur. Omnia hæc delicta, furto simplici, graviora habebantur d. l. 7. de extraord. crim. l. 1. seqq. de fur. balnear. MATH. l. 47. tit. 11. c. 1. 2. OBSERV. LAUTERB. Obs. 1268. sed hodie, pœna furti coercenda videntur, modo de iis certo constet vid. CARPZ. p. 2. qu. 81. n. 32.

§. 19. (XXI.) *Abigeatus* i.e. furtum pecorum, sive plenius: crimen extraordinarium, quo quis pecudes, & quidem minimum, unum elephantem, camelum, equum, equam, bovem, vaccam, mulum, duos vel tres asinos, porcos quatuor vel quinque, decem capras aut oves, sive uno actu, sive pluribus, studio & industria, de pascuis vel armentis furatur. Varie jure civili punitum fuit v. l. 1. seqq. de abig. MATH. de crim. l. 47. tit. 8. c. 1. 2. DN. THOMAS *disp. de Abigeis hab. Lips. 1687.* Sed hodie, cum pœna furti satis dura sit, adeoque nulla ratio, furtum & abigeatum separandi, amplius suppetat, hinc, istam Romanorum, quoad abigeatum ejusque pœnam, sollicitudinem cessare, ac illum pœna furti coerceri, consequitur vid. CARPZ. p. 2. qu. 86. n. 26. seqq.

CAPUT III. DE VI.

SUMMARIA.

Vis diversa suppositio, definitio & divisio §. 1.
 Distinctionis in vim publicam & privatam §. 2.
 Nullus hodie videtur usus §. 3.
 Vis compulsiva requirit vim injustam §. 4. 5.
 Inde datur exceptio §. 6.
 Et actio quod metus causa §. 7.
 Ejus subjectum §. 8.
 Et objectum §. 9.
 Sub vi compulsiva comprehenditur 'conclusio §. 10.
 Indoles vis ablativæ §. 11.
 Inde oritur actio vi bonorum raptorum §. 12.

Species rapinæ est ex expilatio, & obfessio viarum §. 13.
 Sub vi offensiva §. 14.
 Continetur percussio in loco privilegiato facta, alique injuriæ §. 15. 16.
 Vis expulsiva §. 17.
 Et turbativa §. 18.
 Crimen fractæ pacis §. 19.
 Ejus pœna §. 20. 21.
 Præludia vis injustæ sunt scopelismus & diffidat §. 22.
 A qua differt nuda minatio §. 23.

§. 1.



Is in genere est, majoris rei impetus, qui repelli non potest l. 2. quod. met. caus. sed cui potius homines & instituta humana cedere debent. Aliquando illa in alia delicta incidit, eorumque partem constituit, nam datur v. gr. furtum vel stuprum violentum, aliquando vero proprium delictum efficit, vel minimum peculiarium denominationem ei conciliat, quo sensu hic consideratur. Distinguitur (1.) a forma, in compulsivam, ablativam, offensivam, expulsivam & turbativam (2.) a quantitate, in levem & gravem, quæ diversa quantitas, in singulis speciebus, modo relatis, occurrere potest.

§. 2. Jure Romano, vis levior, delictum privatum, gravior vero, publicum audit, quæ posterior, iterum gradibus distincta, in vim publicam & privatam dispescitur; Illa, ex receptiori sententia, fit armis, hæc sine illis THEODOR. Colleg. crim. c. 6. aph. 7. n. 5. MATH. de crim. l. 48. tit. 4. c. 1. CARPZ. p. 1. qu. 40. n. 4. seqq. Alii tamen vim publicam, non tantum ex armis, sed & ex persona inferente l. 7. ad L. Jul. de vi publ. ex objecto l. 10. pr. l. fin. cod. ac ex loco æstimant v. LAUT. C. J. ad L. Jul. de vi publ.

§. 3. Tota illa sollicitudo hodie nullius usus est, nam omnia delicta, sunt publica, præterea pœna in singulas species, quæ a forma oriuntur, fere constituta est, quod si autem diversa quantitas pœnam augeat vel minuat, tum illa, arbitraria plerumque est, & nihil refert, si ve ob publicam, si ve privatam vim, aliquem puniri dicas. Denique si quædam vis gravior, peculiari pœna coerceatur, tunc itidem satis est, si species illa, cum sua pœna notetur, nihil autem refert, publicam an privatam vim, eam dicas conf. OBSERV. LAUTERB. Obs. 1329. 1330.

§. 4. Singulas species §. 1. n. 1. notatas, breviter perlustrabimus. Vis compulsiva est delictum, quo quis, representato malo, aliquem, ad actum, cogenti utilem, suscipiendum compellit. Requiritur igitur, ex parte agentis, vis injusta & atrox, quam vir constans merito extimeat l. 3. §. 1. l. 21. pr. ff. l. 9. C. quod met. caus. minæ adeo verbales non sufficiunt, nisi effectus statim sequi possit l. 7. 9. C. cod. Exinde, in patiente, oritur metus, qui verus & præsens esse debet l. 6. 9. quod met. caus. qualis est metus mortis, l. 3. §. 1. cod. l. 3. ex quib. caus. major. servitu-

virtutis & carceris l. 8. §. 1. l. 22. l. fin. §. 1. quod met. caus. stupri l. 8. §. 2. cod. paupertatis, siue amittendorum bonorum c. 2. X. quod met. caus.

§. 5. Vanus autem & imaginarius metus hic non sufficit l. 6. quod met. caus. de quo, ex causa movente, judicari debet. Timor igitur infamiae & vexationis l. 7. cod. ut & potentiae vel reverentiae l. 6. c. cod. l. 22. de R. N. verus non est, nisi vis injusta accesserit l. 11. 12. C. quod met. caus. Inprimis ille metus nullius effectus est, quem vis iusta excitavit l. 3. §. 1. quod met. caus. l. 4. §. ff. de dol. & met. except. Illud nihil refert, in se quis veritus sit vim, an in liberis l. 8. §. fin. quod met. caus. quemadmodum etiam in delicto deprehensus, vim injustam pati potest l. 7. §. 1. l. 8. cod. Cum igitur saepe vis injusta, eludenda promissioni, allegari soleat, ideo assertionibus ejusmodi non statim fides est habenda, sed legitima probatio exigenda l. 14. §. 3. l. 23. pr. cod.

§. 6. Uti autem actus, vi injusta, extortus, validus non est, nec co-actio aliquod praedictum asserere debet, de quo dictum l. 1. c. 18. §. 22. l. 2. c. 4. §. 46. 47. ita hoc loco effectus delicti considerandus est. Nimirum cogens, si nondum aliquid consecutus sit, sperato lucro excidit, actam ipse, quam qui ab eo causam habent, si aliquid petant, exceptione metus repelluntur l. 9. §. 9. l. 14. §. 6. quod met. caus. l. 7. §. 1. de except. l. 4. §. 33. de dol. mal. except. conf. OBSERV. LAUTERB. Obs. 1132. 1133. si vero rem acceperit cogens, tam ipse quam alius possessor conveniri potest.

§. 7. Competit eo fine actio realis l. 9. §. 4. l. 21. §. ff. l. 3. C. quod met. caus. & personalis, nempe actio quod metus causa, quae dicitur actio praetoria, personalis, in rem scripta arbitraria, competens laeso & heredibus adversus ledentem, & quemvis rei amissae possessorem, ad rem recuperandam, vel accedente contumacia, ejus quadruplum consequendum. Oritur ex delicto, perinde sicut condictio furtiva ex furto, hinc etiam non alio sensu Praetoria dicitur, quod Praetor eam confirmaverit, ac poenam ei adjecerit.

§. 8. Datur vim passis & heredibus l. 14. §. 2. l. 16. §. 2. quod met. caus. adversus ledentes, licet tertius rem possideat l. 14. §. 5. cod. aut haec perierit l. 18. §. 1. de dol. l. 1. C. quod met. caus. l. 8. §. 1. de condict. furt. plures, ut correi obligantur l. 14. §. fin. l. 15. seqq. quod met. caus. contra haeredes datur, quatenus aliquid ad eos pervenit l. 16. §. ff. l. 17. 19.

cod. sed, juxta æquitatem, ad exemplum conditionis furtivæ, in solidum dari debebat. Extenditur etiam contra tertium, bonæ fidei possessorem *l. 14. §. 3. §. 1. 18. cod.* hoc tamen casu, ejus fundamentum non est *delictum*, sed *ipsa rei possessio*, perinde sicut se res habet in conditione sine causa, nam revera Romani duas actiones, quas in furto etiam distinguunt, hic uno nomine complectuntur.

§. 9. Si intra annum utilem agatur, tum res cum omni causa repetitur *l. 12. pr. l. 14. §. 7. quod met. caus.* aut, reo sententiæ judicis non parente, quadruplum exigitur *d. l. 14. §. 1. 3. 7.* post annum vero, actio in simplum saltem conceditur *l. 14. §. 1. l. 17. 19. ff. l. 4. C. cod.* si coactus, pro re sua, aliquid acceperit, id cogenti regulariter reddere tenetur *l. 3. 4. 11. C. cod.* quod vero tertius possessor, pro re accepta, aliis solvit, id a coacto, rem suam repetente, petere non potest *l. 3. 23. C. de R. V. conf. LAUTERB. C. J. quod met. caus.* Hodie pœna quadrupli cessat, & compulsores potius ultimo supplicio, ad exemplum raptorum, puniuntur *CARPZ. p. 2. qu. 90. n. 66. seqq.* hinc etiam nomen *actionis arbitrarie* hodie est otiosum.

§. 10. Species vis compulsivæ, est *Concussio*, i. e. *vis injusta, sub specie justæ, rei alicujus extorquendæ gratia, illata*; Nam hac ratione concussio, a vi compulsiva, in specie sic dicta, distingui potest, hæc enim mortem, stuprum, incendium similiaque mala ostendit, sed illa mandatis, accusationibus, pœnis aut officio terret *v. l. 1. l. 2. de concuss. l. 6. §. 3. §. de offic. Praef. l. 8. de calumn. l. 3. C. de condit. ob turp. caus. l. 4. C. ad L. Jul. repet. v. MATH. de crimin. l. 47. tit. 7. c. 1.* Obligatur concussor ad *damnum resarciendum*, quo fine, *condictio ob turpem causam*, contra ipsum instituitur, *l. 3. C. de cond. ob turp. caus.* quam, capite sequente, in genere considerabimus; & ad pœnam, quæ multiplex fuit apud Romanos *l. 1. 2. de concuss. l. 1. pr. §. 1. ad L. Cornel. de fals. l. 1. 3. 6. ad L. Jul. repet. MATH. d. l. c. 2.* Hodie sine dubio arbitraria est *add. OBSERV. LAUT. Obsf. 1254. 1255.*

§. 11. Vis ablativa, quæ etiam vis bonorum raptorum, rapina, vel Robbaria barbare dicitur, est *delictum, quo res mobilis aliena, dolo malo, vi, palam lucri gratia rapitur.* In omnibus convenit cum furto, nisi quod palam fiat *v. c. 1. §. 2. n. 5.* A latrocinio autem differt Rapina, quod illud cum cæde sit conjunctum, hæc vero res saltem respiciat *vid.*

vid. CARPZ. p. 2. qu. 90. n. 1. seqq. Requirit res alienas, rapina rei propriæ peculiari pœna coercetur §. 1. I. de vi bon. raptor. l. 2. §. 18. cod. quæ vix hodie obtinet v. CARPZ. p. 2. qu. 88. n. 13. seqq. p. 4. C. 35. D. 11. 12. add. BERGER in resolut. ad Lauterb. quod legat.

§. 12. Obligatur raptor ad damnum resarciendum & poenam: Ad utrumque exigendum, datur actio vi bonorum raptorum, quæ est Prætoriana personalis, pœnalis mixta, qua agunt illi, quorum interest, adversus raptorem, intra annum utilem, in quadruplum §. 1. I. de vi bon. rapt. l. 2. ff. l. fin. C. eod. vid. LAUTERB. C. J. vi bon. rapt. MATH. de crim. l. 47. tit. 2. c. 1. 2. Sed hodie læsus res ablatas saltem persequitur conditione furtiva l. 2. §. 26. vi bon. rapt. nec possunt eas sibi asserere Magistratus v. c. 1. §. 17. Præterea raptor regulariter ultimo supplicio punitur Ord. Carol. art. 126. COLER. Decis. 185. p. 1. CARPZ. p. 2. qu. 90. 91. p. 4. C. 35. D. 1. seqq. LAUT. d. l.

§. 13. Species Rapinæ est (1.) *Expilatio*, qua noctu obvientes corripuntur, ac vestimentis aliisque rebus spoliantur l. 1. §. 1. de effraß. & expil. MATH. l. 47. tit. 1. c. 1. n. 1. De jure civili arbitrarie, hodie etiam ultimo supplicio punitur CARPZ. qu. 90. n. 71. seqq. quæ sententia inprimis admitti potest, quoad urbes populosas, in quibus ejusmodi expilationes non raro cum cæde solent esse conjunctæ add. STRYK. in not. ad Lauterb. C. J. de effraß. (2.) *Obfessio viarum*, die Wegelagerung, quando prædones, in insidiis viatores expectant, eosdemque deinde invadunt, spoliant, abducunt vel etiam occidunt, quæ ultimo supplicio punitur CARPZOV. p. 1. qu. 40. n. 38. 39. THEODOR. Coll. crim. c. 6. aph. 10.

§. 14. Vis offensiva, omnem quidem vim notare potest, quævis enim lædit vel offendit, sed hoc loco intelligitur delictum, quo quis alterum, in corpore vel existimatione, violenter lædit. Eo nomine læsus non tantum satisfactioem, sed & idoneam cautionem de non offendendo, exigere potest, si nempe vis recursura probabiliter metuatur v. Ord. Crim. art. 176. CARPZOV. p. 1. qu. 37. n. 79. seqq. MATH. de crim. l. 47. tit. 5. c. 2. n. 5. Præterea offensor condigna pœna erit afficiendus.

§. 15. Species vis offensivæ sunt (1.) *percutio in loco privilegiato facta*, quæ nonnunquam manus amputatione punitur CARPZ. p. 1. qu. 40.

qu. 40. n. 30. seqq. (2.) *Injuria ex insidiis illata, das Verwunden, quæ arbitrarie coercetur Consi. 13. p. 4. CARPZ. d. l. n. 36. seqq. THEODOR. Colleg. crim. c. 6. aph. 10. (3.) Raptus, qui est delictum, quo honesta persona, libidinis gratia abducitur v. l. 4. §. 3. l. 5. §. 2. ad L. Jul. de vi publ. Punitur raptor ultimo supplicio, a quo, matrimonium ineundum, eum non liberat l. un. C. de Rapt. virg. O. C. art. 118. v. CARPZ. d. l. n. 26. seqq. qu. 75. n. 68. MATH. de crim. l. 48. tit. 4. c. 2. LAUTERB. C. J. ad L. Jul. de vi publ.*

§. 16. Eo etiam pertinet (4.) *violatio ædium privatarum vel municipiorum*, quando quis contra illorum securitatem, hostili animo, quid molitur, dum v. gr. in ædes irruit, aut vigiles, qui in excubiis stant, adoritur & vulnerat, *wenn der Stadt-oder Hausfriede gebrochen wird. v. l. 3. §. 2. l. 11. ad L. Jul. de vi publ.* Cujus delicti pœna, arbitraria est CARPZ. d. qu. 40. n. 11. seqq. Non incommode etiam huc referri viderur (5.) *violatio murorum ac portarum*, quæ jure Romano, capital erat l. fin. de R. D. §. 10. l. de R. D. sed illud quidem ex superstitione habet originem, hinc hodie, ex causâ, supplicium statuendum erit vid. CARPZ. d. l. n. 20. seqq.

§. 17. Vis expuliva, est delictum, quo quis res immobiles invadit, ac possessores inde expellit. v. l. 3. §. 6. ad L. Jul. de vi publ. Lasso datur interdictum unde vi, ad recuperandam possessionem, de quo in genere actum l. 2. c. 8. vel etiam, si lapsu temporis jus ejus obscurum sit redditum, Rei vindicatio similisque actio realis. Invasor quoque lege Julia punitur §. 6. l. de interd. l. 1. C. de appell. hodie arbitrarie CARPZ. d. qu. 40. n. 7.

§. 18. Vis turbativa, est delictum, quo libera & quietæ possessionis exercitium, violenter impeditur. Turbatio in genere, etiam absque violentia fieri potest, dum quis actus possessorios, in re aliena, exercet v. l. 1. §. 3. l. 3. §. 2. 3. uti possid. quod si autem violentia accedet v. d. l. 3. pr. tum delictum memoratum exoritur; discrimen autemurbationis & dejectionis, fere ex objecto dependet, nam illa occurrere solet in rebus, quæ accurate custodiri non possunt, v. gr. in agris, sylvis & stagnis, hæc vero in iis, quæ arctiori custodie subsunt v. gr. ædificiis. De cætero, ob turbationem sive simplicem, sive violentam, datur interdictum uti possideris, de quo l. 2. c. 8. dictum, præterea turbator violentus, ad exemplum dejectoris, etiam puniendus est.

§. 19. Post explicatas violentiæ species, *crimen fractæ pacis publicæ* seorsim memorandum est, hoc enim omnes vis injustæ formas complectitur, est ergo *vis dolosi, atrox ac ad durationem composita, quæ abrupta pace, quævis mala, aliis intentantur*, seu breviter, *bellum intestinum* v. CARPZ. p. 1. qu. 35. n. 13. seqq. Ipsa vis uti in se manifesta est, ita dolus circa eam probari debet, quod etiam per conjecturas, ex circumstantiis & indiciis, depromtas, fieri potest v. R. I. 1594. §. *ebener massen*. 69. CARPZ. d. l. n. 21.

§. 20. Delicto probato, sequitur pœna, & absens quidem, ipso facto, in bannum imperii incidit, ita tamen ut sententia declaratoria præcedere debeat *Const. pac. publ.* 1548. tit. 3. præter quam pœnam, etiam pecuniariam 2000. marcarum auri puri, locum habere vulgo existimant, ex *Const. imper.* 1521. tit. 3. CARPZ. d. l. n. 9. SCHWED. introd. ad jus publ. part. gen. c. 3. §. 15. sed minus recte, cum illa constitutio loquatur de Magistratibus crimen fractæ pacis non vindicantibus v. ZIEGLER. de jur. Majest. l. 1. C. 33. n. 40. Præsens vero capite plectendus esse perhibetur ex R. I. 1555. §. *wir setzen, ordnen* 48. Ord. crim. art. 128. CARPZ. d. qu. 35.

§. 21. Est autem illa pœna generalis, ac pertinet tam ad Status imperii quam privatos CARPZ. d. qu. 35. n. 23. seqq. Enimvero uti quoad hos, sæpe aliæ causæ, pœnam mortis efflagitantes, ut homicidium & rapina, interveniunt, ita quoad illos, inprimis si potentes sint, pœnam fractæ pacis, magnum habere effectum, haud facile crediderim. De cætero cognitio super fracta pace, soli Cæsari & Cameræ imperiali, etiam quoad subditos Statuum, a nonnullis tribuitur, per *Ord. Cam. p. 2. tit. 9.* quæ sententia, superiori tempore, non improbabilis fuit, hodie autem admitti non potest *Hystr. Pac. art. 8. §. 1. v. CARPZ. p. 2. qu. 36.* ZIEGLER. de jur. Maj. l. 1. c. 33. n. 39.

§. 22. Vis injustæ præludia sunt (1.) *Scopelismus*, quo quis in prædio inimici lapides ponit, indicio futuros, cum, qui agrum istum coluerit, malo leto periturum, insidiis eorum, qui lapides posuerunt. Quod delictum in Arabia usitatum, & aliquando ultimo supplicio punitum fuit l. 9. de extraord. crimin. v. MATH. de crim. l. 47. tit. 5. c. 2. Sed in Germania illud incognitum est (2.) *Diffidatio*, delictum in Germania olim valde usitatum, quæ est *minitatio hostilis, scriptis vel factis*

declarata, qua quis inimico suo ejusmodi mala denunciat, ex quibus toti universitati periculum imminet. Puniuntur diffidatores gladio Ord. crim. art. 128. Const. Sax. Elect. 14. 15. p. 4. CARPZ. p. 1. qu. 37.

§. 23. A diffidatione autem differt, quæ (3.) huc referri potest, *Minitatio nuda*, quando quis inimico suo, vel nudis verbis, quodvis, vel etiam scriptis, soli illi nociturum malum, minatur. Quodsi ministrator, ad executionem minarum, serio se accingat, tum itidem gladio puniatur O. C. art. 128. CARPZ. d. l. n. 76. Alias in carcere tamdiu detinendus est, donec idoneam cautionem de non offendendo, per fidejussores aut pignora, præster, hanc si reperire nequeat, cautioni juratoria committi non debet, nisi alter, cujus interest, consentiat CARPZ. d. l. n. 79. seqq. Illud facile liquet, in hujusmodi hostilitatis præludiis, mitiorem sententiam, quantum fieri potest, esse eligendam, ne inconsultus calor ac inefficax factum, temere gravi supplicio multetur.

CAPUT IV. DE CONDICTIONE OB TUR- PEM CAUSAM.

SUMMARI A.

Condiçionis ob turpem causam natura & fundamentum §. 1.

Competit illa propter dationem ob rem inhonestam §. 2.

Ratione solius accipientis §. 3. 4. 5.

Sive causam impleverit, sive non §. 6.

Dominium tali datione non transtertur §. 7.

Condiçionis subiectum & objectum §. 8.

Tertius possessor qua actione conveniatur §. 9.

Si utriusque subsit turpitude §. 10.

Promittens nihil præstare debet §. 11.

Ac res data naturaliter repeti potest §. 12.

Sed jure Romano repetitio cessat §. 13.

Verum hæc dispositio vix ab absurditate liberari potest §. 14.

Eique æquitas naturalis præferenda est §. 15.

Casus, ubi solius dantis turpitude subsit, hodie die non datur §. 16.

Condiçionis ob injustam causam, natura & usus §. 17.

§. 1.

HAnc condiçionem, ad materiam delictorum, alienas res concernentium, recte referri, manifestum est, & vel ex cap. præced. §. 10. liquet. Est autem actio personalis, qua id, quod ob turpem causam datum est, repetitur. Oritur, ex nonnullorum sententia, ex quasi contractu, v. LAUTERB. C. J. de condiç. ob turp. caus. lit. C. ex aliorum vero, ex quasi delicto v. STRUV.

S. J.

S. J. C. exerc. 18. §. 20. neutrum recte: nam uti commento quasi contractus, nec hic, nec alibi opus est, ita acceptionem turpem, esse quasi delictum, utique, veritate & legibus civilibus invitis, dicitur, quamobrem ex *vero delicto*, sine hæsitacione, illa repetenda est.

§. 2. Videtur quidem huic conditioni locus esse, quoties turpiter quid acceptum est, hinc omnes res, delicto acquisitæ, ac in specie furtivæ, eadem repeti posse videntur, sed usu juris Romani, cui hætenus standum, referenda illa est ad eos casus, ubi actoris factum intercessit, sive hic aliquid dedit. Requiritur ergo (1.) ut aliquid naturaliter vel civiliter sit datum *l. 1. ff. l. 1. C. de condict. ob turp. caus.* (2.) ob rem inhonestam *d. l. 1. ff. b. t.* Hoc vero ut specialius intelligatur, distinguendum est, utrum *solius accipientis*, an *utriusque* subsit turpitud.

§. 3. Primocasu, dubio procul, condictio obtinet *l. 1. §. 2. ff. l. 4. 6. C. de condict. ob turp. caus.* e. gr. si data sit pecunia, ne danti injuria fiat *l. 4. §. 2. cod.* aut ne accipiens aliud delictum committat, vel ut rem debitam restituat *l. 2. pr. §. 1. l. fin. ff. l. 6. 7. C. cod.* aut ne tertio lis injusta intentetur *l. 7. pr. §. 1. de calumn.* Potest etiam terror sive concussio accedere *v. cap. præc. §. 10.* quo casu, cum rei extortæ acceptio, in delictum extraordinarium vel publicum, jure Romano incidat *v. LAUT. C. J. de concuss.* hinc liquet, quam incongrue condictio hæc, ex quasi contractu vel delicto, in genere repetatur.

§. 4. Si per vim compulsivam, quatenus hæc concussioni opponitur, quid extortum sit, itidem id, hac conditione, repeti posse videntur, sed cum Romani hoc casu, actionem quod metus causa, concesserint, quæ, accedente contumacia, in quadruplum comperit, ideo nomen conditionis hætenus non occurrit: Quia vero illa hodie tantum rem persequitur, ceu *cap. præc. §. 9.* ostensum, ideo perinde erit, sive actionem rei persecutoriam, actionem quod metus causa, sive conditionem ob turpem causam, dicas.

§. 5. Si dederim pecuniam, ne calumniæ causa negotium mihi fiat, datur mihi actio in factum de calumniatoribus, in quadruplum *l. 1. de calumn.* sed cum illa sanctio pœnalis, probabiliter non sit recepta *v. OBSERV. LAUTERB. Obs. 104.* adeoque actio illa, hodie tantum sit rei persecutoria, hinc nihil vetat, quo minus etiam, condictio ob turpem cau-

causam, dicatur. Aliud dicendum, si tertius det pecuniam, ut, vel ne mihi fiat negotium, nam hisce casibus, actio de calumniatoribus, ratione actoris, est mere pœnalis l. 3. §. fin. l. 7. pr. §. 1. de calum. hinc nomen condictionis ei non convenit, interim, illam non amplius locum habere, arbitror, nam, quatenus pœnalis est, ejus receptio probare nequit.

§. 6. Illud nihil refert, utrum accipiens causam impleverit, & v. gr. rem debitam præstiterit, vel a delicto abstinuerit, an vero eam non impleverit l. 1. §. 2. ff. l. 4. C. de condic. ob turp. caus. nam utroque casu, ad rem reddendam, conveniri potest, conditio enim hic non datur, ob rem non secutam, sed ob turpem acceptionem. Quod si quis, ob turpem causam, saltem aliquid promiserit, cum actione hætenus non indiget, sed conventus opponit exceptionem, qua probata, absolvitur l. 1. C. de condic. ob turp. caus. ad chirographum tamen repetendum, conditio institui potest.

§. 7. Rei tamen, ob turpem causam, datæ dominium, in accipientem transferri, nonnulli existimant arg. §. 14. l. de action. l. fin. usufr. quemadmodum. cav. v. LAUTERB. C. J. de condic. ob turp. caus. lit. C. sed hoc ex falsa hypothese, quasi hic sublit quasi contractus, forsitan asseritur; quare dominii translationem potius negare, cum enim vis compulsiva & furtum, dominium non intervertant, nec turpis extorsio illud transferet, neque oberit regula juris civilis: quod nemo rem suam, nisi furi, condicat, nam turpiter accipiens, pro fure, non immerito habetur arg. l. 18. de condic. furt. conf. OBSERV. LAUTERB. Obs. 353.

§. 8. Datur hæc conditio danti & hæredibus, l. 37. de A. O. H. l. 59. 138. de R. J. adversus accipientes & hæredes, non quatenus ad hos aliquid pervenit, ceu nonnulli sentiunt. STRUV. §. J. C. exerc. 18. §. 26. sed potius, ad exemplum condictionis furtivæ, in solidum. Repetitur res cum fructibus & accessionibus l. 38. §. 1. seqq. de usur. l. 15. de condic. indeb. nullis refusus impensis, in rem factis arg. l. 13. de condic. furt. l. 1. C. de infant. expos. Quod si res perierit, licet casu, æstimatio ejus erit præstanda arg. l. 8. §. 1. de condic. furt. Pecunia data, sine usuris repetitur l. 4. C. de condic. ob turp. caus. sed hodie etiam usuræ solvendæ erunt R. l. 1600. §. So viel nun 139. v. STRYK. in not. ad Laut. de condic. ob turp. caus. conf. OBSERV. LAUTERB. Obs. 357.

§. 9. Contra tertium, bonæ vel malæ fidei possessorem, competit rei vindicatio *arg. §. fin. J. de oblig. quæ ex delict.* vel condictio sine causa §. 26. *J. de R. D.* nec operose ab actore probandum erit dominium *arg. l. 1. §. 3. quod met. caus.* impenfastamen idem ferre debebit, quemadmodum etiam casus fortuitus possessorem liberabit secundum ea, quæ *l. 3. c. 7. diximus v. l. 40. pr. de hered. petit.* De usuris solvendis regulariter hic nulla est quæstio, cum res fungibilis ab ipso accipiente repetatur.

§. 10. Secundo casu, ubi utriusque subest, turpitudine *v. §. 2. h. v. gr.* si quis judicialiquid promiserit vel dederit, ut male *l. 3. de condict. ob turp. caus.* vel etiam in bona causa pro se judicet *l. 2. §. 2. de condict. ob turp. caus. l. 1. & auth. novo jure C. de pæn. judic. qui mal. judic.* aut si, stupri causa, tale quid factum *l. 4. pr. de condict. ob turp. caus.* vel si in furto aut adulterio deprehensus, ne proderetur, aliquid dederit aut promiserit *l. 4. pr. §. 1. cod. qui tamen, vi ei illata, nihil turpiter fecisse censetur l. 7. §. 1. l. 8. quod met. caus. v. OBSERV. LAUT. Obs. 355.* Hoc inquam casu interest, utrum saltem aliquid *promissum*, an *datum* sit.

§. 11. Primo casu promissor ad nihil tenetur, hinc si de turpitudine statim constet, dum *v. gr. ea*, in cautione expressa, actor repellitur *l. 26. 27. 123. de V. O. l. 5. C. de condict. ob turp. caus.* si vero de illa non liqueat, dum turpis causa in chirographo omiſſa, vel etiam alia licita substituta est, nec veritas aliunde statim apparet, hætenus quidem, ob facti incertitudinem, actio admittitur, sed, probata turpitudine, reus absolvitur *l. 8. ff. l. 1. C. de condict. ob turp. caus.* Illud nihil refert, si ve promissionem, ipso jure nullam, si ve exceptione elidendam dicas *vid. OBSERV. LAUTERB. Obs. 356.* Vera autem ratio negata: exactionis, non ea est, quæ vulgo redditur, quod in pari turpitudine melior sit conditio possidentis, sed, quod promissio sit invalida.

§. 12. Altero casu, juxta merum jus naturale, rei datæ repetitio locum habet, nam res dantis antea fuit, & accipiens titulum idoneum, ex quo eam retinere possit, non habet, hinc restituendi necessitas ei merito incumbit. Nec obstat, quod dans quoque peccaverit, quodque ejus turpitudine pœnam mereatur, nam hanc debet Reipublicæ, ex quo accipiens nullum jus consequitur, accedit, quod pœna delicto debeat esse attemperata, hinc dans non statim, in consulta rei ablatione, est puniendus.

H h h h

§. 13.

§. 13. Sed juxta jus Romanum repetitio cessat, ex sublestæ fidei principio: quod in pari turpitudine melior sit conditio possidentis vid. l. 3. 4. pr. §. 1. l. 8. ff. l. 2. §. C. de condic. ob turp. caus. STRUV. §. J. C. exerc. 18. §. 23. 24. Quia vero iniquum est, ut accipiens, ex sua turpitudine, lucrum sentiat, proinde, fiscum rem datam ei auferre posse, quidam existimant v. l. 32. §. fin. de donat. int. vir. & uxor. l. 9. in fin. de jur. fisc. l. 5. de calumn. l. 1. C. de natur. liber. LAUTERB. C. J. de condic. ob turp. caus.

§. 14. Verum sicut temperamentum illud, a sententia juris Romani, omnino abludere viderur, ita, siue illud rejicias, siue admittas, sanctio illa, ab absurditate, vix liberari potest, nam primo casu, utique valde iniquum est, quod accipiens, ex sua improbitate, lucrum consequatur, secundo vero, id incongruum est, quod solus dans, non etiam accipiens, puniatur, utroque autem casu, illud parum æquum censi debet, quod dans sæpe graviori pœna coerceatur, quam meritis erat v. OBSERV. LAUTERB. Obs. 354.

§. 15. Non est igitur, cur male formata Romanorum ratiocinia æquitati naturali præferamus, sed satius erit, si tam dans quam accipiens, pro ratione admissi, puniatur, ac illi repetitio rei datæ concedatur, quo tamen casu facile concesserim, accipientem ad usuras non teneri, nisi post moram, eumque à necessitate restituendi, per casum fortuitum liberari, nam in utrumque dans censetur consensisse, quo ipso hic casus à præcedente differt v. §. 8. b.

§. 16. Ex sententia juris Romani, datur etiam tertius casus, ubi solius dantis subest turpitudine, nempe si quis meretrici dederit l. 4. §. 3. de condic. ob turp. caus. add. l. 27. §. 1. de hered. petit. l. 38. de oper. libert. l. 5. de donat. STRUV. exerc. 18. §. 22. Hoc neque reperebatur, & promissum poterat exigi LAUTERB. C. J. de condic. ob turp. caus. quod posterius tamen alii negant per l. 5. C. de condic. ob turp. caus. v. PERETZ ad C. d. tit. n. 3. Cæterum uti pravos Romanorum mores arguit, quod vicia, in licitum vitæ genus, abierint, ita hodie id non obtinet, quare de hoc casu idem dicendum, quod proxime, circa medium, pronuntiavimus.

§. 17. Præter conditionem ob turpem causam, etiam memoratur conditio ob injustam causam, qua scilicet id, quod quis ex injusta

cau.

causa consecutus est, repetitur l. 6. de condict. ob turp. caus. Hac igitur conditione repeti censentur fructus a malæ fidei possessore consumpti *l. 3. C. de condict. ex leg.* ut &, quod ex coacta stipulatione solutum est *l. 7. de condict. ob turp. caus.* conf. *l. 2. C. que vi met. caus.* LAUTERB. *C. J. de condict. ob turp. caus.* Cæterum sicut hoc conditionis nomen differte satis jure civili proditum non est, ita illo facile etiam carere possumus, cum nihil obstat, quo minus, in casibus memoratis, nomine conditionis sine causa utamur *v. Dn. THOMAS. in not. ad Strauch. dissert. 22. §. 9. p. 311.*

CAPUT V. DE DAMNO INJURIA DATO.

SUMMARI A.

Damni specialiter accepti indoles §. 1. 2.

Requiritur ut voluntate nocentis §. 3.

Invito §. 4.

Contra legem inferatur §. 5.

Quæ insuper requirit jus romanum, hodie exigui sunt usus §. 6.

Contra nocentem datur actio L. aquilæ §. 7.

Quæ partim ex jure naturali, partim ex positivo descendit §. 8.

Quibus detur §. 9.

Contra quos §. 10.

Et ad quid §. 11.

Pœna juris civilis hodie non observatur §. 12.

Hinc actio damni germanica, ab actione L. aquilæ differt §. 13.

Species damni est, quod deiectione vel effusione inferitur §. 14.

Ex quo inhabitator obligatur §. 15.

Læso & hæredibus §. 16. 17.

Pœna juris Romani hodie cessat §. 18. 19.

Ex facto operatorum paterfamilias non tenetur §. 20.

Ad species damni etiam referri potest periculosa rei positio §. 21.

Arborum corruptio §. 22.

(§. 23.)

Damnum coactis hominibus aut in turba datum

Et crimen sepulchri violati §. 24.

§. 1.

Damnum esse rei, perfectæ jure ad aliquem pertinentis, ablationem vel corruptionem, eamque suppositionem damni latiore, in vita civili, non esse infrequentem, *l. 2. c. 3. §. 7.* admonitum, ejusdemque indoles ibidem explicata, hæctenus vero multis exemplis jam comprobata est. Sed præter generalem illam acceptionem, etiam restrictior damni suppositio occurrit, de qua hic dicendum erit. Damnum igitur injuria datum *v. l. 23. de furt. l. 27. §. 10. l. 29. §. 3. ad L. aquil. est delictum, quo, sine delinquentis lucro, alterius bona corrumpuntur vel imminuuntur.*

H h h h 2

§. 2.

§. 2. In genere itaque natura damni in eo consistit, quod *bona alterius sine nocentis lucro, imminuantur* quod tamen regulariter verum est, nam aliquando, occasione corruptionis, etiam aliquid auferri potest *v. l. 23. §. 8. ad L. aquil.* De cætero ejus requisita sunt vel *naturalia ac necessaria, vel positiva & arbitraria.* Naturaliter ac ex communi mortalium sensu ad damnum requiritur, ut (1.) sponte (2.) invito (3.) contra legis prohibitionem sit illatum, quæ specialius nonnihil pendenda sunt.

§. 3. Requiritur itaque (1.) *voluntas nocentis*, i. e. dolus vel culpa §. 3. *J. de L. aquil. l. 5. §. 1. l. 44. cod.* quæ ex variis circumstantiis colligitur §. 4. *seqq. J. d. t. l. 5. §. 2. l. 7. §. 2. seqq. l. 8. seqq. l. 27. §. 9. 30. l. 29. §. 7. l. 44. §. 1. l. 45. ad l. aquil. l. 132. de R. J.* quæ igitur casu fortuito eveniunt, huc non pertinent *l. 29. §. 7. in fin. l. 30. §. p. ad L. aquil. l. 6. §. 7. de offic. Præf. l. 2. §. 6. de aqu. pluv.* Ex his autem intelligitur, quod damnum injuria datum, modo *verum*, modo *quasi delictum* sit, quod frustra à nonnullis negatur *v. OBSERV. LAUTERB. Obs. 1199.* Potest etiam aliquando vis dolo accedere, adeoque damnum, in aliquam violentiæ speciem, incidere.

§. 4. Damnum (2.) *invito* inferendum est *v. l. 1. §. 5. in fin. de injur.* Hoc autem uti regulariter præsumitur, ita læsi consensus, ex ejus culpa *l. 203. de R. J. l. 11. pr. ad Leg. aquil.* in specie ex provocacione & invasione §. 2. *J. de L. aquil. l. 45. l. 45. §. 4. cod.* colligitur. Præterea læsus directe in læsionem consentire potest, vel etiam, si contractus interveniat, ex modo contrahendi, persona, cum qua contrahimus, aut natura contractus, consensus, in aliquam læsionem, apparet, de quo explicatius actum *l. 2. c. 3. §. 11. seqq.*

§. 5. Denique (3.) *contra legem* damnum inferri debet, *l. 5. §. 1. ad L. aquil.* hinc si Magistratus, injuste resistentem *l. 29. §. 7. ad L. aqu.* vel etiam invasus aggressorem lædat §. 2. *J. de L. aquil.* damni restituendi obligatio cessat, nisi defensor modum defensionis excesserit, talis enim excessus prohibitus est ac defensorem obligat *d. §. 2. J. l. 5. l. 45. §. 4. l. 7. §. 4. l. 52. §. 1. ad L. aquil. c. 12. in fin. X. de restit. spoliat.* Ille quoque, qui ad depellendum periculum, v. gr. incendii *l. 49. §. 1. ad L. aquil. l. 3. §. 7. de incend. ruin.* vel naufragii *l. 14. de P. V.* alienas ædes destruit, vel res alias perdit, aut qui id, quod in suo positum est, inter-

cidit

cidit *l. 29. §. 1. ad L. aquil.* à necessitate damni restituendi est immunis.

§. 6. Requisita positiva sunt (1.) ut damnum sit datum corpore nocentis, nec sufficit, causam mortis vel corruptionis præbuisse *§. 16. f. de L. aquil. l. 49. pr. cod.* (2.) in corpus, hinc nuda bonorum imminutio, damnum non est *d. §. 16. f. & l. 49. pr. de L. aquil.* (3.) quoad rem, quæ in patrimonio existit *l. 13. pr. cod. & (4.) domino l. 11. §. f. l. 17. cod.* Cæterum cum defectus illorum requisitorum, necessitatem damni restituendi non tollat, sed solum actionum nomina mutet, ideo eorum nulla hodie est utilitas.

§. 7. Damno dato obligatur delinquens naturaliter ad ejus restitutionem, præterea lege positiva, certa aliqua pœna ei imponitur; ad utrumque conjunctim exigendum jure civili, datur *actio Legis aquiliæ*, quæ est *actio personalis, pœnalis mixta, competens læso & hæredibus, adversus lædentes, ad damni æstimationem & pœnam consequendam.* Dividitur in *directam*, quæ obinet, si omnia requisita naturalia & positiva concurrant, & *utilem*, quæ locum habet, si naturalia adsint, sed positiva deficiant *§. fin. J. de L. aquil. l. 11. §. f. l. 13. pr. cod.* Dicitur etiam *actio in factum l. 9. pr. l. 11. §. f. l. 17. l. 29. §. 7. l. 33. §. 1. l. 49. pr. cod.* Præter eam vero adhuc alio *actio in factum subsidiaria* asseritur *§. fin. J. de L. aquil.* quo etiam referunt *l. 11. de P. V.* Sed eam, ex non satis intellecta *l. 7. §. 7. de dol. l. 33. §. 1. de L. aquil.* à Triboniano esse excoGITATAM, revera autem, cum actione utili, coincidere, censet *Dn. THOMAS. in not. ad Strauch. dissert. 19. lib. 12.* Hodie totius divisionis nulla est utilitas.

§. 8. Oritur actio *L. aquiliæ*, dubio procul, ex jure naturali, quatenus damnum persequitur, sed quatenus simul pœnam exigit, atque ita actio mixta est, earene ex plebiscito aquiliano repetitur *l. 1. §. 1. ad L. aquil.* Hujus erant tria capita: Primum pertinebat ad servos & quadrupedes, quæ pecudum numero erant, occisas *pr. §. 1. J. de L. aqu. l. 2. cod.* Secundum jam olim in desuetudinem abiit *l. 27. §. 4. cod.* Tertium, omne reliquum damnum complectebatur *§. 13. f. l. 27. §. f. cod.* Cum tamen actio Legis aquiliæ, in omnes casus ex substitutione fori Romani, non sufficeret, ideo actio utilis, & ex communi sententia, actio in factum, ei fuit adjuncta, ceu *§. præc.* indicatum. Sed cum

hodie læsus solum damnum persequatur, nec sollicitudo fori Romani obtineat, ideo nomen actionis *L. aquiliæ*, merito, ad omne damnum, refertur.

§. 9. Datur igitur actio illa, læsis, nempe domino *l. ii. §. 6. l. 19. 20. ad L. aquil.* usufructuario similibusque *l. ii. §. f. l. 17. eod.* homini libero, ratione vulnerationis *l. 13. pr. eod.* & illorum hæredibus *l. 23. §. 8. eod.* Non vero competit illis, qui jus personale saltem habent *l. ii. §. 9. eod.* quod si tamen hi domino, ratione damni, culpa sua eventus, satisfecerint, tum ipsis actio, in nocentem, merito conceditur *l. 2. si quadr. paup.* quod id, quod præstiterunt, ab eo, qui gravius deliquit, recuperent.

§. 10. Datur contra nocentes *§. fin. j. de L. aquil.* si plures nocuerint, contra singulos in solidum; Unius præstatio reliquos liberat, quoad damni restitutionem, non vero quoad pœnam *l. ii. §. 2. eod.* nam, illo respectu, adest obligatio una & correalis, hoc vero, distincta & multiplex v. *OBSERV. PUFEND. Observ. 160. seqq.* De cætero plures non aliter, velut correi, obligari videntur, quam si in damnum conspiraverint, aut hoc sit individuum *d. l. ii. §. 2. v. PUFENDORF de J. N. G. l. 3. c. 1. §. 5.* Contra hæredes actio non datur *§. 9. l. 4. 23. §. 8. d. L. aquil. v. CARPZ. p. 4. C. 12. D. 9.* quod ab æquitate abhorret, adeoque observandum non est v. *OBSERVAT. LAUTERB. Observ. 1146.*

§. 11. Petitur damni æstimatio *l. 21. §. f. l. 22. 33. ad L. aquil. l. 63. ad L. Falcid.* & pœna, quæ in eo consistit, quod, si ex primo capite Legis aquiliæ agatur, quanti res, intra annum retro computatum *l. 2. l. 21. §. 1. l. 23. §. 3. ad L. aquil.* si ex tertio, intra 30. dies proximos, plurimi fuerit *l. 27. §. 5. eod.* exigatur, quæ æstimatio, ob inficiationem crescit in duplum *l. 2. §. 1. l. 23. §. 10. ff. l. 4. C. eod.* si liber homo vulneratus sit, expensæ & operæ æstimantur *l. 3. si quadr. paup. l. fin. de his qui effud.*

§. 12. Sed sicut sanctio illa pœnalis, parum prudens & æqua, ita à Gentibus, ad quas jus Romanum pervenit, recepta non est, quod etiam de pœna inficiationis dicendum videtur v. *MATH. de crim. l. 47. tit. 3. c. 3. LAUTERB. C. j. ad L. aquil. lit. O.* Hodie igitur læsus tantum exigit veram damni æstimationem, delinquens vero arbitrarie puni-
tur v. *SCHILT. ad ff. exerc. 19. §. 32. THOM. de nox. anim. c. 9. n. 45.* Quid in specie obtineat, quoad hominem liberum occisum, vel vulneratum, supra *l. 3. c. 1. §. 5. 6. 8. 9. 14.* est ostensum, quæ ad maritum, uxorem
suam

suam male tractantem, etiam applicari debent *v. CARPZ. Pr. Crim. p. l. qu. 12. n. 48. seqq.* licet nonnulli dissentiant *v. LAUTERB. d. l.*

§. 13. Ex his liquet, quod actio, qua damnum in Germania persequimur, ab additamentis juris Romani, sit liberata, ac ex regulis acquiratitae formata, nam ut damnum sit rescindendum ac delinquens insuper puniri possit, id ex jure naturali, ac indole Rerum publicarum resultat. Urut igitur etiam hodie actio illa, Legis aquiliæ, dicatur, cum Romana tamen non plane coincidit. Illud tamen utrique commune est, quod damnum legitime sit probandum *l. 2. de probat. & quod utraque sit perpetua l. 3. C. de prescript. 30. vel 40. annor. add. OBSERV. LAUTERB. Obs. 263. seqq.*

§. 14. Species damni est (I.) *Damnum, quod dejectione vel effusione inferitur.* Ob illud, ipse lædens, dubio procul, ex Lege aquilia poterit conveniri, præter ea vero contra inhabitatorem ædium datur *actio de dejectis vel effusis*, quæ est, *actio personalis, competens adversus inhabitatores ædium, ex quibus aliquid dejectum vel effusum est, cum in locum, quo vulgo iter fit, ad damnum rescindendum.* Est etiam hæc actio, species actionis Legis aquiliæ, *v. l. 5. §. 4. de his qui effud.* nec ob aliam causam huic videtur opposita, quam quod peculiaris pœna circa eam occurreret.

§. 15. Requiritur damnum, invito illatum, quod ex circumstantiali loci potissimum colligitur *v. l. 1. §. 2. 4. l. 6. de his qui effud.* Hoc vero ipsi inhabitatori imputatur ob negligentiam, quæ imputatio, in urbibus populosis, eo minus iniqua est, quo minus læso, lædentem de tegere, semper est integrum, datur ergo hæc actio ex quasi delicto *l. 5. §. 5. de O. & A.* quod eo ipso inhabitator committit, dum homines petulantes aut negligentes in ædibus suis tolerat.

§. 16. Datur hæc actio læsis & illorum hæredibus *l. 5. §. 5. de his qui effud.* si tamen homo liber vulneratus, vel occisus sit, hæredibus actio non competit *d. l. 5. §. 5.* quod hæcenus verum erit, ut ex jure transmissio agere illi nequeant, si tamen defunctus quosdam alere debuit, hi ex proprio jure, ad damnum pensandum, utique experiri possunt *v. l. 3. c. 1. §. 8.* Jure Romano, ob hominem liberum occisum, dabatur actio popularis, ad quam etiam hæredes, non qua tales, sed qua membra Reipublicæ, admittebantur, ac extraneis etiam præferebantur *d. l. 5. §. 5.* Sed illa hodie probabiliter cessat, de quo mox iterum dicam,

§. 17.

§. 17. Competit adversus inhabitantem, cujuscunque conditionis *l. 1. §. 4. 7. 9. de his qui effud.* ex cujus parte aliquid dejectum vel effusum est *l. 5. pr. cod.* qui suam suorumque *l. 6. §. 2. cod.* etiam hospitis *l. 1. §. 9. cod.* culpam præstat, à quibustamen id, quod præstitit, recuperare potest *l. 5. §. 4. cod.* si plures in eodem cœnaculo indivisò habitent, singuli tenentur in solidum *l. 1. §. f. l. 2. 3. 4. 5. cod.* Contra hæredes non competit *l. 5. §. 5. cod.* sed æquitas exigit, ut ad illos etiam, quatenus est rei persecutoria, extendatur.

§. 18. Exigitur duplum, si in re æstimabili damnum sit datum, & quidem perpetuo *l. 1. pr. §. 4. l. 5. §. 5. de his qui effud.* sed hodie vera saltem damni æstimatio læso præstabitur, salva nihilominus, si ea opus videatur, Magistratui pœna arbitraria. Si libero homini nocitum sit, operæ & impensæ æstimantur *l. 1. pr. l. 5. §. 5. l. 7. cod.* quod hodie quoque observatur *v. l. 3. c. 1. §. 5. 6.* Ob hominem liberum occisum, pœna 50. aureorum petitur intra annum *l. 1. pr. l. 5. §. 5. de his qui effud.*

§. 19. Sed illa actio popularis hodie non obtinet, nam uti in genere actiones populares cessant, ceu *l. 1. c. 16. §. 14.* admonitum, ita id hoc casu nimis crudum est, quod, homine occiso, per averfionem velut, pœna pecuniariæ exigatur. Quamobrem existimem, ante omnia, in ipsum autorem inquirendum, ac à deprehensò, tam damni restitutionem, quam pœnam, pro ratione facinoris admissi, exigendam esse, secundum ea, quæ *l. 3. c. 1. §. 8. 9. 14.* diximus. Quod si autem ille non deprehendatur, vel non sit solvendo, tum ab inhabitatore damni æstimatorio, ac aliquando etiam pœna arbitraria exigenda erit.

§. 20. De eo in genere quæri potest, an inhabitator, ex factò operatoriorum, qui, ad opus faciendum, mercede conducuntur, a omni die mutari possunt, teneatur? Quod negandum videtur, nulla enim ejus subest culpa, aut minimum illa hic non præsumitur, ut circa inquilinos & hospites, sed probari debet. Plane illum, cessante licet culpa, ex lege humanitatis, quandoque obligari, certum est, sed illa ad forum civile non pertinent.

§. 21. Species quoque damni (II.) est *damnum, quod periculosa rei positione contingit*, ob quod ipse, qui posuit, ex lege aquilia, conveniri poterit *l. 5. §. 12. de his qui effud.* Quod si res posita nondum nocue-

nocuerit, inhabitator pœna decem aureorum coercetur *d. l. 5. §. 6. seqq.* quam velut nimis duram hodie non obrinere arbitror, cum sufficiat ei injungere, quo rem nocituram tollat, ac, si non paruerit, contumaci pœnam arbitrariam imponere *add. OBSERV. LAUTERB. Obs. 270. 271.*

§. 22. Pertinet etiam huc (III.) *delictum arborum furtim cæsarum vel corruptarum*, ob quod duplum jure civili est solvendum *l. 7. §. f. l. 8. arbor. furt. cæs.* quod secus est, si quis arbores radicitus evellat, qui tantum ex L. aquilia tenetur *l. 7. §. 2. eod. v. LAUTERB. C. J. arbor. furt. cæs.* Hodie illud delictum arbitrarie punitur *Ord. crim. art. 168.* In Saxonia Electorali, cædens pretium arborum cæsarum, ac insuper, pro unaquaque, 30. solidos, *Schillinge* sive duas sexagenas antiquas *zwey alte Schock. i. e.* quadraginta grossos, solvere debet, vel, deficiente pecunia, carcere punitur *Const. Elect. 37. p. 4. CARPZ. p. 2. qu. 83. n. 4. seqq. add. OBSERV. LAUTERB. 1218. 1219.* Quod si contractatio arborum accedat, furtum committitur, de quo diximus *c. 2 §. 6. h.*

§. 23. In hunc censum quoque referendum (IV.) *Dammum, coactis hominibus, dolo malo*, ut & (V.) *in turba datum*. Illud jure civili quadruplo *l. 2. pr. §. 1. seqq. §. 13. vi bon. rapt.* hoc, duplo punitur *l. 4. eod.* propter quam pœnam peculiarem, à reliquo etiam damno fuit separatum *v. l. 2. §. 10. eod.* Hodie, cessante illa pœna pecuniaria, arbitrarie utrumque puniri, ex iis, quæ tam hoc, quam capite tertio §. 17. 18. diximus, consequitur.

§. 24. Non male quoque huc refertur (VI.) *Crimen sepulchri violati*, quamvis nonnunquam, ad injuriam personarum, illud pertineat ac alio etiam loco commemorari queat. Est autem *delictum, quo corpora sepulta, vel ossa, dolo malo extrahuntur, contrectantur, vel monumenta violantur* *l. 4. §. C. de sepulchro violat. MATH. de crim. l. 47. tit. 6. c. 1.* Punitur jure civili, vel civiliter pœna pecuniaria *l. 3. de sepul. viol. vel criminaliter, ultimo supplicio, deportatione, metallo, relegatione* *l. 3. §. 7. l. fin. eod. vel decem pondo auri, fisco inferendis* *l. 4. C. eod. v. LAUTERB. C. J. de sepul. viol.* quas pœnas hodie quoque obrinere putant *v. MATH. d. l. c. 2. CARPZ. p. 2. qu. 83. n. 64. seqq. conf. OBSERV. LAUTERB. Obs. 1250. seqq.*

CAPUT VI.
DE INCENDIO.

SUMMARI.

Incendii natura & diversitas §. 1.

Obligatio circa incendium fortuito, ac damnum
hac occasione datum §. 2. 3.Autor incendii voluntarii ad damni restitutionem
§. 4.

Ac poenam obligatur §. 5.

Nec una obligatio alteram tollit §. 6.

Culpa probari debet §. 7. 8.

Pœna incendii dolosi §. 9. 10. 11.

Non tollit necessitatem damni restituendi §. 12.

Incendium voluntarium pro fortuito aliquando
habendum §. 13.Furti aut damni circa incendium commissi effe-
ctus §. 14.

§. 1.



Pecies damni est etiam *Incendium*, quod seorsim con-
siderari meretur. In genere est *ignis dominans, casu
vel facto humano, in damnum hominum, excitatus*. Est
igitur incendium, vel *fortuitum*, quod à casu, v. gr.
fulmine, vel *voluntarium*, quod à facto humano de-
pendet, sæpe tamen etiam hoc, pro fortuito, habetur,
quando vel de autore omnino non constat, vel ille solvendo non est, aut
coactioni iudiciorum non subiacet.

§. 2. Damnum, quod ab incendio fortuito dependet, ab aliis re-
farcendum non est, ex lege tamen humanitatis, afflicto alii, ac in pri-
mis ii, qui eandem cum illo constituunt societatem, succurrere tenen-
tur, sed hæc obligatio sat langvide operatur, nisi lex civilis ei efficaciam
addat. Quodsi, ob incendium, aliorum ædes diruantur, distinguen-
dum est, utrum hoc fiat *sine justa causa*, tum diruens, ad damnum re-
farcendum, erit obligatus, nisi forte, præter omnem intentionem, eo
incendium pervenerit, atque ita ædes nihilominus conflagraissent, nam
tum nihil præstabit, cum dolus fuerit inefficax l. 7. §. 4. *quod vi aut
clam*, an ob *probabilem periculum*, hoc casu, indistincte diruens, à
necessitate damni restituendi, erit immunis, cum lege permittente,
id fecerit l. 49. §. 1. *ad L. aquil. l. 3. §. 7. de incend. ruin. naufi.*

§. 3. Quodsi tamen, ista destructione, periculum sit depulsu-
tum illi, in quorum utilitatem hoc cessit, adeoque tota universitas,
communi contributione, illud damnum refarcire debent, sed ita, ut
ipse læsus etiam partem aliquam damni ferre cogatur, hoc enim æqui-
tas

tas naturalis, in casu necessitatis, exigit. Interim fatendum est, quod ejus, in vita civili, exigua habeatur ratio, nisi lex civilis eam confirmet. Si vero ista destructione, periculum non depellatur, sed incendium ita evagetur, ut tam ad aedes destructas quam alias perveniat, tum dominus aedium dirutarum, damni restitutionem, ex hoc capite, petere nequit, non enim destructio, sed incendium ei nocuit, quam æquitatem, in casu simili, agnoverunt Romani *l. 5. 7. ad L. Rhod. de jact.* nulla alia igitur hic, quam humanitatis, superest obligatio *add. OBSERVAT. LAUTERB. Obs. 420.*

§. 4. Incendium voluntarium, est iterum vel *culposum* vel *dolum*, circa illud distinguendum est, utrum inter lædentem & læsum nullus, an aliquis contractus intercesserit. Primo casu damnum quavis, etiam levissima, culpa datum, est resarciendum *l. 44. ad L. aquil. l. 2. c. cod.* nam læsus in nullam consensit; secundo vero, ea saltem culpa præstanda est, quam natura contractus aliæque circumstantiæ exigunt de quo *l. 2. c. 3. §. 11. seqq.* in genere dictum *conf. OBSERV. LAUTERB. Obs. 1341. 1342.* Exigitur autem damni restitutio, actione *L. aquiliæ*, quæ etiam *actio aedium incensorum* dici potest *v. l. 7. §. 13. de pact.*

§. 5. Præterea incendiarius culposus, etiam arbitrarie puniri potest, & quidem ob culpam latam, ac incendium majus, relegatione vel etiam fustigatione, ob culpam vero levem vel levissimam, modicumque incendium, multa aut carcere *v. CARPZ. p. 1. qu. 39. n. 32.* quod ultimum frustra à nonnullis negatur ex *l. 9. u. de incend. naufr. ruin. l. 28. §. 12. de pœn. v. LAUT. C. J. ad L. Corn. de sicar. in fin.* cum vel ex illis textibus liqueat, leviozem culpam, pœna pecuniaria, vel modica corporis afflictione, coerceri posse *v. MATH. de crim. l. 48. tit. 5. c. 6. n. 4.*

§. 6. Uti autem, si damnum restitui nequeat, pœna non immerito intenditur *v. CARPZ. d. qu. 39. n. 46. seqq.* ita, in Saxonia Electorali, quæritur, an pœna fustigationis imposita, reum à necessitate damni restituendi liberet? Merito hoc negatur *v. RAUCHBAR. p. 2. qu. 10. n. 17.* nam obligatio rei persecutoria & pœnalis, sese regulariter non consumunt, cui principio adeo tamdiu standum erit, donec probeatur contrarium, quod hic fieri non posse videtur, maxime cum fures, rei ablata restitutione, pœnam fustigationis non evitent *Consl. 32. in fin.*

p. 4. Si adeo damni restitutio non consumit pœnam, nec hæc illam tollet, nam hæc utique cohereret, etsi ita non videatur CARPZ. d. qu. 39. n. 42. seqq.

§. 7. Cæterum illi effectus, incendium non aliter sequuntur, quam si culpa certi alicujus hominis legitime probeatur. Quod si adeo quis agat contra vicinum, in cujus ædibus incendium exortum erat, ab eoque petat damni restitutionem, tum ipsius culpam probare debet, culpa enim facti est, adeoque non magis præsumitur, quam contractus vel delictum in genere, quæ verissima est nonnullorum sententia v. RAUCHBAR. p. 2. qu. 10. n. 50. FINCKELTH. Obs. 89. LAUTERB. C.J. ad L. aquil. in fin. Aqua frustra abeunt VINN. §. Q. l. 1. c. 33. CARPZ. d. qu. 39. n. 58. seqq. Licet enim plerumque incendia, hominum culpa fiant l. 3. §. 1. de Off. præf. vigil. l. 11. de P. & C. rei vend. inde tamen culpa hominis certi non statim præsumitur, ceu ipsa l. 11. innuit, hinc merito prior sententia confirmata in Decis. Saxon. 80.

§. 8. Teneretur tamen inhabitator ædium, non tantum, si, ex ejus culpa, immediate incendium exortum probeatur, sed & si doceatur quod facto famulorum idem sit excitatum, dummodo ejus culpa concurrens simul ostendatur, hæc vero potissimum ex eo colligitur, si dominus, in famulorum electione, culpam commiserit, ac hi in officio deliquerint, v. l. 1. C. ad L. Jul. repet. l. 27. §. 9. ad L. aquil. l. 11. locat. l. 1. §. 5. furt. advers. naut. caup. Decis. Saxon. 79. CARPZ. d. qu. 39. n. 51. seqq. p. 4. C. 17. D. 13. 14. LAUTERB. C.J. de noxal. action. in fin. Quod si dominus, ad noxium famulorum factum, positive concurrerit, ejus obligatio est magis liquida.

§. 9. Incendium dolosum, jure civili, varie punitur, fere pro diversitate loci, & personæ delinquentis v. l. 1. 10. ad L. Cornel. de sicar. l. 9. 12. §. 1. de incend. ruin. naufr. l. 16. §. 9. l. 28. §. 12. de pœn. l. 11. C. de his qui accus. non poss. l. 5. ad L. Jul. de vi publ. MATH. de crim. l. 48. tit. 5. c. 6. CARPZ. qu. 38. n. 3. seqq. Jure Saxonico incendiarii, qui homines necarunt, Mordbrenner, rota, incendiarii vero simplices, Brenner, gladio puniuntur Landr. l. 2. art. 13. CARPZ. d. l. n. 10. seqq. Juxta ordinationem Carolinam art. 125. incendiarii dolosi concremantur, quæ pœna etiam in Electoratu Saxonie obtinet Const. 7. p. 4. CARPZ. d. l. n. 8. seqq.

§. 10. Solet autem, ob generalitatem sanctionis, illa poena varie extendi, ut locum habeat, cujuscunque sexus vel conditionis sit delinquens, sive ignis in civitate, sive extra eam, sit excitatus, magnum an modicum sit incendium vel etiam plane non nocuerit, sive immediate sive mediate fuerit perpetratum, sponte an ob præviam offensionem: Ob reiteratum tamen scelus, poena ignis exasperari non solet, nisi alia crimina concurrant CARPZ. *d. qu. 38. n. 15. seqq.* Quod eo magis admittendum videtur, quo minus omnes ultimorum suppliciorum exasperationes, cum legibus divinis, conciliari possunt.

§. 11. Sicut autem reus, qui materiam, igni concipiendo aptam posuit, sed nondum inflammavit, merito mitius, fustigatione scilicet, vel alia poena arbitraria, punitur CARPZ. *d. l. n. 41. 42.* ita, ob consummatum etiam delictum, poena ignis non semper imponitur, nempe si aliqua excusationis causa adsit, puta si delinquens, poenitentia ductus, materiam inflammata auferat, vel, orto jam incendio, ad illud restingvendum homines mature convocet, aut si simplicitas vel ætas eum quodammodo excuset, quibus casibus poena gladii imponi solet CARPZ. *qu. 39. n. 2. seqq.* quamvis, si rigorem sanctionis penalis spectes, ejus rei arbitrium non tam penes judices, quam Imperantem esse videatur.

§. 12. Licet vero incendiarius igne vel gladio punitus sit, ex ejus bonis tamen, damnum nihilominus est refarciendum, id quod de jure civili certum CARPZ. *d. qu. 39. n. 39. seqq.* cumque principio isti, de concursu obligationis rei persecutoriae & penalis, in dubio standum sit, ceu admonitum §. 6. hinc, nec jure Saxonico, aliud dicendum videtur, cum exceptio liquido satis probari nequeat, licet ita putet CARPZ. *d. l. n. 42. seqq.* cujus sententia ex eo quoque dubia redditur, quod IPSE *qu. 38. n. 44.* doceat, *damni restitutionem, non excludere poenam ignis,* nam exinde utique sequitur, quod nec hæc, illam tollat, sed quod potius utraque concurrat.

§. 13. Quod si incendiarius, vel culposus vel dolosus damnum, ob inopiam, refarcire nequeat, prout quidem plerumque accidit, tum tale incendium, induit naturam incendii fortuiti, hinc quæ de obligatione aliorum hominum, hujus intuitu, diximus §. 23. ea quoque ad illud applicari possunt. Illud etiam, circa incendia notari meretur, quod

debitor aut creditor, quibus, sine sua culpa, ignis apocham vel chirographum abstulit, non immerito ad iuramentum, quo solutionem vel debitum probent, admittantur *CARF. qu. 39. n. 71.*

§. 14. Aliquando occasione incendii similisve calamitatis; homines improbi, res dolose auferunt vel corrumpunt, contra quos, jure Romano, tam criminaliter, quam civiliter, in quadruplum, agi poterat *L. 1. pr. §. 1. de incend. ruin. naufr.* Sed hodie læsus damni restitutionem exigit, pœna vero arbitrio Magistratus imponitur, ita quidem ut incendii, similisve infortunii, velut circumstantiæ delictum aggravantis, non immerito ratio habeatur.

CAPUT VII. DE DOLO ET STELLIONATU.

SUMMARIA.

Dolus diversimode accipitur §. 1.

Contra decipientem datur exceptio §. 2. 3.

Et actio doli §. 4.

Ejus qualitates §. 5. 6.

Materia & contraria §. 8.

Subjectum §. 7.

Stellionatus in dolos & exempla §. 9. 10.

Stellionis obligatio §. 11.

Nonnulla hoc delictum excludunt §. 12.

Res dolo vel Stellionatu amissa à tertio potest repeti §. 13.

§. 1.



Dolus in genere, est *propositum agendi contra legem*, quo sensu ille, in omnibus delictis veris, requiritur. Præterea vero, pro peculiari delicto, idem accipitur, id quod iterum dupliciter fieri videtur, vel *intuitu contractuum ineundorum*, quo sensu est, *fraudulenta machinatio, qua aliud agitur, aliud simulatur, alterius decipiendi causa* *v. l. 2. c. 3. §. 9.* vel *sine respectu ad contractus*, tunc est *voluntaria alterius deceptio, speciali delicti nomine carens, exempla hujus suppositionis passim occurrunt* *v. l. 9. §. 3. 4. l. 19. 20. l. 24. 25. de dol.*

§. 2. Hoc loco dolus consideratur, quatenus peculiare delictum est, quod vel circa contractus, vel seorsim se exerit: Primo respectu, de effectu contractus, dolo elicitum vel viciatum, quæritur, de quo dictum *l. 2. c. 4. §. 43. 44. 45.* Tam primo autem quam secundo respectu, insuper effectus doli, velut peculiaris delicti, spectari debet, quæ consideratio huc pertinet. Scilicet quando dolosus nondum aliquid con-

secu-

secutus est, tum, si rem petat, repellitur *doli exceptione speciali* l. 1. §. 1. *de dol. except.* à quadiffert exceptio *doli generalis*, quæ cum omnibus aliis exceptionibus concurrere dicitur l. 2. §. 5. l. 12. *cod. v. LAUTERB. C. J. de dol. except.* hinc revera nihil aliud est, quam generale nomen, quo alias exceptiones quoque exprimere licet.

§. 3. Circa exceptionem autem doli, notare solent (1.) quod præsupponat negotium, ipso jure validum l. 36. *de V. O. §. 1. J. de except.* hoc frustra hodie inculcatur, cum res eodem recidat, sive negotium ipso jure nullum, sive exceptione elidendum dicas, interim verum manet, quod diversa hujus exceptionis sit intentio, nam aliquando hoc agitur, ut à contractu plane discedatur, aliquando, ut, eo salvo, læsio emendetur (2.) quod bonæ fidei judiciis insit l. 21. *solut. matrim.* (3.) quod non detur contra successorem, ex causa onerosa talem l. 4. §. 27. *de dol. except.* utrumque sunt mi juris & processus antiqui, confectarium est, & hodie cessat (4.) quod non excludatur replicatione doli, l. 4. §. 13. *cod.* quod non aliter verum, quam si replicatio frivola sit v. OBSERV. LAUTERB. *Obs.* 117. 120. 130. 131.

§. 4. Quando autem decipiens rem accepit, tum naturaliter ad ejus restitutionem obligatur, præterea pœna aliqua non inique ei imponitur. Ad illum finem comparata est, in jure Romano, *actio doli*, quæ tamen, juxta ejus subtilitates, non indistincte obtinet. Dicitur esse *actio prætoriana, personalis, subsidiaria, rei persecutoria, arbitraria & famosæ, competens deceptis & heredibus, adversus decipientes, ad damni illati restitutionem.* Ex quo jam liquet, actionem illam esse partim naturalem, partim positivam, ex qua diversitate, ejus quoque usus judicandus est.

§. 5. Oritur ex dolo l. 1. *de dol.* hinc *personalis* actio dicitur, quod naturale est, non tamen statim obtinet, sed tum demum, si aliæ actiones, vel ex contractibus vel delictis descendentes, deficiant, à quo ordine, *subsidiaria & prætoriana* vocatur l. 1. §. 1. l. 4. l. 7. §. 1. *seqq. de dol.* Sed uti id mere Romanum, nec satis etiam liquidum est, ita hodie non observatur, cum ex tricis antiqui processus formularii, illud omne resulter. Satis igitur hodie est, quod ob dolum agi queat, quo nomine vero actionem exprimas, nihil refert v. OBSERV. LAUTERB. *Obs.* 120. 121.

§. 6. Quia ex dolo descendit, ideo *famosa* quoque hæc actio esse dici-

dicitur *l. 1. §. 4. de dol. l. 1. de his qui not. infam.* sed & hoc Romanum, ac quodammodo absurdum est, cum enim actio doli subsidiaria sit, quæ in locum actionis famosæ & non famosæ surrogari debet, merito indifferens fuisset formanda, nunc, cum semper famosa est, evenit, ut non tantum idem delictum inæqualiter, sed &, majus levi, mitius puniatur; Sic in *l. 1. §. 4. de dol.* duplex perfidia, salva existimatione, committitur, sed simplicem manet infamia. Putem igitur, nec hanc sanctionem, hodie esse observandam, vel minimum eam ad illos casus restringendam, in quibus, ob dolum alias infamia sequitur.

§. 7. Datur actio doli, deceptis & hæredibus *l. 1. 13. de dol.* non tamen comperit liberis contra parentes, vel personis vilibus, adversus honoratioris, sed hoc casu actio in factum læsis conceditur *l. 11. 12. de dol. l. 4. §. 16. de dol. mal. except.* quæ actionum diversitas, ad effectum infamiæ, respicit, hunc ergo si neges, nec illa alicujus erit usus. Datur contra decipientes *v. l. 13. §. 1. l. 14. 15. de dol.* plures, ut correi, obligantur *l. 17. cod.* Contra hæredes datur, sub qualitate actionis in factum, quatenus aliquid pervenit *l. 13. 17. §. 1. l. 26. 27. 28. 29. de dol.* qua ratione etiam, contra dominum, ex dolo administratoris competit *l. 15. pr. §. 1. 2. de dol.* Sed contra hæredes merito in solidum competere debebat.

§. 8. Petitur res cum omni causa *l. 35. de V. S.* ob rem minimam tamen actio doli non conceditur *l. 9. §. f. l. 10. 16. de dol.* sed datur actio in factum *v. DONELL. l. 15. c. 40. lit. d. d.* Quod si res casu perierit, vel reus, ad arbitrium judicis, rem non restituat, actor interesse, jurejurando in litem determinandum, exigit *l. 18. pr. §. 1. 4. de dol.* hinc actio dicitur *arbitraria*; hodie tamen posteriori casu jurejurando locus esse non videtur, sed potius res judicata executioni datur, hinc prædictum actionis arbitrariæ, quoque est otiosum. Alia pœna jure Romano, quod sciam, non obrinuit, dubitandum tamen non videtur, quin arbitraria pœna dolo quandoque possit imponi. Finitur actio doli, vel instituenda vel instituta, biennio *l. fin. C. de dol. add. l. 28. 29. ff. cod.* quod itidem hodie nullius usus *v. MYNSING. Cent. 1. Obs. 51. LAUT. C. J. de dol.*

§. 9. Stellationatus est *dolus improbius*, eoque nomine usi sunt Romani in subsidium, deficiente alio criminis titulo *l. 3. §. 1. stellion.* *vid.*

v. MATH. *de crim. l. 47. tit. 13. c. 1. n. 1.* Stellionatus igitur rei sunt qui imposturam vel collusionem, in necem alterius faciunt *d. l. 3. §. 1.* Ut (1.) qui rem oppignoratam, dissimulata obligatione, alienavit *d. l. 3. §. 1. (2.)* vel alteri oppignoravit *l. 1. 4. C. cod. l. 16. §. 1. l. 36. §. 1 de pign. action.* quod etiam, de universis bonis, intelligi potest, quoad generalem tamen hypothecam, fraus tam facile intervenire non posse videtur, quam quoad specialem v. MATH. *d. l. n. 3.* Quod si quis rem eandem, duobus in solidum vendiderit, falsum potius, quam stellionatum committit *l. 21. ad L. Cornel. de fals. v. MATH. d. l. n. 4.* nam venditio semper noxia est, secus ac oppignoratio LAUTERB. C. J. *stellion.*

§. 10. Porro Stellionatus crimen committit (3.) qui æs pro auro *l. 1. §. 2. l. 36. de pign. action.* vel (4.) rem alienam sciensignoranti creditori oppignoravit *l. 16. §. 1. l. 36. §. 1. de pign. action. l. 2. C. de crim. stellion.* maxime si pejeraverit, rem suam esse *l. fin. ff. cod. v. MATH. d. l. n. 5.* (5.) qui pecuniam non numeratam, vel jam solutam exigit *l. 29. §. 2. 5. mand. (6.)* merces corruptas distrahit *l. 3. §. 1. stellion. (7.)* qui divitem se simulat, quo eo gravius æs alienum conflet *l. 43. §. 3. de furt. & si quæ alia ejus generis sunt exempla v. MATH. d. l. n. 6. LAUT. C. J. stellion.*

§. 11. Obligatur Stellio ad damnum resarciendum, hoc enim æquitas exigit v. *l. 7. §. 1. de condit. furt. & antea de dolo dicta §. 7. 8.* confirmant v. OBSERV. LAUTERB. *Obs. 1280.* Præterea quoque poenam sustinere cogitur *l. 3. §. 2. l. 4. stellion.* hodie arbitriariam CARPZ. *p. 3. qu. 133. n. 3.* Condemnatus fit infamis *l. 13. §. fin. de his qui not. infam.* licet Stellionatus judicium, jure Romano, famosum, i. e. publicum non sit *l. 2. stellion. v. OBSERV. LAUTERB. Obs. 1278. add. HILLIG. ad Donnell. l. 18. c. 8. lit. R. LAUT. C. J. stellion.*

§. 12. Cessat Stellionatus (1.) ob ignorantiam *l. 16. §. 1. de pign. act. (2.)* certiorationem *d. l. 16. §. 1. in fin. l. 36. §. 1. cod. (3.)* rei oppignoratæ sufficientiam *d. l. 36. §. 1. in fin. (4.)* concurrentem adversarii fraudem v. *l. 2. C. si alien. res pign. (5.)* satisfactionem, creditori posteriori præstitam *l. 1. C. de crim. stellion.* quod hic velut singulare notant, cum poenitentia delictum alias non excludat *l. 65. de furt. l. 5. vi bon. raptor. l. 17. §. 1. de edit. edit. v. MATH. d. l. c. 2. n. 3.* Verum nihil singulare hic est, nam an oppignoratio, pluribus facta, in crimen in-

Kkk k

cidat,

cidat, nec ne, id ab eventu dependet, quod si adeo posteriori Creditori debirum solvatur, tum non delictum, sed conatum saltem delinquenti subfuisse apparet, perinde ut in l. 7. §. 4. *quod vi aut clam v.* OBSERV. LAUTERB. *Obs.* 1279.

§. 13. Illud adhuc quæri potest, *an res dolo vel Stellionatu amissa, à tertio possessore, possit repeti?* de dolo hoc negare solent, cum per contractum dolo elicitum, licet ipso jure nullum, dominium tamen transferatur v. LAUTERB. *C. J. de dol.* juxta quæ idem forte de Stellionatu dicendum erit. Verum uti illa sententia ab æquitate abit, ita nec de jure civili satis certa est, nec moribus servatur, quare dicendum potius, quod contra tertium possessorem, tam rei vindicatio, quam condictio sine causa, possit institui, maxime cum idem jus, in casu coactionis, observetur v. c. 3. §. 8. & nulla solida disparitatis ratio, inter vim & dolum, hic reddi queat, v. OBSERV. LAUTERB. *Obs.* 118.

CAPUT VIII. DE FALSO.

SUMMARIÆ.

Falsi natura quodammodo ambigua est §. 1. 2.

Hodie à dolo vel Stellionatu id non sollicite distinguendum §. 3.

Diversa falsi genera §. 4.

Respicit illud personas §. 5.

Res §. 6. Et actus §. 7. 8. 9.

Dolus circa falsum probandum §. 10.

Falsarius damnum resciscere §. 11.

Ac poenam excipere tenetur §. 12.

Pœna depravatæ monetæ est diversa §. 13.

Aliter puniuntur, si adjunctum habeat crimen læsæ Majestatis §. 14. 15. 16.

Aliter si separatim committatur §. 17.

Resolutio grandioris monetæ in utramque falsi fornam incidit, ac varie puniuntur §. 18. 19.

§. 1.



Falsum, est *dolosa, in alterius scilicet præjudicium, contra legem, facta, veritatis immutatio, nomine falsi specialiter notata v. l. 23. ad L. Cornel. de fals. l. 38. §. 6. de pœn. Nov. 73. pr.* Respicit hoc delictum, sine dubio, resaliorum, de cætero est naturæ quodammodo ambiguae, hinc, apud Romanos, non raro delictum aliquod, sit falsum, an aliud crimen extraordinarium v. l. 8. de extraord. crim. junct. l. 1. §. 4. l. 16. ad L. Cornel.

de

de fals. l. 27. *seqq. de furt.* l. 6. §. 1. 2. *de extraord. crim.* l. 32. §. 1. *ad L. Cornel. de fals.*

§. 2. Aliquando etiam delictum, pro falso, non fuit habitum à certa aliqua lege, quod tamen postea, ad species falsi, relatum est *vid. l. 2. ad L. Cornel. de fals.* l. 8. C. *cod. l. 4. C. si reus vel accus. mort. junct. l. 13. §. 1. ad L. Cornel. de fals.* hinc, ad conciliandos textus, tempora & leges distingvi solent, ea quidem ratione, ut, in eodem crimine vindicando, judicium publicum & privatum seu extraordinarium quandoque etiam concurrissè existimetur. Ex eodem principio fluxit distinctio, in *falsum*, quod Lege Cornelia, & *quasi falsum* quod constitutionibus & SCtis vindicatur *v. MATH. de crim. l. 48. tit. 7. c. 1.*

§. 3. Cæterum hodie omnis ista sollicitudo, nullius videtur esse utilitatis, nec aliquis fuerit error, si nomine doli, stellionatus & falsi promiscue utamur, nam discrimen delictorum publicorum & extraordinariorum hodie cessat, præterea, in omnia illa delicta, pœna arbitraria, regulariter est constituta, hinc operæ pretium non videtur, illa anxie separare, denique si aliqua species certam habeat pœnam, satis erit hanc nosse, quocunque etiam nomine delictum exprimitur. Inprimis ergo hodie frustra disputari arbitror, utrum aliquid delictum, Stellionatus, an falsum sit *v. MATH. d. c. 1. n. 15.* Interim certum manet, quod delictorum horum, quocunque etiam nomine veniant, non eadem semper sit quantitas *conf. OBSERV. LAUTÉR. Obsér. v. 13. 45.*

§. 4. Sunt autem plures falsorum species, quas ad certa genera revocare, non satis expeditum est. Quidam duplex falsum constituunt, *testamentarium* & *nummarium* *v. MATH. d. c. 1. n. 1.* Sed illud adeo extenditur, ut omnes species, non nisi incongrue, sub illo comprehendi videantur. Nec multum profeceris, si *falsum* & *quasi falsum* fundamenti loco supponas, nam hoc discrimen, saltem innuit diversas Romanorum leges, falsum punientes, speciebus vero falsi, distincte proponendis, parum est idoneum. Ex objecto, summa genera communiter repetunt *v. CARPZ. p. 2. qu. 93. n. 25. 26.* nec incongruum videtur, si falsum in *personis*, *rebus* & *gestis*, quæ scilicet, ad asserenda & probanda jura pertinent, committi dicimus.

§. 5. Ad primum genus spectat (1.) suppositio partus *l. 19. §. 1. l. 30. §. 1. ff. l. 1. 10. C. ad L. Corn. de fals.* (2.) alienæ personæ, *v. gr. testato-*

statoris substitutio (3.) nominis dolosa mutatio l. 15. ad L. Cornel. de fals. (4.) eumentita dignitas vel officium l. 27. §. 2. cod. l. un. C. ad L. Visell. (5.) reiteratio baptisimi, lucri causa facta v. CARPZ. qu. 93. n. 27. seqq. (6.) simulatio vulnerum, movendæ aliorum misericordiæ Id. d. l. n. 25. & si quæ aliæ ejus generis imposturæ sunt v. MATH. de crim. l. 48. tit. 7. c. 1. n. 17. 18.

§. 6. Ad secundum genus pertinet (1.) si quis mensuras & pondera falsaverit l. 32. §. 1. ad L. Cornel. de fals. Ord. Crim. art. 113. CARPZ. d. qu. 93. n. 78. seqq. (2.) merces venales corruperit d. art. 113. quæ falsi species in commerciis latissime patet CARPZ. d. l. n. 86. seqq. utut, jure Romano, hanc imposturam, ad stellionatum, alii referre malint MATH. d. c. 1. n. 15. (3.) moneta adulteraverit l. 8. 9. ad L. Cornel. de fals. l. 1. C. de veter. numism. potest. v. MATH. d. tit. 7. c. 4. quod falsum aliquando crimen læsæ Majestatis habet adjunctum CARPZ. d. l. n. 94.

§. 7. Terti generis falsum, iterum duplex esse videtur, vel enim hoc agitur, ut falsus actus fiat, vel ut id, quod vere gestum est, corrumpatur. Ad primam classem pertinet (1.) qui testimonii causa pecuniam dat vel accipit l. 1. §. 1. 2. l. 9. §. pen. l. 20. l. 27. §. 1. ad L. Cornel. de fals. v. MATH. d. tit. 7. c. 1. n. 9. seqq. CARPZ. d. qu. 93. n. 46. seqq. (2.) qui delatorem in causa pecuniaria summittit l. 9. §. fin. eod. (3.) qui falsis constitutionibus utitur l. 29. 33. ff. l. 4. 20. C. eod. l. 1. C. de immun. nem. conced. l. 4. 5. C. si contr. jus vel util. publ. (4.) judex, qui contra jus publicum pronunciavit, l. 1. §. 2. 3. ad L. Corn. de fals. CARPZ. d. l. n. 52. seqq.

§. 8. Eodem etiam referendi (5.) tutor, qui ante restitutam tutelam, cum fisco contraxit l. 1. §. 9. ad L. Cornel. de fals. l. 49. locat. (2.) creditor, qui cum debitore colludens rem vendidit l. 15. C. ad L. Cornel. de fals. (3.) debitor, qui prælato die pignoris obligationem mentitur l. 28. ff. eod. l. 3. de fid. instrum. (4.) qui duobus eandem rem in solidum diversis contractibus vendidit l. 21. ad L. Cornel. de fals. (5.) qui falsa instrumenta confecit l. 16. §. 1. l. 23. 25. 30. ff. l. 13. C. eod. Ord. Crim. art. 112. (6.) mendicantes, qui falsis literis utuntur CARPZ. qu. 93. n. 72. seqq. (7.) lutores personati, qui falsis taxillis homines decipiunt IDEM d. l. n. 92.

§. 9. Ad secundam classem pertinent ii, qui (1.) testamenta aliorum

rum quovis modo corrumpunt, vel etiam falso testamento utuntur *l. 1. §. 5. l. 2. 7. 16. ff. l. 14. C. ad L. Cornel. de fals. vid. MATH. l. 48. tit. 7. c. 1. n. 2. 3.* in specie (2.) qui sibi in testamento adscribunt *l. 1. §. 7. l. 6. 10. 14. 15. 17. 18. ad L. Cornel. de fals. nisi, jussu testatoris hoc factum esse, ex hujus subscriptione appareat l. 1. §. 8. cod. l. 2. fin. C. de his qui sib. adscrib. v. MATH. d. tit. 7. c. 1. n. 4.* (3.) qui alia instrumenta corrumpunt *l. 1. §. 4. l. 16. §. 1. 2. l. 23. 25. 32. ad L. Cornel. de fals. (4.) qui publica instrumenta surripiunt l. 1. §. 4. l. 16. cod. vel resignant l. 1. §. 5. l. 2. l. 16. §. 2. cod. (5.) instrumenta aliena produnt l. 1. §. 6. cod. MATH. d. c. 1. n. 5. seqq. CARPZ. qu. 9. v. 3. n. 62. seqq.*

§. 10. Cæterum in omnibus illis exemplis similibusque, requiritur ut dolose quid, in præjudicium veritatis, factum sit *l. 2. ff. l. 20. C. ad L. Cornel. de fals. hinc error excusat l. 31. cod. modo non sit affectatus & supinus l. 15. cod.* Debet ergo dolus legitime probari *l. 6. C. de dol. mal. l. 19. §. 1. de probat. & stat pro eo, qui falsi insimulatur, etiam præsumtio probitatis & innocentie, quamdiu illa, probatione contraria, non est elisa, hoc autem facto, innocentia probationibus est defendenda, nisi reus succumbere velit l. 22. C. ad L. Corn. de fals. Sufficit autem, delictum perfectum probari, licet id effectum non habuerit l. 6. l. 19. l. 22. §. 4. ad L. Corn. de fals. add. MATH. d. l. 48. tit. 7. c. 6.*

§. 11. Falso commissio, falsarius vel sperato lucro excidit, vel damnum illatum refarcire cogitur, quo nomine, pro casuum diversitate, exceptio *v. l. 1. §. 3. de dol. except. replicatio l. 19. C. de transact. restitutio in integrum l. 33. de re judic. & actio competat v. l. 9. §. 2. l. 18. §. 3. l. 35. de dol. l. 41. ad L. aquil. l. 1. §. 38. depof. l. 3. §. 6. de tab. exhib. l. 21. ad L. Cornel. de fals. junct. l. 15. C. de R. V. l. 1. ff. l. 4. 10. C. de A. E. V.* Aliquando tamen, si læsio indefinita sit, & plures respiciat, quod, circa depravationem monetæ, inprimis contingit, de damno restituendo, nihil auditur, si nihilominus læsio probari queat, necessitas eam emendandi omnino obtinebit *conf. MATH. d. tit. 7. c. 3. 6.*

§. 12. Præterea quoque falsarius obligatur ad pœnam, & jure quidem Romano, pœna pecuniaria *l. 25. 32. ad L. Cornel. de fals. deportatio l. 1. §. fin. cod. ultimum supplicium l. 22. C. cod. relegatio*

l. 21. eod. aliæque arbitraria *l. 27. §. 2. eod.* imponitur v. *MATH. d. l. c. 2.* Ex constitutione Friderici aliquando falsum, manus amputatione & infamia, punitur *II. f. 55. pr. in fin.* Hodie pœna est arbitraria *Ord. crim. art. 112. 113.* & non raro pœna fustigationis vel relegationis decernitur v. *CARPZ. qu. 93. n. 16. seqq.* ad ultimum supplicium quod nonnunquam deveniri potest *l. 22. C. ad L. Corn. de fals. art. 112. 113. Ord. crim. CARPZ. d. l. n. 95. seqq.*

§. 13. Si ex falso testimonio, innocens ultimo supplicio affectus sit, testis pœna talionis merito coercetur *l. 1. §. 1. ad L. Cornel. de sicar. Ord. crim. art. 68. CARPZOV. d. l. n. 46.* Quoad depravationem monetæ, specialius etiam quædam sancita sunt, circa quæ distingvendum videtur, utrum *falsum cum crimine lese Majestatis conjunctum sit*, an *seorsim occurrat*, quam distinctionem vulgo vel plane negligunt, vel saltem non, prout par erat, attendunt, dum Statum Reipublicæ Romanæ & Germanicæ non satis distinguunt.

§. 14. Prius contingit, quando ii, quibus jus cudendi monetam non competit, privato ausu monetam cudunt, quo casu rursus distingvendum, utrum ratione *materiæ*, an *formæ* moneta falsetur, seu clarius, utrum *prava*, an *proba* moneta cudatur. Primo casu falsarius, qui vel pravos nummos percussit, vel eos dolose expendit, ignis supplicio punitur *l. 1. 2. C. de fals. monet. Ord. crim. art. 111. CARPZ. p. 1. qu. 42. n. 21. seqq.* Sed in Saxonia Electorali utrumque conjunctim requiritur, *IDEM d. l. n. 28. seqq.* alias monetam pravam cudenti, pœna gladii, dolose vero expendenti, fustigationis imponitur *IDEM d. l. n. 91. seqq.*

§. 15. Si quis, in domo sua, monetam pravam formari passus sit, tum illa fisco addicitur *l. 1. C. de fals. monet. Ord. crim. art. 111.* ac domini, si inde lucrum aliquod acceperit, arbitrariè insuper puniri solet *CARPZ. d. qu. 42. n. 118. seqq.* Cæterum illa ad privatos pertinent, an vero Status imperii, qui jure cudendi monetam destituti, adulterinos nummos cudunt, tam gravi pœna afficiendi sint, non immerito dubites, licet enim, ob delicta commissa, judiciis imperii sub sint, attamen sublimior eorum conditio, tantum pœnarum rigorem excludere videtur.

§. 16. Secundo casu, quando scilicet, sine jure, proba moneta
cudi-

cuditur, habet locum pœna arbitraria *Ord. crim. art. III.* Potest autem id dupliciter fieri (1.) si Status imperii, monetæ Regali destitutus, monetam, sub proprio suo signo, percuti faciat *v. CARPZ. qu. 43. n. 4. seqq.* (2.) si vel ejusmodi Status, vel etiam privatus, nummis, à se cufis, alterius Status, jure monetali gaudentis, signum imponat *CARPZ. d. l. n. 25. seqq.* Cæterum hoc delictum rarius videtur, cum non valde lucrosus sit *v. CARPZ. d. l. n. 23. 24.*

§. 17. Posterius, ut nempe falsum, sine crimine læsæ Majestatis, committatur, generaliter contingit, si, sub auspiciis ejus, qui jus cudendi monetam habet, nummi adulterentur, vel etiam jam cusi corumpantur. Fit igitur hoc (1.) si privati, in officinis monetaribus, pravam monetam cudant, quod malum sæpe experta est Germania (2.) si monetæ probæ, signum alienum imponatur (3.) si nummi cusi radantur, vel alia ratione eorum bonitas imminuatur. Quod crimen arbitrarie punitur *Ord. crim. art. III. v. CARPZ. d. l. n. 31. seqq.* in specie Status imperii, qui in officinis suis id fieri permittunt, amissione juris sui plectuntur *d. ord. art. III. in fin. v. Ord. monet. 1559. §. wir ordnen 170. R. J. 1551. §. so haben wir 46. R. J. 1570. §. als dann auch. 132. Capit. Leopold. art. 34.*

§. 18. Si quis monetam grandioreni reflaverit ac in fornacem conjectam resolverit, ut minorem efficiat, illum arbitrarie puniendum esse dicunt *v. CARPZ. d. l. n. 49. seqq.* Sed, re penitus expensa, distincte magis hic pronunciari potest, nam illa resolutio, in omnes falsi formas, §. 14. 15. 16. 17. notatas, incidere potest, hinc pœna ignis illa erit coercenda, si falsum, cum crimine læsæ Majestatis, sit conjunctum, & prava moneta causa *Ord. monet. 1559. §. wir ordnen 170.* si vero proba moneta cudatur, aut delictum Majestatis absit, arbitraria pœna locum habebit *Ord. crim. art. III. Ord. monet. 1559. §. hirauff setzen 161. R. J. 1566. §. was dan 167. R. J. 1570. §. und sonderlich 143.*

§. 19. Sic recte fortassis leges, diversimode loquentes, composueris, nec opuserit, ut cum *CARPZ. d. qu. 43. n. 51.* dicamus, pœnam ignis, utpote nimis rigorosam, non facile delinquentibus imponendam esse, nam pœna illa haut generalis est, si vero, ad casum suum, referatur, neque nimis rigorosa, neque infrequens videtur *add. OBSERV. LAUTERB. Obs. 1347. 1348.* Quod si moneta grandior resolvatur alium

alium in usum v. gr. ab aurifice, ut inde vasa argentea vel aurea conficiat, id, nisi abusus accedat, extra crimen esse videtur v. *Ord. monet. 1599. §. dergleichen 172.*

CAPUT IX. DE DELICTIS AMBIGUIS.

SUMMARIA.

Quo sensu delicta ambigua dicantur §. 1.

Eo refertur perjurium §. 2.

Quod jure civili etiam punitum §. 3.

Pœna ejus hodierna §. 4. 5. 6.

Perjurus quoque ad damnum refarciendum obligatur §. 7.

Ad delicta ambigua spectat alea usuraria pravitatis & illicita pignoratione vel entio §. 8.

Quæ exemplis illustratur §. 9. 10. 11.

Improba mendicitas §. 12.

Delictum circulatorum §. 13.

Crimen repetundarum §. 14.

Ejus subjectum §. 15.

Objectum §. 16.

Et effectus §. 17. 18. 19.

Quoad usum hodiernum §. 20.

§. 1.

Delicta ambigua vocamus, quorum moralitas non semper satis est evidens, dum scilicet idem actus, aliquando indifferens & licitus est, aliquando vero, mutatis circumstantiis, quarum tamen adjudicatio non usque adeo liquida est, in delictum incidit. Quod si aliquis ea dicere velit *innominata*, vel alium titulum magis aptum iis applicare, haud equidem refragabimur. *vid. CARP. p. 3. qu. 134. n. 1.* Neque etiam exactum illorum pollicemur catalogum, sed præsens Caput nonnullis exemplis illustrasse, nobis sufficiet.

§. 2. In hunc censum ergo poterit referri (1.) *Perjurium*, quod quamvis in Deum committatur, adeoque alio referendum videatur, attamen, ad decipiendos homines illud etiam pertinere, manifestum est, hinc non incongrue delictis, res aliorum concernentibus, idem annumerabitur. Ejus indolem jam exposui, imo pœnam quoque attigi l. 2. c. 14. §. 21. *seqq.* ex qua doctrina liquet, perjurium ambiguae omnino indolis esse, adeo ut sæpe delictum hoc homines lateat, ac effectum veri juramenti habeat: In genere tamen perjurium, quod juramento promissorio opponitur, facilius detegi posse videtur, quam quod assertorii locum subit.

§. 3. Sed ut explicatius nonnihil, de effectu perjurii, agamus, illud quidem hodie anxie inquirendum non est, utrum perjurium, delictum privatum, an extraordinarium vel publicum sit, de quo alias disputari solet *v. MATH. de crim. l. 47. tit. ult. c. 1. n. 1.* Illud certum, quod de jure etiam civili varie punitum sit *v. l. 13. §. fin. de jurejur. l. 22. de dol. l. fin. Stellation. l. 41. C. de transact. l. 13. C. de testib. l. pen. C. de dign. quod frustra negat CARPZ. p. 1. qu. 46. n. 3. seqq. per l. 2. C. de reb. cred. nam nec omnis pœna ibi negatur, & si hoc fieret, ex rescripto speciali, doctrina generalis non recte conficitur *add. l. 2. C. ad L. Jul. maj. MATH. d. n. 1.**

§. 4. Hodie perjurium arbitrarie punitur CARPZ. *d. l. n. 40. seqq.* Si tamen, ex falso testimonio, innocens capitali pœna fuerit affectus, perjurus talione punitur *Ord. crim. art. 107.* Ei vero qui, lucri consequendi gratia, in judicio, pejeravit, duo digiti amputantur *d. art. 107.* quæ pœna etiam manet eum, qui urphedam fregit *art. 108. CARPZ. d. l. n. 52.* sed ista mutilatio, in genere, cum sine pœnarum, satis conciliari nequit.

§. 5. In Electoratu Saxonix, relegatus, qui prima vice, contra fidem jurato datam, revertitur, amputatione duorum digitorum punitur, repetita relegatione priori. Cessat tamen illa pœna, si quis absque sententia Jctorum relegatus fuerit, vel si reversus digitis amputandis jam sit privatus, aut si nunquam ditione excesserit (quæ exceptio tamen solida ratione non nititur) vel reversum aliqua causa excuset. Quod si, excepta hac pœna, secunda vice redeat, fustigatus in perpetuum relegatur. Fustigatum vero & denuo reversum pœna gladii manet *C. Elect. 48. p. 4. CARPZ. p. 1. qu. 47.*

§. 6. Ut tamen perjurii pœna, qualiscunque etiam sit, locum habeat, requiritur, ut perjurium revera sit commissum. Hinc ille immunis est à pœna qui id, quod invalide vel etiam illicitè promissit, non servat; Hæres quoque, qui fidem defuncti juratam non implet, pœnæ illi non subjacet, nam saltem perfidus, non perjurus est, quæ duo dum non distingvit, multa, hanc in rem, otiose disputat *MATH. d. tit. fin. c. 1. n. 3.* E contrario, qui per falsam religionem pejerant, perjurii pœna recte coercentur *conf. MATH. d. l.*

§. 7. Illud quæritur, an perjurus quoque ad damnum refarciendum

dum sit obligatus? Quod licet neget MATH. d. l. n. 2. rectius tamen id affirmatur, cum nulla appareat ratio, quare, à communi obligatione naturali, perjurus sit excipiendus v. l. 13. C. de test. l. fin. C. de reb. cred. Ord. crim. art. 107. Duplex tamen est exceptio (1.) si læsus in damnum consenserit, id quod fieri censetur in juramento delato l. 1. C. de reb. cred. l. 5. §. 2. l. 9. pr. de jurejur. l. 21. de dol. quæ tamen explicatio satis contorta est (2.) si perjurus damnum non dederit, sic ab eo qui urphedam violavit, damni restitutio non exigitur.

§. 8. Porro huc pertinet (II.) *Alca seu ludus prohibitus*, de quo, pro instituti ratione, jam satis dictum l. 4. c. 15. §. 7. seqq. conf. MATH. l. 47. tit. ult. c. 6. n. 3. 4. (III.) *Usuraria pravitas*, cujus pœna itidem jam exhibita est l. 4. c. 21. §. 28. Illa autem quæstio difficilis, quæque omnium ingenia exercuerit, referente MATH. d. l. n. 1. utrum scilicet *usuraria pravitas delictis extraordinariis sit accensenda?* ad otiosas hodie pertinet (IV.) *illicita pignervatio vel emtio*, qua scilicet crimen contrahitur.

§. 9. Ex eogenere est (1.) *improbitas creditorum, quæ liberos pignori accipiunt*, quæ amissione crediti, & relegatione, similive pœna coercetur l. fin. ff. l. 6. C. quæ res pign. oblig. Nov. 134. c. 7. filius tamen sangvinolentus, in casu necessitatis, & vendi & oppignorari potest l. 1. 2. C. de patr. qui fil. distrax. Hodie illarum sanctionum exiguus est usus cum servitutes præsupponant (2.) *factum eorum, qui servos aratores, aut boves aratorios, aut instrumentum aratorum, pignoris causa, de possessionibus abstrahunt*, quod extraordinarie punitur l. 7. C. quæ res pign. oblig. modo suppetant aliæ res, ex quibus debitum solvi queat v. l. 40. de re jud. l. 4. C. de execut. rei jud.

§. 10. Eo etiam spectant (3.) *Repressalie sive Clarigationes*, quibus, pro debito vel maleficio alterius, alius capitur ac detinetur. L. un. C. ut null. ex vican. quæ quadruplo, crediti amissione Nov. 52. c. 1. & exilio multantur Nov. 134. c. 4. Sed illa ad subditos unius Reipublicæ pertinent, nec fortassis hodie, stricte servantur. Inter diversas vero gentes vel civitates, Repressaliæ, ob denegatam justitiam, recte exercentur, etli ambitio hic modum sæpe excedat conf. SPEC. JUR. PUBLIC. l. 3. c. 8. §. 38. seqq.

§. 11. Huc referenda (4.) *emtio purpure, serici & canonis militaris*, quæ privatis interdicta est, ac graviter punitur li. seqq. C. quæ res ven. non poss.

poss.

poss. conf. l. 1. seqq. C. de vest. bolob. l. 4. fin. C. de commer. & mercat. Nov. Leon. 80. sed hodie illa res usum non habet (5.) *emtio à medico extorta*, quæ arbitrarie coercetur *l. 3. de extraord. cognit. (6.) monopolia alique contractus mercatorum vel opificum*, ad alios pecunia emungendos initi, quæ exilio aliaque pœna pecuniaria puniuntur *l. un. C. de monop. adeo ut nec rescriptum Principis delinquentes excuset l. ult. C. si contr. jus vel utilit. publ. v. MATH. l. 47. tit. ult. c. 5.* quod ultimum tamen hodie vix observatur.

§. 12. Ad delicta ambigua quoque pertinet (V.) *improba mendicitas* mendicos, qui vulnera simulant, vel falsis literis utuntur, falsum committere, *cap. pr. ec. §. 5. 8. admonitum est*, iis tamen sepositis, ipsa mendicitas improba, delictum quoque est, ex quo quidem obligatio ad damnum restituendum non oritur, vel illa saltem, in vita civili, effectum non habet, pœna tamen delinquentibus merito imponitur. Jure Romano, servitus vel exilium mendicos ejusmodi manet *l. un. C. de mendic. valid. Nov. 80. c. 5.* nec, in aliis Rebus publicis, pœnæ plane cessant *v. MATH. d. tit. ult. c. 3.* In multis tamen Germaniæ ditionibus, impune mendicitas exercetur, quod morbum Reipublicæ, ac disciplinæ civilis defectum arguit.

§. 13. In hunc censum referendum (VI.) *Delictum circulatorum*, qui animalia noxia circumferunt, iisque damnum dant *l. fin. de extraord. crim.* quibus proximi sunt, qui leves hominum mentes, superstitione Numinis terrent *l. 30. de pœn.* ut & circumforanei, qui nulla mendendi arte instructi, tunicato popello, pharmaca, characteres, susurros, ad depellendos hominum pecudumque morbos, aut averterendam à fegete ventorum grandinumque lapidationem, vendunt *v. l. 1. §. 3. de extraord. cognit.* Hi omnes & damnum merito resarcire debent, ac insuper recte puniuntur *v. l. 8. ad L. aquil. l. 42. de edil. edict. MATH. l. 47. tit. 5. c. 4.*

§. 14. Forte etiam non male huic classi adscribitur (VII.) *crimen repetundarum*, quod committunt Magistratus aliiq in munere publico constituti, dum aliquid accipiunt, quo magis aut minus officium faciant *l. 1. 3. 4. 6. §. 2. ad L. Jul. repet.* Nomen *repetundarum*, scilicet pecuniarum, non tam ad ipsum crimen, quam criminationem potius, sive ejus accusationem pertinet *l. 9. cod.* Barbare solet dici *Barrataria*

v. THEODOR. *Colleg. crim. c. 9.* de cetero hoc delictum ipso etiam jure naturali prohibetur, quod leges positivæ confirmant, addita sanctione poenali v. OBSERV. LAUTERB. *Obs. 1349. seqq.*

§. 15. Prohibentur aliquid accipere ii, qui in Officio aliquo constituti sunt l. 1. ff. l. fin. C. ad L. Jul. repet. quo magis aut minus officium faciant l. 4. ff. eod. quæ prohibitio ad dantes quoque est extensa d. l. fin. C. d. 1. A cognatis tamen usque ad sextum gradum, vel ab uxore muneris simpliciter l. 1. §. 1. eod. ab extraneis vero, quotannis usque ad centum aureos l. 6. §. 2. eod. nec non Xenia, i. e. esculenta & potulenta, licite accipi posse existimantur l. 6. §. 3. de offic. Procons. l. 18. de offic. pref. v. MATH. de crim. l. 48. tit. 8. c. 1. n. 9. 10. Sed verius videtur, quod ea saltem accipi possint, quatenus, sine consideratione muneris, benevolentiae vel honoris causa, donantur, si vero, officii intuitu, ea offerantur, tum illorum acceptio quoque in crimen incidit v. CARPZ. p. 2. qu. 93. n. 61.

§. 16. Illud nihil refert, si ve aliquid datum, si ve promissum sit, l. 1. C. ad L. Jul. repet. l. 1. §. 1. & auth. seqq. C. de poen. jud. qui mal. jud. nec interest, utrum titulo donationis, an venditionis vel locationis, aliquid sit præstitum l. 8. §. 1. ad L. Jul. repet. Perinde quoque est, si ve præstetur aliquid quo minus, si ve quo magis quis officium faciat, nam in hoc etiam turpitudine est l. 4. eod. l. 2. §. 2. de condit. ob turp. caus. l. 1. C. de poen. jud. qui mal. jud. Tenetur quoque magistratus ex acceptione minorum suorum d. l. 1. C. de poen. jud. Denique nec, post præstitum officium, remunerationis causa, quid accipere licet l. fin. C. ad L. Jul. repet. v. MATH. de crim. l. 78. tit. 8. n. 6. seqq.

§. 17. Si Judex, accepta pecunia, male judicavit, sententia est ipso jure nulla l. 7. C. quamd. provoc. non est nec. ac judex parti læsæ, ad solidam litis æstimationem tenetur l. 15. §. 1. de judic. l. fin. C. de poen. jud. qui mal. judic. Res etiam data, sit vitiosa, nec potest usucapi, antequam in potestatem dantis redierit l. 8. ad L. Jul. repet. Poenam quod attinet, dantes causa cadunt, nisi delictum mox confessi sint l. 1. & auth. seqq. C. de poen. jud. qui mal. judic. præterea quadruplo coercentur l. fin. ad L. Jul. repet. sed & hæc poena, mox confessis, novo jure remittenda videtur per d. auth. novo jure C. de poen. jud. qui.

§. 18. Judices vero alique, in munere publico, constitui, ob turpem acceptionem, quadruplum præstare debent l. 1. ff. l. fin. C. ad L. Jul.

Jul. repet. quod ab hæredibus etiam exigitur *l. 2. ff. l. 2. C. ad L. Jul. re-
pet. l. 20. de accus. l. fin. ad L. Jul. pecul.* cedit vero illud quadruplum
fisco, si sponte datum sit, si vero iudex id extorsit, tum dimidium fisco,
dimidium danti acquiritur *l. fin. C. ad L. Jul. repet. l. 3. C. de assessor. vid.
MATH. d. tit. 8. c. 2. n. 5. 6.* Novo jure quadruplum, in duplum vel tri-
plum videtur mutatum *auth. novo jure C. de pœn. jud. qui mal.* et si alii
quadruplum adhuc obtinere putent *MATH. d. n. 6.*

§. 19. Si gravior Magistratuum excessus subsit, pœna extraordi-
naria locum habet *l. 7. §. fin. ad L. Jul. repet. l. 38. §. 10. de pœn. Nov. 8.
c. 8. §. 1.* quam plerumque sequebatur confiscatio bonorum *l. 20. de ac-
cusat. quæ tamen per Nov. 134. c. fin. sublata est v. MATH. d. tit. 8. c. 2.
n. 1. seqq.* Quia etiam turpem acceptionem sæpe alia crimina vel
comitantur, vel consequuntur, hinc aliæ pœnæ quandoque etiam con-
currunt, ut legis Corneliæ de sicariis *l. 7. §. 3. ad L. Jul. repet. l. 1. pr.
l. 3. §. 4. ad L. Cornel. de sicar. de falsis l. 1. §. 2. 3. ad Jul. repet. l. 1. pr.* Le-
gis Juliæ de vi publica vel privata *l. 7. ad L. Jul. de vi publ. l. 6. de vi
priv. v. MATH. d. tit. 8. c. 2. n. 6.*

§. 20. Quid hodie obtineat, dictu fortassis non adeo expeditum
est, cum acceptio munerum, fere extra crimen esse reputetur *v. MATH.
d. l. c. 3.* Mihi interim ita videtur: Magistratum turpiter accipien-
tem, tam ad rei restitutionem, quam damnum, quod dedit, resarcien-
dum, teneri, actam ipsum, quam ejus corruptores, arbitrarie esse pu-
niendos *v. CARPZ. p. 2. qu. 93. n. 52. seqq.* Sententia quoque erit nul-
la, sed ut hoc casu male judicans litis æstimationem præstet, id haud
observari arbitror *v. OBSERV. LAUTERB. Obs. 1497.*

CAPUT X.

DE RECEPTIONE DELIN-
QUENTIUM.

SUMMARIA.

Receptatio delinquentium diversos habet gradus
§. 1.
Ejus omnes doli capaces possunt rei fieri §. 2.
Pœna receptoris, qui socius est criminis prin-
cipalis §. 3.

Et qui ab hoc immunis §. 4.
Scientia delicti ad quid obliget §. 5. 6.
Cognatis de scientia delicti suspectis purgato-
rium deferri potest §. 7. 8.
Ultero tamen cognatum indicare non tenentur §. 9

§. 1.



Hec non quidem unice, tamen eximie, ad delicta, in res aliorum directa, pertinet, hinc non incongrue generaliter hoc loco poterit considerari. *Receptatio delinquentium*, est *delictum*, quo quis sciens delinquentes recipit, occultat aut retinendos dimittit *vid. l. 1. de receptat.* Ejus triplex fere gradus datur: *Summus* est, si receptator facinorosorum, delicta continuantium, sit socius, *proximus* ab hoc, si quis recipiat, quos maleficia continuaturos esse novit, *infimus*, si quis occultet eum, qui ob delictum commissum, nec amplius continuandum, pœnæ declinandæ causa, latitat.

§. 2. Delicti hujus omnes possunt fieri rei, qui doli sunt capaces, etiam caupones, quos tamen vitæ genus & ignorantia sæpe excusant *v. MATH. de crim. l. 47. tit. 10. c. 1. n. 1. 2.* Cognati quoque affines & conjuges delicto hoc se polluere possunt, quibus tamen, si criminis principalis focii non sint, pœna vel mitigatur, vel plane remittitur *vid. l. 39. §. 4. de adult. l. 10. C. ad L. fab. de plagiar. MATH. d. l. n. 3.* Illud in genere etiam nihil refert, si quis publicorum, siue privatorum delictorum reos receperit *l. 48. §. 1. de furt. l. 3. §. 3. de incend. ruin. l. 3. §. 3. de abig. rubr. C. de his qui latron. MATH. d. l. n. 4.* id quod, juxta rationem & mores nostros, indubium est *add. OBSERV. LAUTERB. Observ. 1264.*

§. 3. Quoad pœnam distinguendum est, utrum *receptator criminis principalis sit socius*, an *ab eo immunis*. Illo casu, eadem pœna afficitur, qua receptus *l. 1. de recept. l. 1. de his qui latron. l. 3. §. 12. de Scit. filan. l. 3. §. 3. de incend. ruin. l. 9. C. ad L. Jul. de vi l. un. C. de crim. pecul. nec excusabit recipientem cognatio similisve nexus arctior, quo recepto obstringitur *v. MATH. d. c. 1. n. 4. in fin.* Erit tamen nihilominus observandus gradus, quo nonnunquam eadem delicta, quoad diversas personas, distinguuntur, hinc receptatores furum, qui partem ex rebus furtivis acceperunt, adeoque ejusdem delicti focii sunt, arbitrarie saltem puniuntur *v. CARPZ. p. 2. qu. 87. n. 49. seqq.**

§. 4. Hoc, siue secundo casu, pœna arbitraria locum habet *l. 1. in fin. C. de his qui latron. l. fin. de abig. junct. l. 1. pr. cod. l. 39. §. 4. ad L. Jul. de adult. l. 40. de pœn. l. 13. de offic. pref. CARPZ. p. 3. qu. 134.*

n. 37. *seqq.* quæ, quoad cognatos affines & conjuges, mitiganda l. 2. de *receptat.* CARPZ. d. l. n. 48. *seqq.* imo quandoque plane remittenda est v. MATH. d. tit. 10. c. 1. n. 3. quod etiam dicendum quoad eum, qui pœnitentia ductus, receptum exhibuit, mutata enim voluntas non tantum delictum successivum minuit, sed & totum fere excludit. Is tamen qui perduellum recipit, ejusdem criminis reus fieri, adeoque eadem pœna plectendus videtur v. MATH. d. tit. 10. c. 2. quamvis nec hoc ita simpliciter obtineat.

§. 5. Illud hac occasione quæri solet, *an scientia delicti, aliquem obliget, ad illud indicandum, & an, ob omissionem ejus revelationem, quis puniri queat?* quæ quæstio non ex textibus juris civilis & Canonici, sed principiis juris divini decidenda est. Debet autem distingui inter delicta *committenda* & *commissa*; ad illa indicanda quis ex regulis socialitatis obligatur, est tamen obligatio illa, non adeo adstricta, nec semper se exferit, hinc etiam ejus neglectus, in foro civili raro punitur v. OBSERV. LAUTERB. *Obs.* 1267. Aliud dicendum, si quis delictum non tantum sciat, sed & impedire possit, tum enim, si hoc neglexerit, arbitraria pœna merito afficitur, maxime si, ad contegendum scelus commissum, operam contulerit v. CARPZ. p. 3. qu. 134. n. 63. *seqq.*

§. 6. Ad delicta commissâ, quo puniuntur, indicanda, nemo jure divino, regulariter obligari videtur, neque enim hoc præcise pœnas imponi jubet, hinc etiam tacens, in foro humano, non punitur CARPZ. d. l. n. 56. *seqq.* Subest tamen obligatio (1.) si quis à Magistratu eo nomine interrogetur, cum enim ille habeat jus puniendi, in subditis obligatio quoque erit asserenda, vi cujus Magistratui percunctanti indicare delicta debeant (2.) in delictis atrocioribus; utriusque obligationis neglectus, in foro civili, arbitrarie puniri solet v. CARPZ. d. l. n. 66. *seqq.* (3.) quoad effectum damni restituendi; sed hujus obligationis violatio vix in vita civili vindicatur. Denique (4.) ille etiam punitur, qui non tantum delictum reticuit, sed & ejus particeps fuit CARPZ. d. l. n. 60. *seqq.*

§. 7. Ex his etiam explicanda quæstio, *an à cognatis, contra quos est præsumptio scientiæ, ratione cognatorum latitantium, juramentum purgatorium possit exigi?* Negat quidem hoc CARPZ. d. l. n. 52. *seqq.* ac LAUTERB. C. J. de *recept.* sed rectius id affirmatur, licet enim, pro
hac

hac sententia, validum argumentum ex *l. 35. de religiof.* desumi nequeat, attamen ex jure puniendi, quod Magistratui competit, illa probabilis redditur, hinc enim in subditis eatenus utrique responderet obligatio, ut, illo jubente, ad detegenda delicta, operam conferre debeant.

§. 8. Nec obest huic sententiæ *l. 6. C. de testib.* in qua parentes & liberi invicem adversus se, nec volentes ad testimonium admittendi esse perhibentur, nam pertinet illa lex, ad privatos, Imperanti autem, eique subordinatis Magistratibus, opponi nequit, ut taceam, illam sub perpetua limitatione, *modo veritas aliter haberi possit* esse intelligendam; hac deficiente, illa ingenere vim suam perdit. Multo minus obstat *l. 4. de Legib.* nam licet, de casibus rarioribus, speciales leges ferri non soleant, attamen rarissimi etiam, si eveniant, ex genuinis principiis sunt decidendi. Denique *metus perjurii* contrarium etiam non persuadet, ille enim nec certus, nec, quoad juramentum assertorium, deficientibus aliis eruendæ veritatis mediis, attendendus est, cum alias quodvis juramentum paulo modestum, prætextu perjurii, declinari queat.

§. 9. Aliud dicendum erit, si contra cognatos nulla sit præsumptio, tum enim, jure communi, à necessitate jurandi liberantur. Alia quoque est quæstio, an cognati ultro cognatum indicare debeant? quæ merito negatur, nam illa obligatio regulariter, quoad alios, cessat, ceu §. 6. ostensum, hinc affectui naturali, qui inter cognatos occurrit, hic aliquid multo magis indulgendum erit *v. CARPZ. d. l. n. 57. seqq. conf. OBSERV. LAUTERB. Obs. 1265.*

CAPUT XI. DE SOLUTIONIBUS.

SUMMARIÆ.

Transitus ad modos tollendi obligationes §. 1.

Inter quos primo occurrit solutio §. 2.

Quinam debitores eam peragant §. 3. 4.

Etiā tertius pro debitore recte solvit §. 5. 6.

Solutio fit creditoribus §. 7. 8.

Solvenda est res debitæ §. 9.

Tota §. 10.

In eadem qualitate & bonitate §. 11.

Debito tempore & loco §. 12.

Solutione tollitur obligatio principalis §. 13.

Et accessoria §. 14.

Solvēte fidejussore obligatio principalis ratione creditoris extinguitur §. 15. 16.

In quam causam solutio facta censeri debeat §.

17. 18. 19. 20. 21.

Solutio probanda est §. 22.

§. - 1.



Xpositis variis juribus & obligationibus personalibus, quæ, ex contractibus & delictis, intuitu rerum, dominio subjeotarum, oriuntur, non incongrue de modis, quibus illa tolluntur, instituetur tractatio. Jure Romano aliquando obligationes *ipso jure*, aliquando *ope exceptionis* solvi dicuntur, quod discrimen hodie nullius usus esse, jam dictum *l. 1. c. 8. §. 31.* Hinc, in recensendis modis, ejus nullam habebimus rationem.

§. 2. Primo loco merito collocatur *Solutio*, hæc vel refertur ad *solam obligationem tollendam*, hoc sensu, omnes reliquos tollendi modos comprehendit *l. 54. de solut. l. 176. de V. S.* vel simul ad *rem debitam*, juxta quam suppositionem, certa species est, *v. l. 49. seqq. de solut. l. 4. §. 3. de re judic.* & huc pertinet. Est ergo solutio, *naturalis rei debite præstatio, animo obligationem tollendi facta l. 55. de solut. l. 19. de R. C.* Occurrit ergo solutio circa omnis generis res debitas, sæpe tamen illa ad pecuniam numeratam refertur *v. OBSERV. LAUTERB. Obs. 1176.* Certo respectu, solutionis actus, etiam *Traditio* dicitur, quorum nominum usum ostendi *l. 2. c. 4. §. 35.*

§. 3. Præsupponit Solutio obligationem validam, ex contractu, delicto, vel sola æquitate oriundam, peragiturque consensu habilitantis & accipientis. Solvunt regulariter debitores, qui liberam rerum suarum habent administrationem vel immediate, vel mediate per procuratorem, mandato necessario instructum *v. l. 49. mand. l. 5. §. 3. de admin. tutor. l. 63. de procur. l. 9. §. 4. de A. R. D.* Pupilli igitur, minores, furiosi & prodigi solvere nequeunt *l. 14. §. fin. de solut.*

§. 4. Quod si de facto solvant, dominium rei datæ non transit, hinc si exister, vindicari potest, si vero bona fide consumpta sit, liberatio ex postfacto sequitur *l. 14. §. fin. de solut. l. 9. §. 2. de autor. tutor. si autem mala fide, tum actione ad exhibendum res repetitur v. l. 11. §. f. l. 19. §. 1. de R. C. l. 14. §. f. l. 55. de solut.* Videtur tamen repetitio rei, ve extantis vel consumptæ, non aliter pupillo tribuenda esse, quam si ejus inter sit, nam alias cui bono res, mox reddenda, repetitur? Si res soluta perierit, damnum est creditoris *v. l. 14. C. de procur.* Cum tutore, vel etiam per hunc solum, pupillus recte solvit

M m m

l. 14.

l. 14. §. fin. de solut. & potest tutor sibi ipsi solvere l. 9. §. 5. 7. de admin. tutor.

§. 5. Aliquando tertius pro debitore solvit *l. 5. 17. C. de solut.* quo casu iridem liberatio contingit *l. 44. de condict. indeb.* quod secus est, si quis id, quod alius debet, suo nomine, per errorem solverit, hoc enim repetitur *l. 19. §. 1. l. 65. §. 9. de condict. indeb.* Primo autem casu nihil interest, quoad creditorem accipientem, si quis pro sciente, ignorante vel invito solvat, nam omni casu debitor liberatur *l. 23. 40. 53. de solut. l. 39. de N. G.*

§. 6. Neque obstat ultimo membro regula, quod invito non detur beneficium *l. 69. de R. J.* nam actus solutionis, creditorem & debitorem respicit, ille invitus non est, nec beneficium, sed debitum acceptat, quod tollendæ obligationi sufficit, quod si autem hic, ne quidem ex postfacto beneficium amplecti velit, poterit ultro, quod olim debebat, antiquo creditori solvere. Quoad solventem autem & debitorem, antea memorata diversitas observanda est, qui enim pro sciente solvit, actione mandati *l. 6. §. 2. l. 28. mand.* qui pro ignorante, actione negotiorum gestorum, ab eo, solum repetit *l. 20. §. 1. mand.* qui pro invito, nullam habet actionem *l. 40. mand. l. f. C. de N. G.*

§. 7. Solvitur creditoribus, vel qui eos repræsentant, ut tutoribus *l. 49. de solut. l. 46. §. 5. 7. de admin. tutor. & procuratoribus, generalibus & specialibus l. 11. 12. l. 34. §. 3. de solut.* non etiam ad litem datis *l. 86. cod. l. 13. de pact. illi, cui jus cessum est, dubio procul recte solvitur l. 55. de procur. l. 3. C. de novat.* Tertio autem, creditoris consensu destituito §. 10. *J. mand. l. 11. de R. J.* adeoque in specie falso procuratori non potest solvi *l. 34. §. 4. l. 49. ff. l. 12. C. de solut.* nisi ratihabitio domini accesserit *l. 12. §. f. l. 49. de solut.* Creditoris quoque creditori tuto solvitur *d. l. 49. de solut. l. 6. de dol. except.* quemadmodum etiam debitor securus est, si ob justam ignorantiam falso procuratori solverit *l. 12. §. 2. l. 38. §. 1. de solut. v. OBSERV. LAUTERB. Obs. 1177.*

§. 8. Requiritur vero in creditoribus, qui solutionem acceptant, libera rerum suarum administratio, hinc soli pupillo similibusque personis tuto non solvitur *l. 15. de solut.* si tamen rem salvam habeant, denuo agentibus, exceptio doli merito objicitur *l. 15. l. 47. pr. §. 1. de solut.* Quod si debitum majoris momenti sit, tum neque pupil-

pupillo cum tutoris autoritate, neque huic soli, illud secure solvi potest, sed requiritur, ut iudicis decreto solutio permittatur. Hoc neglecto, debitor ipso jure non liberatur, sed denuo solvere cogitur, nisi pecunia salva sit *l. 25. C. de admin. tutor. §. 2. J. quib. alien. lic. v. CARPZ. p. 2. C. 11. D. 5. 46. LAUTERB. C. J. de solut. lit. P. OBSERV. LAUTERB. Obs. 1178.*

§. 9. Solvenda est res debita *l. 16. C. de solut.* quod ex natura obligationis, ultro intelligitur. Quod si vero præstari nequeat, æstimatio ejus solvenda est *v. l. 8. de condiç. furt. l. 71. §. 3. de Legat. 1. auth. hoc nisi C. de solut.* ob inopiam quoque debitoris, aliquando aliæ res in solutum accipiendæ *v. l. 24. C. de solut. R. J. 1654. §. 50. vel nun 172. Decis. Saxon. 64.* In obligationibus etiam faciendi, non factum, sed interesse præstandum esse existimatur *l. 13. de re jud.* sed, id dubium, & hodie non observandum esse, admonui *l. 2. C. 4. §. 34.* Denique, volenti creditori aliam rem posse solvi, dubio caret *l. 17. C. de solut. pr. J. quib. mod. toll. oblig.*

§. 10. Ex eodem principio intelligitur, quod res tota sit solvenda *l. 9. de solut. l. 3. fam. ercisc. l. 41. §. 1. de usur. l. 4. §. 6. de statu lib.* nisi aliter conventum *l. 41. §. 1. de usur.* aut pars sit contentiosa *v. l. 21. de R. C. vel inopia debitoris solutionem dividi jubeat R. J. 1654. §. 172. v. CARPZ. p. 2. C. 28. D. 13. LAUTERB. C. J. de solut. lit. O.* Debet etiam, ex titulis dominii translativis, solvi res, non vere sed præsumtive propria *v. l. 17. 46. 60. 94. pr. §. seqq. de solut. l. 19. §. 1. de R. C. in obligationibus alternativis, debitoris est electio l. 10. §. 6. de jur. dot. l. 138. §. 1. de V. O. l. 34. §. 6. de C. E. V. l. 10. C. de condiç. indeb. altera tamen re sublata, superstes solvi debet si illa facto debitoris perierit, si vero casu, manet electio *l. 95. §. 1. de solut. l. 47. §. 3. de Legat. 1.**

§. 11. Res fungibiles functionem quidem admittunt *l. 2. de R. C.* debent tamen præstari in eadem qualitate & bonitate, qua fuerunt tempore contractus *l. 3. de R. C. l. 69. de C. E. V. v. l. 4. c. 8. §. 14. 15.* In nummis, seposita conventionem, etiam genus & forma attendi debet, ceu admonitum *l. 3. C. 10. §. 26. seqq.* Sed vulgo, pecuniam, etiam in alio nummorum genere, solvi posse, existimant, quia idem valor ubique effici potest *v. l. 65. §. 1. de V. O. l. 1. pr. de C. E. V. l. 19. de condiç. indeb.* quæ tamen ratio non satis valida est *v. OBSERV. LAUTERB.*

Obs. 180. hinc etiam sententiam illam limitant, modo creditor, solutio aliorum nummorum, non laedatur *v. l. 99. de solut. Ord. monet. 1559. §. diese ietzgemeldten 11. SCHULZ. de obl. & obfig. pecun. c. 4. n. 18. p. 255.*

§. 12. Facienda est solutio debito tempore *l. 39. de solut.* in puro igitur debito, statim *l. 105. cod. l. 33. de usur.* in debito in diem, hoc elapso §. 25. *J. de inutil. stip.* potest tamen debitor etiam ante diem solvere *l. 70. de solut. CARPZ. p. 2. C. 28. D. 11.* nisi dies creditoris gratia adjectus sit *v. l. 15. de ann. legat. CARPZ. d. l. D. 12. RICHTER. p. 2. Dec. 73. n. 1. seqq.* quod si solutio arbitrio debitoris sit relicta, eo mortuo debitum exigere potest *l. 4. locat. CARPZ. d. 18. BERLICH. p. 2. Dec. 193.* Solvenda quoque res est loco convenienti *l. 9. de eo quod cert. loc. l. 122. de V. O. l. 38. de judic. l. 8. C. de solut. LAUT. C. J. de solut. lit. Q.*

§. 13. Solutione facta, in accipientem illud jus transfertur, quod intentio tituli præcedentis exigit, & natura objecti permittit *v. l. 46. de usurpat. solventis autem obligatio tollitur l. 38. §. 1. l. 95. §. 4. de solut. l. 34. §. 1. de O. & A. & nihil hodie interest, si ipso jure, sive ope exceptionis, id fieri dicas v. OBSERV. LAUTERB. Obs. 1181.* chirographum igitur solventi est restituendum *l. fin. C. de solut. & Creditor, si agat, exceptione solutionis repellitur, quæ etiam, si evidens sit, ante litem contestatam potest objici CARPZ. p. 1. C. 3. D. 15. 16.*

§. 14. Tollitur vero non tantum obligatio principalis, sed & accessoria *l. 43. de solut.* sive principalis debitor, sive fidejussor solvat *pr. J. quib. mod. toll. oblig. v. l. 28. mand.* nam objecto, quod utraque obligatio respiciebat, sublato, neutra amplius subsistere potest. Fidejussore tamen solvente, principalis obligatio, tollitur saltem ratione Creditoris, qui nihil amplius exigere potest, non vero simpliciter, nam in fidejussorem, jus agendi contra debitorem, transit, postea adeo clarius forte dici: *solutione fidejussoris, obligationem accessoriam tolli, sed, quoad principalem, saltem mutari creditorem, v. l. 4. c. 16. §. 15.* quo tendit sine dubio doctrina *CARPZ. p. 2. C. 17. D. 16. n. 13.* qui tamen non satis circumspicte loquitur.

§. 15. Verissimum igitur est, quod solutione fidejussoris, obligatio etiam principalis, sed saltem ratione creditoris, extingvatur. Cui sententiæ haud obest ratio in *l. 38. §. 2. de solut.* proposita, quod ille posses-

(possessor hæreditatis) *suo nomine indebitam pecuniam dando, repetitionem ejus haberet*, nam, illam non quadrare ad fidejussorem, manifestum est, hic enim non *suo nomine indebitam pecuniam* dat, sed *creditori debitam, suo potius & debitoris nomine*, solvit, hinc uti à creditore nihil repetit, ita hic, vice versa, à neutro amplius quid exigere potest, sed, ejus intuitu, obligatio utraque est sublata.

§. 16. Illud etiam non obstat, quod, inter creditorem & ad promissores facta confusione, reus non liberetur *l. 43. de solut.* nam dispar ratio est solutionis & confusionis, illa objectum utriusque obligationis, intuitu creditoris, tollit, adeoque utramque necessario perimit, hæc vero, manente objecto, seu redebita, creditoris & debitoris personam, quoad obligationem accessoriam, saltem confundit, hinc hæc quidem, ob subjecti mutationem, necessario expirat, sed obligatio principalis manet salva, cum neque in objecto, neque subjecto, ejus intuitu, aliqua mutatio accidat.

§. 17. Qui ex pluribus causis debet, si solvat, dicere potest, quod debitum voluerit solum, si nihil dicat, in arbitrio accipientis erit, cui potius debito acceptum ferat, qui tamen ex affectu debitoris, & æquitate, hoc definire debet *l. 1. seqq. de solut.* si à neutra parte quid dictum sit, ante omnia censentur esse solutæ usuræ *l. 5. §. fin. ff. l. 1. C. de solut.* in debitis principalibus, potior habetur causa ejus pecuniæ, quæ sub infamia deberetur, mox ejusquæ pœnam continet, tertio, quæ sub hypotheca vel pignore contracta est, postea potior habetur causa propria, quam aliena, si nihil eorum interveniat, vetustior contractus antea solvetur *l. 97. de solut. v. H. PISTOR. l. 3. qu. 21. CARPZ. p. 2. C. 29. D. 16. 17.*

§. 18. Sed, nisi fallor, pleraque illa in otiosas speculationes resolvî, vel non satis æqua videntur, nam non facile, in vita civili, solutio fiet, quin simul exprimatur, in quam causam pecunia sit imputanda, deinde, si contradictio inter debitorem & creditorem, eo nomine, existat, ea durante, nihil agetur, dum vel debitor non solvet, vel creditor non acceptabit in eam causam, quæ displicet *l. 2. de solut.* hinc mutuo tandem consensu, res ista erit expedienda: Denique si nihil dictum sit, ordo designatus sæpe nullum habet effectum, quid enim v. gr. interest, si ve ex causa famosa, si ve non famosa, prius solu-

tum dicas? aut siue prius, debitum simplex, siue sub hypotheca contractum, dissolutum pures, cum ob illud etiam pignus retineri queat? Tandem non semper æquum est, ut potius antiquum, quam novum, sub pignore contractum, quam nudum, solutum dicamus, ceu ex mox dicendis apparebit.

§. 19. Quamobrem putem, ex conventionem partium, hanc rem primo esse dijudicandam, huic enim, si valida sit, omnino standum erit, hac deficiente, id ratio facile suggerit, solutionem non posse dici factam, in debitum invalidum & inefficax, siue ratione debitoris, siue aliorum creditorum, tale sit, hinc creditor solutum non potest imputare in eam causam, cujus conditio vel dies nondum exitit *l. 3. de solut.* vel, in Saxonia, solutio non erit referenda in usuras, orto Creditorum concursu, cum usuræ nequeant exigi, antequam omnium creditorum fors sit soluta *CARPZ. p. 2. C. 29. D. 17.*

§. 20. Quodsi autem, omnia debita vera & præsentia sint, tum sæpe perinde est, in quam causam solutum dicas, sic ubi par dierum & contractuum causa est, nihil sane interesse videtur, siue in unam earum, siue ex omnibus summis, pro portione, solutum existimes *l. 8. de solut.* de iis ergo disquirere, otiosum fuerit. Si autem aliqua subsit diversitas, tum ita solutionem intellegendam putem, ut, tam debitori, quam creditori, jus suum defendere, integrum sit. Hinc si debitor sine, & cum pœna debeat, ei fas erit in hanc causam, solutionem imputare, quod etiam traditum est in *l. 4. 97. de solut.* nam absolute ad pœnam non fuit obligatus, cur ergo hoc ei urgere non liceat?

§. 21. Porro si ex causa antiqua & nova debeat, ac post solutionem, indefinite factam, tempora præscriptionis, quoad illam, sint elapsa, creditore agente, videtur æquum, ut debitori facultas detur, solutum imputandi in causam posteriorem, ac, quoad priorem, exceptione præscriptionis, se defendendi, secus ac constitutum est in *l. 97. de solut.* nam creditor negligentæ suæ pœnam merito luit. E contrario si debitum nudum, & sub pignore contractum, simul adsint, non apparet ratio, cur, solutione simpliciter facta, creditor nudum debitum persequi, non vero pignori suo incumbere debeat, siue cum debitore, siue cum aliis creditoribus, ei certandum sit!

§. 22. Quo autem debitor, effectu solutionis fruatur, hanc probare

bare debet, est enim facti *l. fin. C. de solut. l. 7. §. fin. de curat. furios.* Probatur autem illa, consuetomodo, per apocham *l. 14. C. de solut.* per duos testes, *l. 12. de testib.* per iurjurandum *l. 12. C. de reb. cred.* vel etiam per conjecturas v. gr. si chirographum sit penes debitorem *l. 14. C. de solut.* vel cancellatum *k. 24. de probat. v. CARPZ. p. 2. C. 29. D. 12. LAUTERB. C. J. de solut. in fin.* Ita si quis trium cohærentium annorum apochas proferat, superiorum temporum debita solvisse præsumitur *l. 3. C. de apoch. public. v. STRYK in not. ad LAUTERB. de solut.* Interim non quævis probatio, in quovis processu, admittitur, de quo alibi dicendum.

CAPUT XII.

DE SOLUTIONE SUBSIDIARIA.

SUMMARIA.

Tergiversante creditore, res debita apud magistratum deponitur §. 1.

Debet illa prius creditori offerri §. 2.

Juxta indolem obligationis præcedentis §. 3.

Creditor recusans citatur ad videndum deponi §. 4.

Facta legitime depositione debitor liberatur §. 5.

Sed recepta pecunia obligatio restituitur §. 6.

Sola depositione dominium in creditorem non

transfertur §. 7.

Sed demum per hujus acceptance[m] §. 8.

Habet etiam hic contra judicem actionem depositi §. 9.

Oblationis nudæ diversitas §. 10.

Et effectus §. 11.

Deposito nuda quid operetur §. 12.

Inhibitio judicis cursum usurarum aliquando fit §. 13. 14.

§. 1.



Cedit aliquando, ut Creditor solutionem, legitime oblatam, acceptare detrectet, hoc casu communis ratio eo facile ducit, apud Magistratum rem esse deponendam, quem modum lex positiva, juxta dictamen æquitatis, specialius deinde determinat. Dicitur ille, *Oblatio Obsignatio & Depositio pecunie debite*, nec non

Depositum juris, forsitan evidentissima est denominatio *Solutionis Subsidiariæ*. Est autem rei debita naturalis præstatio, post *Solutionem Creditori legitime, sed frustra oblatam, Magistratui facta*.

§. 2. Cum ergo solutio Magistratui fiat in subsidium, dum Creditor eam admittere haud vult, hinc facile liquet, creditori, juxta consuetas regulas, solutionem antea esse offerendam, quam illa Magistratui

tui fieri queat. Offeritur igitur omnibus, quibus recte solvitur, etiam procuratori & adjecto, non vero pupillis, ac hodie fœminis, nisi cum tutorum & curatorum autoritate, accedente etiam aliquando Magistratus decreto *v. SCHULTZ de oblat. obfign. c. 2.* offerunt, qui recte solvunt, etiam tertius, consentiente vel ratihabente debitore SCHULTZ. *d. c. 2. n. 3.* non etiam invito, licet hoc asserat LAUTERB. *C. J. de acceptil.* debitori enim & creditori invitis, tertius nihil obtrudere potest, quo nomine oblatio, à solutione, quam Creditor acceptat, differt.

§. 3. Est porro offerenda res debita tota, in justa quantitate & qualitate, cum usuris, opportuno loco & tempore *l. 3. de R. C. l. 9. C. l. 39. ff. de solut. l. 41. §. 1. de usur.* adeo ut creditor aliquam recusandi causam non habeat. Aliquando tamen aliud pro alio, vel pars debiti offerri potest, secundum ea, quæ *cap. præc. §. 9. seqq.* diximus *v. SCHULTZ. d. tr. c. 3. 4. CARPZ. §. R. 99.* Inprimis requiritur, ut *realiter* res debita offeratur *l. 9. C. de solut. l. 19. C. de usur.* SCHULTZ. *d. c. 4. n. 2.* quod tamen non ita stricte accipiendum putamus, ut debitor creditorem cunctantem, cum pecunia, semper sequi debeat, hoc enim, in majoribus quantitatibus, nimis molestum fuerit, sed satis erit, si pecunia ad solvendum parata sit, hocque creditori denunciatur. Quo igitur illa omnia probari queant, testes adhiberi debent *l. 6. C. de usur. v. SCHULTZ. d. c. 4. n. 26.*

§. 4. Factam oblationem si non admittat Creditor, jure civili, res statim obfignari & deponi potuisse videtur *l. 6. 19. C. de usur.* Verum cum aliquas recusandi causas creditor habere queat, ideo æquitati est magis consentaneum, ut eo nomine, ad certum terminum citetur, id quod in foro Saxonico etiam observatur. Petit ergo debitor, ut judex suus, vel illius loci, in quo solutio est facienda *v. SCHULTZ. d. c. 4. n. 28.* creditorem citer, ad videndum obfignari & deponi pecuniam debitam. Quod si in termino compareat creditor, & vel pecuniam acceptet, vel justas recusandi causas afferat, depositio cessat vel differtur. Si neutrum horum faciat, vel etiam plane emanet, pecunia numeratur, obfignatur & apud judicem deponitur *CARPZ. §. R. 99. SCHULTZ. c. 4. n. 28. seqq.*

§. 5. Hoc facto, debitor, perinde ac si solvisset, liberatur, ac usuræ desinunt, fidejussores quoque & pignora relaxantur *l. 6. 19. C. de usur.*
SCHULTZ.

SCHULTZ. *d. tr. c. 5.* & periculum rei depositæ, ad creditorem pertinet IDEM *d. c. 5. n. 8.* De eo autem frustra hodie disputatur, an debitor liberetur ipso jure? v. SCHULTZ. *d. c. 5. n. 3. 4.* nam hoc solum spectandum est, utrum *res maneat penes judicem*, an *debitor eam repetat*, hoc enim ei omnino licet *l. 19. in fin. C. de usur.* judex quippe, velut depositarius, id impedire nequit, nec creditor, cum depositionem nondum acceptaverit.

§. 6. Primo casu, revera liber est debitor, ipso jure, an ope exceptionis, nihil refert; secundo vero, recidit in pristinam conditionem, ac, sublata liberationis causa, rem ipsam cum usuris, sine interruptione, debet. Pignora quoque sine dubio, in priorem causam redeunt, sed num etiam fidejussores? Putaverim esse distinguendum, utrum depositionem acceptaverint, nec ne, illo casu manebunt liberi *l. fin. de pact.* hoc vero, obligatio ipsorum continuabitur *l. 27. §. 3. de pact. v. OBSERV. LAUTERB. Obs. 58.*

§. 7. Illud quaeritur, an, facta depositione, dominium in creditorem, sit translatum? Sic putant aliqui v. CARPZ. 5. *Resp.* 100. n. 7. 11. sed rectius hoc negatur LAUTERB. *C. J. de acceptil.* nam si Dominium transiisset in Creditorem, debitor rem depositam repetere non posset, quod tamen ei licere *ex l. 19. in fin. C. de usur.* liquet. Ratio autem, negati creditoris domini, non ea est, quod *debitor rem deposuerit, depositum vero proprietatem deponentis non mutat* v. SCHULTZ. *d. c. 5. n. 4.* nam debitor simul *solvit & deponit*; sed potius ea, quod *creditor voluntatem debitoris nondum acceptaverit* v. *l. 55. de O. & A.*

§. 8. Haftenus igitur pecuniæ depositæ dominium penes debitorem, & ejus translatio in suspenso est, donec creditor depositionem acceptet, hoc facto ejus est dominium, nec opus est nova traditione, hæc enim judici jam facta est, hujus vero factum creditor nunc approbat. Vi igitur domini acquisiti rem extantem, tam à giudice quam quovis alio possessore vindicat, nec opus est, ut tricas de actione utili, hic inspergamus v. SCHULTZ. *d. c. 5. n. 9. seqq.* harum enim non tantum nulla est utilitas, sed à vera etiam cognitione illæ abducunt, dum adhuc aliquod debitoris dominium subesse putatur, quod tamen, post acceptance[m] creditoris, plane cessat.

§. 9. Præterea etiam datur creditori actio depositi, contra judi-

Nnn n

cem,

cem, ad rem depositam consequendam, v. SCHULZ. *d. c. 5. n. 11.* circa quam, fabula actionis utilis, merito hodie omittitur, nam, interveniente creditoris acceptatione, ipse censetur rem deposuisse, ac debitori nihil juris amplius circa eam comperit, de quo, juxta æquitatem & mores nostros, nullum plane est dubium. De cætero actio depositi, ad consuetos effectus, contra judicem instituitur, id quod late persequitur SCHULZ. *d. l.* sed ea res magis ad communem, quam hunc locum pertinet *add. Dn. RIVIN. ad O. P. S. tit. 41. enunc. 5.* Illud certum, quod creditor, si suum à judice non consequatur, adversus debitorem nullum habeat regressum, impuret enim sibi, quod oblatam ab hoc pecuniam, non acceptaverit *vid. SCHULZ. d. c. 5. n. 4. in fin.*

§. 10. Aliquando res debita saltem offertur, non vero deponitur, ubi adeo de effectu oblationis quæritur. Est illa oblatio vel *verbalis*, quæ verbis & denunciatione peragitur, vel *realis* qua res ipsa creditori exhibetur. *Illæ* obtinet circa immobilia, ubi quidem, ea facta & creditore recusante, res judici significanda esse dicitur, addita protestatione, quod debitor, ratione damnorum fortuitorum, teneri nolit v. STRYK. *in not. ad LAUTERB. de acceptil.* sed illa testatio judicialis recte quidem adhibetur, præcisè tamen non est necessaria. *Hæc* vero circa mobilia occurrit, quoad eam tamen, repetendum arbitror temperamentum §. 3. inculcatum.

§. 11. Jam quod effectum oblationis vel verbalis, vel realis attinet, neutra quidem debitorem ab obligatione liberat, nec cursum usurarum, in casibus habilibus, sistit *arg. l. 6. 19. C. de usur. l. 7. ff. eod.* utraque tamen moram vel contrahi impedit, vel contractam purgat, hinc etiam à pœna conventionali *l. 23. §. 3. de recept.* & à periculo casuali, quod, contracta mora, debitor sustinebat, liberat, etiam si quantitas debeatur, modo certo constet, oblatam periisse *l. 72. pr. de solut. l. 73. §. fin. l. 91. §. 3. de V. O. l. 8. de condit. furt. conf. SCHULZ. d. tr. c. 6. 8.* Ex communi sententia, oblatio solvit etiam antichresin *l. 11. C. de usur. v. SCHULZ. d. c. 6. n. 17.* HUBER. *in posit. ad J. quib. mod. toll. oblig. n. 43.* sed minus recte, cum ille textus loquatur de oblatione solenni v. NOODT. *de usur. l. 3. c. 15. conf. OBSERV. LAUTERB. Obs. 1187.*

§. 12. Aliquando fit pecuniæ debitæ obsignatio & depositio, sine præ-

prævia oblatione, hæc Creditori perinde non obest, ac solutio alii facta *v. cap. pr.ec. §. 7.* nulla enim ejus culpa hætenus intercessit. Habet tamen ejusmodi depositio, solennis oblationis & depositionis effectus, si creditor aliquo casu solvi vel offerri res debita nequeat. Igitur, si creditor sit inidoneus, v. gr. pupillus, tutore destitutus, vel incertus, v. gr. quando post mortem, de hæreditate ejus disputatur *v. l. 9. §. 1. de usur.* aut absens, vel in apocha conficienda moras nectat, vel prævio creditoris arresto, judex debitori pecuniam deponere mandet, ad effectus consuetos depositio statim fieri potest *vid. SCHULTZ. d. tr. c. 7.*

§. 13. Sola judicis prohibitio, ne debitor creditori solvat, cursum usurarum non aliter sistit, quam si usum pecuniæ debitori simul intercipiat; de hoc ergo constet, vel pecuniam judici tradere, vel judicialiter obsignatam, ad se recipere, vel testibus, aut jurejurando suo probare debet debitor, se pecunia, ob factam prohibitionem, non esse usum. Si nihil horum fecerit, pecunia interim usus merito præsumitur, ac usuras solvere debet; quæ in Electoratu Saxonæ, expressa sanctione confirmata *Decis. Saxon. 27.* non tamen positiva, sed naturalia sunt, ac, ex natura hujus negotii, & æquitatis regulis, ultro fluunt *vid. SCHULTZ. d. c. 7. n. 12.*

§. 14. Cæterum quæ hætenus de effectu sistendarum usurarum diximus, pertinent ad eum casum, quo certum est, quod usuræ debeantur. Quod si autem earum obligatio sit incerta, dum v. gr. liquidum, inter creditorem & debitorem, nondum constitutum, & ille in mora est, quo minus constituatur, eo casu debitor, in sui securitatem, pecuniam neque offerre, neque deponere tenetur, cum, impediendæ solutionis necessitati, sola sortis incertitudo sufficiat, nec opus sit alio medio.

CAPUT XIII. DE COMPENSATIONIBUS.

SUMMARIÆ.

Compensationis natura & diversitas §. 1.

Fit ipso jure §. 2.

Hoc tamen non aliter compensationem inducit, quam volentibus iis, quorum interest §. 3.

Compensatio ex æquitate oritur §. 4.

Obtinet inter mutuos debitores §. 5.

Cujuscunque conditionis §. 6.

Non vero inter non debitores §. 7.

Nna n 2

Nis

Nisi mediante cessione mutuum debitum produ-
catur §. 8.

Inprimis hæc occurrit quod hæredes §. 9.

Cessionario compensatio recte objicitur §. 10.

Licet ante cedentis debitum reciprocum, omnia
huius bona fuerint illi oppignorata §. 11.

Debitum post cessionem contractum quando ob-
ijci queat §. 12.

Ex persona correi compensatio regulariter non
opponitur §. 13.

Compensare & compensationem pati sunt relata
§. 14.

Compensationis puræ requisita §. 15.

Quoad genus & unam eandemque speciem com-
pensatio locum habet §. 16.

Non vero quoad species diversas §. 17.

Debita compensanda vera pura & liquida esse de-
bent §. 18.

Qui igitur nihil debent, iis compensatio frustra
objicitur §. 19.

Illud nihil refert siue ex contractu §. 20.

Siue delicto aliquid debeatur §. 21.

In debitis conditionalibus & in diem §. 22. 23.

Ut & illiquidis compensatio cessat §. 24. 25.

Compensatio quoad species veteri jure romano
locum non habuit §. 26.

Novo autem introducta est §. 27. 28. 29.

Sed moribus fere iterum rejicitur §. 30.

Compensatio tollit debita sed silem ex volun-
tate eorum, quorum interest §. 31.

Qui omissa compensatione solvit, rectius debitum
suum exigit quam solutum condicit §. 32. 33. 34.

Debitum præcedens non desinit, si posterius pa-
cto tollatur §. 35.

Compensatio statuto excludi potest §. 36.

Præscriptio compensationi aliquando obest §. 37.

Fidejussor quatenus per compensationem libe-
retur §. 38.

Exceptio compensationis est alleganda §. 39.

Quando opponi queat, & quis oppositæ sit sen-
sus §. 40. 41.

Compensatio admissa vel rejecta, an denuo alle-
gari queat §. 42.

Compensationis affinitas §. 43.

§. 1.



Compensatio est debiti & crediti inter se contributio l. 1.
de compensat. l. 4. fin. C. eod. siue, est debiti, ob aliud
creditoris debitum, sublatio, ab eo tempore, quo utrum-
que existit, ex communi mortalium affectu, autoritate
legis, facta. Est vel pura, quæ debitum mutuum,
de cujus pretio statim constat, ab eo tempore, quo
utrumque extitit, perimit aut imminuit, vel *conditionalis*, quæ de-
bita, quorum pretium non statim apparet, tum demum tollit, si ea-
dem, prævia taxatione, in sui æstimationem resolvantur v. OBSERV.
LAUTERB. Obs. 446. 447.

§. 2. Fit compensatio ipso jure l. 4. 10. 21. ff. l. 4. C. de compens.
i.e. non demum ab eo tempore, quo compensatio in judicio allegatur,
sed potius ab eo, quo mutuum debitum extitit, utrumque tollitur vel
imminuitur, id quod non tantum de compensatione pura, sed & con-
ditionali verum est, modo debita in sui æstimationem resolvantur.
Est autem *ipsam jure* illud, non mere Romanum, sed hæc potius cujus-
vis

vis debitoris intentio & vorum est, ut ab eo tempore, quo creditor ipsi vicissim aliquid debet, liberari velit, quare lex Romana, commune illud hominum desiderium, saltem expressit & confirmavit, quod si id factum non esset, ipsa æquitas illud satis ostenderet.

§. 3. Non tamen ipsum jus, aliter compensationem inducit, quam si velit is, cujus interest: quamdiu igitur de hac voluntate nondum constat, tamdiu compensatio est in suspenso, illa vero secuta, retro, à tempore mutui debiti, hæc incipit, nam ipsum jus, hic nihil aliud est, quam voluntatis affectusque privati interpres, adeoque nullam affert necessitatem, sed liberrimum iis, quorum interest, relinquit arbitrium, an, ex communi mortalium affectu, factam præsumtionem admittere velint, nec ne *v. l. 1. §. 4. de contr. tutel.* Falsum igitur est, quod nonnulli censent: *Compensationis, ipso jure peractæ effectum esse, ut debitores & creditores inviti teneantur pati, quo utriusque debitum & creditum, momento orientis ab altera parte debiti, tollatur.* Ex dictis porro liquet, ipsum jus, hic non esse nomen inane, sed potius hodie etiam ultilissimum *v. OBSERV. LAUTERB. Obs. 448.*

§. 4. Fit compensatio propter æquitatem *l. 5. ff. l. 5. 6. C. de compens. l. 36. de admin. tutor. l. 8. de dol. except.* quæ satis manifesta est, nam si quis creditori suo, qui ipsi vicissim vere & liquido aliquid debet, præcise solvere cogatur, tum utique læderetur, quia id, quod in effectu jam præstitit, denuo præstaret, & licet solventi jus exigendi, quod si deberet, competat, tamen interest nostra, potius non solvere, quam solutum repetere *l. 3. de compens.* Non tamen illa æquitas absolute obtinet, sed positis certis circumstantiis, has vero tam privatorum consensus, quam lex positiva mutare potest, hinc aliquando, positis licet omnibus requisitis, compensatio, salva æquitate, cessare potest *v. OBSERV. LAUTERB. Obs. 449.*

§. 5. Obtinet compensatio inter mutuos debitores *l. 2. ff. l. 4. C. de compens.* licet alteri solutio, velut conditio, sit injuncta *l. 20. §. 2. de statutib. l. 45. de condit. & demon.* aut, antequam ex altera parte debitum supervenerit, alter se soluturum juraverit, nam compensatio, in effectu, est solutio *l. 4. §. 7. de re jud. l. 19. de lib. caus. l. 4. qui potior. in pign. l. 76. de V. s.* nisi quis debitum creditoris secururum sciverit, tum enim jurando, facultate compensandi, se abdicavit *c. 7. X. de jurejur.*

hinc etiam cessat compensatio, si, tempore juramenti, mutuum debitum vere adfuerit *v. OBSERV. LAUTERB. Obs. 450.*

§. 6. Illud nihil nihil refert regulariter, cujus conditionis sint debitores *v. l. 1. §. 4. de contrar. tutel. l. 3. C. cod. l. 1. §. 3. C. l. fin. ff. de compens. l. 46. §. 5. de jur. fisci.* Aliquando tamen debitoris conditio compensationem excludit. Sic non compensatur contra fiscum, si aliquid exigit ex calendario *l. 3. C. de compens. v. l. 64. de Legat. 3. NOODT. de fœn. l. 2. c. 1. OBSERV. LAUTERB. Obs. 451.* ex vestigialibus, ex causa annonaria, tributorum, alimentorum, statutorum sumtuum, ex causa fidei commissi vel ex venditione *l. 3. 7. C. de compens. l. 17. §. 1. de V. S. l. 46. §. 5. de jur. fisci. l. 122. de Legat. 1. v. LAUTERB. C. J. de compens. lit. S.*

§. 7. Inter eos vero, qui mutui debitores non sunt, compensatio cessat, nec potest ex jure tertii, illa objici, vel agenti, obligatio aliena opponi *l. 16. 18. §. 1. ff. l. 9. C. de compens.* hinc maritus, ex uxoris, civitas, ex civium, debitor principalis, ex fidejussoris, filius emancipatus, ex patris, procurator ex domini jure, compensationem frustra opponit, nec etiam, vice versa, ob illorum obligationem, eam metuit. Aliud obtinet, quoad patrem & filiumfam. peculio profectitio instructum hi enim unius personæ vice funguntur *l. 9. de compens.* Porro tutor, ex jure aut obligatione pupilli, compensationem nec objicit, nec patitur *l. 23. de compens.* licet alii, ob æquitatem, eam admittant, *v. CARPZ. p. 1. C. S. D. 7.* quod tamen non satis certum. Illud certius est, quod tutori, nomine pupilli, agenti, possit opponi compensatio, si pupillus, alio tutore autore, debitori convento, aliquid debere cœperit *l. 36. de admin. tutor.*

§. 8. Cæterum quod ex jure & obligatione tertii, compensatio opponi nequeat, illud generalem habet limitationem; nisi vel reus, vel actor, in tertii jus aut obligationem successerit. Hinc procurator in rem suam, sive cessionarius, ex jure cessio, compensationem recte objicit *l. 18. de compens. l. 25. de procur. l. 9. C. cod.* Vice versa si creditor meus, debitoris mei obligationem in se suscepit, ac postea contra me agat, debitoris mei debitum, ac obtinendam compensationem, ei recte oppono, atque hæc limitatio, in omnibus casibus, antea memoratis, similibusque locum invenire potest.

§. 9. Inprimis illa occurrit quoad hæredes; si igitur hæres suum debitum exigit, ex obligatione defuncti merito compensationem patitur,

tur, nam hanc in se suscepit, modo hæreditas sit solvendo, alias, pro viribus hæreditatis, compensatio, saltem admittitur, dummodo, jure civili, inventarium sit confectum *l. fin. S. 4. C. de jur. de lib.* Ex eodem principio fluit, quod contra singulos unius successores, pro parte hæreditaria, saltem compensetur *v. l. 16. de compens. l. 6. C. fam. ercisc. l. 1. C. si cert. pet.* Vice versa hæres, ob proprium debitum conventus, ex jure defuncti, compensationem recte objicit, vel si ex hujus jure agat, ob proprium debitum, dubio procul, eam patitur *v. OBSERV. LAUT. Obs. 483.*

§. 10. Sicut autem mutua debita aliquando, per successionem & consensum, fiunt, ita ab initio constituta, mutatis personis, non desinunt. Hinc si creditor idemque debitor, jus suum alii cedat, cessionario agenti, perinde opponitur compensatio, ac illa cedenti ipsi fuisse opposita, ille enim non plus juris accipere potuit, quam hic habuit *l. 4. 21. de compens.* quæ ratio ostendit, quod nihil intersit, sive suo, sive cedentis nomine, cessionarius agat, sive titulo oneroso, sive lucrativo cessio facta sit, sive quis ultro jus comparaverit, sive, ob inopiam debitoris, in solutum acceperit.

§. 11. Quod si cessionario, omnia cedentis bona, ac, sub iis, etiam nomen cessum, fuerint oppignorata, antequam cedens, debitori cesso, rursus aliquid debere cœperit, nihilominus cessionario exceptio compensationis valide opponitur, nam hypotheca generalis non impedit, quo minus cedens, debitori suo efficaciter obligetur. Aliud dicendum est, si post formatum creditorum concursum, cedens cum debitore suo contrahat, nam exinde hic, in præjudicium aliorum creditorum, validum jus non consequitur, nec adeo compensationem objicere potest. *v. BERGER. in resolut. ad LAUT. C. J. de compens. qu. 1. add. OBS. LAUT. Obs. 482.*

§. 12. Si post cessionem factam, cedens, pristino suo debitori, demum obligetur, cessionario compensatio opponi nequit, si debitori cesso, cessionem tempestive denunciaverit, tum enim hic intelligit, se cum eo contrahere qui ejus creditor amplius non est; quod si vero cessio debitori denunciata non sit, tum compensatio, ex debito post cessionem secuto, cessionario recte objicitur, debitor enim, ob ignorantiam, putavit, se cum suo creditore contrahere, hinc illius juris intuitu, validum jus acquirere potuit, ac imputer sibi cessionarius, quod tempestive cessionem non denunciaverit *v. l. fin. de transact. l. 1. in fin. de A. E. V. l. 3. C. de novat. LAUT. C. J. de compens. lit. S. in fin.*

§. 13. Si correus credendi agat, compensationem, ob debitum alterius correi, non patitur, hæc enim obligatio actorem non attinet. Porro si creditor agat, contra reum debendi, hic, ex jure alterius correi, non compensat, nam hoc jus, ad reum conventum, itidem non pertinet *l. 10. de duob. reis* exceptio in utroque casu est, nisi correi sint focii *d. l. 10.* quod communiter de focii omnium bonorum explicant *vid. STRUV. §. J. C. exerc. 21. §. 25. n. 2.* sed sufficit, si obligatio aut jus, ob quam, vel ex quo compensatio objicitur, correis sint communia *vid. STRUK. in not. ad Lauterb. de compens. ad p. 272. v. l. 2. c. 6. §. 16.*

§. 14. Illud, in præcedentium illustrationem, forte non interpeffive admonetur, locutiones illas *compensare & compensationem pati*, esse relata, ac in omnibus casibus, simul occurrere, nam reus compensat, vel non compensat, actor vero compensationem patitur, vel non patitur. Quando igitur, in præcedentibus, locutiones illæ nonnunquam oppositæ sunt, eo ipso relatio, habito respectu ad utrumque litigantem, non negatur, sed illa oppositio fit saltem particulariter, intuitu unius personæ, quæ, pro casuum diversitate, rei vel actoris personam sustinet, adeoque compensare, vel non compensare; compensationem pati, aut non pati dicitur. V. gr. si maritus conveniatur, ex jure uxoris, non compensat, si idem agat, ob hujus obligationem, compensationem non patitur. Interim, in utroque casu, habito respectu ad utrumque litigantem, alter compensat, alter compensationem patitur vel contra.

§. 15. Quo autem requisita compensationis recte intelligantur, *pura & conditionalis*, de qua §. 1. *h.* distingvi debet. Illa habet locum (1.) in rebus, non factis, hæc enim functionem non recipiunt *l. 31. de solut.* nec eorum æstimatio, vel pretium statim adest *vid. OBSERV. LAUT. Obs. 454.* (2.) ejusdem generis proximi *l. 4. C. de compens. l. 2. §. 1. de R. C. l. 16. C. de solut. v. CARPZ. p. 1. C. 8. D. 11. (3.)* qualitatis vel bonitatis *l. 3. de R. C.* licet vel in sorte, vel usuris, diversa quantitas sit *l. 4. 11. 12. ff. l. 4. C. de compens.* (4.) in genere & simul debitis, *l. 14. de compens.* quorum requisitorum omnium una est ratio, nempe quod compensatio pura, requira debita, quorum pretium, sine ulteriori taxatione, statim appareat.

§. 16. Ex his ergo liquet, quod (1.) species in genere debita, v. gr. equi sine certa determinatione, vel fundi incerta vel aequalis quantitas, sine loci cuiusdam consideratione, debiti recte compensentur, nam earum mutua proportio est manifestissima *v. l. 37. de Legat. 1. l. 35. §. 1. 2. C. de donat.* Idem (2.) dicendum, si eadem species utrinque debeatur v. gr. promissisti mihi fundum Sempronii, idem fundus tibi legatur ab eo, cuius ego sum hæres, nam hic quoque compensatio locum habet, ut neuter aliquid præstet, sed uterque id, quod, in comparationem fundi, expendere debebat, retineat, est enim utriusque debiti pretium evidentissimum *v. OBSERV. LAUTERB. Obs. 455.*

§. 17. E contrario species certa pro alia specie, vel species pro quantitate, compensari nequit *l. 13. §. 2. de pign. l. 18. de pign. act.* nam pretium hic est incertum, ac prævia taxatione & conventionem demum ad liquidum deducendum. Cessat quoque compensatio, licet species, taxationis gratia, æstimatae sint, nam ea æstimatione, species obligationi non eximuntur *l. 21. C. de jur. dot.* aliud dicendum, si, venditionis causa, æstimatio facta, nam hoc modo debita quantitatis constituuntur *l. 5. 10. C. de jur. dot.* Pro speciebus quoque haberi debent nummi certa demonstratione circumscripti *l. 51. de Legat. 1. l. 30. §. 4. ad L. Falcid.* Si ab altera parte quantitas, ab altera quantitas vel species debeatur, ex eventu electionis dependet, utrum compensatio locum habeat *l. 22. de compens. LAUTERB. C. J. de compens. lit. O.*

§. 18. Sicut autem, ex qualitate objecti, judicandum, utrum compensatio pura locum habere queat, nec ne, ita, ut illa actu obtineat, requiritur debitum (1.) *verum* (2.) *purum* & (3.) *liquidum*. Primo debitum, ob quod compensatio objicienda, debet esse *verum*, mixtum vel naturale perfectum *l. 6. de compens.* quale hodie unicum fere debitum, filiisfam. ex mutuo, est *v. l. 10. de Scit. Maced.* Perperam igitur condemnatus, quod solvit, non compensat, si a victore, ex alia causa denuo conveniatur, victor enim, ob auctoritatem rei judicatae, suum censetur consecutus, adeoque Reo, eo nomine nihil debet *l. 2. C. de compens. l. 25. de stat. hom. l. 1. C. de condit. indeb.*

§. 19. Si verus debitor, injuriâ judicis, absolvatur, ac postea, ex causa habili, contra pristinum actorem, agat, hic, ex priori debito, compensationem itidem objicere nequit, absolutus enim, ob rei judicatae

autoritatem, revera nihil debet *v. OBSERV. LAUTERB. Obs. 456.* Mulieri agenti compensatio, ob intercessionem, quoque non obstat, nam hæc etiam obligatio, morali æstimatione, pro nulla habetur *l. 16. in fin. ad Scit. Vellej. l. 40. pr. de condi. indeb.*

§. 20. De cætero nihil interest, sive debita compensanda, ex contractu, sive delicto veniant. Regulariter igitur compensatio, circa quemvis contractum, locum invenit *v. l. 5. 7. C. de compens.* etiam quoad commodatum, si æstimatio petatur, non standum est regulæ, quamdiu exceptio non apparet: porro quoad dotis repetitionem, si quantitas reperatur *l. 15. §. 1. solut. matrim. l. 1. C. rer. amot.* nam specierum dotalium retentio & compensatio conditionalis saltem est prohibita *l. un. §. 5. C. de R. U. A.* Deponenti quoque, si ex deposito regulari, rei depositæ æstimationem petat, compensatio recte objicitur, licet vulgo dissentiant *v. LAUTERB. C. J. de compens. lit. O. n. 5.* nam itidem rei depositæ retentio & compensatio conditionalis, solum prohibita est *l. fin. C. de compens. l. pen. C. de pos. v. OBSERV. LAUTERB. Obs. 477.*

§. 21. Porro circa delicta etiam compensatio obtinet, licet uterque ex delicto debitor & creditor sit. *l. 10. §. 2. de compens. l. 36. de dol.* hoc tamen, quoad interesse privatum, esse intelligendum facile liquet *v. l. 39. solut. matrim. c. fin. X. de adulter.* nam quoad pœnam compensatio non habet locum, hanc enim non sibi invicem delinquentes, sed ambo Reipublicæ debent *v. l. 2. §. 4. l. 13. §. 5. ad L. Jul. de adult. Spoliato tamen compensatio opponi nequit l. fin. §. f. C. de compens. l. 7. C. ad L. Jul. de vi publ. conf. LAUTERB. d. l.*

§. 22. Debet etiam debitum compensandum, purum esse *l. 7. l. 16. §. 1. de compens.* excluduntur ergo debita conditionalia & in diem *v. CARPZ. p. 1. C. 8. D. 4.* loci verò adjectio puritati non obest, licet quandoque augeat, vel imminuat debitum, tempus tamen, quod tacite inest, præterlapsum esse debet *v. l. 15. de compens. l. 2. §. 6. de eo quod cert. loc.* In specie igitur fidejussor, à reo principali, ex alia causa, conventus, non potest compensare, quod pro eo creditori forte est soluturus, nam id adhuc perincertum est debitum *v. CARPZ. 2. Rsp. 103.*

§. 23. Emtor quoque annuorum reddituum, si à venditore, ex alia causa conveniatur, ob sortem, pro redditibus datam, compensationem ei opponere nequit, fors enim illa repeti nequit, nisi sub conditione, si ven-

venditor velit, hinc debitum hoc, non est purum *v. CARPZ. p. 3. C. 24. D. 16. v. OBSERV. LAUTERB. Obs. 453.* Porro creditor simplex, qui ex debitoris bonis, aliquid subhasta emit, debitum suum, pro pretio solvendo, compensare nequit, antequam creditoribus, melius jus habentibus, sit satisfactum, nam non aliter illi aliquid debetur, quam his dimissis *add. LAUTERB. C. J. de compens. lit. O. n. 6.*

§. 24. Denique debitum, ex quo compensatio objicienda, liquidum esse debet *l. fin. §. 1. C. de compens. de quo nempè constat, quid, quale & quantum debeatur.* Id quod ipsa æquitas etiam exigit, nam, exactionem debiti liquidi, exceptione illiquidi morari, læsionem utique, quoad actorem, involvit. Quodsi tamen probabilis adsit suspicio, fore, ut ille, qui liquido jure nititur, suum consecutus, alterum fallat, tum, mero jure naturali, etiam illiquidi cum liquido, erit compensatio. Sed quoad privatos, leges positivæ, hoc casu, potius exigunt, ut debitum liquidum in judicio deponatur, ac, quoad illiquidum, actio instituitur.

§. 25. Uti autem debitorum evidentia in puncto non consistit, sed, cum aliqua laxitate, intelligenda est, ita tempus, intra quod, illa ad liquidum deduci, sive probari debeant, jure civili, judicis arbitrio relictum est *l. fin. §. 1. C. de compens. l. 45. §. 4. de jur. fisc.* Hodie verò, à diversitate processus *executivi & Ordinarii*, id dependet, nam in illo, ex confessione partis, re judicata vel celeri probatione, de debito constare debet *v. CARPZ. p. 1. C. 8. D. 13. seqq.* in hoc vero, etiam debitum illiquidum opponi, ac in reprobatione, ad liquidum deduci potest *vid. LAUTERB. C. J. de compens. lit. O. n. 7.*

§. 26. Compensationem conditionalem, quam alii temporalem dicunt, quod attinet *v. §. 15. b. dubium non est, quin mero jure naturali, illa obtineat, per ea, quæ dixi §. 4. nam diversitas illa, quod debita in sui æstimationem resolvi debeant, æquitatem non mutat.* De jure autem Romano, communiter hæc compensatio locum habere negatur, alii tamen eam admittunt *v. LAUTERB. C. J. de compens. lit. a. mihi diversa jura distingvenda esse videntur.* De jure antiquo, saltem compensatio, quoad quantitates, admittenda videtur *l. 18. de pign. action. l. 13. §. 2. de pign. l. 22. de compens. l. 56. §. 3. de jur. dot. l. 5. de compens. in rem dot.* idque solum quoad judicia bonæ fidei, postea tamen

men compensandi facultas, ad stricti juris actiones, est extensa §. 30. *l. de action.*

§. 27. Tandem vero Justinianus quoad species quoque, adeoque omnes actiones reales & personales, compensationem admisit, excepta solum actione depositi & spoli *l. fin. C. de compens.* quo ipso compensatio conditionalis est exorta. Exitus autem ejus est, ut res debita, a reo tamdiu retineri possit, donec vel actor suum quoque præstet, vel, hoc non facto, id, prævia æstimatione, pro debito, quod exigit, retineat, id quod juxta tres casus, ubi scilicet vel utrinq; species, vel ab actore species, a reo quantitas, vel vice versa, debetur, specialius intelligi potest.

§. 28. Neque huic sententiæ obest, quod nemo invitus comparare vel distrahere cogatur *l. ii. C. de C. E. V. l. 16. C. de jur. deliber.* nam, in compensatione specierum, voluntas adest, si enim v. gr. actor, qui quantitatem exigit, speciem reo debeat, ac, objecta compensatione, eam præstare nolit, eo ipso utrique satis testatur, eam sibi placere, hinc merito, facta æstimatione, pro quantitate, quam petit, eam retinere debet. Idem est, si vice versa speciem exigit, qui quantitatem debet, nam hic etiam reus, qui compensationem objicit, ostendit, se speciem debitam, pro quantitate retinere velle.

§. 29. Ex quo etiam liquet, quomodo, admissa specierum compensatione, sententia à judice concipienda sit, nempe ut actor, si rem petitam habere velit, rursus præstet, quod debet, vel, hoc non facto, id, rei petiti loco, pro ratione summæ concurrentis, retineat, ac excessus vel defectus restituatur aut suppleatur. Unde etiam utilitas hujus compensationis apparet, nam una sententia, duplex lis tollitur.

§. 30. Æquitati igitur & juri civili recentiori congruit, ut non tantum in quantitativis, sed & speciebus, compensatio admittatur, ac, hoc ultimo casu, nihil aliud consideretur, quam an debitum verum purum & liquidum adsit *l. fin. C. de compens.* Hodie tamen, in foro, eò fere eventum est, ut in iis debitis, de quarum pretio, & mutua proportionem, sine ulteriori taxatione, statim constat, compensatio admittatur, cætera vero ad Reconventionem ablegantur, id quod, tam ex vulgari præjudicio, quam propriis forte fori rationibus, originem habet *conf. OBSERVAT. LAUTERB. Obs. 460.*

§. 31. Effectus compensationis est, quod, ex momento mutui debi-

debiti, debitores ipso jure liberentur *l. 4. 10. 21. ff. l. 4. C. de compens.* hinc etiam usuræ desinunt *l. 11. 12. ff. l. 4. C. eod. l. 7. C. de solut.* pignora solvuntur *l. 12. C. de compens.* fidejussores liberantur *l. 4. de compens. l. 43. de solut.* nec mora, etiam quoad canonem emphyteuticum, amplius committitur *l. 55. 80. de R. J. v. LAUTERB. C. J. de compens. lit. E.* Ille tamen effectus, tam quoad obligationem principalem, quam accessoriam, non aliter sequitur, quam si velint illi quorum interest, ceu ostendi §. 3. cujus observationis utilitatem, in nonnullis quæstionibus specialibus, jam considerabimus.

§. 32. Scilicet quæritur, si is, qui compensare poterat, solverit per errorem, qua actione solum repetat? conditione indebiti *l. 10. §. 1. l. 30. de condit. indeb. l. 5. §. p. de impens. in res dot.* quod hætenus admitti potest, si solvens effectum compensationis admittere velit, tum enim, utroque debito jam olim sublato, id quod præstitit, indebite solvit. Ast si compensationem nolit admittere, tum manserunt causæ separatae: solvens præstitit illud, quod debuit, ac vice versa, veteri propriaque actione id, quod sibi debetur, à pristino creditore, exigere potest *v. l. 1. §. 4. de contr. tutel.*

§. 33. Quid vero, ex duobus illis, eligit solvens? si scipit, postea, nam, declinandæ solutioni, compensatione recte utimur, sed, illa facta hanc admittere, plerumque inconsummum est: Habet vetus & propria actio pecuniaria cominoda: potest esse munita pignore & fidejussore *v. BERGER in resolut. ad LAUTERB. de compens. qu. 6.* præterea, si pristinus creditor usuras debuit, has sine interruptione, veteri actione, consequitur debitor, quæ omnia, circa conditionem indebiti, aliter se habent *v. OBSERV. LAUTERB. Obs. 462.*

§. 34. Vix igitur dubitandum videtur, quin Jctis, conditionem indebiti introducentibus, ipsum jus illuserit, quasi scilicet, invitis partibus, compensationem operetur, nam si ad effectum & voluntatem eorum, quorum interest, respexissent, illam fortassis non asseruissent. Ex dictis etiam intelligitur, quæstionem: *an conditio indebiti competit, si quis, sciens vel etiam per errorem juris solverit?* nullius esse usus, nam, si ve id neget, si ve affirmes, perinde est, cum solvens actione veteri suam consequi possit. Plane si vetus & propria actio præscriptione, extincta esset, nisi interveniens compensatio præscriptioni objiciatur,

quod ex casu §. 37. proposito intelligi potest, tum, facta solutione erronea, compensatio erit urgenda ac condictio indebiti instituenda, quo casu etiam quæstio proxime relata, alicujus usus est.

§. 35. Si ei, qui mihi v. gr. centum ex mutuo debet, postea, ex causa habili tantundem debere incipiam, mox vero novus creditor, pacto debitum illud mihi remittat, quæritur, an ego cum effectu centum ex mutuo petere queam? Non videtur, quia debitum utrumque, simul ac extitit, compensatione sublatum, ac adeo pactum de non petendo, inane fuit. Sed, ex principio antea firmato, contrarium dicendum: Ipsum jus non operatur in vitis partibus, hæc verò cum posterius debitum sustulerint, adeoque compensationem excluderint, ideo prius debitum, in suo vigore, perstitit v. OBSERV. LAUTERB. *Obs. 462. n. 2.*

§. 36. Compensatio locum habere dicitur, licet statutum præcise solutionem requirat v. LAUTERB. *C. J. de compens. lit. E. in fin.* Hoc concedi potest, si statutum solutionem generalius acceperit, sed si strikte & specialiter, tum assertio illa fallit, compensationem enim non tantum voluntas privatorum, sed & leges positivæ, ac statuta excludere possunt, contrarium nemo probaverit, nisi ex leguleja ipsius juris omnipotentia.

§. 37. Illud rectius ad effectum compensationis refertur, quod illa, replicatione præscriptionis, non elidatur: Finge, me tibi debere centum ex emto, elapsi sunt 20. anni, postea, ex testamento, centum mihi debere incipis. Post duodecim annos, ago adversus te ex testamento, tu opponis compensationem, ex causa emti, ego replico, actioni emti, 32. annorum lapsu, esse præscriptum, sed frustra, nam jam ante duodecim annos, adeoque ante completum præscriptionis tempus, meum jus, per debitum ex emto, fuit sublatum. Quod si autem post 30. annos, tu mihi debere incipias, hoc debitum valide exigere poterò, tu autem ex debito, per præscriptionem, jam extincto, frustra compensationem objicies.

§. 38. Fidejussorem, etiam invito debitore principali, per compensationem liberari, dicunt *vid. LAUTERB. C. J. de compens. lit. E.* Sed de hoc distinctius quoque pronunciandum: Si fidejussor à creditore conveniatur, tum compensationem etiam invito debitore recte objicit *l. 32. de fidejuss.* Sed si debitor principalis conveniatur, ac vel com-

compensatione, vel solutione creditori satisfaciatur, tum quæstio, an ejus fidejussor, ipso invito, liberetur? est otiosa. Si vero debitor, qui compensare poterat, creditori solvat, ac postea hunc ex proprio jure conveniat, tum hujus fidejussor, per compensationem, qua uti noluerunt, principales personæ, haut est liberatus, hinc si forte principalis debitor & pristinus creditor solvere nequeat, fidejussor utique tenebitur, nam principalibus perinde licet abjicere compensationem, ac pactum de non petendo vel alium liberandi modum *v. cap. præc. §. 6.*

§. 39. Quo autem compensatio effectum habeat, à reo alleganda est, quod ex communicatione facile intelligitur *l. 2. l. 10. §. 3. l. 13. ff. l. fin. §. 1. C. de compens. v. CARPZ. p. 1. C. 8. D. 6.* De hac compensationis exceptione dicunt, quod sit exceptio facti, i. e. præsupponat actionem ipso jure & penitus sublatam, non stricto jure adhuc subsistentem *v. LAUTERB. d. l. lit. E.* deinde, quod judiciis bonæ fidei, ipso jure insit *v. VINN. in not. ad §. 30. l. de action.* Sed utrumque illud ipsum jus, hodie est nomen otiosum *v. OBSERV. LAUTERB. Obs. 461.*

§. 40. Illud ad locum communem, de usu Exceptionum, pertinet, quod exceptio compensationis, si liquida sit, ante litis contestationem, & in ipsa executione, nec non instrumentis paratam executionem habentibus, possit opponi *l. 2. C. de compens. v. CARPZ. p. 1. C. 8. D. 2. 6. 12.* Eodem referendum, quod compensationem opponens, debitum suum fateatur, hæc enim verior est sententia, licet interpretes hic fluctent *v. LAUTERB. C. j. de compens. lit. E. in fin. & de exception. lit. E. n. 3. in fin.* Effectus autem illius rei est, quod Reo, non actori, sit injungenda probatio.

§. 41. Hodie tamen exiguus vel nullus ejus est usus, nam in processu executivo, & Ordinario ante litis contestationem, nullæ, nisi liquidæ, exceptiones admittuntur; Quando igitur quis compensationem objicit, non illud consideratur, an fateatur debitum, sed an parata sit exceptionis probatio, hac deficiente, exceptio negligitur. Quando autem, in processu Ordinario, exceptio non satis liquida est, tum lis contestanda, ac postea exceptio objicienda est, sola vero exceptionis objectio, neque litis contestationem affirmativam, neque negativam involvit, hinc judex sententia sua probationem nondum alteri parti injungit, sed potius litis contestationem, magis disertam & evidentem exigit.

§. 42. Si

§. 42. Si compensatio petitioni actoris, cum effectu, fuerit opposita, facile liquet, quod novæ petitioni, ex alia causa factæ, rursus opponi nequeat, nam ejus fundamentum, jam est sublatum *l. 13. de compens.* Si autem compensatio non admittatur, ideo quod aliquod requisitum defuerit, tum reo omne jus manet salvum *l. 7. §. 1. de compens. l. 18. §. fin. commod. l. 1. §. 4. de contrar. tutel.* Si vero, ob non probatum debitum reciprocum, eam rejecerit iudex, tum Reo, ex illo jure postea agenti, obstat exceptio rei judicatæ *l. 7. §. 1. de compens. l. 1. §. 4. de contr. tutel. l. 8. §. 2. de N. G. v. CARPZ. p. 1. C. 8. D. 5. LAUTERB. C. J. de compens. l. 3.*

§. 43. Cum compensatione, omnes reliquit tollendarum obligationum modi hætenus conveniunt, quod jura & obligationes tollant. Inprimis cognitionem quandam cum compensatione habet *Retentio* quæ est *actus, quo debitor speciem debitam, tamdiu sibi servat, donec a For, ratione debiti reciproci, ipsi satisfecerit.* Differt ergo à compensatione pura, quæ debitam rem simpliciter, & *conditionali*, quæ eam, facta æstimatione, retinet, sed *retentio*, ad præstationem debiti reciproci, creditorem adigit *v. OBSERV. LAUTERB. Obs. 464.* De cætero *retentio rei debitæ*, ob expensas in eam factas, etiam jure civili antiquo, obtinuit *l. 56. §. 1. de jur. dot. l. 18. §. fin. commod. conf. l. 4. c. 12. §. 16.*

CAPUT XIV. DE NOVATIONIBUS.

SUMMARIÆ.

Novationis natura & diversitas §. 1.
Exempla novationis improprie §. 2. 3.
Propria est vel novatio vel delegatio §. 4.
Fit hodie solo consensu §. 5.

Novationis subjectum §. 6. Et materia §. 7.
Novatio tollit obligationem priorem & constituit novam §. 8. 9. 10.
A delegatione differt cessio & assignatio §. 11.

§. 1.



Ovatio in genere, est *actus, consensu & verbis, ore prolati, constans, quo nova obligatio constituitur pristinâ vel salva, vel sublata.* Hodie verba nuncupata præcisè non requiruntur, sed sufficit solus consensus, quovis modo declaratus, nam stipulationes Romanorum in Germaniam receptas esse, probari nequit.

Est

Est vel *impropria*, quæ, obligatione priori salva *v. l. 16. de novat. & propria*, quæ, illa sublata, novam obligationem constituit *l. 1. de novat. conf. l. 57. de adm. tutor.*

§. 2. *Improprie* Novationis exemplum est (1.) in ea novatione, in qua animus, priorem obligationem tollendi, non satis apparet §. 3. *in fin. l. quib. mod. toll. oblig.* (2.) hodie in Constituto, quo prior obligatio repetitur *v. l. 4. c. 22. §. 8. 9.* (3.) in Romanorum antiqua litis contestatione *l. 29. de novat. l. 3. §. 11. de pecul.* nam hæc obligationem præcedentem adeo non tollit, ut eam potius magis constantem reddat *l. 13. §. 4. de pign. l. 41. §. 1. de fidejuss. l. 29. de novat. l. 26. de O. & A. l. 2. C. de judic. l. 86. de R. J.* præterea vero est nova & propria conventio *l. 2. C. de pact.* ex qua exceptio vel actio rei judicatæ descendit *l. 6. §. fin. l. 56. de re judic. l. 3. C. de usur. rei jud. l. 15. 16. de except. rei jud.*

§. 3. Vulgo autem litis contestatio pro quasi contractu habetur *v. LAUTERB. C. J. de re jud. in fin.* quod tamen probari nequit, hinc porius dicendum, quod fit *pactum tacitum l. 3. §. 11. de pecul.* prout etiam diserte ita vocatur in *l. 2. C. de pact.* Atque hoc pactum nec hodie, circa litis contestationem, negandum est, sed habet illud adhuc suos effectus *v. d. l. 2. C. de pact. l. 16. C. de fidejuss.* actio tamen vel exceptio rei judicatæ inde amplius non est reperenda, hæc enim, ex sola absolutione judicis resultat, facta vero condemnatione, executio, sive nova actione, fit *LAUTERB. C. J. de re jud. in fin. conf. OBSERV. LAUTERB. Obs 1048. 1171. 1172. v. infr. l. 12. c. 4. §. 2.*

§. 4. *Propria* novatio est iterum duplex, vel *novatio in specie*, quæ antiqua obligatio tollitur, ac nova, inter eundem debitorem & creditorem, constituitur §. 3. *l. quib. mod. toll. oblig. vel delegatio*, quæ in locum prioris debitoris, alius substituitur. Hoc verò fit vel primo debitore volente *v. l. 11. 17. 22. de novat.* vel eodem ignorante, aut etiam invito *l. 8. §. fin. l. 17. eod.* Prior species, ratione debitoris primi, proprie dicitur *delegatio d. l. 11. 17. de novat.* sed ratione secundi, *expromissio v. §. 41. l. de R. D. l. 53. de C. E. V. l. 4. §. 3. de re judic. l. 4. de condu. caus. dat. l. 37. in fin. de oper. libert.* Posterior vero, ultimum titulum saltem admittit, quia debitor primus non concurrat. Aliquando etiam novatio in specie, *expromissio* dicitur *l. fin. de Scto Maced.*

§. 5. Fit novatio propria de jure civili; stipulatione *l. 6. 7. de novat.* hodie verò, consensum utcumque declaratum, sufficere, jam dixi *§. 1. v. CARPZ. f. Rsp. 105. LAUTERB. C. J. de novat. lit. C.* animus vero novandi requiritur *l. 2. 6. 8. §. 2. l. 29. de novat.* qui, jure novo, demum adesse censetur, si diserte hoc dictum sit *l. fin. C. de novat. §. 3. l. quib. mod. oblig. toll.* in delegatione tamen id non requiritur, cum, ex mutato debitore, animus novandi satis appareat *v. OBSERV. LAUTERB. Obs. 1174.* In Electoratu tamen Saxonie, etiam hoc casu specialis expressio videtur necessaria *Decis. Saxon. 66. v. CARPZ. f. Rsp. 105. p. 2. C. 19. D. 14. seqq. LAUTERB. d. l.*

§. 6. Priorem obligationem remittunt, novamque constituunt Creditores, qui liberam rerum suarum administrationem habent; Regulariter ergo pupilli similesque personæ novare non possunt, nisi conditionem faciant meliorem *l. 3. 20. §. 1. de novat.* Poterit etiam novatio per alios fieri, modo creditoris voluntate sint instructi *d. l. 20. pr. §. 1.* hac deficiente, facultas illa cessat *l. 10. 16. 23. de novat.* Expromittunt, seu novam obligationem contrahunt etiam regulariter ii, qui valide se obligare possunt, in delegatione tamen pupillus quoque, quoad præjudicium creditoris, admittitur *l. 1. §. 1. de novat. §. 3. l. quib. mod. toll. oblig.*

§. 7. Novari posse omnis generis obligationes, palam est *l. 1. §. 1. l. 2. de novat.* si futura obligatio novetur, novatio non ante habet effectum quam si obligatio novanda extiterit *l. 8. §. 2. cod.* hinc si obligatio in diem vel conditionalis novetur, ante diei vel conditionis existentiam, novatio quoque vim suam non exferit *l. 5. 8. §. 1. cod.* Potest etiam obligatio pura, sub conditione vel die, novari, quo casu itidem novationis effectus in suspensio est *l. 8. §. 1. l. 14. pr. de novat.*

§. 8. Novatio pura vel purificata tollit obligationem priorem (ipso jure, an ope exceptionis, hodie nihil refert) ac novam obligationem constituit *§. 3. l. quib. mod. toll. oblig.* Quod ut distinctius intelligatur, novatio in specie, & delegatio merito separatur. Per illam tollitur obligatio prior, hinc pœna non committitur *l. 15. de novat.* mora purgatur *l. 8. pr. l. 31. pr. cod. v. OBSERV. LAUTERB. Obs. 1175.* pignora & fidejussores liberantur *l. 18. de novat. l. 4. C. de fidejuss.* usurae aliaque privilegia cessant *l. 18. 29. de novat.* Præterea nova obligatio constitui-

tuitur, quæ à commodis illis nuda est, nisi aliud actum sit, quod quoad pignora *l. 11. §. 1. de pign. act.* & fidejussores fieri solet *l. 4. C. de fidejuss.*

§. 9. In delegatione res est evidentior, nam prior debitor obligatione sua exsolvitur, licet posterior sit aliquando invalida *§. 3. l. quib. mod. toll. oblig.* nec potest amplius contra illum agi, licet delegatus non sit solvendo *l. 2. §. in fin. C. de novat.* nisi regressus expresse reservatus sit *l. 45. §. p. mand. v. PERETZ ad C. de novat. n. 13.* Delegatus porro nova obligatione obstringitur, juxta modum conventionis initæ, hinc privilegia & emolumenta prioris obligationis, eam non comitantur, nisi ei quoque applicata sint; Repetitio tamen pignorum priorum hic non facile occurrit, nisi forte res antea oppignorata, in novum debitorem, simul transferatur.

§. 10. Exinde etiam consequitur, quod delegatus exceptionem, quam deleganti poterat opponere, creditori, cui delegatus est, non possit objicere *l. 12. 19. 33. de novat.* hic enim non agit ex jure delegantis, sed proprio, speciali conventionem acquisito, & imputet sibi delegatus, quod, cum sciret, se deleganti nihil debere, tamen pro eo se delegari passus fuerit. Si quis ex errore, dum putat se delegantis debitorem esse, ejus obligationem, nova promissione, susceperit, errans nihilominus creditori, cui delegatus est, valide obligatur, nam error fuit extra expromissionem, & saltem concomitans, nec consensum necessarium sustulit. Intuitu tamen delegantis fuit error efficax, hinc delegatûs, quod solvit, conditione indebiti ab illo repetit *l. 12. 13. de novat.*

§. 11. A delegatione differt (1.) *Cessio*, hac enim cedens jus suum, quod erga debitorem habet, in alium transfert, per delegationem vero, jus & obligatio nova, inter creditorem & delegatum, constituitur, ex quo plures differentię resultant (2.) *Assignatio*, quando debitor creditori suo, alium, solutionis causa, assignat. Hæc priorem debitorem non liberat, debet tamen creditor, qui assignationem admisit, tempestive exigere, aut assignationi renunciare, alias periculum debiti assignati ad ipsum pertinebit *v. Decis. Saxon. 66.* Delegatio & Cessio sunt actus perfecti, Assignatio, solutionis vel similis factiois prodromus *v. OBSERV. LAUTERB. Obs. 1173.*

CAPUT XV. DE TRANSACTIONIBUS.

SUMMARIA.

Transactionis indoles §. 1.
Et varietas §. 2. Causa efficiens & finis §. 3.
Subiectum §. 4. 5. Materia §. 6.
Quousque in causis matrimonialibus §. 7.
Controversiis testamentariis §. 8.
Alimentis §. 9.
Et delictis transactio locum habeat §. 10.
Transactio de delictis capitalibus jure Romano
extra crimen est §. 11.

Non autem de non capitalibus §. 12.
Et privatis quoad poenam publicam §. 13.
Ex transactione valide obligantur transigentes
§. 14.
Contra invitos datur actio §. 15.
Transactionis contraria §. 16.
Error aliquando eam vitiat §. 17.
Aliquando non §. 18.
Erroris circa pretium commissi effectus §. 19.

§. 1.



Pro specie Novationis, hodie imprimis, non male habetur *Transactio*, quæ est *rei dubie conventa & non gratuita deciso v. l. 229. de V. S. l. 1. ff. l. 2. 7. 33. 38. C. de transact.* Decisionis titulum meruit *Transactio* ex comparatione, cum re judicata *l. 2. de jurejur. l. 20. C. de transact.* sicut enim controversiæ, in judiciis, per sententiam determinantur, ita conventionem quoque decidi possunt & solent. Interim Novationis quoque titulum gerere potest, nam, in locum juris dubii, novum & certum surrogatur.

§. 2. A diversis circumstantiis varie distinguitur *Transactio* (1.) ab *objeto* est universalis, generalis & specialis *l. 19. 29. 31. C. de transact.* (2.) ab *adjuncto*, jurata & injurata *l. 41. 42. C. cod. pœnalis & non pœnalis l. 15. ff. l. 37. C. cod.* (3.) à *solenitate*, judicialis & extrajudicialis *l. 28. C. cod.* (4.) ab *effectu*, unilateralis & bilateralis *v. l. 6. 28. C. cod. nuda & legitima d. l. 6. 28. 33. C. cod.* & si quæ aliæ hujus generis divisiones occurrunt.

§. 3. Jure Romano transactio fit pacto *l. 2. 15. ff. l. 28. C. de transact.* contractu innominato *l. 6. 33. C. cod.* & stipulatione, & quidem vel simplici *d. l. 6. 33.* vel aquiliana & acceptilatione *l. 4. 15. 32. C. l. 5. 6. ff. cod.* Sed hodie illis tricis non utimur, verum, ex solo consensu serio, essentia & vis transactionis dependet. Probationis gratia, accedit Scriptura *l. 5. 28. C. de transact.* pro qua tamdiu præsumitur est, donec probetur contrarium *l. 21. C. cod.* Invaluere autem transactiones ad evi-

randas molestias dubiumque litis eventum *v. l. 51. de pecul. l. 21. de R. C. c. f. X. de transact. c. 5. X. de dol. c. 1. de appell. in 6. CARPZOV. p. 1. C. 1. D. 9. seqq. LAUTERB. C. J. de transact. lit. C. OBSERV. LAUTERB. Obsf. 67. 68.*

§. 4. Qui suo nomine transigere vult, is debet habere (1.) jus, de quo transigendum (2.) libertatem de eo disponendi *v. l. 6 ff. l. 27. C. transact.* quæ quidem regulariter præsumuntur, ut non opus sit, prolixum eorum, qui transigere queant, conficere catalogum. Illud non requiritur, ut totius rei arbitrium penes transigentem sit, sed sufficit, si jus, de quo transigendum, ad eum spectet, hinc Vasallus, de feudo, ita quoque transigere potest, ut illud alteri concedat, nam feudum non alienat, sed jus dubium saltem remittit, quod ejus arbitrio subest. Cessionarium, de jure cesso, transigere posse, dubium non est *v. l. 13. §. 1. de pact. l. 55. de procur. l. 17. §. f. de jurejur.*

§. 5. Qui alieno nomine transigunt, imperium in eum, cujus nomine transigendum, vel ejus consensum habere debent. Illius exemplum est in Patre, qui de bonis liberorum adventitiis, etiam sine decreto judicis, transigit, accedente tamen liberorum adulatorum consensu *l. 8. §. 3. seqq. C. de bon. que liber.* Hujus vero (1.) in procuratoribus specialiter ad hoc datis vel generalibus, modo utilitas domini hoc sva deat *l. 17. §. f. de jurejur. l. 12. de pact. l. 58. de procur.* procuratores vero ad lites vel certâ negotia dati, non transigunt *l. 7. C. de transact. l. 13. de pact. l. 60. de procur.* (2.) in Syndicis aliisque administratoribus *l. 12. C. de transact.* (3.) in tutoribus & curatoribus *l. 54. §. f. l. 56. §. 4. de furt. l. 46. §. f. de admin. tutor. l. 35. pr. de jurejur.* accedente nonnunquam judicis decreto *l. 22. C. de admin. tutor. l. 4. C. de præd. minor. v. LAUTERB. C. J. de transact. lit. S.*

§. 6. Materia transactionis sunt jura dubia, vel propter litem imminentem, vel aliam causam *l. 2. 11. C. l. 8. §. 23. ff. de transact.* quæ vero certa sunt, ut ea, quæ per sententiam vel jusjurandum decisa sunt, in pactum, non transactionem deducuntur *l. 1. 11. ff. l. 32. C. de transact. l. 23. §. 1. de condit. indeb.* Sed hodie illa accuratio vix observatur. De cætero requiritur, ut transacturus, de juribus illis disponendi, habeat arbitrium, quod regulariter quidem præsumitur, donec restrictio probetur. Porro transactio inita, etiam valida dicenda est, donec aliqua invaliditatis causa appareat.

§. 7. Juxta hæc igitur non omnia, sed dubia saltem transactio-
num exempla considerari debent. Sic in causis matrimonialibus,
transactio affirmativa, seu pro matrimonio, regulariter saltem valet,
negativa verò, siue contra matrimonium, est invalida, nisi fiat autori-
tate judicis, maxime si promissio matrimonii sit valde dubia *c.f. de X.
transact.* CARPZ. *J. E. l. 2. D. 23. l. 3. D. 39. seqq.* Sed posterior doctrinæ
pars fluit ex hypothesi, nondum ad liquidum deducta, quod ex spon-
salibus oriatur vinculum indissolubile, qua de re alibi agendum.

§. 8. Valida quoque non est transactio super causa controversa
ex ultimis voluntatibus, quarum tenor nondum est cognitus *l. 6. de
transact. l. 1. §. 1. testam. quemad. aper.* censeretur enim transigens, repræ-
sentata pecunia, esse inductus. Ex quo liquet, transactionem non
esse invalidam, ob legis prohibitionem, sed defectum consensus à lege
præsumtum. Licet igitur simplici renunciatione illi valor non con-
cilietur, cum & ad hanc, repræsentata pecunia, quis induci queat, ob
juratam tamen renunciationem, etiam de jure civili, transactio valere
videtur, jurans enim nihil inconsiderate ac præcipitanter, egisse, me-
rito regulariter præsumitur.

§. 9. De alimentis futuris, ultima voluntate relictis, itidem va-
lide non transigitur *l. 8. ff. l. 8. C. de transact.* ob eandem rationem, quod
scilicet transigens, repræsentata pecunia, censeatur inductus, hinc quæ
de renunciatione & juramento, modo diximus, huc etiam pertinent.
Valet quoque transactio, quæ fit auctoritate Magistratus, vel, hac etiam
remota, causam alimentorum facit meliorem *l. 8. pr. §. 6. 24. de trans-
act.* de præteritis quoque alimentis recte transigitur *l. 8. C. cod.* Deni-
que tam controversiæ testamentariæ, quam alimenta futura, pacto
gratuito valide remittuntur, nam omnibus hisce casibus cessat causa in-
validitatis, inductionis scilicet vel deceptionis præsumtio *v. OBSERV.
LAUTERB. Obs. 69. 70.*

§. 10. De delictis commissis, quoad *damni restitutionem*, & *pæ-
nam privatam*, valide transigitur, subsunt enim hæc privato arbitrio,
nec major, quoad ea, dubitandi ratio occurrit, quam quoad jura, ex con-
ventionibus dependentia. Quoad *pænam vero publicam*, naturaliter
etiam licita videtur transactio, adeo ut neque in delictum incidat, ne-
que confessionem delicti involvat, nam leges divinæ tam rigide non
obli-

obligant, ut delinquentes præcise puniendi sint, præterea, tali transactione, delinquentes pœnæ non simpliciter subtrahuntur, cum ab alio accusari, vel ex officio, à Magistratu, puniri queant.

§. 11. Jure Romano transactio licita est, quoad *delicta publica*, quorum pœna est ultimum supplicium, ante & post accusationem institutam, adeo, ut nec actor in pœnam incidat, nec reus crimen confiteri censeatur *l. 18. C. de transact. l. 1. de bon. cor. qui ante sent. l. fin. de prævar.* In eo vero hujus rei disquisitio ferè subsistit: *an transactio extra crimen, & criminis confessionem sit?* nam de ea implenda forte non facile quæritur, cum conventionem impleris statim sequi soleat. Aliis etiam transactio non obest, hinc reus, vel ab alio accusari, vel ex officio, à Magistratu, puniri potest *v. l. 5. §. f. ad L. Jul. de vi publ. pœna etiam ordinariâ, in iis delictis, quorum pœna, à satisfactione privata, non dependet v. CARPZ. p. 4. C. 13. D. 10. & p. 3. qu. 148. p. 2. qu. 71. n. 31.*

§. 12. Quoad *delicta publica, que morte non puniuntur*, transactio licita non est, sed transigens actor, in crimen falsi incidit *l. 18. C. de transact.* ac reus pro confessio habetur *l. fin. de prævar.* sed illa sanctio, quoad reum inprimis, nimis rigida est; suspectum quidem eum facere potest transactio, sed, æqua æstimatione, non confessum, hinc hodie, de his etiam delictis, impune transigi posse, aliqui censent *v. STRUV. S. J. C. exerc. 6. §. 62.*

§. 13. Denique, quoad *delicta privata*, valet transactio, cum de damno restituendo, & pœna privata, hic saltem quæstio sit *l. 17. §. 1. de pact. l. 54. §. f. l. 6. §. 4. ff. l. 13. C. de furt. reus tamen, tanquam confessus & condemnatus, in delictis famosis, infamia notatur l. 4. §. f. l. 5. seqq. de his qui not. infam. quæ sanctio itidem quodammodo inhumana est. De criminalibus vero persecutionibus, nec in hisce delictis, transigere licet *l. 7. §. 1. de SCI. Turpill. l. fin. de prævaric. LAUTERB. C. J. de transact. lit. O.* nam ad mortis supplicium illæ nunquam ascendant. Hodie cum delicta privata, sint publica, & nonnunquam etiam capitalia, hinc præcedens distinctio & doctrina, iis applicari debet *conf. OBSERV. LAUTERB. Obs. 71. 72.**

§. 14. Transactio legitime inita, ad exemplum aliarum conventionum, valida est *l. 20. C. de transact.* hinc nec unius pœnitentia *l. 39.*

C. cod.

C. cod. nec imperiali rescripto rescindi potest *l. 16. C. cod.* Porro obligat transigentes ad consummationem. Quodsi adeo, contra transactionem, actio vetus instituatur, *exceptione* transactionis, illa excluditur. modotamen excipiens, à sua parte, conventionem impleverit, vel implere paratus sit, alias exceptio, replicatione repellitur, atque ita mutuo dissensu, à transactione receditur *l. 28. C. de transact. l. fin. C. si advers. transact. l. 27. de inoff. testam.*

§. 15. Datur etiam ex transactione actio, & quidem vel *præscriptis verbis*, vel ex stipulatu *l. 6. 33. C. de transact.* sed hodie *condictio ex moribus* dici potest, quia nihil, nisi consensus, ad validitatem transactionis requiritur *v. CARPZ. f. Resp. 7.* De cætero eo tendit actio, ut vel promissum præstetur, vel, cunctante debitore, interesse vel pœna exigatur *l. 37. 40. C. de transact. l. 4. §. 7. de dol. mal. except.* aliquandotamen & promissum & pœna simul exigitur, si hoc actum sit *l. 16. ff. l. 17. C. de transact.* Si major, à transactione jurata, resiliat, tum pœnam promissam præstat, accepta restituit, agere non potest & infamia notatur *l. 41. C. de transact. v. CARPZ. 1. qu. 46. n. 19. RICHTER p. 1. Dec. 33. LAUTERB. C. J. de transact. lit. E.*

§. 16. Transactio valida rescinditur mutuo dissensu, qui vel directe datur, vel alterius partis perfidiam sequitur *l. 14. C. de transact.* Sed fieri impeditur ob metum *l. 13. C. cod.* dolum *l. 4. C. cod.* qui in specie committitur, si falsa instrumenta subjiciantur *l. 19. p. C. cod.* aut si quis debitum, cum nullum subesset, callide commentus sit *l. 65. §. 1. in fin. de condict. indeb. v. BERLICH p. 1. Dec. 263.* Denique impeditur etiam ob errorem efficacem, qui committitur in iis, quæ ad negotium pertinent; Error verò concomitans, qui in iis, quæ extra negotium sunt, occurrit, transactionem non vitiat *v. l. 29. C. cod.*

§. 17. Sed applicatio hujus distinctionis, non usque adeo est liquida, cum enim transactio fiat de re dubia, ideo ejus natura quodammodo requirit aliquam ignorantiam vel errorem, hinc sæpe non liquet, an error eam vitiet, vel cum ea consistat, quare interpretationi usuali vel legali multum hic erittribuendum. Exemplis res fiet clarior: Instrumentorum, ex quibus transigitur, *veritas*, vel *authentia*, velut necessarium requisitum, præsupponitur, hinc error circa eam commissus, vitiat transactionem, licet alter dolose falsa instrumenta non subjecerit *l. p. C. de transact. arg. t. t. C. si ex fals. instrum.*

§. 18. E contrario omnium instrumentorum *presentia* non requiritur, licet adeo quis hactenus erraverit, ac omnia instrumenta adesse crediderit, tamen prætextu instrumentorum noviter reperorum, transactionem impugnare nequit *l. 19. C. de transact. l. 4. C. de re jud. aliud obrinet in causa publica l. 35. de re judic. v. CARPZ. r. Rsp. 7.* Ita error circa unam alteramve rem, vel etiam rei qualitatem commissus, innoxius est *l. 29. C. de transact.*

§. 19. Illud controversum est, an error, circa rerum æqualitatem commissus, negligi debeat, adeo ut ne quidem, ob enormem læsionem, transactio queat impugnari? Sic putant nonnulli per *l. 19. 23. C. de transact. l. 56. de re judic. l. 78. §. fin. ad Sc. Trebell. l. 65. §. 1. de condit. indeb. l. 6. de jur. & fact. ignor. v. LAUTERB. C. J. de transact. lit. 7.* Sed videtur distingendum, utrum de *inequalitate majori, partes cogitaverint*, an saltem *simpliciter transegerint*, illo casu transactio improbari nequit, bene vero hoc. Atque secundum hanc distinctionem, jus civile, commode accipi potest *v. CARPZ. p. 2. C. 34. D. 1. RICHTER p. 2. Dec. 99. n. 54. seqq.* eaque in Electoratu Saxonie *p. 2. C. 34.* confirmata est *conf. OBSERV. LAUTERB. Obs. 73. 74.*

CAPUT XVI.

DE RELIQUIS TOLLENDARUM OBLIGATIONUM MODIS.

SUMMARIA.

Ad modos tollendi obligationes pertinet remissio §. 1.

Sub qua continetur mutus dissensus §. 2. 3.

Et condonatio §. 4.

Cujus species est acceptilatio §. 5.

Ejus subjectum §. 6.

Objectum §. 7. Effectus §. 8.

Et usus hodiernus §. 9.

Ad modos tollendi porro spectat confusio §. 10.

Ejus effectus §. 11.

Et species dubia §. 12.

Huc etiam referuntur rei interitus, lapsus temporis, existentia conditionis §. 13.

Mutata personarum conditio, mors §. 14.

Concurfus duarum lucrativarum causarum, prescriptio aliique modi §. 15.

Capitis diminutio, confiscatio & cessio mutant saltem personas §. 16.

§. 1.

Hunc censum referri potest (I) *Remissio*, qua obligationes constituta tolluntur. Solutio & Compensatio negotiorum consummat. Novatio mutat, Remissio destruit. Refertur autem hæc, vel ad *obligationes reciprocas vel unilaterales*,

Q q q q

quæ

quæ scilicet vel ab initio tales sunt, ut in donatione, vel, uno suum præstante, remanent, ut v. gr. in emtione, à venditore consummata.

§. 2. Prior remissio, dicitur *mutuus dissensus*, vel *contraria voluntas* aut etiam *nuda conventio* v. §. *fin. l. quib. mod. oblig. toll. l. 3. l. 5. §. 1. de rescind. vendit. l. 58. de pact.* Et est *actus*, quo *negotia reciproca consensualia*, & inde orta *obligationes*, *re integra vel in pristinum statum restituta, dissolvuntur*. Cum autem hodie omnes contractus sint tantum consensuales, hinc patet, quod modi hujus usus latius se extendat, quam de jure civili v. *l. 80. de solut. l. 35. de R. J.* Debet autem res esse integra vel in pristinum statum restituta *l. 58. de pact. l. 1. 2. C. quand. ab emt. reced.* nam alias non dissolvitur obligatio, sed potius nova conventio obligatoria initur, quæ hodie tamen actionem etiam producit. Illud nihil refert, sive mutuo dissensu obligationes ipso jure tolli, sive inde exceptionem oriri dicas.

§. 3. Unius dissensu obligationes non solvuntur *l. 5. C. de O. & A. l. 3. C. de rescind. vendit.* licet dissentiens duplum offerat *l. 6. C. eod.* sed potest ille, ad implendum promissum, cogi. Aliquando tamen alter dissensum acceptat, quo ipso adeo, ex postfacto mutuos dissensus existit & negotium resolvitur. Nonnunquam negotii natura permittit, ut unius voluntate id possit rescindi v. *l. 15. 22. §. fin. mand. l. 14. pro soc.* quo casu alter dissensum admittere tenetur.

§. 4. Posterior remissio dici potest *Condonatio*, ac, de jure Romano, sub se comprehendit *pactum de non petendo & acceptilationem*. Illud est *conventio*, qua debitori obligatio ita remittitur ut non ipso jure liberetur, sed *exceptionem inde consequatur* v. *l. 27. §. 2. de pact.* quædam tamen obligationes, per ejusmodi pactum, ipso jure tolluntur *l. 17. §. 1. l. 27. §. 3. de pact. l. 95. §. 4. de solut.* De cætero initur tale pactum vel pure, vel sub conditione, & aliquando quidem sub conditione jurisjurandi, ex quo oritur exceptio jurisjurandi §. 4. *l. de except. l. 9. §. 1. de jurejur.* Potest etiam, ad effectum exceptionis, legato obligatio remitti *l. 3. §. 3. de liber. legat.* quod est instar pacti.

§. 5. Acceptilatio est *actus*, quo debitori roganti, verborum obligatio, à creditore, per congruam responsionem, remittitur v. *l. 1. de acceptil.* Requirit adeo *consensum*, & *verba oretenus prolata* *l. 6. §. 3. de acceptil. l. 1. C. eod.* hinc est species stipulationis *l. 27. §. 2. de pact.*

nam

nam verba solennia, cum consensu obligatoria vel liberatoria, spectata, stipulationem efficiunt *v. l. 5. §. 1. de V. O. OBSERV. LAUTERB. Obs. 1184.* Propter verba solennia, acceptilatio quoque dicitur juris civilis *v. l. 1. locat.* licet, si consensum, vel ejus usum spectes, etiam juris gentium esse dicatur *l. 8. §. fin. de accept. OBSERV. LAUTERB. Obs. 1185.* ob eandem causam, actibus legitimis annumerari videtur *l. 77. de R. J.*

§. 6. Acceptum rogant debitores ipsi, licet rerum suarum liberam administrationem non habeant *l. 2. de acceptil.* faciunt enim conditionem meliorem *v. l. 11. pr. eod.* modo verba eloqui possint; Per tutorem verò vel procuratorem rogatio illa fieri nequit, nisi per novationem obligatio antea in eos sit translata *l. 13. §. 10. de accept.* Ferunt acceptum creditores ipsi, modo liberam rerum suarum administrationem habeant, subest enim hic ratio contraria. Per alios acceptilatio fieri nequit, nisi, mediante novatione, creditores antea sint constituti *d. l. 13. §. 10. de accept.*

§. 7. Tollitur per acceptilationem obligatio verbis contracta *l. 8. §. 3. de acceptil.* Aliæ autem obligationes, mediante stipulatione aquiliana, in obligationes verbales, antea converti debent, quam per acceptilationem tollantur *§. 2. l. quib. mod. toll. oblig. l. 18. de accept.* de cætero pura & conditionalis, vel in diem concepta obligatio, acceptilatione tollitur, est tamen hæc in pendent, donec dies vel conditio extiterit *l. 12. de acceptil.* Ipsa vero acceptilatio diem vel conditionem non recipit *l. 77. de R. J. l. 45. de acceptil.* nisi per indirectum, ceu jam indicatum est *ex l. 12. de accept. v. l. 195. de R. J.*

§. 8. Tollit acceptilatio obligationem ipso jure *l. 5. ff. l. 2. 3. C. de accept. l. 7. §. 1. de liberat. leg. §. 1. l. quib. mod. oblig. toll.* Inutilis vero acceptilatio, est instar pacti, & parit exceptionem *l. 8. pr. de accept.* nam in actibus liberatoriis, hæc interpretatio admissa est, non verò in obligatoriis *v. l. 1. §. 1. 2. de V. O. l. 1. §. 4. de constit. pecun. l. 47. de O. & A.* Non tamen quævis acceptilatio inutilis, pactum utile est, sed illa solum, cui requisita civilia defunt, v. gr. si sub conditione acceptilatio facta *v. l. 41. de pact.* aut alia, quam verbalis, obligatio per eam remissa *l. 19. de acceptil.* si vero consensus deficiat, tum effectum pacti illa non habet *l. 8. pr. de accept.*

§. 9. Ita de jure civili. Verum hodie acceptilatio solo consensu peragitur v. CARPZ. p. 2. D. 19. C. 17. Hinc est otiosa disputatio, an sit stipulatio, an juris civilis, an actus legitimus? Potest acceptum rogari & ferri, etiam per alios, remotis novationum ambagibus. Quævis obligatio, sine prævio stipulationis aquilianæ carmine, per acceptilationem, tollitur; recipit quoque hæc diem & conditionem: Liberatio vero, quæ fiat ipso jure, nec hic, nec alibi, alicujus hodie est effectus, hinc illa etiam quæstio, an acceptilatio inutilis, habeat vim pacti? cessat. Breviter: pactum de non petendo, & acceptilatio, hodie coincidunt *conf. OBSERV. LAUTERB. Obs. 1183.*

§. 10. Pertinet huc (II.) *Confusio* quæ est juris eique respondentis obligationis extinctio, ex utriusque, in eandem personam, concursu, resultans. Hunc tollendi modum, esse maxime naturalem, facile liquet, nam si aliqua obligatio, mei causa, unice sit constituta, illa amplius durare nequit, si locum debitoris quoque subeam, cum enim ita, pro lubitu, eam tollere queam, in effectu illa jam est sublata: Oritur autem Confusio ex successione, dum vel creditor debitoris, vel hic illius hæres efficitur v. l. 95. §. 2. de solut.

§. 11. Est tamen confusionis non alius effectus, quam quod tollat solvendi necessitatem, sed ipsum commodum non aufert, hinc si creditor debitori succedat, à se ipso quidem exigere nequit, rem debitam tamen consequitur l. 6. 8. C. ad L. Falcid. Ob concursum aliorum creditorum, confusio quandoque impeditur per *confessionem inventarii*, quo casu creditor succedens eo certius suum consequitur l. fin. §. 9. C. de jur. delib. Quod si inventarium confectum non sit, tum interest, utrum hæreditas sit solvendo, nec ne: illo casu creditor, non obstante confusione, suum iridem consequitur, hoc verò si damnum sentiat, id non tam à confusione, quam à neglecto inventario dependet l. fin. §. 14. C. de jur. delib. Nov. 1. c. 2. hodie tamen *jurata specificatione* facile evitatur CARPZOV. p. 3. C. 33. D. 18. Aliquando confusio facta rescinditur l. 2. §. 18. 19. de H. & A. V. l. 18. de serv. l. 9. *comm. præd.*

§. 12. Ex sententia Romanorum fit etiam confusio, si duæ obligationes diverſi generis, v. gr. principalis & fidejussoria, in eadem persona concurrant l. 21. §. 2. de fidejussor. l. 92. §. 2. de solut. quod tamen

eo saltem casu procedit, si altera obligatio non sit plenior *l. 97. §. 3. de solut. v. CARPZ. p. 2. C. 18. D. 13.* Verum uti illa sententia non omnibus placuit *v. l. 93. §. 3. de solut.* ita solido etiam fundamento non nititur, nam duæ obligationes, in eadem persona concurrentes, bene consistere possunt, quod in obligationibus ejusdem generis, ipsi etiam Romani agnoverunt *l. 21. §. 1. de fidejuss. l. 13. de duob. reis conf. OBSERV. LAUTERB. Obs. 1189. 1190.*

§. 13. (III.) *Rei interitus*, si scilicet species debeatur, eaque sine culpa & mora debitoris perierit *l. 23. 82. §. 1. l. 83. §. 7. de V. O. l. 11. C. si cert. petat.* id quod ex consensu contrahentium dependet, adeoque naturale est, nam ultra rei durationem, obligatio non est constituta (IV.) *Lapsus temporis*, quod itidem ex consensu venit, nec subtilitatis Romanæ, qua ipso jure obligatio tolli negatur *l. 56. §. 4. de V. O. l. 44. §. 1. de O. & A.* hodie aliquis est usus (V.) *Existentia conditionis*, ad quam obligatio contracta, v. gr. dabo, donec uxorem duxeris *v. §. 2. l. quib. mod. tutel. fin.* cujus eadem est ratio, quæ temporis elapsi.

§. 14. Ob eandem causam, nempe consensum, obligationes tollit (VI.) *mutata personarum conditio*, hac enim sublata, obligationes, quæ eam præsupponebant, necessario evanescunt *v. l. fin. de instit. action. CARPZ. p. 2. C. 20. D. 14.* (VII.) *Mors*, si intuitu personarum, obligationes constitutæ sint ut in societate *l. 4. §. 1. l. 52. §. 9. l. 63. §. fin. pro soc. mandato l. 26. 57. mandat. tutela l. 16. §. 1. de tutel.* aliisque negotiis & muneribus personalibus *v. l. 1. de muner. & honor.* Obligationes quoque ex delictis ortæ, aliquando delinquentis, quandoque etiam læsi morte extinguntur, de quo *l. 1. c. 11. §. 25. seqq.* explicatius actum.

§. 15. Solvit quoque obligationes (VIII.) *Concursus duarum causarum lucrativarum*, isto enim altera obligatio tollitur *l. 17. de O. & A. l. 83. §. 6. de V. O. l. 61. de solut. §. 6. l. de legat.* sed hic modus meri juris Romani est nec valida ratione nititur *v. OBSERV. LAUTERB. Obs. 934.* (IX.) *Præscriptio* quæ itidem vim suam habet ex jure positivo. Eam in genere explicavimus *l. 2. c. 9. §. 32. seqq.* ejus vero usum, in multis exemplis, hinc inde jam vidimus. Denique huc referri possunt (X.) *omnes modi*, quibus jura legatorum, similiaque, vel voluntate privatorum, vel auctoritate legis positivæ tolluntur, de quibus alibi dicendum erit.

§. 16. Solet etiam in hunc censum referri (1.) *Capitis diminutio maxima & media*, verum hæc non tollit jura & obligationes, sed solum personam creditoris & debitoris mutat v. l. 2. de cap. minut. Idem dicendum (2.) de *Confiscatione* quæ iidem jurium & obligationum subjecta saltem migrat v. l. 51. §. f. de fidejuss. l. 2. C. ad L. Jul. de vi publ. l. 3. C. de fidejuss. nec non (3.) de *Cessione*, nam hæc jura v. l. 4. 9. C. de procur. & aliquando etiam obligationes v. l. 42. §. 2. de procur. l. 66. §. 2. de evict. l. fin. §. 2. de condit. indebit. in alium saltem transfert.

CAPUT XVII. DE CONDICTIONE IN- DEBITI.

SUMMARI.

Condictio indebiti §. 1.
Ex quasi contractu vulgò repetitur §. 2.
Sed descendit ex ipsa rei acceptione §. 3.
Ad eam requiritur datio §. 4.
Ac sufficit civilis §. 5.
Indebiti diversitas §. 6. 7.
Absolute indebitum repetitur, cujus varia sunt exempla §. 8. 9. 10. 11. 12.
Civiliter indebiti non est repetitio §. 13.
Vinculo naturali eam impediens §. 14.
Injuste absolutus solutus ex errore repetit §. 15.
Fidejussor solidum ex errore solvens repetere nequit §. 16.
Hæredibus fidejussorum quatenus repetitio competat §. 17. 18.
Ad conditionem indebiti requiritur error facti §. 19.
Aliquando etiam scientes solutum repetunt §. 20.
Error juris conditionem excludit si 21.
Quibusdam tamen personis non nocet §. 22.
In genere autem pro innoxio male habetur §. 23.

Error facti voluntarius, nec non involuntarius sed concomitans repetitionem impedit §. 24. 25.
Opinio accipientis jus repetendi non tollit §. 26.
Dubitatio solventis aliquando nocet aliquando est innoxia §. 27. 28. 29.
Solutione erronea censetur transferri dominium §. 30.
Quod ratione tertii intelligendum §. 31.
Probatio solutionis & indebiti §. 32. 33.
Nec non erroris, à quo facienda §. 34.
Probationis modus §. 35.
Competit condictio solventibus aut iis quorum nomine solutum §. 36. 37.
Adversus accipientes & delegantes §. 38.
Ad repetendas res solutas, tam corporales quam incorporales, sed ultimum minus recte dicitur §. 39. 40.
Repetitur vel species vel quantitas etiam cum usuris §. 41.
Si res alternative debite solvantur, cujus arbitrio repetitio fiat §. 42. 43.
Conditionem indebiti excludit obligatio & consensus §. 44.



Cecidit aliquando, ut debitum, quod quis subesse falso existimat, distracturus, alteri rem indebitam præstet aut relinquat vel etiam plus, quam debebat, per errorem solvat. Ad solutum igitur repetendum, prodita est *Condictio indebiti*, quæ nullibi rectius, quam hoc loco proponitur. In genere quidem omnis conditio, qua rem datam, ab altero repetimus, *indebiti conditio*, dici potest, sed in specie illa, hoc nomen accepit, quæ erroneam solutionem similemve liberationem præsupponit. Est igitur *actio personalis, qua quis repetit indebitum, per errorem alteri solutum vel relictum*.

§. 2. Est hæc actio, *perpetua arg. l. 3. 4. C. de præscript. 30. vel 40. ann. v. l. 15. §. 1. de condict. indeb.* dicitur etiam *stricti juris*, cujus denominationis hodie nullus usus est, quemadmodum etiam divisio, in *condictionem certi & incerti l. 40. §. 1. de condict. indeb. l. 12. de novat.* frustra hodie inculcatur. Fundamentum ejus est *solutio indebiti* quæ dicitur *quasi contractus, quo is, qui indebitum, per errorem solutum accepit, ad ejus restitutionem obligatur §. 6. I. de obligat. quæ quas. ex contract. l. 5. §. 3. de O. & A.* Censetur etiam ille subesse, quamvis interdum verbis disertis restituendi necessitas sit constituta *arg. l. 3. C. de fidejussor. l. 3. de Legat. 1. l. 56. pr. mand. v. LAUTERB. C. j. de condict. indeb. lit. C.*

§. 3. Seduti hoc ultimum, contradictorium videtur, nisi forte in eum sensum: *obligationem restituendi subesse, licet conventio specialis non sit interposita*, accipiendum est, ita commento quasi contractus hic plane non indigemus, sed illud potius solidam cognitionem impedit. Sola rei acceptio, accipientem, ad ejus restitutionem, obligat, ut non sit opus, illius consensum vel præsumere vel fingere: utriusque enim accipiens, qui jus ratione rei non habuit, & cui dans eam non donavit, ad illam reddendam, per jus naturale obligatur. Triam ergo, ad fundandam conditionem, requiruntur, ut (1.) detur (2.) indebitum (3.) per errorem tanquam debitum v. OBSERV. LAUTERB. Obs. 359. 360.

§. 4. Primo requiritur *datio*, qua res in alterum transfertur, & nihil

nihil refert, quale jus accipiens inde consequatur, sufficit enim, quod rem reddere possit & debeat, ut non opus sit, cum Romanis tricarari, ac juris in accipiente diversitatem, non alio fine observare *v. l. 12. ff. §. 1. l. 22. ff. 40. §. 1. l. 53. de condic. indeb.* quam ut conditio nunc certi, nunc incerti dicatur *v. LAUTERB. C. f. de condic. indeb. lit. R. n. 1.* nam illa carminahodie non valent. Quod si res, per errorem, saltem promissa sit, tum conventus exceptionem opponit, ac chirographum datum quoque interim condicit *l. 31. ff. l. 2. 3. 4. C. de condic. indeb. l. 6. C. de jur. & fact. ign.* si vero causa, ob quam chirographum datum, non secuta, vel sublata sit, condictione sine causa illud repetitur *l. 2. 4. C. de condic. ex leg.*

§. 5. Si quis per errorem debitum alteri remiserit, censetur quodque aliquid dedisse, adeoque condictione indebiti potest id repetere *arg. l. 4. 10. de condic. caus. dat. caus. non fec. l. 115. de R. J.* Sed satius forte erit, propria & antiqua actione illud exigere, ac oppositam liberationis exceptionem, replicatione erroris diluere. Si per errorem quis se pro alio delegari patiatur, creditori quidem solvere tenetur, quia vero ita, in effectu, debitori indebite aliquid præstitit, hinc ab eo solum condicit *l. 12. 13. de novat. l. 2. C. de condic. indeb. v. c. 14. §. 10.*

§. 6. Secundo requiritur *indebitum*, hoc solet distingvi in indebitum simpliciter, quod nullo jure, neque naturali, neque civili, neque a solvente, neque accipienti debetur, & secundum quid; Hoc ita dicitur vel ratione hominis, quod quidem jure debetur, sed non ei, cui solvitur, aut non ab eo, qui solvit; vel ratione juris, quod certo aliquo jure non, alio verò debetur: hoc iterum triplex est, vel enim debetur jure naturali perfecto, sed non jure civili; vel debetur jure naturali imperfecto, sed itidem jure civili non debetur: vel debetur jure civili stricto, sed naturaliter indebitum est *v. LAUTERB. C. f. de condic. indeb. lit. R. n. 3.*

§. 7. Sed non opus est tanto specierum apparatu: Indebitum ratione hominis, est absolute indebitum, licet enim vel ratione solventis, vel accipientis, debitum aliquod subsit, attamen, inter solventem & accipientem, nullum plane occurrit, de his vero saltem queritur. Idem dicendum de eo, quod jure naturali imperfecto, vel stricto
jure

jure civili tantum debetur, hoc enim, pro absolute indebito, merito habetur, cum illorum vinculorum nullus plane sit effectus. Ergo sufficiunt duæ species, *indebitum simpliciter tale*, quod neque jure naturali, neque civili efficaciter, & *indebitum civile*, quod perfectio, quidem jure naturali, sed non civili debetur.

§. 8. Absolute indebitum, cæteris paribus, repetitur *l. 7. de condit. indeb.* Tale est (1.) quod sine ullo aliquo titulo, alicui solvitur (2.) quod, occasione rei debitæ, dum solvens in calculo vel numeratione errat, præstatur, quod utrumque exemplum etiam extra dubium est positum (3.) quod pupillus, ex promissione, sine tutore inita, solvit *l. 41. de condit. indeb.* nam obligatio naturalis, quatenus pupillo nocet, imperio civili impeditur (4.) quod ex testament imperfecto *l. 7. C. de condit. indeb.* aut (5.) ultra dodrantem solvitur *l. 9. C. ad L. Falcid. l. 21. 68. §. 1. ad Sc. Trebell §. 7. in med. l. de fideicom. hered.* nam hic quoque lex civilis naturalem obligationem impedit, quæ verior omnino est sententia.

§. 9. Eo etiam pertinet (6.) debitum sub conditione, vel die incerto contractum *l. 16. 18. 56. de condit. indeb. l. 213. de V. S. l. 75. de condit. & demonstr. v. l. 1. §. 2. eod. l. 4. pr. quand. dies legat. ced.* Quod vero (7.) sub die certo debetur, illud indebitum non esse putatur, hinc ante diem solutum repeti nequit *l. 10. 17. de condit. indeb.* nec usuræ, ob festinatam solutionem, exigi possunt *arg. l. 1. C. de condit. indeb. l. 26. pr. C. de usur. l. 49. §. 1. de A. E. V. v. LAUTERB. C. J. de condit. indeb. lit. R. n. 3.*

§. 10. Licet enim, ante diem, nihil debeatur, attamen, cum, cessante obligatione principali, usuræ seorsim peti, præterea, ne quidem, rei indebitæ intuitu, exigi queant, ideo, debito ante diem soluto, earum exactio quoque cessat. Sed cum hodie, usuræ seorsim peti, ac, in omnibus negotiis, eb moram similemque causam, exigi possint *v. l. 4. c. 21. §. 24. 30.* hinc plane arbitror, solutum ante diem, hodie vel posse repeti, vel ejus usuras minimum exigi.

§. 11. In hunc censum referendum (8.) quod solvens non debet accipienti, utur ille alii, vel huic alius tantundem debeat, hoc enim ad rem non pertinet, hinc tale indebitum repetitur *l. 65. §. f. de condit. indeb.* nisi quis, nomine veri debitoris, creditori solverit *l. 39. de N. G.*

l. 23. de solut. l. 44. de condi& indeb. v. CARPZ. p. 2. C. 24. D. 10. (9.) Circa quod obligatio imperfecta, v. gr. ad antidora, occurrit, hoc enim, per errorem solutum, etiam repetitur *v. l. 25. §. 11. de hered. petit. v. ZOES. de condi& indeb. n. 8.* Idem dicendum (10.) de eo, quod ex obligatione naturali improbata vel neglecta, debetur, v. gr. a muliere intercedente *l. 40. pr. de condi& indeb. l. 16. §. 1. ff. l. 9. C. ad Scit. Vellejan.*

§. 12. Denique huc referendum (11.) quod stricto jure civili deberi dicitur, quale est promissum vi extortum, vel spe futuræ numerationis initum, aut debitum pacto puro, vel sub conditione jurisjurandi inito, remissum, hoc etiam errore solutum repetitur *l. 32. §. 1. l. 43. l. 26. §. 3. l. 47. l. 66. de condi& indeb. l. 29. §. 5. mand.* Huc vero (12.) non pertinet, quod, ex judicis sententia, licet iniqua, debetur, hoc enim, ex legis præsumptione, non tantum civiliter, sed & naturaliter debetur, adeoque ex errore solutum non repetitur *v. l. 25. de stat. hom. l. 65. §. 2. ad Scit. Trebell. l. 29. §. 5. mand. l. 36. fam. ercisc. l. 1. C. de condi& indeb.*

§. 13. Indebitum civile *v. §. 7.* non repetitur *v. l. 15. 19. pr. l. 26. §. 12. l. 64. 66. de condi& indeb. l. 10. de O. & A. l. 16. §. 4. de fidejuss. l. 3. C. de usur.* Tale est (1.) quod ex pacto nudo debetur *l. 5. §. 2. de solut.* sed hoc exemplum hodie non amplius occurrit, cum id non tantum naturaliter, sed & civiliter debeatur (2.) quod filiusfam. ex mutuo debet *l. 9. §. 4. l. 10. de Scit. Maced. l. 40. pr. de condi& indeb.* hoc enim solutum repeti nequit, licet à filiofam. exigi nequeat, etiamsi sui juris factus, per ignorantiam facti, id expromiserit *l. fin. de Scit. Macedon.* (3.) quod ex singulari pietate præstandum *l. 32. §. 2. de condi& indeb.* (4.) murum, quod pupillus, sine tutoris autoritate, accepit, ac pubes factus solvit *l. 13. §. 1. de condi& indeb. v. l. 59. de O. & A.*

§. 14. Videtur quidem illis exemplis generaliter ob stare regula in *l. 26 §. 3. de condi& indeb.* tradita: illud quoque, velut indebitum repeti, quod, per aliquam exceptionem perpetuam, peti non poterat. Verum illa saltem pertinet ad eos casus, in quibus vel obligatio mere civilis, vel naturalis improbata, aut neglecta, suberat, in illis enim conventus opponit exceptionem, & quod per errorem solvit, repetit: Aliud verò obtinet in casibus, ubi efficax obligatio naturalis subfuit, in
iis

iis enim conventus quidem etiam exceptionem valide objicit, sed per errorem solutum non repetit, vinculo naturali repetitionem impedi-
ente *l. 40. pr. de condiç. indeb.* conf. OBSERVAT. LAUTERB. *Obs.* 362.

§. 15. Quodsi injusta sententia absolutus, postea, ex alia causa erronea, solvat, solutum non posse repeti, ob obligationem naturalem, quæ, non obstante absolutione, adhuc subsistit, aliqui censent ex *l. 60. pr. de condiç. indeb. l. 8. §. 1. rem rat. hab.* sed perperam, nam ibi agitur de eo, qui, anticipata solutione, beneficium rei judicatæ a se repulit, ex quo generalis doctrina male conficitur. Dicendum igitur est, quod absolutus rem repetere possit, ob legis enim præsumtionem ille plane non est obligatus *v. §. 12. n. 12. h.* Quodsi autem absolutus sponte, i. e. sciens rem judicatam, ejus intuitu, solverit, tum nihil repetit *l. 28. de condiç. indeb.* non propter obligationem naturalem, sed consensum *v. OBSERV. LAUTERB. Obs.* 363.

§. 16. Si ex duobus fidejussoribus, unus per errorem, ommissa divisionis exceptione, solidum solverit, à creditore nihil repetit *l. 26. 49. §. 1. in fin. de fidejussor.* id quod ab obligatione naturali dependere, aliqui censent *v. LAUTERB. C.J. de condiç. indeb. lit. R. n. 3. vers. fin.* Verum fidejussor non tantum naturaliter sed & civiliter obligatur ad solidum solvendum, potest tamen, opposita divisionis exceptione, ab illa obligatione, pro parte, liberari, hoc non factò, præstat id, quod debet; negatio igitur repetitionis, nam tam ex obligatione naturali, quam mixta potius, est deducenda *v. OBSERV. LAUTERB. Obs.* 364.

§. 17. Aliter se res habet in unius fidejussoris pluribus hæredibus; Ex his, si unus per errorem, solidum solvat, à creditore repetit, quod ultra portionem suam, præstitit *l. 49. §. 1. de fidejussor.* nam inter cohæredes ipso jure divisa est obligatio *l. 26. C. de pact. l. 6. C. fam. ercisc. v. l. 1. c. 8. §. 27. 28. 29.* Quodsi duo sint fidejussores, & uno mortuo, ejus hæres solidum solvat, à creditore nihil repetere potest, nam inter ipsum, & alterum fidejussorem, ipso jure obligatio non fuit divisa, nec potest hæres, intuitu confidejussoris & creditoris, plus juris habere, quam ejus antecessor habuit *l. 49. §. 1. de fidejussor.*

§. 18. Quodsi duo fidejussores accepti fuerint, v. gr. in viginti, & alter ex duobus hæredibus, alterius fidejussoris defuncti, totum creditori exsolverit, decem ab eo repetere potest, hæc enim ipso jure non

debuir, sed illa pertinent ad onus cohæredis, quoad reliqua decem vero, quinque, quorum solvendorum necessitatem, objecta divisionis exceptione, alteri fidejussori imponere potuisset, non reperit, licet alter fidejussor sit solvendo, nam inter hæredes unius fidejussoris, & alterum fidejussorem, ipso jure obligatio non dividitur, hinc solvens, exceptione omiſſa, præstitit id, quod debuit *d. l. 49. §. 1. de fidejussor.*

§. 19. Tertiò requiritur *error facti v. §. 3. h.* quem solvens vel in causâ debendi, vel in calculo commisit *l. 6. 7. C. de condiç. indeb. l. 6. 10. C. de jur. & fact. ign. l. 9. C. ad L. Falcid.* Sciens ergo indebitum non reperit, cum donaverit *l. 1. §. 1. l. 24. 26. §. 3. l. 62. ff. l. 9. C. de condiç. indeb. l. 9. C. ad L. Falcid. l. 53. de R. J.* etsi ea mente datum sit, ut repetatur *l. 50. de condiç. indeb. l. 7. C. de condiç. ob caus. dat.* nam voluntas, in animo retenta, nihil operatur *v. l. 25. C. de transact.* Requiritur tamen ut in accipiente sit animus acquirendi, quem ex postfacto etiam declarare potest, si forte intentionem dantis, ab initio non satis intellexerit *v. l. 18. de R. C.*

§. 20. Aliquando tamen etiam sciens repetit, si alia quam donationis conjectura capi queat v. gr. in debitore usuras immoderatas solvente, nec non in eo, qui in processu executivo indebitum solvere debuit, cum ejus exceptio esset illiquida, hoc enim in reconventionem repetitur *v. RIVIN. ad O. P. §. 111. 6. enunc. 6.* Aut si solvens donare nequeat, qualis est pupillis, nam ex scientia, non aliter animus donandi colligi potest, quam si sciens habeat facultatem donandi, ac omnia liquido intelligat, libereque se, ad solvendum, determinet *vid. LAUTERB. C. J. de condiç. indeb. lit. R. n. 4. HARPRECHT. Respons. Vol. 4. Resp. 77.*

§. 21. Qui in jure errat, similes est scienti & consentienti, debebat enim jus scire, hoc ergo dum sponte ignorat, in ea omnia, quæ ex illa ignorantia profiunt, censetur consentire *v. l. 48. pr. de fidejussor.* hinc errore juris solum non condicatur, accipiens enim, ob tacitam donationem, illud recte retinet *l. 10. C. de jur. & fact. ign. l. 9. C. ad L. Falcid. v. LAUTERB. C. J. d. l.* In nonnullis tamen ignorantia juris excusatur, adeoque animum donandi excludit, ac repetitioni locum facit.

§. 22. Eo pertinent pupilli similesque personæ *l. 29. de condiç.*

indeb. l. 25. de minor. l. 2. C. si advers. solut. quamvis in his adhuc fortior ratio, à defectu facultatis donandi desumpta, concurrat: Porro mulieribus jus ignorare licet, maxime quoad SCrum Vellejanum *l. 9. de jur. & fact. ignor. l. 9. C. ad SCt. Vellej.* Idem de militibus, rusticis aliisque, qui juribus vacare non solent, non male dicitur. Ignorantia juris quoque excusanda est, si quis jus speciale & incertum ignoret, quale exemplum est in *l. 1. pr. ut in possession. legat. conf. l. 6. eod. l. 7. C. eod. l. 1. C. de usufr.* CARPZOV. p. 3. C. 13. D. 12. Denique manifestum est, errorem juris, non impedire repetitionem, iis in casibus, in quibus etiam sciens reperunt *v. l. 9. C. ad L. Falcid.*

§. 23. Eorum sententia, qui in genere, errorem juris, conditionem non excludere censent, nisi obligatio naturalis, jure civili agnita, in solvente concurrat *v. CARPZ. p. 3. C. 15. D. 42. LAUTERB. C. J. d. l. rationi & legibus repugnat*, cum enim error ille, consensum donandi involvat, res donata utique repeti nequit, inprimis si ejusmodi personæ errorem commiserint, quæ jus nosse debebant. Frustra porro, eludendis legibus, quæ, ob errorem juris, conditionem cessare dicunt *v. gr. l. 10. C. de jur. & fact. ignor. l. 9. C. ad L. Falcid.* existimatur, quasi ibi obligatio naturalis subsuerit, nam hæc probari nequit, & contextus satis ostendit, quod error juris ideo excludat conditionem, quod scientiæ similis sit. Denique non juvat illam sententiam *l. 8. de jur. & fact. ignor.* quæ non ad conditionem, sed confessionem aut usucapionem pertinet *v. OBSERV. LAUTERB. Obs. 366.*

§. 24. Porro non omnis error facti, innoxius est, nam si voluntarius sit, & propemodum affectatus, is utique conditionem excludet, error tamen in facto proprio, pro tali non semper habendus est, cum, præter culpam, alicui obrepere possit *v. l. 22. 32. §. 1. de condi& indeb. CARPZ. p. 2. C. 28. D. 21. n. 5.* Circa involuntarium amplius distinguendum est, utrum sit efficax *v. gr. dum quis putat, se ex causa necessaria seu efficaci, scilicet emti, mutui similive esse obligatum, an concomitans v. gr. dum quis existimat, se, ob acceptum beneficium, alteri esse obstrictum.* Ille conditioni locum facit, hic eam excludit, habetur enim pro scientia & consensu *v. l. 52. 65. §. 2. de condi& indeb. OBSERV. LAUTERB. Obs. 361. 365.* quia adjunctum habet errorem juris.

§. 25. Ex quo sequitur, quod, si beneficium revera subsit, ac aliquis exinde validè se obligatum putet, repetitio quoque cesset, nam adeest error juris. Aliud dicendum, si quis, cum ex beneficio vero obligaretur, v. gr. ex mutuo se obligari, falsò crediderit ac solverit, vel etiam, sine consideratione præcedentis beneficii, ex errore falsæ causæ, indebitum præstiterit, nam, utroque casu, habet locum repetitio, subest enim error facti efficax, ac obligatio ex beneficio orta, impediendæ repetitioni, non sufficit.

§. 26. Quoad accipientem, nihil hætenus refert, sive sciverit, sibi nihil deberi, sive per errorem facti aut juris, creditorem se existimaverit, jus enim repetendi ex eo oritur, quod solvens nihil debuerit, nec animum donandi habuerit, quod fundamentum, accipientis opinione, non mutatur. Modum tamen obligandi, diversus accipientis status mutare potest, si enim sciens indebitum, alterum induxerit, ac, lucrandi animo, pecuniam acceperit, tum non conditione indebiti, sed, ut fur, furtiva, convenitur *l. 18. de condiç. furt. l. 38. §. 1. de solut. l. 43. de furt. v. LAUTERB. C. J. de condiç. indeb. lit. R. n. 4. in fin.*

§. 27. De dubitante adhuc videndum est, si dubitet circa jus, videtur illa dubitatio pro juris errore habenda esse, adeoque soluti repetitio regulariter cessare, debebat enim dubitans jus scire, hinc dum, nondum discussa dubitatione, solvit, in omnia incommoda censetur consensisse. Si vero dubitatio respiciat factum, & solutio simpliciter intervenerit, repetitio locum habet *l. fin. C. de condiç. indeb.* si autem, dubitationis intuitu, expressa vel tacita conventio intercesserit, tum, juxta ejus tenorem, pronunciandum erit.

§. 28. Quod si adeò solvens de re, si indebita appareat, reddenda sibi prospexerit, repetitio locum habet *l. 2. pr. de condiç. indeb.* si vero de solutione transactum sit, illa cessat *l. 65. §. 1. ff. l. 2. fin. C. de condiç. indeb. l. 6. C. de jur. & fact. ignor.* nisi dolus accipientis intervenierit *d. l. 65. §. 1. de condiç. indeb.* talis transactio quoque intervenisse præsumitur, si quis ex causa, in qua lis, ob inficiationem, in duplum crescit, indebitum solverit *l. 4. C. de condiç. indeb. §. fin. l. de obligat. quæ quas. ex contr.* sed illa præsumptio longius petita est, nec hodie obtinet *v. LAUTERB. C. J. de condiç. indeb. lit. 3.* Plane qui ex causa transactionis, quam olim intercessisse, falso existimat, solvit, perinde repe-

repetit, ac is qui & alia causa erronea aliquid præstitit *l. 23. de condic. in deb.*

§. 29. Cum ergo transactio, etiam tacita, repetitionem excludat, multo magis hoc dicendum erit, si errans vel dubitans, expresse repetitioni renunciaret, nam, renunciationem talem, perinde erroneam esse ac ipsam solutionem, ceu aliqui volunt, gratis utique dicitur *v. OBSERV. LAUTERB. Obs. 371. 372.* Si solvens profiteatur, se soluti nomine, litem movere nolle *v. LAUTERB. C. J. de condic. in deb. lit. 3. n. 3.* repetitioni etiam renunciassse videtur, aliud est, si ita dictum sit: *ex hoc contractu nullam inter se controversiam amplius esse*, qua clausula condictio non tollitur *l. fin. §. 3. de condic. in deb.*

§. 30. Concurrentibus hisce requisitis, rei datæ dominium censetur transire in accipientem, modo ea intentione res data sit *v. §. 4. h.* accipiens verò rem reddere tenetur *v. LAUTERB. C. J. de condic. in deb. lit. R. n. 4. in fin.* Posterior effectus extra dubium est, sed prior, ex vano potius præsupposito, quod condictio detur contra dominum, quam solidis rationibus asseritur, nam licet dans intentionem transferendi dominii habeat, attamen illa conditionalis est, si res alteri debeatur, hinc, hac deficiente, etiam translatio merito deficere debebat.

§. 31. Interim si admittas illum effectum, non pertinet ille ad accipientem, quoad hunc enim inanis est, sed ad tertium, in quem res translata est, aut ad concurrentes creditores, ut, in horum præjudicium, res à solvente vindicari nequeat. Quod si accipiens sciverit indebitum, ac animo lucrandi illud acceperit, tum, quia furtum committit, dominium non transfertur, hinc & res vindicari, & ab accipiente, condictione furtiva, à tertio verò possessore, condictione sine causa, avocari potest *v. 26. h. conf. c. 1. §. 12. seqq. h. OBSERV. LAUTERB. Obs. 267.*

§. 32. Quod attinet probationem requisitorum antea expositorum, solutionem probare debet actor *l. 25. pr. de probat. l. 7. §. fin. de curator. furios. v. CARPZ. p. 2. C. 28. D. 21.* Reus verò ostendere debet, solum, fuisse debitum, si antea solutionem negaverit, si verò hanc confessus sit, tum actor probare debet, solum esse indebitum, modo omne solum, simpliciter indebitum dicat & homo diligens sit *d. l. 25. pr. de probat.* si autem actor talis persona sit, quæ rerum suarum non adeo satagere solet, ut pupillus, mulier, miles vel rusti-

sticus, tum reo imponitur probatio, solutum, *debitum* fuisse *d. l. 3. §. 1.*

§. 33. Quod si actor solum, debitum quidem ab initio fuisse, fateatur, sed illud jam extinctum esse contendat, tum probatio *indebiti* indistincte ab eo requiritur, quod etiam dicendum, si partem solum, indebitam esse dicat *d. l. 3. §. 2.* Si cautio solum exposita, sit, tum, si indiscretè loquatur, actor *causam debendi* probare tenetur, si vera causam contineat, reus *indebitum* promissum fuisse ostendere debet, & quidem literis *d. l. 3. §. fin.* quod ultimum hodie non observari puto *v. c. 14. X. de fid. instrum. CARPZ. p. 1. C. 17. D. 39.*

§. 34. Regulariter quoque *error* ab errante probandus est, est enim facti, & quidem ejusmodi, quod non facile hominibus, rerum suarum sagagentibus, accidere solet *l. 6. C. de condi& l. 3. pr. de probat.* nec obstat, quod, *probato indebito, error præsumendus sit, cum nemo suum jactare soleat*, adeoque *error* potius, quam *donatio* præsumi debeat *v. CARPZ. p. 2. C. 28. D. 21. n. 5. STRYCK in not. ad LAUTERB. de condi& indeb. ad p. 205.* nam illa præsumtio minime est necessaria, cum, ex ipso facto, potius *donatio* præsumenda sit, nisi *error* probetur. Quod si autem solvens, talis persona sit, cui *error* non infrequenter obrepere soleat, tum adversarius erroris absentiam probare tenetur *l. 3. §. 1. de probat. conf. LAUTERB. C. J. de condi& indeb. lit. pr.*

§. 35. Hæc omnia uti ex ipsis æquitatis principiis dependent, ita probatio consveto modo, testibus scilicet, instrumentis vel delatione juramenti, peragi potest *l. 3. §. pen. de probat.* habita tamen processus ratione, nec enim quivis quamvis probationem admittit. Si res soluta repetatur, quia id vix aliter, quam processu ordinario, fieri potest, ideo quævis probatio locum inveniet; sed si ex cautione exposita, executive agatur, circa objectam *indebiti* & *erroris* exceptionem, non alia quam liquida probatio admitteretur, eaque deficiente, reus, facta solutione, reconventionem instituere debebit *STRYCK in not. ad LAUTERB. C. J. de condi& indeb. lit. pr. conf. OBSERV. LAUTERB. Obs. 368. 369.*

§. 36. Competit *condictio indebiti* iis, qui *indebitum* ex errore solverunt, & hæredibus *l. 12. 29. ff. l. 1. C. de condi& indeb.* etiam successori singulari *arg. l. fin. C. de H. & A. V.* Si tutor aut procurator do-

nomine principalis, solverint pecuniam, licet propriam, non illis, sed domino competit conditio *l. 57. pr. l. 6. §. f. ff. l. 6. C. de condit. indeb.* quia obligatio re contrahitur, quibus casibus solvens est instar nuncii, nec sibi acquirit actionem *l. 6. §. 1. de N. G.* si tamen tutor, finita tutela, indebite solutum non imputaverit pupillo, ipsi conditio datur *l. f. §. 1. de condit. indeb.* quod etiam dicendum de procuratore, si sine consensu domini solverit *l. 6. pr. de condit. indeb.* Cæterum prior subtilitas, qua domino actio acquiri dicitur, solventi vero negatur, non tam ad actionem, quam ejus saltem nomen pertinere videtur, hinc non dubitem, quin utrique actio competat.

§. 37. Si fidejussor, nomine debitoris, indebitum solvat, debitor repetit, si suo, ipse fidejussor *l. 38. §. fin. l. 47. de condit. indeb.* circa quod repetendum, quod, quoad procuratorem, modo admonui. Si duo rei diversotempore solvant, ultimus repetit, modo prior solutio obligationem sustulerit *l. 25. §. 9. de condit. indeb. l. 34. §. fin. de solut.* si eodem tempore, singuli partem repetunt *l. 19. §. fin. l. 20. de condit. indeb.* Si, ex obligatione alternativa, utramque rem præstiterint, una, arbitrio creditoris, restituitur *l. 21. cod.*

§. 38. Datur conditio contra accipientes *l. 57. §. 1. de condit. indeb.* & delegantes, pro quibus is, qui se ex errore delegari passus est, creditori solvit *l. 2. C. de condit. indeb. l. 12. 13. de novat. v. OBSERV. LAUTERB. Obs. 370.* contra pupillos similesque datur, quatenus sunt locupletiores facti *l. 5. §. 1. de autor. tutor.* Si procuratori indebitum solutum sit voluntate domini, hic, non procurator convenitur, sed hoc iterum ad nomen actionis pertinere videtur: Si autem sine voluntate domini procuratori solutum, tum ipse solum tenetur *l. 6. §. 1. 2. l. 57. §. 1. de condit. indeb. l. 34. pr. de solut.* Contra hæredem quoque datur conditio, subiit enim defuncti locum. non vero contra successorem singularem *v. l. 49. de condit. indeb.* si, erronea solutione dominium in accipientem transferri, præsupponas *v. §. 29. 30. h. conf. STRYK in not. ad LAUTERB. de condit. indeb. lit. P.*

§. 39. Repetuntur hac conditione, res indebite solutæ, corporales & incorporales, prout habet vulgaris stilus *v. LAUTERB. C. J.*

de condi& indeb. lit. O. Sed falsum est, quod ullo casu res incorporalis seorsim repetatur : Semper potius repetitur res corporalis, cum certo aliquo jure considerata. Aliquando igitur petimus rem totam, quam animo transferendi dominii, si error non subesset, alteri dedimus, qui est ordinarius hujus conditionis casus. Nonnunquam res aliena, indebite præstita, vel impensæ in alienam rem factæ, repetuntur, vel exigitur possessio, ut, ea obtenta, rem tamdiu retinere queamus, donec, quoad impensas, nobis satisfactum sit *l. 15. §. 1. l. 40. §. 1. de condi& indeb.* in totam vero rem, jus repetendi non competit, quod velle videntur *l. 33. §. 1. cod.*

§. 40. Si usufructum tibi indebite præstitero, rem hæcenus repeto; ne tu amplius habeas usumfructum *l. 12. de condi& indeb.* si fundum, in quo mihi iter competebar, per errorem, velut liberum, præstitero, eo effectû illum repeto, ut mihi deinceps serviat *l. 22. §. 1. cod.* si cautio indebite sit exposita, cautionem, quæ utique corporalis est, à te peto, si per errorem te liberavero, pecuniam debitam, quæ, sine dubio, corpus aliquod est, à te postulo *v. §. 4. §. h.*

§. 41. De cætero vel quantitas, vel species conditione repetitur, illa in genere exigitur *l. 7. 19. §. 2. l. 65. §. 6. de condi& indeb. l. 25. in fin. de P. V.* sed sine usuris *l. 1. C. de condi& indeb.* hodie tamen à sciente statim, ab ignorante vero, post moram, usuræ solvendæ sunt *v. §. 10. h. STRYK in not. ad LAUTERB. de condi& indeb. lit. O.* Species repetitur cum fructibus & accessionibus *l. 7. 15. pr. l. 26. §. 12. l. 65. §. 5. de condi& indeb. l. 38. §. 2. de usur.* deductis tamen impensis *l. 65. §. 5. de condi& indeb.* Si res restitui nequeat, bonæ fidei possessor, extra moram, non tenetur, nisi in quantum locupletior factus *l. 26. §. 12. l. 65. §. 8. de condi& indeb.* sed malæ fidei possessor, aut morosus, verum rei pretium præstare debet *d. l. 65. §. 8.*

§. 42. Si ex obligatione alternativa, utrumque, per errorem, simul sit solutum, alterum repeti potest, & habet, ex sententia nonnullorum, accipiens electionem *l. 26. §. 13. in fin. de condi& indeb.* sed rectius eligendi arbitrium solvendi tribuitur *l. pen. C. de condi& indeb.* nam hic fuit debitor adeoque electionem habuit, per erro-

neam verò solutionem, neutiquam in accipientem, illa fuit translata, cum nulla conventio subfit. Si debitor, ex quantitate alternative debita, v. gr. dimidium, per errorem, solvat, ab ejus arbitrio dependet repetitio, si enim alteram rem præstet, solutum condicit *d. l. 26. §. 13.*

§. 43. Quodsi, soluta quantitatis parte, altera res promissa, per errorem, solvatur, solventis, etiam jure antiquo, est electio *d. l. 26. §. 13. verb. sed & si.* Si diversis temporibus, utraque res alternative debita, soluta sit, posteriorem repetendam esse, quidam putant v. LAUTERB. *C. J. de condict. indeb. lit. O. in fin.* sed verius est, solventis hic quoque esse electionem, nec enim dici potest, quod prior fuerit debita, posterior indebita, sic non oberit *l. 25. de condict. indeb.* quæ saltem docet, quod indebitum sit repetendum, quid vero in nostro casu debitum aut indebitum fuerit, id arbitrio solventis definiri debet. Si tamen ex rebus alternative debitis, sive simul, sive successive solutis, altera casu perierit, quæ superest repeti nequit *l. 32. pr. de condict. indeb. conf. LAUTERBACH. d. l.*

§. 44. Quando conditio indebiti cesset, id, ex requisitis antea expositis, intelligendum est. Cum enim illa locum habeat, si per errorem indebitum sit solutum, inde liquet, eam deficere, si sciens debitum solvat, qui casus est extra dubium, aut errans debitum, vel sciens indebitum præstet; illo casu, *consensus & obligatio*, isto, *obligatio*, hoc, *consensus* repetitionem impediunt. An vero obligatio aut consensus, in casibus specialibus, adsit, nec ne, illud nonnunquam non satis liquidum est, ceu ex iis, quæ

§. 6. seqq. dicta sunt, intelligitur.

CAPUT XVIII. DE SENATUS CONSULTO VELLEJANO.

SUMMARIA.

Transitus ad SCtum Vellejanum §. 1.
Hoc constituit, ne fœminæ ex intercessione obligentur §. 2.
Intelliguntur fœminæ ad contrahendum habiles §. 3.
Ac nihil refert apud quos & pro quibus illæ intercedant §. 4.
Jure novo intercessio aliquando est ipso jure nulla §. 5.
Quæ sanctio inanis est §. 6.
Sub intercessione comprehenditur oppignoratio §. 7.
Fidejussio & expromissio §. 8.
Ad alia negotia bona fide celebrata SCtum non pertinet §. 9.
Ex intercessione valide mulieres non obligantur,

hinc actione §. 10.
Et exceptione se defendunt §. 11.
Hæc competit fœminis, hæreditibus & fidejussoribus §. 13.
Debitores, pro quibus fœmina intercessit, manent obligati §. 14.
Cessat SCtum ob dolum mulieris, acceptum pretium §. 15.
Repetitam promissionem, intercessionem utilem §. 16. 17.
Aut innoxiam vel juramento firmatam nec non ob renunciationem §. 18. 19.
Creditoris & debitoris conditio aliquando SCtum excludit §. 20.
In universum rectius illud aboletur quam conservatur §. 21.

§. 1.



Am in fidejussuionibus, quam expromissionibus, mulieres gaudent beneficio SCti Vellejani, cujus adeo explicatio post expositos contractus, ac tollendarum obligationum modos, non male institui videtur. SCtum Vellejanum est *constitutio juris Romani, qua fœminis, pro aliis, intercedentibus, ita succurritur, ut exinde efficaciter ille non obligentur*, de cujus origine & autore v. l. 2. pr. §. 1. l. 16. §. 1. ad SCt. Vellej. Exinde oritur privilegium SCti Vellejani, quo se mulieres intercedentes tuentur v. l. 40. pr. de condict. indeb. l. 24. §. 2. ff. l. 10. C. ad SCt. Vellej. l. 196. de R. J.

§. 2. Seposita lege civili, mulieres, perinde ac mares, ex conventionibus suis, obligantur, sed cum, ad intercessionem, facile illæ allici posse crederentur v. l. 2. §. 2. ad SCt. Vellejan. ideo SCtum Vellejanum, non quidem eas prohibuit, sed mulieribus intercedentibus facultatem penitendi concessit, adeo ut invitæ inde conveniri nequeant v. OBSERV. LAUTERB. Obs. 464. Summa ergo SCti est: *fœminas, apud alios, pro aliis intercedentes non obligari.*

§. 3. Loquitur SCtum de *fœminis quibuscvis*, nuptis & innuptis l. 2. §. 1. *ad SCt. Vellej.* ad contrahendum vero habiles supponere par est v. l. 4. §. 1. *eod.* nam inhabiles, neque ex intercessione, neque ex ullo alio contractu, communi jure, obligantur: Fœminæ tamen, imperio aut jurisdictione, adeoque consiliariis instructæ, quales quidem jus Romanum ignoravit, hodie non male excipiuntur v. HERING. *de fidejuss. c. 7. n. 517. seqq.* nam in iis, ratio SCti Vellejani cessat, ut nimis vile videatur, si ad ejus auxilium confugere velit.

§. 4. Apud quos fœminæ intercedant, regulariter nihil interest modo creditores intercessionem sciant l. 4. pr. l. 11. 12. 17. pr. l. 19. §. f. l. 27. pr. l. 28. §. 1. ff. l. 1. 10. C. *ad SCt. Vellej.* hinc etiam fœminæ creditrici obstat SCti exceptio l. 5. C. *eod.* minori quoque, si primus debitor, pro quo fœmina expromisit, solvendo sit, alias SCtum ætati cedit l. 12. *de minor. l. 32. pr. ad SCt. Vellej.* Porro nihil refert, pro quo fœmina intercedat l. 1. pr. *eod.* hinc intercessio, pro patre vel filio l. 3. §. C. *eod.* aut marito l. 2. pr. ff. *auth. si qua mulier C. cod. Nov. 134. c. 8.* facta, est etiam invalida, nec tenetur uxor, si, cum marito, velur corream debendi, se obligaverit, nisi pecunia, in ejus utilitatem, versa probetur, nam alias subest intercessio; cum marito tamen suo valide contrahit l. 7. §. 6. l. 52. *de donat. inter V. & U. v. CARPZOV. p. 2. C. 15. D. 23. HERING de fidejuss. c. 6. n. 103. LAUTERB. C. J. de SCt. Vellej. lit. O.*

§. 5. Quoad *intercessionem*, novo jure distingvendum est, utrum fiat *instrumento publico à tribus testibus signato*, an *sine eo*. Illo casu intercessio subsistit summo jure, sed per SCtum evertitur, hoc autem, est ipso jure nulla, nec opus est SCti auxilio l. 23. §. f. C. *ad SCt. Vellej. v. LAUTERB. d. l. n. 4.* Effectus discriminis is esse censetur, quod exceptio à muliere sit alleganda, remedium vero ipsius juris, à judice, ex officio, possit suppleri v. STRYK *in not. ad LAUTERB. d. l.*

§. 6. Sed forte non improbabile est, si, Justinianum affectu muliebri in transversum actum, inanem dedisse legem, dicamus, nam discrimen allatum, non adeo certum est; si exceptio SCti sit liquida, perinde à judice, ex officio, suppleri potest, ac exceptio nullitatis; porro si mulier nullitatem non objiciat, nec judex eam suppleat, perinde ei renunciatum videtur ac exceptioni SCti, si tempestive illa non allegetur, ut hætenus inter hanc & illam nihil intersit. Quis præterea

tam fatuum crediderit creditorem, ut instrumento publico, obligationem invalidam & exceptione elidendam, sit constituturus, hoc sane esset, magno conatu magnas agere nugas. Haut igitur sanctionis illius aliquem usum & effectum esse arbitror. *conf. EBERT. de eo quod sit ipf. jur. membr. 1. Sect. 2. p. 279.*

§. 7. De cætero intercessio hic latius accipitur, ut tam, ad obligationem bonorum, quam *personæ*, pertineat. Invalida ergo est oppignoratio bonorum, quam pro aliis facit mulier *l. 8. pr. ff. l. 4. §. 7. C. ad SCt. Vellej. l. 11. C. de distr. pign.* quod etiam dicendum, si maritus bona uxoris creditori scienti oppignoraverit *l. 5. §. 7. C. ad SCt. Vellej.* si vero ignoranti, & mulier non coacta consentiat, oppignoratio valet *d. l. 5. C. ad SCt. Vellej. l. 11. C. de distr. pign.*

§. 8. Ulterius si mulier aliorum obligationi accedat *l. 8. §. 1. ff. l. 4. 18. C. ad SCt. Vellej.* fidejubendo *l. 28. §. 1. ad SCt. Vellej. l. 3. 48. de fidejuss.* constituendo *l. 1. §. 1. ad SCt. Vellej. l. 28. de constit. pecun.* vel mandando *l. 6. 7. ad SCt. Vellej. l. 32. mand. l. 19. C. de fidejussor.* aut aliorum obligationem expromittendo in se suscipiat *l. 8. §. 9. ad SCt. Vellej.* intercessio est nulla. Idem obtinet, si, sub specie alius contractus, pro aliis intercedat, ac creditor hoc satis intelligat *l. 8. §. 14. l. 11. 12. 28. §. 1. l. 29. pr. l. fin. §. 3. ff. l. 4. 19. C. ad SCt. Vellej. vid. LAUTERB. C. J. d. t. lit. O. n. 4.* Quod si autem creditor saltem sciat, contractum cum muliere celebratum, in aliorum, & v. gr. mariti, utilitatem cedere posse, tum SCtum locum non habet *l. 13. C. ad SCt. Vellej.* qui textus ita cum *l. 28. §. 1. ff. eod.* non male componitur *v. HUBER in possit. ff. ad SCt. Vellej. n. 11.*

§. 9. Ad alia negotia, bona fide celebrata, non pertinet SCrum *l. 8. §. 1. l. 19. pr. §. 1. ff. l. 2. 6. C. ad SCt. Vellej.* hinc valide *fœmina* donat *l. 4. §. 1. l. 21. §. 1. ad SCt. Vellej.* pro alio solvit *l. 4. §. 1. l. 5. ff. l. 1. 4. C. eod.* debitorem suum, creditori alieno & proprio delegat *l. 5. 8. §. 5. l. 19. §. fin. verb. sicut. eod.* modo posteriori casu, ex intercessione, non sit obligata *l. 8. §. 3. ff. l. 9. C. eod.* pignora accepta reddit *l. 8. pr. eod.* hypothecam marito remittit *l. 18. que in fraud. creditor. l. 11. 21. C. ad SCtum Vellej. v. Novell. 61. c. 1. LAUTERB. d. l. lit. O.* ac alia hujus generis negotia celebrat.

§. 10. SCrum Vellejanum, intercessionem mulierum, non reddere ipso

ipso jure nullas, nec actiones inde descendentes impedire, sed illas tantum quoad effectum, in totum reprobare & irritas reddere, vulgo dicunt *v. LAUTERB. d. l. lit. E.* quæ disquisitio hodie otiosa est, cum illa omnia coincident, hinc satis est, si, ob SCtum, mulieres valide non obligari dicamus *v. l. 7. 16. in fin. l. 23. ff. l. 9. C. ad SCt. Vellej.* Res igitur, intercessionis causa, oppignoratas, mulier à quovis possessore vindicat *l. fin. §. 1. ad SCt. Vellej. l. 39. §. 1. de R. V.* quemadmodum etiam, ex errore solutum, condicit *l. 8. §. 3. l. 24. §. 2. l. 31. ff. l. 9. C. ad SCt. Vellej. l. 40. pr. de condit. indeb.* ac, quoties agit, objectas exceptiones, replicatione SCri, diluit *l. 17. §. 1. l. fin. §. 2. ad SCt. Vellej.*

§. 11. Quod si autem mulier, ex intercessione, nondum aliquid præstitit, tum conventa opponit *exceptionem SCri Vellejani v. l. 6. 23. in fin. ff. l. 2. 3. 8. 16. 18. C. ad SCt. Vellej. l. 40. pr. de condit. indeb. l. 7. §. 1. de except.* qua actio, ob intercessionem, instituta, eliditur *v. l. 8. 20. C. ad SCt. Vellej.* Est perpetua *l. 40. de condit. indeb. & realis l. 7. §. 1. de except.* ac potest statim objici, si liquida sit *v. l. 2. §. 1. ad SCt. Vellej. l. 9. de jurejur.* alias post litem contestatam opponitur, potest tamen, in ipsa executione, etiam objici, si autem ne tum quidem allegetur, censetur ei renunciatum *v. l. 11. de SCt. Maced. v. PERETZ. in C. ad SCt. Vellej. n. 23.*

§. 12. Datur exceptio fœminis & hæredibus *l. 7. §. 1. de except. l. 20. C. ad SCt. Vellej.* si tamen mulier, in testamento, hæredes fidem suam liberare jubeat, exceptione illa hi uti nequeunt *v. SAND. l. 3. Decis. Frisic. tit. 11. Def. fin.* nam hoc perinde est, ac, si mulier, omiſſa exceptione, solvisset. Datur etiam fidejussoribus *l. 8. §. 4. l. 16. §. 1. ff. l. 14. 15. C. ad SCt. Vellej. & ex mandato mulieris, intercedentibus l. 6. 7. 8. §. 4. 6. l. 30. §. 1. l. fin. §. 3. ad SCt. Vell.* Non vero competit confidejussori, nam hic, subductâ fœminâ, in solidum tenetur *l. 48. pr. de fidejussor.* quod secus est in expromissione, in qua pars obligationis, quam fœmina susceperat, hac exempta, in debitorem pristinum recidit *l. 8. C. SCt. Vellej.* qualis relapsus, circa obligationem fidejussoriam, locum habere nequit.

§. 13. Objicitur exceptio regulariter omnibus creditoribus, eorumque hæredibus, ut & successoribus singularibus, nam hi plus juris ha-

habere nequeunt, quam ipse creditor habuit *v. l. 1. pr. ad SCt. Vellej. v. l. 4. c. 4. §. 16.* Pertinet autem exceptio ad elidendas actiones, ex intercessione ejusque occasione institutas, & summo jure fundatas, ceu vulgò inculcant, sed hoc ultimum hodie frustra requiritur, cum res eodem recidat, siue actionem, ipso jure non competere, siue exceptione elidendam esse dicas.

§. 14. In autem intercessio mulierum, SCro improbatur, ut ne quidem in præjudicium Creditorum illa valeat, quod tamen in casibus similibus aliàs accidere solet *v. §. 3. l. quib. mod. obl. toll.* Creditor igitur, apud quem mulier fidejussit, actionem, contra principalem debitorem, retinet salvam, cujus quidem ratio est evidens *l. 1. §. fin. ff. l. 23. §. 1. C. ad SCt. Vellej.* Quod si pro alio expromiserit, vel etiam novam obligationem intercedendo susceperit, tum in debitorem vel vetus *l. 8. §. 7. seqq. l. 13. §. f. l. 24. §. 2. ff. l. 16. C. ad SCt. Vellej.* vel nova actio conceditur *l. 8. §. 14. cod. v. l. 10. cod.* modo ille contrahendo se valide obligare queat *l. 8. §. fin. cod.*

§. 15. Sicut autem SCrum, ad alia negotia non pertinet, ceu dictum §. 9. *h.* ita aliquando, ratione intercessionis, quoque cessat; Ejus rei ratio summatim vel intuitu *mulieris*, vel *creditoris*, vel *debitoris*, occurrit. Ratione *mulieris* deficit SCrum (1.) ob ejus dolum *l. 2. §. 3. l. 23. 30. pr. ff. l. 5. 18. C. ad SCt. Vellej.* (2.) ob pretium intercessionis acceptum *l. 23. pr. §. 1. C. cod.* & satis est, si quale quale sit, neque enim quantitas, sed avarum consilium, beneficium excludit *v. HERING de fidej. c. 7. n. 433. seqq.*

§. 16. Porro (3.) ob repetitam, post biennium, intercessionem, modo femina sit major, & debitor, extraneus *l. 22. C. ad SCt. Vellej.* nam pro marito ita se valide non obligat *auth. si qua C. cod. Nov. 134. c. 8.* remissio tamen pignoris marito etiam post biennium fieri potest *Nov. 61. c. 1. v. HERING d. l. n. 448. seqq.* (4.) ob intercessionem, in propriam utilitatem, factam *l. 21. pr. ad SCt. Vellej.* in genere autem ea intervenisse videtur, si mulier, ob præviam obligationem, intercesserit, tum enim non nova obligatio, per intercessionem, constituitur, sed obligatio valida saltem mutatur.

§. 17. Quod si adeo mulier, pro creditore suo expromittat *l. 2. C. ad SCt. Vellej.* vel etiam pro eo, cui delegata est, promittat, eaque pro-

promissione, à creditore suo liberetur, SCtum cessat *l. 24. pr. §. 1. ff. cod. idem est, si, pro creditore suo, vel sola vel cum masculo fidejubeat l. 17. §. fin. l. 18. cod. v. l. 7. §. 14. ad SCtum Macedon. SAND. l. 3. Decis. Fris. tit. 10. D. 2. hinc in specie, pro procuratore fidejussore aut venditore, intercedens mulier, SCto non juvatur *l. 3. 13. ad SCt. Vellej. l. 8. §. 1. qui satisd. cog.**

§. 18. Cessat quoque SCtum (§.) quoad intercessionem innoxiam, si scilicet mulier ab eo, pro quo intercessit, debitum acceperit *l. 16. pr. l. 22. ad SCt. Vellej. (6.)* ob intercessionem juramento confirmatam *l. 1. & seqq. auth. C. si advers. vendit. (7.)* propter renunciationem, si mulier de jure competente satis edocta, eidem renunciaverit *l. pen. C. de pat. l. fin. §. p. ad SCt. Vellej. auth. matri C. quand. mul. tutel. offic.* ac sufficit de jure civili etiam renunciatio extrajudicialis, injurata, ac in instrumento privato facta *v. l. 30. pr. ad SCt. Vellej.* nihil enim, quoad renunciandi modum, specialiter cautum est, hinc, ex generalibus æquitatis principiis, ille merito judicatur.

§. 19. Quod si mulier jurato renunciaverit, tum renunciatio valida est, licet non probetur, eam specialiter de jure suo fuisse edoctam, hoc enim merito, ob juramentum, præsumitur *v. HERING de fidejuss. c. 7. n. 507. seqq.* licet alii dissentiant *v. FINCKELTH. Obs. 116. n. 16.* si tamen mulier enormiter læsa sit, dum *v. gr.* pro debitore ad incitas redacto, expromittere pervasa est, jurata renunciatio ei haut ob-erit *vid. LAUTERB. C. J. ad SCt. Vellej. lit. 3.* In Electoratu Saxoniæ, jurata renunciatio requiritur, si mulier, pro marito, in præjudicium dotis, intercedat *p. 2. C. 16. Decis. Elect. 25. v. CARPZ. ad d. C. 16.*

§. 20. Ratione creditoris cessat SCtum, si hic intercessionem ignoraverit, aut minor sit *v. §. 4. h.* Denique etiam debitoris conditio SCrum aliquando excludit, si nempe foemina, ætate major, intercedat pro dote *l. 41. pr. de jur. dot. l. 12. l. fin. C. ad SCt. Vellej. v. HERING. de fidejuss. c. 7. n. 452. seqq.* quod ad donationem propter nuptias, non extendendum viderur, cum ejus tantus favor non sit *l. 12. §. 2. C. qui potior in pign.* cessat etiam SCrum, si pro servo manumittendo, manumissionis pretium mulier promittat *l. pen. C. ad SCt. Vellej. v. LAUTERB. C. J. d. t. lit. 3.*

§. 21. De eo dubitandum non est quin penitus SCtum Vellejanum tolli queat v. LAUTERB. d. l. *ibique* STRYK in not. imo si calculum recte subducamus, merito illud tollendum esset, nulla enim est iniquitas, si fœminæ, ex intercessione spontanea, obligentur, & sine gravi causa, jus commune SCto suo turbarunt Romani, ac controversiis ambiguis forum oppleverunt. Inprimis in illis locis, ubi sub Curatoribus agunt fœminæ, nulla SCti illius est vel necessitas vel utilitas *conf.* OBSERV. LAUTERB.

Obs. 465.



LIBER SEXTUS.

CAPUT I. DE SPONSALIBUS.

SUMMARIA.

Connexio §. 1.
Naturalis hominum ad genus suum propagandum obligatio §. 2.
Consensus matrimonialis quatuor gradibus discernitur §. 3.
Plurimque sponsalia & nuptiæ distinguuntur §. 4.
Sponsaliorum natura & varietas §. 5.
Fiunt illa consensu vero §. 6.
Accedente consensu parentum §. 7.
Qui hierologia & copula carnali eludi nequit §. 8.
Ad valorem sponsaliorum aliquando etiam requiruntur testes §. 9.
Ineunt ea personæ habiles §. 10.
Pure & sub conditione §. 11.
Impossibilis ea impedit §. 12.
Adjici etiam potest pœna §. 13.
Probationis gratia accedunt artibus §. 14.
Effectus sponsaliorum est diversus §. 15.

Ob defectum requisitorum sponsalia sunt nulla §. 16. 17.
Valida solvuntur morte ac unius renunciatione ob causam justam supervenientem §. 18. 19. 20.
Sine causa alter recedere nequit §. 21.
Soluti etiam possunt sponsalia mutuo dissensu §. 22.
Absens per biennium non est expectandus §. 23.
Sponsalia publica priora præferuntur posterioribus §. 24.
Nisi his hierologia accesserit ex nonnullorum sententia §. 25.
Aut prior sponsa hierologiæ non contradixerit vel priora sponsalia fiant casu superveniente invalida §. 26.
Publica præferuntur clandestinis §. 27.
Pure conditionatis & ex his priora posterioribus §. 28.
Pœna plurium sponsaliorum §. 29.

§. 1.



Consideravimus hætenus jura hominum *existentium*, habito respectu ad extantiora quædam jura, nempe *humanitatem*, *inviolabilitatem*, *libertatem*, *existimationem* & *jus rerum v. l. 3. c. 1. §. 2.* Superest, ex juribus *d. l.* laudatis, *imperium*, ad quod nunc progrediendum videbatur. Sed cum hujus explicatio jura, ad hominum propagationem & mortem pertinen-

nentia, sæpe præsupponat, ideo, dilata ejus expositione, ad secundam considerationem generalem, quam toti tractationi, de jure constituto, fundamenti loco substravimus, nempe ad homines, *genus suum propagantes v. l. 2. c. 1. §. 3.* transeundum erit.

§. 2. A Sponsalibus autem incipiendum videtur. Obligari homines per legem naturalem, ad genus suum propagandum, dubio caret; Non minus probabile est, quod non, more pecorum, propagationem instituere, sed eam potius pacto circumscribere, ac, eo nomine, societatem inire debeant, quo scilicet homines nati, ad observantiam legum, per sollicitam educationem, disponi queant, cum è contrario, admissa pecuina propagandi ratione, homines dubio procul obbrutescerent.

§. 3. Quoad ineundam autem conjugalem societatem, varii actus distingvi possunt. Vel enim (1.) *tractatus* eo fine instituitur, qui in vernacula nostra, *die anverbung* dicitur, vel (2.) à parte sceminae, *promissio* accedit, quam vocant *das jarwort*, estque *pactum de sponsalibus* vel (3.) *conventio de nuptiis* initur, quæ nomen *Sponsaliorum* gerit, vel denique (4.) *repetita solemniter promissione, ut conjuges cohabitant*, qui actus *nuptiarum* nomine venit.

§. 4. Licet verò omnes hi actus, circa quamvis conjunctionem conjugalem, non semper occurrant, sed sæpe duo priores, in tertium velut influant, ac adeo unum efficiant, atamen, apud plerasque gentes, *Sponsalia & Nuptiæ* discernuntur. Inprimis, in Germania, de diversitate illorum actuum, dubitari non potest, nam & jus, eos distingvendi, hominibus competit, & voluntas Germanorum, illos actus seperantium, est, ex multis indiciis, manifestissima. Ex eo sequitur, quod jura nuptiarum, ad sponsalia, non indistincte queant applicari, circa quod non raro fluctuant interpretes *v. SPECIM. JUR. ECCLES. l. 4. c. 1. §. 3. seqq.*

§. 5. Sponsalia sunt *mentio & repromissio nuptiarum futurarum l. 1. de spons.* sive *pactum de nuptiis*, quæ sententia moribus nostris inprimis convenit. Dividuntur (1.) in sponsalia *de presenti*, & *de futuro*, sed, ex veriori sententia, hæc saltem sunt pactum de sponsalibus *c. pen. X. de spons. vid. DN. STRYK de dissens. spons. sect. 1. §. 18. seqq.* (2.) in *pura & conditionata*, quorum illa, à nonnullis,

lis, de presenti, hæc, de futuro, etiam dicuntur v. STRYK d. l. §. 23. seqq. CARPZOV. J. E. l. 2. D. 18. 20. 21. 174. (3.) in publica, quæ cum consensu Parentum, aut, his deficientibus, coram testibus, & clandestina, quæ vel sine consensu parentum, vel sine testibus sunt celebrata conf. STRYK. de dissens. spons. Sect. 4. c. 1. §. 29. seqq.

§. 6. Fiunt Sponsalia consensu vero, quomodocunque declarato l. 4. 12. fin. de spons. v. STRYK de dissens. sponsal. Sect. 1. §. 4. seqq. etiam per procuratorem c. fin. de procur. in 6. qui consensus tamen neutriquam matrimonium involvit, quod frustra asserit CARPZ. J. E. l. 2. D. 17. v. IDEM l. 2. D. 130. Metus, dolus, error efficax ac ebrietas consensum illum impediunt CARPZ. d. l. D. 26. seqq. l. 3. D. 55. quemadmodum etiam ex nudo tractatu, vel promissione jocosa, aut inconsiderata, nulla obligatio nascitur CARPZ. l. 2. D. 18. 19. STRYK d. Sect. 1. §. 26. seqq.

§. 7. Præterea etiam requiritur consensus Parentum CARPZ. l. 2. D. 38. seqq. quodsi vero sine causa dissentiant, à Magistratu sponsalia permittuntur IDEM d. l. D. 52. seqq. STRYK d. Sect. 1. §. 38. & ad BRUNNEM. J. E. l. 2. c. 16. §. 5. De valore autem causarum uti judicat Magistratus, ita inprimis justa dissentienti causa esse putatur, si liberi, neglecto parentum consensu, pure sponsalia inierint CARPZ. d. l. D. 57. Quodsi sponsalibus, sine consensu parentum contractis, hierologia vel copula carnalis accedat, tum eadem hodie firmari censent, ut tamen liberi, in Saxonia, relegatione, carcere ac totali exheredatione puniri queant CARPZ. d. l. D. 60. 61.

§. 8. Sed illa rationibus non adeo solidis nituntur; hierologia dolose obtentæ, effectum illum tribuere, hypotheses papales redollet. Ob copulam verò carnalem & imprægnationem sponsalia firmari possunt, si nulla dissentienti causa sublit, ac stupratæ parentes matrimonium experant: Præterea copula illa parentes aliquando movere potest, quo consensum hæctenus negatum impertiant, atque ita honori stupratæ utrunque consulant, per se vero sponsalia firma reddere non potest, hinc ob justam causam non tantum parentes stupratæ, quod vult STRUV. J. E. l. 1. tit. 6. §. 4. sed & stupratoris dissentire, ac matrimonium impedire possunt.

§. 9. Quodsi contrahentes personæ parentibus destituantur, ad valorem sponsaliorum testes requiruntur, aliàs illa sunt nulla, nisi concubitus accefferit *v. CARPZ. J. E. l. 2. D. 32. seqq. STRYK d. tr. & c. 1. §. 36.* sed illa, in Saxonia Electorali, quidem obtinent, generaliter autem vera non sunt, testes enim saltem ad probationem pertinent, ab hac vero validitas actus non dependet *v. c. 2. X. de clandest. despons.* & rationes oppositæ non ostendunt, quod sponsalia clandestina sint invalida, sed saltem, quod lege positiva prohiberi queant *conf. STRYK ad Br. J. E. l. 2. c. 16. §. 12.* Quare nec hoc, seposita lege speciali, admittendum, quod sponsalia clandestina, secutis publicis, expirent *v. LAUTERBACH. C. J. de Sponsal. n. 2.*

§. 10. Ineunt Sponsalia, qui consentire possunt *v. c. 1. c. 30. qu. 2. CARPZ. J. E. l. 2. D. 26.* & ad matrimonium sunt apti *v. c. 84. de R. J. in 6. l. 15. 16. de sponsal.* Aliquando impuberes etiam desponsantur *v. c. 7. 8. X. de despons. impub. l. 14. de sponsal.* qui actus non vera sponsalia, sed saltem pactum conditionatum, de sponsalibus, si post pubertatem, paciscentibus placuerit, celebrandis, continet, adeoque nullius effectus est, nam, ante pubertatem, paciscentes ad matrimonium sunt inhabiles, post eam vero, liberum habent agendi arbitrium *v. BRUNNEM. J. E. l. 2. c. 16. §. 11. ibique STRYK in not. SPECKH. Centur. 3. cl. 1. qu. 6.*

§. 11. Respiciunt Sponsalia, futurum matrimonium, & possunt pure vel sub conditione iniri, quæ regulariter, juxta consuetos effectus, accipienda est. Quodsi adeo sit conditio necessaria, tum sponsalia pura erunt *l. 9. §. 1. de novat.* si verò incerta, possibilis & licita, tum, ea pendente, sponsaliorum quoque effectus erit in suspenso, ac pœnitentia interim locum non habebit *v. CARPZ. J. E. l. 2. D. 20. seqq. conf. IDEM l. 5. Rsp. 109. n. 5.* existente verò conditione, sponsalia valent, quod etiam dicendum, si conditio remissa sit, qualis remissio quoque ex concubitu præsumitur *v. c. 3. X. de condit. appof. CARPZ. J. E. l. 2. D. 24. 25. STRYK de diff. spons. Sect. 4. c. 1. §. 12. 13.*

§. 12. Quodsi conditio impossibilis vel turpis adjecta sit, tum, juxta naturalem interpretationem, sponsalia impetitur. De jure ta-
men

men Canonico conditio turpis, quæ essentiam matrimonii non respicit v. gr. *nubam tibi, si prædatoriam exercueris*, pro non adjecta habetur, adeo ut sponsalia, velut pura, valeant c. fin. X. de condit. appof. v. CARPZ. d. l. 2. D. 23. sed cum, in tanti momenti negotio, liquidus consensus requiratur, merito illa sanctio, quæ invitos in societatem conjugalem cogit, pro absurda & invalida habetur v. THOMAS. in differt. de validit. conjug. invit. parent. contract. hab. Lips. 1689. §. 8. STRK de diff. spons. Sect. 2. §. 21. seqq. Sect. 4. c. 1. §. 5. seqq. BRUNNEM. J. E. l. 2. c. 16. §. 14. ibique STRK.

§. 13. Pœnam sponsalibus non posse adjici, sed talem clausulam, pro nulla haberi, quidam censent v. BRUNNEM. d. tr. l. 2. c. 16. §. 4. ibique STRK sed in illum eventum pœna omnino, cum effectu, promitti posse videtur, ut sponsalibus, unius culpa, non precedentibus, pars læsa pœnam, loco ejus quod interest, exigat v. STRK de diffen. spons. Sect. 1. §. 13. 14. Interim vix est, ut hæc mali ominis clausula sponsalibus adjiciatur.

§. 14. Ut plurimum, facilioris probationis gratia, arrhæ sponsalitiæ dari solent l. 3. C. de spons. quas utraque pars, secuto matrimonio, retinet, si vero mors superveniens matrimonium impediat, ab accipiente restitui debet d. l. 3. sed istud non observari, verum non tantum arrhas acceptas retineri, sed & promissas, à defuncti hæredibus, exigì posse docet STRYK ad BRUNNEM. J. E. l. 2. c. 16. §. 4. Ab arrhis differt sponsalitia largitas, quæ datur ad amorem conciliandum, sed in ea vel retinenda, vel reperenda, si mors superveniat, idem juris esse videtur hodie, quod in arrhis sponsalitiis, adeo ut dispositio l. 15. 16. C. de donat. propt. nupt. forte non obtineat v. CARPZ. J. E. l. 2. D. 51. n. 15. OBSERV. LAUTERB. Obs. 746.

§. 15. Effectus sponsaliorum, pro horum diversitate, diversus est, nam clandestina obligationem non producant in iis regionibus ubi pro invalidis habentur v. §. 9. h. quod etiam dicendum de sponsalibus impuberum v. §. 10. h. Porro nudi tractatus, vi obligandi constituuntur v. CARPZ. l. 2. D. 18. 174. STRK ad BR. J. E. l. 2. c. 16. §. 7. Conditionata vero sponsalia obligant, conditione impleta vel remissa §. 11. h. Ex puris vero statim obligatio nascitur, ob quam da-

datur *actio de sponsu*, qua sponsaliorum consummatio, sive nuptiæ, aut, in subsidium, id quod interest, exiguntur *v. STRYK de diff. spons. Sect. 1. §. 8. seqq. Sect. 2. §. 1. seqq. conf. SPECIM. JUR. ECCLES. l. 4. c. 1. §. 19. seqq.* Ante consummationem verò desponsatis cohabitatio haut est permittenda *CARPZ. l. 2. D. 131.*

§. 16. Aliquando Sponsalia, nulla declarantur, aliquando *valida dissolvuntur*. Prius contingit, si necessaria requisita deficiant, nec ex postfacto sequantur, hinc si dolo, metu, aut ex ebrietate sponsalia sint inita, vel adjecta conditio deficiat, aut conditionis impossibilis adjectio, defectum consensus arguat, vel error efficax, quoad ea scilicet, quæ vel natura negotii, vel tempestiva agentium destinatio requirit, interveniat, tum sponsalia ab initio sunt nulla, & si opus, à Magistratu talia declarantur *v. STRYCK de diff. spons. Sect. 2. §. 9. seqq. ad BRUNNEM. J. E. l. 2. c. 16. §. 12. p. 603.*

§. 17. Idem dicendum, si leges sponsalia, sub pœna nullitatis, prohibeant, aut in specie, si Parentum consensus deficiat, nam tum etiam sponsalia, nulla declarantur. Omnibus autem his casibus, si nulla contrahentium culpa interveniat, aut illi non sint sui juris arrhæ ab utraque parte restituendæ sunt; si vero alterius delictum interveniat, tum nocens, si sui juris sit, arrham restituit, ac propriam amittit, quæ parti læsæ relinquenda, nisi consuetudo loci Magistratui eam vindicet, præterea delinquentes arbitrarie possunt puniri *v. CARPZ. J. E. l. 2. D. 50. 51. 64. STRYK de diff. spons. Sect. 4. c. 5. §. 10.*

§. 18. Valida autem sponsalia solvuntur (1.) *morte*, quo casu arrhæ non restituuntur, nisi forte mortuus fuerit in mora *v. §. 14. h. (2.) unius renunciatione*, non quidem mere arbitraria, qualis jure Romano obtinuit *l. 1. C. de sponsal. l. 2. 5. C. de repud.* sed quæ justam causam præsupponat: nimirum si ea, casu vel alterius culpa, sequantur, quæ alter velut abfutura consideraverat, tum à sponsalibus, licet juratis, recedi potest *v. STRYK de diff. spons. Sect. 2. §. 39. 40.*

§. 19. Quod si adeo, initis sponsalibus, homicidium voluntarium *CARPZ. l. 2. D. 177.* furtum non leve *D. 178. 179.* gravis & constans morbus *D. 180.* vitium vel mutilatio corporis *D. 181.* turor *D. 182. 183.* scor-

scortatio *D. 184. seqq.* sequatur, vel stuprum violentum, sponsæ inferatur, aut illam morbus deformem, reddat, vel casus bonis spoliât, tum altera pars, à sponsalibus recedere potest, nam non aliter censetur consensisse, quam sub conditione, si hætenus relata abfuerint *v. STRYK d. 21. Sect. 2 §. 41. seqq.*

§. 20. Quia vero hæ circumstantiæ, iisque innexa consentiendi ratio, illiquidæ esse solent, ideo dissolutio judicialiter est facienda *v. CARPZ. l. 2. D. 175.* cum etiam dissolutionis causa, hic saltem, ex defectu consensus, oriatur, ideo recte facit iudex, si partem discessuram, ad servanda sponsalia, rationibus permoveat, eo præcipue casu, quo, sine alterius culpa, aliquid accidit *STRYK d. Sect. 2 §. 45.* Solutis sponsalibus, arrhæ restituantur, si neutrius culpa intervenerit, aliàs delinquens suas perdit, ac insuper puniri potest *STRYK Sect. 4. c. 5. §. 10.*

§. 21. Sine causa, à sponsalibus, alter recedere non potest, id quod, ex communi pactorum natura, intelligitur, hinc perfidus carcere similibusque remediis, ad fidem implendam adigi debet *CARPZ. l. 2. D. 133.* in primis si imprægnatio accesserit, tum enim, favore foebolis, haut est dimittendus *v. c. 30. X. de spons.* ob quam causam etiam gravis in bona absentis mittitur *CARPZ. d. l. D. 135. 136.* Extra casum tamen imprægnationis, si quis sponsalia consummare detrectet, ac ex violenta conjunctione, incommoda meruenda sint, potest ille quidem dimitti *v. c. 2. 17. X. de sponsal.* sed parti læsæ satisfacere, ac arrharum dispendium aliamque pœnam subire debet *CARPZ. l. 2. D. 64. 176. STRYK d. Sect. 2. §. 1. seqq. §. 46. seqq. ad BRUNNEM. j. E. l. 2. c. 16. §. 7. p. 591.*

§. 22. Possunt etiam Sponsalia, ex veriori sententia, solvi (3.) *mutuo consensu*, nam non alia hic subest obligatio, quam qualis ex alio pacto resultat, ac indissolubilitas jure divino sancita, ad nuptias pertinet *v. STRYK de consens. spons. Sect. 3.* Interim contraria sententia, in praxi, fere obtinet *v. CARPZ. j. E. l. 2. D. 173. 174.* Ex quibus facile expediri potest, an alterius perfidiam alter acceptare, ac à sponsalibus recedere possit. Juxta primam sententiam, id asserendum, juxta secundam, negandum erit.

§. 23. Quod si sponsus sine causa absit, tum eum, per biennium
Uuu u vel

vel triennium, expectandum esse putant *l. 17. ff. l. 2. C. de spons. l. 2. C. de repud. v. LAUTERB. C. J. de spons. lit. c. n. 4. BRUNNEM. J. E. l. 2. c. 16. §. 9. STRYK de diffens. spons. Sect. 2. §. 50. Sect. 3. §. 1. 2.* Sed illi textus saltem ostendunt, quid factum sit, non quid fieri debeat, sive agunt de *facto* non de *jure*. Hinc jure civili statim sponsa discedere potuit, quod etiam hodie dicendum, admissa sententia priori *§. 22. h.* sed juxta posteriorem, opus erit processu desertionis *v. STRYK in not. ad Br. J. E. l. 2. c. 16. §. 9. conf. SPECIM. JUR. ECCLES. l. 4. c. 1. §. 3f. seqq.*

§. 24. Aliquando etiam sponsalia sine effectu sunt, ob *concursum aliorum sponsaliorum*. De quo ita fere habendum (1.) si sponsalia publica concurrant, priora præferuntur; lædens tamen parti læsæ, arrhas & impensas reddere, ac, ratione injuriæ illatæ, satisfacere debet, præterea etias proprias arrhas perdit, quæ parti læsæ, vel si consuetudo hoc velit, Magistratui conceduntur *v. CARPZ. J. E. l. 2. D. 63. 64. STRYK de diffens. spons. Sect. 4. c. 4. §. 12.* Atque illa procedunt, licet (2.) posterioribus accesserit copula carnalis *CARPZ. d. l. D. 65. STRYK d. Sect. 4. c. 2. §. 1. seqq.*

§. 25. Quodsi autem (3.) posteriora per hierologiam sint confirmata, tum prioribus præferuntur *CARPZ. d. l. D. 66.* quo casu tamen parti læsæ erit satisfaciendum, juxta modum proxime expositum. De cætero assertio illa, non adeo certa est, licet enim priora sponsalia nondum sint ipsum matrimonium, quod aliqui volunt, attamen id hypotheses papales nimis olet, quod ob hierologiam dolose obtentam, posterioribus sponsalibus prærogativa tribuatur *add. STRYK d. Sect. 4. c. 2. §. 5. seqq.*

§. 26. Rectius (4.) Sponsalia posteriora præferuntur, si prior sponsa hierologiæ suscipiendæ non contradixerit, tum enim silentio suo, sibi illa præjudicat, tam ratione sponsaliorum, quam imprægnationis, si forte hæc accesserit *v. STRYK d. tr. Sect. 2. §. 51.* Quemadmodum etiam (5.) posterioribus sponsalibus prærogativa debetur, si ea iniens, à prioribus, ob supervenientem aliquem casum, recedere jure potuit *STRYK d. tr. Sect. 4. c. 2. §. 10. seqq.*

§. 27. Si (6.) clandestina & publica sponsalia concurrant, hæc præferuntur, nisi illa sint priora ac cum imprægnatione conjuncta
CARPZ

CARPZ. l. 2. D. 67. *seqq.* STRYK d. *Sec.* 4. c. 3. Sed hæc assertio non ita indistincte procedere videtur, nam si sponsalia, clandestina sint, ob defectum consensus Parentum, tum per copulam carnalem, invitis parentibus, non fiunt valida v. §. 8. h. si verò, ob defectum testium, talia sint, tum doctrina allata, in iis locis saltem admittenda erit, ubi clandestina sponsalia pro invalidis, seposita imprænatione, habentur v. §. 9. h.

§. 28. Ulterius (7.) pura sponsalia præferuntur conditionatis, licet prioribus c. un. de *Spons. in 6.* CARPZ. l. 2. D. 70. sed juxta rationes juris generales, conditionata priora præferri debebant v. STRYK d. tr. *Sec.* 1. §. 35. Quodsi (8.) prioribus conditionatis copula carnalis accesserit, tum illa præferuntur, quia per concubitum conditio remittitur v. §. 11. h. add. STRYK d. tr. *Sec.* 4. c. 4. Ex his principiis (9.) sponsalia, pacto de sponsalibus priori, quoque erunt præferenda v. STRYK d. tr. *Sec.* 1. §. 33. 34. (10.) Si sponsalia conditionata concurrant, prioribus debetur prærogativa v. STRYK *Sec.* 4. c. 4. §. 8.

§. 29. Qui plura sponsalia celebrat, is non tantum parti læsæ ad satisfactionem tenetur, quod hinc inde jam admonitum, sed & arbitrarie puniri potest, non tamen pœna bigamiæ, præterea quoque infamiam incurrere dicitur l. 1. 13. §. 2. de *his qui not. infam.* v. STRYK d. *Sec.* 4. c. 5. v. CARPZ. p. 2. qu. 67. Si quis, post sponsalia clandestina, publica ineat, deinde cum sponsa clandestina concumbat, is, velut adulter, relegatur ex doctrina RICHTER I p. 2. Dec. 88. n. 50. Si vero copula carnalis, publica sponsalia antecesserit, ac post ea repetita fuerit, prior pœna cessat, quia concubitus sponsalia clandestina reddit valida, adeoque secus publicis efficaciam detrahit. hinc concubitus cum priore repetitus, pro adulterio, in sponsam posteriorem commisso, haberi nequit v. STRYK d. l. §. 11. Sed illa saltem procedunt iis in locis, in quibus clandestina sponsalia regulariter non valent. *conf.* SPECIM. JUR. ECCLES. l. 4. c. 1.

§. 49. *seqq.*

CAPUT II.
DE CONJUGIO.

SUMMARIA.

Conjugii definitio §. 1.

Et divisio §. 2.

Requirir illud consensum verum, serium §. 3.

Plenum & solennem §. 4.

Admittit tantum duas personas §. 5.

Harum requisita §. 6.

Viduis ad secunda vota transire licet §. 7. 8.

Nuptias antecedit regulariter proclamatio publica §. 9.

Ejus origo, subiectum §. 10.

Locus, numerus & finis §. 11.

Existente contradicte nuptie suspenduntur ac aliquando impediuntur §. 12.

Proclamationis omisæ effectus §. 13.

Eam sequitur hierologia §. 14.

Quæ est ex jure humano §. 15.

Officium parochi circa illam impediendam §. 16.

Præsupponit personas habiles §. 17.

Ejus instituendæ tempus & locus §. 18.

Nuptiarum solennia non ubique sunt eadem §. 19.

Mortuo marito ante concubitus uxor in secundis nuptiis serum portare non debet §. 20.

Hierologiam sequitur conjugium cohabitatio ante eam illicita §. 21.

Hierologiæ effectus §. 22.

Finis conjugii triplex §. 23.

Matrimonium est indissolubile §. 24.

Illudque plures alii effectus sequuntur §. 25. 26. 27. 28. 29.

§. 1.



Sponsalia sequi debent *nuptiæ*, ex his oritur *Conjugium* sive *Matrimonium*; Illa & istæ, notant *pacta*, hoc verò *statum* seu *societatem*, quæ ex illis oritur. Est ergo *Conjugium*, *Societas*, à *Viro* & *femina habili*, *consensu* vero, ac per *hierologiam* sive *sermonem a sum*, *confirmato*, ob *procreationem sobolis* & *individuiam vitam consuetudinem*, inita v. l. 1. de R. N. RÆVARD. *Conj. l. 2. c. 11.* DONELL. *Comm. Jur. civ. l. 13. c. 18. lit. F. f. ibique* HILLIG. *EKHOLDT ad ff. de R. N.*

§. 2. Divisiones matrimonii, quod sit (1.) Publicum & clandestinum (2.) Rarum sed non legitimum; legitimum sed non rarum; raturum & legitimum simul (3.) Justum & injustum (4.) Verum & Præsumtum (5.) Inchoatum perfectum & Consummatum v. LAUTERB. *C. J de R. N.* nec per omnia satis accuratæ, nec alicujus usus sunt, nam illa sola societas, pro matrimonio haberi debet, quæ omnibus requisitis constat, ac legitime probari potest. Interim verum est, quod aliquando sponsalia idem operentur, quod matrimonio-

monium *v. Decif. Saxon. 49.* aut quod aliquando, ad effectum aliquem producendum, opus fit matrimonio consummato *v. OBSERV. LAUTERB. Obf. 153. feqq.*

§. 3. Fit matrimonium *confensum matrimoniali*, five *nuptiis*. Requiritur ergo (1.) ut consensus sit *verus*, hinc illi qui usu rationis destituantur, aut ad generandum inhabiles sunt, vel lege prohibentur, consentire nequeunt: Quodsi tamen leges, sub poena nullitatis matrimonium haut prohibeant, tum ineundum quidem impeditur, ast contractum toleratur, exacta alia poena (2.) *serius*, ergo jocosus dolo, metu vel errore efficaci elicitus consensus, nullius effectus est *v. l. 21. 23. 30. ff. l. 13. 14. C. de nupt. c. 24. 26. X. de spons.* si quis tamen serio semel consenserit, is, ad consummanda sponsalia, vi justa recte adigitur *v. CARPZ. J. E. l. 2. D. 132. feqq. STRYK de diff. spons. sect. 2. §. 1. feqq.*

§. 4. Porro requiritur (3.) *plenus*, hinc parentum quoque consensus accedere debet, qui tamen etiam sine causa dissentire non possunt, id quod omne, non ex rationibus juris Romani, sed æquiritatis, hodie dijudicandum est *v. CARPZ. l. 2. D. 38. feqq. add. LAUTERB. C. J. de R. N. lit. c. (4.) interveniente hierologia declaratus*, nam hic solus consensus, apud plerasque gentes christianas, matrimonialis esse videtur, quamvis alicubi, coram Magistratu, vel Notario & testibus, consensus declarari soleat *v. MULLER differt. de Hierolog. sect. 7.*

§. 5. Ineunt matrimonium *Vir & uxor v. l. 3. C. solut. matrim. HILLIG. ad Don. l. 13. c. 18. lit. m. m. OBSERV. LAUTERB. Obf. 159.* Hermaphroditi, explorato sexu, quoque admittuntur *CARPZ. l. 2. D. 16.* De cætero singuli quidem, ad matrimonium ineundum, præcisè non obligantur, nulla tamen lege humana simpliciter illud etiam interdici potest *v. CARPZ. l. 2. D. 2.* Polygamia jure humano *l. 2. C. de incest. nupt. l. 18. C. de adulter. Ord. Crim. art. 121.* & divino positivo universali *Gen. 2. 24.* prohibita est, ex receptiori sententia, imo non improbabili- ter, ex ipso jure naturali, prohibitio repetitur *v. OBSERV. PUFEND. Obf. 488.*

§. 6. Incontrahentibus requiritur (1.) usus rationis (2.) pubertas *v. pr. l. de nupt. CARPZ. J. E. l. 2. D. 12.* (3.) aptitudo generandi (4.) juste, quoad consanguinitatem & affinitatem, distantia, quam sequenti

capite explicabimus. Aliquando etiam, ex rationibus politicis, leges positivæ matrimonia, quoad certas personas, prohibent, quod non præsumitur sed probari debet *v. STRYK ad Br. f. E. l. 2. c. 16. §. 18. 19.* In specie Clericis, diversæ religionis consortibus, Nobilibus cum plebejis, sexagenario cum juvenela, adultero cum adultera matrimonium inire licet *v. CARPZ. J. E. l. 2. D. 4. seqq. add. LAUT. C. f. de R. N. lit. S.*

§. 7. Viduis etiam, ad secundas nuptias, transire licet *v. c. 4. §. X. de secund. nupt. tot. tit. C. eod. Nov. 2. c. 2. §. 1.* modo tempus, luctui destinatum, elapsum sit *v. CARPZ. d. l. D. 158. seqq. &*, quod primario considerandum, de morte prioris conjugis, ex legitimis indiciis, constet *CARPZ. d. l. D. 166. seqq.* Quod si prior conjux, præter opinionem, revertatur, tum conjugem recipere potest, sed non tenetur, si culpa conjugis, ad secunda vota transeuntis, intervenerit, si non, quamvis quoad posterius, aliis contrarium placeat *v. STRYK d. diff. spons. f. c. 5. §. 30. seqq.* si, cum de morte dubium esset, prævio desertionis processu, nuptiæ novæ, secutæ sint, conjugis forte revertentis nulla habetur ratio *CARPZ. d. l. D. 170.*

§. 8. Quod conjux superstes, cum liberis prioris matrimonii, hæreditatem paternam vel maternam nondum diviserit, id regulariter secundas nuptias non impedit *CARPZ. d. l. D. 171.* etsi recte hoc constitui possit *v. BRUNNEM. J. E. l. 2. c. 17. §. 10. ibique STRYK in not.* Promissio etiam viduitatis, priori conjugii facta, nullius momenti est *CARPZ. d. l. D. 172.* si tamen vel prior conjux, vel tertius, superstiti conjugii legatum vel hæreditatem, sub conditione viduitatis, relinquat, tum vel nuptiis secundis abstinere, vel lucro carere debet *Nov. 22. c. 44.* quoad primas autem nuptias, talis conditio, pro non adjecta, habetur *v. l. 62. 63. 64. 79. §. fin. de condit. & demonstr. v. SPEC. JUR. ECCLES. l. 4. c. 2. §. 1. seqq.*

§. 9. Executionem actus matrimonialis quod attinet, solent aliquando desponsari ad eam cogi *v. CARPZ. J. E. l. 2. D. 103. seqq. D. 134.* regulariter verò, sine coactione, illa suscipitur, ubi quidem *proclatio* seu *bannum nuptiale* antecedit, quod est *publica nuptiarum incundarum denunciatio, eo sine facta, ut ii, qui nuptias oppugnare se posse putant, tempestive contradicant, aut postea taceant v. c. fin. X. de claud. despons. DN. D. BORN. disput. de bann. nupt. hab. Lips. 1693.*

§. 10. Introducta est illa proclamatio jure humano v. BORN d. *disp. §. 4. seqq.* MULLER *dissert. de Hierolog. Sect. 4. §. 1. seqq.* hinc dispensante Principe, aliquando contrahitur vel plane omittitur CARPZ. d. l. D. 139. *seqq.* BRUNNEM. J. E. l. 2. c. 16. §. 6. ibique STRYK in not. Peragit vero eam Parochus illius parochiæ, in qua nuptiarum solennia celebranda sunt, ad petitionem sponsi, honorarium aliquod offerentis v. *art. gen. Saxon. 26.* CARPZ. J. E. l. 1. D. 111. Quo facto inquirere debet Parochus, an aliquod sublit nuptiarum impedimentum, illudque, si res sit dubia, Consistorio denunciare v. *art. gener. Saxon. 13.* CARPZ. l. 2. D. 138. BORN d. *disp. §. 8. seqq.*

§. 11. Fit proclamatio ex suggestu, consveta formula, & quidem de octiduo in octiduum, trina vice; Si desponsati, alibi nati sint, in loco quoque nativitatis regulariter illa fieri debet v. *Ord. Eccles. Saxon. 1624. tit. von der copulation* D. BORN d. *disp. §. 12. seqq.* Scopus ejus politicus est, ut is, qui causas contradicendi se habere existimat, tempestive intercedat, quæ intercessio, etiam post tertiam denunciationem, fieri potest. Post peractam hierologiam vero intercedens amplius non auditur, salva nihilominus pœna, qua Magistratus contrahentes afficere potest v. BORN d. *disp. §. 18. 19.*

§. 12. Quodsi, facta proclamatione, contradictor existat, res differenda, ac contradictionis causa discutienda est, quæ si frivola appareat, turbata solennitas absolvitur, ac turbator, ratione damni & injuriæ, satisfacere tenetur v. ANONYM. *dissert. de injur. quæ nov. nupt. infer. sol. Quedlinburg 1699. impress. membr. 2.* si vero justa causa sit, ac contradictor de jure suo nihil remittat, tum, nuptiis omnino impeditis, delinquentes condigna pœna afficiuntur, ac laeso, pro ratione juris competentis, satisfactionem præstare debent.

§. 13. Omisâ proclamatione, nuptiæ secutæ, non quidem sunt invalidæ, contrahentes tamen arbitrariè puniuntur D. BORN d. l. §. 22. Personæ illustres & Nobiles, sine ea, nuptias recte celebrant, ut & ii, quibus necessitas eam adhibendi, à Principe remissa est: In casu necessitatis, etiam sine dispensatione, illa licite omittitur CARPZ. l. 2. D. 139. *seqq.* D. BORN d. l. §. 23. 24. Quodsi proclamatio, ex concessione Superioris, omisâ, vel contracta sit, tum is, qui contradicendi causas habet, etiam post hierologiam admittendus videtur, quia ordinat-

dinarium contradicendi tempus, sine ipsius culpa, ei interceptum est *v. c. 6. X. qui matrim. accus. poss. v. D. BORN d. l. §. 3.* nisi forte hoc ei obstat, quod proclamationem, velut rem, arbitrio Imperantis subiectam, considerare, adeoque etiam non provocatus, rerum suarum fatigare debuerit.

§. 14. Proclamationem sequitur *Hierologia*, qua *consensui matrimoniali benedicatur ac desponsati, in arctissimam societatem, conjunguntur.* Facit igitur consensus quidem nuptias, sed nullas consensus, pro matrimoniali habetur, nisi qui hierologiæ indicio cognoscitur. Nec obest, quod effectus nuptiarum, v.g. legitimitas liberorum, etiam ante hierologiam quandoque adiunt *v. MULLER de hierolog. sect. 1. §. 9.* nam ejusmodi effectus, ex dispositione legis humanæ, sponsalibus & nuptiis possunt esse communes. quemadmodum etiam, ex sanctione humana concubitus vel consensio thori, ad certum aliquem effectum producendum, aliquando requiritur.

§. 15. Requiritur hierologia non quidem jure divino, sed humano, sui subditi se submittere debent, Imperantes verò solent, adeo ut matrimonium, ante hierologiam, illi non agnoscant *add. CARPZ. J. E. l. 2. D. 142. MULLER de Hierolog. sect. 1. §. 1. seqq.* Quæcunque adeo etiam hierologiæ sit origo *v. SELD. Uxor Ebraic. l. 2. c. 28. seqq.* aut licet quoque Clerus papalis, ad stabiliendum matrimonii sacramentum, eadem fuerit abusus *v. ZIEGLER ad Lancell. l. 2. tit. 12. §. 11.* attamen illud rationi est consentaneum, ut non alius consensus, pro matrimoniali, habeatur quam qui liquidissimo aliquo indicio cognoscitur *v. §. 4. n. 4. h.*

§. 16. Peragit hierologiam Parochus certæ alicujus Parochiæ, qua in re, privati Ordinationes Ecclesiasticas observare tenentur *v. CARPZ. l. 2. D. 148.* potest etiam illa, à diversæ religionis Parocho, in casu necessitatis, experi *v. MULLER de Hierol. sect. 2. §. 1.* circumspecte ramen ministri Ecclesiæ agere debent, ne quibusvis hierologiam impertiantur *v. CARPZ. l. 2. D. 71. n. 14. MULLER d. sect. 2. §. 2. 3.* Hierologia, à deposito Ecclesiæ ministro paracta nullius videtur esse effectus, licet, ex hypothesebus papalibus, aliud forte dicendum sit.

§. 17. Illæ saltem personæ, benedictione sacerdotali, conjungi possunt.

possunt, quæ ad matrimonium sunt habiles MULLER *d. dissert. sect. 3.* Non igitur in specie impotens, licet sponsa consentiat, utur quibusdam ita videatur MULLER. *d. sect. 3. §. 6.* CARPZOV. *l. 2. D. 202. n. 1. 2. 3.* Quodsi matrimonium initum, ob aliquam causam, vel nullum declareretur, vel dissolvatur, & separati conjuges, mutato consilio, deinceps iterum cohabitare velint, hierologia, imo etiam proclamatio est repetenda; aliud dicendum foret, si ante sententiam judicalem, matrimonium sese continuaturos esse, illi profiteantur v. MULLER *d. l. §. 7.* BERGER *in resolut. LAUTERB. de divorc. & repud.*

§. 18. Potest hierologia eodem fieri die, quo tertia proclamatio peracta v. D. BORN *de hann. nuptial. §. 19.* & regulariter quidem in templo eadem est instituenda, nisi justa causa exceptionem admittat vel dispensatio accesserit CARPZ. *J. E. l. 2. D. 143. seqq.* MULLER *de hierolog. sect. 4. §. 6. seqq.* Tempore Quadragesimæ & adventus Domini, nuptiarum solennia, in nonnullis locis, fieri non debent, quemadmodum etiam nuptiæ ita instituendæ sunt, ne tertia dies, in festum ascensionis Christi incidat CARPZ. *d. l. D. 151. seqq.* MULLER *d. sect. 4. §. 9.*

§. 19. Ceremoniæ, circa actum nuptialem adhibendæ, ex ordinationibus Ecclesiasticis & consuetudine dependent v. MULLER *d. l. §. 9. seqq.* Nonnullis formula: *crecite & multiplicamini*, circa conjunctionem effoetorum, incommode adhiberi videtur MULLER *d. l. §. 11.* D. FALCKNER *dissert. de paroch. c. 3. memb. 2. §. 10.* sed quamdiu illi à matrimonio non arcentur, tamdiu consveta formula etiam retineri potest. Aliquando sponsa ad sinistram manum, in conjugii inæqualis indicium, conjungitur MULLER *d. l. §. 13.* STRYK *ad Br. J. E. l. 2. c. 16. §. 6. p. 188.* Nonnunquam etiam consvetae ceremoniæ omituntur CARPZ. *l. 2. D. 150.*

§. 20. Illud quæritur, an sponsa, per copulam sacerdotalem, sponse conjuncta, hoc, ante concubitum, mortuo, sertum virginicatis portare queat, si ad alias nuptias transeat? quod asseritur apud CARPZ. *p. 3. C. 19. D. 11.* eo casu, si ante ingressum thalami, maritus mortuus sit v. MULLER *d. sect. 4. §. 9.* Sed Jcti Lipsienses etiam hoc casu illud negant, in responso anno 1692. emissio, quod ANONYMUS *§. 12.* citatus, refert *membr. 3. n. 119.* quæ sententia probabilior videtur, sarta enim

sunt signa virginum, quæ neque concubitum passæ sunt, neque jus concubendi habent.

§. 21. Hierologiam sequitur convivium nuptiale ac constans conjugum cohabitatio v. CARPZ. l. 2. D. 149. 157. MULLER d. Sect. 4. §. 23. 24. si ante eam desponsati concumbant, delinquant quidem, sed delictum non adeo grave, nec gravi pœna coercendum est v. CARPZ. J. E. l. 3. D. 76. seqq. inprimis pœnitentia ecclesiastica iis recte remittitur CARPZ. d. l. D. 88. MULLE de hierolog. Sect. 5. licet non nulli, ex hypothesi non concedenda, dissentiant v. BRUNNEM. J. E. l. 2. c. 19. §. 26. ibique STRYK in not. Nec hoc, grave facinus censeri potest, quod sponsa gravida virginitatis coronam gestaverit, sed, ei coercendo, secutum ludibrium fere sufficit. Aliquando, in ignominiam novorum conjugum, stramen concisum spargitur, vel ligatura magica, maritus impotens, ceu vulgò ferunt v. CARPZ. l. 2. D. 202. redditur, de quibus injuriis ANONYMUS §. 12. adductus, agit.

§. 22. Effectus hierologiæ est, quod illa conjugium indicet, modo illud suis requisitis constet, nam horum defectum illa supplere non debebat, licet ei plus, quam par est, soleat tribui v. MULLER Sect. 6. §. 2. seqq. Posito autem conjugio, effectus consveti, qui vel ex jure divino, vel humano dependent, sequuntur, quorum adeo consideratio, non tam ad hierologiam v. MULLER d. Sect. 6. quam matrimonium in genere, pertinet; quod etiam dicendum de contrariis, de quibus MULLER d. dissert. Sect. 3. quæ itidem totum conjugium respiciunt conf. SPECIM. JUR. ECCLES. l. 4. c. 2. §. 19. seqq.

§. 23. Finis conjugii est (1.) *propagatio generis humani* (2.) *extinctio libidinis* & (3.) *mutuum adiutorium*. Primus principalis est, adeo ut, si ille judicio humano obtineri non possit, ceu circa Eunuchos accidit, matrimonium non sit concedendum, nec ei defendendo, duo reliqui sufficient, licet nonnulli aliter sentiant v. BRÜCKNER Decis. matrim. c. 11. Debet ergo inter conjuges sequi concubitus, quo finis principalis, quantum in ipsis est, obtineatur, non tamen ille ad *perfectionem* sed *consummationem* conjugii pertinet, etsi negari nequeat, quin, accedente concubitu, societas conjugalitatis arctior sit, imo nonnulli effectus inde dependant.

§. 24. Conjugium legitime initum, est *indissolubile*, adeo ut neque mutuo conjugum consensu, nec ob alias causas supervenientes, indistincte possit solvi, de quo c. 5. specialius agendum erit. Censetur autem illa indissolubilitas ex jure divino positivo universali dependere *Gen. 2. 24. Matth. 19.* quamvis tam de ejus *veritate*, quam *sensu*, multiplex Scriptorum sit concertatio. Non improbabile est, si divortia ipso jure naturali prohibita dicamus v. OBSERV. PUFEND. *Observ. 489. seqq.* Ex illa autem indissolubilitate consequitur, quod conjuges utriusque fortunæ debeant esse participes v. l. 22. §. 7. *solut. matrim.* quodque recedens, ad cohabitationem conjugalem, sit compellendus v. c. 13. X. *de restitut. spoliat.*

§. 25. Præterea alii effectus conjugium sequuntur, qui vel ex societatis hujus indole, vel speciali pacto, vel legibus positivis dependent. Marito competit potestas vel imperium in uxorem, quod tamen, ex natura hujus societatis, in solo jure dirigendi quod ei, velut prudentiori, merito asseritur, consistere videtur, nec putem plus juris ei, jure divino revelato, tributum esse v. *Gen. 3. 16. Ephes. 5. 22. seqq. 1. Cor. 11. 3. v. can. 15. c. 33. qu. 5.* Certe ad facultatem verberandi non extenditur, hinc ob verbera uxori illata, maritus merito punitur v. *Nov. 117. c. 14. OBSERV. LAUTERB. Obs. 765. conf. CARPZ. J. E. l. 2. D. 221. Pr. Crim. p. 1. qu. 12. n. 51. p. 3. qu. 111. n. 83.*

§. 26. Potest etiam maritus adversus Patrem agere ad exhibendam uxorem l. 2. *de lib. exhib.* quemadmodum, in uxoris corruptores, actio ei conceditur v. l. 14. §. 1. *de serv. corr.* contra ipsam quoque uxorem datur actio præjudicialis v. l. 3. §. 4. *de agnos. & alend. lib.* sed omnium harum actionum, rarissimus in foro videtur esse usus. Tenetur quoque maritus uxorem defendere l. 2. *de injur.* ægrotæ curam gerere v. l. 22. §. 8. *solut. matrim.* eam alere, ac mortuam suis sumptibus sepelire, sed ad omnes has præstationes pecuniarias, in subsidium saltem obligatus est v. d. l. 22. §. 8. *solut. matrim.* l. 29. C. *de jur. dot. l. 18. de oper. libert. l. 28. de religiof. DONELL. l. 13. c. 21.*

§. 27. Uxor mariti socia est l. 4. C. *de crim. expil. hered.* ei que reverentiam v. l. 14. §. 1. *solut. matrim.* l. un. §. 7. C. *de R. U. A.* & operas auxiliumque l. 48. *de oper. libert.* exhibere tenetur v. CARPZ. p. 2. C. 25. D. 15. Sequitur illum quoad nomen v. l. 195.

XXX X 2

§. fin.

§. fin. de V. S. dignitatem v. l. 8. 12. de senat. l. 13. C. de dignit. l. 10. C. de nupt. & domicilium eique innexum forum l. 65. de judic. si tamen sponsus, se in domicilio sponsæ esse mansurum, promiserit, tum conventioni quoque stare debet, nisi urgens causa illum aliò vocaverit v. l. 38. pr. de solut. RICHTER p. 1. Dec. 9. n. 5. RODENBURG de jur. conjug. tit. 4. c. 1. p. 148. seqq. quidam tamen ejusmodi pactum, plane invalidum censent v. HEIG. p. 2. qu. 14. n. 8. nec videtur sane ejus ineundi magna subesse causa. Imperantium conjuges, forum maritorum non sequuntur v. SPEC. JUR. PUBL. l. 5. c. 7. §. 7.

§. 28. Ex indissolubili illo vinculo etiam sequitur, quod uxor maritum relegatum sequi debeat, hinc coactio quoque erga invitam adhiberi potest, quam non recte negat RICHTER d. Decif. 9. n. 8. tantus tamen obligationis illius rigor non est, ut non ad tempus aliquod uxor à viro abesse queat v. HEIG. d. p. 2. qu. 14. in fin. CARPZ. p. 3. qu. 130. n. 44. RICHTER d. l. n. 10. 11. Ex eadem ratione uxor vagabundum quoque sequi tenebitur, licet istam conditionem ignoraverit, quamvis alii dissentiant HEIG. d. l. n. 10. PERETZ ad. C. de nupt. n. 21. interim satius fuerit, hoc casu maritum, auxilio Magistratus, ad saniolem mentem & fixam sedem revocare, quam uxori sequendi necessitatem imponere.

§. 29. Habent etiam conjuges aliquod jus mutuum in bona, circa quod tamen statuta & pacta, diversa esse solent v. MULLER de herolog. Sect. 6. liberi in matrimonio procreati, censentur esse legitimi, licet conjugium sit invalidum, modo subit iusta ignorantia v. l. 57. de R. N. STRYK de diffens. spons. Sect. 5. §. 68. seqq. D. BORN. de bann. nupt. §. 21. liberi naturales, per subsequens matrimonium fiunt legitimi: Patri, in liberos legitimos vel legitimatos, competit patria potestas:

Conjugis cognati, alteri fiunt affines, quos effectus, locis propriis, plenius considerabimus add. LAUTERB.

C. J. de R. N.

CAPUT III.

DE CONSANGVINITATE ET AFFINITATE.

SUMMARIA.

Consangvinitatis natura & varietas §. 1. 2.
 Diversa quantitas §. 3.
 Ei intelligendæ consangvinei in aliquo schemate,
 generali aut speciali, repræsentantur §. 4.
 Utriusque explicatio §. 5. 6.
 Jure Romano unica regula computatio consan-
 gvinitatis absolvitur sed jus canonicum duas
 alias addere censetur §. 7.
 Comparatio utriusque computationis §. 8.
 Vera juris Canonici sententia §. 9. 10.
 Specialior probatio §. 11.
 Ab ea non abludit computatio juris Saxonici
 §. 12.
 Tres hæ computationes non contrariæ sed diver-
 se sunt §. 13.
 Computatio juris Canonici in matrimonialibus
 observatur §. 14.
 Jus Canonicum in facienda computatione quan-
 doque fluctuat §. 15. 16.
 Circa computationem canonicam gradus cum ge-
 nerationibus non debent confundi §. 17.
 Affinitatis indoles §. 18.
 Oritur ex concubitu §. 19.

Computatur secundum gradus consangvinitatis
 §. 20.
 Genus affinitatis explicatio §. 21.
 Et investigatio §. 22. 23. 24. 25.
 Vicia vulgarium affinitatis schematum §. 26. 27.
 Accuratio ejus repræsentatio cum monito de
 utilitate computationis §. 28.
 In linea recta matrimonium prohibetur in infini-
 tum §. 29.
 In collateralibus inter fratres & sorores, nec non per-
 sonas inter quas est respectus parentum & libe-
 rorum §. 30.
 Prohibitiones illæ sunt juris naturæ §. 31.
 Leges humanæ matrimonium in secunda & tertia
 generatione prohibere solent §. 32.
 Affinitas ejusdem est efficacie cum consangvini-
 tate in impediendis nuptiis §. 33.
 Quod specialius declaratur §. 34. 35. 36.
 Prohibitio secundi generis §. 37.
 Cessante affinitate cessat prohibitio §. 38.
 Ex dictis intelligitur jus dispensandi §. 39.
 Matrimonia incestuosa an tolerari debeant §. 40.
 41. 42.
 Cavendum est ne contrahantur §. 43.

§. 1.



N per personis conjugium inituris, præcipue requiri-
 tur, ne nimia consangvinitate vel affinitate sint
 conjunctæ v. c. 2. §. 6. Utriusque igitur indoles &
 moralitas penitus paulo spectanda erit. Consangvi-
 nitas, vel ipso nomine submonente, est commu-
 nio sanguinis earum personarum, quarum una alte-
 ram

XXX X 3

ram

ram vel generavit, vel quæ ex eadem stirpe descendunt. Intelligitur adeo naturalis, sed civilis, quæ ex adoptione l. 4. §. 2. de grad. & spiritualis, quæ ex susceptione è baptismo oritur v. l. 26. C. de nupt. huc non pertinet; illius enim, in re matrimoniali, exiguus, hujus, nullus hodie est usus v. CARPZ. J. E. l. 2. D. 74. STRYK ad Br. J. E. l. 2. c. 16. §. 19.

§. 2. Dividitur consanguinitas (1.) in *agnationem*, quæ à mare, & *cognitionem*, quæ à fœmina habet originem §. 1. I. de legitim. agnat. tutel. v. CARPZ. Arb. consangu. posit. 7. c. 1. Agnati plerumque idem gerunt nomen, in successione tamen geradica, sola origo, non nominis identitas, attenditur. - Intuitu conjugii, discrimen illud nullius est effectus (2.) in *legitimam*, quæ ex justo matrimonio, & *illegitimam*, quæ ex illicita conjunctione oritur v. l. 4. §. 2. de gradib. quæ, quoad impediendas nuptias, eundem habet effectum, quem illa, modo de ea constet.

§. 3. Quo plures personæ generantur, eo magis consanguinitas extenditur, quia verò communio sanguinis, in omnibus, æqualis esse dequit, hinc in consanguineis diversa est *distantia*, adeo ut alius *proximior*, alius *remotior* sit, id quod omne, ex diversitate generationis dependet, nam quo magis hæc continuatur, eo magis, divisâ stirpe, communio sanguinis extenuatur, adeo ut tandem plane evanescat, vel saltem effectum amplius, in vita civili, non habeat.

§. 4. Quo ergo consanguineorum distantia eo rectius intelligatur, solent illi in certo aliquo *Schemate* repræsentari, ac, juxta ejus ductum, computari. Ejusmodi Schema communiter *Arbor consanguinitatis* dicitur, quanquam in jure Saxonico Landr. l. 1. art. 3. sub *Figura Hominis*, consanguinei, sed valde inadæquate, repræsententur. Sunt autem Schemata illa, vel *specialia*, quæ pro ratione personarum, de quarum conjunctione quæritur, formantur, vel *generalia*, in quibus alicujus hominis cognatio, ascendens, descendens & collateralis, usque ad certos gradus, exhibetur, qualia passim occurrunt.

§. 5. Specialia facile formari possunt, cum in iis saltem personarum, de quarum cognitione quæritur, earumque stirps communis, adduci debeant, de cætero ad docendum sunt aptissima, cum multitudine personarum animus discantis non obruatur. Nihilominus tamen etiam

Generalia, debent esse cognita: In iis ergo occurrit (1.) *persona*, de cujus cognatione quaeritur, quæ nomine arbitrario insigniri potest, ac ut plurimum *Protheus* dicitur, habetque suam sedem in medio schemate (2.) *Stirps* sive *stipes communis*, à quo tota cognatio dependet, qui supremum locum occupare debet, licet figuræ arboris id non satis conveniat. Quod si unius personæ totam posteritatem saltem repræsentare velis, tum stirps cum Protheo coïncidit.

§. 6. Ulterius (3.) *Gradus*, i. e. locus ex generatione ortus v. l. 10. §. 10. de grad. (4.) *linea* sive variorum graduum, personarumque ibi contentarum complexus. Dividitur illa in *rectam*, quæ parentes & liberos, ac *collateralem transversam* vel *obliquam*, quæ cognatos, ex eadem stirpe ortos, sed à se invicem non dependentes, continet v. l. 9. de grad. Prior est iterum vel *ascendens*, in qua Parentes, vel *descendens*, in qualibet existunt; Posterior, est vel *æqualis*, in qua personæ, à stipite communi, æqualiter, vel *inequalis*, in qua inæqualiter distantes reperiuntur, hæc item *ascendens* & *descendens* est. Eadem linea, pro diverso respectu, *recta* & *collateralis* esse potest.

§. 7. His positis, distantia cognatorum, juxta jus Romanum, hac regula investigatur: *quot sunt generationes, tot sunt gradus* v. §. 7. l. de grad. l. 10. §. 9. ff. cod. quæ in linea recta & collateralis obrinet. Sed, jure Canonico, ex communi sententia, illa solum, ad lineam rectam, referenda, in collateralis verò, his regulis utendum est (1.) *quoto gradu, in linea æquali, altera personarum, distat à communi stipite, toto distat inter se* (2.) *quoto gradu, in linea inæquali, remotior persona, à stipite abest, toto gradu, à collateralis quoque se jungitur sive remotior persona ad se trahit propinquiorem.*

§. 8. Censetur igitur Jus Canonicum, ab uno saltem latere, collateralium gradus numerare, cum è contrario, in iis computandis, jus civile utriusque habeat rationem. Quæ dissonantia, in schematibus, vulgo depingi solitis, per numeros, supra & infra, singulis cellulis, adpositos, indicatur; circa quos observandum, quod omnes Protheum respiciant, nam ab hoc si ab eas, ac cæteras personas inter se comparas, numeri illi plerumque fallent.

De cætero computatio Canonicæ

nica, absurditatis communiter inſimulari ſolet v. SCHILTER de L. E. G. l. 2. C. 10. §. 10.

§. 9. Enimvero ſi res penitus conſideretur, probatu non adeo difficile eſt, jus Canonicum malè vulgo intellectum eſſe, ac illud computationi juris civilis, nulla in parte derogare, ſed aliam collateralium computationem, nec ipſi juri Romano plane incognitam, ei ſaltem adjicere. Nimirum collaterales duplici modo conſiderari poſſunt vel (1.) *inter ſe*, quo reſpicit computatio Romana, vel (2.) intuitu *ſtipitis communis*, à quo deſcendunt, quem deſcenſum obſervat Jus Canonicum.

§. 10. Hinc fratres *inter ſe*, diſtant *duobus gradibus*, quod præcipit jus Civile, nec diſſentit Jus Canonicum; Aſt ratione *ſtipitis*, ſunt in *primo gradu*, ſeu *generatione*, quod Jus Canonicum addit, quo ipſo non magis contradicit Juri civili, ac hoc ſibi contrarium eſt, quando, plures fratres, vel alios cognatos æquales, *ejuſdem gradus* eſſe dicit v. §. fin. l. de capit. dimin. §. 5. l. de legit. agnat. ſucceſſ. l. 1. §. 2. de grad. l. 2. §. 2. de ſuis & legit. hered. Nov. 118. c. 3. in fin. Cæterorum omnium eadem eſt ratio: Poſſes adeò, terminis recte intellectis, breviter dicere: jus civile numerare *gradus*, canonicum, *generationes*.

§. 11. Veritas noſtræ ſententiæ ſatis apparet ex *can. 2. C. 35. qu. 5.* nam Pontifex in eo totus eſt, ut oſtendat, quod duo illi collateralium reſpectus §. 9. 10. notati, diſtingvi debeant, quoque jus civile primum, canonicum, ſecundum obſervet, hinc etiam concludit; *utramque computationem idem ſenſiſſe*, i. e. ſibi invicem non eſſe contrariam, ſed facile poſſe conciliari. Idem patet ex *can. 4. d. qu. 5.* ubi dicitur: *ego & frater meus una generatio ſumus, primumque gradum efficiunt nulloque gradu diſtamus* nempe ratione ſtipitis. add. c. 3. fin. l. de conſang. & affin.

§. 12. Ex dictis etiam intelligi poteſt, quod nec computatio juris Saxonici *Land. l. 1. art. 3.* quæ etiam in *can. 1. qu. 5. C. 37.* occurrat, cum cæteris computationibus pugnet, ſed facile cum iis conciliari queat, ceu recte obſervat Pontifex in *d. qu. 5. can. 2. in fin.* Scilicet & illa computatio Saxonica numerat generationes, ac hætenus cum Canonica convenit, in eo vero ab hac diſcrepat, quod non

Parentes, sed fratres, truncum seu stipitem constituat, & ab hoc generationes numeret, quod tamen non valde argutum censeri potest.

§. 13. Certum igitur videtur, quod jus Canonicum, Civili neutquam contradicat, aut ejus computationem prohibeat, hinc ejus etiam computatio neutquam absurditatis v. SCHULTZ *Arbor. Consangu.* c. 4. CARPZ. *Arbor. consang. disp.* 1. §. 12. est infimulanda. Non minus tamen certum est, quod duplex Collateralium respectus debeat distingui, quodque computatio juris civilis & Canonici, sit diversa. Denique certum videtur, quod utraque computatio, in singulis casibus, adhiberi queat, & inprimis, in numerandis gradibus, operosus & subtilis est Paulus in *l. 10. de grad.* inspersis quoque cognatorum nominibus *conf.* SCHULTZ *d. tr. c. 1. n. 24. seqq.*

§. 14. Quod tamen in specie matrimonialia attinet, in iis magis expeditum esse videtur, si non tam *gradus* quam *generationes* numerentur, illique computationi prohibitio conjugii attemperetur, nam si, hoc posito, remotior persona, in generatione prohibita reperiatur, tum statim intelligitur, matrimonium esse illicitum, id quod Pontifex in *d. qu. 5. can. 2. verb. in legibus si quidem* non male indicavit, hinc etiam, in jure Canonico, juxta istam computandi rationem, conjugii prohibitio est sancita, id quod hodie etiam observari solet.

§. 15. Id tamen certo non dixerim, quod Pontifices propositi sui semper fuerint memores, ac computationem graduum & generationum, accurate distinxerint. Obtinebat olim opinio, quod cognati, usque ad *septimum gradum* computationis civilis, matrimonia inire non possent, quia usque ad illum gradum cognationis effectus, in successionebus, conspiciebatur §. *fin. l. de success. cognat. can. 1. 2. 17. 18. 19. qu. 2. C. 35. SCHILT. de L. E. G. l. 3. c. 10. §. 7. 8. 9.* Quod si istam prohibitionem, ad generationes applices, tum matrimonia, in *quarta generatione*, prohibita sunt, sed pontifex, in *can. 2. qu. 5. C. 35. verb. ut nullam de propria consanguinitate*, septimam generationem inde exsculpere videtur *add. SCHILT. d. l. §. 10. 11. 12.*

§. 16. Hoc autem uti manifesta graduum & generationum est confusio, ita exinde, nimis se extendens, conjugii prohibitio existit.

Yyy y

ex

ex qua non potuerunt non variæ difficultates oriri, hinc Innocentius III. prohibitionem tandem, ad quartam generationem, revocavit *c. pen. X. de consang. & affin. c. 3. X. de cland. despons.* quæ etiam veterum sententia fuisse, postea vero, per graduum & generationum consulationem, turbata videtur *add. ZIEGLER ad Lancell. I. l. 2. tit. 13. §. 10. p. 460. D. BEYER. dissert. de dispens. circ. matrim. §. 28. 29.*

§. 17. Sicut autem in locum graduum, non recte surrogantur generationes, ita vice versa cavendum, ne prohibitiones, generationibus attemperatas, de gradibus accipiamus, hæc enim manifesta fuerit calumnia, eludendæ prohibitioni inventa. V. gr. si leges matrimonia prohibeant in secunda generatione, hoc male explicabitur, de fratribus & sororibus, qui duobus gradibus inter se differunt. Atque huic calliditati inprimis obviam ire voluit Pontifex in *d. qu. 5. can. 2. in princ.* id quod hodie quoque, ubi computationem juris Canonici sequimur, observandum erit.

§. 18. Affinitas est attinentia inter maritum & uxoris cognatos, & uxorem ac mariti consanguineos, ex conjugum concubitu, orta, sive generalius est, *extensa, ad personas concumbentes, consanguinitas,* quando enim mas & femina, per concubitum, in unam carnem coalescunt, tum ille hujus, & hæc illius cognationi velut inseritur, hinc illius consanguinitas ad hanc, & hujus ad illum extenditur, sive ad concumbentes mutuo applicatur *add. CARPZ. de U. A. C. & A. c. 2. §. 16. n. 5.*

§. 19. Ex his sequitur (1.) quod vero affinitas non contrahatur nisi per concubitum, ex sponsalibus ergo illa non oritur §. 9. *I. de nupt.* nisi quoad effectus civiles *v. l. 8. de grad. l. 3. 4. de L. pompej. de parricid. l. 5. de test.* CARPZ. *d. tr. c. 2. n. 57.* (2.) quod nihil referat, sive concubitus sit legitimus, sive illegitimus *v. l. 14. §. 3. de R. N. c. 10. Caus. 35. qu. 3. c. 2. X. de consangv. & affin. tot. tit. X. de eo qui cogn. consangv. ux.* intuitu tamen effectuum civilium justæ nuptiæ requiruntur *l. 4. §. 8. de grad.* (3.) quod saltem inter virum & uxoris, ac hanc & illius cognatos affinitas contrahatur *l. 4. §. 3. de grad. c. 5. X. de consangv. & affin.* (4.) quod solutis nuptiis, affinitas non tollatur, nisi forte quoad effectus civiles §. 6. 7. *I. de nupt.* in quibus, quatenus asserto nostro contradicere videntur, affinitas abusive, pro matrimonio, accipitur.

§. 20. Computatur affinitas, secundum gradus consangvinitatis, hinc hæc regula obtinet: *Quoto gradu quis est uxori cognatus, toto est marito affinis, & vice versa.* Vulgo contendunt in affinitate non dari gradus v. CARPZ. de U. A.C. & A.c. 2. n. 31. 32. sed cum affinitas, nihil aliud sit quam ad alium extensa consangvinitas, adeoque per generationem eandem, uxor v. gr. accipiat cognatum, & maritus affinem, nulla gravis causa subesse videtur, quare non etiam in affinitate, gradus asseri queant, sed de his non valde contendendum v. l. 4. §. 5. l. 10. pr. de grad.

§. 21. In Jure Canonico etiam *Genera affinitatis* asseruntur v. can. 6. qu. 5. c. 35. c. 10. X. de consangv. & affin. quod inventum non plane rejici debet. Primum genus est *affinitas per cognatum*, secundum, *per affinem ex cognato*, tertium, *per affinem ex affine*, excitata. E. gr. Uxoris meæ frater, mihi est in primo genere affinitatis, quia, per cognatam suam, mihi jungitur: Illius uxor, in secundo, quia, per maritum, affinem meum ex cognata sua, me attinet; Hujus novus maritus, in tertio, quia per uxorem, affinem meam ex affine, mihi connectitur. Sive: *privignus* meus, mihi est in primo genere, ejus uxor in secundo, hujus novus maritus, in tertio.

§. 22. Ultra tertium genus, nihil amplius numeratur, cum attinentia illa, nullius sit effectus, imo ne tertium quidem genus observare necesse est, cum & illud effectu careat. Quando autem & quale affinitatis genus producat, id rectius, in casibus specialibus, quam in genere judicari potest: Si tamen aliquid generaliter dicendum sit, id manifestum est, certas nuptias, velut terminum à quo, esse supponendas, hoc facto, vel à parte mariti, vel uxoris, vel illius vel hujus cognatorum, intervenientes nuptiæ, novum genus producere possunt.

§. 23. E. gr. Mortua uxore, maritus ducit aliam, hæc mariti quidem cognatis perinde primo genere conjungitur, ac prima uxor, sed hujus cognatis, nova uxor sit affinis in secundo genere. Vice versa, si, mortuo marito, uxor nubat alii, tum hujus maritus novus, non quidem conjugis suæ, bene tamen prioris mariti cognatis, secundo genere conjungitur. Ulterius si mariti frater uxorem ducat, tum ejus fratris uxor accipit affinem in secundo genere. Denique si uxoris soror nubat, tum hujus maritus, illius marito, secundo affinitatis genere connectitur & sic in cæteris.

§. 24. Ex quibus liquet, vulgarem regulam: *non mutato sexu, non mutari genus affinitatis*; vel: *non personam, sed sexum debere mutari* vid. SCHULZ *A. C. & A. c. 7. n. 14.* nullius esse usus, cum semper persona & sexus mutetur, modo debite omnia circumspiciantur. E. gr. mortua uxore, maritus ducit aliam, hæc mariti quidem cognatis non fit affinis in secundo genere, sed iis potius primo conjungitur, perinde sicut prima uxor, & hætenus nulla fit generis mutatio, ex qua consideratione, vulgaris regula dubio procul est enata. Sed considera, in dato casu, defunctæ uxoris cognatos, his utrique persona, sexus & genus affinitatis mutatur, nam, ex primis nuptiis, acceperunt affinem marem in primo genere, ex secundis verò accipiunt affinem fœminam in genere secundo.

§. 25. Ex dictis quoque intelligitur, easdem nuptias, respectibus rite observatis, primum, secundum & tertium genus simul operari posse, nam si quis ducat uxorem, quæ habeat v. gr. fratrem uxoratum, tum novo marito conjugis frater, in primo, hujus vero uxor, in secundo genere fit affinis. Si autem quis ducat viduam, quæ & cognatos & privignum uxori junctum habeat, tum ei, uxoris cognati, primo, privignus, secundo, hujus uxor, tertio genere conjunguntur. Denique ex dictis patet, quod genera affinitatis non mutant gradus, sed saltem attinentiæ modum.

§. 26. Repræsentandis tam gradibus, quam generibus affinitatis, peculiaria schemata confici solent, quale in Jure Canonico C. 35. qu. 5. occurrit, ac cum alibi, tum apud CAPZOVIVM *de U. A. C. & A.* depictum reperitur; sed id multis nominibus reprehendi meretur. Nam (1.) gradus affinitatis, peculiari schemate plane non sunt repræsentandi (2.) in iis exhibendis, vulgare schema abundat, dum viginti cellulis quatuor saltem affinitatis collateralis gradus declarat. Alio vero respectu (3.) deficit, dum lineam affinitatis rectam & collateralem adæquate non explanat.

§. 27. Porro in repræsentandis generibus, quorum pertinent superiores cellulæ, illud itidem (4.) abundat, dum eundem casum, mutatis saltem personis, bis exhibet; alio sensu (5.) deficit, dum genera affinitatis collateralis solum sistit, cum tamen in linea recta, illa etiam occurrant, denique (6.) nimis obscurum est, quod inscriptio-

nes superiorum cellularum ostendunt, quæ ænigmati similes sunt.

§. 28. Rectius igitur gradus affinitatis, juxta schema consanguinitatis computantur, nam si Protheo adjungas uxorem, tum eadem opera, & consanguinitatis & affinitatis gradus intelligis. Genera vero affinitatis, in peculiari schemate, exhiberi possunt, observatis quatuor respectibus §. 22. memoratis. Illud in genere, quoad computationem observandum, eam, in matrimonialibus non præcise esse necessariam, cum prohibitiones, de ipsis personis, concipi queant. Verum, sicut, ommissa computatione, semper tamen constare debet, an consanguinei vel affines plures, sibi sint æquales, nec ne, ita accurata computationis cognitio, ad leges tam ferendas, quam explicandas & applicandas, semper utilis est. *conf. SPEC. JUR. ECCLES. l. 4. c. 3. §. 1. seqq.*

§. 29. Postea etiam moralitas consanguinitatis & affinitatis consideranda, sive, quousque leges, utriusque intuitu, matrimonia prohibeant, tradendum est. Ea in re, uti mores populorum variant *v. Dn. D. BEYER differt. de dispens. circ. matrim. hab. Lips. 1698. §. 20. seqq.* in tota illa disquisitio, valde controversa est, sed, quid apud nos obtineat, jam breviter trademus. Ex S. Scriptura, quoad consanguinitatem, hæc sumuntur regulæ (1.) In linea recta nuptiæ prohibentur in infinitum *Lev. XVIII, 7. 10. v. CARPZ. J. E. l. 2. D. 73. 74. MEIER Uxor. Christ. differt. 2. c. 4. §. 8. 9. v. D. BEYER d. differt. §. 44. seqq.*

§. 30. (2.) Inter collaterales, in prima generatione, sive inter fratres & sorores, bilaterales vel unilaterales, nuptiæ prohibentur *Lev. 18. 9. D. BEYER d. l. §. 78.* (3.) inter illas personas, inter quas est respectus parentum & liberorum, matrimonium, in infinitum, interdicitur *Lev. 18. 12. 13.* quæ prohibitio non tantum de personis expressæ nominatis, sed & cæteris, quæ ejusdem sunt gradus est accipienda, nam par in omnibus est ratio *vid. CARPZOV. d. l. 2. D. 77. 80. seqq. D. BEYER d. l. §. 56.* Illa vero persona aliis, parentis loco, habetur, quæ earum stipiti communi, frater vel soror est.

§. 31. Cum his prohibitionibus conspirat Jus Romanum *v. §. 1. seqq. l. de nupt.* de cætero, ex receptiori sententia, ad jus divinum possi-

positivum universale, illæ referuntur, quod alias etiam secutus sum. Sed non improbabile est, si eas, ex ipso jure naturali repetamus, propter unitatem carnis, quæ in omnibus illis personis occurrit, nam id naturæ humanæ utique repugnat, ut quis, ex se ipso, liberos generet; Unitas vero illa in linea recta evidens est, sed non minus illa quoad fratres & sorores, & consequenter, quoad fratrem & alterius fratris vel sororis descendentes, propter unitatem stirpis, est asserenda. In Secunda vero & ulterioribus generationibus stirps divisæ est, ac unitas cessat *conf. OBSERVAT. PUFEND. Obs. 496.*

§. 32. Istis juris divini prohibitionibus, leges humanæ, has adjiunt (4.) in secundâ generatione, i. e. inter fratrum & sororum liberos, nec non (5.) inter personas, quarum altera, in secunda, altera, in tertia generatione existit, matrimonium cessare debet *v. CARPZ. l. 2. D. 75. seqq.* sed in tertia ac sequentibus generationibus, matrimonium permittitur *CARPZ. d. l. D. 84. seqq.* & in *A. C. & A. c. 3. §. 28. seqq.* nam prohibitio juris Canonici, quæ in quarta etiam generatione, matrimonia collateralibus interdicat *c. 8. 9. X. de consangu. & affin.* ac vel ex errore, vel rationibus status pontificii, invaluit, admissa non est.

§. 33. Affinitas, in impediendis nuptiis, ejusdem, cum consanguinitate, est effectus, hinc hæc generalis regula: *in quo gradu consanguinitatis, matrimonium prohibetur, in eodem etiam, ob affinitatem, illud non permittitur*, obtinet *v. CARPZ. d. l. 2. D. 88.* cum enim affinis alienæ familiæ, per concubitum, inseratur *v. §. 18. h.* hinc jura consanguineorum, ad illum merito applicantur *v. Levit. 18. v. 8. 14. 15. 16. 17.*

§. 34. Juxta hæc igitur prohibentur nuptiæ (1.) in linea recta affinitatis in infinitum *v. Lev. 18. v. 8. 15. 17. CARPZ. J. E. l. 2. D. 89. 90.* (2.) in linea collateralis inter illos affines, qui sunt instar fratrum & sororum, hinc sæmina non potest nubere duobus fratribus, nec mas ducere duas sorores *Lev. 18. 16. CARPZ. d. l. D. 91.* quamquam apud Judæos, ex conniventia quadam, fratris viduam, frater ducere poterat *Deut. 25. 5. v. SELDEN Uxor. Ebraic. l. 1. c. 12. 13. 14.* Textus vero *Levit. 18. 18.* plane huc non pertinet, sed continet temperamentum quoad polygamiam, judæis usitatum *v. ME-*

vid. MEJER *Uxor. christ. dissert. 1. Sect. 4. c. 4. dissert. 2. c. 7. §. 11.*
 add. STRYK. *ad Br. J. E. l. 2. c. 16. §. 26. p. 640.* D. BEYER. *de dis-*
put. §. 59.

§. 35. Non minus etiam prohibetur (3.) matrimonium inter illos affines, inter quos est respectus parentum & liberorum, in infinitum. Hinc aliquis non potest ducere Patruī vel avunculi viduam, nec defunctæ uxoris sororis filiam *Lev. 18. 14. v. CARPZ. J. E. l. 2. D. 92. 96. 97. 98.* Atque hæc regula non tantum de personis expressis, sed & cæteris, quæ ejusdem gradus sunt, merito accipienda est, licet multi aliter sentiant. De cætero tres illæ regulæ communiter referuntur ad jus divinum positivum universale, sed si ea, quæ §. 31. dixi, admittas, ipsi juri naturali, etiam hæc prohibitiones tribui possunt.

§. 36. His accedunt prohibitiones juris humani, nam (4.) inter affines secundæ generationis, ut & (5.) si alter in secunda, alter in tertia generatione existat, nuptiæ prohibentur, hinc aliquis consobrini sui, vel hujus filii viduam, ducere nequit *v. CARPZ. J. E. l. 2. D. 93. seqq. de A. C. & A. c. 4. §. 36. seqq.* Aliquando etiam leges humanæ ob sponsalia, ex quibus vera affinitas non contrahitur, nuptias prohibent *v. §. 9. I. de nupt. CARPZ. d. l. 2. D. 107. 108. 121. 122.*

§. 37. Hactenus dicta pertinent ad primum genus affinitatis. Secundum & tertium genus, jure Canonico non prohibetur *c. 8. X. de consangu. & affin.* Jure tamen civili & Germanico, in linea recta, quoad secundum genus, matrimonium interdicitur *l. 15. de R. N. CARPZ. l. 2. D. 101.* censetur verò hæc prohibitio tantum juris humani esse *v. CARPZ. d. l. D. 119. STRYK. ad Br. J. E. l. 2. c. 16. §. 23. D. BEYER. d. dissert. §. 81.* Porro, in linea collateralī, in prima generatione, v. gr. inter me, & uxoris meæ fratris viduam, nuptiæ prohibentur *CARPZ. l. 2. D. 102. 120, de A. C. & A. disp. l. c. 4. §. 43. n. 69.*

§. 38. Cæteri gradus generis secundi, ut & totum genus tertium, sunt extra prohibitionem *v. CARPZ. d. disp. l. c. 4. §. 43. 44. J. E. l. 2. D. 103.* Inter conjugum quoque consanguineos nulla est prohibitio, quia inter illos cessat affinitas *v. CARPZ. d. disp. l. c. 4.*

§. 48. *J. E. l. 2. D. 104. 105.* In specie adeo comprivigni matrimonio jungi possunt, licet, ex conjugio parentum, fratrem vel sororem communem habeant §. 8. *l. de nupt. CARPZ. l. 2. D. 105.* licet hoc ultimum, ex *Lev. 18. 11.* aliqui negent v. *CARPZ. d. A. C. & A. diff. 1. c. 4. §. 49.* sed rationibus non satis validis v. *MEJER. Uxor. christ. diff. 2. c. 5. §. 23. seqq. STRYK ad Br. J. E. l. 2. c. 16. §. 23. p. 638. D. BEYER. diff. de dispens. circ. matrim. §. 57.*

§. 39. Atque ex his facile intelligi potest, quousque Imperantibus facultas dispensandi, in matrimonialibus, competat nec ne. Nimirum in prohibitionibus juris divini, dispensatio cessat, sed in humanis, obtrinet, quamvis &, quoad has, justæ causæ requirantur, quarum tamen dijudicatio Imperantis arbitrio relinquenda est, id quod *CARPZ. J. E. l. 2. D. 109. seqq. & de A. C. & A. diff. 1. c. 5.* prolixè declarat. Quoad regulam Scriptores fere conveniunt, sed circa ejus applicationem, non raro dissentiunt. Summi Imperantes & Status imperii Germanici, ab obligatione legum humanarum, hic semper sunt immunes, Protestantes tamen illa libertate saltem uti solent.

§. 40. Quodsi conjugium, lege divina prohibitum, de facto inaeatur ac hierologia confirmetur, tum, illud exceptis saltem Parentibus & liberis, tolerari posse, quidam censent: sed tutior est sententia, quæ omnia hujus generis matrimonia, dissolvenda esse pronunciat, nam hoc, ex facta prohibitione, quamdiu aliud expresse constitutum non est, consequitur v. *THOMAS. J. J. D. l. 3. c. 3. §. 231. 232. STRYK ad Br. J. E. l. 2. c. 16. §. 27. D. BEYER. d. differt. §. 60.*

§. 41. Illustrandæ interim sententiæ contrariæ, nonnulla commemorabimus exempla. Inter fratrem & sororem, matrimonium initum, tolerandum aliqui censent v. *BRÜCKNER. Dec. matrim. c. 5.* Non minus etiam cum matertera *BEUST. de nupt. p. 2. c. 52.* & sororis filia contractum *CARPZ. p. 4. C. 23. D. 11. add. STRYK in not. ad Br. J. E. l. 2. c. 16. §. 22.* In affinitate, matrimonium cum fratris vidua, cum uxoris sorore, aut sororis vel fratris filia v. *not. ad BRUNN. d. l. §. 26. vel nepte, denique cum patru, magni patru, avunculi & avunculi magni vidua v. CARPZ. J. E. l. 2. D. 83. 99. 100. tolerandum existimant v. D. BEYER. d. differt. §. 64. seqq.*

§. 42. Quodsi quis cum vidua, extra matrimonium, concubar, ac postea filiam ejus, rei illius ignaram, ducat, tum, salva conscientia, maritum in conjugio manere, sed debitum conjugale ab uxore non exigere, ab ea vero exactum, præstare ei posse, aliqui putant, sed tutius est, ut matrimonium, evitando incestui, dirimatur *v. c. 8. X. de eo qui cogn. consangu.* SCHILT. *ad ff. exercit.* 36. §. 44. *seqq.* D. BEYER. *d. dissert.* §. 76.

§. 43. Quo matrimonia incestuosa impediuntur, Pastorum Ecclesiæ est, quando denunciatio publica ab iis exigitur, diligenter, quantum fieri potest, in consanguinitatem & affinitatem inquirere. Eodem fine Ordinationes matrimoniales, certis temporibus, è suggestu, populo prælegi solent *v. Ord. Saxon. Eccles. tit. von Ehsachen* CARPZ. *J. E. l. 2. D. 71. 72.* sed non rectius tam hic, quam alibi, necessaria legum cognitione subditi imbui possent, quam si, Jurisprudencia in linguam vernaculam translata, major leges tractandi iis præberetur occasio.

CAPUT IV. DE JURE CONJUGUM IN BONA.

SUMMARIA.

Apud Romanos nulla inter conjuges fuit bonorum communio nisi ex pacto, ex quo dos invaluit §. 1.

Dotis diversa acceptio §. 2.

Divisio §. 3.

Dos constituta est vel numerata vel cauta §. 4.

Profectitia vel adventitia §. 5.

Constituitur dos consensu & traditione §. 6.

Personæ constituentes §. 7.

Datur marito in omni generis rebus §. 8. 9.

Jus mariti in dote est diversum §. 10.

Lucratur fructus non vero alias accessiones §. 11.

Res dotales alienare potest exceptis immobilibus inestimatatis §. 13.

Alienatio contra prohibitionem facta est nulla §. 14.

Maritus in rebus restitutioni obnoxii præstat culpam non casum fortuitum §. 15.

Donationis propter nuptias natura & constitutio §. 16.

Jus mulieris in illa §. 17.

Ejus usus hodiernus §. 18.

A bonis dotalibus differunt paraphernalia & receptitia §. 19.

Dotis causa quo sensu dicatur favorabilis §. 20.

Hodie plerumque ipso jure aliqua inter conjuges bonorum est communia §. 21.

Pastorum dotalium indoles §. 22.

Z z z

F i n i s

Fiunt in modum Contractus & ultimæ voluntatis

§. 23.

Persona pacificentes §. 24.

Factorum illorum materia §. 25.

Effectus §. 26.

Et contraria §. 27.

Donationes conjugum sunt invalidæ §. 28.

Quod tamen varie limitatur §. 29. 30.

Invalida etiam donatio jurejurando & morte donantis confirmatur §. 31. 32.

Res donata, ex penitencia, repetitur §. 33.

Moribus donationes conjugum facilius valent quam jure Romano §. 34.

Donatio Gerardæ & rerum expeditoriarum quatenus valeat jure Saxonico §. 35.

§. 1.



Recta Societas conjugalix vix aliter subsistere potest, quam si mutuum aliquod jus, conjugibus in bona, concedatur. Jure tamen Romano, ex legis provisione solitaria, nulla bonorum inter conjuges communio fuit, sed maritus, de dote sibi prospicere debuit, nisi, ommissa hac cura, onus alendi uxorem totamque familiam, solus subire voluit. Ex hac ergo hypothese, apud Romanos, dos invaluit: Licet vero hodie, in plerisque Germaniæ Territoriis, autoritate legis, aliquid juris conjugi, in alterius bona, competere soleat, attamen dotes ideo non plane cessant v. OBSERV. LAUTERB. *Obs.* 769.

§. 2. Dos aliquando significat titulum sive conventionem §. 40. *J. de R. D. t. t. pro dot.* aliquando rem *rubr. ff. solut. matrim. dos quemad.* aliquando jus ipsum *t. t. de jur. dot.* Hoc sensu est *jus marito, in rebus, ad ferenda matrimonii onera, concessis, competens v. l. 3. 7. pr. l. 76. in fin. de jur. dot.* Cum vero à jure, res ipsæ sortiantur denominationem, adeoque inter hæc duo, perpetua sit relatio, ideo dotis varietas, tam de jure, quam de re, potest intelligi.

§. 3. Dividitur igitur dos (1.) à *causa*, in *putativam*, quæ verum matrimonium non præsupponit *l. fin. C. de donat. propt. nupt. l. 3. de jur. dot. §. pen. l. de nupt.* hæc proprie quidem dos non est, hæctenus tamen, ob causæ incertitudinem, hoc nomine venit & *veram*, quæ intuitu legitimi conjugii occurrit, hæc autem est vel *perfecta*, quæ nuptias, & *imperfecta*, quæ sponsalia præsupponit *l. 74. de jur. dot. l. 17. §. 1. de reb. autor. judic. possid.* (2.) à *diversa constitutione*, in *promissam*, de qua conventio saltem inita *l. 6. C. de dot. promiss. l. 9. C. de pact. contr.*

conv. hæc vera dos est, licet minus plena *v. CARPZ. 3.C. 23. D. 3. n. 9.* ac *constitutam*, circa quam traditio facta *l. 5. solut. matrim. l. 13. §. 2. de fund. dot.*

§. 4. Constitutio autem vel verè intercessit, vel intervenisse saltem videtur, hinc constituta dos, subdistingvitur in *numeratam*, quam maritus revera accepit, & *cautam*, quam spe futuræ numerationis, se accepisse fatetur *t. t. C. de dot. caut.* hæc quidem dos vera non est, si de rei veritate constet, sed cum id dubium sit, utrum confessioni veritas respondeat, nec ne, ideo hætenus, inter species dotis, illa admittenda est; de cætero maritus, ex confessione sua conventus, opponit exceptionem non numeratæ dotis privilegiatam, juxta definitionem *l. fin. & seq. auth. C. de dot. caut.* cujus tamen hodie exiguus vel nullus est usus.

§. 5. Denique (3.) à *persona constituyente*, dos distingvitur in *profectitiam*, quæ à Patre, vel ejus intuitu, ab alio constituitur, & *adventitiam*, quam vel mulier ipsa, vel tertius, sine Patris contemplatione constituit *l. 5. de jur. dot. v. l. 10. §. 6. in fin. de vulg. & pupill. subst. l. 6. de collat.* Discrimen illud, circa repetitionem dotis, se potissimum exseruit, sed cum hodie dos semper maneat penes uxorem, nisi Pater, de ea repetenda, specialiter sibi prospexerit, ideo ejus hodie nullus videtur esse usus.

§. 6. Constituitur dos *consensu expresso v. l. 13. 30. 40. 46. de jur. dot. dantis & accipientis l. 55. de O & A.* quod negotium, jure civili, accedentibus verbis solennibus, contractus verbalis *v. l. 3. C. de dot. promiss.* sine illis vero, contractus innominatus *v. l. 6. C. de jur. dot.* vel pactum legitimum est *l. 6. C. de dot. promiss.* sed hodie indistinctè pro contractu consensuali haberi debet. Conventione inita, debet sequi *traditio*, quæ ad consummationem pertinet *v. l. 13. §. 2. de fund. dot. l. 5. solut. matrim. l. 1. C. de dot. caut. v. l. 43. §. 1. l. 77. de jur. dot.* OBSERV. LAUTERB. *Obs. 771.* Quodsi vero jus agendi saltem transferendum sit, traditione opus non est *v. l. 16. de fund. dot.*

§. 7. Constituit dotem vel mulier ipsa, vel alius ejus nomine *l. un. §. 13. C. de R. U. A.* & quidem extraneus vel etiam cognati, ut frater, libero arbitrio dotem constituunt *v. l. 12. §. 3. l. 13. §. f. de admin. tutor. l. 1. §. 2. de tutel. & ration. distrab.* Pater vero, qui in nuptias consensit, aut consentire debet, dotem constituere tenetur *v. l. 19.*

de R. N. l. 51. de jur. dot. l. 7. §. f. de in rem vers. l. 6. de collat. l. f. C. de dot. prom. CARPZ. p. 2. C. 42. D. 12. nisi filia habeat bona propria, ex quibus dos possit constitui l. 5. §. 7. de agnos. & alend. liber. l. fin. C. de dot. promiss. CARPZOV. d. l. D. 13. aut sponsus necessitatem illam Patri remisit STRAUCH. dissert. 3. §. 4. vel filia sit indigna, dum v. gr. exhæredationem meruit v. PERETZ ad C. de dot. prom. n. 6. Atque illa etiam deficiente patre, ad matrem recte applicantur v. l. 34. de jur. dot. l. 14. C. cod. v. l. 19. §. 1. C. de heretic.

§. 8. Constituitur dos marito, qui si filiusfam. fit, ejus patri illa acquiritur v. l. 72. §. 1. de jur. dot. l. 2. C. fam. ercisc. quod ultimum hodie exigui est usus, cum plerumque, occasione matrimonii initii, patria potestas solvatur. Dantur in dotem omnis generis res, absentes, quæ per actiones exigui debent l. 2. C. de O. & A. l. 16. C. de fund. dot. ac præsentes, in quibus usumfructum l. 7. §. 2. de jur. dot. vel dominium habemus, mobiles & immobiles, quantitates & species, æstimate vel inæstimate v. l. 5. 10. C. de jur. dot. l. 6. C. de usufr. l. un. §. 9. C. de R. U. A.

§. 9. Res etiam feudales, suo modo possunt in dotem dari v. II. f. 9. §. 1. II. f. 13. 17. ut & alienæ v. l. 6. §. 1. de jur. dot. l. 13. pr. de public. in rem action. Valet quoque promissio quantitatibus incertæ, sive Pater, sive ipsa uxor, sive extraneus eam fecerit, nam ex conditione personarum, quantitas boni viri arbitrio, definiri potest v. l. 60. 61. 69. §. 4. de jur. dot. OBSERV. LAUTERB. Obs. 772. Uxor omnia bona in dotem dare potest l. 72. ff. l. 4. C. de jur. dot. Pater pro facultatibus suis, & conditione mariti, dotare tenetur l. 69. §. 4. de jur. dot. cæteri pro arbitrio dotem constituunt.

§. 10. Dotis acceptæ maritus regulariter fit dominus pr. I. quib. alien. lic. l. 13. §. 2. de fund. dot. l. 7. §. 3. l. 25. ff. l. 23. C. de jur. dot. & quidem interdum revocabiliter, interdum irrevocabiliter l. 1. 2. C. de fund. dot. l. 10. §. fin. l. 42. ff. l. 21. C. de jur. dot. Quod si autem ususfructus marito saltem sit concessus, tum, dominium illum non habere, manifestum est, quemadmodum etiam, nominibus cessis, exactione rerum, dominium ille demum consequitur v. §. 8. h. Soluta matrimonio, dominium dotis, vel jus personale tantundem exigendi, uxori competit, quo sensu, in ejus patrimonio dos esse dici-

dicitur *v. l. 75. ff. l. 30. C. de jur. dot. l. 16. de religiof. l. 4. de collat.*

§. 11. Vi dominii sui maritus lucratur fructus; constante matrimonio acquisitos *l. 7. pr. §. 1. l. 10. §. 3. ff. l. 20. C. de jur. dot. l. un. §. 9. C. de R. U. A. v. l. 12. §. 3. in fin. ad exhib.* Aliæ vero accessiones, quæ fructuum nomine non veniunt, ut partus ancillæ *l. 10. §. 2. de jur. dot. thesaurus l. 7. §. 12. de fund. dot.* augment dotem, hinc maritus quidem, iis utitur & fruitur, ipsa tamen corpora irrevocabiliter non acquirit *l. 10. §. 1. 2. de jur. dot.* Si Pater, in fraudem creditorem, dotem dederit, à marito fraudis ignaro, nihil repetitur, cum rem acceperit titulo oneroso *l. f. §. 1. in fin. que in fraud. creditor.*

§. 12. Potest etiam maritus res dotales mobiles *l. 21. de manum. l. 3. C. de jur. dot. l. 1. C. de serv. pign. dat.* ut & immobiles, venditionis causa æstimatas, alienare *l. 5. 10. C. l. 10. §. 4. ff. de jur. dot. l. un. §. 15. C. de R. U. A.* Idem dicendum de rebus immobilibus, pecunia dotali emtis *l. 12. C. de jur. dot.* nam hæ, non sunt dotales, nisi in subsidium *l. 5. 4. de jur. dot. v. l. 55. de donat. inter. V. & U.* Res vero dotales immobiles, vel omnino non, vel taxationis gratia, saltem æstimatas, maritus alienare nequit, id quod ex natura hujus negotii fluit, ac ita jure Romano confirmatum est, ut ne quidem, consentiente muliere, alienatio fieri possit *pr. l. quib. alien. lic. l. un. §. 15. C. de R. U. A.*

§. 13. Pertinet illa prohibitio ad maritum ejusque successorem universalem, ut & sponsum *l. 1. §. 1. l. 2. 4. de fund. dotal.* nec non ad rem quamvis immobilem inæstimatam *l. 13. §. 1. 2. de fund. dot. l. un. §. 15. C. de R. U. A.* denique ad omnis generis alienationem voluntariam, qua vel dominium *l. 1. C. de fund. dot.* vel aliud jus in re transferitur *l. fin. C. de reb. alien. non alienand. v. l. un. §. 15. C. de R. U. A. l. 5. ff. l. 2. C. de fund. dot. l. 16. de testam. milit. l. 28. de V. S. l. 16. de fund. dot.* Alienationes vero necessariæ *l. 1. pr. §. 1. ff. l. 2. C. de fund. dot.* non prohibentur.

§. 14. Alienatio, contra prohibitionem facta, est nulla *l. 42. de usurp.* convalescit tamen, si maritus postea dominium irrevocabiliter adquisierit *l. 17. de fund. dot. l. 42. de usurp.* non etiam si mulier, post biennium, denuo in alienationem consenserit *l. un. §. 15. C. de R. U. A.* nam, quod intercessio mulieris pro extraneo facta, ac post

biennium approbata *l. 22. C. ad Sc. Vellej.* ut & pignoris remissio, in favorem mariti, suscepta ac postea repetita valeat *Nov. 61.* ex eo, ad alienationem dotis, inferre non licet, cum de hac, ex regula, judicandum sit *v. LAUTERB. C. J. de fund. dot.* Hodie, accedente mulieris ejusque Curatoris consensu, dotale prædium valide alienari posse videtur *v. OBSERV. LAUTERB. Obs. 778. STRUV. S. J. C. exerc. 30. §. 22.*

§. 15. In rebus dotalibus, restitutioni obnoxiiis, maritus consuetam diligentium adhibere debet *l. 17. de jur. dot. l. 6. de pact. dotal.* de casu verò fortuito non tenetur *l. 10. pr. de jur. dot. l. 21. C. eod.* si autem quantitatem simpliciter, vel ob speciem, venditionis æstimatione, acceptam, debeat, tum, ut rationem culpæ non postuletur, ita, specie casu amissa, non liberatur, nam casus rem debitam non afficit *l. 10. §. 4. de jur. dot. v. CARPZOV. p. 2. C. 42. D. 21.* sed in debitis specierum, debitori saltem prodest *l. 6. 9. C. de pign. action.* Impensas quoque fructuum, ut & onera publica maritus terre tenetur *l. 3. §. 1. l. 13. de impens. in res dot. l. 7. §. fin. solut. matrim. l. 2. C. de annon. & tribut.*

§. 16. In compensationem & securitatem dotis, constituitur donatio propter nuptias sive *Antiphrerna, Gegenvermächtnis*, quæ est hypotheca privilegiata, in bonis mariti, juxta pacta & quantitatem dotis, constituta *l. fin. C. de donat. propt. nupt. l. 9. & auth. seq. C. de pact. conv. tam sup.* Constituitur à marito, vel alio ejus nomine *l. 19. C. de donat. propt. nupt. l. fin. C. de dot. prom. ante & post matrimonium l. fin. C. de donat. propt. nupt.* & dote quidem constituta, necessario antiphrerna, secundum quantitatem & pacta dotis, & constituenda *auth. dos data C. de donat. propt. nupt. l. 9. & auth. seq. C. de pact. conv.* licet necessitatem non nulli negent *v. STRUV. S. J. C. exerc. 30. §. 34.*

§. 17. Competit mulieri, in rebus donatis hypotheca privilegiata *v. l. 29. C. de jur. dot.* quæ marito quoque inhibet alienationem *Nov. 61. c. 1. pr. §. 1.* Constante verò matrimonio, mulier inde nulum sentit lucrum, nec etiam bona regulariter possidet, & si forte ea teneat, facultatem alienandi non habet *l. 8. C. de donat. propt. nupt.* Imo, soluto matrimonio, ac dote recepta, antiphrerna regulariter penes maritum remanet *c. fin. X. de donat. inter vir. & uxor.* Ex pacto tamen aliquando mulier, mortuo marito, eam lucratur *l. 9. C. de pact.*

paß. conv. quemadmodum etiam illo ad incitas redacto, eam contra alios creditores, sibi asserit *l. 29. C. de jur. dot.*

§. 18. Hodie donatio propter nuptias necessario non est constituenda, sicut etiam ejus quantitas & pacta, arbitrio paciscentium subsunt *v. STRUV. d. l. §. 35.* Denique, in Saxonia, in præjudicium Creditorum hypothecariorum & privilegiatorum, mulier eam plane exigere non potest *v. O. P. S. tit. 43. §. 3. CARPZ. p. 1. C. 28. D. 91.* Inter Nobiles & personas illustres, in compensationem dotis, constituitur *Dotalitium* i. e. *Ususfructus, ex bonis feudalibus, juxta quantitatem receptam, percipiendus*, de quo dixi in *JUR. FEUD. c. 18. §. 21. seqq.* & in *SPECIM. JUR. PUBL. l. 4. c. 4. §. 52. seqq.* suo loco quoque, de eodem dicendum erit. *v. l. 11. c. 12. §. 10. seqq.*

§. 19. A bonis dotalibus differunt, *Paraphernalia*, quæ in dominio uxoris, & administratione mariti, ac *Receptitia*, quæ tam in dominio quam administratione uxoris sunt *v. l. 9. §. 3. de jur. dot. l. pen. ad L. Falcid. l. 8. 11. C. de pact. conv.* In sensu generali, utraque illa bona, paraphernalium nomine veniunt. Ad ea in specie quoque referri potest (1.) *Sponsalitia largitas*, quæ datur sponsæ amoris testandi causa *v. l. 15. 16. C. de donat. propt. nupt.* aliquando donatio propter nuptias, *Sponsalitia largitas* dicitur *Nov. 61. c. 1. §. 1.* quæ adeo cum illa haut confundenda (2.) *Morgengaba*, quæ, altero nuptiarum die, uxori offerri solet, à qua, alius generis Morgengaba, inter Nobiles usitata, discerni debet *CARPZ. p. 3. C. 33. D. 20. conf. LAUTERB. C. J. de jur. dot.*

§. 20. Dotis causa dicitur esse *favorabilis*, quod ita intelligendum, justas subesse causas, ob quas, uxores dotes habere debeant *l. 2. de jur. dot. l. 1. sol. matrim.* hinc multa etiam ad promovendam dotium constitutionem & conservationem, disposita sunt *v. l. 20. 41. 70. de jur. dot. l. 25. C. ad SCt. Vellej. l. 12. §. 1. C. qui potior. in pign.* quæ sanctiones eo magis, jure Romano, erant necessariae, quo facilius matrimonia solvi poterant. Nonnulla tamen magis affectum, quam effectum ostendere videntur, quo non immerito referas verbosam illam actionis rei uxoriæ, in actionem ex stipulatu, transfusionem *l. un. C. de R. U. A.*

§. 21. Hodie cum alibi, tum in plerisque Germaniæ Territoriis, ipso jure, aliqua bonorum communio, inter conjuges esse solet *v. Ro-*

DEN-

DENBURG *tr. de jur. Conjug.* In Saxonia maritus, est usufructuarius omnium uxoris bonorum, si pacto aliud non sit constitutum *v. Landr. l. 1. art. 31. § 4. v. D. N. D. BARTHII dissert. de marit. usufructu Sax. hab. Lips. 1692. conf. STRUV. S. J. C. exerc. 29. § 56.* Dona nuptialia, quæ noviter nuptis, offerri ab amicis solent *v. l. 13. §. 2. de adm. tutor.* utrique etiam conjugui acquiruntur, sed ita, ut jus consumendi marito regulariter competat *v. p. 3. Const. 22. Decis. noviss. 51.* Sed de his jura provincialia cujusvis loci consuli debent, neque enim ad specialia illa descendere, nobis jam licet.

§. 22. Quoad dotem, jure Romano, sæpe *pacta dotalia* ineuntur, quæ præcipue, ad ejus repetitionem pertinent. Sed hodie, cum inter conjuges plerumque aliqua communio per ipsas leges introducatur, latius illa parent, dum non solum de dote, sed generaliter de jure conjugum, vel augendo vel restringendo, iniri solent, sunt ergo in genere *conventiones, quibus jura conjugum specialius determinantur v. OBSERV. LAUTERB. Obs. 773.*

§. 23. Fiunt consensu paciscentium utcunque declarato *v. l. 6. C. de dot. promiss.* probationis gratia, scriptura accedere solet *v. l. 4. de pign. l. 4. de fid. instrum.* possunt tamen aliis etiam modis probari *v. l. 12. C. de pact. CARPZ. p. 2. C. 43. D. 8.* De cætero fiunt vel in *modum contractus*, quo casu duo testes, si per hos probatio facienda, requiruntur *l. 12. de testib.* vel in *modum ultima voluntatis*, ubi quinque testes minimum sunt necessarii, nisi fiant coram judice *v. CARPZ. d. l. D. 2. seqq.* Licet vero id discrimen, in praxi receptum sit, certum tamen videtur, quod malis rationibus sit introductum, & quod hoc negotium, semper potius, pro pacto, haberi debeat *v. OBSERV. LAUTERB. Obs. 774.*

§. 24. Ineunt hoc pactum maritus, ac, ab altera parte, uxor, Pater vel extraneus, & illa quidem tam in ipsa dotis promissione, quam post eam, cum marito pacisci potest; iste verò & hic, tantum in promissione, nam alias marito & uxori jus quæsitum est: accedente tamen mulieris consensu, etiam post dotem constitutam, pactum ab illis recte initur *v. l. 7. 20. §. 1. ff. l. 7. C. de jur. dot. l. 22. solut. matrim. l. un. §. 13. C. de R. U. A.* Hodie dos, licet ab alio profecta, plerumque proprium uxoris sit patrimonium, adeoque pactum patris aut

aut tertii, de dote ipsis reddenda, videtur rarius esse *v. OBSERV. LAUT. Obs. 775.* si scæmina paciscatur, consensus curatoris in litem, necessarius haud esse existimatur *v. CARPZ. p. 2. C. 43. D. 9.* aliud forte dicendum, si sit minorennis *v. LAUTERB. C. J. de pact. dot. lit. 5.*

§. 25. Fiunt illa pacta de dote & donatione propter nuptias, sed hodie, in genere, de jure conjugum concedendo, augendo, vel restringendo; Non autem dotis causam deteriore, vel mulierem indotatam reddere *v. l. 2. de jur. dot. l. 14. 17. de pact. dotal.* aut bonis moribus repugnare debent *l. 5. 6. cod.* quale, de jure civili, est pactum de conjugum successione *v. l. 5. C. de pact. conv.* conventio tamen, de dote vel donatione propter nuptias, in eventum mortis, lucranda, etiam de jure civili valuit *v. l. 12. de pact. dotal. l. 48. solut. matrim. l. 5. 6. 9. C. de pact. conv.* Hodie indistincte pacta conjugum successoria, valida sunt *v. CARPZ. p. 2. C. 43. D. 2. n. 6.*

§. 26. Effectus pactorum dotalium, pro diversa horum intentione, diversus est; Inprimis, circa dotis repetitionem, jure Romano, ille conspicitur, nam mulieri & ascendentibus virilis sexus, datur actio ex stipulatu *l. un. §. 1. 13. C. de R. U. A.* extraneo autem stipulanti, eadem actio *d. l. un. §. 13.* sed paciscenti, actio præscriptis verbis *l. 6. C. de jur. dot.* omisso pacto, ille actionem nullam habet, sed mulieri jus repetendi competit *d. l. un. §. 13. de R. U. A.* Hodie uti ex quovis pacto serio actio nascitur, ita sola fere uxor dotem aliaque illata repetere solet *v. OBSERV. LAUTERB. Obs. 776.*

§. 27. Pacta dotalia ab initio aliquando impediuntur, dolo, metu vel errore, juxta consveta principia; aliquando inita dissolvuntur mutuo consensu, non etiam unius *l. 5. C. de O. & A. CARPZ. p. 2. C. 43. D. 11.* nisi sint facta in modum ultimæ voluntatis *CARPZ. d. l. D. 10.* Sed hoc iniquum videtur, maxime si, post mortem alterius, superstes voluntatem mutare velit, cum sub conditione non mutandæ voluntatis, videatur institutus *v. OBSERV. LAUTERB. Obs. 867.* Aliquando etiam pacta dotalia, per supervenientiam liberorum evertuntur *CARPZ. d. l. D. 13. seqq.* Nonnunquam per restitutionem in integrum rescinduntur, si v. gr. scæmina minor, post nuptias & consensum thalami, portioni statuariæ renunciet. *conf. LAUTERB. C. J. de pact. dotal.*

§. 28. Inter conjuges, jure Romano, donationes regulariter non

Aaa aa

valent,

valent, non quidem quod prohibitæ sint, licet prohibitio, locutione impropria, nonnunquam asseratur *v. l. 3. pr. §. 10. de donat. inter V. & U.* sed quod donanti facultas penitendi sit concessa *l. 32. §. 2. 3. cod.* quamvis vero, ob licentiam divortiorum, præcipue illud introductum videatur, attamen aliæ quoque rationes concurrerunt *v. l. 1. 2. 3. d. 1. hinc hodie etiam illa sanctio Romana observatur v. OBSERV. LAUTERB. Obs. 779.*

§. 29. Invalidæ ergo sunt donationes conjugum, siue illis ipsis, siue eorum potestati subiectis personis, *l. 3. §. 2. seqq. ff. l. 4. C. de donat. inter V. & U.* aut etiam, intervenitu personæ extraneæ, fiant *l. 3. §. fin. ff. cod. v. l. 5. §. 2. de jur. dot. l. 6. de collat. l. 45. §. 4. de A. O. H.* Inter desponsatos vero, donationes, ipso etiam nuptiarum die, factæ valent *l. 5. pr. l. 27. l. 36. §. 1. de donat. inter V. & U. v. CARPZ. p. 2. C. 13. D. 19.* quemadmodum etiam in casum mortis donari potest *l. 9. §. 2. l. 10. 11. cod.* sed hæc non est exceptio, cum quævis donatio conjugum morte confirmetur, modo revocata non sit, ac requisitis necessariis constet *v. CARPZ. d. l. D. 15.*

§. 30. Illæ porro donationes improbantur, quæ ex mera liberalitate fiunt, ac donantem, pauperiorem, donatarium vero, locupletiorrem efficiunt. *v. l. 5. §. 16. de donat. inter V. & U.* Hinc (1.) res aliena donari *l. 25. de donat. inter V. & U.* ac (2.) juri acquirendo, in favorem conjugis, renunciari potest *l. 5. §. 13. 14. cod.* Valet quoque (3.) donatio ob causam *l. fin. C. de donat. propt. nupt.* (4.) ad consequendam dignitatem *l. 40. 41. de donat. inter V. & U.* (5.) honoris causa *l. 42. cod. v. CARPZ. p. 2. C. 13. D. 20.* (6.) ad sepulturam *l. 5. §. 8. cod.* (7.) ad refectionem ædium exustarum *l. 14. cod. ut & (8.) donatio reciproca l. 7. §. 2. cod. CARPZ. d. l. D. 18.*

§. 31. Licet autem donatio sit invalida *v. l. 3. §. 10. de donat. inter V. & U.* attamen illa confirmatur (1.) jurejurando, non tantum juxta jus canonicum *c. 28. X. de jurejur. c. 2. cod. in 6.* sed & civile, nam hoc donationem non prohibet *v. OBSERV. LAUTERB. Obs. 779.* (2.) morte donantis naturali *l. 32. §. 6. ff. l. 24. C. de donat. inter V. & U.* modo donatio ante mortem non sit revocata *l. 32. §. 2. cod.* expresse vel tacite *v. l. 32. §. 5. l. 12. C. cod. Nov. 161. c. 1. §. 1. c. fin. X. de donat. inter V. & U.* si quingentos solidos excedat, judicialis insinuatio requiritur *l. 25. C. de donat. inter V. & U. Nov. 161. c. 1. §. 2. v. CARPZ. p. 2. C. 13. D. 15.*

§. 32.

§. 32. Confirmatur autem donatio per mortem retro, ab eo tempore, quo facta est l. 25. C. de donat. inter V. & U. Nov. 161. c. 1. §. 1. & nihil refert, siue res coniugi superstiti jam sit tradita, siue saltem promissa d. Nov. 161. c. 1. pr. qua derogatum est l. 23. de donat. inter V. & U. per quam nonnulli dissentiunt v. PEREZ ad C. d. t. n. 17. Morte donatarii donationem non confirmari manifestum est v. c. fin. X. de donat. inter V. & U. l. 18. C. cod. v. CARPZOV. p. 2. C. 13. D. 14. nec mors donantis civilis eam firmat l. 32. §. 6. ff. cod. fideus tamen coniugi, cui donatum, rem auferre nequit l. 13. §. 1. ff. l. 24. C. cod. conf. LAUTERB. C. J. d. t.

§. 33. Quodsi donatorem donationis pœniteat, rem datam repetit rei vindicatione, si exstet, si autem consumpta sit, condictio eatenus competit, quatenus accipiens locupletior factus l. 5. §. fin. l. 6. 7. 33. §. 1. l. 36. 50. §. f. ff. l. 8. C. de donat. inter V. & U. l. 20. C. de jur. dot. Donatarius tamen lucratur fructus industriales v. l. 17. de donat. inter V. & U. l. 45. de usur. conf. l. 16. de A. A. P. l. 1. §. f. pro donat. ac impensas in rem factas recuperat l. 31. §. 2. de donat. inter V. & U. l. 10. de dol. mal. except. conf. STRUV. S. J. C. exerc. 30. §. 26. seqq. Hodie horum iurium exiguus est usus, cum ad casum divortii liber potissimum pertineant.

§. 34. Alii contractus conjugum non improbantur v. l. 7. §. 6. 7. l. 58. pr. de donat. inter V. & U. l. 16. §. f. de alim. legat. modo fraus nulla subsit l. 32. §. 24. l. 52. pr. de donat. inter V. & U. v. CARPZ. p. 2. C. 13. D. 22. Inter principem quoque & Augustam donationes valent l. 26. C. cod. quod ad Status imperii recte applicatur. Moribus etiam sanctio juris civilis restringitur. Sic valet donatio morgengabæ CARPZ. p. 2. C. 13. D. 19. ut & quam uxor, cum consensu Curatoris, judicialiter marito facit CARPZ. d. l. D. 16. 17.

§. 35. Jure Saxonico singularia nonnulla insuper occurrunt. Uxor marito geradam donare nequit CARPZ. d. l. D. 1. valet tamen donatio remuneratoria, modo æqualitas subsit, ac illa, adhibito alio Curatore, coram iudice vel Notario, solenniter fiat IDEM d. l. D. 2. seqq. Vendere quoque uxor geradam marito potest, etiam vili pretio ID. d. l. D. 9. seqq. quod ultimum tamen, ratione parum idonea, asseritur. Vice versâ maritus res expeditorias uxori non aliter donare va-

let, quam coram iudice, vel Notario & testibus, ac in doni æqualis compensationem *Id. d. l. D. 13.*

CAPUT V. DE DISSOLUTIONE CONJUGII.

SUMMARIÆ.

Matrimonium aliquando ab initio nullum est §. 1.

Nullitas est vel absoluta vel hypothetica §. 2.

Illæ dependet ex prohibitione legum divinarum ac vinculo præcedentis matrimonii §. 3.

Nec non ex prohibitione legum humanarum §. 4. 5.

Ac impotentia; hæc ex dolo & metu oritur §. 6.

Ut & errore efficaci §. 7. 8.

Conjugium verum dissolvitur morte & divortio §. 9.

Regulariter matrimonium est indissolubile §. 10.

Læc et hoc semper non fuerit observatum §. 11.

Recte tamen solvitur ob iustas causas §. 12.

Qualis sunt adulterium §. 13.

Malitiosa desertio aliarque §. 14.

Sed prævia iudicis cognitione §. 15.

Effectus soluti matrimonii §. 16.

Ob furtum similesque causas matrimonium non est solvendum §. 17.

Nec ob inhabilitatem casu supervenientem §. 18.

Aliquando separantur conjuges à thoro & mensa §. 19.

Instituti hujus origo & moralitas §. 20. 21.

Ad separationem non properandum §. 22.

Separationis consecutaria §. 23.

§. 1.



Dissolutio Conjugii generalius accepta, sub se comprehendit (1.) *Declarationis nullitatis* (2.) *dissolutionem propriè dictam*, & (3.) *separationem à thoro & mensa*, de quibus nunc breviter agendum. Illa est *matrimonii putativi vel apparentis solutio*; Non ergo per eam, vinculum matrimoniale, sed externa solum conjugii schemata tolluntur, ac, nunquam verum aliquem nexum matrimoniale subfuisse, ostenditur.

§. 2. Oritur vero matrimoniorum *nullitas*, in genere ex *defectu consensus matrimonialis*, hic autem ex variis causis, nempe legum prohibitione, inhabilitate ad generandum, defectu rationis, metu, dolo vel errore colligitur; Inde existit duplex nullitas, *absoluta*, quæ simpliciter obtinet, nec consensu paciscentium tolli potest, & *Hypothetica*, quæ, ex hypothesi deficientis consensus, saltem locum habet, ac partium arbitrio emendabilis est *v. STRYK de dissensu spons. Sect. 5. §. 13.*

§. 3. Quodsi adeo consanguinei & affines, contra legis divinæ pro-

prohibitionem, conjungantur, matrimonium est nullum, & putativi conjuges separari debent, de quo *c. 3. §. 40.* dictum *v. STRYK d. l. §. 14. seqq.* Idem dicendum, si quis, qui à priori conjuge nondum liberatus est, ad secunda vota transeat, de quo actum *c. 2. §. 7. conf. STRYK d. l. §. 30. seqq.* si vero desponsatus cum alia matrimonium inear, tum vulgo quidem hoc validum pronunciant, sed rectius id pro nullo habetur, ceu *c. 1. §. 25. c. 2. §. 22.* admonitum, à DN. STRYKIO *d. l. §. 36. seqq.* autem pluribus probatum est.

§. 4. Leges humanæ, ad matrimonium, itidem aliquid, sub pœna nullitatis, requirere possunt, hic enim imperii civilis, legibus divinis confirmari, est effectus *v. STRYK d. l. §. 39. 40.* Sic matrimonium, absque consensu Patris initum, jure Romano est nullum *§. 12. J. de nupt.* id quod, in Marchia Brandenburgica, peculiari edicto 1694. confirmatum. Alias vero hodie ejusmodi matrimonia, accedente copula carnali vel hierologia, valida pronunciantur *vid. STRYK d. l. §. 41. 42.* sed, id non indistincte admittendum esse, *c. 1. §. 7. 8.* admonui.

§. 5. Inter raptorem & raptam, matrimonium, jure Romano, etiam non subsistit, quod tamen hodie non adeo observatur STRYK *d. l. §. 43. seqq.* Matrimonium, sine prævio desertionis processu, à conjuge deserto initum, ex lege quoque humana, nullum esse censetur STRYK *d. l. §. 45.* sed nullitas potius, ex primo vinculo matrimoniali, hic oritur, fatendum tamen est, quod leges humanæ aliquid etiam cooperentur, nam, ob earum neglectum, causa nullitatis remansit, quæ, iis observatis, tolli potuisset. Quod si matrimonium illegitimum alicubi toleretur, liberi inde nati, alibi pro legitimis haberi possunt, sed non debent *v. STRYK d. l. §. 46. v. supr. l. 1. c. 10. §. 27.*

§. 6. Ob impotentiam, matrimonium quoque nullum est *v. c. 6. X. de frigid. & malef. CARPZ. J. E. l. 2. D. 200. seqq. STRYK d. l. §. 63. in not. ad Br. J. E. l. 2. c. 17. §. 2. seqq.* Ob dolum, volente parte læsa, matrimonium etiam nullum declarandum est STRYK *de diff. spons. d. l. §. 48.* quæ declaratio à judice partis læsæ quoque fieri potest *Id. d. l. §. 53. 54.* Ob merum verum & injustum, si pars coacta velit, matrimonium itidem nullum est *Id. d. l. §. 55. 56. conf. OBSERV. LAUTERB. Obs. 767.*

§. 7. Error efficax matrimonium nullum facit; talis est, qui circa virginitatem committitur, nam hæc in ea, quæ pro virgine haberi vult, velut res ad matrimonium destinata, requiritur v. CARPZ. J. E. l. 2. D. 193. *seqq.* STRYK de *diff. spons. Sect. 5. §. 59. 60. in not. ad Br. l. 2. c. 17. §. 25. v. LEHMAN. Chr. Spir. l. 7. c. 11.* Quod si autem fœmina, pro virgine se non venditet, tum virginitas ad matrimonium non pertinet, ac error innoxius est: Idem dicendum videtur, si ea, quæ pro virgine habebatur, vidua sit: aut sponsa, in virginitate sponsi, erraverit, sed ultima sententia non satis certa est v. c. 2. qu. 6. c. 32. *vid.* STRYK de *diff. spons. Sect. 5. §. 61. 62.*

§. 8. Si in persona erretur, cum de certa quadam actum sit, matrimonium tam ob errorem, quam dolum, nullum est v. C. *un. C. 29. qu. 1.* STRYK d. l. §. 58. si vero quis se ipsum deceiverit, ac ex errore, cum aliqua persona, quam falsâ imaginatione sibi repræsentaverat, contraxerit, deinde, cognito errore, à promissione recedere non potest v. OBSERV. LAUTERB. *Obs. 768.* Error quoque circa bona animi, corporis vel fortunæ, saltem concomitans est, nec consensum necessarium excludit *add.* STRYK d. *Sect. 5. §. 64. seqq.*

§. 9. Dissolutio matrimonii proprie dicta, est *conjugii veri distractio*, ac summam fit morte, quod satis expeditum v. l. 1. de *divort. 1. Cor. 7. 39.* nec potest defunctus superstiti conjugii viduitatem simpliciter injungere v. c. 2. §. 8. *add.* CARPZ. J. D. l. 2. D. 166. *seqq.* ac *Divortio*, hoc est, *matrimonii legitime contracti, & concubitu plerumque consummati, ob justas causas, utroque conjugum superstiti, Magistratus auctoritate, facta dissolutio* v. l. 1. 2. de *divort. l. 191. de V. S.*

§. 10. Initur quidem matrimonium consensu mutuo, in eo tamen ab aliis negotiis consensualibus abit, quod neque mutuo consensu, neque ob ejusmodi causas, quæ illud, si statim adfuissent, impedivissent, dissolvi indistincte queat. Censetur autem matrimonii indissolubilitas dependere ex lege divina positiva universalî, de cujus tamen *veritate & sensu* varie disputari solet v. THOMAS. J. J. D. l. 3. c. 3. §. 49. *seqq.* STRYK ad *Br. J. E. l. 2. c. 17. §. 1. de dissens. spons. Sect. 6. §. 1. seqq.* BRUCKN. *Dec. matrim. c. 16.* Non improbabile est, si, divortia, ipso jure naturali, regulariter prohiberi, dicamus *vid.* OBSERV. PUFEND. *Obs. 489.*

§. 11. Interim prohibitio juris divini non semper, prout par erat, fuit observata. Apud Judæos divortia erant valde libera v. MATH. 5. v. 32. 19. 1. Cor. 7. 10. ac apud Romanos facile quoque matrimonia solvebantur. In genere apud eos divortium, vel *legale*, quod ob captivitatem v. l. 14. §. 1. de captiv. v. Nov. 117. c. 11. Nov. 22. c. 7. & servitutem l. 1. de divort. obtinebat, vel *arbitrarium* fuisse videtur, hoc fiebat vel utriusque conjugis, vel unius dissensu, nonnunquam etiam ob causas non adeo graves v. l. 9. de divort. l. 32. §. 10. de donat. inter V. & U. l. 8. §. 2. 3. C. de repud. Nov. 22. c. 4. seqq. Nov. 117. c. 8. 9. v. STRYK. de dissens. spons. Sect. 6.

§. 12. Hodie observatur jus divinum, siue autem illud, naturale, siue positivum dicas, attramen tam rigide divortia non prohibet, ut non aliquando exceptiones admittat, & vulgo quidem, adulterium & malitiosam desertionem, velut justas divortii causas, adducere solent. Sed non tam *exempla*, quam eorum *rationem* considerare par est, quo facto, non improbabile est, si, *omne illud, quod cum fine matrimonii principali pugnat, ac à conjuge sponte suscipitur*, dirimendo matrimonio sufficere, dicamus.

§. 13. Eo pertinet (1.) adulterium v. Matth. 5. v. 32. 19. v. 9. CARPZ. J. E. l. 2. D. 189. BRUNNEM. J. E. l. 2. c. 17. §. 16. seqq. ibique STRYK. in not. etiam præsumtum v. STRYK. de dissens. spons. Sect. 5. §. 2. 3. Uxor quoque, ob adulterium mariti, discedere potest, licet hoc nonnulli negent v. STRYK d. l. §. 4. seqq. Aliquando ramen conjugum concubitus, vel in adulterium non incidit, (ut si per vim uxor stuprum patiat v. l. 13. §. 7. de adult. c. 6. X. de eo qui cogn. consang. v. caus. 32. qu. 5. aut conjux, ex errore vero, cum alio concumbat c. 6. c. 34. qu. 1.) vel solvendo matrimonio non sufficit, nempe si ambo adulterium committant l. 13. §. 5. de adulter. l. 39. solut. matrim. c. 1. qu. 6. c. 32. aut conjux delictum remittat l. 13. §. 10. de adult. l. 47. solut. matrim. vel adulterio occasionem præbeat d. l. 47. sol. matrim. conf. BEUST. de matrim. p. 2. c. 23.

§. 14. (2.) Malitiosa desertio 1. Cor. 7. 15. CARPZ. J. E. l. 2. D. 192. BRUNN. J. E. l. 2. c. 17. §. 26. seqq. quæ tamen non facile præsumenda, sed legitimis mediis probanda est v. Nov. 117. c. 11. cap. 19. X. de spons. v. STRYK de dissens. spons. Sect. 6. §. 9. seqq. (3.) pertinax debiti conju-

conjugalis denegatio, quam sub malitiosa desertione, nonnulli comprehendere solent *v. STRYK d. l. §. 20. seqq.* qua extensione opus non est, cum per se, matrimonio solvendo, illa sufficiat (4.) insidiæ conjugis vitæ *v. STRYK d. tr. Sect. 5. §. 9. seqq.* vel (5.) mariti virilitati structæ aut (6.) perpetua abortus procuratio *v. LYNCKER. Decis. Jen. Dec. 71. BRUNNEM. J. E. l. 2. c. 17. §. 33.*

§. 15. Cum autem causæ illæ, plerumque sint dubiæ, hinc facile liquet, privato conjugum arbitrio, dissolvi matrimonium non posse. Ad implorationem igitur partis læsæ *v. l. 4. §. 8. de damn. inf. c. 5. X. de procur. CARPZ. J. E. l. 2. D. 189. n. 14.* instituto legitimo processu, de quo alibi dicendum erit, matrimonium dirimit Judex, & plerumque quidem Ecclesiasticus, sive Consistorium *CARPZ. l. 2. D. 1. BEUST. de matrim. p. 2. c. 24. seqq.* Illud etiam manifestum est, matrimonium saltem dissolvi posse, si pars læsa velit, non vero si lædens: absurdum enim esset, si ex delicto suo, quis jus resiliendi à matrimonio, consequeretur.

§. 16. Soluta matrimonio, pars innocens aliud inire potest, & maritus quidem statim, uxor vero post annum, ne de prole dubium oriat *l. 8. §. 4. C. de repud.* quod si igitur satis constet, eam non esse gravidam, annus ille non videtur esse observandus. Parti autem nocenti aliud matrimonium iniri non licet, si tamen se continere nequeat, auctoritate publica, ei novæ nuptiæ ea conditione permittuntur, ut domicilium mutare debeat *v. CARPZ. J. E. l. 2. D. 190. seqq. l. 3. D. 71.* quod si, sine permissione publica, matrimonium contrahat, illud nihilominus ratum est, ac contrahens saltem punitur *v. STRYK de diff. spons. Sect. 6. §. 46. 47.* In genere nulla gravis causa subest, ob quam pars nocens, post exceptam pœnam, à matrimonio alio arceri debeat. *v. MATH. de crim. l. 48. tit. 3. c. 2. n. 3. in fin.*

§. 17. Ob furtum, paupertatem, non solumam dorem ac religionis diversitatem, conjugium non solvitur *CARPZ. l. 2. D. 203. seqq.* si tamen, cum religione assumpta, matrimonium pugnet, ut si Turca bigamus, vel ethnicus, consanguineæ nimis propinquæ, veluti sorori, aut sororis filiæ junctus, religionem christianam amplectatur, illud utique solvendum erit *v. STRYK ad Br. J. E. l. 2. c. 17. §. 30. v. §. 3. h.* Porro ob furorem vel gravem morbum, dissolutio conjugii haud est facien-

facienda v. LAUTERB. C. J. de divort. sed mala illa fatalia patienter terere debent Conjuges.

§. 18. Exinde consequitur, quod nec ob inhabilitatem casu supervenientem, matrimonium solvendum sit v. CARPZ. J. E. l. 2. D. 202. licet nonnulli, præstitis infelici conjugii alimentis, si alia media non suppetant, conjugii dissolutionem permittant v. STRYK de diss. spons. Sect. 5. §. 12. ZIEGLER. ad Laucell. l. 2. tit. 12. §. 10. BRÜCKNER. Decis. matrim. c. 23. sed prior sententia verior & æquior est, nam & illud infortunium, fatale est. Plane si conjux magna culpa malum sibi attraxerit, aut alias singularis aliqua causa concurrat, divortium admitti poterit.

§. 19. Cessantibus igitur divortii causis, conjuges non sunt separandi, sed ad cohabitationem potius reluctantes compellendi vid. CARPZ. l. 2. D. 207. seqq. Quod si tamen causæ quædam existant, quæ dirimendo quidem matrimonio non sufficiant, attamen nec plane negligendæ videantur, separatio à thoro & mensa fieri solet, quæ est *cohabitationis conjugalis, salvo vinculo matrimoniali, sublatio* v. CARPZ. d. l. D. 210.

§. 20. Eam juri civili plane fuisse incognitam, quidam censent v. STRYK. ad Br. J. E. l. 2. c. 17. §. 31. CARPZ. d. D. 210. n. 3. quod tamen ex l. 3. de divort. non probatur, cum nihil aliud ibi dicatur, quam divortium non fieri, nisi ex deliberatio consilio. Illud verum est, separatione illa, ex hypothesebus juris Romani, præcipue antiqui, opus non fuisse, cum conjugibus divertere licuerit, quemadmodum etiam separatio, quæ autoritate Magistratus fit, apud Romanos non fuit usitata, privatam tamen separationem iis nec incognitam, nec inusitatum fuisse, liquet ex l. 32. §. 13. de donat. inter V. & U. l. 15. rer. amot. & brevis discessio, jurgii l. 31. de jur. dot. l. 27. de pact. dotal. & fribusculi l. 32. §. 12. de donat. inter V. & U. nomine venit.

§. 21. Separatio, quæ hodie obrinet, ex jure Canonico, divortia plane non admittente, censetur habere originem v. c. 1. 2. X. de divort. CARPZ. d. D. 210. STRYK d. l. nec destituitur illa ratione, si ut medium temporarium spectetur, quo & mala metuenda averti, & conjuges, ob negatam diverrendi licentiam, ad commoditatem morum, mutuaque tolerantiam, incitari queant. Fit autem illa separatio,

Bbb bb

auto-

autoritate Consistorii, ob justas causas, ut sævitiam, rixositatem, aut infidelem administrationem *CARPZ. l. 2. D. 211. seqq. BRUNNEM. J. E. l. 2. c. 17. §. 31. ibique STRYK. in not.*

§. 22. Posita vero licet justa causa, ad separationem tamen non properandum, sed reconciliatio potius à judice tentanda est; Quod si etiam pars lædens facti pœnitentiam ostendat, ac, officio suo se deinceps rite esse functuram, addita quandoque cautione, promittat, tum separatio est omittenda *CARPZ. d. l. D. 217. seqq. STRYK. d. §. 31.* His deficientibus vel frustra adhibitis, separatio decernitur, ac pendente ejus processu, parti lædenti recte injungitur, quo separatim habitet *CARPZ. d. l. D. 222.*

§. 23. Separatione secuta, maritus, si ei occasionem præbuerit, alimenta, à judice determinata, uxori præstare, vel illata ei restituere tenetur, his tamen ad alimenta non sufficientibus, defectum de suo supplere cogitur *CARPZ. d. l. D. 213. 214. p. 3. C. 26. D. 18.* Quod si vero uxor, separationis causa fuerit, tum, de illatis solum, maritus eam alit, quæ obligatio tamen etiam cessat, si alia bona uxor possideat, quæ ei alendæ sufficiant *STRYK. in not. ad Br. l. 2. c. 17. §. 31. p. 687. n. 6.* Si separati conjuges reconcilientur, deinde iterum cohabitare debent, quo casu, à lædente, nonnunquam cautio exigitur, eidemque vicissim pœna promerita remittitur, *CARPZ. d. l. D. 216. seqq. v. BEUST. de matrim. p. 2. c. 10.* si vero nocens reconciliationem constanter renuat, plena matrimonii dissolutio videtur esse suscipienda, cum ista contumacia malitiosæ desertioni non sit absimilis *conf. SPECIM. JUR. ECCLES. l. 4. c. 4.*

CAPUT VI. DE REPETITIONE ILLA- TORUM.

SUMMARIÆ.

Circa repetitionem illatorum jus Romanum & Germanicum valde discrepant §. 1.
Apud Romanos dotem repetebat pater & uxor §. 2.
Ac aliquando extraneus, sed hodie uxor fere eam saltem repetit §. 3.

Actiones diversæ pro repetitione competunt §. 4.
Repetitionis materia jure Romano & Germanico §. 5.
In modo repetendi inter jus romanum & germanicum est diversitas §. 6.

Solu-

Soluto matrimonio quid consequatur maritus

§. 7. 8.

Et uxor §. 9.

Facta separatione à thoro & mensa, an jus succedendi sit saluum §. 10.

Quoad conjugem nocentem quidam distinguunt

§. 11.

Sed rectius jus succedendi ei simpliciter negatur

§. 12.

(§. 13.

Licet quoad bona conjugis viventis jus retineat

Refellitur prior sententia distinguens §. 14.

Ac verus constitutionis Saxonice 26. p. 3. sensus ostenditur §. 15. 16.

Constante matrimonio aliquando illata sibi affert mulier §. 17.

Repetens uxor quasdam impensas reddere debet

§. 18. 19. 20.

Exceptio & actio rerum amotarum hodie cessat

§. 21.

§. I.



Soluto matrimonio dos, apud Romanos, repetebatur, quæ repetitio, juxta propria ipsorum instituta, potissimum fiebat, sed cum illa, cum germanicis, non adeo conveniant, hinc, in plerisque fere repetitionis capitibus, aliqua diversitas occurrit: Inprimis hodie non tam de dote, quam in genere potius, de illatis repetendis, quæri solet, qua de re specialius nonnihil dispiciemus.

§. 2. Apud Romanos, uxor, Pater & extraneus dotem quandoque repetebant. Et quidem *matrimonio, per mortem mariti vel divortium, soluto*, Pater cum filia, in potestate existente, simul; emancipata vero sola dotem, tam profectitiam, quam adventitiam repetiit, si modo extraneus, ultimam sibi reddi, non erat stipularus *v. l. 22. §. 5. ff. l. 7. C. solut. matrim. l. 34. §. 5. de Legat. 2. HUBER in posit. ad ff. solut. matrim. n. 13.* si vero *matrimonium morte uxoris solutum* esset, Pater dotem profectitiam repetebat *l. 6. de jur. dot. l. 12. l. 26. pr. §. 2. de pact. dotal.* adventitia vero sequebatur hæredes uxoris *l. ult. §. pen. ut legat. nom. caveat.* ut & profectitia, deficiente Patre *l. un. §. 6. C. de R. U. A. v. HUBER d. l. n. 8. seqq.*

§. 3. Extraneus toties repetebat dotem adventitiam, quoties, eam sibi reddi, stipularus, vel pactus erat *l. 6. C. de jur. dot. l. un. §. 13. C. de R. U. A.* quæ dos, *receptitia* olim dicta *v. l. 31. §. 2. de m. c. donat. HUBER. d. l. n. 10.* Cæterum hodie extraneus rarissime, Pater vero, quæ talis, nunquam repetit dotem, hinc dos vel apud uxorem, vel ejus hæredes manet, & aliquando ipse Pater & maritus, ut hæredes uxoris, illam consequuntur, quæ, in multis Germaniæ Territoriis, experientia satis, ni fallor, confirmat.

§. 4. Dotem extantem uxor & Pater rei vindicatione *l. 30. C. de*

Bbb bb 2

jur.

jur. dot. l. 11. C. solut. matrim. consumtam, actione ex stipulatu *l. un. C. de R. U. A.* extraneus vero, si sibi eo nomine prospexerit, actione ex stipulatu vel præscriptis verbis repetit *l. 6. C. de jur. dot. l. un. §. 13. C. de R. U. A.* Quæ actiones, quoad subjecta habilia, hodie quoque occurrunt, sed actio personalis, hodie potius *condictio ex moribus*, dicenda, de quotamen non valde contendendum.

§. 5. Jure Romano repetitur dos vel ejus æstimatio *l. 42. ff. l. 5. 10. 21. C. de jur. dot.* fructus quoque ante & post matrimonium percepti *l. 7. de jur. dot. l. 38. §. 12. de usur. l. 7. 11. 31. §. f. solut. matrim. l. un. §. 7. C. de R. U. A.* restitui debent, hinc pendentes ultimi anni fructus, pro rata, dividuntur *l. 7. §. 1. solut. matrim.* comperit vero marito *l. 12. solut. matrim. l. un. §. 7. C. de R. U. A.* ac ex benigna interpretatione, ejus liberis *l. 18. solut. matrim.* beneficium competentiae. Hodie non tantum de repetitione dotis, sed & bonorum paraphernalium, quaeritur.

§. 6. Apud Romanos dos repetebatur matrimonio per mortem & divortium arbitrarium soluto *l. 240. de V. S.* Sed uti posterior causa hodie plane cessat, ita nec ob priorem repetitio, perinde ut apud Romanos, fieri solet, nam, marito mortuo, uxor sæpe, injectis bonis propriis, ad portionem statutariam, admittitur: mortua vero uxore, maritus non raro, ejus bona, ex statuto, testamento vel pacto, vel in solidum, vel ex parte lucratur. Ex quo consequi videtur, de fructibus dotis & beneficio competentiae, in foro nostro, non adeo frequentes esse quaestiones ac in Romano. Porro nec illa juris Romani sanctio, quares immobiles statim, mobiles intra annum restitui jubentur *l. un. §. 7. C. de R. U. A.* hodie in usu esse videtur, cum potius restitutio vel plane cesset, vel statim fieri debeat, dispositio etiam Romana divortium respexisse potissimum videatur.

§. 7. Jure Romano maritus, mortua uxore, dotem ex pacto lucratur, quod hodie quoque obtinet *v. c. 4. §. 35.* Præterea vero totam hæreditatem vel ejus partem, ex statuto vel conventionione, idem accipere potest, quod jure Romano incognitum. Matrimonio per culpam uxoris soluto, maritus quoque dotem acquirit *l. 8. §. 5. C. de repud. Nov. 117. c. 8. §. 2.* modo uxorem in adulterio non occiderit *l. 10. §. 1. solut. matrim.* vidua quoque ob stuprum intra annum luctus commissum,

missum, donationem propter nuptias, quam ex pacto vel statuto accepit, perdit *Nov. 39. c. fin. v. HUBER. in posit. ad ff. solut. matrim. n. 15. 16.*

§. 8. Sed illa etiam non ubique observantur. In Saxonia pœna viduæ non obtinet *v. CARPZ. Pr. Crim. qu. 65. n. 44. seqq.* Ob adulterium vero & malitiosam desertionem, uxor jura sua, quæ in bona mariti habebat, amittit, maritus autem bona ejus mobilia, tam dotalia quam paraphernalia, exceptis saltem regulariter geradicis, lucratur, in immobilibus retinet usumfructum, mortua vero uxore, ad hæredes ejus illa devolvuntur *CARPZ. qu. 64. n. 31. seqq.* Si quis autem vitiatam, quam pro virgine duxerat repudiet, tum bona illata, cum parte dimidia donorum nuptialium, ei præstari debent *CARPZOV. J. E. l. 2. D. 199.*

§. 9. Quod si adulterio vel malitiosa desertione mariti, matrimonium sit solutum, tum ipse omne jus, quod ex statuto vel pacto, ei in bona uxoris competebat, amittit, uxor autem alimenta, usque ad matrimonii dissolutionem, & hac secuta, illata, vel portionem statutariam ex bonis mariti adulteri vel desertoris, quæ tempore divortii habet, accipit. *CARPZ. qu. 64. n. 40. seqq. STRYK. de dissens. sponsal. Sect. 6. §. 49. 50.* Ad desponsatos illa non pertinent, sed hi potius suum retinent, sponsalibus. ob adulterium vel desertionem, non procedentibus *CARPZ. d. qu. 64. n. 45. seqq.*

§. 10. Facta separatione à thoro & mensa, partem innocentem non amittere jus succedendi, quod ex statuto vel pacto in alterius conjugis bona habet, si hic in fata concedat, palam est *v. CARPZ. p. 3. C. 26. D. 20.* Sed an vice versa, pars nocens jus succedendi in bona conjugis innocentis, si hunc mori contingat, salvum retineat, quaeritur? Negat hoc *BRUNNEM. J. E. l. 2. c. 17. §. 32. & STRYK in not. ibid.* Sed *CARPZOV. p. 3. C. 26. D. 1. 15. J. E. l. 2. D. 215. Pr. Crim. p. 2. qu. 58. n. 70. seqq.* censet, conjugem, qui privato ausu conjugem deserit, jure quidem suo privari, sed si ob illam desertionem, vel similem causam, separatio à thoro & mensa per judicem fiat, tum partem nocentem, jus succedendi habere integrum.

§. 11. Istam sententiam, uti perspicue in *Const. Saxon. 26. p. 3.* fundari putat, ita rationem diversitatis, inter duos illos casus, eam esse dicit: *conjugem nocentem, ante separationem judicalem, lucro statuta-*

rio privari ideo, quod non fecerit suum officium, ad cohabitationem conjugis obstrictus; hoc vero cum haud neglexisse videri, qui per sententiam Magistratus à cohabitatione fuerit absolutus, & cui adeo nihil possit imputari.

§. 12. Sed prima sententia verior est, & conjux nocens jus succedendi amittit, sive privato saltem ausu conjugem deferat, sive, ob hanc similemve causam, à thoro & mensa ejus, per judicis sententiam, separatur: nam licet vinculum matrimoniale ad adhuc subsistat, attamen conjux nocens, quantum in se est, utroque casu, conjugis personam velut exuit, ad adeo jura conjugis sibi amplius arrogare nequit *v. l. un. §. 1. unde vir & uxor.* Non obstat, quod tamen maritus nocens, post separationem judicialem, retineat usumfructum, modo alimenta uxori præster, quod reuli *cap. præc. §. 23.* quodque ex *l. 22. §. 8. sol. matrim.* etiam probabile redditur.

§. 13. Nam hoc fit ob spem reconciliationis, hæc vero, post mortem conjugis innocentis, plane cessat, igitur nocenti conjugi, quamdiu innocens vivit, jura sua merito relinquuntur, sed, hoc mortuo, recte negantur, quia jam certum est, quod personam conjugis, quam ultro deposuit, reassumere nequeat. Sic prior assertio salva, nec tamen opus erit, ut cum BRUNNEMANNO *J. E. l. 2. c. 17. §. 32.* etiam jus fruendi dote cæterisque bonis, marito negemus, aut ipsum, ad quartam substantiæ suæ, uxori dandam, condemnemus, nam hoc ultimum ex *Nov. 117. c. 5. in fin.* non probatur, cum illa de divortio agat.

§. 14. Sententia CARPZOVII nec rationibus conjugalibus, nec Constitutioni Saxonica congruit; nimis diluta enim est illa, quam reddit, disparitatis ratio, nam conjux nocens, etiam post separationem à thoro & mensa, judicialiter factam, ad innocentem redire, cum eaque reconciliari debet, hinc utique officium negligit, si ei nunquam cohabitaret, aut, ut cohabitatio sequi possit, efficiat. Oppido autem, mea quidem sententia, interpretes Saxonici, ac in specie Carpzovius, falluntur, quando Constitutionem Saxonicam de separatione à thoro & mensa accipiunt, ita quidem, ut, ejus intuitu, regulam & exceptiones proponi existiment.

§. 15. Loquitur potius Constitutio illa, de plena matrimonii dissolutione, ac casum dubium decidit, postea vero tres casus indubios & cer-

certos refert. Primum patet ex eo, quod sermo sit (1.) de *malitiosa desertione*, ob hanc vero, non separatio à thoro & mensa, sed divortium decerni solet, de hoc ergo Constitutionem agere, probabile est. Accedit, quod (2.) mox *divortii, der ehescheidung* fiat mentio, cum autem per illud, non separatio à thoro & mensa, sed plena dissolutio regulariter intelligatur, ideo significatus maxime usitatus, in dubio hic quoque est asserendus.

§. 16. Igitur, quantum ad alterum, verus constitutionis sensus hic est: *Deferens privatur successione, modo defuncti hæredes hoc petant & iudicis cognitio interveniat*, qui casus hactenus videbatur dubius. Postea sequuntur tres casus certi, sed non ejusdem plane generis. (1.) *nisi divortium, propter desertionem, iudicis sententia, jam sit factum*, tum enim, sine ulteriori petitione & cognitione, certum est, quod deferens successione privetur, vel (2.) *nisi innocens, ante mortem, deferenti injuriam expresse*, vel (3.) *in testamento, aliquid ei legando, tacite remiserit*, nam his casibus, sine dubio, jus succedendi, deferenti manet saluum.

§. 17. Constante matrimonio, dos repeti nequit *l. un. C. si dos const. matrim.* nisi ad alendos parentes, vel liberos prioris matrimonii v. PEREZ. *ad C. d. tit.* aut maritus ad inopiam sit redactus *l. 29. 30. C. de jur. dot.* Sed accurate loquendo, prior similisve causa dotem quidem onerare potest, sed ei repetendæ non sufficit; posteriori vero casu, dos non repetitur, sed contra creditores saltem defenditur, marito autem omne jus saluum manet: In Saxonia Electorali, id non tantum quoad dotem, sed & alia bona quæ mulieri debentur, obtinet, etsi uxor non eodem jure, quoad omnia gaudeat, de quo alibi dicendum. De cætero illa jura etiam sceminæ, quæ sciens obærato marito nupsit, competunt v. STRAUCH. *dissert. 3. §. 19. Decis. Saxon. 6.* In iis vero locis, in quibus uxores pro maritis solvere debent, illa cessant.

§. 18. Mulier dotem repetens, impensas in eam factas, marito vel hæredi restituere tenetur, non tamen indistincte, nam impensas fructuum *l. 3. §. 1. l. 15. 16. de impens. in rem dot. l. 7. §. fin. solut. matrim.* & quæ in rei tutelam *dd. ll.* vel propter onera realia fiunt *l. 13. de impens. in rem. dot. fact.* denique expensas rei modicas *l. 12. cod. l. 7. §. 2. de usufr.* maritus ex suo facere debet: Impensas vero necessarias & magnas,

magnas, de quo iudex cognoscit *l. 12. de impens. in rem dot. l. 7. §. 2. de usufr. repetit l. 5. de impens. in res dot. fact. l. 1. §. 4. de dot. preleg. adeo ut nec pacto aliud constitui queat l. 5. §. fin. de pact. dotal. quoad tamen sine solida ratione asseritur.*

§. 19. Si res dotalis perierit, impensarum debitum nihilominus manet *l. 4. de impens. in rem dot. fact.* si dos, absque deductione harum impensarum, sit restituta, maritus habet conditionem indebiti *l. 5. §. 2. eod.* quod iterum ex falso aliquo præsupposito asseritur *v. l. 5. c. 13. §. 32. 33. 34.* Impensas utiles, mulieris consensu factas, maritus deducit adeoque species dotalis tamdiu retinet, donec, impensarum nomine, ei sit satisfactum, *l. 8. eod.* sed istam retentionem prohibuit Justinianus, ac maritum, ad actionem mandati vel negotiorum gestorum, ablegavit *l. un. §. 5. C. de R. U. A.* compensatio tamen propria, in quantitatibus dotalibus, etiam jure novo, quoad impensas necessarias & utiles, obtinet *v. l. 7. §. 5. solut. matrim. l. fin. C. de compens.*

§. 20. Impensas voluptuarias *v. l. 14. de impens. in res dot. fact.* maritus tantum tollere potest, licet voluntate mulieris factæ sint *l. 11. eod.* modo ablatio marito sit utilis, & fieri possint sine rei detrimento *l. 9. eod. l. un. §. 5. in fin. C. de R. U. A.* si tamen res dotalis, promercales fuerint, voluptuariæ impensæ induunt naturam utilium *l. 10. de impens. in res dotal.* Hodie jura hæc non quidem plane cessant, quia tamen repetitio dotis aliarumque rerum, non perinde fit ac jure Romano, ceu ex antedictis pater, ideo non adeo frequens eorum videtur esse usus *v. OBSERV. LAUTERB. Obs. 786. 787.*

§. 21. Mulieri dotem repetenti, olim aliquando *exceptio rerum amotarum* objiciebatur, vel etiam *actio rerum amotarum*, propter res amotas, contra eam instituebatur, quam Justinianus confirmavit, improbata exceptione *l. un. §. 5. C. de R. U. A.* In genere est *actio personalis, competens, soluto per divortium matrimonio, conjugum, contra conjugem, divortii causa, constante matrimonio, res quasdam amotentem, ad res illas vel earum estimationem recuperandas v. l. 1. 8. §. 1. l. 9. 17. 21. §. f. l. 24. 25. 29. 30. rer. amot. LAUTERB. C. f. d. t.* Hodie actio illa usum non habet, verum tamen est, quod conjux, ob amotionem, tam constante quam soluto matrimonio, conveniri *v. l. 22. §. f. l. 25. rer. amot. l. 12. 13. de hered. petit.* ac aliquando etiam puniri possit *conf. OBSERV. LAUTERB. Obs. 788. 789.*

CAPUT VII.

DE USU JURISJURANDI IN RE MATRIMONIALI

SUMMARIA.

- Usus jurisjurandi in re matrimoniali, ex diversitate sponfaliorum dependet §. 1.
 Jusjurandum judiciale contra matrimonium deferri non potest ex communi sententia, quæ rescellitur §. 2. 3.
 Negativa delatio rationibus positivis asseritur §. 4. 5.
 Casus, quibus huic doctrinæ locus sit §. 6.
 Suspicionibus gravato deferitur juramentum purgatorium §. 7.
 Ex confessione stupri promissio matrimonii non præsumitur nec adeo confesso purgatorium est deferendum §. 8.
 Quod contra dissentientes amplius asseritur §. 9. 10.
- Judiciali tamen juramento hoc casu locus est, nec non purgatorio concurrentibus aliis indiciis §. 11.
 Effectus purgatorii præstiti vel recusati §. 12.
 Sponfalibus semiplene probatis suppletorium deferitur §. 13.
 Transactionis usus in re matrimoniali §. 14.
 Etiam contra sponfalia certa illa quandoque admittitur §. 15.
 Implicita transactio est in remissione actionis matrimonialis §. 16.
 Usus juramenti promissorii circa matrimonium §. 17.

§. 1.

DE Juramentis in genere, actum est *l. 2. c. 14. 15.* Hoc loco non inutile videtur, ejus usum, in re matrimoniali, specialiter expendisse. Circa hanc disquisitionem, discrimen sponfaliorum *validorum & invalidorum*, de quo *c. 1. §. 5. seqq.* dictum, fundamenti loco debet supponi, nam usus juramentorum saltem ad ea pertinet, quæ probata illorum veritate, valerent, si vero ejusmodi allegentur sponfalia, quæ, probata licet, nullius essent momenti, tum frustraneum, inquirendæ eorum veritati, jusjurandum adhibuisse.

§. 2. Quod ergo *jusjurandum judiciale* attinet, illud solum *affirmative*, pro matrimonio, non *negative*, contra illud, deferri posse, vulgo existimant *v. CARPZ. J. E. l. 3. D. 44. add. BRUNNEM. J. E. l. 3. c. r. §. 2.* Sed posterius non satis probatur. Dicunt (1.) *delationem negativam tendere ad vinculi conjugalis dissolutionem, quæ tamen privato arbitrio non subsistit vid. CARPZOV. d. l. n. 10.* Verum aliud est: *vinculum quod adest, solvere*, & aliud: *querere an aliquod adsit?*

Ccc cc

adfit? v. CARPZ. l. 3. D. 40. n. 3. *seqq.* l. 3. D. 233. n. 7. Est, quod vinculum verum, arbitrio privato solvi nequeat, attamen jactura indissolubilitas vinculi dubii impedire non potest, quo minus quibusvis mediis legitimisejus veritas exploretur, ut taceam, indissolubilitatem nexus sponsalatii, parum esse certam v. c. 1. §. 22.

§. 3. Pergunt (2.) *contra matrimonium non admitti transactionem, adeoque nec juramentum* CARPZ. d. D. 44. n. 11. 12. sed à transactione extrajudiciali, ad jusjurandum judiciali, non recte inferre videtur (3.) *delationem juramenti, excepto imprægnationis casu, nullius esse effectus, cum sponsalia, sine testibus contracta, clandestina atque invalida sit* CARPZ. d. l. n. 13. Verum illa ratio saltem ostendit, quod juramentum, intuitu sponsaliorum invalidorum, non sit deferendum; sed quid faciendum, si imprægnatio accesserit, aut testes, qui sponsalibus interfuerunt, sint mortui, vel sponsalia clandestina, aliquo in loco, non habeantur pro invalidis?

§. 4. Quæ cum ita sint, omnino dicendum videtur, quod juramentum etiam contra matrimonium deferri queat, minimum eo casu, quo aliæ probationes deficiunt, vel frustra susceptæ sunt, nec enim putem, apices processus, qui, post probationem, juramenti delationem non admittere solent, v. O. P. S. tit. 18. CARPZ. Proc. tit. 11. art. 1. n. 26. in causis matrimonialibus, præcisè esse observandos v. BRUNNEM. J. E. l. 3. c. 5. §. 1. *in fin.* Defendendæ autem isti sententiæ sufficit, quod contraria solidis rationibus non nitatur, nam quivis actus, merito tamdiu licitus habetur, donec probetur contrarium.

§. 5. Possunt tamen, pro delatione negativa, hæ rationes afferri (1.) quia vinculum sponsaliorum, ex veriori sententia, non est indissolubile, ceu §. 2. *in fin.* admonitum (2.) ex admissa indissolubilitate, delatio negativa potius afferri, quam negari debet, si enim cavendum est, ne à vinculo matrimoniali facile discedatur, orta controversia, negans non statim dimittendus, sed ejusmodi medio potius tentandus est, quo, ad veritatis confessionem, etiam adigi queat: nam illo casu vinculum matrimoniale, quod subesse potest, simpliciter deferitur, hoc vero, non raro illud conservari potest (3.) admittitur purgatorium, contra matrimonium, ex indicii præsumtum, cur non ergo juramentum deferre liceat, eo præcipue casu, quo, pro matrimonio, nulla militat indicia?

§. 6. His

§. 6. His positis, usus juramenti judicialis esse potest, si (1.) agatur ex sponsalibus publicis, & testes vel mortui sint, vel haberi nequeant (2.) si imprægnatio accesserit, & tam hæc, quam matrimonii promissio negetur v. DN. BERGER. in *resolut. ad Lauterb. C. f. de jurejur. p. 190. edit. noviss.* si (3.) concessa imprægnatione, sponsalia negentur, aut (4.) sponsalia clandestina, aliquo in loco, pro validis habeantur, quod quidem regulariter dicendum esse, c. 1. §. 9. admonui v. BRUNNEM, *J. E. l. 3. c. 5. §. 1. in fin.*

§. 7. Porro judex, in causa matrimoniali, quandoque juramentum defert, & quidem si indicia pro matrimonio militent, quæ tamen semiplenam probationem non efficiant, neganti *juramentum purgatorium* deferatur, CARPZ. *J. E. l. 3. D. 45.* dummodo ejusmodi allegentur sponsalia, quæ, si probentur, effectum habere queant, nam, ratione invalidorum, ac in specie clandestinorum in Saxonia, idem frustra exigeretur CARPZ. *d. l. D. 42. n. 14.*

§. 8. Siquis stuprum confiteatur, sed promissionem matrimonii neget, tum sola illa confessio, pro hac nullam inducit præsumptionem, ob quam neganti purgatorium sit deferendum, cum experientia doceat, stupra perinde sine, ac cum matrimonii promissione, fieri solere CARPZ. *d. l. 3. D. 47.* LAUTERB. *C. f. de jurejur. purgat. lit. R. Decis. Saxoniæ. 81.* Interim multi contrarium asserunt v. CARPZ. *p. 1. C. 22. D. 4. Pr. Crim. p. 2. qu. 68. n. 94. seqq.* BEUST. *de matrim. p. 1. c. 47.*

§. 9. Inprimis BRUNNEM. *J. E. l. 3. c. 5. §. 8.* pro sententia contraria has affert rationes (1.) *à parte maris, non libidinem, sed affectum magis honestum, esse præsumendum, cum præsumtio fieri debeat in meliorem partem l. 51. pro soc.* sed illa procedunt, si is, cujus interest, præsumptioni illi non contradicat (2.) *à parte femine non esse præsumendum, quod, sine matrimonii promissione, pudorem prostituerit, sed potius existimandum, eam, ob spem matrimonii, in concubitum consensisse, verum, hanc præsumptionem nullo niti fundamento, experientia docet.*

§. 10. Ulterius (3.) *confessam copulam carnalem, esse indubitatum & proximum indicium promissi matrimonii, hoc probandum erat, cum de eo omnis sit quæstio (4.) exigere hoc jus divinum, quo stuprator stupratam ducere & dotare debeat Exod. 22, 16. Deut. 22, 28.* sed illa lex.

particularis est, imo si eam admittamus, de promissione matrimonii, plane non est disputandum, cum solum stuprum ducendi necessitatem operetur (5.) c. 1. 2. *X. de adult. ut & Ord. Consistor. Brandenb. tit. 62.* verum illæ leges saltem ostendunt, stupratorem esse puniendum, minime vero, quod ex stupro præsumatur promissio matrimonii. His addi posset (6.) l. 24. de *R. N.* sed illa solum ostendit, quod, ex duabus conjunctionibus licitis, in dubio magis solennis sit præsumenda.

§. 11. Licet vero, in casu allato, juramentum purgatorium locum non habeat, judiciale tamen stupratori, ratione promissi matrimonii, deferri posse, ex antedictis sequitur. Illud quoque certum est, quod purgatorium exigi possit, si non solum de stupro res certa sit, sed & alia indicia, pro matrimonii promissione, concurrant *CARPZ. J. E. l. 3. D. 48.* qualia nonnunquam, ex conditione personæ stupratæ, desumi possunt. Idem dicendum, si tam concubitus, quam promissio matrimonii negetur, pro utroque tamen conjecturæ quædam militent *CARPZ. d. l. D. 49.*

§. 12. Qui juramentum purgatorium præstitit, ab actione instituta absolvitur, eique, ad alia vora transeundi, potestas conceditur: Recusans vero, habetur pro confessio *CARPZ. d. l. D. 51. 52.* Quod si promissio matrimonii, ex literis Rei manifeste appareat, hic tamen, inusitata quadam interpretatione, eam elidere conetur, illa insuper habita, Reus ad purgatorium haud admittendus, sed potius, velut convictus, ad sponsaliorum consummationem adigendus est *CARPZ. d. l. D. 50.*

§. 13. Si sponsalia uno teste, omni exceptione majore, probentur, probans ad juramentum suppletorium admitti potest *CARPZ. J. E. l. 3. D. 46.* quamvis alii, ac in specie ipse *CARPZOVIVS p. 1. C. 23. D. 10. Pr. tit. 12. art. 2. n. 60. seqq.* id non aliter concedant, quam si, pro probante, insignis insuper militet conjectura, vel adversarii consensus accedat *v. LAUTERB. C. J. de jurejur. verb. necessarium lit. O.* Sed, pro ratione personarum, prior etiam sententia admittenda erit. Illud autem juramento judiciali, purgatorio & suppletorio commune est, quod, in Saxonia, immediate præstanda sint, nec fatale oblationis, circa ea, observetur *CARPZ. J. E. l. 3. D. 53. 54. conf. SPECIM. JUR. ECCLES. l. 5. c. 5.*

§. 14. Quæ

§. 14. Quæ ratio est jurisjurandi judicialis, eadem fere est *Trans-
actionis*, hinc si, sponsalia arbitrio privato solvi posse, supponas, affir-
mative & negative, intuitu matrimonii, transigi potest, ita quidem, ut
vel pure, vel sub conditione *jurisjurandi voluntarii*, transactio fiat. Si
autem, ex sententia receptiori, sponsalia insolubilia dicas, tum negati-
va transactio non aliter fieri poterit quam autoritate judicis, & quoad
promissionem dubiam, quod l. 5. c. 15. §. 7. retuli v. CARPZ. J. E. l. 2.
D. 233. l. 3. D. 39. *seqq.* conf. §. 2. h.

§. 15. Sed in eo non subsistunt, verum contra sponsalia certissima,
quandoque etiam transactionem vel pactum admittunt v. CARPZ.
l. 2. D. 176. STRYK. ad Br. J. E. l. 3. c. 3. §. 4. quod etsi recte fiat, tamen,
cum toties laudata sponsaliorum indissolubilitate, v. CARPZ. l. 3. D. 39.
n. 11. D. 40. n. 2. non facile conciliabitur. Facta transactione, transi-
gentes sunt liberi, ac ad alia vota transire possunt, si quis tamen trans-
actioni non satisfaciatur, interdictione novi conjugii, ad fidem servan-
dam, commodissime adigetur CARPZ. l. 3. D. 41.

§. 16. Implicita transactio occurrit in *remissione actionis institu-
te*, de qua hæc docet CARPZ. p. 3. D. 37. *seqq.* Possit actionem remitti
etiam post litem contestatam, injunctam, susceptam & peractam
probationem, imo post sententiam conceptam & publicatam, mo-
do nondum in rem judicatam illa transferit, quæ omnia, ex vulgari
hypothesi, de casibus dubiis, erunt intelligenda v. CARPZ. l. 3. D. 40.
n. 13. BRUNNEM. J. E. l. 3. c. 3. §. 4. licet, juxta veram hypothesin,
simpliciter possint admitti. Remissa autem actione, personæ liberæ
sunt, ac impenas processus illa pars ferre debet, quæ liti occasionem
dedit CARPZ. l. 3. D. 37. 38. Ex quibus omnibus liquet, juramentum
judiciale, transactionem & actionis remissionem, quoad jura, revera
coincidere, non raro tamen à Scriptoribus, eo respectu, disparari conf.
SPECIM. JUR. ECCLES. l. 5. c. 4. §. 9. *seqq.*

§. 17. De usu *juramenti promissorii*, in re matrimoniali, res certa
est: dantur enim etiam sponsalia jurata v. 17. X. de *sponsal.* STRYK
de *dissens. spons.* Sect. 4. c. 1. §. 34. Hujusmodi autem juramentorum
valor & sensus, ex generalibus principiis, judicandus est. Sic, ob ju-
stam causam, à sponsalibus juratis, etiam recedi potest, nam jusjuran-
dum conditiones tacitas, ex natura negotii dependentes, non excludit

vid. STRYK. de *diffens. spons.* Scđ. 2. §. 39. Sponsalia valida priora, posterioribus, licet juratis, præferuntur STRYK. d. tr. Scđ. 4. c. 2. §. 1. seqq. De eo etiam dubitandum non est, quin cæca libido sæpe amantes, ad stultas improbasque execrationes, perjuriam, aliosque abusus, impellat, quo respicere videtur illud TIBULLI: *Perjuria ridet amantum Jupiter & ventos irrita ferre jubet.*

CAPUT VIII. DE ADULTERIO.

SUMMARIA.

Delicta carnis jure divino prohibentur §. 1.
Iis tamen pœna jure divino universali non est
præstituta §. 2. 3.
Adulterii indoles §. 4.
Et varietas §. 5.
Committitur doloso concubitu §. 6.
A conjugibus & desponsatis §. 7.
Uxor meretricis more vivens hodie etiam adul-
terii rea est §. 8.
Adulterium varie punitur §. 9.
Pœna juris Mosaiici & Romani §. 10.
Saxonici Electoralis §. 11.
Quæ aliquando ob remissionem conjugis §. 12.
Aliasque circumstantias mitigatur §. 13.
Altero aufugiente, alteri ob confessionem solam
pœna mortis non imponitur, nisi concurrenti-
bus indicis, in tortura confessus sit §. 14.
Sed positis indicis nihil refert, spontanea, an per

torturam exorta sit confessio §. 15. 16. 17.
Ut pœna imponi queat, opus est processu legiti-
mo §. 18.
Confessis aut convictis pœna irroganda §. 19.
Pœna privata jure Romano etiam obtinet §. 20.
Effectus adulterii ratione Societatis conjugalis
§. 21.
Est ejus dissolutio §. 22.
Ac amissio dotis & donationis propter nuptias
§. 23.
Maritus uxorem in adulterio deprehensam occi-
dens lucro dotis excidit §. 24.
In Saxonia innocens bona ex statuto vel pacto
debita acquirit §. 25.
Remissione conjugis innocentis effectus hi impe-
diuntur §. 26.
Adulterium quinquennio regulariter præscribi-
tur §. 27.

§. 1.



Omnes, lege etiam naturali, obligari ad genus suum, per matrimonia, propagandum, probabile est *v. c. 1.* §. 2. Ex illo igitur fine, eique subordinato medio, amplius consequi videtur, quod omnis libido, extra conjugum occurrens, ac vel nullam, vel incertam & illegitimam prolem intendens, jure divino prohibeatur. Licet vero omnis membrorum genitalium usus, à laudato fine & medio abiens, in delictum incidat, attamen pœna, jure aliquo divino universali, ei haud est præstituta.

§. 2. Quoad

§. 2. Quoad jus naturale, res certa est, utpote quod nullam pœnam determinat, sed nec jus divinum positivum universale hic occurrit, nam pœnæ *Levi. XX.* propositæ, ad legem forensẽ & particularem pertinent, hoc enim tamdiu dicendum, donec universalitas probetur, qualis probatio hic omnino deficit, nam *prohibitio* seu *pars legis definitiva*, ibidem occurrens, universalis quidem est, sed *partem vindicativam* seu *sanctionem*, quoque esse universalem, non perinde liquet.

§. 3. In specie fallitur GROTIVS de *J. B. P. l. 1. c. 2. §. 5. n. 8.* quando pœnam incestus, legibus universalibus annumerat v. *SELDEN. de jur. nat. juxt. discipl. Ebræor. l. 7. c. 5.* Quæ autem de *extirpatione*, vel *portatione peccati* dicuntur, illa non *legem pœnalem universalem*, sed *occultæ divini vindictæ comminationem*, continent v. *Levit. XX. 2 3. 4. 5. Num. XV. 30. 34.* quam explicationem Rabbini quoque probant v. *SELDEN. d. l. 7. c. 9.* Ex his vero summa fluit conclusio : *pœnam delictorum carnalium, arbitrio humano definiri.*

§. 4. Inter delicta carnis occurrit *Adulterium*, quod est *violatio fidei conjugalis, concubitu voluntario facta.* Jure Romano, ab uxore, & in uxorem, saltem committitur *l. 6. §. 1. l. 34. §. 1. ff. l. 18. C. de adult. l. 101. de V. S.* quia Romani non ex violatione fidei conjugalis, sed ex adulterata progenie, illud æstimarunt v. *MATH. de crim. l. 48. tit. 3. c. 1. n. 12.* quamvis cum aliis CARPZ. *Pr. Cr. p. 2. qu. 5. 2. n. 42. seqq.* hoc neget, dum, ex hypothesi nostrorum temporum, mores & sententiam Romanorum judicat v. *OBSERV. LAUT. Obs. 1305. 1306. 1307.*

§. 5. Distinguitur adulterium (1.) in *attemptum* & *consummatum* quod proprie adulterii nomine venit, quamvis, quoad nonnullos effectus, illud cum hoc conveniat v. *STRYK de diff. spons. Sect. 5. §. 2. 3.* (2.) in *duplex*, quod maritus cum uxore, & *simplex*, quod vel maritus cum soluta, vel solutus cum uxore committit, hinc ejus duæ iterum sunt species, quæ etiam, intuitu pœnæ, distingvi debent *vid. CARPZ. qu. 53.*

§. 6. Committitur adulterium voluntate dolosa *l. 12. de adult. c. 6. C. 32. qu. 5.* & concubitu *l. 23. de V. S.* error igitur verus excusat, modo probetur, quod sæpe juramento fit *c. 6. C. 34. qu. 1. c. 8. de elect. in 6. v. CARPZ. qu. 61. n. 42. seqq.* De cætero adulterium prohibet
jus

jus naturale, non tantum ob rationem generalem, §. 2. adductam, sed & ob fidem, quam sibi conjuges mutuo dederunt, quam prohibitionem leges humanæ confirmant, non semper tamen indistincte, seu exemplo juris Romani intelligitur. Est etiam adulterium, delictum satis grave, furto vero aliisque criminibus, gravius vel levius haberi possit v. CARPZ. *qu. 50.* non perinde liquet, nec videtur etiam illius comparationis magna esse utilitas.

§. 7. Adulterium committunt puberes l. 36. de adult. (quamvis pubertas hic forte non tam ex annis, quam aptitudine coeundi, æstima- manda sit) usu rationis gaudentes l. 43. eod. & hodie quidem tam ma- ritus, quam uxor; sponsus quoque & sponsa l. 13. §. 3. l. 7. C. de adult. MATH. de crim. tit. 3. c. 1. n. 9. 10. CARPZ. *qu. 56.* ut & conjuges, à tho- ro & mensa separati CARPZ. *qu. 61. n. 56.* nec non deserti IDEM *qu. 58.* his tamen casibus, conjugum, ratione cohabitationis, innocenti, pœna mitigatur.

§. 8. In uxorem, meretricio more viventem, jure civili adul- terium non committitur l. 22. 29. C. de adult. fuit enim infra legum curam: sed in eam quæ olim vulgaris fuit, ast vitæ genus, inito ma- trimonio, emendavit, adulterium perpetratur l. 13. §. 2. de adult. v. l. 43. pr. §. seq. de R. N. quamvis hic varie sentiant Scriptores vid. MATH. d. c. 1. n. 5. 6. CARPZ. *qu. 57.* sed prior tamen sententia, maxime pro- babilis videtur. Hodie indistincte uxor vulgaris adulterium com- mittit, mas tamen mitius punitur, nec enim tantus dolus in eo est, qui cum uxore passim se prostituente, commiscetur, quam qui nuptas, caste alias viventes, persuasionibus in amplexus illicitos pellicit v. OBSERV. LAUTERB. Obs. 1308. v. MATH. d. c. 1. n. 6.

§. 9. Commissi adulterii duplex est effectus (1.) ratione pœne (2.) societatis conjugalis, licet enim, hoc posteriori respectu, etiam aliqua pœna civilis occurrere videatur, attamen non indistincte id verum est, sed ille potius effectus, interveniente adulterio, ex natura societatis conjugalis, ulro velut resultat, hinc, evidentioris doctrinæ causa, illa recte separantur. Pœnam quod attinet, in adulterio pu- niendo, diversi sunt populorum mores, qui quidem, ob præsupposi- tum §. 3. hætenus non sunt reprehendendi, licet alii dissentiant vid. MATH. tit. 3. c. 2. n. 2. 4.

§. 10. Apud

§. 10. Apud Judæos adulterium morte fuit punitum *Lev. 20. 10. Deut. 22. v. 22.* CARPZ. *qu. 52. n. 17.* quæ pœna etiam jure civili antiquo obtinet *L. 30. C. de adult.* ubi tamen magna, sed nullius usus, occurrat quæstio: an lex Julia mortis supplicium introduxerit? *v. MATH. d. c. 2. n. 1.* CARPZ. *qu. 52. n. 26. seqq.* Postea Justinianus, svasu, ut nonnullis videtur, Theodoræ, fœminis adulteris pœnam mortis remisit, easque virgiscæsas, in monasterium detrudi voluit *Nov. 134. c. 10. auth.* sed hodie *C. de adult. v. MATH. d. c. 2. n. 3.* CARPZ. *qu. 53. n. 10. seqq.* licet vero sanctionem illam approbet *Nemes. Carol. art. 120.* eam tamen usus Germaniæ fere rejicit *v. HEIG. p. 2. qu. 29. n. 70. seqq.*

§. 11. In Saxonia Electorali adulterium duplicatum punitur gladio *p. 4. C. 19.* CARPZ. *qu. 54. n. 17. seqq.* nec habet locum remissio conjugis innocentis *DEM qu. 55. n. 109. seqq.* nisi maritus cum uxore, meretricio more vivente, concubuerit *DEM qu. 57. n. 32. seqq. Decif. Saxon. 82.* Adulterium simplex, quod solutus cum uxore committit, iridem gladio punitur *d. Const. 19. p. 4.* CARPZ. *qu. 54. n. 27. seqq.* quod vero maritus cum soluta; à parte mariti, gladio, fœminæ, suffigatione coercetur *d. C. 19. p. 4. CARPZ. d. l. n. 37. seqq. Decif. Sax. 83.*

§. 12. In utraque tamen specie, locum habet remissio conjugis innocentis, qua facta, mortis supplicium cessat, ac conjux delinquens perpetuo relegatur, eumque innocens sequi debet *C. 19. p. 4. CARPZ. qu. 55. n. 17. 18.* licet sub conditione: *ne nocentem sequi cogatur*, delictum remiserit *d. l. n. 76. seqq.* aut nocens remissionem acceptare nolit *d. l. n. 127. seqq.* Alteri vero delinquenti remissio nihil prodest *d. l. n. 120. seqq.* De cætero remissio fit vel expresse *d. l. n. 17. seqq.* vel tacite, per concubitus, cognito adulterio, securum *d. l. n. 40. seqq.* vel præsumtive, nam mortuo, post adulterium, innocente, hujus remissio præsumitur *d. l. n. 50. seqq.*

§. 13. Non tantum autem, ob remissionem conjugis innocentis, sed & alias causas, pœna ordinaria cessat; Remittitur enim desponsatis, conjugibus desertis, ei, qui cum uxore, meretricio more vivente, concubuit; Ordinaria quoque pœna locum non habet in adulterio attentato, aut si conjux, ob impotentiam comparis, vel negatum debitum conjugale, aut ob ejus furorem vel morbum contagiosum,

Ddd dd

adul-

adulterium commiserit: Multo magis excusat error, facta etiam separatione à thoro & mensa, innocens, in adulterium prolapsus, veniam meretur, nec non conjux, conjuge ad mortem condemnato, se adulterio commaculans, quæ, & alia, late persequitur CARPZ. *qu. 56. seq.*

§. 14. Quodli quis adulterium confiteatur, sed altera pars nocens aufugerit, nec ejus confessio haberi queat, pœna mortis ordinaria itidem consentienti non imponitur CARPZ. *qu. 60.* si confessioni voluntariæ, accedant probabilia indicia, non eo magis tamen pœna ultimi supplicii locum invenit; Aliud dicendum, si per torturam confessio sit extorta, hanc enim mors sequitur; Hinc si reus torquendus, ante torturæ actum, sponte delictum confiteatur, vitam servare poterit CARPZ. *d. l. n. 30. seqq.*

§. 15. Sed hæc quidem doctrina manifeste rationi repugnat, nec ex Constitutione Saxonica, ad quam CARPZ. *d. l. n. 40.* provocat, probatur, male enim verba illa: *die von uns gesatzte und constituirte straffen, stracks auff die confession, so aus der tortur erfolget*, sic accipiuntur, quasi ob solam confessionem, tortura elicita, ultimum supplicium irrogandum sit, nec confessionis spontaneæ idem sit effectus, cum potius Elector loquatur de eo, quod ut plurimum fit (raro scilicet suspecti ultro, sed cruciatibus adacti, demum fateri solent) adeoque confessionem voluntariam neutiquam excludat.

§. 16. Id quod ex eo etiam liquet, quod paulo ante, dum refert sententiam nonnullorum, mox improbandam, generaliter Elector loquatur. *das der ehebruch etwas linder zu straffen seyn solte, wenn beyde verbrechende theil nicht zugleich bekommen, oder gerechtfertiget werden möchten, ungeachtet, das wider den einen verbrecher gnugsame indicia ad torturam vorhanden, dasselbige theil auch den ehebruch selbst gestanden und bekandt.* Cum igitur hæc sententia, velut singularis, postea rejiciatur, exinde utique apparet, confessionis, sive voluntariæ, sive tortura elicite, eundem esse effectum.

§. 17. Magis probabilis sit explicatio hæc, si consideremus originem, ex qua sententia, quæ confessioni valorem abjudicat, dependet; Dicit Elector, eam ex male intellecta *Const. 45. p. 4.* quæ ei, qui sine fundamento, cum aliqua uxore se concubuisse, gloriatur, pœnam arbitrariam imponit, esse extortam, hoc enim sit acceptum est, quasi confes-

confessio voluntario, concurrentibus licet aliis indiciis, ad irrogandam pœnam mortis non sufficiat. Dum igitur Legislator ostendit, aliam plane *d. Const. 45.* esse sententiam, eamque de confessione, probabilibus indiciis stipata, plane non agere, eo ipso utique satis innuit, confessionem talem, sponte licet factam, ad pœnam mortis imponendam, sufficere.

§. 18. Quo autem pœna adulteris irrogari queat, legitimo processu veritas facti est eruenda, qui, ut alibi, ita hic etiam, inquisitorius vel accusatorius esse potest, de quo suo loco, in genere dicendum erit. Id saltem hic notandum, de pœna criminali agi in Iudicio Seculari *v. CARPZ. qu. 63. n. 1.* & circa accusationem, jure Romano, multa occurrere singularia *v. l. 14. §. 2. ff. l. 11. 30. C. de adult. MATH. de crim. l. 48. tit. 3. c. 4. THEODOR. Coll. Crim. c. 6. aph. 3. n. 18.* sed illa hodie, ob cessantes accusationes, nullius esse usus. *conf. OBSERV. LAUTERB. Obs. 1310.*

§. 19. Si delinquentes delictum confiteantur, & nihil sit, quod fidem confessionis elever, tum pœna iis imponitur *v. l. 1. §. 17. 27. de quæstion.* quid vero obtineat, si, altero aufugiente, alter crimen fateatur, §. 14. *seqq.* dictum est. Si negantes, per indubitata indicia, ex naturali ratione desumpta, convincantur, v. gr. per annum absentis uxor gravida reperiat, tum itidem condemnatio sequitur *v. l. 19. C. de R. V. l. fin. C. de probat.* Eundem effectum habent præsumptiones juris & de jure *v. l. 34. C. de adult. auth.* si quis *C. cod.* sed illud æquitati non convenit, nec observandum videtur *v. OBSERV. LAUTERB. Obs. 1311.* Indicia probabilia locum faciunt torturæ, vel juramento purgatorio *v. l. 1. §. 1. C. de quæst.* aut etiam pœnæ extraordinariæ *v. CARPZ. qu. 60. n. 1. seqq.* in æstimandis vero indiciis, nonnunquam interpretes falli, ex dictis §. 14. *seqq.* liquet.

§. 20. Jure Romano, adulterium etiam privata autoritate punitur, nam Patri & marito datur facultas, adulterum & adulteram occidendi, quæ tamen varie circumscripta fuit *v. l. 20. seqq. de adult. auth. si quis C. cod. THEODOR. Coll. crim. c. 6. aph. 3. n. 84. MATH. d. 1. 3. c. 3. n. 13. seqq. LAUTERB. C. J. de adult. verb. privata.* Sed uti illa occisio, salva conscientia, fieri nequit, cum pœna capitalis, non nisi ad mortem præparato, aut præparando infligenda sit, ita hodie

etiam privatum illud puniendi jus non obrinet, occidentem tamen, ob justum dolorem, à pœna homicidii ordinaria esse immunem, facile liquet v. OBSERV. LAUTERB. *Obf. 1319. seqq.* v. MATH. d. c. 3. n. 15. in fin.

§. 21. Postea etiam effectus adulterii, ratione *societatis conjugalis*, quem *civilem* vulgo dicunt, spectandus est v. §. 9. Olim jure Romano *elective* actum videtur, vel criminaliter, vel civiliter: sed postquam *actio de moribus* fuit sublata, effectus illi *cumulative* potius concurrunt, adeo ut persecutioni pœnæ, effectus alter vel insit *vid.* MATH. d. c. 3. n. 3. vel saltem cum illa, peculiari remedio, hodie exi-gatur v. OBSERV. LAUT. *Obf. 1312.*

§. 22. Operatur ergo adulterium (1.) *dissolutionem matrimonii* v. CARPZ. qu. 63. Illud autem facile liquet, de hoc effectu seorsim non esse querendum, si adulter vel adultera, ultimo afficiatur sup-plicio; Pertinet igitur hoc, ad eum casum, quo mitior pœna adulteris dolosis, sine consensu conjugis innocentis, imponitur, quo casu etiam judex Secularis & Ecclesiasticus, sive Consistorium concurrunt v. OBSERV. LAUTERB. *Obf. 1313. 1314.*

§. 23. Deinde operatur (2.) *amissionem dotis & donationis propter nuptias*, nam, uxore adulterium committente, maritus retinet donationem propter nuptias, ac lucratur dotem v. l. 11. §. 3. de adult. l. 47. solut. matrim. Nov. 117. c. 8. præterea ex paraphernis, tantam portionem, quanta est tertia dotis, accipit d. Nov. 117. c. 8. §. 2. Sed hoc ultimum, per Nov. 134. c. 10. videtur sublatum v. CARPZ. qu. 64. n. 1. seqq. OBSERV. LAUTERB. *Obf. 1316. 1317.* Marito autem in adulterium prolapsò, uxor recuperat dotem, lucratur donationem propter nuptias, ac ex reliquis bonis tantum, quantum tertia pars illius donationis efficit Nov. 117. c. 9. v. MATH. d. tit. 3. c. 3. n. 1. seqq.

§. 24. Quodsi maritus mulierem, in adulterio deprehensam, occiderit, lucro dotis excidit l. 10. §. 1. sol. matrim. l. 22. §. f. de adult. MATH. d. l. n. 4. nam ignoscitur quidem ei l. 3. §. 3. de Sci. filan. sed saltem quoad pœnam, non lucrum acquirendum. Ob oscula tamen libidinis, uxorem quoque dotem amittere censent, ideo quod svavia illa, causis divortii Nov. 117. c. 8. æquipolleant v. MATH. d. l.

n. 12. Sed uti illud etiam de jure civili dubium v. THEODOR. *Coll. crim. c. 6. aph. 2. n. 5.* ita admissum, hodie nullius usus est v. OBSERV. LAUT. *Obs. 135.* conf. LEHMAN. *Chron. Spir. t. 5. c. 109. in fin. c. 126.*

§. 25. Cæterum quæ de amissione dotis & donationis propter nuptias, dicta sunt, illa in iis locis, in quibus aliqua bonorum, inter conjuges, est communio, non ita simpliciter obtinent: In Saxonia Electorali, conjux nocens, jura sua, quæ in innocentis bona habebat, amittit; innocens vero, bona nocentis, quæ ipsi ex statuto vel pacto debentur, acquirit, ceu c. 6. §. 8. 9. jam retuli, quibus hoc addendum, quod ob adulterium uxoris, mortuo marito, hujus descendentes, bona adulteræ auferre nequeant, nisi maritus animum ulciscendi ante mortem declaraverit *Const. 21. p. 4. CARPZ. qu. 65.*

§. 26. Cæterum sicut remissio conjugis innocentis, poenam mitigat, de quo antea dictum, ita, ea interveniente, effectus hætenus expositos etiam cessare, manifestum est, nam neque matrimonium solvitur, neque bona propria, aut spes alia consequendi, amittuntur. Alias, præter illa remedia, marito solet etiam asseri actio injuriarum v. LAUTERB. C. J. *de adulter.* Sed uti argumentum, ex l. 1. §. 2. *de injur.* desumptum, longius petatum est, ita crediderim, per remedia antea exposita, satis etiam injuriam vindicari, nec adeo, eo nomine, amplius quod exigi posse, id quod in primis verum videtur, si adulteris ultimum irrogetur supplicium.

§. 27. Præscribitur adulterium quinquennio continuo, ab ultimo actu, computando l. 11. §. 4. l. 29. §. 5. *seqq. ff. l. 5. 28. C. de adult. l. 1. §. 10. ad Scit. Turpill.* nisi violentia l. 29. §. *fin. de adult.* vel incestus l. 39. §. 5. *cod.* concurrat, tum enim consuetum tempus, viginti annorum l. 12. *C. de fals.* observandum erit v. CARPZ. p. 3. *qu. 141. n. 49. 50.* Hoc tempus, in Saxonia Electorali, in duplicato adulterio, quoque requiritur p. 4. *Const. 19. in fin. Decis. Saxon. 84. v. CARPZ. p. 2. qu. 59.* Illud autem nihil referre videtur, sive adulterium unica, sive diversis vicibus, & quidem vel cum eadem, vel diversis personis sit commissum, modo quoad omnes illos actus, tempus præfinitum, sit elapsum, sit elapsum, nam lex generalis est, & alias, ob repetitionem adulterii, poena non solet exasperari v. CARPZ. p. 2. *qu. 62. n. 59. seqq.*

CAPUT IX. DE RELIQUIS DELICTIS CARNIS.

SUMMARIA.

Inter delicta carnis occurrit fornicatio §. 1.
Ejus poena §. 2. Stuprum §. 3.
Poena stupri violenti §. 4.
Voluntarium committitur aliquando à desponsa-
tis §. 5.
Ex tempore partus, post hierologiam, anticipa-
tus concubitus judicatur §. 6.
Concubinatus est aliquando conjugium minus
solenne §. 7.
Aliquando species stupri §. 8.
Est stupro oritur obligatio ad stupratam dota-
dam vel ducendam §. 9.
Dotationis necessitas & quantitas §. 10.

Quæ aliquando cessat §. 11.
Stuprator quoque prolem alere tenetur §. 12. 13.
Præterea tam ille, quam stuprata puniuntur §. 14.
Infans expositus à quo ali debeat §. 15.
Inter delicta carnis est etiam bigamia §. 16.
Incestus §. 17.
Ejus poena quoad consanguinitatem §. 18.
Et affinitatem §. 19.
Sodomia §. 20. Et lenocinium §. 21.
Delicta carnis quinquennio præscribuntur §. 22.
Quod etiam de incestu in Saxonia dicendum §. 23.
Stuprum quoad interesse stupratæ quando præ-
scribitur §. 24. 25.

§. 1.

Inter cætera delicta carnis, quæ omnia jure quidem naturali prohiberi, sed humano saltem puniri, ex præsuppositis c. 8. §. 1. 2. 3. arbitramur, occurrit (1.) *Fornicatio*, quæ est *concubitus soluti cum soluta*, alios quoque admittente v. l. 43. pr. §. 3. de R. N. c. 16. Dist. 34. c. 11. qu. 4. C. 32. ad meretricem sufficit, si vel duos, etiam sine quæstu, admiserit v. CARPZ. p. 2. qu. 70. n. 2. seqq. LIMN. de jur. publ. l. 8. c. 6. n. 100.

§. 2. Apud Romanosolim extra pœnam fuit fornicatio, v. l. 4. §. 3. de condiç. ob turp. id quod hodie quoque, apud nonnullas gentes, fortassis obtinet v. CARPZ. d. qu. 70. n. 6. seqq. Plerumque vero illa punitur arbitrarie. In Saxonia meretrices publicæ, relegatione, clandestinæ, carcere puniuntur, quæ pœna etiam manet marem, cum iis concumbentem Const. 28. p. 4. CARPZ. d. qu. 70. de dotatione nulla est quæstio IDEM qu. 68. n. 76. Infan tamen est alendus, si de Patre satis constet d. qu. 68. n. 118. seqq. J. E. l. 3. D. 81.

§. 3. (II.) *Stuprum*, quod est *concubitus soluti, cum vidua vel virgine, honeste vivente, hoc est, alios non admittente* v. l. 6. §. 1. l. 34. §. 1.

de

de adult. l. 101. de V. S. §. 4. J. de publ. judic. CARPZ. p. 2. qu. 68. n. 1. Dicitur in violentum & Voluntarium. Illud est, quo *scæmina soluta honesta, vi adhibita, comprimitur*, in Saxonia etiam in meretricem illud delictum committitur v. CARPZ. qu. 75. n. 52.

§. 4. Attentatum puniatur arbitrarie v. Ord. Crim. art. 119. consummatum, morte CARPZ. d. qu. 75. modo legitime probetur, hinc non sufficit confessio sola stuprata CARPZ. J. E. l. 2. D. 238. Jus Saxonicum etiam in res inanimatas & animalia animadverti jubet Landr. l. 3. art. 1. quod, sine dubio, non observatur. Vi stuprata, ab omni pœna, est immunis l. 13. §. 7. ff. l. 20. C. de adult. coronam tamen virginittatis gestare non potest, cum sit signum virginittatis corporalis v. c. 6. 14. C. 32. qu. 5. CARPZ. J. E. l. 2. D. 237. p. 2. qu. 75. n. 80. seqq.

§. 5. Voluntarium est, quod cum *volente committitur*, hoc, in diversas formas, se componere solet: nam aliquando committitur (1.) a *desponsatis*, qui, ad ineundum matrimonium, adiguntur CARPZ. J. E. l. 2. D. 135. 136. accarcere & pœnitentia Ecclesiastica, si in usu sit, puniuntur l. d. l. 3. D. 76. 77. p. 2. qu. 69. n. 46. seqq. potest tamen hæc, favore matrimonii, quandoque ab Imperante remitti l. d. J. E. l. 3. D. 88. licet nonnulli dissentiant v. BRUNNEM. J. E. l. 2. c. 19. §. 26. ibique STRYK. in not. si post hierologiam, anticipatus concubitus appareat, eadem pœna obtinet CARPZ. J. E. l. 3. D. 76. 77. 80.

§. 6. Intelligitur hoc, ex tempore partus, & communiter quidem existimant, prolem etiam septimo & octavo mense posse nasci l. 12. de stat. hom. l. 3. §. fin. de suis & legit. hered. hinc parentibus iuramentum purgatorium deferri nequit v. l. 51. pro soc. c. fin. X. de præsumpt. v. CARPZ. J. E. l. 2. D. 223. seqq. p. 4. C. 27. D. 13. 14. Quodsi, post obitum mariti, vidua mense decimo, vel initio undecimi pariat, stuprum illa itidem non commisisse censetur l. 3. §. p. de suis & legit. hered. Nov. 39. c. 2. v. CARPZ. p. 4. C. 27. D. 15. FINCKELTH. Obs. 2. LYNCKER. Decis. Jenens. Dec. 426. LAUTERB. C. J. de his qui sui vel alien. jur. quæ an rationibus physicis satis convenient, alii viderint, conf. HUBER. in posit. ad ff. de stat. hom. n. 17.

§. 7. Aliquando autem stuprum sine prævio vinculo sponsalicio, committitur, & quidem (2.) sub *forma conjugii*, ex quo oritur *concubinatus*, hic jure civili, nomen legitimum est, notatque conjugium

gius minus solenne vel inaequale, in quo deficiunt solennitates & effectus juris civilis v. l. 2. C. de donat. inter V. & U. l. 3. C. de condit. insert. l. 3. C. de natur. liber. l. un. C. de concub. l. 49. §. 4. de Legat. 3. can. 3. seqq. distinct. 34. c. fin. qu. 4. C. 32. l. 3. §. 1. de concub. l. r. C. de Scito officio : l. 144. de V. S. Hodie quoque illa conjunctio, sub nomine honestiori matrimonii morganatici II. f. 29. inter personas illustres ac, ex dispensatione, quandoque nobiles, occurrit v. STRYK ad Br. J. E. l. 2. c. 16. §. 6. p. 188. de dissens. sponsal. Sect. 5. §. 73. seqq.

§. 8. Sed extra hos respectus, concubinatus hodie illicitus ac nihil aliud est, quam *stuprum, sub forma conjugii, commissum v. c. 4. II. C. 32. qu. 4.* licet honestum nomen, matrimonii conscientie, ei prætexatur, nam privatis consuetam contrahendi matrimonii rationem mutare non licet v. STRYK. d. Sect. 5. §. 79. conf. OBSERV. LAUTERB. Obs. 795. 796. Haud igitur concubinatus tolerandus, sed comminatione poenarum impediendus est v. CARPZ. J. E. l. 2. D. 235. p. 2. qu. 70. n. 42. quoad præteritum vero, ea obtinent, quæ de stupro in specie, nunc dicemus.

§. 9. Denique (3.) stuprum, sine forma conjugii, aliquando committitur, quod *stuprum in specie* dici potest. Eo casu obligatus mas (1.) *ad satisfactionem stupratæ præstandam*, quod fit, jure Mosæico, si eam ducat & doret Exod. 22. v. 16. Deut. 22. v. 28. hodie vero, si ducat aut dotet c. 1. 2. X. de adult. quo sine stuprata, in bona stupratoris fugitivi, aliquando immittitur CARPZ. J. E. l. 2. D. 228. seqq. Quodsi matrimonium promissum sit, ad ejus consummationem, stuprator compellitur, si res dubia, eo nomine transigitur IDEM d. l. D. 233. Ex sola stupri & imprægnationis confessione, matrimonii promissio non præsumitur, nec juramentum purgatorium deferri potest, de quo c. 7. §. 8. seqq. dictum.

§. 10. Uti autem dotatio fieri debet, siue virgo, siue virgula stuprata sit, ob paritatem rationis vid. §. 4. J. de publ. judic. CARPZOV. qu. 68. n. 23. ita, pro conditione personæ, dos a judice determinatur IDEM d. qu. n. 13. eaque pure debetur, & statim exsolvenda est, adeo ut non solutam, stupratæ hæredes exigere queant CARPZOV. d. l. n. 32. seqq. cujus tamen non ea est ratio, quod

quod dotatio, sit pœna (hoc enim utique falsum, & falsorum confectiorum principium est) sed quia dos, in locum amissæ pudicitiae est surroganda, ut, cum hæc procos amplius non alliciat, illa tamen utcunque idem præstet.

§. 11. Aliquando dotandi necessitas cessat, si stuprata occasionem stupro dederit STRYK. *ad Br. J. E. l. 2. c. 18. §. 26. LYNCKER Dec. Jen. p. 2. Dec. 1000.* licet hoc CARPZ. *qu. 68. n. 41. seqq.* neget, ex falsa hypothese, quod dotatio sit pœna. Porro cessat, si stuprator, ob nimiam sanguinis propinquitatem, stupratam, incestu cognitam, ducere nequeat CARPZ. *d. l. n. 75.* vel si stuprata Stupratori nubere renuat CARPZ. *p. 4. C. 27. D. 1.* In genere putem, necessitatem dotandi gravi ratione non niti, cum damnum, quod tœmina sua culpa sentit, sentire non videatur, quod naturalis & civilis ratio tuetur *l. 203. de R. J.*

§. 12. Postea stuprator (2.) *ad prolem alendam* tenetur, & si concubitum fateatur, tamdiu pro Patre habetur, donec contrarium probet CARPZ. *J. E. l. 2. D. 232.* si vero præsumptio scortationis subsit, non antea, ad alimenta præstanda, obstrictus est, quam si stuprata jurejurando suspicionem eliserit *Id. d. l. D. 239. l. 3. D. 81.* transactio cum stuprata inita, proli quoad alimenta non nocet *Id. d. l. 2. D. 240.* si stuprator immobilia non possideat, carceri includi potest, donec, de judicato solvendo, idonee caverit *d. l. D. 241.*

§. 13. Stupratore aufugiente, alimenta ex ejus bonis sumuntur, vel ipsius Patri aut Avo illorum præstatio imponitur *d. l. D. 42. 43.* si ex inopia, eadem omnino præstare ille nequeat, ad matrem onus alendi pertinet CARPZ. *qu. 68. n. 127.* De cætero debentur alimenta statim à tempore nativitatis, & eousque, in certa quantitate, solvenda sunt, donec proles seipsam alere queat; In Saxonia nonnunquam, duodecim sexagenæ antiquæ, quotannis præstandæ, usque ad annum 13, adjudicantur. Mortuo, ante terminum præfixum, infante, alimenta desinunt, sumtibus tamen Patris, ille sepeliri debet CARPZ. *qu. 68. n. 106. seqq.*

§. 14. Denique stuprator (3.) *pœna condigna est afficiendus.* Jure Romano publicatione partis dimidiæ bonorum, vel corporis coercitione & elegatione punitur §. 4. *J. de publ. judic. v. MATH. de crim. l. 48. tit. 3. c. 5.* quod hodie nullibi forte observatur. In Saxonia car-

cere coercetur, à Judice Seculari, ab Ecclesiastico vero, pœnitentia Ecclesiastica, quæ tamen non ubique in usu est *v. Consi. 27. p. 4. CARPZ. J. E. l. 2. D. 231. l. 3. D. 72. seqq. Pr. Crim. qu. 69.* Eadem pœna manet quoque stupratam *d. qu. 69. n. 57. seqq.* quod frustra nonnulli negant *v. THEODOR. Coll. crim. c. 6. aph. 4. n. 4.*

§. 15. Quod si infans aliquo in loco, ac v. gr. ante fore templi, reperiatur, ejus educatio non pertinet ad Ecclesiam vel universitatem, sed ad eum, qui ibi habet merum imperium, sive Jurisdictionem superiorem *CARPZ. p. 1. qu. 10. n. 26. 27. J. E. l. 2. D. 244.* non tamen ad Consistorium, quod non recte *d. D. 244. n. 10. seqq.* asseritur, cui sententiæ Rescriptum Electorale, *n. 20.* relatum, etiam refragatur. Non raro tamen onus alendi toti universitati obrudi solet, sed nisi voluntaria agnitio, vel longa consuetudo accefferit, recte universitas illud deprecabitur.

§. 16. (III.) *Bigamia*, quæ est *delictum*, quo conjux, alii per hie-rologiam conjungitur, ac putativum illud matrimonium concubitu consummat. Prohiberi eam jure etiam naturali *c. 2. §. 5.* existimavi, jure tamen humano illa saltem punitur, & obtinet quidem, circa eam, pœna adulterii *v. Ord. Crim. art. 121. Const. Saxon. 20. p. 4. CARPZ. Pr. Crim. qu. 66.* adeo ut remissio conjugis innocentis, pœnam mitigare haut possit *d. qu. 66. n. 39. seqq.* quod tamen rationibus parum solidis asseritur, ut forte, ex hypothesibus papalibus, quibus conjugium pro Sacramento habetur, id dependeat: Mas bigamia assumtus, gladio, scœmina, fustigatione punitur, nisi ignorantia excusentur *CARPZ. d. l. n. 69. seqq.* Imperantem tamen hic dispensare posse, dubium non est *v. STRTK. ad Br. J. E. l. 2. c. 16. §. 1.*

§. 17. (IV.) *Incestus* *v. l. 12. C. de remilit.* qui est *concubitus cum consanguineis & affinis, in gradibus prohibitis, commissis.* Est ille vel juris divini, vel humani, de quo *c. 3. §. 29. seqq.* dictum; autoritatibus hic nihil tribuendum, nisi quatenus solidis nituntur rationibus *v. l. 8. l. 14. §. 2. l. 39. §. 1. l. fin. de R. N. l. fin. §. 1. de condit. fin. caus. l. 35. §. 1. de V. O. l. 38. §. 1. 2. de adult. MATH. de crim. l. 48. tit. 3. c. 6. n. 1. seqq. CARPZ. J. E. l. 2. D. 87.* Pœna incestus jure civili non satis definita est *v. l. 57. §. 1. de R. N. l. 38. §. 2. de adult. l. 11. §. 1. cod. l. 5. de quest. Nov. 12. c. 1. MATH. d. l. n. §. 6.*

§. 18. Jure Saxonico incestus, in linea recta consanguinitatis, ultimo supplicio CARPZ. p. 2. qu. 72. in linea collateralis, in prima generatione, fustigatione & perpetua relegatione punitur I.D. qu. 73. n. 11. quæ pœna etiam obtinet, inter illos, qui sunt Parentum & liberorum loco, sed saltem in proximo gradu, ut fratrem, & fratris filiam d. qu. 73. n. 11. 56. In secunda generatione, incestus, perpetua d. l. n. 29. in secunda ac tertia vero, sive, in tertio gradu lineæ inæqualis, temporali relegatione coercetur d. qu. 73. n. 37.

§. 19. In affinitate incestus mitius punitur, nam in linea recta, & collateralis, in primo gradu, pœna fustigationis & perpetuæ relegationis obtinet CARPZ. qu. 74. n. 9. 19. Quoad affines, qui sunt instar parentum & liberorum, ut &, in secundo gradu æquali, perpetua, in tertio autem inæquali, temporalis relegatio decernitur d. qu. 74. n. 32. 38. 41. In secundo affinitatis genere, licet in linea recta, temporalis relegatio, vel pœna carceris saltem imponitur d. l. n. 47. In genere notandum, quod, licet pœna incestus arbitrio humano subsit, rationi tamen consentaneum videatur, ut pœna prohibitioni attemperetur, adeo ut eadem pœna imponatur, ubi eadem, juris divini vel humani, est prohibitio.

§. 20. (V.) Sodomia, quæ est libido in bestias, in eundem vel diversum sexum, sed modo præternaturali, aut in se ipsum commissæ. v. l. 1. §. 2. de extradord. crim. l. 31. C. de adult. Nov. 77. MATIL. de crim. l. 48. tit. 3. c. 6. n. 8. seqq. Primum genus hodie punitur igne, secundum, gladio, tertium, arbitrarie v. O. C. art. 116. CARPZ. p. 2. qu. 76. habet tamen locum dispensatio Imperantis, ex præsupposito §. 1. Illud ridiculum est, quod nonnulli, concubitum cum fœmina infideli, pro Sodomia, haberi velint v. CARPZ. d. qu. 76. n. 64. MATH. de crim. l. 48. tit. 3. c. 1. n. 16.

§. 21. (VI.) Lenocinium, quod est adjuvatio alienæ libidinis, ob questum facta. Jure civili recentiori, ultimo supplicio illud puniendum esse, aliqui censent, Nov. 14. 134. c. 10. v. MATH. d. tit. 3. c. 2. n. 11. Hodie illa pœna, decernenda esse existimatur, si mariti, Parentes aut tutores, uxores, liberos vel pupillas prostituunt, cæteri lenones vel lenæ arbitrarie puniuntur v. O. C. art. 122. 123. Consist. Saxon. 29. p. 4. CARPZ. p. 2. qu. 71. LAUTERB. C. J. de adult. in fin. Sed pœna ul-

rimi supplicii, in genere non satis certa videtur v. OBSERV. LAUTERB. *Obs.* 1327. 1328. conf. SPECIM. JUR. ECCLES. l. 4. c. 5.

§. 22. Delictorum carnalium præludium aliquando est (VII.) *Raptus*, quem retuli l. 5. C. 3. §. 15. Confectaria vero nonnunquam sunt (VIII.) *Abortus procuratio* & (IX.) *infantis expositio*, sed illæ, species sunt homicidii, adeoque earum mentio injecta l. 3. c. 1. §. 18. In genere adhuc, quoad delicta carnalia, observandum, quod quinquennio præscribantur l. 29. §. 6. de adult. quæ dispositio generaliter videtur admittenda; Id tamen certum, quod præscriptio non antea incipiat, quam delictum plane absolutum, hinc v. gr. bigamiæ præscriptio, demum post mortem personæ male assumptæ, inchoabitur.

§. 23. Non est tamen, hac in parte, omnium Scriptorum consensus. Incestum viginti demum annis præscribi, censet MATH. l. 48. tit. 3. c. 6. n. 7. cum in l. 39. §. 5. de adult. traditum sit: *incestum, quamvis adulterio vel stupro sit conjunctus, quinquennio tamen non finiri*. Verum sententia dicti textus pervertitur, quasi in eo tradatur *ampliatio*, cum manifestum sit, quod ibi *exceptio* proponatur: *præscriptione quinque annorum, crimen incesti, conjunctum adulterio, non excluditur*, quia scilicet, duplex crimen occurrit, quæ est ratio exceptionis. Vel ex eo initur consequitur, quod separata crimina quinquennio præscribantur. Ex quo etiam corrui altera assertio MATHÆI d. l. n. 11. quod *Sodomie accusatio viginti annos duret*, nam argumento, ab incestu, desumpto, eam probat; quod autem lex Julia, quinquennii præscriptionem, quoad stuprum, inducens, de venere monstrosa non senserit, ceu amplius contendit, id gratis dici videtur v. l. 34. §. 1. de adult. l. 101. de V. S. l. 1. §. 2. de extraord. crim. §. 4. l. de P. J.

§. 24. Stuprum, quoad interesse Stupratæ, quinquennio non præscribi, sed hujus persecutionem perpetuo, adeoque in Saxonia, 30. annos, annum & diem, durare, putat CARPZ. p. 2. qu. 68. n. 44. seqq. p. 3. qu. 141. n. 46. seqq. quod sequitur LAUTERB. C. J. de divers. tempor. præscript. Sed hoc valde dubium videtur, si enim quinquennio accusatio & inquisitio delicti aboletur, utique nec de effectu civili amplius querendum erit: aut si quis, post illud tempus, interesse præstando, delictum agnoscere & fateri cogitur, nihil ob stare viderur, quo

quo minus confesso etiam pœna imponatur, qua ratione tota præscriptio eliditur.

§. 25. Cardo negotii in eo vertitur: num *præscriptio delinquentis obligationem extinguat*, an saltem *efficiat, ne, post elapsum tempus, in veritatem delicti, invito reo, amplius inquiri possit?* Si prius supponas, sententia CARPZOVII defendi potest, cum lex, diverso tempore, obligationem ad pœnam, & damnum resarciendum, extinguere possit; si vero posterius, contraria sententia est verisimilior, nam si de delicto non constat, & in ejus veritatem inquirere non licet, nec obligatio ad damnum resarciendum, asseri potest. Interim posterius præsuppositum, probabilius videtur, nam si, post elapsa præscriptionis tempora, delinquens delictum confiteatur, vel, eo volente, aliis mediis ejus veritas ostendatur, tum, ipsum puniri posse & debere, arbitror, ex quo intentio legis, qua non ipsam obligationem tollere, sed ejus saltem inquisitionem impedire voluit, apparet.

CAPUT X. DE PATRIA POTESTATE.

SUMMARIA.

In liberos procreatos competit patria potestas §. 1.
Ejus eique respondentis obligationis indoles §. 2.
Oritur illa ex lege naturali & civili §. 3.
Ob factum aliquod prævium §. 4.
Jure civili competit soli patri §. 5.
In patria potestate existunt liberi potissimum jussu generati §. 6.
Effectus patris potestatis respicit personas & res §. 7.

Jus patris in personas liberorum §. 8. 9.
Et res §. 10.
Patrie potestatis contraria §. 11. 12.
Emancipationis usus hodiernus §. 13.
Aliquando ipso jure tollitur patria potestas §. 14.
Soluta patria potestate effectus naturales manent §. 15.
Jus civile hodie etiam regulariter observatur §. 16.

§. 1.



Principalis matrimonii scopus est, procreatio liberorum, hi ergo si sequantur, mutuum jus & obligatio, inter eos & parentes, nascitur: Nam parentes obligantur ad liberos alendos & educandos, hinc necessarium quoque habent jus, eorum actiones dirigendi, eosque ita formandi, quo commoda societatis hu-

E e e e 3

manæ

manæ membra evadant: Vice versa liberis competit jus petendi alimenta & educationem, sicut etiam directionem parentum admittere illi tenentur, quæ omnia, compendiosa locutione exprimi possunt, si, in liberos natos, constitutam esse *patriam potestatem*, dicamus.

§. 2. Patria potestas, intuitu Societatis civilis ac habito ad leges civiles etiam respectu, est *Jus, liberorum actiones dirigendi, eosdem delinquentes modicè coercendi, ac per illos, res certo modo acquirendi*. Illi, in liberis, respondet *obligatio, qua directionem illam admittere, parentes venerari, ac eorum commoda promoveri tenentur*, quæ obligatio, pro ratione juris; à lege formati, quoad Patrem & matrem, quandoque diversa est.

§. 3. Oritur patria potestas, ex *lege naturali*, nam, dum parentes sobolem generarunt, natam quoque alere ac sollicitè educare debent: Explendæ obligationi, aliquod requiritur imperium, quod adeo, cum illa, lex naturalis parentibus tribuit *v. OBSERV. PUFENDORF. Obs. 501. seqq.* Leges vero humanæ multa certius definiunt, quoad constitutionem, subjectum, effectum & durationem patriæ potestatis, quoniam illa, *juris civilis* recte dicitur.

§. 4. Non autem immediate leges patriam potestatem introducunt, sed potius ob *prævium aliquod factum*, & mero quidem jure naturali, ob *generationem*, ac *aliud actum consensualem*, illa acquiri potest, sed jure civili, per *generationem, justas nuptias præsupponentem, legitimationem & adoptionem* eadem acquiritur, qui tres modi, *patriam potestatem constituentes*, notissimi sunt. De nuptiis c. 2. diximus, duos posteriores modos, peculiari capite, deinde explicabimus; Illud tamen circa nuptias notandum, quod purativæ etiam aliquando sufficiant *L. 57. §. 1. de R. N. c. 2. 14. X. qui fil. sint. legit.* ut & vix contractæ, licet enim, ob anticipatum concubitus, parentes puniantur *v. c. 9. §. 5. 6. legitimæ* tamen liberorum conditioni, & patriæ potestati, inde nihil decedit *L. 11. C. de lib. natur.*

§. 5. Competit patria potestas, mero jure naturali, utrique *Parentum*, sed quatenus illa jure civili formata est, *soli Patri* *L. 3. 8. de his qui sui vel alien. §. fin. I. de P. P. §. 10. I. de adopt.* qui exinde *Paterfamilias* audit: aliquando tamen, in sensu laxiori, patres & matres familiarum dicuntur, qui, quæve sui juris, sive, à patria potestate liberati sunt, licet

licet tenerrimæ sint ætatis *l. 4. de his qui vel sui vel alien. l. 195. §. 2. de V. S. v. l. 2. c. 1. §. 20.* Mortuo patre, in matrem aut tertium, patria potestas non transiit, licet, solo jure naturali, talis transitio asseri queat *v. OBSERV. PUFEND. Obs. 507. seqq.*

§. 6. In potestate patria existunt *liberi*, & potissimum quidem ii, quos ex justis nuptiis procreavimus *l. 3. de his qui sui vel alien. qui inde filii, & filii familiarum audiunt l. 4. cod.* & nihil refert, sive primi, sive ulterioris gradus sint, in filiarum tamen liberis, potestas patria non continuatur *§. fin. I. de P. P. l. 195. §. fin. l. 196. §. 1. de V. S. l. 2. §. 1. l. 29. solut. matrim. l. 1. §. fin. de injur.* imo hodie, fere nec in filiorum liberis, cum illi, inito matrimonio, plerumque à patria potestate liberentur, adeoque in liberos proprios habeant potestatem illam: Illud etiam nihil refert, sive teneræ, sive adultæ ætatis sint liberi, etsi fatendum sit, quod, crescentibus annis, directio paterna quodammodo imminuatur ac mutetur *v. OBSERV. PUFEND. Obs. 511. seqq.*

§. 7. Intelligendo patriæ potestatis effectui, in statu naturali distinguenda est potestas, quæ Patri, quæ tali, & quæ Capiti familiæ competit, sed in statu civili, illa distinctione non opus, cum omne jus Patris, patriæ potestatis nomine veniat *v. OBSERV. PUFENDORF. Obs. 510. 511. 516.* de cætero illa respicit vel *personas*, vel *res* liberorum, nam ad hæc duo capita, omnes effectus speciales, revocari posse videntur.

§. 8. Quoad *personas*, olim competiit Patri (1.) *facultas liberos reccens natos abijciendi & necandi l. 11. de liber. & posth. v. NOODT. de part. exposu.* sed hæc, non jus fuit, sed inhumanitas, adeoque merito cessat (2.) *jus vitæ & necis, ob delictum l. 3. fin. C. de patr. pot.* sed & hoc jus, licet in se iniquum non sit, rectius Patri fuit ademptum *v. CARPZ. p. 2. qu. 100. n. 34. seqq. PUFEND. de J. N. G. l. 6. c. 2. §. 12.* (3.) Competit *dominium in liberos*, hinc pater eos remediis possessoriiis *l. 1. §. 1. de lib. exhib. & petitoriis l. 14. §. 13. de furt. §. 9. I. de obligat. que ex del. vindicat, ac, in casu necessitatis, vendit l. 2. C. de patrib. qui fil. distr.*

§. 9. Denique Patri etiam competiit (4.) *Jus, liberorum adiones dirigendi*: hinc delinquentes castigare potest *l. un. C. de emend. propinqu.* ex eo etiam fluunt tutoris datio *§. 3. I. de tutel.* substitutio pupillaris *l. 2. de V. & P. substit.* negata liberis facultas testandi *l. 6. qui testam.*

testam. fac. poss. aut, sine consensu patris nuptias ineundi *l. 12. C. de nupt. pr. l. eod.* vel mutuam accipiendi pecuniam *l. 1. de Scio Maced.* & si qui alii ejus generis sunt effectus, qui tamen moribus nonnunquam temperantur.

§. 10. Quoad *res*, ille effectus est, quod *bona liberorum patri acquirantur*, quod tamen, successu temporis, varie temperatum est, introductis diversis peculiorum speciebus, de qua re, proprio Capite, deinceps agemus. In iis vero casibus, in quibus bona ad Patrem spectant, Pater & liberi habentur pro una persona *l. fin. C. de impub. & aliis substit.* §. 4. *l. de inutil. stipul.* hinc inter eos nulla obligatio *d. §. 4. nec lis est l. 4. u. de judic.* liberi in judicio stare nequeunt *l. 9. 13. de O. & A. l. 18. §. 1. l. 57. de judic. l. 8. de procur. v. PEREZ. ad C. qui legit. pers. standi n. 3.* ac sunt Patri sui hæredes §. 2. *l. de hered. qualis. & differ.* cujus tamen suiratis non tantus hodie est effectus, ac olim fuit.

§. 11. Patria potestas aliquando *desinit*: In genere modi tollendi, sunt vel *communes*, qui tam in persona patris quam filii, vel *proprii*, qui in sola persona filii accidunt. Ad illos pertinet (1.) *mors naturalis* *pr. l. quib. mod. jus patr. & civilis*, quæ maxima & media capitis diminutione contingit §. 1. *l. eod.* hodie banno, quo quis, velut hostis, vel Territorio, vel toto Imperio expellitur. Sola peregrinitas, vel amissio juris municipalis, tollendo juri patrio, non sufficit *v. CARPZ. p. 3. qu. 130. n. 52. PHILIPP. Us. pract. Instit. Eclog. 75. (2.) adoptio* juxta doctrinam §. 11. *l. de adopt. §. 8. l. quib. mod. jus patr. pot. toll.*

§. 12. Modi proprii sunt (1.) *dignitas*, cum aliquo munere conjuncta *Nov. 81. c. 1. §. 1. junct. l. fin. C. de decur.* Hodie quæ ad summam Reipublicæ pertinet *HUBER in posit. ad l. q. m. j. p. p. f. n. 6.* qualis, sine dubio, non est Doctoratus *CARPZ. p. 2. C. 10. D. 4.* In genere modi hujus exiguus hodie est usus, nam filii in dignitate constituti, familiam paternam deferunt adeoque, hac ratione, à patria potestate, liberantur (2.) *Emancipatio*, quæ est actus, quo voluntate patris §. *fin. l. q. m. j. p. p. f. l. 31. de adopt. l. 4. C. de emanc.* liberi non dissentientes *l. 5. C. cod. Nov. 89. c. 11. pr.* coram competente judice quocunque loco *l. 36. de adopt.* è patria potestate dimittuntur §. 6. *l. q. m. j. p. p. f. l. fin. C. de emanc.*

§. 13. Aliquando etiam Pater liberos emancipare debet, ob con-

senſum *l. 1. §. 3. ſiquis à Par. manum. l. 92. de C. & D. vel delictum l. ſui. ſi quis à Par. man. l. 12. C. de episc. audi. l. 6. C. de ſpectac. l. 32. 33. de adopt. l. 3. §. 6. de minor. v. HUBER. in poſit. ad I. q. m. j. p. p. ſ. n. 14. Hodie emancipatio expreſſa, rarioreſt, tacite vero illa fit, ſi (1.) liberi majorennēs, voluntate Patris, familiam paternam deſerant, aut (2.) negotientur, vel (3.) matrimonium inceant, quod ultimum tamen, in Saxonia, in ſolis filiabus, etiam minoribus, procedit *v. CARPZ. p. 2. C. 10. D. 1. ſeqq. HUBER. d. l. n. 16. LAUTERB. C. J. de adoption. Jure Romano per emancipationem etiam agnatio fuit ſublata §. 3. I. de capit. dimin.* Sed hic effectus hodie generaliter ceſſat *v. SPECIM. JUR. PUBL. l. 4. c. 9. §. 5.**

§. 14. Quandoque liberi, ipſo jure, à Patria poteſtate liberari cenſentur (1.) ob inceſtuoſam Patris digamiam *Nov. 12. c. 2.* quod tamen, perinde ac amiſſio bonorum, quā inceſtuoſus punitur, hodie forte non obtinet (2.) expoſitionem infantis *l. 2. C. de infant. expoſ. HUBER. d. l. n. 15.* ſed hoc ex *d. l. 2.* non probatur, & utique Pater exponens, ſi de eo conſtet, ad prolem recipiendam erit adigendus *conf. ZOES. ad ff. de adopt. n. 20. (3.) præſcriptionem l. 1. C. de patr. pot. ZOES. d. l. n. 21.* ſed nec ille modus ſatis probatur.

§. 15. Soluta patria poteſtate, ceſſant quidem effectus civiles, juſ tamen parentum, quod naturaliter ipſis competit, cum obligatione liberorum ſemper durat, niſi forte Parentes, graviore delicto, ſeſe eodem indignos fecerint *v. l. 35. de religioſ.* Regulariter igitur liberi auctoritatem & conſilium Parentum venerari, ac, ob ſumma beneficia, generationem ſcilicet & educationem *v. PUFEND. de J. N. G. l. 6. c. 2. §. 10.* data quāvis occaſione, gratitudinem, erga illos, oſtendere tenentur *v. t. 1. de obſequ. parent. præſtand. l. 6. C. de patr. pot. CARPZ. p. 2. qu. 100. n. 25. ſeqq. STRK in not. ad LAUTERB. de obſeq. Parent. conf. OBSERV. PUFEND. Obſ. 517. ſeqq.*

§. 16. Hodie juſ patrium, in quibuſdam locis, ignotum eſſe dicitur *v. LAUTERB. C. J. de hiſ qui ſui vel ſed uti illa aſſertio, ſi admitatur, de effectibus civilibus, ſaltem intelligenda eſſet, ita ejus veritas omnino dubia eſt, hinc, cum juſ Romanum, in ſubſidium receptum ſit, in dubio, i. e. ſi de legibus contrariis aperte non conſtet, pro ejus auctoritate, recte pronuntiatur *v. Conſt. Saxon. 10. p. 2. Interim**

Fff ff

ve-

verum est, quod non nonnulli effectus, qui v. gr. matrimonia libero-
rum, vel eorum res respiciunt, tam rigide, ut olim, hodie non obtine-
ant. De cætero ut alia jura privata, ita hæc etiam Statibus imperii ap-
plicari possunt, sed cum temperamento, quod ipsorum conditio expo-
scit, de quo in SPECIM. JUR. PUBL. l. 4. c. 9. §. 7. seqq. dixi.

CAPUT XI. DE AGNOSCENDIS ET EDU- CANDIS LIBERIS.

SUMM A R I A.

Parentes liberos agnoscere debent §. 1.

Aliquando filiatio est controversa inter parentes
& liberos §. 2. 3.

Nec non inter conjuges §. 4.

Cujus generis controversæ apud Romanos non
erant infrequentes §. 5. 6.

Denique inter conjuges & extraneos §. 7.

Quod exemplis illustratur §. 8.

In controversis filiationis aliquando opus est in-
spectione ventris §. 9.

Nonnunquam in tempus pubertatis illæ differun-
tur §. 10.

Probatio filiationis difficilis est §. 11.

Conjectura pro illa desumitur à matrimonio §.
12.

Quæ contraria probatione elidi potest §. 13.

Aliis etiam conjecturis filiatio ostenditur §. 14. 15.

Quo sensu conditio probandæ filiationis in po-
testate filii non esse dicatur in l. 83. de condit.
& demonstr. §. 16.

Qui in possessione est, probare non debet §. 17.

Liberi sunt alendi §. 18. 19.

A patre vel ejus ascendentibus §. 20.

Etiam liberis illegitimis alimenta præstari debent
§. 21.

Alimentorum nomine omnes sumptus educationis
hic intelliguntur §. 22.

Obligatio alendi liberos aliquando cessat, sicut
hi quandoque parentes alere debent §. 23.

Officii parentum, quoad liberorum educationem,
summa & abusus §. 24.

§. I.



Agnitio liberorum, generalius accepta, triplici respec-
tu, occurrere videtur, quoad *parentes*, *conjuges* &
extraneos. Primum quod attinet, apud Romanos,
peculiari sensu, agnitio liberorum olim occurrebat,
nam erat in arbitrio Parentum, qui etiam de prole
ex sese genita, non dubitabant, utrum eam agnosce-
re, tollere ac educare, an abicere vel necare vellent, quæ inhumanitas
demum in l. 2. C. de infant. expos. prohibita est, de quo, professio stu-
dio

dio egit NOODT. *de part. expos.* Cum verò feritas illa, juri naturali repugnet, hinc illius generis agnitio, in nulla gente, cui vel levis hostilis sensus inest, hodie occurrit aut toleratur *conf. OBSERV. LAUTERB. Obs. 792.*

§. 2. Præterea vero accidere potest, ut vel Parentes, liberos, vel hi, illos, suos esse negent, quo casu, de liberis agnoscendis, quæstio existit. Inter conjuges quidem bene compositos, regulariter de hac re nihil auditur, qui liberos natos tenerrimo affectu prosequi, ac pro suis agnoscere & educare solent; ast quoad prolem illegitimam, aut ubi castitas uxoris, marito est suspecta, hujus generis controversiæ, non sunt insolitæ, nonnunquam etiam ex metu, odio, ignorantia vel spe lucri filiatio negatur aut asseritur, vel, absentiâ liberorum aliisque casibus, incerta redditur *v. DN. M. CRELL. disput. de Liberor. proprietat. ex caus. natur. & moral. dijudic. hab. Lips. 1706. §. 6. seqq.*

§. 3. Quoad prolem illegitimam notandum, quod tam à matre, quam patre, filiatio aliquando soleat negari, evitandæ ignominia, vel oneri alendi. Quandoque parentes spuriam prolem tacite agnoscunt, eidemque alimenta suppeditant, aut etiam adultam ministeriis suis adhibent, aperte tamen furtivæ Veneris pignora, pro liberis habere nolunt. De cætero omni casu, quo filiatio controversa est, habet locum actio præjudicialis, qua vel liberi contra parentes, vel hi, contra illos agunt, ad filiationem agnoscendam.

§. 4. Secundo, inter conjuges, de liberorum agnitione, aliquando disceptatur. Et quidem, constante matrimonio, maritus partum adulterinum vel suppositum dicere potest, quo casu ille, accusationem adulterii, vel suppositi partus, instituere *v. l. 19. §. 1. l. 30. §. 1. de Leg. Cornel. de fals. vel uxor, actione præjudiciali, de partu agnoscendo, agere potest l. 3. §. 1. de agnos. & alend. liber. quæ, mortuo marito, contra avum instituitur d. l. 3. §. 2.* Vice versa uxor quoque sobolem genuinam negare potest, si forte maritus partum adulterinum, legitimæ proli adjungere velit, quo casu priora remedia locum habent, sed ille rarius videtur.

§. 5. Apud Romanos, post divortium, ejusmodi disceptatio non erat infrequens. Uxor, factò divortio, intra 30. dies continuos *l. 1. §. 9. de agnos. & alend. lib.* marito vel ejus patri, ad domum denun-

ciare debebat; se esse prægnantem *l. 1. §. 1. 2. cod. v. RÆVARD. conjectan. l. 2. c. 11.* quo factò, maritus statim custodes ventris mittebat, vel scæminam, ex se non esse prægnantem, denunciabat *l. 1. §. 6. cod. quibus peractis, actione præjudiciali, de partu agnoscendo, agitur l. 1. §. 4. 11. 16. cod. eaque, agnitio liberorum, pro ratione peractæ probationis, definitur l. 1. §. 16. l. 2. 3. cod.*

§. 6. Uxore denunciationem omittente, vel missos custodes non admittente, maritus partum, quoad alimenta interim præstanda, agnoscere non teneretur *l. 1. §. 6. cod. salva nihilominus actione præjudiciali, ipsi proli natæ l. 1. §. 8. 13. 15. cod.* Vice versa maritus, facta denunciatione, custodis missionem, vel contrariam denunciationem, omittens, partum quoad alimenta, agnoscit *l. 1. §. 4. 12. 14. 15. cod. quæ erat pænna denunciati v. l. 9. C. de patri. pot. NOODT. de part. expos. c. 3.* actione tamen præjudiciali, partum suum esse, negare potuit *l. 1. §. 12. 15. in fin. de agnosc. lib.* Si uxor, post divortium, negabat se prægnantem, maritus contra affirmabat, venter inspiciendus, ac, deprehensa graviditate, custodiendus erat *l. 1. de inspic. ventr.* Hodie, cessantibus divortiis, horum nullus usus.

§. 7. Denique tertio, inter conjuges & extraneos, aliquando, de liberorum agnitione, disceptatur. Regulariter quidem, quem parentes pro suo agnoscunt, is ab aliis quoque, pro tali, habetur, sed nihilominus, ob præjudicium, quod subest, quandoque alii contradicunt, ac, prolem adulterinam vel suppositam esse, contendunt, id quod non tantum inter privatos, circa successiones potissimum, contingit, sed & inprimis, circa Regum liberos, ob gravissimum, quod metuitur, incommodum accidit, ceu notissimo exemplo Principis Wallisii, quem vocant, in Anglia, ante aliquot annos, occurrente, intelligitur.

§. 8. Imo alio adhuc sensu, prolem dubiam nonnunquam redere solent extranei, dum eam, suam esse contendunt, qualis controversia olim Regi Salomoni oblata *1. Reg. 3.* cui similis, in Prætorio Lipsiensi, anno 1702. ventilari cœpit, ubi duæ scæminæ plebejæ, eundem puerum, summo conatu, ancipiti disceptatione, ambiguis testibus, puero ipso dubio, probabilibus utrinque signis ac testimoniis & sollicitè inquirente judice, filium sibi vendicarunt, donec altera, probatione meliori, causam vicerit filioque sit potita, quem casum DN. CRELL. in diss. §. 2. citata, plenius recenset §. 5. seqq.

§. 9. In hujusmodi controversiis aliquando opus est. ut venter, i.e. uxor prægnaus, inspiciatur, ac id sedulo agatur, ne vel partus falsus subjiçiat, vel proli, quæ adest, injuria inferatur. Hinc custodes apponendi, ac uxor in bona quandoque mittenda, Curator ei constituendus, illique, cum familia, alimenta præstanda sunt. Quod si autem mulier, in possessionem missa, dolose eam in alios transferat, vel, per calumniam, illam obtinuerit, tum, lædentes, ad damnum, iis, quorum interest, refarciendum, naturaliter etiam, teneri, manifestum est, quo pertinent provisiones Prætorix in *tit. de ventre inspiciendo cum seqq.* ut &, suo modo in *tit. de ventr. in possession. mitt.* vid. *l. 1. §. 14. v. d. t.* quarum omnium, cum, ex generalibus æquitatis & prudentiæ principiiis, fluant, hodie quoque, in casibus habilibus, est usus *v. OBSER. v. LAUTERB. Obs. 794. 966. 967.*

§. 10. Quod si liberis impuberibus quæstio status moveatur, prævia causæ cognitione quali quali, ac filiatione utcunque apparente, in bona Parentum illi mittuntur *l. 1. §. 1. l. 3. §. 3. 4. 5. de Carbon. editæ.* & disceptatio plenior, in tempus pubertatis differtur *d. l. 1. §. 1.* nisi eorum interfit, eam quæstionem statim tractari *d. l. 3. §. 5.* Cautio interrim à pupillo est præstanda *l. 1. C. de Carbon. editæ.* aut, eâ omisâ, adversarius simul in bona mittitur, vel ei caventi bonorum administratio conceditur, neutro cavente, curator bonorum constituitur, qui impuberi, non etiam adversario præstat alimenta *l. 1. §. 1. l. 5. §. 1. 2. l. 6. §. 4. 5. de Carbon. editæ. v. LAUTERB. C. J. d. t.* quam sanctionem, æquitate subnixam, hodie quoque observari, dubium non videtur.

§. 11. Inprimis, in hujusmodi controversiis, opus est probatione filiationis, quæ sæpe satis difficilis, imò, certo respectu, impossibilis est. *v. MASCARD. de probat. concl. 787. seqq. MENOCH. de A. J. Q. l. 2. Cas. 89.* Equidem mater dicitur esse certa *l. 5. de in jus voc.* sed hoc non alio sensu verum est, quam quod mater, quæ prolem enitur certissima sit, se esse matrem, quali certitudine pater se dicere patrem non potest, nisi forte casu rarissimo *v. DN. THOMAS. dissert. de fil. sub. condition. filiat. prob. inst. c. fin. §. 7.* Porro si aliqui actui pariendi interfint, ac scæminam quandam, prolem eniri videant, tum & illi certissime hætenus norunt matrem; Sed si ab hoc actu abeas, ac prolem parentibus suis subductam, aut saltem adultam supponas, mater non minus, quam pater, potest esse incerta.

§. 12. Regulariter igitur directe filiatio probari nequit, sed ea saltem probanda sunt, ex quibus illa præsumatur. Pater itaque est, quem nuptiæ demonstrant *l. 5. de in jus voc.* quod ad matrem quoque, suo modo, applicari debet. Porro filius esse censetur qui in matrimonia natus est *l. 6. de his qui sui vel alien.* quæ dictamina rectæ rationi maxime conveniunt. Hinc literarum natalitiarum, quibus etiam jurati testes aliquando interveniunt, non alius est sensus, quam quod de matrimonio, & nativitate, in eo, facta testentur, ex quo filiatio præsumitur: Eodem pertinet juramentum, quod, ratione nativitatis legitimæ, à Magisterii Candidatis, in Academiis nonnullis, exigi solet.

§. 13. Atque ista filiationis probatio, legitima & sufficiens est, in primis si conjuges prolem, pro sua, agnoscant, quamdiu contrarium non probatur, nam præsumtio juris & de jure, exinde non oritur, quod male existimasse videtur Supremum Auditorium Parisiense, in casu quem refert D^N. THOMAS. in not. ad HUBER. posit. de agnosc. & alend. lib. II. 4. Potest igitur ostendi, prolem esse illegitimam & alienam, ratione mariti, si v. gr. hoc per decennium absente, filius natus sit *l. 6. de his qui sui vel alien.* conf. *l. 1. §. 14. de agnosc. lib.* quod exemplum male ridet Wissenbachius v. THOMAS. d. dissert. c. fin. §. 9. sola tamen adulterii probatio, negandæ filiationi non sufficit *l. 11. §. 9. de adult.* quamvis fide hac simul actum sit, res judicata, pro illa, & contra eam, jus faciat *l. 1. §. 16. l. 2. 3. de agnosc. & alend. lib.* Porro ratione utriusque conjugis, filiatio negari potest, si sobolem suppositam esse, ostendatur *l. 4. C. de his.*

§. 14. Quod si præsumtio, à matrimonio desumenda, deficiat, ut circa prolem illegitimam contingit, vel etiam legitimam, si Parentibus ad tempus subducta adeoque incerta reddita sit, tum aliis probationibus opus est. Et habent hic locum testes, fama, instrumenta, jusjurandum; confessio contra seipsum, nec non Parentum *l. 1. §. 12. de agnosc. lib. l. 16. de probat.* quæ probationes omnes, eo plus minusve ponderis habent, quo magis aut minus de circumstantiis, ex quibus filiatio præsumenda, testantur, & quo magis aut minus, per oppositas conjecturas, eliduntur v. *l. 15. 29. de probat. l. 14. C. cod.* Sic stuprum confessus, pro patre habetur, nisi præsumtio scortationis, quoad matrem, subit v. *c. 9. §. 12.*

§. 15. Præ-

§. 15. Præterea etiam conjecturæ filiationis, desumuntur ab aliis circumstantiis, puta (1.) ab *educatione* (2.) *similitudine temperamenti, morum & affectuum* (3.) à *similitudine externa* (4.) *signis gentilitiis*, quæ, in nonnullis gentibus, reperiri dicuntur; sed illis omnibus, si aliæ circumstantiæ non concurrant, parum vel nihil ponderis, in probanda filiatione, inest (5.) à *notis, natura vel casu quodam inditis*, quo argumento mater, cujus §. 8. mentio facta, causam vicit, cum enim punctulo quodam, puerum à natura notatum diceret, illudque in eodem reperiretur, assertionem juramento confirmare iusta est, quo facto, ac adversariâ non amplius contradicente, filium accepit (6.) *ab effectu parentum*, quo argumento, Rex Salomo, oblatam controversiam diremit v. DN. CRELL. *dissert.* §. 2. citatam, §. 18. *seqq.*

§. 16. Ex his intelligi potest, quo sensu, *conditio probande filiationis, in potestate filii non esse*, dicatur in l. 83. *de condit. & demonstr.* nimirum eo, quod, omiſſa præſumptione, quæ à matrimonio, eique innexa nativitate, desumitur, in potestate filii non sit unice situm, filiationem ostendere: hanc enim probationem, esse perincertam, ac multis casibus obnoxiam, facile liquet, hinc utut illa conditio, non sit plane impossibilis, attamen nec potestativa est. De hac autem probatione, textum illum esse accipiendum, ex eo patet, quod testator, conditionem injungens, *matrimonium & nativitatem*, ipse fateatur, adeoque dubio procul alia, quam inde desumpta, probatione, filiationem ostendi velit.

§. 17. De cætero id æquitas manifeste suggerit, ut à probatione immunis sit, qui in possessione est v. l. 14. *de probat.* l. 7. §. *fin. de liberal. caus.* quamvis, si adversarius probationem contrariam suscipiat, hanc utique diluere debeat possessor, si illa alicujus momenti sit, nec velit succumbere; De eo etiam dubitandum non est, quin possessor, ultro probationem juris sui suscipere possit. d. l. 14. *de probat.* Quod si neuter in possessione sit, tum possessorium antea instituendum, ut constet, quis actoris partes sustinere debeat d. l. 7. §. *fin. de lib. caus.* hoc tamen præcise non est necessarium, maximè eo casu, ubi duo, circa filium, contendunt, tum enim filius controversus apud tertium deponi v. l. 3. §. 6. *de lib. exhib.* & utrique probatio injungi potest, ceu etiam in casu §. 2. memorato, observatum est.

§. 18. Liberos, sive statim, sive post aliquam contradictionem, agni-

ni-

ritos, Parentes recte educare debent, id quod summam in eo consistit, ut *ipsis alimenta necessaria praebeant*, ac illorum corpus ac animam ita forment, quo Deo. *sic ipsis & proximo, aliquando inferuire queant v. OBSERV. PUFEND. Obs. 519.* Primo igitur liberi sunt alendi *v. l. 4. §. 2. 10. de agnosc. lib. l. 1. §. 3. de J. & J. l. un. §. 5. C. de R. U. A. l. fin. §. 5. C. de bon. quæ lib. & quidem primario sumtibus patris v. l. §. 1. de agnosc. lib.* quamprimum nati sunt, neque enim inhumanitas, apud Romanos olim usitata, qua liberi recens nati, abjici poterant, vel obtinet, vel obtinere debet *v. §. 1. h.*

§. 19. Cum vero tenella proles, lactanda sit, & hoc ad triennium fere, apud Romanos, olim obtinuerit, igitur, post hoc tempus, alimenta præstanda esse dicuntur *l. 9. C. de patr. pot.* quo ipso tamen alimenta, præcedenti tempori convenientia, non negantur *v. CARPZ. p. 4. C. 27. D. §.* An vero mater prolem, aliis lactandam committere possit, conscientiae quaestio est, quæ ob justam causam, affirmari potest, quamvis forte officium maternum, non semper, prout par erat, hic observetur.

§. 20. Deficiente patre ad ejus ascendentes, onus alendi pertinet *l. §. 2. l. pen. de agnosc. lib.* quod si hi vel desint, vel non sufficiant alendæ proli, mater, vel ejus parentes istud officium subire debent *d. l. §. 2. v. CARPZ. p. 2. C. 10. D. 19.* Quod si mater alimenta, patris loco, præstiterit, eadem ab hoc repetit *v. l. 2. 3. de N. G.* Ratio autem, quod Pater potius, quam liberos alere teneatur, à jure mariti, quod in bona uxoris habet, vel, his deficientibus, ob ejus consensu, dependere viderur, nec inique etiam in compensationem operarum molestarum, quas mater subire debet, sumtus educationis Pater ferre cogitur.

§. 21. Alendi sunt liberi cujuscunque sexus aut gradus, sui & emancipati *l. §. 1. 2. l. 8. de lib. agnosc.* legitimi & illegitimi *auth. licet C. de natur. lib. v. c. 9. §. 2. 12. seqq.* etiam incestuosi & adulterini *c. 5. in fin. X. de eo qui duxit in matrim. quam poll. adul.* nec aliud constitutum jure Romano *v. OBSERV. LAUTERB. Obs. 793.* Quod si, culpa unius conjugis, matrimonium sit solutum, tum sumtibus nocentis, apud innocentem, liberi educantur & aluntur *l. 1. & seqq. auth. C. divort. fact. apud quem lib. educ.* Sed hodie explicarius dici potest, matrimonio, per culpam uxoris soluto, patrem liberos alere debere, qui tamen jura sua, in uxoris bona, retinet: si vero culpa mariti, tum apud matrem, tum-

sumtibus patris aluntur liberi, si conjux nocens bonis destituitur, innocentiori onus alendi accrescit *v. STRYK de diffens. spons. Sect. 6. §. 44. seqq. conf. SPECIM. JUR. ECCLES. l. 5. c. 6. §. 21. seqq. OBSERV. LAUTERB. Obs. 783.*

§. 22. Alimenta aliquando strictè accipiuntur pro iis, quæ esui potuique inserviunt *l. 8. §. 12. de transact. v. l. 21. de alim. leg. aliquando generalius, pro iis omnibus, quæ ad vitæ sustentationem requiruntur l. 6. de alim. legat. l. 43. 44. 234. §. fin. de V. S. l. 12. §. 3. de admin. tutor. l. 4. ubi pup. edu. deb. l. 6. §. 5. de carbon. edit.* Sed hoc loco omnes sumtus, quos educatio liberorum requirit, hoc nomine comprehenduntur. Quod si laram illam suppositionem nolis admittere, hoc tamen certum, quod tam alimenta, quam cætera impendia, pro modo facultatum, parentes præstare debeant *l. 5. §. 7. 10. 12. 19. de agnos. lib. l. 5. C. de Scit. Maced. l. 17. ff. cod. l. 7. §. fin. l. 3. §. 3. de in rem vers. quo sensu etiam sumtus funeris alimentis comparari possunt l. 28. de relig. v. CARPZ. p. 2. C. 46. D. 23. qu. 68. n. 115.*

§. 23. Necessitas alendi cessat, si liberi se ipsos sustentare, operis suis, queant *l. 5. §. 7. de agnos. lib. vel bona propria habeant v. CARPZ. p. 2. C. 10. D. 18.* si tamen parentes nihilominus alimenta, aliaque impendia, præstiterint, in dubio liberis illa censentur donasse *l. 34. ff. l. 11. C. de N. G. l. fin. C. de dot. prom. CARPZ. d. C. 10. D. 22.* E contrario aliquando liberi parentes alere coguntur *l. 5. pr. §. 1. 2. 15. de agnos. & alend. lib. l. 8. C. de bon. que lib. quæ obligatio quoad fratres non occurrit, etsi vinculum humanitatis & cognationis simile officium quandoque exposcat v. l. 12. §. 3. de admin. tutor. CARPZ. d. C. 10. D. 19. conf. LAUTERB. C. J. de agnos. & alend. lib.*

§. 24. Præterea ad officium Parentum pertinet, ut corpus & animus liberorum, per dextram & cordatam educationem, in usum vitæ civilis, recte forment *v. §. 18.* adeoque eos ad idoneum & honestum vitæ genus applicent, & quantum ratio & occasio fert, fortunam ipsorum fundent & promoveant. Sed uti hanc officii partem non raro Parentes ex nimio amore negligunt, adeo ut liberi, non tantum inutilia, sed & noxia terræ pondera, sæpe evadant, ita nonnunquam cura liberorum, in aliorum injuriam, extenditur, ac abusu sui ipsi officium paternum prætexitur.

CAPUT XII. DE PECULIO LIBERORUM.

SUMMARIA.

Peculii natura & diversitas §. 1.

Peculium castrense §. 2.

Ejus objectum §. 3.

Effectus quoad filium §. 4.

Et patrem §. 5.

Peculium quasi castrense §. 6.

Adventitium regulare §. 7.

In eo competit patri usufructus §. 8.

Etiā post mortem filii, quod tamen hodie cessat §. 9.

Soluta patria potestate usufructus jure civili ex parte durat §. 10.

Administratio, onera §. 11.

Et alienatio patris quoad bona adventitia §. 12.

Peculium adventitium irregulare §. 13.

Usufructus legitimæ patri potest auferri §. 14.

Executiuntur rationes contrariæ §. 15. 16.

Ac prior sententiæ rationibus positivis confirmatur §. 17. 18.

Jus liberorum in adventitio irregulari §. 19.

Peculium profectitium §. 20.

Ad patrem pertinet §. 21.

Ufus peculiorum hodiernus §. 22.

§. 1.



Effectus patriæ potestatis præcipue etiam, circa *res liberorum*, conspicitur v. c. 10. §. 10. Nam olim liberi nihil proprii habebant, sed saltem *peculia* id est, *bona quedam*, à rationibus paternis separata, ex *precaria Patrum concessione*, ad exemplum servorum, tenebant v. l. 4. 5. 8. 32. *pr. in fin. l. 39. 40. 47. §. 6. de pecul. l. 182. de V. S. l. 20. §. 10. de hered. petit. l. 56. de R. V. v. VINN. ad §. 1. §. per quas pers. nob. acquir. conf. l. 16. pr. ad Sc. Trebell. l. 79. §. 1. de Legat. 3. l. 9. §. 3. de jur. dot. l. 31. §. 1. de donat.* Sed, successu temporis, rigor ille temperatus, ac plus juris liberis, quoad bona, concessum est, hinc *peculii* varietas exitit; Est enim *militare*, & *paganum*, illud, *castrense*, vel *quasi castrense*, hoc *adventitium*, vel *profectitium*, prius iterum, *regulare*, vel *irregulare*.

§. 2. Peculium castrense est, quod, occasione militiæ instantis, *filiosam* obvenit, ac, favore belli, pleno jure, ipsi acquiritur v. l. 11. 12. ff. l. 1. C. de cast. pecul. Acquirunt igitur tale peculium filiosam, qui in militiam eunt, vel jam militant l. 6. 11. ff. l. 1. C. d. t. missi illud retinent

nent *l. 19. §. 2. cod. l. 26. §. 1. de testam. milit. de novo* verò, ob militiam præteritam, non acquirunt *l. 15. de castr. pec. si paterfam. in bello aliquid acquisiverit, ac postea se adrogandum præbuerit, res castrenses, olim acquisitæ, in castrense peculium degenerant l. 4. §. fin. cod.*

§. 3. Peculium igitur castrense constituunt omnes res mobiles, filiosam. in militiam eunti, militiæ intuitu, donatæ, non etiam immobiles *l. 11. ff. l. 1. C. de castr. pec. l. 4. C. fam. ercisc. l. 3. §. 4. de donat. inter V. & U.* Porro omnes res, in militia, vel ejus occasione, quæstrix, aut pecunia aliisque rebus castrensibus comparatæ, mobiles & immobiles *l. 1. 4. C. l. 5. 19. ff. de castr. pecul. l. 4. C. fam. ercisc.* Hæreditas verò matris, vel aliorum propinquorum ad peculium illud non pertinet *l. 8. 16. §. 1. ff. l. 1. C. de castr. pec.*

§. 4. Filiusam. in hoc peculio, habet plenum dominium *l. 6. C. de bon. quæ lib. l. 1. p. §. 2. C. de usufr. pr. l. quib. non est perm. fac. hinc ea omnia, quæ vel ex dominio fiunt, vel illud comitantur, hic obtinent v. l. 1. §. 15. de collat. l. 17. §. 2. ad municip. l. 4. §. 1. de usurp. l. 2. C. de castr. pec. l. 15. §. 1. seqq. ff. cod. l. 4. de judic. l. 7. de castr. pec. l. 1. §. 9. de separ. l. 6. 18. de re jud. in specie filiusam. de eo potest testari *l. 2. C. l. 4. §. 2. l. 5. 6. de castr. pec. l. 7. §. fin. de donat. pr. l. quib. non est perm. fac. test. cujus ratio non à p'enitudine domini, vel libertate alienandi, sed qualitate Patrisam. quæ hic occurrat l. 2. de Sc. Maced. l. 6. §. fin. de injust. rupt. irrit. dependere censetur. Si filiusam. minor sit, pater curatoris vices sustinet l. fin. pr. C. de curat. furios.**

§. 5. Pater, vivente filio, nihil juris, in hoc peculio, habet *l. 10. de castr. pec. l. 6. pr. in fin. C. de bon. quæ lib. l. 98. §. 3. de solut. hinc, in ejus præjudicium, nihil facere ei licet v. pr. l. quib. non est perm. fac. l. 12. 18. §. 1. 3. de castr. pec. l. 6. §. 3. C. de bon. quæ lib. nec potest, eo nomine, invitatus conveniri, vel sine cautione rati, agere l. 18. §. 4. 5. de castr. pecul. Filio intestato mortuo, pater olim, jure peculii, bona castrensia retinuit *l. 1. 2. 9. 14. 19. §. 3. ff. l. pen. C. cod. sed hodie consveta succedendi ratio, in iis, obtinet l. 3. 4. C. de bon. quæ lib. Nov. 118. c. 2.**

§. 6. Peculium quasi castrense est, quod ex literis, vel earum oc-

caſſione, filiisſam. obvenit, ac pleno jure ipſis acquiritur v. §. fin. I. de milit. teſtam. l. 6. pr. in fin. C. de bon. quæ lib. l. fin. pr. 1. C. de inoffic. teſtam. auth. presbyteros C. de epiſc. & cler. Tale ergo peculium habent, qui literaſtractant, ac per eas, vel earum intuitu, aliquid acquirunt v. l. 34. 50. C. de Epiſc. & Cler. l. fin. C. de inoff. teſtam. l. 7. C. de adſeſſ. l. 4. 8. 14. C. de advoc. 1. Non male ergo huc etiam refertur, quicquid Studioſis occasione ſtudiorum obvenit: In illo peculio filiisſam. habent plenum dominium. cum conſvetis effectibus, patri autem nihil juris competit v. l. 4. 8. C. de advocat. 1. l. 6. pr. §. 3. C. de bon. quæ lib. l. 1. §. 15. de coll. l. 34. 50. C. de epiſc. & cler. l. 7. §. fin. de donat. l. fin. §. 1. C. de inoff. teſtam. l. 1. §. 6. ad SCt. Trebell. l. 3. §. 5. de bonor. poſſeſſ. LAUTERBACH. C. J. de pecul.

§. 7. Peculium adventitium regulare eſt, quod ſine conſideratione militiæ, nec ex re Patris, aut ejus intuitu, liberis ita acquiritur, ut ad illos, proprietatis, ad patrem, uſusfructus pertineat v. l. 6. 8. C. de bon. quæ lib. Habere poſſunt tale peculium omnes liberi, cujuſcunque ſint ſexus, ætatis vel conditionis, nam ratio acquirendi in omnes cadit v. l. 6. C. de bon. quæ lib. Pertinent huc bona materna l. 1. 2. C. de bon. mat. lucra nuptialia l. 1. 4. C. de bon. quæ lib. & quæ ex liberalitate aliorum liberis obveniunt, vel ſuis operis hi acquirunt l. 6. C. de bon. quæ liber.

§. 8. In hoc peculio Patri competit uſusfructus, vi patriæ poteſtatis l. 6. C. de bon. quæ lib. §. 1. l. per quas perſ. acquir. hinc matri idem jus non aſſerendum v. CARPZ. p. 2. C. 10. D. 13. Dec. Saxon. 62. Patri autem, in omnibus rebus adventitiis, præſentibus & abſentibus, conſumtibilibus & non conſumtibilibus, uſusfructus regulariter tribui debet d. l. 6. pr. §. 2. C. de bon. quæ lib. Nov. 22. c. 34. j. l. 69. ad L. Falcid. licet liberi, ex bonis Patris, non alantur CARPZ. d. l. D. 7. & quidem ad dies vitæ l. 1. C. de bon. matern. l. 4. fin. §. 5. C. de bon. quæ lib. ſi Patrem, ante liberos, mori contingat, qui caſus eſt certus.

§. 9. Sed ſi liberi ante Patrem moriantur, tum nihilominus ille uſumfructum retinet l. fin. §. 1. C. ad SCt. Tertull. l. fin. C. commun. de ſucc. l. 3. C. de bon. quæ lib. vid. STRUV. S. J. C. exerc. 38. §. 28. in fin. CARPZ. p. 3. C. 17. D. 1. quia morte proprietarii uſusfructus non extingvitur STRYK in not. ad LAUTERB. C. J. de pecul. ad p. 27. ſed hæc tamen ratio pati videtur limitationem: niſi, morte proprietarii,
ſumul

simul tollatur causa usufructus constituti, quod sane in hoc casu fit, hinc ratio potius ex antiqua successione, qua fratres defuncti, Patri præferebantur, videtur desumenda, quare etiam, post *Nov. 118. c. 2. usufructus*, mortuo filio, probabiliter cessat. In Saxonia illius rei nullus usus, nam Pater mortuo filio succedit, in parte vero, quam conjux accipit, non ut pater, sed ut maritus, usufructum habet.

§. 10. Si filio usufructus adventitius sit concessus, tum patri simul datus intelligitur, hinc ejus duratio, ex utriusque persona æstimatur *l. fin. C. de usufr.* Post emancipationem pater, in omnibus bonis adventitiis, dimidiam usufructus partem retinet §. 2. *l. per quas pers. acquir. l. 6. §. 3. C. de bon. que lib.* Quod etiam dicendum, si per dignitatem filius, à patria potestate, liberetur, nam hanc etiam libertatem patri quodammodo debet. In Saxonia Pater, soluta potestate, nihil juris retinet *v. CARPZ. p. 2. C. 10. D. 5.*

§. 11. Ob usumfructum, dubio procul patri etiam competit libera administratio, licet filius perfectæ sit ætatis *l. 1. C. de bon. mat. l. 6. §. 2. l. 8. §. 3. C. de bon. que lib.* hinc etiam rationes non reddit *d. l. 6. §. 2. l. 8. §. 4. CARPZ. p. 2. C. 11. D. 5.* præterea nec inventarium conficere, nec alia, quæ ab usufructuariis aliâ exiguntur, præstare debet *l. fin. §. 4. C. de bon. que lib. CARPZ. p. 2. C. 10. D. 9.* Actiones quoque instituit & excipit, filii tamen habilis consensus accedere debet *l. fin. §. 3. C. de bon. que lib. CARPZ. p. 2. C. 10. D. 14.* sumrus litis, ex fructibus, pater quoque ferre tenetur *l. 1. C. de bon. mat. l. fin. §. 3. C. de bon. que lib.*

§. 12. Alienare autem Pater bona adventitia non potest, nisi ob causam necessariam & utilem, quo casu etiam immobilia, sine decreto, alienantur *l. 1. C. de bon. mat. l. 4. §. 4. §. 5. C. de bon. que lib.* Filius quoque proprietatem, sine patris consensu alienare nequit *l. fin. §. 5. C. de bon. que lib.* & habet in bonis Patris tacitam hypothecam, à tempore susceptræ administrationis, sed saltem ratione bonorum maternorum *l. 8. §. 4. C. de secund. nupt. l. 6. §. fin. C. de bon. que lib. CARPZ. p. 2. C. 24. D. 17.* In Saxonia tamen Electorali, ratione omnium adventitiorum *O. P. S. tit. 5. §. 1. CARPZ. p. 1. C. 28. D. 13. conf. LAUTERB. C. J. de pecul.*

§. 13. Peculium adventitium irregulare est, quod, extra causam castrensem & paternam, pleno jure liberis acquiritur. Eo pertinent

(1.) dona Principis vel Augustæ l. 7. C. de bon. quæ lib. quod ad Status imperii recte applicatur (2.) quod filiusfam. dissentiente patre, acquisivit l. fin. pr. C. de bon. quæ lib. (3.) quod fratri suo Germano, una cum Patre, succedens, ex hæreditate illa consequitur Nov. 118. c. 2. (4.) bona adventitia, in quibus pater juri suo renunciat l. 6. §. 2. C. de bon. quæ lib. v. CARPZ. p. 2. C. 10. D. 12. & inprimis (5.) quæ ea lege liberis dantur, ne patri ususfructus acquiratur *auth. excipitur C. de bon. quæ lib.*

§. 14. Ususfructum tamen legitimæ, liberis necessario relinquendæ, patri non posse adimi, multi volunt v. LAUTERB. C. J. de pec. verb. irregulare n. 2. Sed contraria sententia, quæ etiam nec autoritate, nec usu forensi plani destituitur, verior est, nam matris vel avi libertas, non tantum non restricta, sed etiam non obscure, in jure civili, agnita & confirmata est, quod utrumque breviter ostendendum.

§. 15. Pro libertatis quidem restrictione urgeri solet (1.) Patri competere ususfructum ipso jure, sed hoc verum est in bonis acquisitis, annon verò in acquirendis, patri ususfructus adimi possit, id hætenus manet in questione, cumque, quoad alia bona, extra legitimum, ususfructus patri recte auferatur, utique hac ratione, facultas, legitimæ ususfructum adimendi, negari nequit: Nec obest, si inter cætera bona & legitimam, hoc interesse dicas, quod in illis quidem libertas auferendi competat, non vero, in hac, nam ita supponitur id, de quo quæritur, si ve, mala ratio, per thesin probandam confirmatur, quod valde incongruum.

§. 16. Inprimis dissentientes, probandæ restrictioni, urgent (2.) Nov. 117. c. 1. Verum ibi legitima, & reliqua bona, non comparantur ratione ususfructus paterni, qui in illa non, in his vero, possit patri adimi, sed liberioris dispositionis quoad liberos, hoc sensu: legitima necessario liberis est relinquenda, sed cætera bona, pro lubitu, ipsis dari & non dari possunt, an vero ususfructus legitimæ patri adimi possit, id ibi neque dicitur, neque negatur.

§. 17. Alibi tamen libertas, legitimæ ususfructum adimendi, agnoscitur, nam potest mater liberos sub conditione: si pater eos emancipaverit, hæredes instituere l. 25. C. de inoff. testam. conf. l. 93. de condit. & demon. hac enim institutione, patri ususfructum legitimæ auferri, manifestum est, nam liberi demum, post impletam conditionem, si ve factam emancipationem, bona materna acquirunt,

runt, in bonis vero, post emancipationem, quæsit, patri, non competere usumfructum, tralatitium est, cum ergo directe ususfructus legitimæ patri possit adimi, directe quoque idem poterit.

§. 18. Non obstat, si, in liberorum emancipantium bonis, etiam patri usumfructum competere, contendas *l. 3. C. a. un. mater.* nam hoc ex *d. l. 3.* probari nequit licet eam ita etiam accipere videatur STRUV. *S. J. C. exerc. 38. §. 14.* Admittitur quidem pater, cum liberis emancipatis, ad successionem matris & conjugis concurrens, in portionem virilem ususfructus (quam dispositionem, velut specialem & æquam, per *Nov. 118.* non esse sublatam censet DOVEIL. *C. J. C. l. 9. c. 2.* nec dissentit BRUNNEM. *ad d. l. 3.*) sed exinde non magis patri ususfructus, quoad bona liberorum emancipatorum, asseri potest, quam matri, ex eo, quod illa etiam, certo casu, portioem ususfructus, ex hæreditate mariti, accipiat *auth. præterea C. de vir & ux. conf. OBSERV. LAUTERB. Obs. 433.*

§. 19. De cætero liberi, in peculio adventitio irregulari, plenum habent dominium, & si perfectæ ætatis sint, liberam quoque disponendi facultatem inter vivos *Nov. 117. c. 1. §. 1.* restari vero de illo nequeunt *l. pen. C. qui testam. fac. poss. v. §. 1. de milit. islam.* Si autem imperfectæ ætatis sint, tum, deficiente alio curator, pater, si velit, administrationem ejus subire potest *l. fin. §. 1. C. de bon. quæ lib. l. 7. pr. C. de curat. furios. CARPZ. p. 2. C. 10. D. 11.* Sed trius erit, si vel illi, qui ususfructum patri ademerunt, vel Magistratus, curatorem, quoad hæc bona, constituent *v. Nov. 117. c. 1. §. 1.*

§. 20. Peculium profectitium est, quod ex re patris, vel ejus contemplatione liberis obvenit, ac sola administratione, à cæteris patris bonis, est separatum *v. l. 7. pr. de donat. l. 46. de pecul. l. 18. §. f. l. 19. de pign. action. l. 41. §. 1. de R. V.* Habere tale peculium possunt omnes liberi *l. 1. §. 3. 4. de pecul. & eo pertinent (1.) eæ res, quas pater animo peculium constituendi, tradidit l. 4. pr. §. 2. l. 8. 49. de pecul. (2.) quæ, intuitu patris, sive animo ei donandi, liberis dantur v. l. 21. 22 de usufr. l. 10. §. 6. in fin. de V. & P. Substit. l. 5. §. 2. de jur. dot. l. 45. §. 4. de A. O. H. l. 6. de collat. v. OBSERV. LAUTERB. Obs. 434. (3.) quæ ex illis rebus amplius proveniunt l. 6. pr. C. de bon. quæ lib. §. 1. l. per quas pers. acquir. l. 79. de A. O. H. l. 1. §. 5. l. 4. de A. A. P.*

§. 21. Pater huius peculii plenum dominium & possessionem, filius vero, precariam saltem detentionem habet *v. l. 3. §. 4. de minor. l. 49. §. 1. de A. J. P. l. 93. de R. J. l. 7. de donat.* hinc quocunque tempore ei potest auferri, modo hoc non fiat in fraudem creditorum *l. 4. §. 21. de pecul. mortuo patre, filius illud confert l. 12. C. de collat. l. 13. C. famil. eccl.* Si in emancipatione pater non ademit, censetur illud filio iorasse *l. 31. §. 2. de donat.* qui etiam illud retinet, bonis paternis & fisco occupatis *l. 3. §. 4. de minor.* Ex contractibus filii, pater conveniri potest, licet cum eo, velut institutore, contrahi prohibuerit *l. 2. §. 1. l. 47. pr. de pecul.* nam hæc prohibitio, alterum illum consensum non excludit. Pro casuum autem diversitate, actio, quæ ex contractu contra patrem instituitur, *de peculio, vel tributoria* dicitur, de quo *l. 4. c. 19. §. 21. seqq.* actum.

§. 22. Peculia liberorum hodie generaliter cessare, nemo facile dixerit, diu tamen patria potestas facilius hodie solvitur, quam olim apud Romanos solvebatur, ideo peculiorum, tanta, ut olim, frequenti, vel minimum duratio non est. Hodie igitur fere de peculio adventitia saltem quaeritur, quod & ipsum tamen, rebus maternis & vitis, plerumque absolvitur, hinc quaestio: *an filius artifex, ex reus patris, an operis suis aliquid acquisiverit,* quam iudicis arbitrio committunt *v. LAUTERB. C. J. de pecul. verb. regulare lit. O.* hodie nullius vel exigui est usus. Porro peculia castrensi & quasi castrensi, hodie sunt rariora: Protectitia exigua, non plane cessant, sed proliora, ad effectum negotiandi concessa, vix occurrunt, hinc non actionis de peculio & tributoria, in foro non auditur, ceu jam admonitum *l. 4. c. 19.*

§. 21. seqq.

1656-52

CAPUT



16.
C1